


परमेश्वर उन खरा  
वचन



The Holy Bible in the Holiya language of India: परमेश्वर उन

खरा वचन

परमेश्वर उन खरा वचन

**The Holy Bible in the Holiya language of India:** परमेश्वर  
उन खरा वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन  
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023

3943f9d0-5b35-54ad-8e8f-1b7bf74924c6

## Contents

मत्ती . . . . .	1
मरकुस . . . . .	70
लुका . . . . .	116
यूहन्ना . . . . .	189
प्रेरतिगोळ . . . . .	237
रोमियो . . . . .	301
१ कुरनिथि . . . . .	329
२ कुरनिथि . . . . .	356
गलातगोळ . . . . .	373
इफसिगोळ . . . . .	383
फलिपिपगोळ . . . . .	393
कुलुससगोळ . . . . .	400
१ थसिसलुनीका . . . . .	408
२ थसिसलुनीका . . . . .	415
१ तीमुथयिस . . . . .	419
२ तीमुथयिस . . . . .	427
तीतुस . . . . .	433
फलिमोन . . . . .	437
इब्रानगोळ . . . . .	439
याकूब . . . . .	461
१ पतरस . . . . .	469
२ पतरस . . . . .	478
१ यूहन्ना . . . . .	483
२ यूहन्ना . . . . .	491
३ यूहन्ना . . . . .	493
यहूदा . . . . .	495
प्रकाशतिवाक्य . . . . .	498

## मत्ती रचति यीशु मसीह का सुसमाचार मत्ती इन द्वारा लखिसद यीशु मसीह अन्द खुशखबरी परचिय

मत्ती इन अनुसार खुशखबरी व्हाशोद नयिम दा नाक कतिबगोळ दा टु ऊंद हुन जो यीशु मसीह अन्द जीवन इन बारा दा हेळतद. अदुर दा टु हर ऊंद कतिब इक “खुशखबरी अनकु आगतद, यदुरद मतलब खुशखबरी.” अवरी मत्ती, मरकुस, लूका अदकि यूहन्ना द्वारा यीशु उन सोत्तुर बाददा लखिसकु आग्याद. याग मत्ती इन अनुसार खुशखबरी लखिसकु आगीत, रा ग्यानी लॉकुरी सही तारीख मालूम हैलेच, लेकीन आग सकतद ईद यीशु मसीह इन जनम इन लगभग ६० साल इन बाददा आगीत. इदुर अलावा, अद जागा येल आद ईद लखिसकु आगीत, मालूम हैलेच, लेकीन हापाळ सा लॉकुर अनुमान हचतार की ईद फलिसितीन दा लखिसकु आग्याद अदकि शायद आग सकतद की यरूशलेम नगर दा भी लखिसकु आग्याद.

लेखक मत्ती हुन, जो यीशु से पयले ऊंद कर ताकोमावाळा ईरोन, आव आंदरी तान चेला बनसोर साटी अंदुन. आंदरी लेवी हेसुर देल भी अरोर. मत्ती हन्नेळ प्रेरतिगोळ दा टु ऊंद ईरोन अदकि आव यहूदी लॉकुर साटी लखिसीदुन. ईद हाळोद नयिम इन शास्त्रगोळद ६० से यक्कुल संदर्भगोळ देल साफ रूप देल नोळकु आग सकतद. आव ईद तोरसोद इरादा माळदुन की यीशु मसीह ईरोन, परमेश्वर उन नविळुस्त उद्धारकर्ता, यार बारा दा भवषियवाणी माळकु आगीत. मत्ती भी परमेश्वर उन राज्य अन्द बारा दा हापाळ येनारा लखिस्यान. यहूदीगोळ इक उम्मीद ईरोद की मसीह ऊंद राजनीतकि राज्य अन्द राजा बनस्यान. मत्ती परमेश्वर उन आध्यात्मकि साम्राज्य अन्द वर्णन माळकु आ विश्वास इक चुनौती कोळोर साटी हापाळ सावधानी बरतुसतान.

मत्ती इन अनुसार खुशखबरी व्हाशोद नयिम इक शूर माळोर साटी ऊंद वळ्ळीद कतिब आद, यतकी हाळोद नयिम इन सपपा संदर्भगोळद कारण. ईव येदढ नयिमगोळ इक जोळसताव. ग्यानी लॉकुर ईद भी सुझाव कोट्टुर की मत्ती मूसा अन्द कतिबगोळद रूप इन नकल माळोद कोशशि माळतीदार, जो हाळोद नयिम इन पयला अईद कतिबगोळ हु. पहाळी मा यीशु उन उपदेश ५-७ इन तुलना परमेश्वर उक मूसा अन नयिम कोळोर सांगुळ आग सकतद. व्यवस्थावविरण १९:३-२३:२५.

रूप रेखा

1. मत्ती खुशखबरी इक यीशु मसीह अन्द जनम अदकि आंदुर मंत्रालय इन सूरवात इन बारा दा हेळकु सूरू माळतान. १-४

2. इदुर बाददा मत्ती यीशु उन बारा दा अदकि आंदुर हापाळ सा उपदेशगोळ्द वर्णन माळ्यान ५-२५
3. मत्ती अन्द आखरी खंड आंदुर सायोद अदकि पुनरूत्थान दा यीशु मसीह अन्द मंत्रालय इन शखिर इन बारा दा आद २६-२८

यीशु उन लखिसद वंशावली  
(लूका ३:२३-३८)

1 अब्राहम उन पार, दाऊद उन पार, यीशु मसीह अन्द वंशावली ई प्रकार देल आद.

2 अब्राहम देल इसहाक पैदा आदुन, इसहाक देल याकूब, याकूब देल यहूदा अदकि आऊन वार्दुर पैदा आदुर. 3 यहूदा अदकि तामार देल फरिसि अदकि जोरह पैदा आदुर, फरिसि देल हसित्त्रोन, अदकि हसित्त्रोन देल एराम पैदा आदुन. 4 एराम देल अम्मीनादाब पैदा आदुन, अम्मीनादाब देल नहशोन, अदकि नहशोन देल सलमोन पैदा आदुन. 5 सलमोन अदकि राहाब देल बोअज पैदा आदुन, बोअज अदकि रूत देल ओबेद, अदकि ओबेद देल यशै पैदा आदुन.

6 \*अदकि यशै देल दाऊद राजा पैदा आदुन. अदकि दाऊद देल सुलैमान, आ आरत इन व्हाट्या टु पैदा आदुन जो पयले उरयियाह अन्द हगिस ईरोर. 7 सुलैमान देल रहबाम पैदा आदुन, रहबाम देल अबयियाह, अदकि अबयियाह देल आसाफ पैदा आदुन. 8 आसाफ देल यहोशाफात पैदा आदुन, यहोशाफात देल योराम, अदकि योराम देल उज्जियाह पैदा आदुन. 9 उज्जियाह देल योताम पैदा आदुन, योताम देल आहाज, अदकि आहाज देल हजिकयियाह पैदा आदुन. 10 हजिकयियाह देल मनश्शहि पैदा आदुन, मनश्शहि देल आमोन, अदकि आमोन देल योशयियाह पैदा आदुन. 11 अदकि बाक इसत्राएल इन लॉकुरी बंदी माळकु बेबीलोन ओया होती योशयियाह देल यकुन्याह, अदकि आऊन वार्दुर पैदा आदुर.

12 बंदी आगकु बेबीलोन पोहचुसदुर बाददा यकुन्याह देल शालतएल पैदा आदुन, अदकि शालतएल देल जरूबबाबलि पैदा आदुन. 13 जरूबबाबलि देल अबीहूद पैदा आदुन, अबीहूद देल इल्याकीम, अदकि इल्याकीम देल अजोर पैदा आदुन. 14 अजोर देल सदोक पैदा आदुन, सदोक देल अखीम, अदकि अखीम देल इलीहूद पैदा आदुन, 15 इलीहूद देल इलयाजार पैदा आदुन, इलयाजार देल मत्तान, अदकि मत्तान देल याकूब पैदा आदुन. 16 याकूब देल यूसुफ पैदा आदुन, जो मरयिम इनव गांडु ईरोन, अदकि मरयिम देल यीशु जो मसीह कहलुस्तान, पैदा आदुन.

17 ईद प्रकार अब्राहम टु हुळकु दाऊद ताका चौदा पीढी आदव, अदकि दाऊद टु बेबीलोन इक बंदी आगकु पोहचुस्कु आगासताका चौदा पीढी, अदकि बंदी आगकु बेबीलोन इक पोहचुस्कु आगा समय टु मसीह ताका चौदा पीढी आदव.

यीशु उन जनम

(लूका १:२६-३८; २:१-७)

18 \*यीशु मसीह अन्द जनम इत्ता प्रकार देल आत, की याग आऊन मोय मरयिम इन सगाई यूसुफ उन सांगुळ आगेत, रा आंदुरद मलिन आगोर से पयले अच आक पवतिर आत्मा दी टु व्हाट्या दी ईरोर. 19 इदुरसाटी आकनि गांडुड यूसुफ जो न्यायी मंळसा ईरोन अदकि आकी बदनाम माळोद ईला चाहासोन, आकी चुपचाप बटिट बुळोद वचिर माळदुन. 20 याग आव ईव मातगोळ्द सोच दा का ईरोन रा प्रभु उन स्वर्गदूत आऊक कान्सा दा कांळसकु अनली कुरतुन, “हे यूसुफ! दाऊद उन पार, नी मरयिम उक हगिस माळली अंजबाळ, यतकी जो आकनि गर्भ दा आद, अद पवतिर आत्मा दी टु आद. 21 \*आक पार उक हाळदार अदकि नी आऊन हेसुर यीशु ईटेत, यतकी आव तान लॉकुरी आंदुर पापगोळ देल बळिस्यान.”

22 \*ईद सब इदुरसाटी आत की जो वचन प्रभु भवषियवक्ता अन्द द्वारा अंददिन, अद पुरा आगुल: 23 “ऊंद कुवारा पोर व्हाट्या दी ईत्तार अदकि ऊंद पार उक हाळदार, अदकि आऊन हेसुर इम्मानुएल ईटकु आदीत,” यदुरद मतलब आद, “परमेश्वर नाम सांगुळ.”

24 आग यूसुफ जप दा टु यदकु प्रभु अन्द स्वर्गदूत उन आग्या अन्द अनुसार मरयिम उक हगिस माळकु मान्या तंदुन; 25 \*अदकि यागासताका आक पार हाळददिल आगासताका यूसुफ आकनि हात्ती होगीदलि: अदकि आव आ पार उन हेसुर यीशु ईटदुन.

## 2

पूर्व दशिा नोर पाऊनागोळ्द यीशु से मुलाकात

1 हेरोदेस राजा अन्द दनिगोळ दा याग यहूदयिया प्रदेश इन बैतलहम ऊरा यीशु उन जनम आत, रा नोळी, पूर्व दशिा टु हापाळ सा जानकार लॉकुर यरूशलेम दा बंदकु केळली कुरतुर, 2 “यहूदीगोळव राजा यार्द जनम आग्याद, यल आन? यतकी नाव पूर्व दा आऊन तारा नोळेव, अदकि नाव आऊक प्रणाम माळली बंदेव.”

3 ईद केळकु हेरोदेस राजा अदकि आऊन सांगुळ पुरा यरूशलेम घबरूसेत. 4 आग आव यहूदी समाज इन सप्पा प्रधान याजकगोळी अदकि शास्त्रीगोळी जमा माळकु आंदुर से केळदुन, “की मसीह अन्द जनम यल आग पायजे.” 5 आंदुर आऊन से अंदुर, “यहूदयिया अन्द बैतलहम दा, यतकी परमेश्वर उन भवषियवक्ता अन्द द्वारा ईद लखिसकु आग्याद: 6 हे बैतलहम, नी जो यहूदा अन्द प्रदेश दा आय, नी यातोदारा भी रीत देल यहूदा अन्द अधिकारीगोळ दा सब से स्याणेव हैलेच; यतकी नीन दा टु ऊंद अधपिती होट्टान, जो नान प्रजा इस्त्राएल इन रखवाली माळ्यान.”

7 आग हेरोदेस जानकारगोळी चुपचाप कारूकु आंदुर से केळदुन कितारा ठीक याता समय दा कांळसीत, 8 इदुरसाटी आव ईद अनकु आंदरी बैतलहम कळदुन,

“होगी, आ पार उन बारा दा बेस-बेस मालूम माळी, अदकि याग आव सकिकेदान रा नानी बातणी कोळी ताकी ना भी बंदकु आऊक प्रणाम माळाईन.”

9 आंदुर राजा अन्द मात केळकु होटोदुर, अदकि जो तारा आंदुर पूरव दी नोळीदुर अदा तारा आंदुर मुंद-मुंद नळोद; अदकि यल चगिद ईरोद, आ जागा अन्द मयाकुच पोहचुस्कु रूकसेत. 10 आ तारा अक नोळकु आंदुर हापाळ खुश आदुर. 11 आंदुर आ मान्ना दा पोहचुस्कु आ पार उक आऊन मोय मरयिम इन सांगुळ नोळदुर, अदकि बांगकु आ पार उक प्रणाम माळदुर, अदकि तान-तान झ्वारा खोल्सकु आऊक व्हान्ना, लुबान, अदकि गन्धरस इन भेंट येरसदुर.

12 आग परमेश्वर कान्सा दा आंदरी चेतावनी कोटक ईद अंदुन कि हेरोदेस उन हात्ती मातत होगबाळेतीर, आंदुर दुसरा हादी देल तान द्याश दा होटोदुर.

मसित्त्र द्याश इक होगोद

13 आंदुर होगदुर बाददा प्रभु उन ऊंद स्वर्गदूत कान्सा दा यूसुफ उक कांळसकु अंदुन, “येळ, आ पार उक अदकि आऊन मोय इक हुळकु मसित्त्र द्याश इक ओळेग; अदकि यागासताका ना नीन से अनालीन, आगासताका अल्या ईरेत; यतकी हेरोदेस ई पार उक दुंदसेत्यान कि आऊक कोन्सुस बुळुल.”

14 आग आव ईळ्लकी इच यदकु पार अदकि आऊन मोय इक हुळकु मसित्त्र द्याश इक ओळेदुन, 15 \*अदकि हेरोदेस उन सायासताका अल्या ईततुन. इदुरसाटी कि अद वचन जो प्रभु भवषियवक्ता अन्द द्वारा अंददिन अद पुरा आगुल: “ना तान पार उक मसित्त्र द्याश टु कार्सदनि.”

चकिोरी कोननोद

16 याग हेरोदेस ईद नोळदुन, कि तारागोळ्द बारा दा जानकारी ताकोमावाळेर जानकार लॉकुर आऊन सांगुळ ध्वाका माळदुर, आग आव सट्टि देल बेक्की घाई आगेदुन, अदकि लॉकुरी कळुकु जानकार लॉकुर द्वारा तारा नोळोद समय इन अनुसार बैतलहम अदकि अदुर आसपास इन जागा अन्द सप्पा चकिोरी जो येद्वे वर्ष इनोर या आंदुर से स्याणेरे ईरोर, कोन्सुस बुटुन. 17 आग अद वचन जो यर्मियाह भवषियवक्ता अन्द द्वारा अंदकु आगीत, अद पुरा आत: 18 “रामाह ऊर दा दुख भरा ऊंद आवाज केळ बत्त, वोरलोद अदकि हापाळ गयरा वलाप इन ईरोद; राहेल तान चकिोर साटी वोरलोद, अदकि शांत आगेद ईला चाहासोर, यतकी ईंग आ चकिोर सोतोगीदुर.”\*

मसित्त्र द्याश टु वापस बरोद

19 हेरोदेस उन सोत्तुर बाददा, प्रभु उन स्वर्गदूत मसित्त्र दा यूसुफ उक कान्सा दा कांळसकु अंदुन. 20 “येळ, पार उक अदकि आऊन मोय इक हुळकु इस्त्राएल इन द्याश दा होटोग, यतकी जो पार उन जीव ताकोमोद चाहासोर, आंदुर सोतोग्यार.”

21 यूसुफ येदुन, अदकि पार उक अदकि आऊन मोय इक सांगुळ हुळकु इस्त्राएल इन द्याश दा बंदुन. 22 लेकीन ईद केळकु कि अरखलाउस तान आप्प हेरोदेस उन जागा दा यहूदिया मा राज्य माळेत्यान, अल होगोर से

अंजदुन. बाक कान्सा दा परमेश्वर उन दी टु बातणी ताकोमकु गलील प्रदेश दा होटोदुन. 23 \*आव अल नासरत हेसुर इन नगर दा होगकु कुरतुन, ताकी अद वचन पुरा आगुन, जो भवषियवक्तागोळ द्वारा अंदकु आगीत: “आव नासरी कहलुस्यान.”\*

### 3

बपतस्मा कोळावाळा यूहन्ना अन्द उपदेश  
(मरकुस १:१-८; लूका ३:१-१८; यूहन्ना १:१९-२८)

1 आ दनिगोळ दा बपतस्मा कोळावाळा यूहन्ना बंदकु यहूदयिया अन्द आळी दा ईद प्रचार माळली कुरतुन: 2 \* “पापगोळ देल मन तरिगुसी, यतकी स्वर्ग इन राज्य हात्ती होट बंदाद.” 3 इव आवा हुन यार्द मातकात यशायाह भवषियवक्ता अन्द द्वारा माळकु आग्याद:

“आळी दा ऊंद कारावाळा अन्द आवाज केळ बरेत्याद,  
का प्रभु उन हादी तयार माळी,  
आऊन सळकगोळी सरका माळी.”\*

4 \*ईव यूहन्ना ऊंट इन चुट्टीगोळद फळक्या हाककु अदकि नेळु मा तोगुल इन पट्टा कटकु ईरतोगोन. फाफा\* अदकि आळी दाकळोद शयद तनितोगोन. 5 आग यरूशलेम अदकि पुरा यहूदयिया प्रदेश, अदकि यरदन गांगा अन्द आस-पास इन सप्पा क्षेत्र अन ईरावाळेर लॉकुर आऊंद हात्ती बंदकु जमा आदुर. 6 आंदुर तान-तान पापगोळी मान्सकु यरदन गांगा दा आऊन से बपतस्मा ताकोडुर.

7 \*याग आव हापाळ सा फरीसी अदकि सद्कीगोळी बपतस्मा ताकोमोर साटी तान हात्ती बर्त नोळदुन, रा यूहन्ना अंदुन, “हे हाव इन चकिरा, याव नीमी चतरा माळ बुटुन का परमेश्वर उन बरावाळा प्रकोप देल ओळी? 8 इदुरसाटी हगि मातगोळ माळी जो नीम पश्चाताप इक तोरसतद, 9 \*अदकि तान-तान मन दा ईद वचार माळबाळी का नाम आप्प अब्राहम हुन; यतकी ना नीम से अनतीन का परमेश्वर ई कल्लगोळ देल भी अब्राहम उन साटी औलाद पैदा माळ सकतान. 10 \*ईग कोळ्ली मार्रगोळद जळी मा ईटकु आद, इदुरसाटी जो-जो मार्र वळ्लीद काय तराल, अदरी कळकु अदकि बेक्की दा हाककु आदीत. 11 ना रा नीर देल नीमी मन तरिगुसोद बपतस्मा कोळतीन, लेकीन जो नान बाददा बरावाळा आन, आव नान से ताकतवर आन; ना रा आऊन केरू तेगा लायक भी हैलेच. आव नीमी पवतिर आत्मा अदकि बेक्की देल बपतस्मा कोट्टान. 12 आऊन मार्र आऊन कय दा आद, अदकि आव तान केई वळ्लीद तरीका देल साफ माळ्यान, अदकि तान गोदीगोळी रा ढवाला दा जमा माळ्यान, लेकीन भूसा अन्द गवान्डा अक आ बेक्की दा होताक्यान जो यागलु नुनाल्द.”

\* 2:23 २:२३ मरकुस १:२४; लूका २:३९; यूहन्ना १:४५ \* 2:23 २:२३ लूका ८:१७ \* 3:2 ३:२  
मत्ती ४:१७; मरकुस १:१५ \* 3:3 ३:३ यशायाह ४०:३ \* 3:4 ३:४ २ राजा १:८ \* 3:4 ३:४  
फाफा-मतलब टडिडयिँ \* 3:7 ३:७ मत्ती १२:३४; २३:३३ \* 3:9 ३:९ यूहन्ना ८:३३ \* 3:10  
३:१० मत्ती ७:१९



यीशु उन बपतस्मिमा

(मरकुस १:९-११; लूका ३:२१,२२; यूहन्ना १:३१-३४)

13 आ समय यीशु गलील टु यरदन गांगा अन्द कनिरा मा बपतस्मिमा कोळावाळा यूहन्ना अन्द हात्ती आऊन से बपतस्मिमा ताकोमली बंदुन. 14 लेकीन यूहन्ना ईद अनकु आऊक रोक्सली कुरतुन, “नानी रा नीद कय देल बपतस्मिमा ताकोमोद जरवत आद, अदकि नी नान हात्ती बंद्या?” 15 यीशु आऊक ईद उत्तर कोट्टुन, “ईग रा हगि अच आगगोळ, यतकी नामी ईदा रीतदिल सप्पा न्यायीपन इन क्याल्सागोळी पुरा माळोद उचति आद.” आग यूहन्ना आऊन मात मान्स कोंडुन.

16 अदकि यीशु बपतस्मिमा ताकोमकु तुरन्त नीर दा टु म्याकुच बंदुन, अदकि अदा समय आऊन साटी स्वर्ग खुल्सेत, अदकि आव परमेश्वर उन आत्मा अक कबूतर इन घाई ईळुतेला अदकि तान म्याकुच बरतेला नोळदुन. 17 \*अदकि स्वर्ग टु ईद आकाशवाणी आत “ईव नान प्रथि पार हुन, ईऊन से ना हापाळ खुश आईन.”

## 4

यीशु उन परीक्षा

(मरकुस १:१२-१३; लूका ४:१-१३)

1 \*आग पवतिर आत्मा यीशु उक सुनसान जागा दा ओईत ताकी शैतान उन द्वारा आऊन परीक्षा आगुल. 2 आव चालीस दिन, अदकि चालीस ईळलक, उपास माळ कोंडुन, आग आऊक हशु हत्त. 3 आग परखुसावाळा शैतान हात्ती बंदकु आऊन से अंदुन, “अगर नी परमेश्वर उन पार हुय, रा अंदकोम, की ई कल्ल रोट्टगोळ बंसेगुल.”

4 यीशु उत्तर कोट्टुन: “शास्त्र दा लखिसकु आद, भंळसा सरिफ रोट्टी देल अच जत्तिता ईरतीदील, लेकीन हर ऊंद वचन देल जो परमेश्वर उन बाय देल होळतद.”

5 आग शैतान यीशु उक यरूशलेम इन पवतिर नगर दा ओईत अदकि मंदिर इन स्यांडा मा नीदरूस्त, 6 \*अदकि आऊन से अंत, “अगर नी परमेश्वर उन पार हुय, रा तान तान इक ल्यालमा केळ्दबुळ; यतकी शास्त्र दा लखिसकु आद: ‘आव नीन बारा दा तान स्वर्गदूतगोळी आग्या कोट्टान, अदकि आंदुर नीनी कयगोळ दा नेगु कोंडार; ईलारा हगि आगबाळुल की नीन कालगोळी कल्ल देल ठेस हत्तुल.’”

7 \*यीशु आऊन से अंदुन, शास्त्र दा ईद भी लखिसकु आद: “नी प्रभु तान परमेश्वर उन परीक्षा माळबाळ.”

8 बाक शैतान यीशु उक ऊंद हापाळ ऊंचा पहाळी मा ओईत अदकि पुरा दुनिया अन्द राज्य अदकि अदुरद वैभव तोरसकु, 9 आग शैतान यीशु से अंत, “अगर नी बांगकु नानी प्रणाम माळ्या, रा ना ईद सब कुछ नीनी कोट बुळाईन.”

10 \* आग यीशु आ शैतान उक उत्तर कोट्टुन, “हे शैतान दुर आगोग, यतकी

\* 3:17 ३:१७ मत्ती १२:१८; १७:२; मरकुस १:११; लूका ९:३५ \* 4:1 ४:१ इब्रानगोळ २:१८; ४:१५ \* 4:6 ४:६ भजन संहिता ११:११-१२ \* 4:7 ४:७ व्यवस्थाविरण ६:१६ \* 4:10 ४:१० व्यवस्थाविरण ६:१३

शास्त्र दा लखिसकु आदः नी तान प्रभु परमेश्वर उन भक्ति माळ, अदकि सरिफ आऊंदा उपासना माळ.”

11 अदकि नोळी शैतान आऊन हात्ती टु होटोत, अदकि स्वर्गदूत बंदकु आऊन स्यावा माळली कुरतुर.

यीशु उन स्यावा-कार्य अनंद सुरूवात  
(मरकुस १:१४,१५; लूका ४:१४; १५)

12 \*याग यीशु ईद केळदुन कबिपतसिमा कोळावाळा यूहन्ना बंदी माळकु आगेग्यान, रा आव गलील इक होटोदुन. 13 \*अदकि आव नासरत इक बटिकु कफरनहूम नगर दा बंदुन, जो झील इन कनिरा जबूलून अदकि नप्ताली इन द्याश दा आद, होगकु ईरली कुरतुन; 14 ताकी जो यशायाह भविष्यवक्ता अनंद द्वारा अंदकु आगीत, अद पुरा आगुल:

15 “जबूलून अदकि नप्ताली इन द्याश,  
झील इन हादी देल यरदन इन आप्पाटी,  
गैरयहूदीगोळ द्याश गलील दा!

16 जो लॉकुर अंधार जदिगी माळोर,  
आंदुर ऊंद धोळ्द महान ज्योर्ता नोळदुर;  
अदकि जो मृत्यु उन द्याश अदकि सावली दा कुर्तकु ईरोर,  
आंदुर मा ज्योर्ता चमकुसत.”

17 \*आ समय टु यीशु प्रचार माळोद अदकि ईद अनोद सुरूवात माळदुन,  
“तान पापगोळ देल मन तरिगुसी यतकी स्वर्ग इन राज्य हात्ती होट बंदाद.”

नाक मेन हुडावाळेरी कारोद  
(मरकुस १:१६-२०; लूका ५:१-११; यूहन्ना १:३५-४२)

18 गलील इन झील इन कनिरा वयाळतेला यीशु येदद वार्टुरी मतलब शमौन उक जो पतरस कहलुसतान, अदकि आऊन वार्ट अनर्दरियास उक झील दा जार हाक्त नोळदुन; यतकी आंदुर मेन हुडावाळेरे ईरोर. 19 यीशु आंदुर से अंदुन,  
“नान हदि बरी, रा ना नीमी मंळसागोळी ह्यांग परमेश्वर उन राज्य दा तरतार अद कलसाईन.” 20 आंदुर तुरन्त जारगोळी बटिकु आऊन हदि होटोदुर.

21 अल टु मुंद वाळुसकु, यीशु मात्त येदद वार्टुरी मतलब जब्दी इन पार याकूब अदकि आऊन वार्ट यूहन्ना अक नोळदुन. आंदुर तान आप्प जब्दी इन सांगुळ इवांगा मा तान जारगोळी सुधारसोर. आव आंदरी भी कारदुन. 22 आंदुर तुरन्त इवांगा अदकि तान आप्प उक बटिकु आऊन हदि होटोदुर.

यीशु उन सखि, उपदेश अदकि चंगाई  
(लूका ६:१७-१९)

23 \*यीशु पुरा गलील दा वयाळतेला आंदुरद सभागूहगोळ दा उपदेश कोळोन,  
अदकि राज्य अनंद खुशखबरी प्रचार माळोन, अदकि लॉकुरद हर प्रकार इन बमारगोळी चंगा माळदुन अदकि कमजोरी इक दुर माळतेला ईत्तुन. 24 अदकि पुरा सीरिया द्याश दा आऊन यश फैलुसेत; अदकि लॉकुर सब बमारगोळी जो

\* 4:12 ४:१२ मत्ती १४:३; मरकुस ६:१७; लूका ३:१९,२० \* 4:13 ४:३३ यूहन्ना २:१२ \* 4:17 ४:१७ मत्ती ३:२ \* 4:23 ४:२३ मत्ती ९:३५; मरकुस १:३९

नाना प्रकार इन बमिरगोळ अदकि दुखगोळ दा जकळुसकु ईरोर, अदकि यारदा दुष्टआत्मागोळ ईरव, अदकि मरिगीवाळेरे अदकि लकवा नोर रोगीगोळी, आऊन हात्ती तंदुर अदकि आव आंदरी चंगा माळदुन. 25 गलील अदकि दिकापुलसि\*, यरूशलेम, यहूदीया अदकि यरदन गांगा अनूद आप्पाटी टु भीळ इन भीळ आऊन हदि आगेत.

## 5

यीशु उन पहाळी उपदेश

1 यीशु भीळ इक नोळकु पहाळी मा येरेदुन, अदकि याग कुरतोदुन रा आऊन चेलागोळ आऊन हात्ती बंदुर. 2 अदकि आव आंदरी ईद उपदेश कोळली कुरतुन:

धन्य वचन

(लूका ६:२०-२३)

- 3 धन्य आर आंदुर, जो मन देल गरीब आर,  
यतकी स्वर्ग इन राज्य आंदुर दा आद.
- 4 “धन्य आर आंदुर, जो शोक माळतार,  
यतकी आंदरी दलिासा सकिकीत.
- 5 धन्य आर आंदुर, जो नम्र आर,  
यतकी आंदुर धरती इन वारीसदार आदार.”
- 6 “धन्य आर आंदुर, जो न्यायीपन इन हस्तकु अदकि नरिळ्ककु आर,  
यतकी आंदुर संतुष्ट माळकु आदार.”
- 7 “धन्य आर आंदुर, जो दयालु आर,  
यतकी आंदुर मा दया माळकु आदीत.”
- 8 धन्य आर आंदुर, यारद मन शुद्ध आव,  
यतकी आंदुर परमेश्वर उक नोळ्यार.
- 9 धन्य आर आंदुर, जो मेल माळावाळेरे आर,  
यतकी आंदुर परमेश्वर उन चकिोर कहलुस्यार.
- 10 \*धन्य आर आंदुर, जो न्यायीपन इन कारण सतुसकु आगतार,  
यतकी स्वर्ग इन राज्य आंदुरद अच हुन.

11 \*धन्य आईर नीव, याग मंळसा नान कारण नीमूद अपमान माळ्यान, अदकि सतुस्यान अदकि ख्वाटा माताळ माताळकु नीमूद वरिध दा सब प्रकार इन बुरा मात अंदान. 12 \*आग खुश अदकि मगन ईरेतीर, यतकी नीम साटी स्वर्ग दा धोळद प्रतफिल आद. यतकी आंदुर आ भवषियवक्तागोळी भी जो नीम से पयले ईरोर ईदा रीतदिल सतुसीदुर.

ऊप्प अदकि ज्योति

(मरकुस ९:५०; लूका १४:३४,३५)

\* 4:25 ४:२५ दिकापुलसि इन मतलब हतुत नगरगोळद शयर

\* 5:11 ५:११ पतरस ४:१४ \* 5:12 ५:१२ प्रेरतिगोळ ७:५२

\* 5:10 ५:१० १ पतरस ३:१४

13 \* “नीव पृथ्वी इन ऊप्प हुईर, लेकीन अगर ऊप्प इन स्वाद बगिळुसेदति, रा अद बाक याता चजि देल नमकीन माळकु आदीत? बाक अद यातोदु क्याल्सा अनूद हैलेच, सर्रिफ इदुरद किव्हार्या भटिकु आगुल अदकि मंळसागोळ्द काल देल मेटकु आगुल.”

14 \* नीव दुनया अनूद ज्योती हुईर. जो नगर पहाळी मा वसुस्कु आद अद होचकु ईरसकाल. 15 \* अदकि लॉकुर दगिया होत्ताकु बरतन इन ल्यालमा ईटालुर लेकीन दीवट\* मा ईटतार, आग अदुर देल मान्ना अनूद सप्पा लॉकुरी ऊजुळ सकितद. 16 \* अदा प्रकार नीम ऊजुळ मंळसागोळ्द मुंद चमकुसुल किव्हार्या नीम वळ्ळीद क्याल्सागोळी नोळकु नीम आप्प उन, जो स्वर्ग दा आन, वळाई माळुल.

व्यवस्था अनूद बारा दा शकिषा

17 “ईद सम्सबाळी, किव्हार्या व्यवस्था या भवषियवक्तागोळ कतिबगोळी नाश माळली बंदीन, नाश माळली ईला, लेकीन पुरा माळली बंदीन. 18 \* यतकी ना नीम से खरा माताळतीन, किव्हार्या यागासताका आकाश अदकि पृथ्वी टलुसेगाल, आगासताका व्यवस्था ऊंद ऊंद मात भी बनि पुरा आगूद टलुसतीदलि.” 19 इदुरसाटी जो यावारा इव स्यांळ्द से स्यांळ्द आग्यागोळ दा टु यातोदारा ऊंद आग्या अक मूरुल, अदकि हांग अच लॉकुरी कल्सुल, आव स्वर्ग इन राज्य दा सप्पा मुंदुर से स्याणेव कहलुस्यान; लेकीन जो यावारा आ आग्यागोळ्द पालन माळ्यान अदकि अवरी कलस्यान, आवा स्वर्ग इन राज्य दा महान कहलुस्यान. 20 यतकी ना नीम से अनतीन, किव्हार्या अगर नीम न्यायीपन शास्त्रीगोळ अदकि फरीसीगोळ्द न्यायीपन देल धोळ्द ईरतीदलि, रा नीव स्वर्ग इन राज्य दा यागलु प्रवेश माळ सकतीदलि.

सट्टि अदकि कोनूद

21 “नीव केळ कोंडीर, किव्हार्या पूर्वकाल इन लॉकुर से अंदकु आगीत, किव्हार्या ‘कोनू बगोळी’ अदकि ‘जो यावारा कोनतान आव कचेरी दा सजा अनूद लायक ईत्तान.’ 22 † लेकीन ना नीम से ईद अनतीन, किव्हार्या जो यावारा तान वार्ट उन सट्टि माळ्यान, आव कचेरी दा सजा अनूद लायक ईत्तान, अदकि जो यावारा तांद वार्ट उक नकिम्मा अंदान आव महासभा दा सजा अनूद लायक ईत्तान; अदकि जो यावारा अंदान ‘ये मूरख’ आव नरक इन बेक्की दा सजा अनूद लायक ईत्तान. 23 इदुरसाटी अगर नी तान भेट वेदी मा तंद्या, अदकि अल नी याद माळ्या, किव्हार्या नीन वार्ट उन मन दा नीन साटी येनारा वरिध आद, 24 रा तान भेट अल्या वेदी इन मुंद बटि बुळ, अदकि होगकु पयले तान वार्ट उन से मेल मलिाप माळ अदकि राजी आगकु बर अदकि तान भेट येरस.”

25 यागासताका नी तान आरोप हचावाळा अन सांगुळ हादी मा का आय, आऊन से झटपट मेल मलिाप माळकोम ईदारा हगि आगबाळुल किव्हार्या

\* 5:13 ५:१३ मरकुस ९:५०; लूका १४:३४,३५ \* 5:14 ५:१४ यूहन्ना ८:१२; ९:५ \* 5:15 ५:१५ मरकुस ४:२१; लूका ८:१६; ११:३३ \* 5:15 ५:१५ दीवट: मतलब-दगिया ईटोद जागा \* 5:16 ५:१६ १ पतरस २:१२ \* 5:18 ५:१८ लूका १६:१७ † 5:18 ५:१८ सप्पा चजिगोळ अंत; या इदुरव सप्पा उपदेश खरा आव. ‡ 5:22 ५:२२ जो यावारा सट्टि माळतान; येनारा वचनगोळ दा जो यावारा बनि कारण देल सट्टि माळतान लखिसकु आद.

आरोप हचावाळा नीनी न्यायाधीश उक सोप्सुल, अदकि न्यायाधीश नीनी कत्तीहुडावाळा अक सोप्स बुळुल, अदकि नीनी जयल दा हाक्कु आगुल. 26 ना नीन से खरा माताळतीन कियगासताका नी कवळी-कवळी तुम कोळाल आगासताका अल टु बळि सकतीदलि.

व्यभचार इन बारा दा शकिषा

27 “नीव केळ कोंडीर कि अंदकु आगीत, ‘व्यभचार माळबाळेतीर.’ 28 लेकीन ना नीम से ईद अनतीन, कि जो यावारा यातारा आर्त इक बुरा नजर देल नोळतान आव तान मन दा आकनि से व्यभचार माळ कोंडुन. 29 \*अगर नीन ऊममा कण्ण नीनी ठोकर तनिसुल, रा अदरी तेगुकु भीट बुळ; यतकी नीन साटी ईदा वळ्लीद आद कि नीन शरीर दा टु ऊंद अंग नाश आगेगुल अदकि नीन पुरा शरीर नरक दा हाक्कु आगबाळुल. 30 \*अगर नीन ऊमा कय नीनी ठोकर तनिसतद, रा अदरी कळकु भीट बुळ; यतकी नीन साटी ईदा वळ्लीद आद कि नीन मय दा टु ऊंद नाश आगुल अदकि नींद पुरा शरीर नरक दा हाक्कु आगबाळुल.”

छोळचट्टी अन्द बारा दा शकिषा

(मत्ती १९:९; मरकुस १०:११; लूका १६:१८)

31 \* \*ईद भी अंदकु आगीत, ‘जो यावारा तान हगिस उक बळिोद चाहास्यान, रा आकी छोळचट्टी कोळुल.’ 32 \*लेकीन ना नीम से ईद अनतीन की जो यावारा तान हगिस उक व्यभचार इन शवाय अदकि दुसरा कारण देल बट्टि बुळतान, रा आव आकनि से व्यभचार माळसुसतान; अदकि जो यावारा आ आर्त इन से जो गांड उक बटिकु आर मदा माळतान, रा आव भी व्यभचार माळतान.”

करिया अन्द बारा दा शकिषा

33 “बाक नीव केळ कोंडीर कि पूर्वकाल इन लॉकुर से अंदकु आगीत, ‘खवाटा करिया तनिबाळेतीर, लेकीन प्रभु उन साटी तान करिया अक पुरा माळेतीर.’ 34 \*लेकीन ना नीम से ईद अनतीन कियगलु करिया तनिबाळेतीर; ना रा स्वर्ग इन, यतकी अद परमेश्वर उन सहिसन हुन; 35 ना धरती अन्द, यतकी अद आऊन कालगोळ्द पायदान हुन; ना यरूशलेम इन, यतकी अद महान राजा अन्द नगर हुन. 36 तान तालुला अन्द भी करिया तनिबाळेतीर यतकी नीव ऊंद चुट्टी इक भी ना बळिीद, ना करीद माळ सकतीर. 37 लेकीन नीमद मात ‘हव’ इन ‘हव,’ या ‘ईला’ अन्द ‘ईला’ आगुल; यतकी जो येनारा इदुर से यक्कुल आगतद अद बुराई देल आगतद.”

बदला ताकोमोद बारा दा शकिषा

(लूका ६:२९,३०)

38 “नीव केळ कोंडीर कि अंदकु आगीत, ‘कण्ण इन बदला कण्ण, अदकि हल्ल इन बदला हल्ल.’ 39 लेकीन ना नीम से ईद अनतीन कि जो नीम

\* 5:29 ५:२९ मत्ती १८:९; मरकुस ९:४७ \* 5:30 ५:३० मत्ती १८:८; मरकुस ९:४३ \* 5:31 ५:३१ मत्ती १९:७; मरकुस १०:४ \* 5:31 ५:३१ व्यवस्थाविरण २४:१-१४ \* 5:32 ५:३२ मत्ती १९:९; मरकुस १०:११,१२; लूका १६:१८; १ कुरिन्थि ७:१०,११ \* 5:34 ५:३४ याक्व ५:१२; मत्ती २३:२२

से बुरा व्यवहार माळतान आऊन सामना माळबाळेतीर; लेकीन जो यावारा नीमद ऊम्मा गाल्ला मा क्याबरा बळदान, रा आऊन दी दुसरा गाल्ला भी तरिगुस बुळी. 40 अगर यावारा नीम मा जबरदस्ती माळकु नीमद कूळता बेळोद चाहास्यान, रा आऊक कोट भी कोट्ट बुळी. 41 जो यावारा नीमी कोस तमि जागा दा वोतान, रा आऊन सांगुळ येद्वह कोस होटोग. 42 जो यावारा नीम से बेळ्यान, आऊक कोळी; अदकि जो नीम से उदार बेळोद चाहासतान, आऊन से बाय तरिगुसबाळी.”

दुश्मनगोळ से प्यार

(लूका ६:२७,२८,३२-३६)

43 “नीव केळ कोंडीर कि अंदकु आगीत, ‘तान मानना हातळोर से प्यार ईंटेतीर, अदकि दुश्मनगोळ से दुश्मनी.’ 44 लेकीन ना नीम से ईद अनतीन कि तान दुश्मनगोळ से प्यार ईंटी अदकि जो नीमी सतुस्तार आंदुर साटी प्रार्थना माळी, 45 यदुर देल नीव तान स्वर्गीय आप्प उन औलाद ठहरूसीर यतकी आव तान सुर्य वळ्लीद अदकि बुरा येद्वह मा उदय माळतान, न्यायी अदकि अन्यायी येद्वह मा नीर बरसुस्तान. 46 यतकी अगर नीव तान प्यार इट्टावाळेरे से अच प्यार ईंटीर, रा नीम साटी येन फल आदीत? येन कर ताकोमावाळेरे भी हगिा माळालुर?” 47 “अगर नीव सरिफ तान वारटुर्द अच भलाई माळीर, रा यातोद धोळद क्याल्सा माळतीर? येन गैरयहूदी लांकुर भी हगिा माळालुर?” 48 इदुरसाटी नीव सदिध आगी, ह्यांग नीमव स्वर्गीय आप्प सदिध आन.”

## 6

गुप्त दान इन शकिषा

1 \* “सावधान ईरी! नीव मळसागोळी तोरसोर साटी तान न्याय इन क्याल्सा माळबाळेतीर, ईलारा नीव तान स्वर्गीय आप्प उन से येनु उच प्रतफिल ताकोम सकतीदलि.”

2 “इदुरसाटी याग नीव दान माळी, रा तान मुंद सैनाई मुरसुसबाळी, ह्यांग कपटी लांकुर, सभागोळ अदकि गलीगोळ दा माळतार, ताकी लांकुर आंदुर बळाई माळुल. ना नीम से खरा माताळतीन कि आंदुर तान प्रतफिल ताकोम कोंडार. 3 लेकीन याग नीव दान माळी, रा जो नीम ऊम्मा कय माळतद, अद नीव तान डाक्या कय इक मालूम नळुगोळ बाळेतीर. 4 कि नीम दान होचकु ईरूल, अदकि आग नीम आप्प जो होचकु नोळतान, नीमी प्रतफिल कोट्टान.”

प्रार्थना अनद शकिषा

(लूका ११:२-४)

5 \* “याग नीव प्रार्थना माळीर, रा कपटीगोळ घाई आगबाळी, यतकी लांकुरी तोरसोर साटी सभागृह दा अदकि सळक इन मोळ मा नदुरकु प्रार्थना माळोद आंदरी वळ्लीद हततद. ना नीम से खरा माताळतीन कि आंदुर तान प्रतफिल ताकोम कोंडार. 6 लेकीन याग नीव प्रार्थना माळी, रा तान कमरा दा

होगी; अदकि कवाळ बंद माळकु तान आप्प उन से गुप्त दा प्रार्थना माळीर. आग नीम आप्प जो होचकु नोळतान नीमी प्रतफिल कोट्टान.”

7 प्रार्थना माळाहोती गैरयहूदीगोळ घाई घळी-घळी माताळ बाळेतीर, यतकी आंदुर सोचतार कि आंदुर हापाळ माताळदुर देल आंदुर केळकु आदीत. 8 इदुरसाटी नीव आंदुर घाई आगबाळी, यतकी नीम आप्प नीम बेळा से पयला अच जान्सतान कि नीम येन येन जरवतगोळ आव. 9 इदुरसाटी नीव ईत्ता रीत देल प्रार्थना माळतोगी:

“हे नाम आप्प, नी जो स्वर्ग दा आय;

नीन हेसुर पवतिर मान्सकु आगुल.

10 दुनयिा दा नीन राज्य बरूल.

नीन इच्छा ह्यांग स्वर्ग दा पुरा आगताव, हांग अच पृथ्वी मा भी आगुल.

11 \* नाम हागुल तस्मुद रोट्टी ईद नामी कोळ.

12 अदकि यात्ता प्रकार देल नाव तान अपराधीगोळ माफ माळेव,

हांग अच नी भी नाम पापगोळी माफ माळ.

13 † अदकि नामी परीक्षा दा तरबाळ,

लेकीन बुराई देल ऊळ्स.”

14 \* “इदुरसाटी अगर नीव मंळसागोळ्द अपराध माफ माळीर, रा नीम स्वर्गीय आप्प भी नीमी माफ माळ्यान. 15 अदकि अगर नीव मंळसागोळ्द अपराध माफ माळतीदील, रा नीम स्वर्गीय आप्प भी नीमव अपराध माफ माळतीदील.”

### उपास इन शकिषा

16 “याग नीव उपास माळीर, रा कपटीगोळ घाई नीम मार्रा मा उदासी ईरबाळुल, यतकी आंदुर तान मार्रा हांग अच माळकु ईटतार, यतकी लॉकुर आंदरी उपासी समसुल. ना नीम से खरा माताळतीन कि आंदुर तान प्रतफिल ताकोम कोंडार. 17 लेकीन याग नीव उपास माळीर रा तान ताल्ला मा याण्णा ऊदी अदकि मार्रा तोळी, 18 ताकी लॉकुर ईला लेकीन नीन आप्प जो गुप्त आन, नीनी उपासी जान्सुल ई दशा दा नीन आप्प जो गुप्त कर्मगोळी नोळकु, नीनी अऊर्द प्रतफिल कोट्टान.”

### स्वर्गीय धन

(लूका १२:३३,३४)

19 \* “तान साटी पृथ्वी मा धन जमा माळबाळेतीर, यल कळिा अदकि जंग नाश माळताव, अदकि यल काळ्लुर तजिरी वडुतार अदकि काळ्लपनी माळतार. 20 लेकीन तान साटी स्वर्ग दा धन जमा माळी, यल न रा कळिा, अदकि जंग नाश माळीत, अदकि यल काळ्लुर ना तजिरी वळदार अदकि ना चोरी माळ्यार. 21 यतकी यल नीम धन आद अल नीम मन भी हतकु ईत्तीत.”

\* 6:11 ६:११ तानीक जरवत आद; या ईद इन साटी, या नाळ इन साटी. † 6:13 ६:१३ येनारा वचनगोळ दा कारण राज्य, सामर्थ्य अदकि गौरव सदा अन साटी नीमव आव. आमीन. \* 6:14 ६:१४ मरकुस ११:२५,२६ \* 6:19 ६:१९ याकूब ५:२,३

मय इन ज्योती  
(लूका ११:३४-३६)

22 “नीन मय इन दगिया कण्ण हुन: इदुरसाटी अगर नीन कण्ण नरिमल आव रा नीन सप्पा मय भी ऊजुळ इन घाई आदीत. 23 लेकीन अगर नीन कण्ण बुरा ईरूल, रा नीन पुरा मय भी अंधकारमय आदीत; ईद कारण अद ऊजुळ जो नीन दा आद अगर अंधकारमय आद रा अद अंधार याट खोल आदीत!”

परमेश्वर अदकि धन  
(लूका १६:१३; १२:२२-३१)

24 “यावारा मंळसा येद्व स्वामीगोळ्द स्यावा माळ सकालुन, यतकी आव ऊंद मंळसा से दुश्मनी अदकि दुसरा मंळसा से प्यार ईट्यान, या ऊंद से मेल मलिाप माळयान अदकि दुसरा मंळसा अक नीच जानस्यान. नीव परमेश्वर अदकि धन येद्व स्यावा सांगुळल्या माळ सकालीर.”

25 “इदुरसाटी ना नीम से अनतीन की तान जीवा अनद साटी ईद चन्तिता माळबाळी की नाव येन तनिदेव अदकि येन कुळदेव; अदकि तान मय इन साटी फळक्यागोळ्द चन्तिता माळबाळी. येन जीव भोजन देल, अदकि मय फळक्यागोळ देल अनमोल हैलेच? 26 आकाश ईनव पक्षीगोळी नोळी! अव ना बीजा हचताव, ना कोयताव, अदकि ना तान तनि जागा दा संगरूसकु ईटताव: तरी भी नीम स्वरगीय आप्प अवरी पालसतान. येन नीम कमित अऊर से यक्कुल हैलेच? 27 नीम दा टु हगि याव आन, जो चन्तिता माळकु तान जदिगी दा ऊंद घळी भी वाळुस सकतान?”

28 “अदकि फळक्यागोळ साटी येती चन्तिता माळतीर? आळी दाकळव फूलगोळ मा ध्यान माळी की अव हयांग वाळुसताव; अव ना रा मयनत माळताव, ना तान साटी फळक्यागोळ माळताव. 29 तरी भी ना नीम से अनतीन की सुलैमान राजा भी, तान पुरा जीवन दा अऊर दा टु यारदु घाई कपळागोळ हाककु ईला ईरोन. 30 इदुरसाटी याग परमेश्वर मैदान इन काड्डा अक, जो ईद आद अदकि नाळ बेक्की दा झोक्सकु आदीत, हगि कपळा हाकसुसतान, रा हे अल्पवशिवासीगोळा, आव नीमी ईऊर से वळ्लीद येती हाकसुसतदिलि?

31 “इदुरसाटी नीव वचिार माळकु ईद अनबाळी की नाव येन तनिदेव, या येन कुळदेव, या येन हाककेव. 32 यतकी गैरयहूदी ई सप्पा वस्तुगोळ्द खोज दा ईरतार, पर नीम स्वरगीय आप्प जानसतान की नीमी ई सप्पा वस्तुगोळ्द जरवत आद. 33 इदुरसाटी पयले नीव परमेश्वर उन राज्य अदकि आऊन न्याय इन खोज माळी रा ई सप्पा वस्तुगोळ भी नीमी सकिकेदव. 34 इदुरसाटी नाळ इन चन्तिता माळबाळी, यतकी नाळ इन दनि तान चन्तिता खुद माळ कौडीत; ईद इन साटी ईद इन दा दुख काफी आद.

## 7

दुसरा मा दोष हचोदाल  
(लूका ६:३७,३८, ४१, ४२)



1 “दोष हचबाळी की नीम मा भी दोष हचकु आगुल. 2 यतकी या प्रकार देल नीव दोष हचतीर, अदा प्रकार देल नीम मा भी दोष हचकु आदीत; अदकि याता नाप देल नीव आळुतीर, अदा प्रकार देल नीम साटी भी आळुकु आदीत.” 3 “नी येती तान वार्ट उन कण्ण इन तनिका अक नोळत्या, अदकि तान कण्ण इन लट्टा नीनी ऊमसाल? 4 याग नींद अच कण्ण दा लट्टा आद, रा नी तान वार्ट उन से ह्यांग अन सकत्या, ‘ता ना नीन कण्ण दा टु तनिका तेगु कोळतीन?’ 5 हे कपटी, पयले नी तान कण्ण दा टु लट्टा तेगु कोम, आग नी तान वार्ट उन कण्ण दा टु तनिका वळलीसा नोळकु तेगु सकत्या. 6 पवतिर वस्तु नायगोळी कोळबाळी, अदकि तान मोती हंदीगोळ मुंद हाक्कबाळी; हगि आगबाळुल की अव अवरी कालगोळ ल्यालमा मेटबुळुल अदकि तरिगकु नीमी हर्द बुळुल.”

प्रार्थना अन महत्व

(लूका ११:९-१३)

7 “बेळीर, रा नीमी कोटकु आदीत; दुंदूसीर रा नीमी सकिकीत; टोकसीर, रा नीम साटी तेरूकु आदीत. 8 यतकी जो यावारा बेळ्यान, आऊक कोटकु आदीत; अदकि जो दुंदूस्यान, आऊक सकिकीत; अदकि जो टोकस्यान आऊन साटी तेरूकु आदीत.”

9 “नीम दा टु हगि याता मळसा आन, की अगर आऊन पार आऊक रोट्टी बेळुल, रा आव आऊक कल्ल कोट्टान? 10 या मेन बेळुल, रा आव आऊक हाव कोट्टान? 11 इदुरसाटी याग नीव बुरा ईतकु, तान चकीरी वळ्लीद वस्तु कोळोद जान्सतीर, रा नीम स्वर्गीय आप्प तान बेळावाळेरी वळ्लीद वस्तु यती कोळतीदील! 12 ईद कारण जो येनारा नीव चाहासतीर की लॉकुर नीम सांगुळ बरताव माळुल, नीव भी आंदुर सांगुळ हांग अच बरताव माळी; यतकी मूसा अन व्यवस्था अदकि भवषियवक्ता अन्द शकिषा ईदा हुन.”

स्यांळद अदकि चौळा हादी

(लूका १३:२४)

13 “स्यांळद हादी टु होगोद-बरोद माळी, यतकी चौळा आद अद फाटक अदकि आसान आद अद हादी जो वनाश दी ओयतद; अदकि हापाळ सा आर जो अल टु होगोद-बरोद माळतार. 14 यतकी स्यांळद आद अद फाटक कठनि आद अद हादी जो जीवन दी ओयतद; अदकि थ्वाळासा अच लॉकुर आर जो आ हादी इक हासलि माळतार.

ह्यांग मार्र हांग काय

(लूका ६:४३, ४४; १३:२५-२७)

15 “ख्वाटा भवषियवक्तागोळ से सावधान ईरी, जो म्यांडागोळद भेष दा नीम हात्ती बरतार, लेकीन आंदुर बुळ्क टु हरूकु तनिवाळेर म्यांडागोळ उर. 16 आंदुर करनी देल नीव आंदरी अरू कोंडीर. येन लॉकुर झाळीगोळ दा टु अंगुर, मुळलगोळ दा टु अंजीर कोयतार? 17 ईदा प्रकार देल हर ऊंद वळ्लीद मार्र वळ्लीद काय तरतद अदकि बेकार मार्र बेकार काय तरतद. 18 वळ्लीद मार्र बेकार काय तर सकाल, अदकि ना बेकार मार्र वळ्लीद काय तर सकतद.

19 \*जो जो मारूर वळ्लीद काय तरतदील, अद कळकु अदकि बेक्की दा हाक्कु आदीत. 20 \*ईद प्रकार देल नीव आंदुर क्यालसागोळ्द कर्मगोळ देल ख्वाटा भवषियवक्तागोळी अरत कोडीर.

ना नीमी यागलु अरालीन  
(लूका १३:२५-२७)

21 “जो नान से, ‘हे प्रभु! हे प्रभु!’ अनतान, आंदुर दा टु हर ऊंद स्वर्ग इन राज्य दा प्रवेश माळतीदील, लेकीन आवा जो नान स्वर्गीय आपुप उन इच्छा मा नळुतान. 22 न्याय इन दनि हापाळ सा लाँकुर नान से अंदार, ‘हे प्रभु! हे प्रभु! येन नाव नीन हेसुर देल भवषियवाणी माळीदील, अदकि नीन हेसुर देल दुष्टआत्मागोळी तेगददील, अदकि नीन हेसुर देल हापाळ सा आश्चर्य चकति क्यालसा माळीदील?’ 23 आग ना आंदुर से खुला शब्द दा अंद बुळाईन, ‘ना नीमी यागलु अरतीदलि. हे कुकर्म माळावाळेरा, नान हात्ती टु होटोगी.’

मान्ना कटावाळेर येढ्द मंळसा: बुद्धमिान अदकि मूर्ख  
(लूका ६:४७-४९)

24 “इदुरसाटी जो यावारा नान ई मातगोळी केळकु अवरी माळतान, आव आ बुद्धमिान मंळसा अन्द घाई ठहरूस्यान याव तान मान्ना चट्टान मा कटदुन. 25 अदकि माळ बत्त, अदकि बाळ बत्त, अदकि आँधी तुफान नळुत, अदकि आ मान्ना से टकरूसत, फरि भी अद बदिदील, यतकी अदुर्द पायवा चट्टान मा अगुळकु आगीत. 26 लेकीन जो यावारा नान ई मातगोळी केळतान अदकि अऊर मा नळालुन, आव आ मूर्ख मंळसा अन्द घाई ठहरूस्यान याव तान मान्ना धुळा मा कटदुन. 27 अदकि माळ बत्त, अदकि बाळ बत्त, अदकि आँधी तुफान नळुत, अदकि आ मान्ना से टकरूसत अदकि अद जोर देल बदिक्कु सत्यानाश आगेत.”

यीशु उन अधिकार

28 \*याग यीशु ई मातगोळी माताळ कोंडुन, रा हगि आत कि भीळ आऊन उपदेश देल सट्ट आत, 29 यतकी आव आंदुर शास्त्रीगोळ घाई ईला लेकीन अधिकारीगोळ घाई उपदेश कोळतोगोन.

## 8

कोढ इन रोगी इक चंगा माळोद  
(मरकुस १:४०-४५; लूका ५:१२-१६)

1 याग यीशु आ पहाळी मा टु ल्यालमा ईळदुन, रा ऊंद धोळ्द भीळ आऊन हदि आगेत. 2 अदकि नोळी, ऊंद कोढ इन रोगी मंळसा हात्ती बंदकु आऊक प्रणाम माळदुन अदकि अंदुन\*, “हे प्रभु, अगर नी चाहास्या, रा नानी शुद्ध माळ सकत्या.”

3 यीशु कय मुंद माळकु आऊक मुटदुन, अदकि अंदुन, “ना चाहसतीन, नी शुद्ध आगेग.” अदकि आव तुरन्त कोढ इन रोग देल शुद्ध आगेदुन. 4 बाक

\* 7:19 ७:१९ मत्ती ३:२०; लूका ३:९    \* 7:20 ७:२० मत्ती १२:३३    \* 7:28 ७:२८ मरकुस १:२२; लूका ४:३२    \* 8:2 ८:२ नानी साफ माळ; हगि मानसोर कि ईद बमिारी मंळसा अक न्यायवधी इन प्रती मैला माळोद.

यीशु आऊन से अंदुन, “नोळ, यारीकु हेळबाळेत, लेकीन होगकु तान तान इक याजक उक तोरस अदकि मूसा अन आदेश इन अनुसार भेंट येरस, ताकी लॉकुर साटी गवाही आगुल.”

रोमी सूबेदार उन दास उक चंगा माळोद  
(लूका ७:१-१०)

5 याग यीशु कफरनहूम नगर दा बंदुन रा ऊंद रोमी सपिाहीगोळद सुबेदार आऊन हात्ती बंदकु आऊन से वनिती माळदुन, <sup>6</sup>“हे प्रभु, नान दास उक लकवा होळद बुटाद अदकि आव हापाळ दुख दा आन.”

7 आग यीशु सुबेदार से अंदुन, “ना बंदकु आऊक चंगा माळाईन.”

8 सुबेदार उत्तर कोट्टुन, “हे प्रभु, ना ई लायक हल्लेच कनि नांद मान्ना ताका बंद्या, लेकीन सर्रिफ आग्या कोटबुळ रा नान सेवक चंगा आगेदान. 9 यतकी ना भी जमिमेदार मळसा हुईन, अदकि सपिाही नान हात्ती आर. याग ना ऊंद से अनतीन, ‘होग!’ रा आव होगतान; अदकि दुसरा से अनतीन, ‘बर!’ रा आव बरतान; अदकि याग तान दास से अनतीन, ‘ईद माळ!’ रा आव माळतान.”

10 ईद केळकु यीशु उक अचम्भा आत, अदकि जो आऊन हदि बरोर आंदुर से अंदुन, “ना नीम से खरा माताळतीन कनि ना इस्त्राएल दा भी हगि मजबुत वशिवास नोळीदील. 11 \*अदकि ना नीम से अनतीन कनि पूर्व अदकि पश्चमि टु हापाळ सा लॉकुर बंदार अदकि आंदुर भोज दा अब्राहम, इसहाक अदकि याकूब उन सांगुळ स्वर्ग इन राज्य दा कुरतार. 12 \*लेकीन राज्य अन्द औलाद व्हाऱ्या अंधार दा हाक्कु आदारः अल वोरलोद अदकि हल्लगोळद कचचोद आदीत.” 13 आग यीशु सुबेदार से अंदुन, “होग, ह्यांग नीन वशिवास आद, हांग अच नीन साटी आगुल.” अदकि आऊन दास अदा घळी दा चंगा आगेदुन.

यीशु हापाळ रोगीगोळी चंगा माळतान  
(मरकुस १:२९-३४; लूका ४:३८-४१)

14 यीशु याग पतरस उन मान्या बंदुन, रा आव आऊन आत्ता अक तेज मय देल बदि कु नोळदुन. 15 यीशु आकनि कय मुटदुन अदकि आकनि मय ईळदोदव, अदकि आक यदकु आऊन स्यावा माळली कुरतुर.

16 याग द्याव आत आग आंदुर आऊन हात्ती हापाळ सा लॉकुरी तंदुर यारदा दुष्ट आत्मागोळ ईरव अदकि यीशु आ दुष्ट आत्मागोळी तान वचन देल तेगद बुट्टुन; अदकि सप्पा रोगीगोळी चंगा माळदुन. 17 \*यतकी जो वचन यशायाह भवषियवक्तागोळ द्वारा अंदकु आगीत अद पुरा आगुलः “यीशु खुद नाम कमजोरीगोळी हुळदुन अदकि नाम बमिरगोळी नेगुकु दुर माळदुन.”

यीशु उन चेला बनसोद कमित  
(लूका ९:५७-६२)

18 यीशु याग तान नाकु दी ऊंद धोळद भीळ नोळदुन रा चेलागोळी झील इन आप्पाटी होगोद आग्या कोट्टुन. 19 आग ऊंद शास्त्री हात्ती बंदकु आऊन से अंदुन, “हे गुरु, नी यल होदया, ना नीन हदि होट्ट बराईन.”

\* 8:11 द:११ लूका १३:२९

\* 8:12 द:१२ मत्ती २२:१३; २५:३०; लूका १३:२८

\* 8:17 द:१७

20 यीशु आऊन से अंदुन, “कोल्यागोळ गुफा अदकि आकाश इन पक्षीगोळ ग्वादा ईरताव; लेकीन मळसा अन पार उन साटी ताल्ला होचकोमोद भी जागा हॅलेच.”

21 मात्त ऊंद चेला आऊन से अंदुन, “हे प्रभु, नानी पयले होगगोळ कि ना तान आप्प उक नळसाईन.”

22 यीशु आऊन से अंदुन, “नी नान हदि आगेग, अदकि सोद्द मळसागोळी तान मुर्दा नळसगोळ.”

तुफान इक शांत माळोद

(मरकुस ४:३५-४१; लूका ८:२२-२५)

23 याग यीशु ड्वांगा मा येरदुन, रा आऊन चेलागोळ आऊन हदि आगेदुर.

24 अदकि नोळी, अचानक झील दा ऊंद हगि धोळ्द तुफान येळ्त्त कि ड्वांगा लयरगोळ से मुचली हत, लेकीन यीशु मगिन. 25 आग चेलागोळ हात्ती बंदकु आऊक येब्सदुर अदकि अंदुर, “हे प्रभु, नामी ऊळ्स, नाव मुळकेतेव.”

26 यीशु आंदुर से अंदुन, “हे अवशिवासीगोळा, यती अंजेतीर?” आग आव यदकु आँधी अदकि नीर इक डटकार्सदुन, अदकि सप्पा शांत आगेत. 27 अदकि आंदुर अचम्भा माळकु अनली कुरतुर, “ईव ह्यांग मळसा हुन कि आँधी अदकि नीर भी ईऊन आग्या मान्सताव.”

दुष्टआत्मा-गरस्त मळसागोळी चंगा माळोद

(मरकुस ५:१-२०; लूका ८:२६-३९)

28 याग यीशु आप्पाटी गदरेनयिों अन प्रदेश दा पोहचुसदुन, रा येद्ध मळसागोळ यारदा दुष्टआत्मागोळ ईरव कब्रगोळ दा टु होटकु आऊक सकिदुर. आंदुर ईट भयानक ईरोर कि याऊ आ हादी देल होग ईला सकोन. 29 आंदुर चलिळास्कु अंदुर, “हे परमेश्वर उन पारा, नाम्द नीन से येन क्याल्सा? येन नी समय से पयले नामी दुख कोळली इल बंद्या?”

30 आंदुर से थ्वाळासा दुर मा हापाळ सा हंदीगोळ्द ऊंद झुण्ड आळोद.

31 दुष्टआत्मागोळ आऊन से ईद अंदकु वनिती माळदव, “अगर नीनी नामी तेगोद अच आद, रा आ हंदीगोळ्द झुण्ड दा कळ्बुळ.”

32 आव आ दुष्टआत्मागोळ से अंदुन, “होगी!” अदकि आ दुष्टआत्मागोळ होटकु हंदीगोळ दा होक्केदव अदकि नोळी, पुरा झुण्ड ऊतार मा टु झील इन नीर दा होगकु बत्तित अदकि मुळककु सोतोत.

33 आ हंदीगोळी आळसावाळेर अल टु ओळदुर, अदकि नगर दा होगकु ई सप्पा मातगोळी अदकि यारदा दुष्टआत्मागोळ ईरव आंदुरद सप्पा हाल केळ्सदुर. 34 आग पुरा नगर इन लाँकुर यीशु से भेट माळोर साटी होटकु बंदुर, अदकि आऊक नोळकु वनिती माळदुर कि नाम क्षेत्तर दा टु व्हार्या होटोग.

## 9

लकवा अन्द रोगी इक चंगा माळोद

(मरकुस २:१-१२; लूका ५:१७-२६)

1 बाक यीशु ड्वांगा मा कुरतकु समुदर अन आप्पाटी होदुन, अदकि तान नगर\* दा बंदुन. 2 अदकि नोळी, हापाळ लॉकुर ऊंद लकवा अन्द रोगी इक व्हर्स मा मगिसकु आऊन हात्ती तंदुर. यीशु आंदुर वशिवास नोळकु, आ लकवा अन्द रोगी से अंदुन, “हे पारा, हमिमत ईट; नीन पाप माफ आदव.”

3 इदुर मा हापाळ शास्त्रीगोळ माताळली कुरतुर, “इव रा परमेश्वर उन अपमान माळतान.”

4 यीशु आंदुर मन इन मातगोळी अरूकु अंदुन, “नीव लॉकुर तान-तान मन दा बुरा वचिर येती माळेतीर? 5 आसान येन आद? ईद अनोद, ‘नीन पाप माफ आदव,’ या ईद अनोद का, ‘येळ नळु अदकि टेट.’ 6 लेकीन इदुरसाटी का नीव जान्स कोमी का मिंळसा अन्द पार उक पृथ्वी मा पाप माफ माळोद अधिकार आद.” इदुरसाटी यीशु लकवा अन्द रोगी से अंदुन, “येळ, तान व्हर्स नेगु, अदकि तान माननी होटोग.”

7 आग लकवा अन रोगी यदकु तान माननी होटोदुन. 8 लॉकुर ईद नोळकु अंजेदुर अदकि परमेश्वर उन बळाई माळली कुरतुर याव मंळसा अक हगि अधिकार कोटान.

यीशु मत्ती इक कारूतान

(मरकुस २:१३-१७; लूका ५:२७-३२)

9 अल टु मुंद होगकु यीशु मत्ती हेसुर इन ऊंद मंळसा अक कर ताकोमोद चौकी मा कुरतकु नोळदुन, अदकि आऊन से अंदुन, “नान हदि आगेग.”

आव यदकु आऊंद हदि आगेदुन.

10 \*याग यीशु मत्ती इन मान्या ऊमोर साटी कुरतुन रा कर ताकोमावाळेर अदकि पापी बंदकु यीशु अदकि आऊन चेलागोळ सांगुळ ऊमली कुरतुर. 11 ईद नोळकु फरीसीगोळ आऊन चेलागोळ से अंदुर, “नीम गुरु कर ताकोमावाळेर अदकि पापीगोळ्द सांगुळ येती तनितान?”

12 ईद केळकु यीशु आंदुर से अंदुन, वैद्य भला चंगागोळ साटी ईला लेकीन बमिरगोळ साटी जरूरी आन. 13 \*इदुरसाटी नीव होगकु इदुरद अर्थ कलूत कोमी: ‘ना बलदिान ईला लेकीन दया चाहासतीन.’ यतकी ना न्यायी लॉकुरी ईला, लेकीन पापीगोळी कारूली बंदीन.”

उपास इन प्रश्न

(मरकुस २:१८-२२; लूका ५:३३-३९)

14 आग बपतसिमा कोळावाळा यूहन्ना अन्द चेलागोळ आऊन हात्ती बंदकु अंदुर, “येन कारण आद का नाव अदकि फरीसी ईट उपास ईटतेव, पर नीन चेलागोळ उपास ईटालुर?”

15 यीशु आंदुर से अंदुन, “येन वराती, यागासताका मंळगार आंदुर सांगुळ आन, शोक माळ सकतार? पर अव दनि बंदव याग मंळगार आंदुर से ब्यार माळकु आदान, आ समय आंदुर उपास माळ्यार.”

16 “क्वारा कपळा अन्द थगिर हाळोद कपळा मा याऊ हचालुन, यतकी अद थगिर आ कपळा से येनारा मात्त जेडु कोमतद, अदकि बाक अद यक्कुल

\* 9:1 ९:१ आऊंद खुद इन ऊर; कफरनहूम ☆ 9:10 ९:१० लूका १५:१,२ † 9:10 ९:१० मत्ती इन मान्या; या आऊन मतलब यीशु उन मान्या ☆ 9:13 ९:१३ मत्ती १२:१७

हर्दोगतद. 17 अदकि लॉकुर व्हाशोद अंगुर इन रास्सा हाळोद तोगुल इन चलिा दा तुमालुर, यतकी हगि माळदुर देल तोगुल इन चलिा हर्दोगताव अदकि अंगुर इन रास्सा चेललेगतद अदकि तोगुल इन चलिा नाश आगेगताव; लेकीन व्हाशोद अंगुर इन रास्सा व्हाशोद तोगुल इन चलिा दा तुमतार अदकि अव येददु उळ्दकु ईरताव.”

सोतकु पोर अदकि वमिर आरत  
(मरकुस ५:२१-४३; लूका ८:४०-५६)

18 यीशु आंदुर से इव मातगोळ अनतेला अच ईरोन, कनिोळी यहूदी सभागृह अन ऊंद सरदार बंदकु आऊक प्रणाम माळदुन अदकि अंदुन, “नान पोर ईगलत्या सोतार, लेकीन नळुकु तान कय आकनि मा ईट, रा आक जतिता आगेदार.”

19 यीशु यदकु तान चेलागोळ सांगुळ आऊन सांगुळ होटोदुन.

20 अदकि नोळी, ऊंद आरत ईरोर आक इक हननेळ वर्ष टु खुन होगोद रोग ईरोद, हदि टु बंदकु आऊन कपळा अनद कनिरा अक मुटदुर. 21 यतकी आक तान मन दा अनतोगोर, “अगर ना आऊन कपळा का मुट बुळाईन रा चंगा आगेगाईन.”

22 यीशु तरिगकु आकी नोळदुन अदकि अंदुन, “पोरी धीरज ईट; नीन वशिवास नीनी वळलीद माळ्याद. इदुरसाटी आक आरत आटोटीका चंगा आगेदुर.”

23 याग यीशु आ सरदार उन मान्या पोहचुसदुन अदकि कोळ्ळ ऊयावाळेर इक अदकि भीळ इक सोरसरावा मचुस्त नोळदुन, 24 आग आव लॉकुर से अंदुन, “सरकुसेगी, पोर सायली आर, लेकीन मगित्यार.” इदुर मा आंदुर आऊन मज्याक हारसली कुरतुर. 25 लेकीन याग भीळ इक व्हार्या तेगुकु आत, रा आव बुळ्क होगकु पोर इन कय हुळदुन, अदकि पोर यदकु कुरतोदुर. 26 अदकि ई मात इन चर्चा द्याश इन सप्पा प्रदेश दा फैलुसेत.

येददु कुददुगोळी दृष्टीदान

27 याग यीशु अल टु मुंद वाळुसदुन, रा येददु कुददु मळसागोळ आऊन हदि ईद कारूतेला नळदुर, “हे दाऊद उन औलाद, नाम मा दया माळ!”

28 याग आव मान्या बुळ्क पोहचुसदुन, रा आ कुददुगोळ आऊन हात्ती बंदुर, अदकि यीशु आंदुर से अंदुन, “येन नीमी वशिवास आद कि ना चंगा माळ सकतीन?” आंदुर आऊन से अंदुर, “हव, प्रभु!” 29 आग आव आंदुरद कण्णगोळी कय हचकु अंदुन, नीम वशिवास इन अनुसार नीम साटी हांगा आगुल “ह्यांग नीव चाहासतीर.” 30 अदकि आंदुरद कण्णगोळ देल काळ्ळली हत्त. यीशु आंदरी चेतावनी कोटकु अंदुन, “सावधान, ईदुर बारा दा यारीकु मालूम ईला नळु पायजे.”

31 लेकीन आंदुर अल टु होटकु पुरा द्याश दा आ समाचार इक फैलुस बुटुर.

ऊंद मुक्का अक चंगा माळोद

32 याग आंदुर व्हार्या होगोर, रा नोळी, लॉकुर ऊंद मुक्का अक यारदा दुष्टआत्मा ईरोद, आऊन हात्ती तंदुर; 33 अदकि याग दुष्टआत्मा तेग्द

बुट्टुन, रा मुक्का मंळसा माताळली हत्तेदुन. इदुर मा भीळ अचम्भा माळकु अंत, “इस्त्राएल दा हगि यागलु नोळकु आगीदील.”

34 \*लेकीन फरीसीगोळ अंदुर, “इव रा दुष्टआत्मागोळ्द सरदार उन मदत देल दुष्टआत्मागोळी तेगुतान.”

यीशु उन दया

35 \*यीशु सप्पा नगरगोळ अदकि ऊरगोळ दा वयाळतोगोन, अदकि राज्य अनूद खुशखबरी प्रचार माळतोगोन, अदकि हर प्रकार इन बमिरी अदकि कमजोरी इक दुर माळतेला ईत्तुन. 36 \*याग आव भीळ इक नोळदुन रा आऊक लॉकुर मा दया बत्त, यतकी आंदुर आ म्यांडागोळ घाई ईरोर यार्द याऊ रखवाला ईला ईरोन, आंदुर व्याकुल अदकि भटकुसकु ईरोर. 37 \*आग आव तान चेलागोळ से अंदुन, “हण्ण केई रा हापाळ आव पर क्यालसा माळावाळेर मजदुर गोरत आर. 38 इदुरसाटी फसल इन स्वामी से वनिती माळी की आव केई इन फसल कडोर साटी मजदूर कळु बुळुल.”

## 10

यीशु उन हन्नेळ चेलागोळ

(मरकुस ३:१३-१९; लूका ६:१२-१६)

1 बाक यीशु तान हन्नेळ चेलागोळी तान हात्ती कारदुन, आंदरी दुष्टआत्मागोळ मा अधिकार कोट्टुन की अवरी तेगुल अदकि सप्पा प्रकार ईनव बमिरगोळ अदकि सप्पा प्रकार ईनव कमजोरीगोळी अक दुर माळुल. 2 इंदुर हन्नेळ प्रेरतिगोळ्द हेसुर हगि आव: पयला शमौन, आऊक पतरस भी अनतान, अदकि आऊन वार्ट अन्द्रयास; जब्दी इन पार याकूब, अदकि आऊन वार्ट यूहन्ना; 3 फलिप्पुस, अदकि बरतुल्मै, थोमा, अदकि कर ताकोमावाळा मत्ती, हलफई नव पार याकूब, अदकि तद्दै, 4 शमौन कनानी, अदकि यहूदा इस्करियोती याव यीशु उक ध्वाका देल हुळसुस बुटीदुन.

हन्नेळ प्रेरतिगोळ्द स्यावा-कार्य

(मरकुस ६:७-१३; लूका ९:१-६; १०:४-१२)

5 ई हन्नेळ प्रेरतिगोळी यीशु आग्या कोटक कळुदुन: “गैरयहूदीगोळ दी होगवाळेतीर, अदकि सामरीगोळ्द यात्तोदु नगर दा प्रवेश माळवाळेतीर. 6 लेकीन इस्त्राएल इन घराना अनूद अच काळ्द म्यांडागोळ्द हात्ती होगोतीर. 7 अदकि नळुत-नळुत ईद प्रचार माळी: की ‘स्वर्ग अन राज्य हात्ती होट बंदाद.’ 8 बमिरगोळी चंगा माळी, सोदद मंळसागोळी जत्तिता माळी, कोदी मंळसा अक शुद्ध माळी, दुष्टआत्मागोळी तेगी. नीमी फुकट दा सकियाद, नीव भी फुकट दा वाटसी. 9 तान खसिा दा ना रा व्हान्ना, अदकि ना वेळ्ली, अदकि ना तांबा ईटेतीर; 10 \*हादी इन साटी ना झ्वारा, ना दुसरा

\* 9:34 ९:३४ मत्ती १०:२५; १२:२४; मरकुस ३:२२; लूका ११:१५ \* 9:35 ९:३५ मत्ती ४:२३; मरकुस १:३९; लूका ४:४४ \* 9:36 ९:३६ मरकुस ६:३४ \* 9:37 ९:३७ लूका १०:२ \* 10:10 १०:१० १ कुरनिथी ९:१४; १ तीमुथयुस ५:१८

कुळता, ना जुता अदकि ना कोल हुडी, यतकी क्याल्सा माळावाळा मजदूर उक आऊन मजदूरी सकि पायजे.

11 “येल्यारा यातोदारा नगर या ऊरा दा होगी, रा पता हची क्कि अल याव लायक आन. अदकि यागासताका अल टु होळालीर, अदा मान्या ईरेतीर. 12 मान्या प्रवेश माळाहोती आऊक आशीष कोळेतीर. 13 अगर आ मान्या नोर लाँकुर योग्य ईतीदार रा नीम आशरिवाद आंदुर ताका पोहचुसीत, लेकीन अगर आंदुर योग्य ईला इतीदार रा नीम आशरिवाद नीम हात्ती वापस होट बंदीत. 14 \*जो यावारा नीमी ग्रहण माळतीदील अदकि नीम मात केळतीदलि, आ मान्या या आ नगर टु होळावती तान काल इन धुळा झाळ्स बुळी. 15 \*ना नीम से खरा माताळतीन क्कि न्याय इन दनि आ नगर इन दशा से सदोम अदकि गमोरा अन्द द्याश इन दशा यक्कुल सहन माळा लायक ईत्तीत.

बरावाळा संकट

(मरकुस १३:९-१३; लूका २१:१२-१७)

16 \* “नोळी, ना नीमी म्यांडागोळ घाई लांडग्यागोळ न्याड्या कळुतीन, इदुरसाटी हावगोळ घाई बुद्धमिान अदकि कबूतरगोळ घाई भोला बन्सी. 17 \*लेकीन लाँकुर से सावधान ईरी, यतकी आंदुर नीमी महासभागोळ दा सोपस्यार, अदकि तान पंचायतगोळ दा नीमी क्वाळा देल बळदार. 18 नीव नान साटी हाकमिगोळ अदकि राजागोळ मुंद आंदुर मा, अदकि गैरयहूदीगोळ मा गवाह आगोर साटी पोहचुस्कु आदीर. 19 याग आंदुर नीमी हुळसुस्यार रा ईद चनिता माळबाळेतीर क्कि नाव याता रीतदिल या येन अंदेव, यतकी जो येनारा नीमी अनोद ईत्तीत, अद अदा घळी नीमी हेळकु आदीत. 20 यतकी माताळावाळेरे नीव आल्लच, लेकीन नीम स्वर्गीय आप्प उन आत्मा नीम दा माताळतद.

21 \* “वार्ट, वार्ट उक अदकि आप्प पार उक, कोन्नोर साटी सोपस्यार, अदकि चकिोर मोय-आप्पुर वरिध दा यदकु आंदरी कोन्सुस बुट्टार. 22 \*नान हेसुर इन कारण सप्पा लाँकुर नीम से दुश्मनी माळ्यार, लेकीन जो आखरी ताका धीरज हुडुकु ईत्तान आऊंदा उद्धार आदीत. 23 याग आंदुर नीमी ऊंद नगर दा सतुस्यार, रा नीव दुसरा दी ओळगेतीर. ना नीम से खरा माताळतीन, नीव इस्त्राएल इन सप्पा नगरगोळ दा होगा से पयले अच मळसा अन्द पार होट बंदान.

24 \* “चेला तान गुरु से धोड्डेव ईरालुन; अदकि न दास तान स्वामी से. 25 \*चेला तान गुरु अक अदकि दास तान स्वामी इन बराबर आगोद अच काफ़ी आद. याग आंदुर मान्या अन स्वामी इक शैतान अंदुर रा आऊन मान्यावाळेरे इक येन येनारा अनतीदलि!

यार देल अंजेव

(लूका १२:२-७)

\* 10:14 १०:१४ परेरतिगोळ १३:५१ \* 10:15 १०:१५ मत्ती ११:२४ \* 10:15 १०:१५ लूका १०:४-१२ \* 10:16 १०:१६ लूका १०:३ \* 10:17 १०:१७ मरकुस १३:९-११; लूका १२:११,१२; २१:१२-१५ \* 10:21 १०:२१ मरकुस १३:१२; लूका २१:१६ \* 10:22 १०:२२ मत्ती २४:१; मरकुस १३:१३; लूका २१:१७; मत्ती २४:३३; मरकुस १३:३३ \* 10:24 १०:२४ लूका ६:४०; यूहन्ना १३:१६; १५:२० \* 10:25 १०:२५ मत्ती ९:३४; १२:२४; मरकुस ३:२२; लूका ११:१५



26 \***“इदुरसाटी मंळसागोळ से अंजबाळी; यतकी येनारा होचकु हैलेच जो तेरदकु आगतीदील, अदकि न येनारा रहस्यमय आद जो प्रगट आगतीदील. 27 जो ना नीम से अंधार दा अनतीन, अद नीव ऊजुळ दा अनी; अदकि जो ना नीम कवि दा अंदीन, अदरी नीव आळा मा टु प्रचार माळी. 28 आंदुर से अंजबाळी जो मय इक नुकसान माळतार, लेकीन आत्मा अक नुकसान माळ सकालुर; लेकीन परमेश्वर से अच अंजी, जो आत्मा अदकि शरीर येददु नरक दा नष्ट माळ सकतान. 29 येन ऊंद पैस्या दा येददु चमिणी पक्षी मारालव? तरी भी नीम आप्प उन इच्छा अनद अलावा अऊर दा टु ऊंद भी धरती मा बळिसकाल. 30 नीम ताल्ला अन चुट्टी भी सप्पा आळुकु आव. 31 इदुरसाटी अंजबाळी; नीव हापाळ चमिणीगोळ से भी बार्र आईर.**

यीशु उक स्वीकार या अस्वीकार माळोद  
(लूका १२:८; ९)

32 **“जो यावारा मंळसागोळ मुंद नानी मान्स कौडान, आऊक ना भी तान स्वर्गीय आप्प उन मुंद मान्स कोमाईन. 33 \*लेकीन जो यावारा मंळसागोळ मुंद नान इनकार माळ्यान, आऊक ना भी तान स्वर्गीय आप्प उन मुंद इनकार माळाईन.**

यीशु उन बरोद परणाम  
(लूका १२:५१-५३; १४:२६,२७)

34 **“ईद सम्सबाळी कनि धरती मा शांती तरली बंदीन; ना शांती तरली ईला, पर तलवार नळसोर साटी बंदीन. 35 ना रा बंदीन कि: ‘पार उक आऊन आप्प उन से, अदकि पोर इक आकनि मोय इन से, अदकि सास्सा अक आकनि आत्ता से ब्यार्र माळ कोमाईन; 36 \*मंळसा अनद दुश्मन आऊन मान्या अन लॉकुर अच ईततार.’**

37 **“जो तान मोय या आप्प उक नान से यक्कुल प्रयि जान्सतान, आव नान लायक हैलेच; अदकि जो तान पार या पोर इक नान से यक्कुल प्रयि जान्सतान, आव नान लायक हैलेच; 38 \*अदकि जो तान क्रूस नेगुकु नान हदि नळालुर आंदुर नान लायक हैलेच. 39 \*जो तान जीव ऊळसोद चाहास्यान, आव अदरी खोऊस्यान; अदकि जो नान कारण तान जीव खोऊस्यान, आव अदरी हासलि माळ्यान.**

प्रतफिल  
(मरकुस ९:४१)

40 **“जो नीमी ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान. 41 जो भवषियवक्ता अक भवषियवक्ता जान्सकु ग्रहण माळुल, आव भवषियवक्ता अन प्रतफिल हासलि माळ्यान; अदकि जो न्यायी इक न्यायी जान्सकु ग्रहण माळुल, आव न्यायी इन प्रतफिल हासलि माळ्यान. 42 जो यावारा ई स्याणेर**

\* 10:26 १०:२६ मरकुस ४:२२; लूका ८:१७ \* 10:33 १०:३३ २ तीमुथयिस २:१२ \* 10:36 १०:३६ मीका ७:६ \* 10:38 १०:३८ मत्ती १६:२४; मरकुस ८:३४; लूका ९:२३ \* 10:39 १०:३९ मत्ती १६:२५; मरकुस ८:३५; लूका ९:२४; १७:३३; यूहन्ना १२:२५ \* 10:40 १०:४० लूका १०:१६; यूहन्ना १३:२०; मरकुस ९:३७; लूका ९:४८

दा टु ऊंद मंळसा अक नान चेला जान्सकु सरिफ ऊंद वाटी नीर कुळस्यान, ना नीम से खरा माताळतीन, आव यातोदु रीतदिल तान प्रतफिल खोऊसतदिलि.”

## 11

बपतस्मा कोळावाळा यूहन्ना दी टु बातणी कोळावाळेर  
(लूका ७:१८-३५)

1 याग यीशु तान हन्नेळ चेलागोळी नरिदेश कोट बुटुन, रा आव आंदुरद नगरगोळ दा उपदेश अदकि प्रचार माळली अल टु होटोदुन.

2 बपतस्मा कोळावाळा यूहन्ना याग बंदीगृह दा मसीह अन क्यालसागोळ्द समाचार केळदुन अदकि तान चेलागोळी आऊन से ईद केळली कळुदुन, 3 “येन बरावाळा नीना हुय, या नाव यावारा दुसरा अन्द हादी कादेव?”

4 यीशु उत्तर कोट्टुन, “जो येनारा नीव केळतीर अदकि नोळतीर, अद सप्पा होगकु बपतस्मा कोळावाळा यूहन्ना अक हेळबुळी, 5 किकुद्वगोळ नोळतार अदकि लंगळागोळ नळुतार वयाळतार, कोदी शुद्ध माळकु आगतार अदकि बयरागोळ केळतार, मुरदागोळ जतिता माळकु आगताव, अदकि कंगालगोळी खुशखबरी केळ्सकु आगतद. 6 अदकि धन्य आर आंदुर, जो नान कारण ठोकर तनालुर.”

7 याग बपतस्मा कोळावाळा यूहन्ना अन चेलागोळ अल टु होदुर, रा यीशु यूहन्ना अन्द बारा दा लॉकुर से अनली कुरतुन, “नीव आळी दा येन नोळली होगीदरि? येन हवा देल हालुसतेला सरकण्डा अक? 8 बाक नीव येन नोळली होगीदरि? येन मुलायम कपळा हाग्द मंळसा अक? नोळी जो मुलायम कपळा हाकतार, आंदुर राजभवनगोळ दा ईरतार. 9 रा बाक येती येन नोळली होगीदरि? येन यावारा भवषियवक्ता अक? हव, ना नीम से खरा अनतीन कभिवषियवक्ता से भी धोड्डेव उक. 10 ईव आवा हुन यार्द बारा दा लखिसकु आद: ‘नोळ, ना तान दूत उक नीन मुंद कळुतीन, जो नीन मुंद नीन हादी तयार माळ्यान.’\* 11 ना नीम से खरा माताळतीन क्जो आर्तेर से पैदा आग्यार, आंदुरदा टु यूहन्ना बपतस्मा कोळावाळा से याऊ धोड्डेव आगीदील; पर जो स्वर्ग इन राज्य दा स्याणेव से स्याणेव आन आव यूहन्ना से धोड्डेव आन. 12 \*यूहन्ना बपतस्मा कोळावाळा अन्द दनिगोळ टु ईगासताका स्वर्ग इन राज्य दा बलपूर्वक प्रवेश आगतेला ईताद, अदकि बलवान अदरी कसुकुमतार. 13 यूहन्ना अन बरासताका सप्पा भवषियवक्तागोळ अदकि मूसा अन व्यवस्था भवषियवाणी माळीत. 14 \*अदकि मानसोद चाहासतीर रा मान्सी कएिलय्याह जो बरावाळा ईरोन, आव यूहन्ना अच हुन. 15 यार कवि आव, आव केळ कोमुल.”

16 “ना ई पीदी इन लॉकुरद तुलना यार देल माळाईन? आंदुर आ चकिोरगोळ घाई आर, जो सात्तागोळ दा कुर्तकु आबुर दाबुर से कारूकु अनतार.”

17 “नाव नीम साठी कोळल मुरसदेव,

अदकि नीव कृणदीदलि; नाव वलिाप माळदेव,

\* 11:10 ११:३० मलाकी ३:१

\* 11:12 ११:१२ लूका १६:१६

\* 11:14 ११:१४ मत्ती १७:१०-१३;

अदकि नीव दुखी आगीदील.”

18 “यतकी यूहनना बपतसिमा कोळावाळा ना रा रोटी तति बंदुन अदकि ना अंगुर इन रास्सा कुडुत बंदुन, लेकीन लॉकुर अनतार, ‘आऊन दा दुष्टआत्मा आद.’ 19 मंळसा अन्द पार तति कुडुत बंदुन, अदकि लॉकुर अनतार ‘नोळी, व्हाट्टा तुम्मावाळा अदकि सारा कुडावाळा मंळसा, कर ताकोमावाळे अदकि पापीगोळव संगी!’ लेकीन परमेश्वर उन ग्यान तान क्याल्सा देल सही ठहूसकु आग्याद.”

अवशिवासी नगरगोळ  
(लूका १०:१३-१५)

20 आग यीशु आ नगरगोळी धक्कारसली कुरतुन, यऊरदा यीशु हापाळ सा सामर्थ्य ईनव क्याल्सा माळीदुन, यतकी आंदुर तान मन ईला तरिगुसीदुर. 21 “हे खुराजीन! नीन मा हाय! हे बैतसैदा! नीन मा हाय! यतकी जो सामर्थ्य ईनव क्याल्सा नीम दा माळकु आदव, अगर अव सूर अदकि सैदा दा माळकु आगायदव रा अव हापाळ पयले बॉरा\* होदुकु अदकि राख मा कुरतकु तान पापगोळ देल तरिगोगायदव. 22 लेकीन ना नीम से अनतीन कान्याय इन दशी नीम दशा से सूर अदकि सैदा अन्द दशा यक्कुल सहन माळा लायक ईत्तीत. 23 अदकि हे कफरनहूम, येन नी स्वर्ग ताका म्याकुच नेगुकु आद्या? नी पाताल लोक ताका ल्यालमा होद्या! यतकी जो सामर्थ्य ईनव क्याल्सा नीन दा माळकु आदव, अगर अव सदोम दा माळकु आगायदव, रा अद नगर ईगासताका बनस्कु ईराईत. 24 \*लेकीन ना नीम से अनतीन कान्याय इन दशी नीम द्याश से सूर अदकि सैदा अन्द दशा यक्कुल सहन माळा लायक ईत्तीत.”

नान हात्ती बरी अदकि आराम माळी  
(लूका १०:२१,२२)

25 आटा होती यीशु अंदुन, “हे आप्पा, स्वर्ग अदकि पृथ्वी नव प्रभु, ना नीन धन्यवाद माळतीन की नी ई मातगोळी आंदुर से जो ग्यानी आर अदकि कलत माळकु लॉकुर से होचकोमकु ईट्टद, अदकि चकिरगोळ मा प्रगट माळद. 26 हव, हे आप्पा, यतकी नीनी ईदा वळ्ळीद हत्त.”

27 \* “नान आप्प नानी सप्पा येनारा सोप्स बुटान; आप्प उन अलावा पार उक याऊ अरालुन, सर्फ आप्प; अदकि न पार उन अलावा आप्प उक यावारा अरूतान, सर्फ पार; या आवा यार साटी पार आऊक प्रगट माळतान.”

28 “हे सप्पा मयनत माळावाळे अदकि कर्ज देल मुळककु लॉकुरा, नान हात्ती बरी; ना नीमी आराम कोळाईन. 29 नान भार तान म्याकुच नेगु कोमी, अदकि नान से कली; यतकी ना नम्र अदकि मुलायम आईन: अदकि तान मन दा वश्राम नोळीर. 30 यतकी नान भार आसान अदकि नान ओझा हल्का आद.”

\* 11:21 ११:२१ टाट-चददर, दुख इन हासक्या या कतळी \* 11:24 ११:२४ मत्ती १०:१५; लूका १०:१२ \* 11:27 ११:२७ यूहनना ३:३५; यूहनना १:१८; १०:१५

## 12

आराम इन दनि इन बारा दा प्रश्न  
(मरकुस २:२३-२८; लूका ६:१-५)

1 आ समय यीशु आराम इन दशी केईगोळ दा टु आगतेला होगोन, अदकि आऊन चेलागोळी हसु हतत रा आंदुर गोदी नव लॉम्बा मुरू मुरूकु तनिली कुरतुर. 2 फरीसीगोळ ईद नोळकु आऊन से अंदुर, “नोळ, नीन चेलागोळ अद क्याल्सा माळीत्यार, जो आराम इन दशी माळोद मूसा अन व्यवस्था अन अनुसार उचति हैलेच.”

3 यीशु आंदुर से अंदुन, “येन नीव वाचुसीदील, किदाऊद, याग आऊक अदकि आऊन संगीगोळी हसु हत रा येन माळदुर? 4 आव ह्यांग परमेश्वर उन भवन दा होदुन, अदकि भेट यरसद रोटीगोळी तदिन, यवरी तनोद दाऊद उक अदकि आऊन संगीगोळी उचति ईला ईरोद लेकीन सरिफ याजकगोळी उचति ईरोद? 5 येन नीव मूसा अन व्यवस्था दा वाचुसीदील कि याजक आराम इन दशी सभागूह दा आराम इन दनि इन वधी इक मुरदुर मा भी नरिदोष ठहरूसतार?” 6 पर ना नीम से अनतीन कि ईल आव आन जो सभागूह से भी धोड्डव आन. 7 अग्र नीव शास्त्रगोळ दा लखिसद मातगोळ्द मतलब जान्सायदीर, “ना दया देल संतुष्ट आगतीन, बलदिन देल ईला, रा नीव नरिदोष उक दोषी ईला ठहरूसायदीर. 8 मंळसा अन पार रा आराम इन दनि ईनव भी स्वामी हुन.”

लकवा ग्रस्त मंळसा अन चंगाई  
(मरकुस ३:१-६; लूका ६:६-११)

9 अल टु नळकु यीशु आंदुरद यहूदी लॉकुरद सभागूह दा बंदुन. 10 अल ऊंद मंळसा ईरोन, यार कय वळ्गकु ईरोद. फरीसीगोळ यीशु मा दोष हचोर साटी आऊन से केळदुर, “येन आराम इन दशी चंगा माळोद मूसा अन व्यवस्था अन अनुसार उचति आद?”

11 यीशु आंदुर से अंदुन, “नीम दा हगि याव आन यार्द ऊंद अच म्यांडा ईरूल, अदकि अद आराम इन दशी ख्वॉदरा दा बदिगुल, रा आव अदरी हुळकु व्हार्या तेगुतदील? 12 भला मंळसा अनद कमित म्यांडा से याट यक्कुल आद! इदुरसाटी आराम इन दशी भलाई माळोद उचति आद.” 13 आग आव आ मंळसा से अंदुन, “तान कय मुंद माळ.”

आव मुंद माळदुन, अदकि आ कय बाक दुसरा कय इन घाई वळ्लीद आगेत. 14 आग फरीसीगोळ व्हार्या होगकु आऊन वरिध दा योजना माळदुर कि आऊक याता प्रकार देल कोदेव.

परमेश्वर उन नविळुसद सेवक

15 ईद जानसकु यीशु अल टु होटोदुन. अदकि हापाळ लॉकुर आऊन हदि आगेदुर, अदकि आव सप्पा मुंदुरी चंगा माळदुन, 16 अदकि आंदरी चेतावनी कोट्टुन कि नानी प्रगट माळबाळेतीर, 17 ताकी जो वचन यशायाह भवषियवक्ता अनद द्वारा अंदकु आगीत, अद पुरा आगुल:\*

\* 12:7 १२:७ मत्ती १:३३

\* 12:11 १२:११ लूका १४:५

\* 12:17 १२:१७ यशायाह ४२:४

18 “नोळी, ईव नान सेवक हुन, यारी ना नविळुसीन;

नान प्रयि, यार देल नान मन संतुष्ट आद:

ना तान आत्मा आऊन मा हाकाईन,

अदकि आव गैरयहूदीगोळी न्याय इन खुशखबरी कोट्टान.

19 आव ना रा झगळा माळ्यान, अदकि ना धूम मचुस्यान,

अदकि ना रा सात्यागोळ दा यावारा आऊन आवाज केळ्यान.

20 आव मेड्द सरकण्डागोळी मूरुतदिलि,

अदकि धुंगा कोळ्द बत्ती इक भी नुनाकतदिलि,

यागासताका आव न्याय इक वजिय माळ कोमालुन.

21 अदकि गैरयहूदी लॉकुर आऊन हेसुर मा आशा ईट्यार.”

यीशु अदकि बालजबूल

22 आग लॉकुर ऊंद कुद्व अदकि मुक्का अक यारदा दुष्टआत्मा ईरोद, यीशु उन हात्ती तंदुर; अदकि आव आऊक चंगा माळदुन, अदकि आव माताळली अदकि नोळली कुरतुन. 23 ईदुर मा सप्पा लॉकुर चकति आगकु अनली कुरतुर, “ईव येन दाऊद उन औलाद हुन?”

24 \*लेकीन फरीसीगोळ ईद केळकु अंदुर, “ईव रा दुष्टआत्मागोळव सरदार बालजबूल उन मदत देल दुष्टआत्मागोळी तेगुतान.”

25 आव आंदुरद मन इन मात अरूकु आंदुर से अंदुन, “अगर यातोदारा राज्य दा फूट बळितद, अद ऊजाळसेगतद; अदकि यातोदारा नगर या घराना दा फूट बळितद, अद टीकुसकु ईरतीदील. 26 अदकि अगर शैतान अच शैतान उक तेगदीत, रा अद खुद इन दा वरिधी आगेग्याद; बाक अदुरद राज्य ह्यांग टीकुसकु ईत्तीत? 27 भला, अगर ना शैतान उन सरदार उन सहायता देल दुष्टआत्मागोळी तेगुतीन, रा नीम अनुयायीगोळ यार सहायता देल तेगुतार? इदुरसाटी आंदुर अच नीम न्याय माळ्यार. 28 पर अगर ना परमेश्वर उन आत्मा अन्द सहायता देल दुष्टआत्मागोळी तेगुतीन, रा परमेश्वर उन राज्य नीम हात्ती होट बंदाद.”

29 या ह्यांग यावारा मंळसा यातोवारा ताकतवर मंळसा अन्द मान्या होक्कु आऊन माल कदू सकतान यागासताका कपयले आव आ ताकतवर मंळसा अक कट कोमालुन? आगासताका आव आऊन मान्या होक्कु माल कदू सकालुन.

30 \*जो नान सांगुळ हैलेच आव नान वरिध दा आन, अदकि जो नान सांगुळ जमा माळालुन आव बगरूसतान. 31 इदुरसाटी ना नीम से अनतीन का मंळसा अन्द सब प्रकार इन पाप अदकि अपमान माफ माळकु आदीत, लेकीन जो यावारा पवतिर आत्मा अन अपमान माळतान आऊक माफ माळकु आगतीदील. 32 \*जो यावारा मंळसा अन्द पार उन वरिध दा येनारा मात अंदान, आऊन ईद अपराध माफ माळकु आदीत, लेकीन जो यावारा पवतिर आत्मा अन्द वरिध दा येनारा अंदान, आऊन अपराध न रा ई युग दा अदकि न बरावाळा युग दा माफ माळकु आगतीदील.

\* 12:24 १२:२४ मत्ती ९:३४; १०:२५

\* 12:30 १२:३० मरकुस ९:४०

\* 12:32 १२:३२ लूका

मार्र अदकि अदुर्द काय  
(लूका ६:४३-४५)

33 \* “अगर मार्र वळ्लीद आद, रा अदुर्द काय भी वळ्लीद ईततीत, या मार्र नकिममा आद, रा अदुर्द काय भी नकिममा ईततीत; यतकी मार्र तान काय देल अच अर्तकु आगतद. 34 \* हे हाव ईनव चकिोरा, नीव बुरा आगकु ह्यांग वळ्लीद मातगोळी अन सकतीर? यतकी जो मन दा तुमकु आद, अदा बाय दा बरतद. 35 वळ्लेव मंळसा तान मन इन वळ्लीद भंडार दा टु वळ्लीद मातगोळी तेगुतान, अदकि बेकार मंळसा बेकार भंडार दा टु बेकार मातगोळी तेगुतान.”

36 “अदकि ना नीम से अनतीन की जो जो नकिममा मातगोळी मंळसागोळ अंदार, न्याय इन दशी आंदुर हर ऊंद आ मात इन लेखा कोट्टार. 37 यतकी नी तान मातगोळ कारण नरिदोष, अदकि तान मातगोळ दा कारण दोषी ठहरूसकु आद्या.”

स्वर्गीय चनिह अन्द मांग  
(मरकुस ८:११-१२; लूका ११:२१-३२)

38 \* ईदुर मा थ्वाळासा शास्त्रीगोळ अदकि फरीसीगोळ यीशु से अंदुर, “हे गुरु, नाव नीन कय देल ऊंद चमत्कार नोळोद चाहासतेव.”

39 \* आव आंदरी उत्तर कोट्टुन, “ई दुनिया अन्द बेकार अदकि व्यभिचारी लॉकुर योना अन्द चमत्कार ढुंढसतार, लेकीन योना भवषियवक्ता अन्द चमत्कार इक बटिकु यातोदु दुसरा चमत्कार आंदरी कोटकु आगतीदील. 40 योना मुर दनि अदकि मुर ईळ्लक आ समुद्र अन धोळ मेन इन व्हाट्या ईततुन, हांग अच मंळसा अन्द पार मुर दनि अदकि मुर ईळ्लक धरती इन बुळ्क ईततान. 41 नीनवे नगर इन लॉकुर न्याय इन दशी ई दुनिया अन्द लॉकुर सांगुळ यदकु आंदरी दोषी ठहरूस्यार, यतकी आंदुर योना अन्द प्रचार केळकु मन तरिगुसीदुर; अदकि नोळी, ईल आव आन जो योना से भी धोड्डेव आन. 42 दक्षणि इन रानी न्याय इन दशी ई दुनिया अन्द लॉकुर सांगुळ यदकु आंदरी दोषी ठहरूस्यार, यतकी आक सुलैमान उन गयान केळोर साटी धरती इन क्वाना टु बंदुर; अदकि नोळी, ईल आव आन जो सुलैमान से भी धोड्डेव आन.

दुष्टआत्मा अन वापसी  
(लूका ११:२४-२६)

43 “याग दुष्टआत्मा मंळसा दा टु होट बुळतद, रा वंळगींद जागागोळ दा आराम ढुंढसली वयाळतद, अदकि अदरी सकाल. 44 आग अनतद, ‘ना तान अदा मान्ना दा यल टु होटोदीन, होटोगाईन.’ अदकि होटकु अदरी सूना, झाळ-झुळ्सकु अदकि सजुसकु नोळतद. 45 आग अद होगकु तान से मात्त बेकार येळ आत्मागोळी तान सांगुळ तरतद, अदकि अव आ मान्या समुसकु अल ईरताव, अदकि आ मंळसा अन्द दशा पयला टु भी बेकार आगोगतद. ई दुनिया अन बुरा लॉकुरद दशा भी हगि अच आदीत.”

\* 12:33 १२:३३ मत्ती ७:२०; लूका ६:४४ \* 12:34 १२:३४ मत्ती ३:७; २३:३३; लूका ३:७; मत्ती १५:२८; लूका ६:४५ \* 12:38 १२:३८ मत्ती १६:१; मरकुस ८:११; लूका ११:१६ \* 12:39 १२:३९ मत्ती १६:४; मरकुस ८:१२

यीशु उन मोय अदकि वार्दुर  
(मरकुस ३:३१-३५; लूका ८:१९-२१)

46 याग यीशु भीळ से मातगोळी हेळत अच ईरोन, आग आऊन मोय अदकि वार्दुर व्हार्या नदिरकु ईरोर अदकि आऊन से मात हेळोद चाहासोर. 47 \*यावारा आऊन से अंदुन, “नोळ, नीन मोय अदकि नीन वार्दुर व्हार्या नदिरकु आर, अदकि नीन से मात हेळोद चाहासतार.”

48 ईद केळकु आव अनावाळेर इक उत्तर कोट्टुन, “याक हुळ नान मोय? अदकि यार उर नान वार्दुर?” 49 अदकि तान चेलागोळ दी तान कय वाळुसकु अंदुन, “नोळी, नान मोय अदकि नान वार्दुर इंदुरा उर. 50 यतकी जो यावारा नान स्वरगीय आप्प उन इच्छा मा नळदान, आवा नान वार्ट, अदकि नान आकतींग, अदकि नान मोय हुळ.”

## 13

बीजा बोऊसावाळा अन्द उदाहरण  
(मरकुस ४:१-९; लूका ८:४-८)

1 अदा दशी यीशु मान्या टु होटकु झील इन कनिरा मा होगकु कुरतुन. 2 \*अदकि आऊन हात्ती हगि धोळ्द भीळ जमा आत कि आव इवांगा मा येरेदुन, अदकि सप्पा भीळ कनिरा मा नदिरकु ईत्त. 3 अदकि आव आंदुर से उदाहरणगोळ दा हापाळ सा मातगोळी अंदुन:

“ऊंद बोऊसावाळा बीजा बोऊसली होट्टुन. 4 बोऊसा होती थ्वाळासा बीजा हादी इन कनिरा मा बदिदव अदकि पक्षीगोळ बंदकु अवरी तनिली कुरतव. 5 येनारा बीजा कल्ल इन जागा मा बदिदव, यल अवरी यक्कुल मुण्ण सकिदील अदकि गहरा मुण्ण ईला सकिदुर कारण अव जलदी बेळदोदव. 6 पर सुर्य होळदुर मा अव होत्तेदव, अदकि जळ ईला हुळदुर देल वळ्गोदव. 7 थ्वाळासा बीजा मारर दा बदिदव अदकि माररगोळ वाळुसकु अवरी वत्त बुट्टव. 8 पर थ्वाळासा बीजा वळ्लीद जागा मा बदिदव, अदकि काय तनदव, यातारा सौ गुणा, यातारा साठ गुणा, अदकि यातारा तीस गुणा.”

9 यार कवि आव आव केळ कोमुल.

उदाहरणगोळ्द उद्देश  
(मरकुस ४:१०-१२; लूका ८:९,१०)

10 चेलागोळ हात्ती बंदकु यीशु से अंदुर, “नी लॉकुर से उदाहरण दा येती मातगोळ माळत्या?”

11 यीशु उत्तर कोट्टुन, “नीमी परमेश्वर उन राज्य अन्द भेदगोळ्द समझ कोटकु आग्याद, पर आंदरी ईला. 12 \*यतकी यार हात्ती आद, आऊक मात्त कोटकु आदीत, अदकि आऊन हात्ती यक्कुल आगेदीत; पर यार्द हात्ती येनु हैलेच, अदुर से जो येनारा आऊन हात्ती आद, अद भी ताकोमकु आगेदीत. 13 ना आंदुर से उदाहरणगोळ दा इदुरसाटी मातगोळी माळतीन कि आंदुर नोळकु भी

\* 12:47 १२:४७ हाळोद नयिम दा ईद वचन लखिसकु हैलेच ☆ 13:2 १३:२ लूका ५:१-३ ☆ 13:12 १३:१२ मत्ती २५:२९; मरकुस ४:२५; लूका ८:१८; १९:२६

नोळालुर अदकि केळकु भी केळालुर, अदकि समसालुर.” 14 आंदुर बारा दा यशायाह अनूद ईद भवषियवाणी पुरा आगतद:

“नीव कविगोळ देल रा केळतीर, पर समसालीर;  
अदकि कण्णगोळ देल रा नोळतीर, पर नीमी कांळ्साल.”\*

15 “यतकी ई लॉकुरद मन कट्टर आगेग्याद,  
अदकि आंदुर केळकु भी अनसुना माळतार  
अदकि आंदुर तान कण्णगोळी मुच्च बुळतार;  
ईलारा हगि आगबाळुल का आंदुर कण्णगोळ देल नोळुल,  
अदकि कविगोळ देल केळुल  
अदकि मन देल समसुल,  
अदकि आंदुर तरिगकु बरूल,  
अदकि ना आंदरी चंगा माळाईन.”

16 \*पर धनुय आव नीमव कण्णगोळ, का अव नोळताव; अदकि नीमव कवि अद केळताव. 17 यतकी ना नीम से खरा माताळतीन का हापाळ सा भवषियवक्तागोळ अदकि न्यायीगोळ याता मातगोळी नोळोद चाहासोर अवरी नीव नोळतीर. लेकीन आंदुर अवरी नोळ सकदील, अदकि याता मातगोळी आंदुर केळोद चाहासोर, अवरी नीव केळतीर. लेकीन आंदुर अवरी केळ सकदील.

बीजा बोऊसावाळा उदाहरण इन व्याख्या  
(मरकुस ४:१३-२०; लूका ८:११-१५)

18 “इग नीव बीजा बोऊसावाळा अनूद उदाहरण इन अर्थ केळी. 19 जो यावारा राज्य अनूद वचन केळकु समसालुन, आऊन मन दा जो येनारा बोऊस्कु आगीत, अदरी आ दुष्ट बंदकु कसुकु वोयतान. ईद अदा हुन, जो हादी इन कनिरा मा बोऊस्कु आगीत. 20 अदकि जो कल्ल इन जागा मा बोऊस्कु आत, ईद अद हुन, जो वचन केळकु तुरन्त खुशी इन सांगुळ मान्स कोमतान. 21 पर तांदुर दा जळ ईला ईटदुर कारण आंदुर ध्वाळासा अच दनी नोर आर, अदकि याग वचन इन कारण क्लेश या उपद्रव आगतद, रा आंदुर तुरन्त ठोकर तनितार. 22 जो झाळीगोळ दा बोऊस्कु आत, ईद अद हुन, जो वचन इक केळतार, पर ईद दुनिया अन चन्ता अदकि धन इन ध्वाका वचन इक वत्त बुळतद, अदकि आंदुर काय तरसकालुर. 23 जो वळ्लीद जागा दा बोऊस्कु आत, ईद अद हुन, जो वचन इक केळकु समसतार, अदकि काय तरतार; यारारा सौ गुणा, यारारा साठ गुणा, अदकि यारारा तीस गुणा.”

आळी दाकळोद बीजा अन उदाहरण

24 यीशु आंदरी मातत ऊंद उदाहरण कोट्टुन: “स्वर्ग इन राज्य आ मळसा अनूद घाई आद याव तान केई दा वळ्लीद बीजा बोऊसुदुन. 25 पर याग लॉकुर मगोर रा आऊन दुश्मन बंदकु गोदी इन न्याड्या आळी दाकळोद बीजा बोऊस्कु होटोदुन. 26 याग कोम होट्टव अदकि लॉम्बागोळ हतदव, रा आळी दाकळोद बीजागोळ्द माररगोळ भी कांळ्सदव. 27 ईदुर मा मान्ना



अनूद दासगोळ बंदकु आऊन से अंदुर, हे स्वामी, येन नी तान केई दा वळ्लीद बीजा बोऊसीदलि? बाक आळी दाकळोद बीजा अनूद माररगोळ अदुरदा यल टु बंदव?" 28 आव आंदुर से अंदुन, 'ईद यावारा दुश्मन उन कयाल्सा हुन.' दासगोळ आऊन से अंदुर, 'येन नीन इच्छा आद, कनिाव होगकु अवरी कति बुटेव?' 29 आव अंदुन, 'ईला, हगि आगबाळुल क्कि आळी दाकळोद बीजा अनूद माररगोळ कतिा होती नीव अऊर सांगुळ गोदी भी कति कोमी. 30 कटाई ताका येददु उक ऊंद सांगुळ वाळुसगोळी, अदकि कटनी इन समय दा ना कडावाळेर से अनाईन क्कि पयले आळी दाकळोद बीजा अनूद माररगोळी जमा माळकु होताकोर साटी अऊर गट्टा कट कोमी, अदकि गोदी इक नान केई दा जमा माळी.' "

राई इन बीजा अनूद उदाहरण

(मरकुस ४:३०-३२; लूका १३:१८,१९)

31 यीशु आंदरी मात्त ऊंद उदाहरण कोट्टुन: "स्वर्ग इन राज्य राई इन ऊंद बीजा अन घाई आद, यदरी यातोवारा मळसा हुडुकु तान केई दा बोऊस कौडुन. 32 अद सप्पा बीजागोळ से स्याळद रा ईरतद लेकीन याग धोळद आगेगतद आग सप्पा काण्णा-कस से धोळद आगेगतद; अदकि हगि मारर आगेगतद क्कि आकाश ईनव पक्षी बंदकु अदुर डगालगोळ मा ग्वादा माळ कोमताव."

खमीर इन उदाहरण

(लूका १३:२०,२१)

33 यीशु आंदरी मात्त ऊंद उदाहरण केळसदुन: "स्वर्ग इन राज्य खमीर इन घाई आद यदरी यातोदारा आरत हुडुकु हन्नेळ कलिो हीट्ट दा मीलुस बुदुर अदकि आग्त-आग्त अद सप्पा हीट खमीर आगेत."

यीशु उन द्वारा उदाहरणगोळद प्रयोग

(मरकुस ४:३३,३४)

34 ईव सप्पा मातगोळ यीशु उदाहरणगोळ दा लॉकर से अंदुन, अदकि बनिा उदाहरण देल आव आंदुर से येनु ईला अनतोगोन, 35 क्कि जो वचन भवषियवक्ता अनूद द्वारा अंदकु आगीत, अद पुरा आगुल:

"ना उदाहरण अनली तान बाय खोलसाईन:

ना आ मातगोळी जो दुनया अनूद उत्पत्तति टु होचकु ईताव प्रगट माळाईन." \*

आळी दाकळोद बीजा अनूद उदाहरण इन व्याख्या

36 आग यीशु भीळ इक बटिकु माननी बंदुन, अदकि यीशु उन चेलागोळ आऊन हात्ती बंदकु अंदुर, "केई इन आळी दाकळोद बीजा अनूद उदाहरण नामी समझुसबुळ."

37 यीशु आंदरी उत्तर कोट्टुन, "याव वळ्लीद बीजा अक बोऊसीदुन आव मळसा अनूद पार हुन. 38 केई दुनया हुन, वळ्लीद बीजा राज्य अनूद औलाद हुन, अदकि आळी दाकळोद बीजा दुष्ट इन औलाद हुन. 39 या दुश्मन अवरी बोऊस्यान आव शैतान हुन; कटनी दुनया अनूद अन्त हुन, अदकि कडावाळेर

स्वर्गदूत उर. 40 इदुरसाटी ह्यांग आळी दाकळोद कचरा जमा माळकु होताक्कु आगताव हांग अच दुनया अनूद आखरी दा आदीत. 41 मळसा अनूद पार तान स्वर्गदूतगोळ इक कळयान, अदकि आंदुर आऊन राज्य दा टु सप्पा ठोकर इन कारणगोळी अदकि कुकर्म माळावाळेरी इक जमा माळ्यार, 42 अदकि आंदरी बेक्की इन कुण्ड दा हाक्यार, यल आंदुर वरल्यार अदकि हल्ल कच्यार. 43 आ समय न्यायी तान आप्प उन राज्य दा सुर्य अनूद घाई चमकुस्यार. यार कवि आव आव केळ कोमुल.”

होचकु खजाना अनूद उदाहरण

44 “स्वर्ग इन राज्य केई दा होचकु धन इन घाई आद, या यावारा मळसा अक सक्ति अदकि आव अदरी मात होचकु ईटदुन, अदकि हापाळ खुश आदुन अदकि होगकु तान सब येनारा मार बुट्टुन अदकि आ केई इक कौड कौडुन.”

अनमोल मोती अनूद उदाहरण

45 “बाक स्वर्ग इन राज्य ऊंद व्यापारी इन घाई आद जो वळ्लीद मोतीगोळ्द खोज दा ईरोन. 46 याग आऊक ऊंद बहूमूल्य मोती सक्ति रा आव होगकु तान सब कुळ मार बुट्टुन अदकि अदरी कौड कौडुन.”

जार इन उदाहरण

47 “बाक स्वर्ग इन राज्य आ धोळ्द जार इन घाई आद जो समुद्र दा हाक्कु आत, अदकि हर प्रकार इन जीवगोळी जमा माळकु तर्त. 48 अदकि याग जार मेनगोळ देल तुममेत, रा मेन हुडावाळेरे अदरी कनारा मा जेडुकु तंदुर, अदकि कुरतकु वळ्लेव-वळ्लेव बर्तनगोळ दा जमा माळदुर अदकि बेकार-बेकार मेनगोळी भीट बुट्टुर. 49 दुनया अनूद आखरी दा हगि अच आदीत. स्वर्गदूत बंदकु पापीगोळी न्यायी लॉकुर से अलग माळ्यार, 50 अदकि आंदरी बेक्की इन कुण्ड दा हाक्यार. यल आंदुर वरल्यार अदकि हल्ल कच्यार.”

हाळोद अदकि व्हाशोद शिक्षा अनूद महत्व

51 यीशु तान चेलागोळ से केळदुन, “येन नीव ई सप्पा मातगोळ सम्सदीर?” चेलागोळ उत्तर कोट्टुर, “हव.”

52 यीशु आंदुर से अंदुन, “इदुरसाटी हर ऊंद शास्त्री जो स्वर्ग इन राज्य अनूद चेला बनस्यान, आव आ मान्नावाळा अनूद घाई आन जो ताम भंडार दा टु व्हाशोद अदकि हाळोद वस्तुगोळी तेगुतान.”

नासरत दा यीशु उन अनादर

(मरकुस ६:१-६; लूका ४:१६-३०)

53 याग यीशु ई सप्पा उदाहरण अंद कौडुन, रा अल टु होटोदुन. 54 अदकि तान नगर दा बंदकु आंदुरद यहूदी लॉकुरद सभागूह दा आंदरी हगि उपदेश कोळली कुरतुन कि आंदुर चकति आगकु अनली कुरतुर, “ईऊक ईद ग्यान अदकि सामर्थ्य अनूद क्यालसा यल टु सकिदव? 55 येन ईव वहरस हुळली माळावाळा अन पार आलच? अदकि येन ईऊन मोय इन हेसुर मरयिम अदकि ईऊन वारट्टुरद हेसुर याकूब, यूसुफ, शमौन अदकि यहूदा हैलेच? 56 अदकि येन

ईऊन सप्पा आकतींगेर नाम न्याड्या दा ईरालुर? बाक ईऊक ईद सप्पा ग्यान यल टु सकित्त?" 57 ईद प्रकार आंदुर आऊन कारण ठोकर तदुर,

यीशु आंदुर से अंदुन, "भवषियवक्ता अन्द तान द्याश अदकि तान मान्ना अक बटिकु अदकि यल उच अपमान आगाल." 58 अदकि आव अल आंदुरद अवशिवास इन कारण हापाळ सा सामर्थ्य इन क्याल्सा माळीदील.

## 14

यूहन्ना बपतस्मा कोळावाळा अक कोनसुसोद  
(मरकुस ६:१४-२९; लूका ९:७-९)

1 आ समय दा चौथाई द्याश इन राजा हेरोदेस यीशु उन बारा दा चर्चा केळदुन, 2 अदकि तान सेवकगोळ से अंदुन, "ईव यूहन्ना बपतस्मा कोळावाळा हुन! आव सोत्तुर दा टु जत्तिता आग्यान, इदुरसाटी आऊन से सामर्थ्य नव क्याल्सा प्रगट आगताव."

3 यतकी हेरोदेस राजा तान वार्ट फलिपिपुस उन हगिस हेरोदय्यास इन कारण, बपतस्मा कोळावाळा यूहन्ना अक हुडुकु कटसुसदुन अदकि जयलखाना दा हाक्क बुट्टुन. 4 यतकी यूहन्ना आऊन से अंददिन कितान स्याळ्द वार्ट उन हगिस उक ईटोद नीन साटी उचति हैलेच. 5 इदुरसाटी आव आऊक कौद बुळोद चाहासोन, पर लॉकुर से अंजतोगोन यतकी आंदुर बपतस्मा कोळावाळा यूहन्ना अक भवषियवक्ता मान्सतोगोर.

6 लेकीन याग हेरोदेस उन जनम दनि बत्त, रा हेरोदय्यास इनोर पोर हाब्व दा तान नाच तोरसकु हेरोदेस उक खुश माळदुर. 7 ईदुर मा आव करिया तनिकु वचन कोट्टुन, "जो येनारा नी नानी बेळ्या, ना नीनी कोळाईन."

8 आक तान मोय इन भळकुसदुर देल ईद अंदुर, "यूहन्ना बपतस्मा कोळावाळा अन्द ताल्ला टाटी दा ईटकु ईगल्या नानी ईल तंदकोळ."

9 राजा दुखी आदुन, लेकीन तान करिया अन, अदकि सांगुळ कुरावाळेर कारण, आग्या कोट्टुन कि जो ई पोर अंदुर अद कोटकु आगुल. 10 अदकि आव जयलखाना दा लॉकुरी कळुकु यूहन्ना अन्द ताल्ला कळसुस बुट्टुन; 11 अदकि आऊन ताल्ला टाटी दा तनकु आत अदकि पोर इक कोटकु आत, अदरी आक तान मोय इन हात्ती ओतुर. 12 आग यूहन्ना नोर चेलागोळ बंदुर अदकि आऊन लाश इक ओतकु नळ्सदुर, अदकि होगकु यीशु उक ईद समाचार कोट्टुर.

अईद हजार मळसागोळी तनिसोद  
(मरकुस ६:३०-४४; लूका ९:१०-१७; यूहन्ना ६:१-१४)

13 याग यीशु यूहन्ना अन बारा दा केळदुन, रा आव ड्वांगा मा येरकु अल टु यातोदारा सुनसान जागा अक, आबना दा होटोदुन. लॉकुर ईद केळकु नगर-नगर टु पैदल अच आऊन हदि आगेदुर. 14 यीशु होटकु ऊंद धोळ्द भीळ नोळदुन अदकि आंदुर मा तरस तदिन, अदकि आंदुरद बमिर मळसागोळी चंगा माळदुन.

15 याग द्याव आत रा आऊन चेलागोळ आऊन हात्ती बंदकु अंदुर, “ईद सुनसान जागा आद अदकि समय आगोग्याद; लाँकुरी वदि माळकु अन क आंदुर मोहल्लागोळ दा होगकु तान साठी ऊमोद कोमुल.”

16 पर यीशु आंदुर से अंदुन, “आंदुरद होगोद जरूरी हैलेच! नीव अच इंदरी तनिली कोळी.”

17 आंदुर आऊन से अंदुर, “ईल नाम हात्ती अईद रोटी अदकि येढ्ढ मेनगोळी बटिकु मातत येनु हैलेच.”

18 यीशु अंदुन, “अवरी नान हात्ती ईल तरी.” 19 आग यीशु लाँकुरी काड्डा मा कुरली हेळदुन, अदकि आ अईद रोटीगोळी अदकि येढ्ढ मेनगोळी हुळदुन; अदकि स्वर्ग दी नोळकु धन्यवाद माळदुन अदकि रोटीगोळी मूर मूरकु चेलागोळी कोट्टुन, अदकि चेलागोळ लाँकुरी कोट्टुर. 20 याग सप्पा लाँकुर तनिकु संतुष्ट आगोदुर, रा चेलागोळ मक्कि तुकळागोळ दा टु तुमकु हननेळ फुटीगोळी नेगदुर. 21 अदकि तनावाळेर आर्तेर अदकि चकिरगोळी बटिकु, अईद हजार मंळसागोळ हात्तीपास ईरोर.

यीशु उन नीर मा नळोद

(मरकुस ६:४५-५२; यूहन्ना ६:१५-२१)

22 आग आव तुरन्त तान चेलागोळी इवांगा मा येरोरसाटी मजबुर माळदुन क आंदुर आऊन से पयला आप्पाटी होटोगुल, आगासताका आव लाँकुरी सार माळयान. 23 यीशु लाँकुरी सार माळकु, प्रार्थना माळली अलग पहाळ मा होटोदुन; अदकि द्यावगा आव अल आबना ईरोन. 24 आ समय इवांगा कनिरा टुदुर ईरोद अदकि झील इन न्याड्या दा नीर इन लयर देल लयरगोळ देल ईत्त आत्त आलगाळोद, यतकी आँधी इवांगा अनूद ऊलट ईरोद.

25 अदकि यीशु हुंजकुका अन मुर टु आर मुरा अन दरम्यान झील मा नळुतेला आंदुर हात्ती बंदुन. 26 चेला आऊक झील मा नळुतेला नोळकु घबरूसेदुर. अदकि अनली कुरतुर, “ईव भूत हुन!” अदकि अंजक इन मारा देल चलिळास कुरतुर.

27 आग यीशु तुरन्त आंदुर से मातगोळी माळदुन अदकि अंदुन, “हमिमत ईटी! ना हुईन, अंजवाळी!”

28 पतरस आऊक उत्तर कोट्टुन, “हे प्रभु, अगर नीच हुय, रा नानी तान हात्ती नीर मा नळुकु बरोद आग्या कोळ.”

29 आव अंदुन, “बा!” आग पतरस इवांगा मा टु ईळुकु यीशु उन हात्ती होगली नीर मा नळुली कुरतुन. 30 पर हवा अक नोळकु अंजेदुन, अदकि याग मुळकली कुरतुन रा चळिलासकु अंदुन, “हे प्रभु, नानी ऊळस!”

31 यीशु तुरन्त कय वाढुस्कु आऊक हुडुकोडुन अदकि आऊन से अंदुन, “हे अल्पवशिवासी, नी येती शंका माळ्द?”

32 याग आंदुर इवांगा मा येरदुर, रा हवा रूकसेत. 33 ईदुर मा आंदुर जो इवांगा मा ईरोर, आऊक दण्डवत माळकु अंदुर, “खराखुरा, नी परमेश्वर उन पार हुय.”

गन्नेसरत दा रोगीगोळी चंगा माळोद

(मरकुस ६:५३-५६)

34 आंदुर आप्पाटी ईळ्ळुकु गन्नेसरत इन भूमी मा पोहचुसदुर. 35 अलेर लॉकुर आऊक अरूत कौंडुर अदकि आस-पास इन पुरा प्रदेश दा समाचार कळ्ळुदुर, अदकि सब बमिर मंळसागोळी आऊन हात्ती तंदुर, 36 अदकि आऊन से वनिती माळली कुरतुर कि आव आंदरी तान कपळा अन्द पल्लाक अच मुट गोळ्ळुल; अदकि यास मुंदुर आऊक मुटदुर, आंदुर चंगा आगदुर.

## 15

पुर्वजगोळ्द शकिषा  
(मरकुस ७:१-१३)

1 आग यरूशलेम टु थ्वाळासा फरीसी अदकि शास्त्री यीशु उन हात्ती बंदकु अनली कुरतुर, 2 “नीन चेलागोळ पुर्वजगोळ्द परंपरागोळी येती टाल्सतार, कि बिना कय तोळ्ळुकु रोटी तनितार?”

3 यीशु आंदरी उत्तर कोट्टुन, “नीव भी तान परंपरागोळ कारण येती परमेश्वर उन आग्या टाल्सतीर? 4 यतकी परमेश्वर अंदान, ‘तान आप्प अदकि तान मोय इन आदर माळेत,’ अदकि ‘जो यावारा आप्प या मोय इक बुरा भला अंदान, आऊक कौदकु आदीत.’ 5 लेकीन नीव अनतीर कि अगर यावारा तान आप्प या मोय से अनुल, ‘जो येनारा नीनी नान से लाभ पोहचुस सकोद, अद परमेश्वर उक भेंट येरसकु आगोग्याद,’ 6 रा आव तान आप्प उन आदर माळालुन, ईद प्रकार नीव तान परंपरा अन्द कारण परमेश्वर उन वचन टाल्स बुट्टीर. 7 हे कपटीगोळा, यशायाह नीम बारा दा ईद भवषियवाणी खरा अच माळ्यान.”

8 “ई लॉकुर टुटगोळ देल रा नान आदर माळतार,  
लेकीन इंदुर मन नान से दुर ईरतद.

9 अदकि आंदुर बेकार नान उपासना माळतार,  
यतकी मंळसागोळ वधीगोळी नयिम शास्त्र बन्सकु कल्सतार.”

अशुध्द माळावाळा मातगोळ  
(मरकुस ७:१४-२३)

10 आग यीशु लॉकुरी तान हात्ती कारूकु आंदुर से अंदुन, “केळी, अदकि समसी: 11 जो बाय दा होगतद, अद मंळसा अक अशुध्द माळाल, पर जो बाय टु होळतद, अदा मंळसा अक अशुध्द माळतद.”

12 आग चेलागोळ बंदकु आऊन से अंदुर, “येन नी जान्सत्या कि ईद वचन केळकु फरीसीगोळ्द भावनागोळी ठेस पोहचुस्त?”

13 यीशु उत्तर कोट्टुन, “हर मार्र जो नान स्वर्गीय आप्प हचीदलि, कतिकु आदीत. 14 आंदरी होगोळी; आंदुर कुद्द मार्रगदर्शक आर अदकि कुद्द अगर कुद्द मंळसा अक हादी तोरसुल, रा येद्द मुंदुर खांदरा दा बदिदार.”

15 ईद केळकु पतरस आऊन से अंदुन, “ईद उदाहरण नामी समजुस बुळ.”

16 यीशु अंदुन, “येन नीव भी ईगासताका ना समझ आईर? 17 येन नीव जान्सालीर कि जो येनारा बाय दा होगतद अद वहाट्टा दा होगतद, अदकि शरीर टु होट्ट बुळतद? 18 पर जो येनारा बाय दा टु होळतद, अद मन देल

होळतद, अदकि अदा मंळसा अक अशुध्द माळतद. 19 यतकी बुरा वचिार, कोननोद, परसूत्रीगमन, व्यभचिार, काळ्लपनी, ख्वाटा गवाही अदकि अपमान मन देल अच होळतद. 20 ईवा ह्व जो मंळसा अक अशुध्द माळताव, लेकीन बनिा कय तोळ्द ऊमली कुरोद मंळसा अक अशुध्द माळाल.”

आर्त इन वशिवास  
(मरकुस ७:२४-३०)

21 यीशु अल टु होटक, सूर अदकि सैदा अन्द प्रदेश दी होटोदुन. 22 आ प्रदेश टु ऊंद कनानी आर्त होटदुर, अदकि चळिलासकु अनली कुरतुर, “हे प्रभु! दाऊद उन पारा, नान मा दया माळ! नान पोर इक दुष्टआत्मा हापाळ सतुसीत्याद.”

23 पर यीशु आकी येनु उत्तर कोटीदील. आग आऊन चेलागोळ बंदकु आऊन से वनिती माळदुर, “ईकी सार माळ, यतकी आक नाम हदि चलिळासतेला बरेत्यार.”

24 आव उत्तर कोटदुन, “इसूत्राएल इन घराना अन्द काळ्द म्यांडागोळी बटिकु ना यारदु हात्ती कळ्कु आगीदील.”

25 लेकीन आक बंदुर, अदकि यीशु उक प्रणाम माळकु अनली कुरतुर, “हे प्रभु, नान मदत माळ.”

26 आव उत्तर कोटदुन, “चकिोरगोळ्द रोटी हळ्कु नायगोळ्द मुंद हाक्कोद उचति हैलेच.”

27 आक अंदुर, “खरा आद प्रभु, पर नायगोळ भी अद चुराचारा तनिताव, जो अऊर्द स्वामीगोळ मेज मा टु बळितद.”

28 ईदुर मा यीशु आकी उत्तर कोटदुन, “हे आर्त, नीन वशिवास धोळ्द आद. ह्यांग नी चाहसत्या, नीन साठी हांगा आगुल.” अदकि आकनि पोर अदा घळी चंगा आगेदुर.

अनेक रोगीगोळी चंगा माळोद

29 यीशु अल टु गलील इन समुद्र अन्द हात्ती बंदुन अदकि पहाळी मा येरकु कुरतोदुन. 30 आग भीळ इन भीळ आऊंद हात्ती बत्त. आंदुर तान सांगुळ लंगळागोळी, कुढ्दगोळी, मुक्कागोळी, डुण्डागोळी अदकि मात्त हापाळ सा मुंदरी आऊन हात्ती तंदुर, अदकि आंदरी आऊन कालगोळ मा हाक्क बुटुर, अदकि आव आंदरी चंगा माळदुन. 31 याग लॉकुर नोळदुर कि मुक्कागोळ माताळतार, अदकि डुण्डागोळ चंगा आगतार, अदकि लंगळागोळ नळुतार, अदकि कुढ्द नोळतार रा लॉकुर अचम्भा माळदुर अदकि इसूत्राएल इन परमेश्वर उन बळाई माळदुर.

नाक हजार लॉकुरी तनिसोद  
(मरकुस ८:१-१०)

32 यीशु तान चेलागोळी हात्ती कारूकु आंदुर से अंदुन, “नानी ई भीळ मा हापाळ दया बरेत्याद, यतकी आंदुर मुर दनि टु नान सांगुळ आर अदकि आंदुर हात्ती येनु तनिली हैलेच. ना आंदरी उपासा सार माळोद चाहसालीन, ईलारा हगि आगवाळुल कि आंदुर हादी मा थक्सकु ईतोगुल.”

33 चेलागोळ आऊन से अंदुर, “नामी ई आळी दा यल टु ईस रोटीगोळ सकियाव का नाव ईट धोळद भीळ इक संतुष्ट माळेव?”

34 यीशु आंदुर से केळदुन, “नीम हात्ती यास रोटीगोळ आव?” आंदुर अंदुर, “येळ, अदकि थ्वाळासा स्याणेव मेनगोळ.”

35 आग यीशु लॉकुरी ल्यालमा कुरोद आग्या कोट्टुन. 36 अदकि आ येळ रोटीगोळी अदकि मेनगोळी हुळदुन, धन्यवाद माळकु मुरदुन, अदकि तान चेलागोळी कोळतोदुन, अदकि चेलागोळ लॉकुरी. 37 ईद प्रकार देल सप्पा तनिकु संतुष्ट आगोदुर अदकि चेलागोळ मगिद तुळळागोळ दा टु येळ फुट्टी नेगदुर. 38 तनिवाळे आरतेर अदकि चिकोरी बटिकु नाक हजार मळसा ईरोर.

39 याग आव भीळ इक सार माळकु ड्वांगा मा येरेदुन, अदकि मगदन प्रदेश दा बंदुन.

## 16

स्वर्गीय चनिह अन्द मांग

(मरकुस ८:११-१३; लूका १२:५४-५६)

1 फरीसीगोळ अदकि सडूकीगोळ हात्ती बंदकु यीशु उक परखुसोर साटी आऊन से अंदुर, “नामी स्वर्ग इन येनारा तरी चमत्कार इन चनिह तोरस.”

2 यीशु आंदरी उत्तर कोट्टुन, “द्यावमुळका अक नीव अनतीर, ‘मौसम वळलीद ईत्तीत, यतकी आकाश क्याचांद आद,’ 3 अदकि व्हातर्या अक अंतीर, ‘ईद आंधी बंदीत, यतकी आकाश क्याचांद अदकि करीद आद.’ नीव आकाश इन लक्षण नोळकु हवामान इन अंदाजा हच सकतीर, पर समय इन चनिह अन अंदाज येती हच सकालीर? 4 ई युग इन बेकार मळसा अदकि व्यभचिारी लॉकुर चनिह दुंदुसतार, पर योना अन्द चमत्कार इन चनिह अक बटिकु आंदरी मात्त यातोदु चनिह कोटकु आगतीदील.” अदकि यीशु आंदरी बटिकु होटोदुन.

फरीसीगोळ अदकि सडूकीगोळद शक्तिषा अन्द खमीर

(मरकुस ८:१४-२१)

5 चेलागोळ झील इन आप्पाटी पोहचुसदुर, पर आंदुर रोटी हुडोद मारतोगीदुर. 6 यीशु आंदुर से अंदुन, “नोळी, फरीसीगोळ अदकि सडूकीगोळद खमीर देल सावधान ईरेतीर.”

7 आंदुर आपस दा मातचीत माळली कुरतुर, “नाव रोटी तंददिल अनकु आव हगि अनेत्तान.”

8 ईद जान्सकु, यीशु आंदुर से अंदुन, “हे अल्पवशिवासीगोळा, नीव आपस दा यती वचार माळतीर का नाम हात्ती रोटी हैलेच? 9 येन नीव ईगासताका समसीदील? येन नीमी आ अईद हजार इन अईद रोटीगोळ याद हैलेच, अदकि ना ईद का नीव यास फुट्टीगोळ नेगददीर? 10 अदकि ना आ नाक हजार लॉकुर साटी येळ रोटीगोळ, अदकि ना ईद का नीव यास फुट्टीगोळ नेगददीर?

\* 16:1 १६:१ मत्ती १२:३८; लूका ११:१६ \* 16:4 १६:४ मत्ती १२:३९; लूका ११:२९ \* 16:6 १६:६ लूका १२:१ \* 16:9 १६:९ मत्ती १४:१७-२१ \* 16:10 १६:१० मत्ती १५:३४-३८

11 नीव यती समसालीर क्ति ना नीम से रोटीगोळ बारा दा अंददील, लेकीन ईद क्ति नीव फरीसीगोळ अदकि सदूकीगोळ खमीर देल सावधान ईरेतीर.”

12 आग आंदुर समझ दा बत्त क्ति आव रोटी इन खमीर देल ईला, पर फरीसीगोळ अदकि सदूकीगोळ शक्शा देल सावधान ईरली हेळीदुन.

पतरस उन यीशु उक मसीह स्वीकार माळोद  
(मरकुस ८:२७-३०; लूका ९:१८-२१)

13 यीशु कैसरिया फलिप्पी इन प्रदेश दा बंदुन, अदकि तान चेलागोळ से केळली कुरतुन, “लॉकुर मंळसा अन पार उन बारा दा येन अनतार?”

14 \*आंदुर अंदुर, “यारारा यूहन्ना बपतस्मा कोळावाळा अंतार, अदकि यारारा एलियाह, अदकि यारारा यर्मियाह या भवषियवक्तागोळ दा टु ऊंद यावारा अंतार.”

15 यीशु आंदुर से अंदुन, “लेकीन नीव नानी येन अंतीर?”

16 \*शमौन पतरस उत्तर कोट्टुन, “नी जत्तिता परमेश्वर उन पार मसीह हुय.”

17 यीशु आऊक उत्तर कोट्टुन, “हे शमौन, योना अन्द पारा, नी धन्य आय; यतकी मास अदकि खुन देल ईला, लेकीन नान आप्प जो स्वर्ग दा आन, ईद मात नीन मा प्रगट माळ्यान. 18 अदकि ना भी नीन से अनतीन क्ति नी पतरस हुय, अदकि ना ईद कलल मा तान मंडली माळाईन, अदकि अधोलोक इन फाटक अदुर मा प्रबल आगतीदील. 19 \*ना नीनी स्वर्ग इन राज्य इन चाबीगोळ कोळाईन: अदकि जो येनारा नी धरती मा कट्टया, अद स्वर्ग दा कट्टीत; अदकि जो येनारा नी पृथ्वी मा खोलसया, अद स्वर्ग दा खुलसीत.”

20 आग यीशु चेलागोळी चेतावनी कोट्टुन क्ति यारदु से अनबाळेतीर क्ति ना मसीह हुईन.

तान सायोद बारा दा यीशु उन भवषियवाणी  
(मरकुस ८:३१-३३; लूका ९:२२)

21 आ समय टु यीशु तान चेलागोळी हेळली कुरतुन, “जूरी आद क्ति ना यरूशलेम इक होगईन अदकि पुरनियों, अदकि प्रधान याजकगोळ, अदकि शास्त्रीगोळ कय देल हापाळ दुख नेगाईन; अदकि कौदकु आगाईन; अदकि मुर दनि इन बाददा जत्तिता आगाईन.”

22 इदुर मा पतरस यीशु उक अलग दनकुसकु अंदुन, “हे प्रभु, परमेश्वर माळवाळुल! नीन सांगुळ हगि यागलु आगतीदील.”

23 यीशु तरिगकु पतरस से अंदुन, “हे शैतान, नान मुंद टु दुर आग! नी नान साटी ठोकर इन कारण आय; यतकी नी परमेश्वर उन मातगोळ मा ईला, लेकीन मंळसा अन मातगोळ मा मन हचत्त्या.”

यीशु उन हदि नळोद मतलब  
(मरकुस ८:३४-९:१; लूका ९:२३-२७)

24 \*आग यीशु तान चेलागोळ से अंदुन, “अगर यावारा नान हदि बरोद चाहासतान, रा तान तान इन इनकार माळुल अदकि तान क्रूस नेगुल, अदकि

\* 16:14 १६:१४ मत्ती १४:१२; मरकुस ६:१४,१५; लूका ९:१७,८ \* 16:16 १६:१६ यूहन्ना ६:६८,६९

\* 16:19 १६:१९ मत्ती १८:१८; यूहन्ना २०:२३ \* 16:24 १६:२४ मत्ती १०:३८; लूका १४:२७



नान हृदि आगोगुल. 25 \*यतकी जो यावारा तान जीव ऊळसोद चाहास्यान, आव अदरी खोऊस्यान; अदकि जो यावारा नान साटी तान जीव खोऊस्यान, आव अदरी हासलि माळ्यान. 26 अगर मंळसा पुरा दुनया अक हासलि माळ्यान, अदकि तान जीव इन हाना नेगदान, रा आऊक येन लाभ आदीत? या मंळसा तान जीव इन बदला येन कोट्टान? 27 \*मंळसा अन पार तान स्वर्गदूतगोळ सांगुळ तान आप्प उन महिमा दा बंदान, अदकि आ समय 'आ हर ऊंद मंळसा अक आऊन क्याल्सा अन्द अनुसार प्रतफिल कोट्टान.' 28 ना नीम से खरा माताळतीन कि जो इल नदिरकु आर, आंदुर दा टु यारारा हगि आर कि आंदुर यागासताका मंळसा अन पार उक आऊन राज्य दा बर्त नोळतीदलि, आगासताका मृत्यु उन स्वाद यागलु नेकतीदलि."

## 17

यीशु उन रूप बदलुसोद

(मरकुस १:२-१३; लूका १:२८-३६)

1 आर दनि इन बाददा यीशु पतरस अदकि याकूब अदकि आऊन वार्ट यूहनना अक सांगुळ हुळदुन, अदकि आंदरी आबना दा यातोदारा ऊँचा पहाळ मा ओतुन. अदकि आंदुर अलावा अल याऊ ईला ईरोन. 2 अल आंदुरद मुंद यीशु उन रूप बदलुसेत, अदकि आऊन बाय सुर्य अन्द घाई चमकुस्त अदकि आऊन कपळा ज्योत इन घाई उजुळ आगेदव. 3 अदकि मूसा अदकि एलिय्याह आऊन सांगुळ मातगोळ हेळतेला आंदरी कांळसदुर. 4 इदुर मा पतरस यीशु से अंदुन, "हे प्रभु, नाम ईल ईरोद ठीक आद. अगर नीन इच्छा आद रा ना इल मुर हांदरा माळाईन; ऊंद नीन साटी, ऊंद मूसा अन साटी, अदकि ऊंद एलिय्याह अन साटी."

5 \*यीशु माताळतेला अच ईरोन कि ऊंद उजला बादल आंदरी झाक्स बुळत, अदकि आ बादल दा टु ईद शब्द होळत: "ईव नान प्रयि पार हुन, ईऊन से ना खुश आईन: ईऊन केळी."

6 चेलागोळ ईद केळकु बाय इन भार देल बदिदुर अदकि हापाळ अंजेदुर. 7 यीशु हात्ती बंदकु आंदरी मुटदुन, अदकि अंदुन, "येळी, अंजबाळी." 8 आग आंदुर तान कण्णगोळ नेगदुर अदकि यीशु उक बटिकु अदकि यारीकु नोळीदिल.

9 याग आंदुर पहाळी मा टु ईळा होती यीशु आंदरी ईद आग्या कोट्टुन, "यागासताका मंळसा अन्द पार सोत्तुर दा टु जत्तिता आगालुन, आगासताका जो येनारा नीव नोळीर यारीकु हेळबाळतीर."

10 इदुर मा यीशु उन चेलागोळ आऊन से केळदुर, "बाक शास्त्री यती अनतार कि एलिय्याह अन्द पयले बरोद जरूरी आद?"

11 यीशु उत्तर कोट्टुन, "एलिय्याह जरूर बंदान, अदकि सप्पा येनारा सुधूरस्यान. 12 \*लेकीन ना नीम से अनतीन कि एलिय्याह होटबंदुन, अदकि लांकुर आऊक अरतीदलि; लेकीन ह्यांग चाहासदुर हांग अच आऊन सांगुळ माळदुर. ईदा रीतादिल मंळसा अन्द पार भी आंदुरद कय देल दुख नेगदान."

\* 16:25 १६:२५ मत्ती १०:३९; लूका १७:३३; यूहनना १२:२५ \* 16:27 १६:२७ मत्ती २५:३१; रोमियों २:६ \* 17:5 १७:५ मत्ती ३:१७; १२:१८; मरकुस १:११; लूका ३:२२ \* 17:5 १७:५ २ पतरस १:१७,१८ \* 17:12 १७:१२ मत्ती ११:१४

13 आग चेलागोळ सम्सदुर कयीशु नाम से यूहनना बपतस्मा कोळावाळा अनंद बारा दा अंदुन.

दुष्टआत्माग्रस्त पार उक चंगा माळोद  
(मरकुस ९:१४-२९; लूका ९:३७-४३)

14 याग आंदुर भीळ इन हात्ती पोहचुसदुर, रा ऊंद मळसा यीशु उन हात्ती बंदुन, अदकि ट्वांगरा टेक्सकु अनली कुरतुन, <sup>15</sup> “हे प्रभु, नान पार उन मा दया माळ! यतकी आऊक मरिगी बरतद, अदकि आव हापाळ दुख नेगुतान; अदकि घळी-घळी बेक्की दा अदकि घळी-घळी नीर दा बीळतोगतान. <sup>16</sup> ना तान पार उक नीन चेलागोळ हात्ती तंददीन, पर आंदुर आऊक चंगा माळ सकदिल.”

17 यीशु अंदुन, “हे अवशिवासी अदकि हठीला लॉकुरगोळा, ना यागासताका नीम सांगुळ ईराइन? यागासताका नीमद सहन माळाईन? आ पार उक ईल नान हात्ती तरी.” <sup>18</sup> आग यीशु दुष्टआत्मा अक आग्या कोट्टुन, अदकि अद आऊन दा टु होट बुळ्त; अदकि पार अदा घळी चंगा आगेदुन.

19 आग चेलागोळ आवना दा यीशु उन हात्ती बंदकु अंदुर, “नाव आ दुष्टआत्मा अक यती तेगु सकदिल?”

20 यीशु आंदुर से अंदुन, “तान वशिवास इन कमी इन कारण, यतकी ना नीम से खरा अनतीन, अगर नीमद वशिवास राई इन दाना अन बराबर भी आद, रा ईद पहाळी से अन सक्कीर, ‘ईल टु सरकुसकु अल होटोग,’ रा अद होटोदीत; अदकि यातोदु मात नीम साटी असंभव ईरतीदिल. <sup>21</sup> लेकीन ईव दुष्टआत्मागोळ प्रार्थना अदकि उपास इन अलावा यातोदु उपाय देल होळालव.”\*

तान सायोद बारा दा यीशु उन मात्त: भवषियवाणी  
(मरकुस ९:३०-३२; लूका ९:४३-४५)

22 याग आंदुर गलील क्षेत्र दा ईरोर, रा यीशु आंदुर से अंदुन, “ना मळसा अन पार मळसागोळद कय देल हुळसुसकु आगाईन अदकि सौप्सकु आगाईन; <sup>23</sup> अदकि आंदुर आऊक कोद बुट्टार, अदकि आव तीसरा दशी जतिता आदान.” ई मात मा चेलागोळ हापाळ उदास आदुर.

सभागृह अन कर

24 याग यीशु अदकि आऊन चेलागोळ कफरनहूम दा पोहचुसदुर, रा सभागृह अन कर ताकोमावाळेर पतरस उन हात्ती बंदकु केळली कुरतुर, “येन नीम गुरु सभागृह अन कर कोळालुन?”

25 पतरस अंदुन, “हव, कोळतान.”

याग आव मान्या बंदुन, रा यीशु आऊन केळा पयले अच आऊन से अंदुन, “हे शमौन, नी येन सोचत्या? पृथ्वी इन राजा महसूल या कर यार से ताकोमतार? तान चकिर से या परायागोळ से?”

26 पतरस आऊन से अंदुन, “परायागोळ से.” यीशु आऊन से अंदुन, “आग अच रा चकिर कर कोळदुर देल ऊळदोदुर. <sup>27</sup> तरी भी इदुरसाटी कनिाव आंदरी टोकर तनिसतीदिल, नी समुद्र अनंद कनारा मा होगकु गरी हाक, अदकि जो मेन

\* 17:20 १७:२० मत्ती २१:२१; मरकुस ११:२३; १ कुरनिथि १३:२ \* 17:21 १७:२१ ईद वचन दस्तावेज दा सकाल

पयले होट्टीत, अदरी हुडु; अदुरद बाय तेरदुर मा नीनी ऊंद सक्का सक्कीत, अदरी का हुडुकु नान अदकि तान कर आंदरी कोटबुळेत.”

## 18

स्वर्ग इन राज्य दा धोड्डेव याव?

(मरकुस ९:३३-३७; लूका ९:४६-४८)

1 \*अदा घळी चेलागोळ यीशु उन हात्ती बंदकु केळली कुरतुर, “स्वर्ग इन राज्य दा धोड्डेव याव आन?”

2 इदुर मा यीशु ऊंद पार उक हात्ती कारूकु आंदुरद न्याड्या दा नीदरूसदुन,

3 \*अदकि अंदुन, “ना नीम से खरा अनतीन कि यागासताका नीव बदलुसालीर अदकि चकिोर घाई बनसालीर, नीव स्वर्ग इन राज्य दा प्रवेश माळ सकालीर.

4 जो यावारा तान तान इक ई पार उन घाई स्याणेव माळ्यान, आव स्वर्ग इन राज्य दा धोड्डेव आदान. 5 अदकि जो यावारा नान हेसुर देल ऊंद हगि पार उक ग्रहण माळतान आव नानी ग्रहण माळतान.

पाप माळोद परीक्षा

(मरकुस ९:४२-४८; लूका १७:१,२)

6 “पर जो यारारा ई स्याणेव दा टु जो नान मा वशिवास माळतार ऊंद मळसा अक ठोकर तनिस्यार, आऊन साटी भला आगाईत कि धोळ्द चक्की इन पट्टा आऊन कुतक्या दा लटकूसकु आगाईत, अदकि आऊक खोल समुद्र दा मुळकुसकु आगाईत. 7 ठोकरगोळ्द कारण दुनिया मा हाय! ठोकरगोळ्द हत्तोद जरूरी आद; पर हाय आ मळसा मा यार्द कारण ठोकर हततद.

8 \*अगर नीन कय या नीन काल नीनी ठोकर तनिस्याव, रा अवरी कळकु भटिबुळ; डुण्डा या लंगळा आगकु जीवन दा प्रवेश माळोद नीन साटी इदुर से वळ्लीद आद कि येदद कय या येदद काल ईतकु नी अनन्त बेक्की दा हाक्कु आगाईद. 9 \*अगर नीनव कण्णगोळ नीनी ठोकर तनिस्याव, रा अवरी तेगुकु भटिबुळ; कुदद आगकु जीवन दा प्रवेश माळोद नीन साटी इदुर से वळ्लीद आद कि येदद कण्ण ईतकु नी नरक इन बेक्की दा हाक्कु आगाईद.

काळ्द म्यांडागोळ्द उदाहरण

(लूका १५:३-७)

10 \*नीव ई स्याणेव दा टु यारीकु तुच्छ जान्सबाळ्तेतिर; यतकी ना नीम से अनतीन कि स्वर्ग दा आंदुर स्वर्गादूत नान स्वर्गीय आप्प उन मार्रा हमेशा नोळतार. 11 यतकी मळसा अन्द पार काळ्द मळसागोळी उळ्सली बंदान.

12 “नीव येन सोचतीर? अगर यावारा मळसा अन्द सौ म्यांडागोळ आव, अदकि अदुरदा टु ऊंद भटकुसेगुल, रा येन आव ननियानबे अक बटिकु, अदकि पहाळीगोळ मा होगकु, आ भटकुसद म्यांडा अक दुँदसतीदलि? 13 अदकि अगर हगि आत कि अद आऊक सक्ति, रा ना नीम से खरा माताळतीन कि आव आ ननियानबे म्यांडागोळ साटी जो भटकुसकु ईला ईरव, आट खुश आगतीदलि

\* 18:1 १८:१ लूका २२:२४ \* 18:3 १८:३ मरकुस १०:१५; लूका १८:१७ \* 18:8 १८:८ मत्ती

५:३० \* 18:9 १८:९ मत्ती ५:२९ \* 18:10 १८:१० लूका १९:१०

याट की ई म्यांडा अनद साटी आदान. <sup>14</sup> हगि अच नीम आप्प उन जो स्वर्ग दा आन ईद इच्छा हैलेच की ई स्याणेर दा टु ऊंद भी नाश आगुल.

वार्दुर अदकि आकतगिर्द पाप

<sup>15</sup> \* “अगर नीन वार्ट नीन खलिाप अपराध माळुल, रा होग अदकि आबना दा मातचीत हेळकु आऊक समजुस; अगर आव नींद केळ्यान रा नी तान वार्ट उक हासलि माळ कोंड. <sup>16</sup> अगर आव केळालुन, रा ऊंद या येदद मुंदरी तान सांगुळ मात्त वोय, की ‘हर ऊंद मात येदद या मुर गवाहगोळ्द बाय देल नश्चिति माळोद आगुल.’ <sup>17</sup> अगर आव आंदुरद भी केळालुन, रा मंडली से अंदकोम, लेकीन अगर आव मंडली अन भी केळालुन रा नी आऊक गैरयहूदी अदकि कर ताकोमावाळेर घाई मान्स कोम.

रोकसोद अदकि मौका कोळोद

<sup>18</sup> \* “ना नीम से खरा माताळतीन, जो येनारा नीव पृथ्वी मा कट्टीर, अद स्वर्ग दा कट्टीत अदकि जो येनारा नीव धरती मा कट्टया, अद स्वर्ग दा खुलसीत. <sup>19</sup> बाक ना नीम से अनतीन, अगर नीम दा टु येदद मुंदुर पृथ्वी मा यातोदारा मात इन साटी ऊंद मन आगकु अदरी बेळीर, रा अद नान आप्प उन दी टु जो स्वर्ग दा आन, आंदुरद साटी आगेदीत. <sup>20</sup> यतकी येल येदद या मुर मुंदुर नान हेसुर मा जमा आगतार, अल ना आंदुर न्याड्या दा ईरतीन.”

नरिंदयी सेवक उन उदाहरण

<sup>21</sup> \* आग पतरस हात्ती बंदकु यीशु से अंदुन, “हे प्रभु, अगर नान वार्ट अपराध माळतेला ईत्तान, रा ना यास अनली आऊक माफ माळाईन? येन येळ घन ताका?”

<sup>22</sup> यीशु आऊन से अंदुन, “ना नीन से ईद अनालीन कियेळ घन ताका लेकीन येळ घन इन सत्तर गुणा ताका.”

<sup>23</sup> “इदुरसाटी स्वर्ग इन राज्य आ राजा अनद घाई आद, याव तान दासगोळ से हिसाब ताकोमोद चाहासदुन. <sup>24</sup> याग आव हिसाब ताकोमली कुरतुन, रा ऊंद मळसा आऊन मुंद तनकु आदुन जो करोळो नव कर्जदार ईरोन. <sup>25</sup> याग आऊन हात्ती पैस्या खण्ळसली येनु ईला ईरोद, रा आऊन स्वामी अंदुन, ‘ईव अदकि ईऊन हगिस अदकि चकीर चणिग अदकि जो येनारा ईऊन आद सप्पा मारकु आगुल, अदकि कर्ज तुमकु आगुल.’ <sup>26</sup> इदुर मा आ दास बदिकु आ स्वामी इक प्रणाम माळदुन, अदकि अंदुन, ‘हे स्वामी धीरज हुडु, ना सब कुछ तुम बुळाईन.’ <sup>27</sup> आग आ दास उन स्वामी तरस तनिकु आऊक बटि बुट्टुन, अदकि आऊन कर्जा भी माफ माळ बुट्टुन.

<sup>28</sup> “लेकीन याग आव दास व्हार्या होट्टुन, रा आऊन संगी दासगोळ दा टु ऊंद आऊक सकिदुन जो आऊन सौ दीनार इन कर्जदार ईरोन; आव आऊक हुडुकु आऊन कृतक्या ओतदुन अदकि अंदुन, ‘जो येनारा नीन मा कर्ज आद तुमकोम.’ <sup>29</sup> इदुर मा आऊन संगी दास बदिकु आऊन से वनिती माळली कुरतुन, ‘धीरज हुडु, ना सब तुम बुळाईन.’ <sup>30</sup> आव मानसदिलि, लेकीन होगकु आऊक

\* 18:15 १८:१५ लूका १७:३

\* 18:18 १८:१८ मत्ती १६:१९; यूहन्ना २०:२३

\* 18:21 १८:२१

बंदीगृह दा हाक बुट्टुन की यागासताका कर्ज तुम कोमालुन, आगासताका अल्या ईरूल. <sup>31</sup> आऊन संगी दास ईद जो आगीत नोळकु हापाळ उदास आदुर, अदकि होगकु तान स्वामी इक पुरा हाल हेळ बुदुर. <sup>32</sup> आग आऊन स्वामी आऊक कारूकु आऊन से अंदुन, हे दुष्ट दास, नी जो नान से वनिती माळ्द, रा ना नीद अद पुरा कर्ज माफ माळदीन. <sup>33</sup> इदुरसाटी हयांग ना नीन मा दया माळदीन, हांग अच नीनी भी तान संगी दास मा दया ईला माळोद हुन? <sup>34</sup> अदकि आऊन स्वामी गुस्सा दा बंदकु आऊक सजा कोळावाळेर्द कय दा सौप्स बुट्टुन, की यागासताका आव पुरा कर्ज तुम कोमालुन, आगासताका आंदुरा कय दा ईरूल.

<sup>35</sup> “ईदा प्रकार अगर नीम दा टु हर ऊंद तान वार्ट उक मन देल माफ माळ्यान, रा नान आप्प जो स्वर्ग दा आन, नीम से भी हांग अच माळ्यान.”

## 19

छोळचिट्टी इन बारा दा यीशु उन शकिषा  
(मरकुस १०:१-१२)

<sup>1</sup> याग यीशु ईव मातगोळ अंद कोडुन, रा गलील टु होटोदुन; अदकि यरदन गांगा अन्द आप्पाटी यहूदिया अन्द प्रदेश दा बंदुन. <sup>2</sup> आग धोळ्द भीळ यीशु उन हदि आगेत, अदकि आव अल आंदरी चंगा माळदुन.

<sup>3</sup> आग फरीसी आऊन परीक्षा माळोर साटी हात्ती बंदकु अनली कुरतुर, “येन यातोदारा भी कारण देल तान हगिस् उक छोळ चिट्टी कोळोद उचित आद?”

<sup>4</sup> यीशु आंदरी उत्तर कोट्टुन, “येन नीव शास्त्र दा वाचुसीदील की याव आंदरी माळ्यान, आव सुरूवात टु गंळ्स अदकि आर्त इन रूप दा माळदुन, <sup>5</sup> अदकि अंदुन, इदुरसाटी मंळसा तान मोय-आप्प उक बटिकु तान हगिस् उन सांगुळ ईततान अदकि आंदुर येदुदु मुंदुर ऊंद तन आदार.\* <sup>6</sup> इदुरसाटी आंदुर ईग येदुदु ईला, लेकीन ऊंद तन आर. इदुरसाटी यारीक परमेश्वर जोळस्यान, अदरी यावारा भी मंळसा अलग माळबाळुल.”

<sup>7</sup> \*आंदुर यीशु से अंदुर, “बाक मूसा ईद यती ठहरूसदुन कछोळचिट्टी कोटकु तान हगिस् उक बटि बुळी?”

<sup>8</sup> यीशु आंदुर से अंदुन, “मूसा नीम मन इन कठोरता अन्द कारण नीमी तान-तान हगिस् उक बटि बुळोद आग्या कोटीदुन, लेकीन सुरूवात टु हगि ईला ईरोद. <sup>9</sup> \*अदकि ना नीम से अनतीन, की जो यावारा व्यभचार इक बटिकु अदकि याता कारण देल तान हगिस् उक त्यागस्कु दुसरा अन सांगुळ मदा माळुल, रा आव व्यभचार माळतान; अदकि जो आ बटिकु आर्त से मदा माळुल, रा आव भी व्यभचार माळतान.”

<sup>10</sup> चेलागोळ यीशु से अंदुर, “अगर गंळ्स उन आर्त इन सांगुळ हगि संबंध आव, रा मदा माळोद वळ्ळीद हैलेच.”

<sup>11</sup> यीशु आंदुर से अंदुन, “सब मदा अन बनिा ईर सकालुर, सर्फि आंदुर यारीक ईद दान कोटकु आग्याद. <sup>12</sup> यतकी यारारा नपुंसक हगि आर, जो मोय इन

\* 19:5 १९:५ उत्पत्ती २:२४

\* 19:7 १९:७ मत्ती ५:३१

\* 19:9 १९:९ मत्ती ५:३२; १

कुरनिथि ७:१०,११

व्हाट्या टु उच हगि पैदा आग्यार; अदकि यारारा नपुंसक हगि आर, यारी लॉकुर नपुंसक माळ्यार; अदकि यारारा हगि आर, यार स्वर्ग इन राज्य अनूद साटी तान तान इक नपुंसक माळ्यार. जो इदरी ग्रहण माळ सकतान, आव ग्रहण माळुल.”

चकिोरगोळी आशरिवाद

(मरकुस १०:१३-१६; लूका १८:१५-१७)

13 आग लॉकुर चकिोर इक यीशु उन हातती तंदुर की आव आंदुर मा कय ईटुल अदकि प्रार्थना माळुल, पर चेलागोळ लॉकुरी दनकुसदुर. 14 यीशु अंदुन, “चकिोरी नान हातती बरगोळी, अदकि आंदरी मना माळबाळी, यतकी स्वर्ग इन राज्य हगि अच चकिोर्द हुन.”

15 अदकि यीशु आंदुर ताल्ला मा कय ईटकु आंदरी आशषीत माळदुन अदकि अल टु होटोदुन.

धनी मंळसा

(मरकुस १०:१७-३१; लूका १८:१८-३०)

16 ऊंद धनी मंळसा यीशु उन हातती बंदुन अदकि आऊन से अंदुन, “हे गुरु, ना यातोद वळ्लीद कयाल्सा माळाईन की नानी अननुत जीवन सकिल?”

17 यीशु आऊन से अंदुन, “नी नान से भलाई इन बारा दा यती केळत्या? भला रा ऊन्दा आद, पर अगर नी जीवन दा प्रवेश माळोद चाहासत्या, रा आग्यागोळी मानसतोग.”

18 आव यीशु से अंदुन, “यातव आग्यागोळ?”

यीशु अंदुन, “ईद की यारीकारा कोन्न बाळी, व्यभचार माळबाळी, काळ्लपनी माळबाळी, ख्वाटा गवाही कोळबाळी, 19 तान आप्प अदकि तान मोय इन आदर माळी, अदकि तान मान्ना हातळोर से तान घाई प्यार ईटी.”

20 आ हारोदव मंळसा आऊन से अंदुन, “ई सब रा ना मानसीन; ईग नान दा याता मात इन कमी आद?”

21 यीशु आऊन से अंदुन, “अगर नी सदिध आगोद चाहसत्या रा होग, तान माल मारकु कंगालगोळी कोळ, अदकि नीनी स्वर्ग दा धन सकिकीत; अदकि बंदकु नान हदि आगेग.”

22 लेकीन आव हारोदव मंळसा ईद मात केळकु उदास आगकु होटोदुन, यतकी आव हापाळ धनी ईरोन.

23 आग यीशु तान चेलागोळ से अंदुन, “ना नीम से खरा अनतीन की धनवान मंळसा अन स्वर्ग इन राज्य दा प्रवेश माळोद मुश्कलि आद. 24 नीन से मात्त अनतीन की परमेश्वर उन राज्य दा धनवान उन प्रवेश माळदुर देल ऊँट इन मुगग इन खॉदरा दा टु चुजी होटबुळोद आसान आद.”

25 ईद केळकु चेलागोळ हापाळ चकति आगकु अंदुर, “बाक यार्द उद्धार आग सकतद?”

26 यीशु आंदुर दी नोळकु अंदुन, “मंळसागोळ से रा ईद आगसकाल, लेकीन परमेश्वर से सब कुछ आग सकतद.”

27 इदुर मा पतरस आऊन से अंदुन, “नोळ, नाव रा सप्पा येनारा बटिकु नीन हदि आगीदेव: रा नामी येन सकिकीत?”

28 \*यीशु आंदुर से अंदुन, ना नीम से खरा अनतीन का व्हाशोद सृष्टी दा याग मंळसा अन्द पार तान महमि अन्द सहिसन मा कुरतान, रा नीव भी जो नान हदि आगेगीर, हन्नेळ सहिसनगोळ मा कुरतकु इसत्राएल इन हन्नेळ वंशगोळ्द न्याय माळीर. 29 अदकि जो यावारा नान साटी तान माननगोळ, या वार्दुर, या आकतीगेर, या आप्प, या मोय, या चकिोर-चणिगेर, या केईगोळी नान हेसुर साटी बटि बुतान, आऊक सौ गुणा सकिकीत, अदकि आव अनन्त जीवन इन अधिकारी आदान. 30 \*लेकीन हापाळ मुंदुर जो पयला आर, हदिळोर आदार; अदकि जो हदिळोर आर, आंदुर पयला आदार.

## 20

अंगुर इन बेली इन क्याल्सा माळावाळेर्द उदाहरण

1 “स्वर्ग इन राज्य यातोवारा मान्नावाळा अन घाई आद, जो व्हातर्या होट्टुन का तांद अंगुर इन बेली दा मजदूरगोळी क्याल्सा मा हचुल. 2 आव मजदूरगोळी प्रती ऊंद मंळसा अक ऊंद दीनार रोजी मा ईदतुन अदकि आंदरी तान अंगुर इन बेली दा कळुदुन. 3 व्हातर्या अक लगभग ऊंम्बत मुरा आव व्हातर्या होट्टुन रा दुसरा लाँकुरी सात्ता दा बेकार नदिरुत नोळकु, 4 अदकि आव आंदुर से अंदुन, ‘नीव भी अंगुर इन बेली दा होगी, अदकि जो येनारा वळ्लीद आद, नीमी कोळाईन.’ अदकि आंदुर भी होटोदुर. 5 आग आ लाँकुर भी होटोदुर बाक हन्नेळ मुरा अदकि मुर मुरा अन हात्तीपास आव व्हातर्या होटकु हांग अच माळदुन. 6 अईद मुरा आव मात्त व्हातर्या होटकु दुसरा अक नदिरुत नोळदुन, अदकि आंदुर से अंदुन, ‘नीव यती हागुल तीम बेकार नदिरुत ईरतीर?’ 7 आंदुर आऊन से अंदुर, ‘इदुरसाटी का याऊ नामी क्याल्सा मा हचीदलि.’ आव आंदुर से अंदुन, ‘नीव भी नान अंगुर इन बेली दा होगी.’”

8 “दयावमुळका अंगुर इन बेली इन स्वामी तान मुनीम से अंदुन, ‘क्याल्सा माळावाळेर्द इक कारूकु आखरी मजदूर हात्ती टु पयला मजदूर ताका आंदरी मजदूरी कोटबुळ.’ 9 कम से कम अईद मुरा जो क्याल्सा मा हचकु आगीदुर रा आंदरी ऊंद ऊंद दीनार सकित. 10 जो पयले बंदीदुर आंदुर ईद सम्सदुर का नामी यक्कुल सकिकीत, लेकीन आंदरी भी ऊंद ऊंद दीनार अच सकित. 11 याग आंदरी ऊंद दीनार सकित रा ईद अनकु केईवाळा मा बळबुळ्सकु अनली कुरतुर, 12 ‘ई जो बाददा बंदार ईदुर रा ऊंद घंटा अच क्याल्सा माळदुर, अदकि नी आंदरी भी नाम बराबर रोजी कोट, यार हागुल तीम ओझा नेगदुर अदकि बसिल झेल्सदुर.’”

13 आव आंदुर दा टु ऊंद मंळसा अक उत्तर कोट्टुन, “हे संगी, ना नीन सांगुळ येनु अन्याय माळालीन. येन नी नान सांगुळ ऊंद दीनार इन मजदूरी पक्का ईला माळीद? 14 जो नींद आद, नेगु कोम अदकि होटोग; नान इच्छा ईद आद का याट नीनी कोटीन आट अच ई हदिळावाळा अक भी कोळाईन. 15 येन ईद उचिति ह्येलेच का ना तान माल से जो चाहसाईन अद माळाईन? येन नान भला ईरोद नीन कण्णगोळी नळतद? 16 \*ई प्रकार देल जो हदिळोर आर, आंदुर पयले आदार; अदकि जो पयले आर, आंदुर हदिळोर आदार.”

\* 19:28 १९:२८ मत्ती २५:३१; लुका २२:३० \* 19:30 १९:३० मत्ती २०:१६; लुका १३:३०

\* 20:16 २०:१६ मत्ती १९:३०; मरकुस १०:३१; लुका १३:३०

तान सायोद बारा दा यीशु उन तीसरा भवषियवाणी  
(मरकुस १०:३२-३४; लूका १८:३१-३४)

17 यीशु यरूशलेम इक होगाहोती हननेळ चलागोळी आबना दा ओतुन, अदकि हादी मा आंदुर से अनली कुरतुन, 18 “नोळी, नाव यरूशलेम इक होगीतेव; अदकि मंळसा अन पार प्रधान याजकगोळ अदकि शास्त्रीगोळद कय दा हुळसुस्कु आदान, अदकि आंदुर आऊक मृत्यु इन लायक ठहरूस्यार. 19 अदकि आंदुर आऊक गैरयहूदीगोळ कय दा सोपस्यार कि आंदुर आऊन मज्याक हारसुल, अदकि क्वाळा बडुल, अदकि कूरस मा येरसुल, अदकि आव तसिरा दनि जतिता आदान.”

ऊंद मोय इन वनिती  
(मरकुस १०:३५-४५)

20 आग जबदी इन पारगोळद मोय, तान पारगोळ सांगुळ यीशु उन हात्ती बंदकु प्रणाम माळदुर, अदकि आऊन से येनारा तरी बेळली कुरतुर.

21 यीशु आकनि से अंदुन, “नी येन चाहासत्या?”

आक आऊन से माताळदुर, “ईद वचन कोळ कनिनोर ई येदद चकिोर नीन राज्य दा ऊंद नीन ऊमा कय अदकि ऊंद नीन डाक्या कय दी कुरतार.”

22 यीशु उत्तर कोट्टुन, “नीव जान्सालीर कि येन बेळेतीर. येन नीव अद प्याला कुडू सकतीर यदरी ना कुडोर मा आईन?”

आंदुर आऊन से अंदुर, “कुडू सकतेव.”

23 आव आंदुर से अंदुन, “नीव नान प्याला रा कुळदीर, पर तान ऊमा कय अदकि डाक्या कय दी यारीकारा कुरसोद नान क्याल्सा आलच, लेकीन यार्द साटी नान आप्प उन दी टु तयार माळकु आग्याद, आंदुर दा साटी हुन.”

24 ईद केळकु हत्त चलागोळ आ येददु वार्दुर मा नाराज आदुर. 25 यीशु आंदरी हात्ती कारू अंदुन, “नीव जानसतीर कि गैरयहूदीगोळ हाकमि आंदुर मा वशिवास माळतार; अदकि जो धोड्डेर आर, आ लांकुर आंदुर मा अधिकार जतुसतार. 26 लेकीन नीम दा हगि आगतीदील; लेकीन जो यावारा नीम दा धोड्डेव आगोद चाहासयान, आव नीम सेवक आगुल; 27 अदकि जो नीम दा प्रधान आगोद चाहासतान, आव नीम दास आगुल; 28 ह्यांग कि मंळसा अन पार; ना इदुरसाटी बंददील कि आऊन स्यावा माळकु आगुल, लेकीन इदुरसाटी बंदान कि खुद स्यावा टहल माळ सकुल, अदकि हापाळ लांकुरद छुटकारा साटी तान जीव कोळ सकुल.”

येदद कुददगोळी दृष्टीदान

(मरकुस १०:४६-५२; लूका १८:३५-४३)

29 याग यीशु अदकि आऊन चलागोळ यरीहो नगर टु होळोर, रा ऊंद धोळद भीळ आऊन हदि आगेत. 30 अदकि येदद कुददगोळ, जो हादी इन कनिरा मा कुर्तकु ईरोर, ईद केळकु कि यीशु होगेत्यान, हेसुर ताकोमकु अनली कुरतुर, “हे प्रभु, दाऊद उन औलाद, नाम मा दया माळ.”



31 लॉकुर आंदरी दनकुसदुर कि सुंगा ईरूल; पर आंदुर मात्त जोर देल चळिलासकु अंदुर, “हे प्रभु, दाऊद उन औलाद, नाम मा दया माळ.”

32 आग यीशु नदुरकु, आंदरी कारदुन अदकि अंदुन, “नीव येन चाहासतीर कि ना नीम साटी माळाईन?”

33 आंदुर यीशु उक अंदुर, “हे प्रभु, ईद किनाव कण्णगोळ देल नोळ सककेव.”

34 यीशु दया माळकु आंदुर कण्णगोळी मुटदुन, अदकि आंदुर तुरन्त नोळली कुरतुर, अदकि आऊन हदि आगोदुर.

## 21

यरूशलेम दा वजिय प्रवेश

(मरकुस ११:१-११; लूका १९:२८-४०; यूहन्ना १२:१२-१९)

1 याग आंदुर यरूशलेम इन हात्ती पोहचुसदुर अदकि जैतून पहाळ मा बैतफगे नगर इन हात्ती बंदुर, रा यीशु येदद चेलागोळी ईद अनकु कळुदुन, 2 “मुंदळोद ऊर दा होगी. अल होगतेला ऊंद गधा कटक, अदकि अदुर सांगुळ पाड्डा नीमी सकिकीत. अवरी खोल्सकु नान हात्ती तरी. 3 अगर नीम से यावारा येनारा अनुल, रा अनेतीर कि प्रभु अक ईऊर्द जरवत आद, आग आव तुरन्त अवरी कळु बुट्टान.” 4 ईद इदुरसाटी आत कि जो वचन भवषियवक्ता अन्द द्वारा अनकु आगीत, अद पुरा आगुल:

5 “सयियोन इन पोर इन से अनी,

‘नोळ, नीन राजा नीन हात्ती बरेतयान;

आव नम्र आन, अदकि गधा मा कुरतकु आन;

मतलव गधा इन पाड्डा मा.’”\*

6 चेलागोळ होगकु, ह्यांग यीशु आंदरी अंददिन, हांग अच माळदुर. 7 अदकि गधा अदकि अदुरद पाड्डा अक तनकु, अऊर मा तान कपळा हाकदुर, अदकि आव आ पाड्डा मा कुरतुन. 8 आग हापाळ सा लॉकुर तान कपळा हादी मा हासदुर, अदकि दुसरा लॉकुर मार्रगोळ्द डगाली कडुकु हादी मा हासदुर. 9 जो भीळ मुंद-मुंद होगतोगोद अदकि हदि-हदि बरतोगोद, कारू-कारूकु अनतोगोर, “दाऊद उन औलाद उक स्तुत, धन्य आन आव जो प्रभु उन हेसुर देल बरतान, दाऊद उन औलाद उन स्तुत आगुल.”

10 याग यीशु यरूशलेम दा प्रवेश माळदुन, रा पुरा नगर दा हलचल मचुसेत, अदकि लॉकुर अनली कुरतुर, “ईव याव हुन?”

11 लॉकुर अंदुर, “ईव गलील इन नासरत उन भवषियवक्ता यीशु हुन.”

मंदरि इन शुद्धीकरण

(मरकुस ११:१५-१९; लूका १९:४५-४८; यूहन्ना २:१३-२२)

12 यीशु परमेश्वर उन मंदरि दा होगकु आ सप्पा मुंदरी, जो मंदरि दा लेन-देन माळोर, तेगद बुट्टुन, अदकि सर्राफागोळ्द पांळसीगोळ अदकि कबूतर मारावाळेर्द चौकगोळ उलटुस बुट्टुन; 13 अदकि आंदुर से अंदुन, “शास्त्र दा

\* 21:5 २१:५ जकर्याह ९:९

लखिसकु आद, 'नान मान्ना प्रार्थना अनन्द मान्ना कहलुसीत,' लेकीन नीव अदरी डाकूगोळ्द हड्डा माळतीर.\*

14 आग कुद्वद अदकि लंगळागोळ, मंदरि दा आऊन हात्ती बंदुर, अदकि आव आंदरी चंगा माळदुन. 15 लेकीन याग प्रधान याजकगोळ अदकि शास्त्रीगोळ ई अदभुत क्यालसागोळी, जो आव माळदुन, अदकि चकिोर इक मंदरि दा "दाऊद उन औलाद उक स्तुति" अनतेला नोळदुर, रा आंदुर गुस्सा आदुर, 16 अदकि आऊन से अनली कुरतुर, "सयेन नी केळत्या कि इंदुर येन अंतार?"

यीशु आंदुर से अंदुन, "हव; येन नीव ईद यागलु वाचुसीदील: चकिोर अदकि हाल कुडुत चगिद उर बाय देल अपार स्तुति माळसुसद?"

17 आग यीशु आंदरी बटिकु नगर इन व्हार्या बैतनयियाह अक होदुन अदकि अल आव ईळ्लक बतिसदुन.

यीशु द्वारा श्रापति अंजीर इन मार्र  
(मरकुस ११:१२-१४; ११:२०-२४)

18 व्हातर्या का याग यीशु नगर इक वापस बरोन रा आऊक हसु हत्त. 19 हादी इन कनिरा अंजीर इन ऊंद मार्र नोळकु यीशु अदुर हात्ती होदुन, अदकि याल्ला अक बटिकु अद मार्र मा मात्त येनु ईला ईरोद आव आ मार्र इक अंदुन, "ईग टु नीन दा बाक यागलु काय हततदील." अदकि अंजीर इन मार्र तुरन्त वंळगेत.

20 ईद नोळकु चेलागोळी अचम्भा आत अदकि आंदुर अंदुर, "ईद अंजीर इन मार्र तुरन्त ह्यांग वंळगेत?"

21 यीशु आंदरी उत्तर कोट्टुन, "ना नीम से खरा अंतीन, अगर नीव वशिवास ईटी अदकि संदेह माळबाळी, रा न सरिफ ईद माळेतीर जो ईद पहाळी इक भी अंदीर, 'कत्तिग, अदकि समुद्र दा होगकु बळि,' रा ईद आगेदीत. 22 अदकि जो येनारा नीव प्रार्थना दा वशिवास देल बेळतीर अद सब नीमी सकिकीत."

यीशु उन अधकारि मा प्रश्न  
(मरकुस ११:२७-३३; लूका २०:१-८)

23 यीशु मंदरि दा मात्त होगकु उपदेश कोळली कुरतुन, रा प्रधान याजकगोळ अदकि लॉकुरद पुरनयिगोळ आऊन हात्ती बंदकु केळदुर, "नी ईद क्यालसा यार्द अधकारि देल माळत्या? अदकि नीनी ईद अधकारि याव कोटान?"

24 यीशु आंदरी उत्तर कोट्टुन, "ना भी नीम से ऊंद मात केळतीन; अगर अद नानी हेळतीर, रा ना भी नीमी हेळाईन कि ईव क्यालसा यातोद अधकारि देल माळतीन. 25 यूहन्ना अनन्द बपतस्मा यल टु ईरोद? स्वर्ग दी टु या मंळसागोळ दी टु?"

आग आंदुर आपस दा मातगोळ माळली कुरतुर, "अगर नाव अंदेव 'स्वर्ग दी टु,' रा आव नाम से अंदान, 'बाक नीव आऊन वशिवास यती माळीदलि?"

26 अदकि अगर अंदेव 'मंळसागोळ दी टु,' रा नामी भीळ इन अंज्क आद,

\* 21:13 २१:१३ यशायाह ५६:७; यरिमयाह ७:११

\* 21:21 २१:२१ मत्ती १७:२०; १ कुरिन्थि १३:२

यतर्की आंदुर सप्पा यूहन्ना अक भवषियवक्ता मान्सतार.” 27 इदुरसाटी आंदुर यीशु उक उत्तर कोट्टुर, “नाव अरालेव.”

आव भी आंदुर से अंदुन, “रा ना भी नीमी हेळालीन कर्ई क्वाल्ला ना याता अधिकार देल माळतीन.

### येद्व पारगोळ्द उदाहरण

28 “नीव येन सोचेतीर? यावारा मळसा अन येद्व पारगोळ ईरोर; आव पयला पार उन हात्ती होगकु अंदुन, ‘हे पारा, ईद अंगुर इन बेली दा क्वाल्ला माळ.’ 29 आव उत्तर कोट्टुन, ‘ना होग सकालीन,’ लेकीन बाद्दा पसतास्कु होदुन. 30 बाक आप्प दुसरा पार उन हात्ती होगकु हगि अच अंदुन, आव उत्तर कोट्टुन, ‘हव जी होगतीन,’ लेकीन होगीदलि. 31 इंदुर येद्वु दा टु यार तान आप्प उन इच्छा पुरा माळदुर?”

आंदुर अंदुर, “पयला पार.”

यीशु आंदुर से अंदुन, “ना नीम से खरा अनतीन कर्कित ताकोमावाळेर अदकि वेश्या नीम से पयले परमेश्वर उन राज्य दा प्रवेश माळतार. 32 यतर्की यूहन्ना न्यायीपन इन हादी दर्शुसतेला नीम हात्ती बंदुन, अदकि नीव आऊन वशिवास माळीदील; पर कर ताकोमावाळेर अदकि वेश्यागोळ आऊन वशिवास माळदुर: अदकि नीव ईद नोळदीर, लेकीन नीव पश्चाताप माळीदील अदकि आऊन मा वशिवास माळीदील.”

### दुष्ट कसानगोळ्द उदाहरण

(मर्कुस १२:१-१२; लूका २०:९-१९)

33 “मात्त ऊद उदाहरण केळी: ऊद केई इन मालकि ईरोन, आव अंगुर इन बेली हचीदुन, अदुरद नाकु दी भाळा कटदुन, अदुरदा रास्सा अन्द कुड अगुळदुन अदकि मचान माळदुन, अदकि कसानगोळी अदुरद ट्याका कोटकु प्रदेश होटोदुन. 34 याग काय इन समय हात्ती बत्त, रा आव तान दासगोळी अदुरद काय तरोरसाटी कसानगोळ हात्ती कळुदुन. 35 पर कसानगोळ आऊन दासगोळी हुडुकु, यारीकारा रा बळदुर, अदकि यारीकारा कोंद बुटुर, अदकि तसिरा अक कल्लगोळ बळदुर. 36 बाक आव पयले टु यक्कुल अदकि दासगोळी कळुदुन, अदकि आंदुर आ दासगोळ सांगुळ भी हांग अच माळदुर. 37 आखरी दा आव तान पार उक आंदुर हात्ती ईद सोचकु कळुदुन कर् आंदुर नान पार उन आदर माळ्यार. 38 लेकीन कसानगोळ पार उक नोळकु आपस दा अंदुर, ‘ईव रा वारीस हुन, बरी, ईऊक कोंद बुळाता अदकि ईऊन धन संपत्ती हुडु कोमाता.’ 39 इदुरसाटी आंदुर आऊक हळदुर अदकि अंगुर इन बेली टु व्हार्या तेगुकु कोंद बुटुर. 40 इदुरसाटी याग अंगुर इन बेली इन मालकि बंदान, रा आ कसानगोळ सांगुळ येन माळ्यान?”

41 आंदुर आऊन से अंदुर, “आव आ बुरा लॉकुरी बुरा रीतदिल नाश माळ्यान; अदकि अंगुर इन बेली इन ट्याका दुसरा कसानगोळी कोट्टान, जो उचित समय मा काय तनकु कोट्टार.”

42 यीशु आंदुर से अंदुन, “येन नीव यागलु पवतिरशास्त्र दा ईद वाचुसीदील: ‘याता कल्ल इक राजमसित्रीगोळ बेकार ठहरूसेदुर, अदा कोना अनन्द सरिा अनन्द कल्ल आगेत? ईद प्रभु उन दी टु आगीत, अदकि नाम नजर दा अदभुत आद.’ 43 इदुरसाटी ना नीम से अनतीन का परमेश्वर उन राज्य नीम से ताकोमकु आदीत अदकि हगि लॉकुरी कोटकु आदीत जो ईदुर प्रतफिल तरतार. 44 जो ईद कल्ल मा बदिदान आव चकनाचुर आगेदान; अदकि यदुर मा अद बदिदीत, अदरी पीसुस बुट्टीत.”

45 प्रधान याजक अदकि फरीसी यीशु उन उदाहरणगोळी केळकु समसेदुर का आव आंदुर बारा दा अनतान. 46 अदकि आंदुर आऊक हुडोद चाहासोर, लेकीन लॉकुर से अंजेदुर यतकी आंदुर आऊक भवषियवक्ता मान्सतोगोर.

## 22

मदा अन भोजन इन उदाहरण  
(लूका १४:१५-२४)

1 यीशु मात्त आंदुर से उदाहरणगोळ दा अनली कुरतुन, 2 “स्वर्ग इन राज्य आ राजा अन घाई आद, जो तान पार उन मदा अन भोजन कोट्टुन. 3 अदकि आव तान दासगोळी ईद अनकु कळुदुन का आमन्त्रति लॉकुरी मदा दा ऊमली कारी; लेकीन आंदुर बरोद चाहासीदलि. 4 बाक आव मात्त दासगोळी ईद अनकु कळुदुन, ‘आमन्त्रति लॉकुरी अनेतीर: नोळी ना ऊमोद तयार माळ कोंडीन, नान वसता अदकि नानव पालसदव जनावर कडुकु आदव, अदकि सब कुछ तयार आद; मदा अनन्द भोज दा बरी.’ 5 लेकीन आंदुर ध्यान कोटीदील अदकि तान हादी इक होटोदुर: यावारा तान केई दा रा यावारा तान व्यापार इक. 6 दुसरा लॉकुर जो मकिकु ईरोर आऊन दासगोळी हुडुकु आंदुरद अपमान माळदुर अदकि आंदरी कोंद बुट्टुर. 7 आग राजा अक सट्टिट बत्त, अदकि आव तान सेना अक कळुकु आ कोननावाळेरद नाश माळदुन, अदकि आंदुरद नगर इक होताक बुट्टुन.”

8 “आग आव तान दासगोळ से अंदुन, ‘मदा अनन्द भोज रा तयार आद लेकीन नमिन्त्रति लॉकुर आ लायक ईला ईरोर. 9 इदुरसाटी हादी इन कनिरा मा होगी अदकि यास लॉकुर नीमी सकियार, सपपा लॉकुरी मदा अनन्द भोजन दा कारूकु तरी.’ 10 इदुरसाटी आ दासगोळ हादी इन कनिरा मा होगकु जो भी वळ्लेर या बेकार लॉकुर आंदरी सकिदुर जमा माळदुर; अदकि मदा अनन्द मान्ना पावनागोळ देल तुममेत.”

11 “याग राजा पाऊनागोळी नोळली बंदुन, रा आव अल ऊंद मंळसा अक नोळदुन, जो मदा अनन्द कपळा हाक्कु ईला ईरोन. 12 राजा आऊन से केळदुन, ‘हे संगी; नी मदा अनन्द कपळा हागद बनिा इल यती बंद्या?’ आऊन बाय बंद आगेत. 13 आग राजा नवकरगोळ से अंदुन, ‘ईऊन कय-काल कटकु ईऊक व्हार्या अंधार दा हाक बुळी, अल वोरलोद अदकि हल्ल कच्चोद आदीत.’ 14 यतकी कारदोर रा हापाळ आर लेकीन नीवळुसदोर थ्वाळासा अच आर.”

कर कोळोद बारा दा प्रश्न  
(मरकुस १२:१३-१७; लूका २०:२०-२६)

15 आग फरीसीगोळ होगकु आपस दा वचिार माळदुर की यीशु उक याता प्रकार देल मातगोळ दा फसुसेव. 16 इदुरसाटी आंदुर तान चेलागोळी हेरोदयिया अन सांगुळ आऊन हात्ती ईद अनली कळुदुर, “हे गुरु, नाव जानसतेव की नी खरा आय, अदकि परमेश्वर उन हादी सच्चाई देल कल्सत्या, अदकि यारदु परवा माळाल, यतकी नी मंळसागोळद मार्रा नोळकु मातगोळ माळाल. 17 इदुरसाटी नामी हेळ नी येन सोचत्या? रोमी सरकार उक कर कोळोद उचित आद की हैलेच.”

18 यीशु आंदुरद कपट पन नोळकु अंदुन, “हे कपटीगोळा, नानी येती परखुसेतीर? 19 नानी अद ऊंद दीनार तोरस, यदुर देल कर कोटकु आगतद.”

आग आंदुर आऊन हात्ती ऊंद चाँदी इन सक्का तंदुर. 20 आव आंदुर से केळदुन, “ईद छाप अदकि हेसुर यारद हुन?”

21 आंदुर यीशु से अंदुर, “कैसर सरकार उन हुन.” आग आव आंदुर से अंदुन, “जो कैसर सरकार उन हुन, अद कैसर सरकार उक; अदकि जो परमेश्वर उन हुन, अद परमेश्वर उक कोळी.”

22 ईद केळकु आंदुर अचम्भति आदुर, अदकि आऊक बटिकु होटोदुर.

पुनरूत्थान इन बारा दा प्रश्न

(मरकुस १२:१३-१७; लूका २०:२०-२६)

23 अदा दनि सद्की जो पुनरूत्थान इक मानसालुर, यीशु उन हात्ती बंदुर अदकि आऊन से केळदुर, 24 “हे गुरु, मूसा अंददिन की अगर यावारा मंळसा बनि औलाद सोतोदान, रा आऊन वार्ट आऊन हगिस उन सांगुळ मदा माळकु तान वार्ट उन साटी औलाद पैदा माळ्यान. 25 ईग नाम मान्या येळ वार्टुर ईरोर; पयला मदा माळकु सोतोदुन, अदकि औलाद ईला आगदुर कारण तान रांड्या हगिस उक तांद वार्ट उन साटी बटिट बुदुन. 26 ईदा प्रकार देल दुसरा अदकि तसिरा भी माळदुन, अदकि येळु वार्टुर ताका हगि अच आत. 27 आखरी दा सप्पा मुंदुरद बाददा आ आरत भी सोतोदुर. 28 इदुरसाटी जतिता आगदुर मा आ आरत येळु दा टु यारोर हगिस आदार? यतकी आक सप्पा मुंदुरद हगिस आगदुर.”

29 यीशु आंदरी उत्तर कोट्टुन, “नीव पवतिरशास्त्र अदकि परमेश्वर उन महमिा जानसालीर; ई कारण नीव भूल दा बदि कु आईर. 30 यतकी जतिता आगदुर मा आंदुर न मदा माळयार अदकि न मदा दा कोटकु आदार लेकीन स्वर्ग दा परमेश्वर उन स्वर्गदूतगोळ घाई आदार. 31 लेकीन सोत्त मंळसा अन्द जतिता आगोद बारा दा येन नीव ईद वचन वाचुसीदील जो परमेश्वर नीम से अंदुन: 32 ‘ना अब्राहम उन परमेश्वर, अदकि इसहाक उन परमेश्वर, अदकि याकूब उन परमेश्वर हुईन?’ आव सोत्त मंळसा नव आलच? लेकीन जतिता लॉकुरद परमेश्वर हुन.”\*

33 ईद केळकु लॉकुर आऊंद उपदेश देल चकति आदुर.

सब से धोळद आग्या

(मरकुस १२:२८-३४; लूका १०:२५-२८)

34 याग फरीसीगोळ केळदुर का यीशु सद्कीगोळ्द बाय बंद माळ बुट्टुन, रा आंदुर जमा आदुर. 35 आंदुर दा टु ऊंद यहूदी व्यवस्था अन शक्षिक यीशु उक परखुसोर साटी आऊक केळदुन, 36 “हे गुरु, व्यवस्था दा यातोद आग्या सब से धोळ्द आद?”

37 यीशु आऊन से अंदुन, “नीव परमेश्वर तान प्रभु से तान पुरा मन अदकि तान पुरा जीव अदकि तान पुरा बुद्धी इन सांगुळ प्यार ईट. 38 सब से धोळ्द अदकि मुख्य आग्या रा ईदा हुन. 39 अदकि अदुरदा घाई ईद दुसरा आग्या भी आद का नी तान मान्ना हातळोर से तान घाई प्यार ईट. 40 \*ईवा येद्द आग्यागोळ पुरा व्यवस्था अदकि भवषियवक्तागोळ्द आधार आद.”

मसीह यार पार हुन?

(मरकुस १२:३५-३७; लूका २०:४१-४४)

41 याग फरीसी लॉकुर जमा ईरोर, रा यीशु आंदुर से केळदुन, 42 “मसीह अन्द बारा दा नीव येन सोचतीर? आव यार औलाद हुन?”

आंदुर यीशु उक अंदुर, “दाऊद ईनव.”

43 यीशु आंदुर से केळदुन, रा दाऊद आत्मा दा ईत्तकु आऊक प्रभु यती अनतान?

44 “प्रभु, नान प्रभु से अंदुन,

नान ऊम्मा कय दी कुर,

यागासताका का नाव नीद दुश्मनगोळी नीद काल इन ल्यालमा तंदकोमालेव.”\*

45 “याग दाऊद आऊक प्रभु अनतान, रा आव आऊन पार हयांग आदान?”

46 इदुरद उत्तर दा याऊ भी ऊंद मात अन सकदील. आ दनि टु यारीकु बाक आऊन से येनु केळोद हमिमत आगीदील.

## 23

शास्त्रीगोळ अदकि फरीसीगोळ देल सावधान ईरी

(मरकुस १२:३८-३९; लूका ११:४३-४६; २०:४५-४६)

1 आग यीशु भीळ से अदकि तान चेलागोळ से अंदुन, 2 “न्याय कल्सावाळेर शास्त्री अदकि फरीसी मूसा अन्द गद्दी मा कुरतकु आर; 3 इदुरसाटी आंदुर नीम से जो येनारा अंदार अद माळेतीर अदकि मान्सेतीर, लेकीन आंदुर घाई क्याल्सा माळबाळेतीर; यतकी आंदुर अंतार पर माळालुर. 4 आंदुर ऊंद भारी ओझा अक यदरी नेगोद मुश्कलि आद, कटक अदरी मंळसागोळ्द खांदा मा ईटतार; लेकीन खुद अदरी तान बेळ्ल देल सरकुसोद चाहासालुर. 5 \*आंदुर तान सप्पा क्याल्सा लॉकुरी तोरसोर साटी माळतार” आंदुर तान ताबीजगोळी चौळा माळतार अदकि तान कपळा अन्द झालर ऊदान माळतार ताकी लॉकुर आंदरी न्यायात्मा समसुल. 6 आंदुर हाबबगोळ दा मुख्य-मुख्य जागा हासलि माळोद चाहासतार, सभागोळ दा मुख्य-मुख्य आसनगोळ मा कुरोद चाहासतार. 7 सात्तागोळ दा आदर सत्कार चाहसोद, अदकि मंळसागोळ दा गुरु अंदकु

\* 22:40 २२:४० लूका १०:२५-२८

\* 22:44 २२:४४ भजन संहिता ११०:१

\* 23:5 २३:५ मत्ती

आगोद आंदरी वळ्ळीद हततद. 8 लेकीन नीव गुरु अनबाळेतीर, यतकी नीमव ऊंदा गुरु आन, अदकि नीव सप्पा वारटुर हुईर.

9 पृथ्वी मा यारीकु आप्प अनबाळेतीर, यतकी नीमव ऊंदा आप्प आन, जो स्वरुग दा आन. 10 अदकि स्वामी भी अनबाळेतीर, यतकी नीमव ऊंदा स्वामी आन, मतलब मसीह. 11 \*जो नीम दा धोड्डेव आगव चाहास्यान आव नीमव सेवक आगुल. 12 \*जो यावारा तान तान इक धोळ्द माळ्यान, आव स्याण माळकु आदान: अदकि जो यावारा तान तान इक नम्र माळ्यान, आव धोळ्द माळकु आदान.

यीशु उन द्वारा पाखंडीगोळ्द भतरसना

(मरकुस १२:४०; लूका ११:३९-४२, ४४, ५२; २०:४७)

13 “हे कपटी शास्त्रीगोळा अदकि फरीसीगोळा, नीम मा हाय! नीव मंळसागोळ साटी स्वरुग इन राज्य अन्द दरवाजा बंद माळतीर, अदकि न रा खुद अदुरदा होगतीर अदकि न रा अदुरदा होगावाळेरी होगगोळालीर. 14 \*हे कपटी शास्त्री अदकि फरीसीगोळा, नीम मा हाय! नीव रांड्यागोळ्द मान्नागोळी बरबाद माळ कोमतीर, अदकि आ लाँकुर दखावा माळोर साटी हापाळ होत ताका प्रार्थना माळतेला ईरतीर: इदुरसाटी नीमी यक्कुल दण्ड सकिकीत.

15 “हे कपटी शास्त्री अदकि फरीसीगोळा, नीम मा हाय, नीव ऊंद मंळसा अक तान मत दा तरोरसाटी पुरा जल अदकि थल मा टेटतीर, अदकि याग आव नीम मत दा होत बरतान रा आऊक तान से येद्व गुणा कपटी माळ कोमतीर.

16 “हे कुद्वद अगुवागोळा†, नीम मा हाय! जो अनतार क्क अगर यावारा मंदिर इन करिया तदिान रा येनु ईला, लेकीन अगर यावारा मंदिर इन वहान्ना अन्द करिया तदिान रा अऊर देल कट्टोदान. 17 हे मूरुखगोळा अदकि कुद्वदगोळा, याव धोड्डेव आन; वहान्ना या अद मंदिर यदुर देल वहान्ना पवतिर आगतद? 18 बाक अनतीर क्क अगर यावारा वेदी इन करिया तदिान रा येनु ईला, लेकीन जो भेट अदुर मा आद, अगर यावारा अदुरद करिया तदिान रा अदुर देल कट्टोदान. 19 हे कुद्वदगोळा, याव धोड्डेव आन; भेट या वेदी यदुर देल भेट पवतिर आगतद? 20 इदुरसाटी जो वेदी इन करिया तनितान, आव अऊरुद भी करिया तनितान जो आ वेदी मा आद. 21 जो मंदिर इन करिया तनितान, आव मंदिर अदकि अदुर दा ईरावाळा परमेश्वर उन भी करिया तनितान. 22 \*जो स्वरुग इन करिया तनितान, आव परमेश्वर उन सहिसन इन अदकि अदुर मा कुरावाळेर्द भी करिया तनितान.

23 “हे कपटी शास्त्री अदकि फरीसीगोळा, नीम मा हाय, नीव पदीना, अदकि सौफ, अदकि जीरा अन्द दसवा अंश रा कोळतीर, लेकीन नीव व्यवस्था अन्द गंभीर मातगोळी मतलब न्याय, अदकि दया, अदकि वशिवास इक बटिबुटीर; आगली पायजे होता क्क इवरी भी माळतेला ईरायदीर अदकि अवरी भी ईला

\* 23:11 २३:११ मत्ती २०:२६, २७; मरकुस ९:३५; १०:४३, ४४; लूका २२:२६ \* 23:12 २३:१२ लूका

१४:११; १८:१४ \* 23:14 २३:१४ ईद वचन हाळोद हस्तलेखगोळ दा सकाल्द † 23:16 २३:१६

स्याणा, नायक \* 23:22 २३:२२ मत्ती ५:३४

बिळायदरि. 24 हे कुढ्ढ अगुवागोळा, नीव मच्छर इक रा दुंद्स कोमतीर, लेकीन ऊँट इक तीन कोमतीर.

25 \*हे कपटी शास्त्री अदकि फरीसीगोळा, नीम मा हाय, नीव वाटी अदकि तळग्या अक म्याक म्याकुच टु रा ऊदतीर लेकीन अव बुळक करेव अदकि लालच खुद इन दा भला माळदुर दा तुमकु आव. 26 हे कुढ्ढ फरीसी, पयले कटोरा अदकि तळग्या अक बुळक टु ऊदद काँ अव व्हार्या टु भी वळ्लेव काँसुल.

27 \*हे कपटी शास्त्री अदकि फरीसीगोळा, नीम मा हाय, नीव चुना हज्द मतगोळ घाई आईर जो म्याकुच टु रा सुंदर काँसताव, लेकीन बुळक मुरदा अन्द येलुगोळ अदकि सब प्रकार इन गंदगी देल तुमकु आव. 28 ईदा रीत दिल नीव भी म्याकुच टु मंळसागोळी न्यायी काँस तोगतीर, लेकीन बुळक कपट अदकि बुराई देल तुमकु आईर.

शास्त्रीगोळ अदकि फरीसीगोळ मा दण्ड इन भवषियवाणी  
(लूका ११:४७-५१)

29 \*हे कपटी शास्त्री अदकि फरीसीगोळा, नीम मा हाय, नीव भवषियवक्तागोळ्द कबर्गोळी सुधारसतीर अदकि न्यायीगोळ्द कबर्गोळी सजुसतीर, 30 अदकि अनतीर, 'अगर नाव तान आज्ञा बाबागोळ्द जमानानोर ईरायदेव रा भवषियवक्तागोळी कोन्नोर दा भागीदार ईला ईरायदेव.' 31 इदुर देल रा नीव खुद अच गवाही कोळतीर काँ नीव भवषियवक्तागोळी कोन्नावाळेर औलाद हुईर. 32 इदुरसाटी नीव तान आज्ञा बाबागोळ्द पाप इन माळका पुरा तरीका देल तुमकोमी. 33 \*हे हावगोळा, हे हावगोळ चकिोरगोळा, नीव नरक इन दण्ड देल ह्यांग ऊळदीर? 34 इदुरसाटी नोळी, ना नीम हात्ती भवषियवक्तागोळ अदकि बुद्धमिनगोळी अदकि शास्त्रीगोळी कळुतीन; अदकि नीव आंदुर दा टु यावारा अक कोंद बुट्टीर अदकि कूरस मा येरसीर, अदकि यावारा तान सभागूहगोळ दा क्वाळा बळदीर अदकि ई नगर टु आ नगर दा जेडुतेला ओयाळीर. 35 याव न्यायी हाबील टु हुडुकु बरिक्कियाह अन्द पार जकरयाह ताका, यारी नीव मंदरि अदकि वेदी इन न्याड्या दा कोंद बुटीदीर, यास न्यायीगोळ्द खुन धरती मा वाहुसकु आग्याद अद सप्पा नीम ताल्ला मा बदिदीत. 36 ना नीम से खरा माताळतीन, ई सप्पा मातगोळ ईद समय इन लॉकुर मा बंदकु बदिदीत.

यीशु उन यूरुशलेम इन साटी प्यार  
(लूका ११:४७-५१)

37 \*हे यूरुशलेम, हे यूरुशलेम! नी भवषियवक्तागोळी कोंद बुळत्या, अदकि जो नीद हात्ती कळुकु आग्यार, आंदुर मा कल्लगोळ देल हमला माळत्या. यास अनली ना चाहासदीन काँ ह्यांग कोळी तान पाडडगोळी तान पक्कागोळ्द ल्यालमा जमा माळतद, हांग अच ना भी नीन चकिोरगोळी जमा माळ कोमाईन, लेकीन नी चाहासीदलि. 38 नोळी, नीम मान्ना नीम साटी सुनसान बटिकु आगतद. 39 यतकि ना नीम से अनतीन काँ ईंगी टु आगासताका



नीव नानी बाक यागलु नोळतीदलि यागासताका नीव अनतीदलि, “धन्य आन आव, जो प्रभु अनूद हेसुर देल बरतान.”

## 24

मंदरि इन वनिश इन भवषियवाणी

(मरकुस १३:१-२; लूका २१:५-६)

1 याग यीशु मंदरि टु होटकु होगोन, रा आऊन चेलागोळ आऊक मंदरि इन रचना तोरसोर साटी आऊन हात्ती बंदुर. 2 यीशु आंदुर से अंदुन, “नीव ईद सप्पा नोळेतीर ना! ना नीम से खरा माताळतीन, ईल कल्ल मा कल्ल भी ईला बळितीदील जो मळ्सकु आगतीदील.”

संकट अदकि क्लेश

(मरकुस १३:३-१३; लूका २१:७-१९)

3 याग यीशु जैतून पहाळी मा कुर्तकु ईरोन, रा चेलागोळ आबना अंदा आऊन हात्ती बंदकु अंदुर, “नामी हेळ कि ई सब मातगोळ याग आदव? नीन बरोद अदकि दुनया अनूद आखरी इन येन चमत्कार ईत्तीत?”

4 यीशु आंदरी उत्तर कोट्टुन, “सावधान ईरी! याऊ नीमी भरमुस बाळुल, 5 यतकी हापाळ सा लॉकुर हगि ईत्तार जो नान हेसुर देल बंदकु अंदार, ‘ना मसीह हुईन,’ अदकि हापाळ मुंदरी भरमुस्यार. 6 नीव लळाईगोळ मातचीत केळीर अदकि लळाईगोळद बारा दा अफवाह केळीर, रा घबूस बाळेतीर यतकी इदुरद आगोद जरूरी आद, लेकीन आ समय दा अनूत आगतीदील. 7 यतकी द्याश मा द्याश, अदकि राज्य मा राज्य चढाई माळेव, अदकि हर जागा दा अकाल बदिदव, अदकि भूकम्प आदव. 8 ईव सप्पा मातगोळ दुखगोळद सूरवात माळेव.”

9 आग आंदुर क्लेश कोळोर साटी नीमी हुळसुस्कु सोपस्यार, अदकि नीमी कोंद बुट्टार, अदकि नान हेसुर इन कारण सप्पा जातीगोळ लॉकुर नीम से दुश्मनी ईट्यार. 10 आग हापाळ सा लॉकुर ठोकर तदार, अदकि आबुर दाबुर हुळसुस्यार, अदकि आबुर दाबुर से दुश्मनी ईट्यार. 11 हापाळ सा खवाटा भवषियवक्तागोळ बंदार, अदकि हापाळ मुंदरी भरमुस्यार. 12 अन्याय इन वाळुसदुर देल हापाळ मुंदुरद प्यार ठंडा बदिदीत, 13 लेकीन जो आखरी ताका धीरज हुळकु ईत्तान, आऊंदा उद्धार आदीत. 14 अदकि राज्य इन ईद खुशखबरी पुरा दुनया दा प्रचार माळकु आदीत, कि सप्पा जातीगोळ मा गवाही आगुल, आग अनूत होट्ट बंदीत.

महासंकट इन सूरवात

(मरकुस १३:१४-२३; लूका २१:२०-२४)

15 “इदुरसाटी याग नीव आ उजुळसावाळा बेकार वस्तुगोळद यदुरद चर्चा दानयियेल भवषियवक्ता अनूद द्वारा आगीत, पवतिर जागा दा नीदुरकु आद हगि नोळी, वाचुसावाळा खुद अच समसुल कि ईदुर येन मतलब आद. 16 आग जो यहूदया प्रदेश दा ईतीदार आंदुर पहाळगोळ मा ओळेगुल. 17 जो छत

मा ईतीदार, आव तान मान्ना दा टु सामान ताकोमली ईळुबाळुल; 18 अदकि जो केई दा ईतीदार, आंदुर तान कपळा ताकोमली हदि हांगबाळुल. 19 आ आर्तेर साटी हाय जो आ दनिगोळ दा व्हाट्या दी ईततार अदकि जो हाल कुळसतेला ईततार! 20 प्रार्थना माळतेला ईरी की नीमी सोळ इन दनिगोळ दा या आराम इन दनि ओळोद बळिबाळुल. 21 \*यतकी आ समय दा हगि भारी क्लेश आदीत, जसा न रा दुनया अनूद सुरूवात टु ईग ताका आगदील अदकि न यागलु आदीत.\* 22 अदकि अगर परमेश्वर आ दनिगोळी घटुसोद नश्चय ईला माळायदुन रा ऊंद भी जीव ईला ऊळाईत, लेकीन तान नविळुसूद लॉकुर साटी आव दनिगोळी गोर्त माळ्यान.

23 “आ समय अगर यावारा नीम से अनुल, ‘नोळी, मसीह इल आन’ या ‘आव अल आन,’ रा वश्वास माळबाळेतीर. 24 यतकी ख्वाटा मसीह अदकि ख्वाटा भवषियवक्ता यदकु नदिर्यार, अदकि धोळ्द चनिह, अदकि लॉकुरी ध्वाका कोळोर साटी अदभुत क्यालसा तोरस्यार की अगर आग सकुल रा नविळुसकु आग्यार आंदरी भी बैकुश बुळुल. 25 नोळी, ना नीमी सप्पा मातगोळ पयले टु ना हेळ बुटीन.”

26 \*इदुरसाटी अगर आंदुर नीम से अनुल, ‘नोळी, आव आळी दा आन,’ रा व्हाऱ्या होळबाळेतीर; या ‘नोळी, आव कोठरीगोळ दा आन,’ रा वश्वास माळबाळेतीर. 27 यतकी जसा सुर्य अनूद करिण पूव टु होटकु पश्चिमि ताका चमकुसतद, हांग अच मंळसा अन पार उन भी बरोद आदीत.”

28 \*यल लाश ईततीत, अल्या गीधाळ जमा आदव.”\*

मंळसा अन पार उन दुबारा बरोद

(मरकुस १३:२४-२७; लूका २१:२५-२८)

29 \*अचानक आ दनिगोळ दा क्लेश इन तुरन्त बाददा सुर्य अन्धकारमय आगेदीत, अदकि चन्द्रमा अनूद प्रकाश होगतेला ईततीत, अदकि तारा आकाश टु बीळतेला ईततव अदकि आकाश इन शक्तगोळी हालुसकु आदीत. 30 \*आग ना मंळसा अन पार उन चनिह आकाश दा कांळसीत, अदकि आग पृथ्वी इन सप्पा कुलगोळ लॉकुर याददा पीटस्यार; अदकि मंळसा अन पार उक धोळ्द सामर्थ्य अदकि महमा अन सांगुळ आकाश इन बादलगोळ मा बरतेला नोळ्यार.\* 31 आव तुरही इन धोळ्द आवाज इन सांगुळ तान स्वर्गादूतगोळी कळ्यान, अदकि आंदुर आकाश इन ईद छोर टु आ छोर ताका, नाकु क्वाना टु आऊन नविळुसूद लॉकुरी जमा माळ्यार.

अंजीर इन मार्र इन उदाहरण

(मरकुस १३:२८-३१; लूका २१:२९-३३)

32 “अंजीर इन मार्र देल ईद शक्षिा ताकोमी: याग अदुरद डगाली मुलायम आगताव अदकि याल्ला होळली कुरताव, रा नीव जान्स कोमतीर की बसिल

\* 24:21 २४:२१ प्रकाशतिवाक्य ७:१४ \* 24:21 २४:२१ दानयियेल १२:१; प्रकाशतिवाक्य ७:१४

\* 24:26 २४:२६ लूका १७:२३,२४ \* 24:28 २४:२८ लूका १७:३७ \* 24:28 २४:२८ लूका

१७:३७ \* 24:29 २४:२९ प्रकाशतिवाक्य ६:१२; प्रकाशतिवाक्य ६:१३ \* 24:30 २४:३०

प्रकाशतिवाक्य १:७ \* 24:30 २४:३० दानयियेल ७:१३; जकर्याह १२:१०-१४

इन दिन हात्ती आद. 33 ईदा रीत दिेल याग नीव ईव मातगोळी आगतेला नोळीर, रा जान्स कोमी की अद दरवाजा मा का आद\*, अदकि अद दरवाजा मा का आद. 34 ना नीम से खरा अनतीन की यागासताका इव सप्पा मातगोळ पुरा आगालव, आगासताका ईद पीढी इन अन्त आगतीदिल. 35 आकाश अदकि पृथ्वी टलुसेदति, लेकीन नान मात्तगोळ यागलु टलुसतीदलि.”

अनजान दिन अदकि समय

(मरकुस १३:३२-३७; लूका १७:२६-३०,३४-३६)

36 “लेकीन आ दिन अदकि आ समय इन बारा दा यारू जान्सालुर, न स्वरगदूतगोळ अदकि ना मंळसा अन पार, लेकीन सरिफ आप्प जान्सतान.” 37 “ह्यांग नूह अन दिन ईरव, हांग अच मंळसा अन पार उन भी बरोद आदीत. 38 ह्यांग नीर इन बाळ बरा से पयला अन्द दनिगोळ ताका लॉकुर ततिकुडुत ईत्तुर, अदकि मदा माळ्त्त ईत्तुर यागासताका नूह जहाज मा येरीदलि. 39 अदकि यागासताका जल प्रलय बंदकु आ सप्पा मुंदरी वाहुसकु ओतीदलि, आगासताका आंदरी येनु उच पता नळददिल; हांग अच मंळसा अन पार उन भी बरोद आदीत. 40 आ समय दा येदद मुंदुर केई दा कयाल्सा माळ्त्त ईत्तार, ऊंद नेगुकु आदान अदकि दुसरा बटिकु आदान. 41 येदद आर्तेर जाता दा पीसुसतेला ईत्तार, ऊंद नेगुकु आदार अदकि दुसरा बटिकु आदार”

42 “इदुरसाटी जाग्सतेला ईरी, यतकी नीव जान्सालीर क्नी नीम प्रभु याता दशिी बंदान. 43 लेकीन ईद जान्स कोमी क्नी अगर मान्ना अन्द स्वामी जान्स कोमायदुन क्नी चोर यास मुरा बंदान रा च्याता ईरायदुन, अदकि तान मान्ना अन काळ्ळपनी ईला आग गोळायदुन. 44 इदुरसाटी नीव भी तयार ईरी, यतकी याता घळी आऊन बरोद बारा दा नीव सोच भी सकालीर, अदा घळी मंळसा अन पार होट बंदान.”

वशिवासयोग्य दास अदकि दुष्ट दास

(लूका १२:४१-४८)

45 “इदुरसाटी आव वशिवासयोग्य अदकि बुद्धमिान दास याव हुन, यारी स्वामी तान नौकर-चाकरगोळ मा अधिकारी ठहूसदुन क्नी समय मा आंदरी ऊमली कोळुल? 46 धन्य आन आव दास, यारी आऊन स्वामी बंदकु हगि अच माळतेला नोळुल. 47 ना नीम से खरा अनतीन, आ स्वामी आऊक तान सप्पा संपत्ती मा अधिकारी नयिकुत्त माळ्यान.” 48 लेकीन अगर आ दुष्ट दास ईद सोचुल क्नी नान स्वामी इक बरली समय आद, 49 अदकि तान संगी दासगोळी बडुली हतुल, अदकि सारा कूडावाळेर सांगुळ तनिल-कुडुल. 50 रा आ दास उन स्वामी ईत्ता दिन दा बंदान, याग आव आऊन हादी ईला कायतीदान, अदकि हगि समय यदरी आव जान्सालुन, 51 आग स्वामी आऊक कठोर दण्ड कोट्टान अदकि आऊन पापगोळी कपटीगोळ सांगुळ आळदान: यल लॉकुर सरिफ वरलतोदार अदकि हल्ल कचतोदार.

\* 24:33 २४:३३ समय हात्ती बरेत्याद ☆ 24:43 २४:४३ लूका १२:३९,४०

## 25

## हत्त कुवारा पोरगोळ्द उदाहरण

1 \* “स्वर्ग इन राज्य आ हत्त कुवारा पोरगोळ् घाई ईत्तीत जो तान मशाल हुडुकु मंळगार से भेंट माळली होटार. 2 आंदुर दा टु अईद मूर्ख अदकि अईद समझदार ईरोर. 3 आ अईद मूर्ख पोरगोळ् तान मशालगोळ् रा हुळदुर, लेकीन तान सांगुळ् याण्णा हुळदीदलि; 4 लेकीन समझदार पोरगोळ् तान मशालगोळ् सांगुळ् तान चाळीगोळ् दा याण्णा भी तुम कोंडुर. 5 याग मंळगार उक बरली समय आत्त, रा आंदुर सप्पा पोरगोळ् जपस्ली कुरतुर अदकि मगिंदुर.”

6 “आर्धा ईळ्लक इक धूम मचुस्त: ‘नोळी, मंळगार बरेत्यान! आऊन से भेंट माळोर साटी नळी.’ 7 आग आंदुर सप्पा कुवारा पोरगोळ् यदकु तान मशालगोळी ठीक माळली कुरतुर. 8 अदकि मूर्ख पोरगोळ् समझदार पोरगोळ् से अंदुर, ‘तान याण्णा दा टु थ्वाळासा नामी भी कोळी, यतकी नाम मशालगोळ् नूनेत्याव.’ 9 लेकीन समझदार पोरगोळ् उत्तर कोट्टुर, ईला! नाव कोळ सकालेव. कदाचति ईद नाम अदकि नीम साटी पुरा आगदिल, भला रा ईद आद कि नीव याण्णा मारावाळेर हात्ती होगकु तान साटी कोंडकु तंदकोमी.’ 10 याग आंदुर याण्णा कोमोर साटी होगोर रा मंळगार होटबंदुन, अदकि जो तयार ईरोर, आंदुर आ मंळगार उन सांगुळ् यल मदा आगताव आ मान्ना दा होटोदुर अदकि दरवाजा बंद माळकु आगीत.”

11 \* “इदुर बाद्दा आंदुर दुसरा कुवारा पोरगोळ् भी बंदकु अनली कुरतुर, ‘हे स्वामी, हे स्वामी, नाम साटी दरवाजा तेरू अदकि नामी वुळ्क बरगोळ!’ 12 आ मंळगार उत्तर कोट्टुन, ‘ना नीम से खरा अनतीन, ना नीमी अरालीन.’”

13 इदुरसाटी जागसतेला ईरी, यतकी नीव न आ दनि इक जान्सतीर, न आ समय इक.\*

## मुर दासगोळ्द उदाहरण

(लूका १९:११-२७)

14 \* “स्वर्ग इन राज्य आ मंळसा अन्द घाई ईत्तीत याव परदेश होगोहोती तान दासगोळी कारूकु तान धन आंदरी सौपस बुट्टुन. 15 आव पयला अक अईद हजार व्हान्ना अन सक्कागोळ् कोट्टुन, दुसरा अक येढ्ढ, अदकि तीसरा अक ऊंद; मतलब हर ऊंद मंळसा अक आऊन सामर्थ्य इन अनुसार कोट्टुन, अदकि आग परदेश होटोदुन. 16 आग, याऊक अईद हजार व्हान्ना अन सक्कागोळ् सक्कीदव, आव तुरन्त होगकु सक्कागोळ् देल लेन देन माळदुन, अदकि अईद हजार सक्का मात्त कमसदुन. 17 ईदा रीत दिेल याऊक येढ्ढ हजार सक्कागोळ् सक्कीदव, आव भी येढ्ढ हजार सक्कागोळ् मात्त कमसदुन. 18 लेकीन याऊक ऊंद हजार व्हान्ना अन सक्कागोळ् सक्कीदव, आव होगकु मुण्ण अगुळदुन, अदकि तान स्वामी इन धन मुण्ण दा होचकु ईटदुन.”

19 “हापाळ दनि इन बाद्दा आ दासगोळ्द स्वामी बंदकु आंदुर से हिसाब ताकोमली कुरतुन. 20 याऊक अईद हजार व्हान्ना अन सक्कागोळ् सक्कीदव,

\* 25:1 २५:१ लूका १२:३५ \* 25:11 २५:११ लूका १३:२५ \* 25:13 २५:१३ मरकुस १३:३५; लूका

१२:४० \* 25:14 २५:१४ लूका १९:११-२७

आव अईद हजार सक्कागोळ मात्त तनकु अंदुन, हे स्वामी, नी नानी अईद हजार व्हानना अन सक्का कोटीद, नोळ, ना अदुर मा अईद हजार सक्कागोळ मात्त कमूसीन.’ 21 आऊन स्वामी आऊन से अंदुन, ‘शाबवास, हे वळलेव अदकि वशिवासयोग्य दास, नी थ्वाळासा दा वशिवासयोग्य ईत्त; ना नीनी हापाळ वस्तुगोळ्द अधिकारी माळाईन. तान स्वामी इन खुशी दा सहभागी आग.’”

22 “अदकि याऊक येद्व हजार सक्कागोळ सक्कीदव, आव भी बंदकु अंदुन, हे स्वामी, नी नानी येद्व हजार सक्कागोळ सौपसीद, नोळ, ना येद्व हजार सक्कागोळ मात्त कमुसदिन.’ 23 आऊन स्वामी आऊन से अंदुन, ‘शाबवास, हे वळलेव अदकि वशिवासयोग्य दास, नी थ्वाळासा दा वशिवासयोग्य ईत्त; ना नीनी हापाळ वस्तुगोळ्द अधिकारी माळाईन. तान स्वामी इन खुशी दा सहभागी आग.’

24 “आग याऊक ऊंद हजार व्हानना अन सक्कागोळ सक्कीदव, आव बंदकु अंदुन, हे स्वामी, ना नीनी अरूतीन क्नी नी कठोर मंळसा आय: नी यल टु बोऊसाल अल टु कडुत्या, अदकि यल बीजा हाकाल अल टु ताकोमत्या. 25 इदुरसाटी ना अंजेदीन अदकि होगकु नीन व्हानना अन सक्कागोळ मुण्ण दा होचकु इटदीन. नोळ, जो नींद आद, अद ईद हुन.’”

26 आऊन स्वामी आऊक उत्तर कोट्टुन, “हे दुष्ट अदकि आलसी दास, याग नी ईद जानस्या क्नी यल ना बोऊसीदल अल टु कडुतीन, अदकि यल ना बीजा हाकीदील अल टु ताकोमतीन; 27 आग नी ईद माळाईद क्नी नान धन सावकार उन हात्ती ईट बुळाईद, आग ना बंदकु तान धन ब्याज समेत आऊन से ताकोम कोमायदीन. 28 इदुरसाटी आऊन से अव ऊंद हजार सक्कागोळ ताकोमकोमी, अदकि यार्द हात्ती हत्त हजार सक्कागोळ आव, आऊक कोटबुळी. 29 यतकी यार हात्ती आद, आऊक मात्त कोटकु आदीत; अदकि आऊन हात्ती हापाळ आगेदीत: लेकीन याऊन हात्ती हैलेच, आऊन से अद भी जो आऊन हात्ती आद, ताकोमकु आदीत. 30 अदकि ई नकिम्मा दास उक व्हार्या अंधार दा हाक्क बुळी, यल वोरलोद अदकि हल्ल कचोद आदीत.”

### आखरी न्याय

31 \* “याग मंळसा अन पार तान महमा दा बंदान अदकि सप्पा स्वरगदूत आऊन सांगुळ बंदार, रा आव तान महमा अन्द सहासन मा वरिजमान आदान. 32 अदकि सप्पा राज्य अन लॉकुर आऊन मुंद जमा माळकु आदार; अदकि ह्यांग चरवाह लांडग्यागोळी मरगोळ से अलग माळ बुळतान, हांग अच आव आंदरी आबुर दाबुर से अलग माळयान. 33 आव लांडग्यागोळी ऊम्मा कय मा अदकि मरगोळी डाक्या कय मा नीदरूस्यान. 34 आग राजा तान ऊम्मा कय दी नीदरावाळेर से अंदान, हे नांद आप्प उन धन्य लॉकुरा, बरी, आ राज्य अन्द अधिकारी आगेगी, जो दुनया अन्द पयला टु उच नीम साटी तयार माळकु आग्याद. 35 यतकी ना हस्तकु ईरीन, अदकि नीव नानी तनिली कोट्टीर; ना नरिळ्कु ईरीन, अदकि नीव नानी नीर कुळसदीर; ना अनजान ईरीन, अदकि

\* 25:29 २५:२९ मत्ती १३:१२; मरकुस ४:२५; लूका ८:३८ \* 25:30 २५:३० मत्ती ८:१२; २२:१३; लूका १३:२८ \* 25:31 २५:३१ मत्ती १६:२७; मत्ती १९:२८

नीव नानी ताम मान्या ईटदीर; <sup>36</sup> ना ऊगळा ईरीन, अदकि नीव नानी कपळा हाक्सुसदीर; ना बमिार ईरीन, अदकि नीव नान देखभाल माळदीर, ना बंदीगृह दा ईरीन, अदकि नीव नान से भेंट ताकोमली बंदीर.'

<sup>37</sup> "आग न्यायी लॉकुर आऊक उत्तर कोट्टार, 'हे प्रभु, नाव याग नीनी हस्तकु नोळदेव अदकि तीन्सदेव? या नरिळ्कु नोळदेव अदकि नीर कुळसदेव? <sup>38</sup> नाव याग नीनी अनजाना नोळदेव अदकि तान मान्या ईटदेव? या ऊगळा नोळदेव अदकि कपळा हाक्सुसदेव? <sup>39</sup> नाव याग नीनी बमिार या बंदीगृह दा नोळदेव अदकि नीन से भेंट माळली बंदेव?' <sup>40</sup> आग राजा आंदरी उत्तर कोट्टान, 'ना नीम से खरा अनतीन की नीव जो नान स्यांळ्द से स्यांळ्द वारट्टुर दा टु यावारा ऊंद मंळसा अन्द सांगुळ माळदीर, अद नांदा सांगुळ माळदीर.' "

<sup>41</sup> "आग आव डाक्या कय दी नीदरावाळेर से अंदान, 'हे शापति लॉकुरा, नान मुंद टु अद अनन्त बेक्की दा होटोगी, जो शैतान अदकि आऊन दूतगोळ साटी तयार माळकु आगयाद. <sup>42</sup> यतकी ना हस्तकु ईरीन, अदकि नीव नानी तनिली कोटीदील; ना नरिळ्कु ईरीन, अदकि नीव नानी नीर कुळसदील; <sup>43</sup> ना अनजाना ईरीन, अदकि नीव नानी तान मान्या ईटीदील; ना ऊगळा ईरीन, अदकि नीव नानी कपळा हाक्सुसीदलि; ना बमिार अदकि बंदीगृह दा ईरीन, अदकि नीव नान देखभाल माळीदील.'

<sup>44</sup> "आग आंदुर उत्तर कोट्टार, 'हे प्रभु, नाव नीनी याग उपासा, या नरिळ्कु, या परदेशी, या ऊगळा, या बमिार, या बंदीगृह दा नोळदेव, अदकि नींद स्यावा टहल माळीदलि?' <sup>45</sup> आग आव आंदरी उत्तर कोट्टान, 'ना नीम से खरा अनतीन की नीव जो ई स्यांळ्द टु स्याणेर दा टु यावारा ऊंद मंळसा अन सांगुळ माळीदलि, अद नांद सांगुळ भी माळीदलि.' <sup>46</sup> अदकि इंदुर अनन्त दण्ड भोगसोर साटी कळुकु आदार लेकीन न्यायी लॉकुर अनन्त जीवन दा प्रवेश माळ्यार."

## 26

यीशु उन खलिाप साजीश

(मरकुस १४:१-२; लूका २२:१-२; यूहन्ना ११:४५-५३)

1 याग यीशु इव सप्पा मात अंद बुट्टुन रा तान चेलागोळ से अनली कुरतुन,  
2 "नीव जान्सतीर की येढ्द दनि इन बाद्दा फसह अन्द हाब्ब आद, अदकि मंळसा अन्द पार कूस मा येरसोर साटी हुळसुसकु आदान."\*

<sup>3</sup> आग प्रधान याजक अदकि प्रजा अन्द पुरनएि कैफा हेसुर इन महायाजक उन भवन दा जमा आदुर, <sup>4</sup> अदकि आपस दा वचिार माळली कुरतुर की यीशु उक गुप्त तरीका देल हुळकु कोंद बुटेव. <sup>5</sup> लेकीन आंदुर अनतोगोर, "हाब्बा अन समय दा ईला, ईलारा हगि आगबाळुल की लॉकुर दा दंगा फसाद आगोगुल."

वैतनयियाह दा यीशु उन अभषिक

(मरकुस १४:३-९; यूहन्ना १२:१-८)

6 याग यीशु बैतनयियाह दा शमौन कोढी इन मान्या ईरोन, 7 \*रा ऊंद आर्त संगमरमर इन बाटुल दा वार् ईत्तर हुळकु यीशु उन हात्ती बंदुर, अदकि याग आव ऊमोर साटी कुरतीदुन रा आऊन ताल्ला मा ऊलटुसदुर. 8 ईद नोळकु आऊन चेलागोळी सट्टि बत्त अदकि आंदुर अनली कुरतुर, “ई ईत्तर येती बरबाद माळकु आग्याद? 9 इदरी रा वळ्लीद दाम दा मारकु कंगालगोळ दा वाटसकु आग सकोद.”

10 ईद जान्सकु यीशु आंदुर से अंदुन, “आ आर्त इक येती सतुसतीर? आक नान साटी भलाई इन क्याल्सा माळ्यार. 11 कंगाल रा नीम सांगुळ हमेशा ईरतार, लेकीन ना नीम सांगुळ हमेशा ईर सकालीन. 12 आक नान मय मा जो ईत्तर हाक्यार, अद नान सोत्तुर बाददा नळसकु आगोद तयारी हुन. 13 ना नीम से खरा माताळतीन, कि सपपा दुनयिा दा येल्यारा भी ईद खुशखबरी प्रचार माळकु आदीत, अल आकनि ईद क्याल्सा अन्द वर्णन भी आकनि याद दा माळकु आदीत.”

यहूदा इस्करयिोती इन वशिवासघात  
(मरकुस १४:१०-११; लूका २२:३-६)

14 आग यहूदा इस्करयिोती, जो हन्नेळ चेलागोळ दा टु ऊंद ईरोन, प्रधान याजकगोळद हात्ती होदुन, 15 अदकि आव अंदुन, “अगर ना आऊक नीम कय दा हुळसुस कोळाईन रा नानी येन कोट्टीर?” आंदुर आऊक तीस चाँदी नव सक्कागोळ आळुकु कोट बुटुर. 16 अदकि आव अदा समय टु आऊक हुळसुसोद सही मवका हुँदसली कुरतुन.

चेलागोळद सांगुळ फसह हाब्ब इन आखरी भोज  
(मरकुस १४:१२-२१; लूका २२:१७-१३, २१-२३; यूहन्ना १३:२१-३०)

17 अखमीरी रोट्टी इन हाब्बा इन पयला दनि, चेलागोळ यीशु उन हात्ती बंदकु केळली कुरतुर, “नी येन चाहासत्या कि नाव नीद साटी फसह तनोद तयारी माळेव?”

18 यीशु अंदुन, “नगर दा अमुक मंळसा अन्द हात्ती होगकु आऊन से अनी, गुरु अनेत्यान कि नांद समय हात्ती आद. ना तान चेलागोळद सांगुळ नीन मान्या फसह हाब्ब मानसाईन.”

19 इदुरसाटी चेलागोळ यीशु उन आग्या स्वीकार माळदुर अदकि फसह तयार माळदुर.

20 याग द्याव आत रा आव हन्नेळ चेलागोळ सांगुळ ऊमली कुरतीदुन. 21 याग आंदुर तीनोर रा यीशु अंदुन, “ना नीम से खरा अनतीन कि नीम दा टु ऊंद नानी हुळसुस्यान.”

22 इदुर मा आंदुर च्याच उदास आदुर, अदकि हर ऊंद चेला यीशु से केळली कुरतुन, “हे गुरु, येन आव ना हुईन?”

23 यीशु उत्तर कोट्टुन, “आव जो नान सांगुळ तंळग्या दा ऊमतान, आवा नानी हुळसुसकु सोपस्यान. 24 ना मंळसा अन्द पार ह्यांग नान बारा दा शास्त्र दा लखिसकु आद, अद आदीत अच; लेकीन आ मंळसा अन्द साटी शोक आद

याऊन द्वारा मंळसा अन पार हुळसुसकु आदान: अगर आ मंळसा अन्द जनम अच ईला आगाईत, रा आऊन साटी भला आगाईत.”\*

25 आग यीशु उक हुळसुसकु सौप्सावाळा यहूदा अंदुन, “हे गुरु, येन आव ना हुईन?”

यीशु आऊन से अंदुन, “नी रा अंदबुट.”

प्रभु भोज

(मरकुस १४:२२-२६; लूका २२:१४-२०; १ कुरनिथी ११:२३-२५)

26 “याग आंदुर ऊमोर रा यीशु रोटी ताकोंडुन, अदकि आशीष बेळकु मुरदुन, अदकि चेलागोळी कोटकु अंदुन, हुडी, तर्नी; ईद नांद मय हुन.”

27 बाक यीशु कटोरा हुळकु धन्यवाद माळदुन, अदकि आंदरी कोटकु अंदुन, “नीव सप्पा लॉकुर इदुर दा टु कुडी, 28 यतकी ईद वाचा अन्द नान अद रक्ता हुन, जो सप्पा लॉकुर पापगोळ माफ अन्द साटी वाहुसकु आगतद. 29 ना नीम से खरा अनतीन कर् अंगुर इन ईद रास्सा आ दनि ताका यागलु कुढालीन, यागासताका नीम सांगुळ तान आप्प उन राज्य दा व्हाशोद रास्सा कुडू कोमालीन.”

30 बाक आंदुर भजन हाळत-हाळत जैतून पहाळी मा होदुर.

पतरस उन इनकार इन भवषियवाणी

(मरकुस १४:२७-३१; लूका २२:३१-३४; यूहनना १३:३६-३८)

31 आग यीशु चेलागोळ से अंदुन, “नीव सप्पा मुंदुर ईदल्या ईळलक इक नांद बारा दा ठोकर तदिर, यतकी शास्त्र दा लखिसकु आद: ‘ना चरवाह अक कोनाईन, अदकि झुण्ड इन म्यांडागोळ ततिर-बतिर आगोदव.’\* 32 \*लेकीन ना तान जतिता आगदुर बाददा नीम से पयले गलील इक होगार्न.”

33 इदुर मा पतरस यीशु से अंदुन, “अगर सप्पा मुंदुर नीन बारा दा ठोकर तदिर रा तदिर, लेकीन ना यागलु ठोकर तनितीदील.”

34 यीशु आऊन से अंदुन, “ना नीन से खरा अनतीन कर् ईदल्या ईळलकी हुंज इन कुग्गोर से पयले, नी मुर घन नांद इनकार माळ्या.”

35 पतरस यीशु से अंदुन, “अगर नानी नीन सांगुळ सायोद भी बदिदीत, तरी ना नींद यागलु इनकार माळतीदील.” अदकि हगि अच सप्पा चेलागोळ भी अंदुर.

गतसमनी दा प्रार्थना

(मरकुस १४:३२-४२; लूका २२:३१-४६)

36 आग यीशु तान चेलागोळ्द सांगुळ गतसमनी हेसुर इन ऊंद जागा दा बंदुन अदकि तान चेलागोळ से अनली कुरतुन, “ईल्या कुरतकु ईरतीर, आगासताका ना अल होगकु प्रार्थना माळतीन.” 37 यीशु पतरस अदकि जब्दी इन येदुदु पारगोळी सांगुळ ओतुन, अदकि उदास अदकि व्याकुल आगली कुरतुन. 38 आग यीशु आंदुर से अंदुन, “नान मन च्याच उदास आद. इल ताका कर् नान जीव होळतेला आद. नीव ईल्या ठहरूसी अदकि नांद सांगुळ च्याता ईरी.”

\* 26:24 २६:२४ भजन संहिता २२:७-८; यशायाह ५३:९

\* 26:31 २६:३१ जकर्याह १३:७

\* 26:32 २६:३२ मत्ती २८:१६



39 बाक यीशु ध्वाळासा मात्त मुंद होगकु बाय इन भार देल बदिदुन, अदकि ईद प्रार्थना माळदुन, “हे नांद आप्पा, अगर आग सकुल रा ईद संकट नान मा टु टलसेगुल, तौभी ह्यांग ना चाहासतीन हांग ईला, लेकीन ह्यांग नी चाहासत्या हांग अच आगुल.”

40 बाक यीशु चेलागोळ्द हात्ती बंदकु आंदरी मगितेला नोळदुन अदकि पतरस से अंदुन, “येन नीव नान सांगुळ ऊंद घळी भी च्याता ईला ईर सकीर? 41 नीव परीक्षा दा बळितीदील इदुरसाटी च्याता ईरी, अदकि प्रार्थना माळतेला ईरी: आत्मा रा तयार आद, लेकीन शरीर कमजोर आद.”

42 बाक यीशु दुसरा बार होगकु ईद प्रार्थना माळदुन, “हे नांद आप्पा, अगर ईद नांद कुढा बनिा ईला हट्सतीदाद रा नीद इच्छा पुरा आगुल.” 43 आग यीशु बंदकु आंदरी मात्त मगितेला नोळदुन, यतकी आंदुरव कण्णगोळ जप देल तुमकु ईरव.

44 आंदरी बटिकु यीशु मात्त होटोदुन, अदकि अवा आवाजगोळ दा मात्त तीसरा बार प्रार्थना माळदुन. 45 आग यीशु चेलागोळ्द हात्ती बंदकु आंदुर से अंदुन, “ईग मगितेला ईरी, अदकि आराम माळी: नोळी, घळी होट बंदाद, अदकि ना मळसा अन्द पार पापीगोळ कय देल हुळसुसकु आगाईन. 46 येळी, होगाता; नोळी, नानी ध्वाका देल हुळसुसकु सौप्सावाळा नान हात्ती होट्ट बंदान.”

यीशु उन ध्वाका देल हुळसुसकु आगोद

(मरकुस १४:४३-५०; लूका २२:४७-५३; यूहन्ना १८:३-१२)

47 यीशु ईद अनतेला अच ईरोन कि यहुदा जो हन्नेळ चेलागोळ दा टु ऊंद ईरोन बंदुन, अदकि आऊन सांगुळ प्रधान याजकगोळ अदकि लॉकुरद पुरनयिागोळ दी टु धोळ भीळ तलवारगोळ अदकि कोलगोळ हुळकु बंदुर. 48 यीशु उक हुळसुसावाळा आंदरी ईद संकेत कोटीदुन: “यार्द ना चुम्मा ताकोमाईन आवा हुन; आऊक हुडु कोमेतीर.”

49 अदकि तुरन्त यीशु उन हात्ती बंदकु अंदुन, “हे गुरु, नमस्कार!” अदकि आऊंद हापाळ चुम्मा ताकोडुन.

50 यीशु आऊन से अंदुन, “हे संगी, या क्याल्सा अन्द साटी नी बंद्या, अदरी माळकोम.”

आग आंदुर हात्ती बंदकु यीशु मा कय हाकदुर अदकि आऊक हुडुकोडुर. 51 यीशु उन संगीगोळ दा टु ऊंद संगी कय मुंद माळकु तान तलवार जेडु कोडुन अदकि महायाजक उन दास मा नळसकु आऊन कवि हारस बुट्टुन. 52 आग यीशु आऊन से अंदुन, “तान तलवार मयान दा ईट कोम यतकी जो तलवार नळसतार आंदुर सप्पा मुंदुर तलवार देल नाश माळकु आदार. 53 येन नी जान्साल कि ना तान आप्प उन से वनिती माळ सकतीन, अदकि आव स्वर्गदूतगोळ्द हन्नेळ पलटन से यक्कुल नान हात्ती ईगल्या उपस्थिति माळ बुटान? 54 लेकीन पवत्रिशास्त्र नव अव मातगोळ कि हगि अच आगोद जरूरी आद, ह्यांग पुरा आदव?”

55 \*आ समय यीशु भीळ से अंदुन, येन नीव तलवारगोळ अदकि कोलगोळी हुळकु नानी डाकूगोळ घाई हुडुली होटीर? ना हर रोज मंदिर दा कुर्तकु उपदेश कोळतोगीन, आग रा नीव नानी हुळददिल.

56 “लेकीन ई सप्पा इदुरसाटी आग्याद कि भवषियवक्तागोळ्द वचन पुरा आगुल.” आग सप्पा चेलागोळ यीशु उक बटिकु वोळ्दुर.

महासभा अन्द मुंद यीशु

(मरकुस १४:५३-६५; लूका २२:५४-५५, ६३-७१; यूहन्ना १८:१३-१४, १९-२४)

57 आग यीशु उक हुडावाळेर आऊक कैफा हेसुर इन महायाजक उन हात्ती ओतुर, यल नयिम इन गुरु अदकि पुर्वजगोळ जमा आगीदुर. 58 पतरस दुर दुर टु उच आऊन हदि-हदि महायाजक उन आंगुळ ताका होदुन, अदकि बुळ्क होगकु यीशु उन अन्त नोळली सपिाहीगोळ सांगुळ कुरतोदुन. 59 प्रधान याजक अदकि सप्पा महासभा यीशु उक कोन्नोर साटी आऊन वरिध दा ख्वाटा गवाही इन खोज दा ईरोर, 60 लेकीन हापाळ सा ख्वाटा गवाहगोळ बंदुर मा भी आंदरी येनु हासलि आगीदिल. आखरी दा येढ्द मुंदुर बंदुर, 61 \*अदकि अंदुर, “ईव अंदान का ना परमेश्वर उन मंदिर इक केडु सकतीन अदकि अदरी मुर दनि दा माळ सकतीन.”

62 आग महायाजक नीदुरकु यीशु से अंदुन, “येती नी येनु उत्तर कोळाल? ई लॉकुर नीन वरिध दा येन गवाही कोळेत्यार?” 63 लेकीन यीशु सुंगा ईत्तुन. आग महायाजक यीशु से अंदुन, “ना नीनी जित्ता परमेश्वर उन करिया कोळतीन का अगर नी परमेश्वर उन पार मसीह हुय, रा नाम से अंद बुळ.”

64 यीशु आऊन से अंदुन, “नी रा खुद अच अंदबुट; लेकीन ना नीम से ईद भी अनतीन का ईगी टु नीव मळसा अन पार उक सर्वशक्तमिान उन ऊमा कय दी कुर्त, अदकि आकाश इन बादलगोळ मा बर्त नोळीर.”

65 इदुर मा महायाजक तानव कपळा हरदुन अदकि अंदुन, “ईव परमेश्वर उन अपमान माळयान, ईग नामी गवाहगोळ्द येन जरवत आद? नोळी, नीव ईगल्या ईद अपमान केळीर! 66 नीव येन सोचेतीर?”

आंदुर उत्तर कोट्टुर, “ईव मृत्यु दण्ड इन योग्य आन.”

67 आग आंदुर यीशु उन बाय मा ऊगुळदुर अदकि आऊक बुक्की बळदुर, दुसरा लॉकुर क्याबरा बळकु अंदुर, 68 “हे मसीह, नाम से भवषियवाणी माळकु अन कायार नीनी बळदुर?”

पतरस उन इनकार

(मरकुस १४:६६-७२; लूका २२:५६-६२; यूहन्ना १८:१५-१८, २५-२७)

69 पतरस व्हार्या आंगुळ दा कुर्तकु ईरोन कज्जंद दासी आऊन हात्ती बंदुर अदकि अंदुर, “नी भी यीशु गलीली इन सांगुळ ईर्या.”

70 आव सप्पा मुंदुर्द मुंद ईद अनतेला इनकार माळदुन, “ना जान्सालीन नी येन अनीत्या.” 71 याग आव व्हार्या दरवाजा मा होदुन, रा दुसरा दासी आऊक नोळकु आंदुर से अंदुर जो अल ईरोर, “ईव भी रा आ यीशु नासरी इन सांगुळ ईरोन.”

72 आव करिया तनिकु मात्त इनकार माळकु अंदुन: “ना आ मंळसा अक अरालीन.”

73 घळी तमिर बाददा लॉकुर जो अल नीदुरकु ईरोर, पतरस उन हात्ती बंदकु आऊन से अंदुर, “खराखुरा नी भी आंदुर दा टु ऊंद हुय, यतकी नीन बोली भाषा नींद भेद खोलस बुळतद.”

74 आग आव मना माळली अदकि करिया तनिली कुरतुन: “ना आ मंळसा अक अरालीन.” अदकि तुरन्त हुंज कुग्त. 75 आग पतरस उक यीशु उन आ मात याद बत्त: “हुंज इन कुग्गोर से पयले नी मुर घन नान इनकार तुम्या.” अदकि आव व्हार्या होगकु हापाळ दुखी आगकु वरलदुन.

## 27

पल्लितुस उन मुंद यीशु

(मरकुस १५:१; लूका २३:१,२; यूहन्ना १८:२८-३२)

1 याग व्हातुर आत रा सब प्रधान याजक लॉकुरद पुरनएिगोळ यीशु उक कोंद बुळोद साटगाट माळदुर. 2 आंदुर आऊक कटदुर अदकि वोतकु पल्लितुस न्यायाधीश उन कय दा कोट बुट्टुन.

यहूदा तान कय देल सोत्तुन

(प्रेरतिगोळ १:१८,१९)

3 \*याग यहूदा, याव यीशु उक हुळसुसीदुन, ईद नोळदुन क् यीशु उक दोषी ठहरूसकु आग्याद, रा आव पछतासदुन, अदकि चाँदी नव तीस सक्कागोळी प्रधान याजक अदकि पुरनएिगोळी वापस माळदुन 4 अदकि अंदुन, “ना ऊंद नरिदोष मंळसा अक ध्वाका देल कोन्नोर साटी हुळसुसकु पाप माळदीन!” आंदुर अंदुर, “नामी येन माळोद आद? नी तान जान्स.”

5 आग आव आ सक्कागोळी मंदरि दा भटिकु होटोदुन, अदकि होगकु खुद तान-तान इक फाँसी हचदुन.

6 प्रधान याजकगोळ आ सक्कागोळी हुळकु अंदुर, “इवरी, दान भंडार दा ईटोद उचति हैलेच, यतकी ईद खुन इन दाम हुन.” 7 अदकि आंदुर आपस दा साटगाट माळदुर अदकि आ पैसयागोळ देल परदेशीगोळी नळसोर साटी गळग्या माळावाळा अन्द केई कोंडुर. 8 इदुर कारण आ केई ईगासताका खुन इन केई कहलुसतद.

9 आग आ वचन यरिमयाह भवषियवक्ता अन्द द्वारा अंदकु आगीत अद पुरा आत: “आंदुर आ तीस सक्का मतलब आ जो ठहरूसद दाम इक (यदरी इस्त्राएल इन औलाद दा टु यास मुंदुर ठहरूसीदुर) ताकोम कोंडुर, 10 अदकि ह्यांग प्रभु नानी आग्या कोटीदुन हांग अच अवरी गळग्या माळावाळेरद केई इन दाम दा कोट बुट्टुन.”

पल्लितुस उन प्रश्न

(मरकुस १५:२-५; लूका २३:३-५; यूहन्ना १८:३३-३८)

11 याग यीशु न्यायाधीश उन मुंद नदिरकु ईरोन रा न्यायाधीश आऊन से केळदुन, “येन नी यहूदीगोळ्द राजा हुय?”

यीशु आऊन से अंदुन, “नी खुद अच अनेत्या.” 12 याग प्रधान याजक अदकि पुरनणि आऊन मा दोष हचोर, रा यीशु येनु उत्तर कोटीदील.

13 इदुर मा पलातुस यीशु से अंदुन, “येन नी येनु केळाल कि इंदुर नीन वरिध दा याट गवाही कोळेत्यार?”

14 लेकीन यीशु आऊक ऊंद मात इन भी उत्तर कोटीदील, इल ताका कि न्यायाधीश उक हापाळ आश्चर्य आत.

यीशु उक मृत्यु-दण्ड इन आग्या

(मरकुस १५:६-१५; लूका २३:१३-२५; यूहन्ना १८:३९; १९:१६)

15 न्यायाधीश उन ईद रीति ईरोद कि आ हाब्व दा लॉकुरद साटी यावारा ऊंद कैदी इक यारी आंदुर चाहासतोगोर, बळितोगोन. 16 आ समय दा आंदुर बंदीगृह दा बरअब्बा हेसुर ईनव ऊंद जाना माना कैदी ईरोन. 17 इदुरसाटी याग आंदुर जमा आदुर, रा पलातुस आंदुर से अंदुन, “नीव यार इक चाहासतीर कि ना नीम साटी बटि बुळाईन? बरअब्बा अक, या यीशु उक जो मसीह कहलुस्तान?” 18 यतकी आव जानसोन कि आंदुर यीशु उक ध्वाका देल हुळसुसकु सोपस्यार.

19 याग पलातुस राजा न्याय इन गददी मा कुरतकु ईरोन रा आऊन हगिस् आऊक बुलावा कळदुर कि, “नी आ न्यायी मळसा अन्द मामला दा कय हाकबाळ, यतकी ना ईद कानसा दा आऊन कारण हापाळ दुख नेगदीन.”

20 प्रधान याजकगोळ अदकि पुरनणिगोळ लॉकुरी भळकुसदुर कि आंदुर बरअब्बा अक वेळ कोमुल, अदकि यीशु उन नाश माळसुसुल. 21 न्यायाधीश आंदुर से केळदुन, “इंदुर येदु मुंदुर दा टु यार इक चाहासतीर कि ना नीम साटी बटि बुळाईन? आंदुर अंदुर, बरअब्बा अक.”

22 पलातुस आंदुर से केळदुन, “बाक यीशु उक जो मसीह कहलुस्तान, येन माळाईन?”

सप्पा मुंदुर पलातुस राजा से अंदुर, “आऊक कूरस मा येर्स बुळ!”

23 न्यायाधीश अंदुन, “यती, आव येन बुराई माळ्यान?”

लेकीन आंदुर मात्त चिल्वास-चळिलासकु अनली कुरतुर, “आऊक कूरस मा येर्स बुळ.”

24 याग पलातुस नोळदुन कि नान से येनु आगसकाल लेकीन उलटा झगळा वाळुसेत्याद, रा आव नीर हुडुकु भीळ इन मुंद तान कय तोळदुन अदकि अंदुन, “ना ई मळसा अन्द रक्ता देल नरिदोष आईन; नीव अच नोळी.”

25 सप्पा लॉकुर उत्तर कोट्टुर, “ईऊन खुन नाम मा अदकि नाम औलाद मा आगुल!”

26 इदुर मा पलातुस राजा बरअब्बा अक आंदुर साटी बटि बुट्टुन, अदकि यीशु उक क्वाळा बळदकु सौप्स बुट्टुन, कि आऊक कूरस मा येर्सकु आगुल.

सपिहीगोळ द्वारा यीशु उन अपमान माळोद

(मरकुस १५:१६-२०; यूहन्ना १९:२-३)

27 आग न्यायाधीश ईनोर सपिाहीगोळ यीशु उक कलिा दा वोतकु सप्पा पलटन आऊन नाकु दी जमा माळदुर, 28 अदकि आऊन कपळा ईळ्सकु आऊक कयाचांद रंग इन कपळा हाक्सुसदुर, 29 अदकि मुळ्ल इन मुकुट तयार माळकु यीशु उन ताल्ला मा ईटदुर, अदकि आऊन ऊम्मा कय दा सरकण्डा कोट्टुर अदकि आऊन मुंद ट्वांगरा टेक्सकु आऊन मज्याक हार्सली कुरतुर अदकि अंदुर, “हे यहूदीगोळ्द राजा, नमस्कार!” 30 अदकि आऊन मा ऊगुळदुर; अदकि अदा सरकण्डा हुळकु आऊन ताल्ला मा बडुली कुरतुर. 31 याग आंदुर यीशु उन मज्याक हार्स बुदुर, रा अद च्वांगी आऊन मा टु ईळ्सकु आऊन अच कपळा आऊक हाक्सुसदुर, अदकि क्रूस मा येरसोर साटी वयली कुरतुर.

यीशु उक क्रूस मा येरसकु आगोद

(मरकुस १५:२१-३२; लूका २३:२६-४३; यूहन्ना १९:१७-२७)

32 याग आंदुर व्हार्या होळोर रा आंदरी शमौन हेसुर ईनव ऊंद कुरेनी मळसा सकिदुन. आंदुर आऊक बेकार दा हुळदुर की आऊन क्रूस नेगुकु नळुल. 33 अदकि याग आंदुर आ जागा मा बंदुर जो गुलगुता कहलुसतद, मतलब खोपळी इन जागा, पोहचुस्कु, 34 आंदुर पतित मलिसकु अंगुर इन रास्सा यीशु उक कुडुली कोट्टुर, लेकीन आव नेकदुन रा आऊक केय हत्त अनकु आव हुळदीदलि.

35 आग आंदुर आऊक क्रूस मा येरसदुर, अदकि चटिठी हाक्कु आऊन कपळागोळ वाटा माळदुर, 36 अदकि अल कुरतकु आऊक कायली कुरतुर. 37 अदकि आऊन दोषपत्र आऊन ताल्ला अनूद म्याकुच हचदुर, की “इव यहूदीगोळ्द राजा यीशु हुन.” 38 आग आऊन सांगुळ येढ्द डाकूगोळ ऊंद ऊम्मा कय दी अदकि ऊंद डाक्या कय दी, क्रूस मा येरसकु आदुर.

39 होगी-बरावाळेरे ताल्ला आलगाळ्स-आलगाळ्सकु आऊन अपमान माळतोगोर, 40 अदकि ईद अनतोगोर, “हे मंदिर इक केळावाळा अदकि मुर दनि दा माळावाळा, तान तान इक रा ऊळ्स! अगर नी परमेश्वर उन पार हुय, रा क्रूस मा टु ईळ्दकु बर.”

41 ईदा रीतदिल प्रधान याजक भी नयिम इन गुरुगोळ अदकि पुरनयागोळ्द सांगुळ मज्याक माळ माळकु अनतोगोर, 42 “ईव रा च्याच मुंदुर इक ऊळस्यान, अदकि तान तान इक ऊळ्स सकालुन. इव रा ‘इस्त्राएल इन राजा’ हुन. ईग क्रूस मा टु ईळ्दकु बंदान रा नाव आऊन मा वशिवास माळेव. 43 आव परमेश्वर मा भरोसा ईटदुन; अगर आव ईऊक चाहासतान, रा ईग इऊक बळिस कोमुल, यतकी ईव अंददिन, ‘ना परमेश्वर उन पार हुईन.’”

44 ईदा प्रकार डाकू भी जो आऊन सांगुळ क्रूस मा येरसकु आगीदुर, आऊन अपमान माळतोगोर.

यीशु उन जीव त्यागसोद

(मरकुस १५:३३-४१; लूका २३:४४-४९; यूहन्ना १९:२८-३०)

45 हन्नेळ मुरा टु रा मुर मुरास ताका आ सप्पा प्रदेश दा अंधार आगकु ईत्त. 46 मुर मुरा अनूद हात्तीपास यीशु धोळ्द आवाज दा चळिलासकु अंदुन, “एली,

एली, लमा शबक्तनी?" मतलब "हे नान परमेश्वर, हे नान परमेश्वर, नी नानी येती बटिबुट?"

47 जो अल नीदुरकु ईरोर, आंदुर दा टु यास मुंदुर ईद केळकु अंदुर, "आव रा एलियाह अक कारूतान." 48 आंदुर दा टु ऊंद मंळसा तुरन्त हरदुन, अदकि संपंज हुळकु सरिका दा डोब्सदुन, अदकि सरकण्डा मा ईटकु आऊक नेक्सदुन.

49 अदकि च्याच मुंदुर अंदुर, "ईल्या ईरी, नोळाता एलियाह आऊक ऊळसली बरतान का ईला."

50 आग यीशु मातूत धोळ्द आवाज देल चळिलासकु जीव बटि बुटुन.

51 अदकि नोळी, मंदिर इन परदा म्याकुच टु ल्यालमा ताका हर्दकु येढ्द तुकळा आगेत: अदकि धरती डोलसेत अदकि चट्टानगोळ तळकुसेदव, 52 अदकि कब्रगोळ तेरदोदव, अदकि जो कब्रगोळ दा मगिकु ईरोर आ पवतिर लॉकुर्द हापाळ सा लाश जतिता आदव, 53 अदकि आऊन जतिता आगदुर बाद्दा आंदुर कब्रगोळ दा टु होटकु पवतिर नगर दा होदुर अदकि हापाळ मुंदुर इक कांळसदुर.

54 आग सूबेदार अदकि जो लॉकुर आऊन सांगुळ यीशु उक कायोर, याग आंदुर भूकम्प अदकि जो येनारा आगीत अदरी नोळकु हापाळ अंजेदुर अदकि अंदुर, "खराखुरा ईव परमेश्वर उन पार ईरोन!"

55 अल हापाळ सा आरतेर जो गलील टु यीशु उन स्यावा माळतेला आऊन सांगुळ बंदीदुर, दुर टु ईद नोळोर. 56 आंदुरदा मरयिम मगदलीनी, अदकि याकूब अदकि योसेस उन मोय मरयिम, अदकि जब्दी इन चकिोरगोळ्द मोय ईरोर.

यीशु उक नळसोद

(मरकुस १५:४२-४७; लूका २३:५०-५६; यूहन्ना १९:३८-४२)

57 याग द्याव आत रा यूसुफ हेसुर ईनव अरमितया अन्द ऊंद धनी मंळसा, जो खुद अच यीशु उन चेला ईरोन, बंदुन. 58 आव पलातुस उन हात्ती होगकु यीशु उन लाश बेळदुन. इदुर मा पलातुस कोळोद आग्या कोट्टुन. 59 आग यूसुफ लाश इक वोटकु बळ्ळीद मलमल इन चद्दर दा गुळ्सदुन, 60 अदकि यीशु उक तान व्हाशोद कब्र दा ईटदुन, जो आव चट्टान दा अगळुसीदुन, अदकि कब्र अन्द दरवाजा मा धोळ्द कल्ल ढकलुस्कु होटोदुन.

61 मरयिम मगदलीनी अदकि दुसरा मरयिम अल कब्र अन्द मुंद कुर्तकु ईरोर.

कब्र मा पहरा कोळोद

62 दुसरा दशी जो तयारी इन दनि इन बाद इन दनि ईरोद, प्रधान याजकगोळ अदकि फरीसीगोळ पलातुस उन हात्ती जमा आगकु अंदुर, 63 "हे स्वामी, नामी याद आद की आ भरमुसावाळा याग आव जतिता ईरोन, अंददिन, 'ना मुर दनि इन बाद्दा जतिता आगाईन.' 64 इदुरसाटी आग्या कोळ की तीसरा दनि ताका कब्र अन्द रखवाली माळकु आगुल, हगि आगबाळुल की आऊन चेलागोळ बंदकु आऊक काळताना माळकु वोयुल अदकि लॉकुर से अनली हतुल,

✧ 27:55 २७:५५ लूका ८:२३ ✧ 27:63 २७:६३ मत्ती १६:२१; १७:२३; २०:१९; मरकुस ८:३१; ९:३१; १०:३३,३४; लूका ९:२२; १८:३१-३३

‘आव सोत्तुर दा टु जत्तिता आग्यान.’ आग हदिळोद ध्वाका पयला टु भी बुरा आदीत.”

65 पल्लातुस आंदुर से अंदुन, “नीम हात्ती पहरेदार रा आन. होगी, तान समझ इन अनुसार रखवाली माळी.”

66 इदुरसाटी आंदुर पहरेदारगोळी सांगुळ ओतुर, अदकि कल्ल मा मोहर हचकु कब्र अन्द रखवाली माळदुर.

## 28

यीशु उन पुनरूत्थान

(मरकुस १६:१-१०; लूका २४:१-१२; यूहन्ना २०:१-१०)

1 आराम इन दनि इन बाद्दा हप्ता अन्द पयला दनि व्हातुर आगतेला अच मरयिम मगदलीनी अदकि दुसरा मरयिम कब्र अक नोळली बंदुर. 2 अदकि नोळी, ऊंद हापाळ अच भारी भूकम्प आत, यतकी परमेश्वर उन ऊंद स्वर्गदूत स्वर्ग टु ईळुकु बंदुन अदकि आव कल्ल इक अलग ढकलुस्कु अदुर मा कुरतुन. 3 आऊन रूप बजिली इन घाई अदकि आऊन कपळा बरफ इन घाई बळिव ईरव. 4 आऊन अंजक देल पहरेदार नळगली कुरतुर, अदकि सोत्तुर घाई आगेदुर.

5 स्वर्गदूत आ येद्व आर्तेर से अंदुर, “अंजबाळी ना जान्सतीन की नीव यीशु उक जो कूस मा येस्कु आगीदुन आऊक ढुंदसेतीर. 6 आव ईल हैलेच, तान वचन इन अनुसार जत्तिता आग्यान. बरी, आ जागा अक नोळी यल प्रभु बदिकु ईरोन. 7 आऊन चेलागोळी इक तुरन्त होगकु हेळी की आव सोत्तुर दा टु जत्तिता आग्यान, अदकि नोळी, आव नीम से पयला गलील इक होदान. अल नीमी आऊन अव दर्शन सकिकेव अदकि नीव आऊक नोळ सकीर. नोळी, ना नीमी हेळ बुटीन.”

8 इदुर मा आंदुर अंजक अदकि बळा खुशी इन सांगुळ तुरन्त कब्र टु वापस आगकु अदकि चेलागोळी इक ईद समाचार कोळोर साटी वोळली कुरतुर.

9 आग यीशु आंदरी सकिदुन. अदकि अंदुन, “सलाम.” आंदुर हात्ती बंदकु अदकि आऊन नव काल ह्ळुकु प्रणाम माळदुर. 10 आग यीशु आ आर्तेरी अंदुन, “अंजबाळी; नांद वार्टुरी होगकु अनी की गलील इक होगी, अल नानी नोळ्यार.”

पहरेदारगोळ्द सुचना कोळोद

11 आंदुर होगतेला अच ईरोर की पहरेदारगोळ दा टु थ्वाळासा पहरेदारगोळ बंदकु पुरा हाल प्रधान याजकगोळ से अनकु केळ्सदुर. 12 आग आंदुर पुरवजगोळ सांगुळ जमा आगकु सम्मत्तमाळदुर अदकि सपिाहीगोळी हापाळ चांदी नव सकिकागोळ कोटकु अंदुर, 13 “ईद अनेतीर की ईळ्लक इक याग नाव मगिकु ईरेव, रा आऊन चेलागोळ बंदकु आऊक काळताना माळकु ओतुर. 14 अदकि अगर ईद मात न्यायाधीश उन कवि ताका पहुचुसीत, रा नाव आऊक समझुस बुटेव अदकि नीमी जोखमि टु वाचुस कोडेव.”

15 इदुरसाटी आंदुर पैसूया ताकोमकु ह्यांग आंदरी कल्सकु आगीत. हांग अच माळदुर. ईद मात यहूदीगोळ दा दुर दुर ताका फैलुसेत अदकि ईगासताका प्रचलति आद.

यीशु उन काळसोद अदकि आखरी आग्या

(मरकुस १६:१४-१८; लूका २४:३६-४९; यूहन्ना २०:१९-२३; प्रेरतिगोळ १:६-८)

16 \*हन्नेळ चेलागोळ गलील इन आ पहाळ मा होदुर, यारी यारी यीशु हेळीदुन. 17 आंदरी यीशु नव दर्शन सकिदव अदकि आऊक प्रणाम माळदुर, पर यारीकारा यारीकारा शंका आत. 18 यीशु आंदुर हात्ती बंदकु अंदुन, “स्वर्ग अदकि पृथ्वी इन पुरा अधकारि नानी कोटकु आग्याद. 19 \*इदुरसाटी नीव होगी, सप्पा जातीगोळ लॉकुरी चेला माळी; अदकि आंदरी आप्प, पार अदकि पवतिर आत्मा अन्द हेसुर देल बपतस्मा कोळी, 20 अदकि जो आग्यागोळ ना नीमी कोट्टीन अदुर्द पालन ह्यांग माळतार अद कल्सी. अदकि नोळी, ना युग इन अन्त ताका सदा नीम सांगुळ आईन.”



## मरकुस रचति यीशु मसीह का सुसमाचार मरकुस उन लखिसद यीशु मसीह अन बारा दा खुशखबरी परचिय

यीशु उन जीवन इन वर्णन माळोद नाक कतिाब दा टु ऊंद कतिाब मतलब मरकुस उन लखिसद खुशखबरी परचिय ईव नाक कतिाबगोळी खुशखबरी अनतार यदुर्द सोपा मतलब वळ्लीद कल्याणकारी बातणी या वार्ता आगतद

यीशु उन सोत्तुर बाददा ईव नाक खुशखबरी अनुक्रम मत्ती मरकुस लूका अदकि यूहन्ना इंदुर लखिस्यार ईव नाकु दा टु मरकुस रचति खुशखबरी सब से स्यांळद कतिाब आद हापाळ ग्यानी लांकुर्द मान्यता आद कि मरकुस रचति खुशखबरी बाकी नव मुर खुशखबरी इन पयले यीशु उन जनम इन ६५ टु ७० वर्ष इन बाददा लखिसकु आग्याद लखिसोद हदिळोद कारण मतलब रोम ईलीद मसीह अन मंडली अन्द मनोबल वाढुसोद अदकि प्रोत्साहन माळोर साटी ताकोमकु आत.

ईव मरकुस याव हुन? प्रेरति पौलुस अदकि बरनबास इंदुरद ईव हारोदव सहकारी ईवा रा यूहन्ना मतलब मरकुस रचति खुशखबरी इन लेखक मरकुस आंदुर सांगुळ पयला मशिनरी यात्रा अन न्याडया दा अच बटिकु होगदुर देल आऊन प्रतष्ठा अक ठेस हत प्रेरतिगोळ १३:१३ बाददा ईवा मरकुस बरनबास उन सांगुळ सेवकाई दा शामिल आगूत काळसदुन. प्रेरतिगोळ १५:३७-३९, अनुसार मरकुस, पतरस ऊंद हात्ती नव संगी ईरोन. १ पतरस ५:१३ ग्यानी लांकुर्द हगि मान्यता आद कि याग मरकुस यीशु उन जीवन इन अदकि सेवाकार्य अक आमने सामने नोळीदील तरी भी पतरस उन साक्षी अन आधार मा आव आऊंद खुशखबरी लखिसदुन. ईद मरकुस उन खुशखबरी इन आधार इन मात हुन.

मरकुस रचति खुशखबरी इन येदढ बारा दा मतलब, यीशु उन खरा चेला बनसोद अदकि आखरी इन भवषिय अन बारा दा यीशु उन द्वारा कोळद शक्तिा.

मरकुस रचति खुशखबरी दा यीशु उन "वनिमूर दास, सेवक" अदकि तान आप्प उन इच्छा पुरा माळोर साटी हमेशा तयार हगि "परमेश्वर उन प्रयि पार" ईव येदढ रूप दा दरसुस्कु आन. हांग अच मरकुस दा यीशु उन द्वारा माळद चमत्कार इन बारा दा यक्कुल से यक्कुल लखिसकु आग्याद. ईद खुशखबरी इन समापन यीशु उन चेलागोळी कोटकु आत "महान आदेश कोटकु आग्याद." रूप-रेखा

१. बपतस्मा कोळावाळा यूहन्ना अदकि यीशु उन बपतस्मा १:१-१३
२. यीशु उन द्वारा गलील प्रदेश अदकि परसिर दा चमत्कार माळोद १:१४-१:५०
३. गलील टु यरूशलेम ताका यीशु उन यात्रा अदकि मंदिर दा बरोद १०:१-१२:४४

४. यीशु उन द्वारा भवषिय अनन्द बारा दा बातणी कोळोद १३:१-३७

५. यीशु उन मृत्यु अदकि पुनरूत्थान अदकि महान आदेश १४:१-१६:२०

यूहन्ना बपतस्मा कोळावाळा अनन्द प्रचार

(मत्ती ३:१-१२; लूका ३:१-१८; यूहन्ना १:१९-२८)

1 परमेश्वर उन पार, यीशु मसीह अनन्द खुशखबरी\* इन सुरूवात. 2 जसा यशायाह भवषियवक्ता† अनन्द कतिब दा लखिसकु आद, परमेश्वर अंदुन, “नोळ, ना नीन मुंद तान बातणी कोळावाळा अक कळुतीन, जो नीन साटी हादी तयार माळ्यान.”

3 आळी दा ऊंद कारावाळा अनन्द आवाज केळ बरेत्याद: कर्  
“प्रभु उन हादी तयार माळी, अदकि  
आऊक होगोर साटी सळकगोळी सरका माळी.”

4 बपतस्मा कोळावाळा यूहन्ना आळी दा बंदुन, “जो बपतस्मा‡ अनन्द प्रचार माळतोगोन, अदकि पापगोळ्द माफ अनन्द साठी मन तरिगुसोद बपतस्मा कोळतोगोन अदकि अनतोगोन, परमेश्वर नीम पापगोळी माफ माळ्यान.” 5 पुरा यहूदिया अनन्द प्रदेश, अदकि यरूशलेम इन सप्पा ईरावाळेर नवासी होटकु आऊन हात्ती होदुर, “अदकि तान पापगोळी मान्सकु यरदन गांगा दा आऊन से बपतस्मा ताकोंडुर.”

6 यूहन्ना ऊँट इन चुट्टीगोळ्द फळक्या हाक्कु अदकि नेळु मा तोगुल इन पट्टा कटकु ईरतोगोन. फाफा§ अदकि आळी दाकळोद शयद तनितोगोन, 7 अदकि हगि अंद अंदकु प्रचार माळतोगोन कर्, “नान बाद्दा आव बरावाळा आन, जो नान से यक्कुल ताकतवर आन, ना रा ई लायक भी हलैच कर् बांगकु आऊन काल ईनव केरू तेगु सकाईन. 8 ना रा नीमी नीर दा बपतस्मा कोट्टीन, लेकीन आव नीमी पवतिर आत्मा देल बपतस्मा कोट्टान.”

यीशु उन बपतस्मा

(मत्ती ३:१३-४:११; लूका ३:२१-२२; ४:१-१३)

9 आ दनिगोळ दा हगि आत कर् यीशु गलील इन नासरत नगर टु बंदकु, यरदन गांगा दा बपतस्मा कोळावाळा यूहन्ना से बपतस्मा ताकोंडुन. 10 अदकि याग आव नीर दा टु होटकु म्याकुच बंदुन, रा तुरन्त आव स्वर्ग इक खुल्सत अदकि पवतिर आत्मा अक कबूतर इन घाई तान म्याकुच ईळुतेला नोळदुन. 11 ¶आग स्वर्ग दा टु ईद आकाशवाणी आत कर्, “नी नान प्रयि पार हुय, ना नीन देल हापाळ खुश आईन.”

यीशु उन परीक्षा

(मत्ती ३:१३-४:११; लूका ३:२१; २२; ४:१-१३)

12 आग पवतिर आत्मा तुरन्त यीशु उक आळी दी कळुत. 13 अदकि चालीस दिन ताका सुनसान जागा दा आऊन परीक्षा, शैतान उन द्वारा आगतेला ईरोद;

\* 1:1 १:१ शुभ बातणी † 1:2 १:२ भवषिय अनन्द बारा दा हेळावाळा ‡ 1:4 १:४ नीर दा मुळकुसोद अदकि तेगोद वधी § 1:6 १:६ टड्डियाँ ¶ 1:11 १:११ मत्ती ३:१७; १२:१८; मरकुस ९:७; लूका ३:२२

अदकि आव आळी दाकळव पशुगोळ सांगुळ ईत्तुन, अदकि आग स्वरगदूत बंदकु आऊन स्यावा माळतेला ईत्तुर.

यीशु उन स्यावा माळोद क्याल्सा अन सूरवात

(मत्ती ४:१२-१७; लूका ४:१४,१५)

14 बपतसिमा कोळावाळा यूहन्ना अक बंदी माळदुर बाददा यीशु गलील दा बंदकु परमेश्वर उन राज्य अनद खुशखबरी प्रचार माळदुन, <sup>15</sup> \*अदकि अंदुन, “समय पुरा आगेग्याद, ‘अदकि परमेश्वर उन राज्य हात्ती होट्ट बंदाद; मन तरिगुसी अदकि खुशखबरी मा वशिवास माळी.’”

यीशु उन द्वारा नाक मेन हुडावाळेर इक कारोद आत

(मत्ती ४:१२-२२; लूका ४:१४-१५; ५:१-११)

16 याग यीशु गलील इन झील इन कनिरा कनिरा होगोन, रा आव शमौन अदकि आऊन वार्ट अनदरयास उक झील दा जार हाक्त नोळदुन; यतकी आंदुर मेन हुडावाळेर ईरोर. <sup>17</sup> यीशु आंदुर से अंदुन, “नान हदि बरी; ना नीमी मंळसागोळी परमेश्वर उन हात्ती हयांग तरतार अद कलसाईन.” <sup>18</sup> आंदुर तुरन्त जारगोळी बटिकु आऊंद हदि नळुली कुरतुर.

<sup>19</sup> थाळासा मुंद होगदुर मा, आव जब्दी इन पार याकूब, अदकि आऊन वार्ट यूहन्ना अक, इवांगा मा कुरतकु जारगोळी सुधूसतेला नोळदुन. <sup>20</sup> हयांग यीशु आंदरी नोळदुन हांगा तुरन्त कारदुन; अदकि आंदुर तान आप्प जब्दी इक मजदूरगोळ्द सांगुळ इवांगा मा बटिकु, आऊन हदि होटोदुर.

दुष्टआत्मा हतकु मंळसा अक चंगा माळोद

(लूका ४:३१-३७)

<sup>21</sup> आग आंदुर कफरनहूम नगर दा बंदुर, अदकि आव तुरन्त आराम इन दनि यहूदी लॉकुरद सभागृह दा होगकु उपदेश कोळली कुरतुन. <sup>22</sup> \*अदकि लॉकुर आऊन उपदेश केळकु सट्ट आगेदुर; यतकी आव आंदरी शास्त्रीगोळ्द घाई ईला, लेकीन अधिकारीगोळ्द घाई उपदेश कोळतोगोन.

<sup>23</sup> आटोटीका, आंदुरद यहूदी लॉकुरद सभागृह दा ऊंद मंळसा ईरोन, यारदा ऊंद दुष्टआत्मा ईरोद. <sup>24</sup> आव ईद अनकु चलिळास कुरतुन, “हे यीशु नासरी, नामी नीन से येन क्याल्सा? येन नी नामी नाश माळली बंद्या? ना नीनी अरूतीन, नी याव हुय? परमेश्वर उन पवतिर जन!”

<sup>25</sup> यीशु आऊक दनकुसकु अंदुन, “सुंगा ईर; अदकि आ मंळसा दा टु होटबुळ.”

<sup>26</sup> आग दुष्टआत्मा आऊक मुरकुळसकु, अदकि धोळ्द आवाज देल चळिलासकु आऊन दा टु होट बुळत. <sup>27</sup> इदुर मा सप्पा लॉकुर आश्चर्य माळतेला आपस दा मातचीत माळली कुरतुर, “ईद येन मात आद? ईद रा ऊंद व्हाशोद उपदेश आद! आव अधिकार देल दुष्टआत्मागोळी भी आग्या कोळतान, अदकि दुष्टआत्मा भी आऊन आग्या मानसताव.”

<sup>28</sup> अदकि यीशु उन हेसुर इन बारा दा ईद बातणी तुरन्त गलील इन आसपास इन सप्पा प्रदेश दा फैलुसेत.

यीशु हापाळ सा बमिर मंळसागोळी चंगा माळदुन  
(मत्ती ८:१४-१७; लूका ४:३८-४१)

29 यीशु अदकि आऊन चेलागोळ यहुदी लॉकुरद सभागृह दा टु होटकु याकूब अदकि यूहन्ना अन्द सांगुळ शमौन अदकि अन्दरयास उन मान्या बंदुर. 30 अल शमौन उन आतत मय देल व्हरस मा बदिकु ईरोर; अदकि आंदुर तुरन्त यीशु उन बारा दा आकी हेळदुर. 31 आग आव हात्ती होगकु आकनि कय हुळकु आक इक येव्सदुन; अदकि आकनि मय तुरन्त ईळदोदव, अदकि आक यीशु अदकि आऊन चेलागोळ्द स्यावा-पानी माळली कुरतुर.

32 द्यावगान होती याग सुर्य मुळकेत रा आग लॉकुर सब बमिरगोळी अदकि आंदरी, यारदा दुष्टआत्मागोळ ईरव, आंदरी भी यीशु उन हात्ती तंदुर. 33 अदकि सप्पा नगर इन लॉकुर शमौन उन मान्ना अन्द दरवाजा मा बंदकु जमा आदुर. 34 यीशु च्याच मुंदरी जो अलग अलग प्रकार इन बमिरी देल दुखी ईरोर, चंगा माळदुन, हापाळ सा दुष्टआत्मागोळी तेगदुन, अदकि दुष्टआत्मागोळी माताळ गोटीदील, यतकी अव आऊक अरव.

आबना दा यीशु उन प्रार्थना माळोद  
(लूका ४:४२-४४)

35 अदकि यीशु व्हातुर आगोर से हापाळ पयले, मान्या टु यदकु व्हार्या होटुन, अदकि ऊंद सुनसान जागा दा होगकु प्रार्थना माळली कुरतुन. 36 आग शमौन अदकि आऊन संगीगोळ यीशु उन खोज दा होदुर. 37 याग आव सकिदुन, रा आऊक अंदुर, “सप्पा लॉकुर नीनी हुंदसेत्यार.”

38 यीशु आंदुर से अंदुन, “बरी; नाव मातत येलयारा आसपास इन ऊरगोळ दा होगता, कर्ना अल भी प्रचार माळाईन, यतकी ना इदुरदा साटी बंदीन.”

39 इदुरसाटी आव पुरा गलील दा यहुदी लॉकुरद सभागृहगोळ दा होग होगकु प्रचार माळदुन अदकि दुष्टआत्मागोळी तेगुतेला ईततुन.

कोद इन रोग इक चंगा माळोद  
(मत्ती ८:१-४; लूका ५:१२-१६)

40 ऊंद कोद\* इन रोगी मंळसा यीशु उन हात्ती बंदुन, अदकि आऊन मुंद ट्वांगारा टेकसकु आऊन से वनिती माळदुन, कर्ना “अगर नी चाहास्या रा नानी शुद्ध माळ सकत्या.”

41 यीशु आऊन मा तरस तनिकु तान कय वाळुसदुन, अदकि आऊक मुटकु अंदुन, “ना चाहासतीन कर्ना नी शुद्ध आगोग.” 42 अदकि तुरन्त आऊंद कोद इन बमिरी वळ्लीद आगेत अदकि आव शुद्ध आगेदुन. 43 आग यीशु आऊक चेतावनी कोटकु तुरन्त सार माळदुन, 44 अदकि आऊन से अंदुन, “नोळ, यारीकु येनु हेळबाळेत, लेकीन होगकु तान तान इक याजकां उक तोरस, अदकि तान शुद्ध आगेद बारा दा जो येनारा मूसा ठहरूस्यान अदरी भेट येरस, कर्ना आंदुर मा गवाही आगुल.”

\* 1:39 १:३९ मत्ती ४:२३; ९:३५  
ताकोमावाळा

\* 1:40 १:४० कुष्ट रोग † 1:44 १:४४ मंदिर इन भेट

45 लेकीन आव मंळसा व्हार्या होगकु ईद मात इन हापाळ प्रचार माळली अदकि ईल ताका फैलुस्ली कुरतुन की यीशु बाक खुलेआम नगर दा ईला होग सकोन, लेकीन व्हार्या आळी दा ईरोन; अदकि नाकु दकिळोर लॉकुर आऊन हात्ती बरतेला ईरोर.

## 2

लकवा अन्द रोग इक चंगा माळोद  
(मत्ती ९:१-८; लूका ५:१७-२६)

1 हापाळ दनि इन बाददा यीशु बाक कफरनहूम दा बंदुन, अदकि खबर फैलुस्त की आव मान्या आन. 2 बाक ईस लॉकुर जमा आदुर की दरवाजा अन्द हात्ती भी जागा ईला ईरोद; अदकि आव आंदरी वचन केळसोन. 3 अदकि लॉकुर ऊंद लकवा अन्द रोग इक नाक मंळसागोळ कय देल नेगुकु आऊन हात्ती तंदुर. 4 लेकीन याग आंदुर भीळ इन कारण आऊन हात्ती होग सकदील, रा आंदुर आ छत इक यदुर ल्यालमा आव नीदुरकु ईरोन, खोल्स बुदुर; अदकि याग आंदुर अदरी बच्चिळ बुदुर, रा आ व्हर्स इक यदुर मा लकवा अन्द रोगी बदिक् ईरोन, आऊक ल्यालमा ईळसदुर अदकि व्हर्स इक हलिगुस बुदुर. 5 यीशु आंदुर वशिवास नोळकु आ लकवा अन्द रोग इक अंदुन, “हे नान पारा, नीन पाप माफ आदव.”

6 आग हापाळ नयिमगोळ गुरु जो अल कुरतकु ईरोर, आंदुर तान-तान मन दा वचारि माळली कुरतुर, 7 “इव मंळसा येती हगि अनेत्यान? इव रा परमेश्वर उन अपमान माळीत्यान! परमेश्वर उक बटिकु अदकि याव पाप माफ माळ सकतान?”

8 यीशु तुरन्त खुद तान आत्मा दा ईद जान्स कौडुन की आंदुर तान-तान मन दा हगि वचारि माळीत्यार, इदुरसाटी आव आंदुर से अंदुन, “नीव येती तान-तान मन दा ईद मात इन वचारि माळेतीर? 9 आसान येन आद? येन लकवा अन्द रोगी से ईद अनोद की नीन पाप माफ आदव, या ईद अनोद की येळ तान व्हर्स नेगुकु नळु अदकि टेटाळ? 10 ना नीम मुंद साबति माळ बुळाईन, की मंळसा अन पार उक ईद पृथ्वी मा पाप माफ माळोद भी अधकारि आद.” 11 यीशु आ लकवा अन्द रोगी से अंदुन, “ना नीन से अनेतीन, येळ, तान व्हर्स नेगु अदकि तान मान्नी होटोग.”

12 बाक आव येदुन अदकि तुरन्त तांद व्हर्स नेगुकु सप्पा मुंदुर मुंद टु होटक ओळेदुन, इदुर मा सप्पा लॉकुर सट्ट आदुर, अदकि परमेश्वर उन बळाई माळकु अनली कुरतुर, “नाव रा हगि यागलु नोळीदील!”

यीशु लेवी इक कारदुन  
(मत्ती ९:९-१३; लूका ५:२७-३२)

13 यीशु बाक अल टु होटक क्यार्रा अन्द कनिरा मा होदुन, अदकि सप्पा भीळ आऊन हात्ती बत्त, अदकि आव आंदरी उपदेश कोळली कुरतुन. 14 अल टु होगावती यीशु हलफई नव पार लेवी इक कर ताकोमोद चौकी मा कुरतकु नोळदुन, अदकि यीशु आऊन से अंदुन, “नान हदि आगोग.” अदकि आव यदकु आऊन हदि आगोदुन.

15 बाक हगि आत कियोग यीशु तान चेलागोळ सांगुळ आऊन मानया ऊमली कुरतुन, आग हापाळ मुंदुर कर ताकोमावाळेर अदकि पापी लॉकुर, यीशु अदकि आऊन चेलागोळ सांगुळ ऊमली कुरतुर; यतकी आंदुर हापाळ मुंदुर ईरोर, अदकि आऊन हदि आगोगीदुर. 16 नयिम इनोर गुरुगोळ अदकि फरीसीगोळ ईद नोळदुर क्वाव रा पापीगोळ अदकि कर ताकोमावाळेर सांगुळ ऊमेत्यान, रा आऊन चेलागोळी अंदुर, “आव रा कर ताकोमावाळेर अदकि पापीगोळ सांगुळ तनितान-कुडुतान?”

17 ईद केळकु यीशु आंदुर से अंदुन, “भला चंगा मळसागोळी वैदयगोळद जरवत हैलेच, लेकीन बमिर मळसागोळी आदः ना न्यायीगोळी ईला, लेकीन पापी लॉकुरी कारूली बंदीन.”

उपास इन प्रश्न

(मत्ती ९:१४-१७; लूका ५:३३-३९)

18 बपतस्मा कोळावाळा यूहन्ना अन्द चेलागोळ, अदकि फरीसी लॉकुर चेलागोळ उपास माळतोगोर. अदकि थ्वाळासा लॉकुर बंदकु यीशु से अनली कुरतुर, “यूहन्ना अन्द चेलागोळ अदकि फरीसी नोर चेलागोळ येती उपास ईटतार? लेकीन नीन चेलागोळ येती उपास ईटालुर?”

19 यीशु आंदुर से अंदुन, “येन नीव उम्मीद माळतीर क्वा ऊद मदा दा वरातीगोळ बनि ऊंडुर तदुर देल होदार? बलिकुल ईला! यागासताका मळगार आंदुर सांगुळ आन, आगासताका आंदुर उपासा होग सकालुर. 20 लेकीन अव दनि बंदव याग मळगार उक आंदुर से अलग माळकु आदीत; अदकि आ दनि आंदुर उपास माळ्यार.”

21 “क्वारा कपळा अन्द थगिर \* हाळोद कपळा मा यारू हचालुर. ईलारा अद थगिर अदुर दा टु येनारा जेडु कौडीत, आग व्हाशोद, हाळोद से, अदकि अद पयले से यक्कुल हरदोदति.” 22 व्हाशोद अंगुर इन रास्सा अक हाळोद तोगुल इन चलिा † दा यारू ईटालुर, ईलारा अंगुर इन रास्सा तोगुल इन चलिा अक हर्द बुट्टीत, अदकि अंगुर इन रास्सा अदकि तोगुल इन चलिा येदुदु नाश आगेदव, “लेकीन व्हाशोद अंगुर इन रास्सा व्हाशोद तोगुल इन चलिा दा तुमकु आगतद.”

आराम दनि इन प्रश्न

(मत्ती १२:१-८; लूका ६:१-५)

23 अदकि हगि आत क्वा यीशु आराम इन दशी केई दी टु आगतेला होगोन; अदकि आऊन चेलागोळ नळुतेला गोदी नव लॉम्बागोळी मूर कुरतुर. 24 आग फरीसीगोळ आऊन से अंदुर, “नोळ, इंदुर आराम इन दनि दा अद क्वाल्सा येती माळतार जो नयिम इन अनुसार माळोद उचित हैलेच?”

25 यीशु आंदरी उत्तर कोट्टुन, येन नीव ईद यागलु वाचुसीदील, क्वा याग दाऊद उक जरवत ईरोद, याग आव अदकि आऊन संगीगोळ हस्तकु ईरोर, आग आव येन माळीदुन? 26 “आव ह्यांग अबयितार महायाजक उन समय दा, परमेश्वर उन भवन दा होगकु भेट इन रोट्टीगोळी तदुन, यदुरद तनिोद

\* 2:21 २:२१ व्हाशोद कपळा अन्द चट्टी थगिर † 2:22 २:२२ तोगुल इन चलिा दा नीर

याजकगोळी बटिकु अदकि यारीकु भी उचति हैलेच, अदकि तान संगीगोळी भी कोट्टुन?”

27 आग यीशु आंदुर से अंदुन, “आराम इन दनि मंळसागोळद साटी माळकु आग्याद, ना की मंळसा आराम दनि इन साटी. 28 इदुरसाटी मंळसा अन पार आराम दनि इन भी स्वामी आन.”

### 3

यीशु वंळगीद कयवाळा मंळसा अक चंगा माळदुन  
(मत्ती १२:१-१४; लूका ६:६-११)

1 अदकि यीशु बाक यहूदी लॉकुरद सभागृह दा होदुन; अदकि अल ऊंद मंळसा ईरोन यार्द कय वंळगेगीत, 2 अदकि आंदुर यीशु मा दोष हचोर साटी आऊन ताक मा हतकु ईरोर की नोळाता, आव आराम दनि दा आऊक चंगा माळतान का ईला. 3 यीशु वंळगीद कयवाळा मंळसा से अंदुन, “थेळ, लॉकुर न्याड्या दा नीदरेग.”

4 अदकि यीशु आंदुर से अंदुन, “येन आराम इन दनि दा नयिम इन अनुसार भलाई माळोद उचति आद या बुरा माळोद? जीव इक उळसोद उचति आद या कोन्नोद?” लेकीन आंदुर सुंगा ईत्तुर. 5 बाक यीशु आंदुर मन इन कठोरता देल उदास आगकु, आंदरी सट्टि देल नाकु दी नोळदुन, अदकि आ मंळसा से अंदुन, “तान कय मुंद वाळुस.” आव वाळुसदुन, अदकि आऊंद कय पयले अन्द घाई वळ्लीद आगेत. 6 आग फरीसीगोळ यहूदी लॉकुरद सभागृह दा टु व्हार्या होगकु तुरन्त हेरोदयिों लॉकुर सांगुळ यीशु उन वरिध दा साठगाठ माळली कुरतुर की आऊक याता प्रकार देल नाश माळेव.

यीशु उन हदि भीळ इन नळोद

7 बाक यीशु तान चेलागोळ सांगुळ क्यार्रा दी होटोदुन. अदकि गलील दा टु ऊंद धोळद भीळ आऊन हदि नळुली कुर्त, 8 अदकि यहूदिया, अदकि यूरशलेम, अदकि इदूमिया, अदकि यरदन गांगा अन आपपाटी, अदकि सूर अदकि सैदा अन्द आसपास टु ऊंद धोळद भीळ ईद केळकु आऊन हात्ती बंदुर की, आव ह्यांग अचम्भा अन्द क्याल्सा माळतान. 9 अदकि बाक यीशु तान चेलागोळ से अंदुन, “भीळ इन कारण ऊंद स्याळदतुसा इवांगा नान साटी तयार ईरूल ताकी आंदुर नानी वत्त ईला सकुल.” 10 यतकी आव हापाळ मुंदरी चंगा माळीदुन; इदुरसाटी अल यास लॉकुर रोग देल बमिर ईरोर, आऊक मुट्टोर साटी आऊन मा बळिली आगोर. 11 अदकि दुष्टआत्मागोळ देल ग्रसत लॉकुर भी, याग आऊक नोळतोगोर, अरा आऊन मुंद बळितोगोर, अदकि चळिलासकु अनतोगोर की “नी परमेश्वर उन पार हुय.”

12 यीशु दुष्टआत्मागोळी आदेश कोट्टुन की अव यारीकु भी ईद हेळतीदील की आव याव हुन.

हन्नेळ चेलागोळी नविळुसोद  
(मत्ती १०:१-४; लूका ६:१२-१६)

13 बाक यीशु पहाळ मा येरेदुन अदकि यारी आव चाहासोन, आंदरी तान हात्ती कारदुन. अदकि आंदुर आऊन हात्ती बंदुर. 14 आग यीशु आंदुर दा टु हन्नेळ मंळसागोळ्द नविळ माळदुन, यारी आव प्रेरतिगोळ हेसुर कोट्टुन. अदकि अंदुन, “कनि ना नीमी तान सांगुळ ईटोरसाटी नीवळुसदीन, ‘ना नीमी प्रचार माळली व्हाऱ्या कळाईन, 15 अदकि नीम हात्ती दुष्टआत्मागोळी तेगोद अधकार ईत्तीत.’”

16 ई प्रकार देल आव हन्नेळ चेलागोळ्द नविळ माळदुन. शमौन यार्द हेसुर आव पतरस ईटदुन, 17 अदकि जब्दी इन पार याकूब, अदकि याकूब उन वार्द यूहन्ना, यार्द हेसुर आव बुअनरगसि मतलब “गर्जन उन पार” ईटदुन, 18 अदकि अन्द्रयास, फलिपिपुस, बरतुलमै, मत्ती, थोमा, हलफई इन पार याकूब, तद्दै अदकि शमौन कनानी जो रोमन सरकार उन खलिाप ईरोन. 19 अदकि यहूदा इस्करियोती, जो यीशु उक ध्वाका देल हुळसुसीदुन.

यीशु अदकि बालजबूल

(मत्ती १२:२२-३२; लूका ११:१४-२३; १२:१०)

20 बाक यीशु अदकि आऊन चेलागोळ मान्नी बंदुर; अदकि हगि भीळ जमा आगेत, कनि आंदुर रोट्टी भी तनि सकदिल 21 याग आऊन मान्यागोळोर लॉकुर ईद केळदुर, रा आंदुर आऊक हुडोर साटी होट्टुर, यतकी आंदुर अनतोगोर, कनि आऊन मन ठकान मा हैलेच.

22 \*अदकि शास्त्री भी जो यूरूशलेम टु बंदीदुर, ईद अनतोगोर, कनि “आऊन दा बालजबूल\* शैतान समुस्कु आन, अदकि ईद भी, कनि आव दुष्टआत्मागोळव सरदार उन मदत देल दुष्टआत्मागोळी तेगुतान.”

23 इदुरसाटी यीशु आंदरी हात्ती कारूकु, आंदुर से उदाहरण दा अनली कुरतुन, “शैतान ह्यांग शैतान उक तेगु सकतान?” 24 अदकि अगर यातोदारा राज्य दा फूट बळिल, रा अद राज्य ह्यांग संची ईर सकतद? 25 अदकि अगर यातोदारा मान्ना दा फूट बळिल, रा अद मान्ना ह्यांग संची ईर सककीत? 26 इदुरसाटी अगर शैतान तान अच राज्य अन्द वरिधी आगकु तान दा फूट केडुल, रा आव तान राज्य अक ह्यांग सुरक्षति ईट सकतान? आऊंद रा अन्त अच आगेदीत.

27 लेकीन यावारा मंळसा यातोवारा ताकतवर मंळसा अन्द मान्या होक्कु आऊंद माल हगि अच कदू सकालुन, पयले आव आ ताकतवर मंळसा अक कट्यान; अदकि आग आ मंळसा आ ताकतवर मंळसा अन्द मान्ना अन्द बुळ्क ईडद सामान इक कदू सकतान.

28 ना नीम से खरा माताळतीन, कनि मंळसागोळ्द औलाद ईनव सप्पा पाप अदकि अपमान जो आंदुर माळतार, माफ माळकु आदव. 29 \*लेकीन जो यावारा पवतिर आत्मा अन्द खलिाप अपमान माळतान, आऊक यागलु माफ माळकु आगतीदिल, “यतकी आव अनन्त पाप इन अपराधी आन.” 30 यीशु आ लॉकुरी इदुरसाटी ईव सब मातगोळ अंदुन “यतकी लॉकुर अनतोगोर, कनि आऊन दा दुष्टआत्मा आद.”

\* 3:22 ३:२२ मत्ती ९:३४; १०:२५  
३:२९ लूका १२:१०

\* 3:22 ३:२२ बालजबूल-दुष्टआत्मागोळव सरदार \* 3:29



यीशु नोर मोय आकतींग अदकि वार्ट  
(मत्ती १२:४६-५०; लूका ८:१९-२१)

31 अदकि यीशु उन मोय आकतींग अदकि वार्ट बंदुर अदकि व्हार्या नीदुरकु यीशु उक कारूली कळुदुर. 32 अदकि भीळ यीशु उन आसपास कुरतकु ईरोद, अदकि आंदुर आऊन से अंदुर, “नोळ, नीन मोय नीन वार्ट अदकि आकतींग व्हार्या नीनी कारेत्यार.”

33 यीशु आंदरी उत्तर कोट्टुन, कि “नान मोय नान वार्ट अदकि नान आकतींग याक हुळ?” 34 अदकि आव तान आसपास कुरतकु ईरोर आ लॉकुरी नोळदुन अदकि अंदुन, “नोळी! नान मोय, आकतींग अदकि वार्टु इंदुरा उर. 35 यतकी जो यावारा भी परमेश्वर उन इच्छा मा नळदान, आवा नान वार्ट, आकतींग, अदकि मोय हुळ.”

## 4

बीजा बोऊसावाळा अन्द उदाहरण  
(मत्ती १३:१-९; लूका ८:४-८)

1 यीशु बाक झील इन कनिरा मा उपदेश कोळली कुरतुन: अदकि हगि धोळद भीळ आऊन हात्ती जमा आगेत कि आव झील इन ऊंद इवांगा मा येरकु कुरतोदुन अदकि सप्पा भीळ भूमी मा झील इन कनिरा मा नीदुरकु ईतत. 2 अदकि यीशु आंदरी उदाहरणगोळ दा हापाळ सा मात कल्सली कुरतुन, अदकि तान उपदेश दा आंदुर से अंदुन.

3 “केळी! ऊंद घन ऊंद मळसा ईरोन जो बीजा बोऊसोर साठी होतीदुन. 4 अदकि आव केई दा बीजा भट्टिन आटोटी येनारा बीजा हादी मा बदिदव, अदकि पक्षीगोळ बंदकु अवरी तनि कोंडोव. 5 अदकि येनारा बीजा कल्ल इन जागा मा बदिदव यल अदरी यक्कुल मुण्ण सकदील. अदकि गहरा मुण्ण ईला सकिदुर देल अव राटनेरी अंकुर हुळदव. 6 बाक याग सुर्य होळत; रा स्याणेव मार्रगोळी होताक बुळत; यतकी जळीगोळ जादा गयरा ईला आगीदव, अदकि मार्रगोळ जल्दी अच वंळगेदव. 7 अदकि थ्वाळासा बीजा मुळ्ल इन झुनकुळ दा बदिदव, अदकि धोड्डेव आगकु बेळुकु बीजा अक वत्त बुट्टव अदकि आ बीजागोळी काय हत सकदील. 8 लेकीन थ्वाळासा बीजा वळ्लीद जागा मा बदिदव, अदकि अव बेळदव अदकि बेळुकु अनाज पैदा माळदव; यातोवारा तीस गुणा, यातोवारा साठ गुणा अदकि यातोवारा सौ गुणा फसल तंदव.”

9 आग यीशु अंदुन, “यार हात्ती केळोर साटी कवि आव, आव केळ कोमुल.”

उदाहरणगोळ्द कारण

(मत्ती १३:१०-१७; लूका ८:९,१०)

10 याग यीशु आबना ईरोन, रा याता लॉकुर आऊन उदाहरण केळीदुर, आंदुर दा टु येनारा लॉकुर हन्नेळ चेलागोळ सांगुळ आऊन हात्ती बंदुर अदकि आऊक उदाहरण इन मतलब येन आद. 11 यीशु आंदुर से अंदुन, नीमी परमेश्वर उन

राज्य अन्द भेदगोळ्द समझ कोटकु आग्याद, लेकीन व्हार्या नोर लॉकुर साटी, सप्पा मातगोळ उदाहरणगोळ दा अंदकु आग्याद:

12 यतकी आंदुर नोळुल अदकि

नोळतेला अच ईरूल, लेकीन आंदरी येनु सम्सबाळुल,  
केळुल अदकि केळतेला अच ईरूल  
लेकीन येनु सम्सबाळुल.

हगि आगबाळुल कि आंदुर मन परमेश्वर उन दी तरिगुल  
अदकि आंदरी माफ माळकु आगुल.

बीजा बोऊसावाळा उदाहरण इन व्याख्या  
(मत्ती १३:१८-२३; लूका ८:११-१५)

13 बाक यीशु आंदुर से अंदुन, येन नीव ईद उदाहरण समसालीर? रा बाक दुसरा यातोदारा उदाहरणगोळी ह्यांग समसीर? 14 केईवाळा जो बोऊसतान, अद परमेश्वर उन वचन हुन. 15 येनारा लॉकुर हादी माकळोर बदिकु बीजा अन्द घाई आर जो परमेश्वर उन वचनगोळी केळतार. रा शैतान तुरन्त बंदकु वचन रूपी बीजा जो आंदुरदा बोऊसकु आग्याद नेगुकु वोयतान. 16 दुसरा लॉकुर बीजागोळ घाई ईरतार जो कलवाळा जागा मा वीळताव. ह्यांग आंदुर बातणी केळतार, आंदुर इदरी खुशी देल ग्रहण माळ कोमतार. 17 लेकीन तान बुळ्क जळ ईला ईटदुर कारण आंदुर थ्वाळासा अच दनिगोळ साटी ईरतार; इदुरद बाददा याग वचन इन कारण आंदुर मा क्लेश या उपद्रव आगताव, रा आंदुर तुरन्त टोकर तनितार. 18 दुसरा लॉकुर मुळलवाला झुनकुळ दा बोऊसकु बीजा अन घाई आर. इंदुर वचन केळावाळेर उर. 19 अदकि दुनया अन चनिता, धन इन ध्वाका, अदकि च्याच वस्तुगोळ्द लोभ आंदुरदा तुमकु वचनगोळी वत्त बुळतद. अदकि अद नष्फल ईतोगतार. 20 लेकीन यारारा लॉकुर वळ्लीद जागा अन्द घाई आर, जो वचन केळकु ग्रहण माळतार अदकि वळ्लीद फसल तरतार, यारारा तीस गुणा, यारारा साठ गुणा, अदकि यारारा सौ गुणा.

दगिया अन्द उदाहरण  
(लूका ८:१६-१८)

21 \*अदकि यीशु आंदुर से अंदुन; येन दगिया अक इदुरदा साटी तरतार कि बर्तन या व्हर्स इन ल्यालमा ईटुल? येन अदरी दीवट\* मा ईट सकालुर? 22 \*जो येनारा भी होचकु आद अदरी व्हार्या तनकु आदीत, अदकि जो येनारा भी कवर माळकु आग्याद, अदरी उजागर माळकु आदीत. 23 अगर यारोवारा केळव कवि आव, रा आव केळ कोमुल.

24 \*बाक यीशु आंदुर से अंदुन, “जो नीव केळतीर अदुर मा ध्यान कोळी. याता नाप देल नीव दुसरा अक आळुतीर अदा नयिम देल नीमी भी आळुकु आदीत, अदकि नीम साटी अदुरदा यक्कुल जोळ्सकु आदीत. 25 \*यतकी यार

\* 4:21 ४:२१ मत्ती ५:१५; लूका ११:३३

\* 4:21 ४:२१ दगिया ईटोद जागा

\* 4:22 ४:२२

मत्ती १०:२६; लूका १२:२

\* 4:24

४:२४ मत्ती ७:२; लूका ६:३८

\* 4:25 ४:२५ मत्ती १३:१२;

२५:२९; लूका १९:२६

हात्ती आद, आऊक मात्त यक्कुल कोटक आदीत; अदकि यार हात्ती हैलेच, आऊन से अद भी जो आऊन हात्ती आद, ताकोमकु आदीत.”

कोम होळोद बीजा अन्द उदाहरण

26 बाक यीशु अंदुन, “परमेश्वर उन राज्य हगि आद, जसा यावारा मळसा तान केई इन भूमी दा बीजा भळितान, 27 अदकि आव इळ्ळकी मगिदुन अदकि व्हातर्या येदुन अदकि अद बीजा अंकुरीत आगकु हगि बेळुत, काि आव अरू सकदील काि ईद हयांग आत. 28 पृथ्वी तान ताना अनाज तरतद. पयले अंकुर, बाक लॉम्बा, अदकि आग अदुर बाद्दा लॉम्बा दा तयार बीजा. 29 लेकीन याग बीजा हण्ण आगेगतद, आग आव केईवाळा तुरन्त कुळगुल देल कडुली हततान, यतकी फसल इन कटाई होट्ट बंदाद.”

राई इन दाना अन्द उदाहरण

(मत्ती १३:३१-३२,३४; लूका १३:१८-१९)

30 बाक यीशु केळदुन, “नाव परमेश्वर उन राज्य हयांग आद इदुर उपमा यार देल कोट्टेव. अदकि याता उदाहरण देल आऊन वर्णन माळेव? 31 आव राई इन दाना अन्द घाई आन याग पृथ्वी मा बोऊस्कु आगतद रा पृथ्वी इन सप्पा बीजागोळ से स्याळ्द ईरतद. 32 लेकीन याग बीजा बेळदोगतद, रा बेळुकु सप्पा मारगोळ से धोळ्द आगेगतद, अदकि अदुरद हगि धोळ्द डगालगोळ होळताव यल आकाश इन पक्षी अदुरद सावली दा ग्वादा माळकु ईरताव.”

33 यीशु आंदरी ईत्ता प्रकार ईनव हापाळ सा उदाहरण कोट-कोटक आंदुरद समझ इन अनुसार यक्कुल से यक्कुल समझ दा बरूल ई प्रकार देल वचन केळसतोगोन, 34 अदकि बनिा उदाहरण अंदकु यीशु लॉकुरी येनु ईला कल्सतोगोन. लेकीन आबना दा आव तान नजी चलागोळी सप्पा मातगोळ्द मतलब हेळतोगोन.

यीशु आँधी इक शांत माळदुन

(मत्ती ८:२३-२७; लूका ८:२२-२५)

35 अदा दशी द्यावगा अक, यीशु तान चेलागोळ से अंदुन, “बरी, नाव झील इन आप्पाटी होगता.” 36 आंदुर भीळ इक बट्टिदुर, याता ड्वांगा दा यीशु ईरोन अदा ड्वांगा मा चेलागोळ भी बंदुर अदकि यीशु उक तान सांगुळ झील इन आप्पाटी ओतुर; अदकि अल आऊन सांगुळ, मात हापाळ सा ड्वांगा भी ईरव. 37 अचानक आग ऊंद भयानक आँधी बत्त, अदकि लयरगोळ ड्वांगा देल टकरूसली हत्त ईल ताका काि नीर ड्वांगा दा तुमली हत्त. 38 अदकि यीशु ड्वांगा अन्द हदिळोद भाग दा ऊसी मा तालुला ईटकु मगिगोन. अदकि आंदुर आऊक येब्सदुर अदकि अंदुर, “हे गुरु, येन नीनी चन्ता हैलेच काि नाव मुळ्केतेव?”

39 आग यीशु यदकु आँधी अक दनकुसदुन, अदकि लयरगोळ से अंदुन, “शांत आगेग, थाम्सेग!” अदकि आँधी थामसेत अदकि नाकु दी हापाळ सन्नाटा आगेत. 40 अदकि यीशु तान चेलागोळ से अंदुन, “नीव येती अंजेतीर? येन नीमी ईगासताका वशिवास हैलेच?”

41 अदकि चेलागोळ हापाळ अंजेदुर अदकि आपस दा अनली कुरतुर, “ईव मंळसा याव हुन ईल ताका काि आँधी अदकि लयरगोळ भी ईऊन आग्या मानसताव?”

## 5

दुष्टआत्मा हतकु मंळसा अक चंगा माळोद  
(मत्ती ८:२८-३४; लूका ८:२६-३९)

1 यीशु अदकि आऊन चेलागोळ झील इन आप्पाटी गरिसेनयागोळ्द प्रदेश दा पोहचुसदुर. 2 याग यीशु डवांगा मा टु ईळदुन रा तुरनत ऊंद मंळसा जो काि यारदा दुष्टआत्मा हतकु ईरोद, कब्रस्तान दा टु होटकु यीशु से मलिसदुन. 3 आव कब्रस्तान दा ईरतोगोन अदकि याऊ आऊक शंकलीगोळ देल भी कटक ईला ईट सकोन, 4 यतकी आऊक बेळीगोळ अदकि शंकलीगोळ देल कटक आगीत, लेकीन आव हापाळ अनली शंकलीगोळी मुर्द बुटीदुन अदकि बेळीगोळ्द तुकळा-तुकळा माळ कोडीदुन, अदकि यारू आऊक बस दा ईला माळसकोर. 5 आव लगातार ईळ्लक-हागुल कब्रस्तान अदकि पहाळीगोळ दा वयाळोन अदकि कीटुरतोगोन, अदकि तान तान इक कलगोळ देल घायल माळतोगोन.

6 आव यीशु उक दुर टु उच नोळदुन, अदकि आव ओळतेला यीशु उन हात्ती बंदुन अदकि टवांगरा अन्द भार देल बदिक् प्रणाम माळदुन. 7 अदकि आव धोळ आवाज देल चळिलासकु अंदुन, “हे यीशु, महान परमेश्वर उन पारा, नानी नीन से येन क्याल्सा? ना नीनी परमेश्वर उन करिया कोळतीन, काि नी नानी दुख कोळवाळ.” 8 आव यीशु से इदुरसाटी हगि अंदुन यतकी यीशु आऊन से अंददिन, “हे दुष्टआत्मा, ई मंळसा अन्द मय दा टु होटबुळ!”

9 यीशु आ दुष्टआत्मा से केळदुन, “नीन येन हेसुर आद?”

अद यीशु से अन्त, “नान हेसुर सेना आद; यतकी नाव हापाळ सा आयेव.”

10 अदकि दुष्टआत्मा यीशु से च्याच वनिती माळकु अन्त, काि नामी ई प्रदेश टु व्हारया केळुवाळ.

11 हात्तीगोळ्द पहाळ इन ढलान मा हंदीगोळ्द ऊंद धोळ्द झुण्ड आळोद. 12 दुष्टआत्मागोळ यीशु से वनिती माळकु अंदव, “नामी आ हंदीगोळ्द झुण्ड दा कळुबुळ काि नाव आंदुर बुळक होककेव.” 13 इदुरसाटी यीशु आंदरी आग्या कोटुन अदकि दुष्टआत्मा आ मंळसा दा टु होटकु हंदीगोळ्द बुळक होकदव अदकि झुण्ड, जो लगभग येढ्ह हजार इन ईरोद, ढलान मा टु घसरूस्कु झील दा होगकु बतित. अदकि अलया मुळककु सोत्तव.

14 हंदीगोळी आळसावाळेर ओळकु नगर अदकि ऊरगोळ दा ईद खबर केळसदुर, अदकि जो आगीत, लॉकुर अदरी नोळली बंदुर. 15 यीशु उन हात्ती लॉकुर बंदकु, आ मंळसा अक नोळदुर यारदा दुष्टआत्मागोळ ईरव, मतलब सेना समुसकु ईरोद, कपळा हाक्कु अदकि गुमसुम कुरत नोळकु अंजेदुर. 16 या लॉकुर ईद घटना अक पयले नोळीदुर रा हेळदुर काि नोळावाळेर आऊन, यारदा दुष्टआत्मागोळ ईरव, अदकि हंदीगोळ्द पुरा हाल आंदरी अंदकु हेळदुर.

17 आग लॉकुर यीशु से वनिती माळकु अनली कुरतुर कि नाम प्रदेश दा टु होटोग.

18 अदकि याग यीशु इवांगा मा येरली कुरतुन रा आव यारदा पयले दुष्टआत्मागोळ ईरव, यीशु से वनिती माळली कुरतुन, “नानी तान सांगुळ ईरगोळ.”

19 लेकीन यीशु आऊक आग्या कोटीदील, अदकि आऊन से अंदुन, “तान मान्या होगकु तान परवार इक हेळ कि नीन मा दया माळकु प्रभु नीन साठी ह्यांग धोड्डेव क्याल्सा माळ्यान.”

20 बाक आव होगकु दकिापुलसि\* दा ई मातगोळी हेळली कुरतुन कि यीशु नान साठी ह्यांग धोड्डेव क्याल्सा माळ्यान; अदकि सप्पा लॉकुर ईद केळकु चकति आदुर.

सोत्त पोर अदकि ऊंद रोगी आर्त

(मत्ती ९:१८-२६; लूका ८:४०-५६)

21 याग यीशु बाक इवांगा देल झील इन आप्पाटी होदुन, रा ऊंद धोळ्द भीळ आऊन हात्ती बंदकु जमा आगेत. आव झील इन कनिरा मा का ईरोन. 22 याईर हेसुर ईनव ऊंद यहूदी मंळसा, जो यहूदी लॉकुरद सभागूह अन्द सरदारगोळ दा टु ऊंद सरदार बंदुन, अदकि यीशु उक नोळकु आऊन कालगोळ मा बदिदुन, 23 अदकि ईद अंदकु यीशु से हापाळ वनिती माळदुन, “नान स्याण पोर सायापरी आगेग्यार: नी बंदकु आकनि मा कय ईट कि आक वळ्लीद आगकु जतिता ईरूल.”

24 आग यीशु आऊन सांगुळ नळदुन अदकि ऊंद धोळ्द भीळ आऊन हदि आगेत, ईल ताका कि लॉकुर आऊन मा बळिली आगेर.

25 अल्या ऊंद आर्त ईरोर, आक इक हन्नेळ वर्ष टु खुन होगोद रोग ईरोद.

26 आ आर्त हापाळ परेशान ईरोर आक हापाळ वैद्यगोळ से तान ईलाज माळीदुर तरी भी यक्कुल दुखी आगेगीदुर. अदकि तान सप्पा धन लुट्सदुर बाददा भी आकी येनु आराम सकिदील, लेकीन मात यक्कुल रोगी आगेगीदुर.

27 आक यीशु उन बारा दा चर्चा केळीदुर, अनकु “भीळ दा हदि टु बंदकु आऊन कपळा अन्द कनिरा अक मुटदुर.” 28 यतकी आक मन मन दा अच अनतोगेर, “अगर ना आऊन कपळा अक मुटाईन, रा वळ्लीद आगेगाईन.”

29 आग आक यीशु उन कपळा अक मुटदुर अदकि तुरन्त आकनि खुन होगोद बंद आगेत, अदकि आ आर्त तान शरीर दा ईद जान्स कोंडुर कि ना तान आ बमिारी देल वळ्लेर आगेदीन. 30 यीशु तुरन्त तान मन दा जान्स कोंडुन कि नान दा टु ईद सामर्थ्य होताद. अदकि आव भीळ दा हदि तरिगकु केळदुन, “नान कपळा अक यार मुटदुर?”

31 आग आऊन चेलागोळ आऊक अंदुर, नी नोळत्या कि भीळ नीन मा बळिली इक आगतद, अदकि नी अनत्या कि यार नानी मुटदुर?

32 लेकीन यीशु आक इक नोळोर साठी नाकु दी कण्ण नेगुकु नोळदुन, कियार नानी मुटदुर. 33 आग आ आर्त जो आकनि सांगुळ आगीत आक ईद जान्सकु

\* 5:20 ५:२० हत्त नगरगोळ्द धोळ्द शयर

कानान ह्यांग भलाई आग्याद, अंजत अदकि नळ्गतेला बंदुर, अदकि आऊन कालगोळ मुंद ट्वांगरा टेक्सकु आऊक सब हाल खरा-खरा हेळ बुटुर. 34 यीशु आकनि से अंदुन, “हे पोरी, नीन वशिवास नीनी वळ्लीद माळ्याद: खुशी देल होग, अदकि तान ईद बमिारी देल ऊळ्दकु ईर.”

35 यीशु ईद अनतेला अच ईरोन कि यहूदी लॉकुरद सभागूह अन्द सरदार उन मान्या टु थ्वाळासा लॉकुर बंदकु अंदुर, “नीन पोर रा सोतोग्यार, ईग गुरु उक येतरी दुख कोळत्या?”

36 लेकीन जो मात आंदुर अनोर, अदरी यीशु केळदुन पर ध्यान कोटीदील, यहूदी लॉकुरद सभागूह अन्द सरदार से अंदुन, “अंजबाळ, सर्रिफ वशिवास ईट.” 37 अदकि यीशु पतरस अदकि याकूब अदकि आऊन वार्ट यूहन्ना अक बटिकु, दुसरा यारीकु तान सांगुळ बर गोटीदील. 38 याग आंदुर सप्पा मुंदुर यहूदी लॉकुरद सभागूह अन्द सरदार उन मान्या बंदुर, रा यीशु नोळदुन कि अल खलबली मचुसकु आद. अदकि लॉकुरी हापाळ वर्लतेला अदकि चलिळासतेला नोळदुन. 39 आग यीशु मान्या अन्द बुळ्क होक्कु आंदुर से अंदुन, “नीव येतरी खलबली मचुसतीर अदकि वर्लेतीर? पोर सायलका आर, लेकीन मगित्यार.”

40 आंदुर यीशु उन मज्याक हारसली कुरतुर, लेकीन आव सप्पा मुंदरी तेगुकु पोर इन मोय-आप्प अदकि तान मुर चेलागोळ सांगुळ बुळ्क यल पोर बदिक्कु ईरोर, अल होदुर. 41 अदकि आव पोर इन कय हुळ्क आकनि से अंदुन, “तलीता कुमी!” यदुरद मतलब आद, “हे पोरी, ना नीन से अनतीन, येळ.”

42 अदकि आ स्याण पोर तुरन्त यदकु नळुली अदकि वयाळली कुरतुर; यतकी आक हन्नेळ वर्ष इनोर ईरोर. इदुर मा लॉकुर हापाळ सट्ट आगेदुर. 43 बाक यीशु आंदरी चेतावनी कोटकु आग्या कोटुन कि ईद मात यारू जान्स ईला पायजे, अदकि आव अंदुन “पोर इक येनारा तनिली कोळी.”

## 6

नासरत ऊर दा यीशु उन अनादर

(मत्ती १३:५३-५८; लूका ४:१६-३०)

1 अल टु होटकु यीशु तान प्रदेश दा बंदुन; अदकि आऊन चेलागोळ भी आऊन हदि बंदुर. 2 आराम इन दशिी आव यहूदी लॉकुरद सभागूह दा उपदेश कोळली होदुन, अल हापाळ सा लॉकुर ईरोर, याग लॉकुर आऊन मातगोळ केळदुर, रा आंदुर सट्ट आगेदुर अदकि अनली कुरतुर, “ईऊक ईव मातगोळ यल टु होटबंदव? अदकि ईद याता ग्यान हुन जो ईऊक कोटकु आग्याद? आव चमत्कार ह्यांग माळतान? 3 येन ईव व्हर्स हुळ्ली माळावाळा अन पार आलच, जो मरयिम उन पार, अदकि याकूब, योसेस, यहूदा, अदकि शमौन उन वार्ट हुन? येन आऊन आकतींगेर ईल नाम न्याड्या दा ईरालुर?” इदुरसाटी लॉकुर आऊद इनकार माळ बुटुर.

4 यीशु आंदुर से अंदुन, “भवषियवक्ता अन्द तान नगर, तान परवार, अदकि तान मान्या मान सम्मान आगाल लेकीन दुसरा लॉकुर आंदुरद मान सम्मान माळतार.”

5 अदकि यीशु अल येनु सामर्थ्य इन क्याल्सा माळीदील, सर्फि थ्वाळासा बमिर लॉकुर मा कय ईटकू आंदरी चंगा माळदुन.

यीशु हन्नेळ चेलागोळी प्रचार माळली कळदुन  
(मत्ती १०:५-१५; लूका ९:१-६)

6 अदकि यीशु उक आंदुरद अवश्वास मा हापाळ आश्चर्य आत, अदकि आव नाकु दाकळव ऊरगोळ दा उपदेश कोळतेला वयाळदुन.

7 यीशु तान हन्नेळ चेलागोळी तान हात्ती कारदुन अदकि आंदरी दुष्टआत्मागोळी तेगोद अधिकार कोट्टुन. अदकि येदद-येदद माळकु नगर दा कळदुन 8 अदकि आंदरी आग्या कोट्टुन, “हादी इन साठी कोल इक बटिकु अदकि येनु हुडुबाळी; ना रा रोटी, ना झ्वारा, अदकि ना नीम खसिा दा पैस्या, 9 लेकीन केरू हाकी अदकि यातोदारा दुसरा कुळता ओयबाळी.” 10 अदकि यीशु चेलागोळ से अंदुन, “येल्यारा नीमद यारदारा मान्या स्वागत आत, रा यागासताका अल टु सार आगालीर आगासताका अदा मान्या दा रूक्सकु ईरी. 11 \*अगर नीव ऊंद ईत्ता नगर दा होगतीर येल लॉकुर नीमद स्वागत माळालुर या नीम मातगोळी केळालुर, रा अदरी बटि बुळी अदकि तान कालगोळद धुळा झाळस कोमी. ईद आंदुर साठी ऊंद चेतवनी आदीन.”

12 आग आंदुर अल टु होटोदुर. अदकि आंदुर होगकु प्रचार माळदुर, तान पापगोळी बळी अदकि परमेश्वर उन दी तरिगी. 13 \*आंदुर हापाळ सा दुष्टआत्मागोळी तेगदुर, अदकि हापाळ सा बमिर मळसागोळ मा जैतून इन याण्णा अन्द मालसि माळकु आंदरी चंगा माळदुर.

यूहन्ना बपतस्मा कोळावाळा अक कोन्नोद  
(मत्ती १४:१-१२; लूका ९:७-९)

14 \*हेरोदेस राजा भी यीशु उन चर्चा केळदुन, यतकी आऊन हेसुर हापाळ फैलुसेगति, अदकि येनारा लॉकुर अंदुर, “यूहन्ना बपतस्मा कोळावाळा सोत्तुर दा टु जत्तिता आग्यान, इदुरसाटी आऊन से इव सामर्थ्य इनव क्याल्सा प्रगट आगताव.”

15 दुसरा लॉकुर अंदुर, “इव एलियाह हुन.”

लेकीन यारारा दुसरा लॉकुर अंदुर, “इव भवषियवक्ता हुन, हाळोद जमाना अन भवषियवक्तागोळ घाई ऊंद.”

16 ईद केळकु हेरोदेस राजा अंदुन, “आव बपतस्मा कोळावाळा यूहन्ना हुन. यारद ताल्ला ना कळसुसीदीन, आवा सोत्तुर दा टु जत्तिता आग्यान!” 17 \*हेरोदेस राजा तान सपिाईगोळी कळकु यूहन्ना अक हुळसुसदुन अदकि संकलीगोळ देल कटक जयल दा हाक बुटीदुन. ईद हेरोदयिस इन कारण हेरोदेस हगि माळदुन, यतकी हेरोदेस तान वार्ट फलिपिपुस उन हगिस् हेरोदयिस इन सांगुळ मदा माळ कोडीदुन. 18 बपतस्मा कोळावाळा यूहन्ना घळी घळी हेरोदेस राजा से अनतेला ईत्तुन, “नीन साटी तान वार्ट उन हगिस् उन से मदा माळोद उचति हैलेच.”

\* 6:11 ६:११ प्रेरतिगोळ १३:५१ \* 6:11 ६:११ लूका १०:४-११ \* 6:13 ६:१३ याकूब ५:१४

\* 6:14 ६:१४ मत्ती १६:१४; मरकुस ८:२८; लूका ९:१९ \* 6:17 ६:१७ लूका ३:१९,२०

19 इदुरसाटी हेरोदयिास बपतस्मिा कोळावाळा यूहन्ना से दुश्मनी ईटतोगोर अदकि ईद चाहासोर क् आऊक ह्यांगारा भी कोन्सुस बुळाईन; लेकीन हेरोदेस राजा अनूद कारण देल हगि माळ सकदील. 20 हेरोदेस यूहन्ना से अंजतोगोन. यतकी हेरोदेस जानसतोगोन क् बपतस्मिा कोळावाळा यूहन्ना ऊंद न्यायी अदकि पवत्तिर मंळसा आन, इदुरसाटी हेरोदेस आऊक ऊळसकु ईटतोगोन, अदकि यागल्यारा भी आव यूहन्ना अनूद मातगोळ केळतोगोन रा हापाळ अंजगतोगोन, लेकीन खुशी देल आऊन मातगोळ भी केळतोगोन.

21 आखरी दा हेरोदयिास इक हेरोदेस उन जनम दनि मा वळ्ळीद मौका सक्ति. अदकि आंदुर प्रधानगोळी, सेनापतीगोळी, अदकि गलील इन धोळ धोळ लाँकुरी ऊमली कारसदुर. 22 रा हेरोदयिास इन पोर बुळ्ळक बंदुर, अदकि कुणुकु हेरोदेस उक अदकि आऊन सांगुळ जो कुर्तकु पावनागोळ ईरोर आंदरी खुश माळदुर. रा राजा आ पोर इन से अंदुन, “नी जो चाहास्या अद नान से वेळ, ना नीनी कोळाईन.” 23 अदकि आव करिया तनिकु आकी वचन कोट्टुन, क् नीनी जो भी नान से वेळ्या अद ना नीनी कोळाईन, ईल ताका क्निांद आरधा राज्य भी.

24 आग आ पोर व्हार्या होगकु तान मोय इन से केळदुर, “ना येन वेळाईन?” रा आक इन मोय हेरोदयिास माताळदुर,

“यूहन्ना बपतस्मिा कोळावाळा अनूद ताल्ला.”

25 आक तुरन्त राजा हेरोदेस उन हात्ती बुळ्ळक बंदुर अदकि आऊन से वनिती माळदुर, “ना चाहासतीन, क् नीनी ईगल्या बपतस्मिा कोळावाळा यूहन्ना अनूद ताल्ला ऊंद टाटी दा नानी कारसकु कोळ.”

26 इदुर देल हेरोदेस राजा हापाळ उदास आदुन, लेकीन आव तान सप्पा पाऊनागोळ्ळद मुंद वादा माळीदुन अदकि करिया तर्दिदुन. ई कारण देल आकी मना माळ सकदील. 27 इदुरसाटी राजा तुरन्त ऊंद सपिाही इक आग्या कोटकु कळुदुन क् बपतस्मिा कोळावाळा यूहन्ना अन ताल्ला कळकु तंदान, आग जल्लाद जेलखाना दा होगकु आऊन ताल्ला कळदुन. 28 अदकि ऊंद टाटी दा ईटकु तंदुन अदकि आ पोर इक कोट्टुन, अदकि पोर तान मोय इक कोट्टुर. 29 ईद केळकु यूहन्ना नोर चेला बंदुर, अदकि आऊन लाश इक ओतुर अदकि कब्र दा ईटदुर.

हन्नेळ प्रेरतिगोळ्ळद वापसी

(मत्ती १४:१३-२१; लूका ९:१०)

30 आग प्रेरतिगोळ वापस बंदुर अदकि यीशु से सकिदुर, अदकि जो भी आंदुर माळीदुर अदकि कलसीदुर, सब यीशु अक हेळदुर. 31 यीशु आंदुर से अंदुन, “नळी अदकि अलग येल्यारा सुनसान जागा दा नळुकु आराम माळी.” यतकी अल हापाळ लाँकुर होगोद-बरोद माळतोगोर, अदकि आंदरी ऊमोद मवका भी ईला सकितोगोद. 32 इदुरसाटी आंदुर ड्वांगा मा येरकु, सुनसान जागा दा अलग होटोदुर.

यीशु भीळ इक भोजन तनिसदुन

(मत्ती १४:१५-२१; लूका ९:११-१७; यूहन्ना ६:१-१४)



33 हापाळ मुंदुर आंदरी होगत नोळदुर अदकि ऊंद घन दा अर्त कोंडुर का आंदुर यार उर; अदकि सप्पा लॉकुर नगरगोळ दा टु जमा आगकु अल पैदल हरदुर अदकि यीशु अदकि आऊन चेलागोळ से पयले होगकु पोहचुसदुर. 34 याग यीशु इवांगा दा टु व्हार्या होट्टुन रा ऊंद धोळ्द भीळ नोळदुन, अदकि आऊक आंदुर मा दया होट्ट बतत, यतकी आंदुर आ म्यांडागोळ घाई ईरोर, यार्द यारू रखवाला ईरालुर; इदुरसाटी यीशु आंदरी हापाळ सा मातगोळी कल्सली कुरतुन. 35 याग द्याव हापाळ मुळकेत, रा आऊन चेलागोळ आऊन हात्ती बंदकु अनली कुरतुर, “ईद सुनसान जागा आद, अदकि द्याव हापाळ मुळ्केग्याद. 36 लॉकुरी सार माळ कानाकु दाकळव ऊरगोळ अदकि मोहल्ला दा होगकु, ताम साटी येनारा तनिली कोड कोमुल.”

37 लेकीन यीशु आंदरी उत्तर कोट्टुन, “नीवा आंदरी येनारा तनिली कोळी.” चेलागोळ यीशु से अंदुर, “नाव येढ्द सौ दीनार\* इन रोटीगोळी कोंडेव, अदकि आंदरी तनिसेव?”

38 इदुरसाटी यीशु आंदुर से अंदुन, “होगकु नोळी नीम हात्ती यास रोटीगोळ आव?”

आंदुर मालूम माळकु अंदुर, “अईद रोटीगोळ अदकि येढ्द मेन.”

39 आग यीशु तान चेलागोळी आग्या कोट्टुन, का सब मुंदरी हसीद काड्डा मा पंगत पंगत दा कुरस बुळी. 40 आग आंदुर सौ सौ अदकि पचास पचास माळकु पंगत पंगत दा कुरतोदुर. 41 आव आ अईद रोटीगोळी अदकि येढ्द मेनगोळी हुळदुन, अदकि स्वर्ग दी नोळकु परमेश्वर उक धन्यवाद माळदुन, अदकि रोटीगोळ मूरू-मूरूकु चेलागोळी कोळतोदुन का आंदुर लॉकुरी वाळसुल, अदकि अव येढ्द मेनगोळ भी आ सब मुंदुर दा वाळस बुट्टुन. 42 अदकि सब मुंदुर तनिकु संतुष्ट आगेदुर. 43 अदकि चेलागोळ मकिकु रोटीगोळ अदकि मेनगोळ्द तुकळा देल हननेळ फुटीगोळ तुमकु नेगदुर. 44 यार रोटीगोळी तदुर, आंदुरदा सरिफ मंळसागोळ्द संख्या अईद हजार ईरोद.

यीशु उन नीर मा नळोद

(मत्ती १४:२२-३३; यूहनना ६:१५-२१)

45 आग यीशु तुरन्त तान चेलागोळी इवांगा मा कुरोर साटी मजबुर माळदुन का आंदुर आऊन से पयले झील इन आप्पाटी बैतसैदा नगर इक होटोगुल, का आव आगासताका लॉकुरी सार माळ्यान. 46 लॉकुरी सार माळकु यीशु पहाळी मा प्रार्थना माळली होटोदुन. 47 याग द्याव मुळकेत, रा आग इवांगा झील इन न्याड्या दा ईरोद, अदकि यीशु आबना क्यार्रा अन्द भूमी इन कनिरा मा ईरोन. 48 याग यीशु नोळदुन का आंदुर इवांगा नळस नळसकु घबरूसेग्यार, यतकी आँधी इवांगा अन्द ऊलट ईरोद, रा ईळ्लक इन मुर अदकि आर पहर इन हात्ती आव झील मा नळुतेला आंदुर हात्ती बंदुन; अदकि आंदुर से मुंद होटबुळोद चाहासोन. 49 लेकीन आंदुर आऊक झील मा नळुतेला नोळकु रा सम्सदुर काईद ऊंद भूत हुन, अदकि चिल्ळास कुरतुर;

\* 6:34 ६:३४ मत्ती १:३६

\* 6:37 ६:३७ दीनार-ऊंद चाँदी इन सकिका याने ऊंद दनि इन रोजी

50 यतकी सप्पा मुंदुर आऊक नोळकु अंजेगीदुर. लेकीन यीशु तुरन्त आंदुर से मात हेळदुन अदकि अंदुन, “हम्मिमत ईटी: ना हुईन; अंजबाळी!” 51 आग आव आंदुर हात्ती ड्वांगा मा बंदुन, अदकि हवा रूकसेत: अदकि आंदुर हापाळ अच आश्चर्य माळली कुरतुर. 52 आ चेलागोळ अईद हजार लॉकुरी रोटीगोळ तनिसोद मात सम्स ईला सकीदुर, यतकी आंदुर अव मन कट्टर आगेगीदव.

गन्नेसरत दा यीशु रोगीगोळी चंगा माळदुन  
(मत्ती १४:३४-३६)

53 यीशु अदकि आऊन चेलागोळ आप्पाटी ईळ्ळु कु गन्नेसरत इन भूमी मा पोहचुसदुर, अदकि ड्वांगा घाट इन कनिरा मा हचदुर. 54 याग आंदुर ड्वांगा मा टु ईळदुर, रा लॉकुर तुरन्त यीशु उक अर्त कोंडुर. 55 आसपास इन पुरा प्रदेश दा हरदुर, अदकि बमिरगोळी व्हर्स मा मगिंसकु, येल येल समाचार केळदुर कि आव हुन, अल अल ह्रूतेला वयाळदुर. 56 अदकि येल्यारा यीशु ऊरगोळ, नगरगोळ या मोहल्ला दा होगतोगोन, रा लॉकुर बमिरगोळी सात्तागोळ दा ईटकु आऊन से वनिती माळतोगोर, कि आव आंदरी तान कपळा अन्द पल्लाक अच मुट गोळ्ळुल: अदकि यास आऊक मुटतोगोर, आंदुर सब चंगा आगेगीदव.

## 7

पुरवजगोळ्द परंपरा अन्द प्रश्न  
(मत्ती १५:१-९)

1 आग फरीसी अदकि थ्वाळासा शास्त्री जो यरूशलेम टु बंदीदुर, यीशु उन आसपास जमा आदुर, 2 आंदुर नोळदुर कि फरीसीगोळ्द शिक्षा अन्द अनुसार अशुध्द मतलब बनिा कय तोळ्द आऊन चेलागोळ रोटीगोळ तनित्यार.

3 यतकी फरीसी अदकि सप्पा यहूदी, तान पुरवजगोळ्द परंपरा मा नळुतार, अदकि आंदुर आगासताका ऊमालुर यागासताका वळ्लीसा कय तोळ्द कोमालुर. 4 सात्ता टु तर्त यातोदु चजि इक बनिा तोळ्द तनिलुर, अदकि हगि हापाळ सा दुसरा मातगोळ आव, जो पुरवजगोळ्द शिक्षा अन्द अनुसार आंदुर हात्ती मानसोर साठी पोहचुसकु आग्याद, जसा कटोरा, अदकि गळ्ळु, व्हर्स अदकि तांबा नव बरतनगोळी तोळोद.

5 इदुरसाटी आ फरीसी अदकि नयिम इन शास्त्रीगोळ आऊन से केळदुर, “नीनोर चेलागोळ येती पुरवजगोळ्द परंपरा अन्द पालन माळालुर, अदकि बनिा कय तोळ्द रोटी तनितार?”

6 यीशु आंदुर से अंदुन, यशायाह नीम कपटीगोळ्द बारा दा खरा अच भवषियवाणी माळीदुन; ह्यांग लखिसकु आद;

ई लॉकुर टुटगोळ देल रा नान आदर माळतार,

लेकीन इंदुर मन नान से दुर ईरतद.

7 इंदुर बेकार अच नान उपासना माळतार,

यतकी इंदुर खुद इन नयिमगोळी

परमेश्वर उन नयिम माळकु कल्सतार.

8 यतकी नीव परमेश्वर उन आग्या अक टाल्सकु मंळसागोळ्द रीतीगोळी मान्सतीर.

9 यीशु आंदुर से अंदुन, नीव परमेश्वर उन आग्या अक टाल्सदुर दा बळा चतुर आगोगीर, कति तान परंपरागोळ्द स्थापना माळ सककीर. 10 यतकी मूसा अंदान, तान आप्प अदकि तान मोय इन आदर माळी अदकि जो यावारा भी तान आप्प या मोय इक बुरा भला अनुल, रा आऊक जरूर कोंद बुळी. 11 लेकीन नीव अनतीर कति अगर यावारा तान आप्प या मोय से अनुल, जो येनारा नीनी नान से लाभ आग सकोंद, अद ना पयले टु उच परमेश्वर उक अर्पति माळ बुटीन. 12 रा नीमी आऊन आप्प या आऊन मोय इन स्यावा ईला माळोद बहाना सकिकेगतद. 13 ई प्रकार देल नीव लॉकुर तान परंपरागोळ देल, नयिम ठहूरसतीर, अदकि परमेश्वर उन वचन टाल्स बुळतीर; अदकि हगि हापाळ सा मातगोळ माळतीर.

मंळसागोळी अशुध्द माळव मातगोळ

(मत्ती १५:१०-२०)

14 आग यीशु लॉकुरी तान हातती कारूकु आंदुर से अंदुन, “नीव सब नान मातगोळ केळी, अदकि समसी. 15 हगि रा यातोद भी वस्तु ईलच जो मंळसा दा व्हार्या टु बुळ्क बंदकु आऊक अशुध्द माळीत लेकीन जो वस्तुगोळ मंळसा अन्द बुळ्क टु व्हार्या होळताव अव अच रा मंळसा अक अशुध्द माळताव. 16 \*अगर यारोवारा केळव कवि आव रा केळ कोमुल.”

17 याग यीशु भीळ इन हातती टु मान्या होदुन, रा आऊन चेलागोळ ईद उदाहरण इन बारा दा आऊन से केळकु समझुसली हेळदुर. 18 यीशु आंदुर से अंदुन, येन नीव भी हगि नासमज आईर? येन नीव समसालीर कति जो वस्तु व्हार्या टु मंळसा अन्द बुळ्क होगतद, अद आऊक अशुध्द माळ सकाल? 19 यतकी अद आऊन मन दा ईला, लेकीन आऊन व्हाट्टा दा होगतद अदकि थाळलकु दा टु व्हार्या होट्ट बुळतद! ईद अनकु आव सप्पा भोजन वस्तुगोळी शुद्धे ठहूरसदुन.

20 बाक यीशु अंदुन, “जो मंळसा अन मन दा टु होळतद, अदा मंळसा अक अशुध्द माळतद. 21 यतकी बुळ्क टु, मतलब कति मंळसा अन मन दा टु, बेकार-बेकार वचार, व्यभचार, दुष्टता, काळ्लपनी, कोन्नोद, परस्त्रीगमन, 22 लोभ, छल-कपट, लुचपन, बुरानजर, ईर्ष्या, अपमान, अभमान, अहंकार अदकि मूर्खता होळतद. 23 ई सप्पा बुरा मातगोळ मन इन बुळ्क टु होळताव अदकि मंळसा अक अशुध्द माळताव.”

गैरयहूदी आर्त इन वशिवास

(मत्ती १५:२१-२८)

24 बाक यीशु अल टु यदकु सूर इन आसपास इन प्रदेश दा बंदुन; अदकि ऊंद मान्या होदुन अदकि आव ईला चाहासोन कियारीकु पता नळुल; कति आव अल आन लेकीन तरी भी आव होचकोम सकदील. 25 अदकि तुरन्त ऊंद आर्त यार्द स्याळ्द पोर इन दा दुष्टआत्मा ईरोद, आऊन बारा दा केळकु, अदा

\* 7:16 ७:१६ अगर यारोवारा केळव कवि आव रा केळ कोमुल

घनी आऊन हात्ती बंदुर अदकि आऊन कालगोळ मा बदिंदुर. <sup>26</sup> ई आर्त गैरयहूदी ईरोर अदकि सीरयिया अनूद फनीकी दा पैदा आगीदुर. आक यीशु से वनिती माळदुर कानान पोर इन दा टु दुष्टआत्मा तेगुकोळ. <sup>27</sup> यीशु आकनि से अंदुन, “पयले पारगोळी संतुष्ट आगगोळ, यतकी पारगोळ्द रोटी हुळकु नायगोळ्द मुंद हाक्कोद उचति हैलेच.”

<sup>28</sup> लेकीन आ आर्त यीशु उक उत्तर कोट्टुर, “खरा आद प्रभु; तरी भी नायगोळ भी रा मेज इन ल्यालमा चकिरुद रोटी इन चुराचारा तनि कोमताव.”

<sup>29</sup> इदुरसाटी यीशु आ आर्त इन से अंदुन, “ई उत्तर इन कारण देल होटोग; दुष्टआत्मा नीन पोर इन मय दा टु होटबुटाद.”

<sup>30</sup> अदकि आक तान माननी बंदकु नोळदुर कानि पोर व्हर्स मा मगिकु आर, अदकि दुष्टआत्मा आकनि मय दा टु होटबुटाद.

यीशु बयरा अदकि तोतळा मंळसा अक चंगा माळदुन

<sup>31</sup> बाक यीशु सूर हेसुर इन प्रदेश टु होटकु सैदा टु आगतेला गलील इन क्याररा मा बंदकु आव दकिपुलसि ताका बंदुन. <sup>32</sup> रा लॉकुर ऊंद बयरा अक जो तोतळा भी ईरोन, यीशु उन हात्ती तंदकु आंदुर आऊन से वनिती माळदुर कानि तान कय आऊन मा ईटुल. <sup>33</sup> आग यीशु आऊक भीळ टु अलग आबना दा ओतुन, अदकि तान बेळ्लगोळी आऊन कवि दा हाकदुन, अदकि ऊगुळकु आऊन ल्यालग्या अक मुटदुन; <sup>34</sup> अदकि स्वर्ग इन दी नोळकु लंबा सास ताकोडुन, अदकि आऊन से अंदुन, “इप्फत्तह!” मतलब “तेरदोग!”

<sup>35</sup> अदकि आऊन अव कवि तेरदोदव, अदकि आऊन ल्यालग्या अनूद गाठ भी तेरदोद, अदकि आव साफ साफ माताळली कुरतुन. <sup>36</sup> आग यीशु आंदरी चेतावनी कोट्टुन कानि यारीकु हेळबाळी; लेकीन याट आव आंदरी चेतावनी कोटीदुन आट अच आंदुर मात प्रचार माळली कुरतुर. <sup>37</sup> आंदुर हापाळ अच आश्चर्य चकति आगकु अनली कुरतुर, “यीशु याट वळ्लीद तरीका देल ई सब येनारा माळतान; आव बयरागोळी भी केळोद, अदकि मुक्कागोळी माताळोद शक्ती कोळतान.”

## 8

नाक हजार लॉकुरी ऊमली कोळोद  
(मत्ती १५:३२-३९)

<sup>1</sup> आ दनिगोळ दा याग धोळ्द भीळ जमा आत, अदकि आंदुर हात्ती तनिली येनु ईला ईरोद, रा यीशु तान चेलागोळी हात्ती कारूकु आंदुर से अंदुन, <sup>2</sup> “नानी ई भीळ मा हापाळ दया बरेत्याद यतकी इंदुर मुर दनि टु बराबर नान सांगुळ आर, अदकि इंदुर हात्ती तनिली येनु हैलेच! <sup>3</sup> अगर ना आंदरी उपासी मान्या कळाईन, रा हादी मा थक्सकु बदिंदार; यतकी आंदुर दा टु यार यारारा हापाळ दुर टु बंदार.”

<sup>4</sup> यीशु उन चेलागोळ आऊक उत्तर कोट्टुर, “ईल आळी दा ईस रोटी यारारा यल टु तर सकतार कानि इंदुर संतुष्ट आगुल?”

<sup>5</sup> यीशु आंदुर से केळदुन, “नीम हात्ती यास रोटीगोळ आव?”

आंदुर अंदुर, “येळ.”

6 आग यीशु भीळ इक ल्यालमा कुरोद आदेश कोट्टुन, अदकि आ येळ रोट्टीगोळी हुळदुन, अदकि परमेश्वर उक धन्यवाद माळकु मुरदुन, अदकि अवरी तान चेलागोळी कोट्टुन की आंदुर आ मळसागोळ मुंद ईटुल, अदकि आंदुर लॉकुर मुंद वाळ्स बुदुर! 7 आंदुर हात्ती थ्वाळासा स्याणव मेनगोळ भी ईरव. आव अऊर मा परमेश्वर उक धन्यवाद माळकु अवरी भी लॉकुर दा वाळ्सली अंदुन. 8 आंदुर तनिकु संतुष्ट आगेदुर अदकि चेलागोळ जो मगिद तुकळागोळ येळ फुट्टी तुमकु नेगदुर! 9 अदकि लॉकुर नाक हजार इन हात्तीपास ईरोर. यीशु आंदरी वदि माळदुन, 10 अदकि आव तुरन्त तान चेलागोळ सांगुळ इवांगा मा येरकु दलमनुता प्रदेश इक होटोदुन.

फरीसीगोळ यीशु उक चमत्कार माळली अंदुर

(मत्ती १२:३८-४२; १६:१-४)

11 \*बाक फरीसी बंदकु यीशु से बैसबाजी माळली कुरतुर, अदकि आऊन परीक्षा ताकोमोर साटी आंदुर आऊन से ऊंद स्वर्गीय चमत्कार वेळदुर! 12 \*आव तान आत्मा दा आह तुमकु अंदुन, “ई समय इन लॉकुर योना अन्द चमत्कार येती दुंदसतार? ना नीम से खरा-खरा अनतीन की ई समय इन लॉकुरी येनु चमत्कार कोटकु आगतीदील.”

13 अदकि यीशु आंदरी बटिकु इवांगा मा येरेदुन अदकि दुसरा कनारा मा होटोदुन.

फरीसीगोळ अदकि हेरोदेस उन खमीर

(मत्ती १६:५-१२)

14 चेलागोळ रोट्टी हुडोद मारतोगीदुर, अदकि इवांगा मा आंदुर हात्ती ऊंद अच रोट्टी ईरोद! 15 \*यीशु आंदरी चेतावनी कोटकु अंदुन, “नोळी, फरीसी नव खमीर\* अदकि हेरोदेस ईनव खमीर देल सावधान ईरी.”

16 आंदुर आपस दा मातचीत माळली कुरतुर, की “नाम हात्ती रोट्टी हैलेच अनकु आव हगि अनेत्यान.”

17 ईद जानसकु यीशु आंदुर से अंदुन, “नीव आपस दा येती ईद वचारि माळेतीर की नाम हात्ती रोट्टी ईलच? येन नीम मन कट्टर आगेग्याव? 18 \*येन कण्ण ईतकु भी नीव नोळ सकालीर? अदकि कवि ईतकु भी केळ सकालीर? अदकि येन नीमी याद ईलच?”

19 की याग ना अईद हजार लॉकुर साटी अईद रोट्टी मुरददीन रा नीव तुकळा गोळ्द यास फुट्टी तुमकु नेगददीर? आंदुर यीशु से अंदुर, “हन्नेळ फुट्टीगोळ.”

20 अदकि येन नीमी याद हैलेच की “याग ना नाक हजार लॉकुर साटी येळ रोट्टी मुरददीन रा नीव तुकळा गोळ्द यास फुट्टी तुमकु नेगददीर?”

आंदुर आऊन से अंदुर, येळ फुट्टीगोळ.

21 बाक यीशु आंदुर से केळदुन, “येन नीव ईगासताका समसीदील?”

\* 8:11 द:११ मत्ती १२:३८; लूका ११:१६ \* 8:12 द:१२ मत्ती १२:३९; लूका ११:२९ \* 8:15 द:१५ लूका १२:१ \* 8:15 द:१५ खमीर-फरीसीगोळ्द गलत शकिषा \* 8:18 द:१८ मरकुस ४:१२

यीशु बैतसैदा दा ऊंद कुदढ मंळसा अक चंगा माळदुन

22 आंदुर बैतसैदा दा बंदुर; अदकि लॉकुर ऊंद कुदढ मंळसा अक आऊन हात्ती तंदुर अदकि यीशु उन से वनिती माळदुर की आऊक मुट्ट. 23 आव कुदढ मंळसा अन्द कय हुळकु आऊक ऊर इन व्हार्या ओतुन, अदकि आऊन कण्णगोळ मा उगुळकु आऊन मा कय ईटदुन, अदकि आऊन से केळदुन, “येन नीनी येनारा काळसतद?”

24 आव कण्ण नेगुकु अंदुन, “ना मंळसागोळी नोळ सकतीन; आंदुर नानी माररगोळ आसपास नळुतेला काळसीत्यार.”

25 आग यीशु दुबारा आऊन कण्णगोळ मा कय ईटदुन, अदकि आ कुदढ मंळसा ध्यान देल नोळदुन. आव चंगा आगेदुन, अदकि सब साफ-साफ नोळली कुरतुन. 26 यीशु आऊक ईद अनकु मान्नी कळुदुन, “ईद ऊर इन बुळ्क टु आगकु होगबाळ सीधा तान मान्नी होग.”

पतरस उन यीशु उक मसीह स्वीकार माळोद

(मत्ती १६:१३-२०; लूका ९:१८-२१)

27 यीशु अदकि आऊन चेला कैसरिया फलिपिपी इन ऊरगोळ दा होटोदुर! हादी मा आव तान चेलागोळ से केळदुन, “लॉकुर नान बारा दा येन अनतार की ना याव हुईन?”

28 \*आंदुर उत्तर कोट्टुर, ईव “यूहन्ना बपतस्मा कोळावाळा; पर यारारा ईव एलयियाह अदकि यारारा ईव भवषियवक्तागोळ दा टु यावारा ऊंद हुन.”

29 \*यीशु आंदुर से केळदुन, “लेकीन नीव नानी येन अनतीर?”

पतरस आऊक उत्तर कोट्टुन, “नी मसीह उध्दारक हुय.”

30 आग आव आंदरी आग्या कोटकु अंदुन की नान बारा दा यारीकु हेळबाळेतीर!

तांद मृत्यु अदकि पुनरूत्थान इन बारा दा यीशु उन भवषियवाणी

(मत्ती १६:२१-२८; लूका ९:२२-२७)

31 आग यीशु तान चेलागोळी कलसली कुरतुन की मंळसा अन पार उन साटी जरूरी आद की आव हापाळ दुख नेगदान, अदकि स्याणा अदकि प्रधान याजक, अदकि नयिम शास्त्रीगोळ द्वारा ठहरूसकु आगकु आऊक तुच्छ समसकु कोंदबुटार, लेकीन आव मुर दनि इन बाद्दा जित्ता आगेदान. 32 आव ईद मात आंदुर से साफ-साफ अंद बुट्टुन. इदुर मा पतरस आऊक दनकुसकु अंदुन हगि आगसकाल. 33 लेकीन यीशु तरिगकु तान चेलागोळ दी नोळदुन, अदकि पतरस उक दनकुसकु अंदुन, “हे शैतान, नान मुंद टु दुर आग; यतकी नी परमेश्वर उन मात मा ईला, लेकीन मंळसा अन मातगोळ मा मन हचत्या.”

34 \*यीशु भीळ इक तान चेलागोळ सांगुळ हात्ती कारूकु आंदुर से अंदुन, “जो यावारा नान हदि बरोद चाहासतान, आव तान खुद इन इनकार माळुल अदकि आऊक दुख नेगोद बदिदीत अदकि सायोद बदिदीत आवा, तान क्रूस† नेगुकु,

\* 8:28 द:२८ मरकुस ६:१४,१५; लूका ९:७,८    \* 8:29 द:२९ यूहन्ना ६:६८,६९    \* 8:34 द:३४ मत्ती १०:३८; लूका १४:२७    † 8:34 द:३४ क्रूस-दुख इन प्रतिक

नान हृदि आगुल. <sup>35</sup> \*यतकी जो यावारा तान जीव ऊळसोद चाहास्यान आव अदरी खोऊस्यान, लेकीन जो यावारा नान अदकि खुशखबरी इन साटी तान जीव खोऊस्यान, आव अदरी ऊळस्यान. <sup>36</sup> अगर मंळसा पुरा दुनया अक हासलि माळुल अदकि तान जीव इन नुकसान आगगोळुल, रा आऊक येन लाभ आदीत? <sup>37</sup> मंळसा तान जीव इन बदला दा येन कोट्टान? <sup>38</sup> जो यावारा ईद व्यभचारी अदकि पापी जाती इन न्याडया नान से अदकि नान मातगोळ देल लाजुस्यान, ना मंळसा अन पार याग पवतिर स्वरगदूतगोळ सांगुळ तान आप्प उन महिमा अन्द सांगुळ बराईन, आग आव नान से भी लाजुस्यान आंदरी भी ना अपनुसाईन.”

## 9

1 यीशु आऊन से अंदुन, “ना नीम से खरा-खरा अनतीन कि जो ईल नीदुरकु आर, आंदुर दा टु यारारा-यारारा हगि आर, कियोगासताका परमेश्वर उन राज्य अक सामर्थ्य सहति बर्त नोळकोमालुर, आगासताका आंदुर सायतीदील.”

यीशु उन रूप बदलुसोद

(मत्ती १७:१-१३; लूका ९:२८-३६)

2 \*आर दनि इन बाददा यीशु, पतरस, याकूब अदकि यूहन्ना अक सांगुळ हुळदुन, अदकि आबना अन दा ऊंद धोळ्द पहाळी मा ओतुन. अल आंदुर मुंद आऊन रूप बदलुसेत, <sup>3</sup> अदकि आऊन कपळा हगि चमकुसली हतदव अदकि ईल ताका उजुळ आत, कि पृथ्वी मा यातोवारा धोबी भी हांग उजुळ माळ सकालुन. <sup>4</sup> अदकि आंदरी मूसा अन्द सांगुळ एलिय्याह काळसदुन; आंदुर यीशु उन सांगुळ मात माळतोगोर! <sup>5</sup> इदुर मा पतरस यीशु से अंदुन, “हे गुरु, नाम ईल ईरोद वळ्लीसा आद: इदुरसाटी नाव मुर हांदरा माळाता; ऊंद नीन साटी, ऊंद मूसा साटी, अदकि ऊंद एलिय्याह अन्द साटी.” <sup>6</sup> पतरस ईला जानसोन कि येन उत्तर कोळाईन, इदुरसाटी कि आंदुर हापाळ अंजेगीदुर!

7 \*आग ऊंद बादल आंदरी घेरसकोमत्त, अदकि आ बादल दा टु ईद आवाज होळ्त्त, इव नान प्रयि पार हुन, ईऊन केळी. <sup>8</sup> आग आंदुर अचानक नाकु दी नजर माळकु नोळदुर, अदकि यीशु उक बटिकु तान सांगुळ अदकि यारीकु नोळीदील.

9 पहाळी मा टु ईळा होती यीशु आंदरी आग्या कोट्टुन कि यागासताका ना मंळसा अन पार सोत्तुर दा टु जतिता आगालीन, आगासताका जो येनारा नीव नोळीर अद यारीकु हेळबाळेतीर.

10 आंदुर आऊन आग्या अक मान्सदुर; अदकि आपस दा चर्चा माळली हतदुर, “सोत्तुर दा टु जतिता आगोद येन मतलब आद?” <sup>11</sup> \*अदकि आंदुर आऊन से केळदुर, “बाक शास्त्री यती अनतार कि एलिय्याह अन्द पयले बरोद जरूरी आद?”

12 आव आंदरी उत्तर कोट्टुन, “एलिय्याह खराखुरा पयले बंदकु सब येनारा सुधारसली बंदान, लेकीन मंळसा अन पार उन बारा दा ईद येती लिखसकु आद कि आव हापाळ दुख नेगदान, अदकि ठुकरूसकु आदान? <sup>13</sup> लेकीन ना नीम से

\* 8:35 द:३५ मत्ती १०:३९; लूका १७:३३; यूहन्ना १२:२५ \* 9:2 ९:२ २ पतरस १:१७,१८ \* 9:7 ९:७ मत्ती ३:१७; मरकुस १:११; लूका ३:२२ \* 9:11 ९:११ मत्ती ११:१४

अनतीन, की एलयियाह रा होटबंदुन, अदकि जसा आऊन बारा दा लखिसकु आद, आंदुर ह्यांग चाहासदुर हांग अच आऊन सांगुळ माळदुर.”

यीशु दुष्टआत्मा हतकु पार उक चंगा माळदुन  
(मत्ती १७:१४-२१; लूका ९:३७-४३)

14 याग यीशु चेलागोळ हात्ती बंदुन, रा नोळदुन की आंदुरद नाकु दी धोळ्द भीळ हतकु आद, अदकि नयिम इन शास्त्री आंदुर सांगुळ ववाद माळीत्यार.  
15 आऊक नोळतेला अच सप्पा लॉकुर हापाळ आश्चर्य माळली कुरतुर, अदकि ह्यांग आंदुर यीशु उक नोळदुर रा आऊन दी ओळकु आऊक नमस्कार माळदुर. 16 यीशु आ चेलागोळ से केळदुन, “नीव इंदुर से येन बहस माळेतीर?”

17 भीळ दा टु ऊंद मंळसा यीशु उक उत्तर कोट्टुन, “हे गुरु, ना तान पार उक, यारदा मुक्की आत्मा समुस्याद, अदकि आव माताळ सकालुन नीन हात्ती तंददीन. 18 आक आऊक येलयारा भी हुडूतार, अल्या पटकूस बुळतार: अदकि आव बाय दा फेस तरतान, अदकि हल्ल कचतान, अदकि वंळगतेला होगतान. ना नीन चेलागोळ से अंदीन की नीव आ दुष्टआत्मा अक तेगी, लेकीन आंदुर तेगु सकदील.”

19 ईद केळकु यीशु चेलागोळी उत्तर कोटकु अंदुन, “हे अवशिवासी लॉकुरा, ना यागासताका नीम सांगुळ ईराइन? अदकि यागासताका नीमद सहन माळाईन? आ पार उक नान हात्ती तरी.”

20 आग आंदुर आ पार उक आऊन हात्ती तंदुर: अदकि याग आव आऊक नोळदुन, रा अद आत्मा तुरन्त आऊक मुरकुळस्त; अदकि आव जागा मा बदिदुन, अदकि बाय दा टु फेस तेगुतेला गळबळी तनिली कुरतुन.

21 यीशु आऊन आप्प उन से केळदुन, “ईऊंद हगि दशा यागी टु आद?” आव अंदुन, “बचपन टु. 22 आ दुष्टआत्मा ईऊक कोन्नोर साटी यागलु बेक्की दा अदकि यागलु नीर दा केडुकु कोन्नोद कोशशि माळतद; लेकीन अगर नी येनारा माळ सकत्या रा, नाम मा तरस तनिकु नाम सहायता माळ.”

23 यीशु आऊन से अंदुन, “अगर नी माळ सकत्या? रा वशिवास माळ. यतकी वशिवास माळावाळेरे साटी सब येनारा आग सकतद.”

24 पार उन आप्प तुरन्त गळिगळिासकु अंदुन, “हे प्रभु, ना वशिवास माळतीन, लेकीन नान वशिवास काफी हैलेच नांद अवशिवास इन उपाय माळ.”

25 याग यीशु नोळदुन की लॉकुर ओळकु भीळ जमा माळीत्यार, रा आव दुष्टआत्मा अक ईद अनकु दनकुसदुन, “हे मुक्की अदकि दुश्मन दुष्टआत्मा, ना नीनी आग्या कोळतीन, आऊन दा टु होळबुळ, अदकि आऊन दा बाक यागलु प्रवेश माळबाळेत.”

26 आग दुष्टआत्मा चळिलासकु अदकि आऊक हापाळ मुरकुळसकु, होट्ट बुळ्त; अदकि पार सोततुर घाई आगेदुन, ईल ताका की हापाळ लॉकुर अंदुर, “आव सोतोदुन.” 27 लेकीन यीशु आऊन कय हुळकु आऊक येब्सदुन. अदकि आव पार नीदरेदुन.

28 याग यीशु मान्नी बंदुन, रा आऊन चेलागोळ आबना दा आऊन से केळदुर, “नाव आ दुष्टआत्मा अक आ पार उन दा टु यती तेगु सकदील?”



29 आव आंदुर से अंदुन, “ईद प्रार्थना अन्द अलावा अदकि दुसरा उपाय देल होळ सकाल.”

तान सायोद बारा दा यीशु उन मात्त: भवषियवाणी  
(मत्ती १७:२२-२३; लूका ९:४३-४५)

30 बाक यीशु अदकि आऊन चेला अल टु होटक, गलील टु आगूत होगोर. आव ईला चाहासोन की यारीकु भी पता आगुल की ना ईल आईन, 31 यतकी आव तान चेलागोळी उपदेश कोळोन अदकि आंदुर से अनतोगोन, “ना मंळसा अन पार, मंळसा अन कयदेला हुळसुस्कु आगाईन, अदकि आंदुर नानी कोंद बुट्टार; अदकि ना सोतकु मुर दनि इन बाददा जत्तिता आगाईन.”

32 पर ईद मात आंदुरद समझ दा बंददिल, अदकि चेलागोळ यीशु उक केळोर से अंजतोगोर.

सब से धोड्डेव याव?

(मत्ती १८:१-५; लूका ९:४६-४८)

33 बाक आंदुर कफरनहूम दा बंदुर; अदकि मानना दा बंदकु यीशु चेलागोळ से केळदुन, “हादी मा नीव याता मात मा बहस माळीर?”

34 \*लेकीन आंदुर सुंगगा ईत्तुर, यतकी हादी मा आंदुर आपस दा ईद बहस माळीदुर की नाम दा टु धोड्डेव याव आन. 35 \*आग यीशु कुर्तकु हन्नेळ चेलागोळी कारदुन अदकि आंदुर से अंदुन, “अगर यावारा धोड्डेव आगोद चाहासतान, रा आव सब से स्याणेव अदकि सप्पा मुंदुरद सेवक आगुल.” 36 अदकि आव ऊंद पार उक हुळकु आंदुरद न्याड्या दा नीदरूसदुन, अदकि आऊक मोगुल दा हुळकु आंदुर से अंदुन, 37 \*“जो यावारा नान हेसुर देल ईत्ता पारगोळ दा टु यातोवारा ऊंद पार उक ग्रहण माळतान, आव नानी ग्रहण माळतान; अदकि जो यावारा नानी ग्रहण माळतान, आव नानी ईला, लेकीन नानी याव कळ्यान आव आऊक ग्रहण माळतान.”

जो वरिध दा ईरोन, आव पक्ष दा आदुन  
(लूका ९:४९-५०)

38 आग यूहनना यीशु से अंदुन, “हे गुरु, नाव ऊंद मंळसा अक नीन हेसुर देल दुष्टआत्मागोळी तेगुतेला नोळदेव अदकि नाव आऊक मना माळली कुरतेव, यतकी आव नाम समुह दाकळव ईला ईरोन.”

39 यीशु अंदुन, “आऊक मना माळबाळी; यतकी हगि यारू हैलेच जो नान हेसुर देल सामर्थ्य इन क्याल्सा माळुल, अदकि राटनेरी नानी बुरा अन सकुल, 40 \*यतकी आव नाम्द वरिध दा हैलेच, आव नाम्द सांगुळ आन. 41 \*जो यावारा नीमी ऊंद वाटी नीर, इदुरसाटी कुळसुल की नीव मसीह नोर हुईर, रा ना नीम से खरा माताळतीन की आव तान प्रतफिल यातोदारा भी रीर्ता देल खोऊसतदिल.”

\* 9:34 ९:३४ लूका २२:२४ \* 9:35 ९:३५ मत्ती २०:२६,२७; २३:११; मरकुस १०:४३,४४; लूका २२:२६ \* 9:37 ९:३७ मत्ती १०:४०; लूका १०:१६; यूहनना १३:२० \* 9:40 ९:४० मत्ती १२:३०; लूका ११:२३ \* 9:41 ९:४१ मत्ती १०:४२

पाप माळावाळेरी इशारा  
(मत्ती १८:६-९; लूका १७:१-२)

42 “जो यावारा भी स्याणेर दा टु नान मा वशिवास माळतार अदकि आंदरी यारारा ठोकर तनिस्यार रा आऊन साटी वळ्लीद ईद आद कजुंद धोळ्द चक्की इन पट्टा आऊन कुतक्या दा लटकुकु आगुल अदकि आव समुद्र दा हाक्कु आगुल. 43 अगार नीन कय नीन पाप माळोद कारण बनसतद रा वळ्लीद आद कि अदरी कळ्द बुळ. डुण्डा आगकु जीवन दा प्रवेश माळेत, नीन साटी इदुर से भला आद कि येद्व कय ईतकु नी, नरक इन बेक्की दा हाक्कु आद्या जो यागलु नुनाल्द. 44 येल कळ्ळा सायाल्द अदकि बेक्की नुनाल्द. 45 अगार नीन काल पाप माळोद कारण आगुल रा अदरी कळ्द बुळ. लंगळा आगकु जीवन दा प्रवेश माळोद नीन साटी इदुर से वळ्लीद आद कि नी येद्व काल ईतकु नरक दा हाक्कु आद्या! 46 येल कळ्ळा सायाल्द अदकि बेक्की नुनाल्द!”\* 47 अगार नीन कण्ण नीनी ठोकर तनिसतद रा, अदरी तेगुकु भीळ. वळ्लीद आद कि कुद्व आगकु परमेश्वर उन राज्य दा प्रवेश माळ. अपेक्षा इदुर्द कि नी येद्व कण्णगोळ ईतकु नरक दा हाक्कु आद्या! 48 यल कळ्ळा शाय्याल अदकि बेक्की नुनाल्द.”

49 यतकी हर ऊंद मळसा अक बेक्की देल शुद्ध माळकु आदीत? ह्यांग बलदिान उक ऊप्प देल शुद्ध माळकु आगतद?

50 “ऊप्प रा वळ्लीसा आद; लेकीन अगार ऊप्प इन स्वाद ओळेत, रा अदरी मात नमकीन ह्यांग माळीर?”

ताम जीवन इक शुद्ध ईटी, जसा यातोदारा वस्तु ऊप्प देल शुद्ध माळकु आगतद, अदकि आपस दा संगीपना माळकु ईटी अदकि शांती देल ईरी.

## 10

छोळ चट्टी इन बारा दा यीशु उन शकिषा  
(मत्ती १९:१-१२; लूका १६:१८)

1 बाक यीशु अल टु होटकु यहूदिया अन्द प्रदेश टु आगतेला यरदन गांगा अन क्षेत्तर अन्द आपपाटी बंदुन. अदकि भीळ मात्त आऊन हात्ती बंदकु जमा आगेत, अदकि आव तान रीत अन्द अनुसार आंदरी मात्त उपदेश कोळली कुरतुन.

2 आग थ्वाळासा फरीसीगोळ आऊन हात्ती बंदुर अदकि आऊक फसुशोर कोशशि दा आऊन से केळदुर, नामी हेळ “येन ईद नयिम इन अनुसार सही आद कि यावारा मळसा अन साटी ईद उचति आद कि आव तान हगिस् उक छोळ चट्टी कोळुल?”

3 यीशु आंदरी उत्तर कोट्टुन, “मूसा नीमी यातोद नयिम कोटान?”

4 अंदुर यीशु उक अंदुर, मूसा इजाजत कोटान कि ऊंद मळसा छोळचट्टी लखिसकु तान हगिस् उक बळि सकतान.

5 यीशु अंदुर से अंदुन, “मूसा नीम साटी ईद नयिम लखिस्यान यतकी नीमी कलसोद हापाळ मुश्कलि आद. 6 लेकीन ह्यांग शास्त्र दा लखिसकु आद,

\* 9:43 ९:४३ मत्ती ५:३० \* 9:46 ९:४६ ईद वचन हाळोद नयिम दा लखिसकु हेलेच \* 9:47 ९:४७ मत्ती ५:२९ \* 9:50 ९:५० मत्ती ५:१३; लूका १४:३४,३५ \* 10:4 १०:४ मत्ती ५:३१

सुरूवात दा परमेश्वर आंदरी गंळस अदकि आर्त इन रूप दा माळदुन.” 7 ईद कारण देल ऊंद मंळसा तान मोय-आप्प उक बटिकु तान हगिंस उन सांगुळ ईततान. 8 अदकि आंदुर येदुदु मुंदुर ऊंद तन आदार; इदुरसाटी आंदुर ईग येदुदु ईला पर ऊंद तन आर. 9 इदुरसाटी आंदुर ईग येदुदु ईला, लेकीन ऊंद तन आर. इदुरसाटी यारीक परमेश्वर जोळस्यान, अदरी यावारा भी मंळसा अलग माळबाळुल.

10 याग आंदुर बाक मान्या वापस बंदुर आग चेलागोळ इदुर बारा दा यीशु उक मातत केळदुर. 11 \*आव आंदुर से अंदुन, ऊंद मंळसा जो तान पयला हगिंस उक छोळ चट्टी कोळतान अदकि दुसरा आर्त इन से मदा माळतान, रा आव तान पयला हगिंस उन खलिाप व्यभचार माळतान. 12 अदुरदा घाई, ऊंद आर्त तान गांडड उक छोळ चट्टी कोळतार, अदकि दुसरा मंळसा से मदा माळतार रा आक तान पयला गांडड उन खलिाप व्यभचार माळतार.

यीशु उन चकिोरगोळी आशरिवाद

(मत्ती १९:१३-१५; लूका १८:१५-१७)

13 बाक लॉकुर चकिोरी यीशु उन हात्ती तरली कुरतुर का आव आंदुर मा कय ईटुल, पर चेलागोळ लॉकुरी दनकुसदुर. 14 याग यीशु ईद नोळदुन रा सट्टी बंदुन अदकि तान चेलागोळ से अंदुन, “चकिोरी नान हात्ती बरगोळी आंदरी मना माळबाळी, यतकी परमेश्वर उन राज्य इंदुरदा हुन. 15 \*ना नीम से खरा अनतीन कजो यावारा परमेश्वर उन राज्य चकिोर घाई हासलि माळालुन, रा आव परमेश्वर उन राज्य दा यागलु उच दाखल आग सकालुन.” 16 आग यीशु आ चकिोरी क्वारा दा हुळदुन, अदकि आंदुर मा तान कय ईटकु आंदरी आशरिवाद कोट्टुन.

धनी मंळसा

(मत्ती १९:१६-३०; लूका १८:१८-३०)

17 याग यीशु अल टु होटकु हादी मा टु होगोन, रा ऊंद मंळसा आऊन हात्ती ओळतेला बंदुन, अदकि आऊन मुंद ट्वांगारा टेक्सकु आऊन से केळदुन, “हे वळ्लेव गुरु, अनन्त जीवन हासलि माळोर साटी नानी येन माळोद बदिदीत?”

18 यीशु आ धनी मंळसा से अंदुन, “नी नानी वळ्लेव येती अनतुया? परमेश्वर उन अलावा यारू वळ्लेव हैलेच. 19 नी परमेश्वर उन आग्यागोळी जानसतुया: ‘यारीकु कोनन बाळी, व्यभचार माळबाळी, चोरी माळबाळी, यारदारा खलिाप ख्वाटा गवाही कोळबाळी, बयमानी माळबाळी, तान आप्प अदकि तान मोय इन आदर माळी.’”

20 आ मंळसा यीशु से अंदुन, “हे गुरु, ना रा स्याणपणी टु ईव सप्पा मातगोळ्द पालन माळतेला बंदीन.”

21 यीशु आऊक प्यार देल नोळदुन अदकि अंदुन, “नीन दा ईग भी ऊंद मात इन कमी आद जो येनारा नीन हात्ती आद, अदरी मारकु अव पैस्या गरीब लॉकुर दा वाट्स बुळ. नीनी स्वर्ग दा धन सक्कीत, अदकि बंदकु नान हदि आगेग.”

22 याग आ मंळसा ई मातगोळी केळदुन रा आऊन मार्रा अनंद नीर हारेत अदकि आव उदास आगेदुन, यतकी आव हापाळ धनी ईरोन.

23 यीशु नाकु दी नोळकु तान चेलागोळ से अंदुन, “आ लॉकुर साटी, यार्द हात्ती धन आद, आंदरी परमेश्वर उन राज्ज्य दा प्रवेश माळोद याट कठनि आद!”

24 चेलागोळ आऊन मातगोळ देल अचम्भति आदुर. इदुर मा यीशु मात्त आंदरी अंदुन, “हे चकिरगोळा, जो धन मा भरोसा ईटतार, आंदुर साटी परमेश्वर उन राज्ज्य दा प्रवेश माळोद याट कठनि आद! 25 परमेश्वर उन राज्ज्य दा धनवान उन प्रवेश माळदुर देल ऊँट इन मुग्ग दा टु चुजी होटबुळोद आसान आद!”

26 इदुर मा चेलागोळ हापाळ चकति आगेदुर अदकि आवुर दाबुर से केळली कुरतुर, “रा बाक यार्द उद्धार आग सकतद?”

27 यीशु आंदुर दी नोळकु अंदुन, “ईद मंळसागोळ साटी असंभव आद, लेकीन परमेश्वर उन साटी सब येनारा सम्भव आद; यतकी परमेश्वर से सब येनारा आग सकतद.”

28 आग पतरस यीशु उक अनली कुरतुन, “नोळ, नाव रा सप्पा येनारा बटिकु नीन हदि आगेगेव.”

29 यीशु अंदुन, “ना नीम से खरा अनेतीन का हगि यारू हौलेच, जो नान साटी अदकि खुशखबरी इन साटी मानना या वार्दुरी या आकतींगेरी या मोय या आप्प या चकिर-चळिगेर या केईगोळी बटि बुटीदान, 30 ई वर्तमान युग दा यक्कुल हापाळ हासलि माळ्यार. आंदुर सौ गुणा यक्कुल मानना, वार्दुर, आकतींगेर, मोयगोळ, चकिर अदकि केईगोळी हासलि माळ्यार. अदकि अऊर सांगुळ हापाळ दुखगोळी भी, अदकि बरावाळा युग दा आंदुर अनन्त जीवन हासलि माळ्यार. 31 पर हापाळ सा लॉकुर जो पयला आर, आंदुर हदिळोर आदार; अदकि जो हदिळोर आर, आंदुर पयला आदार.”

तान सायोद बारा दा यीशु उन तसिरा भवषियवाणी

(मत्ती २०:१७-१९; लूका १८:३१-३४)

32 यीशु अदकि आऊन चेलागोळ ईग यरूशलेम इक होगोद हादी मा ईरोर. यीशु तान चेलागोळ से मुंद-मुंद होगोन, चेलागोळ घबरूसकु ईरोर अदकि जो लॉकुर आऊन हदि-हदि नळोर आंदुर अंजकु ईरोर. ऊंद घन मात्त यीशु तान हन्नेळ चेलागोळी अलग वोटकु आंदुर से अव मातगोळी अनली कुरतुन, जो आऊन सांगुळ आगव ईरव. 33 आव आंदुर से अंदुन, “केळी, नाव यरूशलेम इक होगेतेव, अदकि मंळसा अन पार प्रधान याजकगोळ अदकि नयिम उन शासत्रीगोळ कय दा कोटकु आदान, अदकि आंदुर आऊक कोननोर साटी आऊन मा दोष हच्यार, अदकि आंदुर आऊक गैरयहूदीगोळ कय दा कोट्टार. 34 आंदुर आऊन मज्याक हारस्यार, आऊन मा ऊगळ्यार, आऊक क्वाळागोळ देल बळदार, आऊक जान देल कोद बुट्टार, अदकि मुर दनि इन बाद्दा आव जत्तिता आदान.”

याकूब अदकि यूहन्ना अनंद वनिती

(मत्ती २०:२०-२८)

35 आग जबदी इन पार याकूब अदकि यूहन्ना यीशु उन हात्ती बंदुर अदकि अंदुर, “हे गुरु, नाव चाहासतेव क्ति जो येनारा नाव नीन से बेळेव, अद नी नाम साटी माळेत.”

36 यीशु आंदुर से अंदुन, “नीव येन चाहासतीर क्ति ना नीम साटी माळाईन?”

37 आंदुर यीशु से अंदुर, “नामी ईद अधिकार कोळ क्ति नीन महमा दा याग नी सहासन मा कुरत्या, रा नाव चाहासतेव क्ति नाम दा टु ऊंद नीन ऊमा कय दी अदकि दुसरा अपमान डाक्या कय दी कूरुल.”

38 प्लेकीन यीशु आंदुर से अंदुन, “नीव जान्सालीर क्ति नीव येन बेळेतीर. जो दुख इन प्याला ना कुडावाळा आईन, येन नीव कुडू सकतीर? अदकि जो बपतस्मा ना ताकोमावाळा आईन येन नीव ताकोम सकतीर?”

39 आंदुर आऊन से अंदुर, “नाम से आग सकतद.” यीशु आंदुर से अंदुन, जो दुख इन प्याला ना कुडावाळा आईन,

नीव कुळदीर अदकि जो बपतस्मा ना ताकोमावाळा आईन अदरी ताकोडीर. 40 लेकीन नान अधिकार दा ईलच क्ति याव नान ऊमा कय दी अदकि डाक्या कय दी कुरतान. परमेश्वर यार साटी ईद तयार माळदुन, आंदरी बटिकु अदकि यारीकु तान ऊमा कय दी अदकि तान डाक्या कय दी कुरसोद नान क्याल्सा आलच.

41 दुसरा हत्त चेलागोळ ईद केळदुर रा आंदुर याकूब अदकि यूहन्ना देल नाराज आदुर! 42 इदुरसाटी यीशु आ सप्पा मुंदरी हात्ती कारूकु आंदुर से अंदुन, नीव जान्सालीर क्ति जो गैर यहूदीगोळव शासक समस्तार इंदुर आंदुर मा प्रभुता माळतार; अदकि आंदुरदा जो धोड्डेर आर, आंदुर मा अधिकार जतुसतार, ईद नीव जान्सालीर. 43 पर नीम दा हगि हैलेच, जो यावारा नीम दा धोड्डेव आगोद चाहासतान, रा नीमी बाकी लॉकुरद सेवक आग पायजे; 44 अदकि जो यावारा नीम दा प्रधान आगोद चाहासतान, आव नीम सप्पा मुंदुर दास आगुल. 45 यतकी ना मंळसा अन पार इदुरसाटी बंदर्दिल क्ति नान स्यावा माळुल, पर ना इदुरसाटी बंदीन क्ति नीमद सप्पा मुंदुरद स्यावा माळाईन, अदकि लॉकुर अव पापगोळ छुटकारा अन्द साटी तान जीवन कोळ सकाईन!

कुद्व बरतमाई इक कण्ण इन ज्योत कोळोद  
(मत्ती २०:२९-३४; लूका १८:३५-४३)

46 बाक यीशु अदकि आऊन चेलागोळ यरीहो दा बंदुर, अदकि याग आव अदकि आऊन चेलागोळ ऊंद धोळ्द भीळ इन सांगुळ यरीहो दा टु होगोर, आग ऊंद कुद्व भखारी, यार्द हेसुर तमाई नव पार बरतमाई ईरोद, सळक इन कनारा मा कुरतकु ईरोन. 47 आव ईद केळकु क्ति यीशु नासरी हुन, कारू-कारूकु अनली कुरतुन, “हे दाऊद उन पारा यीशु नान मा दया माळ!”

48 आग हापाळ मुंदुर आऊक दनकुसदुर क्ति सुंगा ईर. पर आव यक्कुल जोर देल कारूली कुरतुन, “हे दाऊद उन पारा नान मा दया माळ!”

49 आग यीशु नदिरकु अंदुन, “आऊक कारी.” अदकि लॉकुर आ कुद्व मंळसा अक कारूकु आऊन से अंदुर.

हमिमत ईट, येळ! आव नीनी कारेतयान!

50 आव तान कपळा भटिकु तुरन्त येद्दुन, अदकि यीशु उन हात्ती बंदुन.

51 इदुर मा यीशु आऊन से अंदुन, “नी येन चाहासत्या का ना नीन साटी माळाईन?”

कुदढ मंळसा आऊन से अंदुन, “हे गुरु, ना पयले घाई नोळोद चाहासतीन.”

52 यीशु आऊन से अंदुन, “होटोग, नीन वशिवास नीनी वळ्ळीद माळबुटाद.”

आव तुरन्त नोळली कुरतुन, अदकि हादी मा आऊन हदि आगोदुन.

## 11

यरूशलेम दा वजिय-प्रवेश

(मत्ती २१:१-११; लूका १९:२८-४०; यूहन्ना १२:१२-१९)

1 बाक याग आंदुर यरूशलेम इन हात्ती, जैतून पहाळी मा बैतफगे अदकि बैतनयियाह अन्द हात्ती बंदुर रा यीशु तान चेलागोळ दा टु येदढ मुंदरी ईद सुझाव कोटकु कळुदुन, 2 “का मुंदळोद ऊर दा होगी, अदकि अदुर दा पोहचुसतेला अच ऊंद गधा अन पाड्डा, अदुर मा यागलु यारू कुरतीदील, अद नीमी कटकु सक्कीत. अदरी बटिकु तरी. 3 अगर नीम से यारारा केळ्यार, ईद येती माळतीर?” रा अनेतीर, प्रभु उक इदुरद जरवत आद, अदकि आव तुरन्त अदरी बाक ईल वापस कळु बुटान.”

4 आंदुर होगकु आ गधा अन पाड्डा अक व्हार्या द्वारा इन हात्ती चौक दा कटकु नोळदुर, अदकि अदरी बळिली कुरतुर. 5 थ्वाळासा लॉकुर जो अल नीदुरकु ईरोर, यारारा यारारा अनली कुरतुर, ईद येन माळेतीर, गधा अन पाड्डा अक येतरी बळिलीर?

6 अदकि यीशु ह्यांग हेळीदुन आंदुर हांग अच आंदुर से अंद बुटुर; आग लॉकुर आंदरी आ पाड्डा अक वोयगोटुर. 7 आंदुर पाड्डा अक यीशु उन हात्ती तनकु अदुर मा तान कपळा हाकदुर अदकि यीशु अदुर मा कुरतुन. 8 आग हापाळ सा लॉकुर तान कपळा हादी मा हासदुर अदकि हापाळ मुंदुर केईगोळ दा टु खजुर इन डगाली कळ-कळकु हादी मा हासदुर. 9 जो आऊन मुंद-मुंद होगोर अदकि जो हदि-हदि नळुतेला बरोर, कारू-कारूकु अनतेला होगतोगोर, “परमेश्वर उन स्तुती आगुल! जो प्रभु उन हेसुर देल बरतान! 10 नाम आप्प दाऊद उन बरावाळा राज्य इक परमेश्वर आशीष कोळुल अदकि परमेश्वर उन स्तुती आगुल!”

11 यीशु यरूशलेम पोहचुसकु मंदिर दा बंदुन; अदकि नाकु दी सप्पा वस्तुगोळी नोळकु हन्नेळ चेलागोळ सांगुळ बैतनयियाह होदुन, यतकी द्याव मुळकेगीत.

यीशु अंजीर इन मार्र इक श्राप कोट्टुन

(मत्ती २१:१८-१९)

12 दुसरा दशी याग यीशु अदकि आऊन चेलागोळ बैतनयियाह टु वापस बरोर रा आऊक हसु हत्त. 13 अदकि याल्ला देल तुमकु ऊंद अंजीर इन मार्र इक दुर टु नोळकु, यीशु अदुर हात्ती होदुन का अल येनारा तनिली सक्केदति. अल पोहचुसकु याल्ला गोळी बटिकु अदकि येनु ईला ईरोद, यतकी काय हत्तोद मौसम ईला ईरोद.

14 आग यीशु आ मार्र से अंदुन, “ईगी टु यारू नींद काय यागलु तनितीदील.” अदकि आऊन चेलागोळ केळेर.

यीशु मंदरि इन शुद्धीकरण माळदुन

(मत्ती २१:१२-१७; लूका १९:४५-४८; यूहन्ना २:१३-२२)

15 बाक यीशु यरूशलेम दा बंदुन अदकि आव मंदरि दा होगकु अल लेन-देन माळावाळेरी तेगुली कुरतुन, अदकि सावकारगोळ्द पांळ्सी अदकि कबूतर मारावाळेर्द चौकीगोळी ऊलटुसदुन; 16 अदकि आव यारीकु भी मंदरि दा टु आगकु सामान वयोद आग्या कोटीदील. 17 अदकि आव आंदरी उपदेश कोळली कुरतुन, “येन ईद शास्त्र दा लखिसकु हैलेच, ‘कानांद मानना सप्पा राष्ट्र अन साटी प्रार्थना अन्द मानना कहलुसीत?’ पर नीव अदरी डाकूगोळ्द हड्डा माळकु ईटीर.”

18 प्रधान याजकगोळ अदकि नयिम इन गुरुगोळ ईद केळदुर, रा आंदुर यीशु उक कोन्नोर साटी मवका ढुंढसली कुरतुर, यतकी आंदुर आऊन से अंजतोगोर, इदुरसाटी क सप्पा लॉकुर आऊन उपदेश देल चकति ईरोर.

19 अदकि द्यावगा आगतेला अच, यीशु अदकि आऊन चेला नगर टु व्हार्या होटोदुर.

वंळगीद अंजीर इन मार्र टु शिक्षा

(मत्ती २१:२०-२२)

20 बाक दुसरा दशी व्हातर्या का याग आंदुर हादी मा टु होगोर रा आ अंजीर इन मार्र इक म्याकुच टु जळ ताका वंळगीद नोळदुर. 21 पतरस उक अद मात याद बतत, अदकि आव यीशु से अंदुन, “हे गुरु, नोळ! ईद अंजीर इन मार्र यदरी नी शराप कोटीद, वंळगेग्याद.”

22 यीशु आंदरी उत्तर कोट्टुन, “परमेश्वर मा वशिवास ईटी. 23 \*ना नीम से खरा अनतीन की जो यावारा ई पहाळी से अंदान, ‘नी अल टु कतितेग, अदकि समुद्र दा होगकु बळि,’ अदकि तान मन दा संक्या ईट बाळुल, लेकीन वशिवास माळुल की जो अनतीन अद आगेदीत, रा आऊन साठी हांग अच आदीन. 24 इदुरसाटी ना नीम से अनतीन, की जो येनारा नीव प्रार्थना माळकु बेळीर, रा वशिवास माळकोमी की अद नीमी सकिकेत, अदकि अद नीमद आगेत. 25 \*अदकि याग यागलु नीव नीदुरकु प्रार्थना माळतीर रा अगर नीम मन दा यारदारा प्रती येनारा वरिध आद, रा माफ माळी, इदुरसाटी की नीम स्वर्गीय आप्प परमेश्वर भी नमिोव अपराध माफ माळुल. 26 \*अदकि अगर नीव माफ माळतीदील रा नीम आप्प भी जो स्वर्ग दा आन नीम अपराध माफ ईला माळ्यान.”

यीशु उन अधकारि मा प्रश्न

(मत्ती २१:२३-२७; लूका २०:१-८)

27 आंदुर मात्त ऊंद घन यरूशलेम दा बंदुर, अदकि याग यीशु मंदरि दा वयाळोन रा प्रधान याजक अदकि नयिम इन गुरु अदकि स्याणागोळ

\* 11:23 ११:२३ मत्ती १७:२०; १ कुरन्थि १३:२  
११:२६ ईद वचन हाळोद नयिम दा हैलेच

\* 11:25 ११:२५ मत्ती ६:१६,१५

\* 11:26

आऊन हात्ती बंदकु केळली कुरतुर, 28 “नी ईद क्याल्सा याता अधिकार देल माळत्या? अदकि ईद अधिकार नीनी याव कोटान कि नी ईद क्याल्सा माळत्या?”

29 यीशु आंदुर से अंदुन, “ना भी नीम से ऊंद प्रश्न केळतीन; नानी उत्तर कोळी रा ना नीमी हेळाईन कि ना ईद क्याल्सा यातोद अधिकार देल माळतीन. 30 यूहन्ना अक वपतसिमा कोळोद अधिकार स्वर्ग इन दी टु ईरोद या मंळसागोळ दी टु ईरोद. नानी उत्तर कोळी.”

31 आग आंदुर आपस दा मातगोळ माळली कुरतुर कि अगर नाव अंदेव स्वर्ग इन दी टु, रा आव अंदान, बाक नीव यूहन्ना मा वशिवास येती माळीदील? 32 अदकि अगर नाव अंदेव, मंळसागोळ दी टु, रा लॉकुर नाम मा अच सट्टि माळ्यार आंदुर नयिम इन गुरु लॉकुर से हापाळ अंजतोगोर यतकी सप्पा लॉक ईद मानसोर कि यूहन्ना वास्तव दा ऊंद भवषियवक्ता आन.

33 इदुरसाटी आंदुर यीशु उक उत्तर कोट्टुर, “नाव जानसालेव.” यीशु आंदुर से अंदुन, “ना भी नीमी हेळालीन कि ईद क्याल्सा ना याता अधिकार देल माळतीन.”

## 12

ट्याका देल कोळ्द अंगुर इन केई इन उदाहरण  
(मत्ती २१:३३-४६; लूका २०:९-१९)

1 बाक यीशु उदाहरणगोळ दा आंदुर से मात माळली कुरतुन; ऊंद घन ऊंद मंळसा ईरोन याव ऊंद अंगुर इन केई हचदुन, अदकि बेली इन नाकु दी ज्वाळा कटदुन, अदकि रास्सा अनूद गडडा अगुळदुन, अदकि मचान माळदुन; अदकि दुसरा केईवाळेरी आ अंगुर इन केई अनूद ट्याका कोटकु दुसरा द्याश दा होटोदुन. 2 बाक काय इन मौसम दा आव केईवाळेर हात्ती ऊंद दास उक कळुदुन, कि आ केईवाळेर से अंगुर इन केई इन फसल इन हसिंसा ताकोमुल. 3 लेकीन आंदुर आ दास उक हुळकु बळदुर अदकि आऊक खाली कय कळु बुटुर! 4 मालकि मातत ऊंद दास उक आंदुर हात्ती कळुदुन; आंदुर आऊन ताल्ला ओळ्द बुटुर अदकि आऊन अपमान माळदुर! 5 बाक मालकि ऊंद दास उक अदकि कळुदुन; आंदुर आऊक कोंद बुटुर. अदकि आंदुर हापाळ लॉकुर सांगुळ हांगा व्यवहार माळदुर, आंदुर दा टु आंदुर यारीकारा बळदुर, अदकि यारीकारा कोंद बुटुर! 6 ईग ऊंदा ईरोन, जो आऊन प्रयि पार ईरोन; आखरी दा आव आऊक भी आंदुर हात्ती ईद सोचकु कळुदुन कि आंदुर नान पार उन आदर माळ्यार. 7 लेकीन आ केईवाळेर आबुर दाबुर से अंदुर, ईवा रा वारीस हुन; बरी, नाव ईऊक कोंद बुळाता, अदकि आऊन धन दौलत नाम्द आदीत! 8 इदुरसाटी आंदुर आ पार उक हुळ कोंडुर अदकि आऊक कोंद बुटुर, अदकि अंगुर इन केई इन व्हार्या भीट बुटुर!

9 इदुर मा यीशु से केळदुर अंगुर इन केई इन “स्वामी येन माळ्यान? आव बंदकु केईवाळेर्द नाश माळ्यान अदकि अंगुर इन केई दुसरा अक कोट बुटान.”

10 येन नीव शास्त्र दा ईद वचन वाचुसीदील:

“याता कल्ल इक कारीगरीगोळ बेकार मान्सीदुर,



अदा क्वाना अन्द महत्वपुरण कल्ल बनसेत;

11 ईद प्रभु अन्द दी टु आत,

अदकि नाम नजर दा अदभुत आद.”

12 आग नयिम इन गुरुगोळ आऊक हुडोद चाहासदुर; यतकी समसेगदुरि क् यीशु नाम वरिध दा ईद उदाहरण अंदान. लेकीन आंदुर लॉकुर से अंजोर, अदकि आऊक बटिकु होटोदुर.

सरकार उक कर कोळोद

(मत्ती २२:१५-२२; लूका २०:२०-२६)

13 आग आंदुर आऊक मातगोळ दा फसुसोरसाटी येनारा फरीसीगोळ अदकि हेरोदेस राजा अन्द पक्ष इन येनारा लॉकुरी यीशु उन हात्ती कळुदुर. 14 अदकि आंदुर बंदकु आऊन से अंदुर, “हे गुरु, नाव जान्सतेव, क् नी खरा आय, अदकि यारदु परवा माळाल; यतकी नी मंळसागोळ्द बाय नोळकु मात माळाल, लेकीन परमेश्वर उन खरा हादी कल्सत्या! रा येन सरकार उक कर कोळोद उचति आद का ईला?”

15 आव आंदुरद कपट जान्सकु आंदुर से अंदुन, “नानी येती फसुसोद कोशशि माळेतीर? ऊंद दीनार नान हात्ती तरी, क् ना अदरी नोळाईन.”

16 आंदुर ऊंद चाँदी इन सक्का आऊन हात्ती तंदुर, अदकि आव आंदुर से अंदुन, “ईद छाप अदकि हेसुर यारद हुन?”

आंदुर अंदुर, “रोमन राजा अन्द हुन.”

17 अदकि यीशु आंदुर से अंदुन, “जो रोमन राजा अन्द हुन अद रोमन राजा अक कोळी, अदकि जो परमेश्वर उन आद अद परमेश्वर उक कोळी.”

अदकि आंदुर यीशु नव मात केळकु चकति आगेदुर.

दुबारा मात्त मदा माळोद

(मत्ती २२:२३-३३; लूका २०:२७-४०)

18 \*बाक सद्कीगोळ भी, जो अनतार क् सोत्त मंळसागोळ्द जतिता आगोद हई हैलेच, यीशु उन हात्ती बंदकु आऊन से केळ कुरतुर, 19 आंदुर अंदुर, “हे गुरु, आंदुर यीशु उक अंदुर, मूसा इजाजत कोटान क् ऊंद मंळसा छोळ चट्ठी लखिसकु तान हगिस् उक तलाक कोळ सकतान. नाम साटी लखिस्यान क् अगर यारदारा वार्ट बनि औलाद पैदा माळ्त्त सोतोदान अदकि आऊनोर हगिस् ईतोदार, रा आऊन वार्ट आऊन हगिस् उन से मदा माळ कोमुल, अदकि तान वार्ट उन साठी वंश पैदा माळुल. 20 ऊंद जागा दा येळ वार्टुर ईरोर. पयला वार्ट मदा माळकु बनि औलाद सोतोदुन; 21 आग दुसरा वार्ट आ आर्त्त से मदा माळ कोडुन अदकि आव भी बनि औलाद सोतोदुन; अदकि हांग अच तसिरा भी माळदुन. 22 अदकि येळु वार्टुरद ऊंद भी औलाद आगीदील. सप्पा मुंदुर हदि आ आर्त्त भी सोतोदुर. 23 इदुरसाटी पुनरूत्थान आगदुर बाद्दा आक आंदुर दा टु यारोर हगिस् आदार? यतकी आक रा येळु मुंदुर हगिस् आगेगीदुर.”

24 यीशु आंदुर से अंदुन, “नीव रा शास्त्र अक जानसतीर, अदकि ना ही परमेश्वर उन सामर्थ्य इक इदुरसाटी नीव गलती माळतीर? 25 यतकी याग

आंदुर सोत्तुर दा टु जतिता आदार, रा आंदुर ना मदा माळ्यार अदकि ना मदा दा कोटक आदार, लेकीन स्वरग दा स्वरगदूतगोळ घाई आदार. <sup>26</sup> सोत्तुर दा टु जतिता आगोद बारा दा येन नीव मूसा अन्द कतिब दा होत्त झाळी इन कात्ता दा वाचुसीदील कि परमेश्वर आऊन से अंदुन, 'ना अब्राहम उन परमेश्वर, अदकि इसहाक उन परमेश्वर, अदकि याकूब उन परमेश्वर हुईन?' <sup>27</sup> परमेश्वर जो सोत्तुर आंदुरव ईला उलटा जतितागोळोव परमेश्वर हुन; इदुरसाटी नीव पुरा पुरा तरीका देल ख्वाटा आईर."

सब से धोळद आग्या

(मत्ती २२:३४-४०; लूका १०:२५-२८)

<sup>28</sup> आग शास्त्रीगोळ दा टु ऊंद बंदकु आंदरी वविाद माळत केळदुन, अदकि ईद जानसकु कि यीशु सदूकीगोळी वळ्लीद रीत देल उत्तर कोट्टुन, आऊन से केळदुन, "सब से मुख्य आग्या यातोद आद?"

<sup>29</sup> यीशु आऊक उत्तर कोट्टुन, सब आग्यागोळ दा टु ईद मुख्य आद: "हे इस्त्राएल इन लॉकुरा केळी! प्रभु नामव परमेश्वर ऊंदा प्रभु आन, <sup>30</sup> अदकि नी प्रभु तान परमेश्वर से तान पुरा मन देल, अदकि तान पुरा जीव देल, अदकि तान पुरा बुद्धी देल, अदकि तान पुरा ताकत देल प्यार ईटेट." <sup>31</sup> अदकि दुसरा आग्या ईद आद, "नी तान मान्ना हातळोर से तांदा घाई प्यार ईटेट. ईव यदूद आग्यागोळी बटिकु दुसरा यातु धोळद आग्या ईलच."

<sup>32</sup> नयिमगोळ गुरु यीशु से अंदुन, "हे गुरु," हापाळ वळ्लीद! नी खरा अन्द कि परमेश्वर ऊंदा आन, अदकि आऊक बटिकु अदकि याऊ दुसरा परमेश्वर हॅलेच. <sup>33</sup> अदकि आऊन से पुरा मन, अदकि पुरा बुद्धी, अदकि पुरा जीव, अदकि पुरा ताकत देल प्यार ईटेट; अदकि बाजुवाळेर से तान घाई प्यार ईटेट, पुरा अग्नि-बलगोळद अदकि पशु-बलगोळ से यक्कुल आद.

<sup>34</sup> याग यीशु नोळदुन कि आव समझदारी देल उत्तर कोट्टुन, रा आऊन से अंदुन, "नी परमेश्वर उन राज्य टु दुर हॅलेच."

अदकि यारीकु बाक आऊन से येनु केळोद हम्मिमत आगीदील.

मसीह दाऊद उन पार हुन?

(मत्ती २२:४१-४६; लूका २०:४१-४४)

<sup>35</sup> बाक यीशु मंदरि दा उपदेश माळतेला ईद अंदुन, "नयिम इन गुरुगोळ अंदुर कि मसीह ह्यांग दाऊद उन औलाद आग सकतान?" <sup>36</sup> दाऊद तान पवतिर आत्मा अन्द सामर्थ्य देल हगि अंदुन:

प्रभु परमेश्वर नान प्रभु से अंदुन,

"नान ऊमा कय मा कूरल,

यागासताका किना नीनोर दुश्मनगोळी अपमान काल दशी तरालनि."

<sup>37</sup> दाऊद रा खुद अच आऊक प्रभु अनतान, बाक आव आऊन पार ह्यांग आदुन?

नयिम इन गुरुगोळ से सावधान ईरी

(मत्ती २३:१-३६; लूका २०:४५-४७)

अदकि भीळ दाकळोर लॉकुर आऊंद मात खुशी देल केळतोगोर. 38 यीशु तान उपदेश दा आंदुर से अंदुन, “शास्त्रीगोळ से सावधान ईरी, सम्मान सक्किकोर साटी आंदुर ऊदद-ऊदद चवांगा हाक्कु वयाळतार अदकि सात्तागोळ दा खुद इक नमस्कार माळसुसोद आंदरी वळ्लीद हततद. 39 अदकि यहूदी लॉकुरद सभागूहगोळ दा मुख्य आसन अदकि भोज दा मुख्य जागा भी चाहास्तार. 40 आंदुर रांड्यागोळद माननागोळ इक तदि बुळतार, अदकि लॉकुरी दखावा साटी हापाळ होत्त ताका प्रार्थना माळतेला ईरतार. इंदरी यक्कुल से यक्कुल दण्ड सक्कीत.”

कंगाल रांड्या अन्द दान  
(लूका २१:१-४)

41 यीशु मंदरि इन दानपेटी इन मुंद कुरतकु नोळतोगोन का लॉकुर मंदरि इन दानपेटी दा याता प्रकार देल पैस्या हाकतार; अदकि यक्कुल पैस्यावाळेर लॉकुर भी हापाळ येनारा हाकदुर. 42 इदुर दा ऊंद कंगाल रांड्यागीत बंदकु तांबा अन्द येदद स्याण-स्याणव सक्का हाकदुर यदुर कमित ईतु आतुदु ऊंद पैस्या अन्द बराबर ईतीदाद, हाकदुर. 43 आग यीशु तान चेलागोळी हात्ती कारूकु आंदुर से अंदुन, “ना नीम से खरा खरा अनतीन, का मंदरि इन दानपेटी दा हाक्कावाळेर दा टु ई कंगाल रांड्यागीत सप्पा मुंदुर से यक्कुल हाकदुर; 44 यतकी सप्पा मुंदुर तान बळोतरी दा टु हाक्यार, लेकीन इक तांद कमी दा टु जो येनारा आकनि ईरोद, इदुर मतलब तांद पुरा जीवका हाक्क बुटार.”

## 13

मंदरि इन वनाश इन भवषियवाणी  
(मत्ती २४:१-२; लूका २१:५-६)

1 याग यीशु मंदरि टु होळोन, रा आऊन चेलागोळ दा टु ऊंद चेला आऊन से अंदुन, “हे गुरु, नोळ, ह्यांग धोड्डेव कल्ल अदकि ह्यांग भव्य भवन आव!”

2 यीशु आऊन से अंदुन, “येन नीव इव धोड्डेव-धोड्डेव भवन नोळतीर: ईल कल्ल मा कल्ल भी ऊळ्दकु ईरतीदील जो ढाऊस्कु आगतीदील.”

यीशु परेशानी अदकि सताव इन बारा दा हेळदुन  
(मत्ती २४:३-१४; लूका २१:७-१९)

3 याग यीशु जैतून इन पहाळ मा मंदरि इन मुंद कुरतकु ईरोन, रा पतरस अदकि याकूब अदकि यूहन्ना अदकि अन्दरयास अलग होगकु आऊन से केळदुर, 4 “नामी हेळ का ईव मात याग आदव? अदकि याग ईव सब मात पुरा आग्त होदव आ समय इन येन चनिह ईत्तीत?”

5 यीशु आंदुर से अनली कुरतुन, सावधान ईरी का यारू नीमी भरमुस बाळुल. 6 अनेक नान हेसुर देल ईद अनतेला बंदार, “ना मसीह हुईन!” अदकि आंदुर हापाळ मुंदरी भरमुस्यार. 7 याग नीव लळाईगोळ मातचीत केळीर अदकि लळाईगोळद बारा दा अफवाह केळीर, रा घबरूस बाळोतीर; यतकी अव मातगोळद ईरोद जरूरी आद, लेकीन आ समय दा अन्त आगतीदील. 8 यतकी

दयाश मा दयाश, अदकि राज्य मा राज्य चढाई माळ्यार. हर जागा दा भूकम्प आदव, अदकि अकाल बदिदव. ईद रा भयानक दुख इन सुरूवात आदीत.

9 \*लेकीन नीव तान बारा दा सावधान ईरी; यतकी लॉकुर नीमी महासभागोळ दा सोपस्यार अदकि नीव पंचायतगोळ दा बळ्सकोंडीर, अदकि नान कारण न्यायाधीशगोळ अदकि राजागोळ मुंद नदिरूसकु आदीर, ताकी नीम साटी खुशखबरी केळसोर साटी मौका आदीत.” 10 पर जरूरी आद क्पयला खुशखबरी सब जातीगोळदा प्रचार माळकु आगुल. 11 याग आंदुर नीमी हुळकु न्यायालय दा ओतार, रा पयले टु चति माळबाळेतीर क्नाव येन अंदेव; पर जो येनारा नीमी आटोटीका हेळकु आदीत अदा अनेतीर; यतकी अनावाळेर नीव आलच, लेकीन पवतिर आत्मा हुन. 12 वार्ट उक वार्ट ध्वाका कोट्टान, अदकि आप्प तान पार उक कोनोर साटी नदिर्यान, अदकि पार तान आप्प उक बडोर साटी नदिर्यान अदकि चकिोर तान मोय आप्पुर खलिाप यदकु आंदरी कोन्सुस बुट्टार. 13 \*अदकि नान हेसुर इन कारण पुरा लॉकुर नीम से दुश्मनी माळ्यार; लेकीन जो आखरी ताका आऊन मा वशिवास ईट्यार, आंदुरदा उद्धार आदीत.

महासंकट-काल

(मत्ती २४:१५-२८; लूका २१:२०-२४)

14 लेकीन याग नीव अद बरबाद माळावाळा बेकार वस्तु उक यल उचति ईलच अल नीदुरकु नोळीर, वाचुसावाळा समसेगुल आग जो लॉकुर यहूदया दा आर आंदुर पहाळी मा ओळेगुल; 15 \*जो छत मा आर, आव तान मान्ना टु येनारा ताकोमोर साटी ल्यालमा ईळुबाळुल अदकि बुळक होगबाळुल; 16 अदकि आंदुर जो केई दा आर, आव तान कपळा तरोरसाटी हदि होगबाळुल. 17 आ दनिगोळ दा जो व्हाट्या दी ईरोर अदकि जो चग्दि ऊरी हाल कुळ्स्तेला ईतीदार, आंदुर साटी आ दनि याट भयानक ईत्तव! 18 अदकि परमेश्वर से प्रार्थना माळतेला ईरी किईद सोळ इन दनिगोळ दा आगबाळुल. 19 \*यतकी आ दनि हगि बरबाद ईनव ईत्तव कि दुनया अन्द सुरूवात टु, जो परमेश्वर रच्यान, ईगासताका ना रा आग्याव अदकि ना बाक यागलु आदव. 20 अगर प्रभु आ दनिगोळी ईला घटुसायदुन, रा यातोदु प्राणी भी ईला ऊळाईत; लेकीन आ नविळुस्कु आग्यार आ लॉकुर कारण यारी आव नविळुसदुन, आ दनिगोळी गोरत माळ्यान.

21 आ समय दा अगर यावारा नीम से अंदान; नोळी, मसीह ईल आन, या नोळी, अल आन, रा वशिवास माळबाळेतीर; 22 यतकी ख्वाटा मसीह अदकि ख्वाटा भवषियवक्ता यदकु नदिर्यार, अदकि हगि-हगि चमत्कार अदकि अदभुत क्याल्सा तोरस्यार कि अगर आग सकुल रा नविळुस्कु आग्यार आ लॉकुरी भी बैकुश बुळुल. 23 लेकीन नीव सावधान ईरी: नोळी, ना नीमी सप्पा मात पयले टु ना हेळ बुटीन.

मंळसा अन पार यीशु उन दुबारा बरोद

(मत्ती २४:२९-३१; लूका २१:२५-२८)

\* 13:9 १३:९ मत्ती १०:१७-२०; लूका १२:११,१२ \* 13:13 १३:१३ मत्ती १०:२२ \* 13:15 १३:१५ लूका १७:३१ \* 13:19 १३:१९ प्रकाशतिवाक्य ७:१४

24 ☆“आ दनि दा, आ बरबाद इन बाददा दा सुरज अंधार आगेदीत, अदकि चन्द्रमा उजुळ कोळतीदील; 25 ☆अदकि आकाश टु तारागन बळिली हत्तेव; अदकि आकाश ईनव शक्तगिोळी हालुसेदव.” 26 ☆आग लॉकुर ना मंळसा अन पार उक धोळ्द सामर्थ्य अदकि महमा अनूद सांगुळ बादल दा बरतेला नोळ्यार. 27 आ समय आव तानव स्वर्गदूतगोळी कळुकु, पृथ्वी इन ईद भाग टु हुळुकु आ भाग ताका, नाकु दशा दी टु परमेश्वर तान नविळुसद लॉकुरी जमा मोळ्यान.

अंजीर इन मारूर इन उदाहरण

(मत्ती २४:३२-३५; लूका २१:२९-३३)

28 “अंजीर इन मारूर टु ईद उदाहरण कली: याग अदुर्द डगाली मुलायम आगताव, अदकि याल्ला होळली हतताव; रा नीव जान्स कोमतीर कि बसिल इन दनि हात्ती आव.” 29 ईदा प्रकार याग नीव ईव मातगोळी आगतेला नोळीर, रा जान्स कोमी कि नान बरोद समय हात्ती आद. 30 ना नीम से खरा अनतीन कि यागासताका इव सप्पा मातगोळ पुरा आगालव, आगासताका ई पीढी नोर लॉकुर सायतीदील. 31 आकाश अदकि पृथ्वी टलुसेदति, लेकीन नान मातगोळ यागलु टलुसतीदलि.

जाग्सतेला ईरी

(मत्ती २४:३६-४४)

32 ☆“आ दनि या आ घळी अनूद बारा दा यारू जान्सालुर, ना स्वर्ग ईनव स्वर्गदूत अदकि ना मंळसा अन पार; लेकीन सरिफ आप्प जान्सतान. 33 नोळी, सावधान ईरी अदकि जाग्सतेला ईरी; यतकी नीव जान्सालीर कि अद घळी याग बंदीत. 34 ☆ईद आ मंळसा अनूद ह्यांग दशा आद, जो यात्रा दा होगाहोती तान मान्ना बटिकु होगुल, अदकि तान दासगोळी अधिकार कोळुल: अदकि हर ऊंद मंळसा अक आऊंद कयाल्सा हेळबुळुल, अदकि चौकीदार उक जाग्सतेला ईरोद आग्या कोळुल.” 35 इदुरसाटी जाग्सतेला ईरी, यतकी नीव जान्सालीर कि मान्ना नव मालकि याग बंदान, द्यावगा या आरधा ईळलकी, या हुंज कुगतद आ घळी या व्हातुर आगोर से पयले. 36 हगि आगबाळुल कि आव अचानक बंदकु नामी मगितेला नोळबाळुल. 37 अदकि जो ना नीम से अनेतीन, अदा सप्पा मुंदुर से अनतीन: “जाग्सतेला ईरी!”

## 14

यीशु उक कोन्नोद योजना

(मत्ती २६:१-५; लूका २२:१-२; यूहन्ना ११:४५-५३)

1 येढ्द दनि इन बाददा फसह अदकि अखमीरी रोट्टी अनूद हाब्व आगोद ईरोद. प्रधान याजक अदकि नयिम इन गुरु ईद मात इन खोज दा ईरोर कि आऊक ह्यांग कपट देल हुळुकु कोनदेव; 2 लेकीन अनतोगोर, “हाब्व इन रोज हगि ईला, ईलारा लॉकुर दा झगळा आगेदीत.”

☆ 13:24 १३:२४ प्रकाशतिवाक्य ६:१२ ☆ 13:25 १३:२५ प्रकाशतिवाक्य ६:१३ ☆ 13:26 १३:२६ प्रकाशतिवाक्य १:७ ☆ 13:32 १३:३२ मत्ती २४:३६ ☆ 13:34 १३:३४ लूका १२:३६-३८

बैतनयियाह नगर दा यीशु उन अत्तर देल स्वागत  
(मत्ती २६:६-१३; यूहन्ना १२:१-८)

3 याग यीशु बैतनयियाह दा शमौन कोढी यारी कोढ इन रोग ईरोद आऊन मान्या ऊमली कुरतकु ईरोन, आग ऊंद आरत संगमरमर इन बाटुल दा जटामांसी अन्द बारर शुद्ध अत्तर हुळकु बंदुर; अदकि बाटुल इक मूरकु अत्तर इक यीशु उन ताल्ला मा लपटुसदुर. 4 लेकीन यारारा यारारा तान मन दा कुळकुळुसकु अनली कुरतुर, “ईद अत्तर इन येती सत्यानाश माळकु आत? 5 इदुर मा यीशु अंदुन येती ईद अत्तर इक मुर सौ दीनार\* से यक्कुल बारर दा मारकु कंगालगोळ दा वाटसकु आग सकोद.” अदकि आंदुर आक इक दनकुस्ली कुरतुर.

6 यीशु अंदुन, “आकी बटिट बुळी; आकी येती सतुसतीर? आक रा नान सांगुळ भलाई माळदुर. 7 कंगाल नीम सांगुळ हमेशा ईरतार, अदकि नीव याग चाहासीर आग आंदुर से भलाई माळ सकतीर; पर ना नीम सांगुळ हमेशा ईरतीदील. 8 जो येनारा आक माळसकोर, आक माळदुर; आक नान नळसोद तयारी दा पयले टु ना नांद शरीर मा अत्तर मलुस्यार. 9 ना नीम से खरा माताळतीन कि पुरा दुनया दा येल्यारा भी खुशखबरी प्रचार माळदुर दा बंदीत, अल आक इन ईद क्याल्सा अन्द चर्चा भी आक इन याद दा माळकु आदीत.”

यीशु उन वशिवासघात माळोर साटी यहूदा अन्द सहमती  
(मत्ती २६:१४-१६; लूका २२:३-६)

10 आग यहूदा इस्करियोती जो हन्नेळ चेलागोळ दा टु ऊंद ईरोन, प्रधान याजकगोळ हात्ती होदुन कि यीशु उक आंदुरद कय देल हुळसुसकु आंदरी सौप्स बुळुल. 11 आंदुर ईद केळकु खुश आदुर, अदकि आऊक पैस्या कोळोद स्वीकार माळदुर; अदकि आव मवका नोळोन कि आऊक ह्यांगारा भी प्रकार देल हुळसुसकु आंदुरद कय दा सौप्स बुळुल.

चेलागोळ सांगुळ फसह अन्द आखरी भोज

(मत्ती २६:१७-२५; लूका २२:७-१४; २१-२३; यूहन्ना १३:२१-३०)

12 अखमीरी रोटी इन हाब्व इन पयला दनि, यदुरदा आंदुर फसह दा म्यांडा अन्द पाड्डा अन्द बलदान माळतोगोर, यीशु उन चेलागोळ आऊक केळदुर, “नी येन चाहासत्या कि नाव होगकु नीन साटी फसह तनिद तयारी माळेव?”

13 यीशु तान चेलागोळ दा टु येढ्ढ मुंदरी ईद अनकु कळुदुन, “नगर दा होगी, अदकि ऊंद मळसा नीर इन माळका नेगुत नीमी सकियान, आऊद हदि आगोतेर; 14 अदकि आव याता मान्या होदान, आ मान्या अन्द मालकि से अनेतीर, गुरु अनतान कि पाऊनागोळ्द ईरोद जागा पाऊनागोळ्द कमरा यल आद यदुरदा ना तान चेलागोळ सांगुळ फसह तनिईन अद जागा यल आद?” 15 आव नीमी ऊंद सजुसकु सजुसद, अदकि तयार माळ्द धोळ्द म्याकळोद ठकान तोरस्यान, अल नाम साटी फसह तनिद तयारी माळेतीर.”

16 चेलागोळ अल टु होट्टकु नगर दा बंदुर, अदकि ह्यांग यीशु आंदुर से अददिन, हांग अच सक्ति; अदकि आंदुर फसह तनिद तयारी माळदुर.

\* 14:3 १४:३ लूका ७:३७,३८

\* 14:5 १४:५ मुर सौ चाँदी नव सकिका ऊंद वर्ष इन रोजी

17 याग द्याव आत, रा आव हन्नेळ चेलगोळ सांगुळ बंदुन. 18 याग आंदुर कुर्तकु ऊमोर, रा यीशु चेलगोळ से अंदुन, “ना नीम से खरा अनतीन की नीम दा टु ऊंद, जो नान सांगुळ ऊमेत्यान, आव नानी ध्वाका देल हुळसुसकु दुश्मनगोळ कय दा सौप्स कौडान.”

19 अदकि चेलगोळ मा उदासी छासेत अदकि आंदुर ऊंद ऊंद माळकु यीशु उक अनली कुरतुर, “येन आव ना हुईन?”

20 यीशु आंदुर से अंदुन, “आंदुर नीम हन्नेळ दा टु ऊंद आन, जो नान सांगुळ तंळग्या दा कय हाकतान. 21 यतकी ना मंळसा अन पार, ह्यांग नान बारा दा लखिसकु आग्याद, लेकीन आ मंळसा अन मा हाय याऊन द्वारा ना मंळसा अन पार उक हुळसुसकु आदीत अदकि सौप्सकु आदीत! अगर आ मंळसा अन्द जनम अच ईला आगाईत, रा आऊन साटी भला आगाईत.”

प्रभु-भोज

(मत्ती २६:२६-३०; लूका २२:१४-२०; १ कुरनिथी ११:२३-२५)

22 याग यीशु अदकि आऊन चेलगोळ ऊमतेला अच ईरोर, आव रोटी ताकोडुन, अदकि परमेश्वर उक धन्यवाद कोटकु मुरदुन, अदकि आव चेलगोळी भी कोट्टुन, अदकि अंदुन, “हुडी, ईद नान शरीर हुन.”

23 बाक यीशु कटोरा हुळकु परमेश्वर उक धन्यवाद माळदुन, अदकि आंदरी कोट्टुन; अदकि आंदुर सप्पा मुंदुर अदुर दा टु कुळदुर. 24 अदकि यीशु चेलगोळ से अंदुन, “अद नान खुन हुन, जो हापाळ मुंदुर साटी वाहुसकु आगतद,” ईद प्रमाणति माळतद की परमेश्वर अदकि मंळसा अन न्याड्या व्हाशोद वाचा अक दर्शुसतद. 25 “ना नीम से खरा अनतीन की अंगुर इन रास्सा आ दनि ताका बाक यागलु कुडुतीदील, यागासताका परमेश्वर उन राज्य दा ना व्हाशोद अंगुर इन रास्सा ना कुडुतीदील.”

26 बाक आंदुर भजन हाळ हाळकु व्हार्या जैतून पहाळी मा होदुर.

पतरस उन इनकार इन भवषियवाणी

(मत्ती २६:३१-३५; लूका २२:३१-३४; यूहनना १३:३६-३८)

27 आग यीशु चेलगोळ से अंदुन, “नीव नानी बटिकु ओळीर, यतकी शास्त्र हगि अच अनतद: ‘ना रखवाला अक कोनाईन, अदकि म्यांडा ततिर-बतिर आगेदव.’ 28 ‘लेकीन ना तान जत्तिता आगदुर बाद्दा नीम से पयले गलील इक होगईन.”

29 पतरस आऊन से अंदुन, “अगर सब नीनी बटितार रा बटितार, पर ना नीनी बटिकु होगालीन.”

30 यीशु आऊन से अंदुन, “ना नीन से खरा अनतीन की ईदल्या ईदा ईळ्लक इक हुंज इन येदद घन कुग्गोर से पयले, नी मुर घन नान इनकार माळ्या.”

31 बाक पतरस अदकि जोर कोटकु अंदुन, “अगर नानी नीन सांगुळ सायोद भी बदिदीत, तरी ना नीन इनकार यागलु माळतीदील.”

ईदा प्रकार देल अदकि सप्पा मुंदुर भी अंदुर.

गतसमनी दा प्रार्थना

(मत्ती २६:३६-४६; लूका २२:३९-४६)

32 बाक यीशु अदकि आऊन चेलागोळ गतसमनी हेसुर इन ऊंद जागा दा बंदुर, अदकि आव तान चेलागोळ से अंदुन, “ईल कुर्तकु ईरी, आगासताका ना प्रार्थना माळतीन.” 33 अदकि आव पतरस अदकि याकूब अदकि यूहन्ना अक तान सांगुळ ओतुन; अदकि च्याच दुखी अदकि व्याकुल आगली कुरतुन, 34 अदकि आंदुर से अंदुन, “नान मन च्याच उदास आद, ईल ताका काना सायोर मा आईन: नीव ईल रूकसी, अदकि जाग्सतेला ईरी.”

35 बाक आव थवाळासा मुंद होदुन अदकि धरती मा बदिक् प्रार्थना माळली कुरतुन कानि अगर आग सकुल रा ईद घळी नान मा टु टलसेगुल, 36 अदकि अंदुन, “हे बाबा, हे आप्पा, नीन से सप्पा येनारा आग सकतद; ईद दुख इन कटोरा अक नान हाती टु हटुसबुळ: तौभी ह्यांग ना चाहासतीन हांग ईला, पर जो नी चाहासत्या अदा आगुल.”

37 बाक यीशु वापस बंदुन अदकि नोळदुन कानि मूरू चेलागोळ मगिग्यार ईद नोळकु पतरस से अंदुन, “हे शमौन, नी मगित्या? येन नी ऊंद तास भी जाग्स सकदील? 38 जाग्सतेला अदकि प्रार्थना माळतेला ईरी कानि नीव परीक्षा दा बळिबाळी. आत्मा अन्द रा इच्छा आद, पर मय कमजोर आद.”

39 अदकि यीशु बाक ओळदुन अदकि अवा शब्दगोळदा प्रार्थना माळली कुरतुन. 40 बाक यीशु बंदकु आंदरी मगित नोळदुन, यतकी आंदुर अव कण्णगोळ जप देल तुमकु ईरव; अदकि ईला जान्सोर कानि आऊक येन उत्तर कोट्टेव.

41 बाक यीशु तसिरा गन बंदकु आंदुर से अंदुन, “ईग भी नीव मगितीर अदकि आराम माळतीर? नोळी, घळी होट्ट बंदाद; नोळी ना मंळसा अन पार पापीगोळद कय देल हुळकु सौप्सकु आगाईन. 42 येळी, होगाता! नोळी, नानी ध्वाका देल हुळसुसकु सौप्सावाळा नान हात्ती होट्ट बंदान!”

यीशु उन ध्वाका देल हुळकु सौप्सकु आगोद

(मत्ती २६:४७-५६; लूका २२:४७-५३; यूहन्ना १८:३-१२)

43 यीशु ईद अनतेला अच ईरोन कानि यहूदा जो हन्नेळ चेलागोळ दा टु ऊंद ईरोन, आऊन हात्ती बंदुन. अदकि तान सांगुळ प्रधान याजक अदकि शास्त्रीगोळ अदकि स्याणागोळद द्वारा ऊंद धोळद भीळ कळुकु आगीत, जो तलवार अदकि कोलगोळ हुळकु बंदीदुर. 44 यीशु उक हुळसुसकु सौप्सावाळा आंदरी ईद पता कोटीदुन कानि याऊक ना चुम्मा ताकोमाईन आवा मंळसा हुन, आऊक हुळकु शंकलीगोळ देल कटकु सावधानी देल वयेतीर ताकी आव ओळ बाळुल.

45 यहूदा बंदुन, अदकि तुरन्त यीशु उन हात्ती होगकु अंदुन, “हे गुरु!” अदकि आऊन चुम्मा ताकोडुन. 46 आग आंदुर यीशु मा कय हाक्कु आऊक हुडुकोडुर अदकि कठ कोडुर. 47 आंदुर दा टु जो हात्ती नीदुरकु ईरोर, ऊंद मंळसा तलवार जेळकु महायाजक उन सेवक मा नळ्सदुन, अदकि आऊंद कवि हारस बुट्टुन. 48 यीशु आंदुर से अंदुन, “येन ना यावारा अपराधी हुईन, जो नानी हुडोर साटी



तलवार अदकि कोलगोळ हुळकु बंदीर? 49 \*ना रा हर रोज मंदरि दा नीम सांगुळ ईतकु उपदेश कोळतोगीन, अदकि आग नीव नानी हुळदीदलि: लेकीन ईद इदुरसाटी आग्याद कशिशास्त्र अनूद मात पुरा आगुल.”

50 इव मातगोळ केळकु आऊन सप्पा चेलागोळ आऊक आबना बटिकु वोळेदुर.

51 ऊंद हारोदव पार तान दंगदंगा मय मा लुंगी होदुकु यीशु उन हदि-हदि होगोन; अदकि लॉकुर आऊक हुडोद कोशशि माळदुर. 52 अदकि आव लुंगी बटिकु नंगा ओळेदुन.

यहूदीगोळ्द महासभा अनूद मुंद यीशु उक तरोद आत

(मत्ती २६:५७-६६; लूका २२:५४,५५,६३-७१; यूहन्ना १८:१३-१४; १९:२४)

53 बाक आंदुर यीशु उक महायाजक उन मान्नी तंदुर; अदकि सब प्रधान याजक अदकि स्याणा अदकि नयिम इन गुरु आऊन मान्या जमा आगेदुर.

54 पतरस दुर दुर टु आऊंद हदि-हदि महायाजक उन आंगुळ इन बुळ्क ताका होदुन, अदकि आव पहरेदारगोळ सांगुळ कुरतकु बेक्की सेक्सली कुरतुन. 55 प्रधान याजक अदकि सप्पा यहूदीगोळ्द महासभा यीशु उक कोंद बुळोरसाटी आऊंद वरिध दा गवाही इन खोज दा ईरोर, पर आऊंद वरिध दा यातोद भी सबुत सकिदील. 56 यतकी हापाळ सा लॉकुर यीशु उन वरिध दा ख्वाटा गवाही कोळोर, पर आंदुरद गवाही ऊंद सारखा ईला ईरोद.

57 आग येनारा लॉकुर यदकु यीशु उन खलिाप ईद ख्वाटा गवाही कोळली कुरतुर, 58 \*नाव ईऊक ईद अनूत केळेव, ना ईद मंळसागोळ्द कय देल माळ्द ईद मंदरि इक केळ्द बुळईन, अदकि मुर दनि दा दुसरा माळाईन, जो मंळसागोळ्द कय देल माळकु ईरतीदील.” 59 ईदुर मा भी आंदुरद गवाही ऊंद सारखा होटीदलि.

60 आग महायाजक न्याड्या दा नीदुरकु यीशु से केळदुन, “नी येनु उत्तर कोळाल? ई लॉकुर नीन वरिध दा येन गवाही कोळतार?”

61 लेकीन यीशु सुंगा ईतुन, अदकि आव येनु उत्तर कोटीदील. महायाजक आऊन से मातूत केळदुन, “येन नी आ परमधन्य परमेश्वर उन पार मसीह हुय?”

62 यीशु अंदुन, हाव “ना हुईन: अदकि नीव मंळसा अन पार उक सर्वशक्तमिन इन ऊम्मा कय दी कुरत, अदकि आकाश इन बादल इन सांगुळ बर्त नोळीर.”

63 आग महायाजक तानव फळक्या हरकु अंदुन, “ईग नामी यक्कुल गवाहगोळ्द येन जरवत आद?”

64 “येन नीव केळीदील, कि ईव परमेश्वर उन अपमान माळतान. ईग नीमूद येन राय आद?” आ सप्पा लॉकुर आऊक अपराधी ठहरूसतेला अंदुर, कि ईऊक जीव दण्ड सीक पायजे.

65 आग यारारा आऊन मा उगुळली कुरतुर, अदकि यारारा आऊन कण्णगोळ मा पट्टी कटकु आऊक बुक्का बडुली कुरतुर, अदकि आऊन से अनली कुरतुर,

“भवषियवाणी माळ.” नीनी यार बळदुर, अदकि पहरेदारगोळ आऊक हुळकु क्वाबरो बळदुर.

पतरस उन यीशु उक इनकार माळोद

(मत्ती २६:६९-७५; लूका २२:५६-६२; यूहन्ना १८:१५-१८, २५-२७)

66 याग पतरस ल्यालमा आंगुळ दा ईरोन, रा महायाजक इन दासीगोळ दा टु ऊंद दासी अल बंदुर. 67 अदकि आ दासीगीत पतरस उक बेक्की सेक्सत नोळकु आऊक टकटकी हचकु नोळदुर अदकि अनली कुरतुर, “नी भी रा आ नासरी यीशु उन सांगुळ ईर्या.”

68 अदकि आव बदलुसेदुन, अदकि अंदुन, “ना जान्सालीन अदकि ना सम्सालीन का नी येन अनेत्या.” बाक आव अल टु दरवाजा ताका होदुन; अदकि आटा होती हुंज कुग्त.

69 आ दासी आऊक नोळकु आंदुर से अंदुर जो आऊन हात्ती नीदुरकु ईरोर, “ईव मंळसा आंदुर दा टु ऊंद हुन.”

70 लेकीन आव मात्त बदलुसेदुन. घळी तमिर बाद्दा दा आंदुर जो हात्ती नीदुरकु ईरोर मात्त पतरस से अंदुर, “खरा दा नी आंदुर दा टु ऊंद हुय; यतकी नी गलीली भी हुय.”

71 आग आव इनकार माळकु अनली कुरतुन का ना करिया तनिकु खरा अनतीन, “ना आ मंळसा अक, यार्द नीव मातचीत माळेतीर, ना अरालीन.”

72 बाक तुरन्त दुसरा घन हुंज कुग्त. अदकि पतरस उक अद मात जो यीशु आऊन से अंददिन याद बत्त: “हुंज इन येढढ घन कुगगोर से पयले नी मुर घन नान इनकार माळ्या.” अदकि आव ईद मात इक सोचकु आव वरलली कुरतुन.

## 15

पलातुस उन मुंद यीशु

(मत्ती २७:१-२; ११:१४; लूका २३:१-५; यूहन्ना १८:२८-३८)

1 व्हातुर आगतेला अच तुरन्त प्रधान याजकगोळ, स्याणागोळ, अदकि शास्त्रीगोळ उलटा सप्पा यहूदी महासभा आपस दा सलाह माळकु यीशु उक कट्सुसदुर, अदकि आऊक वोटकु पलातुस उन कय दा सौप्सदुर.

2 पलातुस आऊन से केळदुन, “येन नी यहूदीगोळ्द राजा हुय?” यीशु आऊक उत्तर कोट्टुन, हव “हयांग नी खुद अच अनत्या.”

3 प्रधान याजक आऊन मा हापाळ मात ईनव दोष हचचोर. 4 पलातुस यीशु से मात्त केळदुन, “येन नी येनु उत्तर कोळाल? नोळ इंदुर नीन मा यास मात ईनव दोष हचीत्यार!”

5 यीशु फरि भी येनु उत्तर कोटीदील; ईल ताका का पलातुस उक बळा आश्चर्य आत.

मृत्यु-दण्ड इन आग्या

(मत्ती २७:१५-२६; लूका २३:१३-२५; यूहन्ना १८:३९; १९:१६)

6 हर ऊंद फसह हाब्व इन घळी दा पलातुस यावारा भी ऊंद कैदी इक यारी यहूदी लॉकुर चाहासतोगोर, आऊक आंदुर साठी बट्टिबुळ तोगोन. 7 बरअब्बा हेसुर ईनव ऊंद मंळसा ईरोन जो आ वदिरोह इन सांगुळ कैदी ईरोन, जो रोमन

सरकार उन खलिाप वदिरोह दा हत्या माळीदुर. 8 अदकि भीळ म्याकुच होगकु पलिातुस से वनिती माळली कुरत, कि ह्यांग नी नाम साटी माळतेला बंद्या हांग अच माळ. 9 पलिातुस आंदरी उत्तर कोट्टुन, “येन नीव चाहासतीर कि ना नीम साटी यहूदीगोळ राजा अक बटि बुळाईन?” 10 यतकी पलिातुस जानसोन कि प्रधान याजकगोळ आऊक सट्टि देल सौप्सदुर.

11 लेकीन प्रधान याजकगोळ लांकुरी येर्सदुर कि आव बरअब्बा अक अच आंदुर साठी बीटबुळुल. 12 ईद केळकु पलिातुस आंदुर से मात्त केळदुन, “रा यारी नीव यहूदीगोळव राजा अनतीर, आऊक ना येन माळाईन?”

13 आंदुर मात्त चळिलासदुर, अदकि अंदुर “आऊक कूरस मा येर्सबुळी!”

14 पलिातुस आंदुर से अंदुर, “येती ईव येन बुराई माळ्यान?”

लेकीन आंदुर मात्त अदकि चळिलासदुर, “आऊक कूरस मा येर्सबुळी!”

15 आग पलिातुस भीळ इक खुश माळोद इच्छा देल, बरअब्बा अक आंदुर साठी बट्टि बुटुन, अदकि यीशु उक कोळागोळ देल बळकु सौप्सदुर कि कूरस मा येरसुल.

सैनकिगोळ द्वारा यीशु उन अपमान

(मत्ती २७:२७-३१; यूहनना १९:२-३)

16 सैनकिगोळ यीशु उक कलिा अन्द बुळक राज्यपाल उन मान्ना अन्द आंगुळ दा ओतुर जो प्रीटोरियुम कहलुसतद, अदकि बाकी नोर रोमी सपिाईगोळी कारूकु तंदुर. 17 आग आंदुर आऊक जांभळा रंग इन कपळा हाक्सुसदुर अदकि मुळल इन मुकुट माळकु आऊन ताल्ला मा मंळसदुर, 18 अदकि ईद अनकु आऊक नमस्कार माळली कुरतुर, “हे यहूदीगोळ राजा, नीन जय आगुल!” 19 आंदुर आऊन ताल्ला मा सरकण्डा बडोर, अदकि आऊन मा ऊगळोर, अदकि ट्वांगारा टेक्सकु आऊक प्रणाम माळतेला ईत्तुर. 20 याग आंदुर आऊद मज्याक हारसकोड्डुर, रा आऊन मय मा कळ्व जांभळा रंग इन फळक्या ईळसकु आऊन अवा कपळा मात हाक्सुसदुर; अदकि आग आऊक कूरस मा येरसोर साठी व्हारया ओतुर.

यीशु उन कूरस मा येरसोद

(मत्ती २७:३२-४४; लूका २३:२६-४३; यूहनना १९:१७-२७)

21 \*आंदरी कुरेन ईनव ईरावाळा शमौन हेसुर ईनव मंळसा, हादी मा सकिदुन. आव ऊरी टु बरोन. अदकि आव सकिन्दर अदकि रूफुस उन आप्प ईरोन. सपिाहीगोळ आऊन मा जबरदस्ती दबाव हाकदुर कि आव यीशु उन कूरस नेगुकु नळदान. 22 आंदुर यीशु उक गुलगुता हेसुर इन जागा मा तंदुर, यदुर मतलब खोपळी इन जागा हुन. 23 अल यीशु उक केय मसाला मीसळुसुद अंगुर इन राससा कोळली कुरतुर, लेकीन आव ताकोडीदील. 24 आग आंदुर आऊक कूरस मा येर्सदुर अदकि आऊन कपळा मा चट्टी गोळ हाक्कु, कि यारीक येन सकिकीत, अवरी वाट्स बुटुर. 25 याग आंदुर आऊक कूरस मा येर्सदुर रा व्हातरी नव ऊम्बत मुरददिव. 26 अदकि आऊन दोषपत्र लखिसकु कूरस

मा आऊंद ताल्ला अनन्द म्याकुच चपिकुस बुटुर “यहूदीगोळ राजा.” 27 आंदुर आऊन सांगुळ येढ्ढ डाकूगोळी भी कूस मा येर्सदुर, ऊंद डाकू उक ऊमा कय दी अदकि दुसरा डाकू उक डाक्या कय दी कूस मा येर्सदुर. 28 आग पवत्रिशास्त्र अनन्द अद वचन का आऊक अपराधीगोळ सांगुळ आळुकु आदीत, पुरा आत.\*

29 \*अदकि हादी मा टु होगवाळेर ताल्ला हालु-हालुसकु अदकि ईद अन-अनकु आऊंद अपमान माळतोगोर, “वाह. मंदरि इक केळावाळा, अदकि मुर दनि दा माळावाळा! 30 तान तान इक ऊळस अदकि कूस मा टु ईळुकु बा.”

31 ईदा रीतदिल प्रधान याजक भी, शास्त्रीगोळ सांगुळ, आपस दा आऊंद मजयाक हारसकु अनतोगोर, “ईव रा दुसरा अक ऊळस्यान,” लेकीन तान तान इक ऊळस सकालुन.

32 इस्त्राएल इन राजा, मसीह, ईग कूस मा टु ईळदकु वर कनिाव नोळकु वशिवास माळव. अदकि जो आऊन सांगुळ कूस मा येर्सकु आगीदुर, आंदुर भी आऊन नीम्दा माळतोगोर.

यीशु उन जीव त्यागसोद

(मत्ती २७:४५-५६; लूका २३:४४-४९; यूहन्ना १९:२८-३०)

33 याग दुसरा पहर आत रा पुरा द्याश दा अंधार आगेत अदकि मुर मुरास ताका हांग अच ईतत. 34 अदकि मुर मुरा दी यीशु हापाळ धोळ्द शब्द दा चलिळासकु अंदुन, “इलोई, इलोई, लमा शबकतनी?” यदुरद मतलब हुन, “हे नान परमेश्वर, हे नान परमेश्वर, नी नानी येती बटिबुट?”

35 आग जो आऊन हात्ती ईरोर आंदुर दा टु आरधा लॉकुर ईद केळकु अनली कुरतुर, “नोळी, आव एलयियाह अक कारेत्यान.” 36 अदकि ऊंद मंळसा ओळकु स्पंज इक सरिके दा नेनाकदुन, अदकि सरकण्डे मा ईटकु आऊक नेक्सदुन अदकि अंदुन, “थाम्सेगी, नोळाता एलयियाह आऊक ईळसोर साटी बरतान का ईला.”

37 आग यीशु धोळ्द शब्द दा चलिळासकु जीव बटि बुटुन.

38 अदकि मंदरि इन परदा म्याकुच टु ल्यालमा ताका हरूकु येढ्ढ तुकळा आगेत. 39 जो सुबेदार आऊन मुंद नीदुरकु ईरोन, याग आऊक हगि चलिळासकु जीव बीळतेला नोळदुन, रा आव अंदुन, “खरा ई आद ईव मंळसा, परमेश्वर उन पार ईरोन!”

40 \*हापाळ आर्तेर भी दुर टु नोळतोगोर: आंदुरदा मरयिम मगदलीनी, स्याणेव याकूब अदकि योसेस उन मोय मरयिम, अदकि सलोमी ईरोर. 41 याग आव गलील दा ईरोन रा इंदुर आऊंद हदि आगेगोर; अदकि आऊंद स्यावा टहल माळतोगोर; अदकि दुसरा हापाळ आर्तेर भी ईरोर, जो आऊन सांगुळ यरूशलैम दा बंदीदुर.

यीशु उक नळसोद

(मत्ती २७:५७-६१; लूका २३:५०-५६; यूहन्ना १९:३८-४२)

\* 15:28 १५:२८ ईद वचन हाळोद शास्त्र दा लखिसकु हैलेच \* 15:29 १५:२९ मरकुस १४:५८; यूहन्ना २:१९ \* 15:40 १५:४० लूका ८:२,३

42 याग द्याव मुळकेत रा इदुरसाटी की तयार इन दनि ईरोद, जो आराम इन ऊंद दनि पयले ईरतद, 43 अरमितया नव ईरावाळा यूसुफ बंदुन, जो महासभा दव सदस्य ईरोन अदकि तावा परमेश्वर उन राज्य अन्द हादी कायोन. आव हम्मित माळकु पलातुस उन हात्ती होगकु यीशु उन लाश बेळदुन. 44 पलातुस उक आश्चर्य आत की आऊंद जीव ईट जल्दी होटोत; अदकि आव सुबेदार उक कारूकु केळदुन, “येन आव सोतोग्यान?” 45 याग आव सुबेदार उन बाय देल हाल केळदुन, रा लाश यूसुफ उक बेळ कोट्टुन. 46 आग आव मलमल इन ऊंद चादर कोडुन, अदकि लाश इक ईळसकु आ चादर दा गुंळसदुन, अदकि ऊंद कब्र दा जो चट्टान दा अगुळकु आगीत ईटदुन, अदकि कब्र अन्द दरवाजा मा ऊंद कल्ल ढकलुसदुन. 47 मरयिम मगदलीनी अदकि योसेस उन मोय मरयिम नोळतोगोर की आऊक येल ईटकु आग्याद.

## 16

यीशु उन पुनरूत्थान

(मत्ती २८:१-८; लूका २४:१-१२; यूहन्ना २०:१-१०)

1 याग आराम इन दनि बतिसेत, रा मरयिम मगदलीनी, अदकि याकूब उन मोय मरयिम, अदकि सलोमी सुगन्धति अत्तर कोडुर अदकि बंदकु यीशु उन लाश मा हचचेव. 2 यहूदीगोळ्द अनुसार हप्ता अन्द पयला दनि आयतयार इन व्हातर्या अन्द आर मुरा याग सुर्य होळ्त्त, आंदुर कब्र मा बंदुर, 3 अदकि आपस दा अनतोगोर, “नाम साटी कब्र अन्द दरवाजा मा टु कल्ल याव ढकलुसयान?” 4 कल्ल हापाळ धोळ्द ईरोद. याग आंदुर कण्ण नेगुकु नोळदुर रा कल्ल कब्र टु हटुसकु ईरोद. 5 आ आर्तेर याग कब्र अन्द बुळ्क होदुर रा आंदुर ऊंद स्वर्गदूत उक हारोदव मंळसा अन घाई बळिवे कपळा मा ऊमा कय दी कुर्तकु नोळदुर, अदकि हापाळ अंजेदुर.

6 स्वर्गदूत आंदुर से अंदुर, “अंजबाळी, नीव नासरत इन यीशु उक ढुंढसेतीर, याऊक क्रूस मा येरसकु आगीत. आव जत्तिता आग्यान, ईल हैलेच; नोळी, ईदा अद जागा हुन, यल आंदुर आऊक ईटीदुर. 7 \*लेकीन नीव होगी, अदकि आऊन चेलागोळ अदकि पतरस से अनी की आव नीम से पयले गलील इक होदान. ह्यांग आव नीम से अंददिन, नीव अल्या आऊक नोळीर.” 8 अदकि आ आर्तेर होटकु कब्र टु वोळेदुर; यतकी थरथराहट अदकि घबराहट आंदुर मय दा तुम्मेगीत; अदकि आंदुर यारदारा से येनु अंददील, यतकी आंदुर हापाळ अंजकु ईरोर.

मरयिम मगदलीनी इक यीशु उन कांळसोद

(मत्ती २८:९-१०; यूहन्ना २०:११-१८)

9 आयतयार इक व्हातुर आगतेला अच यीशु जत्तिता आगकु पयले मरयिम मगदलीनी इक कांळसदुन. आकनि दा टु आव येळ दुष्टआत्मागोळ तेगदीदुन. 10 आक होगकु यीशु उन संगीगोळी जो शोक दा मुळककु ईरोर अदकि वोरलोर, ईद समाचार कोट्टुर. 11 आंदुर ईद केळदुर की यीशु जत्तिता आन अदकि

मरयिम मगदलीनी आऊक नोळ्यार, रा आंदुर आकनि मातगोळ मा वशिवास माळीदील.

येद्व चलागोळी यीशु उन काळसोद  
(लूका २४:१३-३५)

12 ईदुर बाद्दा दा यीशु दुसरा रूप दा आंदुर दा टु येद्व चलागोळी याग आंदुर ऊर इन दी होगोर, काळसदुन. 13 आंदुर भी होगकु दुसरा चलागोळी ईद समाचार कोट्टुर, लेकीन आंदुर फरि भी आंदुर मातगोळ मा वशिवास माळीदील.

हनहुंद चलागोळी यीशु उन काळसोद

(मत्ती २८:१६-२०; लूका २४:३६-४९; यूहन्ना २०:१९-२३; प्रेरतिगोळ १:६-८)

14 यीशु आ हनुन चलागोळी भी काळसदुन, याग आंदुर ऊमली कुरतीदुर, काळसदुन, अदकि आंदुर अवशिवास अदकि मन इन कठोरता मा आंदरी दनकुसदुन, यतकी यार आऊद जतिता आगदुर बाद्दा आऊक नोळीदुर, आंदुर आऊद वशिवास माळीदलि. 15 अदकि यीशु चलागोळ से अंदुन, “नीव पुरा दुनया दा होगकु पुरा दुनया अन लांकुरी खुशखबरी प्रचार माळी. 16 जो वशिवास माळ्यार अदकि बपतस्मा ताकांडार आऊदा उद्धार आदीत, लेकीन जो वशिवास माळतीदील आऊद न्याय आदीत अदकि आऊक दोषी ठहूसकु आदीत; 17 वशिवास माळावाळेर दा ईव चनिह ईतताव क आंदुर नान हेसुर देल दुष्टआत्मागोळी तेगदार, अदकि व्हासा व्हासा भाषा माताळ्यार, 18 अदकि आंदुर हाव इक नेगु कांडार, अदकि अगर आंदुर जयर भी कुडु कांडार रा आंदरी येनु नुकस्यान आगतीदील; आंदुर बमिरगोळ मा कय मंळस्यार, अदकि बमिर चंगा आगेदार.”

यीशु उक स्वर्ग दा नेगुकु आगोद

(लूका २४:५०-५३; प्रेरतिगोळ १:९-११)

19 प्रभु यीशु आंदुर से माताळदुर बाद्दा दा स्वर्ग मा नेगुकु आदुन, अदकि परमेश्वर उन ऊम्मा कय दी कुरतुन. 20 अदकि आंदुर होटकु हर जागा मा प्रचार माळदुर, अदकि प्रभु आंदुर सांगुळ क्याल्सा माळतेला ईततुन, अदकि आ चनिह अन्द द्वारा जो सांगुळ सांगुळ आगतोगोव, वचन इक मजबूत माळतेला ईरोन. आमीन.\*

☆ 16:15 १६:१५ प्रेरतिगोळ १:८ ☆ 16:19 १६:१९ प्रेरतिगोळ १:९-११

\* 16:20 १६:२० इव

आयतगोळ हस्त लखित हाळोद शास्त्र दा सक्किदील

## लूका रचति यीशु मसीह का सुसमाचार लूका अनन्द लखिसद यीशु मसीह अन बारा दा खुशखबरी परचिय

लूका अनन्द लखिसद खुशखबरी व्हाशोद नयिम दाकळोद आ नाक कतिाब दा टु ऊंद कतिाब हुन, यदुर्दा यीशु उन जीवन इन वर्णन आद. हर ऊंद कतिाब इक “खुशखबरी” अनतार. यीशु उन सोत्तुर बाददा मत्ती, मरकुस, लूका अदकि यूहनना ईद कतिाब लखिस्यार. लूका सर्फि यीशु उन जीवन इन कहानी इच लखिसदिलि बल्की, आऊन सोत्तुर बाददा आऊन चेलागोळ्द क्याल्सागोळ्द बारा दा भी लखिस्यान, “प्रेरतिगोळ्द क्याल्सा हेसुर इन कतिाब दा इंदुर बारा दा वाचुसली सकितद. लूका अनन्द खुशखबरी येल अदकि याग लखिसकु आग्याद इदुर बारा दा नश्चिति जानकारी हैलेच लेकीन यक्कुल अभ्यास माळावाळेर ईद मानसतार किलूका कृत खुशखबरी यीशु उन जनम इन लगभग ७० साल इन बाददा लखिसकु आगीदाद.”

ई कतिाब इन लेखक खुद लूका हुन जो ऊंद वैद्य ईरोन. आऊन लखिसोद शैली अदकि भाषा देल ईद पता नळुतद किलूका ऊंद सुशक्षिति मळसा ईरोन. लूका चाहासोन किलीशु उन जीवन इन खरा-खरा वर्णन लखिसकु आगुल, अदकि घटनागोळ्द ह्यांग आग्याव बराबर हांग अच लखिसकु आगुल ताकी आंदुर बारा दा वाचुसकु फायदा आगुल. १:१-३ लूका यहूदी ईला ईरोन कुलुससगिोळ्द ४:१०-१४ आव हगि प्रकार देल लखिसदुन किलीशु भी आऊन लखिसद आसानी देल सम्स सकुल यात्ता प्रकार देल यहूदी रीति-रिवाजगोळ्द वर्णन माळकु आग्याद अदुर देल ईद स्पष्ट आगतद. १:८

हापाळ मात्रा दा लूका कृत खुशखबरी मत्ती अदकि मरकुस इन कतिाबगोळ्द घाई आद. मूरु कतिाबगोळ्द दा अवा घटनागोळ्द वर्णन ऊंद अच घाई माळकु आग्याद. लेकीन लूका अनन्द कतिाब दा बपतसिमा कोळावाळा यूहनना अनन्द जनम इन बारा दा सब से यक्कुल जानकारी सकितद. लूका दा “माफ इन बारा दा सब से यक्कुल लखिसकु आद” ३:३,११:४,१७:३-४,२३:३४, २४:४७

प्रारथना अनन्द बारा दा भी सब से यक्कुल लखिसकु आद. ३:२१, ५:१६, ६:१२,११:१-१२, २२:३२

रूप रेखा:

१. लूका रचति खुशखबरी इन भुमकि अदकि लखिसोद कारण हेळतान. १:१-४
२. अदुर बाददा, यीशु उन जनम अदकि आऊन सेवकाई इन तयारी इन बारा दा लखिसकु आद. १:५-४:१३
३. यूहनना बपतसिमा कोळावाळा अनन्द जनस्यावा ३:१-२०
४. यीशु उन बपतसिमा अदकि परीक्षा ३:२१-४:१३
५. गलील दा यीशु उन जनस्यावा ४:१४-९:५०

६. गलील टु यरूशलेम ताका यात्रा १:५१-१९:२७  
 ७. यरूशलेम दा आखरी हप्ता १९:२८-२३:५६  
 ८. प्रभु उन पुनरूत्थान, कांळसोद, अदकि स्वर्गारोहण २४:१-५३

### परचिय

1 श्रीमान थयिफलिस, हापाळ सा लॉकुर आ मातगोळी जो नाम न्याड्या दा घळुस्याव, इतहास लखिसोर साटी कय हच्यार, 2 ह्यांग की आंदुर जो पयले टु ना ई मातगोळव नोळावाळेर अदकि खुशखबरी इन प्रचार माळावाळेर सेवक ईरोर, नाम ताका पोहचुसदुर. 3 इदुरसाटी, थयिफलिस नानी भी ईद उचति मालूम आत की आ सप्पा मातगोळद पुरा हाल सूरु टु वळ्लीसा-वळ्लीसा जाँच माळकु, आंदरी नीन साटी क्रम इन अनुसार लखिसाईन. 4 ना ईद इदुरसाटी लखिसदीन ताकी नीमी पुरा हकगित यकीन मालूम आगेगुल.

यूहनना बपतस्मा कोळावाळा अन्द जनम इन भवषियवाणी

5 यहूदीगोळव राजा हेरोदेस उन समय अबयियाह अन्द दल दा जकरयाह हेसुर ईनव ऊंद याजक ईरोर, अदकि आऊन हगिस हारून इन वंश इनोर ईरोर आकनि हेसुर इलीशबा ईरोद. 6 आंदुर येढुदु मुंदुर परमेश्वर उन नजर दा न्यायी\* ईरोर, अदकि प्रभु उन सप्पा आग्यागोळ मा अदकि सप्पा वधीगोळ मा नरिदोष नळावाळेर ईरोर. 7 आंदुरद यातोदु औलाद ईला ईरोद, यतकी इलीशबा वांझला ईरोर, अदकि आंदुर येढुदु मुंदुर बाट्ट हाळामुंड ईरोर.

8 याग जकरयाह तान दल इन पारी मा परमेश्वर उन मुंद याजक उन क्याल्सा माळोन, 9 रा याजकगोळद रीत इन अनुसार आऊन हेसुर मा चट्टी होळत की प्रभु उन मंदरि दा होगकु धूप होताकुल. 10 धूप होताका समय लॉकुरद सप्पा मंडली व्हार्या प्रार्थना माळोद.

11 आ समय प्रभु उन ऊंद स्वर्गदूत धूप इन वेदी इन ऊम्मा कय दी नीदुरकु आऊन मुंद प्रगट आदुन. 12 जकरयाह आऊक नोळकु घबूसदुन अदकि आऊन मा धोळद अंजक तुम्मेत. 13 लेकीन स्वर्गदूत आऊन से अंदुन, “हे जकरयाह, अंजबाळ, यतकी नीन प्रार्थना केळकु आगेग्याद; अदकि नीन हगिस इलीशबा देल नीन साटी ऊंद पार पैदा आदान, अदकि नी आऊन हेसुर यूहनना ईटेत. 14 आऊन जनम इन कारण नीनी खुशी अदकि हर्ष आदीत: अदकि हापाळ लॉकुर आऊन जनम इन कारण खुश आदार, 15 यतकी आव प्रभु उन नजर दा महान आदान; अदकि अंगुर इन रास्सा अदकि सारा यागलु कुडुतीदील; अदकि तान मोय इन व्हाट्टा दा टु अच पवतिर आत्मा देल परपिरण आगेदान; 16 अदकि इसत्राएलगोळ दा टु हापाळ लॉकुरी आंदुर प्रभु परमेश्वर उन दी वापस तंदान. 17 आव एलयियाह अन्द घाई आत्मा अदकि सामर्थ्य दा आगकु आऊन मुंद मुंद नळदान की आप्प दादागोळद मन चकीर-चनिगेर दी हतकु ईरूल; अदकि आग्या ईला मान्सावाळेर इक न्यायीगोळद घाई आंदुर समझ दा तूल; अदकि प्रभु उन साटी ऊंद योग्य प्रजा तयार माळुल.”

\* 1:6 न्यायी-न्याय इन क्याल्सा माळावाळा



18 जकरयाह स्वर्गदूत से केळदुन, “ना ईद ह्यांग जानसाईन? यतकी ना रा हाळाबाट आईन; अदकि नान हगिस भी हाळामुंड आगोयार.”

19 स्वर्गदूत आऊक उत्तर कोट्टुन, “ना जबिराईल हुईन, जो परमेश्वर उन मुंद नदिरकु ईरतीन; अदकि नानी नीन से मातगोळी हेळली अदकि नीनी ईद खुशखबरी केळसली नानी कळुकु आग्याद. 20 नोळ, या दनि ताका ई मातगोळ पुरा आगालव, आ दनि ताका नी मौन अवस्था दा ईत्या अदकि माताळ सकतीदलि, यतकी नी नान मातगोळ्द जो तान समय मा पुरा आदव, ई नान वचनगोळ मा नी वशिवास माळीदलि.”

21 लाँकुर जकरयाह अन्द हादी कायतेला ईत्तुर अदकि आश्चर्य माळली कुरतुर की आऊक मंदरि दा ईट समय येती हत. 22 याग आव व्हार्या बंदुन, रा आंदुर से माताळ सकदील: अत: आंदुर अर्त कोंडुर की आव मंदरि दा यातोद तरी दर्शन नोळ्यान; अदकि आव अदुर बारा दा आंदुर से संकेत माळतेला ईत्तुन, अदकि मुक्का आगकु ईतोदुन.

23 याग आऊन मंदरि इन स्यावा अन्द दनि पुरा आदव, रा आव तान मान्नी होटोदुन. 24 ई दनिगोळ्द बाददा आऊन हगिस इलीशबा व्हाट्या दी ईत्तुर; अदकि आक ईद अनकु तान तान इक अईद तगिळ ताका होचकु ईटदुर, 25 अदकि इलीशबा खुद अच अनतोगोर, की “ई दनिगोळ दा प्रभु नान मा कृपा नजर माळकु, मंळसागोळी नान अपमान इक दुर माळोर साटी इच प्रभु नान साटी हगि माळदुन.”

यीशु उन जनम इन घोषणा

26 इलीशबा अन्द गर्भ-अवस्था अन्द आर तगिळ दा परमेश्वर उन दी टु जबिराईल स्वर्गदूत, गलील इन नासरत नगर दा, 27 ऊंद कुवारा पोर इन हात्ती कळुकु आदुन यार्द सगाई यूसुफ हेसुर इन दाऊद उन घराना अन्द ऊंद मंळसा से आगीत: आ कुवारा पोर इन हेसुर मरयिम ईरोद. 28 स्वर्गदूत आकनि हात्ती बळक बंदकु अंदुन, “नी धन्य आय, नीन मा परमेश्वर उन अनुग्रह आग्याद! प्रभु नीन सांगुळ आन!”

29 मरयिम आ स्वर्गदूत उन वचन देल हापाळ घबूसेदुर, अदकि मन दा सोचली कुरतुर की ईद याता प्रकार इन अभविदन हुन? 30 स्वर्गदूत आकनि से अंदुन, “हे मरयिम, अंजबाळ, यतकी परमेश्वर उन अनुग्रह नीन मा आग्याद. 31 नोळ, नी व्हाट्या दी ईत्या, अदकि नीनी ऊंद पार पैदा आदान; नी आऊन हेसुर यीशु ईटेत. 32 आव महान ईत्तान अदकि परमेश्वर उन पार जो सब से धोड्डेव आन अंदकु आदान; अदकि प्रभु परमेश्वर आऊन आप्प दाऊद उन सहिसन आऊक कोट्टान, 33 अदकि आव याकूब ऊंद घराना मा हमेशा राज माळ्यान; अदकि आऊन राज्य अन्द अन्त यागलु आगतीदील.”

34 मरयिम स्वर्गदूत से अंदुर, “ईद ह्यांग आदीत. ना रा यातोवारा भी मंळसा अन्द संपर्क दा हैलेच.”

35 स्वर्गदूत आक इक उत्तर कोट्टुन, “पवतिर आत्मा दी टु नी व्हाट्या दी ईत्या, अदकि परमेश्वर उन सामर्थ्य नीन मा सावली माळीत; इदुरसाटी आ

पवतिर जो पैदा आगावाळा आन, परमेश्वर उन पार अंदकु आदान. 36 अदकि नोळ, नीन कुटुम्ब इनोर इलीशबिा अक भी बुळपन दा पार आगावाळा आन, ईद आकनि, यारी लाँकुर वांझला अनतोगोर आरवा तगिळ हुन. 37 यतकी परमेश्वर उन साटी येनु असम्भव हैलेच.”

38 मरयिम अंदुर, “नोळ, ना प्रभु उन दासी हुईन, नानी नीन वचन इन अनुसार अच आगुल.” आग स्वर्गदूत आकनि हात्ती टु होटोदुन.

जकरयाह अदकि इलीशबिा अन्द हात्ती मरयिम इन होगोद

39 आ दनिगोळ दा मरयिम यदकु तुरन्त अच पहाळी द्याश दा यहूदा अन्द ऊंद नगर इक होदुर, 40 अदकि आव जकरयाह अन्द मान्या होगकु मरयिम इलीशबिा अक नमस्कार माळदुर. 41 आग हगि आत की ह्यांग इलीशबिा मरयिम इन नमस्कार केळदुर, हांग अच चगिद आकनि व्हाट्या दा हारदुन, अदकि इलीशबिा पवतिर आत्मा देल परपिरण आगेदुर. 42 अदकि इलीशबिा धोळ्द शब्द दा कारूकु अंदुर, “नी आर्तेर दा धन्य आय, अदकि नीन व्हाट्या अन्द चगिद भी धन्य आद! 43 ईद अनुग्रह नानी यल टु आत कनिान प्रभु उन मोय नान हात्ती बंदुर? 44 ह्यांग नीन नमस्कार इन शब्द नान कवि मा बतित, हांग अच चगिद नान व्हाट्या दा खुशी देल हारली हत. 45 धन्य आर आक यार वशिवास माळदुर की जो मातगोळ प्रभु उन दी टु आकनि से अंदकु आग्याव, अव पुरा आदव!”

मरयिम इन स्तुति हाळ

46 आग मरयिम अंदुर,

“नान जीवन प्रभु उन बळाई माळतद

47 अदकि नान आत्मा नान उद्धार माळावाळा परमेश्वर देल खुश आद,

48 यतकी आव तान दासी मा नजर ईट्यान;

इदुरसाटी नोळी, ईंगी टु सप्पा युग-युग इन पीढी नानी धन्य अंदीत,

49 यतकी आ शक्तमान प्रभु नान साटी धोळ्द-धोळ्द क्वाल्सा माळ्यान.

आऊन हेसुर पवतिर आद,

50 अदकि आऊन दया आंदुर मा, जो आऊन से अंजतार,

पीढी टु पीढी ताका बन्सकु ईरतद.

51 आव तान भुजा अन्द ताकत तोरसदुन,

अदकि जो तान मन दा घमण्ड माळतोगोर, आंदरी ततिर-बतिर माळदुन.

52 आव बलवानगोळी आंदुरद राज सहासनगोळ मा टु केळ्द बुट्टुन;

अदकि नम्र लाँकुरी म्याकुच नेगदुन.

53 आव हस्तकु लाँकुरी वळ्लीद वस्तुगोळ देल संतुष्ट माळदुन,

अदकि धनवानगोळी खाली कय तेगद बुट्टुन.

54 आव तान सेवक इस्त्राएल उक सम्भाल्स कौडुन

की तान आ दया अक याद माळुल,

55 जो अब्राहम अदकि आऊन वंश मा हमेशा ईत्तीत,

ह्यांग आव नाम आप्प-दादागोळ से अंददिन.”

56 मरयिम इलीशबा अनन्द सांगुळ लगभग मुर तगिुळ ईतकु तान मान्नी वापस बंदुर.

यूहन्ना बपतस्मा कोळावाळा अनन्द जनम

57 आग इलीशबा अनन्द चगिद हाळोद समय पुरा आत, अदकि आक पार उक जनम कोट्टुर. 58 आकनि मान्ना अनन्द हात्तीवाळेर अदकि कुटुम्बीगोळ ईद केळकु का प्रभु आकनि मा हापाळ दया माळ्यान, आकनि सांगुळ खुशी मनुसदुर,

59 अदकि हगि आत का आठवा दशी आंदुर आ चगिद ऊंद खतना माळली बंदुर अदकि आऊन हेसुर आऊन आप्प उन हेसुर मा जकरयाह ईटावाळेर ईरोर. 60 इदुर मा आऊन मोय उत्तर कोट्टुर, “ईद ईला; उलटा आऊन हेसुर यूहन्ना ईतकु आगुल.”

61 आंदुर आकनि से अंदुर, “नीन कुटुम्ब दा यारदु हेसुर ईद हैलेच!” 62 आग आंदुर आऊन आप्प उक इशारा माळकु केळदुर का नी आऊन हेसुर येन ईटोद चाहासत्या?

63 आव लखिसोद पट्टी कारस्कु लखिस बुट्टुन, “आऊन हेसुर यूहन्ना आद,” अदकि सप्पा लॉकुरी आश्चर्य आत. 64 आग आ चगिद उन बाय अदकि ल्यालग्या तुरन्त खुलसेत; अदकि आव माताळली अदकि परमेश्वर उन धन्यवाद माळली कुरतुन. 65 आऊन आसपास इनोर सप्पा ईरावाळेर मा अंजक तुममेत; अदकि आ सप्पा मातगोळ्द चर्चा पुरा यहुदी इन पहाळी प्रदेश दा फैलुसेत, 66 अदकि सप्पा केळावाळेर तान-तान मन दा वचार माळकु अंदुर, “ई पार ह्यांग ईतीदान?” यतकी प्रभु उन कय आऊन मा ईरोद.

जकरयाह अनन्द भवषियवाणी

67 आऊन आप्प जकरयाह पवतिर आत्मा देल परपुर्ण आगेदुन, अदकि आव परमेश्वर उन बातणी कोळली कुरतुन:

68 “प्रभु इस्त्राएल ईनव परमेश्वर धन्य ईरूल,  
यतकी आव तान लॉकुर मा नजर ईटदुन अदकि आंदुरद छुटकारा माळदुन,

69 अदकि तान सेवक दाऊद उन घराना दा  
नाम साटी ऊंद सामर्थ्यकारी उध्दारक कोटान.

70 आव तान पवतिर भवषियवक्तागोळ्द द्वारा जो दुनिया अनन्द सुरूवात टु  
आगतेला बंदार, अंददिन.

71 मतलब नाम दुश्मनगोळ से अदकि नाम से नफरत ईटावाळेर्द कय  
देल  
नाम उध्दार माळदुन,

72 आव तान आप्प-दादागोळ से अंददिन का आव दया माळ्यान का  
तान पवतिर वाचा अनन्द याद माळुल,

73 अद करिया आव नामव आप्प अब्राहम से तदीदुन,

74 आव नामी ईद कोट्टान का नाव तान  
दुश्मनगोळ्द कय दा टु बटिकु,

75 आऊन मुंद पवतिरता अदकि न्यायीपन देल पुरा

जीवन तीम नडिर ईतकु आऊन स्यावा माळतेला ईत्तेव.

76 अदकि नी हे पारा, परमेश्वर उन भवषियवक्ता कहलुस्या,  
यतकी नी प्रभु उन हादी तयार माळोर साटी  
आऊन मुंद-मुंद नळदया,

77 का आऊन लॉकुरी उद्धार इन ग्यान कोट्टान,  
जो आंदुरद पापगोळी माफ माळीत.

78 ईद नाम परमेश्वर उन अदा धोळ्द करूणा देल आग्याद;

यदुर कारण म्याकुच टु नाम मा व्हातुर इन उजुळ उदय आदीत,

79 का अंधकार अदकि मृत्यु ऊंद सावली दा कुरावाळेर इक प्रकाश  
कोळुल,

अदकि नाम कालगोळी शांती इन हादी मा सरका नळसुल.”

80 अदकि आ चगिद धोळ्द अदकि आत्मा दा बलवन्त आगतेला ईत्तुन,  
अदकि इस्त्राएल मा प्रगट आगोद दनि ताका आळीगोळ दा ईत्तुन.

## 2

यीशु उन जनम

(मत्ती १:१८-२५)

1 आ दनिगोळ दा रोम इन राजा औगुस्तुस उन दी टु आग्या होळ्द का  
पुरा रोमन साम्राज्य अनद लॉकुरद हेसुर नोंदणी माळकु आगुल. 2 ईद पयला  
जनगणना आ समय आत, याग सरकारी अधिकारी क्वरिनियुस हेसुर इन मंळसा  
सीरिया हेसुर इन नगर इन शासक ईरोन, 3 सप्पा लॉकुर हेसुर लखिसुसोर साटी  
तान तान नगर इक होटोदुर.

4 इदुरसाटी यूसुफ भी दाऊद उन घराना नव ईरोन, इदुरसाटी गलील इन  
नासरत नगर टु यहूदिया दा दाऊद उन नगर बैतलहम इक होदुन, 5 का तान  
हगिंस मरयिम इन सांगुळ जो व्हाट्या दी ईरोर हेसुर लखिसुसुल. 6 आंदुरद अल  
ईरा समय दा मरयिम इन चगिद हाळोद दनि पुरा आदव, 7 अदकि मरयिम तान  
पयला चगिद उक हाळदुर अदकि आ चगिद उक कपळा दा लपटुसकु चरनी दा  
ईटदुर; यतकी आंदुर साटी सरई दा जागा ईला ईरोद.

स्वर्गदूतगोळ द्वारा चरवाहगोळी बातणी

8 अदकि आ प्रदेश दा यास चरवाहगोळ ईरोर, जो ईळ्लक इक मैदान दा  
ईतकु तान तान झुण्ड इन पहरा कोळतोगोर. 9 अदकि प्रभु उन ऊंद स्वर्गदूत  
आंदुर हात्ती बंदकु नीदरेदुन, अदकि प्रभु उन तेज आंदुरद नाकु दी चमकुस्त,  
अदकि आंदुर हापाळ अंजेदुर. 10 आग स्वर्गदूत आंदुर से अंदुन, “अंजवाळी;  
यतकी, ना नीमी हापाळ खुशी इन खुशखबरी केळ्सतीन जो सप्पा लॉकुर  
साटी ईत्तीत, 11 का ईद दाऊद उन नगर दा नीम साटी ऊंद उद्धारकर्ता पैदा  
आग्यान, अदकि ईवा मसीह प्रभु हुन. 12 अदकि इदुरद नीम साटी ईद चनिह  
आद का नीव ऊंद पार उक कपळा दा लपटुसकु अदकि चरनी दा बदिकु नोळीर.”

13 आग अचानक आ स्वर्गदूत उन सांगुळ स्वर्गदूतगोळ्द दल परमेश्वर  
उन स्तुतमाळतेला अदकि ईद अनतेला कांळसदव,

14 “आकाश दा परमेश्वर उन महिमा

अदकि पृथ्वी मा आ मंळसागोळ देल यार से आव प्रसन्न आन, शांती आगुल.”

15 याग स्वर्गदूत आंदुर हात्ती टु स्वर्ग दी होटोदुर, रा चरवाहगोळ आपस दा अंदुर, “बरी, नाव बैतलहम होगकु ई मात जो आग्याव, अदकि यारी प्रभु नाम मा प्रगट माळ्यान, नोळाती.”

16 अदकि आंदुर तुरन्त होगकु मरयिम अदकि यूसुफ उन हात्ती होदुर, अदकि आ चगिद उक चरनी दा बदिकु नोळदुर. 17 ईद नोळकु चरवाहागोळ आ मात इक प्रगट माळ बुदुर, जो ई चगिद उन बारा दा आंदुर से अंदकु आगीत, 18 अदकि सप्पा लॉकुर आ मातगोळी केळकु जो चरवाहगोळ आंदुर से अंदुर आश्चर्य माळदुर. 19 लेकीन मरयिम ई सप्पा मातगोळी तान दलि दा ईटकु मन दा वचार माळतेला ईततुर. 20 चरवाहगोळ ह्यांग स्वर्गदूतगोळ हेळीदुर सब येनारा हांग अच केळकु अदकि नोळकु परमेश्वर उन महमा अदकि स्तुति माळतेला होटोदुर.

यीशु उन हेसुर ईटटोद

21 ह्यांग येठठ दनि पुरा आदव अदकि आऊन खतना अन्द समय बत्त, रा आऊन हेसुर यीशु ईटकु आत जो स्वर्गदूत आऊन मोय इन गर्भ दा बरोद से पयला अंददिन.

मंदरि दा यीशु उन अरपण

22 याग आंदुर यीशु उक अंदुर, मूसा इजाजत कोटान कि ऊंद मंळसा छोळ चटिठी लखिसकु तान हगिस उक तलाक कोळ सकतान. व्यवस्था अन्द अनुसार यूसुफ अदकि मरयिम इन तान खुद इन शुद्ध आगव दनि पुरा आदव, रा आंदुर यीशु उक यरूशलेम दा ओतुर कि प्रभु उन मुंद अरपण माळुल, 23 ह्यांग कि प्रभु उन व्यवस्था अन्द कतिब दा लखिसकु आद: “हर ऊंद पयला पार परमेश्वर उन साटी पवतिर ठहरूस्यान.” 24 अदकि प्रभु उन व्यवस्था अन्द वचन इन अनुसार आंदुर: “फंडकी इन ऊंद ज्वाळा, या कबूतर इन येदद पाडडगोळ” तंदकु बली येरसुल.

25 यरूशलेम दा शमौन हेसुर ईनव ऊंद मंळसा ईरोन, अदकि आ मंळसा न्यायी अदकि भक्त ईरोन; अदकि इसत्राएल इन लॉकुरी ऊळसावाळा अन्द हादी कायोन, अदकि पवतिर आत्मा आऊन मा ईरोद. 26 अदकि पवतिर आत्मा अन्द द्वारा आऊन बारा दा वादा माळकु आगीत कि यागासताका नी प्रभु उन प्रगट मसीह अक नोळ कोमाल, आगासताका नी सायतीदील. 27 शमिओन पवतिर आत्मा अन्द प्रेरणा देल मंदरि दा बंदुन; अदकि याग मोय अदकि आप्प व्यवस्था अन्द वधी इक पुरा माळोर साटी चगिद यीशु उक मंदरि दा तंदुर, 28 आग आव यीशु उक क्वारा दा हुळदुन अदकि परमेश्वर उक धन्यवाद माळकु अंदुन:

29 “हे प्रभु, ईग तान दास उक नी जो वादा माळीद अदुर अनुसार शांती देल सायगोळ,

30 यतकी नान कण्णगोळ नीन उद्धार इक नोळ कौडाद,

31 यदरी नी सप्पा प्रदेश इन लॉकुरद मुंद तयार माळ्या,  
 32 क्क आव अन्य गैरयहूदीगोळी सच्चाई प्रगट माळावाळा प्रकाश कोळोर  
 साटी ज्योर्ता,  
 अदकि नीन नजी जात इस्त्राएल इन साटी महमा आगुल.”

33 आऊन आप्प अदकि मोय आ मातगोळ देल जो शमिओन अनतोगोन,  
 आश्चर्य माळतोगोर. 34 आग शमौन आंदरी आशीष कोटकु यीशु उन मोय  
 मरयिम से अंदुन, “नोळ, ई पार उक इस्त्राएल दा हापाळ मुंदुरद बळोद, अदकि  
 येळोद साटी, अदकि ऊंद हगि चमत्कार आगोर साटी ठहरूसकु आग्याद, यार्द  
 वरिध दा मातगोळ हेळकु आदाव. 35 इदुर देल हापाळ लॉकुर मन दा वचिार  
 प्रगट आदव उलटा नीन दलि भी दुखगोळ देल तुमकु आदीत.”

36 आशेर इन गोत्र दा टु हन्नाह हेसुर इन फनूएल उन पोर ऊंद  
 भवषियवक्तागति ईरोर. आक हापाळ हाळामुंड ईरोर, अदकि मदा आगदुर  
 बाददा येळ वर्ष तान गांडुड उन सांगुळ ईत्तुर बाददा आकनि गांडुड सोतोगदिन.

37 ईग आक चौर्यासी वर्ष टु रांड्या ईरोर: अदकि आक मंदिर इक ईला  
 बळितोगोर, लेकीन ईळलक-हागुल उपास अदकि प्रार्थना माळ माळकु  
 स्यावा दा हतकु ईरतोगोर. 38 अदकि आक आ घळी अल बंदकु प्रभु उन  
 धन्यवाद माळली कुरतुर, अदकि आ सप्पा मुंदुर से, जो यरूशलेम इन लॉकुरद  
 छुटकारा अन्द हादी कायतोगोर, आ चगिद उन बारा दा मातगोळ हेळली  
 कुरतुर.

यीशु उन नासरत नगर दा वापस बरोद

39 याग आंदुर प्रभु उन व्यवस्था अन्द अनुसार सब येनारा पुरा माळ  
 कोडुर रा गलील दा तान नगर नासरत इक होटोदुर. 40 अदकि आ चगिद  
 वाढुसत, अदकि बलवन्त आग्त, अदकि बुद्धी देल परपिर्ण आग्त होदुन;  
 अदकि परमेश्वर उन अनुग्रह आऊन मा ईरोद.

यीशु मंदिर दा

41 यीशु उन मोय अदकि आप्प हर वर्ष फसह अन्द हाब्व दा यरूशलेम  
 होगतोगोर. 42 याग यीशु हन्नेळ वर्ष ईनव आदुन, रा आंदुर हाब्व इन रीर्ता  
 इन अनुसार यरूशलेम इक होदुर. 43 याग आंदुर आ दनिगोळी पुरा माळकु वापस  
 बरली आदुर, रा स्याण पार यीशु यरूशलेम दा ईतोदुन; अदकि ई मात आऊन  
 मोय अदकि आप्प उक मालूम ईला ईरोद. 44 आंदुर ईद सम्सकु क्क आव दुसरा  
 यात्रीगोळ सांगुळ इतदान, ऊंद रोज इन हादी नळदोदुर: अदकि आऊक तान  
 कुटुम्बगोळ अदकि जान पयचान वाळेरद हात्ती ढुंढसली कुरतुर. 45 पर याग  
 आव सकिदिल, रा ढुंढसत-ढुंढसत मात्त यरूशलेम इक होटोदुर, 46 अदकि मुर  
 दनि इन बाददा आंदुर आऊक मंदिर दा उपदेश कोळावाळेरद न्याड्या दा कुरत,  
 अदकि आंदुर केळ्त, अदकि आंदुर से प्रश्न माळतेला नोळदुर. 47 यास आऊन  
 केळतोगोर, आंदुर सप्पा आऊन समझ अदकि आऊन उत्तरगोळ देल चकति  
 ईरोर. 48 आग आंदुर आऊक नोळकु चकति आदुर अदकि आऊन मोय आऊन

से अंदुर, “हे पारा, नी नाम से येती हगि व्यवहार माळ्द? नोळ, नीन आप्प अदकि ना व्याकुल आगकु नीनी ढुंढसेव?”

49 यीशु आंदुर से अंदुन, “नीव नानी येती ढुंढसीर? येन नीव ईला जानसीर कानानी तान आप्प उन भवन दा ईरोद जरूरी आद?” 50 लेकीन जो मात आव आंदुर से अंदुन, आंदरी आ मात समसदिलि.

51 आग यीशु आंदुर सांगुळ होदुन, अदकि नासरत नगर दा बंदुन, अदकि आंदुर बस दा ईततुन; अदकि आऊन मोय ई सप्पा मातगोळ तान मन दा ईटदुर. 52 अदकि यीशु बुद्धी अदकि मय देल डील-डोल, अदकि परमेश्वर अदकि मंळसा अन्द अनुग्रह दा वाळुसली कुरतुन.

### 3

यूहन्ना बपतस्मा कोळावाळा अन्द बातणी

(मत्ती ३:१-१२; मरकुस १:१-८; यूहन्ना १:१९-२८)

1 तबिरियुस रोमन इन राज्य अन्द पंद्रावा वर्ष दा पुन्तयुस पलातुस यहूदया अन्द नयायाधीश ईरोन, अदकि गलील दा हेरोदेस, इतूरैया अदकि त्रखोनीतसि द्याश दा आऊन वार्ट फलिपिपुस, अदकि अबलिने दा लसानयास, चौथाई इन राजा ईरोर, 2 अदकि याग हन्ना अदकि कैफा महायाजक ईरोर, आ समय दा परमेश्वर उन वचन आळी दा जकरयाह अन्द पार यूहन्ना अन्द हात्ती पोहचुस्त. 3 बपतस्मा कोळावाळा यूहन्ना यरदन इन आसपास इन सप्पा प्रदेश दा होगकु, पश्चाताप माळी, बपतस्मा ताकोमी बाक परमेश्वर नीम पापगोळी माफ माळ्यान, हगि प्रचार माळत टेटदुन.

4 ह्यांग यशायाह भवषियवक्ता अन्द माताळ्द वचनगोळ कतिब दा लखिसकु आव:

“आळी दा ऊंद कारावाळा अन्द आवाज केळ बरेत्याद कि,

‘प्रभु उन हादी तयार माळी,

अदकि आऊन यात्रा अन्द साटी सळकगोळी सरका माळी.

5 हर ऊंद घाटी तुमकु आदीत,

अदकि हर ऊंद पहाळी अदकि टीला ल्यालमा माळकु आदीत;

अदकि जो वाकळा आद अद सीधा, अदकि जो म्याकुच आद अद ल्यालमा

अदकि जो ल्यालमा आद अद म्याकुच

अदकि अद चौरस हादी बनसीत.

6 अदकि हर ऊंद मंळसा परमेश्वर उन उद्धार इक नोळीत.’”

7 \*जो भीळ इन भीळ आऊन हात्ती बपतस्मा ताकोमली होटकु बरतोगोद, आंदुर से यूहन्ना अनतोगोन, “हे हाव इन चकिोरा, याव नीमी चतरा माळ बुटुन कि परमेश्वर उन बरावाळा प्रकोप देल ओळी? 8 \*इदुरसाटी हगि मातगोळ माळी जो नीम पश्चाताप इक तोरसतद, अदकि तान तान मन दा ईद वचिार माळबाळी कि नाम आप्प अब्राहम हुन; यतकी ना नीम से अनतीन कि परमेश्वर ई कल्लगोळ देल भी अब्राहम उन साटी औलाद पैदा माळ सकतान.

9 ईग कोळ्ळी मार्रगोळ्द जळी मा ईटकु आद, इदुरसाटी जो-जो मार्र वळ्ळीद काय तराल, अदरी कळकु अदकि बेक्की दा हाक्कु आदीत.”

10 आग लॉकुर आऊन से केळदुर, “रा नाव येन माळेव?”

11 आव आंदरी उत्तर कोट्टुन, “यार्द हात्ती येद्व कळता आव, आव आऊक ऊंद कुळता कोळ्ळुल यार्द हात्ती हैलेच अदकि यार्द हात्ती तनिद आद, आव भी हगि अच माळ्ळुल.”

12 अकर ताकोमावाळेर भी बपतस्मा ताकोमली बंदुर, अदकि आऊन से केळदुर, “हे गुरु, नाव येन माळेव?”

13 आव आंदुर से अंदुन, “जो नीम साटी ठहरूसकु आग्याद, अदुर से यक्कुल ताकोम बाळ्ळेतरी.”

14 सपिाहीगोळ भी आऊन से ईद केळदुर, “नाव येन माळेव?”

यूहन्ना आंदुर से अंदुन, “यारदारा मा दबाव हाक्कु आऊन से पैस्या ताकोमबाळी अदकि ख्वाटा दोष हचबाळी, लेकीन तान रोजी देल अच संतुष्ट ईरी.”

15 याग लॉकुर आस हचकु ईरोर, अदकि सप्पा तान तान मन दा यूहन्ना अन्द बारा दा वचिार माळोर का येन ईवा रा मसीह आलच, 16 रा बपतस्मा कोळावाळा यूहन्ना आ सप्पा मुंदुर से अंदुन, “ना रा नीमी नीर देल बपतस्मा कोळतीन, लेकीन आव बरावाळा आन जो नान से यक्कुल ताकतवर आन; ना रा ई लायक भी हैलेच का आऊन केर उन बंध खोलस सकाईन. आव नीमी पवतिर आत्मा अदकि बेक्की देल बपतस्मा कोट्टान. 17 आऊन मार्र, आऊन कय दा आद; अदकि आव तान केई वळ्ळीद तरीका देल साफ माळ्यान; अदकि तान गोदीगोळी रा द्वाला दा जमा माळ्यान; लेकीन भूसा अन्द गवान्डा अक आ बेक्की दा होताक्यान जो यागलु नुनाल्द.”

18 इदुरसाटी आव हापाळ सा शक्षिा कोट कोटकु लॉकुरी चेतावनी कोळतोगोन का तान हादी बदलुसुल. 19 अलेकीन याग आव चौथाई द्याश इन राजा हेरोदेस उक आऊन वार्ट फलिपिपुस उन हगिस हेरोदियास इन बारा दा अदकि सप्पा कुकर्मगोळ्द बारा दा जो आव माळीदुन, फटकार्सदुन, 20 रा हेरोदेस आ सप्पा देल वाद्दुस्कु ईद कुकर्म भी माळदुन का बपतस्मा कोळावाळा यूहन्ना अक बंदीगृह दा हाक बुट्टुन.

यीशु उन बपतस्मा

(मत्ती ३:१३-१७; मरकुस १:९-११)

21 याग सप्पा लॉकुर बपतस्मा ताकोडुर अदकि यीशु भी बपतस्मा ताकोमकु प्रार्थना माळोन, रा स्वर्ग खुल्सत, 22 अदकि पवतिर आत्मा कबूतर इन घाई आऊन मय मा ईळुत, अदकि स्वर्ग टु ईद आकाशवाणी आत का: “नी नान प्रयि पार हुय, ना नीन देल हापाळ खुश आईन.”

यीशु उन वंशावली

(मत्ती १:१-१७)



23 याग यीशु खुद उपदेश कोळली कुरतुन, रा लगभग तीस वर्ष ईनव ईरोन ह्यांग लाँकुर समसतोगोर अदकि यीशु यूसुफ ईनव पार ईरोन; अदकि यूसुफ एली नव, 24 अदकि एली मत्तात ईनव, अदकि मत्तात लेवी नव, अदकि लेवी मलकी नव, अदकि मलकी यन्ना नव, अदकि यन्ना यूसुफ ईनव, 25 अदकि यूसुफ मत्ततियाह नव, अदकि मत्ततियाह आमोस ईनव, अदकि आमोस नहूम ईनव, अदकि नहूम असल्याह नव, अदकि असल्याह नोगह ईनव, 26 अदकि नोगह मात ईनव, अदकि मात मत्ततियाह नव, अदकि मत्ततियाह शमी नव, अदकि शमी योसेख ईनव, अदकि योसेख योदाह ईनव, 27 अदकि योदाह यूहन्ना नव, अदकि यूहन्ना रेसा नव, अदकि रेसा जरूबाबलि ईनव, अदकि जरूबाबलि शालतएल ईनव, अदकि शालतएल नेरी ईनव, 28 अदकि नेरी मलकी नव, अदकि मलकी अद्दी नव, अदकि अद्दी कोसाम ईनव, अदकि कोसाम इलमोदाम ईनव, अदकि इलमोदाम एर ईनव, 29 अदकि एर यहोशू नव, अदकि यहोशू इलाजार ईनव, अदकि इलाजार योरीम ईनव, अदकि योरीम मत्तात ईनव, अदकि मत्तात लेवी नव, 30 अदकि लेवी शमौन ईनव, अदकि शमौन यहूदा नव, अदकि यहूदा यूसुफ ईनव, अदकि यूसुफ योनान ईनव, अदकि योनान इल्याकीम ईनव, 31 अदकि इल्याकीम मलेआह ईनव, अदकि मलेआह मन्नाह ईनव, अदकि मन्नाह मत्तात ईनव, अदकि मत्तात नातान ईनव, अदकि नातान दाऊद ईनव, 32 अदकि दाऊद यशै ईनव, अदकि यशै ओबेद ईनव, अदकि ओबेद बोअज ईनव, अदकि बोअज सलमोन ईनव, अदकि सलमोन नहशोन ईनव, 33 अदकि नहशोन अम्मीनादाब ईनव, अदकि अम्मीनादाब अरनी नव, अदकि अरनी हसित्रोन ईनव अदकि हसित्रोन फरिसि ईनव, अदकि फरिसि यहूदा नव, 34 अदकि यहूदा याकूब ईनव, अदकि याकूब इसाहक ईनव, अदकि इसहाक अब्राहम ईनव, अदकि अब्राहम तरिह ईनव, अदकि तरिह नाहोर ईनव, 35 अदकि नाहोर सरूग ईनव, अदकि सरूग रऊ नव, अदकि रऊ फलिगि ईनव, अदकि फलिगि एबरि ईनव, अदकि एबरि शलिह ईनव, 36 अदकि शलिह केनान ईनव, अदकि केनान अरफकषद ईनव, अदकि अरफकषद शेम ईनव, अदकि शेम नूह नव, अदकि नूह लमिकि ईनव, 37 अदकि लमिकि मथूशलिह ईनव, अदकि मथूशलिह हनोक ईनव, अदकि हनोक यरिदि ईनव, अदकि यरिदि महललेल ईनव, अदकि महललेल केनान ईनव, 38 अदकि केनान एनोश ईनव, अदकि एनोश शेत ईनव, अदकि शेत आदम ईनव, अदकि आदम परमेश्वर उन पार ईरोन.

## 4

आळी दा यीशु उन परीक्षा

(मत्ती ४:१-११; मरकुस १:१२,१३)

1 बाक यीशु पवतिर आत्मा देल परपिर्ण आगकु यरदन गांगा टु वापस बंदुन. 2 अदकि चालीस दिन ताका आत्मा अन्द कल्सदुर देल सुनसान जागा दा टेटाळतेला ईत्तुन; अदकि शैतान आऊन परीक्षा माळतेला ईत्त. आ दनिगोळ दा यीशु येनु तंददिल, अदकि याग अव दिन पुरा आदव, रा आऊक हसु हत.

3 आग शैतान यीशु उक अंदुन, “अगर नी परमेश्वर उन पार हुय, रा ई कल्ल देल अन, कि रोट्टी आगेगुल.”

4 यीशु आ शैतान उक उत्तर कोट्टुन, “शास्त्र दा लखिसकु आद: मळसा सर्फि रोट्टी देल अच जत्तिता ईरतीदील.”

5 बाक शैतान यीशु उक ऊंद हापाळ ऊंचा पहाळी मा ओईत अदकि आऊक घळी तमिर दा दुनिया अन्द सप्पा राज्य तोरस बुळत, 6 अदकि आग शैतान यीशु से अंत, “ना ई सप्पा अधिकार, अदकि सप्पा वैभव ना नीनी कोट बुळाईन, यतकी अद नानी सोपस्कु आग्याद: अदकि ना यारी चाहासतीन आऊक कोट बुळतीन. 7 इदुरसाटी अगर नी बांगकु नानी प्रणाम माळ्या, रा ई सप्पा अपमान आगेदीत.”

8 यीशु आ शैतान उक उत्तर कोट्टुन, “शास्त्र दा लखिसकु आद, ‘नी तान प्रभु परमेश्वर उन भक्ती माळ; सर्फि आऊंदा उपासना माळ.’ ”

9 आग आ शैतान यीशु उक यरूशलेम दा वोतकु मंदरि इन स्यांडा मा नीदरूस्त, अदकि आऊन से अंत, “अगर नी परमेश्वर उन पार हुय, रा तान तान इक ईल टु ल्यालमा केळ्दबुळ. 10 यतकी शास्त्र दा लखिसकु आद: ‘आव नीन बारा दा तान स्वरगदूतगोळी आग्या कोट्टान, कि आंदुर नीन रक्षा माळुल.’ 11 अदकि हगि भी अंदकु आग्याद, ‘आंदुर नीनी तुरन्त तान कयगोळ दा नेगु कोंडार, ताकी नीन कालगोळी कल्ल देल ठेस हतबाळुल.’ ”

12 यीशु आऊक उत्तर कोट्टुन, “शास्त्र दा ईद भी लखिसकु आद: ‘नी तान प्रभु परमेश्वर उन परीक्षा माळबाळ.’ ”

13 याग शैतान सप्पा परीक्षा माळकोम्त, आग थ्वाळासा समय इन साटी आऊन हात्ती टु होटोत.

गलील दा यीशु उन स्यावा-कार्य अन्द सूरवात  
(मत्ती ४:१२-१७; मरकुस १:१४,१५)

14 बाक यीशु आत्मा अन्द सामर्थ्य देल तुमकु मात्त गलील दा बंदुन, अदकि आऊन चर्चा आसपास इन सप्पा प्रदेश दा फैलुसेत. 15 यीशु आंदुरद यहूदी लॉकुरद सभागूहगोळ दा उपदेश कोळतेला ईत्तुन, अदकि सप्पा मुंदुर आऊन बळाई माळतोगोर.

नासरत दा यीशु उन अपमान  
(मत्ती १३:५३-५८; मरकुस ६:१-६)

16 बाक यीशु नासरत नगर दा बंदुन, यल आव स्याण टु धोड्डेव आगीदुन; अदकि तान रीतति इन अनुसार आराम इन दनि यहूदी लॉकुरद सभागूह दा होगकु वाचुसोर साटी नीदुरदुन. 17 अदकि यशयाह भवषियवक्ता अन्द कतिब आऊक कोटकु आत, अदकि आव कतिब खोल्सकु, अद जागा तेगदुन यल हगि लखिसकु ईरोद:

18 “प्रभु उन आत्मा नान मा ईळ्दाद,

इदुरसाटी कि आव कंगालगोळी खुशखबरी केळसोर साटी आव नान अभषिक माळ्यान,

अदकि नानी इदुरसाटी कळ्यान कि बंदीगोळी छुटकारा अन्द घोषणा  
अदकि कुढ्ढगोळी नोळोद खुशखबरी प्रचार माळाईन

अदकि दलतिगोळी बळिसुसाईन,

19 अदकि परमेश्वर उन कृपा दृष्टी इन वर्ष इन घोषणा माळाईन.”

20 आग आव कतिब बंद माळकु सेवक उन कयगोळ दा कोट बुट्टुन अदकि कुरतोदुन; अदकि यहूदी लॉकुरद सभागृह अन्द सप्पा लॉकुर आऊक तार कोटकु नोळोर. 21 आग आव आंदुर से अनली कुरतुन, “ईदल्या अच ईद लेखा ना वाचुसदनि अदकि नीम केळदुर देल पुरा आग्याद.”

22 सप्पा लॉकुर आऊन वाहवाही माळदुर, अदकि जो अनुग्रह नव मातगोळ आऊन बाय दा टु होळतोगोव, आ मातगोळ देल अचम्भति आदुर; अदकि अनली कुरतुर, “येन ईव यूसुफ उन पार आलच?”

23 यीशु आंदुर से अंदुन, “नीव नान बारा दा ई उदाहरण अंदीर कि हे वैद्य, पयले तान तान इक वळ्लीद माळ! नाव केळेव कि जो येनारा नी कफरनहूम दा माळया, अद ईल तान नगर दा भी माळ.” 24 \*अदकि आव अंदुन, “ना नीम से खरा माताळतीन यावारा भी भवषियवक्ता अक तान द्याश दा मान सम्मान सकाल.”

25 लेकीन ना नीम से जो खरा आद अद माताळतीन कि एलिय्याह अन्द दनिगोळ दा याग साळे मुर वर्ष ताका आकाश बंद ईरोद ईल ताका सूखा बतित्त अदकि इस्त्राएल द्याश दा भयंकर अकाल बतित्त, रा इस्त्राएल दा हापाळ सा रांड्यागतिर ईरोर. 26 “लेकीन एलिय्याह अक आंदुर दा टु यारदारा मंळसा अन्द हात्ती कळुकु आगीदील, सर्फि सैदा अन्द सारफत नगर दा ऊंद रांड्यागति इन हात्ती आऊक कळुकु आगीत. 27 अदकि एलीशा भवषियवक्ता अन्द काल दा इस्त्राएल दा ईरतोगोर आंदुर हापाळ लॉकुर कोद इन बमिारी देल ईरोर, लेकीन सीरिया नव ईरावाळा नामान सीरियाई इक बटिकु सप्पा मुंदरी शुद्ध माळकु आत.”

28 ईव मातगोळ केळतेला अच यास यहूदी लॉकुरद सभागृह दा ईरोर, सप्पा लॉकुर सट्टि दा बंदुर, 29 अदकि आंदुर यदकु आऊक ऊरा दा टु व्हार्या तेगदुर, अदकि यात्ता पहाळी मा आऊन ऊर बसुस्कु ईरोद, अदुरद स्यांडा मा ओतुर कि आऊक अल टु ल्यालमा भीळ सक्केव. 30 लेकीन आव आंदुर न्याड्या दा टु होटकु होटोदुन.

दुष्टआत्माग्रस्त मंळसा अक चंगा माळोद  
(मरकुस १:२१-२८)

31 बाक यीशु गलील इन कफरनहूम नगर इक होटोदुन; अदकि आराम इन दनि लॉकुरी उपदेश कोळोन. 32 \*आंदुर आऊन उपदेश देल सट्ट आगोदुर यतकी आऊन वचन अधिकार देल माताळव. 33 यहूदी लॉकुरद सभागृह दा ऊंद मंळसा ईरोन, यारदा दुष्टआत्मा ईरोद आ दुष्टआत्मा जो परमेश्वर उन मुंद अशुध्द ठहरूसतद, आव धोळद शब्द देल चलिळासली कुरतुन, 34 “हे यीशु नासरी, नामी

नीन से येन क्यालसा? येन नी नामी नाश माळली बंद्या? ना नीनी जान्‌सतीन नी याव हुय? नी परमेश्वर उन पवतिर जन हुय!”

35 यीशु आऊक दनकुसकु अंदुन, “सुंगा ईर, अदकि आऊन दा टु होटबुळ!” आग दुष्टआत्मा आऊक न्याड्या दा पटकुसकु बनिा हाना पोहचुस्त आऊन दा टु होट्ट बुळ्त.

36 इदुर मा सप्पा लॉकुर इक अचम्भा आत, अदकि आंदुर आपस दा मातचीत माळकु अनली कुरतुर, “ईद ह्यांग वचन हुन? यतकी आव अधिकार अदकि सामर्थ्य इन सांगुळ अशुध्द आत्मागोळी आग्या कोळतान, अदकि आ दुष्टआत्मा आत्मागोळ होट बुळताव.” 37 ई प्रकार देल नाकु दशा दी यीशु उन चर्चा आगली कुरतव.

यीशु उन हापाळ लॉकुरी चंगा माळोद  
(मत्ती ८:१४-१७; मरकुस १:२९-३४)

38 यीशु यहूदी लॉकुरद सभागृह दा टु यदकु शमौन उन मान्नी होदुन. शमौन उन आत्त ज्वर इन बमिारी देल बदिकु ईरोर, अदकि आंदुर आकनि साटी यीशु उक वनिती माळदुर. 39 यीशु आकनि हात्ती नीदुरकु मय इक दनकुसदुन अदकि मय ईळदोदव, अदकि आक तुरन्त यदकु आंदुरद स्यावा-पानी माळली कुरतुर.

40 द्यावगान होती, याता-याता मान्या लॉकुर अलग अलग प्रकार इन बमिारीगोळ देल बदिकु ईरोर, आंदुर सब आंदरी आऊन हात्ती तंदुर, अदकि यीशु ऊंद ऊंद मा कय ईटकु आंदरी चंगा माळदुन. 41 अदकि दुष्टआत्मागोळ भी चल्लिासव अदकि ईद अनतेला क्कि, “नी परमेश्वर उन पार हुय,”

हापाळ मुंदुर दा टु होट बुट्टव. पर यीशु अवरी दनकुसदुन अदकि माताळ गोटीदील, यतकी आ अशुध्द आत्मागोळ जानसव क्कि आव मसीह हुन.

यीशु उन यहूदी लॉकुरद सभागृहगोळ दा प्रचार माळोद  
(मरकुस १:३५-३९)

42 याग व्हातुर आत रा यीशु होटकु ऊंद सुनसान जागा दा होटोदुन, अदकि भीळ इन भीळ आऊक वुंढसतेला आऊन हात्ती बत्त, अदकि यीशु उक रोक्सली कुरतुर क्कि आव आंदरी बटिकु होगबाळुल. 43 लेकीन यीशु आंदुर से अंदुन, “नानी दुसरा नगरगोळ दा भी परमेश्वर उन राज्य इन खुशखबरी केळसोद जरूरी आद, यतकी नानी इदुरदा साटी कळुकु आग्याद.”

44 अदकि यीशु गलील इन प्रदेश दा अदकि सप्पा यहूदीगोळ्द यहूदी लॉकुरद सभागृहगोळ दा प्रचार माळतेला ईत्तुन.

## 5

यीशु उन द्वारा पयला चेलागोळी कारोद आत  
(मत्ती ४:१८-२२; मरकुस १:१६-२०)

1 याग भीळ परमेश्वर उन वचन केळोर साटी आऊन मा बळिली आगतोगोद, अदकि यीशु गन्नेसरत इन झील इन कनारा मा नीदुरकु ईरोन, रा हगि आत 2 क्कि आव झील इन कनारा दा येद्व ड्वांगागोळी हतकु ईरव

अवरी नोळदुन, अदकि मेन हुडावाळेर अऊर मा टु ईळ्ळुकु जार तोळोर. <sup>3</sup> आ इवांगागोळ दा टु ऊंद मा, जो शमौन उन ईरोद, येरकु यीशु आऊन से वनिती माळदुन की कनिरा टु थ्वाळासा सरकुसकु नळु. आग आव कुर्तकु लॉकुरी इवांगा मा टु उपदेश कोळली कुरतुन.

<sup>4</sup> याग यीशु उन मातगोळ हेळकु आदव रा आव शमौन उक अंदुन, “खोल नीर दा होग, अदकि मेन हुडोर साटी तान जार हाक्क.”

<sup>5</sup> शमौन यीशु उक उत्तर कोट्टुन, “हे स्वामी, नाव पुरा ईळलक तीम मेहनत माळदेव अदकि येनु सक्कीदील; तरी नीन कयना देल ना जार हाकतीन.”

<sup>6</sup> याग आंदुर हगि माळदुर, रा हापाळ मेनगोळ जार दा बंदव, अदकि आंदुरद जार हरूली कुर्त. <sup>7</sup> इदुर मा आंदुर तान संगीगोळी जो दुसरा इवांगा मा ईरोर, आंदरी कारदुर की बंदकु नाम मदत माळी, अदकि आंदुर बंदकु येदुदु इवांगागोळी इल ताका तुमदुर की आ इवांगागोळ मुळकली कुरतव. <sup>8</sup> ईद चमत्कार नोळकु शमौन पतरस यीशु उन काल मा बदिदुन अदकि अंदुन, “हे प्रभु, नान हात्ती टु होटोग, यतकी ना पापी मंळसा आईन!”

<sup>9</sup> यतकी ईस मेनगोळ हुळदुर देल आऊक अदकि आऊन संगीगोळी हापाळ अचम्भा आत, <sup>10</sup> अदकि हांग अच जब्दी इन पार याकूब अदकि यूहन्ना अक भी, जो शमौन उन भागीदार ईरोर, अचम्भा आत. आग यीशु शमौन से अंदुन, “अंजबाळ; ईगी टु नी मंळसागोळी परमेश्वर उन राज्य दा तद्या.”

<sup>11</sup> अदकि आंदुर इवांगागोळी कनिरा मा तंदुर अदकि सप्पा येनारा बटिकु आऊन हदि होटोदुर.

यीशु उन द्वारा कोद इन रोगी इक चंगा माळोद  
(मत्ती ८:१-४; मरकुस १:४०-४५)

<sup>12</sup> ऊंद घन याग यीशु यातोदारा तरी नगर दा ईरोन, आग आऊन हात्ती ऊंद मंळसा बंदुन; यारी कोद इन रोग हतकु ईरोद, आव यीशु उक नोळकु आऊन काल मा बदिदुन, अदकि वनिती माळदुन, “हे प्रभु, अगर नी चाहास्या रा नानी शुद्ध माळ सकत्या.”

<sup>13</sup> यीशु कय मुंद माळकु आऊक मुटदुन अदकि अंदुन, “ना चाहसतीन, की नी शुद्ध आगोग.” अदकि आऊन कोद इन रोग तुरन्त दूर आगेत. <sup>14</sup> यीशु आऊक आग्या कोट्टुन, “यारीकु हेळबाळेत, लेकीन होगकु तान तान इक याजक उक तोरस, अदकि तान शुद्ध आगोद बारा दा जो येनारा मूसा नीनी आग्या कोटान अदरी भेंट येरस की आंदुर मा गवाही आगुल.”

<sup>15</sup> लेकीन यीशु उन चर्चा दुर दुर ताका फैलुस्तेला होगोद, अदकि भीळ इन भीळ आऊन मातगोळ केळोर साटी अदकि तान बमिरीगोळ देल चंगा आगोर साटी जमा आत. <sup>16</sup> लेकीन आव आळीगोळ दा येल्यारा भी ब्यार्र होगकु प्रार्थना माळतोगोन.

यीशु उन द्वारा लकवा अन्द रोगी इक चंगा माळोद  
(मत्ती ९:१-८; मरकुस २:१-१२)

17 ऊंद दनि हगि आत कि यीशु उपदेश कोळोन, अदकि फरीसी अदकि व्यवस्थापक अल कुरतकु ईरोर जो गलील अदकि यहूदयिया अन्द हर ऊंद ऊरा टु अदकि यूरूश्लेम टु बंदीदुर, अदकि चंगा माळोर साटी प्रभु उन सामर्थ्य यीशु उन सांगुळ ईरोद. 18 आ समय हापाळ लॉकुर ऊंद मंळसा अक जो लकवा अन्द रोगी ईरोन, व्हर्स मा नेगुकु तंदुर, अदकि आंदुर आऊक बुळ्क वयली अदकि यीशु उन मुंद ईटोद उपाय ढुढसोर. 19 पर याग भीळ इन कारण आऊक बुळ्क वोय सकदिल रा आंदुर मान्ना मा येरकु अदकि खपरेल सरकुसकु, आऊक व्हर्स सांगुळ न्याड्या दा यीशु उन मुंद ईळ्स बुदुर. 20 आग यीशु आंदुर वशिवास नोळकु आऊन से अंदुन, “हे मंळसा, नीन पाप माफ आदव.”

21 आग नयिम इन गुरु अदकि फरीसी तान तान मन दा वचारि माळली कुरतुर, “ईव याव हुन? जो परमेश्वर उन अपमान माळतान! परमेश्वर उक बटिकु अदकि याव पापगोळी माफ माळ सकतान?”

22 यीशु आंदुर मन इन मातगोळ जान्सकु, आंदुर से अंदुन, “नीव तान तान मन दा याता मात इन वचारि माळतेर? 23 आसान येन आद? येन ईद अनोद कि ‘नीन पाप माफ आदव,’ या ईद अनोद कि ‘येळ अदकि टेटाळ?’ 24 लेकीन इदुरसाटी कि नीव जान्स कोमी कि ना मंळसा अन पार उक पृथ्वी मा पाप माफ माळोद भी अधिकार आद.” बाक यीशु आ लकवा अन्द रोगी से अंदुन, “ना नीन से अनतीन, येळ अदकि तान व्हर्स नेगुकु तान मान्नी होटोग.”

25 आव तुरन्त यीशु ऊंद मुंद येदुन, अदकि या व्हर्स मा आव बदिकु ईरोन अदरी नेगुकु, परमेश्वर उन बळाई माळतेला तान मान्नी होटोदुन. 26 आग सप्पा लॉकुर चकति आदुर अदकि परमेश्वर उन बळाई माळली हतदुर अदकि हापाळ अंजतेला अनली कुरतुर, “ईद नाव अदभुत क्याल्सागोळी नोळेव!”

यीशु लेवी इक कारदुन

(मत्ती ९:१-८; मरकुस २:१-१२)

27 इदुर बाददा यीशु व्हारया होदुन अदकि लेवी हेसुर इन ऊंद कर ताकोमावाळा अक कर ताकोमोद चौकी मा कुरतकु नोळदुन, अदकि आऊन से अंदुन, “नान हदि आगेग.” 28 आग लेवी सब येनारा बटिकु येदुन, अदकि आऊन हदि आगेदुन.

29 आग लेवी तान मान्या आऊन साटी ऊंद धोळ्द भोज ईटदुन; अदकि कर ताकोमावाळेरद अदकि दुसरा लॉकुरद जो आऊन सांगुळ ऊमली कुरतीदुर, ऊंद धोळ्द भीळ ईरोद. 30 ईदुर मा फरीसी अदकि आंदुर नयिम इन गुरु आऊन चेलागोळ से ईद अंदकु बळबुळसली कुरतुर, “नीव कर ताकोमावाळेर अदकि पापीगोळ्द सांगुळ येती तीनतीर अदकि कुडुतीर?”

31 यीशु आंदरी उत्तर कोट्टुन, “वैद्य भला चंगागोळ साटी ईला, लेकीन बमारगोळ साटी जरूरी आन. 32 ना न्यायीगोळी ईला, लेकीन पापीगोळ्द पापगोळी पश्चाताप माळसुसोर साटी कारूली बंदीन.”

उपास इन प्रश्न

(मत्ती ९:९-१३; मरकुस २:१३-१७)

33 आंदुर यीशु उक अंदुर, “बपतसिमा कोळावाळा यूहनना अनूद चेलागोळ रा बराबर उपास ईटतार अदकि प्रार्थना माळतार, अदकि हांग अच फरीसी नोर चेलागोळ भी, लेकीन नीन चेलागोळ रा तीनतार अदकि कुडुतार.”

34 यीशु आंदुर से अंदुन, “येन नीव वरातीगोळ से, यागासताका मंळगार आंदुर सांगुळ ईततान, उपास माळसुस सकतीर? बलिकुल ईला! 35 लेकीन अव दनि बंदाव, याग मंळगार आंदुर से ब्यार माळकु आदान, आग आंदुर आ दनिगोळ दा उपास माळ्यार.”

36 यीशु मात ऊंद उदाहरण भी आंदुर से अंदुन: “यावारा मंळसा क्वारा व्हाशोद कपळा हरूकु हाळोद कपळा दा थगिर हचालुन, ईलारा व्हाशोद कपळा हर्दोदति अदकि आ थगिर हाळोद कपळा दा मेल भी तनितीदील. 37 अदकि यावारा मंळसा व्हाशोद अंगुर इन राससा हाळोद तोगुल इन चलिा दा तुमालुन, ईलारा व्हाशोद अंगुर इन राससा तोगुल इन चलिागोळी वळकु चल्लेदति, अदकि तोगुल इन चलिागोळ्द भी नाश आगेदीत. 38 लेकीन व्हाशोद अंगुर इन राससा व्हाशोद तोगुल इन चलिा दा अच तुम पायजे. 39 यतकी मंळसा हाळोद अंगुर इन राससा कुडुकु व्हाशोद राससा अनूद इच्छा माळालुन यतकी आव अनतान, का हाळोद राससा अच वळ्दीद आद.”

## 6

यहूदीगोळ्द आराम दनि इन बारा दा प्रश्न  
(मत्ती १२:१-८; मरकुस २:२३-२८)

1 बाक ऊंद आराम इन दनि दा हगि आत का यीशु केईगोळ दा टु आगतेला होगोन, अदकि आऊन चेलागोळ गोदी नव लॉम्बा मुर-मुरकु अदकि कय देल मसुस-मसुसकु तति होगतोगोर. 2 आग फरीसीगोळ दा टु थ्वाळासा लॉकुर अनली कुरतुर, “नीव अद क्याल्सा येती माळतीर जो आराम इन दनि दा नयिम इन वरिद्ध आद.”

3 यीशु आंदरी उत्तर कोट्टुन, “येन नीव ईद वाचुसीदील का दाऊद, याग आव अदकि आऊन साथी उपासा ईरोर रा येन माळदुन? 4 आव ह्यांग परमेशवर उन भवन दा होदुन, अदकि भेट इन रोटीगोळ हुळकु तदिन, यवरी तनिोद याजकगोळी बटिकु अदकि बाकी मुंदुर साटी नयिम इन वरिद्ध आद, अदकि आव तान संगीगोळी भी कोट्टुन?”

5 अदकि यीशु आंदुर से अंदुन, “ना मंळसा अन पार आराम इन दनि ईनव भी स्वामी हुईन.”

यीशु कय इन लकवा वाळा मंळसा अक चंगा माळदुन

6 हगि आत का यातोदारा मात्त दुसरा आराम इन दनि दा यीशु यहूदी लॉकुरद सभागृह दा होगकु उपदेश माळली कुरतुन; अदकि अल ऊंद मंळसा ईरोन जो ऊम्मा कय देल लकवा ग्रस्त ईरोन. 7 आग नयिम इन गुरु अदकि फरीसी यीशु मा दोष हचोद मौका अनूद ताक मा ईरोर कनिोळाता आव आराम इन दनि दा आऊक चंगा माळतान का ईला. 8 लेकीन आव आंदुर वचार जानसोन; इदुरसाटी आव वंळगीद कयवाळा मंळसा से अंदुन, “येळ, न्याड्या दा नीदुर.” आव यदकु

नीदरेदुन. <sup>9</sup>यीशु आंदुर से अंदुन, “ना नीम से ईद केळतीन कनियिम इन अनुसार आराम इन दनि दा येन उचति आद, भलाई माळोद या बुरा माळोद; जीव इक ऊळसोद या अदुरद नाश माळोद?” <sup>10</sup>आग आव नाकु दी आ सप्पा मुंदुर इक नोळकु आ मळसा से अंदुन, “तान कय मुंद माळ.” आव हांग अच माळदुन, अदकि आऊन कय मात्त वळ्ळीद आगेत.

<sup>11</sup>लेकीन आंदुर गुस्सा दा तान सप्पा सुद-बुद मारतकु आपस दा मातचीत माळकु वचिार माळली हतदुर क “नाव यीशु उन सांगुळ येन माळेव?”

यीशु उन द्वारा हननेळ प्रेरतिगोळी नयिकुत माळोद

<sup>12</sup>आ दनिगोळ दा यीशु पहाळी मा प्रार्थना माळली होदुन, अदकि ईळ्ळक तीम परमेश्वर ऊंद प्रार्थना माळतेला ईत्तुन. <sup>13</sup>याग व्हातुर आत रा आव तान चेलागोळी कारूकु आंदुर दा टु हननेळ मुंदुरद चुनाव माळदुन, अदकि आंदरी प्रेरति हगि हेसुर कोट्टुन; <sup>14</sup>अदकि आंदुर हेसुर हगि आव: शमौन यार्द हेसुर आव पतरस भी ईटदुन, अदकि आऊन वार्ट अनर्दरियास, अदकि याकूब, अदकि यूहन्ना, अदकि फलिप्पुस, अदकि बरतुलमै, <sup>15</sup>अदकि मत्ती, अदकि थोमा, अदकि हलफई नव पार याकूब, अदकि शमौन याऊक द्याश भक्त भी अनतोगोर, <sup>16</sup>अदकि याकूब उन पार यहूदा, अदकि यहूदा इस्करियोती जो आऊक हुळसुसावाळा आदुन.

यीशु उन द्वारा शक्शा कोळोद अदकि चंगा माळोद  
(मत्ती ४:२३-२५)

<sup>17</sup>आग यीशु आंदुर सांगुळ ईळुकु चौरस जागा दा नदिरदुन, अदकि आऊन चेलागोळद धोळ्द भीळ, अदकि सप्पा यहूदया, यरूशलेम, अदकि सूर अदकि सैदा अनूद समुद्र अनूद कनिरा अनूद हापाळ लॉकुर, <sup>18</sup>जो आऊन उपदेश केळली अदकि तान बमिरगोळ देल चंगा आगोर साटी आऊन हात्ती बंदीदुर, जो अल नदिरकु ईरोर. अदकि अशुध्द आत्मागोळ देल परेशान लॉकुर भी आऊन हात्ती चंगा आगतोगोर. <sup>19</sup>सप्पा मुंदुर आऊक मुट्टोद चाहासोर, यतकी आऊन दा टु सामर्थ्य होटकु सप्पा मुंदुर इक चंगा माळतोगोद.

आशीष अदकि सराप इन वचन  
(मत्ती ५:१-१२)

<sup>20</sup>आग यीशु तान चेलागोळ दी नोळकु अंदुन,

“धन्य आईर नीव जो मन देल गरीब आईर,  
यतकी परमेश्वर उन राज्य नीमूद हुन.”

<sup>21</sup>“धन्य आईर नीव जो हस्तकु आईर,  
यतकी नीव संतुष्ट माळकु आदीर.”

“धन्य आईर नीव जो ईग वर्लेतीर,  
यतकी बाददा नेग्गीर.”

<sup>22</sup>✧“धन्य आईर नीव याग ना मळसा अन पार उन कारण लॉकुर नीम से दुश्मनी ईट्यार, अदकि नीमी तेगद बुट्टार, अदकि नीम अपमान माळ्यार,



अदकि नीम हेसुर इक बेकार जानस्यार.” 23 \*<sup>२३</sup>“आ दनि खुश आगकु हारेत, यतकी नोळी, नीम साटी स्वरग दा धोळ्द प्रतफिल आद; यतकी आंदुर आप्प-दादागोळ भी भवषियवक्तागोळ सांगुळ हांग अच माळतोगोर.”

24 लेकीन नीम मा हाय जो धनवान आईर,  
यतकी नीव तान सुख ताकोम कौडीर.

25 “हाय नीम मा जो ईग संतुष्ट आईर, यतकी बाद्दा उपासा ईत्तीर, ‘हाय नीम मा जो ईग नेगेतीर,  
यतकी शोक माळीर अदकि वर्लीर.’ ”

26 हाय नीम मा याग सप्पा मळसा नीमी भला अनुल, यतकी आंदुर आप्प-दादागोळ भी ख्वाटा भवषियवक्तागोळ्द सांगुळ भी हगि अच माळतोगोर.

दुश्मनगोळ से प्यार

(मत्ती ५:३८-४८; ७:१२)

27 “लेकीन ना नीव जो केळेतीर नीम से अनतीन कति तान दुश्मनगोळ से प्यार ईटी; जो नीम से नफरत माळतार, आंदुर भला माळी. 28 जो नीमी शराप कोट्टार, आंदरी आशीष कोळी; जो नीम सांगुळ दुर-व्यवहार माळुल, आंदुर साटी प्रार्थना माळी. 29 जो नीन ऊंद गाल्ला मा क्याबरा बडुल रा आऊन दी दुसरा गाल्ला भी तरिगुस बुळ; अदकि जो नीन कोट कसुल, रा आऊक कुळता ओयोर देल भी रोकसबाळ. 30 जो यावारा नीन से बेळुल, आऊक कोळ; अदकि जो नीन चीजगोळ कस्तबुळुल, आऊन से बाक वापस बेळबाळ. 31 ह्यांग नीव चाहासतीर किलॉकुर नीम सांगुळ व्यवहार माळुल, नीव भी आंदुर सांगुळ हांग अच व्यवहार माळी.

32 “अगर नीव तान प्यार ईटावाळेर्द सांगुळ प्यार ईटी, रा नीम येन बळाई? यतकी पापी लॉकुर भी तान प्यार ईटावाळेर्द सांगुळ प्यार ईटतार. 33 अगर नीव तान भलाई माळावाळेर्द सांगुळ भलाई माळतीर, रा नीम येन बळाई? यतकी पापी लॉकुर भी रा हगि अच माळतार. 34 यार्द हात्ती टु वापस सकिकोद आशा आद आंदरी नीव उदार कोट्टीर, रा अदुर दा नीम येन बळाई? याट कोटीर आट वापस सकिकोद आशा देल पापी लॉकुर भी पापी लॉकुरी उदार कोळतार. 35 लेकीन तान दुश्मनगोळ से प्यार ईटी, अदकि आंदुर भलाई माळी, अदकि उदार कोटकु वापस सकिकोद आशा माळबाळी, अदकि नीम साटी प्रतफिल धोळ्द आदीत अदकि नीव परमप्रधान उन पारगोळ ठहूसरि, यतकी आव खुद अच दुष्टगोळ मा उपकार माळतान. 36 ह्यांग नीम स्वरगीय आप्प दयालु आन, हांग अच नीव भी दयालु बन्सी.

दोष हचबाळी

(मत्ती ७:१-४)

37 “यारदारा मा दोष हचबाळी, रा नीम मा भी दोष हचकु आगतीदील. याऊकु दोषी ठहूसबाळी रा नीव भी दोषी ठहूसकु आगतीदील. माफ माळीर रा नीमी भी माफ माळकु आदीत. 38 कोळतोगी, रा परमेश्वर भी नीमी

कोट्टान. लॉकुर नीम क्वारा दा पुरा-पुरा नाप, वत्त-वोतकु अदकि आलगाळ-आलगाळसकु सीग हचकु हाक्यार. यतकी या नाप देल नीव दुसरा अन साटी आळेतीर, अदा नाप देल नीम साटी भी आळ्कु आदीत.”

39 \*बाक यीशु आंदुर से ऊंद उदाहरण अंदुन: “येन ऊंद कुढ्ढ मंळसा, दुसरा कुढ्ढ मंळसा अक हादी हेळ सकतान? येन आंदुर येढ्ढ मुंदुर खोंदरा दा बळितीदील? 40 \*चेला गुरु से धोड्डेव ईरालुन, लेकीन पुरा तरीका देल सप्पा ग्यान ताकोमकु आगदुर बाद्दा हर ऊंद चेला गुरु उन घाई आगेगतान.”

41 नी तान वार्ट उन कण्ण इन तनिका अक येती नोळतया? येन नी तान कण्ण इन लट्टा नोळ सकाल? 42 जब नी तान अच कण्ण इन लट्टा नोळ सकाल, रा तान वार्ट उन से हयांग अन सकतया, “हे वार्ट; थामसेग ना नीन कण्ण दा टु तनिका तेगु कोळतीन?” हे कपटी, पयला तान कण्ण इन लट्टा तेगु, आग जो तनिका नीन वार्ट उन कण्ण दा आद, अदरी वळ्लीसा तरीका देल नोळकु तेगु सक्या.

हयांग मार्र हांग अच काय  
(मत्ती ७:१६-२०; १२:३३-३५)

43 “यातोदारा वळ्लीद मार्र बेकार काय कोळाल्द अदकि ना यातोदारा बेकार मार्र वळ्लीद काय कोळतद. 44 \*हर ऊंद मार्र तान काय देल अर्तकु आगतद; यतकी लॉकुर मुळ्ळ इन झाळीगोळ दा टु अंजीर कोयालुर अदकि ना मईन काय इन मार्र मा टु अंगुर. 45 \*वळ्लीद मंळसा तान आत्मा अन्द वळ्लीद भंडार दा टु वळ्लीद मातगोळी का तेगुतान, अदकि बुरा मंळसा तान दलि इन बुरा भंडार दा टु बुरा मातगोळी तेगुतान; यतकी जो दलि दा तुमकु आद अदा आऊन बाय दा बरतद.

मान्ना माळावाळेर येढ्ढ मंळसा  
(मत्ती ७:२४-२७)

46 “याग नीव नान कहना मान्सालरि रा येती नानी हे प्रभु, हे प्रभु; अनतीर? 47 जो यावारा नान हात्ती बरतान अदकि नान मातगोळ केळकु अवरी मान्सतान, ना नीमी हेळतीन की आव यार घाई आन: 48 आव आ मंळसा अन घाई आन, याव मान्ना माळाहोती जमीन खोल अगुळकु चट्टान मा पायवा हाकदुन, अदकि याग बाळ बत्त रा धारा आ मान्ना अक हत्त लेकीन अदरी आलगाळ्स सकदील; यतकी अद मजबूत माळकु ईरोद. 49 लेकीन जो केळकु मान्सालुन आव आ मंळसा अन घाई आन, याव पृथ्वी मुण्ण जागा भूमी जमीन मा बनि पायवा अन्द मान्ना माळदुन, याग अदुर मा धारा हत्त रा अद तुरन्त बदिदोत अदकि बदिकु अदुरद सत्यानाश आगेत.”

## 7

ऊंद सूबेदार उन वशिवास  
(मत्ती ८:५-१३)

1 याग यीशु लॉकुर से ई सप्पा मातगोळ अंद बुट्टुन, रा कफरनहूम नगर दा होदुन. 2 अल यावारा सौ रोमी सपिाहीगोळ्द सूबदार उन ऊंद दास जो आऊन प्रयि ईरोन, बमिारी देल सायोर मा ईरोन. 3 आव यीशु उन चर्चा केळकु यहूदीगोळ्द हापाळ स्याणागोळी आऊन से ईद वनिती माळली आऊन हात्ती कळुदुन का बंदकु नान दास उक चंगा माळुल. 4 आंदुर यीशु उन हात्ती बंदुर, अदकि आऊन से धोळ वनिती माळकु अनली हतदुर, “आव ई लायक आन कानि आऊन साटी ई सप्पा माळ सक्या, 5 यतकी आव नाम जाती से प्यार ईटतान, अदकि आवा नाम यहूदी लॉकुरद सभागूह कटकु कोटान.”

6 यीशु आंदुर सांगुळ होदुन, लेकीन याग आव मान्ना अन्द हात्ती पोहचुसदुन, रा सुबदार आऊन हात्ती तान संगीगोळी ईद अनली कळुदुन, “हे प्रभु नी तान तान इक यक्कुल कष्ट कोळवाळ, यतकी ना ई लायक हैलेच कानि नान मान्ना अन्द छपर्या ताका बर सक्या. 7 ईदा कारण ना तान तान इक ई लायक भी समसदिलि कानि नीन हात्ती बराईन, लेकीन सरिफ आग्या कोटबुळ रा नान सेवक चंगा आगेदान. 8 ना भी वासतव दा शासन इन हात्ती आईन, अदकि सपिाही नान हात्ती आर; अदकि याग ऊंद सपिाही इक अनतीन, ‘होग,’ रा आव होगतान; अदकि दुसरा से अनतीन, ‘बर,’ रा बरतान; अदकि तान यावारा दास उक अनतीन का ‘अमुक कयाल्सा माळ,’ रा आव अदा माळतान.”

9 ईद केळकु यीशु उक अचम्भा आत अदकि आव मार्रा तरिगुसकु आ भीळ से जो आऊन हदि बरोद, अंदुन, “ना नीम से अनतीन कानि इस्त्राएल दा भी हगि वशिवास नोळीदील.”

10 अदकि जो कळुकु आगदुरि आ लॉकुर मान्या बंदकु आ दास उक चंगा नोळदुर.

यीशु रांड्यागीत इन पार उक जत्तिता माळदुन

11 थ्वाळासा दनि इन बाददा यीशु नाईन हेसुर इन ऊंद नगर दा होदुन. अल आऊन चेलागोळ अदकि धोळ्द भीळ आऊन सांगुळ होगोद. 12 याग यीशु नगर इन फाटक इन हात्ती पोहचुसदुन, रा लॉकुर ऊंद मुर्दा अक व्हार्या वोयोर; जो तान मोय इन ऊंदा पार ईरोन, अदकि आक रांड्या ईरोर; अदकि नगर इन हापाळ सा लॉकुर आकनि सांगुळ ईरोर. 13 आकी नोळकु प्रभु उक दया बत्त, अदकि आव आकनि से अंदुन, “वर्लबाळ.” 14 आग आव हात्ती बंदकु सकोली इक मुटदुन, अदकि सकोली नेगावाळेर रूकसेदुर. आग आव अंदुन, “हे जवान, ना नीन से अनतीन, येळ!” 15 आग आ सोतकु पार यदकु कुरतुन, अदकि आ पार माताळली कुरतुन. बाक आव आ पार उक आऊन मोय इक सोप्स बुट्टुन.

16 इदुर देल सप्पा मुंदुर मा अंजूक तुम्मेत, अदकि आंदुर परमेश्वर उन बळाई माळकु अनली हतदुर, “नाम न्याड्या दा ऊंद धोड्डेव भवषियवक्ता बंदान, अदकि परमेश्वर तान लॉकुर मा कृपा दृष्टी माळ्यान.”

17 अदकि आऊन बारा दा ईद मात सप्पा यहूदिया अदकि आसपास इन सप्पा प्रदेश दा फैलुसेत.

यूहन्ना नीर संस्कार कोळावाळा अन्द प्रश्न  
(मत्ती ११:२-१९)

18 बपतस्मा कोळावाळा यूहन्ना अक आऊन चेलागोळ ई सप्पा मातगोळ्द समाचार कोट्टुर. 19 आग यूहन्ना तान चेलागोळ दा टु येद्व मुंदुर इक कारूकु प्रभु उन हात्ती ईद केळली कळ्ळुदुन, “येन बरावाळा नीना हुय, या नाव यावारा दुसरा अन्द हादी नोळेव?”

20 आंदुर यीशु उन हात्ती बंदकु अंदुर, “यूहन्ना बपतस्मा कोळावाळा नामी नीन हात्ती ईद केळली कळ्यान का येन बरावाळा नी अच हुय, या नाव यावारा दुसरा अन्द हादी नोळेव?”

21 अदा समय आव हापाळ सा लॉकुरी बमिरगोळ देल अदकि दुखगोळ अदकि दुष्टआत्मागोळ देल चंगा माळदुन; अदकि हापाळ सा कुद्व मंळसागोळी कण्ण कोट्टुन; 22 अदकि आव आंदुर से अंदुन, “जो येनारा नीव नोळीर अदकि केळीर, होगकु बपतस्मा कोळावाळा यूहन्ना से अंदबुळी; का कुद्वगोळ नोळतार, अदकि लंगळा नळुतार अदकि टेटतार, कोदी लॉकुर शुद्ध माळकु आगतार, बयरागोळ केळतार, मुर्दागोळ जतिता माळकु आगताव, अदकि कंगालगोळी खुशखबरी केळसकु आगतद. 23 धन्य आर आंदुर जो नान बारा दा टोकर तनालुर.”

24 याग बपतस्मा कोळावाळा यूहन्ना अन्द कळ्ळुद लॉकुर होटोदुर रा यीशु यूहन्ना अन्द बारा दा लॉकुर से अनली कुरतुन, “नीव आळी दा येन नोळली होगीदरि? येन हवा देल हालुसुद सरकण्डागोळी?” 25 रा बाक नीव येन नोळली होगीदरि? येन मुलायम कपळा हागद मंळसा अक? जो भळकीला कपळा हाकतार अदकि सुखवलास देल ईरतार, आंदुर राजभवनगोळ दा ईरतार. 26 रा बाक येन नोळली होगीदरि? येन यावारा भवषियवक्ता अक? हव, ना नीम से अनतीन, उलटा भवषियवक्ता से भी धोड्डेव उक. 27 ईव आवा यूहन्ना हुन, यार्द बारा दा लखिसकु आद: “परमेश्वर अंदुन, ना तान स्वरगदूत उक नीन मुंद-मुंद कळ्ळुतीन, जो नीन मुंद अपमान हादी सरका माळयान.” 28 “ना नीम से अनतीन का जो आरतेर दा टु पैदा आग्यार, आंदुर दा टु यूहन्ना बपतस्मा कोळावाळा से धोड्डेव यारू हैलेच. पर जो परमेश्वर उन राज्य दा स्याण से स्याणेव आन, आव आऊन से भी धोड्डेव आन.”

29 \*अदकि सप्पा साधारण लॉकुर केळकु अदकि कर ताकोमावाळेर भी यूहन्ना अन्द बपतस्मा ताकोमकु परमेश्वर उन हादी इक खरा मानुस कोंडुर. 30 लेकीन फरीसीगोळ अदकि व्यवस्थापकगोळ यूहन्ना से बपतस्मा ईला ताकोमकु तान संबंघ दा परमेश्वर उन योजना अक अस्वीकार माळदुर.

31 “इदुरसाटी ना ई पीढी इन लॉकुरद तुलना यार देल कोळाईन का आंदुर यार घाई आर? 32 इंदुर आ चकिोर घाई आर जो सात्तागोळ दा कुरतकु ईरतार अदकि आबुर दाबुरी इक कारूकु अनतार, ‘नाव नीम साटी कोळ्ल मुरसदेव, अदकि नीव कुणदीदलि; नाव वलाप इन हाळ हाळदेव, अदकि नीव वरलीदलि!’ 33 यतकी यूहन्ना बपतस्मा कोळावाळा ना रा रोटी तति बंदुन अदकि ना

अंगुर इन रास्सा कुडुत बंदुन, अदकि नीव अनतीर, 'आऊन दा दुष्टआत्मा आद.' 34 ना मंळसा अन पार तति-कुडुत बंदीन, अदकि नीव अनतीर, 'नोळी, व्हाट्टा तुम्मावाळा अदकि कुडावाळा मंळसा, कर ताकोमावाळेर अदकि पापीगोळव संगी.' 35 जो लॉकुर परमेश्वर उन ग्यान स्वीकार माळतार आंदुर साबति माळतार कि अद ग्यान खरा आद."

यीशु उन पापी आर्त इक माफ माळोद

36 बाक यावारा ऊंद फरीसी यीशु से वनिती माळदुन कि आव आऊन सांगुळ ऊमली कूरुल, इदुरसाटी यीशु आ फरीसी इन मान्या होगकु ऊमली कुरतुन. 37 \*आ नगर इन ऊंद पापी आर्त ईद जान्सकु कि आव फरीसी इन मान्या ऊमली कुरतान, संगमरमर इन बाटुल दा ईत्तर तंदुर, 38 अदकि आऊन कालगोळ हात्ती, हदि नदिरकु, वरुलेला आऊन कालगोळी आसुगोळ देल नेनाकली अदकि तान तालला अन्द चुट्टी देल सटिली हतदुर, अदकि आऊन कालगोळद घळी-घळी चुम्मा ताकोमकु अऊर मा अत्तर मलुसदुर. 39 ईद नोळकु आ फरीसी याव यीशु उक कारददिन, तान मन दा सोचली कुरतुन, "अगर ईव भवषियवक्ता ईरायदुन रा जान्सेगायदुन कि इक जो आऊक मुटेत्यार, आक यार अदकि ह्यांग आर्त आर, यतकी आक रा पापीगीत आर."

40 यीशु आऊन उत्तर दा अंदुन, "हे शमौन, नानी नीन से येनारा अनोद आद." आव माताळदुन, "हे गुरु, अन."

41 यीशु अंदुन, "यावारा महाजन उन येदुद करजदार ईरोर, ऊंद अईद सौ चाँदी इन सक्कागोळद अदकि दुसरा पचास सक्का अन्द करजदार ईरोन. 42 याग आंदुरद हात्ती चुकुसली येनु ईतीदील, रा आव येदुद मुंदुर इक माफ माळ बुट्टुन. इदुरसाटी आंदुर दा टु याव आऊन से यक्कुल प्यार ईट्यान?"

43 शमौन उत्तर कोट्टुन, "नान समझ देल आव, यार्द आव यक्कुल बटि बुट्टुन."

आव आऊन से अंदुन, "नी बराबर वचारि माळ्या." 44 अदकि आ आर्त इन दी तरिगकु आव शमौन से अंदुन, "येन नी ई आर्त इक नोळीत्या? ना नीन मान्या बंदीन लेकीन नी नान काल तोळोर साटी नीर कोटीदील, पर इक नान काल आसुगोळ देल नेनाकदुर अदकि तान चुट्टीगोळ देल सटिदुर. 45 नी नानी चुमसीदलि, पर यागी टु ना बंदीन आगी टु इक नान कालगोळद चुम्मा ताकोमोद बटिदलि. 46 नी नान ताल्ला मा याण्णा मलुसदिलि, पर इक नान कालगोळी ईत्तर मलुस्यार. 47 इदुरसाटी ना नीन से अनतीन कि ईकीन पाप जो हापाळ ईरव, माफ आदव, यतकी इक हापाळ प्यार माळदुर; पर यार्द थ्वाळा पाप माफ आग्याव, आव थ्वाळा अच प्यार माळतान."

48 अदकि यीशु आ आर्त इन से अंदुन, "नीन पाप माफ आदव."

49 आग जो लॉकुर यीशु उन सांगुळ ऊमली कुरतकु ईरोर, आंदुर तान-तान मन दा वचारि माळली हतदुर, "ईव याव हुन जो पापगोळी भी माफ माळतान?"

50 बाक यीशु आ आर्त इन से अंदुन, "नीन वशिवास नीनी ऊळ्सबुटाद, शांती देल होदोग."

## 8

यीशु उन स्यावा माकळोर चेलागोळ

1 ईदुर बाद्दा यीशु नगर-नगर अदकि ऊर-ऊर दा प्रचार माळतेला, अदकि परमेश्वर उन राज्य अन्द खुशखबरी केळसतेला टेटली कुरतुन, अदकि आ हनुनेळ चेलागोळ आऊन सांगुळ ईरोर, 2 यीशु उन स्यावा माकळोर आर्तेर भी ईरोर जो दुष्टआत्मागोळ देल अदकि बमारगोळ देल चंगा माळकु आगीदुर, अदकि ईदुर आंदुर उर: मरयिम जो मगदलीनी अंदकु आगतार, यारदा टु येळ दुष्टआत्मागोळ होटीदव, 3 अदकि हेरोदेस उन सेवक खुजा अन्द हगिस योअनना, अदकि सूसन्नाह, अदकि हापाळ सा दुसरा आर्तेर. ईदुर तान धन सम्पत्ती दा टु आऊन स्यावा माळतोगोर.

बीजा बोऊसावाळा अन्द उदाहरण  
(मत्ती १३:१-९; मरकुस ४:१-९)

4 याग धोळ्द भीळ जमा आत अदकि नगर-नगर इन लॉकुर यीशु उन हात्ती बरतोगोर, रा यीशु उदाहरण दा अंदुन:

5 “ऊंद बोऊसावाळा बीजा बोऊसली होट्टान. बोऊसतेला येनारा हादी इन कनारा मा बत्तित, अदकि काल देल मेटकु आत, आकाश इन पक्षीगोळ बंदकु अदरी तनि कोंडव. 6 येनारा बीजा कल्ल इन जागा बत्तित, अदकि बेळुतेला अच वंळगेत, यतकी अदुरदा नमी ईला ईरोद. 7 थ्वाळासा बीजा मुळ्लगोळ मार्र इन न्याड्या दा बत्तित, अदकि मार्रगोळ सांगुळ-सांगुळ वाळुसकु अदरी वत्त बुट्टव. 8 थ्वाळासा बीजा वळ्लीद जागा मा बत्तित, अदकि बेळुकु सौ गुणा बीजा तर्त.”

ईद अंदकु आव धोळ्द आवाज देल अंदुन, “यारव केळव कवि इतदाव आव केळ कोमुल.”

उदाहरणगोळ्द उद्देश

(मत्ती १३:१०-१७; मरकुस ४:१०-१२)

9 यीशु उन चेलागोळ यीशु से केळदुर कि ई उदाहरण इन मतलब येन आद? 10 आव अंदुन, “नीमी परमेश्वर उन राज्य अन्द भेदगोळ्द समझ कोटकु आग्याद, पर दुसरा अक उदाहरणगोळ दा केळसकु आगतद,” इदुरसाटी कि “आंदुर नोळतेला भी ना नोळुल, अदकि केळतेला भी ना समसुल.”

बीजा बोऊसावाळा उदाहरण इन मतलब समझुसोद

(मत्ती १३:१८-२३; मरकुस ४:१३-२०)

11 “उदाहरण इन मतलब ईद आद: बीजा परमेश्वर उन वचन हुन. 12 हादी इन कनारा दोर आंदुर उर, यार वचन रा केळदुर; लेकीन शैतान बंदकु आंदुर मन दा टु वचन नेगुकु वीयतान कि ईदारा हगि आगवाळुल कि आंदुर वशिवास माळकु आंदुर उद्धार आगुल. 13 कल्ल माकळोर आंदुर उर जो वचन केळदुर मा अदरी हापाळ खुशी देल ग्रहण रा माळतार, पर जळी मजबूत ईला ईदुर कारण घळी तमि रा वशिवास माळतार पर याग परीक्षा बरतद रा बैकुसेगतार. 14 जो

मुळलगोळ मारर दा बत्तित, इंदुर आंदुर उर जो केळतार, पर मुंद नळुकु चन्तिता, अदकि धन, अदकि जीवन इन सुखवलिास दा फसुसेगतार अदकि परपिक्वता अनंद साटी आंदुर काय हण्ण आगाल. <sup>15</sup>लेकीन वळ्लीद जागा मा बदिकु बीजा इंदुर उर, जो वचन केळकु तान शुद्ध अदकि वळ्लीद दलि दा अदरी मजबूती देल ईटतार अदकि आंदुर बळा धीरज देल काय तरतार.”

दगिया अनंद उदाहरण  
(मरकुस ४:२१-२५)

16 \*याऊ दगिया होत्ताकु बर्तन देल मुच्चालुन, अदकि ना व्हरस इन ल्यालमा ईटतान, लेकीन दीवट मा ईटतान का बुळक बरावाळेर इक ऊजुळ सकिकूल.

17 \*यतकी येनु भी होचकु हैलेच जो प्रगट आगतीदील, ना येनारा गुप्त मात आद जो जान्सकु आगतीदील.

18 \*इदुरसाटी सावधान ईरी का नीव याता प्रकार देल केळतीर? यतकी यारद हात्ती आद आऊक मात्त कोटक आदीत, अदकि यार हात्ती हैलेच आऊन से अद भी ताकोमकु आगेदीत, यदरी आव तान समस्तान.

यीशु उन मोय अदकि वारटुर  
(मत्ती १२:४६-५०; मरकुस ३:३१-३५)

19 यीशु उन मोय अदकि आऊन वारटुर यीशु उन हात्ती बंदुर, पर भीळ इन कारण आऊन से भेट माळ सकदील. <sup>20</sup>आऊक हेळकु आत, “नीन मोय अदकि नीन वारटुर व्हार्या नदिरकु आर, आंदुर नीन से मलिसोद चाहास्तार.”

21 यीशु इदुर उत्तर दा आंदुर से अंदुन, “नान मोय अदकि नान वारटुर इंदुरा उर, जो परमेश्वर उन वचन केळतार अदकि मान्सतार.”

यीशु उन आँधी इक शांत माळोद  
(मत्ती ८:२३-२७; मरकुस ४:३५-४१)

22 बाक ऊंद दशी यीशु अदकि आऊन चेलागोळ इवांगा मा येरदुर, अदकि यीशु आंदुर से अंदुन, “बरी, झील इन आप्पाटी होगाता.” इदुरसाटी आंदुर इवांगा खोल्स बुदुर. <sup>23</sup>लेकीन याग इवांगा नळोद, रा यीशु मगिदुन: अदकि झील दा तुफान बत्त, अदकि इवांगा नीर देल तुमली हत्त अदकि आंदुर जोखमि दा ईरोर. <sup>24</sup>आग आंदुर हात्ती होगकु आऊक येव्सदुर, अदकि अंदुर, “स्वामी! स्वामी! नाव नाश आगतेला होगीतेव.”

आग आव यदकु तुफान इक अदकि नीर इन लयरगोळी दनकुसदुन अदकि अव थामसेदव अदकि सप्पा शांत आगेत. <sup>25</sup>आग आव आंदुर से अंदुन, “नीम वशिवास यल ईरोद?”

लेकीन आंदुर अंजेदुर अदकि अचम्भति आगकु आपस दा अनली हतदुर, “ईव याव हुन जो तुफान अदकि नीर इक भी आग्या कोळतान, अदकि अव सप्पा आऊन मात केळताव?”

\* 8:16 ८:२६ मत्ती ५:१५; लूका ११:३३

\* 8:17 ८:१७ मत्ती १०:२६; लूका १२:२

\* 8:18 ८:१८

मत्ती २५:२९; लूका १९:२६

यीशु उन दुष्टआत्माग्रस्त मंळसा अक चंगा माळोद  
(मत्ती ८:२८-३४; मरकुस ५:१-२०)

26 बाक यीशु अदकि आऊन चेलागोळ गरिसेनयागोळ्द प्रदेश दा पोहचुसदुर, जो गलील इन झील इन आप्पाटी आद. 27 याग यीशु कनिरा मा ईळदुन रा आ नगर इन ऊंद मंळसा आऊक सकिदुन यारदा दुष्टआत्मागोळ ईरव. आव हापाळ दनिगोळ टु ना कपळा हाकतोगोन अदकि ना मान्या ईरतोगोन उलटा कब्रगोळ दा ईरतोगोन. 28 आव यीशु उक नोळकु चलिळासदुन अदकि आऊन मुंद बदिकु धोळ्द आवाज दा अंदुन, “हे परमप्रधान परमेश्वर उन पार यीशु! नानी नीन से येन क्याल्सा? ना नीन से वनिती माळतीन, नानी पीळा कोळबाळ.” 29 यतकी आव आ अशुध्द आत्मा अक आ मंळसा दा टु होळोद आग्या कोळोन, इदुरसाटी की अद आऊन मा घळी घळी प्रगट आगतोगोद. याग की लॉकुर आऊक शंकलीगोळ अदकि बेळीगोळ देल कटक आऊन मा पहरा हचीदुर तरी आव बंधनगोळी मूरुकु भळितोगोन, अदकि दुष्टआत्मा आऊक आळी दा वयाळ्सतेला टेटतोगोद.

30 यीशु आऊक केळदुन, “नीन येन हेसुर आद?”

आव अंदुन, “सेना,” यतकी हापाळ दुष्टआत्मागोळ आऊन दा होक्कोडीदव. 31 आंदुर आऊन से वनिती माळदुर की नामी अनन्त अधोलोक दा होगोद आग्या कोळबाळ.

32 अल पहाळी मा हंदीगोळ्द ऊंद धोळ्द झुण्ड आळोद, इदुरसाटी आंदुर आऊन से वनिती माळदुर की नामी अऊर दा हाकबुळ. यीशु आंदरी होगोद आग्या कोट्टुन. 33 आग दुष्टआत्मागोळ आ मंळसा दा टु होटकु हंदीगोळ दा होदव अदकि आ झुण्ड ढलान मा टु झपटुसकु झील दा होगकु बदिदव अदकि मुळककु सोत्तव.

34 चरवाहागोळ ईद सप्पा जो आगीत नोळकु ओळदुर, अदकि नगर दा अदकि ऊरगोळ दा होगकु आ घटना अन्द खबर कोट्टुर. 35 लॉकुर ईद जो आगीत अदरी नोळली होट्टुर, अदकि यीशु उन हात्ती बंदकु या मंळसा दा टु दुष्टआत्मागोळ होटीदव, आऊक यीशु उन काल इन हात्ती कपळा हाक्त अदकि सचेत अवस्था दा कुरत नोळकु अंजेदुर; 36 अदकि जो यावारा ई सप्पा नोळीदुर आंदुर आ लॉकुरी हेळदुर की आव दुष्टआत्मा अन्द सतुसद मंळसा यात्ता प्रकार देल वळ्लेव आग्यान. 37 आग गरिसेनया अन्द आसपास इन सप्पा लॉकुर यीशु से वनिती माळदुर की नाम नगर दा टु होटोग; यतकी आंदुर हापाळ अंजेगीदुर. इदुरसाटी आव ड्वांगा मा येरकु होटोदुन. 38 या मंळसा दा टु दुष्टआत्मागोळ होटीदव आव आऊन से वनिती माळली कुरतुन की नानी तान सांगुळ ईरगोळ,

लेकीन यीशु आऊक वदि माळकु अंदुन, 39 “तान मान्नी होटोग अदकि लॉकुरी हेळ की परमेश्वर नीन साटी ह्यांग धोळ धोड्डेव क्याल्सा माळ्यान.”

आव होगकु सप्पा नगर दा प्रचार माळली कुरतुन की यीशु नान साटी ह्यांग धोळ-धोड्डेव क्याल्सा माळ्यान.



याईर उन सोत्त पोर अदकि ऊंद रोगी आर्त  
(मत्ती ९:१८-२६; मरकुस ५:२१-४३)

40 याग यीशु गलील वापस बंदुन रा लॉकुर आऊन स्वागत माळदुर, यतकी आंदुर सप्पा आऊन हादी कायोर. 41 इदुर दा याईर हेसुर ईनव ऊंद यहूदी मळसा जो यहूदी लॉकुरद सभागूह अन्द सरदारगोळ दा टु ऊंद सरदार ईरोन, बंदुन अदकि यीशु उन काल मा बदिक् आऊन से वनिती माळली कुरतुन का नान मान्नी नळ, 42 यतकी आऊन हन्नेळ वर्ष इन ऊंद ठैसा अच पोर ईरोर, अदकि आक सायोर मा ईरोर.

याग आव होगोन, आग लॉकुर आऊन मा बळिली आगोर. 43 ऊंद आर्त आक इक हन्नेळ वर्ष टु खुन होगोद रोग ईरोद, अदकि जो तान सप्पा पैस्या कवळी वैद्यगोळद हदि बरबाद माळ बुटीदुर, तरी भी यारदु कय देल चंगा आगसकीदलि, 44 हदि टु बंदकु आऊन कपळा अन्द कनारा अक मुटदुर, अदकि तुरन्त आकनि खुन होगोद बंद आगेत. 45 इदुर मा यीशु अंदुन, “नानी याव मुटदुन?”

याग सप्पा इनकार माळली कुरतुर, रा पतरस अंदुन, “हे स्वामी, नीनी रा भीळ वोत्तेत्याद अदकि नीन मा बळित्याद.”

46 लेकीन यीशु अंदुन, “यावारा रा नानी मुट्यार, यतकी ना जान्स कोडीन का नान दा टु सामर्थ्य होटाद.” 47 याग आ आर्त नोळदुर का ना होचकोम सकालीन, आग नळगतेला बंदुर अदकि आऊन काल मा बदिक् सप्पा लॉकुरद मुंद हेळदुर का आक यात्ता कारण देल आऊक मुटदुर, अदकि हयांग तुरन्त चंगा आगेदुर. 48 यीशु आकनि से अंदुन, “पोरी, नीन वशिवास नीनी वळ्लीद माळ्याद, कुशल देल होटोग.”

49 यीशु ईद अनतेला अच ईरोन का यावारा यहूदी यहूदी लॉकुरद सभागूह अन्द सरदार उन अल टु बंदकु अंदुन, “नीन पोर सोतोदुर: गुरु उक दुख कोळबाळ.”

50 यीशु ईद मात केळकु याईर उक उत्तर कोट्टुन, “अंजबाळ; सर्पि वशिवास ईट, रा आक ऊळदोदार.”

51 मान्या बंदकु आव पतरस, यूहन्ना, याकूब, अदकि पोर इन मोय-आप्प उक बटिकु दुसरा यारीकु तान सांगुळ बुळक बर गोटीदील. 52 सप्पा आकनि साटी वोरलोर, लेकीन आव अंदुन, “वर्लबाळी; आक सायली आर लेकीन मगित्यार.”

53 आंदुर ईद जान्सकु का आक सोतोग्यार आऊन मज्याक हारसली हतदुर. 54 लेकीन आव आऊन कय हुळदुन, अदकि कारूतेला अंदुन, “हे पोरी, येळ!” 55 आग आकनि जीव वापस बत्त अदकि आक तुरन्त यदकु नदिरेदुर. बाक आव आग्या कोट्टुन का आकी येनारा तनिली कोळी. 56 आकनि मोय-आप्प चकति आदुर, लेकीन आव आंदरी आदेश कोट्टुन का ईद जो आग्याद यारदारा से अनबाळेतीर.

## 9

यीशु उन द्वारा हन्नेळ प्रेरतिगोळी कळकु आगोद  
(मत्ती १०:५-१५; मरकुस ६:७-१३)

1 बाक यीशु तान हन्नेळ चलागोळी तान हात्ती कारदुन आंदरी सप्पा दुष्टआत्मागोळ अदकि बमिरगोळी दुर माळोद सामर्थ्य अदकि अधिकार कोट्टुन, 2 अदकि आंदरी परमेश्वर उन स्वर्गीय राज्य अन्द प्रचार माळली अदकि बमिरगोळी वळ्ळीद माळोद साटी कळुदुन. 3 यीशु आंदुर से अंदुन, “तान यात्रा अन्द साटी येनु वोयबाळेतीर, ना रा कोल, ना झ्वारा, ना रोट्टी, ना पैस्या अदकि ना येद्व-येद्व कुळता. 4 जो यातोदु मान्या नीव ईळदीर, अल्या ईरी, अदकि अल टु उच वदि आगी. 5 \*जो यावारा नीमी ग्रहण माळालुर, आ नगर टु होळावती तान कालगोळ्द धुळा झाळ्स बुळी की आंदुर मा गवाही आगुल.”

6 इदुरसाटी आंदुर होटकु ऊरा-ऊरा खुशखबरी केळसोर, अदकि हर जागा दा लाँकुरी चंगा माळ्त्त टेटतेला ईत्तुर.

राजा हेरोदेस उन परेशानी

(मत्ती १४:१-१२; मरकुस ६:७-२९)

7 \*दयाश इन चौथाई इन राजा हेरोदेस याग ई सप्पा घटनागोळ बारा दा केळदुन रा आव हापाळ घबूसेदुन, यतकी थ्वाळासा लाँकुर अंदुर की यूहन्ना बपतसिमा कोळावाळा सोत्तुर दा टु जित्ता आग्यान, 8 अदकि थ्वाळासा लाँकुर ईद अंदुर की एलियाह कांळस्यान, अदकि थ्वाळासा दुसरा लाँकुर ईद अंदुर की हाळोद भवषियवक्तागोळ दा टु यावारा जित्ता आग्यान. 9 लेकीन हेरोदेस अंदुन, “यूहन्ना अन्द रा ताल्ला ना कळसुसीदीन, ईग ई मंळसा याव हुन यार्द बारा दा ना हगि मातगोळ केळेतीन?” अदकि आव यीशु उक नोळोद प्रयत्न माळतेला ईत्तुन.

यीशु अईद हजार लाँकुरी तनिसदुन

(मत्ती १४:१३-२१; मरकुस ६:३०-४४; यूहन्ना ६:१-१४)

10 बाक प्रेरतिगोळ वापस बंदकु जो येनारा आंदुर माळीदुर, यीशु उक हेळ बुटुर; अदकि यीशु आंदरी अलग माळकु वैतसैदा हेसुर इन नगर दा ओतुन. 11 ईद जान्सकु भीळ आऊन हदि आगेत, अदकि आव खुशी देल आंदुर से मलिसदुन, अदकि आंदुर से परमेश्वर उन राज्य अन्द मातगोळ हेळली कुरतुन, अदकि जो चंगा आगोद चाहासोर आंदरी चंगा माळदुन.

12 याग द्याव आगली हत्त रा हन्नेळ चलागोळ बंदकु यीशु से अंदुर, “भीळ इक वदि माळ कनिाकु दकिळोद ऊरगोळ अदकि ऊरगोळ दा होगकु तान साटी ईरली जागा अदकि तनिली येनारा तरी दुंद्स सकुल, यतकी नाव ईल सुनसान जागा दा आयेव.”

13 यीशु आंदुर से अंदुन, “नीव अच आंदरी तनिली इक कोळी.”

चलागोळ अंदुर, “नाम हात्ती अईद रोट्टी अदकि येद्व मेनगोळी बटिकु अदकि येनु हलैच; लेकीन हव, अगर नी चाहासत्या की नाव होगकु ई सप्पा लाँकुर साटी भोजन कोंडेव, रा आग सकतद.” यतकी आ लाँकुरद संख्या रा अईद हजार इन हात्तीपास ईरोद. 14 आग यीशु तान चलागोळ से अंदुन,

\* 9:5 ९:५ प्रेरतिगोळ १३:५१ \* 9:5 ९:५ लूका १०:४-११ \* 9:7 ९:७ मत्ती १६:१४; मरकुस ८:२८; लूका ९:१९

“लॉकुरी पचास-पचास माळकु पंगत-पंगत दा कूरस बुळी.”

15 आंदुर हगि अच माळदुर, अदकि सप्पा मुंदरी कूरस बुटुर. 16 आग आव अव अईद रोट्टीगोळी अदकि येढढ मेनगोळी हुळदुन, अदकि स्वरग दी नोळकु परमेश्वर उक धन्यवाद माळदुन, अदकि रोट्टी मूरू-मूरूकु चेलागोळी कोळ्त होदुन किलॉकुरी वाळसुल. 17 आग सप्पा लॉकुर तनिकु संतुष्ट आदुर, अदकि चेलागोळ ऊळद टुकळागोळ दा टु हननेळ फुट्टी तुमकु नेगदुर.

पतरस उन यीशु उक “मसीह” स्वीकार माळोद  
(मत्ती १६:१३-२०; मरकुस ८:२७-३०)

18 याग यीशु आबना दा प्रार्थना माळोन अदकि चेलागोळ आऊन सांगुळ ईरोर, रा आव आंदुर से केळदुन, “लॉकुर नान बारा दा येन अनतार?”

19 \*चेलागोळ उत्तर कोट्टुर, “यूहनना बपतस्मा कोळावाळा, अदकि यावारा यावारा एलयियाह, अदकि यावारा ईद किलॉकुर भवषियवक्तागोळद दा टु यावारा जतिता आग्यान.”

20 \*यीशु आंदुर से केळदुन, “लेकीन नीव नानी येन अनतीर?”

पतरस उत्तर कोट्टुन, “परमेश्वर उन द्वारा कळुद मसीह.”

तान सायोद बारा दा यीशु उन भवषियवाणी  
(मत्ती १६:२१-२३; मरकुस ८:३१-३३)

21 आग यीशु आंदरी आदेश कोटकु अंदुन किलॉकुर ईद मात इन उल्लेख यारदु से माळवाळेतीर. 22 बाक यीशु अंदुन, “ना मळसा अन पार उन साटी जरूरी आद काना दुख नेगाईन, अदकि स्याणा अदकि प्रधान याजक अदकि नयिम इन गुरु नानी तुच्छ जानसकु कौद बुट्टार, अदकि ना मुर दनि दा जतिता आगाईन.”

23 \*यीशु सप्पा मुंदुर से अंदुन, “अगर यावारा नान हदि बरोद चाहासतान, रा आव तान तान इक इनकार माळुल अदकि रोज जो तान जीव नान साटी कूरस मा समरपति माळुल आवा नान हदि आगेगुल. 24 \*यतकी जो यावारा तान जीव ऊळसोद चाहास्यान आव अदरी खोऊस्यान, लेकीन जो यावारा नान साटी तान जीव खोऊस्यान आव अदरी ऊळस्यान. 25 अगर मळसा पुरा दुनया अक हासलि माळुल अदकि तान जीव खोऊस बुळुल या अदुरद हानि नेगुल, रा आऊक येन लाभ आदीत? 26 जो नान देल अदकि नान वचन देल लजूजति आगतान, आऊन देल ना मळसा अन पार भी, आ समय लजूजति आदान याग आव खुद अदकि तान आप्प उन अदकि पवतिर स्वरगदूतगोळद महिमा दा बंदान. 27 ना नीम से खरा माताळतीन, किलॉकुर ईल नदिरकु आर, आंदुर दा टु यारारा हगि आर किलॉकुर यागासताका परमेश्वर उन राज्य नोळतीदलि, आगासताका सायतीदील.”

यीशु उन रूपान्तर

(मत्ती १७:१-८; मरकुस ९:२-८)

\* 9:19 ९:१९ मत्ती १४:१,२; मरकुस ६:१४,१५; लूका ९:७,८ \* 9:20 ९:२० यूहनना ६:६८,६९

\* 9:23 ९:२३ मत्ती १०:३८; लूका १४:२७ \* 9:24 ९:२४ मत्ती १०:३९; लूका १७:३३; यूहनना

28 ई मातगोळ्द लगभग येठ्ट दनि इन बाद्दा यीशु पतरस, यूहन्ना अदकि याकूब उक सांगुळ हुळकु प्रार्थना माळोर साटी पहाळी मा होदुन. 29 याग आव प्रार्थना माळतेला अच ईरोन, रा आऊन चेहरा अन्द रूप बदलुसेत, अदकि आऊन कपळा बळिवेव आगकु चमकुसली हत्त. 30 अदकि अचानक, मूसा अदकि एलिय्याह, ई येढ्ढ मंळसा आऊन सांगुळ मातगोळ हेळोर. 31 आंदुर स्वर्गीय महिमा सहति कांळसदुर अदकि यीशु उन सायोद चर्चा माळोर, जो परमेश्वर उन उद्देश यरूशलेम दा पुरा आगोद ईरोद. 32 पतरस अदकि आऊन साथीगोळ कण्णगोळ जप देल तुमकु ईरव, लेकीन याग आंदुर पुरण रूप देल च्याता आदुर, रा आंदुर आऊन महिमा अक अदकि आ येढ्ढ मंळसागोळी, जो यीशु उन सांगुळ नदिरकु ईरोर, नोळदुर. 33 याग आंदुर आऊन हात्ती टु होगली हतदुर, रा पतरस यीशु से अंदुन, “हे स्वामी, नाम्द ईल ईरोद वळ्तीद आदः इदुरसाटी नाव मुर हांदरा माळेव, ऊंद नीन साटी, ऊंद मूसा अन्द साटी, अदकि ऊंद एलिय्याह अन्द साटी.” आव ईला जानसोन की आव येन माळेत्थान.

34 आव ईद माताळतेला अच ईरोन की ऊंद बादल बंदकु आंदरी होचकोमत, अदकि याग चेलागोळ आ बादल देल घेरूसली हतदुर रा अंजेदुर. 35 आग आ बादल दा टु आवाज होळ्त्त, “ईव नानव पार अदकि नान चुनुसदव हुन, ईऊंद केळी.”

36 ईव आवाज आगतेला अच यीशु आबना अच कांळसदुन; अदकि आंदुर सुंगा ईत्तुर, अदकि जो येनारा नोळीदुर अदुरद बारा दा आंदुर आ दनिगोळ दा यारदारा से येनु माळीदलि.

दुष्टआत्माग्रसत पार उक चंगा माळोद  
(मत्ती १७:१४-१८; मरकुस ९:१४-२७)

37 दुसरा दनि याग यीशु अदकि आऊन मुर चेलागोळ पहाळ मा टु ईळदुर रा ऊंद धोळ्द भीळ बंदकु यीशु से मळिस्त. 38 अदकि नोळी, भीळ दा टु ऊंद मंळसा चळिलासकु अंदुन, “हे गुरु, ना नीन से वनिती माळतीन कनिन पार उन म्याकुच कृपादृष्टि माळ; यतकी आव नानव ऊंद ठैसा पार आन. 39 अदकि नोळ, ऊंद दुष्टआत्मा आऊक हुडूतद, अदकि आव अचानक चळिलासकु येळतान; अदकि अद आऊक हगि मुरकुळसत्तद की आव बाय दा फेस तुमकु तरतान; अदकि आऊक कठनाई देल बळितद. 40 ना नीन चेलागोळ से वनिती माळदीन की आ दुष्टआत्मा अक तेगुल लेकीन आंदुर तेगु सकदील.”

41 यीशु आंदरी उत्तर कोट्टुन, “हे अवशिवासी अदकि जदिदी लॉकुरा, ना यागासताका नीम सांगुळ ईराइन अदकि नीम सहन माळाईन? तान पार उक ईल तर.”

42 आव पार बरतेला अच ईरोन की दुष्टआत्मा आऊक पटकुसकु मुरकुळसत्त, लेकीन यीशु अशुध्द आत्मा अक दनकुसदुन अदकि पार उक वळ्तीद माळकु आऊन आप्प उक सौप्सदुन. 43 आग सब लॉकुर परमेश्वर उन महासामर्थ्य देल चकति आदुर.

तान सायोद बारा दा यीशु उन दुसरा घन भवषियवाणी  
(मत्ती १७:२२,२३; मरकुस ९:३०-३२)

लेकीन याग सब लॉकुर आ सब क्यालसागोळ देल जो यीशु माळतोगोन,  
अचम्भति ईरोर, रा आव तान चेलागोळ से अंदुन, 44 “नीव ई मातगोळ मा  
ध्यान कोळी, यतकी ना मळसा अन पार मळसागोळद कय दा सौप्सकु  
आगाईन.” 45 लेकीन आंदुर ई मात इक ईला समसोर, अदकि ईद आंदुर से होचकु  
ईत कर् आंदुर आऊक जान्स ईला सकुल; अदकि आंदुर ई मात इन बारा दा यीशु  
उक केळली अंजतोगोर.

सब से धोड्डेव याव?

(मत्ती १८:१-५; मरकुस ९:३३-३७)

46 \*बाक आंदुरदा ईद ववािद आगली कुरत कर् नाम दा टु धोळ याव आन.  
47 लेकीन यीशु आंदुरद मन इन वचार जान्स कोंडुन, अदकि ऊंद पार उक हुळकु  
तान हात्ती नीदरूसदुन, 48 \*अदकि आंदुर से अंदुन, “जो यावारा नान हेसुर देल  
ई पार उक ग्रहण माळतान, आव नानी ग्रहण माळतान; अदकि जो यावारा  
नानी ग्रहण माळतान, आव नान कळावाळेर इक ग्रहण माळतान, यतकी जो  
नीम दा सब से स्याणेव टु स्याणेव आन, आवा धोड्डेव आन.”

जो वरिध दा ईला, आव पक्ष दा आन  
(मरकुस ९:३८-४०)

49 आग यूहन्ना अंदुन, “हे स्वामी, नाव ऊंद मळसा अक अपमान हेसुर देल  
दुष्टआत्मागोळी तेगुतेला नोळदेव, अदकि नाव आऊक मना माळदेव, यतकी  
आव नाम सांगुळ आगकु अपमान हर्दि आगालुन.”

50 यीशु यूहन्ना अदकि बाकी चेलागोळ से अंदुन, “आऊक मना माळवाळी;  
यतकी जो नीम वरिध दा हैलेच, आव नीमद सांगुळ आन.”

सामरीयागोळ द्वारा यीशु उन वरिध

51 याग यीशु उन स्वर्ग दा नेगुकु आगोद दनि हात्ती बरली हतदव रा आव  
यूरूशलेम होगोद मजबूत नश्चय माळदुन. 52 आव तान मुंद स्वर्गदूत कळदुन.  
आंदुर सामरीगोळद ऊंद ऊर दा होदुर कर् आऊन साटी जागा तयार माळुल.  
53 लेकीन आ लॉकुर आऊक ईळु गोटीदील, यतकी आव यूरूशलेम होगोन.  
54 ईद नोळकु यीशु उन चेलागोळ याकूब अदकि यूहन्ना अंदुर, “हे प्रभु, येन नी  
चाहासत्या कर् नाव आग्या कोट्टेव, कर् आकाश टु बेक्की बळिसुसकु आंदरी  
भसम माळसुस बुळुल?”

55 लेकीन यीशु तरिगकु आंदरी दनकुसदुन. 56 यीशु अदकि आऊन चेलागोळ  
दुसरा ऊर दा होटोदुर.

यीशु उक मान्सावाळेर ह्यांग ईर पायजे  
(मत्ती ८:१९-२२)

57 याग आंदुर हादी देल होगोर, रा चेलागोळ दा टु यावारा यीशु से अंदुन,  
“यल-यल नी होदया, ना नीन हर्दि आगोगाईन.”

58 यीशु आऊन से अंदुन, “कोल्यागोळ गुफा अदकि आकाश इन पक्षीगोळ ग्वादा ईरताव, लेकीन ना मळसा अन पार उन साटी ताल्ला होचकोमोर साटी भी जागा हैलेच.”

59 यीशु दुसरा से अंदुन, “नान हदि आगोग.”

आव अंदुन, “हे प्रभु, नानी पयले होगगोळ कितान आप्प उक नळसाईन.”

60 यीशु आऊन से अंदुन, “सोद्द मळसागोळी तान मूर्दा नळसगोळ, लेकीन नी होगकु परमेश्वर उन राज्य अनूद पुरा प्रचार माळ.”

61 ऊद मातूत मळसा भी अंदुन, “हे प्रभु, ना नीन हदि आगोगाईन; लेकीन पयले नानी होगगोळ कितान मान्ना अनूद लॉकुर से वदिता ताकोमकु बराईन.”

62 यीशु आऊन से अंदुन, “जो यावारा तान कय नांगर मा ईटक हदि नोळतान, आव परमेश्वर उन राज्य अनूद लायक हैलेच.”

## 10

यीशु बहात्तर चेलागोळी कळुदुन

1 ई मातगोळ्द बाद्दा प्रभु यीशु मातूत बहात्तर मळसागोळी नयिकूत माळदुन, अदकि याता-याता नगर अदकि जागा अक आव होगली ईरोन, अल आंदरी येढ्ढ-येढ्ढ माळकु तान मुंद कळुदुन. 2 \*यीशु आंदुर से अंदुन, हण्ण केई हापाळ आव, पर क्याल्सा माळावाळेर मजदुर गोरत आर; इदुरसाटी फसल इन स्वामी से वनिती माळी क्ति आव तान फसल कडोर साटी मजदूर कळु बुळुल. 3 \*होगी; ना नीमी म्यांडागोळ घाई लांडग्यागोळ न्याड्या कळुतीन. 4 इदुरसाटी तान सांगुळ ना चीला, ना झ्वारा, ना केरूगोळ हुडी; अदकि ना हादी मा यारदारा से नमस्कार माळी. 5 यातारा मान्या होगी, पयले अनी, “ई मान्ना मा कल्याण आगुल.” 6 अगर अल यावारा कल्याण इन लायक ईतीदान, रा नीम कल्याण आऊन मा ईत्तीत, ईलारा नीम हात्ती वापस बंदीत. 7 \*अदा मान्या ईरी, अदकि जो येनारा आंदुर से सक्कीत, अदा तनी-कुडी, यतकी मजदूर उक तान मजदूरी सकि पायजे; मान्या-मान्या टेटबाळेतीर. 8 या नगर दा नीव होगी, अदकि अलेर लॉकुर याग नीम स्वागत माळ्यार रा जो येनारा नीम मुंद ईटक आदीत अदा तनी. 9 अलेर बमिरगोळी चंगा माळी अदकि आंदुर से अनी, “परमेश्वर उन राज्य हात्ती होट बंदाद.” 10 \*लेकीन या नगर दा होदरि, अदकि अलेर लॉकुर नीमी ग्रहण माळतीदील, रा आंदुरद गलीगोळ दा होगकु अनी, 11 \*नीम वरिध दा नाव नीम नगर इन धुळा अक भी जो नाम कालगोळ मा हत्याद झाळ्स कोळतेव; फरि भी ईद जान्स कोमी क्ति परमेश्वर उन राज्य नीम हात्ती होट बंदाद.” 12 \*ना नीम से अनतीन क्ति आ दनि परमेश्वर न्याय माळयान आ दशी सदोम इन दशा आ नगर से हापाळ गुणा सहन माळा लायक ईत्तीत.

अवशिवासी नगरगोळी धक्कार  
(मत्ती ११:२०-२४)

\* 10:2 १०:२ मत्ती ९:३७,३८ \* 10:3 १०:३ मत्ती १०:१६ \* 10:7 १०:७ १ कुरिन्थि ९:१४; १ तीमथ्यिस ५:१८ \* 10:10 १०:१० प्रेरतिगोळ १३:५१ \* 10:11 १०:११ मत्ती १०:७-१४; मरकुस ६:८-११; लूका ९:३-५ \* 10:12 १०:१२ मत्ती ११:२४; मत्ती १०:१५

13 “हाय खुराजीन! हाय बैतसैदा! जो सामर्थ्य ईनव क्याल्सा नीम दा माळकु आदव, अगर अव सूर अदकि सैदा दा माळकु आगायदव रा बॉरा होदुकु अदकि राख दा कुरतकु आंदुर यागुटु मन तरिगुसायदुर. 14 लेकीन न्याय इन दनि सूर अदकि सैदा अन्द दशा नीम से यक्कुल सहन माळा लायक ईत्तीत. 15 अदकि हे कफरनहूम, येन नी स्वर्ग ताका म्याकुच नेगुकु आदया? नी पाताल लोक ताका ल्यालमा होदया.”

16 यीशु तान चेलागोळ से अंदुन, “जो नीम केळतान, आव नान केळतान; अदकि जो नीमी तुच्छ जान्सतान, आव नानी तुच्छ जान्सतान; अदकि जो नानी तुच्छ जान्सतान, आव नान कळावाळेर इक तुच्छ जान्सतान.”

बहात्तर चेलागोळद वापस बरोद

17 आंदुर बहात्तर चेलागोळ खुशी माळतेला बंदुर अदकि अनली हतदुर, “हे प्रभु, नीन हेसुर देल दुष्टआत्मा भी नाम आग्या मान्सताव.”

18 यीशु आंदुर से अंदुन, “ना शैतान उक बजिली इन घाई स्वर्ग टु बळिस नोळीन. 19 केळी, काना नीमी हाव अदकि पुरा सामर्थ्य मा अधिकार कोटीन; अदकि नीमी येनु हाना आगतीदील. 20 फरि भी ईदुर देल खुश आगवाळी काना आत्मा नीम वश दा आद, लेकीन इदुर देल खुश आगी काना नीम हेसुर स्वर्ग दा लखिसकु आद.”

यीशु उन खुश आगोद

(मत्ती ११:२५-२७; १३:१६,१७)

21 आ समय यीशु पवतिर आत्मा दा आगकु खुशी देल तुम्मेदुन, अदकि अंदुन, हे आप्पा, स्वर्ग अदकि पृथ्वी नव प्रभु, ना नीन धन्यवाद माळतीन काना नी ई मातगोळी आंदुर से जो ग्यानी आर अदकि कलत माळकु लाँकुर से होचकोमकु ईट्द, अदकि चकिरगोळ मा प्रगट माळ्द. हव, हे आप्पा, यतकी नीनी ईदा वळलीद हत्त.

22 नान आप्पा नानी सप्पा येनारा सोप्स बुट्टुन; अदकि याऊ जान्सालुन काना पार याव हुन सरिफ आप्पा, “अदकि आप्पा याव हुन ईद भी याऊ जान्सालुन सरिफ पार अदकि आव यार मा पार अदरी प्रगट माळोद चाहासतान.”

23 आग चेलागोळ दी तरिगकु आवना दा अंदुन, “धन्य आव अव कण्णगोळ, जो ई मातगोळ जो नीव नोळतीर अव नोळताव. 24 यतकी ना नीम से अनतीन काना हापाळ सा भवषियवक्तागोळ अदकि राजागोळ चाहासदुर काना जो मातगोळ नीव नोळतीर आंदुर नोळुल पर नोळीदील, अदकि जो मातगोळ नीव केळतीर आंदुर केळुल पर केळीदील.”

दयालु सामरी इन उदाहरण

25 अदकि ऊद व्यवस्थापक येदुन अदकि ईद अनतेला यीशु उन परीक्षा माळली कुरतुन, “हे गुरु, अनन्त जीवन सकोद साटी ना येन माळाईन?”

✧ 10:16 १०:१६ मत्ती १०:४०; मरकुम १:३७; लूका १:४८; यूहन्ना १३:२० ✧ 10:22 १०:२२ यूहन्ना ३:३५; यूहन्ना १०:१५ ✧ 10:25 १०:२५ मत्ती २२:३५-४०; मरकुम १२:२८-३४

26 यीशु आऊन से अंदुन, “मूसा अन्द व्यवस्था दा येन लखिसकु आद? नी हयांग वाचुसत्या?”

27 आव उत्तर कोट्टुन, “मूसा अन्द व्यवस्था अनतद, ‘नी प्रभु तान परमेश्वर से तान सप्पा मन अदकि तान सप्पा जीव अदकि तान सप्पा शक्ति अदकि तान सप्पा बुद्धी इन सांगुळ प्यार ईट अदकि तान मान्ना हातळोर से तान घाई प्यार ईट.’”

28 यीशु आऊन से अंदुन, “नी बराबर उत्तर कोट्ट, ईदा माळ रा नी जतिता ईत्या.”

29 लेकीन आव तान तान इक न्यायी ठहरूसोद इच्छा देल यीशु से केळदुन, “रा नान मान्ना हातळोर याव हुन?”

30 यीशु उत्तर कोट्टुन, “ऊंद मंळसा यरूशलेम टु यरीहो अक होगोन कि डाकूगोळ आऊक घेर्सकु आऊन कपळा ईळस बुटुर, अदकि बडु माळकु आऊक सायोर साटी बटिकु होटोदुर. 31 अदकि हगि आत कि अदा हादी देल ऊंद याजक होगोन, लेकीन आऊक नोळकु आव अनदेखा माळदुन अदकि होटोदुन. 32 ईदा रीति देल ऊंद लेवी भी आ जागा मा बंदुन, आव भी आऊक अनदेखा माळकु होटोदुन. 33 लेकीन ऊंद सामरी जाती नव यात्री अल टु होगोन, अदकि आऊक नोळकु आऊन मा तरस तदिन. 34 आव आऊन हात्ती बंदकु आऊन जखमगोळ मा याणणा अदकि अंगुर इन राससा हाक्कु पट्टी कटदुन, अदकि तान सवारी मा येर्सकु आऊक सरई दा ओतुन, अदकि आऊन स्यावा टहल माळदुन. 35 दुसरा दनि आव येदढ बेळली इन सक्का तेगुकु सरई इन मालकि उक कोट्टुन, अदकि अंदुन, ‘ईऊन स्यावा टहल माळेत, अदकि जो येनारा अपमान दी टु हत्तीत, अद ना वापस बंदुर मा नीनी तुम कोळाईन.’”

36 ईग यीशु “नीन वचिर देल ई मूरु दा टु आ मंळसा अन्द जो डाकूगोळ्द कय दा सक्किगीदुन, याव मान्ना हातळोर आदुन?”

37 आव अंदुन, “आवा याव आऊन मा दया माळदुन.”

यीशु आऊन से अंदुन, “होग, नी भी हगि अच माळ.”

मार्था अदकि मरयिम इन मान्या यीशु

38 \*याग आंदुर होगोर रा यीशु ऊंद ऊर दा होदुन, अदकि मार्था हेसुर इनोर ऊंद आरत यीशु उन तान मान्या स्वागत माळदुर. 39 मरयिम हेसुर इनोर आकनि ऊंद आकतींग ईरोर. आक प्रभु उन कालगोळ दी कुरतकु आऊन वचन केळतोगोर. 40 लेकीन मार्था स्यावा माळ्त-माळ्त व्याकुल आगेदुर, अदकि आऊन हात्ती बंदकु अनली हतदुर, “हे प्रभु, येन नीनी येनु अच चन्तिता हैलेच कनिन आकतींग नानी स्यावा माळोद साटी आबना अच बटि बुटार? इदुरसाटी आकनि से अन कनिन सहायता माळुल.”

41 प्रभु आक इक उत्तर कोट्टुन, “मार्था, हे मार्था; नी हापाळ मातगोळ्द साटी चन्तिता माळत्या अदकि व्याकुल आगत्या. 42 लेकीन ऊंद मात जरूरी आद, अदकि आ वळ्लीद भाग इक मरयिम चुनुस कोंडार जो आकनि से कस्तकु आगतीदील.”



## 11

यीशु आंदरी प्रार्थना माळोद कल्सदुन  
(मत्ती ६:९-१३)

1 यीशु यातोदारा जागा दा प्रार्थना माळोन. याग यीशु प्रार्थना माळ कोडुन, रा आऊन चेलागोळ दा टु ऊंद चेला आऊन से अंदुन, “हे प्रभु, ह्यांग नीर-संस्कार कोळावाळा यूहन्ना तान चेलागोळी प्रार्थना माळोद कल्सयान हांग अच नामी भी नी कल्सबुळ.”

2 यीशु आंदुर से अंदुन, याग नीव प्रार्थना माळी रा अनी: हे आप्पा: नीन हेसुर पवतिर मान्सकु आगुल,  
नीन राज्य बरूल.

3 नाम हागुल तरिमुद रोटी रोज-रोज नामी कोळतोग,  
4 ह्यांग नाव तान हर ऊंद अपराधीगोळी माफ माळतेव,  
हांग अच नी भी नाम पापगोळी माफ माळ,  
अदकि नामी परीक्षा दा तरबाळ.

5 आग यीशु आंदुर से अंदुन, “नीम दा टु याव आन कि आऊन संगी आगुल, अदकि आव आर्धा ईळलकी आऊन हात्ती होगकु आऊन से अनुल, हे संगी; नानी मुर रोटीगोळ कोळ. 6 यतकी ऊंद यात्री संगी नान हात्ती बंदान, अदकि आऊन तनिसोर साटी नान हात्ती येनु हैलेच.’ ” 7 अदकि आव तान मन इन बुळक टु उत्तर कोळुल, “नानी माळबाळ; ईंग रा दरवाजा बंद आद अदकि नान चकिोर नान हात्ती हासक्या मा आर, इदुरसाटी ना यदकु नीनी रोटी कोळ सकालीन?” 8 ना नीम से अनतीन, अगर आव आऊन संगी हुन तरी भी आव आऊक यदकु रोटी कोळालुन, फरि भी रोटी बेळावाळा तान शरम बटिकु बेळुल रा ईद कारण आव यदकु आऊक याट जरवत आद आस रोटी कोटान.

9 अदकि ना नीम से अनतीन कि बेळी, रा नीमी कोटक आदीत; दुंडसी, रा नीमी सकिकीत; ठोकसीर, रा नीम साटी तेरूकु आदीत. 10 यतकी जो यावारा बेळतान, आऊक कोटक आगतद; अदकि जो दुंडसतान, आऊक सकितद; अदकि जो ठोक्सतान, आऊन साटी तेरूकु आगतद. 11 नीम दा टु हगि याव आप्प आन, कि आऊन पार मेन बेळतान\*, रा मेन इन जागा आऊक हाव कोळतान? 12 या तत्ती बेळुल रा आऊक चेळ कोळुल? 13 इदुरसाटी याग नीव बुरा ईतकु तान चकिोरी वळ्लीद वस्तु कोळोद जान्सतीर, रा नीम स्वरगीय आप्प तान बेळावाळेरी पवतिर आत्मा यती कोळतीदील.

यीशु अदकि बालजबूल  
(मत्ती १२:२२-३०; मरकुस ३:२०-२७)

14 बाक यीशु ऊंद दुष्टआत्मा अक जो आऊन बुळक होगदुर मा आ मंळसा माताळ ईला सकोन आ दुष्टआत्मा अक तेगदुन. याग दुष्टआत्मा होट बुळत रा मुक्का मंळसा माताळली कुरतुन; अदकि लाँकुरी अचम्भा आत.

\* 11:11 ११:११ ईद वाचा हर ऊंद हस्तलेखा दा लखिसकु हैलेच.

15 \*लेकीन आंदुर दा टु थ्वाळासा लॉकुर अंदुर, “ईव रा बालजबूल हेसुर ईनव दुष्टआत्मागोळव सरदार उन मदत देल दुष्टआत्मागोळी तेगुतान.”

16 \*दुसरा लॉकुर यीशु उन परीक्षा माळोर साटी आऊन से आकाश इन चमत्कार बेळदुर जो हगि तोरसुल कि परमेश्वर आऊन सांगुळ आन. 17 लेकीन आव आंदुर मन इन मातगोळी जान्सकु, आंदुर से अंदुन, “या-या राज्य दा फूट बळितद, अद राज्य बरबाद आगेगतद; अदकि या मान्या फूट बळितद, अद नाश आगेगतद. 18 अगर शैतान तान अच वरिधी आगेगुल, रा आऊन राज्य ह्यांग बन्सकु ईत्तीत? यतकी नीव नान बारा दा रा अनतीर कि ईव बालजबूल उन सहायता देल दुष्टआत्मा तेगुतान. 19 भला अगर ना बालजबूल उन सहायता देल दुष्टआत्मागोळी नेगुतीन, रा नीम मानसावाळेर यार सहायता देल तेगुतार? इदुरसाटी आंदुर अच नीम न्याय माळावाळेर आदार. 20 लेकीन अगर ना परमेश्वर उन आत्मा अन्द सहायता देल दुष्टआत्मागोळी नेगुतीन, रा परमेश्वर उन राज्य नीम हात्ती होट बंदाद.

21 “याग ताकतवर मंळसा हथयार हुडुकु तान हवेली इन रखवाली माळतान, रा आऊन संपत्ती ऊळ्दकु ईरतद.” 22 पर याग आऊन से धोड्डेव यावारा मात्त ताकतवर मंळसा चढाई माळकु अदरी जीकस कोमतान, रा आऊन अव हथयार यऊर मा आऊक भरोसा ईरोद, कस्त कोमतान अदकि आऊन संपत्ती कस्तकु वाट्स बुळतान.

23 \*जो नान सांगुळ हैलेच आव नान वरिध दा आन, अदकि जो नान सांगुळ जमा माळालुन आव बगरूस्तान.

दुष्टआत्मा अन्द वापसी

(मत्ती १२:४३-४५)

24 “याग दुष्टआत्मा मंळसा दा टु होट बुळतद रा वंळगीद जागागोळ दा आराम दुंदसतेला टेटतद, अदकि याग जागा सकाल रा अनतद, ‘ना तान अदा मान्या दा यल टु ना होटीदनि होटोगाईन.’ 25 अदकि बंदकु आ मान्ना अक झाळ-झुळ्सकु अदकि सजुसकु नोळतद. 26 आग अद होगकु तान से बेकार येळ अदकि आत्मागोळी तान सांगुळ तरतद, अदकि अव आ मान्या होककु अल नवास माळताव, अदकि आ मंळसा अन्द दशा पयला टु भी बेकार आगेगताव.”

खरा सुख

27 याग यीशु ईव मातगोळ अनतेला अच ईरोन रा भीळ दा टु यातारा आर्त्त धोळ्द आवाज देल अंदुर, “धन्य आद अद गर्भ यदुरदा नी इत्या अदकि अव सत्तन यार्द हाल नी कुळदया.”

28 यीशु अंदुन, “हव; लेकीन धन्य आंदुर आर जो परमेश्वर उन वचन केळतार अदकि मान्सतार.”

परमेश्वर दी टु चमत्कार अन्द मांग

(मत्ती १२:३८-४२)

29 \*याग धोळ्द भीळ जमा आगतोगोद रा यीशु अनली कुरतुन, “ई दुनया अन्द लॉकुर बुरा आर; आंदुर चमत्कार ढुंढसतार; पर योना अन्द चमत्कार अक बटिकु यातोदारा दुसरा चमत्कार आंदरी कोटकु आगतीदील. 30 ह्यांग योना नीनवे अन्द लॉकुरद साटी चमत्कार ठहरूसदुन, हांग अच मंळसा अन पार भी ई दुनया अन्द लॉकुरद साटी ठहरूस्यान. 31 दक्षणि इन रानी न्याय इन दशिी ई दुनया अन्द मंळसागोळ्द सांगुळ यदकु आंदरी दोषी ठहरूस्यार, यतकी आक सुलैमान उन ग्यान केळली पृथ्वी इन छोर टु बंदार, अदकि नोळी, ईल आव आन जो सुलैमान से भी धोड्डेव आन. 32 नीनवे नगर इन लॉकुर न्याय इन दशिी ई दुनया अन्द लॉकुर सांगुळ नदिरकु, आंदरी दोषी ठहरूस्यार; यतकी आंदुर योना अन्द प्रचार केळकु पाप माळोद बटि बुटुर, अदकि नोळी, ईल आव आन जो योना से भी धोड्डेव आन.

मय इन दगिया

(मत्ती ५:१५; ६:२२,२३)

33 \*यावारा मंळसा दगिया होत्ताकु येल्यारा होचकु या बर्तन इन ल्यालमा ईटालुन, लेकीन दीवट मा ईटतान कि बुळ्क बरावाळेर इक ऊजुळ सकिल. 34 नीन मय इन दगिया नीन कण्ण हुन, इदुरसाटी याग नीन कण्ण नरिमल आव रा नीन सप्पा मय भी ऊजुळ इन घाई आद; लेकीन याग नीन कण्णगोळ अच बुरा आव रा नीन मय भी अंधार इन घाई आद. 35 इदुरसाटी सावधान ईरेत कि जो ऊजुळ नीन दा आद अद अंधारकुप आगवाळुल. 36 इदुरसाटी अगर नीन सप्पा मय ऊजुळ आगुल अदकि अदुरद यातोदु भाग अंधार ईरबाळुल रा सप्पा अन्द सप्पा हगि ऊजुळ आदीत, ह्यांग आ समय आगतद याग दगिया तान चमक देल नीनी ऊजुळ कोळतद.”

नयिम इन गुरुगोळ अदकि फरीसीगोळ्द शकिषा

(मत्ती २३:१-३६; मरकुस १२:३८-४०)

37 याग यीशु उन मातगोळ हेळकु आगेगीत रा यातोवारा फरीसी आऊन से वनिती माळदुन कि नान मान्या भोजन माळ. यीशु बुळ्क होगकु भोजन माळली कुरतुन. 38 फरीसी इक ईद नोळकु अचमभा आत कि आव ऊमोर से पयले यहूदीगोळ्द रीतइन अनुसार कय तोळददील. 39 प्रभु आऊन से अंदुन, “हे फरीसीगोळा, नीव वाटी अदकि तंळग्या अक म्याक म्याकुच टु रा ऊदतीर, लेकीन नीम बुळ्क अंधार अदकि दुष्टता तुमकु आद. 40 हे नरिबुद्धीगोळा, याव व्हार्या अन्द भाग माळयान, येन आव बुळ्क इन भाग माळीदलि? 41 लेकीन हा, जो नीम हात्ती आद अद गरीबगोळी कोटबुळी, रा नोळी, सब येनारा नीम साटी शुद्ध आगेदीत.

42 “पर हे फरीसीगोळा, नीम मा हाय! नीव पदीना अदकि सुदाब इन अदकि हापाळ प्रकार इन साग पात इन दसवा अंश कोळतीर, लेकीन न्याय इक अदकि परमेश्वर उन प्यार इक टाल्स बुळतीर; माळोद रा हुन कि इवरी भी माळतेला ईरायदीर अदकि अवरी भी ईला बळियदरि.”

43 “हे फरीसीगोळा, नीम मा हाय! नीव यहूदी लॉकुरद सभागृहगोळ दा मुख्य-मुख्य आसन अदकि सात्तागोळ दा नमस्कार अदकि प्यार चाहासतीर. 44 हाय नीम मा! यतकी नीव आ होचकोमद कबरगोळ घाई आईर, यार मा लॉकुर नळुतार लेकीन अरालुर.”

45 आग ऊंद व्यवस्थापक आऊक उत्तर कोट्टुन, “हे गुरु, ई मातगोळ्द अंदुर देल नी नाम अपमान माळत्या.”

46 आव अंदुन, “हे व्यवस्थापकगोळा, नीम मा भी हाय! नीव हगि ओझा यदरी नेगोद कठनि आद, मंळसागोळ मा रचतीर लेकीन नीव खुद आ ओजागोळी नेगोर साटी तान ऊंद बेळ्ल भी हचालीर. 47 हाय नीम मा! नीव आ भवषियवक्तागोळ्द कबरगोळ माळतीर, यवरी नीमद अच आप्प-दादागोळ कोंद बुटीदुर. 48 इदुरसाटी नीव गवाह आईर, अदकि तान आप्प-दादागोळ्द कयालसागोळ देल सयमत आईर; यतकी आंदुर आंदरी कोंद बुटुर अदकि नीव आंदुरद कबरगोळ माळतीर. 49 इदुरसाटी परमेश्वर उन बुद्धी भी अंदाद, ‘ना आंदुर हात्ती भवषियवक्तागोळ अदकि प्रेरतिगोळी कळाईन, अदकि आंदुर आंदुर दा टु यारारा अक कोंद बुट्टार, अदकि यारारा अक सतुस्यार.’ 50 ताकी यास भवषियवक्तागोळ्द खुन दुनया अनूद उत्पत्ती देल वाहुसकु आग्याद, सप्पा मुंदुरद हसिब ई दुनया अनूद लॉकुर देल ताकोमकु आगुल: 51 हाबील उक कोंदकु आगीत आगुटु हुडुकु जकरयाह अक कोननोद ताका, जो वेदी अदकि मंदिर इन न्याड्या दा घात माळकु आगीत. ना नीम से खरा अनतीन, ई सप्पा मुंदुरद हसिब ई समय इन लॉकुर देल ताकोमकु आदीत.

52 “हाय नीव व्यवस्थापकगोळ मा! नीव ग्यान इन कुंजी रा तान हात्ती इच ईटदीर, लेकीन नीव खुद अच प्रवेश माळीदलि, अदकि प्रवेश माळावाळेर इक भी रोकस बुट्टीर.”

53 याग यीशु अल टु होट्टुन, रा नयिम इन गुरु अदकि फरीसी कय तोळकु आऊन हदि बदिदुर अदकि हापाळ धोळ्द वाद माळली हतदुर क्आव हापाळ सा मातगोळ्द चर्चा माळुल, 54 अदकि घात मा हतकु ईत्तुर क्आऊन बाय इन यातोदारा मात हुडुल.

## 12

पाखंड इन वरिद्ध चेटावनी  
(मत्ती १०:२६,२७)

1 ईट्टुर दा याग हजारो लॉकुरद भीळ हत्तेत, ईल ताका क्आंदुर आबुर दाबुर मा बळिली आगतोगोर, रा यीशु सब से पयले तान चेलागोळ से अनली कुरतुन, “फरीसीगोळ्द कपटरूपी खमीर देल सावधान ईरतीर. 2 येनु होचकु हैलेच, जो तेरूकु आगतीदिल; अदकि ना येनारा होचकु आद, जो जानसकु आगतीदिल. 3 इदुरसाटी जो येनारा नीव अंधार दा अंदीर, अद ऊजुळ दा केळकु आदीत; अदकि जो नीव बुळ्क इन कमरागोळ दा कानो कान अंदीर, अद छत मा टु प्रचार माळकु आदीत.

यार देल अंजेव?  
(मत्ती १०:२८-३१)

4 “ना नीम से जो नान संगी हुईर अनतीन की जो मय इन घात माळतार लेकीन अदुरद हदि मात्त येनु माळ सकालुर, आंदुर से अंजवाळी. 5 ना नीमी चेतावनी कोळतीन की यार से अंज पायजे, घात माळदुर बाद्दा यार इक नरक दा हाक्कोद अधिकार आद, आ परमेश्वर से अच अंजी; हव, ना नीम से अनतीन, आऊन से अच अंजी.

6 “येन येद्वद पैसया अनन्द अईद चमिणी पक्षी मारालव? तरी भी परमेश्वर अऊर दा टु ऊंद जीव इक भी मारालुन. 7 नीमव ताल्ला अनन्द सप्पा चुट्टी भी आळुकु आव, इदुरसाटी अंजवाळी, नीव हापाळ चमिणीगोळ से भी कमिती आईर.

यीशु उक स्वीकार या अस्वीकार माळोद  
(मत्ती १०:३२,३३; १२:३२; १०:१९,२०)

8 “ना नीम से अनतीन जो यावारा मंळसागोळ मुंद नानी मान्स कौडान आऊक मंळसा अन पार भी परमेश्वर उन स्वर्गदूतगोळ्द मुंद मान्स कौडान. 9 लेकीन जो मंळसागोळ्द मुंद नान इनकार माळुल आऊन परमेश्वर उन स्वर्गदूतगोळ्द मुंद इनकार माळकु आदीत.

10 “जो यावारा मंळसा अन पार उन वरिध दा यातोवारा मात अनुल, आऊन अद अपराध माफ माळकु आदीत, लेकीन जो पवतिर आत्मा अनन्द अपमान माळुल, आऊन अपराध माफ माळकु आगतीदील.

11 “याग लाँकुर नीमी सभागोळ अदकि न्यायाधीशगोळ अदकि अधिकारीगोळ्द मुंद ओतार, रा चनिता माळबाळेतीर की नाव याता रीत दिेल या येन उत्तर कोट्टेव, या येन अंदेव. 12 यतकी पवतिर आत्मा अदा समय नीमी कल्स बुट्टीत की येन अनोद आद.”

ऊंद धनवान मूरख मंळसा अनन्द उदाहरण

13 बाक भीळ दा टु ऊंद मंळसा यीशु से अंदुन, “हे गुरु, नान वार्ट से अन की आप्प उन संपत्ती नान सांगुळ वाट्स कोमुल.”

14 आव आऊन से अंदुन, “हे मंळसा, याव नानी नीन न्यायी या बटवारा माळावाळा नयिकुत माळ्यान?” 15 अदकि आव आंदुर से अंदुन, “सावधान ईरी, अदकि हर प्रकार इन लोभ देल तान तान इक ऊळ्सकु ईटी; यतकी यारदारा जीवन आऊन संपत्ती मा नरिभर ईराल्द.”

16 यीशु आंदुर से ऊंद उदाहरण अंदुन: “यावारा धनवान उन जमीन मा धोळ उपज आत. 17 आग आव तान मन दा वचिर माळली कुरतुन, ‘ना येन माळाईन? यतकी नान अल जागा हैलेच यल तान उपज ईट सकाईन.’ 18 अदकि आव अंदुन, ‘ना ईद माळाईन: ना तान लेल इन खर्यान मुरदकु अदुर से वळ्लीद माळाईन; अदकि अल तान सप्पा अन्न अदकि संपत्ती ईटाईन; 19 अदकि ना खुद तान जीव से अनाईन की, नीन हात्ती हापाळ वर्ष इन साटी हापाळ संपत्ती ईटकु आद; चैन ईट, तनि, कुडू, वळ्लीद देल ईर.’ 20 लेकीन परमेश्वर

आऊन से अंदुन, हे मूरख! ईदा ईळ्लक नीन जीव नीन से ताकोमकु आदीत; आग जो येनारा नी जमा माळ्या अद यार्द आदीत?

21 “हगि अच आव मंळसा भी आन जो तान साटी धन जमा माळतान, लेकीन परमेश्वर उन नजर दा धनी हैलेच.”

परमेश्वर मा भरोसा ईटी  
(मत्ती ६:२५-३४)

22 बाक यीशु तान चेलागोळ से अंदुन, “इदुरसाटी ना नीम से अनतीन, तान जीव इन चनिता माळबाळी की नाव येन तनिदेव; ना तान मय इन की येन हाक्केव. 23 यतकी भोजन से जीव, अदकि फळक्यागोळ से मय कमिती आद. 24 आकाश ईनव पक्षीगोळी नोळी; अव ना बीजा हचताव, ना कोयताव; ना तान तनि जागा दा संगरूसकु ईटताव; तरी भी परमेश्वर अवरी पालसतान. नीम कमित रा पक्षीगोळ से हापाळ यक्कुल आद! 25 नीम दा टु हगि याव आन जो चनिता माळकु तान जदिगी दा ऊंद घळी भी वाळुस सकतान? 26 इदुरसाटी अगर नीव सब से स्याळ्द क्याल्सा भी माळ सकालीर, रा दुसरा मातगोळ्द साटी येती चनिता माळतीर? 27 आळी दाकळव फूलगोळ मा ध्यान माळी की अव ह्यांग वाळुसताव, ना तान साटी फळक्यागोळ माळताव; तरी भी ना नीम से अनतीन की सुलैमान राजा भी तान पुरा जीवन दा, अऊर दा टु यारदु घाई कपळा हाक्कु ईला ईरोन. 28 इदुरसाटी अगर परमेश्वर मैदान इन काड्डा अक, जो ईद आद अदकि नाळ बेक्की दा झोक्सकु आदीत, हगि कपळा हाकसुसतान; रा हे अल्पवशिवासीगोळा, आव नीमी येती हाकसुसतदिलि?”

29 “अदकि नीव ई मात इन खोज दा ईरबाळी की येन तनिदेव अदकि येन कुळदेव, अदकि वचार भी माळबाळी. 30 यतकी ई दुनिया अन्द लॉकुर ई सप्पा वस्तुगोळ्द खोज दा ईरतद: अदकि नीम आप्प जानसतान की नीमी ई वस्तुगोळ्द जरवत आद. 31 लेकीन आऊन राज्य अन्द खोज दा ईरी, रा ई वस्तुगोळ भी नीमी सकिकेदव.”

स्वर्गीय धन  
(मत्ती ६:१९-२१)

32 “हे नान स्याळ्द झुण्ड इन लॉकुरा, अंजबाळी; यतकी नीमव आप्प प्रसन्नता देल, नीमी राज्य कोळोद चाहास्यान. 33 तान संपत्ती मारकु दान माळबुळी; अदकि तान साटी हगि चीलागोळ माळी जो हाळोदव आगालव, मतलव स्वर्ग दा धन जमा माळी जो कम आगाल अदकि यऊर हात्ती काळल होगालुन, अदकि कळिा भी बगिळुसाल. 34 यतकी यल नीम धन आद, अल नीम मन भी हतकु ईत्तीत.”

जागसतेला ईरी

35 \*नीम नेळुगोळ कटकु ईरूल अदकि नीम दगिया होत्ताकु ईटी, 36 \*अदकि नीव आ मंळसागोळ घाई बनसी, जो तान स्वामी इन हादी कायेत्यार की आव मदा दा टु याग बंदान, कियाग आव बंदकु दरवाजा टोकसुल रा तुरन्त आऊन

साटी तेरू बुळुल 37 धन्य आर आ दासगोळ यारी स्वामी बंदकु च्याता नोळुल; ना नीम से खरा अनतीन की आव नेळु कटक आंदरी भोजन माळली कुरस्यान, अदकि हात्ती बंदकु आंदुरद स्यावा माळ्यान. 38 अगर आव ईळलक इन दुसरा पहर या तसिरा पहर इक बंदकु आंदरी च्याता नोळुल, रा आ दासगोळ धन्य आर.

39 लेकीन “नीव ईद ध्यान ईटी की अगर मानना अनद स्वामी अरायदुन की काळल याता समय बंदान, रा च्याता ईरायदुन अदकि तान मान्या मानना अन काळलपनी ईला आग गोळायदुन.” 40 नीव भी तयार ईरी; यतकी याता घळी नीव भी सोचालीर, अदा घळी ना मळसा अन पार होट बंदान.

वशिवासलायक या अवशिवासलायक दास  
(मत्ती २४:४५-५१)

41 आग पतरस अंदुन, “हे प्रभु, येन ईद उदाहरण नी नाम से अच या सप्पा मुंदुर से अनत्या.”

42 प्रभु अंदुन, आव वशिवासलायक अदकि बुद्धमिान सेवक याव हुन, यार्द मुनीम आऊक नौकर चाकरगोळद म्याकुच अधिकारी नयिक्त माळुल की आंदरी समय मा भोजन सामग्री कोळुल. 43 धन्य आन आव दास, यारी आऊन स्वामी बंदकु हगि अच माळत नोळुल. 44 ना नीम से खरा अनतीन, आव आऊक तान सप्पा संपत्ती मा अधिकारी नयिक्त माळ्यान. 45 लेकीन अगर आ दास तान मन दा ईद अनुल की नान स्वामी हापाळ समय देल बंदान, अदकि दास अदकि दासीगोळी बडुली-मेटली हतुल अदकि तदिर-कुळदुर दा हतत ईतकु नशा दा चूर ईरूल. 46 रा आ दास उन स्वामी हगि दनि, याग आव आऊन हादी ईला कायतीदान, अदकि हगि समय यदरी आव जान्सालुन, बंदान अदकि आऊक भारी दण्ड कोटक आऊन जागा अवशिवासीगोळद सांगुळ ठहरूस्यान.

47 आ दास जो तान स्वामी इन इच्छा जानसोन, पर तयार आगकु आऊन इच्छा अनद अनुसार कार्य माळीदलि, हापाळ बळसकोडान. 48 लेकीन जो ईद ईला जान्सकु बळसकोमोद कार्य माळुल आव कम बळसकोडान. इदुरसाटी यारी हापाळ कोटक आग्याद, आऊन से हापाळ बेळकु आदीत; अदकि यारी हापाळ सौप्सकु आग्याद, आऊन से हापाळ ताकोमकु आदीत.

यीशु उन कारण फूट बळोद  
(मत्ती १०:३४-३६)

49 “ना पृथ्वी मा बेक्की हचली बंदीन; अदकि नान हापाळ इच्छा आद की अद बेक्की ईगल्या हत्तेगाईत! 50 नानी रा दुसरा प्रकार देल बपतसिमा ताकोमोद आद, अदकि यागासताका अद पुरा आगाल आगासताका ना ह्यांग दुवधा दा ईराइन! 51 नीव येन समसतीर की ना धरती मा मलिाप माळसुसली बंदीन? ना नीम से अनतीन; ईला, उलटा ब्यार माळसुसली बंदीन. 52 यतकी ईगी टु ऊद मान्या दा अईद मुंदुर आपस दा दुश्मनी ईट्यार, मुर मुंदुर येढढ मुंदुर से अदकि येढढ मुंदुर मुर मुंदुर से. 53 आप्प पार उन, अदकि पार आप्प

उन खलिाप होदान; मोय पोर इन, अदकि पोर मोय इन, आत्त सास्सा अन्द, अदकि सास्स आत्ता अन्द खलिाप होदार.”

समय इन चमत्कार

(मत्ती १६:२,३)

54 यीशु भीळ से अंदुन, “याग नीव बादल इक पश्चिमि टु येळत नोळतीर रा तुरन्त अनतीर का माळ बंदीत, अदकि हांग अच आगतद; 55 अदकि याग दक्षणि टु हवा नळुत नोळतीर रा अनतीर का बिसुल हत्तीत, अदकि हांग अच आगतद. 56 हे कपटीगोळा, नीव पृथ्वी अदकि आकाश इन रूप-रंग दा भेद माळ सकतीर, लेकीन ई युग इन बारा दा भेद माळोद येती जान्सालीर?”

सांगुळवाळेर सांगुळ समझौता

(मत्ती ५:२५,२६)

57 “नीव खुद अच नरिणय येती माळ कोमालीर का उचति येन आद? 58 याग नी तान मुददई इन सांगुळ न्यायाधीश उन हात्ती होगेत्या रा हादी मा अच आऊन से बळिसुसोद प्रयतन माळकोम, हगि आगबाळुल का आव नीनी न्यायी इन हात्ती जेडुकु वोईल, अदकि न्यायी नीनी सपिाही इक सोप्सुल अदकि सपिाही नीनी बंदीगूह दा हाक बुळुल. 59 ना नीम से अनतीन का यागासताका नी कवळी-कवळी तुम कोळतीदील आगासताका नी तान तान इक अल टु बळिस सकतीदलित.”

## 13

पाप माळोद बंद माळी या सोतोगी

1 आ समय थ्वाळासा लॉकुर पोहचुसदुर, अदकि यीशु से आ गलीलीगोळद बारा दा चर्चा माळली कुरतुर, यार्द खुन पलातुस माळीदुन. 2 ईद केळकु यीशु आंदुर से उत्तर दा ईद अंदुन, “येन नीव समसतीर का ई गलीली येन सप्पा गलीलीगोळ से यक्कुल पापी ईरोर का आंदुर मा हगि वपित्ती बत्तित? 3 ना नीम से अनतीन का ईला; लेकीन अगर नीव पाप माळोद बंद माळतीदील रा नीव सप्पा मुंदुर भी ईदा रीतदिल नाश आगीदीर. 4 या, येन नीव समसतीर का आंदुर अठरा मुंदुर यार मा शीलोह इन गुम्मट बत्तित, अदकि आंदुर दब्सकु सोतोदुर: यरूशलेम इन अदकि ईरावाळेर से यक्कुल अपराधी ईरोर? 5 ना नीम से अनतीन का ईला; लेकीन अगर नीव पाप माळोद बंद माळतीदील रा नीव सप्पा मुंदुर भी ईदा रीतदिल नष्ट आदीर.”

बनिा काय इन अंजीर इन मार्र इन उदाहरण

6 बाक यीशु ईद उदाहरण भी अंदुन: “यारदारा अंगुर इन केई दा ऊंद अंजीर इन मार्र हतकु ईरोद. आव अदुरदा काय ढुंढसली बंदुन, लेकीन नोळीदील. 7 आग आव बेल इन कायावाळा से अंदुन, ‘नोळ, मुर वर्ष टु ना ईद अंजीर इन मार्र दा काय ढुंढसली बरतीन, लेकीन नोळालीन. इदरी कळद बुळ का ईद जागा अक भी येती रोक्सकु ईटुल?’ 8 आग बेली कायावाळा उत्तर कोट्टुन, ‘हे स्वामी, इदरी ई वर्ष अदकि ईरगोळ का ना इदुर नाकु दी अगुळकु खात



हाक्काईन. 9 बरावाळा साल दा अगर फलस्त रा भला, ईलारा अदरी कडु कोमेत.' ”

आराम इन दनि कुबळी आर्त इक चंगा माळोद

10 वशिराम इन दनि यीशु ऊंद यहूदी लॉकुरद सभागूह दा उपदेश माळोन. 11 अल ऊंद आर्त ईरोर यारी अठरा वर्ष टु ऊंद कमजोर माळावाळा दुष्टआत्मा हतकु ईरोद, अदकि आक कुबळा आगोगीदुर अदकि यातोदु रीतदि देल सीधा ईला आग सकोर. 12 यीशु आक इक नोळकु कारदुन अदकि अंदुन, “हे आर्त, नी तान कमजोरी देल वळ्लेर आगेद.” 13 आग आव आकनि मा कय ईटदुन, अदकि आक तुरन्त सरका आगेदुर अदकि परमेश्वर उन महिमा माळली हतदुर.

14 इदुरसाटी की यीशु वशिराम इन दनि आकी वळ्लीसा माळीदुन, यहूदी इन यहूदी लॉकुरद सभागूह अन्द सरदार सटिट दा बंदकु लॉकुर से अनली कुरतुन, “आर: दनि आव यदुरदा क्याल्सा माळ पायजे अत: आ अच दनिगोळ दा बंदकु चंगा आगुल, लेकीन वशिराम इन दनि दा ईला.”

15 ईद केळकु प्रभु उत्तर कोटदुन, “हे कपटीगोळा, येन वशिराम इन दनि नीम दा टु हर ऊंद मंळसा तान वस्ता या गधा अक क्वाटक्या दा टु खोल्सकु नीर कुळसली वयालीर? 16 रा येन उचति ईला ईरोद की ई आर्त जो अब्राहम इन औलाद उर यारी शैतान अठरा वर्ष टु कटक ईटीदुन, आराम इन दनि ईद बंधन देल बळिसकु आगायदुर?” 17 याग आव ई मातगोळी अंदुन, रा आऊन सप्पा वरिधी सर्मुसेदुर, अदकि सप्पा भीळ अव महिमा अन्द क्याल्सागोळ से जो आव माळतोगोन, खुश आदुर.

राई इन बीजा अन्द उदाहरण

(मत्ती १३:३१-३२; मरकुस ४:३०-३२)

18 बाक यीशु अंदुन, “परमेश्वर उन राज्य यार घाई आद? अदकि ना आऊन उपमा यार देल कोळाईन? 19 आव राई इन ऊंद बीजा अन्द घाई आन, यारी यावारा मंळसा हुळकु तान केई दा बोऊसदुन: अदकि अद वाळुसकु मार्र आगेत; अदकि आकाश इन पक्षीगोळ अदुर डगालीगोळ मा बसेरा माळदव.”

खमीर इन उदाहरण

(मत्ती १३:३३)

20 यीशु बाक अंदुन, “ना परमेश्वर ऊन राज्य अन्द उपमा यार देल कोळाईन? 21 आव खमीर इन घाई आन, यदरी याकारा आर्त हुळकु हापाळ सा हीट दा मल्लिसदुर, अदकि आगूत-आगूत अद सप्पा हीट खमीर आगेत.”

स्यांळद दरवाजा

(मत्ती ७:१३,१४-२१-२३)

22 यीशु नगर-नगर, अदकि ऊर-ऊर आगकु उपदेश माळतेला यूरुशलेम इन दी होगोन, 23 रा यावारा आऊन से केळदुन, “हे प्रभु, यारी उद्धार सकितद आंदुर थ्वाळासा अच आर?”

यीशु आऊन से अंदुन, 24 “स्यांळद हादी टु प्रवेश माळोद कोशशि माळी, यतकी ना नीम से अनतीन की हापाळ सा प्रवेश माळोद चाहस्यार, अदकि

माळ सकतीदलि. 25 याग मान्ना अन्द स्वामी यदकु दरवाजा बंद माळ कोंडान, अदकि नीव व्हार्या नीदुरकु दरवाजा टोक्सकु अनी, 'हे प्रभु, नाम साटी खोलस बुळ,' अदकि आव उत्तर कोळुल, 'ना नीमी अरालीन, नीव येलेर हुईर?' 26 आग नीव अनली हत्तीर, नाव नीन सामने तदिन-कुळदीन अदकि नी नाम सात्तागोळ दा उपदेश माळ्द. 27 लेकीन आव अंदान, ना नीम से अनतीन, 'ना अरालीन नीव येलेर हुईर. हे अन्याय माळावाळेरा, नीव सब नान से दुर आईर.' 28 \*अल वोरलोद अदकि हल्ल कच्चोद आदीत; याग नीव अब्राहम अदकि इसहाक अदकि याकूब अदकि सब भवषियवक्तागोळी परमेश्वर उन राज्य दा कुर्तकु नोळीर, अदकि तान तान इक व्हार्या तेगुत नोळीर. 29 अदकि पूरव अदकि पश्चमि; उत्तर अदकि दक्षणि टु लॉकुर बंदकु परमेश्वर उन राज्य अन्द भोज दा भागी आदार. 30 \*अदकि आंदुर जो ईग हदिळोर आर आंदुर पयला आदार, अदकि जो ईग पयला आर, आंदुर हदिळोर आदार."

यीशु उन यरूशलेम इन साटी प्यार

31 अदा घळी येनारा फरीसीगोळ बंदकु यीशु से अंदुर, "ईल टु होटकु येल्यारा अलग होटोग, यतकी हेरोदेस नीनी कोंद बुळोद चाहासतान."

32 यीशु आंदुर से अंदुन, "होगकु आ कोल्या से अंदबुळी कि नोळ, ना ईद अदकि नाळ दुष्टआत्मागोळी नेगुतीन अदकि बमिारगोळी चंगा माळतीन, अदकि तसिरा दनि तांद क्यालसा पुरा माळाईन. 33 तरी नीनी ईद अदकि नाळ अदकि तसिरा दशी नळोद जरूरी आद, यतकी आगसकाल कि यावारा भवषियवक्ता यरूशलेम इन व्हार्या कोन्सुसकु आगुल.

34 "हे यरूशलेम! हे यरूशलेम! नी जो भवषियवक्तागोळी कोंद बुळत्या, अदकि जो परमेश्वर उन दी टु अपमान हात्ती कळुकु आग्यार आंदुर मा पथराव माळत्या. यास अच घन ना ईद चाहासदीन कि ह्यांग कोळी तान पाड्डगोळी तांद पक्कागोळ्द ल्यालमा जमा माळतद, हांग अच ना भी नीन चकिोरगोळी जमा माळाईन, पर नीव ईद चाहासीदलि. 35 नीम मान्ना नीम साटी उजाळ बटिकु होगतद, अदकि ना नीम से अनतीन: यागासताका नीव ईला अंदीर, धन्य आन आव, जो प्रभु ऊंद हेसुर देल बरतान, आगासताका नीव नानी बाक यागलु नोळतीदलि."

## 14

आराम इन दशी चंगा माळोद

1 बाक आव आराम इन दनि फरीसीगोळ सरदारगोळ दा टु यारदारा मान्या रोटी तनिली होदुन; अदकि आंदुर आऊंद घात दा ईरोर. 2 अल ऊंद मळसा आऊन सामने ईरोन, यारी मय इन सुजन इन बमिारी ईरोद. 3 ईदुर मा यीशु व्यवस्थापकगोळ अदकि फरीसीगोळ से अंदुन, "नाम नयिम इन अनुसार येन आराम इन दनि वळ्लीद माळोद उचति आद या ईला?"

4 लेकीन आंदुर सुंगा ईत्तुर. आग आव आऊक मुटकु चंगा माळदुन अदकि होग गोट्टुन, 5 \*यीशु आंदुर से अंदुन, "नीम दा टु हगि याव आन, यार्द पार

\* 13:28 १३:२८ मत्ती २२:१३; २५:३०

\* 13:28 १३:२८ मत्ती ८:११,१२

\* 13:30 १३:३० मत्ती

१९:३०; २०:१६; मरकुम १०:३१

\* 14:5 १४:५ मत्ती १२:११

या वस्ता भाय दा बदिगुल अदकि आव आराम इन दनि अदरी तुरन्त व्हाऱ्या तेगुतदिल?”

6 आंदुर ई मातगोळ्द येनु उत्तर कोळ सकदिल.

नमर्ता अदकि अतथी-सत्कार

7 याग यीशु नोळदुन कर् आमन्त्रति लॉकुर ह्यांग मुख्य-मुख्य जागा नीवळुस कोमतार रा ऊंद उदाहरण कोटकु आंदुर से अंदुन, 8 “याग यावारा नीनी मदा दा कारदान, रा मुख्य जागा मा कुरवाळेत, ईदारा हगि आगबाळुल कर् आव नीन से भी यावारा धोड्डेव उक नेवता कोटीदान, 9 अदकि याव नीनी अदकि आऊक येदुदु मुंदरी नेवता कोटान, बंदकु नीन से अनुल, ईऊक जागा कोळ, अदकि आग नीनी सर्मदि आगकु सब से ल्यालमा जागा दा कुरोद बदिदीत. 10 पर याग नीनी कारूकु आगुल रा सब से ल्यालमागोळ्द जागा मा होगकु कुर कर् याग आव, याव नीनी बावस्या कोटान बरूल, रा नीन से अनुल, ‘हे संगी, मुंद बंदकु कुर,’ आग नीन सांगुळ कुरावाळेरद मुंद नीन बळाई आदीत. 11 \*यतकी जो यावारा तान तान इक धोड्डेव हेळ्यान, आव स्याणेव माळकु आदान; अदकि जो यावारा तान तान इक स्याणेव हेळ्यान, आव धोड्डेव माळकु आदान.”

12 आग यीशु तान बावस्या कोळावाळा से भी अंदुन, “याग नी हागुल इन या ईळ्लक इन भोज ईट, रा तान संगीगोळी या वार्टुरी या कुटुम्बगोळ या धनवान मान्ना हातळोर इक कारूवाळ, ईदारा हगि आगबाळुल कर् आंदुर भी नीनी बावस्या कोळुल, अदकि नीन वाटा खंळसेगुल. 13 लेकीन याग नी भोज माळया रा कंगालगोळी, लंगळा, लुलागोळी अदकि कुदुदुगोळी कारू. 14 आग नी धन्य आद्या, यतकी आंदुर हात्ती नीनी बदला कोळली येनु हैलेच, लेकीन नीनी न्यायीगोळ जत्तिता आगदुर मा इदुर प्रतफिल सक्कीत.”

धोळ्द भोज इन उदाहरण

(मत्ती २२:१-१०)

15 आऊन सांगुळ भोजन माळावाळेर दा टु ऊंद मंळसा ई मातगोळी केळकु यीशु से अंदुन, “धन्य आन आव जो परमेश्वर उन राज्य दा धोळ्द भोज तदिान.”

16 यीशु आऊन से अंदुन, “यावारा मंळसा धोळ्द भोज कोट्टुन अदकि हापाळ मुंदुर इक कारदुन. 17 याग भोजन तयार आगेत रा आव ताम दास उन कय देल आमन्त्रति लॉकुरी कारूली कळुदुन ‘बरी, ईग भोजन तयार आद.’ 18 पर आंदुर सब इन सब माफ बेळली कुरतुर. पयला आऊन से अंदुन, ना केई कोंड कोंडीन, अदकि जरूरी आद कर् ना अदरी नोळाईन; ना नीन से वनिती माळतीन, नानी माफ माळकोम. 19 दुसरा मंळसा अंदुन, ना अईद जोडी वस्ता कोंड कोंडीन, अदकि अऊर जाँच माळली होगतीन; ना नीन से वनिती माळतीन नानी माफ माळ बुळ. 20 ऊंद मंळसा मात्त अंदुन, ना मदा माळीन, इदुरसाटी ना बर सकालीन.

21 “आ दास बंदकु तान स्वामी इक ई मातगोळी अंदकु हेळदुन. आग मान्यागोळ स्वामी सटिट दा बंदकु तान दास से अंदुन, ‘नगर इन सात्तागोळ

दा अदकि गलीगोळ दा तुरन्त होगकु कंगालगोळी, लुला, लंगळागोळ अदकि कुढ्ढगोळी ईल तरी.' 22 दास मात्त अंदुन 'हे स्वामी, ह्यांग नी अंददि, हांग अच माळकु आग्याद; अदकि तरी भी जागा आद.' 23 स्वामी दास से अंदुन, 'सळकगोळ मा अदकि वाळागोळ दी होग अदकि लॉकुरी वविश माळकु ता ताकी नान मान्ना तुम्मेगुल. 24 यतकी ना नीम से अनतीन कऱिआ आमन्त्रति लॉकुर दा टु यारू नांद भोज इक नेकतीदलि.' "

चेला बनसोद कमित  
(मत्ती १०:३७,३८)

25 याग धोळ्द भीळ आऊन सांगुळ होगोद, रा यीशु हदि तरिगकु आंदुर से अंदुन, 26 \* "अगर यावारा नान हात्ती बंदान अदकि तान आप्प अदकि मोय अदकि हगिस् अदकि चकिोर अदकि वार्टुर अदकि आकतीगेर उलटा तान जीव इक भी नान से यक्कुल अप्परिय जानसालुन, रा आव नान चेला आग सकालुन; 27 \* अदकि जो यावारा मंळसा दुख नेगुकु क्रूस मा सायली तयार आगालुन, अदकि नान हदि बरालुन, आव भी नान चेला आग सकालुन.

28 "नीम दा टु याव आन जो मान्ना माळोद चाहस्तीदान, अदकि पयला कुर्तकु खर्च जोळसालुन कऱियाट खर्चा आदीत अदरी पुरा माळोद ताकत नान हात्ती आद का ईला? 29 ईदारा हगि आगबाळुल कऱियाग आव पायवा रा हाक्क बुट्टुन पर पुरा तयार माळसकीदलि, रा सप्पा नोळावाळेर ईद अंदकु आऊक मज्याक दा हार्सली हतदुर, 30 ईव मंळसा माळली रा कुरतुन पर तयार माळ सकदील!"

31 "या याव हगि राजा आन जो दुसरा राजा से युद्ध माळली होगतान, अदकि पयले कुर्तकु वचिर माळ कोमालुन कऱि जो ईप्पत हजार सेना हुळकु नान मा येरकु बरतान, येन ना हत्त हजार सेना हुडुकु आऊंद सामना माळ सकतीन, या ईला? 32 ईलारा आऊन दुर ईरतेला अच आव स्वर्गदूतगोळ इक कळुकु मलिाप माळोद चाहास्यान. 33 ईदा रीतिदेल नीम दा टु जो यावारा तान सब येनारा त्यागसालुन, आव नांद चेला आग सकालुन.

बनिा स्वाद इन ऊप्प  
(मत्ती ५:१३; मरकुस ९:५०)

34 "ऊप्प रा वळ्लीसा आद, लेकीन अगर ऊप्प इन स्वाद बगिळुसेत, रा अद याता चजि देल नमकीन माळकु आदीत. 35 अद ना रा जागा अन्द अदकि ना खात इन साठी क्याल्सा दा बरतद: अदरी रा लॉकुर व्हार्या भीट बुळतार. यारव केळव कवि आव आव केळ कोमुल."

## 15

काळ्द म्यांडा अन्द उदाहरण  
(मत्ती १८:१२-१४)

1 \* सब कर ताकोमावाळेर अदकि पापी यीशु उन हात्ती बंदुर ताकी आऊन केळुल. 2 पर फरीसी अदकि नियम इन गुरु कुळकुळुस्कु अनली कुरतुर, "ईव

\* 14:26 १४:२६ मत्ती १०:३७ \* 14:27 १४:२७ मत्ती १०:३८; १६:२४; मरकुस ८:३४; लूका ९:२३

\* 15:1 १५:१ लूका ५:२९,३०

पापीगोळ से सकितान अदकि आंदुर सांगुळ तनितान.” 3 आग आव आंदुर से ईद उदाहरण अंदुन:

4 “नीम दा टु याव आन यार्द सौ म्यांडागोळ ईरूल, अदकि अऊर दा टु ऊंद काळदोगुल, रा नीन्यानव म्यांडागोळी आळी दा बटिकु, आ काळद म्यांडा अक यागासताका सकिकाल आगासताका दुंदसतेला ईरबाळुल? 5 अदकि याग सकिकेगताव, आग आव बळा खुशी देल अदरी खांदा मा नेगु बुळतान; 6 अदकि मान्या बंदकु संगीगोळी अदकि मान्ना हातळोर लांकुरी जमा माळकु अनतान, ‘नान सांगुळ खुशी माळी, यतकी नान म्यांडा जो काळदोगीत सकिकेग्याद.’ 7 ना नीम से अनतीन कि ईदा रीति देल ऊंद मन तरिगुसावाळा पापी इन बारा दा भी स्वरग दा ईट अच खुशी आदीत, याट कि नीन्यानव ईत्ता न्यायीगोळद बारा दा आगाल्द, जो पाप माळोद पयला अच बटि बुटार.

काळद सकिका अन्द उदाहरण

8 “या याक हगि आर्त ईतीदार यार्द हात्ती हत्त सकिकागोळ ईरूल, अदकि अऊर दा टु ऊंद काळदोगुल, रा आक दगिया होत्ताकु अदकि मान्ना उळ्ग उळ्गकु, यागासताका आ सकिका सकिकेगाल जी जान हचकु दुंदसतीदलि? 9 अदकि याग सकिकेगतद, रा आक तान सैलीगोळी अदकि मान्ना बाजुवाळेर इक जमा माळकु अनतार, ‘नांद सांगुळ खुशी माळी, यतकी नांद सकिका जो काळदोगति सकिकेग्याद.’ 10 ना नीम से अनतीन कि ईदा रीति देल ऊंद मन तरिगुसावाळा पापी अन्द बारा दा परमेश्वर उन स्वरगदूतगोळद मुंद खुशी आगतद.”

काळकु पार ऊंद उदाहरण

11 बाक यीशु अंदुन, “यावारा मळसा नव येदद चकिोर ईरोर. 12 आंदुर दा टु स्याणेव आप्प से अंदुन, ‘हे आप्पा, संपत्ती दा टु जो भाग नांद आद अद नानी कोटबुळी.’ आव आंदरी तान सम्पत्ती वाट्सदुन. 13 यक्कुल दनि बतिसलीका ईरव कि स्याणेव पार सब येनारा जमा माळकु दुर द्याश इक होटोदुन, अदकि अल कुकर्म इन क्याल्सा दा तान सप्पा सम्पत्ती हारस बुटदुन. 14 याग आव सब येनारा खर्च माळ कौडुन, रा आ द्याश दा धोळद अकाल बतित, अदकि आव कंगाल आगेदुन. 15 इदुरसाटी आव आ द्याश दा अल ईरावाळा ऊंद मळसा अन्द मान्या क्याल्सा नोळली होदुन. आव आऊक तान केय दा हंदी आळसोर साटी कळुदुन. 16 अदकि आव चाहासोन कि अव फल्लीगोळ से यवरी हंदी तनिव, तांद व्हाट्टा तुम्मुल; अदकि आऊक याऊ येनु ईला कोळोन. 17 याग आव तान होश दा बंदुन आग अनली कुरतुन, नान आप्प ऊंद यासारा अच मजदूरगोळी व्हाट्टा से यक्कुल रोट्टी सकिताव, अदकि ना ईल उपास सायेतनि. 18 ना ईग यदकु तान आप्प उन हात्ती होगार्न अदकि आऊन से अनाईन कि हे आप्प, ना स्वरग इन वरिध दा अदकि नीन नजर दा पाप माळदीन. 19 ईग ई लायक ईतीदील कि नानी नीन पार अंदकु आगुल, नानी तान ऊंद मजदूर उन घाई ईट कोम. 20 आग आव यदकु, तान आप्प उन हात्ती होदुन:

“आव ईगलया दुर अच ईरोन की आऊन आप्प उक आऊक नोळकु दया बत्त, अदकि ओळतेला आऊक तान याद्दा से हचदुन, अदकि आऊंद हापाळ चुम्मा ताकोडुन. <sup>21</sup> पार आऊन से अंदुन, ‘हे आप्प, ना स्वरग इन वरिध दा अदकि नीन नजर दा पाप माळीन; ना ईग नीन पार अना लायक ईतीदील.’ <sup>22</sup> लेकीन आप्प तान दासगोळ से अंदुन, ‘जल्दी वळ्लीसा सा वळ्लीसा कपळा तेगुकु आऊक हाकसुसी, अदकि आऊंद कय दा ऊंगरा, अदकि कालगोळ दा केरू हाकसुसी, <sup>23</sup> अदकि पाल्सद व्हात तनकु कोण्णी ताकी नाव तनिदेव अदकि खुशी मान्सेव. <sup>24</sup> यतकी नानव ईव पार सोतोगदिन, बाक जत्तिता आग्यान: काळ्दोगदिन, ईग सकिकेग्यान.’ अदकि आंदुर खुशी माळली कुरतुर.

<sup>25</sup> “लेकीन आऊन धोळ पार केई दा ईरोन. याग आव बरतेला मान्ना अन्द हात्ती पोहचुसदुन, रा आव गाना मुरसोद अदकि कुण्णोद आवाज केळदुन. <sup>26</sup> इदुरसाटी आव ऊंद दास उक कारूकु केळदुन, ‘ईद येन आगेत्याद?’ <sup>27</sup> आव आऊन से अंदुन ‘नीन स्याणेव वार्ड बंदान, अदकि नीन आप्प आऊक भला चंगा नोळ्यान, इदुरसाटी नीन आप्प धोळ्द पाल्सद व्हात कळसुस्यान.’

<sup>28</sup> “ईद केळकु आव सट्टि देल तुम्मेदुन अदकि बुळ्क होगोद चाहासीदलि, लेकीन आऊन आप्प व्हार्या बंदकु आऊक मनुस्ली कुरतुन. <sup>29</sup> आव तान आप्प उक उत्तर कोट्टुन, ‘नोळ, ना ईस वर्ष टु नीन स्यावा माळीतीन अदकि ना यागलु भी नीन आग्या टालसीदील, तरी नी नानी यागलु ऊंद मर्री इन पाड्डा भी कोटीदील की ना अदरी वोतकु तान संगीगोळी सांगुळ खुशी माळाईन. <sup>30</sup> लेकीन याग नीनव ईव पार बंदुन, याव नीन सप्पा संपत्ती वेश्यागोळ मा हार्स बुट्टुन, तरी आऊन साठी नी धोळ्द पाल्सद पाड्डा कळसुस बुट.’ <sup>31</sup> आप्प तान धोळ पार उन से अंदुन, ‘नान पारा, नी हमेशा नान सांगुळ ईत्या; अदकि जो येनारा नांद आद अद सप्पा अपमान अच हुन. <sup>32</sup> लेकीन नामी ईग खुशी माळोद अदकि मग्न ईरोद आद यतकी नीनव ई वार्ड सोतोगदिन, ईग जत्तिता आगेग्यान; अदकि पयले काळ्दोगदिन, ईग सकिकेग्यान.’ ”

## 16

### चतुर मुनीम

<sup>1</sup> बाक यीशु चेलागोळ से भी अंदुन, “यातोवारा धनवान ईनव ऊंद मुनीम ईरोन, अदकि लॉकुर आऊन सामने आऊन मा ईद दोष हचदुर की आव अपमान सप्पा सम्पत्तहारस कोमतान. <sup>2</sup> इदुरसाटी आव आऊक कारूकु अंदुन, ईद येन हुन जो ना नीन बारा दा केळेतीन? तांद मुनीमगीरी इन लेखा कोळ, यतकी नी मुंद नळ्कु भंडारी ईरसकाल.” <sup>3</sup> आग मुनीम वचिर माळली कुरतुन, “ईग ना येन माळाईन? यतकी नान स्वामी रा ईग इन कयाल्सा नान कय दा टु कसेत्यान. मुण्ण रा नान से अगुळकु आगाल; अदकि भीख बेळदुर दा नानी शरम बरतद. <sup>4</sup> ना सम्सेगीन कियेन माळाईन ताकी याग ना मुनीम इन कयाल्सा मा टु तेगुकु आगाईन रा लॉकुर नानी तान मान्नागोळ दा ताकोम कोमुल.”

<sup>5</sup> “आग आव ताम स्वामी इन देनदारगोळी ऊंद-ऊंद माळकु कारदुन अदकि पयला देनदार उन से केळदुन, नीन मा नान स्वामी इन याट करज आद?” <sup>6</sup> आव अंदुन, “सौ माफ जैतून इन याण्णा,” आग आव आऊन से अंदुन, “तान खाता हुड्डु

अदकि कुर्तकु तुरन्त पचास मन लखिस कोम.” 7 बाक आव दुसरा से केळदुन, नीन मा याट करज आद? आव अंदुन, “सौ मन गोदी नव बाँरा,” आग आव आऊन से अंदुन, तान खाता दा येदूठ सौ लखिस कोम.

8 “स्वामी आ न्यायी मुनीम उन वाहवाही माळदुन यतकी आव चतुराई देल कयालसा माळदुन. ई दुनिया अन लॉकुर तान समय इन लॉकुर सांगुळ रीता व्यवहारगोळ दा ऊजुळ दा नळावाळेर लॉकुर से यक्कुल चालाक आर.”

9 अदकि यीशु आंदुर से अंदुन का दुनिया अन धन देल तान साठी संगी माळकोमी, यतकी याग आंदुर होगूत ईत्तार रा आंदुर नीमी अनन्त नवासगोळ दा ताकोम कोमुल. 10 जो थ्वाळासा दा वशिवासलायक आन, आव हापाळ दा वशिवासलायक आन: अदकि जो थ्वाळासा दा अन्यायी आन, आव हापाळ दा भी अन्यायी आन. 11 इदुरसाटी याग नीव दुनिया अन धन दा खरा ठहूसतीदील, रा वशिवासलायक धन नीमी याव सोपस्यान? 12 अदकि अगर नीव दुसरा लॉकुर धन इन प्रती वशिवासयोग्य ईरतीदील रा जो नीमद धन आद, अदरी नीमी यार कोट्टार?

13 \* “यावारा दास येदूठ स्वामीगोळ्द स्यावा माळ सकालुन: यतकी आव रा ऊंद से दुश्मनी अदकि दुसरा से प्यार ईट्यान; या ऊंद मंळसा अक ईमानदार अदकि दुसरा अक नीच जानस्यान. नीव परमेश्वर अदकि धन येदूठ स्यावा माळ सकालीर.”

यीशु उन थ्वाळासा उपदेश

(मत्ती ११:१२,१३; ५:३१,३२; मरकुस १०:११,१२)

14 फरीसी जो धन इन लालची ईरोर, ई सब मातगोळी केळकु अवरी मज्याक दा हार्सली हतदुर. 15 यीशु आंदुर से अंदुन, नीव रा मंळसागोळ मुंद तान तान इक न्यायी ठहूसतरि, लेकीन परमेश्वर नीम मन इक जानसतान, यतकी जो वस्तु मंळसागोळ्द नजर दा महान आद, अद परमेश्वर ऊंद हात्ती बेकार आद.

16 \* “मूसा अन्द व्यवस्था अदकि भवषियवक्ता यूहन्ना बपतस्मा कोळावाळा ताका ईरूल; आ समय टु परमेश्वर उन राज्य अन्द खुशखबरी केळ्सकु आगेत्याद, अदकि हर यावारा अदुर दा प्रबलता देल प्रवेश माळतान.

17 \* आकाश अदकि पृथ्वी इन टलसोद व्यवस्था अन्द ऊंद बदि उन मटिसोर से यक्कुल आसान आद.”

18 \* “जो यावारा मंळसा तान हगिस उक छोळ चट्टी कोटकु दुसरा से मदा माळतान, आव व्यभचार माळतान, अदकि जो यावारा हगि छोळ चट्टी वळ्त आरत इन से मदा माळतान, आव भी व्यभचार माळतान.”

धनी मंळसा अदकि लाजर

19 “ऊंद धनवान मंळसा ईरोन जो रेशमी धागा अन्द कपळा अदकि मुलायम कपळा हाकतोगोन अदकि हर रोज सुख-वलास देल ईरतोगोन. 20 अदकि लाजर हेसुर नव ऊंद कंगाल मंळसा धावगोळ देल तुमकु आ धनी मंळसा अन्द दरवाजा मा बटिकु आगतोगोन, 21 अदकि आव चाहासोन का धनवान इन मेज माकळोद

\* 16:13 १६:१३ मत्ती ६:२४ \* 16:16 १६:१६ मत्ती ११:१२,१३ \* 16:17 १६:१७ मत्ती ५:१८

\* 16:18 १६:१८ मत्ती ५:३२; १ कुरनिथि ७:१०,११

बदिद खाना देल तान व्हाट्टा तुम्यान; ईल ताका कर्नायगोळ भी बंदकु आऊन घावगोळी नेकतोगव.”

22 “हगि आत कर्नाय गरीब मंळसा सोतोदुन, अदकि स्वर्गदूतगोळ आऊक वोतकु अब्राहम उन हात्ती पोहचुसदुर. आव धनवान मंळसा भी सोत्तुन अदकि नळसकु आदुन, 23 अदकि मृत्यु अन्द दुनिया दा आव पीळा दा बदिदु तान कण्णगोळी नेगदुन, अदकि दुर अब्राहम उन हात्ती लाजर उक नोळदुन.” 24 आग आव कारूकु अंदुन, “हे आप्प अब्राहम, नान मा दया माळकु लाजर उक कळुबुळ, ताकी आव तान बेळल इन सरि नीर दा नेनाक्कु नान ल्यालग्या अक टंडा माळुल, यतकी ना ई ज्वाला दा तळपुसेतनि.”

25 लेकीन अब्राहम अंदुन, “हे पारा, याद माळ कर्नी तान जीवन दा वळ्लीद वस्तुगोळी कोंड कोंड्या, अदकि हांग अच लाजर बेकार वस्तुगोळी: लेकीन ईग आव ईल सुख ताकोमेतयान, अदकि नी तळपुसेत्या. 26 ई सब मातगोळी बटिकु नाम्द अदकि नीम्द नयाड्या ऊंद गडडा ठहूसकु आग्याद कर्जो ईल टु आप्पाटी नीम हात्ती होगोद चाहास्तार, आंदुर होगसकीदलि; अदकि ना यावारा अल टु ईपाटी नाम हात्ती बरसकीदलि.”

27 आ धनी मंळसा अंदुन, “रा हे आप्पा अब्राहम, ना नीन से वनिती माळतीन कर्नी लाजर उक नान आप्प उन मान्या कळु, 28 यतकी अल नान अईद वार्दुर आर; आव आंदुर मुंद ई मातगोळ्द चेतावनी कोळुल, हगि आगबाळुल कर्नाय आंदुर भी ई पीळा अन्द जागा दा बरूल.”

29 अब्राहम आऊन से अंदुन, “नीन वार्दुर हात्ती रा मूसा अन्द नयिम अदकि भवषियवक्तागोळ्द कतिबगोळ आव जो आंदरी चेतावनी कोळताव, आंदुर अदुरद केळुल.” 30 आव अंदुन, “ईला, हे आप्प अब्राहम; पर अगर यावारा जत्तिता आगकु आंदुर हात्ती होगुल, रा आंदुर पापगोळी माळोद बंद माळ बुट्टार.” 31 अब्राहम आऊन से अंदुन, “जब आंदुर मूसा अदकि भवषियवक्तागोळ्द केळालुर, रा अगर सोत्तुर दा टु यावारा जत्तिता भी आगुल तरी आऊंद मान्सालुर.”

## 17

पाप, विश्वास, कर्तव्य

(मत्ती १८:६,७,२१,२२; मरकुस ९:४२)

1 बाक यीशु तान चेलागोळ से अंदुन, “ईद रा आगोद अच आद कर्नाय मंळसा थ्वाळासा मातगोळ कारण पाप दा बळिल, लेकीन हाय, आ मंळसा मा यार कारण पाप आगताव! 2 जो ई स्याणेर दा टु यावारा ऊंद मंळसा अक पाप दा हाकतान, आऊन साटी ईद भला आगाईत कर्चक्की इन पट्टा आऊन कुतक्या दा हलिगुसकु आगाईत, अदकि आऊक समुद्र दा हाक्कु आगाईत.” 3 \*सचेत ईरी;

अगर “नीन वार्ट अपराध माळुल रा आऊक समझुस, अदकि अगर पसतावा माळतान रा आऊक माफ माळ. 4 अगर हागुल तमि दा आव येळ घन नीन



खलिाप पाप माळुल अदकि येळु घन नीन हात्ती बंदकु अनुल, 'ना पसतावा माळेतीन,' रा आऊक माफ माळ."

वश्वास

5 आग प्रेरतिगोळ यीशु से अंदुर, "नाम्द वश्वास वाळुस."

6 प्रभु अंदुन, "अगर नीमी राई इन बीजा अन्द बराबर भी वश्वास ईराईत, रा नीव ई शहतूत इन मार्र से अनायदीर कति तान ताना जळ सकट कतिकु समुद्र दा हत्तेग, रा अद नीम आग्या मान्स कोमाईत.

वळ्लेव सेवक बनसी

7 "नीम दा टु हगि याव आन, यार्द दास नांगर जोत्सतदिन या म्यांडागोळी आळसतदिन, अदकि याग आव केई दा टु बरूल, रा आऊन से अनुल, 'तुरन्त बंदकु ऊमली कुर?' 8 नश्चिति अच ईला! आव आऊन से ईला अंदान, 'नान ऊमोर साटी येनारा माळ अदकि अदकि यागासताका ना तनिोद-कुडोद माळ कोमालीन, आगासताका नान स्यावा माळ; अदुर बाद्दा नी भी तनिोद-कुडोद माळ कोमेत?' 9 आग्यागोळ्द पालन माळोर साटी येन आव तान दास उक धन्यवाद कोट्टान? 10 ईदा रीर्ता देल नीव भी याग आ सप्पा क्याल्सागोळी माळ कोंडीर यदुर्द आग्या नीमी कोटकु आगीत, रा अनी, 'नाव साधारण दास आयेव; जो नामी माळ पायजे ईरोद नाव सर्फि अदा माळदेव.' "

कोढ इन हत्त रोगीगोळी चंगा माळोद

11 हगि आत की यीशु यरूशलेम होगाहोती सामरीया अदकि गलील इन न्याड्या टु आग्त होगोन. 12 यातोदारा ऊर दा प्रवेश माळाहोती आऊक हत्त कोढी लॉकुर सकिदुर जो आऊन से दुर नदिरकु ईरोर. 13 आंदुर धोळ्द आवाज दा कारूकु अंदुर, "हे यीशु, हे स्वामी, नाम मा दया माळ!"

14 यीशु आंदरी नोळकु अंदुन, "होगी, अदकि तान तान इक याजकगोळी तोरसी."

अदकि होग्त-होग्त अच आंदुर शुद्ध आगेदुर. 15 आग आंदुर दा टु ऊंद ईद नोळकु कनिा चंगा आगेगनि, ऊँचा आवाज देल परमेश्वर उन बळाई माळतेला वापस बंदुन; 16 अदकि यीशु उन कालगोळ मा बाय इन भार बदिक् आऊन धन्यवाद माळली कुरतुन; अदकि आव सामरी ईरोन. 17 ईदुर मा यीशु अंदुन, "येन हत्तु मुंदुर शुद्ध आगीदील, रा बाक आंदुर ऊम्बत यल आर? 18 येन ई परदेशी अक बटिकु मात्त यावारा वापस बंददील जो परमेश्वर उन बळाई माळायदुन?" 19 आग यीशु आऊन से अंदुन, "यदकु होटोग; नीन वश्वास नीनी वळ्लीद माळ्याद."

परमेश्वर उन राज्य अन्द आगमन

(मत्ती २४:२३-२८,३७-४१)

20 याग फरीसीगोळ यीशु से केळदुर की परमेश्वर उन राज्य याग बंदीत, रा यीशु आंदरी उत्तर कोट्टुन, "परमेश्वर उन राज्य दृश्य रूप दा बराल. 21 अदकि लॉकुर ईद अनतीदलि, 'नोळी, ईल आद, या अल आद.' यतकी, परमेश्वर उन राज्य नीम न्याड्या आद."

22 बाक आव चेलागोळ से अंदुन, “हगि दनि बंदव, यारदा नीव मंळसा अन पार उन दनिगोळ दा टु ऊंद दनि इक नोळोद चाहासीर, अदकि नीव नोळ सकतीदलि. 23 लॉकुर नीम से अंदार, ‘नोळी, अल आन!’ या ‘नोळी, ईल आन!’ लेकीन नीव होगबाळेतीर अदकि आंदुर हदि भी आगबाळेतीर. 24 यतकी हयांग बजिली आकाश इन ऊंद छोर टु दुसरा छोर ताका चमकुसतद, हांग अच मंळसा अन पार भी तान दनि दा प्रगट आदान. 25 लेकीन पयला जरूरी आद कर् आव हापाळ दुख नेगदान, अदकि ई समय इन लॉकुर द्वारा आऊक तुच्छ ठहरुसकु आदीत. 26 हयांग नूह अनूद दनिगोळ दा आगीत, हांग अच मंळसा अन पार उन दनिगोळ दा भी आदीत. 27 याता दनि ताका नूह जहाज मा येरीदलि, आ दनि ताका लॉकुर तनोर-कुडोर, अदकि आंदुर दा मदा आगतोगोव. आग नीर इन बाळ बंदकु आ सब मुंदरी नाश माळत. 28 अदकि हयांग लूत इन दनिगोळ दा आगीत कर् लॉकुर तनोर-कुडोर, लेन-देन माळोर, मारर हचोर अदकि मान्ना माळतोगोर; 29 लेकीन याता दशी लूत सदोम टु होट्टुन, आ दशी बेक्की अदकि गन्धक आकाश टु बरसुस्त अदकि सब मुंदरी नाश माळ बुळत. 30 मंळसा अन पार उन प्रगट आगोद दशी भी हगि अच आदीत.”

31 \* “आ दशी जो मान्ना अनूद आळा मा ईततान अदकि आऊन सामान मान्या ईततीत, आव अदरी नेगुली ईळुबाळुल; अदकि हांग अच जो केई दा आन आव वापस मान्नी होगबाळुल. 32 लूत इन हगिस उक याद ईटी! 33 \* जो यावारा तान जीव ऊळसोद चाहास्यान आव अदरी खोऊस्यान, अदकि जो यावारा अदरी खोऊस्यान आव अदरी ऊळस्यान. 34 ना नीम से अनतीन, आ ईळलक इक येढ्द मंळसा ऊंद व्हर्स मा मगित ईततार; ऊंद ताकोमकु आदान अदकि दुसरा बटिकु आदान. 35 येढ्द आर्तेर ऊंद सांगुळ जाता दा पीसुसतेला ईततार, ऊंद ताकोमकु आदार अदकि दुसरा बटिकु आदार. 36 येढ्द मुंदुर केई दा ईततार, ऊंद ताकोमकु आदान अदकि दुसरा बटिकु आदान\*.”

37 ईद केळकु आंदुर आऊन से केळदुर, “हे प्रभु ईद यल आदीत?” आव आंदुर से अंदुन, “यल लाश बदिकु आद, अल गीधाळ जमा आदव.”

## 18

न्यायी न्यायाधीश अदकि रांड्या आर्त इन उदाहरण

1 बाक यीशु चेलागोळ से इदुर बारा दा लगातार प्रार्थना माळ पायजे अदकि हमिमत ईला बळि पायजे, हगि उदाहरण अंदुन: 2 “यातोदारा नगर दा ऊंद न्यायी ईरतोगोन, जो ना परमेश्वर से अंजतोगोन अदकि ना यातोवारा मंळसा अनूद परवा माळतोगोन. 3 अदा नगर दा ऊंद रांड्या भी ईरतोगोर, जो आऊन हात्ती बंद-बंदकु अनतोगोर, ‘नांद न्याय माळकु नानी आरोपी देल ऊळ्स.’ 4 थ्वाळासा समय ताका रा आव मानसदलि लेकीन आखरी दा आव तान तान इक अंदुन, ‘यतकी ना परमेश्वर से अंजतीन, अदकि ना मंळसागोळ्द येनारा परवा माळतीन; 5 तरी ई रांड्या नानी सतुसतेला ईरतार, इदुरसाटी ना आकनि

\* 17:31 १७:३१ मत्ती २४:१७,१८; मरकुस १३:१५,१६

\* 17:33 १७:३३ मत्ती १०:३९; १६:२५;

मरकुस ८:३५; लूका ९:२४; यूहन्ना १२:२५

\* 17:36 १७:३६ ईद वचन हाळोद शास्त्र लेख दा

लखिसकु हिलेच.

न्याय माळाईन, ईदारा हगि आगबाळुल कि घळी-घळी बंदकु अनंत दा नांद मुगुग दा दम माळुल.”

6 प्रभु अंदुन, “केळी, ईव न्यायी येन अनतान? 7 इदुरसाटी येन परमेश्वर तान नविळुसद लॉकुरद न्याय माळतीदील, जो ईळलक-हागुल मदत साटी वरुलत ईरतार? येन आव आंदुरद बारा दा समय माळ्यान? 8 ना नीम से अनतीन, आव तुरन्त आंदुरद न्याय माळ्यान. तरी मंळसा अन पार याग बंदान, रा येन आव पृथ्वी मा वशिवास नोळ्यान?”

फरीसी अदकि कर ताकोमावाळा अनंद उदाहरण

9 यीशु आंदुर से जो तान म्याकुच भरोसा ईटतोगोर, कि नाव न्यायी आयेव, अदकि दुसरागोळी तुच्छ जानसतोगोर, ईद उदाहरण अंदुन: 10 “येदढ मंळसा मंदिर दा प्रार्थना माळोर साठी होदुर; ऊंद फरीसी ईरोन अदकि दुसरा कर ताकोमावाळा.”

11 फरीसी नीदुरकु तान मन दा ईद प्रार्थना माळली कुरतुन, “हे परमेश्वर, ना अपमान धन्यवाद माळतीन कि ना दुसरा मंळसागोळ्द घाई लोभी, बयमान अदकि व्यभिचारी हैलेच, अदकि ई कर ताकोमावाळा अनंद घाई भी हैलेच. 12 ना हप्ता दा येदढ गण उपास ईटतीन; ना तान सप्पा कमाई इन दसवा हसिसा भी कोळतीन.”

13 “लेकीन कर ताकोमावाळा दुर नीदुरकु, स्वर्ग दी कण्णगोळी नेगोद भी चाहासीदलि, उलटा तान याद्दा पटिस-पटिसकु अंदुन, हे परमेश्वर, ना पापी मंळसा मा दया माळ!” 14 \*ना नीम से अनतीन कि आव दुसरा आलच, लेकीन ईवा कर ताकोमावाळा मंळसा न्यायी ठहूरुसकु आदुन अदकि तान माननी होदुन; यतकी जो यावारा तान तान इक महान माळ्यान, आव नम्र माळकु आदान; अदकि जो तान तान इक नम्र माळ्यान, आव महान माळकु आदान.”

चकिोर इक आशरिवाद

(मत्ती १९:१३-१५; मरकुस १०:१३-१६)

15 बाक लॉकुर तान चकिोरी भी आऊन हात्ती तरली कुरतुर कि आव आंदुर मा कय ईटुल; लेकीन चेलागोळ नोळकु आंदरी चलिळासली कुरतुर. 16 यीशु चकिोरी हात्ती कारूकु अंदुन, “चकिोरी नान हात्ती बरगोळी, अदकि आंदरी मना माळबाळी: यतकी परमेश्वर उन राज्य आंदुरद अच घाई आद. 17 ना नीम से खरा अनतीन कि जो यावारा परमेश्वर उन राज्य अक चगिद उन घाई ग्रहण माळतीदील आव अदुरदा यागलु प्रवेश माळ सकतीदलि.”

धनी मंळसा अदकि अनन्त जीवन

(मत्ती १९:१६-३०; मरकुस १०:१७-३१)

18 ऊंद यहूदी अधिकारी यीशु से केळदुन, “हे वळ्लीद गुरु, अनन्त जीवन इन अधिकारी आगोर साटी ना येन माळाईन?”

19 यीशु आऊन से अंदुन, “नी नानी वळ्लीद येती अनत्या? याऊ वळ्लीद हैलेच, सर्फि ऊंद, मतलब परमेश्वर उक बटिकु याऊ वळ्लीद हैलेच. 20 नी आग्यागोळी रा जानसत्या: ‘व्यभिचार माळबाळी, यारीकु कोन्न बाळी,

अदकि काळ्लपनी माळबाळी, यारदु खाटा कोळबाळी, तान आप्प अदकि तान मोय इन आदर माळी.”

21 यहूदी अधिकारी अंदुन, “ना रा ई सप्पा आग्यागोळी स्याणपणी टु अच मानसतेला बंदीन.”

22 ईद केळकु यीशु आऊन से अंदुन, “नीन दा ईग भी अदकि ऊंद मात माळोद आद, तान सब येनारा मारकु कंगालगोळ दा वाट्स बुळ; नीनी स्वर्ग दा धन सक्कीत, अदकि बंदकु नान हदि आगेग.” 23 आव ईद केळकु हापाळ उदास आदुन, यतकी आव हापाळ धनी ईरोन.

24 यीशु आऊक नोळकु अंदुन, “धनवानगोळद परमेश्वर उन राज्य दा प्रवेश माळोद याट कठनि आद! 25 परमेश्वर उन राज्य दा धनवानगोळ साटी प्रवेश माळदुर देल ऊँट इन मुग्ग दा टु चुजी होटबुळोद आसान आद.”

26 ईदुर मा केळावाळेर अंदुर, “रा बाक यारद उद्धार आग सकतद?”

27 यीशु अंदुन, “जो मळसा अन्द साटी असंभव आद, अद परमेश्वर उन साटी संभव आद.”

28 पतरस अंदुन, “नोळ, नाव रा मान्न-मार बटिकु नीन हदि आगेगेव.”

29 आव आंदुर से अंदुन, “ना नीम से खरा माताळतीन कि हगि याऊ हैलेच जो परमेश्वर उन राज्य अन्द साटी मान्न मार, या हगिस, या वार्दुर, या मोय-आप्प, या चकिोर चळिगेर बटि बुटीदान; 30 याऊक ई समय हापाळ यक्कुल अदकि बरावाळा युग दा अनन्त जीवन सकतीदलि हगि याऊ हैलेच.”

तान सायोद बारा दा यीशु उन तसिरा भवषियवाणी

(मत्ती २०:१७-१९; मरकुस १०:३२-३४)

31 बाक यीशु हननेळ चेलागोळी बाजु दा वोतकु आंदुर से अंदुन, “नोळी, नाव यरूशलेम इक होगतेव, अदकि यास मातगोळ मळसा अन पार उन साटी भवषियवक्तागोळ द्वारा लखिसकु आग्याव, अव सप्पा पुरा आदव. 32 यतकी आव गैरयहूदीगोळ कय दा सोपस्कु आदान, अदकि आंदुर आऊक मज्याक दा हारस्यार; अदकि आऊंद अपमान माळ्यार, अदकि आऊन मा ऊगळ्यार, 33 अदकि आऊक क्वाळा बळदार, अदकि घात माळ्यार; अदकि आव तसिरा दशी जतिता आदान.”

34 पर चेलागोळी ई मातगोळ दा टु जो यीशु अंददिन यातोदु मात उमसीदलि; अदकि ई मात आंदुर से होचकु ईत्त, अदकि जो अंदकु आगीत अद आंदुरद समझ दा बंददिल.

कुदुद भखिारी इक दृष्टीदान

(मत्ती २०:२९-३४; मरकुस १०:४६-५२)

35 याग यीशु यरीहो अन्द हात्ती पोहचुसदुन, रा ऊंद कुदुद मळसा सळक इन कनिरा मा कुरतकु भीख बेळोन. 36 आव लांकुरद भीळ इन नळोद आवाज केळकु केळली कुरतुन, “ईद येन आगेत्याद?”

37 आंदुर आऊक हेळदुर, “यीशु नासरी होगेत्यान.”

38 आग आव कारूकु अंदुन, “हे यीशु, दाऊद उन औलाद, नान मा दया माळ!”

39 जो मुंद मुंद होगोर, आंदुर आऊक दनकुसली कुरतुर कि आव सुंगा ईरूल; लेकीन आव अदकि जोर से चलिळासली कुरतुन, “हे दाऊद उन औलाद नान मा दया माळ!”

40 आग यीशु नीदुरकु आग्या कोट्टुन कि आ कुढ्ढ मंळसा अक नान हात्ती तरी, अदकि याग आव हात्ती बंदुन रा आव आऊन से केळदुन, 41 “नी येन चाहासत्या कि ना नीन साटी माळाईन?”

आव अंदुन, “हे प्रभु, ईद कि ना मात्त नोळली हत्तुल.”

42 यीशु आऊन से अंदुन, “नोळली हत्त; नीन वशिवास नीनी वळ्लीद माळबुटाद.”

43 आग आव तुरन्त नोळली कुरतुन अदकि परमेश्वर उन बळाई माळतेला आऊन हदि आगेदुन; अदकि सप्पा लांकुर नोळकु परमेश्वर उन स्तुतिमाळदुर.

## 19

कर ताकोमावाळा जक्कई

1 यीशु यरीहो दा प्रवेश माळकु होगोन. 2 अल जक्कई हेसुर ईनव ऊंद मंळसा ईरोन जो कर ताकोमावाळेर प्रधान ईरोन अदकि धनी ईरोन. 3 आव यीशु अक नोळोद चाहासोन कि आव याव हुन. लेकीन भीळ इन कारण नोळ ईला सकोन, यतकी आव गुड्ड ईरोन. 4 आग आऊक नोळोर साटी आव मुंद ओळकु ऊंद उम्बर इन मार्र मा येरेदुन, यतकी यीशु अदा हादी देल होगावाळा ईरोन. 5 याग यीशु आ जागा पोहचुसदुन, रा म्याकुच दृष्टी माळकु आऊन से अंदुन, “हे जक्कई, झट से ल्यालमा ईळुकु बर; यतकी ईद नानी नीन मान्या ईरोद जरूरी आद.”

6 आव तुरन्त ईळुकु खुशी देल आऊंद स्वागत माळदुन.

7 ईद नोळकु सप्पा लांकुर कुळकुळुसकु अनली कुरतुर, “आव रा ऊंद पापी मंळसा अन मान्या पाऊना बनसकु ईळदान.”

8 जक्कई नीदुरकु प्रभु से अंदुन, “हे प्रभु, नोळ, ना तान आर्धा सम्पत्त कि कंगालगोळी कोळतीन, अदकि अगर यारदारा येनारा भी अन्याय माळकु ताकोम कौडीन रा अदरी नाकगुना वापस माळ बुळतीन.”

9 आग यीशु आऊन से अंदुन, “ईद ई मान्या उद्धार बंदान, इदुरसाटी कि ईव भी अब्राहम उन ऊंद औलाद हुन. 10 यतकी मंळसा अन पार जो काळ्दोग्यार आंदरी दुंडसली अदकि आंदुर उद्धार माळली बंदान.”

हत्त वहान्ना नव सक्किगोळ्द उदाहरण

(मत्ती २५:१४-३०)

11 याग आंदुर ई मातगोळी केळोर, रा यीशु उन उदाहरण अंदुन, इदुरसाटी कि आव यरूशलेम इन हात्ती ईरोन, अदकि आंदुर समसतोगोर कि परमेश्वर उन राज्य प्रगट आगोद आद. 12 इदुरसाटी आव अंदुन, “ऊंद धोळ पद इन मंळसा दुर राज्य दा होदुन ताकी राजपद हासलि माळकु बर सकुल. 13 आव तान दासगोळ दा टु हत्त मुंदुर इक कारूकु आंदरी हत्त वहान्ना अन्द सक्किा कोट्टुन अदकि आंदुर से अंदुन, ‘नांद वापस बरासताका ताका लेन देन माळेतीर.’

14 लेकीन आऊन खुद इन लॉकुर आऊन से दुश्मनी ईटतोगोर, अदकि आऊन हदि स्वरगदूतगोळ द्वारा खबर कळुदुर, 'नाव चाहसालेव कीईव नाम मा राज्य माळुल.' ”

15 “याग आव राजपद हासलि माळकु बंदुन, रा हगि आत की आव तान दासगोळी यारी व्हान्ना अन्द सकिका कोटीदुन, तान हात्ती कार्सदुन ताकी आऊक मालूम नळुल की आंदुर लेन देन देल येन-येन कमुसदुर. 16 आग पयला दास बंदकु अंदुन, 'हे स्वामी, नीन व्हान्ना अन्द सकिका देल ना मात्त हत्त व्हान्ना नव सकिका कमुसीन.' 17 आव आऊन से अंदुन, 'शाब्बास, हे वळलेव अदकि वशिवासयोग्य दास! नी हापाळ अच गोरत दा वशिवासलायक होट्ट ईग हत्त नगरगोळ मा अधिकार ईट.' 18 दुसरा दास बंदकु अंदुन, 'हे स्वामी, नीन सकिका देल अईद मात्त सकिका कमुसीन.' 19 स्वामी आऊन से भी अंदुन, 'नी भी अईद नगरगोळ मा अधिकार ईट.' ”

20 तसिरा बंदकु अंदुन, “हे स्वामी, नोळ नीन सकिका ईद हुन, यदरी ना कपळा अन्द तुकळा दा कटकु ईटदीन. 21 यतकी नी कठोर मंळसा आय, इदुरसाटी ना नीन से अंजतोगीन: जो नी ईटीदील अदरी नेगु कोमत्या, अदकि जो नी बोऊसीदलि, अदरी भी कळ्द बुळत्या.” 22 आव आऊन से अंदुन, “हे दुष्ट दास, ना नीन आवाज देल अच नीनी दोषी ठहरूसतीन. नी नानी अरूतोग्या की कठोर मंळसा आईन, जो ना ईटीदील अदरी नेगु कोमतीन, अदकि जो ना बोऊसीदलि अदरी कळ्द बुळतीन; 23 रा नी नान सकिका सावकार उन हात्ती येती ईट कौडीदलि की ना बंदकु ब्याज समेत ताकोम कोमयदीन?”

24 अदकि जो लॉकुर हात्ती नीदुरकु ईरोर, आव आंदुर से अंदुन, “अद सकिका आऊन से ताकोमकोमी, अदकि यार्द हात्ती हत्त व्हान्ना नव सकिका आव आऊक कोट्ट बुळी.” 25 आंदुर आऊन से अंदुर, “हे स्वामी, आऊन हात्ती रा पयले टु अच हत्त सकिकागोळ आव.” 26 \* “ना नीम से अनतीन की यार्द हात्ती आद, आऊक मात्त कोटकु आदीत; अदकि यार हात्ती हैलेच, आऊन से अद भी जो आऊन हात्ती आद ताकोमकु आदीत. 27 \*लेकीन नानोर आ दुश्मनगोळ जो ईला चाहासोर की ना आंदुर मा राज्य माळाईन, आंदरी ईल तनकु नान मुंद घात माळी.”

यरूशलेम दा वजिय प्रवेश

(मत्ती २१:१-११; मरकुस ११:१-११; यूहन्ना १२:१२-१९)

28 ईव मातगोळी अंदकु यीशु यरूशलेम इन दी आंदुर मुंद मुंद नळदुन. 29 याग आव जैतून हेसुर इन पहाळ मा बैतफगे अदकि बैतनयियाह अन हात्ती पोहचुसदुन, रा आव तान चेलागोळ दा टु येदढ मुंदरी ईद अनकु कळुदुन, 30 “मुंदळोद ऊर दा होगी; अदकि अल होगत अच ऊंद गधा अन्द पाड्डा यदुर मा याऊ यागलु सवार आगीदील, कटकु नीमी सकिकीत, अदरी खोलसकु तरी. 31 अगर यावारा नीम से केळ्यान की येती खोलसतीर, रा ईद अंद बुळेतीर की प्रभु अक इदुर्द प्रयोजन आद.”

32 जो कळुकु आगीदुर, आंदुर होगकु हयांग यीशु आंदुर से अंददिन, हांग अच नोळदुर. 33 याग आंदुर गधा अनन्द पाड्डा अक खोलसोर, रा गधा अनन्द मालकि आंदुर से केळदुन, “ई पाड्डा अक येती खोलसतीर?”

34 आंदुर अंदुर, “प्रभु उक ईदुरद जरवत आद.” 35 आंदुर अदरी यीशु उन हात्ती तंदुर, अदकि तान कपळा आ पाड्डा मा हाककु यीशु उक अदुर मा कुरस बुटुर. 36 याग आव होगोन, रा आंदुर तान कपळा हादी मा हासतेला होगतोगोर.

37 हात्ती बरतेला याग आव जैतून पहाळ इन ढलान मा पोहचुसदुन, रा चेलागोळ्द सप्पा मंडली आ सप्पा सामर्थ्य अनन्द क्याल्सागोळ्द कारण जो आंदुर नोळीदुर, खुश आगकु धोळ्द आवाज देल परमेश्वर उन स्तुतिमाळली हतदुर: 38 “परमेश्वर आ राजा अक आशीष कोळुल, जो प्रभु अन हेसुर देल बरतान! स्वर्ग दा शांती अदकि आकाश मंडल दा महिमा आगुल!”

39 आग भीळ दा टु येनारा फरीसी आऊन से अनली कुरतुर, “हे गुरु, तान चेलागोळी आग्या कोटक दनकुस.”

40 आव उत्तर कोट्टुन, “ना नीम से अनतीन, अगर इंदुर सुंगा ईत्तुर रा कल्ल चलिळासली हत्तेव.”

यरूशलेम इन साटी वलिाप

41 “याग आव हात्ती बंदुन रा नगर इक नोळकु अदुर मा वरलदुन 42 अदकि अंदुन, अगर नी, ईद इन दशी शांती नव मातगोळ जान्स कोमाईद, रा याट वळलीद आगोर्गाईत, लेकीन ईग अव नीन कण्ण इन हात्ती टु गुप्त ईटकु आगोग्याव. 43 यतकी अव दनि नीन मा बंदव क नीन से दुश्मनी ईटावाळेर मोरचा कटक नीनी घेरस कोंडार, अदकि नाकु दी टु नीनी वत्त बुट्टार; 44 अदकि नीनी अदकि नीन चकिोरगोळी जो नीन दा आर, मुण्ण दा मलिस्यार, अदकि नीन दा ऊंद कल्ल मा दुसरा कल्ल भी बळितीदील; यतकी परमेश्वर नीमी ऊळ्सली बंदीदुन ई समय इक नीव अरतीदलि.”

मंदिर टु व्यापारीगोळ्द तेगुकु आगोद

(मत्ती २१:१२-१७; मरकुस ११:१५-१९; यूहन्ना २:१३-२२)

45 आग यीशु मंदिर दा होगकु व्यापारीगोळी व्हार्या तेगुली कुरतुन, 46 अदकि परमेश्वर अनतान, “शास्त्र दा लखिसकु आद, ‘नान मान्ना परार्थना अनन्द मान्ना आदीत,’ लेकीन नीव अदरी डाकूगोळ्द हड्डा माळ बुट्टीर.”

47 यीशु रोज मंदिर दा उपदेश माळतोगोन; अदकि प्रधान याजक अदकि नयिम इन गुरु अदकि लॉकुरद प्रमुख आऊक कोनोद चाहासोर. 48 लेकीन याऊ उपाय तेगु सकदील का ईव याता प्रकार माळेव, यतकी सप्पा लॉकुर बळा चाह देल आऊंद केळतोगोर.

## 20

यीशु उन अधकारि मा प्रश्न

(मत्ती २१:२३-२७; मरकुस ११:२७-३३)

1 ऊंद दशिी हगि आत क्कियाग यीशु मंदरि दा लॉकुरी उपदेश कोळोन अदकि खुशखबरी केळसोन, रा प्रधान याजक अदकि नयिम इन गुरु, पुरनयागोळ्द सांगुळ हात्ती बंदकु नदिरदुर; 2 अदकि अनली हतदुर, “नामी हेळ, नी ई क्क्याल्सागोळी याता अधिकार देल माळत्या, अदकि आव याव हुन याव नीनी ईद अधिकार कोटान?”

3 यीशु आंदरी उत्तर कोट्टुन, “ना भी नीम से ऊंद सवाल केळतीन; नानी हेळी 4 यूहन्ना अक बपतस्मा कोळोद अधिकार स्वर्ग दी टु ईरोद या मळसागोळ दी टु ईरोद?”

5 “आग आंदुर आपस दा चर्चा माळली कुरतुर, नाव येन अंदेव, अगर स्वर्ग इन दी टु,” रा आव अंदान, “बाक नीव आऊंद वशिवास येती माळीदलि?”

6 अदकि अगर नाव अंदेव, मळसागोळ दी टु, रा सप्पा लॉकुर नाम मा कलगोळ भटार, यतकी आंदुर खराखुरा अरूतार क्कियाहन्ना भवषियवक्ता ईरोन. 7 इदुरसाटी आंदुर उत्तर कोट्टुर, “नाव अरालेव क्कियाव यार दी टु ईरोन.”

8 यीशु आंदुर से अंदुन, “रा ना भी नीमी हेळालीन क्किया ईद क्क्याल्सा याता अधिकार देल माळतीन.”

दुष्ट कसिनगोळ्द उदाहरण

(मत्ती २१:३३-४६; मरकुस १२:१-१२)

9 आग यीशु लॉकुर से ईद उदाहरण अनली कुरतुन: “यावारा मळसा अंगुर इन केई हचदुन, अदकि कसिनगोळी अदरी बटई दा कोट बुट्टुन अदकि हापाळ दनिगोळ्द साटी परदेश होटोदुन. 10 याग अंगुर इन जमा माळोद समय बत्त रा मालक कसिनगोळ हात्ती ऊंद दास उक कळुदुन क्किया आंदुर अंगुर इन केई अन येनारा कायगोळ भाग आऊक कोळुल, पर कसिनगोळ आऊक बळकु खाली कय कळु बुट्टुर. 11 बाक आव ऊंद अदकि दास उक कळुदुन, अदकि आंदुर आऊक भी बळकु अदकि आऊन अपमान माळकु खाली कय कळु बुट्टुर. 12 बाक आव तसिरा दास उक कळुदुन, अदकि आंदुर आऊक भी घायल माळकु व्हार्या तेगु बुट्टुर. 13 आग अंगुर इन केई नव स्वामी अंदुन, ‘नाव येन माळाईन? ना तान प्रयि पार उक कळाईन, जरूर अच आंदुर आऊन आदर माळ्यार.’ 14 याग कसिनगोळ आऊक नोळदुर रा आपस दा वचिार माळली कुरतुर, ‘ईव रा वारीस हुन; बरी, नाव ईऊक कोंद बुळाती रा बाक आऊन जायदाद नाम्द आगेदीत.’ 15 अदकि आंदुर आऊक अंगुर इन केई टु व्हार्या तेगुकु कोंद बुट्टुर.”

“इदुरसाटी अंगुर इन केई इन स्वामी आंदुर्द सांगुळ येन माळयान? 16 आव बंदकु आ कसिनगोळी नाश माळयान, अदकि अंगुर इन केई दुसरा अक सोपसयान.”

ईद केळकु आंदुर अंदुर “परमेश्वर माळुल हगि आगवाळुल.”

17 यीशु आंदुर दी नोळकु अंदुन, बाक ईद येन लखिसकु आद:

“याता कल्ल इक राजमहल माळावाळेर बेकार ठहरुसीदुर,

अदा क्वाना अन्द सरि आगेत.”



18 “जो यातोदारा कलल मा बदिदान आव चकनाचुर आगोदान; अदकि यदुर मा अद बदिदीत, अदरी पीसुस बुट्टीत.”

कर कोळोद प्रश्न

(मत्ती २२:१५-२२; मरकुस १२:१३-१७)

19 आटा होती नयिम इन गुरुगोळ अदकि प्रधान याजकगोळ आऊक हुडोद चाहासदुर, यतकी आंदुर समसेगदुरि की आव नाम मा ईद उदाहरण अंदान, लेकीन आंदुर लॉकुर से अंजदुर. 20 अदकि आंदुर आऊन ताक दा हतदुर अदकि भेद ताकोमावाळेरी कळुदुर की न्याय इन भेष हळुकु यीशु उक आंदुर सवाल दा हुडुल, ताकी बाक आऊक रोमन शासक उन कय दा सौप्स बुळुल. 21 आ जासुसगोळ यीशु से केळदुर, “हे गुरु, नाव जानसतेव की नी बराबर अनत्या अदकि कलसत्या, अदकि यारदु पक्षपात माळाल, उलटा परमेश्वर उन हादी सचचाई देल हेळत्या. 22 येन नामी कैसर सरकार उक कर कोळोद उचति आद या ईला?”

23 आव आंदुरद चतुराई इक अरूकु आंदुर से अंदुन, 24 “ऊंद चाँदी इन सकिका नानी तोरसी. ईदुर मा यारदु छाप अदकि हेसुर आद?”

आंदुर अंदुर “कैसर सरकार उन.”

25 यीशु आंदुर से अंदुन, “रा जो कैसर सरकार उन हुन, अद सरकार उक कोळी; अदकि जो परमेश्वर उन आद, अद परमेश्वर उक कोळी.”

26 आंदुर लॉकुरद मुंद ईद मात दा यीशु उक फसुस सकदील, उलटा आऊन उत्तर देल अचम्भति आगकु सुंगा आगोदुर.

पुनरूत्थान अदकि मदा

(मत्ती २२:२३-३३; मरकुस १२:१८-२७)

27 बाक सद्कीगोळ जो अनतार की सोत्तुर दा टु जतिता आगोद अच हैलेच, आंदुरदा टु थवाळासा लॉकुर आऊन हात्ती बंदकु केळदुर, 28 “हे गुरु, मूसा नाम साठी हगि नयिम लखिस्यान: अगर यारोवारा धोळ वार्ट तान हगिस उन ईतकु भी बनि औलाद सोतोदान, रा आऊन वार्ट आ रांड्यागति इन से मदा माळ कोमुल, अदकि तान वार्ट उन साठी वंश पैदा माळुल. 29 येळ वार्टुर ईरोर, पयला वार्ट मदा माळकु बनि औलाद सोतोदुन. 30 बाक दुसरा वार्ट भी आकनि से मदा माळदुन, 31 अदकि तसिरा वार्ट भी अदा आर्त से मदा माळ कोंडुन. ईदा रीति देल येळु वार्टुर बनि औलाद देल सोतोदुर. 32 आखरी दा आ आर्त भी सोतोदुर. 33 इदुरसाटी जतिता आगदुर मा आक आंदुरदा टु यारोर हगिस आदार? यतकी आ येळु वार्टुर आकनि से मदा माळीदुर.”

34 यीशु आंदुर से अंदुन, “ई युग इन लॉकुर दा रा मदगोळ आगताव, 35 लेकीन जो लॉकुर ई लायक ठहूरस्यार की आ युग इक अदकि सोत्तुर दा टु जतिता आगोद प्राप्त माळुल, आंदुर ना मदा माळ्यार अदकि ना मदा दा कोटकु आदार. 36 बाक आंदुर ना रा यागलु सोत्तार, यतकी आंदुर पुनरूत्थान इन औलाद बनसकु स्वर्गदूतगोळ्द घाई अदकि सोत्तुर दा टु जतिता आगदुर कारण देल परमेश्वर उन औलाद ईत्तार. 37 लेकीन ई मात इक की सोत्तुर

जतिता आगतार, मूसा भी होत्त झाळी इन उदाहरण दा प्रगट माळयान कि आव प्रभु अक 'अब्राहम उन परमेश्वर, अदकि इसहाक उन परमेश्वर अदकि याकूब उन परमेश्वर' अनतान. <sup>38</sup> परमेश्वर रा मुरदागोळ ईला लेकीन जतितागोळ्द परमेश्वर हुन: यतकी आऊन हात्ती सप्पा जतिता आर."

<sup>39</sup> आग ईद केळकु शास्त्रीगोळ दा टु येनारा ईद अंदुर, "हे गुरु, नी बराबर उत्तर कोट्ट." <sup>40</sup> अदकि आ सदूकीगोळी बाक आऊन से येनारा अदकि केळोद हमिमत आगीदील.

मसीह यार पार हुन?

(मत्ती २२:४१-४६; मरकुस १२:३५-३७)

<sup>41</sup> बाक यीशु आंदुर से केळदुन, "मसीह अक दाऊद उन औलाद ह्यांग अनतार?" <sup>42</sup> दाऊद तान भजन संहिता अन कतिाब दा अनतान:

"प्रभु नान प्रभु से अंदुन,

<sup>43</sup> नान ऊम्मा कय दी कुर,

यागासताका काना नीन से दुश्मनी ईटावाळेर इक नीन काल दशी माळ कोमालीन."

<sup>44</sup> "दाऊद रा आऊक प्रभु अनतान; रा बाक आव आऊन औलाद ह्यांग ठहरूसदुन?"

शास्त्रीगोळ से सावधान

(मत्ती २३:१-३६; मरकुस १२:३८-४०)

<sup>45</sup> याग सप्पा लॉकुर केळोर, रा यीशु तान चेलागोळ से अंदुन, <sup>46</sup> "शास्त्रीगोळ से सावधान ईरी, यारी ऊद-ऊद च्वांगा हाक्कु वयाळोद वळ्लीद हततद, अदकि यारी सात्तागोळ दा नमस्कार अदकि आदर, अदकि यहूदी लॉकुरद सभागुहगोळ दा मुख्य आसन अदकि भोज दा मुख्य जागा प्रयि हतताव. <sup>47</sup> आंदुर रांड्यागोळ्द मान्नागोळ इक तदि बुळतार अदकि आंदुर फायदा नेगुतार, अदकि लॉकुरी दखावा साटी हापाळ होत्त ताका प्रार्थना माळतेला ईरतार: इंदरी यक्कुल से यक्कुल दण्ड सक्कीत."

## 21

कंगाल रांड्यागीत इन दान

(मरकुस १२:४१-४४)

<sup>1</sup> बाक यीशु नाकु दी कण्ण नेगुकु पैस्यावाळेर लॉकुर इक तान मंदरि इन दानपेटी दा दान हाक्त नोळदुन. <sup>2</sup> आव ऊंद कंगाल रांड्या अक भी अदुर्दा येढ्ढ तांबा नव सक्का हाक्त नोळदुन. <sup>3</sup> आग यीशु आंदुर से अंदुन, "ना नीम से खरा अनतीन किई कंगाल रांड्यागीत सप्पा मुंदुर से यक्कुल हाक्यार. <sup>4</sup> यतकी आ सप्पा मुंदुर तान तान बचत दा टु दान कोट्टुर, लेकीन इक तान कंगालपन दा टु तान सप्पा जीवका, हाक्क बुटुर."

मंदरि इन वनिाश इन भवषियवाणी

(मत्ती २४:१,२; मरकुस १३:१,२)

5 याग चेलागोळ दा टु थ्वाळासा चेलागोळ मंदरि इन बारा दा अनोर कि अद ह्यांग सुंदर कल्लगोळ अदकि परमेश्वर उक कोळ्द भेंट इन वस्तुगोळ से सवारसकु आग्याद, रा यीशु अंदुन, 6 “अव दनि बंदव, यारदा ईद सप्पा जो नीव नोळतीर, अऊर्दा टु ईल ऊंद कल्ल मा कल्ल भी ईरतीदील जो केडुकु आगतीदील.”

संकट अदकि सताप

(मत्ती २४:३-१४; मरकुस १३:३-१३)

7 आंदुर यीशु से केळदुर, “हे गुरु, ई सब याग आदीत? अदकि ई मातगोळ याग पुरा आगदुर मा ईतत्व, रा आ समय इन येन चमत्कार ईततीत?”

8 आव अंदुन, “सावधान ईरी कि नीव भरमुसकु आगतीदील, यतकी हापाळ सा नान हेसुर देल बंदकु अंदार, ‘ना आवा हुईन,’ अदकि ईद भी कि, ‘समय हातती होट्ट बंदाद.’ नीव आंदुर हदि होगवाळेतीर. 9 याग नीव लळाईगोळ मातचीत केळीर अदकि लळाईगोळ्द बारा दा अफवाह केळीर रा घबूस बाळेतीर, यतकी ईऊर्द आगोद जरूरी आद; लेकीन आ समय तुरन्त अन्त आगतीदील.”

10 आग आव आंदुर से अंदुन, “दयाश मा दयाश अदकि राज्य मा राज्य चढाई माळीत, 11 अदकि धोड्डेव-धोड्डेव भूकम्प आदव, अदकि जागा जागा मा अकाल अदकि महामारी बदिदव, अदकि आकाश टु भयंकर मातगोळ अदकि धोड्डेव-धोड्डेव चमत्कार प्रगट आदव. 12 लेकीन इव सप्पा मातगोळ से पयले आंदुर नान हेसुर इन कारण नीमी हुळदार, अदकि सतुस्यार, अदकि पंचायतगोळ दा सोपस्यार, अदकि बंदीगूह दा हाकसुस्यार, अदकि राजागोळ अदकि शासकगोळ मुंद ओतार. 13 पर ईद नीम साठी खुशखबरी इन गवाही कोळोद मवका आगेदीत. 14 \*इदुरसाटी तान तान मन दा ठानस्कु ईटी कि नाव पयले टु तान तान इक ऊळसोर साटी येन अंदेव ईदुर चनिता माळवाळेतीर. 15 यतकी ना नीमी हगि बोल अदकि बुद्धी कोळाईन कि नीम यावारा भी वरिधी सामना या खंडन माळ सकतीदलि. 16 नीम मोय आप्प, अदकि वारटुर, अदकि रशितेदार, अदकि संगी भी नीमी हुळसुस्यार; ईल ताका कि नीम दा टु थ्वाळासा मुंदुर इक कौसुस बुट्टार. 17 नान कारण सप्पा लॉकुर नीम से दुश्मनी ईट्यार. 18 लेकीन नीम ताल्ला अनूद ऊंद चुट्टी भी कति सकतीदलि. 19 धीरज ईट्टीर रा नीव तान जीवगोळी ऊळस्कु ईट्टीर.

यरूशलेम इन वनिाश इन भवषियवाणी

(मत्ती २४:१५-२१; मरकुस १३:१४-१९)

20 “याग नीव यरूशलेम इक सेनागोळ से घेरसकु नोळीर, रा जान्स कोमेतीर कि अदुरद बरबाद आगोद हातती आद. 21 आग जो यहूदया दा आर आंदुर पहाळीगोळ मा ओळेगुल; अदकि जो यरूशलेम इन बुळ्क आर आंदुर व्हार्या होट्ट बुळ्क; अदकि जो ऊरगोळ दा आर आंदुर नगरगोळ दा होगवाळुल. 22 यतकी ईव बदला ताकोमव हगि दनि ईतत्व, यदुर दा वचन दा लखिसकु अव सप्पा मातगोळ पुरा आगेदव. 23 आ दनिगोळ दा जो व्हाट्या दी अदकि हाल कुळसतीदार, आंदुर साटी हाय, हाय! यतकी पृथ्वी मा धोळ्द क्लेश अदकि ई

\* 21:14 २१:१४ लूका १२:११,१२

लॉकुर मा धोळद प्रकोप ईत्तीत. <sup>24</sup> आंदुर तलवार देल कोंसुसकु आदार, अदकि सप्पा द्याशगोळ लॉकुर दा बंदी आगकु पोहचुसकु आदार; अदकि यागासताका गैरयहूदीगोळ्द समय पुरा आगाल्द, आगासताका यरूशलेम गैरयहूदीगोळ देल मेटकु आदीत.

मंळसा अन पार उन दुबारा बरोद

(मत्ती २४:२९-३१; मरकुस १३:२४-२७)

<sup>25</sup> \*सूरज, अदकि चंद्र, अदकि तारागोळ दा चमत्कार कांळसेव; अदकि पृथ्वी मा द्याश-दयाश इनोर लॉकुरी संकट आदीत, यतकी आंदुर समुद्र अन गर्जन अदकि लयरगोळ आवाज देल घबरूसेदार. <sup>26</sup> अंज्क इन कारण अदकि दुनिया मा बरोद घटनागोळ्द हादी नोळ्त-नोळ्त लॉकुरद जीव दा जीव ईरतीदील, यतकी आकाश इन शक्तगिोळी आलगाळसकु आदीत. <sup>27</sup> \*आग आंदुर मंळसा अन पार उक सामर्थ्य अदकि धोळ्द महिमा अनूद सांगुळ बादल मा बरतेला नोळ्यार. <sup>28</sup> याग ई मातगोळ आगली कुरतव, रा नदिरकु तान ताल्ला म्याकुच नेगेतीर; यतकी नीम छुटकारा हात्ती आदीत.”

अंजीर इन मार्र इन उदाहरण

(मत्ती २४:३२-३५; मरकुस १३:२८-३१)

<sup>29</sup> यीशु आंदुर से ऊंद उदाहरण भी अंदुन: “अंजीर इन मार्र अदकि सप्पा मार्रगोळी नोळी. <sup>30</sup> ह्यांग अऊर्दा कोम होळताव, रा नीव नोळकु खुद अच जान्स कोमतीर कबिसिल इन दनि हात्ती आव. <sup>31</sup> ईदा रीतदिल याग नीव ईव मातगोळी आगतेला नोळीर, आग जान्स कोमी कपरमेश्वर उन राज्य हात्ती आद.

<sup>32</sup> “ना नीम से खरा अनतीन कयागासताका इव सप्पा मातगोळ आगालव, आगासताका ईद पीढी इन यागलु अनूत आगतीदील. <sup>33</sup> आकाश अदकि पृथ्वी टलुसेदति, लेकीन नान मात्तगोळ यागलु टलुसतीदलि.”

वशिवास दा ईरी

(मत्ती २४:३६-४४; मरकुस १३:३२-३७)

<sup>34</sup> “इदुरसाटी सावधान ईरी, हगि आगबाळुल क नीम मन दुराचार, पयिककळपन अदकि जीवन इन चनितागोळ्द भार देल वत्तेगुल, अदकि अद दनि अचानक नीम मा फंदा अनूद घाई होट्ट बरूल. <sup>35</sup> यतकी अद सप्पा पृथ्वी अन सब ईरावाळेर मा ईदा प्रकार देल बंदकु बदिदीत. <sup>36</sup> इदुरसाटी जागसतेला ईरी अदकि हर घळी वनिती माळ्त ईरी क नीव ई सप्पा बरावाळा घटनागोळ देल वुळुली अदकि मंळसा अन पार उन मुंद नदिरोद लायक आगी.”

<sup>37</sup> \*यीशु हर रोज मंदिर दा शक्षिा कोळतोगोन, अदकि हर रोज द्यावगा होगकु जैतून हेसुर इन पहाळी मा ईळलक कडुतोगोन; <sup>38</sup> अदकि रोज हुंजकुका सप्पा लॉकुर आऊंद शक्षिा केळोर साटी मंदिर दा आऊन हात्ती बरतोगोर.

\* 21:25 २१:२५ प्रकाशतिवाक्य ६:१२,१३

\* 21:27 २१:२७ प्रकाशतिवाक्य १:७

\* 21:37

## 22

यीशु उन वरिद्ध साजीश

(मत्ती २६:१-५; मरकुस १४:१-२; यूहन्ना ११:४५-५३)

1 अखमीरी रोटी अन हाब्व जो फसह कहलुसतद, हात्ती ईरोद; 2 अदकि प्रधान याजक अदकि नयिम इन गुरु ई मात इन खोज दा ईरोर कियीशु उक ह्यांग कौद बुटेव, पर आंदुर लॉकुर से अंजतोगोर.

यहूदा अन्द वशिवासघात

(मत्ती २६:१४-१६; मरकुस १४:१०,११)

3 आग शैतान यहूदा दा समुस्त, जो इस्करियोती कहलुस्तान अदकि हन्नेळ चेलागोळ दा आळुकु आगतोगोन. 4 आव यहूदा दा होगकु प्रधान याजकगोळ अदकि मंदिर इन पहरदारगोळद सरदारगोळ सांगुळ मातचीत माळदुन कियीशु उक याता प्रकार आंदुर कय देल हुळसुस्यार. 5 आंदुर खुश आदुर, अदकि आऊक पैस्या कोळोर साटी तयार आदुर. 6 आव मान्स कौडुन, अदकि मौका हुंढसली कुरतुन कियीग भीळ ईरतीदील रा आऊक आंदुर कय देल हुळसुस कौडेव.

चेलागोळद सांगुळ फसह अन आखरी भोज

(मत्ती २६:१७-२५; मरकुस १४:१२-२१; यूहन्ना १३:२१-३०)

7 आग अखमीरी रोटी इन हाब्व इन दनि बत्त, यारदा फसह म्यांडा अन्द पाड्डा अन्द बर्ल कोळोद जरूरी ईरोद. 8 यीशु पतरस अदकि यूहन्ना अक ईद अनकु कळुदुन: “होगकु नाम फसह अन्द ऊमोद तयारी माळी.”

9 आंदुर आऊन से केळदुर, “नी यल चाहासत्या कनिाव इदरी तयार माळेव?”

10 आव आंदुर से अंदुन, “नोळी, नगर दा प्रवेश माळतेला अच ऊद मळसा नीर इन माळका नेगुकु नीमी सकियान; याता मान्ना दा आव होदान नीव आऊन हदि होटोगेतीर, 11 अदकि आ मान्ना अन स्वामी से अनेतीर: ‘गुरु नीन से अनतान कियी अद पाऊनागोळद कमरा यल आद यदुर दा ना तान चेलागोळ सांगुळ फसह अन्द भोजन तनिाईन?’ 12 आव नीमी ऊद सजुसद धोळद म्याकुच इन कमरा तोरस्यान; अल्या तयारी माळेतीर.

13 “आंदुर होगकु, ह्यांग यीशु आंदुर से अंददिन, हांग अच नोळदुर अदकि फसह अन्द भोजन तयार माळदुर.”

प्रभु उन आखरी भोज

14 याग घळी होट्ट बत्त, रा आव चेलागोळ सांगुळ ऊमली कुरतुन. 15 अदकि आव आंदुर से अंदुन, “नान हापाळ इच्छा ईरोद कियीशु भोगसोर से पयले ईद फसह अन्द भोजन नीम सांगुळ तनिाईन. 16 यतकी ना नीम से अनतीन कियीगासताका अद परमेश्वर उन राज्य दा पुरा आगाल आगासताका ना अदरी यागलु तनितीदील.”

17 आग यीशु कटोरा हुळकु धन्यवाद माळदुन अदकि अंदुन, “इदरी हुडी अदकि आपस दा वाट्स कोमी. 18 यतकी ना नीम से अनतीन कियीगासताका परमेश्वर उन राज्य बराल्द आगासताका ना अंगुर इन रास्सा ईगी टु यागलु कुडुतीदील.”

19 बाक आव रोट्टी हुळदुन, अदकि धन्यवाद माळकु मुरदुन, अदकि आंदरी ईद अनतेला कोट्टुन, “ईद नांद शरीर हुन जो नीम साठी कोटक आगतद: नांद याद इन साठी ईदा माळतोगी.” 20 ईदा रीतदिल आव भोजन इन बाददा कटोरा भी ईद अनतेला कोट्टुन, “ईद कटोरा नांद आ खुन इन व्हाशोद वाचा हुन. जो नीम साठी वाहुसकु आगतद.

21 “पर नोळी, नानी हुळसुसावाळा अन कय नान सांगुळ मेज मा आद. 22 यतकी मळसा अन पार रा जसा आऊन साठी ठहरूसकु आग्याद, हांग अच आव सोत्तान, पर हाय आ मळसा मा यार्द द्वारा आव हुळसुसकु आदान!”

23 आग आंदुर आपस दा वचार माळली कुरतुन कनि नाम दा टु याव आन, जो ईद क्याल्सा माळ्यान.

सब से यक्कुल महान याव?

24 \*आंदुरदा ईद वाद-ववाद भी आत कनि आंदुर दा टु याव धोड्डेव समसकु आगतान. 25 यीशु आंदुर से अंदुन, “गैरयहूदीगोळ्द राजा आंदुर मा प्रभुता माळतार; अदकि जो आंदुर मा अधिकार ईटतार, आंदुर उपकार माळावाळेर कहलुस्तार. 26 \*लेकीन नीव हगि आगबाळेतीर; उलटा जो नीम दा धोड्डेव आन, आव स्याणेव उन घाई अदकि जो स्याणा आन, आव सेवक उन घाई आगुल. 27 \*धोड्डेव याव आन, आव जो ऊमोर साठी कुरतकु आन, या आव जो स्यावा माळतान? येन आव ईला जो ऊमली कुरतकु आन? लेकीन ना नीम न्याड्या सेवक उन घाई आईन.

28 “नीव आंदुर हुईर, जो नान परीक्षागोळ दा लगातार नान सांगुळ ईतीर; 29 अदकि हयांग नान आप्प नानी राज्य मा अधिकार कोटान, हांग अच ना भी नीमी हांग अच अधिकार कोळतीन, 30 \*ताकी नीव नान राज्य दा नान मेज मा तनी-कुडी, उलटा सहासनगोळ मा कुरतकु इस्त्राएल इन हन्नेळ वंशगोळ्द न्याय माळी.

पतरस उन इनकार

(मत्ती २६:३१-३५; मरकुस १४:२७-३१; यूहन्ना १३:३६-३८)

31 “शमौन, हे शमौन! शैतान नीम लॉकुरी परखुसोर साठी आग्या बेळ कौडान कबिकार दा टु वळ्लेर इक अलग माळुल हयांग केईवाळा गोदी दा टु फरकंडा अलग माळतान, 32 लेकीन ना नीन साठी वनिती माळदीन कनि नीन वशिवास गोरूत आगबाळुल; अदकि याग नी वापस बंद्या, रा तान वार्दुर इक हम्मित कोळेत.”

33 पतरस यीशु से अंदुन, “हे प्रभु, ना नीन सांगुळ बंदीगूह दा होगली, अदकि सायली भी तयार आईन.”

34 यीशु अंदुन, “हे पतरस, ना नीन से अनतीन कनि ईद हुंज कुग्गतदिल आगासताका नी मुर घन नांद इनकार माळ कौड्या कनि नीन नानी जान्साल.”

चीला, झ्वारा, अदकि तलवार

\* 22:24 २२:२४ मत्ती १८:१; मरकुस ९:३४; लूका ९:४६ \* 22:26 २२:२६ मत्ती २३:११; मरकुस ९:३५ \* 22:26 २२:२६ मत्ती २०:२५-२७; मरकुस १०:४२-४४ \* 22:27 २२:२७ यूहन्ना १३:१२-१५ \* 22:30 २२:३० मत्ती १९:२८

35 \*बाक यीशु आंदुर से अंदुन, “याग ना नीमी चीला, झ्वारा, अदकि जुता बनिा कळीदीन, रा येन नीमी यातोदारा वस्तु उन कमी आगीत?”

“आंदुर अंदुर, यातोदु वस्तु उन ईला.”

36 आव आंदुर से अंदुन, “लेकीन ईग यार्द हात्ती चीला आद आव अदरी हुडुल अदकि हांग अच झ्वारा भी, अदकि यार्द हात्ती तलवार ईला ईतीदाद आव तान कपळा मारकु ऊंद कोंड कोमुल.” 37 यतकी ना नीम से अनतीन, क् ईद जो लखिसकु आद: “अद अपराधीगोळ सांगुळ आळुकु आग्याद, अदुरद नान दा पुरा आगोद जरूरी आद; यतकी नान बारा दा लखिसद मातगोळ पुरा आगदुर मा आव.”

38 आंदुर अंदुर, “हे प्रभु, ईल येदद तलवारगोळ आव.”

आव आंदुर से अंदुन, “हापाळ आव.”

जैतुन इन पहाळी मा यीशु उन प्रार्थना

(मत्ती २६:३६-४६; मरकुस १४:३२-४२)

39 आग यीशु व्हार्या होटकु तान रीती इन अनुसार जैतून इन पहाळी मा होदुन, अदकि चेलागोळ आऊन हदि आगेदुर. 40 आ जागा दा होगकु आव आंदुर से अंदुन, “प्रार्थना माळी कनीव परीक्षा दा बळिवाळी.”

41 आव आंदुर से अलग लगभग कल्ल भीळोद ईट दुर ताका होदुन अदकि ट्वांगरा टेक्सकु प्रार्थना माळली कुरतुन, 42 “हे आप्पा, अगर नी चाहास्या रा ईद दुख देल तुम्द कटोरा अक नान हात्ती टु सर्कुसबुळ, तरी भी नान ईला लेकीन नीन इच्छा पुरा आगुल.” 43 आग स्वर्ग दा टु ऊंद स्वर्गदूत आऊक कांळसदुन जो आऊक सामर्थ्य कोळतोगोन. 44 आव हापाळ व्याकुल आगकु मातत यककुल वेदना देल प्रार्थना माळली कुरतुन; अदकि आऊन पच्ची रा खुन इन धोळद-धोळद बुंद इन घाई धरती मा बळितोगोद.

45 आग आव प्रार्थना माळकु येददुन अदकि तान चेलागोळद हात्ती बंदकु आंदरी उदासी इन मारा देल मगित नोळदुन 46 अदकि आंदुर से अंदुन, “येती मगितीर? येळी, प्रार्थना माळी कनीव परीक्षा दा बळिवाळी.”

यीशु उक ध्वाका देल हुडुकु आगोद

(मत्ती २६:४७-५७; मरकुस १४:४३-५०; यूहनना १८:३-१२)

47 यीशु ईद अंत अच ईरोन क् ऊंद भीळ बत्त, अदकि आ हन्नेळ दा टु ऊंद यार्द हेसुर यहूदा ईरोद आंदुरद मुंद मुंद बरोन. आव यीशु उन हात्ती बंदुन क् आऊन गाल्ला अन्द चुम्मा ताकोम सकुल. 48 यीशु आऊन से अंदुन, “हे यहूदा, येन नी चुम्मा ताकोमकु मंळसा अन पार उक हुळसुसली बंद्या?”

49 आऊन चेलागोळ जो यीशु उन सांगुळ ईरोर याग नोळदुर क् येन आगावाळा आद, रा अंदुर, “हे प्रभु, येन नाव तलवार नळसेव?” 50 अदकि आंदुर दा टु ऊंद मंळसा महायाजक ऊद दास मा तलवार नळसकु आऊन ऊम्मा कवि हार्स बुट्टुन.

51 इदुर मा यीशु अंदुन, “ईग बस माळी.” अदकि आऊन कवि इक मुटकु आऊक वळ्ळीद माळदुन.

52 आग यीशु प्रधान याजकगोळ अदकि मंदरि इन पहरेदारगोळद सरदारगोळ अदकि पुरनयागोळ से, जो आऊन मा येरकु बंदीदुर, अंदुन, “येन नीव नानी वदिरोह जान्सकु तलवारगोळ अदकि कोलगोळ हुडुकु होटीर? 53 व्याग ना मंदरि दा हर रोज नीम सांगुळ ईरीन, रा नीव नानी हुडोद कोशशि माळीदील; पर ईद नीम समय आद, अदकि अंधकार इन राज आद.”

पतरस उन इनकार

(मत्ती २६:५७,६९-७५; मरकुस १४:५३,५४,६६-७२; यूहन्ना १८:२५-२७)

54 बाक आंदुर यीशु उक हुडुकु ओतुर, अदकि महायाजक उन मान्या तंदुर. पतरस दुर दुर टु उच आऊन हदि-हदि नळुतोगोन; 55 अदकि याग आंदुर आंगुळ दा बेक्की होत्ताकु ऊंद ऊज्या कुरतुर, रा पतरस भी आंदुर न्याड्या दा कुरतोदुन. 56 आग ऊंद दासी आऊक सगिळी इन उजुळ दा कुरत नोळकु अदकि आऊक वळ्लीसा नोळकु अनली कुरतुर, “ईव भी रा यीशु उन सांगुळ ईरोन.”

57 लेकीन पतरस ईद अंदकु इनकार माळदुन, “हे आरत, ना आऊक अरालीन.”

58 थ्वाळासा समय इन बाददा यावारा दुसरा मंळसा आऊक नोळकु अंदुन, “नी भी रा आंदुर दा टु ऊंद हुय.”

पतरस अंदुन, “हे मंळसा, ना आलच.”

59 बाक मात्त ऊंद घंटा अन्द बाददा ऊंद मंळसा भरोसा माळकु अंदुन, “जरूर ईव भी रा आऊन सांगुळ ईरोन, यतकी ईव गलीली हुन.”

60 पतरस अंदुन, “हे मंळसा, ना जान्सालीन का नी येन अनेत्या!”

आव अनतेला अच ईरोन कितुरनत हुंज कुगत. 61 आग प्रभु तरिगकु पतरस उन दी नोळदुन, अदकि पतरस उक प्रभु उन आ मात याद बत्त जो आव अंददिन: “ईद हुंज इन कुग्गोर से पयला, नी मुर घन नान इनकार माळ्या.”

62 अदकि आव व्हार्या होटकु हुदक्या कोट कोटकु वरलदुन.

यीशु उन अपमान

(मत्ती २६:६७,६८; मरकुस १४:६५)

63 जो मंळसागोळ यीशु उक हुडुकु ईरोर, आंदुर आऊन मज्याक हारसकु आऊक बडुली कुरतुर; 64 आंदुर आऊन कण्णगोळ मा पट्टी कटकु आऊन से केळदुर, “भवषियवाणी हेळ का नीनी याव बळदुन!” 65 अदकि आंदुर आऊन अपमान माळकु आऊन वरिध दा हापाळ सा मातगोळ अंदुर.

महासभा अन्द मुंद यीशु

(मत्ती २६:५९-६६; मरकुस १४:५५-६४; यूहन्ना १८:१९-२४)

66 याग हागुल आत रा लॉकुरद स्याणा अदकि प्रधान याजक अदकि नयिम इन गुरु जमा आदुर, अदकि यीशु उक तान महासभा दा तनकु केळदुर, 67 “येन नी मसीह हुय? रा नाम से अंद बुळ!”

यीशु आंदरी उत्तर कोट्टुन, “अगर ना नीम से अनाईन, तरी भी नीव वशिवास माळतीदील; 68 अदकि अगर ना सवाल केळाईन रा नीव उत्तर



कोळतीदील. 69 लेकीन ईगी टु ना मळसा अन पार सर्वशक्तमिान परमेश्वर उन ऊमा कय दी कुरतकु ईराइन.”

70 इदुर मा सप्पा मुंदुर अंदुर, “रा येन नी परमेश्वर उन पार हुय?”

यीशु उत्तर कोट्टुन, “नीव खुद अच अंतीर, का ना हुईन.”

71 आग आंदुर अंदुर, “ईग नामी गवाही इन येन जरवत आद; यतकी नाव खुद आऊन बाय देल केळ कोंडेव.”

## 23

पलातुस उन मुंद यीशु

(मत्ती २७:१,२,११-१४; मरकुस १५:१-५; यूहन्ना १८:२८-३८)

1 आग सप्पा सभा यदकु यीशु उक पलातुस उन हातती ओतुर. 2 आंदुर ईद अनकु आऊन मा दोष हचली कुरतुर: “नाव ईऊक यहूदी लॉकुरी बयकुस्त, अदकि रोमन सम्राट उक कर कोळोद से मना माळ्त, अदकि तान तान इक मसीह, अन राजा अनतेला केळेव.”

3 पलातुस यीशु उक केळदुन, “येन नी यहूदीगोळद राजा हुय?”

यीशु आऊक उत्तर कोट्टुन, “नी खुद अच अनेत्या.”

4 आग पलातुस प्रधान याजकगोळ अदकि लॉकुर से अंदुन, “ना ई मळसा अनद बुळक यातोदु दोष नोळालीन.”

5 लेकीन आंदुर मातत यककुल यकीन देल अनली कुरतुर, “ईव गलील टु ईल ताका, सप्पा यहूदी प्रदेश दा उपदेश कोट कोटकु लॉकुरी भळकुस्तान.”

हेरोदेस उन मुंद यीशु

6 ईद केळकु पलातुस केळदुन, “येन ईव मळसा गलीली हुन?” 7 अदकि याग पलातुस ईद जानसदुन का आव हेरोदेस उन रयासत ईनव हुन, रा आऊक हेरोदेस उन हातती कळु बुट्टुन, यतकी आ दनिगोळ दा हेरोदेस भी यरूशलेम दा ईरोन. 8 हेरोदेस यीशु उक नोळकु हापाळ खुश आदुन, यतकी आव हापाळ दनी टु आऊक नोळोद चाहासोन; यतकी हेरोदेस आऊन बारा दा केळीदुन, अदकि आऊन से येनारा चमत्कार नोळोद आशा ईटोन. 9 आव आऊन से हापाळ सा प्रश्न केळत ईतुन, पर आव आऊक येनु उत्तर कोटीदील. 10 प्रधान याजक अदकि नयिम इन गुरु नदुरकु आऊन मा गंभीर आरोप हचतेला ईतुन. 11 आग हेरोदेस तान सपिाहीगोळद सांगुळ आऊन अपमान माळकु आऊक मज्याक दा हारसदुन, अदकि सुंदर कपळा हाकसुस्कु आऊक पलातुस उन हातती कळु बुट्टुन. 12 अदा दशी पलातुस अदकि हेरोदेस संगी आगेदुर; इदुर से पयले आंदुर आबुर दाबुरद दुश्मन ईरोर.

पलातुस द्वारा यीशु उक मृत्यु दण्ड

(मत्ती २७:१५-२६; मरकुस १५:६-१५; यूहन्ना १८:३१-१९:१६)

13 पलातुस प्रधान याजकगोळ अदकि सरदारगोळ अदकि लॉकुरी कारदुन, 14 अदकि आंदुर से अंदुन, “नीव ई मळसा अक लॉकुरी बयकुसावाळा समसकु नान हातती तंदीर, अदकि नोळी, ना नीम मुंद आऊन जाँच माळदीन, लेकीन या मातगोळद नीव आऊन मा दोष हचेतीर आ मातगोळद बारा दा रा ना आऊन

बुळ्क दा येनु अच दोष नोळीदील; <sup>15</sup> अदकि ना रा हेरोदेस राजा आऊन दा येनारा दोष नोळ्दुन, यतकी आव आऊक नाम हात्ती कळु बुट्टुन; अदकि नोळी, आऊन से हगि यातोदु दोष आगीदील की आऊक मृत्यु दण्ड कोटकु आगुल. <sup>16</sup> इदुरसाटी ना आऊक बळसुसकु बटि बुळतीन.” <sup>17</sup> यतकी आ हाब्ब इन समय दा पलातुस उक आंदुर साटी ऊंद बंदी इक बळोद बळितोगोद\*.

<sup>18</sup> आग सप्पा मुंदुर गुट माळकु चळिलासकु येदुर, “ईऊक कोंद बुळ, अदकि नाम साटी बरअब्बा अक बटि बुळ!” <sup>19</sup> बरअब्बा दंगा फसाद इन कारण जो नगर दा आगीत, अदकि हत्या अनंद कारण बंदीगृह दा हाककु आगीदुन.

<sup>20</sup> लेकीन पलातुस यीशु उक बळोद इच्छा देल लॉकुरी मात्त समजुसदुन, <sup>21</sup> लेकीन आंदुर मात्त चलिळासकु अंदुर, “आऊक कूस मा येरस, कूस मा!”

<sup>22</sup> आव तसिरा घन आंदुर से अंदुन, “येती, आव याता गुणा माळ्यान? ना आऊन बुळ्क मृत्यु दण्ड इन लायक यातोदु दोष नोळीदील. इदुरसाटी ना आऊक क्वाळा बळसुसकु बटि बुळतीन.”

<sup>23</sup> लेकीन आंदुर चलिळास-चलिळासकु आऊन हदि हत्तेदुर की आऊक कूस मा येरसकु आगुल, अदकि आखरी दा आंदुर चलिळासोद सफल आगेत. <sup>24</sup> इदुरसाटी ह्यांग लॉकुर चाहासदुर हांग अच पलातुस आंदुर मांग इन अनुसार सहमती कोट्टुन. <sup>25</sup> आव आ मळसा अक जो दंगा फसाद अदकि हत्या अनंद कारण बंदीगृह दा हाककु आगीदुन, अदकि यारी आ लॉकुर बेळोर, आऊक बटि बुट्टुन; अदकि यीशु उक आ लॉकुर इच्छा अनंद अनुसार सौप्स बुट्टुन, की आंदुर जो चाहस्यार अद आऊन सांगुळ माळ सकुल.

यीशु उक कूस मा येरसोद

(मत्ती २७:३२-४४; मरकुस १५:२१-३२; यूहन्ना १९:१७-२७)

<sup>26</sup> याग आंदुर यीशु उक ओयोर, रा आंदुर शमौन हेसुर इन ऊंद कुरेनी मळसा जो नगर दी टु बरोन, आऊक हुडुकु आऊन मा कूस मळ्स बुट्टुर की आऊक यीशु ऊंद हदि-हदि वोय सकुल.

<sup>27</sup> लॉकुर धोळ्द भीळ आऊन हदि आगेत अदकि अदुरदा हापाळ सा आर्तेर भी ईरोर जो आऊन साटी याद्दा-पटिसोर अदकि वलाप माळतोगोर. <sup>28</sup> यीशु आंदुर दी तरिगकु अंदुन, “हे यरूशलेम इन पोरगोळा, नान साटी वर्लबाळी; लेकीन तान अदकि तान चकीोरगोळ साटी वरली. <sup>29</sup> यतकी नोळी, अव दनि बरताव, या दनि दा लॉकुर अंदार, ‘धन्य आर आंदुर जो वांझला आर अदकि अव गर्भ जो हाळददील अदकि अव स्तन जो हाल कुळसदील.’ <sup>30</sup> आ समय ‘आंदुर पहाळीगोळ से अंदार की नाम मा बळी, अदकि ट्याकरागोळ से अंदार की नामी मुच्च बुळी.’ <sup>31</sup> यतकी याग आंदुर हविरा मारर इन सांगुळ हगि माळतार, रा वळगींद मारर इन सांगुळ येन-येन माळतीदील?”

<sup>32</sup> आंदुर अन्य येढ्द मळसागोळी जो अपराधी ईरोर आंदरी भी यीशु उन सांगुळ कोनली ओतुर. <sup>33</sup> याग आंदुर आ जागा यारी खोपळी अनतार होदुर, रा आंदुर अल यीशु उक अदकि आ अपराधीगोळी भी, ऊंद मळसा अक ऊमा कय

\* 23:17 २३:१७ ईद वचन हाळोद हस्तलेखा दा लखिसकु हैलेच

☆ 23:30 २३:३० प्रकाशतिवाक्य

दी अदकि दुसरा मंळसा अक डाक्या कय दी कूरसगोळ मा येरसदुर. 34 आग यीशु अंदुन, “हे आप्पा, इंदरी माफ माळ, यतकी इंदुर जान्‌सालुर कि इंदुर येन माळीत्यार.”

अदकि आंदुर चट्ठी गोळी हाक्कु आऊन कपळा वाट्स कोंडुर. 35 लाँकुर नदुरि-नदुरिक्कु नोळोर, अदकि सरदार भी मज्याक माळ माळकु अनतोगोर: “ईव दुसरा अक ऊळसदुन, अगर ईव परमेश्वर उन मसीह हुन, अदकि आऊन नविळुसदव हुन, रा तान तान इक ऊळस कोमुल.”

36 सपिाही भी हात्ती बंदकु अदकि केय हुळलग अंगुर इन रास्सा कोटकु आऊन मज्याक हारसकु अनतोगोर, 37 “अगर नी यहूदीगोळ्द राजा हुय, रा तान तान इक ऊळस!”

38 अदकि आऊन म्याकुच ऊंद दोष चट्ठी भी हच बुदुर: “ईव यहूदीगोळ्द राजा हुन.”

39 जो अपराधीगोळ अल लटकूसकु आगदुर, आंदुर दा टु ऊंद अपराधी यीशु उन अपमान माळकु अंदुन, “येन नी मसीह आलच? रा बाक तान तान इक अदकि नामी ऊळस!”

40 ईदुर मा दुसरा अपराधी आऊन मा चळिलासकु अंदुन, “येन नी परमेश्वर से भी अंजाल? नीनी भी रा अदा दण्ड सकिकेत्याद, 41 अदकि नामी रा न्यायनुसार दण्ड सकित्याद, यतकी नामी तान क्याल्सागोळ्द बराबर फल सकित्याद; लेकीन ईव रा यातोदु अपराध माळीदलि.” 42 आग आव अंदुन, “हे यीशु, याग नी तान राज्य दा बंद्या, रा नांद याद माळेत.”

43 यीशु आऊन से अंदुन, “ना नीन से खरा माताळतीन कि ईदल्या अच नी नान सांगुळ सुखदलोक दा ईत्या.”

यीशु उन जीव त्यागसोद

(मत्ती २७:४५-५६; मरकुस १५:३३-४१; यूहन्ना १९:२८-३०)

44 ईग ईद हागुल इन लगभग हन्नेळ मुरांद समय ईरोद अदकि हागुल इन मुर मुरास ताका सप्पा द्याश दा अंधार आगकु ईत्त, 45 अदकि सुर्य अन्द उजुळ होगत ईत्त, अदकि मंदरि इन परदा न्याड्या दा टु हरदोत, 46 अदकि यीशु धोळ्द आवाज देल कारूकु अंदुन, “हे आप्प, ना तान आत्मा नीन कय दा सौप्सतीन.” अदकि ईद अंदकु सोतोदुन.

47 सपिाहीगोळव अधकिारी, जो येनारा आगीत नोळकु परमेश्वर उन स्तुति माळदुन, अदकि अंदुन, “नश्चय ई मंळसा न्यायी ईरोन.”

48 अदकि भीळ जो ई येनारा आगीत नोळली जमा आगीत, ई घटना अक नोळकु याददा बडुत वापस होटोत. 49 लेकीन आऊनोर सप्पा जान पयचान वाळेर, अदकि जो आर्तेर गलील टु आऊन हदि बंदीदुर, दुर नदुरिक्कु ई सप्पा नोळोर.

यीशु उक नळसोद

(मत्ती २७:५७-६१; मरकुस १५:४२-४७; यूहन्ना १९:३८-४२)

50 अल यूसुफ हेसुर ईनव महासभा अन्द ऊंद वळ्लीद सदस्य ईरोन जो सज्जन अदकि न्यायी ईरोन. 51 अदकि आंदुरद फैसला देल अदकि आंदुरद ई क्याल्सा देल सयमत ईला ईरोन. आव यहूदीगोळ्द अरमितया नगर इन ईरावाळा अदकि परमेश्वर उन राज्य अन्द हादी कायावाळा ईरोन. 52 आव पलातुस उन हात्ती होगकु यीशु ऊंद लाश वेळदुन; 53 अदकि आग यीशु उक कूरस मा टु ईळ्स्कु मलमल इन चददर दा गुळ्स्दुन, अदकि ऊंद कवर दा ईटदुन, जो कल्ल इन जागा दा अगुळ्कु ईरोद; अदकि आ जागा दा यावारा अक भी यागलु ईटकु आगीदील. 54 अद तयारी इन दनि ईरोद, अदकि आराम इन दनि सूरू आगोद ईरोद.

55 मरयिम मगदलीनी जो यीशु उन सांगुळ गलील टु बंदीदुर, यूसुफ उन हदि हदि होगकु आ कवर अक नोळदुर, अदकि ईद भी नोळदुर का आऊन लाश इक याता रीतदि देल ईटकु आग्याद. 56 आग आंदुर वापस मान्या बंदकु सुगन्धति अत्तर अदकि मसालागोळ तयार माळदुर; अदकि आराम इन दनि आंदुर आग्या अन्द अनुसार आराम माळदुर.

## 24

यीशु उन पुनरूत्थान

(मत्ती २८:१-१०; मरकुस १६:१-८; यूहन्ना २०:१-१०)

1 लेकीन हप्ता अन्द पयला दशी हापाळ व्हातर्या का आंदुर आ सुगन्धति सामानगोळी जो आंदुर तयार माळीदुर, हुळकु कवर मा बंदुर. 2 आंदुर जो कल्ल कवर अन्द दरवाजा मा झाक्सकु ईरोद अदरी सरकुसकु नोळदुर, 3 पर याग आंदुर बुळ्क होदुर रा आंदरी प्रभु यीशु उन लाश काळ्सीदील. 4 याग आंदुर ई मात देल चकति आगोर रा नोळी, येढ्ढ मळसा बरफ इन घाई बळिवे चमकदार झलकुस्त कपळा हाक्कु आंदुर हात्ती बंदकु नदुरदुर. 5 याग आंदुर अंजेदुर अदकि पृथ्वी इन दी बाय बांग्सोर रा आ स्वर्गदूतगोळ आंदुर से अंदुर, “नीव जत्तिता मळसा अक सोत्तकु मळसा दा येती ढुढसेतीर? 6 \*आव ईल हैलेच, लेकीन जत्तिता आग्यान. याद माळी का आव गलील दा ईटकु नीम से येन अंददिन, 7 ‘जरूरी आद का ना मळसा अन पार पापीगोळ्द कय दा हुळसुस्कु आगाईन, अदकि कूरस मा येरसकु आगाईन, अदकि तसिरा दशी मात्त जत्तिता आगाईन.’”

8 आग यीशु जो मातगोळ आंदरी अंददिन अव मातगोळ आंदरी याद बंदव, 9 अदकि कवर टु बंदकु आंदुर आ हनुन मुंदरी, अदकि अनय सप्पा मुंदरी, इव मातगोळी अनकु केळ्स्दुर. 10 आंदुर प्रेरतिगोळ से ईव मातगोळी अंदुर आंदुर मरयिम मगदलीनी अदकि योअन्ना अदकि याकूब उन मोय मरयिम अदकि आंदुर सांगुळ इन दुसरा आर्तेर भी ईरोर. 11 लेकीन आंदुर मातगोळ आंदरी फालतु हतदव, अदकि आंदुर आंदुरद वशिवास माळीदील. 12 आग पतरस यदकु कवर दी ओळतेला होदुन, अदकि बांगकु सरिफ कफन इन कपळा बदिकु नोळदुन, अदकि जो आगीत अदुर देल अचम्भा माळतेला तान मान्नी होटोदुन.

\* 24:6 २४:६ मत्ती १६:२१; १७:२२,२३; २०:१८,१९; मरकुस ८:३१; ९:३१; १०:३३,३४; लूका ९:२२; १८:३१-३३

इम्माऊस ऊर इन हादी मा यीशु तान चेलागोळ सांगुळ  
(मरकुस १६:१२-१३)

13 अदा दशी आंदुर दा टु येढ्द मुंदुर इम्माऊस हेसुर इन ऊंद ऊर इक होगोर, जो यरूशलेम टु येनारा येळ कोस इन दुरी मा ईरोद. 14 आंदुर इव सप्पा मातगोळ मा जो आगीदव, आपस दा मातचीत माळतेला होगोर, 15 अदकि याग आंदुर आपस दा मातचीत अदकि जाँच माळोर, रा यीशु खुद हात्ती बंदकु आंदुर सांगुळ आगोदुन. 16 आंदुर आऊक नोळदुर लेकीन अरू सकदील. 17 यीशु आंदुर से केळदुन, “ईव येन मातगोळ आव, जो नीव नळुत नळुत आपस दा माळतीर?”

आंदुर उदास सा नदुरकु ईतोदुर. 18 ईद केळकु आंदुर दा टु क्लयिोपास हेसुर ईनव ऊंद मंळसा अंदुन, “येन नी यरूशलेम दा आवना परदेशी आय, जो जान्सालुन की ई दनिगोळ दा अदुरदा येन येन आग्याद?”

19 आव आंदुर से केळदुन, “यातव मातगोळ?”

आंदुर आऊन से अंदुर, “यीशु नासरी इन बारा दा जो परमेश्वर अदकि सप्पा लॉकुर हात्ती क्याल्सा अदकि वचन दा सामर्थी भवषियवक्ता ईरोन, 20 अदकि प्रधान याजकगोळ अदकि नाम सरदारगोळ आऊक हुळसुस बुदुर की आऊन मा मृत्यु ऊंद आग्या कोटक आगुल; अदकि आऊक क्रूस मा येरसुसदुर. 21 लेकीन नामी आशा ईरोद की ईवा इस्त्राएल द्याश इक छुटकारा कोट्टान. इव सब मातगोळ्द अलावा ईद घटना अक आत तसिरा दनि हुन, 22 अदकि नाम दा टु हापाळ आर्तेर भी नामी आश्चर्य दा हाक बुटार, जो हुंजकुका अच कबर मा होगीदुर; 23 अदकि याग यीशु उन लाश नोळीदील रा ईद अनतेला बंदुर की नाव स्वरगदूतगोळ्द दर्शन माळदेव, यार अंदुर की आव जतिता आन. 24 आग नाम साथीगोळ दा टु हापाळ मुंदुर कबर मा होदुर, अदकि हयांग आर्तेर अंदीदुर हांग अच नोळदुर; लेकीन आऊक नोळीदील.”

25 आग यीशु आंदुर से अंदुन, “हे नरिबुदधीगोळा, अदकि भवषियवक्तागोळ्द सब मातगोळ मा वशिवास माळदुर दा याट धीर आईर! 26 येन जरूरी ईला ईरोद की मसीह ईद दुख नेगुकु तान महिमा दा प्रवेश माळुल?” 27 आग आव मूसा से अदकि सप्पा भवषियवक्तागोळ से सूरुवात माळकु सप्पा पवत्रिशास्त्र दा टु तान बारा दा लखिसदव मातगोळ्द अर्थ, आंदरी समझुस बुट्टुन.

28 इदुर दा आंदुर आ ऊर इन हात्ती पोहचुसदुर यल आंदुर होगोर, अदकि आऊन ढंग देल हगि समझ दा बरोद की आव मुंद आगोद चाहासतान. 29 लेकीन आंदुर ईद अनकु आऊक वनिती माळकु रोक्सदुर, “नाम सांगुळ ईर, यतकी द्याव मुळकत बरेत्याद अदकि हागुल हापाळ ढलुसीग्याद.” आग आव आंदुर सांगुळ ईरोर साठी बुळक होदुन. 30 याग आव आंदुर सांगुळ ऊमली कुरतुन, रा आव रोटी हुळकु परमेश्वर उन धन्यवाद माळदुन अदकि अदरी मूरुकु आंदरी कोळली कुरतुन. 31 आग आंदुर कण्णगोळ तेरदोदव; अदकि आंदुर आऊक अर्त कोंडुर, अदकि आव आंदुर कण्णगोळ देल पच्चेदुन. 32 आंदुर आपस दा अंदुर, “याग आव हादी मा नाम से मातगोळी माळतोगोन अदकि

पवत्रिशास्त्र अनूद अर्थ नामी समझूस तोगोन, रा येन नाम मन दा उत्तेजना पैदा आगीदील?"

33 आंदुर अदा समय यदकु मात्त यरूशलेम इक होटोदुर, अदकि आ हनुन चेलागोळी अदकि आंदुर संगीगोळी जमा नोळदुर. 34 आंदुर अनतोगोर, "प्रभु खराखुरा जत्तिता आग्यान, अदकि शमौन उक काळस्यान."

35 आग आंदुर हादी इन मातगोळी आंदरी हेळ बुदुर अदकि ईद भी कि येदुदु मुंदुर यीशु उक रोटी मुरा होती ह्यांग अरतुर.

यीशु चेलागोळी काळसदुन

(मत्ती २८:१६-२०; मरकुस १६:१४-१८; यूहनना २०:१९-२३; प्रेरतिगोळ १:६-८)

36 आंदुर ई मातगोळी अनतेला अच ईरोर कि आव खुद अच आंदुर न्याड्या दा नदुरदुन, अदकि आंदुर से अंदुन, "नीमी शांती सकिल."

37 लेकीन आंदुर घबरूसेदुर अदकि अंजेदुर, अदकि समसेदुर कि नाव यातोदारा भूत इक नोळीतेव. 38 आव आंदुर से अंदुन, "येती घबरूसेतीर? अदकि नीम मन दा येती संदेह येळताव? 39 नान कय अदकि नान कालगोळी नोळी कि ना आवा हुईन. नानी मुटकु नोळी, यतकी भूत इन येलु दा मास ईराल ह्यांग नान दा नोळतीर."

40 ईद अंदकु यीशु आंदरी तान कय काल तोरसदुन. 41 आंदरी खुशी इन मारा देल वशिवास ईला आगोद, अदकि आंदुर आश्चर्य माळतोगोर, रा आव आंदुर से केळदुन, "येन ईल नीम हात्ती येनारा ऊम्मोद आद?" 42 आंदुर आऊक सुळद मेन इन तुकळा कोट्टुर. 43 आव हुडुकु आंदुर मुंद तदिन.

44 बाक आव आंदुर से अंदुन, "ईव नानव अव मातगोळ हु, जो ना नीम सांगुळ ईरतेला नीम से अंददिन कि जरूरी आद कि यास मातगोळ मूसा अन व्यवस्था अदकि भवषियवक्तागोळ अदकि भजनगोळ कतिबगोळ दा नान बारा दा लखिसकु आव, सप्पा पुरा आगुल."

45 आग यीशु पवत्रिशास्त्र जानसोर साटी आंदुर समझ खोल्सदुन, 46 अदकि यीशु अंदुन, "ईद लखिसकु आद कि मसीह दुख नेगदान, अदकि तसिरा दशी सोत्तुर दा टु जत्तिता आदान, 47 अदकि यरूशलेम टु हुळकु सप्पा जातीगोळद लॉकुर दा आंदुर हगि प्रचार माळली कुरतुर कि आंदुर तान पाप माळोद बंद माळुल अदकि परमेश्वर आंदरी माफ माळुल. 48 नीव ई सप्पा मातगोळद गवाह आईर. 49 अदकि नोळी, जो ईनाम नान आप्प नानी कोळोद वादा माळीदुन, ना अदरी नीम मा ईळसाईन अदकि यागासताका म्याकुच स्वर्ग टु सामर्थ्य सकिल, आगासताका नीव ईदा नगर दा रूक्सकु ईरी."

यीशु उन स्वर्गारोहण

(मरकुस १६:१९,२०; प्रेरतिगोळ १:९-११)

50 आग यीशु आंदरी बैतनय्याह ताका नगर इन व्हार्या ओतुन, अदकि तान कय नेगुकु आंदरी आशीष कोट्टुन; 51 अदकि आंदरी आशीष कोळतेला आव आंदुर से अलग आगेदुन अदकि स्वर्ग मा नेगुकु आदुन. 52 आग आंदुर आऊक

दण्डवत माळकु बळा खुशी देल यरूशलेम इक मात्त वापस बंदुर; 53 अदकि आंदुर लगातार मंदरि दा उपस्थति आगकु परमेश्वर उन धन्यवाद माळतोगोर.

## यूहन्ना रचति यीशु मसीह का सुसमाचार यूहन्ना अनन्द लखिसद यीशु मसीह अन बारा दा खुशखबरी परचिय

ईद यूहन्ना अन लखिसद ई खुशखबरी इन कतिब व्हाशेव नयिम इन नाक खुशखबरी इन कतिबगोळ दा टु ऊंद हुन, जो यीशु मसीह अन जीवन इन बारा दा हेळतद. यीशु मसीह अन सोत्तुर बाददा, मत्ती, मरकुस, लूका, अदकि यूहन्ना अन द्वारा ई कतिबगोळी लखिसकु आग्याद. ई सप्पा कतिबगोळी खुशखबरी इन कतिब अनतार. मसीह अन जनम इन ९० वर्ष इन बाददा ईद खुशखबरी प्रेरति यूहन्ना लखिस्यान. ई कतिब दा ईद लखिसकु हैलेच कइदरी लखिसावाळा लेखक यूहन्ना हुन, तरी भी पयला यूहन्ना, दुसरा यूहन्ना अदकि तसिरा यूहन्ना अन लखावट देल मेल तनितद. आ समय यूहन्ना इफसिस शयर दा ईरतोगोन इदुरसाटी ई कतिब इफसिस दा लखिसकु आग्याद हगि येनारा स्याणा लेखकगोळ मानसतार.

यूहन्ना ई कतिब लखिसोद उद्देश सफाई देल ईटतान कि लॉकुरी, यीशु मसीह हुन अदकि जित्ता परमेश्वर उन पार हुन यूहन्ना २०:३१ ई मात मा वशिवास माळेर साटी लॉकुरी मदत सकिल. आऊन मा वशिवास माळदुर द्वारा आऊन हेसुर देल नामी जीवन सकि सकुल. ईद कतिब यहूदी अदकि गैरयहूदी येददु मुंदुर साटी लखिसकु आग्याद. यूहन्ना अन खुशखबरी दा बाकी नव मुर खुशखबरी दा टु येनारा मातगोळ अलग आव. यीशु मसीह अन माळ्द चमत्कारगोळ मा यूहन्ना ऊजुळ हाकतान अदकि आऊन उदाहरणगोळ बारा दा यक्कुल लखिसकु आगीदील. यीशु अन बपतस्मा अदकि सुनसान जागा दा परीक्षा, ऊंदा घाई जरूरी घटनागोळी ई खुशखबरी दा लखिसकु आगीदील.

रूप रेखा:

१. यूहन्ना खुशखबरी इन सुरूवात १:१-१८
२. बाददा आव आ चमत्कारगोळ बारा दा लखिसतान जो यीशु माळ्यान १:१९-१२:५०
३. मुंद आव हापाळ घटनागोळ बारा दा हेळतान जो यीशु मसीह इन जीवन इक मृत्यु अदकि पुनरूत्थान ताका ओयताव १३:१-२०:३१
४. यूहन्ना अन २१ आ पाठ दा खुशखबरी खतम माळतान, यदुर दा यीशु सोत्तुर दा टु जित्ता आगकु लाकुर मुंद बरतान. अदकि आखरी दा तान कतिब लखिसोद उद्देश हेळतेला खतम माळतान.

जीवन इन शब्द

- १ सुरूवात दा शब्द ईरोद, अदकि शब्द परमेश्वर उन सांगुळ ईरोद, अदकि शब्द परमेश्वर ईरोन.
- २ ईदा शब्द सुरूवात टु परमेश्वर उन सांगुळ ईरोद.
- ३ सप्पा येनारा शब्द इन द्वारा पैदा आत, अदकि जो येनारा पैदा आग्याद



अदुर दा टु यातोदारा भी चजि आऊन सवाय बनसीदील. 4 शब्द जीवन इन सत्रोत ईरोद अदकि अद जीवन लॉकुर साटी ऊजुळ तर्त. 5 ऊजुळ अंधार दा चमकुसतद, अदकि अंधार यागलु इदरी हारूस सकाल.

6 परमेश्वर ऊंद बातणी कोळावाळा कळुदुन यार्द हेसुर यूहन्ना ईरोद. 7 आव गवाही कोळली बंदुन कि ऊजुळ इन गवाही कोळुल, ताकी सप्पा मुंदुर आऊन बातणी केळकु वशिवास माळुल. 8 आव खुद रा ऊजुळ ईला ईरोन, लेकीन आ ऊजुळ इन गवाही कोळोर साटी बंदीदुन. 9 खरा ऊजुळ जो हर ऊंद मळसा अक प्रकाशति माळतद, दुनयिा दा बरावाळा ईरोद.

10 अद शब्द दुनयिा दा ईरोद, अदकि परमेश्वर आऊन द्वारा दुनयिा माळदुन, तरी भी दुनयिा आऊक अरतीदलि. 11 आव तान खुद इन लॉकुर हाती बंदुन लेकीन आऊन खुद इन लॉकुर आऊक ग्रहण माळीदील. 12 लेकीन यास मुंदुर आऊक ग्रहण माळदुर, मतलब आंदरी जो आऊन हेसुर मा वशिवास ईटतार, आव आंदरी परमेश्वर उन औलाद आगोद अधिकार कोट्टुन. 13 आंदुर ना रा स्वाभावकि तरीका देल परमेश्वर उन औलाद बन्सदुर, मतलब मानवीय आप्प उन देल पैदा आगीदील बलकी परमेश्वर खुद आंदुरव आप्प ईरोन.

14 अदकि वचन देहधारी आत; अदकि अनुग्रह अदकि सच्चाई देल परपुर्ण आगकु नाम न्याड्या डयारा हाकत, अदकि नाव अदुरद हगि महमिा नोळदेव, जसा आप्प उन ऊंद ठैसा अन्द महमिा.

15 यूहन्ना आऊन बारा दा गवाही कोट्टुन, अदकि कारूकु अंदुन, “ईव आवा हुन, यार्द वर्णन ना माळदीन कि जो नान बाद्दा बरेत्यान, आव नान से वाळुसकु आन यतकी आव नान से पयले ईरोन.”

16 यतकी आऊन परपुर्णता दा टु नाव सप्पा मुंदुर प्राप्त माळदेव मतलब अनुग्रह मा अनुग्रह प्राप्त माळदेव. 17 इदुरसाटी कि वयवस्था रा मूसा अन्द द्वारा कोटकु आत, लेकीन अनुग्रह अदकि सच्चाई यीशु मसीह अन्द द्वारा बत्त. 18 परमेश्वर उक याऊ यागलु नोळीदील, ऊंद ठैसा पार जो आप्प उन क्वारा दा आन, आवा परमेश्वर उक प्रगट माळदुन.

यूहन्ना बपतस्मिा कोळावाळा अन्द बातणी  
(मत्ती ३:१-१२; मरकुस १:१-८; लूका ३:१-१८)

19 यूहन्ना अन्द गवाही ईद आद, कि याग यहूदीगोळ यरूशलेम टु याजकगोळ अदकि कर ताकोमावाळेर इक आऊन से ईद केळोर साटी कळुदुर, “नी याव हुय?”

20 रा आव ईद मान्स कौडुन अदकि इनकार माळीदलि, लेकीन मान्स कौडुन, “ना मसीह आलच.”

21 आग आंदुर आऊन से केळदुर, “रा बाक नी याव हुय? येन नी एलयियाह हुय?”

आव अंदुन, ईला, “ना एलयियाह आलच.”

“रा येन नी आ भवषियवक्ता हुय?”

आव उत्तर कोट्टुन, “ईला.”

22 आग आंदुर आऊन से केळदुर, “बाक नी हुय याव? यतकी नाव तान कळावाळेर इक उत्तर कोट्टेव. नी तान बारा दा येन हेळत्या?”

23 यूहन्ना अंदुन, “ह्यांग यशायाह भवषियवक्ता अंदान:

“ना आळी दा ऊंद कारावाळा अन्द आवाज हुईन  
का नीव प्रभु उन हादी सरका माळी.”

24 आंदुर फरीसीगोळ्द दी टु कळुकु आगीदुर. 25 आंदुर आऊन से केळदुर, “अगर नी मसीह आलच, अदकि ना एलयियाह, अदकि ना आ भवषियवक्ता हुय, रा बाक बपतसिमा येती कोळत्या?”

26 बपतसिमा कोळावाळा यूहन्ना आंदरी उत्तर कोट्टुन, “ना रा नीर देल बपतसिमा कोळतीन, लेकीन नीम बीच दा ऊंद मळसा नदिरकु आन यारी नीव अरालीर. 27 मतलब नान बाद्दा बरावाळा आन, आऊन केरू उन बन्ध भी ना खोल्सा लायक हैलेच.”

28 “ई मातगोळ यरदन गांगा अन्द आप्पाटी बैतनयियाह नगर दा आदव, यल यूहन्ना बपतसिमा कोळतोगोन.”

परमेश्वर उन मेमना\*

29 “दुसरा दशी यूहन्ना यीशु उक तान दी बर्त नोळकु अंदुन, नोळी ईव परमेश्वर उन म्यांडा अन पाड्डा हुन जो दुनया अन्द पाप नेगुकु वोयतान. 30 ईव आवा हुन यार्द बारा दा ना अंददीन, ऊंद मळसा नान ह्दि बरतान जो नान से श्रेष्ट आन, यतकी आव नान से पयले ईरोन. 31 ना भी रा आऊक ईला अरीन, लेकीन इदुरसाटी ना नीर देल बपतसिमा कोळतेला बंदीन का आव इस्त्राएल मा प्रगट आगोगुल.”

32 अदकि बपतसिमा कोळावाळा यूहन्ना ईद गवाही कोट्टुन: “ना पवतिर आत्मा अक कबूतर इन घाई स्वरग टु ईळुतेला नोळीन, अदकि नोळदीन का आ आत्मा आऊन मा बंदकु ठेहूसेत. 33 ना रा आऊक ईला अरीन, लेकीन याव नानी नीर देल बपतसिमा कोळली कळुदुन, आवा नान से अंदुन, ‘यार मा नी आत्मा अक ईळुत अदकि ठेहूसत नोळ्या, आवा पवतिर आत्मा देल बपतसिमा कोळावाळा हुन.’ 34 अदकि ना नोळदीन, अदकि गवाही कोट्टीन का ईवा परमेश्वर उन पार हुन.”

यीशु नोर पयला चेलागोळ

35 दुसरा दिन मात्त यूहन्ना तान येदढ चेलागोळ सांगुळ नदिरकु ईरोन, 36 अदकि आव यीशु उक होग्त नोळदुन, अदकि अंदुन, “नोळी, ईव परमेश्वर उन म्यांडा अन पाड्डा हुन.”

37 आग आंदुर येदढु चेलागोळ आऊन मातगोळ केळकु यीशु उन ह्दि आगेदुर. 38 यीशु तरिगकु आंदरी बर्त नोळदुन अदकि आंदुर से अंदुन, “नीव यार्द खोज दा आईर?”

आंदुर आऊन से अंदुर, “हे गुरु, नी यल ईरत्या?”

\* 1:28 १:२९ म्यांडा अन पाड्डा

39 यीशु आंदुर से अंदुन, “नळी, रा नोळ कोंडीर.” आग आंदुर होगकु आऊन ईरोद जागा नोळदुर, अदकि आ दनि आऊन सांगुळ ईत्तुर. यतकी द्यावमुळका नव लगभग नाक मुरदोगदिव.

40 आ येदुदु मुंदुर दा टु, जो यूहन्ना अन्द मात केळकु हदि आगेगीदुर, ऊंद शमौन पतरस उन वार्ट अन्दरयास ईरोन. 41 आव पयले तान सग्गा वार्ट शमौन से सकिकु आऊन से अंदुन, “नामी खरसित, मतलब मसीह, सकिकेग्यान.” 42 अन्दरयास आऊक यीशु उन हात्ती तंदुन.

यीशु आऊन मा दृष्टी माळकु अंदुन, “नी यूहन्ना अन्द पार शमौन हुय: नीनी कैफा मतलब पतरस अंदकु आदीत.

फलिपिपुस अदकि नतनएल उक कारूकु आगोद

43 “दुसरा दशी यीशु गलील नगर इक होगोद चाहासदुन. यीशु फलिपिपुस से भेट माळदुन अदकि अंदुन, ‘नान हदि आगेग.’ ” 44 फलिपिपुस, अन्दरयास अदकि पतरस उन नगर बैतसैदा नव ईरावाळा ईरोन. 45 फलिपिपुस नतनएल से भेट माळदुन अदकि आऊन से अंदुन, “यार्द वर्णन मूसा व्यवस्था अन्द कतिब दा अदकि भवषियवक्तागोळ माळ्यार, आव नामी सकिकेदुन; आव यूसुफ उन पार, यीशु नासरी हुन.”

46 नतनएल आऊन से अंदुन, “येन येनारा वळ्ळीद वस्तु भी नासरत नगर टु होळ सकतद?”

फलिपिपुस आऊन से अंदुन, “नळकु नोळ कोम.”

47 यीशु नतनएल उक तान दी बर्त नोळकु आऊन बारा दा अंदुन, “नोळी, ईव सही दा इस्त्राएली हुन: ईऊन बुळक कपट हैलेच.”

48 नतनएल आऊन से अंदुन, “नी नानी हयांग अरूत्या?”

यीशु आऊक उत्तर कोट्टुन, “इदुर से पयले की फलिपिपुस नीनी कारदुन, याग नी अंजीर इन मार्र इन ल्यालमा ईर्या, आग ना नीनी नोळीदीन.”

49 नतनएल आऊक उत्तर कोट्टुन, “हे गुरु, नी परमेश्वर उन पार हुय; नी इस्त्राएल इन राजा हुय.”

50 यीशु आऊक उत्तर कोट्टुन, “ना जो नीन से अंदीन काना नीनी अंजीर इन मार्र इन ल्यालमा नोळदीन, येन नी इदुरसाटी नान मा वशिवास माळत्या? नी इदुर से भी धोड्-धोड्डेव क्याल्सा नोळ्या.” 51 बाक आऊन से अंदुन, “ना नीम से खरा खरा माताळतीन की नीव स्वर्ग इक तेरूतेला, अदकि परमेश्वर उन स्वर्गदूतगोळ इक मंळसा अन पार उन म्याकुच ईळुत अदकि म्याकुच होग्त नोळीर.”

## 2

काना नगर दा मदा

1 तसिरा दशी गलील इन काना नगर दा यारदारा मदा ईरोद, अदकि यीशु उन मोय भी अल ईरोर. 2 यीशु अदकि आऊन चेलागोळ भी आ मदा दा आमंत्रित ईरोर. 3 याग अंगुर इन रास्सा खतम आगेत, रा यीशु उन मोय यीशु से अंदुर, “आंदुर हात्ती अंगुर इन रास्सा मकिदिलि.”

4 यीशु आकनि से अंदुन “हे आरत, नानी नीन से येन क्याल्सा? ईगल्या नान समय बरली आद.”

5 आऊन मोय सेवकगोळ से अंदुर, “जो येनारा आव नीम से अंदान, अदा माळेतीर.”

6 अल यहूदीगोळ्द कय-काल तोळोद प्रथा अनूद अनुसार कल्लगोळ्द आर: माळका ईटकू ईरव, हर ऊंद माळका दा लगभग येढ्ढ-येढ्ढ, मुर-मुर मन तुमकु आगोद. 7 यीशु सेवकगोळ से अंदुन, “माळकागोळ दा नीर तुम बुळी.” आंदुर अवरी सीगासीग तुम बुटुर. 8 आग आव आंदुर से अंदुन, “ईग थ्वाळासा नीर तेगुकु सयपाक माळावाळा प्रधान उन हात्ती ओई.” अदकि आंदुर ओतुर. 9 याग सयपाक माळावाळा प्रधान अद नीर इक नेकदुन, जो अंगुर इन रास्सा बनसेगति अदकि आव ईला अरोन क अद यल टु बंदाद लेकीन जो सेवकगोळ नीर तेगददुर आंदुर अरोर, रा सयपाक माळावाळा प्रधान मळगार उक कारूकु आऊन से अंदुन, 10 “हर ऊंद मळसा पयले वळ्ळीद अंगुर इन रास्सा कोळतान, अदकि याग लाँकुर कुडुकु संतुष्ट आगोगतार, आग थ्वाळासा मध्यम प्रकार इन रास्सा कोळतान; लेकीन नी रा वळ्ळीद अंगुर इन रास्सा ईगासताका मक्सकु ईट्या.”

11 यीशु गलील इन काना नगर दा तान ईद पयला चमत्कार तोरसकु तान महमा प्रगट माळदुन अदकि आऊन चेलागोळ आऊन मा वशिवास माळदुर.

12 इदुर बाद्दा यीशु अदकि आऊन मोय अदकि आऊन वार्दुर अदकि आऊन चेलागोळ कफरनहूम नगर इक होदुर अदकि अल थ्वाळासा दनि ईत्तुर.

यीशु उन मंदिर दा होगोद

(मत्ती २१:१२,१३; मरकुस ११:१५-१७; लुका १९:४५,४६)

13 यहूदीगोळ्द फसह अनूद हाब्ब हात्ती ईरोद, अदकि यीशु यरूशलेम इक होदुन. 14 आव मंदिर दा वस्ता, म्यांडा अदकि कबूतर मारावाळेर अदकि व्हान्ना मारावाळेर लाँकुरी कुरतकु नोळदुन. 15 आग आव जाळीगोळ्द क्वाळा माळकु, सप्पा म्यांडागोळ अदकि वस्तागोळी मंदिर टु तेगद बुट्टुन, अदकि व्हान्ना मारावाळेर लाँकुरद पैस्या भटिकु सळा माळ बुट्टुन अदकि पांळसीगोळी उलटुस बुट्टुन, 16 अदकि कबूतरमारावाळेर से अंदुन, “इवरी ईल टु राटनेरी ओई. नान आपप उन मान्ना अक व्यापार इन मान्ना माळबाळी.” 17\* आग आऊन चेलागोळी याद बत्त कलिखिसकु शास्त्र आद, “नीन मान्ना अनूद धुन नानी तदि बुट्टीत.”

18 इदुर मा यहूदीगोळ आऊन से अंदुर, “नी जो ईद माळत्या रा नामी यातोद चमत्कार तोरसत्या?”

19 यीशु आंदरी उत्तर कोट्टुन, “ई मंदिर इक केळ्द बुळी, अदकि ना इदरी मुर दनि दा नदिरूस बुळाईन.”

20 यहूदीगोळ अंदुर, “ई मंदिर इक माळदुर दा छ्यालीस वर्ष हत्याव, अदकि येन नी ईदरी मुर दनि दा नदिरूस बुट्ट्या?”

\* 2:12 २:१२ मत्ती ४:१३  
२७:४०; मरकुस १४:५६; १५:२९

\* 2:17 २:१७ भजन संहिता ६ ९:९

\* 2:19 २:१९ मत्ती २६:६१;

21 लेकीन यीशु तान मय इन मंदरि इन बारा दा अंददिन. 22 इदुरसाटी याग आव सोत्तुर दा टु जतिता आदुन रा आऊन चेलागोळी याद बत्त कि आव ईद अंददिन; अदकि आंदुर पवत्रिशास्त्र अदकि आ वचन इन जो यीशु अंददिन, वशिवास माळदुर.

यीशु मंळसा अन्द मन इक अरूतान

23 याग यीशु यूरुशलेम दा फसह अन्द समय हाब्ब दा ईरोन, रा हापाळ मुंदुर आ चमत्कारगोळी जो आव तोरुसतोगोन नोळकु आऊन हेसुर मा वशिवास माळदुर. 24 लेकीन यीशु तान तान इक आंदुर भरोसा मा बर्टीदलि, यतकी आव सप्पा मुंदुर मनगोळी अरूतोगोन; 25 अदकि आऊक जरवत ईला ईरोद कि मंळसा अन्द बारा दा यावारा गवाही कोळुल, यतकी आव खुद अच अरोन कि मंळसा अन्द मन दा येन आद?

### 3

यीशु अदकि नीकुदेमुस

1 फरीसीगोळ दा नीकुदेमुस हेसुर ईनव ऊंद मंळसा ईरोन, जो यहूदी लॉकुरव सरदार ईरोन. 2 आव ईळलक इक यीशु उन हात्ती बंदकु आऊन से अंदुन, “हे गुरु, नाव जानसतेव कि नी परमेश्वर दी टु गुरु आगकु बंद्या, यतकी ई चनिहगोळी जो नी तोरुसत्या, अगर परमेश्वर नीन सांगुळ ईला ईरायदुन रा नी ई चनिहगोळी ईला तोरुस सकाईद.”

3 यीशु आऊक उत्तर कोट्टुन, “ना नीन से खरा खरा अनतीन, अगर यावारा व्हाशोद रीति देल पैदा आगालुन रा आव परमेश्वर उन राज्य नोळ सकालुन.”

4 नीकुदेमुस यीशु उक अंदुन, “मंळसा याग हाळाबाट आगेदुन, रा ह्यांग पैदा आग सकतान? येन आव तान मोय इन गर्भ दा दुसरा घन प्रवेश माळकु पैदा आग सकतान?”

5 यीशु उत्तर कोट्टुन, “ना नीन से खरा खरा अनतीन, यागासताका यावारा मंळसा नीर अदकि आत्मा देल पैदा आगालुन आगासताका आव परमेश्वर उन राज्य दा प्रवेश माळ सकालुन. 6 यतकी जो मय देल पैदा आग्याद, अद मय हुन; अदकि जो आत्मा देल पैदा आग्याद, अद आत्मा हुन. 7 अचम्भा माळबाळ कि ना नीन से अंदीन, ‘नीनी व्हाशोद रीति देल पैदा आगोद जरूरी आद.’ 8 हवा यात चाहासतद आत नळुतद अदकि नी अदुरद शब्द केळत्या, लेकीन अरू सकाल कि अद यातु टु बरतद अदकि यात होगतद? जो यावारा आत्मा देल पैदा आग्यान आव हगि अच आन.”

9 नीकुदेमुस आऊक उत्तर कोट्टुन, “ईव मातगोळ ह्यांग आग सकताव?”

10 ईद केळकु यीशु आऊन से अंदुन, “नी इसत्राएलीगोळद गुरु ईतकु भी येन ई मातगोळी समसाल? 11 ना नीन से खरा खरा अनतीन कि नाव जो अरूतेव अद माताळतेव, अदकि यदरी नाव नोळेव अदुरद गवाही कोळतेव, अदकि नीव नाम गवाही ग्रहण माळालीर. 12 याग ना नीम से पृथ्वी इन मातगोळ माळदीन अदकि नीव वशिवास माळीदलि, रा अगर ना नीम से स्वर्ग इन मातगोळ

माळाईन रा बाक ह्यांग वशिवास माळीर? 13 याऊ स्वर्ग मा येरीदलि, सर्फि आवा जो स्वर्ग टु ईळदान, मतलब मंळसा अन पार जो स्वर्ग दा आन.”

14 अदकि याता रीत दिेल मूसा आळी दा हाव इक ऊँचाई मा येर्सदुन, अदा रीत दिेल जरूरी आद कि मंळसा अन पार भी ऊँचाई मा येर्सकु आगुल; 15 ताकी जो यावारा आऊन मा वशिवास माळ्यान आऊक अनन्त जीवन सकिल. 16 “यतकी परमेश्वर दुनयिा से हगि प्यार ईटदुन कि आव तान ऊंद ठैसा पार कोट बुट्टुन, ताकी जो यावारा आऊन मा वशिवास माळ्यान आऊन नाश आगवाळुल, लेकीन आऊक अनन्त जीवन सकिल. 17 परमेश्वर तान पार उक दुनयिा दा इदुरसाटी कळीदलि कि दुनयिा मा दण्ड इन आग्या कोळुल, लेकीन इदुरसाटी कळ्यान कि दुनयिा अक आऊन द्वारा उद्धार सकिल.

18 “जो आऊन मा वशिवास माळतान, आऊन मा दण्ड इन आग्या आगाल, लेकीन जो आऊन मा वशिवास माळालुन, आव दोषी ठहूसतान; इदुरसाटी कि आव परमेश्वर उन ऊंद ठैसा पार उन हेसुर मा वशिवास माळीदलि. 19 अदकि दण्ड इन आग्या अन्द कारण ईद आद कि ज्योती दुनयिा दा बंदाद, अदकि मंळसागोळ अंधार इक ज्योती से यक्कुल प्रथि समसदुर यतकी आंदुर क्याल्सा बुरा ईरव. 20 यतकी जो यावारा बुराई माळतान, आव ज्योती से दुश्मनी ईटतान, अदकि ज्योती इन हात्ती बरालुन, हगि आगवाळुल कि आऊन क्याल्सागोळ मा दोष हचकु आगुल. 21 लेकीन आव जो सचचाई मा नळुतान, अदकि ज्योती इन हात्ती बरतान, यदुर देल ईद प्रगट आगेगुल कि आऊन क्याल्सा परमेश्वर उन दी टु माळकु आग्याव.”

यीशु अदकि यूहन्ना

22 इदुर बाददा यीशु अदकि आऊन चेलागोळ यहूदयिा द्याश दा बंदुर; अदकि यीशु अल आंदुर सांगुळ ईतकु बपतसिमा कोळली कुरतुन. 23 यूहन्ना भी शालेम नगर इन हात्ती ऐनोन दा बपतसिमा कोळतोगोन, यतकी अल हापाळ नीर ईरोद, अदकि लॉकुर बंदकु बपतसिमा ताकोम तोगोर. 24 यूहन्ना आ समय ताका बंदीगृह दा हाक्कु आगली ईरोन.

25 अल यूहन्ना अन्द चेलागोळद यावारा यहूदी इन सांगुळ शुद्धीकरण इन बारा दा वाद-ववाद आत. 26 अदकि आंदुर यूहन्ना अन्द हात्ती बंदकु आऊन से अंदुर, “हे गुरु, जो मंळसा यरदन इन आप्पाटी नीन सांगुळ ईरोन, अदकि यार्द नी गवाही कोट्या; नोळ, आव बपतसिमा कोळतान, अदकि सप्पा मुंदुर आऊन हात्ती बरतार.”

27 यूहन्ना उत्तर कोट्टुन, “यागासताका मंळसा अक स्वर्ग इन दी टु कोटकु आगाल, आगासताका आव येनु हासलि माळ सकालुन. 28 नीव रा खुद अच नान गवाह हुईर कि ना अंदीन, ‘ना मसीह आलच, लेकीन आऊन मुंद कळुकु आगीन.’ 29 यार्द मंळगीत आर, आवा मंळगार हुन; लेकीन मंळगार उन संगी जो नदिरकु आऊन केळतान, मंळगार उन शब्द केळकु हापाळ खुश आगतान: ईग नान ईद खुशी पुरा आग्याद. 30 जरूरी आद कि आव धोड्डेव आगुल अदकि ना स्याणेव.

स्वर्ग टु बरावाळा आव याव हुन

31 “जो म्याकुच टु बरतान आव सब से वळ्लेव आन; जो पृथ्वी टु बरतान आव पृथ्वी नव हुन, अदकि पृथ्वी इन मातगोळी हेळतान: जो स्वर्ग टु बरतान, आव सप्पा मुंदुर म्याकुच आन. 32 जो येनारा आव नोळ्यान अदकि केळ्यान, अदुरदा गवाही कोळतान; अदकि याऊ आऊन गवाही ग्रहण माळालुन. 33 याव आऊन गवाही ग्रहण माळ कोंडुन आव ई मात मा छाप हच बुट्टुन कि परमेश्वर खरा आन. 34 यतकी यारी परमेश्वर कळ्यान, आव परमेश्वर उन मातगोळ अनतान; यतकी आव आत्मा आळु आळुकु कोळालुन. 35 आप्प पार से प्यार ईटतान, अदकि आव सप्पा वस्तुगोळ आऊन कय दा ईट बुटान. 36 जो पार मा वश्वास माळतान, अनन्त जीवन आऊन हुन; लेकीन जो पार उन मातगोळी मानसालुन, आव जीवन इक नोळतीदलि, लेकीन परमेश्वर उन सट्टि आऊन मा ईरतद.”

## 4

यीशु अदकि सामरी आर्त

1 फरीसीगोळ केळ्यार कि यीशु बपतस्मा माळावाळा यूहन्ना से यक्कुल चेलागोळी बपतस्मा कोळतान. 2 यीशु खुद यागलु ईला उलटा आऊन चेलागोळ बपतस्मा कोळतोगोर. 3 याग यीशु अक पता नळुत कि फरीसीगोळ हगि मातगोळी माळतार रा आव यहूदिया बटिकु गलील इक ओळेदुन, 4 अदकि आऊक सामरीया टु आगकु होगोद जरूरी ईरोद. 5 इदुरसाटी आव सूखार हेसुर इन सामरीया अन्द ऊंद नगर ताका बंदुन, जो आ भूमी इन हात्ती आद यदरी याकूब तान पार यूसुफ उक कोटीदुन; 6 अदकि याकूब उन भाय भी अल्या ईरोद. इदुरसाटी यात्रा टु थक्स माळकु यीशु भाय इन हात्ती हगि अच कुरतोदुन. आ समय लगभग हागुल इनव हननेळ मुरददिव. 7 इदुर दा ऊंद सामरी जाती नोर आर्त नोर तुमली बंदुर. यीशु आकनि से अंदुन, “नानी नीर कुळस.” 8 यतकी आऊन चेलागोळ रा नगर दा भोजन कोम्मोर साटी होगीदुर. 9 आ सामरी जात इन आर्त आऊन से अंदुर, “नी यहूदी ईतकु ना सामरी जाती नोर आर्त इन से नीर येती बेळत्या?” यतकी यहूदी सामरी जात इन लांकुर सांगुळ यातोदु प्रकार इन व्यवहार ईटालुर. 10 यीशु उत्तर कोट्टुन, “अगर नी परमेश्वर उन वरदान इक जानसाईद, अदकि ईद भी जानसाईद कि आव याव हुन जो नीन से अनतान, ‘नानी नीर कुळस,’ रा नी आऊन से बेळाईद, अदकि आव नीनी जीवन इन नीर कोळायदुन.” 11 आर्त आऊन से अंदुर, “हे प्रभु, नीन हात्ती नीर तुमली रा बाल्टी भी हैलेच, अदकि भाय खोल आद; रा बाक अद जीवन इन नीर नीन हात्ती यल टु बत्त? 12 येन नी नाम आप्प याकूब से धोड्डेव आय, याव नामी ईद भाय कोट्टुन; अदकि खुद अच तान औलाद, अदकि तान जनावरगोळ सांगुळ इदुर दा टु नीर कुळदुन?” 13 यीशु आक इक उत्तर कोट्टुन, “जो यावारा ईद नीर कुळदान आव मात्त प्यासा ईततान, 14 लेकीन जो यावारा आ नीर इक कुळदान जो ना आऊक कोळाईन, आव बाक अनन्त काल ताका प्यासा आगतीदलि; लेकीन जो नीर ना आऊक कोळाईन, अद आऊन दा ऊंद

झरना बनसेदति जो अनन्त जीवन इन साटी उमळुसतेला ईत्तीत.” 15 आर्त आऊन से अंदुर, “हे प्रभु, अद नीर नानी कोळ ताकी ना प्यासा आगबाळुल अदकि ना नीर तुमली ईट दुर बराईन.” 16 यीशु आकनि से अंदुन, “होग, तान गांडड उक ईल कारूकु तर.” 17 आर्त उत्तर कोट्टुर, “ना बनि गांडड उन आईन.” यीशु आकनि से अंदुन, “नी ठीक अनत्या, ‘ना बनि गांडड उन आईन.’” 18 यतकी नी अईद गांडुरी माळ कोंड्या, अदकि यार हात्ती नी ईग आय आव भी नीन गांडड आल्लच. ईद नी सही अच अनत्या.” 19 आर्त आऊन से अंदुर, “हे प्रभु, नानी हततद कि नी भवषियवक्ता हुय. 20 नाम आप्प दादागोळ ईदा पहाळी मा आराधना माळदुर, अदकि नीव अनतीर कि अद जागा यल आराधना माळ पायजे यरूशलेम दा आद.” 21 यीशु आकनि से अंदुन, “हे आर्त, नान मात इन वशिवास माळ कि अद समय बरतद कि नीव ना रा ईद पहाळी मा आप्प उन आराधना माळीर, ना यरूशलेम दा. 22 नीव यारी जान्सालीर, आऊन आराधना माळतीर; अदकि नाव यारी जान्सतेव आऊन आराधना माळतेव; यतकी उद्धार यहूदीगोळ दा टु आद. 23 लेकीन अद समय बरतद, लेकीन ईग भी आद, यारदा खरा भक्त आप्प उन आराधना आत्मा अदकि सच्चाई देल माळेव, यतकी आप्प तान साटी हगि अच आराधकगोळी दुंदुसतान. 24 परमेश्वर आत्मा आन, अदकि जरूरी आद कि आऊन आराधना माळावाळेर आत्मा अदकि सच्चाई देल आराधना माळुल.” 25 आर्त आऊन से अंदुर, “ना जान्सतीन कि मसीह जो खरसित कहलुस्तान, बरावाळा आन; याग आव बंदान, रा नामी सप्पा मातगोळी हेळ बुट्टान.” 26 यीशु आकनि से अंदुन, “ना जो नीन से अनेतीन, आवा हुईन.”

27 इदुर दा यीशु उन चेलागोळ होट्ट बंदुर, अदकि अचम्भा माळली कुरतुर कि आव आर्त से मातगोळी हेळेत्यान; तरी याऊ केळीदील, “नी येन चाहासत्या?” या “यदुर साटी आकनि से मातगोळी हेळेत्या?” 28 आग आर्त तान घागरी बटिकु नगर दा वोळेदुर, अदकि लॉकुर से अनली कुरतुर, 29 “बरी, ऊंद मंळसा अक नोळी, याव सप्पा येनारा जो ना माळीन नानी हेळ बुट्टन. येनारा ईवा रा मसीह आल्लच?” 30 इदुरसाटी लॉकुर नगर टु होट्टु आऊन हात्ती बरली कुरतुर. 31 ईदुर बीच दा आऊन चेलागोळ यीशु से ईद वनिती माळदुर, “हे गुरु, येनारा तनि कोम.” 32 लेकीन आव आंदुर से अंदुन, “नान हात्ती तनोर साटी हगि भोजन आद यदरी नीव जान्सालीर.” 33 आग चेलागोळ आपस दा अंदुर, “येन यावारा आऊन साटी येनारा तनिली तंदान?” 34 यीशु आंदुर से अंदुन, “नान भोजन ईद आद कि तान कळावाळा अनूद इच्छा अन अनुसार नळाईन अदकि आऊन क्याल्सा पुरा माळाईन. 35 येन नीव अनालीर, ‘कटनी आगदुर दा ईग भी नाक तगिळ बाकी आव?’ नोळी, ना नीम से अनतीन, तान कण्णगोळी नेगुकु केयगोळ मा नजर हाक्की कि अव कटाई इन साटी फसल पकसेग्याद. 36 फसल कडावाळा अक मजदूरी सकितद अदकि अनन्त जीवन इन साटी काय जमा माळतान, ताकी हचावाळा अदकि कडावाळा येदुदु मुंदुर मलिसकु आनन्द माळुल. 37 यतकी ईल ईद कहावत सही कुरतद: ‘फसल हचावाळा दुसरा आन अदकि कडावाळा दुसरा.’ 38 ना नीमी अद केई कडोर साटी



कळुदीन यदुरदा नीव मेहनत माळीदील: दुसरागोळ मेहनत माळदुर अदकि नीव आंदुरद मेहनत इन फल दा हसिसेदार आदीर.”

39 आ नगर इन हापाळ सा सामरी लॉकुर आ आरत इन अंदुर देल यीशु मा वशिवास माळदुर; यतकी आक ईद गवाही कोटीदुर: आव सप्पा येनारा जो ना माळदीन, नानी हेळ बुटुन. 40 इदुरसाटी याग ई सामरी लॉकुर आऊन हात्ती बंदुर, रा आऊन से वनिती माळली कुरतुर कानाम ईल ईर. इदुरसाटी आव अल येदद दनि ताका ईत्तुन. 41 आऊन वचन इन कारण अदकि भी हापाळ सा लॉकुर वशिवास माळदुर 42 अदकि आ आरत से अंदुर, “ईंग नाव नीन अंदुर देल अच वशिवास माळालेव; यतकी नाव खुद अच केळ कोंडेव, अदकि जान्सतेव क ईवा सही दा दुनया अन उद्धारकर्ता हुन.”

यीशु अधकारी अन पार उक चंगा माळदुन

43 बाक आ येदद दनिगोळ बाददा यीशु अल टु होटकु गलील इक होदुन, 44 यतकी यीशु खुद अच गवाही कोट्टुन क भवषियवक्ता अन्द तान द्याश दा आदर आगाल्द. 45 याग आव गलील दा बंदुन, रा गलीली लॉकुर खुशी देल आऊन सांगुळ मलिसदुर; यतकी यास क्याल्सा आव यरूशलेम दा हाब्व इन समय माळीदुन, आंदुर आ सप्पा अक नोळीदुर, यतकी आंदुर भी हाब्व दा होगीदुर.

46 आग यीशु बाक गलील इन काना नगर दा बंदुन, यल आव नीर इक अंगुर इन राससा माळीदुन. अल राजा अन ऊंद कर्मचारी ईरोन यार पार कफरनहूम नगर दा बमिर ईरोन. 47 आव ईद केळकु क यीशु यहूदया टु गलील दा होट बंदान, आऊन हात्ती होदुन अदकि आऊन से ईद वनिती माळली कुरतुन कानळुकु नान पार उक चंगा माळुल: यतकी आव सोत्तुर मा ईरोन. 48 यीशु आऊन से अंदुन, “यागासताका नीव चमत्कार अदकि अदभुत क्याल्सा नोळालीर आगासताका यागलु वशिवास माळतीदील.” 49 राजा अन कर्मचारी आऊन से अंदुन, “हे प्रभु, नान पार उन सायोर से पयले नळ.” 50 यीशु आऊन से अंदुन, “होग, नीन पार जतिता आन.” आ मळसा यीशु उन अंद मात इन भरोसा माळदुन अदकि ओळेदुन. 51 आव हादी मा का ईरोन क आऊन दास आऊन से बंदकु सकिदुर अदकि अनली कुरतुर, “नीन पार जतिता आन.” 52 आव आंदुर से केळदुन, “याता घळी आव वळ्लेव आगली कुरतुन?” आंदुर आऊन से अंदुर, “नाळ सातवा तास दा आऊन मय ईळदव.” 53 आग आप्प जान्स कोंडुन क ईद अदा घळी आत याता घळी यीशु आऊन से अंदुन, “नीन पार जतिता आन,” अदकि आव अदकि आऊन सप्पा परिवार वशिवास माळदुर. 54 ईद दुसरा आश्चर्यकर्म ईरोद जो यीशु यहूदया टु गलील दा बंदकु तोरसदुन.

## 5

अळतीस वर्ष इन रोगी अक चंगा माळोद

1 ई मातगोळ बाददा यहूदीगोळ्द ऊंद हाब्व आत, अदकि यीशु यरूशलेम इक होदुन. 2 यरूशलेम दा भेट-फाटक इन हात्ती ऊंद कुण्ड आद जो इब्रानी

भाषा बैतसैदा कहलुसतद; अदुर अईद छपर्या आव. <sup>3</sup> इऊर दा हापाळ सा बमिर, कुढ्ढ, लंगळा अदकि लकवा अन रोगी लाँकुर बदिकु ईरतोगोर. <sup>4</sup> यतकी नविळुसद समय मा परमेश्वर उन स्वरगादूत कुण्ड दा ईळुकु नीर इक हालुसतोगोर. नीर हालुसतेला अच जो यावारा पयले ईळुतोगोन आव चंगा आगेग तोगोन बाक आऊक यातोदारा बमिरी येती आगबाळुल. <sup>5</sup> अल ऊंद मंळसा ईरोन, जो अळतीस वर्ष टु बमिरी देल बदिकु ईरोन. <sup>6</sup> यीशु आऊक बदिकु नोळुकु अदकि ईद जान्सकु की आव हापाळ दनि टु ई दशा दा बदिकु आन, आऊन से केळदुन, “येन नी चंगा आगेद चाहासत्या?” <sup>7</sup> आ बमिर मंळसा आऊक उत्तर कोट्टुन, “हे प्रभु, नान हात्ती याऊ मंळसा हैलेच की जो नीर हालुसकु आगुल, रा नानी कुण्ड दा ईळस्यान; लेकीन नान पोहचुस ताका यावारा दुसरा नान से पयले ईळदोगतान.” <sup>8</sup> यीशु आऊन से अंदुन, “येळ, तान व्हर्स नेगु, नळु अदकि वयाळ.” <sup>9</sup> आव मंळसा तुरन्त चंगा आगेदुन, अदकि तान व्हर्स नेगुकु नळुली कुरतुन.

<sup>10</sup> अद आराम इन दनि ईरोद. इदुरसाटी यहूदी आऊन से जो चंगा आगीदुन, अनली कुरतुर, “ईद रा आराम इन दनि आद, नीनी व्हर्स नेगेद उचित हैलेच.” <sup>11</sup> आव आंदरी उत्तर कोट्टुन, “याव नानी चंगा माळदुन, आवा नान से अंदुन, ‘तान व्हर्स नेगु, नळु अदकि वयाळ.’ ” <sup>12</sup> आंदुर आऊन से केळदुर, “आव याव मंळसा हुन याव नीन से अंदुन, ‘व्हर्स नेगु, नळु अदकि वयाळ.’ ” <sup>13</sup> लेकीन जो चंगा आगेगदिन आव ईला जानसोन की आव याव हुन, यतकी आ जागा दा भीळ इन कारण यीशु अल टु हटसेगदिन. <sup>14</sup> ई मातगोळ बाददा आव यीशु अक मंदिर दा सकिदुन. यीशु आऊन से अंदुन, “नोळ, नी चंगा आगेग्या: मात्त पाप माळबाळेत, हगि आगबाळुल की इदुर देल यातोदारा भारी परेशानी नीन मा बंदकु बळुल.” <sup>15</sup> आ मंळसा होगकु यहूदी लाँकुर से अंद बुटुन की याव नानी चंगा माळदुन आव यीशु हुन. <sup>16</sup> ईद कारण यहूदी यीशु अक सतुसली कुरतुर, यतकी आव ईत्ता क्याल्सा आराम इन दशिी माळतोगोन. <sup>17</sup> इदुर मा यीशु आंदुर से अंदुन, “नान आप्प ईगासताका क्याल्सा माळतान, अदकि ना भी क्याल्सा माळतीन.” <sup>18</sup> ईद कारण यहूदी अदकि भी यक्कुल आऊक कोंद बुळोद कोशशि माळली कुरतुर, यतकी आव ना सर्फि आराम इन दनि इन वधिी अक मुरोन, लेकीन परमेश्वर उक तान आप्प अंदकु तान तान इक परमेश्वर उन घाई भी ठहरूसतोगोन.

### पार उन अधकार

<sup>19</sup> इदुर मा यीशु आंदुर से अंदुन, “ना नीम से खरा खरा अनतीन, पार खुद देल येनु माळ सकालुन, सर्फि आव जो आप्प उक माळ्त नोळतान; यतकी याता याता क्याल्सागोळी आव माळतान अवरी पार भी अदा रीर्ति देल माळतान. <sup>20</sup> यतकी आप्प पार उन से प्यार ईटतान अदकि जो जो क्याल्सा आव खुद माळतान, आव सप्पा आऊक तोरसतान; अदकि आव इऊर से भी धोड्डेव क्याल्सा आऊक तोरसतान, ताकी नीव अचम्भा माळीर. <sup>21</sup> ह्यांग आप्प सोत्तुरी नेगुतान अदकि जत्तिता माळतान, हांग अच पार भी यारी चाहासतान आंदरी जत्तिता माळतान. <sup>22</sup> आप्प यारदु न्याय माळालुन, लेकीन न्याय

माळोद सप्पा क्याल्सा पार उक कोट्ट बुटुन, <sup>23</sup> क्क सप्पा लॉकुर ह्यांग आप्प उन आदर माळतार हांग अच पार उन भी आदर माळुल. जो पार आदर माळालुन, आव आप्प उन यारी आव कळ्यान, आदर माळालुन. <sup>24</sup> ना नीम से खरा खरा अनतीन, जो नान वचन केळकु नान कळावाळा मा वशिवास माळतान, अनन्त जीवन आऊंद हुन; अदकि आऊन मा दण्ड इन आग्या आगाल्द लेकीन आव मृत्यु टु आप्पाटी आगकु जीवन दा प्रवेश माळ कोंडान.

<sup>25</sup> "ना नीम से खरा खरा अनतीन अद समय बरतद, अदकि ईग आद, यारदा सायावाळेर परमेश्वर उन पार उन आवाज केळ्यार, अदकि जो केळ्यार आंदुर जत्तिता ईत्तार. <sup>26</sup> यतकी याता रीतदिेल आप्प तान तान दा जीवन ईटतान, अदा रीतदिेल आव पार उक भी ईद अधिकार कोटान क्क तान तान दा जीवन ईटुल; <sup>27</sup> लेकीन आऊक न्याय माळोद भी अधिकार कोटान, इदुरसाटी क्क आव मंळसा अन पार हुन. <sup>28</sup> इदुर देल अचम्भा माळबाळी; यतकी अद समय बरतद क्क यास कब्रगोळ दा आर आंदुर आऊन आवाज केळकु व्हार्या होटकु बंदार. <sup>29</sup> यार वळ्लीद माळ्यार आंदुर जीवन इन पुनरूत्थान इन साटी जत्तिता आदार अदकि यार बुराई माळ्यार आंदुर दण्ड इन पुनरूत्थान इन साटी जत्तिता आदार.

यीशु अन बारा दा गवाही

<sup>30</sup> "ना तान तान देल येनु माळ सकालीन; ह्यांग केळतीन, हांगा न्याय माळतीन; अदकि नान न्याय खरा आद, यतकी ना तान इच्छा देल ईला लेकीन तान कळावाळा अन्द इच्छा चाहासतीन. <sup>31</sup> अगर ना खुद अच तान गवाही कोळाईन, रा नान गवाही खरा हैलेच. <sup>32</sup> दुसरा अदकि आन जो नान गवाही कोळतान, अदकि ना जान्सतीन क्क नान जो गवाही आव कोळतान, अद खरा आद. <sup>33</sup> नीव यूहन्ना से केळसुसदीर अदकि आव सच्चाई इन गवाही कोट्टुन. <sup>34</sup> लेकीन ना तान बारा दा मंळसा अन गवाही चाहासालीन; तरी ना ई मातगोळी इदुरसाटी अनतीन क्क नीमी उद्धार सक्कुल. <sup>35</sup> आव रा होतततेला अदकि चमकुसतेला दग्या ईरोन, अदकि नीमी येनारा समय ताका आऊन ज्योर्ता दा मग्न आगोद वळ्लीद हत. <sup>36</sup> लेकीन नान हात्ती जो गवाही आद अद यूहन्ना अन गवाही देल धोळद आद; यतकी जो क्याल्सा आप्प नानी पुरा माळोर साटी कोटान मतलब ईदा क्याल्सा जो ना माळतीन, अव नान गवाह आव क्क आप्प नानी कळ्यान. <sup>37</sup> अदकि आप्प याव नानी कळ्यान, आवा नान गवाही कोटान. नीव ना यागल्यारा आऊंद आवाज केळदीर, अदकि ना आऊंद रूप नोळदीर; <sup>38</sup> अदकि आऊन वचन इक मन दा जमा ईटालीर, यतकी आव यारी कळ्यान नीव आऊंद वशिवास माळालीर. <sup>39</sup> नीव पवत्रिशास्त्र दा हुंदसतीर, यतकी समसतीर क्क अदुरदा अनन्त जीवन नीमी सकितद; अदकि ईव आवा हुन जो नान गवाही कोळतान; <sup>40</sup> तरी भी नीव जीवन साटी नान हात्ती बरोद चाहासालीर. <sup>41</sup> ना मंळसागोळ से आदर चाहासालीन. <sup>42</sup> लेकीन ना नीमी जान्सतीन क्क नीम दा परमेश्वर उन प्यार हैलेच. <sup>43</sup> ना तान आप्प उन हेसुर देल बंदीन, अदकि नीव नानी ग्रहण माळालीर; अगर दुसरा यावारा तांद अच हेसुर देल बंदान, रा आऊक ग्रहण माळ कोंडीर. <sup>44</sup> नीव जो आबुर दाबुर से

आदर चाहासतीर अदकि अद आदर जो ऊंद मातर परमेश्वर उन दी टु आद, चाहासालीर, याता प्रकार वशिवास माळ सकतीर? 45 ईद सम्सबाळी कनि आप्प उन मुंद नीम मा दोष हचाईन; नीम मा दोष हचावाळा रा मूसा हुन, यार मा नीव भरोसा ईटीर. 46 यतकी अगर नीव मूसा अन वशिवास माळायदीर, रा नान भी वशिवास माळायदीर, इदुरसाटी कनि आव नान बारा दा लखिस्यान. 47 लेकीन अगर नीव आऊन लखिसद मातगोळ मा वशिवास माळालीर, रा नान मातगोळ मा ह्यांग वशिवास माळीर?"

## 6

अईद हजार मळसागोळी तनिसोद

(मत्ती १४:१३-२१; मरकुस ६:३०-४४; लूका ९:१०-१७)

1 ई मातगोळ्द बाद्दा यीशु गलील इन झील\* मतलब तबिरियास इन झील इन आप्पाटी होदुन. 2 अदकि ऊंद धोळ्द भीळ आऊन हदि आगेत यतकी जो आश्चर्यकर्म आव बमिरगोळ मा तोरसतोगोन आंदुर अवरी नोळतोगोर. 3 आग यीशु पहाळी मा येरकु तान चेलागोळ सांगुळ अल कुरतोदुन. 4 यहूदीगोळ्द फसह अन हाबब हात्ती ईरोद. 5 याग यीशु तान कण्णगोळी नेगुकु ऊंद धोळ्द भीळ इक तान हात्ती बरत नोळदुन, रा फलिपिपुस से अंदुन, “नाव इंदुर भोजन इन साटी यल टु रोटी कोंडकु तंदेव?” 6 आव ईद मात आऊक परखुसोर साटी अंदुन, यतकी आव खुद जानसोन कनि आव येन माळयान. 7 फलिपिपुस आऊक उत्तर कोट्टुन, “येदूढ सौ दीनार इन रोटी भी आंदुर साटी पुरा आगतीदील कनि आंदुर दा टु हर ऊंद इक थ्वाळा-थ्वाळा सकिकेगुल.” 8 आऊन चेलागोळ दा टु शमौन पतरस उन वार्ट अन्द्रियास आऊन से अंदुन, 9 “ईल ऊंद पार आन यार हात्ती जवारी इन अईद रोटी अदकि येदूढ मेनगोळ आव; लेकीन ईस लॉकुर साटी अव येन आव?” 10 यीशु अंदुन, “लॉकुरी कुरस बुळी.” आ जागा दा हापाळ काड्डा ईरोद: आग लॉकुर यारदा गंळसुरद संख्या लगभग अईद हजार इन ईरोद, कुरतोदुर. 11 आग यीशु रोटीगोळी हुळदुन, अदकि धन्यवाद माळकु कुरावाळेर इक वाट्स बुटुन; अदकि हांग अच मेनगोळ दा टु यास आंदुर चाहासोर वाट्स बुटुन. 12 याग आंदुर तनिकु संतुष्ट आगेदुर रा आव तान चेलागोळ से अंदुन, “मकिकु तुकळागोळी जमा माळबुळी कनि येनु भटिकु आगबाळुल.” 13 इदुरसाटी आंदुर जमा माळदुर, अदकि जवारी इन अईद रोटीगोळ तुकळागोळ से जो तनिवाळेर ऊळोर, हन्नेळ फुट्टी तुमदव. 14 आग जो आश्चर्यकर्म आव माळकु तोरसदुन अदरी आ लॉकुर नोळकु अनली कुरतुर, “आव भवषियवक्ता जो दुनया दा बरावाळा ईरोन नशिचय ईवा हुन.” 15 यीशु ईद जान्सकु कनि आंदुर नानी राजा माळोर साटी हुडोद चाहासतार, बाक पहाळी मा आबना ओळ्दुन.

यीशु उन नीर मा नळोद

(मत्ती १४:२२-३३; मरकुस ६:४५-५२)

\* 6:1 ६:१ झील इन मतलब धोळ क्याररा हुन

16 याग द्याव मुळकत, रा यीशु उन चेलागोळ झील इन कनिरा मा होदुर, 17 अदकि ड्वांगा मा येरकु झील इन आप्पाटी कफरनहूम इक होगली कुरतुर. आ समय अंधार आगेगीत, अदकि यीशु इंगासताका आंदुर हात्ती ईला बंदीदुन. 18 आंधी अन कारण झील दा लयरगोळ येळली कुरतव. 19 याग आंदुर केई केई अईद-आर कोस इन लगभग होटोदुर, रा आंदुर यीशु उक झील मा नळुत अदकि ड्वांगा अन हात्ती बरत नोळदुर, अदकि अंजेदुर. 20 लेकीन आव आंदुर से अंदुन, “ना हुईन; अंजबाळी.” 21 इदुरसाटी आंदुर आऊक ड्वांगा मा येरसोर साटी तयार आदुर अदकि तुरन्त अद ड्वांगा आ जागा मा पोहचुसेत यल आंदुर होगोर.

लॉकुरद यीशु उक हुंढसोद

22 दुसरा दशी आ भीळ, जो झील इन आप्पाटी नदिरकु ईरोद, ईद नोळदुर कि ईल ऊंद इक बटिकु अदकि यातोदु ड्वांगा ईला ईरोद; अदकि यीशु तान चेलागोळ सांगुळ आ ड्वांगा मा ईला येरीदुन, लेकीन सर्रिफ आऊन चेलागोळ अच होगीदुर. 23 आग हापाळ ड्वांगागोळ तबिरियीस टु आ जागा अन हात्ती बंदव, यल आंदुर प्रभु उक धन्यवाद माळदुर बाद्दा रोट्टी तर्दीदुर. 24 इदुरसाटी याग भीळ नोळत कि ईल ना यीशु आन अदकि ना आऊन चेलागोळ, रा आंदुर भी ड्वांगागोळ मा येरकु यीशु उक हुंढसतेला कफरनहूम पोहचुसदुर.

यीशु जीवन इन रोट्टी

25 झील इन आप्पाटी याग लॉकुरद भीळ यीशु से सकिदुर रा अंदुर, “हे गुरु, नी ईल याग बंद?” 26 यीशु आंदरी उत्तर कोट्टुन, “ना नीम से खरा खरा अनतीन, नीव नानी इदुरसाटी हुंढसालीर कि नीव आश्चर्यकरम नोळदीर, लेकीन इदुरसाटी कि नीव रोट्टीगोळी तनिकु संतुष्ट आदीर. 27 नाशवान भोजन इन साटी मेहनत माळबाळी, लेकीन आ भोजन इन साटी जो अनन्त जीवन ताका ठहरूसतद, यारी मंळसा अन पार नीमी कोट्टान; यतकी आप्प मतलब परमेश्वर अदुर मा छाप हच्यान.” 28 आंदुर आऊन से अंदुर, “परमेश्वर उन क्यालसा माळोर साटी नाव येन माळेव?” 29 यीशु आंदरी उत्तर कोट्टुन, “परमेश्वर उन क्यालसा ईद आद कि नीव आऊन मा वशिवास माळी, यारी आव कळ्यान.” 30 आग आंदुर आऊन से अंदुर, “बाक नी यातोद चमत्कार तोरसत्या कि नाव अदरी नोळकु नीन वशिवास माळेव? नी यातोद क्यालसा तोरसत्या?” 31 नाम आप्प दादागोळ आळी दा मन्ना तदिर; ह्यांग लखिसकु आद, “आव आंदरी तनोर साटी स्वर्ग टु रोट्टी कोट्टुन.” 32 यीशु आंदुर से अंदुन, “ना नीम से खरा खरा अनतीन कि मूसा नीमी अद रोट्टी स्वर्ग टु कोटीदील, लेकीन नान आप्प नीमी खरा रोट्टी स्वर्ग टु कोळतान. 33 यतकी परमेश्वर उन रोट्टी अदा हुन जो स्वर्ग टु ईळुकु दुनया अक जीवन कोळतद.” 34 आग आंदुर आऊन से अंदुर, “हे प्रभु, ईद रोट्टी नामी हमेशा कोळतेला ईर.”

35 यीशु आंदुर से अंदुन, “जीवन इन रोट्टी ना हुईन: जो नान हात्ती बरतान आव यागलु उपासा ईरतीदील, अदकि जो नान मा वशिवास माळतान आव यागलु प्यासा ईरतीदील. 36 लेकीन ना नीम से अंददिन कि नीव नानी नोळ भी

कोंडीर तरी वशिवास माळालीर. 37 जो येनारा आप्प नानी कोळतान अद सप्पा नान हात्ती बंदीत, अदकि जो यावारा नान हात्ती बंदान आऊक ना यागलु तेगुतदिल. 38 यतकी ना तान इच्छा ईला लेकीन तान कळावाळा अनद इच्छा पुरा माळोर साटी स्वर्ग टु ईळदीन; 39 अदकि नान कळावाळा अन इच्छा ईद आद कि जो येनारा आव नानी कोटान, अदुर दा टु ना येनारा खोऊसालीन, लेकीन आऊक आखरी दशी बाक जतिता माळाईन. 40 यतकी नान आप्प उन इच्छा ईद आद कि जो यावारा पार उक नोळुल अदकि आऊन मा वशिवास माळुल, आऊक अनन्त जीवन सकिकीत; अदकि ना आऊक आखरी दशी बाक जतिता माळाईन.” 41 “इदुरसाटी यहूदी लॉकुर आऊन मा कुळकुळसली हतदुर, यतकी आव अंददिन, जो रोटी स्वर्ग टु ईळुत, अद ना हुईन.” 42 अदकि आंदुर अंदुर, “येन ईव यूसुफ उन पार यीशु आल्लच, यार मोय-आप्प उक नाव अरूतव? रा आव ह्यांग अनतान कि ना स्वर्ग टु ईळदीन?” 43 यीशु आंदरी उत्तर कोट्टुन, आपस दा कुळकुळसबाळी. 44 याऊ नान हात्ती बर सकालुन यागासताका आप्प, याव नानी कळ्यान, आऊक जेडु कोमालुन; अदकि ना आऊक आखरी दशी बाक जतिता माळाईन. 45 भवषियवक्तागोळद लेखगोळ दा ईद लखिसकु आद: “आंदुर सप्पा परमेश्वर उन दी टु कलसकु ईत्तार.” जो यावारा आप्प से केळ्यान अदकि कलतान, आव नान हात्ती बरतान. 46 ईद ईला कि यावारा आप्प उक नोळ्यान; लेकीन जो परमेश्वर उन दी टु आन, सर्फि आवा आप्प उक नोळ्यान. 47 “ना नीम से खरा खरा अनतीन कि जो यावारा वशिवास माळतान, अनन्त जीवन आऊंदा हुन. 48 जीवन इन रोटी ना हुईन. 49 नीम आप्प दादागोळ आळी दा मनना तदिर लेकीन आंदुर सोतोदुर. 50 लेकीन ईद अद रोटी हुन जो स्वर्ग टु ईळुतद ताकी मळसा अदरी तनिल अदकि सायबाळुल. 51 जीवन इन रोटी जो स्वर्ग टु ईळुत, ना हुईन. अगर यावारा ईद रोटी दा टु तदान, रा सदा जतिता ईत्तान; अदकि जो रोटी ना दुनिया अक जतिता ईरोरसाटी कोळाईन, अद नान मय हुन.”

52 इदुर मा यहूदी ईद अनकु आपस दा झगळा माळली कुरतुर, “ईव मळसा ह्यांग नामी तान मय तनिली कोळ सकतान?” 53 यीशु आंदुर से अंदुन, “ना नीम से खरा खरा अनतीन कि यागासताका नीव मळसा अन पार उन मय तनालीर, अदकि आऊन खुन कुडालीर, नीम दा जीवन हैलेच. 54 जो नान मास तनितान अदकि नान खुन कुडुतान, अनन्त जीवन आऊंदा आद; अदकि ना आऊक आखरी दशी बाक जतिता माळाईन. 55 यतकी नान मास सही दा तनिद चजि हुन, अदकि नान खुन सही दा कुडोद चजि हुन. 56 जो नान मास तनितान अदकि नान खुन कुडुतान आव नान दा संची बन्सकु ईरतान, अदकि ना आऊन दा. 57 ह्यांग जतिता आप्प नानी कळ्यान, अदकि ना आप्प उन कारण जतिता आईन, हांगा आव भी जो नानी तदान नान कारण जतिता ईत्तान. 58 जो रोटी स्वर्ग टु ईळुत अदा हुन, आ रोटी अन घाई यारी आप्प दादागोळ तदिर अदकि सोतोदुर; जो यावारा ईद रोटी तदान, आव सदा जतिता ईत्तान.” 59 ई मातगोळी आव कफरनहूम इन ऊंद यहूदी लॉकुरद सभागृह दा उपदेश कोळाहोती अंदुन.

### अनन्त जीवन इन वचन

60 यीशु उन चेलागोळ दा टु हापाळ मुंदुर ईद केळकु अंदुर, “ईद कठोर मात आद; इदरी याव केळ सकतान?” 61 यीशु तान मन दा ईद जान्सकु कर्नि नान चेलागोळ आपस दा ईद मात मा कुळकुळुसतार, आंदुर से केळदुन, “येन ईद मात देल नीमी ठोकर हततद? 62 अगर नीव मंळसा अन पार उक येल आव पयले ईरोन, अल म्याकुच होगूत नोळीर, रा येन आदीत? 63 आत्मा रा जीवनदायक आद, मय देल येनु लाभ हँलेच; जो मातगोळी ना नीम से अंदीन अव आत्मा हु, अदकि जीवन भी हुन. 64 लेकीन नीम दा टु येनारा हगि आर जो वश्वास माळालुर.” यतकी यीशु पयले टु अच जानसोन कर्नि जो वश्वास माळालुर, आंदुर यार उर; अदकि याव नानी हुळसुस्यान. 65 अदकि आव अंदुन, “इदुरदा साटी ना नीम से अंददीन कर्नयागासताका यारीकारा आप्प उन दी टु ईद वरदान कोटकु आगाल्द आगासताका आव नान हात्ती बर सकालुन.”

66 इदुर मा आऊन चेलागोळ दा टु हापाळ मुंदुर वापस आगोदुर अदकि अदुर बाददा आऊन सांगुळ होगीदील. 67 आग यीशु आ हन्नेळ चेलागोळी अंदुन, “येन नीव भी होगोद चाहासतीर?” 68 शमौन पतरस आऊक उत्तर कोट्टुन, “हे प्रभु, नाव यार हाती होदेव? अनन्त जीवन इन मातगोळ रा नीद अच हाती आव; 69 अदकि नाव वश्वास माळदेव अदकि जान्स कौडेव कर्नि परमेश्वर उन पवतिर जन नीना हुय.” 70 यीशु आंदरी उत्तर कोट्टुन, “येन ना नीव हन्नेळ मुंदरी नीवळुसीदील? तरी नीम दा टु ऊद मंळसा शैतान आन.” 71 ईद आव शमौन इसकरयोती इन पार यहूदा अन बारा दा अंददिन, यतकी आवा जो हन्नेळ चेलागोळ दा टु ऊद ईरोन, आऊक हुळसुसोद ईरोद.

## 7

### यीशु अदकि आऊन वार्दुर

1 ई मातगोळद बाददा यीशु गलील दा टेटाळतेला ईत्तुन; यतकी यहूदी लॉकर आऊक कौद बुळोद कोशशि माळोर, इदुरसाटी आव यहूदया दा टेटाळोद ईला चाहासोन. 2 यहूदीगोळद झोपळीगोळद हाबब\* हात्ती ईरोद. 3 इदुरसाटी आऊन वार्दुर आऊन से अंदुर, “ईल टु यहूदया अक होग, कर्नि जो क्याल्सा नी माळत्या अवरी नीन चेलागोळ अल भी नोळुल. 4 यतकी हगि याऊ ईला ईतीदान जो प्रसद्धि आगोद चाहासुल, अदकि होचकु क्याल्सा माळुल. अगर नी क्याल्सा माळत्या, रा तान तान इक दुनया मा प्रगट माळ.” 5 यतकी आऊन वार्दुर भी आऊन मा वश्वास ईला माळतोगोर. 6 आग यीशु आंदुर से अंदुन, “नान समय ईगासताका बंददील, लेकीन नीम साटी सप्पा समय आद. 7 दुनया नीम से दुश्मनी माळ सकाल, लेकीन अद नान से दुश्मनी माळतद यतकी ना अदुर वरिध दा ईद गवाही कोळतीन कर्नि अदुर क्याल्सा बुरा आद. 8 नीव हाबब दा होगी; ना ईगलया ईद हाबब दा होगालीन, यतकी ईगासताका नान समय पुरा आगीदील.” 9 आव आंदुर से ई मातगोळी अनकु गलील दा अच ईतोदुन.

\* 6:68 ६:६८ मत्ती १६:१६; मरकुस ८:२९; लूका ९:२०

\* 7:2 ७:२ हाबब इन मतलब तयौहार

झोपळीगोळ्द हाब्ब दा यीशु

10 लेकीन याग आऊन वारटुर हाब्ब दा वोळ्दुर रा आव खुद भी, प्रगट दा ईला लेकीन मान्सी गुप्त रूप देल होदुन. 11 यहूदी हाब्ब दा आऊक ईद अनकु दुंद्सली कुरतुर, “आव यल आन?” 12 अदकि लॉकुर दा आऊन बारा दा सुगा मुगा हापाळ सा मातगोळ आदव: यारारा अनतोगोर, “आव वळलेव मंळसा आन.” अदकि यारारा अनतोगोर, “ईला, आव लॉकुरी भरमुसतान.” 13 तरी यहूदीगोळ्द अंज्क इन कारण याऊ मंळसा आऊन बारा दा खुल्सकु ईला माताळोन.

14 याग हाब्ब इन आरधा दनि बतिसेदव; रा यीशु मंदरि दा होगकु उपदेश माळली कुरतुन. 15 आग यहूदीगोळ चकति आगकु अंदुर, “ईऊक बनि वाचुसुद अक्कल ह्यांग होटबत?” 16 यीशु आंदरी उत्तर कोट्टुन, “नान उपदेश नांद ईला, लेकीन नान कळावाळा अन हुन. 17 अगर यावारा आऊन इच्छा मा नळोद चाहासतान, रा आव ईद उपदेश इन बारा दा जान्स कौडान कि ईद परमेश्वर उन दी टु हुन या तान दी टु अनतीन. 18 जो तान दी टु येनारा अनतान, आव तांद अच बळाई चाहासतान; लेकीन जो तान कळावाळा अन बळाई चाहासतान आवा खरा आन, अदकि अदुर दा अनयाय ईला. 19 येन मूसा नीमी व्यवस्था कोटीदील? तरी नीम दा टु याऊ व्यवस्था मा नळालुन. नीव येती नानी कौद बुळोद चाहासतीर?” 20 लॉकुर उत्तर कोट्टुर, “नीन दा दुष्टआत्मा आद! याव नीनी कौद बुळोद चाहासतान?” 21 यीशु आंदरी उत्तर कोट्टुन, “ना ऊंद क्याल्सा माळदीन, अदकि नीव सप्पा आश्चर्य माळतीर. 22 ईदा कारण मूसा नीमी खतना अन आग्या कोटान ईद ईला कि अद मूसा अन दी टु आद लेकीन आप्प दादागोळ टु नळुत बंदाद, अदकि नीव आराम इन दनि मंळसा अन खतना माळतीर. 23 याग आराम इन दनि मंळसा अन खतना माळकु आगतद ताकी मूसा अन व्यवस्था अन आग्या टलुस बाळुल, रा नीव नान मा येती इदुरसाटी सट्टि माळतीर कि ना आराम इन दनि ऊंद मंळसा अक पुरा रीति देल चंगा माळदीन. 24 बाय नोळ्द न्याय माळबाळी, लेकीन ठीक ठीक न्याय माळी.”

येन यीशु अच मसीह हुन?

25 आग येनारा यरूशलेम इन लॉकुर अनली कुरतुर, “येन ईव आवा आल्लच यारी कौद बुळोद कोशशि माळकु आगेत्याद? 26 लेकीन नोळी, आव रा मसीहगोळ घाई खुल्लम खुल्ला मातगोळी माळतान अदकि याऊ सरदार आऊन से येनु अनालुर. 27 ईऊक रा नाव जान्सतेव कि ईव येलेव हुन; लेकीन मसीह याग बंदान रा याऊ जान्सतीदील कि आव येलेव हुन.” 28 आग यीशु मंदरि दा उपदेश कोळतेला कारूकु अंदुन, “नीव नानी जान्सतीर, अदकि ईद भी जान्सतीर कि ना येलेव हुईन. ना रा खुद देल बंददील, लेकीन नानी कळावाळा खरा आन, आऊक नीव जान्सालीर. 29 ना आऊक जान्सतीन यतकी ना आऊन दी टु आईन अदकि आवा नानी कळ्यान.” 30 इदुर मा आंदुर आऊक हुडोद चाहासदुर, तरी याऊ आऊन मा कय हाकदील यतकी आऊन सही समय ईगासताका बरली का ईरोद. 31 तरी भी भीळ दा टु हापाळ सा लॉकुर आऊन



मा वशिवास माळदुर, अदकि अनली कुरतुर, “मसीह याग बंदान रा येन इदुर से यक्कुल आश्चर्यकर्म तोरस्यान जो ईव तोरसदुन?”

यीशु उक हुडोद कोशशि

32 फरीसीगोळ लॉकुरी यीशु उन बारा दा ई मातगोळ सुंगा मुंगा अंत केळदुर; अदकि प्रधान याजकगोळ अदकि फरीसीगोळ आऊक हुडोर साटी सपिाही कळुदुर. 33 इदुर मा यीशु अंदुन, “ना थ्वाळासा समय ताका अदकि नीम सांगुळ आईन, आग तान कळावाळा अन हात्ती होटोगाईन. 34 नीव नानी दुंबसीर, लेकीन नीमी सकितीदील; अदकि येल ना आईन, अल नीव बर सकालीर.”

35 इदुर मा यहूदीगोळ आपस दा अंदुर, “ईव येल होदान कि नामी सकितीदील? येन ईव आंदुर हात्ती होदान जो ग्रीकगोळ दा ततिर-बतिर आगकु ईरतार, अदकि ग्रीकगोळी भी उपदेश कोट्टान? 36 ईद येन मात आद जो आव अंदुन, कि ‘नीव नानी दुंबसीर, लेकीन सकितीदील; अदकि येल ना आईन, अल नीव बर सकालीर.’ ”

जीवन नीर इन गांगा

37 हाबब इन आखरी दशिी, जो मुख्य दिन आद, यीशु नदिरदुन अदकि कारूकु अंदुन, “अगर यावारा प्यासा आन रा नान हात्ती बरूल अदकि कुडुल. 38 जो नान मा वशिवास माळ्यान, ह्यांग पवतिरशास्त्र दा बंदाद, ‘आऊन दलि दा टु जीवन इन नीर इन गांगा वाहुसकु होट्टीत.’ ” 39 आव ईद वचन पवतिर आत्मा अन बारा दा अंदुन, यारी आऊन मा वशिवास माळावाळेरी सकिकोद ईरोद; यतकी आत्मा ईगासताका ईला ईळदीत, यतकी यीशु ईगासताका तान महमिा अक ईला पोहचुसीदुन.

लॉकुर दा भेदभाव

40 आग भीळ दा टु यारारा यारारा ई मातगोळी केळकु अंदुर, “सही दा ईवा आव भवषियवक्ता हुन.” 41 दुसरागोळ अंदुर, “ईव मसीह हुन.” लेकीन येनारा लॉकुर अंदुर, “येती? येन मसीह गलील टु बंदान? 42 येन पवतिरशास्त्र दा ईद बंददिल कि मसीह दाऊद इन वंश टु अदकि बैतलहम ऊर टु बंदान, यल दाऊद ईरतान?” 43 इदुरसाटी आऊन कारण लॉकुर दा फूट बतित्त. 44 आंदुर दा टु यारारा आऊक हुडोद चाहासोर, लेकीन याऊ आऊन मा कय हाकीदील.

यहूदी अधिकारीगोळद अवशिवास

45 आग सपिाही प्रधान याजक अदकि फरीसीगोळ हात्ती वापस बंदुर; आंदुर सपिाहीगोळ से अंदुर, “नीव आऊक येती तंददिल?” 46 सपिाहीगोळ उत्तर कोट्टुर, “यावारा मंळसा यागलु हगि मातगोळी माळीदील.” 47 फरीसीगोळ आंदरी उत्तर कोट्टुर, “येन नीव भी भरमुसकु आगीर? 48 येन सरदारगोळ या फरीसीगोळ दा टु यारारा आऊन मा वशिवास माळ्यार? 49 लेकीन ई लॉकुर जो व्यवस्था जान्सालुर, शापति आर.” 50 \*नीकुदेमुस, जो पयले आऊन हात्ती बंदीदुन अदकि आंदुर दा टु ऊंद ईरोन, आंदुर से अंदुन, 51 “येन नाम व्यवस्था यावारा मंळसा अक, यागासताका पयले आऊंद केळकु जान्स कोमालुर कि आव

येन माळतान, दोषी ठहरूसतार?" 52 आंदुर आऊक उत्तर कोट्टुर, "येन नी भी गलील इन हुय? हुंढस अदकि नोळ कि गलील टु यावारा भवषियवक्ता प्रगट ईला आगोद." 53 आग सप्पा लॉकुर तान तान मान्नी वोळ्ळेदुर.

## 8

व्यभचारिणी इक माफ

1 लेकीन यीशु जैतून इन पहाळी मा होदुन. 2 व्हातर्या आव मात्त मंदरि दा बंदुन; सप्पा लॉकुर आऊन हात्ती बंदुर अदकि आव कुरतकु आंदरी उपदेश कोळली कुरतुन. 3 आग शास्त्री अदकि फरीसी ऊंद आर्त इक तंदुर जो व्यभचार दा हुळकु आगीदुर, अदकि आकी बीच दा नदिरूसकु यीशु से अंदुर, 4 "हे गुरु, ई आर्त व्यभचार माळ्त्त हुळकु आदुर. 5 व्यवस्था दा मूसा नामी आग्या कोटान कि हगि आर्तेर मा पथराव माळ्ळुल. इदुरसाटी नी ई आर्त इन बारा दा येन अनत्या?" 6 आंदुर आऊक परखुसोर साटी ईद मात अंदुर ताकी आऊन मा दोष हचोर साटी येनारा मात सक्कुल. लेकीन यीशु बांगकु बेळ्ळ देल जागा मा लखिसली कुरतुन. 7 याग आंदुर आऊन से केळतेला अच ईत्तुर, रा आव सधा नदिरकु आंदुर से अंदुन, "नीम दा जो नषिपाप आन, आवा पयले आकी कल्ल होळदान." 8 अदकि बाक बांगकु जागा मा बेळ्ळ देल लखिसली कुरतुन. 9 लेकीन आंदुर ईद केळकु धोड्डेर टु हुळकु स्याणेर ताका, ऊंद ऊंद माळकु होट्ट बुदुर, अदकि यीशु आबना ईतोदुन, अदकि आर्त अल्या बीच दा नदिरकु ईतोदुर. 10 यीशु सरका आगकु आकनि से अंदुन, "हे आर्त, आंदुर येल होदुर? येन यारारा दण्ड इन आग्या कोटीदील?" 11 आक अंदुर, "हे प्रभु, याऊ ईला." यीशु अंदुन "ना भी नीनी दण्ड इन आग्या कोळालीन; होग, अदकि बाक पाप माळवाळेत."

यीशु दुनयिा अन ज्योर्त्ति

12 \*यीशु बाक लॉकुर से अंदुन, "दुनयिा अन ज्योर्त्ति ना हुईन; जो नान हदि आगोदान आव अंधकार दा नळ्ळुतीदील; लेकीन जीवन इन ज्योर्त्ति सक्कीत." 13 \*फरीसीगोळ आऊन से अंदुर, "नी तान गवाही खुद अच कोळत्या, नीन गवाही सही हैलेच." 14 यीशु आंदरी उत्तर कोट्टुन, "भला ही ना तान गवाही खुद अच कोळतीन, तरी भी नान गवाही खरा आद, यतकी ना जान्सतीन कि ना यल टु बंदीन अदकि यल होगतीन? लेकीन नीव जान्सालीर कि ना यल टु बरतीन या यल होगतीन. 15 नीव मय इन अनुसार न्याय माळतीर; ना यारदु न्याय माळालीन. 16 अदकि अगर ना न्याय माळाईन भी, रा नान न्याय खरा आद; यतकी ना आबना हैलेच, लेकीन ना हुईन, अदकि आप्प आन याव नानी कळ्ळुदुन. 17 नीम व्यवस्था दा भी लखिसकु आद कियेढ्ढ मुंदुर गवाही मल्लिसकु सही आगतद; 18 ऊंद रा ना खुद तान गवाही कोळतीन, अदकि दुसरा आप्प नान गवाही कोळतान याव नानी कळ्यान." 19 आंदुर आऊन से अंदुर, "नीन आप्प यल आन?" यीशु उत्तर कोट्टुन, "ना नीव नानी जान्सतीर, ना नान आप्प उक, अगर नानी जानसायदीर रा नान आप्प उक भी जानसायदीर." 20 ई

मातगोळी आव मंदिर दा उपदेश कोळतेला भंडार मान्या अंदुन, अदकि याऊ आऊक हुळदीदलि, यतकी आऊन समय ईगासताका ईला बंदीत.

तान बारा दा यीशु उन कथन

21 यीशु बाक आंदुर से अंदुन, “ना होगतीन, अदकि नीव नानी ढुंढसीर अदकि तान पाप दा सोत्तीर; यल ना होगतीन, अल नीव बर सकालीर.” 22 इदुर मा यहूदीगोळ अंदुर, “येन आव तान तान इक कोंद बुटान, जो अनतान, ‘यल ना होगतीन अल नीव बर सकालीर.’ ” 23 आव आंदुर से अंदुन, “नीव ल्यालमा नोर हुईर, ना म्याकुच इनव हुईन; नीव दुनयिा नोर हुईर, ना दुनयिा इनव आल्लच. 24 इदुरसाटी ना नीम से अंदीन क्ति तान पापगोळ दा सोत्तीर, यतकी अगर नीव वशिवास माळतीदील क्ति ना आवा हुईन रा तान पापगोळ दा सोत्तीर.” 25 आंदुर आऊन से अंदुर, “नी याव ह्युय?” यीशु आंदुर से अंदुन, “आवा हुईन जो सूरवात टु नीम से अनतेला बंदीन. 26 नीम बारा दा नानी हापाळ येनारा अनोद अदकि नरिणय माळोद आद; लेकीन नान कळावाळा खरा आन, अदकि जो ना आऊन से केळदीन अदा दुनयिा अक अनतीन.” 27 आंदुर ईद समसीदील क्ति नाम से आप्प उन बारा दा अनतान. 28 आग यीशु अंदुन, “याग नीव मंळसा अन पार उक म्याकुच येरसीर, रा जानसीर क्ति ना आवा हुईन; ना तान तान से येनु माळालीन लेकीन ह्यांग नान आप्प नानी कलस्यान हांग अच ई मातगोळी अनतीन. 29 नान कळावाळा नान सांगूळ आन; आव नानी आबना बट्टीदलि यतकी ना सदा अदा क्वालसा माळतीन यदुर देल आव प्रसनन आगतान.” 30 आव ईव मातगोळी अनतेला अच ईरोन क्ति हापाळ मुंदुर आऊन मा वशिवास माळदुर.

सच्चाई नीमी स्वतंत्र माळीत

31 आग यीशु आ यहूदीगोळ से यार आऊन मा वशिवास माळीदुर, अंदुन, “अगर नीव नान वचन दा बनसकु ईत्तीर, रा सही दा नान चेलागोळ ठहरसीर. 32 नीव सही अक जानसीर, अदकि सही नीमी स्वतंत्र माळीत.” 33 आंदुर आऊक उत्तर कोट्टुर, “नाव रा अब्राहम उन वंश टु आयेव, अदकि यागलु यारदु दास आगीदील. बाक नी ह्यांग अनत्या क्ति नीव स्वतंत्र आगेदीर?” 34 यीशु आंदुरी उत्तर कोट्टुन, “ना नीम से खरा खरा अनतीन क्ति जो यावारा पाप माळतान आव पाप इन दास आन. 35 दास सदा मान्या ईरालुन; पार सदा ईरतान. 36 इदुरसाटी अगर पार नीमी स्वतंत्र माळयान, रा सचमुच नीव स्वतंत्र आगेदीर. 37 ना जानसतीन क्ति नीव अब्राहम उन वंश टु आईर; तरी नान वचन नीम दलि दा जागा हुडाल्द, इदुरसाटी नीव नानी कोंद बुळोद चाहासतीर. 38 ना अदा अनतीन, जो तान आप्प उन मान्या नोळदीन; अदकि नीव अदा माळतेला ईरतीर जो नीव तान आप्प उन से केळदीर.” 39 आंदुर आऊक उत्तर कोट्टुर, “नाम आप्प रा अब्राहम हुन.” यीशु आंदुर से अंदुन, “अगर नीव अब्राहम उन औलाद आगयदीर, रा अब्राहम उन घाई क्वालसा माळायदीर. 40 लेकीन ईग नीव नान घाई मंळसा अक कोंद बुळोद चाहासतीर, याव नीमी अद सही वचन हेळदुन जो परमेश्वर से केळदेव; हगि रा अब्राहम

ईला माळीदुन. 41 नीव तान आप्प उन घाई क्वाल्सा माळतीर.” आंदुर आऊन से अंदुर, “नाव व्यभचारि देल पैदा आगीदील, नाम ऊंद आप्प आन मतलब परमेश्वर.” 42 यीशु आंदुर से अंदुन, “अगर परमेश्वर नीम आप्प ईरायदुन, रा नीव नान से प्यार ईटायदीर; यतकी ना परमेश्वर उन दी टु बंदीन. ना खुद देल बंददील, लेकीन आवा नानी कळयान. 43 नीव नान मात येती समसालीर? इदुरसाटी क्नीव नान वचन केळ सकालीर. 44 नीव तान आप्प शैतान उन दी टु आईर अदकि तान आप्प उन लालसागोळी पुरा माळोद चाहासतीर. आव रा सुरूवात टु हत्यारा आन अदकि सही मा संची ईतीदील; यतकी सही आऊन दा हैलेच. याग आव ख्वाटा माताळतान, रा तान स्वभाव देल अच माताळतान; यतकी आव झुठा आन अदकि झुठ इन आप्प आन. 45 लेकीन ना जो खरा माताळतीन, इदुरदा साटी नीव नांद वशिवास माळालीर. 46 नीम दा टु याव नानी पापी ठहरूसतान? अगर ना खरा माताळतीन, रा नीव नान वशिवास येती माळालीर? 47 जो परमेश्वर टु आगतान, आव परमेश्वर उन मातगोळी केळतान; अदकि नीव इदुरसाटी केळालीर क्नी परमेश्वर उन दी टु आल्लच.”

### यीशु अदकि अब्राहम

48 ईद केळकु यहूदीगोळ यीशु से अंदुर, “येन नाव खरा अनालेव क्नीनी सामरी हुय, अदकि नीन दा दुष्टआत्मा आद?” 49 यीशु उत्तर कोट्टुन, “नान दा दुष्टआत्मा हैलेच; लेकीन ना तान आप्प उन आदर माळतीन, अदकि नीव नान नरिादर माळतीर. 50 लेकीन ना तान प्रतषिठा चाहासालीन; हव, ऊंद आन जो चाहासतान अदकि न्याय माळतान. 51 ना नीम से खरा खरा अनतीन क्नी अगर यावारा मंळसा नान वचन मा नळदान, रा आव अनन्त काल ताका मृत्यु अक नोळतीदलि.” 52 यहूदीगोळ आऊन से अंदुर, “ईग नाव जान्स कौडेव क्नी नीन दा दुष्टआत्मा आद. अब्राहम सोतोदुन, अदकि भवषियवक्तागोळ भी सोतोग्यार; अदकि नी अनत्या, ‘अगर यावारा नान वचन मा नळदान रा आव अनन्त काल ताका मृत्यु नोळतीदलि.’ 53 नाम आप्प अब्राहम रा सोतोदुन. येन नी आऊन से धोडडेव आय? अदकि भवषियवक्तागोळ भी सोतोदुर. नीमी येन हततद क्नीव येन हुईर?” 54 यीशु उत्तर कोट्टुन, “अगर ना खुद तान महमिा माळाईन, रा नान महमिा येनु ईला; लेकीन नान महमिा माळावाळा नान आप्प आन, यारी नीव अनतीर क्नी आव नीम परमेश्वर हुन. 55 नीव रा आऊक जानसीदील: लेकीन ना आऊक जान्सतीन. अगर ना अनाईन क्नी ना आऊक जान्सालीन, रा ना नीम घाई ख्वाटा ठहरूसाईन; लेकीन ना आऊक जान्सतीन अदकि आऊन वचन मा नळुतीन. 56 नीम आप्प अब्राहम नान हागुल नोळोद आशा देल हापाळ मग्न ईरोन; अदकि आव नोळदुन अदकि खुश आदुन.” 57 यहूदीगोळ आऊन से अंदुर, “ईगासताका नी पचास वर्ष इन हैलेच, तरी भी नी अब्राहम उक नोळ्या?” 58 यीशु आंदुर से अंदुन, “ना खरा खरा अनतीन, क्नी पयले इदुरद क्नी अब्राहम पैदा आदुन, ना आईन.” 59 आग आंदुर आऊक बडोर साटी कल्ल नेगदुर, लेकीन यीशु होचकु मंदरि टु होटबुदुन.

## 9

जनम इन कुढ्द उक कण्ण कोळोद

1 होगाहोती यीशु ऊंद मंळसा अक नोळदुन जो जनम टु कुढ्द ईरोन. 2 आऊन चेलागोळ आऊन से केळदुर, “हे गुरु, याव पाप माळीदुन कि ईव कुढ्द पैदा आदुन, ई मंळसा या ईऊन मोय या ईऊन आप्प?” 3 यीशु उत्तर कोट्टुन, “नारा ईव पाप माळीदुन, ना ईऊन मोय ना आप्प; लेकीन ईद इदुरसाटी आत कि परमेश्वर उन क्वालसा आऊन मा प्रगट आगुल. 4 याव नानी कळ्यान, नामी आऊन क्वालसा हागुल ईरतेला अच माळोद जरूरी आद; अद ईळ्लक बरोद आद यदुरदा याऊ क्वालसा माळ सकतीदलि. 5 \*यागासताका ना दुनयिा दा आईन, आगासताका दुनयिा अन ज्योती आईन.” 6 ईद अनकु आव जागा मा ऊगुळदुन, अदकि आ ऊगळा देल मुण्ण इक काल्सदुन, अदकि अद मुण्ण आ कुढ्द उन कण्णगोळ मा हचकु 7 \*आऊन से अंदुन, “होग, शीलोह अन कुण्ड दा तोळकोम” आव होगकु तोळदुन, अदकि नोळतेला वापस बंदुन. 8 आग आऊन बाजुवाळेर अदकि यार पयले आऊक भीख बेळतेला नोळीदुर, अनली कुरतुर, “येन ईव आवा आल्लच, जो कुरतकु भीख बेळतोगोन?” 9 येनारा लॉकुर अंदुर, “ईव आवा हुन,” दुसरागोळ अंदुर, “ईला, लेकीन आऊन घाई आन.” आव अंदुन, “ना आवा हुईन.” 10 आग आंदुर आऊन से केळली कुरतुर, “नीन कण्णगोळ ह्यांग खुलसेदव?” 11 आव उत्तर कोट्टुन, “यीशु हेसुर इन ऊंद मंळसा मुण्ण काल्सदुन, अदकि नान कण्णगोळ मा हचकु नान से अंदुन, ‘शीलोह दा हागकु तोळकोम,’ इदुरसाटी ना होदीन अदकि तोळदनि अदकि नोळली कुरतीन.” 12 आंदुर आऊन से केळदुर, “आव यल आन?” आव अंदुन, “ना जान्सालीन.”

फरीसीगोळ द्वारा चंगाई इन जाँच पळताल

13 लॉकुर आऊक जो पयले कुढ्द ईरोन फरीसीगोळ हात्ती ओतुर. 14 याता दशिी यीशु मुण्ण काल्सकु आऊन कण्णगोळी तेरदीदुन, अद आराम इन दनि ईरोद. 15 बाक फरीसीगोळ भी आऊन से केळदुर कि आऊन कण्णगोळ याता रीति देल खुलसेदव. आव आंदुर से अंदुन, “आव नान कण्णगोळ मा मुण्ण हचदुन, बाक ना तोळु कोंडीन, अदकि ईग ना नोळ सकतीन.” 16 इदुर मा येनारा फरीसी अनली कुरतुर, “ई मंळसा परमेश्वर उन दी टु आल्लच, यतकी आव आराम इन दनि मानसालुन.” दुसरागोळ अंदुर, “पापी मंळसा हगि चमत्कार ह्यांग तोरस सकतान?” इदुरसाटी आंदुर दा फूट बदिात. 17 आंदुर आ कुढ्द मंळसा से मात्त अंदुर, “आव नीन कण्णगोळी खोलसयान. नी आऊन बारा दा येन अनत्या?” आव अंदुन, “आव भवषियवक्ता आन.”

18 लेकीन यहूदीगोळी वशिवास आगीदील कि आव कुढ्द ईरोन अदकि ईग नोळतान, यागासताका आंदुर आऊन, यार्द कण्णगोळ खुलसेगीदव, आऊन मोय-आप्प उक कारूकु 19 आंदुर से केळीदील, “येन ईव नीम पार हुन, यारी नीव अनतीर कि कुढ्द पैदा आगीदुन? बाक ईग ह्यांग नोळतान?” 20 आऊन मोय-आप्प उत्तर कोट्टुर, “नाव रा जान्सतेव कि ईव नाम पार हुन, अदकि कुढ्द

\* 9:5 १:५ मत्ती ५:१४; यूहन्ना ८:१२

\* 9:7 १:७ शीलोह अन मतलव “कळुकु आगोद” हुन.

पैदा आगीदुन: 21 लेकीन नाव ईद जानसालेव कि ईग ह्यांग नोळतान, अदकि ना ईद जानसतेव कियेव आऊन कण्णगोळी तेरदुन. आव स्याणा आन, आऊन से अच केळ कोमी: आव तान बारा दा खुद अंद बुटान.” 22 ई मातगोळी आऊन मोय आप्प इदुरसाटी अंदुर यतकी आंदुर यहूदीगोळ से अंजोर, यतकी यहूदी ऊंद मत आगेगीदुर कि अगर यावारा अंदान कि आव मसीह हुन, रा आव सभागूह टु तेगुकु आदान. 23 ईदा कारण आऊन मोय आप्प अंदुर, “आव स्याणा आन, आऊन से अच केळ कोमी.”

24 आग आंदुर आ मंळसा अक जो कुदुद ईरोन, दुसरा घन कारूकु आऊन से अंदुर, “परमेश्वर उन स्तुती माळ. नाव रा जानसतेव कि आ मंळसा पापी आन.” 25 आव उत्तर कोट्टुन, “ना जानसालीन कि आव पापी आन या हैलेच; ना ऊंद मात जानसतीन कि ना पयले कुदुद ईरीन अदकि ईग नोळतीन.” 26 आंदुर आऊन से मात अंदुर, “आव नीन सांगुळ येन माळदुन? अदकि याता प्रकार देल नीन कण्णगोळी खोल्सदुन?” 27 आव आंदुर से अंदुन, “ना रा नीम से अंद कोंडीन, अदकि नीव केळीदील; ईग दुसरा घन येती केळोद चाहासतीर? येन नीव भी आऊन चेला बनसोद चाहासतीर?” 28 आग आंदुर आऊक बुरा भला अनली कुरतुर, “नी अच आऊन चेला आय, नाव रा मूसा अन चेला हुयेव. 29 नाव जानसतेव कि परमेश्वर मूसा से मातगोळी हेळदुन; लेकीन ई मंळसा अक जानसालेव कि येलेव हुन.” 30 आव आंदुरी उत्तर कोट्टुन, “ईद रा आश्चर्य अन मात आद कि नीव जानसालीर कि आव येलेव हुन, लेकीन आव नान कण्णगोळी खोल्स बुटुन. 31 नाव जानसतेव कि परमेश्वर पापीगोळद केळालुन, लेकीन अगर यावारा परमेश्वर उन भक्त आन अदकि आऊन इच्छा मा नळुतान, रा आव आऊन केळतान. 32 दुनिया अन सूरवात देल ईद यागलु केळदुर दा बंददील कि यावारा जनम इन कुदुद उन कण्णगोळी खोल्सदुन. 33 अगर ईव मंळसा परमेश्वर उन दी टु ईला ईरायदुन, रा येनु भी ईला माळ सकायदुन.” 34 आंदुर आऊक उत्तर कोट्टुन, “नी रा बलिकुल पापगोळ दा पैदा आग्या, नी नामी येन कलसत्या?” अदकि आंदुर आऊक व्हार्या तेगद बुटुर.

### आत्मकि कुदुदपन

35 यीशु केळदुन कि आंदुर आऊक व्हार्या तेगद बुटुर, अदकि याग आऊन से भेट आत रा अंदुन, “येन नी परमेश्वर उन पार उन मा वशिवास माळत्या?” 36 आव उत्तर कोट्टुन, “हे प्रभु, आव याव हुन, कि ना आऊन मा वशिवास माळाईन?” 37 यीशु आऊन से अंदुन, “नी आऊक नोळ्या, अदकि जो नीन सांगुळ मातगोळी हेळेत्यान आव आवा हुन.” 38 आव अंदुन, “हे प्रभु, ना नीन मा वशिवास माळतीन.” अदकि आऊक बांगकु प्रणाम माळदुन. 39 आग यीशु अंदुन, “ना ई दुनिया दा न्याय इन साटी बंदीन, ताकी जो नोळालुर आंदुर नोळुल, अदकि जो नोळतार आंदुर कुदुद आगेगुल.” 40 जो फरीसी आऊन सांगुळ ईरोर आंदुर आऊन ई मातगोळी केळकु आऊन से अंदुर, “येन नाव भी कुदुद आयेव?” 41 यीशु आंदुर से अंदुन, “अगर नीव कुदुद ईरायदीर रा पापी ईला ठहरसायदीर; लेकीन ईग अनतीर कि नाव नोळतेव, इदुरसाटी नीम दा पाप बन्सकु ईरतद.

## 10

चरवाहा अदकि म्यांडागोळ्द उदाहरण

1 “ना नीम से खरा खरा अनतीन की जो यावारा दरवाजा टु म्यांडाशाला दा प्रवेश माळालुन, लेकीन दुसरा दी टु येरतान, आव काल्ळ अदकि डाकू हुन. 2 लेकीन जो दरवाजा टु बुळ्क प्रवेश माळतान आव म्यांडागोळ्द चरवाहा हुन. 3 आऊन साटी चौकीदार दरवाजा खोल्स बुळतान, अदकि म्यांडा आऊन आवाज केळताव, अदकि आव तान म्यांडागोळी हेसुर ताकोम ताकोमकु कारूतान अदकि व्हार्या वोयतान. 4 याग आव तान सप्पा म्यांडागोळी व्हार्या तेगु कोमतान, रा अऊर मुंद मुंद नळुतान, अदकि म्यांडागोळ आऊन हदि हदि आगोगताव, यतकी अव आऊन आवाज अरूताव. 5 लेकीन अव दुसरा अन हदि होगतीदील, लेकीन आऊन से दुर ओळेव, यतकी अव दुसरा अन आवाज अरालव.” 6 यीशु आंदुर से ईद उदाहरण अंदुन, लेकीन आंदुर समसीदील की ईव याता मातगोळ हु जो आव नाम से अनतान.

यीशु वळ्लेव चरवाहा

7 आग यीशु आंदुर से मात्त अंदुन, “ना नीम से खरा खरा अनतीन, म्यांडागोळ दरवाजा ना हुईन. 8 यास नान से पयले बंदुर आंदुर सप्पा काल्ळुर अदकि डाकू उर, लेकीन म्यांडागोळ आंदुर केळीदील. 9 दरवाजा ना हुईन; अगर यावारा नान द्वारा बुळ्क प्रवेश माळ्यान, रा उद्धार सक्कीत, अदकि बुळ्क व्हार्या होगत बरत ईत्तान अदकि चारा सक्कीत. 10 काल्ळ यातोदारा कयालसा अन साटी ईला लेकीन सरिफ चोरी माळली अदकि घात माळली अदकि नाश माळली इक बरतान; ना इदुरसाटी बंदीन की आंदरी जीवन सक्किल, अदकि हापाळ जीवन सक्किल.”

11 “वळ्लेव चरवाहा ना हुईन; वळ्लेव चरवाहा म्यांडागोळ साटी तान जीव कोळतान. 12 मजदूर जो ना चरवाहा आन अदकि ना म्यांडागोळ मालकि आन, लांडग्या अक बरत नोळ म्यांडागोळी बटिकु वोळेगतान; अदकि लांडग्या अवरी हुडुतद अदकि ततिर बतिर माळ बुळतद. 13 आव इदुरसाटी वोळेगतान की आव मजदूर हुन, अदकि आऊक म्यांडागोळ चिता हैलेच. 14 वळ्लेव चरवाहा ना हुईन; ना तान म्यांडागोळी जान्सतीन, अदकि नान म्यांडागोळ नानी जान्सताव. 15 ह्यांग आप्प नानी जान्सतान अदकि ना आप्प उक जान्सतीन अदकि ना म्यांडागोळ साटी तान जीव कोळतीन. 16 नान अदकि भी म्यांडागोळ आव, जो ई म्यांडाशाला अन आल्लच. नानी अवरी भी तरोद जरूरी आद. अव नान आवाज केळेव, आग ऊंद अच झुण्ड अदकि ऊंद अच चरवाहा ईत्तान. 17 आप्प इदुरसाटी नान से प्यार ईटतान की ना तान जीव कोळतीन की अदरी मात्त ताकोम कोमाईन. 18 याऊ अदरी नान से कसालुन, लेकीन ना अदरी खुद अच कोळतीन. नानी आऊंद कोळोद भी अधिकार आद, अदकि अदरी बाक ताकोम कोमोद भी अधिकार आद: ईद आग्या नान आप्प उन देल नानी सक्कियाद.”

19 ई मातगोळ कारण यहूदीगोळ दा मात्त फूट बंदित. 20 आंदुर से हापाळ सा लॉकुर अनली कुरतुर, “आऊन दा दुष्टआत्मा आद, अदकि आव येर आन; आऊंद येती केळतीर?” 21 अनय लॉकुर अंदुर, “ई मातगोळ ईत्ता मळसा नव आल्लच यारदा दुष्टआत्मा आद. येन दुष्टआत्मा कुद्वगोळ कण्णगोळी खोल्स सकतद?”

### यीशु उक नकारसोद

22 यरूशलेम दा स्थापना हाब्व मनुसकु आगोद; अदकि सोळ इन दनि ईरव. 23 यीशु मंदरि दा सुलैमान उन छपर्या दा टेटाळोन. 24 आग यहूदीगोळ आऊक बंदकु घेरसदुर अदकि केळदुर, “नी नाम मन इक यागासताका दुवधा दा ईट्या? अगर नी मसीह हुय रा नाम से साफ साफ अंद बुळ.” 25 यीशु आंदरी उत्तर कोट्टुन, “ना नीम से अंद बुटीन पर नीव वशिवास अच माळालीर. जो कयाल्सा ना तान आप्प उन हेसुर देल माळतीन अव अच नान गवाह हु, 26 लेकीन नीव इदुरसाटी वशिवास माळालीर यतकी नीव नान म्यांडागोळ दा टु आल्लच. 27 नान म्यांडागोळ नान आवाज केळताव; ना अवरी जान्सतीन, अदकि अव नान हदि हदि नळुताव; 28 अदकि ना अवरी अननत् जीवन कोळतीन. अव यागलु नाश आगतीदील, अदकि याऊ अवरी नान कय दा टु कसु सकालुन. 29 नान आप्प, याव अवरी नानी कोटान, सप्पा से धोड्डेव आन अदकि याऊ अवरी आप्प उन कय देल कसु सकालुन. 30 ना अदकि नान आप्प ऊंद आयेव.” 31 यहूदीगोळ आऊन मा पथराव माळोर साटी मात्त कल्लगोळी नेगदुर. 32 इदुर मा यीशु आंदुर से अंदुन, “ना नीमी तान आप्प उन दी टु हापाळ सा भला कयाल्सा तोरसदीन; अऊर दा टु याता कयाल्सा अन साटी नीव नान मा पथराव माळतीर?” 33 यहूदीगोळ आऊक उत्तर कोट्टुन, “भला कयाल्सा अन साटी नाव नीन मा पथराव माळालेव लेकीन परमेश्वर उन अपमान माळोद कारण; अदकि इदुरसाटी कि नी मळसा आगकु भी तान तान इक परमेश्वर माळत्या.” 34 यीशु आंदरी उत्तर कोट्टुन, “येन नीम व्यवस्था दा लखिसकु हैलेच, ‘ना अंदीन, नीव मय हुईर?’ 35 अगर आव आंदरी मय अंदुन यार हात्ती परमेश्वर उन वचन पोहचुस्त अदकि शास्त्र अन मात ख्वाटा आग सकालव. 36 रा यारी आप्प पवतिर ठहरूसकु दुनया दा कळुदुन, नीव आऊन से अनतीर, ‘नी अपमान माळत्या,’ इदुरसाटी कि ना अंदीन, ‘ना परमेश्वर उन पार हुईन?’ 37 अगर ना तान आप्प उन कयाल्सा माळालीन, रा नान वशिवास माळबाळी. 38 लेकीन अगर ना माळतीन, रा चाहे नान वशिवास भी माळबाळी, लेकीन आ कयाल्सागोळ्द रा वशिवास माळी, ताकी नीव जान्सी अदकि समसी कि आप्प नान दा आन अदकि ना आप्प दा आईन.” 39 आग आंदुर मात्त आऊक हुडोद कोशशि माळदुर लेकीन आव आंदुर कय दा टु होटबुटुन.

40 \*बाक आव यरदन इन आप्पाटी आ जागा मा ओळेदुन, यल यूहन्ना पयले बपतस्मा कोळतोगोन, अदकि अल्या ईत्तुन. 41 हापाळ सा लॉकुर आऊन हात्ती बंदकु अनतोगोर, “यूहन्ना रा यातोदु चमत्कार तोरसीदील, लेकीन जो



येनारा यूहन्ना ईऊंद बारा दा अंददिन, अद सप्पा सही ईरोद.” 42 अदकि अल हापाळ सा लाँकुर यीशु मा वशिवास माळदुर.

## 11

लाज्र उन मृत्यु

1 मरयिम अदकि आकनि आकतींग मार्था अन्द ऊर बैतनयियाह अन्द लाज्र हेसुर इन ऊंद मंळसा बमिर ईरोन. 2 इक आका मरयिम ईरोर यार प्रभु मा अत्तर हाक्कु आऊन कालगोळी तान चुट्टीगोळ देल सट्टीदुर, ईकी नवा वार्ट लाज्र बमिर ईरोन. 3 इदुरसाटी आऊन आकतींगेर यीशु उक बातणी कळुदुर, “हे प्रभु, नोळ, यार से नी प्यार ईटत्या, आव बमिर आन.”

4 ईद केळकु यीशु अंदुन, “ईद बमिरी सायोद आलच; लेकीन परमेश्वर उन महिमा अन्द साटी हुन, कि आऊन द्वारा परमेश्वर उन पार ऊंद महिमा आगुल.”

5 यीशु मार्था अदकि आकनि आकतींग अदकि लाज्र से प्यार ईटतोगोन. 6 तरी भी याग आव केळदुन कि आव बमिर आन, रा याता जागा मा आव ईरोन, अल येदद दनि मात्त रूकसेदुन. 7 ईदुर बाददा आव चेलागोळ से अंदुन, “बरी, नाव मात्त यहूदिया नगर इक होगता.”

8 चेलागोळ यीशु से अंदुर, “हे गुरु, ईगल्या रा यहूदी लाँकुर नीन मा कल्लगोळी होडोद चाहासोर, अदकि येन नी मात्त अल्या होगोद चाहासत्या?”

9 यीशु उत्तर कोट्टुन, “येन हागुल ईनव हन्नेळ घंटा ईरालव? अगर यावारा हागुल इन होती नळुतान रा ठोकर तनिलुन, यतकी ई दुनया अन्द उजुळ नोळतान. 10 लेकीन अगर यावारा ईळ्लक इन होती नळुतान रा ठोकर तनितान, यतकी अदुरदा उजुळ हैलेच.” 11 आव ई मातगोळ अंदुन, अदकि ईदुर बाददा आंदुर से अनली कुरतुन, “नाम संगी लाज्र मगिग्यान, लेकीन ना आऊक येवसली होगतीन.”

12 आग चेलागोळ आऊन से अंदुर, “हे प्रभु, अगर आव मगिग्यान, रा वळ्लेव आगेदान.” 13 यीशु रा आऊन मृत्यु ऊंद बारा दा अंददिन, लेकीन आंदरी हगि हत्त कि आव जप देल मगिगोद बारा दा अंदान. 14 आग यीशु आंदुर से साफ साफ अंद बुट्टुन, “लाज्र सोतोग्यान; 15 अदकि ना नीम कारण खुश आईन कि ना अल ईला ईरीन यदुर देल नीव वशिवास माळी. लेकीन ईग बरी, नाव आऊन हात्ती होगता.” 16 आग थोमा यारी ददिमुस अनतार, तान साथी चेलागोळ से अंदुन, “बरी, नाव भी आऊन सांगुळ सायली होगता.”

यीशु ऊंद पुनरूत्थान अदकि जीवन

17 अल होगदुर मा यीशु उक ईद मालूम आत कि लाज्र उक कब्र दा ईटकु नाक दनि आगेग्याव. 18 बैतनयियाह यरूशलेम इन हात्ती येदद मील इन दुरी मा ईरोद. 19 हापाळ सा यहूदी मार्था अदकि मरयिम इन हात्ती आकनि वार्ट ऊंद मृत्यु मा शांती कोळोर साटी बंदीदुर.

20 याग मारुथा यीशु ऊंद बरोद समाचार केळदुर रा आऊन से मुलाकात माळली होदुर, लेकीन मरयिम मान्या अच ईत्तुर. 21 मारुथा यीशु से अंदुर, “हे प्रभु, अगर नी ईल ईराईद, रा नान वार्ट ईला सायायदुन. 22 लेकीन ना ईग भी जानसतीन की नी जो येनारा परमेश्वर से बेळ्या, परमेश्वर नीनी कोट्टान.”

23 यीशु आकनि से अंदुन, “नीन वार्ट मात्त जत्तिता आदान.”

24 मारुथा आऊन से अंदुर, “ना जानसतीन की आखरी दनिगोळ दा पुनरूत्थान इन समय आव जत्तिता आदान.”

25 यीशु आकनि से अंदुन, “पुनरूत्थान अदकि जीवन ना अच हुईन; जो यावारा नान मा वशिवास माळतान आव अगर सोतो भी दान तरी भी जत्तिता आदान, 26 अदकि जो यावारा जत्तिता आन अदकि नान मा वशिवास माळतान, आव अनन्त काल ताका सायतीदील. येन नी ई मात मा वशिवास माळत्या?”

27 आक आऊन से अंदुर, “हव हे प्रभु, ना वशिवास माळतीन की परमेश्वर उन पार मसीह जो दुनया दा बरावाळा ईरोन, आव नी अच हुय.”

यीशु वरलदुन

28 ईद अनकु आक होटोदुर, अदकि तान आकतींग मरयिम इक कारूकु सुंगासुंग अंदुर, “गुरु ईवा हुन अदकि नीनी कारूतान.” 29 ईद केळ्त अच आक तुरन्त यदकु आऊन हात्ती बंदुर. 30 यीशु ईगल्या ऊर दा बरली इक ईरोन लेकीन अदा जागा मा ईरोन यल मारुथा आऊन से मुलाकात माळीदुर. 31 आग जो यहूदी आऊन सांगुळ मान्या ईरोर अदकि आऊक शांती कोळोर, ईद नोळकु की मरयिम तुरन्त यदकु व्हार्या होग्यार आंदुर ईद सम्सदुर की आक कवर मा वरली होगेत्यार, रा आकनि हदि आगेदुर.

32 याग मरयिम अल पोहचुसदुर यल यीशु ईरोन, रा आऊक नोळ्त अच आऊन कालगोळ मा बदिदुर अदकि अंदुर, “हे प्रभु, अगर नी ईल ईराईद रा नान वार्ट ईला सायायदुन.”

33 याग यीशु आक इक अदकि आ यहूदीगोळी जो आकनि सांगुळ बंदीदुर, वरलतेला नोळदुन, रा तान आत्मा दा हापाळ अच उदास अदकि व्याकुल आदुन, 34 अदकि अंदुन, “नीव आऊक यल ईटीर?”

आंदुर आऊन से अंदुर, “हे प्रभु, नळुकु नोळ कोम.”

35 यीशु वरलदुन. 36 आग यहूदी अनली हतदुर, “नोळी, आव आऊन से याट प्यार ईटतान.”

37 लेकीन आंदुर दा टु थ्वाळासा यहूदीगोळ अंदुर, “येन ईव याव कुढढ मंळसा अनूद कण्णगोळ तेरदुन, येन ईद भी माळ सकदील की ई मंळसा ईला सायायदुन?”

यीशु लाजर उक जत्तिता माळदुन

38 यीशु तान मन दा मात्त हापाळ अच उदास आगकु कवर मा बंदुन. अद ऊंद गुफा ईरोद अदकि ऊंद कल्ल आ गुफा मा ईटकु ईरोद. 39 यीशु अंदुन, “कल्ल सरकुसी.”

जो सोतकु ईरोन आऊन आकतींग मारुथा आऊन से अनली हतदुर, “हे प्रभु, आऊन दा टु ईग वास बरतद, यतकी आऊक सोतकु नाक दनि आगेग्याव.”

40 यीशु आकनि से अंदुन, “येन ना नीन से ईला अंददीन कि अगर नी वशिवास माळ्या, रा परमेश्वर ऊंद महमि अक नोळ्या.” 41 आग आंदुर आ कल्ल इक सरकूसदुर. यीशु तान कण्णगोळ नेगुकु अंदुन, “हे आप्पा, ना नींद धन्यवाद माळतीन कि नी नांद केळ कोड्या. 42 ना जानसीन कि नी हमेशा नांद केळत्या, लेकीन जो भीळ आसपास नदिरकु आद, आंदुर कारण ना हगि अंदीन, यदुर देल कि आंदुर वशिवास माळुल कि नी नानी कळ्या.” 43 ईद अंदकु आव धोळ्द आवाज देल कारदुन, “हे लाजर, व्हार्या बा!” 44 जो सोतोगदिन आव कवर दा टु हयांग आऊनव कय काल कटक ईरव हांगा व्हार्या बंदुन, अदकि आऊन बाय गमच्छा देल होचकु ईरोद. यीशु आंदुर से अंदुन, “आऊक तेरू बुळी अदकि होगगोळी.”

यीशु उन खलिाप साजीश

(मत्ती २६:१-५; मरकुस १४:१,२; लूका २२:१,२)

45 आग जो यहूदी मरयिम इन हात्ती बंदीदुर अदकि यीशु उन ईद कयाल्सा नोळीदुर, आंदुर दा टु हापाळ मुंदुर आऊन मा वशिवास माळदुर. 46 लेकीन आंदुर दा टु थ्वाळासा यहूदीगोळ फरीसीगोळ्द हात्ती होगकु यीशु उन कयाल्सागोळ्द बातणी कोट्टुर. 47 ईदुर मा प्रधान याजकगोळ अदकि फरीसीगोळ महासभा कारसदुर, अदकि अंदुर, “नाव येन माळतेव? ई मंळसा रा हापाळ चमत्कार तोरसतान. 48 अगर नाव आऊक हगि अच बटि बुटेव, रा सप्पा आऊन मा वशिवास माळ कोडार, अदकि रोमी साम्राज्य अन्द लॉकुर बंदकु नाम जागा अदकि जाती येदु मा अधिकार माळ कोडार.”

49 आग आंदुर दा टु कैफा हेसुर ईनव ऊंद मंळसा जो आ वर्ष ईनव महायाजक ईरोन, आंदुर से अंदुन, “नीव येनु अच जानसालीर; 50 अदकि ना नीमी ईद ऊम्सतद कि नीम साटी ईद वळ्लीद आद कि नाम लॉकुर साटी ऊंद मंळसा सायुल, अदकि सप्पा जाती इन नाश आगवाळुल.” 51 ईद मात आव तान दी टु अंददील, लेकीन आ वर्ष इन महायाजक आगकु भवष्यवाणी माळदुन, कि यीशु आ जाती इन साटी सोत्तान; 52 अदकि ना सरिफ आ जाती इन साटी, उलटा इदुरसाटी भी कि परमेश्वर उन जो ततिर-बतिर औलाद आव अवरी ऊंद माळ सकुल.

53 इदुरसाटी अदा दनि टु आंदुर आऊक कोंद बुळोद साजीश माळली कुरतुर. 54 इदुरसाटी यीशु आ समय टु यहूदीगोळ दा प्रगट आगकु टेटीदलि, लेकीन अल टु आळी इन हात्तीपास इन प्रदेश इन इफ्राईम हेसुर इन ऊंद नगर इक होटोदुन; अदकि तान चेलागोळ्द सांगुळ अल्या ईरली कुरतुन.

55 यहूदीगोळ्द फसह अन्द हाब्व हात्ती ईरोद, अदकि हापाळ सा लॉकुर फसह से पयले देहात टु यरूशलेम इक होदुर कि तान तान इक शुद्ध माळुल. 56 इदुरसाटी आंदुर यीशु उक दुंदसली हतदुर अदकि मंदिर दा नदिरकु आपस दा अनली हतदुर, “नीव येन सोचतीर? येन आव हाब्व दा बरतीदील?” 57 प्रधान याजकगोळ अदकि फरीसीगोळ ईद आदेश कोटक ईटीदुर कि यावारा यीशु उक नोळुल रा खबर कोळुल, कि आंदुर आऊक हुडु सकुल.

## 12

यीशु उन कालगोळ मा अत्तर हाक्कोद  
(मत्ती २६:६-१३; मरकुस १४:३-९)

1 यीशु फसह हाब्ब इन आर दनि पयले बैतनय्याह दा बंदुन यल लाज़र ईरोन, यारी यीशु सोत्तुर दा टु जत्तिता माळीदुन. 2 अल आंदुर आऊन साठी भोजन तयार माळदुर; अदकि मार्था स्यावा माळोर, अदकि लाज़र आंदुर दा टु ऊंद ईरोन जो आऊन सांगुळ भोजन माळली कुरतीदुन. 3 \*आग मरयिम जटामांसी इन आर्धा लीटर कमिती शुद्ध अत्तर तनकु यीशु उन कालगोळ मा हाकदुर, अदकि तान चुट्टीगोळ देल आऊन काल सटिदुर; अदकि अत्तर इन वास देल सप्पा मान्ना सुगन्धति आगेत. 4 लेकीन आऊन चेलागोळ दा टु यहूदा इस्करियोती हेसुर ईनव ऊंद चेला जो आऊक हुळसुसदुर मा ईरोन, अनली कुरतुन, 5 “ईद अत्तर मुर सौ दीनार दा मारकु कंगालगोळी येती कोटक आगीदील?” 6 आव ईद मात इदुरसाटी अंददील कि आऊक कंगालगोळ्द चन्तिता ईरोद लेकीन इदुरसाटी कि आव काळ्ल ईरोन, अदकि आऊन हात्ती आंदुर्द झ्वारा ईरतोगोद अदकि अदुर्दा जो येनारा भी हाक्कु आगतोगोद, आव तेगु कोम तोगोन.

7 यीशु अंदुन, “आऊक ईरगोळी. आऊक ईद नांद नळसा दशी इन साठी ईटगोळी. 8 यतकी कंगाल रा नीम सांगुळ सदा ईरतार, लेकीन ना नीम सांगुळ सदा ईरतीदील.”

लाज़र इन वरिद्ध साजीश

9 याग यहूदीगोळ्द धोळ्द भीळ जान्सेत कि आव अल आन, रा आंदुर ना सरिफ यीशु उन कारण बंदुर लेकीन इदुरसाटी भी कि लाज़र उक नोळ्दुल, यारी आव सोत्तुर दा टु जत्तिता माळदुन. 10 आग प्रधान याजकगोळ लाज़र उक भी कोंद बुळोद साजीश रचुसदुर. 11 यतकी आऊन कारण हापाळ सा यहूदी होटोदुर अदकि यीशु मा वशिवास माळदुर.

यूरूशलेम दा वजिय-प्रवेश

(मत्ती २१:१-११; मरकुस ११:१-११; लूका १९:२८-४०)

12 दुसरा दशी हापाळ सा लॉकुर जो हाब्ब दा बंदीदुर ईद केळदुर कि यीशु यूरूशलेम दा बरेत्यान. 13 इदुरसाटी आंदुर खजुर इन डगालगोळी हुळदुर अदकि आऊन से भेंट माळोर साठी होट्टुर, अदकि कारूली कुरतुर, “होशाना\*! धन्य इस्त्राएल ईनव राजा, जो प्रभु उन हेसुर देल बरतान.”

14 याग यीशु उक गधा अन्द पाड्डा सक्ति; रा आव अदुर मा कुरतुन, हयांग शास्त्र दा लखिसकु आद,

15 “हे सयियोन इन पोरी, अंजवाळ;

नोळ, नीन राजा

गधा अन्द पाड्डा मा येरकु नीन हात्ती बरेत्यान.”

16 आऊन चेलागोळ ई मातगोळी पयले सम्स सकदील, लेकीन याग यीशु उन महिमा प्रगट आत रा आंदरी याद बत्त कि ई मातगोळ आऊन बारा दा लखिसकु ईरोव अदकि लॉकुर आऊन से ईदा प्रकार इन व्यवहार माळीदुर. 17 आग भीळ इन आ लॉकुर गवाही कोट्टुर, जो आ समय आऊन सांगुळ ईरोव याग आव लाजर उक कबर दा टु कारूकु सोत्तुर दा टु जत्तिता माळदुन. 18 ईदा कारण लॉकुर आऊन से मुलाकात माळली बंदीदुर यतकी आंदुर केळीदुर कि आव ईद आश्चर्यकर्म तोरस्यान. 19 आग फरीसीगोळ आपस दा अंदुर, “सोची रा सही क्नीम से येनु बनसाल. नोळी, दुनिया आऊन हदि आगेत्याद.”

### गैरयहूदीगोळद यीशु उक ढुंढसोद

20 जो लॉकुर आ हाबब दा आराधना माळली बंदीदुर आंदुर दा टु येनारा गैरयहूदी ईरोर. 21 आंदुर गलील इन बैतसैदा नोर ईरावाळेर फलिपिपुस उन हात्ती बंदकु आऊन से वनिती माळदुन, “श्रीमान, नाव यीशु से मुलाकात माळोद चाहासतेव.”

22 फलिपिपुस बंदकु अन्दरियास से अंदुन, आग अन्दरियास अदकि फलिपिपुस होगकु यीशु से अंदुन. 23 ईदुर मा यीशु आंदुर से अंदुन, “आ समय होट बंदाद कि मळसा अन पार उन महिमा आगुल. 24 ना नीम से खरा खरा अनतीन कि यागासताका गोदी इन बीजा जमीन मा बदिक् सोतोगाल, अद आबना ईरतद; लेकीन याग सोतोगतद, रा हापाळ फसल तरतद. 25 जो तान जीव इक प्रयि जान्सतान, आव अदरी खोऊस बुळतान; अदकि जो ई दुनिया दा तान जीव इक अप्रयि जान्सतान, आव अनन्त जीवन इन साठी अदुरद रक्षा माळ्यान. 26 अगर यावारा नान स्यावा माळ्यान, रा नान हदि आगेगुल; अदकि यल ना आईन, अल नान सेवक भी ईत्तान. अगर यावारा नान स्यावा माळ्यान, रा नान आप्प आऊन आदर माळ्यान.

### कूस इन मृत्यु इन इशारा

27 “ईग नान जीव व्याकुल आद. इदुरसाटी ईग ना येन अनाईन, हे आप्पा, नानी ई घळी देल ऊळस?” ईला, यतकी ना ईदा कारण ई घळी इक पोहचुसीन. 28 हे आप्पा, तान हेसुर इन महिमा माळ.”

“आग ईद आकाशवाणी आत, ना आऊंद महिमा माळीन, अदकि मात्त माळाईन.”

29 आग जो लॉकुर नदिरकु केळोर आंदुर अंदुर कि बादल गरजुस्त. दुसरागोळ अंदुर, येनारा स्वर्गदूत आऊन से माताळदुन.

30 ईदुर मा यीशु अंदुन, “ईद आवाज नान साटी ईला, लेकीन नीम साटी बंदाद. 31 ईग ई दुनिया अन न्याय आगतद, ईग ई दुनिया अन सरदार तेगुकु आदान; 32 अदकि ना अगर पृथ्वी मा टु म्याकुच येर्सकु आगाईन, रा सप्पा मुंदुरी तान हात्ती जेडाईन.” 33 हगि अंदकु आव ईद प्रगट माळ बुट्टुन कि आव ह्यांग मृत्यु देल सोत्तान.

34 इदुर मा लॉकुर आऊन से अंदुर, “नाव व्यवस्था अन्द ईद मात केळेव कि मसीह हमेशा ईततान, बाक नी येती अनत्या कि मंळसा अन्द पार उक म्याकुच येरसोद जरूरी आद? ईव मंळसा अन पार याव हुन?”

35 यीशु आंदुर से अंदुन, “ज्योती ईग थ्वाळासा देर ताका नीम बीच दा आद. यागासताका ज्योती नीम सांगुळ आद आगासताका नळुतेला ईरी, हगि आगबाळुल कि अंधकार नीमी बंदकु घेरसुल; जो अंधकार दा नळुतान आव जानसालुन कि यातत होगतान. 36 यागासताका ज्योती नीम सांगुळ आद, ज्योती मा वशिवास माळी ताकी नीव ज्योती अन औलाद आगी.”

यहूदीगोळ अवशिवास दा बनसकु ईरेतीर

ईव मातगोळी अंदकु यीशु ओळेदुन अदकि आंदुर से होचकु ईततुन 37 आव आंदुर मुंद ईस चमतकार† तोरसदुन, तरी आंदुर आऊन मा वशिवास माळीदलि; 38 ताकी यशायाह भवषियवक्ता अन्द वचन पुरा आगुल जो आव अंदुन:

“हे प्रभु, नाम बातणी इन याव वशिवास माळ्यान?

अदकि प्रभु अन्द ताकत यार मा प्रगट आग्याद?”

39 ई कारण आंदुर वशिवास माळ सकदील, यतकी यशायाह ईद भी अंदान: 40 “आव आंदुर कण्णगोळी कुदद,

अदकि आंदुर मन कठोर माळ बुदुन;

येलयारा हगि आगबाळुल कि आंदुर कण्णगोळ देल नोळुल,

अदकि मन देल समसुल,

अदकि तरिगुल,

अदकि ना आंदरी चंगा माळाईन.”

41 यशायाह ई मातगोळी इदुरसाटी अंदुन कि आव आऊन महमा नोळदुन, अदकि आव आऊन बारा दा मातगोळी हेळदुन.

42 तरी अधिकारीगोळ दा टु हापाळ लॉकुर आऊन मा वशिवास माळदुर, लेकीन फरीसीगोळ कारण प्रगट दा ईला मानसोर, येलयारा हगि आगबाळुल कि आंदुर यहूदी लॉकुरद सभागूह दा टु तेगुकु आदार: 43 यतकी मंळसागोळ दी टु प्रशंसा आंदरी परमेश्वर उन दी टु प्रशंसा अन्द अपेक्षा यक्कुल प्रयि हततोगोद.

यीशु नव वचन: न्याय इन आधार

44 यीशु कारूकु अंदुन, “जो नान मा वशिवास माळतान, आव नान मा ईला उलटा नान कळावाळा मा वशिवास माळतान. 45 अदकि जो नानी नोळतान, आव नान कळावाळा अक नोळतान. 46 ना दुनया दा ज्योती आगकु बंदीन, ताकी जो यावारा नान मा वशिवास माळुल आव अंधकार दा ईरबाळुल. 47 अगर यावारा नान मातगोळी केळकु मानसालुन, रा ना आऊक दोषी ठहूसालीन; यतकी ना दुनया अक दोषी ठहूसोर साटी ईला, लेकीन दुनया अन्द उद्धार माळोर साटी बंदीन. 48 जो नानी तुच्छ जानसतान अदकि नान मातगोळी ग्रहण माळालुन आऊक दोषी ठहूसवाळा रा ऊंद आन: मतलब जो वचन ना अंदीन, अदा हदिळोव दनि दा आऊक दोषी ठहूसीत. 49 यतकी ना तान

† 12:37 १२:३७ चमतकार

दी टु मातगोळी माळीदलि; लेकीन आप्प याव नानी कळ्यान आवा नानी आग्या कोटान कि येन येन अनाईन अदकि येन येन माताळाईन? 50 अदकि ना जान्सतीन कि आऊन आग्या अनन्त जीवन आद. इदुरसाटी ना जो येनारा माताळतीन, अद ह्यांग आप्प नान से अंदान हांगा माताळतीन.”

## 13

यीशु उन चेलागोळद काल तोळोद

1 फसह इन हाब्व से पयले, याग यीशु जान्स कौडुन किनांद आ घळी होट्ट बंदाद कि दुनया बटिकु आप्प उन हात्ती होगईन, रा तान लॉकुर से जो दुनया दा ईरोर ह्यांग प्यार आव ईटतोगोन, आखरी ताका हांग अच प्यार ईटतेला ईत्तुन. 2 याग शैतान शमौन उन पार यहूदा इस्करियोती इन मन दा ईद हाक बुटीदुन कि आऊक हुळसुसुल, रा भोजन इन समय 3 यीशु, ईद जान्सकु कि आप्प सप्पा येनारा नांद कय दा माळ बुटान अदकि ना परमेश्वर उन हात्ती टु बंदीन अदकि परमेश्वर उन हात्ती होगतीन, 4 भोजन मा टु यदकु तान म्याकळव कपळागोळी ईळ्स बुट्टुन, अदकि गमछा हुडुकु तान नेळु कटदुन. 5 आग बरतन दा नीर तुमकु चेलागोळद काल तोळुली अदकि याता गमछा देल आऊन नेळु कटकु ईरोद अदुर देल अच सीटली कुरतुन. 6 याग आव शमौन पतरस उन हात्ती बंदुन, आग पतरस आऊन से अंदुन, “हे प्रभु, येन नी नांद काल तोळुत्या?” 7 यीशु आऊक उत्तर कोट्टुन, “जो ना माळतीन, नी अदरी ईगल्या जान्साल, लेकीन ईदुर बाददा नीनी ऊमसीत.” 8 पतरस आऊन से अंदुन, “नी नान काल यागलु तोळु सकतीदलि!” ईद केळकु यीशु आऊन से अंदुन, “अगर ना नीन काल तोळुतीदलि, रा नांद सांगुळ नींद येनु संबंघ हैलेच.” 9 शमौन पतरस आऊन से अंदुन, “हे प्रभु, रा बाक नान काल अच ईला, उलटा कय अदकि ताल्ला भी तोळु कोळ.” 10 यीशु आऊन से अंदुन, “जो मय तोळु कौंडान आऊक काल इन अलावा अदकि येनु तोळोद जरवत हैलेच, लेकीन आव बलिकुल शुद्ध आन; अदकि नीव शुद्ध आईर, लेकीन सप्पा अनन्द सप्पा मुंदुर ईला.” 11 आव रा तान हुळसुसावाळा अक अरोन इदुरसाटी आव अंदुन, “नीव सप्पा मुंदुर शुद्ध हैलेच.” 12 य्याग आव आंदुर काल तोळद बुट्टुन, अदकि तान कपळा हाक्कु मात्त कुरतोदुन, रा आंदुर से अनली कुरतुन, “येन नीव समसदीर कि ना नीम सांगुळ येन माळदीन? 13 नीव नानी गुरु अदकि प्रभु अनकु कारूतीर, अदकि ठीक अच अनतीर, यतकी ना आवा हुईन. 14 अगर ना प्रभु अदकि गुरु ईतकु नीम काल तोळदनि, रा नीमी भी आबुर दाबुर काल तोळु पायजे. 15 यतकी ना नीमी नमुना तोरस बुटीन कि ह्यांग ना नीम सांगुळ माळदीन, नीव भी हांग अच माळतोगी. 16 य्या नीम से खरा खरा माताळतीन, दास तान स्वामी देल धोड्डेव हैलेच, अदकि ना कळुदव तान कळावाळा से. 17 नीव ई मातगोळ जान्सतीर, अदकि अगर अऊर मा नळी रा धन्य आईर. 18 ना नीम सप्पा मुंदुर बारा दा अनालीन; याद् ना चुनाव माळीन, आंदरी ना अरूतीन; लेकीन ईद इदुरसाटी हुन कि पवत्रिशास्त्र अनन्द अद वचन पुरा आगुल, ‘जो नांद रोट्टी

तनितान, आव नान मा ल्यात नेगदुन.' 19 ईग ना अदुर आगोर से पयले नीमी हेळ बुळतीन कियोग ईद पुरा आगेदीत रा नीव वशिवास माळेतीर कनि आवा हुईन. 20 \*ना नीम से खरा खरा माताळतीन कजो नानी कळावाळा अक ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान."

यीशु अन वशिवासघात माळावाळा अन दी इशारा

(मत्ती २६:२०-२५; मरकुस १४:१७-२१; लूका २२:२१-२३)

21 ई मातगोळ अंदकु यीशु आत्मा दा व्याकूल आदुन अदकि ईद गवाही कोट्टुन, "ना नीम से खरा खरा अनतीन कनि नीम दा टु ऊंद मंळसा नानी हुळसुसयान." 22 चेलागोळ संदेह देल, आबुर दाबुर दी नोळली कुरतुर कनि आव यार बारा दा अनेत्यान. 23 आऊन चेलागोळ दा टु ऊंद यार से यीशु प्यार ईटतोगोन, यीशु उन याद्दा अनूद दी बांगकु कुरतकु ईरोन. 24 शमौन पतरस आऊन दी इशारा माळकु आऊन से केळदुन, "रा हेळ, आव यार बारा दा अनेत्यान?" 25 आग आव हांग अच यीशु उन याद्दा अनूद दी बांगकु आऊन से केळदुन, "हे प्रभु, आव याव हुन?" 26 यीशु उत्तर कोट्टुन, "यारी ना ईद रोटी इन तुकळा तंळग्या दा डोब्सकु कोळाईन आवा हुन." अदकि आव तुकळा डोब्सकु शमौन इस्करियोती इन पार यहूदा अक कोट्टुन. 27 तुकळा ताकोमूत अच शैतान आऊन दा समुसेत. आग यीशु आऊन से अंदुन, "जो नी माळत्या, तुरन्त माळ." 28 लेकीन कुरावाळेर दा टु यावारा भी जान्सीदलि कनि आव ईद मात आऊन से यदुर साठी अंदुन. 29 यहूदा अनूद हात्ती झ्वारा ईरतोगोद, इदुरसाटी यारारा यारारा सम्सदुर कनि यीशु आऊन से अनेत्यान कनि जो येनारा नामी हाब्व इन साठी पायजे अद कौड कोम, या ईद कनि कंगालगोळी येनारा कोळ. 30 इदुरसाटी आव तुकळा हुळकु तुरन्त व्हार्या होटोदुन; अदकि ईद ईळ्लक इन समय ईरोद.

व्हाशोद आग्या

31 याग आव व्हार्या होटोदुन रा यीशु अंदुन, "ईग मंळसा अन पार उन महिमा आग्याद, अदकि परमेश्वर उन महिमा आऊन दा आग्याद; 32 अगर परमेश्वर उन महिमा आऊन द्वारा आत, रा परमेश्वर भी तान द्वारा आऊन महिमा प्रगट माळ्यान अदकि तुरन्त माळ्यान. 33 \*हे चकिरगोळा, ना मातूत घळी तमि नीम हात्ती आईन: बाक नीव नानी वुंढसीर, अदकि ह्यांग ना यहूदीगोळ से अंदीन, 'यल ना होगतीन अल नीव बर सकालीर,' हांग अच ना ईग नीम से भी अनतीन. 34 \*ना नीमी ऊंद व्हाशोद आग्या कोळतीन कनि आबुर दाबुर से प्यार ईटी; ह्यांग ना नीम से प्यार ईटीन, हांग अच नीव भी आबुर दाबुर से प्यार ईटी. 35 अगर नीव आपस दा प्यार ईट्टीर, रा ईदुर देल सप्पा मुंदुर जानस्यार कनि नीव नांद चेलागोळ हुईर."

\* 13:20 १३:२० मत्ती १०:४०; मरकुस ९:३७; लूका ९:४८; १०:१६

\* 13:33 १३:३३ यूहन्ना ७:३४

\* 13:34 १३:३४ यूहन्ना १५:१२,१७; १ यूहन्ना ३:२३; २ यूहन्ना १:५



यीशु उन द्वारा पतरस उन इनकार इन इशारा

(मत्ती २६:३१-३५; मरकुस १४:२७-३१; लूका २२:३१-३४)

36 शमौन पतरस यीशु से अंदुन, “हे प्रभु, नी यल होगत्या?” यीशु उत्तर कोट्टुन, “यल ना होगतीन अल नी ईगल्या नान हृदि बर सकाल; लेकीन बाद्दा नी नान हृदि बंद्या.” 37 पतरस आऊन से अंदुन, “हे प्रभु, ईगल्या ना नीन हृदि येती बर सकालीन? ना रा नीन साठी तान जीव भी कोट्ट बुळाईन.” 38 यीशु उत्तर कोट्टुन, “येन नी नान साठी तान जीव कोट्ट्या? ना नीन से खरा खरा माताळतीन कहिंज कुग्गोर से पयले ताका नी नांद मुर घन इनकार माळ कोंड्या.

## 14

परमेश्वर ताका होगोद हादी

1 “नीम मन व्याकुल आगबाळुल; परमेश्वर मा वशिवास ईटी अदकि नान मा भी वशिवास ईटी. 2 नान आप्प उन मान्या हापाळ सा ईरोद जागा आद, अगर ईला ईराईत रा ना नीम से अनबुळायदनि; यतकी ना नीम साठी जागा तयार माळली होगतीन. 3 अदकि अगर ना होगकु नीम साठी जागा तयार माळाईन, रा बाक बंदकु नीमी तान मान्या ओयाईन क्नि ना यल इराईन नीव भी अल ईरी. 4 ना यल होगतीन नीव अल ईद हादी अरूतीर.” 5 थोमा आऊन से अंदुन, “हे प्रभु, नाव ईद अरालेव क्नि नी यल होगेत्या; रा हादी ह्यांग अरतेव?” 6 यीशु आऊन से अंदुन, “हादी अदकि सच्चाई अदकि जीवन ना अच हुईन; बनिा नान द्वारा याऊ आप्प उन हात्ती होग सकालुन. 7 आव आंदुर से अंदुन अगर नीव नानी अर्त कोमायदीर, रा नान आप्प उक भी अरायदरि; अदकि ईग आऊक अरूतीर, अदकि आऊक नोळीर भी.”

8 फलिपिपुस आऊन से अंदुन, “हे प्रभु, आप्प उक नामी तोरस बुळ, ईदा नाम साठी हापाळ आद.” 9 यीशु आऊन से अंदुन, “हे फलिपिपुस, ना ईस दनि टु नीम सांगुळु आईन, अदकि येन नी नानी जानसाल? याव नानी नोळ्यान आव आप्प उक नोळ्यान. नी येती अनत्या क्नि आप्प उक नामी तोरस?” 10 येन नी वशिवास माळाल क्नि ना आप्प दा आईन अदकि आप्प नान दा आन? ई मातगोळी जो ना नीम से अनतीन, तान दी टु अनालीन, लेकीन आप्प नान दा ईतकु तान क्वालसा माळतान. 11 नान वशिवास माळी क्नि ना आप्प उन दा आईन अदकि आप्प नान दा आन; ईदारा क्वालसागोळुद अच कारण नान वशिवास माळी. 12 “ना नीम से खरा खरा अनतीन क्नि जो नान मा वशिवास ईटतान, ई क्वालसा जो ना माळतीन आव भी माळ्यान, बल्की ईऊर से भी थोड्डेव क्वालसा माळ्यान, यतकी ना आप्प उन हात्ती होगतीन. 13 जो येनारा नीव नान हेसुर देल बेळीर, अदा ना माळाईन क्नि पार उन दरवाजा मा आप्प उन महमा आगुल. 14 अगर नीव नान से नान हेसुर देल येनारा बेळीर, रा ना अदरी माळाईन.”

पवतिर आत्मा अन वादा

15 “अगर नीव नान से प्यार ईटतीर, रा नान आग्यागोळी मानसीर. 16 ना आप्प उन से वनिती माळाईन, अदकि आव नीमी ऊंद अदकि सहायक कोट्टान

कई आव सदा नीम सांगुळ ईरूल. <sup>17</sup> मतलब खरा अन आत्मा, यारी दुनयिा ग्रहण माळ सकाल्द, यतकी आव ना आऊक नोळतान अदकि ना आऊक अरूतान; नीव आऊक अरूतीर, यतकी आव नीम सांगुळ ईरतान, अदकि आव नीम दा ईत्तान. <sup>18</sup> ना नीमी अनाथ बळितीदील; ना नीम हात्ती बरतीन. <sup>19</sup> अदकि थ्वाळासा समय ईतोग्याद कबाक दुनयिा नानी नोळतीदलि, लेकीन नीव नानी नोळीर; इदुरसाटी कर्ना जत्तिता आईन, नीव भी जत्तिता ईत्तीर. <sup>20</sup> आ दशी नीव जानसीर कर्ना तान आप्प दा आईन, अदकि नीव नान दा, अदकि ना नीम दा. <sup>21</sup> यार हात्ती नान आग्यागोळ आव अदकि आव अवरी मान्सतान, आवा नान से प्यार ईटतान; अदकि जो नान से प्यार ईटतान आऊन से नान आप्प प्यार ईट्यान, अदकि ना आऊन से प्यार ईटाईन अदकि तान तान इक आऊन मा प्रगट माळाईन.” <sup>22</sup> आ यहूदा जो इस्करयोती ईला ईरोन, आऊन से अंदुन, “हे प्रभु, येन आत कर्नी तान तान इक नाम मा प्रगट माळोद चाहासत्या अदकि दुनयिा मा ईला?” <sup>23</sup> यीशु आऊक उत्तर कोट्टुन, “अगर यावारा नान से प्यार ईट्यान रा आव नान वचन इक मानस्यान, अदकि नान आप्प आऊन से प्यार ईट्यान, अदकि नाव आऊन हात्ती बंदेव अदकि आऊन सांगुळ वास माळेव. <sup>24</sup> जो नान से प्यार ईटालुन, आव नान वचन मानसालुन; अदकि जो वचन नीव केळतीर अद नांद ईला लेकीन आप्प उन हुन, याव नानी कळुदुन.” <sup>25</sup> “ई मातगोळी ना नीम सांगुळ ईतकु नीम से अंदीन. <sup>26</sup> लेकीन सहायक मतलब पवतिर आत्मा यारी आप्प नान हसुर देल कळ्यान, आव सप्पा मातगोळी कलस्यान, अदकि जो येनारा ना नीम से अंदीन, आव सप्पा नीमी याद माळसुस्यान. <sup>27</sup> ना नीमी शांती कोटकु होगतीन, तान शांती नीमी कोळतीन; ह्यांग दुनयिा कोळतद, ना नीमी हांग कोळालीन: नीम मन व्याकुल आगबाळुल अदकि अंजबाळुल.” <sup>28</sup> नीव केळदीर कर्ना ना नीम से अंदीन, “ना होगतीन, अदकि नीम हात्ती मातूत बराईन.” अगर नीव नान से प्यार ईटायदीर, रा ई मात देल खुश आगायदीर कर्ना ना आप्प उन हात्ती होगतीन, यतकी आप्प नान से धोड्डेव आन. <sup>29</sup> अदकि ना ईग इदुर्द आगोर से पयले नीम से अंद बुटीन, कर्ना याग अद आगेदीत, रा नीव वशिवास माळी. <sup>30</sup> ना ईग नीम सांगुळ अदकि हापाळ मातगोळी माळतीदील, यतकी ई दुनयिा अन सरदार बरतान. नान मा आऊन येनु अधिकार हैलेच; <sup>31</sup> लेकीन ईद इदुरसाटी आगतद कर्ना दुनयिा जानसुल कर्ना ना आप्प से प्यार ईटतीन, अदकि ह्यांग आप्प नानी आग्या कोट्टुन ना हांग अच माळतीन. येळी, ईल टु नळी.

## 15

यीशु खरा दाखलता

<sup>1</sup> “खरा दाखलता ना हुईन, अदकि नान आप्प कसिान आन. <sup>2</sup> जो खांदी नान दा आद अदकि फलसाल्द, अदरी आव कळ्द बुळतान; अदकि जो फल्सतद, अदरी आव छाट्सतान ताकी अदकि फलसुल. <sup>3</sup> नीव रा आ वचन इन कारण जो ना नीम से अंदीन, शुद्ध आईर. <sup>4</sup> नीव नान दा बन्सकु ईरी, अदकि ना नीम दा. ह्यांग खांदी अगर दाखलता दा बन्सकु ईरतीदील रा तान तान देल फल्स सकाल्द, हांगा नीव भी अगर नान दा बन्सकु ईरतीदील रा फल्स सकालीर.

5 ना दाखलता हुईनः अदकि नीव खांदीगोळ हुईर. जो नान दा बन्सकु ईरतान अदकि ना आऊन दा, अद हापाळ काय तरतद, यतकी नान से अलग आगकु नीव येनु माळ सकालीर. 6 अगर यावारा नान दा बन्सकु ईरूल, रा आव खांदी अन घाई भटिकु आगतान, अदकि वंळगेगतान; अदकि लांकुर अवरी सकलुसकु बेककी दा भीट बुळतार, अदकि अव होत्तेगताव. 7 अगर नीव नान दा बन्सकु ईत्तीर अदकि नान वचन नीम दा बन्सकु ईत्तीत, रा जो चाहासीर बेळी अदकि अद नीम साटी आगेदीत. 8 नान आप्प उन महमा ईदुर देल आगतद क्नी नीव हापाळ सा काय तरी, आग अच नीव नान चेला ठहूसीर.” 9 ह्यांग आप्प नान से प्यार ईटदुन, हांग अच ना नीम से प्यार ईटदीन; नान प्यार दा बन्सकु ईरी. 10 अगर नीव नान आग्यागोळी मानसीर, रा नान प्यार दा बन्सकु ईत्तीर; ह्यांग क्नी ना तान आप्प उन आग्यागोळी मानसदीन, अदकि आऊन प्यार दा बन्सकु ईरतीन. 11 ना ई मातगोळी नीम से इदुरसाटी अंदीन, क्नी नान खुशी नीम दा बन्सकु ईरूल, अदकि नीम खुशी पुरा आगोगुल. 12 \*नान आग्या ईद आद, क्नी ह्यांग ना नीम से प्यार ईटदीन, हांग अच नीव भी आबुर दाबुर से प्यार ईटी. 13 इदुर से धोळ्द प्यार यारदु ईला क्नी यावारा तान संगीगोळ साटी तान जीव कोळुल. 14 जो आग्या ना नीमी कोळतीन, अगर अदरी मानसीर रा नीव नान संगी हुईर. 15 ईगी टु ना नीमी दास अनतीदलि, यतकी दास जानसालुन क्नी आऊन मालकि येन माळतान; लेकीन ना नीमी संगी अंदीन, यतकी जो मातगोळी ना तान आप्प से केळदीन, अव सप्पा नीमी हेळ बुटीन. 16 नीव नानी नीवळुसीदील लेकीन ना नीमी नीवळुसदीन क्नी नीव होगकु काय तरी अदकि नीम काय बन्सकु ईरूल, क्नी नीव नान हेसुर देल जो येनारा आप्प से बेळी, अद नीमी कोळुल. 17 ई मातगोळ आग्या ना नीमी इदुरसाटी कोळतीन क्नी नीव आबुर दाबुर से प्यार ईटी.”

### दुनयिा अन दुश्मनी

18 “अगर दुनयिा नीम से दुश्मनी ईटतद, रा नीव जानसतीर क्नी आव नीम से पयले नान से दुश्मनी ईटदुर. 19 अगर नीव दुनयिा नोर आगायदीर, रा दुनयिा तानोर से प्यार ईटाईत; लेकीन ईद कारण क्नी नीव दुनयिा अन आल्लच, लेकीन ना नीमी दुनयिा दा टु नीवळुस कोंडीन, इदुरसाटी दुनयिा नीम से दुश्मनी ईटतद. 20 \*जो मात ना नीम से अंददीन, ‘दास तान स्वामी से धोडडेव ईरालुन,’ अदरी याद ईटी. अगर आंदुर नानी सतुसदुर, रा नीमी भी सतुस्यार; अगर आंदुर नान मात मानसदुर, रा नीमद भी मानस्यार. 21 लेकीन ईद सप्पा येनारा आंदुर नान हेसुर इन कारण नीम सांगुळ माळ्यार, यतकी आंदुर नानी कळावाळा अक जानसालुर. 22 अगर ना ईला बरायदीन अदकि आंदुर से मातगोळी ईला माळायदीन, रा आंदुर पापी ईला ठहूसयदुर; लेकीन ईग आंदरी पाप इन साटी येनु बहाना हैलेच. 23 जो नान से दुश्मनी ईटतान, आव नान आप्प से भी दुश्मनी ईटतान. 24 अगर ना आंदुर दा आंदुर क्याल्सा ईला माळायदीन जो अदकि याऊ माळीदील, रा आंदुर पापी ईला ठहूसयदुर; लेकीन ईग रा आंदुर नानी

\* 15:12 १५:१२ यूहन्ना १३:३४; १५:१७; १ यूहन्ना ३:२३; २ यूहन्ना १५

\* 15:20 १५:२० मत्ती

१०:२४; लुका ६:४०; यूहन्ना १३:१६

अदकि नान आप्प येढ्ढु मुंदरी नोळदुर अदकि येढ्ढु से दुश्मनी माळदुर. <sup>25</sup> ईद इदुरसाटी आत कि अद वचन पुरा आगुल, जो आंदुरद व्यवस्था दा लखिसकु आद, 'आंदुर नान से फालतु दुश्मनी माळदुर.' <sup>26</sup> लेकीन याग आव मदतगार बंदान, यारी ना नीम हाती आप्प उन दी टु कळाईन, मतलब सच्चाई अन आत्मा जो आप्प उन दी टु होळतान, रा आव नान गवाही कोट्टान; <sup>27</sup> अदकि नीव भी नान गवाह आईर यतकी सुरूवात टु नान सांगुळ ईतीर."

## 16

1 "ई मातगोळी ना नीम से इदुरसाटी अंदीन कि नीव ठोकर तनिबाळी. <sup>2</sup> आंदुर नीमी यहूदी लॉकुरद सभागृहगोळ दा टु तेगु बुट्टार, लेकीन अद समय बंदाद, कि जो यावारा नीमी कोंद बुट्टान आव समस्यान कि ना परमेश्वर उन स्यावा माळतीन. <sup>3</sup> हगि आंदुर इदुरसाटी माळ्यार कि आंदुर ना आप्प उक जानस्यार अदकि ना नानी जानसतार. <sup>4</sup> लेकीन ई मातगोळी ना इदुरसाटी अंदीन, कि याग इंदुर समय बंदीत रा नीमी याद होट बंदीत कि ना नीम से पयले अच अंद बुटीदीन."

पवतिर आत्मा अन क्यालसा

"ना सुरूवात टु नीम से ई मातगोळी इदुरसाटी अंददिल यतकी ना नीम सांगुळ ईरीन. <sup>5</sup> लेकीन ईंग ना तान कळावाळा अन हात्ती होगतीन; अदकि नीम दा टु याऊ नान से केळालुन, कि 'नी येल होगत्या.' " <sup>6</sup> लेकीन ना जो ई मातगोळी नीम से अंदीन, इदुरसाटी नीम मन शोक देल तुम्मेग्याद. <sup>7</sup> तरी ना नीम से खरा माताळतीन कि नांद होगोद नीम साटी वळलीद आद, यतकी अगर ना होगतीदिल रा आव सहायक नीम हात्ती बरतीदिल; लेकीन अगर ना होगईन, रा आऊक नीम हात्ती कळाईन. <sup>8</sup> आव बंदकु दुनया अक पाप अदकि न्यायीपन अदकि न्याय इन बारा दा समझुस्यान. <sup>9</sup> पाप इन बारा दा इदुरसाटी कि आंदुर नान मा वश्वास माळालुर; <sup>10</sup> अदकि न्यायीपन अन बारा दा इदुरसाटी कि ना आप्प उन हात्ती होगतीन, अदकि नीव नानी बाक नोळतीदलि; <sup>11</sup> न्याय इन बारा दा इदुरसाटी कि दुनया अन सरदार दोषी ठहूरसकु आग्यान. <sup>12</sup> "नानी नीम से अदकि भी हापाळ सा मातगोळी अनोद आद, लेकीन ईंगल्या नीव अवरी सहन माळ सकालीर. <sup>13</sup> लेकीन याग आव मतलब सच्चाई अन आत्मा बंदान, रा नीमी सप्पा सच्चाई अन हादी हेळ्यान, यतकी आव तान दी टु ईला अंदान लेकीन जो येनारा केळ्यान अदा अंदान, अदकि बरावाळा मातगोळी नीमी हेळ्यान. <sup>14</sup> आव नांद महमा माळ्यान, यतकी आव नान मातगोळ दा टु हुळकु नीमी हेळ्यान. <sup>15</sup> जो येनारा आप्प उन आद, अद सप्पा नान हुन; इदुरसाटी ना अंदीन कि आव नान मातगोळ दा टु हुळकु नीमी हेळ्यान.

दुख सुख दा बदलुसेदीत

16 "घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर." <sup>17</sup> आग आऊन येनारा चेलागोळ आपस दा अंदुर, "ईद येन हुन जो आव नाम से अनतान, 'घळी तीमुर दा नीव नानी नोळतीदलि, अदकि बाक

घळी तीमुर दा का नानी नोळीर?’ अदकि ईद ‘इदुरसाटी क्निना आप्प उन हात्ती होगतीन.’” 18 आग आंदुर अंदुर, “ईद ‘घळी तीमुर’ जो आव अनतान, येन मात आद? नाव जानसालेव क्निआव येन अनतान.” 19 यीशु ईद जान्सकु क्निआंदुर नान से केळोद चाहासतार, आंदुर से अंदुन, “येन नीव आपस दा नान ई मात इन बारा दा जाँच माळतीर, ‘घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?’” 20 ना नीम से खरा खरा अनतीन क्निनीव वरलीर अदकि दुख माळीर, लेकीन दुनया खुशी माळीत; नीमी शोक आदीत, लेकीन नीम शोक खुशी दा बदलुसेदीत. 21 चगिद हाळोद समय आरुत इक दुख आगतद, यतकी आकनि दुख इन घळी होट बंदाद, लेकीन याग आक चगिद उक जनम कोट बुळतार, रा ईद खुशी देल क्निदुनया दा ऊंद मंळसा पैदा आदुन, आ संकट इक बाक याद माळालुर. 22 अदा प्रकार नीमी भी ईग रा दुख आद, लेकीन ना नीम से बाक सकाईन अदकि नीम मन खुशी देल तुम्मेदव; अदकि नीम खुशी याऊ नीम से कसु सकतीदलि. 23 आ दशिी नीव नान से येनु कोळतीदील. ना नीम से खरा खरा माताळतीन, अगर आप्प उन से येनारा बेळीर, रा आव नान हेसुर देल नीमी कोट्टान. 24 ईगासताका नीव नान हेसुर देल येनु बेळीदील; बेळीर रा नीमी सक्कीत ताकी नीम खुशी पुरा आगेगुल.

### दुनया मा वजिय

25 “ना ई मातगोळी नीम से उदाहरणगोळ दा अंदीन, लेकीन अद समय बंदीत क्निना नीम से बाक उदाहरणगोळ दा अनतीदलि, लेकीन खुल्सकु नीमी आप्प उन बारा दा हेळाईन. 26 आ दशिी नीव नान हेसुर देल बेळीर; अदकि ना नीम से ईद अनालीन क्निना नीम साटी आप्प उन से वनिती माळाईन; 27 यतकी आप्प रा खुद अच नीव से प्यार ईटतान, इदुरसाटी क्निनीव नान से प्यार ईटदीर अदकि ईद भी वशिवास माळदीर क्निआप्प उन दी टु बंदीन. 28 ना आप्प उन दी टु दुनया दा बंदीन; ना मातत दुनया अक बटिकु आप्प उन हात्ती होगतीन.” 29 आऊन चेलागोळ अंदुर, “नोळ, ईग रा नी खुल्सकु अनत्या, अदकि येनु उदाहरण अनाल. 30 ईग नाव जान्स कोडेव क्निनी सब येनारा जान्सत्या, अदकि इदुर जरवत हैलेच क्नियावारा नीन से येनारा केळुल; इदुर देल नाव वशिवास माळतेव क्निनी परमेश्वर उन दी टु बंद्या.” 31 ईद केळकु यीशु आंदुर से अंदुन, “येन नीव ईग वशिवास माळतीर? 32 नोळी, अद घळी बरतद बल्की होट बंदाद क्निनीव सप्पा ततिर बतिर आगकु तान तान हादी हुळदीर, अदकि नानी आबना बटि बुट्टीर; तरी ना आबना ईला यतकी आप्प नान सांगुळ आन. 33 ना ई मातगोळी नीम से इदुरसाटी अंदीन क्निनीमी नान दा शांती सकुल. दुनया दा नीमी दुख आगतद, लेकीन हम्मित ईटी, ना दुनया अक जीत्स कोडीन.”

## 17

यीशु उन महायाजकीय प्रार्थना: खुद इन साटी

1 यीशु ई मातगोळी अंदुन अदकि तान कण्णगोळी आकाश इन दी म्याकुच नेगुकु अंदुन, “हे आप्पा, अद घळी होट बंदाद; तान पार उन महमिा माळ क्निपार

भी नीन महमि माळुल, <sup>2</sup> यतकी नी आऊक सप्पा प्राणीगोळ मा अधिकार कोट्या, कियारी नी आऊक कोट्या आ सप्पा अक आव अनन्त जीवन कोळुल. <sup>3</sup> अदकि अनन्त जीवन ईद आद कि आंदुर नीन ऊंद मात्र खरा परमेश्वर उक अदकि यीशु मसीह अक, यारी नी कळ्या, जानसुल. <sup>4</sup> जो क्यालसा नी नानी माळली कोटीद, अदरी पुरा माळकु ना पृथ्वी मा नीन महमि माळीन. <sup>5</sup> ईग हे आप्प, नी तान सांगुळ नान महमि आ महमि देल माळ जो दुनया अन दुनया से पयले, नांद नीन सांगुळ ईरोद.

<sup>6</sup> “ना नीन हेसुर आ मळसागोळ मा प्रगट माळीन यारी नी दुनया दा टु नानी कोट्ट. आंदुर नीनोर ईरोर अदकि नी आंदरी नानी कोट्ट, अदकि आंदुर नीन वचन इक मान्स कोंडुर. <sup>7</sup> ईग आंदुर जान्स कोंडुर कि जो येनारा नी नानी कोट्या अद सप्पा नीन दी टु आद; <sup>8</sup> यतकी जो वचन नी नानी कोट्ट, ना अवरी आंदुर हाती पोहचुस बुटीन; अदकि आंदुर अवरी ग्रहण माळदुर, अदकि खरा खरा जान्स कोंडुर कि ना नीन दी टु बंदीन, अदकि वशिवास माळ कोंडुर कि नी अच नानी कळ्या. <sup>9</sup> ना आंदुर साटी वनिती माळतीन; दुनया अन साटी वनिती माळालीन लेकीन आंदुरदा साटी यारी नी नानी कोट्या, यतकी आंदुर नीनोर उर; <sup>10</sup> अदकि जो येनारा नांद आद अद सप्पा नींद हुन, अदकि जो नींद हुन अद नांद हुन, अदकि ईऊर देल नांद महमि प्रगट आग्याद. <sup>11</sup> ना ईग दुनया दा ईरतीदील, लेकीन इंदुर दुनया दा ईततार, अदकि ना नीन हात्ती बरतीन. हे पवतिर आप्प, तान आ हेसुर देल जो नी नानी कोट्या, अऊरद रक्षा माळ कि अव नाम घाई ऊंद आगुल. <sup>12</sup> \*याग ना आंदुर सांगुळ ईरीन, रा ना नीन अद हेसुर देल, जो नी नानी कोट्या अदुरद रक्षा माळदीन. ना आंदुरद सावधानी माळदीन, अदकि वनिश इन पार उक बटिकु आंदुर दा टु याऊ नाश आगीदील, इदुरसाटी कि जो पवतिरशासत्र दा अंदकु आग्याद अद पुरा आगुल. <sup>13</sup> ईग ना नीन हात्ती बरतीन, अदकि ई मातगोळी दुनया\* दा अनतीन, कि आंदुर नान खुशी तान दा पुरा आगुल. <sup>14</sup> ना नीन वचन आंदरी पोहचुस बुटीन; अदकि दुनया आंदुर से दुश्मनी माळ्त, यतकी ह्यांग ना दुनया नव आल्लच, हांग अच आंदुर भी दुनया नोर आल्लच. <sup>15</sup> ना ईद वनिती माळालीन कि नी आंदरी दुनया टु नेगु कोम; लेकीन ईद कि नी आंदरी आ दुष्ट टु ऊळ्सकु ईट. <sup>16</sup> ह्यांग ना दुनया नव आल्लच, हांगा आंदुर भी दुनया नोर आल्लच. <sup>17</sup> सच्चाई अन द्वारा आंदरी पवतिर माळ: नीन वचन सही आद. <sup>18</sup> ह्यांग नी नानी दुनया दा कळुद, हांगा ना भी आंदरी दुनया दा कळुदीन; <sup>19</sup> अदकि आंदुर साटी ना तान तान इक पवतिर माळतीन, ताकी आंदुर भी सही अन द्वारा पवतिर माळकु आगुल.

<sup>20</sup> “ना सरिफ इंदुरदा साटी वनिती माळालीन, लेकीन आंदुर साटी भी जो इंदुर वचन इन द्वारा नान मा वशिवास माळ्यार, <sup>21</sup> कि आंदुर सप्पा ऊंद आगुल; ह्यांग नी हे आप्प नान दा आय, अदकि ना नीन दा आईन, हांग अच आंदुर भी नाम दा आगुल, यार से दुनया वशिवास माळुल कि नी अच नानी कळ्या. <sup>22</sup> अद महमि जो नी नानी कोट्या ना आंदरी अद कोट्टीन, कि आंदुर हांग अच ऊंद आगुल ह्यांग कि नाव ऊंद आयेव, <sup>23</sup> ना आंदुर दा अदकि नी नान दा

का आंदुर सदिध आगकु ऊंद आगोगुल, अदकि दुनयिा जानसुल का नी अच नानी कळ्या, अदकि ह्यांग नी नान से प्यार ईट्द हांग अच आंदुर से प्यार ईट्द. 24 हे आप्प, ना चाहासतीन का यारी नी नानी कोट्या, येल ना आईन अल आंदुर भी नान सांगुळ ईरूल, का आंदुर नान आ महमा अक नोळुल जो नी नानी कोट्या, यतकी नी दुनयिा अन उत्पत्तति से पयले नान से प्यार ईट्द. 25 हे न्यायी आप्प, दुनयिा नानी जानसीदील, लेकीन ना नीनी जानसदीन; अदकि इंदुर भी जानसदुर का नी अच नानी कळ्या. 26 ना नीन हेसुर आंदरी हेळदीन अदकि हेळत ईराइन का जो प्यार नीनी नान से ईरोद अद आंदुर दा ईरूल, अदकि ना आंदुर दा ईरूल.”

## 18

यीशु उक हुळसुसकु आगोद

(मत्ती २६:४७-५६; मरकुस १४:४३-५०; लूका २२:४७-५३)

1 यीशु ई मातगोळी अनकु तान चेलागोळ सांगुळ कदिरोन नाला अन आप्पाटी होदुन. अल ऊंद बेली ईरोद, यदुरदा आव अदकि आऊन चेलागोळ होदुर. 2 आऊक हुळसुसावाळा यहूदा भी अद जागा जानसोन, यतकी पयले हापाळ घन यीशु तान चेलागोळ सांगुळ अल होगीदुन. 3 आग यहूदा, सैनकिगोळ्द ऊंद दल इक अदकि प्रधान याजकगोळी अदकि फरीसीगोळ दी टु चौकीदारगोळी हुळकु, कंदीलगोळ, मशालगोळी अदकि हथयारगोळी हुळकु अल बंदुन. 4 आग यीशु, आ सप्पा मातगोळी जो आऊन मा बरावाळा ईरव जानसकु, होट्टुन अदकि आंदुर से अंदुन, “यारी हुँदसतीर?” 5 आंदुर आऊक उत्तर कोट्टुर, “यीशु नासरी अक.” यीशु आंदुर से अंदुन, “ना हुईन.” आऊक हुळसुसावाळा यहूदा भी आंदुर सांगुळ नदिरकु ईरोन. 6 आऊंद ईद अनतेला अच, “ना हुईन,” आंदुर हदि सरकुसकु जागा मा बदिदुर. 7 आग आव मातत आंदुर से केळदुन, “नीव यारी हुँदसतीर.” आंदुर अंदुर, “यीशु नासरी अक.” 8 यीशु उत्तर कोट्टुन, “ना रा नीम से अंद कोडीन का ना हुईन, अगर नानी हुँदसतीर रा इंदरी होगोळी.” 9 ईद इदुरसाटी आत का अद वचन पुरा आगुल जो आव अंददिन: “यारी नी नानी कोट्या आंदुर दा टु ना ऊंद इक भी खोऊसीदील.” 10 आग शमौन पतरस तलवार, जो आऊन हात्ती ईरोद, जेळदुन अदकि महायाजक उन दास मा नळसकु आऊन ऊमा कवि हारस बुटुन. आ दास उन हेसुर मलखुस ईरोद. 11 \*आग यीशु पतरस से अंदुन, “तान तलवार म्यान दा ईट. जो कटोरा आप्प नानी कोटान, येन ना अदरी कुडुतीदील?”

हनुना अन पयले यीशु

12 आग सैनकिगोळ अदकि आंदुर सूबेदार अदकि यहूदीगोळ चौकीदारगोळ यीशु उक हुळकु कट बुटुर, 13 अदकि पयले आऊक हनुना अन हात्ती ओतुर, यतकी आव आ वर्ष इन महायाजक कैफा अन माँव ईरोन. 14 \*ईव आवा कैफा ईरोन, यार यहूदीगोळी सलाह कोटीदुन का नाम लॉकुर साटी ऊंद मळसा अन सायोद वळ्लीद आद.

\* 18:11 १८:११ मत्ती २६:३९; मरकुस १४:३६; लूका २२:४२

\* 18:14 १८:१४ यूहन्ना ११:४९,५०

पतरस उन इनकार

(मत्ती २६:६९,७०; मरकुस १४:६६-६८; लूका २२:५५-५७)

15 शमौन पतरस अदकि ऊंद अन्य चेला भी यीशु उन हृदि आगेदुर. ईव चेला महायाजक उन जाना पयचाना ईरोन, इदुरसाटी आव यीशु उन सांगुळ महायाजक उन आंगुळ दा होदुन, 16 लेकीन पतरस व्हार्या दरवाजा मा नदिरकु ईत्तुन. आग आव दुसरा चेला जो महायाजक उन जान पयचान इनव ईरोन, व्हार्या होट्टुन अदकि चौकीदारगीत इन से अनकु पतरस उक बुळ्क तंदुन. 17 आ दासी जो चौकीदारगीत ईरोर, पतरस से अंदुर, “येनारा नी भी ई मळसा अन चेलागोळ दा टु रा हैलेच?” आव अंदुन, ईला “ना आल्लच.” 18 दास अदकि चौकीदार सोळ इन कारण काँसा होत्ताकु नदिरकु बेक्की सेकसोर, अदकि पतरस भी आंदुर सांगुळ नदिरकु बेक्की सेकसोन.

महायाजक उन द्वारा यीशु उन जाँच

(मत्ती २६:५९-६६; मरकुस १४:५५-६४; लूका २२:६६-७१)

19 आग महायाजक यीशु से आऊन चेलागोळ बारा दा अदकि आऊन उपदेश इन बारा दा जाँच माळदुन. 20 यीशु आऊक उत्तर कोट्टुन, “ना दुनया अन सांगुळ खुल्सकु मातगोळी हेळदीन; ना सभागूहगोळ अदकि मंदरि दा, यल सप्पा यहूदी जमा आगतोगोर, सदा उपदेश माळदीन अदकि गुप्त दा येनु अंददिल. 21 नी नान से येती केळत्या? केळावाळेर से केळ कनि आंदुर से येन अंदीन. नोळ, आंदुर जानसतार कनि येन येन अंदीन.” 22 याग आव ईद अंदुन, रा चौकीदारगोळ दा टु ऊंद जो हात्ती नदिरकु ईरोन, यीशु उक क्याबरा बळकु अंदुन, “येन नी महायाजक उक ईत्ता प्रकार देल उत्तर कोळत्या?” 23 यीशु आऊक उत्तर कोट्टुन, “अगर ना बुरा अंदीन, रा आ बुराई अन गवाही कोळ; लेकीन अगर भला अंदीन, रा नानी येती बडुत्या?” 24 हन्ना आऊक कटकु कैफा महायाजक उन कळु बुटुन.

पतरस उन दुबारा इनकार

(मत्ती २६:७१-७५; मरकुस १४:६९-७२; लूका २२:५८-६२)

25 शमौन पतरस नदिरकु बेक्की सेकसोन. आग आंदुर आऊन से अंदुर, “येनारा नी भी रा आऊन चेलागोळ दा टु रा हैलेच?” आव इनकार माळकु अंदुन, “ना आल्लच.” 26 महायाजक उन दासगोळ दा टु ऊंद, जो परवारि दा टु ईरोन यार्द कवि पतरस कोद बुटीदुन, अंदुन, “येन ना नीनी आऊन सांगुळ बेली दा ईला नोळीदनि?” 27 पतरस मात्त इनकार माळदुन, अदकि तुरन्त हुंज कुगत.

पलिातुस उन मुंद यीशु

(मत्ती २७:१,२,११-१४; मरकुस १५:१-५; लूका २३:१-५)

28 आग आंदुर यीशु उक कैफा अन हात्ती टु कलिा अक ओतुर, अदकि व्हार्या इन समय ईरोद, लेकीन आंदुर खुद कलिा अन बुळ्क होगीदिल ताकी अशुध्द आगबाळुल लेकीन फसह तनि सकुल. 29 आग पलिातुस आंदुर हात्ती व्हार्या होटकु बंदुन अदकि अंदुन, “नीव ई मळसा मा याता मात इन आरोप हचतीर?” 30 आंदुर आऊक उत्तर कोट्टुर, “अगर आव कुकर्मी ईला ईरायदुन रा नाव



आऊक नीन कय दा ईला कोळायदेव.” 31 पलिातुस आंदुर से अंदुन, “नीव अच ईऊक वोतकु तान व्यवस्था अन अनुसार आऊंद न्याय माळी.” यहूदीगोळ आऊन से अंदुर, “नामी अधिकार हैलेच क्क यारदारा जीव ताकोडेव.” 32 ईद इदुरसाटी आत क्क यीशु उन अद मात पुरा आगुल जो आव ईद संकेत कोळाहोती अददिन क्क आऊंद मृत्यु ह्यांग आदीत.

33 आग पलिातुस मात्त कलिा अन बुळ्क होदुन, अदकि यीशु उक कारूकु आऊन से केळदुन, “येन नी यहूदीगोळ राजा हुय?” 34 यीशु उत्तर कोट्टुन, “येन नी ईद मात तान दी टु अनत्या या दुसरागोळ नान बारा दा नीन से ईद अंदार?” 35 पलिातुस उत्तर कोट्टुन, “येन ना यहूदी हुईन? अपमान अच जाती अदकि प्रधान याजकगोळ नीनी नान कय दा कोटार. नी येन माळ्या?” 36 यीशु उत्तर कोट्टुन, “नान राज्य ई दुनया अन आल्लच; अगर नान राज्य ई दुनया अन आगाईत, रा नान सेवकगोळ लळाई माळायदुर क्क नानी यहूदीगोळ कय दा कोटकु आगबाळुल: लेकीन नान राज्य ईल ईद आल्लच.” 37 पलिातुस आऊन से अंदुन, “रा येन नी राजा हुय?” यीशु उत्तर कोट्टुन, “नी अनत्या क्क ना राजा हुईन. ना इदुरसाटी पैदा आदीन अदकि इदुरसाटी दुनया दा बंदीन क्क सच्चाई इन गवाही कोळाईन. जो यावारा सच्चाई नव आन, आव नान आवाज केळतान.” 38 पलिातुस आऊन से अंदुन, “सही येन आद?”

मृत्यु दण्ड इन आग्या

(मत्ती २७:१५-३१; मरकुस १५:६-२०; लूका २३:१३-२५)

ईद अनकु आव मात्त यहूदीगोळ हात्ती होदुन अदकि आंदुर से अंदुन, “नानी रा आऊन दा येनु दोष सक्कीदील. 39 लेकीन नीमद् ईद रीर्ता आद क्क ना फसह दा नीमद् साटी ऊंद मंळसा अक बटि बुळाईन. इदुरसाटी येन नीव चाहासतीर क्क ना नीम साटी यहूदीगोळ राजा अक बटि बुळाईन?” 40 आग आंदुर मात्त चलिळासकु अंदुर, “ईऊक ईला, लेकीन नाम साटी बरअब्बा अक बटि बुळ.” अदकि बरअब्बा डाकू ईरोन.

## 19

1 इदुर मा पलिातुस यीशु उक क्वाळा बळसुसदुन. 2 सपिाहीगोळ मुळ्लगोळ मुकुट माळकु आऊन ताल्ला मा ईटदुर, अदकि जांभळा कलर इन कपळा हाकसुसदुर. 3 अदकि आऊन हात्ती खुशी देल बंद बंदकु अनली कुरतुर, “हे यहूदीगोळ राजा, प्रणाम!” अदकि आऊक क्याबरा भी बळदुर. 4 आग पलिातुस मात्त व्हार्या होटकु लॉकुर से अंदुन, “नोळी, ना आऊक नीम हात्ती मात्त व्हार्या तरतीन; ताकी नीव जान्सी क्क आऊन दा नानी येनु भी दोष सक्कीदील.” 5 आग यीशु मुळ्लगोळ मुकुट अदकि जांभळा कलर इन कपळा हाककु व्हार्या होट्टुन; अदकि पलिातुस आंदुर से अंदुन, “नोळी, ईव मंळसा!” 6 “याग प्रधान याजकगोळ अदकि चौकीदारगोळ आऊक नोळदुर, रा चलिळासकु अंदुर, आऊक क्रूस मा येर्स, क्रूस मा!” पलिातुस आंदुर से अंदुन, “नीव अच आऊक हुळकु क्रूस मा येरसी, यतकी नानी आऊन दा येनु दोष सक्कीदील.” 7 यहूदीगोळ आऊक उत्तर कोट्टुर, “नामद् भी व्यवस्था आद

अदकि आ व्यवस्था अन अनुसार आव कौद बुळोद योग्य आन, यतकी आव तान तान इक परमेश्वर उन पार माळदुन.” 8 याग पलातुस ईद मात केळदुन रा अदकि भी अंजेदुन, 9 अदकि मातूत कलिा अन बुळक होदुन अदकि यीशु से अंदुन, “नी येलेव हुय?” लेकीन यीशु आऊक येनु भी उत्तर कोटीदील. 10 इदुर मा पलातुस आऊन से अंदुन, “नान से येती माताळाल? येन नी जान्साल का नीनी बटि बुळोद अधिकार नानी आद, अदकि नीनी क्रूस मा येरसोद भी अधिकार नानी आद.” 11 यीशु उत्तर कोट्टुन, “अगर नीनी म्याकुच टु कोटकू ईला आगाईत, रा नीन नान मा येनु अधिकार ईला ईराईत; इदुरसाटी याव नानी नीन कय दा हुळसुस्यान आऊन पाप यक्कुल आव.” 12 इदुर मा पलातुस आऊक बटि बुळोद चाहासदुन, लेकीन यहूदीगोळ चलिळास चलिळासकु अंदुर, “अगर नी ईऊक बटिबुट्या, रा नीन भक्ती कैसर सरकार उन दी हैलेच. जो यावारा तान तान इक राजा माळतान आव कैसर सरकार इन सामना माळतान.” 13 ई मातगोळी केळकु पलातुस यीशु उक व्हार्या तंदुन अदकि आ जागा कल्ल इन ऊंद चबूतरा ईरोद जो इब्रानी भाषा दा “गब्वता” कहलुसतद, अदकि अल न्याय आसन मा कुरतुन. 14 ईद फसह अन तयारी इन दनि ईरोद, अदकि सहावा घंटा अन लगभग ईरोद. आग आव यहूदीगोळ से अंदुन, “नोळी नीम राजा!” 15 लेकीन आंदुर चलिळासदुर, “ओय! ओय! आऊक क्रूस मा येर्स!” पलातुस आंदुर से अंदुन, “येन ना नीम राजा अक क्रूस मा येरसाईन?” प्रधान याजकगोळ उत्तर कोट्टुर, “कैसर सरकार उक बटिकु नाम याऊ राजा हैलेच.” 16 आग पलातुस यीशु उक आंदुर कय दा कोट बुटुन ताकी आव क्रूस मा येर्सकु आगुल.

यीशु उक क्रूस मा येर्सकु आगोद

(मत्ती २७:३२-४४; मरकुस १५:२१-३२; लूका २३:२६-४३)

इदुरसाटी आंदुर आऊक तान कबजा दा माळदुर. 17 आग आंदुर यीशु उक ओतुर, अदकि आव तान क्रूस नेगुकु आ जागा ताका व्हार्या होदुन, जो “खोपळी इन जागा” अनकु आगतद अदकि इब्रानी भाषा दा “गुलगुता.” 18 अल आंदुर आऊक अदकि आऊन सांगुळ अदकि येढ्ढ मंळसागोळी क्रूस मा येर्सदुर, ऊंद इक इतूत अदकि ऊंद इक आतूत, अदकि न्याड्या दा यीशु उक. 19 पलातुस ऊंद दोष चट्टी लखिसकु क्रूस मा हच बुटुन, अदकि अदुर दा ईद लखिसकु ईरोद, “यीशु नासरी, यहूदीगोळ राजा.” 20 ईद दोष चट्टी हापाळ सा यहूदीगोळ वाचुसदुर, “यतकी अद जागा यल यीशु क्रूस मा येर्सकु आगीदुन नगर इन हाती ईरोद; अदकि चट्टी इब्रानी अदकि लतीनी अदकि ग्रीक भाषा दा लखिसकु ईरोद. 21 आग यहूदीगोळ प्रधान याजकगोळ पलातुस से अंदुर, ‘यहूदीगोळ राजा’ लखिसबाळ लेकीन ईद का ‘आव अंदुन’ ना यहूदीगोळ राजा हुईन.” 22 पलातुस उत्तर कोट्टुन, “ना जो लखिस बुटीन, अद लखिस बुटीन.” 23 याग सैनिक यीशु उक क्रूस मा येर्स बुटुर, रा आऊन कपळा हुळकु नाक भाग माळदुर, हर सैनिक उन साटी ऊंद भाग, अदकि कुळता. भी ताकोडुर, लेकीन कुळता. बनिा होल्दकु म्याकुच टु ल्यालमा ताका बन्सकु ईरोद. 24 इदुरसाटी आंदुर आपस दा अंदुर, “नाव इदरी हरालेव, लेकीन इदुर मा चट्टी हाक्केव का

ईद यारद आदीत.” ईद इदुरसाटी आत कऱि पवत्रिशास्त्र दा जो लखिस्कु आद पुरा आगुल

“आंदुर नान कपळा आपस दा वाट्स बुटुर अदकि नान कपळा मा चट्टी हाकदुर.” <sup>25</sup> इदुरसाटी सैनकिगोळ हगि अच माळदुर. यीशु उन कूरूस इन हाती आऊन मोय, अदकि आऊन मोय इन आकतींग, क्लोपास उन हगिस् मरयिम, अदकि मरयिम मगदलीनी नदिरकु ईरोर. <sup>26</sup> याग यीशु तान मोय, अदकि आ चेला अक यार से आव प्यार ईटतोगोन हात्ती नदिरकु नोळदुन रा तान मोय से अंदुन, “हे आरत, नोळ, ईव नीन पार हुन.” <sup>27</sup> आग आव चेला से अंदुन, “ईक नीन मोय उर.” अदकि अदा समय टु आव चेला आकी तान मान्या ओतुन.

यीशु उन मृत्यु

(मत्ती २७:४५-५६; मरकुस १५:३३-४१; लूका २३:४४-४९)

<sup>28</sup> इदुर बाददा यीशु ईद जान्सकु कऱि ईग सप्पा येनारा पुरा आगेग्याद, इदुरसाटी कऱि पवत्रिशास्त्र दा जो अंदकु आगीत अद पुरा आगुल, अंदुन, “ना प्यासा आईन.” <sup>29</sup> अल हळलग अंगुर इन रास्सा देल तुमकु ऊंद बरतन ईटकु ईरोद, इदुरसाटी आंदुर सरिका दा नेनाकद ऊंद सपंज इक हसिसप इन डगालगोळ मा ईटदुर अदकि म्याकुच नेगुकु, आऊन बाय इक हचदुर. <sup>30</sup> याग यीशु अद सरिका हळदुन अदकि अंदुन, “पुरा आत.” अदकि ताल्ला ल्यालमा माळकु जीव बटि बुटुन.

भाला देल छेद माळोद

<sup>31</sup> इदुरसाटी कऱि अद तयारी अन दनि ईरोद यहूदीगोळ पलातुस से वनिती माळदुर कऱि आंदुर कालगोळी मुरदकु आगुल अदकि आंदुर ईळ्सकु आगुल, ताकी आराम इन दशी आंदुर कूरूस मा ईरबाळुल, यतकी अद आराम इन दनि धोळ्द दनि ईरोद. <sup>32</sup> इदुरसाटी सैनकिगोळ बंदकु आ मंळसागोळ दा टु पयला मंळसा अन कालगोळी मुरदुर आग दुसरा अन भी, जो यीशु उन सांगुळ कूरूस मा येरसकु आगीदुर; <sup>33</sup> लेकीन यीशु उन हात्ती बंदकु नोळदुर कऱि आव सौतोग्यान, रा आऊन कालगोळी मुरदीदील. <sup>34</sup> लेकीन सैनकिगोळ दा टु ऊंद सैनिकि बरची देल आऊंद हतोरी दा छेद माळदुन, अदकि अदुर दा टु तुरन्त खुन अदकि नीर होळ्त. <sup>35</sup> याव ईद नोळदुन, आव गवाही कोटान, अदकि आऊन गवाही खरा आद; अदकि आव जान्सतान कऱि आव सही अनतान कऱि नीव भी वशिवास माळी. <sup>36</sup> ई मातगोळ इदुरसाटी आदव कऱि पवत्रिशास्त्र दा जो अनकु आगीत अद पुरा आगुल, “आऊंद यातोदु येलु मूरुकु आगतीदील.” <sup>37</sup> मातत ऊंद अदकि शास्त्र दा ईद लखिस्कु आद, “यारी आंदुर छेद माळ्यार, अदुर मा आंदुर नजर हाक्यार.”

यीशु उक नळ्सकु आगोद

(मत्ती २७:५७-६१; मरकुस १५:४२-४७; लूका २३:५०-५६)

<sup>38</sup> ई मातगोळ बाददा अरमितया अन यूसुफ जो यीशु उन चेला ईरोन, लेकीन यहूदीगोळ अंजक देल ई मात इक होचकु ईटतोगोन, पलातुस से वनिती माळदुन कऱि येन आव यीशु उन लाश ओय सकतान. पलातुस आऊन वनिती

केळदुन, अदकि आव बंदकु आऊन लाश ओतुन. <sup>39</sup> \*नीकुदेमुस भी, जो यीशु उन हात्ती ईळकी होगीदुन, पचास सेर इन लगभग मलिसुद अत्तर अदकि एलवा तंदुन. <sup>40</sup> आग आंदुर यीशु उन लाश ताकोंडुर, अदकि यहूदीगोळ नळसोद रीत अन अनुसार आऊक सुगन्ध द्रव इन सांगुळ मलमल इन चददर दा गुंळसदुन. <sup>41</sup> आ जागा मा यल यीशु क्रूस मा येरसकु आगीदुन, ऊंद बेली ईरोद, अदकि आ बेली दा ऊंद वहाशोद कबर ईरोद यल यागलु यारदु लाश ईटकु ईला आगीत. <sup>42</sup> इदुरसाटी यहूदीगोळ तयारी अन दनि इन कारण आंदुर यीशु उक अदुर दा ईटदुर, यतकी अद कबर हाती ईरोद.

## 20

खाली कबर

(मत्ती २८:१-८; मरकुस १६:१-८; लूका २४:१-१२)

1 हप्ता अन पयला दशी मरयिम मगदलीनी वहातर्या का अंधार ईरतेला अच कबर मा बंदुर, अदकि कल्ल इक कबर मा टु हटुसकु नोळदुर. <sup>2</sup> आग आक ओळतेला होदुर अदकि शमौन पतरस अदकि आ दुसरा चेला अन हात्ती यार से यीशु प्यार ईटतोगोन, बंदकु अंदुर, “आंदुर परभु उक कबर दा टु तेगुकु ओतुर, अदकि नाव जानसालेव की आऊक येल ईट बुटार.” <sup>3</sup> आग पतरस अदकि आव दुसरा चेला होटकु कबर अन दी होदुर. <sup>4</sup> आंदुर येददु मुंदुर सांगुळ सांगुळ ओळोर, लेकीन दुसरा चेला पतरस से मुंद वाळुसकु कबर मा पयले पोहचुसदुन; <sup>5</sup> अदकि बांगकु कफन इन कपळा बदिकु नोळदुन, तरी आव बुळक होगीदिल. <sup>6</sup> आग शमौन पतरस आऊन हदि हदि पोहचुसदुन, अदकि कबर अन बुळक होदुन अदकि कफन इन कपळा बदिकु नोळदुन; <sup>7</sup> अदकि अद गमच्छा जो आऊन ताल्ला अक कटकु ईरोद, कफन इन कपळागोळ सांगुळ बदिकु ईला ईरोद, लेकीन अलग ऊंद जागा दा लपटुसकु ईटकु नोळदुन. <sup>8</sup> आग दुसरा चेला भी जो कबर मा पयले पोहचुसीदुन, बुळक होदुन अदकि नोळकु वशिवास माळदुन. <sup>9</sup> आंदुर रा ईगासताका पवत्रिशासत्र अन अद मात ईला समसीदुर की आऊक सोत्तुर दा टु जित्ता आगोद बदिदीत. <sup>10</sup> आग ई चेलागोळ तान मान्नी होटोदुर.

मरयिम मगदलीनी मा प्रगट आगोद

(मत्ती २८:९,१०; मरकुस १६:९-११)

11 लेकीन मरयिम वरलतेला कबर अन हात्ती अच वहार्या नदिरकु ईत्तुर, अदकि वरलत वरलत कबर अन दी बांगकु, <sup>12</sup> येददु स्वर्गदूतगोळ इक बळिव कपळा हाक्कु ऊंद इक ताल्ला अन दी अदकि दुसरा अक काल इन दी कुरतकु नोळदुर, यल यीशु उन लाश ईटकु आगीत. <sup>13</sup> आंदुर आकनि से अंदुर, “हे नारी, नी येती वरलत्या?” आक आंदुर से अंदुर, “आंदुर नान परभु उक नेगुकु ओतुर अदकि ना जानसालीन की आऊक येल ईट्यार.” <sup>14</sup> ईद अनकु आक हदि नोळदुर अदकि यीशु उक नदिरकु नोळदुर, लेकीन पहचानसीदिल की ईव यीशु हुन. <sup>15</sup> यीशु आकनि से अंदुन, “हे नारी, नी येती वरलत्या? यारी दुंदसत्या?” आक माली सम्सकु आऊन से अंदुर, “हे महाराज, अगर नी आऊक नेगु कौड्या

रा नानी हेळ की आऊक येल ईट्या, अदकि ना आऊक ओयाईन.” 16 यीशु आकनि से अंदुन, “मरयिम!” आक हदि नोळकु आऊन से इब्रानी भाषा दा अंदुर, “रबबूनी!” मतलब “हे गुरु.” 17 यीशु आकनि से अंदुन, “नानी मुटवाळ, यतकी ना ईगासताका आप्प उन हात्ती म्याकुच होगली आईन, लेकीन नान वारटुर हात्ती होगकु आंदुर से अंद बुळ, की ना तान आप्प अदकि नीम आप्प, अदकि तान परमेश्वर अदकि नीम परमेश्वर उन हात्ती म्याकुच होगतीन.” 18 मरयिम मगदलीनी होगकु चेलागोळी हेळदुर, “ना प्रभु उक नोळदीन, अदकि आव नान से ई मातगोळी अंदुन.”

चेलागोळ मा प्रगट आगोद

(मत्ती २८:१६-२०; मरकुस १६:१४-१८; लूका २४:३६-४९)

19 अदा दशिी जो हप्ता अन पयला दनि ईरोद, द्यावगा अन होती याग अलेव दरवाजा येल चेलागोळ ईरोर, यहूदीगोळ अंजुक इन मारा देल बंद ईरव, आग यीशु बंदुन अदकि आंदुर न्याड्या दा नदिरकु आंदुर से अंदुन, “नीमी शांती सकिल.” 20 अदकि ईद अनकु आव तान कय अदकि तान हतोरी आंदरी तोरसदुन. आग चेलागोळ प्रभु उक नोळकु खुश आदुर. 21 यीशु आंदुर से मात्त अंदुन, “नीमी शांती सकिल; ह्यांग आप्प नानी कळ्यान, हांग अच ना भी नीमी कळुतीन.” 22 ईद अनकु आव आंदुर मा ऊरदुन अदकि आंदुर से अंदुन, “पवतिर आत्मा हुडी. 23 यार पाप नीव माफ माळी, अव आंदुर साटी माफ माळकु आग्याव; यार नीव ईटी, अव ईटकु आग्याव.”

थोमा मा प्रगट आगोद

24 लेकीन हननेळ दा टु ऊंद, मतलब थोमा जो ददिमुस कहलुस्तान, याग यीशु बंदुन रा आंदुर सांगुळ ईला ईरोन. 25 याग अन्य चेलागोळ आऊन से अनली कुरतुर, “नाव प्रभु उक नोळेव,” आग आव आंदुर से अंदुन, “यागासताका ना आऊन कयगोळ दा खलिलागोळ छेद नोळ कोमालीन, अदकि खलिलागोळ छेद दा तान बेळ्ल हाक्क कोमालीन, अदकि आऊन हतोरी दा तान कय हाक्क कोमालीन, आगासताका ना वशिवास माळतीदील.” 26 येठट दनि इन बाददा आऊन चेलागोळ मात्त मानना अन बुळ्क ईरोर, अदकि थोमा आंदुर सांगुळ ईरोन; अदकि दरवाजा बंद ईरव, आग यीशु बंदुन अदकि आंदुर बीच दा नदिरकु अंदुन, “नीमी शांती सकिल.” 27 आग आव थोमा से अंदुन, “तान बेळ्ल ईल तनकु नान कयगोळी नोळ अदकि तान कय तनकु नान कुसी दा हाक्क, अदकि अवाशिवासी ईला लेकीन वशिवासी आग.” 28 ईद केळकु थोमा उत्तर कोट्टुन, “हे नान प्रभु, हे नान परमेश्वर!” 29 यीशु आऊन से अंदुन, “नी नानी नोळ्या, येन इदुरसाटी वशिवास माळद? धन्य आंदुर आर यार बनि नोळ्द वशिवास माळदुर.”

ई कतिाव इन उद्देश

30 यीशु अदकि भी हापाळ सा चमत्कार चेलागोळ मुंद तोरसदुन, जो ई कतिाव दा लखिसकु आगीदील; 31 लेकीन ईव इदुरसाटी लखिसकु आदव की नीव

वशिवास माळी की यीशु अच परमेश्वर उन पार मसीह हुन, अदकि वशिवास माळी की आऊन हेसुर देल जीवन सकिकुल.

## 21

तबिरियीस झील इन कनारा चेलागोळ मा प्रगट आगोद

1 ई मातगोळ बाददा यीशु तान तान इक तबिरियीस झील इन कनारा चेलागोळ मा प्रगट माळदुन, अदकि ई रीत देल प्रगट माळदुन: 2 शमौन पतरस, अदकि थोमा जो ददिमुस कहलुस्तान, अदकि गलील इन काना नगर इन नतनएल, अदकि जबदी अन पार, अदकि आऊन चेलागोळ दा टु येढढ मुंदुर जमा ईरोर. 3 \*शमौन पतरस आंदुर से अंदुन, “ना मेन हुडुली होगेतीन.” आंदुर आऊन से अंदुर, “नाव भी नीन सांगुळ बरतेव.” इदुरसाटी आंदुर होटकु ड्वांगा मा येरदुर, लेकीन आ ईळलकी येनु हुळदीदील. 4 व्हातुर आगतेला अच यीशु कनारा मा बंदकु नदिरदुन; तरी चेलागोळ पहचानसीदील की ईव यीशु हुन. 5 आग यीशु आंदुर से अंदुन, “हे चकिोरगोळा, येन नीम हात्ती येनारा मेनगोळ आव?” आंदुर उत्तर कोट्टुर, “ईला.” 6 \*आव आंदुर से अंदुन, “ड्वांगा अन ऊमा कय इन दी जार हाक्की रा सकिकेव.” इदुरसाटी आंदुर जार हाकदुर, अदकि सप्पा मेनगोळ बहुतायत इन कारण अदरी जेडु सकीदील. 7 आग आ चेला यार से यीशु प्यार ईटतोगोन, पतरस से अंदुन, “ईव रा प्रभु हुन!” शमौन पतरस ईद केळकु की आव प्रभु हुन, नेळु मा गमछा कसुसदुन, यतकी आव बनिा कपळा नव ईरोन, अदकि झील दा हारेदुन. 8 लेकीन दुसरा चेलागोळ ड्वांगा मा मेनगोळ देल तुमकु जार जेडुतेला बंदुर, यतकी आंदुर कनारा टु यक्कुल दुर ईला ईरोर, लेकीन येनारा येढढ सौ कय मा ईरोर.

9 याग आंदुर कनारा मा ईळदुर, रा आंदुर कौरसा अन बेक्की अदकि अदुर मा मेन ईटकु, अदकि रोट्टी नोळदुर. 10 यीशु आंदुर से अंदुन, “जो मेनगोळी नीव ईगल्या हुळदीर, अऊर दा टु येनारा तरी.” 11 रा शमौन पतरस ड्वांगा मा येरकु ऊंद सौ तरिपून धोड्डेव मेनगोळ देल तुमकु जार कनारा मा जेळदुन, अदकि ईस मेनगोळ ईत्तुर मा भी जार हरदीदील. 12 यीशु आंदुर से अंदुन, “बरी, भोजन माळी.” चेलागोळ दा टु यारूकु साहस आगीदील की आऊन से केळुल, “नी याव हुय?” यतकी आंदुर जानसोर की ईव प्रभु अच हुन. 13 यीशु बंदुन अदकि रोट्टी हुळकु आंदरी कोट्टुन, अदकि हांग अच मेन भी. 14 ईद तसिरा बार हुन की यीशु सोत्तुर दा टु जतिता आगदुर बाददा चेलागोळी काळसदुन.

यीशु अदकि पतरस

15 भोजन माळदुर बाददा यीशु शमौन पतरस से अंदुन, “हे शमौन, यूहन्ना अन पार, येन नी इंदुर से वाळुसकु नान से प्यार ईटत्या?” आव आऊन से अंदुन, “हव, प्रभु; नी रा जानसत्या की ना नीन से प्यार ईटतीन.” आव आऊन से अंदुन, “नान म्यांडा अन पाड्डागोळी आळस.” 16 आव मात्त दुसरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” आव आऊन से अंदुन, “हव, प्रभु; नी रा जानसत्या की ना नीन से प्यार

ईटतीन.” आव आऊन से अंदुन, “नान म्यांङागोळ रखवाली माळ.” 17 आव तसिरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” पतरस उदास आदुन की यीशु आऊन से तसिरा घन अंदुन, “येन नी नान से प्यार ईटत्या?” अदकि आऊन से अंदुन, “हे प्रभु, नी रा सप्पा येनारा जान्सत्या; नी ईद जान्सत्या की ना नीन से प्यार ईटतीन.” यीशु आऊन से अंदुन, “नान म्यांङागोळी आळ्स. 18 ना नीन से सही सही अनतीन, याग नी हारोदव ईर्या रा तान नेळु कटकु येल चाहस्या अल टेटाळ्या; लेकीन नी याग हाळाबाट आद्या रा तान कय फैलुस्या, अदकि दुसरा नीन नेळु कटकु येल नी चाहासतीदील अल नीनी वोतान.” 19 आव ई मातगोळ देल इशारा कोट्टुन की पतरस ह्यांग मृत्यु देल परमेश्वर उन महामि माळ्यान. अदकि आग आव आऊन से अंदुन, “नान हदि आगोग.”

यीशु अदकि आऊन प्रयि चेला

20 \*पतरस पलटुसकु आ चेला अक हदि बरतेला नोळदुन, यार से यीशु प्यार ईटतोगोन, अदकि याव भोजन इन समय आऊन याददा अन दी बांगकु केळीदुन, “हे प्रभु, नीनी हळसुसावाळा याव हुन?” 21 आऊक नोळकु पतरस यीशु से अंदुन, “हे प्रभु, ईऊंद येन हाल आदीत?” 22 यीशु आऊन से अंदुन, “अगर ना चाहासाईन की आव नान बरासताका रूक्सकु ईरूल, रा नीनी इदुर से येन? नी नान हदि आगोग.” 23 इदुरसाटी वारटुर दा ईद मात फैलुसेत की आव चेला सायतीदील, तरी यीशु आऊन से ईद अंददील की आव सायतीदील, लेकीन ईद की “अगर ना चाहासाईन की आव नान बरासताका रूक्सकु ईरूल, रा नीनी इदुर से येन?”

24 ईव आवा चेला हुन जो ई मातगोळ गवाही कोळतान अदकि याव ई मातगोळी लखिस्यान, अदकि नाव जान्सतेव की आऊन गवाही खरा आद.

उपसंहार

25 अदकि भी हापाळ सा क्याल्सा आव, जो यीशु माळदुन; अगर अव ऊंद ऊंद माळकु लखिसकु आगायदव, रा ना सम्सतीन की किताबगोळ जो लखिसकु आगायदव अव दुनया दा भी ईला समुसयदव.

## प्रेरितों के कामों का वर्णन प्रेरतिगोळ क्याल्सागोळ्द वर्णन परचिय

प्रेरतिगोळ क्याल्सागोळ्द कतिब मंडली अनूद सुरूवात इन कात्ता हुन अदकि ईद यरूशलेम टु यहूदिया, सामरीया अदकि अदुर मुंद ताका ह्यांग फैलुस्त, जसा यीशु तान चेलागोळी स्वरुग दा होगी से पयले हेळीदुन १:८ इदरी लूका लखिस्यान, आव ऊंद डाक्टर ईरोन अदकि ऊंद सीधा खाता ईटोरसाटी हापाळ सावधान ईरोन. आंदुर तान खुशखबरी अदकि अधनियिमगोळ्द कतिब थयिफलिस् उक संभोधति माळदुर, जो ऊंद ग्रीक ईरोन, लेकीन कतिबगोळ्द उद्देश शायद मसीह समुदायगोळ साटी भी ईरोद यदुर दा ग्रीक अदकि यहूदी येदहू शामलि ईरोर १:१

प्रेरतिगोळ क्याल्सा आग सकतद यीशु मसीह अन जनम इन बाददा ६०-६४ साल इन बीच दा लखिसकु आगीदव यतकी कतिब, कैद टु पौलुस उन रीहाई से पयले खतम आगतद. लूका भी प्रेरति पौलुस उन सांगुळ यात्रा माळदुन अदकि शायद अन्ताकिया नगर दा अधनियिम लखिसदुन. प्रेरतिगोळ लूका अन खुशखबरी इक चालु ईट्यार अदकि यीशु उन स्वरुग दा होगी सांगुळ सुरू आगतद. लेखन दा लूका अन उद्देश आंदुर खुशखबरी इन घाई अच आद. ईद थयिफलिस् चाहासोन, सांगुळ अच मसीहगोळ्द वाळुस्त गनिती देल नश्चिति आद की आंदरी येन कल्सकु आगीत अदकि इदुरसाटी आंदुर यीशु उन जीवन अदकि मसीह न्याय प्रचार इन ऊंद सीधा लेख लखिसदुर.

प्रेरतिगोळ्द कतिब नाम साटी सुरूवाती मंडली अन उदाहरण प्रदान माळतद अदकि यीशु दा वशिवास दा जीवन जीऊसोर साटी ईद ह्यांग तोरसतद. प्रेरतिगोळ्द उदाहरण नामी तोरसताव की दुसरागोळी खुशखबरी बातणी फैलुसदुर दा पवतिर आत्मा अन शक्ति मा भरोसा ह्यांग माळोद आद. रूप रेखा:

१. पयले आत्मा चेलागोळ मा बरतद अदकि मंडली वाळुसली हततद १:१-८:१
२. इदुर बाददा मंडली अक सतुस्कु आगतद अदकि यरूशलेम टु मुंद फैलुसली हततद ८:२-१२:२३
३. अदुर बाददा पौलुस तान पयला प्रचार यात्रा मा होगतान १२:२४-१४:२८
४. इदुर बाददा मंडली यरूशलेम दा बाक माळकु ईद तय माळ्त की व्हाशोर वशिवासीगोळ्द येन जरवत आव १५:१-३५
५. बाक पौलुस तान दुसरा प्रचार यात्रा मा होगतान १५:३६-१८:२२
६. इदुर बाददा आव तान तसिरा प्रचार यात्रा मा होगतान १८:२३-२०:३८
७. आग पौलुस उक यरूशलेम दा गरिफ्तार माळकु आत २१:२६
८. आखरी दा पौलुस उक रोम शयर दा पोहचुस्कु आत. २७-२८



## परचिय

1 \*हे प्रयि, थयिफलिस:

ना पयला कतिब आ सप्पा मातगोळ्द बारा दा लखिसीन जो यीशु सूरुवात टु माळतेला अदकि कल्सतेला ईत्तुन <sup>2</sup> आ दशी ताका यागासताका आव आ प्रेरतिगोळी यारी आव नीवळुसदिन पवतिर आत्मा अन्द द्वाारा आग्या कोटकु म्याकुच नेगुकु आगीदील, नरिदेश कोळतेला ईत्तुन <sup>3</sup> आव सोत्तुर बाददा हापाळ सा पक्का प्रमाणगोळ देल तान-तान इक आंदरी जतिता तोरसदुन, अदकि चालीस दिन ताका आव आंदरी कांळसतेला ईत्तुन, अदकि परमेश्वर उन राज्य अन्द मातगोळी हेळतेला ईत्तुन. <sup>4</sup> \*अदकि आंदुर से सीक्कु आंदरी आग्या कोट्टुन, “यूरुशलेम इक बळिबाळी, लेकीन आप्प उन आ वादा अन्द पुरा आगोद हादी कायतेला ईरी, यार्द बारा दा ना नीमी हेळीदिन. <sup>5</sup> \*यतकी बपतसिमा कोळावाळा यूहन्ना रा नीर दा बपतसिमा कोटान लेकीन थ्वाळासा दनिगोळ्द बाददा नीव पवतिर आत्मा देल बपतसिमा ताकोडीर.”

यीशु उन स्वरुगारोहण

<sup>6</sup> इदुरसाटी आंदुर जमा आगकु आऊन से केळदुर, “हे प्रभु, येन नी ईदा समय इस्तराएल इक राज्य मात्त वापस माळ कौड्या?”

<sup>7</sup> यीशु आंदुर से अंदुन, “आ समयगोळी या कालगोळी जानसोद, यारी आप्प तांद अच अधकारि दा ईट्यान, नीम्द क्याल्सा आलच. <sup>8</sup> \*लेकीन याग पवतिर आत्मा नीम मा बंदीत आग नीमी सामर्थ्य सक्कीत; अदकि यूरुशलेम अदकि पुरा यहूदिया अदकि सामरीया दा, अदकि पृथ्वी इन आखरी ताका नान गवाह ईत्तार.” <sup>9</sup> \*ईद अनकु आव आंदुर नोळत-नोळत अच म्याकुच नेगुकु आदुन, अदकि आकाश इन ढग आऊक आंदुर कण्णगोळ देल होच बुळत.

<sup>10</sup> यीशु उन होगोहोती याग आंदुर आकाश दी तार हचकु नोळोर, रा नोळी, येढ्ढ मंळसागोळ बळिव चमकदार कपळा हाक्कु आंदुर हात्ती बंदकु नदिरदुर, <sup>11</sup> अदकि आंदुर से अंदुर, “हे गलीली लॉकुरा, नीव येती नदिरकु आकाश दी नोळेतीर? ईवा यीशु, जो नीम हात्ती टु स्वरुग मा नेगुकु आदुन, याता रीर्ता देल नीव आऊक स्वरुग इक होगूत नोळदीर अदा रीर्ता देल आव मात्त बंदान.”

यहूदा अन्द जागा मा मत्तयिह अन्द नविळ

<sup>12</sup> आग प्रेरति जैतून हेसुर इन पहाळी टु ईळदुर जो यूरुशलेम नगर इन हात्ती आरधा कोश इन दुरी मा आद, यूरुशलेम इक मात्त वापस बंदुर. <sup>13</sup> \*याग आंदुर अल पोहचुसदुर रा आ म्याकुच इन कमरा दा होदुर, यल पतरस अदकि यूहन्ना अदकि याकूब अदकि अन्दरियास अदकि फलिपिपुस अदकि थोमा अदकि बरतुलुमै अदकि मत्ती अदकि हलफई नव पार याकूब अदकि द्याश भक्त शमौन अदकि याकूब उन पार यहूदा ईरतोगोर. <sup>14</sup> ई सप्पा मुंदुर हापाळ आर्तेर अदकि यीशु उन मोय मरयिम अदकि आ वार्दुर सांगुळ ऊंद मन अदकि जमा आगकु प्रार्थना दा हतकु ईत्तुर.

\* 1:1 १:१ लुका १:१-४ \* 1:4 १:४ लुका २४:४९ \* 1:5 १:५ मत्ती ३:११; मरकुस १:८; लुका ३:१६; यूहन्ना १:३३ \* 1:8 १:८ मत्ती २८:१९; मरकुस १६:१५; लुका २४:४७,४८ \* 1:9 १:९ मरकुस १६:१९; लुका २४:५०,५१ \* 1:13 १:१३ मत्ती १०:२-४; मरकुस ३:१६-१९; लुका ६:१४-१६

15 अवा दनिगोळ दा पतरस, वशिवासी वारटुर बीच दा जो ऊंद सौ ईपूत मळसागोळ लगभग ईरोर, नदिरकु अनली कुरतुन, 16 “हे नान वारटुरा,” यीशु अक बंदी माळावाळेर अगुवा यहूदा अन बारा दा पवतिरशास्त्र अन अद लेख यारी दाऊद उन बाय देल पवतिर आत्मा हापाळ पयले अच अंद बुटीत, अदुर पुरा आगोद जरूरी ईरोद.

17 यतकी यहूदा रा नाम दा टु ऊंद ईरोन, अदकि ई कयाल्सा दा सहभागी आगोर साटी आऊक नविळुसकु आगीत. 18 \*आव अन्याय इन कमाई देल ऊंद केई कोंड कोंडुन, अदकि ताल्ला अनूद भार देल बदिदुन अदकि आऊन व्हाट्टा वळदोत अदकि आऊन कळलपच्चीगोळ होटक बदिदव. 19 ई मात इक यरूशलेम ईनोर सप्पा ईरावाळेर अरत कोंडुर, ईल ताका की आ केई इन हेसुर आंदुर भाषा दा हकलदमा, मतलब “खुन इन केई” बदिदोत.

20 \* “भजन संहिता अनूद कतिब दा लखिसकु आद,”

आऊन मान्ना बरबाद आगेदीत;

अदकि अदुर दा यारू ईरबाळी.

अदकि आऊन पद यावारा

दुसरा ताकोम कोमुल.

21 \*इदुरसाटी यास दनि ताका प्रभु यीशु नाम सांगुळ होगत बरत ईतुन, मतलब यहूना अनूद बपतसिमा टु हुडुकु आऊन नाम हात्ती टु नेगासताका जो लॉकुर बराबर नाम सांगुळ ईतुन,

22 उचति आद की आंदुर दा टु ऊंद मळसा नाम सांगुळ प्रभु अनूद जतिता आगोद गवाह आगेगुल.

23 आग आंदुर येदूद मुंदुर इक नदिरसदुर, ऊंद यूसुफ उक यार इक बरसब्बा अंदकु आगतद, आऊन दुसरा हेसुर यूसुस आद, दुसरा मत्तियाह अक, 24 अदकि ईद प्रार्थना माळदुर, “हे प्रभु, नी जो सप्पा मुंदुरद मन अरूत्या, ईद प्रगट माळ की ई येदूद मुंदुर दा टु नी यार इक नीवळुस्या, 25 ताकी आव ई सेवकाई अदकि प्रेरति पद इन जागा ग्रहण माळुल, यदरी यहूदा बटिकु तान जागा अक होटोदुन.” 26 आग आंदुर तान साटी चटिठी गोळ हाकदुर, अदकि चटिठी मत्तियाह अनूद हेसुर देल होळत. इदुरसाटी आव आ हनुन प्रेरतिगोळ्द सांगुळ आळुकु आदुन.

## 2

पवतिर आत्मा अनूद ईळोद

1 याग पन्तिकुसूत उन दनि बंदव, “मतलब फसह अन हाब्व खतम आगतद आग टु पचासवा दनि” बत्त, रा आंदुर सप्पा वशिवासी ऊंद जागा मा जमा ईरोर. 2 अचानक आकाश दी टु धोळ्द आंधी घाई सनसनाहट इन शब्द केळ बत्त, अदकि आ शब्द देल सप्पा मान्ना यल आंदुर सप्पा मुंदुर कुरतकु ईरोर, तुम्मेत. 3 अदकि आंदरी बेक्की इन घाई ल्यालग्या हूरूतेला अदकि फैलुसतेला काळसत अदकि आंदुर दा टु हर ऊंद मळसा मा बंदकुरूकसेत. 4 आंदुर

\* 1:18 १:१८ मत्ती २७:३-८

\* 1:20 १:२० भजन संहिता ६९:२५, भजन संहिता १०९:८

\* 1:21

१:२१ मत्ती ३:१६; मरकुस १:९; लूका ३:२१; मरकुस १६:११; लूका २४:५१

सप्या मुंदुर पवतिर आत्मा देल तुम्मेदुर, अदकि या प्रकार देल आत्मा आंदरी माताळोद सामर्थ्य कोळत, आंदुर अलग-अलग भाषा दा माताळली कुरतुर.

5 आकाश इन ल्यालमा नोर सप्या द्याशगोळ दा टु बरावाळेर अलग-अलग प्रकार इन भाषा माताळावाळेर यहूदी भक्त आ समय यरूशलेम दा ईरतोगोर. 6 याग ईद शब्द आत रा हापाळ भीळ हत्तेत अदकि लॉकुर चकति आगेदुर, यतकी हर ऊंद मंळसा अक ईदा केळ बरतोगोद कि ईंदुर नांद अच मात दा माताळेत्यार. 7 आंदुर सप्या मुंदुर चकति अदकि अचम्भति आगकु अनली कुरतुर, “नोळी, ईंदुर जो माताळेत्यार येन सप्या गलीली आललच? 8 रा बाक येती नाम दा टु हर ऊंद मंळसा तान-तान जनम भूमी इन भाषा केळतान? 9 नाव जो पारथी अदकि मेदी अदकि एलामी अदकि मेसोपोटामिया अदकि यहूदिया अदकि कपपूदकिया अदकि पुन्तुस अदकि आसिया, 10 अदकि फ्रूगिया अदकि पंफूलिया अदकि मसित्तर अदकि लीबिया द्याश जो कुरेन इन आसपास आद, ई सप्या द्याश इनोर ईरावाळेर अदकि रोमी प्रवासी, 11 मतलब यहूदी अदकि यहूदी मत धारण माळावाळेर, कुरेती अदकि अरबी भी आर, लेकीन तान-तान भाषा दा आंदुर से परमेश्वर उन धोळ्द-धोळ्द क्यालसागोळ्द चर्चा केळतार.” 12 अदकि आंदुर सप्या मुंदुर चकति आदुर अदकि घबरूसकु आबुर दाबुर से अनली कुरतुर, “ईद येन आगेत्याद?”

13 लेकीन दुसरा लॉकुर मज्याक माळकु अंदुर, “आंदुर रा कुडुकु नशा दा चूर आर.”

पतरस उन बातणी

14 आग पतरस आ हनुन प्रेरतिगोळ्द सांगुळ नदुरदुन अदकि धोळ्द शब्द दा अनली कुरतुन, “हे यहूदी अदकि हे यरूशलेम इनोर सप्या ईरावाळेर लॉकुरा, ईद अर्त कोमी अदकि कवि हचकु नान मातगोळ केळी. 15 ह्यांग नीव समसेतरि; ई लॉकुर नशा दा हैलेच, यतकी ईंगल्या रा व्हातुर ईनव ऊंम्बत अच मुरदाव. 16 लेकीन ईद अद मात हुन, जो परमेश्वर उन दी टु बातणी तरावाळा योएल उन द्वारा अंदकु आगीत” 17 परमेश्वर अनतान:

का आखरी इन दनिगोळ दा हगि आदीत कि

ना तान आत्मा सप्या मंळसा जाती मा हाक्काईन.

अदकि नीम पारगोळ अदकि पोरगोळ

परमेश्वर उन दी टु बातणी कोट्टार, अदकि नीम हारोदोर मंळसागोळ

दर्शन नोळ्यार,

अदकि नीम स्याणागोळ कान्सा नोळ्यार.

18 ना तान दासगोळ अदकि तान दासीगोळ मा भी

आ दनिगोळ दा तान आत्मा दा टु हाक्काईन,

अदकि आंदुर परमेश्वर उन दी टु बातणी कोट्टार.

19 अदकि ना म्याकुच आकाश मा अदभुत क्यालसा

अदकि ल्यालमा पृथ्वी मा चमत्कारगोळी तोरसाईन,

मतलब खुन अदकि बेक्की अदकि धुंगा अनूद बादल तोरसाईन.

20 प्रभु उन महान अदकि तेजस्वी दनि इन बरोर

से पयले सुर्य करीद अदकि चंद्र खुन घाई क्याचांद

आगेदीत.

21 अदकि जो यावारा परमेश्वर उन हेसुर देल प्रार्थना माळ्यान, आऊन उद्धार आदीत.

22 हे इस्त्राएलगोळा, ई मातगोळी केळी: यीशु नासरी ऊंद मळसा ईरोन यार्द परमेश्वर उन दी टु आगोद प्रमाण आ सामर्थ्य अन्द क्याल्सागोळ अदकि आशचर्य अन्द क्याल्सागोळ अदकि चमत्कारगोळ देल प्रगट आद, जो परमेश्वर नीम न्याड्या आऊन द्वारा माळकु तोरस्यान यदरी नीव खुद अच अरूतीर. 23 \*अदकि नीव आवा यीशु उक, जो परमेश्वर उन ठहरूसद योजना अदकि पूव ग्यान इन अनुसार हुळसुसकु आदुन, नीव अन्यायीगोळ्द कय देल कूस मा येरसुसकु कोंद बुट्टीर. 24 \*लेकीन आऊका परमेश्वर मृत्यु उन बंधन दा टु बळिसकु जित्ता माळदुन; यतकी ईद अशक्य ईरोद क् यीशु परमेश्वर उन वश दा ईरायदुन. 25 यतकी दाऊद आऊन बारा दा अनतान, ना परमेश्वर उक हमेशा तान मुंद नोळतेला ईततीन:

यतकी आव नांद ऊम्मा कय दी आन, कानान मनोबल कम आगेगबाळुल.

26 ईदा कारण नान मन खुश आत,

अदकि नान ल्यालग्या मग्न आत;

उलटा नान मय इक भी

आशा देल आराम सकिकीत.

27 यतकी नी नान जीव इक मृत्यु अन दुनया दा बळितीदील;

अदकि ना तान पवतिर जनगोळी कब्रगोळ दा हुळु गोट्या.

28 नी नानी जीवन इन हादी हेळ्या;

नी नानी तान दर्शन इन द्वारा खुशी देल तुम बुट्या.

29 हे वार्दुरा, ना नाम पुर्वज दाऊद उन बारा दा नीम से हमिमत देल अन सकतीन क् आव रा सोतोदुन अदकि नळसकु भी आदुन लेकीन आऊन कब्र ईद भी नाम अल उपस्थति आद. 30 यतकी आव परमेश्वर उन दी टु बातणी तरावाळा ईरोन, आव जानसोन क् परमेश्वर नान से हगि करिया तदिान क् ना नीद वंश दा टु ऊंद मळसा अक नीन सहासन मा कुरसाईन; 31 आव आगावाळा मात इक पयले टु अच नोळकु मसीह अन्द जित्ता आगोद बारा दा भवष्यवाणी माळदुन काना रा आऊन जीव

मृत्यु अन्द दुनया दा बटिकु आदीत अदकि

ना आऊन मय हुळतति.

32 ईवा यीशु उक परमेश्वर सोत्तुर दा टु जित्ता माळदुन, यार्द नाव सप्पा मुंदुर गवाह आयेव. 33 ई प्रकार आव नेगुकु आदुन अदकि परमेश्वर उन उजवा कय देल सर्वोच्च पद ताकोमकु, अदकि आप्प से अद पवतिर आत्मा हासलि माळकु यदुरद वादा माळकु आगीत, आव ईद रचिस बुटान जो नीव नोळतीर अदकि केळतीर. 34 यतकी दाऊद रा स्वर्ग मा येरीदलि; लेकीन आव खुद अनतान,

प्रभु नान परमेश्वर से अंदुन,

\* 2:23 २:२३ मत्ती २७:३५; मरकुस १५:२४; लूका २३:३३; यूहन्ना १९:१८

\* 2:24 २:२४ मत्ती

२८:५,६; मरकुस १६:६; लूका २४:५

नान ऊमा कय दी कुर,

35 यागासताका काि ना नीन से दुश्मनी ईटावाळेर इक नीन काल दशी तनकु आंदरी नीन काल इन आशन माळ कोमालीन.

36 “इदुरसाटी ईग इस्त्राएल इन सप्पा घराना नश्चिति रूप देल अर्त कोमुल काि परमेश्वर आवा यीशु अक यारी नीव क्रूस मा येरसदरि, प्रभु भी ठहरूसदुन अदकि मसीह भी.”

37 आग केळावाळेर मन तुम्मेदव, अदकि आंदुर पतरस अदकि मक्कि कु प्रेरतिगोळ से केळली कुरतुर, “हे वारटुरा, नाव येन माळेव?”

38 पतरस आंदुर से अंदुन, “मन तरिगुसी, अदकि नीम दा टु हर ऊंद मळसा तान-तान पापगोळद माफ अन्द साटी यीशु मसीह अन्द हेसुर देल बपतस्मा ताकोम; रा नीमी पवतिर आत्मा अन्द दान सकिकीत. 39 यतकी ईद वादा नीम, अदकि नीम औलादगोळ, अदकि आ सप्पा दुर-दुर इन लॉकुर साटी भी हुन यारी प्रभु नाम परमेश्वर तान हात्ती कारस्यान.”

40 आव मात्त हापाळ मातगोळ देल भी गवाही कोट कोटकु समजुसदुन काि “तान-तान इक ई बैकार पीढी देल ऊळसकु ईटी.” 41 इदुरसाटी यार आऊन वचन ग्रहण माळदुर आंदुर बपतस्मा ताकोडुर; अदकि अदा दशी मुर हजार मळसागोळ हात्तीपास आंदुरदा जमा आगोदुर. 42 अदकि आंदुर प्रेरतिगोळ से शक्षिा ताकोमली, अदकि संगत ईटली, अदकि भोजन माळली, अदकि प्रार्थना माळदुर दा मग्न ईरतोगोर.

वशिवासीगोळद जीवन

43 अदकि सप्पा लॉकुर मा अंज्क तुम्मेत, अदकि हापाळ सा अदभुत कयाल्सा अदकि चमत्कार प्रेरतिगोळ द्वारा प्रगट आगतोगोव. 44 \*अदकि सप्पा वशिवास माळावाळेर ऊंदा ऊज्या जमा ईरतोगोर, अदकि आंदुर सप्पा वस्तुगोळ गुट दा ईरव. 45 आंदुर तान-तान सम्पत्त अदकि सामान मार मारकु यारद हयांग जरवत ईरतोगोद वाटसतोगोर. 46 आंदुर हर दशी ऊंद मन आगकु मंदरि दा ऊंदा ऊज्या जमा आगतोगोर, अदकि मानोन मान्नी खुशी अदकि पवतिर मन देल ऊमतोगोर, 47 अदकि परमेश्वर उन स्तुति माळतोगोर, अदकि सप्पा लॉकुर आंदुर से खुश ईरोर: अदकि यारी उद्धार सकितोगोद, आंदरी प्रभु हर दशी आंदुर दा जमा माळ बुळतोगोन.

### 3

लंगळा भीख बेळावाळा अन्द वळ्लीद आगोद

1 पतरस अदकि यूहन्ना मदणी अन्द मुर मुरा प्रार्थना अन्द होती आंदुर म्याकुच मंदरि दी होगोर. 2 अदकि लॉकुर ऊंद पैयदायसी लंगळा अक तरोर, यारी आंदुर रोज मंदरि इन आ दरवाजा मा यदरी सुंदर अंदकु आगतद, क्रूस बुळतोगोर काि आव मंदरि दा होगोवाळेर से भीख बेळ सकुल. 3 याग आव पतरस अदकि यूहन्ना अक मंदरि दा होगूत नोळदुन, रा आंदुर से भीखा बेळदुन. 4 पतरस यूहन्ना अन्द सांगुळ आऊन दी ध्यान देल नोळकु अंदुन, “नाम दी

नोळ!" 5 इदुरसाटी आव आंदुर से येनारा ताकोमोद लालसा ईटतेला आंदुर दी तार हचकु नोळली कुरतुन. 6 लेकीन पतरस अंदुन, "व्हान्ना बेळ्ली रा नान हाती हैलेच, लेकीन जो नान हाती आद अद नीनी कोळतीन; यीशु मसीह नासरी इन हेसुर देल नळु अदकि ओयाळ." 7 अदकि पतरस आऊन ऊमा कय हड्डुकु आऊक नेगदुन; अदकि तुरन्त आऊन कालगोळ अदकि ट्वांगरागोळ दा जोर होट बत्त. 8 आव यदकु नदिरेदुन अदकि नळुली कुरतुन; अदकि नळुतेला, हारतेला अदकि परमेश्वर उन स्तुर्ता माळतेला आंदुर सांगुळ मंदरि दा होदुन. 9 सप्पा लॉकुर आऊक नळुत टेटाळत अदकि परमेश्वर उन स्तुर्ता माळत नोळकु, 10 आऊक अर्त कोंडुर कि ईव आवा हुन जो मंदरि इन सुंदर फाटक मा कुरतकु भीखा बेळतोगोन; अदकि आ घटना देल जो आऊन सांगुळ आगीत आंदुर हापाळ अचम्भति अदकि चकति आदुर.

मंदरि दा पतरस उन उपदेश

11 याग आव पतरस अदकि यूहन्ना अक हड्डुकु ईरोन, रा सप्पा लॉकुर हापाळ आश्चर्य माळतेला आ छपर्या दा यदरी सुलैमान उन छपर्या अंदकु आगतद, आंदुर हाती ओळतेला बंदुर. 12 ईद नोळकु पतरस लॉकुर से अंदुन, "हे इस्तराएलगोळा, नीव ई मंळसा मा येती आश्चर्य माळेतीर, अदकि नाम दी हगि येती नोळेतीर जसा नाव अच तान सामर्थ्य या भक्ती देल ईऊक नळोद अदकि टेटाळोद लायक माळ बुटेव. 13 अब्राहम अदकि इसहाक अदकि याकूब उन परमेश्वर, नाम आप्प दादागोळ परमेश्वर तान सेवक यीशु उन महमा माळदुर, यारी नीव हुळसुस बुट्टीर, अदकि याग पलितुस आऊक बळोद वचिर माळदुन, आग नीव आऊन मुंद आऊन इनकार माळदीर. 14 नीव आ पवतिर अदकि न्यायी मंळसा अन्द इनकार माळदीर, अदकि वनिती माळदीर कि ऊंद हत्यारा अक नीम साटी बटिकु आगेगुल; 15 अदकि नीव जीवन इन कर्ता धर्ता अक कोंद बुट्टीर, यारी परमेश्वर सोततुर दा टु जतिता माळदुन; अदकि ई मात इन गवाह नाव आयेव. 16 अदकि आऊंदा हेसुर, आ वशिवास इन द्वारा जो आऊन हेसुर मा आद, ई मंळसा अक यारी नीव नोळतीर अदकि अरूतीर सामर्थ्य कोटान. अदा वशिवास जो आऊन द्वारा आद, ईऊक नीम सप्पा मुंदुर मुंद बलिकुल भला चंगा माळ बुटान.

17 "ईग हे वारटुरा, नानी मालूम आद कि ईद क्यालसा नीव अग्यानता दा माळदीर, अदकि हांगा नीम अधिकारीगोळ भी माळदुर. 18 लेकीन याता मातगोळी परमेश्वर सप्पा भवषियवक्तागोळ बाय देल पयले अच हेळ बुटीदुन, कि आऊन मसीह दुख नेगदान, अवरी आव ई रीत देल पुरा माळदुन. 19 इदुरसाटी, मन तरिगुसी अदकि वापस बरी कि नीम पाप माफ माळकु आदव, 20 ताकी आत्मकिता शांती इन समय प्रभु उन देल बरूल अदकि आव यीशु अक कळुल जो नीम साटी पयले टु ना मसीह ठहरूस्कु आग्यान, 21 जरूरी आद कि आव स्वरग दा आ समय ताका ईरूल यागासताका कि आव सप्पा मातगोळद सुधार माळ कोमालुन यदुरद चर्चा स्याणा लॉकुर काल टु परमेश्वर तान पवतिर भवषियवक्तागोळ बाय देल माळ्यान. 22\* ह्यांग कि मूसा अंदुन,

\* 3:14 ३:१४ मत्ती २७:१५-२३; मरकुस १५:६-१४; लूका २३:१३-२३; यूहन्ना १९:१२-१५  
३:२२ व्यवस्थाविरण १८:१५,१८

‘प्रभु परमेश्वर नीम वारट्टर दा टु नीम साटी नान घाई ऊंद भवषियवक्ता पैदा माळ्यान, जो येनारा आव नीम से अंदान, नीव आऊन केळी. <sup>23</sup> लेकीन हर ऊंद मंळसा जो आ भवषियवक्ता अनूद केळतीदलि, परमेश्वर उन लॉकुर दा टु ब्यारर माळकु नाश माळकु आदान.’ <sup>24</sup> अदकि शमूएल इन हात्ती टु हुडुकु रा आऊन बादवाळेर ताका यास भवषियवक्ता माताळदुर आ सप्पा ई दनिगोळ बारा दा बातणी कोटार. <sup>25</sup> नीव भवषियवक्तागोळ औलाद अदकि आ वादा अन भागी हुईर, जो परमेश्वर नीम आप्प दादागोळ से कटदुन, याग आव अब्राहम से अंदुन, ‘नीन घराना अनूद द्वारा पृथ्वी इन सप्पा लॉकुरी आर्शवािद सक्कीत.’ <sup>26</sup> परमेश्वर तान सेवक उक नेगुकु पयले नीम हात्ती कळदुन, कनि नीम दा टु हर ऊंद मंळसा अक आऊन बुराईगोळ देल तरिगुसकु आर्शवािद कोळुल.”

## 4

महासभा अन मुंद पतरस अदकि यूहन्ना

1 याग पतरस अदकि यूहन्ना लॉकुर से ईद अनोर, रा याजक अदकि मंदरि इन रखवाली माळावाळेरद शासक अदकि सद्की आंदुर मा येरकु बंदुर. <sup>2</sup> यतकी आंदुर हापाळ सट्टी बंदुर कनि पतरस अदकि यूहन्ना लॉकुरी उपदेश कोळतेला यीशु उन सोत्तुर दा टु जित्ता आगोद द्वारा अदकि यीशु उन उदाहरण कोट कोटकु सोत्तुर दा टु जीत्ता आगोद प्रचार माळतोगोर. <sup>3</sup> आंदुर आंदरी हुडुकु दुसरा दनि ताका जयल दा ईटदुर यतकी द्याव मुळकेगति. <sup>4</sup> लेकीन वचन इक केळावाळेर दा टु हापाळ मुंदुर वशिवास माळदुर, अदकि आंदुर गनिती अईद हजार मंळसागोळद हात्तीपास आगेत.

<sup>5</sup> दुसरा दशिी यरूशलेम दा यहूदी अधकिरीगोळ अदकि स्याणा लॉकुर अदकि न्यायशास्त्र अनूद गुरुगोळ, <sup>6</sup> अदकि महायाजक हन्ना अदकि कैफा अदकि यूहन्ना अदकि सकिनदर अदकि यास महायाजक इन घराना नोर ईरोर, सप्पा यरूशलेम दा जमा आदुर. <sup>7</sup> आंदुर पतरस अदकि यूहन्ना अक न्याड्या नदिरूसकु केळली कुरतुर कनि “नीव ईद क्याल्सा याता सामर्थ्य देल अदकि याता हेसुर देल माळीर.”

<sup>8</sup> आग पतरस पवतिर आत्मा देल परपिर्ण आगकु आंदुर से अंदुन, “हे लॉकुरदव अधकिरी अदकि स्याणा लॉकुरा. <sup>9</sup> ई लंगळा मंळसा अनूद सांगुळ जो भलाई माळकु आग्याद, अगर ईद नाम से आऊन बारा दा केळकु आगतद, कनि आव ह्यांग वळ्लेव आदुन. <sup>10</sup> रा नीव सप्पा अदकि पुरा इस्त्राएली लॉकुर जान्स कोमी कनि यीशु मसीह नासरी इन हेसुर दा जो सामर्थ्य आद अदुर द्वारा ई लंगळा मंळसा नीम मुंद भला चंगा नदिरकु आन, या यीशु अक नीव क्रूस मा येरसदरि, अदकि परमेश्वर सोत्तुर दा टु जित्ता माळदुन. <sup>11</sup> शास्त्र दा लखिसकु आद, ईव यीशु अदा कल्ल हून यारी नीव राजमसित्रीगोळ बेकार मान्सदरि अदकि

आव हापाळ महत्वपुर्ण कल्ल आगेदुन.

12 यावारा दुसरा अन्द द्वारा उद्धार ईला; यतकी स्वर्ग इन ल्यालमा मंळसागोळ दा अदकि यातोदु दुसरा हेसुर कोटक आगीदील, यार्द द्वारा नामी उद्धार सकिल.”

13 याग आंदुर पतरस अदकि यूहन्ना अन्द हमिमत नोळदुर, अदकि ईद अरतुर कि इंदुर अनपढ अदकि साधारण मंळसा आर, रा आश्चर्य माळदुर; बाक आंदरी अरतुर, कि इंदुर यीशु उन सांगुळ ईतार. 14 आ लंगळा मंळसा अक जो वळ्लेव आगीदुन, पतरस अदकि यूहन्ना अन्द सांगुळ नदिरत नोळकु, आंदुर वरिध दा येनु अन सकदील. 15 लेकीन आंदरी सभा अन्द व्हाऱ्या होगोद आग्या कोटक, आंदुर तांदुर दा वचिार माळली कुरतुर, 16 अदकि अनली कुरतुर, “नाव ई मंळसागोळ सांगुळ येन माळेव? यतकी यूरूशलेम इन सप्पा ईरावाळेर मा प्रगट आद, कि इंदुर द्वारा ऊंद प्रसदिध चमत्कार तोरसकु आग्याद, अदकि नाव अदुरद इनकार माळ सकालेव. 17 इदुरसाटी कि ई मात लॉकुर दा मातत यक्कुल फैलुस बाळुल, नाव आंदरी धमकुसेव, कि आंदुर यीशु उन हेसुर देल बाक यातोदु मंळसा से मातगोळी हेळतीदील.”

18 आग आंदुर पतरस अदकि यूहन्ना अक कारदुर अदकि चेतावनी कोटक ईद अंदुर, “यीशु उन हेसुर देल येनु अच माताळ बाळेतीर अदकि कल्स बाळेतीर.” 19 लेकीन पतरस अदकि यूहन्ना आंदरी उत्तर कोट्टुर, “नीवा न्याय माळी; येन ईद परमेश्वर उन नजर दा भला आद कि नाव परमेश्वर उन मात से यक्कुल नीम मात केळेव. 20 यतकी ईद रा नाम से आगसकाल कि जो नाव नोळेव अदकि केळेव, अद अनतीदलि.” 21 आग आंदुर आंदरी मातत यक्कुल धमकी कोटक बटि बुटुर, यतकी आंदरी समझ दा बंददील कि आंदरी ह्यांग दण्ड कोट्टेव, यतकी जो घटना आगीत अदुर कारण सप्पा लॉकुर परमेश्वर उन बळाई माळतोगोर. 22 आ लंगळा मंळसा, यार मा ईद चंगाई इन चमत्कार तोरसकु आगीत, चालीस साल से यक्कुल उमर ईनव ईरोन.

वशिवासीगोळद साटी हमिमत इन प्रार्थना

23 पतरस अदकि यूहन्ना बटिकु तान संगीगोळ हात्ती बंदुर, अदकि जो येनारा प्रधान याजकगोळ अदकि स्याणा लॉकुर आंदुर से अंदीदुर, आंदरी केळस बुटुर. 24 ईद केळकु वशिवासीगोळ ऊंद मन आगकु धोळद आवाज देल परमेश्वर से अंदुर, हे स्वामी, नी आवा हुय याव स्वर्ग अदकि पृथ्वी अदकि समुद्र अदकि जो येनारा अऊर्दा आद माळ्या. 25 नी पवतिर आत्मा अन द्वारा तान सेवक नाम पुर्वज दाऊद उन बाय देल अंद, गैरयहूदीगोळ हल्ला येती मचुसदुर? अदकि द्याश-दयाश इन लॉकुर

येती बनिा मतलब इन मातगोळद वचिार माळदुर?

26 प्रभु अदकि आऊन मसीह अन्द वरिध दा

पृथ्वी इन राजा नदिरदुर,

अदकि अधिकारीगोळ ऊंद सांगुळ जमा आगेदुर.

27 यतकी खराखुरा नीन पवतिर सेवक यीशु उन खलिाप दा, यार्द नी अभषिक माळद, हेरोदेस अदकि पुन्तयुस पलातुस भी गैरयहूदीगोळ अदकि



इसत्राएलीगोळ सांगुळ ई नगर दा जमा आदुर, <sup>28</sup> आंदुर जमा आदुर यतकी नीन ताकत अदकि इच्छा अन अनुसार जो येनारा पयले अच नश्चिति आगेगीत अद पुरा आगुल. <sup>29</sup> ईंग हे प्रभु, आंदुर धमकीगोळी नोळ; अदकि तान दासगोळी ईद इजाजत कोळ की नीन वचन हापाळ हम्मित देल केळसुल. <sup>30</sup> चंगा माळोर साटी नी तान कय मुंद माळ की चमत्कार अदकि अदभुत क्यालसा नीन पवतिर सेवक यीशु उन हेसुर देल माळकु आगुल.

<sup>31</sup> याग आंदुर प्रार्थना माळ कोंडुर, रा अद जागा यल आंदुर जमा ईरोर हालुसेत, अदकि आंदुर सप्पा मुंदुर पवतिर आत्मा देल परंपुरण आगेदुर, अदकि परमेश्वर उन वचन हम्मित देल केळसतेला ईत्तुर.

वशिवासीगोळद एकता अन जीवन

<sup>32</sup> ✧ वशिवास कळावारुळेद मंडली ऊंद चित्त अदकि ऊंद मन इन ईरोद, ईल ताका की यावारा भी तान धन सम्पत्ति तान ईला अनतोगोन, लेकीन सप्पा येनारा गुट दा ईरोद. <sup>33</sup> प्रेरति बळा सामर्थ्य देल प्रभु यीशु उन जतिता आगेद गवाही कोळ्त्त ईत्तुर अदकि आ सप्पा मुंदुर मा हापाळ अनुग्रह ईरोद. <sup>34</sup> आंदुर दा याऊ भी गरीब बेळावाळा ईला ईरोन; यतकी यार्द हात्ती जागा अदकि माननागोळ ईरव, आंदुर अवरी मार-मोटकु, मारद वस्तुगोळ्द दाम तरोर, <sup>35</sup> अदकि अवरी प्रेरतिगोळ्द कालगोळ मा ईटतोगोर; अदकि ह्यांग यारी जरवत ईरतोगोद, अदुर अनुसार हर ऊंद मळसा अक कोट बुळतोगोर.

<sup>36</sup> यूसुफ हेसुर ईनव साइप्रस नगर इन ऊंद लेवी ईरोन यार्द हेसुर प्रेरतिगोळ बरनबास मतलब हम्मित कोळावाळा ईटीदुर. <sup>37</sup> आऊन थ्वाळासा जागा जमीन ईरोद, यदरी आव मारदुन, अदकि दाम इन पैस्या तनकु प्रेरतिगोळ्द कालगोळ मा ईट बुटुन.

## 5

हनन्याह अदकि सफीरा

<sup>1</sup> हनन्याह हेसुर इन ऊंद मळसा ईरोन, अदकि आव तान हगिस सफीरा अन सांगुळ तान थ्वाळासा जागा मारदुन. <sup>2</sup> अदकि आव आ जागा अन दाम दा टु थ्वाळासा पैस्या ईट बुटुन; अदकि ईद मात आऊन हगिस भी जानसोर, अदकि अदुर मगिद भाग तनकु प्रेरतिगोळ्द कालगोळ मुंद ईट बुटुन. <sup>3</sup> पतरस अंदुन, “हे हनन्याह! शैतान नीन मन दा ईद मात ह्यांग हाकूत की नी पवतिर आत्मा से ख्वाटा माताळ्या, अदकि जागा अन दाम दा टु येनारा ईट्या? <sup>4</sup> यागासताका अद नीन हात्ती ईत्त, येन अद जागा अपमान ईतीदील? अदकि याग अद मारेत रा येन अदुर कमित नीन अधिकार दा ईला ईरोद? अदकि नी ई मात इन तान मन दा येती बचार माळ्द? नी मळसागोळ से ईला, लेकीन परमेश्वर से ख्वाटा माताळ्द.” <sup>5</sup> ई मातगोळ केळकु हनन्याह बदिदुन अदकि जीव बटि बुटुन, अदकि सप्पा केळावाळेर मा धोळ्द अंज्क तुम्मेत. <sup>6</sup> बाक हारोद मळसागोळ यदकु आऊन सकोली तयार माळदुर अदकि आऊन लाश व्हाऱ्या ओतकु नळ्स बुटुर.

7 लगभग मुर तास इन बाददा आऊन हगिस, जो येनारा आगीत ईला जानसकु, बुळ्क बंदुर.

8 आग पतरस आकनि से अंदुन, “नानी हेळ येन नीव अद जागा इटुर दा अच मार बुटीदीर?” आक अंदुर, “हव, इटुर दा अच.”

9 पतरस आकनि से अंदुन, “ईद येन मात हुन कि नीव येढ्हु मुंदुर प्रभु अन्द आत्मा अन परीक्षा साटी ऊंद मन माळदीर? नोळ, नीन गांडड उक नळसावाळेर दरवाजा मा अच नदिरकु आर, अदकि नीनी भी व्हार्या ओतार.”

10 आग आक तुरन्त आऊन कालगोळ मा बदिदुर, अदकि सोतोदुर; अदकि हारोद मंळसागोळ बुळ्क बंदकु आकी सोतकु नोळदुर, अदकि व्हार्या वोतकु आकनि गांडड उन हात्ती नळस बुटुर. 11 सप्पा मंडली मा अदकि ई मातगोळ्द सप्पा केळावाळेर मा धोळ्द अंज्क तुम्मेत.

चमत्कार अदकि अदभुत क्याल्सा

12 प्रेरतिगोळ्द कयगोळ देल हापाळ चमत्कार अदकि अदभुत क्याल्सा लाँकुर न्याड्या दा तोरसकु आगतोगोव, अदकि आंदुर सप्पा ऊंद मन आगकु सुलैमान उन छपर्या दा जमा आगतोगोर. 13 लेकीन हापाळ दा टु यारीकु ईद हमिमत ईला आगतोगोद कि आंदुर दा होगकु मल्लुसेव; तरी लाँकुर आंदुरद बळाई माळतोगोर. 14 वश्वास माळावाळेर हापाळ सा मंळसा अदकि आर्तर मंडलीगोळ दा धोळ्द संख्या दा सक्ति ईत्तुर. 15 ईल ताका कि लाँकुर बमारगोळी सळकगोळ मा तन तनकु, व्हर्सगोळ मा मगिस बुळतोगोर कि याग पतरस बंदान, रा आऊन सावली अच आंदुर दा टु यारदारा मा बदिगुल. 16 यरूशलेम इन आसपास इन नगरगोळ से भी हापाळ लाँकुर बमारगोळ अदकि अशुध्द आत्मागोळ्द सतुस्द लाँकुरी तन तनकु, जमा आगतोगोर, अदकि सप्पा वळ्लेर माळकु आगोर.

प्रेरतिगोळ्द गरिफ्तारी

17 आग महायाजक अदकि आऊन सप्पा संगी जो सद्कीगोळ्द पंथ नोर ईरोर, जलनखोरी देल तुम्मेदुर. 18 अदकि प्रेरतिगोळी हुडुकु बंदीगूह दा बंद माळ बुटुर. 19 लेकीन ईळल इक प्रभु उन ऊंद स्वर्गदूत बंदीगूह अन्द दरवाजा तेरूकु आंदरी व्हार्या तनकु अंदुन, 20 “होगी, मंदिर दा नदिरकु ई व्हाशोद जीवन इन सप्पा मातगोळ लाँकुरी केळसी.” 21 आंदुर ईद केळकु व्हातुर आगतेला अच मंदिर दा होगकु शकिषा कोळली कुरतुर.

लेकीन महायाजक अदकि आऊन साथीगोळ बंदकु इस्त्राएलगोळ सप्पा स्याणा लाँकुरद पुरा सभा अक जमा माळदुर, अदकि बंदीगूह दा बातणी कळ्दुर कि आंदरी तरूल. 22 लेकीन अधिकारीगोळ अल पोहचुस्कु आंदरी बंदीगूह दा नोळीदील, अदकि वापस बंदकु बातणी कोट्टुर, 23 “नाव बंदीगूह अक हापाळ सावधानी देल बंद माळकु, अदकि पहरेदारगोळी व्हार्या दरवाजागोळ मा नदिरकु नोळदेव; लेकीन याग तेरदेव, रा बुळ्क याऊ सक्कीदील.” 24 याग मंदिर इन सरदार अदकि प्रधान याजक ई मातगोळी केळदुर, आंदरी समझ दा बंदीदलि कि प्रेरतिगोळ्द येन आत अदकि ईग येन आदीत! 25 ईटुर दा यावारा बंदकु आंदरी हेळदुन, “नोळी, यारी नीव बंदीगूह दा बंद ईटीदीर, आ मंळसागोळ

मंदिर दा नदिरकु लॉकुरी शक्विषा कोळेत्यार.” 26 आग सरदार, अधकिारीगोळ सांगुळ होगकु, आंदरी तंदुन, लेकीन ताकत देल ईला, यतकी आंदुर लॉकुर से अंजतोगोर का नाम मा पथराव माळबाळुल.

27 आंदुर प्रेरतिगोळी तनकु महासभा अन्द मुंद नदिरूस बुदुर; अदकि महायाजक आंदुर से पूछताछ माळदुन, 28 \*॥“येन नाव नीमी कठोर आग्या कोटीदील का नीव ई हेसुर देल शक्विषा कोळ बाळेतीर? तरी भी नोळी, नीव सप्पा यरूशलेम इक तान शक्विषा देल तुम बुट्टीर अदकि आ मंळसा अन्द खुन नाम कुतक्या मा तरोद चाहासतीर.”

29 आग पतरस अदकि दुसरा प्रेरतिगोळ उत्तर कोट्टुर, “मंळसागोळद आग्या से वाळुसकु परमेश्वर उन आग्या अन्द पालन माळोद अच नाम्द कर्तव्य आद. 30 नाम आप्प दादागोळद परमेश्वर यीशु उक सोत्तुर दा टु जतिता माळदुन, यारी नीव कूरस मा येरसकु कोंद बुटीदीर. 31 आऊक अच परमेश्वर शासक अदकि उद्धारकर्ता ठहरूसकु, तान ऊमा कय मा नेग्द बुट्टुन, का आव इसत्राएलगोळी मन तरिगुसोद ताकत अदकि पापगोळद माफ प्रदान माळुल. 32 नाव ई मातगोळ गवाह आयेव अदकि हांगा पवतिर आत्मा भी, यारी परमेश्वर आंदरी कोटान जो आऊन आग्या मान्सतार.”

33 ईद केळकु आंदुर सट्टी होट बंदुर, अदकि प्रेरतिगोळी कोंद बुळोद चाहासदुर. 34 लेकीन गमलीएल हेसुर इन ऊंद फरीसी जो व्यवस्था अन शक्विषक अदकि सप्पा लॉकुर दा मानवाईक ईरोन, न्याय सभा दा नदिरकु प्रेरतिगोळी थ्वाळासा समय इन साटी व्हार्या माळोद आग्या कोट्टुन. 35 आग आव अंदुन, “हे इसत्राएलगोळा, नीव जो येनारा ई मंळसागोळ सांगुळ माळोद चाहासतीर, सोच वचिर माळकु माळेतीर. 36 यतकी ई दनिगोळ से पयले थयिदास ईद अनतेला अच वदिरोह अन्द झंडा नेगदीदुन, का ना भी येनारा आईन; अदकि कम से कम नाक सौ मंळसा आऊन सांगुळ आगेदुर, लेकीन आव कोन्सुसकु आदुन अदकि यास लॉकुर आऊक मान्सतोगोर, सप्पा ततिर बतिर आदुर अदकि मट्टिसेदुर. 37 अदुर बाददा जनगणना अन्द दनिगोळ दा गलील दा ईरावाळा यहूदा वदिरोह दा ताल्ला नेगदुन, अदकि थ्वाळासा लॉकुरी तान दी माळ कोंडुन; अदकि आव भी नाश आगेदुन अदकि यास लॉकुर आऊक मान्सतोगोर, सप्पा ततिर बतिर आगेदुर. 38 इदुरसाटी ईग ना नीम से अनतीन, ई मंळसागोळ से दुर अच ईरी अदकि इंदरी होगोळी; यतकी अगर ईद न्याय या क्यालसा मंळसागोळ दी टु आद आग रा मट्टिसेदीत; 39 लेकीन अगर परमेश्वर उन दी टु आद, रा नीव आंदरी यागलु मट्टिस सकतीदलि. ईलारा हगि आगबाळुल का नीव परमेश्वर से भी लळुसावाळेर ठहरूसी. आग सभा अन लॉकुर गमलीएल उन मात मान्स कोंडुर.” 40 अदकि प्रेरतिगोळी कार्सकु बळसुसदुर; अदकि ईद आदेश कोटकु बटि बुदुर का यीशु उन हेसुर देल बाक यातोदु मात माळबाळेतीर. 41 प्रेरतिगोळ ई मात देल खुश आगकु महासभा अन्द मुंदु टु अनतेला होटोदुर, का नाव यीशु उन हेसुर इन साटी अपमानीत आगेद लायक रा ठहरूसदेव. 42 आंदुर रोज मंदिर दा अदकि मानोन मान्नी

लगातार खुशखबरी इन प्रचार माळतोगोर अदकि कल्सतोगोर का यीशु उच मसीह हुन.

## 6

### येळ सेवक

1 आ दनिगोळ दा चेलागोळ्द संख्या हापाळ वाळुसली कुरत, आग गैरयहूदी भाषा माताळावाळेर इब्रानी भाषा मातावाळेर मा कुळकाळ माळली हतदुर, किरोज इन दान दा नाम रांड्यागोळ्द बारा दा वचार माळकु आगाल्द. 2 आग आ हन्नेळ प्रेरतिगोळ चेलागोळ्द मंडली इक तान हातती कारूकु अंदुर, “ईद ठीक हैलेच का नाव परमेश्वर उन वचन बटिकु तनिसदुर कुळसदुर स्यावा दा ईत्तेव. 3 इदुरसाटी, हे वार्दुरा अदकि आकतीगेरा, तान दा टु येळ मानवाईक मंळसागोळी जो पवतिर आत्मा अदकि बुद्धी देल परपिर्ण आर, नविळुस कोमी, का नाव आंदरी ई क्याल्सा मा ठहरूस बुटेव. 4 लेकीन नाव रा प्रार्थना दा अदकि वचन केळसोद सेवकाई दा हतकु ईत्तेव.”

5 ईद मात सप्पा मंडली इक वळलीद हत, अदकि आंदुर स्तफिनुस हेसुर इन ऊंद मंळसा अक जो वशिवास अदकि पवतिर आत्मा देल परपिर्ण ईरोन, अदकि फलिपिपुस, अदकि पुरुखूरस, अदकि नीकानोर, अदकि तीमोन, अदकि परमनास, अदकि अन्ताकिया वासी नीकुलाउस उक जो यहूदी मत दा होट्ट बंदीदुन, नीवळुस कौडुर. 6 इंदरी प्रेरतिगोळ्द मुंद नदिरूसदुर अदकि आंदुर प्रार्थना माळकु आंदुर मा कय ईटदुर.

7 परमेश्वर उन वचन फैलुस्तेला होत अदकि यूरुशलेम दा चेलागोळ गनिती हापाळ वाळुसेत; अदकि याजकगोळ्द ऊंद धोळ्द समाज ई मत इक मान्सावाळा आगेत.

### स्तफिनुस उन गरिफ्तारी

8 स्तफिनुस अनुग्रह अदकि सामर्थ्य देल परपिर्ण आगकु लॉकुर दा धोळ धोड्डेव अदभुत क्याल्सा अदकि चमत्कार तोरसतोगोन. 9 आग आ सभागूह दा टु जो लबिरितीन इन कहलुसतोगोद, अदकि कुरेनी अदकि सकिन्दरिया अदकि कलिकिया अदकि आसिया अन लॉकुर दा टु थ्वाळासा लॉकुर यदकु स्तफिनुस से झगळा माळली हतदुर. 10 लेकीन आ ग्यान अदकि आ आत्मा अन्द यार देल प्रेरति आगकु स्तफिनुस मातगोळी माळतोगोन, आंदुर सामना माळ सकदील. 11 इदुर मा आंदुर थ्वाळासा लॉकुरी भळकुसदुर जो अनली कुरतुर, “नाव ईऊक मूसा अदकि परमेश्वर उन वरिध दा तरिस्कार इन मातगोळी अनतेला केळेव.” 12 अदकि लॉकुर अदकि स्याणागोळ अदकि शास्त्रीगोळी भळकुसदुर अदकि आंदुर आऊक हुडुकु महासभा दा तंदुर. 13 अदकि ख्वाटा गवाह नदिरूसदुर, आंदुर अंदुर, “ईव मंळसा ई पवतिर जागा अदकि व्यवस्था अन्द वरिध दा माताळोद बळालुन. 14 यतकी नाव आऊक ईद अनतेला केळेव का ईवा यीशु नासरी ई मंदिर इक केळ्द बुट्टान, अदकि आरीतीगोळी बदलुस बुट्टान जो मूसा नामी सोपस्यान.” 15 आग सप्पा लॉकुर

जो सभा दा कुर्तकु ईरोर, स्तफिनुस मा नजर हाकदुर रा आऊन बाय स्वर्गदूत उन घाई नोळदुर.

## 7

स्तफिनुस उन भाषण

1 आग महायाजक स्तफिनुस से अंदुन, “येन ई मातगोळ सही आव?”

2 स्तफिनुस अंदुन, “हे वारटुरा, अदकि आप्पगोळा केळी. नाम स्याणा अब्राहम हारान द्याश दा कुरोर से पयले मेसोपोटामिया दा ईरोन; रा तेजोमय परमेश्वर आऊक दर्शन कोट्टुन, 3 अदकि आऊन से अंदुन, ‘नी तान द्याश अदकि तान कुट्टुम्ब टु होटकु आ द्याश दा होग, यदरी ना नीनी तोरसाईन.’

4 आग आव कसदय्यागोळ द्याश दा टु होटकु हारान द्याश दा होगकु कुरतुन. अब्राहम उन आप्प उन सोततुर बाददा परमेश्वर आऊक अल टु ई द्याश दा तनकु कुरसदुन यदुरदा ईग नीव कुरतीर, 5 अदकि आऊक येनारा मीरास मतलब काल ईटली भी आऊक जागा कोटीदील, लेकीन वादा माळदुन काना ईद द्याश नीद अदकि नीन बाददा नीन वंश इन कय दा माळ बुळाईन; लेकीन आ समय आऊन यातोदु औलाद भी ईला ईरोद. 6 अदकि परमेश्वर ईद अंदुन, ‘नीन औलाद इन लॉकुर दुसरा द्याश दा परदेशी आदार, अदकि लॉकुर आंदरी दास माळ्यार अदकि नाक सौ वर्ष ताका सतुस्कु आदार.’ 7 बाक परमेश्वर अंदुन, ‘या राष्ट्र इन आंदुर दास आदार, आंदरी ना दण्ड कोळाईन, अदकि इदुर बाददा आंदुर होटकु ईदा जागी नान स्यावा माळ्यार.’ 8 अदकि परमेश्वर आऊन से खतना अनूद वादा माळदुन; अदकि ईदा दशा दा इसहाक आऊन से पैदा आदुन अदकि आऊन जनम इन बाददा आठवा दशी आऊन खतना माळकु आत; अदकि इसहाक से याकूब पैदा आदुन अदकि याकूब से हनुनेळ पारगोळ पैदा आदुर ईदुरद भी खतना माळकु आत आंदुर नाम कुलपती बन्सदुर.

9 “कुलपतगोळ यूसुफ से जलन माळकु आऊक मसित्तर द्याश होगवाळेर इक मारदुर. लेकीन परमेश्वर आऊन सांगूळ ईरोन, 10 अदकि आऊक आऊन सप्पा दुखगोळ देल बळिसकु मसित्तर अनूद राजा फरीन उन नजर दा अनुग्रह अदकि बुद्धी प्रदान माळदुन, अदकि आव आऊक मसित्तर मा अदकि तान सप्पा मानना मा शासक नयिक्त माळदुन. 11 आग मसित्तर अदकि कनान इन सप्पा द्याश दा अकाल बतित्त; यदुर देल भारी दुखगोळ बंदव, अदकि नाम आप्प दादागोळी तनिली ईला सकितोगोद. 12 लेकीन याकूब ईद केळकु कानि मसित्तर द्याश दा अनाज आद, नाम आप्प दादागोळी पयला घन कळुदुन. 13 दुसरा घन यूसुफ खुद इक तान वारटुर मा प्रगट माळदुन अदकि यूसुफ उन जाती फरीन उक मालूम आगेत. 14 आग यूसुफ तान आप्प याकूब अदकि तान सप्पा कुट्टुम्ब इक, जो पच्यात्तर मळसा ईरोर, बातणी कळुदुन. 15 आग याकूब मसित्तर दा ल्यालमा होदुन; अदकि अल आव अदकि आऊन चकिोर सोतोदुर. 16 आंदुर लाश शकेम नगर दा पोहचुस्कु आ कब्र दा ईटकु आदव, यारी अब्राहम चाँदी इन सकिका कोटकु शकेम दा हमोर उन औलाद से कोडीदुन.

17 “लेकीन याग आ वादा अनूद पुरा आगोद घळी हात्ती बत्त जो परमेश्वर अब्राहम से माळीदुन, रा मसित्तर द्याश दा आ लॉकुर वाळुसेदुर अदकि हापाळ आगेदुर. 18 आग मसित्तर दा दुसरा राजा आदुन जो यूसुफ उक ईला अरोन. 19 आव नाम जाती से चालाकी माळकु नाम आप्प दादागोळ सांगुळ ईल ताका बुरा व्यवहार माळदुन, की आंदरी तान चिकोरी भीट बुळोर साटी मजबुर माळदुन. 20 आ समय मूसा पैदा आदुन. आव परमेश्वर उन नजर दा हापाळ अच सुंदर ईरोन. आव मुर तगिळ ताका तान आप्प उन मान्या पालस्कु आदुन. 21 याग भटिकु आदुन रा फरौन उन पोर आऊक नेगु कोंडुर, अदकि तान पार उन घाई पाल्सदुर. 22 मूसा अक मसित्तीगोळ सप्पा वदिया कल्सकु आत, अदकि आव वचन अदकि कर्म येदुद दा ताकतवर ईरोन.

23 “याग आव चालीस वर्ष इनव आदुन, रा आऊन मन दा बत्त की ना इस्त्राएली वारटुर से मुलाकात माळाईन. 24 आव ऊंद मंळसा मा अन्याय आगत नोळकु आऊक ऊळसदुन, अदकि मसित्ती इक कोंदकु अत्याचार माळद मंळसा अनूद बदला ताकोडुन. 25 आव वचार माळदुन की आऊन लॉकुर समस्यार की परमेश्वर आऊन कयगोळ देल आंदुरद उद्धार माळ्यान, लेकीन आंदुर समसीदील. 26 दुसरा दशिी याग आंदुर आपस दा झगळा माळोर, रा आव अल बंदुन; अदकि ईद अनकु आंदरी मलिसोर साटी समजुसदुन, हे मंळसागोळा, आव अंदुन, ‘नीव रा वारटुर-वारटुर हुईर,’ आबुर दाबुर मा येती अन्याय माळतीर? 27 लेकीन जो तान बाजुवाळा मा अन्याय माळोन, आव आऊक ईद अनकु हटुस बुटुन, ‘नीनी याव नाम मा अधिकार अदकि न्याय माळावाळा ठहरूस्यान? 28 येन याता रीती देल नी नीन मसित्ती इक कोंद बुट नानी भी कोंद बुळोद चाहासत्या?’ 29 ईद मात केळकु मूसा ओळदुन अदकि मदियान द्याश दा परदेशी आगकु ईरली कुरतुन, अदकि अल आऊन येदुद पारगोळ पैदा आदुर.

30 “याग पुरा चालीस वर्ष बतिसेदव, रा ऊंद स्वर्गदूत सीनै पहाळी इन आळी दा आऊक होततेला झाळी इन बेक्की अन लपेट दा दर्शन कोट्टुन. 31 मूसा अक ईद दर्शन नोळकु आश्चर्य आत, अदकि याग नोळोर साटी आव हात्ती होदुन, रा प्रभु अनूद ईद आवाज बत्त, 32 ना नीन आप्प दादागोळ, अब्राहम, इसहाक अदकि याकूब उन परमेश्वर हुईन. आग रा मूसा नळगली कुरतुन, ईल ताका की आऊक नोळोद हम्मिमत आगीदील. 33 आग प्रभु आऊन से अंदुन, ‘तान कालगोळ दा टु केरु तेगु कोम, यतकी याता जागा दा नी नदिरकु आय, अद पवतिर जागा हुन. 34 ना सचमुच तान लॉकुरद जो मसित्तर द्याश दा आर, दुरदशा अक नोळीन; अदकि आंदुरद आह अदकि आंदुरद वोरलोद केळीन; इदुरसाटी आंदरी बळिसोर साटी ईळदीन. ईग बा, ना नीनी मसित्तर द्याश दा कळाईन.’

35 “या मूसा अक आंदुर ईद अनकु अस्वीकार माळीदुर, ‘नीनी यार नाम मा अधिकार अदकि न्याय माळावाळा ठहरूस्यार?’ आऊक अच परमेश्वर शासक अदकि बळिसावाळा ठहरूसकु, आ स्वर्गदूत उन द्वारा यार आऊक झाळी दा दर्शन कोटीदुन, कळुदुन. 36 ईवा मंळसा मसित्तर द्याश अदकि क्याचांद समुद्र

अदकि आळी दा चालीस वर्ष ताका अदभुत क्याल्सा अदकि चमत्कार तोरस तोरसकु आंदरी तेगुकु तंदुन. 37 ईव आवा मूसा हुन, याव इस्त्राएलगोळ से अंदुन, 'परमेश्वर नीम वारटुर दा टु नीम साटी नान घाई ऊंद बातणी तरावाळा नेगदान.' 38 ईव आवा हुन, याव आळी दा मंडली अन न्याड्या आ स्वर्गदूत उन सांगुळ सीनै पहाळी मा आऊन से मातगोळी हेळदुन अदकि नाम आप्प दादागोळ सांगुळ ईरोन, आऊक अच जीवति वचन सकियाव कि नाम ताका पोहचुसुल. 39 लेकीन नाम आप्प दादागोळ आऊन मानसोद चाहसीदील, बल्की आऊक हटुसुकु तान मन मसित्तर दी फेरसदुर, 40 अदकि हागून से अंदुन, 'नाम साटी हगि देवता माळ, जो नाम मुंद-मुंद नळुल, यतकी ईव मूसा जो नामी मसित्तर द्याश टु तेगुकु तंदुन, नाव जानसालेव आऊक येन आग्याद?' 41 आ दनिगोळ दा आंदुर ऊंद वस्ता अन घाई कांळसावाळा मूर्ति माळदुर, अदकि अदुर मा बली येरसदुर, अदकि तान कयगोळ देल पाऊनचार माळकु खुशी मान्सदुर. 42 इदुरसाटी परमेश्वर अनदेखा माळकु आंदरी बटि बुटुन, कि आकाशगण इन पुजा माळुल, ह्यांग भवषियवक्तागोळ कतिाव दा लखिसकु आद, हे इस्त्राएल इन घराना, येन नीव

आळी दा चालीस वर्ष ताका पशुबली अदकि अन्नबली  
नान इक अच येरसत ईत्तीर?

43 नीव मोलेक इन तम्बू

अदकि रफिान देवता अन्द तारा अक हुडुकु टेटाळ तोगीर,  
मतलब आ मूर्तगोळी यारी नीव दण्डवत माळोर साटी माळदीर.

इदुरसाटी ना नीमी बेबीलोन इन हात्ती ओतकु कुरसाईन.'

44 "नाम आप्प दादागोळ हात्ती परमेश्वर उन सानधिय अन्द तम्बू, ह्यांग परमेश्वर मूसा अक हेळदुन हांग माळीदुन. अद आ नमुना अन घाई ईरोद जो मूसा अक तोरसकु आगीत." 45 अदा तम्बू अक नाम आप्प दादागोळ पूर्वकाल टु हुडुकु यहोशू अन्द सांगुळ ईल तंदुर; याता समय इन आंदुर आ गैरयहूदीगोळ मा अधिकार माळदुर, यारी परमेश्वर नाम आप्प दादागोळ मुंद टु तेगु बुट्टुन, अदकि अद तम्बू दाऊद उन समय ताका ईत्त. 46 आऊन मा परमेश्वर अनुग्रह माळदुन; इदुरसाटी आव वनिती माळदुन कि आव याकूब उन परमेश्वर उन साटी नवास स्थान माळुल. 47 आव ईला लेकीन सुलैमान आऊन साटी मान्ना माळदुन.

48 लेकीन परमप्रधान कय इन माळ्द मान्नागोळ दा ईरालुन, ह्यांग कि भवषियवक्ता अंदुन,

49 प्रभु अनतान, स्वर्ग नांद सहिसन

अदकि पृथ्वी नान कालगोळ तल्ला अन्द आशन हुन,  
नान साटी नीव याता प्रकार इन मान्ना माळीर?

अदकि नांद आराम इन साटी यातोद जागा ईत्तीत?

50 येन ई सप्पा वस्तुगोळ नान कय इन माळदव आल्लच?

51 "नीव याट जीददी आईर, अदकि मन अदकि कवि इन खतनारहति लॉकुरा, नीव हमेशा पवतिर आत्मा अन्द वरिध माळतीर. ह्यांग नीम आप्प दादागोळ

माळतोगोर, हांगा नीव भी माळतीर. 52 भवषियवक्तागोळ दा टु यारी नीम आप्प दादागोळ सतुसीदील? आंदुर आ न्यायी अन्द आगमन इन पूर्वकाल टु बातणी कोळावाळेर इक कोंद बुदुर; अदकि ईंग नीव भी आ न्यायी मळसा अक हुळसुसावाळेर अदकि कोन्सुसावाळेर आदीर. 53 नीव स्वर्गदूतगोळ द्वारा ठहूरुसद व्यवस्था रा नोळदीर, लेकीन अदुर पालन माळदीर.”

स्तफिनुस कल्लगोळ होळदुर देल सोत्तुन

54 ई मातगोळी केळकु आंदुर होत्तेदुर अदकि आऊन मा हल्ल कचली कुरतुर. 55 लेकीन आव पवतिर आत्मा से परपिण आगकु स्वर्ग दी नोळदुन अदकि परमेश्वर उन महिमा अक अदकि यीशु उक परमेश्वर उन ऊमा कय दी नदिरुत नोळकु अंदुन, 56 “नोळी, ना स्वर्ग इक तेरूत अदकि मळसा अन पार उक परमेश्वर उन ऊमा कय दी नदिरुकु नोळतीन.”

57 आग आंदुर धोळ्द आवाज देल चळिलासकु कवि बंद माळ बुदुर, अदकि सभा अन सभासदगोळ ऊंद सांगुळ आऊन मा झपट्टा होळदुर; 58 अदकि आऊक नगर इन व्हाऱ्या तेगुकु आऊन मा कल्लगोळी होडुली कुरतुर. गवाहगोळ तान कपळा शाऊल हेसुर ईनव ऊंद हारोद मळसा अन कालगोळ हात्ती तेगुकु ईट बुदुर. 59 आंदुर स्तफिनुस मा कल्लगोळी होडुतेला ईत्तुर, अदकि आव ईद अनकु प्रार्थना माळतेला ईत्तुन, “हे प्रभु यीशु, नान आत्मा अक ग्रहण माळ.” 60 बाक ट्वांगरा टेक्सकु धोळ्द आवाज देल कारदुन, “हे प्रभु, ईद पाप आंदुर मा हचबाळ.” अदकि ईद अनकु आव सोतोदुन.

## 8

1 शाऊल आऊक कोन्नोर दा सहमत ईरोन.

मंडली मा अत्याचार

अदा दशी टु यूरुशलेम इन मंडली मा धोळ्द दुख इन सूरुवात आत अदकि पूरतिगोळी बटिकु सप्पा अन्द सप्पा मुंदुर यहूदयिया अदकि सामरीया द्याशगोळ दा ततिर बतिर आगेदुर. 2 येनारा भक्तगोळ स्तफिनुस उक कवर् दा ईटदुर अदकि आऊन साटी जोर जोर देल वरुलदुर.

3 \*शाऊल मंडली अक बरबाद माळोन; अदकि मानोन मान्नी होक्कु मळसागोळी अदकि आर्तेर इक जेडु जेडुकु बंदीगृह दा हाक्क तोगोन.

सामरीया दा फलिपिपुस उन प्रचार

4 जो वशिवासी लॉकुर ततिर बतिर आगीदुर, आंदुर खुशखबरी केळुसतेला टेटाळेर; 5 अदकि फलिपिपुस ल्यालमा सामरीया नगर दा होगकु लॉकुर दा मसीह अन्द प्रचार माळली कुरतुन. 6 जो मातगोळी फलिपिपुस अंदुन अवरी लॉकुर केळकु अदकि जो चमत्कार आव तोरुसतोगोन अवरी नोळ नोळकु, ऊंद चित्त आगकु मन हचदुर. 7 यतकी हापाळ दा टु अशुध्द आत्मागोळ धोळ्द शब्द दा चलिळासतेला होट्ट बुटव, अदकि हापाळ सा लकवा अन्द रोगी अदकि लंगळागोळ भी वळ्लेर माळकु आदुर; 8 अदकि आ नगर दा धोळ्द खुशी छ्रासेत.



9 इदुर से पयले आ नगर दा शमौन हेसुर ईनव ऊंद मंळसा ईरोन, जो जादू टोना माळकु सामरीया अन्द लॉकुरी चकति माळतोगोन अदकि तान तान इक ऊंद धोळ्द मंळसा हेळतोगोन. 10 स्याणेर से धोड्डेर ताका सप्पा आऊंद सम्मान माळकु अनतोगोर, “ईव मंळसा परमेश्वर उन अद ताकत हुन, जो महान कहलुसतद.” 11 आव हापाळ दनिगोळ टु आंदरी तान जादू अन्द कयाल्सागोळ देल चकति माळकु ईटीदुन, इदुरसाटी आंदुर आऊक हापाळ मानसोर. 12 लेकीन याग आंदुर फलिपिपुस उन बातणी इन वशिवास माळदुर जो परमेश्वर उन राज्य अदकि यीशु मसीह अन्द हेसुर इन खुशखबरी केळसतोगोन, रा लॉकुर, येन मंळसा, येन आर्तेर, बपतस्मा ताकोमली कुरतुर. 13 आग शमौन खुद भी वशिवास माळदुन अदकि बपतस्मा ताकोमकु फलिपिपुस उन सांगुळ ईरली कुरतुन. आव धोड्डेव-धोड्डेव चमत्कार अदकि चमत्कार इन कयाल्सा आगूत नोळकु चकति आगतोगोन.

14 याग प्रेरतिगोळ जो यरूशलेम दा ईरोर, केळदुर क्ति सामरीयागोळ परमेश्वर उन वचन मान्स कोंडार रा पतरस अदकि यूहन्ना अक आंदुर हाती कळुदुर. 15 आंदुर होगकु वशिवासीगोळ साटी प्रार्थना माळदुर क्ति पवतिर आत्मा सक्कुल. 16 यतकी ईगासताका आंदुर दा टु यारदु मा पवतिर आत्मा ईळदीदलि; आंदुर रा सर्फि प्रभु यीशु अन्द हेसुर देल बपतस्मा ताकोडीदुर. 17 आग पतरस अदकि यूहन्ना आंदुर मा कय ईटदुर अदकि आंदरी पवतिर आत्मा सक्ति.

18 याग शमौन नोळदुन क्ति प्रेरतिगोळ कय ईटदुर देल पवतिर आत्मा कोटक आगतद, रा आंदुर हातती पैस्या तनकु अंदुन, 19 “ईद अधिकार नानी भी कोळी, क्ति जो यावारा मंळसा मा कय ईटाईन आऊक पवतिर आत्मा सक्कुल.”

20 पतरस आऊन से अंदुन, “नीन पैस्या नीन सांगुळ नाश आगुल, यतकी नी परमेश्वर उन दान पैस्यागोळ देल कोंड कोमोद वचिर माळ्द. 21 ई मात दा ना नान हसिसा आद, ना भाग; यतकी नीन मन परमेश्वर उन मुंद वळ्लीद हेलेच. 22 इदुरसाटी तान ई बुराई देल मन तरिगुस प्रभु से प्रार्थना माळ, आग सकतद क्ति अपमान मन इन वचिर माफ माळकु आगुल. 23 यतकी ना नोळतीन क्ति नी पत्ति घाई केयजोर अदकि अन्याय अन्द बंधन दा बदि कु आय.”

24 शमौन, पतरस अदकि यूहन्ना से अंदुन, “नीव नान साटी प्रभु से प्रार्थना माळी क्ति जो मातगोळी नीव अंदीर, अऊर दा टु यातोदारा नान मा बंदकु बळिबाळुल.”

25 इदुरसाटी आंदुर गवाही कोटक अदकि प्रभु उन वचन केळसकु यरूशलेम इक होटोदुर, अदकि सामरीगोळ्द हापाळ सा ऊरगोळ दा खुशखबरी केळसत होदुर.

फलिपिपुस अदकि कूश द्याश इन अधिकारी

26 बाक प्रभु अन्द ऊंद स्वर्गदूत फलिपिपुस से अंदुन, “येळ, अदकि दक्षणि दी आ हादी मा होग, जो यरूशलेम टु गाजा अक होगतद.” ईद धुळा अन्द हादी हुन. 27 आव यदकु होटोदुन, अदकि नोळी, कूश द्याश इन ऊंद मंळसा बरोन जो खोजा जाती अदकि कूश इन रानी कन्दाके अन्द मंत्री अदकि पैस्या अन्द

हिसाब ईटावाळा खजांची ईरोन. आव आराधना माळली यरूशलेम बंदीदुन. 28 आव तान रथ मा कुर्तकु ईरोन, अदकि यशायाह भवषियवक्ता अन्द कतिाब वाचुसतेला वापस होगोन. 29 आग पवतिर आत्मा फलिपिपुस से अन्त, “हात्ती होगकु ई रथ इन सांगुळ आगोग.” 30 फलिपिपुस आऊन दी हरदुन अदकि आऊक यशायाह भवषियवक्ता अन्द कतिाब वाचुसतेला केळदुन, अदकि आऊन से केळदुन, “नी जो वाचुसतिया येन अदरी नी समसत्या भी?”

31 आव अंदुन, “यागासताका यावारा नानी समझुसतीदील रा ना ह्यांग समसाईन?” अदकि आव फलिपिपुस से वनिती माळदुन कि आव येरकु आऊन हात्ती कूरुल. 32 पवतिरशास्त्र अन्द जो अध्याय आव वाचुसोन,

अद ईद ईरोद: “आव म्यांडा अन घाई बली आगली पोहचुसकु आदुन,  
अदकि ह्यांग म्यांडा अन पाड्डा तान चुट्टी कातरूसावारूळेद मुंद चुपचाप  
ईरतद,  
हांगा आव भी तान बाय खोलसीदील.

33 आऊन दीनता दा आऊंद न्याय ईला आग पायजे  
आऊंद समय इन लॉकुरद वर्णन याव माळ्यान?  
यतकी पृथ्वी टु आऊंद जीव तेगुकु आगेत.”

34 इदुर मा खोजा जाती इन ऊंद अधिकारी मंळसा फलिपिपुस से केळदुन, “ना नीन से वनिती माळतीन, ईद हेळ कि भवषियवक्ता ईद यार बारा दा अनतान, तांद या यावारा दुसरा अन्द बारा दा?” 35 आग फलिपिपुस तान बाय खोल्सदुन, अदकि ईद शास्त्र भाग से सूरुवात माळकु आऊक यीशु उन खुशखबरी केळसदुन. 36 हादी मा नळुत नळुत आंदुर यातोदारा नीर इन जागा मा पोहचुसदुर. आग खोजा जाती इन अधिकारी मंळसा अंदुन, “नोळ ईल नीर आद, ईग नानी बपतसिमा ताकोडुर दा येन रोक आद.” 37 फलिपिपुस अंदुन, “अगर नी पुरा मन देल वशिवास माळत्या रा ताकोम सकत्या.” आव उत्तर कोट्टुन, “ना वशिवास माळतीन कि यीशु मसीह परमेश्वर उन पार हुन.”

38 आग आव रथ नदिरूसोद आग्या कोट्टुन, अदकि फलिपिपुस अदकि खोजा नीर दा ईळदुर, अदकि आव खोजा अक बपतसिमा कोट्टुन. 39 याग आंदुर नीर दा टु होटकु म्याकुच बंदुर, रा प्रभु अन्द आत्मा फलिपिपुस उक नेगुकु ओईत, अदकि खोजा जाती इन अधिकारी आऊक बाक नोळीदील, अदकि आव खुशी माळतेला तान हादी मा होटोदुन. 40 फलिपिपुस उक हगि हत्त कि आव अशदोद नगर दा आन, अदकि यागासताका कैसरया दा पोहचुसीदील, आगासताका नगर नगर खुशखबरी केळसतेला होदुन.

## 9

शाऊल उन दलि इन बदलाव

1 शाऊल जो ईगासताका प्रभु अन्द चेलागोळी धमकुसोद अदकि कोद बुळोद धुन दा ईरोन, महायाजक उन हात्ती होदुन 2 अदकि आऊन से दमशिक इन सभागृहगोळ दा हेसुर मा ई अभपिराय इन चट्टी गोळी बेळदुन कि येन गंळस येन आरत, यारी आव ई पंथ मा नोळ्यार आंदरी कटक यरूशलेम तरूल.

3 लेकीन नळुत नळुत याग आव दमशिक इन हातती पोहचुसदुन, रा अचानक आकाश टु आऊंद नाकु दी ज्योती चमकुस्त, 4 अदकि आव जमीन मा बदिदुन अदकि ईद शब्द केळदुन, “हे शाऊल, हे शाऊल, नी नानी येती सतुसेत्या?”

5 शाऊल केळदुन, “हे प्रभु, नी याव हुय?”

आव अंदुन, “ना यीशु हुईन, यारी नी सतुसेत्या. 6 लेकीन ईग यदकु नगर दा होग, अदकि जो नीनी माळोद आद अद नीन से अंदकु आदीत.”

7 जो मंळसागोळ आऊन सांगुळ ईरोर, आंदुर सट्ट ईतोदुर; यतकी शब्द रा केळ बरतोगोद लेकीन याऊ कांळसतोगोन ईला. 8 आग शाऊल भूमी मा टु येददुन, लेकीन याग कण्णगोळी तेरदुन रा आऊक येनु कांळसीदील, अदकि आंदुर आऊन कय हुडुकु दमशिक नगर दा ओतुर. 9 आव मुर दनि ताका नोळ सकादील, अदकि ना तदिन अदकि ना कुळदुन.

10 दमशिक दा हनन्याह हेसुर इन ऊंद चेला ईरोन, आऊन से प्रभु दर्शन दा अंदुन, “हे हनन्याह!”

आव अंदुन, “प्रभु, ना हुईन.”

11 आग प्रभु आऊन से अंदुन, “यदकु आ गली दा होग जो ‘सरका’ कहलुसतद, अदकि यहूदा अन्द मानना दा शाऊल हेसुर इन ऊंद तरसुसवासी इक केळ; नोळ, आव प्रार्थना माळेत्यान, 12 अदकि आव हनन्याह हेसुर इन ऊंद मंळसा अक बुळक बर्त अदकि तान म्याकुच कय ईटतेला उदाहरण दा नोळदुन; ताकी दुबारा नोळ सकुल.”

13 हनन्याह उत्तर कोट्टुन, “हे प्रभु, ना ई मंळसा अन्द बारा दा हापाळ मुंदुर से केळीन का ईव यरूशलेम दा नीन पवतिर लॉकुर सांगुळ धोळ्द-धोळ्द बुराईगोळ माळ्यान; 14 अदकि ईल भी ईऊक प्रधान याजकगोळ्द दी टु अधिकार सक्याद का जो लॉकुर नीन हेसुर ताकोमतार, आ सप्पा मुंदरी कटबुळ.”

15 लेकीन प्रभु आऊन से अंदुन, “नी होटोग; यतकी आव रा गैरयहूदीगोळी अदकि राजागोळी अदकि इस्त्राएलीगोळ्द मुंद नान हेसुर प्रगट माळोर साटी नान नीवळुसद पात्र हुन. 16 अदकि ना आऊक हेळाईन का नान हेसुर इन साटी आऊक ह्यांग-ह्यांग दुख नेगोद बदिदीत.”

17 आग हनन्याह यदकु आ मानना दा होदुन, अदकि आऊन मा तान कय ईटकु अंदुन, “हे वार्ट शाऊल, प्रभु, मतलब यीशु, जो आ हादी मा, याता हादी देल नी बंद्या नीनी कांळसीदुन, आवा नानी कळ्यान का नीनी मातूत कण्णगोळ देल कांळसुल अदकि नी पवतिर आत्मा देल परपिर्ण आगोगुल.” 18 अदकि तुरन्त आऊन कण्णगोळ दा टु छलिका घाई बतित्त अदकि आव नोळली कुरतुन, अदकि यदकु बपतस्मा ताकोडुन; 19 बाक भोजन माळकु आऊक आऊंद ताकत वापस सकित्त.

दमशिक दा शाऊल द्वारा प्रचार

शाऊल हापाळ दनि ताका आ चेलागोळ्द सांगुळ ईतुतुन जो दमशिक दा ईरोर. 20 अदकि आव तुरन्त यहूदी लॉकुरद सभागृहगोळ दा यीशु उन प्रचार माळली कुरतुन का आव परमेश्वर उन पार हुन.

21 सप्या केळावाळेर चकति आगकु अनली कुरतुर, “येन ईव आवा मंळसा आल्लच जो यरूशलेम दा आंदरी जो यीशु उन उपासना माळावाळेर इक, नाश माळतोगोन; अदकि ईल भी इदुरसाटी बंदीदुन की आंदरी कटक प्रधान याजकगोळ्द हात्ती तरूल?”

22 लेकीन शाऊल मात्त ताकतवर आगतेला होदुन, अदकि ईमात इन प्रमाण कोट कोटकु की मसीह ईवा हुन, दमशिक इन ईरावाळेर यहूदीगोळी आश्चर्य चकति माळत ईत्तुन.

23 \*याग हापाळ दनि बतिसेदव, रा यहूदीगोळ मलिसकु आऊक कोंद बुळोद साजीश रचुसदुर. 24 लेकीन आंदुर साजीश शाऊल उक मालूम नळदोत. आंदुर रा आऊक कोन्नोर साटी ईळ्लक हागुल नगर इन फाटकगोळ मा तयार ईरतोगोर. 25 लेकीन ईळ्लकी आऊन चेलागोळ आऊक फुट्टी दा कुरसदुर, अदकि दवार इन ख्वादरा दा टु हलिगुकसकु ईळ्स बुदुर.

यरूशलेम दा शाऊल

26 यरूशलेम दा पोहचुसकु शाऊल चेलागोळ सांगुळ मलिसोद कोशशि माळदुन; लेकीन सप्या आऊन से अंजतोगोर, यतकी आंदरी वशिवास ईला आगतोगोद, की आव भी चेला हुन. 27 लेकीन बरनबास आऊक तान सांगुळ प्रेरतिगोळ हात्ती ओतकु आंदरी हेळदुन की ईव याता रीतदिल हादी मा प्रभु उक नोळदुन, अदकि आव ईऊन से मातगोळी हेळदुन; बाक दमशिक दा ईव हयांग हम्मिमत देल यीशु उन हेसुर देल प्रचार माळदुन. 28 आव आंदुर सांगुळ यरूशलेम दा होगूत बरत अदकि पुरा हम्मिमत देल प्रभु उन हेसुर इन प्रचार माळली कुरतुन. 29 अदकि गैरयहूदी भाषा माताळावाळेर यहूदीगोळ्द सांगुळ मातचीत अदकि झगळा माळतोगोन; लेकीन आंदुर आऊक कोंद बुळोद कोशशि माळली कुरतुर. 30 ईद जान्सकु वारटुर आऊक कैसरया बंदरगाह दा तंदुर, अदकि तरसुस नगर इक कळु बुदुर.

31 ई प्रकार सप्या यहूदया, गलील, अदकि सामरीया दा मंडली अक शांती सक्ति, अदकि अदुर उन्नती आगूत ईत्त; अदकि अद प्रभु उन अंजक अदकि पवतिर आत्मा अन्द शांती दा नळुत अदकि वाळुस्त ईत्त.

लुद्दा अदकि याफा नगर दा पतरस

32 बाक हगि आत की पतरस हर जागा टेटाळतेला, परमेश्वर उन पवतिर लॉकर हात्ती भी पोहचुसदुन जो लुद्दा नगर दा ईरतोगोर. 33 अल आऊक एनयास हेसुर इन लकवा अन्द ऊंद रोगी मंळसा सकिदुन, जो येठठ वर्ष टु वहरस मा बदिक् ईरोन. 34 पतरस आऊन से अंदुन, “हे एनयास! यीशु मसीह नीनी चंगा माळतान. येळ, तान हासक्या नेगु.” आग आव तुरन्त यदकु नदिरदुन. 35 आग लुद्दा अदकि शारोन इन सप्या ईरावाळेर आऊक नोळकु प्रभु उन दी तरिगदुर.

36 याफा दा तबीता गैरयहूदी दा दोरकास मतलब हरिण हेसुर इनोर ऊंद वशिवासनी ईरतोगोर. आक हापाळ सा वळ्लेव कयाल्सा अदकि दान माळतोगोर. 37 अवा दनिगोळ दा आक बमिर आगकु सोतोदुर; अदकि आंदुर

आकनि मय तोळसकु म्याकुच इन कमरा दा ईट बुटुर. 38 इदुरसाटी किलुद्दा याफा अन हात्ती ईरोद, चेलागोळ ईद केळकु किल पतरस अल आन, येढ्ढ मंळसा कळुकु आऊन से वनिती माळदुर, “नाम हाती बरोर साटी देर माळवाळ.” 39 आग पतरस यदकु आंदुर सांगुळ आगेदुन, अदकि याग आव पोहचुसदुन रा आंदुर आऊक आ अटारी म्याकुच मा ओतुर. सप्पा रांड्यागतिर वलतेला आऊन हात्ती बंदकु नदिरदुर, अदकि जो कुळता गोळ अदकि कपळागोळ दोरकास याग आक जत्तिता ईरोर आंदुर सांगुळ ईरतेला माळीदुर, तोरसली कुरतुर. 40 आग पतरस सप्पा मुंदरी व्हारया माळ बुटुन, अदकि टवांगरा टेक्सकु प्रार्थना माळदुन अदकि लाश इन दी तरिगकु नोळदुन अदकि अंदुन, “हे तबीता, येळ.” आग आक तान कण्णगोळी तेरदुर; अदकि पतरस उक नोळकु यदकु कुरतुर. 41 आव कय कोटकु आकी नेगदुन, अदकि परमेश्वर उन पवतिर लॉकुर अदकि रांड्यागतिर इक कारूकु आकी जत्तिता तोरस बुटुन. 42 ईद मात सप्पा याफा दा फैलुसेत; अदकि हापाळ सा लॉकुर प्रभु मा वशिवास माळदुर. 43 अदकि पतरस याफा दा शमौन हेसुर इन यावारा तोगुल इन धंदा माळावाळा अन्द मान्या हापाळ दनि ताका ईत्तुन.

## 10

कुरनेलियुस अदकि पतरस

1 कैसरया दा कुरनेलियुस हेसुर इन ऊंद मंळसा ईरोन, जो इटालयिन सेनादल इन अध्यक्ष ईरोन. 2 आव परमेश्वर उक अंजावाळा भक्त ईरोन, अदकि तान सप्पा घराना सांगुळ परमेश्वर उन आराधना माळतोगोन, अदकि यहूदी लॉकुरी हापाळ दान कोळतोगोन, अदकि रोज परमेश्वर उन से प्रार्थना माळतोगोन. 3 आव मदणी लगभग मुर मुरा अन हात्ती दर्शन दा स्पष्ट रूप देल नोळदुन किल परमेश्वर उन ऊंद स्वर्गदूत आऊंद हात्ती बुळक बंदकु अनतान, “हे कुरनेलियुस!”

4 कुरनेलियुस स्वर्गदूत उक ध्यान देल नोळदुन अदकि अंजकु अंदुन, “हे प्रभु, येन हुन?”

स्वर्गदूत आऊन से अंदुन, “नीन प्रार्थनागोळ अदकि नीन दान न्याय इन क्याल्सा हिसाब कोळोर साटी परमेश्वर उन मुंद पोहचुस्याव; 5 अदकि ईग याफा दा मंळसा कळुकु शमौन उक, जो पतरस कहलुस्तान, कार्स कोमी. 6 आव शमौन हेसुर इनव मंळसा जो तोगुल इन धंदा माळतान आऊन मान्या पतरस पाऊना आन, यार्द मान्ना समुद्र अन्द कनिरा मा आद.” 7 याग आव स्वर्गदूत याव आऊन से मातगोळी हेळीदुन होटोदुन, रा आव येढ्ढ सेवक, जो आऊन हात्ती मौजुद ईरतोगोर आंदुर दा टु ऊंद भक्त सपिाही इक कारदुन, 8 अदकि आंदरी सप्पा मातगोळी हेळकु याफा नगर इक कळुदुन.

9 दुसरा दशी याग आंदुर नळुत नळुत याफा नगर इन हात्ती पोहचुसदुर, रा मदणी इन हात्ती पतरस छत मा प्रार्थना माळली येरदुन. 10 आऊक हसु हत अदकि येनारा तनोद चाहासोन, लेकीन याग ऊम्मोद बनसोद आग अच आऊक दर्शन आत; 11 अदकि आव नोळदुन, किल आकाश खुलसेत; अदकि

ऊंद पात्र धोळ्द चादर इन घाई नाकु क्वाना टु लटकुसतेला, पृथ्वी इन दी ईळेत्याद. 12 आ चादर दा पृथ्वी इन सप्पा प्रकार इन नाक कालवाळा पशु अदकि रेंगसावाळा जनतु अदकि आकाश इन पक्षी ईरव. 13 आऊक ऊंद हगि शब्द केळ बत्त, “हे पतरस येळ, कोनून अदकि तीन.”

14 लेकीन पतरस अंदुन, “ईला प्रभु, यागलु ईला; यतकी ना यागलु यातोदु अपवतिर या अशुध्द वस्तु तंददिल.”

15 बाक दुसरा घन आऊक शब्द केळ बत्त, “जो येनारा परमेश्वर शुध्द ठहरस्यान, अदरी नी अशुध्द मान्सबाळ.” 16 मुर घन हगि अच आत; अदकि तुरन्त अद चादर आकाश मा नेगुकु आगेत.

17 याग पतरस तान मन दा दुवधा दा ईरोन, कि ईद दर्शन जो ना नोळदीन अद येन आग सकतद, रा नोळी, आ मंळसागोळ यारी कुरनेलियुस कळीदुन, शमौन उन मान्ना अन्द पता हचकु दरवाजा मा बंदकु नदिरदुर, 18 अदकि कारूकु केळली कुरतुर, “येन शमौन जो पतरस कहलुस्तान, ईवा पाऊना हून?”

19 पतरस रा आ दर्शन मा सोचतेला अच ईरोन, कि आत्मा आऊन से अंदुन, “नोळ, मुर मंळसा नीन खोज दा आर. 20 इदुरसाटी यदकु लयालमा होग, अदकि बनिा संकोच देल आंदुर सांगुळ आगेग; यतकी ना अच आंदरी कळीन.” 21 आग पतरस ईळुकु आ मंळसागोळ से अंदुन, “नोळी, यार्द खोज नीव माळेतीर, आव ना अच हुईन. नीमद बरोद येन कारण आद?”

22 आंदुर अंदुर, “कुरनेलियुस सूबेदार नामी कळ्यान जो न्यायी अदकि परमेश्वर उन उपासना माळावाळा अदकि सप्पा यहूदी लाँकुर दा मानवाईक मंळसा आन, आऊक ऊंद परमेश्वर उन पवतिर स्वर्गदूत से ईद नरिदेश सकियाद कि नीनी तान मान्या कारूकु नीन से वचन केळुल.”

23 आग पतरस आंदरी बुळ्क कारूकु आंदुर पाऊनचार माळदुन. दुसरा दशी आव आंदुर सांगुळ होदुन, अदकि याफा अन्द वार्दुर दा टु येनारा आऊन सांगुळ आगेदुर. 24 दुसरा दशी आंदुर कैसरया पोहचुसदुर, अदकि कुरनेलियुस तान परिवार अदकि हात्तीगोळोर संगीगोळी जमा माळकु आंदुर हादी कायोन. 25 याग पतरस बुळ्क बरोन, रा कुरनेलियुस आऊन से भेट माळदुन, अदकि आऊन कालगोळ मा बदिकु आऊक प्रणाम माळदुन; 26 लेकीन पतरस आऊक नेगुकु अंदुन, “नदिर, ना भी रा सर्फि मंळसा हुईन.” 27 अदकि पतरस कुरनेलियुस उन सांगुळ मातचीत माळतेला बुळ्क होदुन, यल आव हापाळ सा लाँकुरी जमा नोळदुन. 28 आंदुर से अंदुन, “नीव जान्सतीर कि गैरयहूदी अन्द संगत माळोद या आऊन मान्या होगोद यहूदीगोळ इन साटी अन्याय आद, लेकीन परमेश्वर नानी हेळदुन कि यावारा मंळसा अक अपवतिर या अशुध्द अनबाळेत. 29 इदुरसाटी ना याग कारूकु आदीन रा बनिा येनारा माताळोद होटबंदीन. ईग ना केळतीन कि नानी याता क्याल्सा अन्द साटी कारूकु आग्याद?”

30 कुरनेलियुस अंदुन, “ईदा घळी टु पुरा नाक दनि पयले, ना तान मान्या मदणी इन मुर मुरा अन लगभग प्रार्थना माळीन; रा नोळी, अचानक ऊंद मंळसा चमकीला कपळा हाक्कु, नान मुंद बंदकु नदिरदुन 31 अदकि अनली कुरतुन,

हे कुरनेलियुस, नीन प्रार्थना केळकु आगोग्याद अदकि नीन दान न्याय इन स्यावा परमेश्वर उन मुंद याद माळकु आग्याव. <sup>32</sup> इदुरसाटी यारीकारा याफा कळुकु शमौन उक जो पतरस कहलुस्तान, कारू. आव समुद्र अनंद कनिरा मा शमौन जो तोगुल इन धंदा माळतान अनंद मान्या पाऊना आन.' <sup>33</sup> आग ना तुरन्त नीन हातती लॉकुरी कळुदीन, अदकि नी भला माळद जो होटबंद. ईग नाव सप्पा ईल परमेश्वर उन मुंद आयेव, ताकी जो येनारा परमेश्वर नीन से माताळोर साटी अंदान अदरी केळेव."

### पतरस उन भाषण

<sup>34</sup> आग पतरस अंदुन, "ईग नानी सही दा पता नळुत की परमेश्वर यारदु पक्षपात माळालुन, <sup>35</sup> लेकीन हर राष्ट्र अनंद लॉकुर दा जो आऊन से अंजतार अदकि न्याय इन क्याल्सा माळतार, आंदुर आऊक भाऊस्तार. <sup>36</sup> अद वचन नीव जानसतीर, जो वचन आव इस्त्राएलगोळ हातती कळुदुन, याग आव यीशु मसीह अनंद द्वारा जो सप्पा मुंदुर प्रभु आन शांती इन खुशखबरी केळसदुन, <sup>37</sup> नीव आ महान घटना अक जानसतीर, जो इस्त्राएल इन जागा मा आगीत, गलील दा सूरवात आगकु यूहन्ना अन द्वारा बपतस्मा कोट्टुर बाददा टु यदुर्द प्रचार माळकु आगीत: <sup>38</sup> नीव नासरी यीशु उन बारा दा जानसायदीर की ह्यांग परमेश्वर आऊन मा पवतिर आत्मा अदकि सामर्थ्य पलटुसीदुन, अदकि यीशु वळलेव क्याल्सा माळतेला अदकि आ सप्पा मुंदरी जो शैतान उन वश दा ईरोर चंगा माळतेला नाकु दी आव ह्यांग ओयाळोन, यतकी परमेश्वर आऊन सांगुळ ईरोन. <sup>39</sup> नाव आ सप्पा क्याल्सागोळद गवाह आयेव; जो आव इस्त्राएल इन भूमी मा अदकि यरूशलेम दा भी माळदुन, अदकि आंदुर आऊक कूस मा येरसकु कौद बुटुर. <sup>40</sup> लेकीन आऊक परमेश्वर तसिरा दशी मातत जतिता माळदुन, अदकि प्रगट भी माळ बुटुन; <sup>41</sup> सप्पा लॉकुर मा ईला लेकीन आ गवाहगोळ मा यारी परमेश्वर पयले टु नविळुस कौडीदुन, मतलब नाम मा यार आऊन सोत्तुर दा टु जतिता आगदुर बाददा आऊन सांगुळ तनिदेव कुळदेव; <sup>42</sup> अदकि आव नामी आग्या कोट्टुन की लॉकुर दा प्रचार माळी अदकि गवाही कोळी, की ईव आवा हुन यारी परमेश्वर जीवति अदकि सोतकु लॉकुरद न्यायी ठहूरस्यान. <sup>43</sup> आऊद सप्पा भवषियवक्ता गवाही कोळतार की जो यावारा आऊन मा वश्वास माळ्यान, आऊक आऊद हेसुर इन ताकत इन द्वारा पापगोळद माफ सक्कीत."

### गैरयहूदीगोळ मा पवतिर आत्मा ईळुत

<sup>44</sup> पतरस ई मातगोळी अनतेला अच ईरोन की पवतिर आत्मा वचन इन सप्पा केळावाळेर मा ईळुकु बत्त. <sup>45</sup> अदकि यास यहूदी वश्वासी जो याफा टु पतरस उन सांगुळ बंदीदुर, आंदुर सप्पा चकति आदुर की गैरयहूदीगोळ मा भी पवतिर आत्मा अनंद दान पलटुस्कु आग्याद. <sup>46</sup> यतकी आंदुर आंदरी अलग अलग भाषा माताळत अदकि परमेश्वर उन वळाई माळत केळदुर. इदुर मा पतरस अंदुन, <sup>47</sup> "येन यावारा इंदरी नीर देल बपतस्मा ताकोमली रोकस सकतान, यारी नाम घाई पवतिर आत्मा सक्याद?" <sup>48</sup> अदकि आव आग्या

कोट्टुन की आंदरी यीशु मसीह अनंद हेसुर देल बपतस्मा कोटकु आगुल, आग आंदुर पतरस से वनिती माळदुर की आव येनारा दनि अदकि आंदुर सांगुळ ईरूल.

## 11

पतरस उन यरूशलेम इन मंडली अक तान क्याल्सागोळ बारा दा हेळोद

1 बाक प्रेरतिगोळ अदकि वशिवासी वार्दुर जो यहूदिया दा ईरोर केळदुर की गैरयहूदीगोळ भी परमेश्वर उन वचन मानस कोंडार. 2 इदुरसाटी याग पतरस यरूशलेम दा बंदुन, रा यहूदी वशिवासी खतना माळद लॉकुर आऊन से झगळा माळली कुरतुर, 3 “नी खतना ईला माळद गैरयहूदी लॉकुर मान्या होगकु आंदुर सांगुळ तदि.” 4 आग पतरस आंदरी सुरूवात टु येन येन आत अद सप्पा हेळदुन:

5 “ना याफा नगर दा प्रार्थना माळीन, आग ऊंद दर्शन नोळदीन की ऊंद वस्तु, धोळद चादर इन घाई नाकु क्वाना टु लटकुसद, आकाश टु ईळुकु नान हात्ती बत्त. 6 याग ना अदुर मा ध्यान माळदीन, रा अदुरदा पृथ्वी इन नाक कालवाळा पालतु पशुगोळ अदकि वनपशु अदकि रोगसावाळा जनतु अदकि आकाश इन पक्षी नोळदीन; 7 अदकि ईद शब्द भी केळदीन, ‘हे पतरस येळ, कोन्न अदकि तनि!’ 8 लेकीन ना अंदीन, ‘ईला प्रभु, ईला; यतकी यातोदु अपवतिर या अशुध्द भोजन नान बाय दा यागलु होगीदील.’ 9 इदुर उत्तर दा आकाश टु दुसरा घन आवाज आत, ‘जो येनारा परमेश्वर शुद्ध ठहूरुस्यान, अदरी अशुध्द अनबाळ.’ 10 मुर घन हांगा आत; आग सप्पा येनारा बाक आकाश मा जेडुकु आगेत. 11 अदकि नोळी, तुरन्त मुर मळसा जो कैसरिया टु नान हात्ती कळुकु आगीदुर, आ मान्या यल नाव ईरेव, बंदकु नदिरदुर. 12 आग आत्मा नान से आंदुर सांगुळ बनि संकोच देल आगली हेळत, अदकि याफा दा टु आर वशिवासी वार्दुर भी नान सांगुळ कैसरिया बंदुर; अदकि नाव कुरनेलयिस उन मान्या होदेव. 13 कुरनेलयिस नामी हेळदुन, की आव ऊंद स्वरुगदूत उक तान मान्या नदिरकु नोळदुन, याव आऊन से अंदुन, ‘याफा दा यातारा मळसा अक कळुकु शमौन उक जो पतरस कहलुस्तान, कारसुस बुळ. 14 आव नीम से हगि मातगोळी अंदान, यार द्वारा नीनी अदकि अपमान सप्पा परिवार इक उद्धार सक्कीत.’ 15 याग ना मातगोळी हेळली कुरतीन, रा पवतिर आत्मा आंदुर मा अदा रीत दिेल ईळुत याता रीत दिेल सुरूवात दा नाम मा ईळदीत. 16 \*आग नानी प्रभु उन अद वचन याद बत्त; जो आव अंददिन, ‘बपतस्मा कोळावाळा यूहनना रा नीर देल बपतस्मा कोट्टुन, लेकीन नीमी पवतिर आत्मा देल बपतस्मा सक्कीत.’ 17 इदुरसाटी याग परमेश्वर गैरयहूदीगोळी भी अदा दान कोट्टुन, जो नामी प्रभु यीशु मसीह मा वशिवास माळदुर देल सक्कीत; रा ना याव ईरीन जो परमेश्वर उक रोक्स सकीन?”

18 ईद केळकु आंदुर अपमान माळोद बंद माळकु, अदकि परमेश्वर उन बळाई माळकु अनली कुरतुर, “आग रा परमेश्वर गैरयहूदीगोळी भी जीवन इन साटी मन तरिगुसोद दान कोटान.”

अन्ताकिया अनंद मंडली



19 \*वशिवासीगोळ दा टु थ्वाळासा लॉकुर आ दुख इन मारा देल जो सतफिनुस उन मृत्यु उन समय दा बर्दित, ततिर बतिर आगेगीदुर, आंदुर वयाळत-वयाळत फनीकी अदकि साइप्रस अदकि अन्ताकिया दा बंदुर; लेकीन यहूदीगोळी बटिकु यारीकु वचन ईला केळसतोगोर. 20 लेकीन आंदुर दा टु थ्वाळासा साइप्रस नवासी अदकि कुरेनी ईरोर, जो अन्ताकिया दा बंदकु गैरयहूदीगोळी भी प्रभु यीशु उन खुशखबरी इन मातगोळी केळसली कुरतुर. 21 प्रभु उन सामर्थ्य आंदुर सांगुळ ईरोद, अदकि हापाळ लॉकुर वशिवास माळकु प्रभु उन दी तरिगदुर.

22 याग आंदुर चर्चा यरूशलेम इन मंडली अन्द केळदुर दा बत्त, रा आंदुर बरनबास उक अन्ताकिया कळदुर. 23 याग आव अल पोहचूसदुन अदकि नोळदुन क्ति परमेश्वर लॉकुरी ह्यांग आशषित माळ्यान, अदकि आव खुश आदुन अदकि आंदुर से वनिती माळदुन क्ति तान सप्पा मन इन सांगुळ पुरा सचचाई देल अदकि वशिवासयोग्य प्रभु उन सांगुळ बनसकु ईरी. 24 बरनबास ऊंद वळ्लेव मळसा ईरोन, अदकि पवतिर आत्मा अदकि वशिवास देल परपिण्ण ईरोन; अदकि अन्य हापाळ सा लॉकुर प्रभु दा बंदकु मलिसदुर.

25 आग आव शाऊल उक नोळोर साटी तरसुस नगर इक होटोदुन. 26 याग आव आऊन से मलिसदुन रा आऊक अन्ताकिया तंदुन; अदकि हांगि आत क्ति आंदुर ऊंद वर्ष ताका मंडली अन्द सांगुळ सकिोर अदकि हापाळ सा लॉकुरी उपदेश कोळतेला ईत्तुर; अदकि सब से पयले अन्ताकिया दा ईदा चेलागोळी मसीह अंदकु आत.

27 अवा दनिगोळ दा थ्वाळासा भवषियवक्ता यरूशलेम टु अन्ताकिया बंदुर. 28 \*आंदुर दा टु अगवुस हेसुर इन ऊंद मळसा नदिरकु आत्मा अन्द अगुवाई दा भवषियवाणी माळदुन क्ति सप्पा दुनिया दा धोळ्द अकाल बर्दिदीत. अद अकाल क्लौदियुस उन समय दा बत्तित. 29 आग चेलागोळ नरिणय माळदुर क्ति हर ऊंद तान तान पूंजी इन अनुसार यहूदिया दा ईरावाळे वशिवासी वार्टुर मदत अन्द साटी येनारा कळुल. 30 आंदुर हांगा माळदुर; अदकि बरनबास अदकि शाऊल उन कय मंडली अन्द स्याणागोळ हात्ती थ्वाळासा पैस्या कळदुर.

## 12

अदकि छल

1 आ समय हेरोदेस राजा मंडली अन्द थ्वाळासा सदस्यगोळी सतुसोद सुरूवात माळदुन. 2 आव यूहन्ना अन्द वार्ट याकूब उक तलवार देल कोनसुस बुट्टुन. 3 याग आव नोळदुन क्ति यहूदी लॉकुर आऊन से खुश आगतार, रा आव पतरस उक भी हुडुकोडुन. अव दनि अखमीरी रोट्टी इन हाब्व ईनव दनि ईरव. 4 आव पतरस उक हुडुकु बंदीगूह दा हाकदुन, अदकि रखवाली माळोर साटी नाक नाक सपिाहीगोळ्द नाक समुह माळीदुन; ईद वचार देल क्ति फसह अन बाद्दा आऊक लॉकुर मुंद तरूल. 5 बंदीगूह दा पतरस बंद ईरोन; लेकीन मंडली आऊन साटी मन हचकु परमेश्वर से प्रार्थना माळोद.

पतरस उन बंदीगृह दा टु बळिोद

6 याग हेरोदेस आऊक लॉकुर मुंद तरली ईरोन, अदा ईळ्ळकी पतरस येद्व शंकलीगोळ देल कटक येद्व सपिाहीगोळ्द बीच दा मगिन; अदकि पहरेदारगोळ दरवाजा मा बंदीगृह अनूद रखवाली माळोर. 7 रा नोळी, प्रभु उन ऊंद स्वरगदूत बंदकु नदिरदुन अदकि आ कोठरी दा ज्योती चमकुस्त, अदकि आव पतरस उन पासळी मा कय बळकु आऊक येदुन अदकि अंदुन, “येळ, जल्दी माळ.” अदकि आऊन कयगोळ दा टु शंकलीगोळ बटिकु बदिोदव. 8 आग स्वरगदूत आऊन से अंदुन, “नेळु कट, अदकि तान केरू हाक्क कोम.” आव हांगा माळदुन. बाक स्वरगदूत आऊन से अंदुन, “तान कपळा हाक्कु नान हींद आगेग.” 9 पतरस होटकु आऊन हींद नळुत नळुत बंदीगृह टु व्हार्या बंदुन; लेकीन ईद ईला जानसोन कि जो येनारा स्वरगदूत माळेत्यान अद सही आद, लेकीन ईद समसदुन कि ना दर्शन नोळेतीन. 10 आग आंदुर पयला अदकि दुसरा पहरा टु होटकु आ लोवा अनूद फाटक मा पोहचुसदुर, जो नगर दी हादी होगतद. अद फाटक आंदुर साटी तान ताना खुलसेत, अदकि आंदुर होटकु ऊंद अच गली टु आगकु ऊंद हादी मा बंदुर, अदकि तुरनूत अच स्वरगदूत आऊक बटिकु होटोदुन.

11 आग पतरस सावधान आगकु अंदुन, “ईग ना जानूस कोंडीन कि प्रभु तान स्वरगदूत कळुकु नानी हेरोदेस उन कय देल अदकि यहूदीगोळ्द सप्पा आशा टु बळिस बुट्टुन.”

12 ईद जानूसकु पतरस आ यूहन्ना अनूद मोय मरयिम इन मान्या बंदुन, जो मरकुस कहलुसतान. अल हापाळ सा लॉकुर जमा आगकु प्रार्थना माळोर. 13 याग आव फाटक इन खळिकी ठोक्सदुन, रा रूदे हेसुर इन ऊंद दासी दरवाजा तेरोर साटी बंदुर. 14 पतरस उन शब्द केळकु आक खुशी अन मारा देल फाटक तेरददिल, लेकीन ओळकु बुळ्क होदुर अदकि हेळदुर कि पतरस दरवाजा मा नदिरकु आन. 15 आंदुर आकनि से अंदुर, “नी यर्र आय.” लेकीन आक हमिमत माळकु अंदुर कि हिगि अच आद, “आग आंदुर अंदुर आऊन स्वरगदूत आगीदान.”

16 लेकीन पतरस ठोक्सतेला अच ईततुन: आखरी दा आंदुर खळिकी खोलसदुर, अदकि आऊक नोळकु चकति ईतोदुर. 17 आग आव आंदरी कय देल इशारा माळदुन कि चुप ईरूल; अदकि आंदरी हेळदुन कि प्रभु याता रीती देल आऊक बंदीगृह दा टु तेगुकु तंदान. बाक अंदुन, “थाकूब अदकि बाकी वशिवासी वारटुरी ईद मात हेळ बुळेतीर.” आग होटकु येल्यारा दुसरा जागा अक होटोदुन.

18 हुंजकुका अच सपिाहीगोळ दा बळा हलचल मचुसेत कि पतरस उन येन आत.

19 याग हेरोदेस सपिाहीगोळ से आऊन खोज माळोद आदेश कोट्टुन लेकीन पतरस सकिकीदील, रा पहरेदारगोळ जाँच माळकु आग्या कोट्टुन कि आंदरी कोंदकु आगुल: अदकि आव यहूदिया अक बटिकु कैसरया दा होगकु ईरली कुरतुन अदकि अल आव थ्वाळासा समय बतिसदुन.

हेरोदेस उन सायोद

20 हेरोदेस सूर अदकि सैदा अनूद लॉकुर से हापाळ सट्टि दा ईरोन. इदुरसाटी आंदुर ऊंद समुह माळकु राजा से मलिसली बंदुर, पयले आंदुर बलास्तुस उक जो

राजा अन्द ऊंद सेवक ईरोन, समझुसकु मेल माळोद चाहासदुर; यतकी हेरोदेस राजा अन्द द्याश देल आंदुरद द्याश इन पालन पोषण आगतोगोद.

21 ठहूसद दशी हेरोदेस राजा अन कपळा हाककु सहिसन मा कुरतुन, अदकि आंदरी भाषण कोळली कुरतुन. 22 आग लाँकुर चलिळास कुरतुर, “ईद रा मळसा अन्द ईला परमेश्वर उन आवाज हुन.” 23 अदा घळी प्रभु उन ऊंद स्वरगदूत तुरन्त आऊक बळदुन, यतकी आव परमेश्वर उक महमा कोटीदील; अदकि आव कळिा हतकु सोतोदुन अदकि अव कळिागोळ आऊक तनिली हतदव.

24 लेकीन परमेश्वर उन वचन लगातार वाळुस्त अदकि फैलुसतेला होत.

25 याग बरनबास अदकि शाऊल यरूशलेम दा तान क्याल्सा पुरा माळकु यूहन्ना अक जो मरकुस कहलुस्तान, सांगुळ हुडकु अन्ताकया वापस बंदुर.

## 13

बरनबास अदकि शाऊल उक नविळुसोद अदकि कळोद

1 अन्ताकया अन्द मंडली दा कई भवषियवक्ता अदकि गुरु ईरोर; जसा: बरनबास, शमौन जो (नीगर) करेव कहलुस्तान; अदकि लूकयुस कुरेनी, अदकि मनाहेम जो हेरोदेस शासक उन सांगुळ दा धोड्डेर आदुन, अदकि शाऊल. 2 याग आंदुर उपास सहति प्रभु उन स्यावा माळोर, रा पवतिर आत्मा आंदुर से अन्त, “नान साटी बरनबास अदकि शाऊल उक आ क्याल्सा अन्द साटी अलग माळी यार साटी ना आंदरी कार्सीन.”

3 आग आंदुर उपास अदकि प्रार्थना माळकु अदकि आंदुर मा कय ईटकु आंदरी सार माळदुर.

कुप्रा दा बरनबास अदकि शाऊल

4 इदुरसाटी बरनबास अदकि शाऊल पवतिर आत्मा अन कळुद सल्लूकया अक होदुर; अदकि अल टु जहाज मा कुरतकु साइप्रस इक होदुर; 5 अदकि सलमीस दा पोहचुसकु, परमेश्वर उन वचन यहूदीगोळद सभागूहगोळ दा केळसदुर. यूहन्ना जो मरकुस कहलुसोन, मदत माळावाळा अन रूप दा आंदुर सांगुळ ईरोन.

6 आंदुर आ सप्पा टापू दा आगतेला पाफुस ताका पोहचुसदुर. अल आंदरी बार-यीशु हेसुर इन ऊंद यहूदी जादूगर अदकि ख्वाटा भवषियवक्ता सकिदुन. 7 आव शासक सरिगयुस पौलुस उन संगी ईरोन, जो बुद्धमिान मळसा ईरोन. आव बरनबास अदकि शाऊल उक तान हात्ती कारूकु परमेश्वर उन वचन केळोद चाहासदुन. 8 लेकीन इलीमास जादूगर, यतकी गैरयहूदीगोळ दा ईदा आऊन हेसुर इन मतलब आद, आंदुर वरीध माळकु शासक उक वशिवास माळोर से रोकसोद चाहासदुन. 9 आग शाऊल यार्द हेसुर पौलुस भी आद, पवतिर आत्मा देल परपिर्ण आगकु इलीमास जादुगर उन दी टकटकी हचकु नोळदुन अदकि अंदुन, 10 “हे सप्पा कपट अदकि सप्पा चतुराई देल तुमकु शैतान उन औलाद, सप्पा न्यायीपन अन्द दुश्मन, येन नी प्रभु उन सरका हादीगोळी वाकळा माळोद बळितीदील? 11 ईग नोळ, प्रभु उन कय नीन वरीध दा

येदोग्याद; अदकि नी थ्वाळासा समय ताका कुद्व ईत्या अदकि सुर्य अन्द उजुळ नोळतीदलि.”

आग तुरन्त धुंधरापन अदकि अंधार आऊन कण्णगोळ मा च्छासेत, अदकि आव ईत्त आत्त ताळु कुरतुन ताकी यावारा आऊन कय हुडुकु आऊक संभाळसुल. <sup>12</sup> आग शासक जो येनारा अल आगीत अदरी नोळकु अदकि प्रभु उन उपदेश देल चकति आगकु वशिवास माळदुन.

पसिदिया अन्द अन्ताकिया दा

<sup>13</sup> पौलुस अदकि आऊन संगी पाफुस टु जहाज इन द्वारा पंफूलिया प्रदेश इन परिगा नगर दा बंदुर; अदकि यूहन्ना आंदरी बटिकु यूशलेम इक होटोदुन. <sup>14</sup> परिगा नगर टु मुंद वाळुसकु आंदुर पसिदिया अन्द अन्ताकिया दा पोहचुसदुर; अदकि आराम इन दनि यहूदी लॉकुरद सभागूह दा होगकु कुरतोदुर. <sup>15</sup> मूसा अन्द व्यवस्था अदकि भवषियवक्तागोळ कतिव देल वाचुसदुर बाददा यहूदी लॉकुरद सभागूह अन्द अधिकारीगोळ आंदुर हात्ती बातणी कळुदुर, “हे वारटुरा अदकि आकतींगेरा, नाव चाहासतेव की लॉकुरी प्रोत्साहिति माळोर साटी नीम मन दा येनारा मात आद रा अनी.”

<sup>16</sup> आग पौलुस नदुरकु अदकि कय देल इशारा माळकु अंदुन, “हे इस्त्राएलगोळा, अदकि सप्पा गैरयहूदीगोळा जो परमेश्वर उन आराधना माळतीर, केळी: <sup>17</sup> ई इस्त्राएली लॉकुरद परमेश्वर नाम आप्प दादागोळी नीवळुस कोडीदुन, अदकि याग ई लॉकुर मसित्तर द्याश दा परदेशी आगकु ईरतोगोर, रा आंदुरद उन्नती माळदुन; अदकि धोळद सामर्थ्य देल आंदरी इजपित् टु तेगुकु तंदुन. <sup>18</sup> आव येनारा चालीस वर्ष ताका रेगसितान दा आंदुरद सहन माळतेला ईत्तुन, <sup>19</sup> अदकि कनान द्याश दा येळ राषट्रगोळद नाश माळकु परमेश्वर अद पृथ्वी इस्त्राएल इन लॉकुरी अत्तरधिकारी इन रूप दा कोट बुट्टुन. <sup>20</sup> इदुर बाददा आव शमूएल भवषियवक्ता ताका आंदुर दा न्यायी ठहरसदुन. <sup>21</sup> अदुर बाददा आंदुर ऊंद राजा बेळदुर: आग परमेश्वर चालीस वर्ष इन साटी बनियामीन इन जाती दा टु ऊंद मंळसा; मतलब कीश उन पार शाऊल उक आंदुर मा राजा ठहरसदुन. <sup>22</sup> बाक आऊक अलग माळकु दाऊद उक आंदुर राजा माळदुन; यार बारा दा आव गवाही कोट्टुन, ‘नानी ऊंद मंळसा, यशै उन पार दाऊद, नान मन इन अनुसार सकिकेदुन; आवा नांद सप्पा इच्छा पुरा माळ्यान.’ <sup>23</sup> दाऊद उन वंश दा टु परमेश्वर तान वादा अन्द अनुसार इस्त्राएल इन हात्ती ऊंद उदधारकर्ता, मतलब यीशु उक कळुदुन. <sup>24</sup> यीशु तान कार्यगोळद सूरुवात माळोर से पयले यूहन्ना सप्पा इस्त्राएलगोळ दा मन तरिगुसोद प्रचार माळदुन अदकि बपतसिमा माळदुन. <sup>25</sup> य्याग बपतसिमा कोळावाळा यूहन्ना तांद स्यावा पुरा माळदुर मा ईरोन, रा आव अंदुन, ‘नीव नानी येन सम्सतीर? ना आव आल्लच यार हादी नीव कायेतीर. उलटा नोळी, नान बाददा ऊंद बरावाळा आन, आऊन कालगोळ केरू उन बंध भी ना खोल्सा लायक हैलेच.’

✱ 13:24 १३:२४ मरकुस १:४; लूका ३:३  
लूका ३:१६; यूहन्ना १:२७

✱ 13:25 १३:२५ यूहन्ना १:२०; मत्ती ३:११; मरकुस १:७;

26 “हे इस्त्राएली वार्दुरा, नीव जो अब्राहम उन औलाद हुईर; अदकि सप्पा गैरयहूदी जो परमेश्वर उन आराधना माळतार, नीम हात्ती ई उद्धार इन वचन कळ्ळु आग्याद. 27 यतकी यरूशलेम इन ईरावाळेर अदकि आंदुर अधिकारीगोळ ना उद्धारकर्ता अक अरतुर अदकि ना भवषियवक्तागोळ्द अव मातगोळ जो हर ऊंद आराम इन दनि वाचुसकु आगतद आऊक सम्सत. अदकि यीशु उक दोषी ठहूसदुर द्वारा भवषियवक्तागोळ्द मातगोळी सही साबति माळ्द. 28 \*आंदरी कोंद बुळोद लायक येनु दोष आऊन दा सक्कीदील, तरी भी पलितुस से वनिती माळदुर क् आिव कोंदकु आगुल. 29 \*याग शास्त्र दा आऊन बारा दा लखिसद सप्पा मातगोळ आंदुर पुरा माळदुर, रा आऊक कूस मा टु ईळ्सकु कबर दा ईतदुर.” 30 लेकीन परमेश्वर आऊक सोत्तुर दा टु जतिता माळदुन, 31 \*अदकि आव आंदरी जो आऊन सांगुळ गलील टु यरूशलेम बंदीदुर, हापाळ दनिगोळ ताका काळसतेला ईत्तुन; इस्त्राएल लॉकुरद मुंद ईग आंदुर अच आऊन गवाह आर. 32 नाव नीमी आ वादा अनंद बारा दा जो नाम आप्प दादागोळ से माळकु आगीत, ईद खुशखबरी केळसतेव, 33 क् परमेश्वर यीशु उक जतिता माळकु, अदा वादा नाम औलाद इन साटी पुरा माळदुन; ह्यांग भजन संहति दा भी लखिसकु आद, नी नान पार हुय;

ईद ना अच नीनी पैदा माळीन.

34 अदकि परमेश्वर आऊक सोत्तुर दा टु जतिता माळकु येब्सदुन ताकी सळुसोर साटी कबर दा बदिक् ईला ईरूल, इदुरसाटी आव ईद अंदुन, ना नीनी पवतिर अदकि अटल आशीष कोळाईन

जो ना दाऊद उन सांगुळ वादा माळीन.

35 इदुरसाटी आव भजन संहति दा भी अंदान, नी तान वशिवासयोग्य सेवक उक कबर दा सळुस गोळतीदील.

36 यतकी दाऊद रा परमेश्वर उन इच्छा अनंद अनुसार तान समय दा स्यावा माळकु सोतोदुन, अदकि तान आप्प दादागोळ सांगुळ दा नळ्सकु आदुन, अदकि आऊन मय कबर दा सळुसेत. 37 लेकीन यारी परमेश्वर सोत्तुर दा टु जतिता माळदुन, आव सळुसीदील. 38 इदुरसाटी, हे नान इस्त्राएली संगीगोळा, नीव जान्स कोमी क् यीशु उन द्वारा पापगोळ्द माफ अनंद बातणी नीमी कोटकु आगतद; 39 अदकि याता मातगोळ दा नीव मूसा अनंद व्यवस्था अनंद द्वारा पापगोळ देल मुक्त आग सकालीर, अवा सप्पा दा हर ऊंद यीशु मा वशिवास माळावाळा पापगोळ देल मुक्त आगतान. 40 इदुरसाटी सावधान ईरी, हगि आगबाळुल क् जो भवषियवक्तागोळ कतिाव दा बंदाद, नीम मा भी अद घटुस बाळुल:

41 हे अपमान माळावाळेर, नोळी, चकति आगी, अदकि सोतोगी;

यतकी ना नीम दनिगोळ दा ऊंद क्याल्सा माळतीन,

हगि क्याल्सा क् अगर यावारा नीम से आऊन बारा दा मातचीत माळुल,

\* 13:28 १३:२६ मत्ती २७:२२,२३; मरकुस १५:१३,१४; लूका २३:२१-२३; यूहन्ना १९:१५ \* 13:29 १३:२९ मत्ती २७:५७-६१; मरकुस १५:४२-४७; लूका २३:५७-६६; यूहन्ना १९:३६-४२ \* 13:31 १३:३१ प्रेरतिगोळ १:३

रा नीव यागलु वशिवास माळतीदील.

42 पौलुस अदकि बरनबास उन यहूदी सभागृह टु व्हार्या होळा समय लॉकुर आंदुर से वनिती माळली कुरतुर क्क अगला आराम इन दनि नामी ई मातगोळी बाक केळसकु आगुल. 43 याग सभा येदोत रा यहूदीगोळ अदकि गैरयहूदी मत दा बरावाळेर भक्तगोळ दा टु हापाळ सा पौलुस अदकि बरनबास इन हदि आगेदुर; अदकि प्रेरतिगोळ आंदुर से मातगोळी हेळकु प्रोत्साहति माळदुर क्क परमेश्वर उन अनुग्रह दा जीवन बन्सकु ईटी.

44 अगला आराम इन दनि नगर इन सप्पा लॉकुर परमेश्वर उन वचन केळोर साटी जमा आगेदुर. 45 लेकीन यहूदी भीळ इक नोळकु जलन देल तुम्मेदुर, अदकि अपमान माळतेला पौलुस उन मातगोळ्द वरिध दा अपशब्द अनली कुरतुर. 46 आग पौलुस अदकि बरनबास नडिर आगकु अंदुर, जरूरी ईरोद क्क परमेश्वर उन वचन पयले नीमी केळसकु आगाईत; लेकीन याग नीव अदरी टुकूरस बुळतीर, अदकि खुद इक अनन्त जीवन इन योग्य ठहरूसालीर, रा नोळी, नाव नीमी बटिकु गैरयहूदी लॉकुर दी तरिगतेव. 47 यतकी प्रभु नामी ईद आग्या कोटान,

ना नीनी गैरयहूदीगोळ साटी ज्योति ठहरूसीन,

ताकी पुरा संसार ऊळसकु आगुल.

48 ईद केळकु गैरयहूदीगोळ खुश आदुर, अदकि परमेश्वर उन वचन इन बळाई माळली कुरतुर; अदकि यास अनन्त जीवन इन साटी ठहरूसकु आगीदुर, आंदुर वशिवास माळदुर.

49 आग प्रभु उन वचन आ सप्पा द्याश दा फैलुसली कुरत. 50 लेकीन यहूदीगोळ परमेश्वर उन आराधना माळावाळेर अदकि प्रसदिध गैरयहूदी आर्तेर इक अदकि नगर इन प्रमुख लॉकुरी उकसुसदुर, अदकि पौलुस अदकि बरनबास इन वरिद्ध उपद्रव माळसुसकु आंदरी तान सीमा दा टु तेग्द बुदुर. 51 आग प्रेरति आंदुर मुंद आंदुर वरिध दा तान कालगोळ धुळा झाळसकु इकुनयुम नगर इक होटोदुर. 52 अदकि अन्ताकयिा नोर वशिवासी पुरा खुशी देल अदकि पवतिर आत्मा देल परपुर्ण आगतेला होदुर.

## 14

इकुनयुम दा पौलुस अदकि बरनबास

1 इकुनयुम दा हगि आत क्क पौलुस अदकि बरनबास यहूदीगोळ्द सभागृहगोळ दा सांगुळल्या होदुर, अदकि ई प्रकार देल मातगोळी हेळदुर क्क यहूदीगोळ अदकि गैरयहूदीगोळ येदुदु दा टु हापाळ मुंदुर वशिवास माळदुर. 2 लेकीन वशिवास ईला माळावाळेर यहूदीगोळ गैरयहूदी लॉकुरद मन दा वशिवासी वारटुर वरिध दा उकसुसदुर अदकि आंदुर मन दा कळवाहटपन पैदा माळ कोडुर. 3 पौलुस अदकि बरनबास हापाळ दनि ताका अल ईत्तुर, अदकि प्रभु उन बारा दा नरिभयता देल प्रचार माळत ईत्तुर आंदुरद द्वारा प्रभु अदभुत चनिह अदकि आश्चर्यगोळी माळसुसतेला तान अनुग्रह अन्द बातणी

ईद पुरा सचचाई देल आद इदरी प्रगट माळतेला ईततुन. <sup>4</sup> लेकीन नगर इन लॉकुर दा फूट बदिोत, इदुर देल यास रा यहूदीगोळ दी अदकि यास प्रेरतिगोळ्द दी आगेदुर.

<sup>5</sup> आग थ्वाळासा गैरयहूदी अदकि यहूदी तान अधिकारीगोळ सांगुळ मल्लिसकु आंदुर सांगुळ बुरा व्यवहार माळली अदकि आंदुर मा कल्लगोळ भळिोद चाल नळदुर. <sup>6</sup> आग पौलुस अदकि बरनबास उक ई मात इन पता नळुत आग आंदुर लुकाउनया अनूद लुस्त्रा अदकि दरिबे घाई नगरगोळ दा अदकि अदुरद आसपास इन क्षेत्रगोळ दा ओळदुर. <sup>7</sup> अदकि आंदुर अल खुशखबरी केळसली कुरतुर.

लुस्त्रा अदकि दरिबे दा पौलुस अदकि बरनबास

<sup>8</sup> लुस्त्रा दा ऊंद मंळसा कुर्तकु ईरोन, जो कालगोळ देल अपंग ईरोन. आव जनम टु अच लंगळा ईरोन अदकि यागलु नळु ईला सकोन. <sup>9</sup> आव पौलुस उक मातगोळी माळत केळोन. पौलुस आऊंद दी तार हचकु नोळदुन कर् आऊक वळ्लेव आगेद वश्वास आद, <sup>10</sup> अदकि धोळ शब्द देल अंदुन, “तान कालगोळ बल देल सीधा नदुर.” आग आव हारकु नळुली टेटाळली कुरतुन. <sup>11</sup> लॉकुर पौलुस उन ईद क्यालसा नोळकु लुकाउनया अनूद भाषा दा धोळ्द आवाज देल अंदुर, “दयावगोळ मंळसागोळ्द रूप दा आगकु नाम हात्ती ईळ्कु बंदार.” <sup>12</sup> आंदुर बरनबास उक ज्यूस, अदकि पौलुस उक हरिमेस अंदुर, यतकी पौलुस मातगोळ हेळदुर दा मुख्य ईरोन. <sup>13</sup> ज्यूस द्याव उन आ मंदरि इन पुजारी जो आंदुर नगर इन मुंद ईरोन, वस्ता अदकि फूलगोळ हार फाटकगोळ मा तनकु लॉकुर सांगुळ बलदान माळोद चाहासोन.

<sup>14</sup> लेकीन बरनबास अदकि पौलुस प्रेरतिगोळ याग ईद केळदुर, रा तान कपळा हरदुर अदकि भीळ दा होदुर, अदकि कारूकु अनली कुरतुर, <sup>15</sup> “हे लॉकुरा, नीव ईद येती माळेतीर? नाव भी रा नीम घाई मंळसा हुयेव, अदकि नीमी परमेश्वर उन खुशखबरी केळसोर साटी नाव ईल आयेव, कर् नीव ई बेकार वस्तुगोळ देल अलग आगकु जतिता परमेश्वर उन दी तरिगी, याव स्वर्ग अदकि पृथ्वी अदकि समुद्र अदकि जो येनारा अऊर्दा आद माळदुन. <sup>16</sup> आव बत्तिसूद समयगोळ दा सप्पा लॉकुरी तान तान हादीगोळ दा नळु गोट्टुन. <sup>17</sup> लेकीन आव हमेशा भला क्यालसा माळदुर द्वारा तान अस्ततिव अक प्रमाणति माळदुन: आव नीमी आकाश टु माळ कोट्टुन अदकि मौसम इन अनुसार फसल कोट्टुन; आवा नीमी तनिली कोळतान अदकि नीम दलिगोळी खुशी देल तुम्म वुळतान.” <sup>18</sup> ईद अनकु भी प्रेरतिगोळ लॉकुरी धोळ्द परेशानी देल रोक्सदुर कर् आंदुर साटी बलदान माळबाळुल.

<sup>19</sup> लेकीन येनारा यहूदीगोळ पसिदिया अनूद अनताकया अदकि इकुनयिुम टु बंदकु लॉकुरी तान दी माळ कोडुर, अदकि पौलुस मा कल्लगोळ देल बळदुर, अदकि सोतकु सम्सकु आऊक नगर इन व्हारया जेडुकु ओतुर. <sup>20</sup> पर याग चेलागोळ आऊन नाकु दी बंदकु नदुरदुर, रा आव यदकु मात्त नगर दा होदुन अदकि दुसरा दशी बरनबास उन सांगुळ दरिबे अक होटोदुन.

सीरयिया अन्द अनताकयिया दा वापस बरोद

21 पौलुस अदकि बरनबास दरिबे नगर इन लॉकुरी खुशखबरी केळसकु, अदकि हापाळ सा चेलागोळी माळकु, लुसत्रा अदकि इकुनयुम अदकि पसिदिया अन्द अनताकयिया अक वापस बंदुर, 22 अदकि चेलागोळ मन इक संची माळ्त् ईत्तुर अदकि ईद प्रोत्साहन कोळोर क् विश्वास दा सच्चाई देल बन्सकु ईरी; अदकि ईद शक्षिा कोळतोगोर, “नामी बळा दुख नेगुकु परमेश्वर उन राज्य दा प्रवेश माळोद आद.” 23 अदकि आंदुर हर ऊंद मंडली दा आंदुर साटी स्याणा लॉकुरी नयुक्त माळदुर अदकि उपास सहति प्रार्थना माळकु आंदरी प्रभु उन कय दा सौप्सदुर यार मा आंदुर विश्वास माळतोगोर.

24 आग पसिदिया टु आगतेला आंदुर पंफूलयिया पोहचुसदुर; 25 बाक परिगा दा वचन केळसकु अत्तलिया दा बंदुर, 26 अदकि अल टु आंदुर जहाज मा अनताकयिया होदुर, यल आंदुर आ कयाल्सा अन्द साटी जो आंदुर पुरा माळीदुर परमेश्वर उन अनुग्रह दा कोटक आगीदुर.

27 याग आंदुर अनताकयिया बंदुर रा आंदुर मंडली अन लॉकुर जमा माळकु जो परमेश्वर आंदुर सांगुळ माळदुन अद केळसदुर अदकि हेळदुर क् ह्यांग परमेश्वर गैरयहूदीगोळ्द विश्वास माळोर साटी दरवाजा तेरदुन. 28 अदकि आंदुर विश्वासीगोळ सांगुळ हापाळ दनि ताका अल ईत्तुर.

## 15

यरूशलेम इन सभा

1 बाक थ्वाळासा लॉकुर यहूदयिया टु अनताकयिया बंदकु विश्वासी वार्दुरी कल्सली हतदुर: “अगर मूसा अन्द व्यवस्था अन अनुसार नीमद खतना ईला आगाईत रा नीमी उद्धार सकि सकाल.” 2 इदुर बारा दा पौलुस अदकि बरनबास आंदुर से सहमत ईला ईरोर ईदा कारण देल आंदुर सांगुळ आंदुर्द हापाळ धोळ्द झगळा आत रा ईद ठहरूस्कु आत क् पौलुस अदकि बरनबास अदकि आंदुर दा टु थ्वाळासा संगीगोळ ई मात इन समाधान माळोर साटी प्रेरतिगोळ अदकि मंडली नोर स्याणा मळसागोळ हात्ती यरूशलेम इक कळकु आगुल.

3 इदुरसाटी मंडली आंदरी येनारा दुर ताका सफर माळोर साटी पोहचुसदुर; अदकि आंदुर फनीकी अदकि सामरीया टु आगतेला गैरयहूदी लॉकुर ह्यांग परमेश्वर उन दी तरिगदुर इदुर्द जानकारी केळसतेला होदुर, अदकि ई जानकारी देल विश्वासी वार्दुर हापाळ खुश आदुर. 4 याग आंदुर यरूशलेम पोहचुसदुर, रा मंडली अदकि प्रेरति अदकि मंडली नोर स्याणा लॉकुर आंदुर स्वागत माळदुर, अदकि आंदुर हेळदुर क् परमेश्वर आंदुर सांगुळ आगकु येन-येन कयाल्सा माळीदुन. 5 लेकीन फरीसीगोळ समुह दा टु थ्वाळासा लॉकुर जो यार विश्वास माळीदुर, आंदुर यदकु अंदुर, “गैरयहूदीगोळ्द खतना आग अच पायजे अदकि आंदुर मूसा अन्द व्यवस्था अन पालन माळ पायजे.”

6 आग प्रेरति अदकि मंडली अन स्याणा लॉकुर ई मात इन बारा दा वचार माळोर साटी जमा आदुर. 7 आग पतरस हापाळ झगळा आगदुर बाद्दा नदिरकु



आंदुर से अंदुन, “हे वारटुरा, नीव जानसतीर की हापाळ दनि पयले परमेश्वर नीम दा टु नानी नीवळुस कोंडुन की नान बाय देल गैरयहूदीगोळी खुशखबरी इन वचन केळसुसुल ताकी आंदुर केळकु वशिवास माळुल. 8 \*सप्पा मुंदुरद मन अरावाळा परमेश्वर आंदरी भी नाम घाई पवतिर आत्मा कोटक आंदुर गवाही कोटक आंदुरद संबंध दा तान समर्थन दर्शुसदिन; 9 अदकि वशिवास इन द्वारा आंदुर पापगोळी माफ माळदुन आंदुरद अदकि नाम्द न्याड्या येनु भेदभाव ईटीदलि. 10 रा ईग नीव येती परमेश्वर उन परीक्षा माळतीर की वशिवासीगोळ कृतक्या मा हगि जुआळी ईटी, यारी ना नाम आप्प दादागोळ नेगु सकीदुर अदकि ना नाव नेगु सकतेव? 11 ईला, नाम्द ईद वशिवास आद की जसा ह्यांग नाम प्रभु यीशु उन अनुग्रह देल उद्धार आग्याद; हांगा आंदुरद भी आग्याद.”

12 आग सप्पा सभा चुपचाप बरनबास अदकि पौलुस उन केळली कुरतुर, की परमेश्वर आंदुर द्वारा गैरयहूदीगोळ दा ह्यांग धोळ धोळ चमत्कार अदकि अदभुत कयाल्सा तोरसदुन. 13 याग आंदुर चुप आदुर रा याकूब अनली कुरतुन, हे वारटुरा, अदकि आकतींगेरा, नांद केळी. 14 शमौन ईगलया हेळदुन की परमेश्वर पयले गैरयहूदीगोळ मा ह्यांग कृपा दृष्टी माळदुन, की आंदुर दा टु तान हेसुर इन साटी ऊंद लॉकुर माळ कोमुल. 15 इदुर देल भवषियवक्तागोळ वचन भी समर्थन माळताव, जसा की शास्त्र दा लखिसकु आद, 16 इदुर बाददा ना मात्त बंदकु दाऊद उन

बदिकु राज्य मात्त स्थापति माळाईन,

अदकि आऊन खंडरगोळी मात्त

मजबूत कटाईन,

17 इदुरसाटी कमिगिद मंळसागोळ, मतलब सप्पा

गैरयहूदी जो नान हेसुर इन कहलुस्तार, प्रभु अक ढुंढसुल,

18 ईद आवा प्रभु अनतान जो दुनया अन उत्पत्त दिेल ई मातगोळी प्रगट माळतेला बंदान.

19 “इदुरसाटी नान वचिार ईद आद की गैरयहूदीगोळ दा टु जो लॉकुर परमेश्वर उन दी तरिगतार, नाव आंदरी दुख कोळतीदील; 20 बल्की नामी आंदुर हात्ती चटिटी लखिसकु कळु पायजे: की आंदुर भोजन तनिबाळुल जो प्रथा अन अनुसार अशुध्द आद यतकी अद मूर्तीगोळ मा येरसद हुन, व्यभचिार देल आंदुर दुर ईरूल अदकि कृतक्या ओतकु कोंद यातोदु पशु उन मास अदकि खुन तनिबाळुल. 21 यतकी स्याणा लॉकुर काल टु नगर नगर मूसा अन्द व्यवस्था अन्द प्रचार माळावाळेरे आग्त बंदार, अदकि अद हर आराम इन दनि सभागृह दा वाचुसकु आगतद.”

गैरयहूदी वशिवासीगोळी चटिटी

22 आग सप्पा मंडली सहति प्रेरतिगोळ अदकि मंडली अन्द स्याणागोळ नशिचय माळदुर की नाम दा टु येनारा येढ्ढ मंळसागोळी नीवळुसुल, मतलब

यहूदा जो बरसब्बा कहलुस्तान, अदकि सीलास उक जो वार्दुर दा स्याणा ईरोन; अदकि आंदरी पौलुस अदकि बरनबास उन सांगुळ अनताकिया कळुल.

23 आंदुर आंदुरद कय दा ईद चटिठी लखिसकु कळुदुर: “अनताकिया अदकि सीरिया अदकि कलिकिया अन्द ईरावाळेर वार्दुर इक जो गैरयहूदीगोळ दा टु आर, प्रेरतिगोळ अदकि स्याणा लॉकुर वार्दुरद नमस्कार. 24 नाव ईद केळदेव कि नाम दा टु यावारा आदेश हासलि माळ्द बनि अच नाम दा टु थ्वाळासा लॉकुर होगकु, तान शब्दगोळ देल नीमी परेशानी अदकि दुख पोहचुस्यान. 25 नाव सप्पा मुंदुर आपस दा सहमत आगकु ईद नश्चय माळदेव कि नाम दा टु नविळुसद मळसागोळी तान प्रिय बरनबास अदकि पौलुस उन सांगुळ नीम हात्ती कळेव. 26 ई हगि मळसा आर यार तान जीव नाम प्रभु यीशु मसीह अन्द क्याल्सागोळ साटी जोखमि दा हाक्यार. 27 इदुरसाटी नाव यहूदा अदकि सीलास उक कळेव, जो मातगोळ नाव लखिसेतेव, आंदुर ऊद आगकु नीमी ईवा मातगोळ हेळ्यार. 28 पवतिर आत्मा अक अदकि नामी उचति जान्सकु बतित कि ई जरूरी मातगोळी बटिकु, नीम मा बोझ हाकबाळुल; 29 कि नीव मूर्तीगोळ मा बली माळावाळेर से अदकि खुन देल, अदकि कुतक्या वतत पशुगोळ्द मास देल, अदकि व्यभचार देल दुर ईरी. ईऊर से दुर ईरी रा नीमद भला आदीत. नाम शुभकामनागोळ मुंद नीम सांगुळ ईरूल.”

30 बाक आंदुर सार आगकु अनताकिया पोहचुसदुर, अदकि वश्वासीगोळ्द सभा अक जमा माळकु अद चटिठी आंदरी कोट्ट बुदुर. 31 आ लॉकुर चटिठी जोर देल वाचुसकु अद प्रोत्साहन सक्कावाळा बातणी इन द्वारा हापाळ खुश आगेदुर. 32 यहूदा अदकि सीलास जो खुद भी भवषियवकता ईरोर, हापाळ मातगोळ देल वार्दुरी शक्षिा कोटकु प्रोत्साहति अदकि संची माळदुर. 33 आंदुर येनारा दनि ईतकु, वश्वासी वार्दुर आंदरी शांती देल आंदुर दा हात्ती वापस होगली वदिा माळदुर जो आंदरी कळीदुर. 34 \* लेकीन सीलास उक अल ईरोद वळ्लीद हत.

35 लेकीन पौलुस अदकि बरनबास अनताकिया दा ईतोदुर: अदकि अन्य हापाळ सा लॉकुरद सांगुळ प्रभु उन वचन केळसतेला ईतुर.

पौलुस अदकि बरनबास उन अलग आगोद

36 थ्वाळासा दनि बाद्दा पौलुस बरनबास से अंदुन, “या नगर दा नाव प्रभु उन वचन केळसीदेव, बरी, बाक आंदुर दा नळुकु तान वार्दुरी अदकि आकतींगेरी नोळाता कि आंदुर हयांग आर.” 37 आग बरनबास यूहन्ना अक जो मरकुस कहलुस्तान, सांगुळ हुडोद वचारि माळदुन. 38 \*लेकीन पौलुस ईद वळ्लीद समसीदील कि आऊक तान सांगुळ हुळदेव, यतकी यूहन्ना जो मरकुस कहलुस्तान, पंफूलिया टु आंदुर हात्ती वापस हदि तरिगेगदिन अदकि आंदुर स्यावा कार्य पुरा आगासताका आंदुर सांगुळ ईला ईरोन. 39 इदुर मा बरनबास अदकि पौलुस उन दा धोळ्द वरिोध पैदा आगेत अदकि परिणाम ईद सक्ति कि आंदुर आपस दा आबुर दाबुर से अलग आगेदुर; बरनबास, मरकुस उक हुडुकु

\* 15:34 १५:३४ येनारा हसतलेखगोळ दा ईद वचन सकालद \* 15:38 १५:३८ प्रेरतिगोळ १३:१३

जहाज मा साइपरस होटोदुन. 40 लेकीन पौलुस सीलास उक नविळुस कौडुन, अदकि वशिवासी वार्दुर से परमेश्वर उन अनुग्रह दा कोटक अल टु होटोदुन; 41 अदकि आव मंडलीगोळी संची माळतेला सीरया अदकि कलिकिया टु आगतेला होटुन.

## 16

तीमुथयिस उन पौलुस अदकि सीलास उन सांगुळ होगोद

1 बाक पौलुस दरिबे अदकि लुसत्रा दा भी होदुन. अल तीमुथयिस हेसुर इन ऊंद मसीह ईरोन, आऊन मोय यहूदी वशिवासी ईरोर, लेकीन आऊन आप्प गैरयहूदी ईरोन. 2 आव लुसत्रा अदकि इकुनयिम उन वार्दुर दा वळलेव मळसा ईरोन. 3 पौलुस उन इच्छा ईरोद कतीमुथयिस आऊन सांगुळ बूल; अदकि जो यहूदी लाँकुर आ जागागोळ दा ईरोर आंदुर कारण आव आऊंद खतना माळदुन, यतकी आंदुर सप्पा जानसोर, क्क आऊन आप्प गैरयहूदी ईरोन. 4 अदकि नगर नगर होगतेला आंदुर आ नयिमगोळी जो यरूशलेम इन प्रेरतिगोळ अदकि स्याणागोळ ठहूसीदुर, मानसोर साटी आंदरी हेळकु आगोद. 5 ई प्रकार मंडलीगोळ वशिवास दा संची आगतेला होत अदकि संख्या दा रोज वाळुस्त होत.

त्रोआस दा पौलुस उन दर्शन

6 आंदुर फ्रूगया अदकि गलातया प्रदेशगोळ दा टु आगकु होदुर, यतकी पवत्रि आत्मा आंदरी आसया दा वचन केळसोर से मना माळत. 7 आंदुर मूसया अनद सीमा अन हात्ती पोहचुसकु, बतूनिया कषेत्र दा होगोद चाहासदुर; लेकीन यीशु उन आत्मा आंदरी इजाजत कोटीदील. 8 इदुरसाटी आंदुर मूसया टु आगकु त्रोआस दा बंदुर. 9 अल पौलुस ईळलकी ऊंद दर्शन नोळदुन क्क ऊंद मकदिनी मळसा नदुरकु आऊन से वनिती माळकु अनेत्यान, “ईपाटी ईळकु मकदिनया दा बा, अदकि नामद मदत माळ.” 10 आऊन ईद दर्शन नोळतेला अच नाव तुरन्त मकदिनया होगोद चाहासदेव, ईद समसकु क्क परमेश्वर नामी आंदरी खुशखबरी केळसोर साटी कारस्यान.

फलिपिपी दा: लुदया अनद मन-बदलुसोद

11 इदुरसाटी त्रोआस टु जहाज कुरतकु नाव सधा सुमात्राके होदेव अदकि दुसरा दशी नयापुलसि दा बंदेव. 12 अल टु नाव फलिपिपी पोहचुसदेव, जो मकदिनया द्याश इन मुख्य नगर अदकि रोमीगोळद ऊर हुन; अदकि नाव आ नगर दा थ्वाळासा दनि ताका ईत्तेव. 13 आराम इन दनि नाव नगर इन फाटक इन व्हार्या गांगा अनद कनारा ईद समसकु होदेव क्क अल प्रार्थना माळोद जागा ईतीदाद, अदकि कुरतकु आ आर्तेर से जो जमा आगीदुर, मातगोळी माळली कुरतेव. 14 लुदया हेसुर इन थुआतीरा नगर इन जांभळा रंग इन कपळा मारावळत ऊंद भक्त आर्त केळोर. प्रभु आकनि मन खोल्सदुन क्क आक पौलुस उन मातगोळ मा मन हचुल. 15 याग लुदया तान घराना समेत बपतसिमा ताकौंडुर, रा आक नाम से वनिती माळदुर, “अगर नीव नानी प्रभु उन

वशिवासनी समसतीर, रा नळ्कु नान मान्या ईरी,” अदकि आक नामी मान्सकु ओतुर.

पौलुस अदकि सीलास बंदीगृह दा

16 ऊंद दशी याग नाव प्रार्थना माळोद जागा मा होगेव, रा नाम मुलाकात ऊंद हारोद आरत दासी से आत यारदा भवषिय हेळावाळा दुष्टआत्मा ईरोद; अदकि लाँकुरद भवषिय हेळदुर देल स्वामीगोळ साटी हापाळ पैस्या कमसकु तरतोगोद. 17 आक पौलुस उन दी नाम हींद बंदकु चलिळासली कुरतुर, “ई मळसा परमप्रधान परमेश्वर उन दास हुय, जो नामी उद्धार इन हादी इन कात्ता केळसतार.” 18 आक हापाळ दनि ताका हगि अच माळतेला ईततुर; लेकीन पौलुस परेशान आदुन, अदकि पलटुस्कु आ दुष्टआत्मा से अंदुन, “ना नीनी यीशु मसीह अन्द हेसुर देल आग्या कोळतीन कि आकनि दा टु होटबुळ.” अदकि अद आत्मा अदा घळी होट बुळत. 19 याग आ पोर इन स्वामीगोळ नोळदुर कि नाम्द कमाई इन आशा होग्त ईतत, रा पौलुस अदकि सीलास उक हळकु चौक दा प्रधानगोळ हात्ती जेडुकु ओतुर; 20 अदकि आंदरी रोमन अधिकारीगोळ हात्ती ओतुर अदकि अंदुर, “ई लाँकुर जो यहूदी आर, नाम नगर दा बळा अशांती फैलुसेतयार; 21 अदकि हगि रीर्ता रवाजगोळी कलसेतयार, यारी ग्रहण माळोद या मानसोद नाम रोमीगोळ साटी वळ्लीद हैलेच अदकि नाव ईदुरद पालन भी माळ सकालेव अदकि मान्स भी सकालेव.”

22 आग भीळ इन लाँकुर आंदुरद वरिध दा जमा आगकु पौलुस अदकि सीलास उन मा येरतेला बंदुर, अदकि शासकगोळ आंदुर कपळा हरदुर अदकि अदकि आंदरी कोळागोळ बडोद आग्या कोट्टुर. 23 हापाळ कोळा बळसुस्कु आंदुर आंदरी बंदीगृह दा हाक बुटुर अदकि दरोगा अक आग्या कोट्टुर कि आंदरी कळक बंदोबस्त दा ईटुल. 24 आऊक हगि आग्या सक्तेला अच आव आंदरी बुळक इन कोठरी दा ईटदुन अदकि आंदुर कालगोळ कोल इक टोक्स बुटुन.

25 आर्धा ईळ्लक इन लगभग पौलुस अदकि सीलास प्रार्थना माळतेला परमेश्वर उन भजन हाळोर, अदकि कैदी आंदुरद केळोर. 26 इटुर दा अचानक धोळद भूकम्प बत्त, ईल ताका कि बंदीगृह अन्द पायवा हालुसेदव अदकि तुरन्त सप्पा दरवाजा खुलसेदव; अदकि सप्पा कैदीगोळव बंधन खुलसेदव. 27 दरोगा जप दा टु येददुन, अदकि बंदीगृह अन्द दरवाजा खुला नोळकु समसदुन कि कैदी ओळेग्यार, इदुरसाटी आव तलवार तेगुका तान तान इक कोंद बुळोद चाहासदुन. 28 लेकीन पौलुस धोळ शब्द दा कारूकु अंदुन, “तान तान इक येनु हानि पहचुसबाळ, यतकी नाव सप्पा ईल्या आयेव.”

29 आग बंदीगृह अन्द दरोगा दगिया कारसदुन अदकि राटनेरी बुळक होदुन, अदकि अंजक देल नळगतेला पौलुस अदकि सीलास उन मुंद बदिदुन; 30 अदकि आंदरी व्हाख्या तनकु अंदुन, “हे सज्जनगोळा, उद्धार सक्कोर साटी ना येन माळाईन?”

31 आंदुर अंदुर, “प्रभु यीशु मसीह मा वशिवास माळ, रा नीनी अदकि नीन घराना अक उद्धार सक्कीत.” 32 अदकि आंदुर आऊक अदकि आऊंद सप्पा मान्ना अन्द लाँकुरी प्रभु उन वचन केळसदुर. 33 ईळ्लकी अदा घळी दरोगा

आंदरी ओतकु आंदुरद जखमगोळी तोळदुन, अदकि आव तान सप्पा घराना समेत तुरन्त बपतसिमा ताकोंडुन. <sup>34</sup> आग आव पौलुस अदकि बरनबास उक तान मान्या ओतकु आंदुरद मुंद भोजन ईटदुन, अदकि सप्पा घराना समेत परमेश्वर मा वशिवास माळकु खुशी माळदुन.

<sup>35</sup> याग हागुल आत आग रोमन शासकगोळ तान सपिाहीगोळ अधिकारीगोळद कय देल बातणी कळुदुर क् आ मंळसागोळी बटि बुळी.

<sup>36</sup> दरोगा ईद मातगोळी पौलुस से अंदुन, “शासकगोळ नीमी बटि बुळोद आग्या कळु बुटार. इदुरसाटी ईग होटकु शांती देल होटोगी.”

<sup>37</sup> लेकीन पौलुस सपिाहीगोळ अधिकारीगोळ से अंदुन, “आंदुर नामी जो रोमी मंळसा आर, दोषी ठहरूसद बनिा लॉकुर मुंद बळदुर अदकि बंदीगूह दा हाकदुर. ईग येन नामी चुपचाप तेगेत्यार? हगि ईला; लेकीन आंदुर खुद बंदकु नामी व्हार्या तेगुल.”

<sup>38</sup> सपिाहीगोळद अधिकारीगोळ ई मातगोळद रोमी शासकगोळी जानकारी कोट्टुर, अदकि आंदुर ईद केळकु क् पौलुस अदकि सीलास रोमन नागरीत्वावाळेर लॉकुर उर, अंजेदुर, <sup>39</sup> आग रोमन अधिकारीगोळ बंदकु आंदुर से माफ वनिती माळदुर, अदकि आंदरी बंदीगूह टु व्हार्या तनकु नगर बटिकु होगली हेळदुर. <sup>40</sup> पौलुस अदकि सीलास बंदीगूह टु होटकु लुदयिा अन्द ईल होदुर, अदकि वशिवासी वार्दुर से भेंट माळकु आंदरी प्रोत्साहन कोटकु होटोदुर.

## 17

थसिसलुनीके नगर दा

<sup>1</sup> बाक पौलुस अदकि सीलास अम्फपुलसि अदकि अपुल्लोनयिा आगकु थसिसलुनीके दा बंदुर, यल यहूदीगोळद ऊंद यहूदी लॉकुरद सभागूह ईरोद. <sup>2</sup> पौलुस तान रीर्ता इन अनुसार सभागूह दा होदुन, अदकि मुर आराम इन दनि नयिम शास्त्रगोळ देल यहूदी लॉकुर सांगुळ झगळा माळदुन; <sup>3</sup> अदकि अऊर अर्थ आसान भाषा दा समझूस तोगोन क् मसीह अक दुख नेगोद, अदकि सोत्तुर दा टु जतिता माळोद, जरूरी ईरोद; अदकि “ईवा यीशु यार्द बारा दा ना नीमी हेळतीन, मसीह हुन.” <sup>4</sup> आंदुर दा टु येनारा लॉकुर वशिवास माळदुर अदकि पौलुस अदकि सीलास उन सांगुळ मीलुसेदुर. परमेश्वर उन आराधना माळावाळेर हापाळ पुरा गैरयहूदीगोळ भी आंदुर दा मीलुसेदुर, ईदुर दा मुख्य आर्तेर भी ईरोर,

<sup>5</sup> लेकीन यहूदीगोळ जलन देल तुमकु बाजारू लॉकुर दा टु येनारा दुष्ट मंळसागोळी तान सांगुळ दा हुळदुर, अदकि भीळ जमा माळकु नगर दा हल्ला मचुसली कुरतुर, अदकि यासोन उन मान्ना मा चढाई माळकु अदकि कोशशि माळली कुरतुर क् ह्यांगारा तरी पौलुस अदकि सीलास उक लॉकुर मुंद तंदेव. <sup>6</sup> आंदरी अल ईला नोळकु आंदुर ईद चलिळासतेला यासोन अदकि येनारा वशिवासी वार्दुरी नगर इन शासकगोळ मुंद जेडुतेला तंदुर अदकि अंदुर, “ई लॉकुर यार सप्पा दी मुसीबत पैदा माळ बुटार, आंदुर नाम नगर दा भी होट बंदार. <sup>7</sup> अदकि यासोन आंदरी तान मान्या ईट्यान. ई सप्पा च्या सप्पा ईद अनतार

का यीशु राजा आन, अदकि कैसर उन नयिमगोळ्द वरिध माळतार.” 8 आंदुर लॉकुरी अदकि नगर इन शासकगोळी ईद केळ्सकु भळकुस बुदुर. 9 इदुरसाटी आंदुर यासोन अदकि बाकी लॉकुर से जमानत ताकोमकु आंदरी बटि बुदुर.

बरीया नगर दा

10 वशिवासी वारदुर तुरन्त ईळलक इन ईळलक इच पौलुस अदकि सीलास उक बरीया कळु बुदुर; अदकि आंदुर अल पोहचुस्कु यहूदीगोळ्द सभागृह दा होदुर. 11 आ लॉकुर रा थसिसलुनीके अन्द लॉकुर से भला ईरोर, अदकि आंदुर धोळ लालसा देल वचन ग्रहण माळदुर, अदकि रोज शास्त्रगोळ दा अध्ययन माळ माळकु नोळोर का जो ई मातगोळ पौलुस हेळदुन अव सही आव का ईला. 12 अदकि इदुर परणाम स्वरूप हापाळ सा यहूदीगोळ अदकि मानवाईक यूनानी आर्तेर मळसागोळ भी वशिवास ग्रहण माळदुर. 13 लेकीन याग थसिसलुनीके अन्द यहूदी जान्स कोंडुर का पौलुस बरीया दा भी परमेश्वर उन वचन केळ्स्तान, रा अल भी बंदकु लॉकुरी भळकुसली अदकि दंगा माळली कुरतुर. 14 आग वशिवासी वारदुर तुरन्त पौलुस उक वदि माळदुर का समुद्र अन्द कनारा होटोगुल; लेकीन सीलास अदकि तीमुथयुस अल्या ईतोदुर. 15 पौलुस उक वशिवासी वारदुर एथेंस ताका ओतुर; अदकि सीलास अदकि तीमुथयुस उन साटी आंदुर पौलुस उन से ईद आग्या ताकोमकु वदि आदुर का आंदरी नान हात्ती जल्दी से जल्दी कळुल.

एथेंस नगर दा

16 याग पौलुस एथेंस दा तीमुथयुस अदकि सीलास उन हादी कायोन, अदकि एथेंस नगर इक मूर्तीगोळ देल तुमकु नोळकु आव हापाळ नराश आगेदुन. 17 इदुरसाटी आव यहूदी लॉकुर्द सभागृह दा यहूदीगोळ अदकि गैरयहूदीगोळ जो परमेश्वर उन आराधना माळतोगोर, अदकि चौक दा होगा बरावाळेर लॉकुर आऊन से सक्तोगोर आंदुर से हर रोज झगळा माळतोगोन.

18 आग इपक्रीरी अदकि सतोईकी गुरुगोळ दा टु थवाळासा गुरु आऊन से तर्क माळली कुरतुर, अदकि येनारा अंदुर, “ईव अग्यानी येन अनोद चाहासतान?” लेकीन दुसरा अंदुर, आव “अन्य देवतागोळ्द प्रचारक मालूम बळितान.” यतकी आव यीशु उन अदकि आऊन पुनरूत्थान इन खुशखबरी केळ्स्तोगोन. 19 आग आंदुर पौलुस उक तान सांगुळ अरयिपगुस इन नगर दा ओतुर अदकि केळदुर, “येन नाव जान्स सकतेव का ईद व्हाशोद शकिषा जो नी हेळत्या, येन हुन? 20 यतकी नी अनोखा मातगोळी नामी केळ्स्त्या, इदुरसाटी नाव जानसोद चाहासतेव का ईऊर्द अर्थ येन आद.” 21 इदुरसाटी का सप्पा एथेंसवासी अदकि परदेशी जो अल ईरतोगोर, सप्पा आऊन व्हासा व्हासा मातगोळी केळली अदकि हेळदुर दा समय बतिसतोगोर.

22 आग पौलुस अरयिपगुस उन नगर इन सभा अन न्याड्या दा नदिरकु अंदुन, हे एथेंस इन लॉकुरा, ना नोळतीन का नीव हर प्रकार देल धार्मिक आईर. 23 यतकी ना नगर दा टेटाळतेला याग नीम्द आराधना माळोद जागागोळी नोळीन, रा ऊंद हगि वेदी भी नोळदीन, यदुर मा लखिसकु ईरोद, अनजाना परमेश्वर उन साटी. इदुरसाटी यार्द नीव बनि नोळ्द आराधना माळतीर,

ना नीमी आऊंद बारा दा हेळतीन. <sup>24</sup> \*या परमेश्वर पृथ्वी अदकि अदुर सप्पा वस्तुगोळी माळदुन, आव स्वर्ग अदकि पृथ्वी इन स्वामी आन, अदकि आव कय इन माळ्द मंदरिगोळ दा ईरालुन; <sup>25</sup> ना यातोदु वस्तु उन जरवत इन कारण मंळसागोळ्द कयगोळ्द स्यावा ताकोमतान, यतकी आव खुद अच सप्पा मुंदरी जीवन अदकि श्वास अदकि सप्पा येनारा कोळतान. <sup>26</sup> आव ऊंद अच मंळसा द्वाारा पुरा मंळसागोळ्द पैदा माळदुन अदकि सप्पा पृथ्वी मा आव ईरसकुल इदुरसाटी आव माळदुन. अदकि आव पयले टुच लाँकुर्द समय नशिचति माळ कोंडान अदकि आंदुर नवास इन यल आंदुर ईरतार अदुर्द सीमागोळी कट बुट्टुन, <sup>27</sup> ईद इदुरसाटी माळदुन काँ लॉकुर परमेश्वर उक ढुंढसुल, आग सकतद काँ आंदुर आऊन ताका पोहचुसकु हासलि माळ कोमुल, तरी भी आव नाम दा टु यारदु से दुर हँलेच. <sup>28</sup> जसा यावारा अंदान काँ नाव आऊंदा जतिता ईरतेव, अदकि नळुतेला वयाळतेला ईरतेव, अदकि आऊन दा अच नाम अस्ततिव आद.

ईदा प्रकार खुद नीम्द अच थ्वाळासा कवगिोळ भी अंदार, नाव रा आऊंदा औलाद हुयेव.

<sup>29</sup> इदुरसाटी परमेश्वर उन औलाद आगकु नामी ईद समसोद उचति हँलेच काँ परमेश्वर उन दविय रूप वहानना या पैस्या या कल्ल इन घाई आद, जो मंळसा अन्द कारीगरी अदकि कल्पना देल माळकु आगीदाव. <sup>30</sup> “इदुरसाटी परमेश्वर याग लाँकुर परमेश्वर उक ईला जानसोर आ समयगोळ मा ध्यान कोटीदील, लेकीन ईग हर जागा सप्पा मंळसागोळी मन तरिगुसोद आग्या कोळतान. <sup>31</sup> परमेश्वर ऊंद दनि नशिचति माळ्यान आ दशिी आव तान नविळुसुद ऊंद मंळसा अन द्वाारा सच्चाई देल दुनया अन न्याय माळ्यान अदकि ई मात इन प्रमाण आव आ मंळसा अक सोत्तुर दा टु जतिता माळकु सप्पा मुंदुरी कोटान.”

<sup>32</sup> सोत्तुर दा टु जतिता आगोद इन मात केळकु थ्वाळासा लाँकुर पौलुस से मज्याक माळली कुरतुर, लेकीन दुसरा थ्वाळासा लाँकुर अंदुर, “नाव ईद मातगोळ नीन से केळोद चाहासतेव.” <sup>33</sup> ईदुर मा पौलुस आंदुर न्याड्या दा टु होटबुट्टुन. <sup>34</sup> लेकीन थ्वाळासा मंळसा आऊन सांगुळ मीलुसेदुर, अदकि विश्वास माळदुर; यारदा दयिनुसयिस जो नगर सभा अन सदस्य ईरोन, अदकि दमरसि हेसुर इन ऊंद आर्त ईरोर, अदकि आंदुर सांगुळ मात्त दुसरा लाँकुर ईरोर.

## 18

कुरन्थुस नगर दा पौलुस

<sup>1</sup> इदुर बाददा पौलुस एथेंस नगर इक बटिकु कुरन्थुस नगर दा बंदुन. <sup>2</sup> अल आऊक अक्वलिा हेसुर इन ऊंद यहूदी सकिदुन, यारद जनम पुन्तुस दा आगीत. आव तान हगिंस प्रसिकल्लिला अन्द सांगुळ इटली टु ईग ईग अच बंदीदुन, यतकी क्लौदयिस सप्पा यहूदीगोळी रोम टु होट्ट बुळोद आग्या कोटीदुन. इदुरसाटी आव आंदुर अल होदुन. <sup>3</sup> आंदुर ऊंदा ऊज्या ईरतोगोर अदकि आंदुर क्याल्सा ऊंदा ईरोद आंदुर तान कमाई इन साटी तम्बू माळोद क्याल्सा

माळतोगोर. 4 आव हर ऊंद आराम इन दनि यहूदी लॉकुरद सभागृह दा झगळा माळकु यहूदीगोळ अदकि गैरयहूदीगोळी भी समझुस तोगोन.

5 याग सीलास अदकि तीमुथयुस मकदिनया टु बंदुर, रा पौलुस वचन केळसदुर दा पुरा समय कोट्टुन अदकि यहूदीगोळी गवाही कोळली कुरतुन की यीशु उच मसीह हुन. 6 लेकीन याग आंदुर वरिध अदकि अपमान माळली कुरतुर, रा आव तान कपळा झाळसकु आंदुर से अंदुन, “नीम सायोद कारण नीव खुद आईर! ना नरिदोष आईन. अदकि इदुर जमिमेदार ना हैलेच, ईग टु ना गैरयहूदीगोळद हाती होगार्इन.” 7 अल टु होटकु आव तीतुस यूस्तुस हेसुर इन परमेश्वर उन आराधना माळावाळा ऊंद मंळसा अनंद मान्या बंदुन; यार्द मान्ना यहूदी सभागृह टु हतकु ईरोद. 8 आग सभागृह अन सरदार क्रिसिपुस तान सप्पा घराना समेत प्रभु मा वशिवास माळदुन; अदकि हापाळ सा कुरनिथवासी ईद बातणी केळकु वशिवास माळदुर अदकि बपतसिमा ताकोंडुर.

9 प्रभु ऊंद ईळ्लकी दर्शन इन द्वारा पौलुस से अंदुन, “अंजबाळ, उलटा अनतेला ईर अदकि सुंगा ईरबाळ; 10 यतकी ना नीन सांगुळ आईन, अदकि याऊ नीन मा चढाई माळकु अपमान हाना माळतीदील; यतकी ई नगर दा नान हापाळ सा लॉकुर आर.” 11 इदुरसाटी आव आंदुरदा परमेश्वर उन वचन कल्सतेला दळि वर्ष ताका ईततुन.

12 याग गल्लयियो अक अखाया द्याश इन शासक माळकु आत, आग यहूदी लॉकुर ऊंद आगकु पौलुस मा येरतेला बंदुर, अदकि आऊक न्याय आसन इन मुंद तंदुर, 13 अदकि अनली कुरतुर, “ईव लॉकुरी समझुस्तान की परमेश्वर उन उपासना हगि रीर्ता देल माळी, जो नामद व्यवस्था अनंद वपिरीत आद.”

14 याग पौलुस माताळदुर मा अच ईरोन, रा गल्लयियो यहूदीगोळ से अंदुन, “हे यहूदीगोळा, अगर ईद येनारा अन्याय या दुष्टता अनंद मात आगाईत, रा उचति ईरोद की ना नीमद केळायदनि. 15 लेकीन अगर ईद झगळा शब्दगोळ, अदकि हेसुरगोळ, अदकि नीम खुद इन व्यवस्था अनंद बारा दा आद, रा नीव अच खुद सुलझुसी; यतकी ना ई मातगोळद न्यायी बनसोद चाहासालीन.” 16 अदकि आव आंदरी न्याय आसन इन मुंद टु तेगसुसबुटुन. 17 आग सप्पा लॉकुर सभागृह अन अध्यक्ष सोस्थनिस उक हुळकु न्याय आसन इन मुंद बळदुर. लेकीन गल्लयियो ई मातगोळ मा ध्यान कोटीदील.

अनताकिया अक वापस होगोद

18 पौलुस हापाळ दनि ताका कुरनिथुस दा ईततुन. बाक वशिवासी वारटुर से वदि ताकोमकु जहाज देल सीरया होदुन आग आऊन सांगुळ प्रसिकलिला अदकि अक्वला भी ईरोर. पौलुस कखरिया दा तान मुंडन माळदुन, यतकी आव ऊंद मन्नत बेळीदुन. 19 आव इफसिस पोहचुस्कु प्रसिकलिला अदकि अक्वला अक अल बटिटुन, अदकि खुद सभागृह दा होगकु यहूदीगोळ से झगळा माळली कुरतुन. 20 याग अलेर लॉकुर आऊन से वनिती माळदुर, “नाम सांगुळ अदकि थ्वाळासा दनि ईर.” रा आव स्वीकार माळीदील; 21 लेकीन ईद अनकु आंदुर से सार आदुन, “अगर परमेश्वर चाहास्यान रा ना नीम हात्ती मात्त बराईन.” आग आव इफसिस टु जहाज मा कुरतकु होटोदुन;



22 अदकि कैसरयािा दा ईळुकु यरूशलेम इक होदुन अदकि मंडली अक मुलाकात माळकु अनताकयािा दा बंदुन. 23 बाक येनारा दनि अनताकयािा दा ईतकु गलातयािा अदकि फ्रूगयािा कृषेत्तर टु आगतेला होट्टुन, अदकि सप्पा चेलागोळी वशिवास दा संची माळतेला तरिगदुन.

इफसिस अदकि कुरनिथुस दा अपुल्लोस

24 अपुल्लोस हेसुर इन ऊंद यहूदी ईरोन, यार्द जनम सकिन्दरयािा दा आगीत, जो अक्कलवाळा मंळसा ईरोन अदकि शास्त्र अक वळ्लीद तरीका देल जानसोन, इफसिस दा बंदुन. 25 आव प्रभु उन हादी इन शकिषा ताकोंडदिन, अदकि मन हचकु अदकि पुरा उत्साह देल यीशु उन बारा दा वळ्लीद-वळ्लीद केळसोन अदकि कलसोन, लेकीन आव सरिफ यूहन्ना अन्द बपतसिमा अन्द मात जानसोन. 26 आव सभागृह दा नडिर आगकु माताळली कुरतुन, लेकीन प्रसिकलिला अदकि अक्वला आऊंद मातगोळी केळकु आऊक तान मान्या ओतुर अदकि परमेश्वर उन हादी आऊक मातत वळ्लीद-वळ्लीद हेळदुन. 27 याग अपुल्लोस नशिचय माळदुन क्क आपपारी ईळुकु अखाया अक होदेव इफसिस उन वशिवासी वार्दुर आऊन हम्मिमत वाळुसदुर अदकि अखाया अन अनुयायीगोळी आऊन स्वागत माळोर साटी ऊंद चट्टी कळुदुर; अदकि आव अल पोहचुस्कु आ लॉकुरद बळा सहायता माळदुन जो परमेश्वर उन अनुग्रह अन कारण वशिवास दा बंदीदुर. 28 यतकी आव शास्त्र देल प्रमाण कोट कोटकु क्क यीशु उच मसीह हुन, धोळ प्रबलता देल यहूदीगोळद सप्पा मुंदुर मुंद बोलती बंद माळत ईततुन.

## 19

इफसिस नगर दा पौलुस

1 याग अपुल्लोस कुरनिथुस दा ईरोन, रा पौलुस म्याकुच इन सप्पा प्रदेश टु यात्रा माळतेला इफसिस दा बंदुन. अल आऊक थ्वाळासा चेलागोळ सकिदुर

2 आव आंदुर से केळदुन, “येन नीव वशिवास माळावती पवतिर आत्मा अक नोळदीर?” आंदुर आऊन से अंदुर, “नाव रा पवतिर आत्मा अन्द चर्चा भी केळीदील.”

3 आव आंदुर से अंदुन, “रा बाक नीव यार्द बपतसिमा ताकोंडीर?” आंदुर अंदुर,

“यूहन्ना अन्द बपतसिमा.”

4 पौलुस अंदुन, यूहन्ना आंदरी बपतसिमा कोट्टुन क्क आंदुर तान पापगोळ देल तरिगुल, क्क जो नान बाददा बरावाळा आन, आऊन मा मतलब यीशु मा वशिवास माळतीर.

5 ईद केळकु आंदुर प्रभु यीशु उन हेसुर दा बपतसिमा ताकोंडुर. 6 याग पौलुस आंदुर मा कय ईटदुन, रा पवतिर आत्मा आंदुर मा ईळुत, अदकि आंदुर अलग-अलग भाषा माताळली अदकि भवषियवाणी माळली कुरतुर. 7 इंदुर सप्पा लगभग हन्नेळ मंळसा ईरोर.

8 आव यहूदी सभागृह दा होगकु मुर तगिळ ताका नडिर आगकु माताळतेला ईततुन, अदकि परमेश्वर उन राज्य अन्द बारा दा झगळा माळतेला अदकि समझुसतेला ईततुन. 9 लेकीन याग येनारा लॉकुर कठोर आगकु आऊंद मान्सीदील उलटा लॉकुर मुंद ई हादी अक बेकार अनली कुरतुर, रा आव आंदरी बटि बुटुन अदकि चेलागोळी अलग माळ बुटुन, अदकि रोज तुरनुस उन शक्ति अन मान्ना दा झगळा माळतोगोन. 10 येढ्ढ वर्ष ताका ईदा आगतेला ईतत, ईल ताका क्ति आसयिया नोर ईरावाळेर येन यहूदी येन गैरयहूदी सप्पा प्रभु उन वचन केळ कोंडुर.

स्केवा अन पार

11 परमेश्वर पौलुस उन कयगोळ देल सामर्थ्य अन्द अनोखा क्याल्सा तोरसतोगोन. 12 ईल ताका क्ति रूमाल अदकि गमच्छा आऊन मय देल सपरश माळसुसकु बमिरगोळ मा हाकतोगोर, अदकि आंदुर बमिरीगोळ होगूत ईरतोगोव; अदकि दुष्टआत्मागोळ आंदुर दा टु होट बुळतोगव. 13 लेकीन येनारा यहूदी जो झाळ फुक माळत टेटाळोर, आंदुर प्रभु यीशु मसीह अन हेसुर इस्तेमाल माळली कुरतुर आंदुर दुष्टआत्मागोळी अनतोगोर, “या यीशु उन प्रचार पौलुस माळतान, ना नीमी आ यीशु उन हेसुर देल आग्या कोळतीन.” 14 अदकि स्क्कवा हेसुर इन ऊंद यहूदी प्रधान याजक उन येळ चकिोर ईरोर, जो हगि माळतोगोर.

15 लेकीन दुष्टआत्मा आंदरी उत्तर कोळत, “यीशु उक ना अरूतीन, अदकि पौलुस उक भी अरूतीन, लेकीन नीव यार हुईर?”

16 अदकि आ मळसा यारदा दुष्टआत्मा ईरोद आंदुर मा हावी आगकु अदकि आंदरी वश दा तनकु, आंदरी हगि बडुत क्ति आंदुर ऊगळा अदकि घायल आगकु आ मान्या टु होटकु ओळदुर. 17 ईद मात इफसिस इन ईरावाळेर सप्पा यहूदी अदकि गैरयहूदी भी जान्स कोंडुर, अदकि आ सप्पा मुंदुर दा अंजक तुम्मेत; अदकि प्रभु यीशु उन हेसुर इन बळाई आत. 18 यार वशिवास माळीदुर, आंदुर दा टु हापाळ मुंदुर बंदकु तान तान बेकार क्यालसागोळी मान्स कोंडुर अदकि अल बंदुर. 19 जादू माळावाळेर दा टु हापाळ मुंदुर तान तान पोथळीगोळी जमा माळकु सप्पा मुंदुर मुंद होताक बुटुर, अदकि याग अऊरद दाम जोळसकु आत, रा पचास हजार बेळ्ली इन सक्किगोळ बराबर होळत. 20 ई प्रकार प्रभु उन वचन बलपूर्वक फैलुस्त अदकि मजबूत आगतेला होत.

इफसिस नगर दा दंगा

21 याग ई मातगोळ आगेदव रा पौलुस मन दा ठानसदुन क्ति मकदिनयिया अदकि अखाया टु आगकु यरूशलेम इक होगईन, अदकि अंदुन, “अल होगदुर बाददा नानी रोम इक भी नोळोद जरूरी आद.” 22 इदुरसाटी तान स्यावा माळावाळेर दा टु तीमुथयिस अदकि इरास्तुस उक मकदिनयिया कळुकु खुद थ्वाळासा दनि आसयिया दा ईतोदुन.

23 आ समय इफसिस दा प्रभु उन हादी इन बारा दा बळा हंगामा आत. 24 अल बेळ्ली इन क्याल्सा माळावाळा देमेत्रयिस हेसुर इनव ऊंद सोनार ईरतोगोन

आव देवी अरतमिसि इन बेळ्ली इन मंदरि माळतोगोन, यदुर देल कारीगरगोळी हापाळ फायदा सकितोगोद. 25 आव आंदरी अदकि हगि अच वस्तुगोळ्द कारीगरगोळी जमा माळकु अंदुन, “हे मळसागोळा, नीव जानसतीर कि ई क्याल्सा देल नामी याट धन सकितद. 26 नीव नोळतीर अदकि केळतीर कि सरिफ इफसिस अच दा ईला, उलटा सप्पा आसया क्षेत्र दा ईद अन अनकु ई पौलुस हापाळ सा लॉकुरी समझुसदुन, कि जो कय इन कारीगरी आद, आंदुर परमेश्वर आल्लच. 27 इदुर देल ईग सरिफ ईदा मात इन अच अंज्क हॅलेच कि नाम ई धंदा अनूद महत्व होगूत ईत्तीत, उलटा ईद कि महान देवी अरतमिसि इन मंदरि तुच्छ सम्सकु आदीत, अदकि यारी सप्पा आसया अदकि दुनिया पुजा माळतद आकनि महत्व भी होगूत ईत्तीत.”

28 आंदुर ईद केळकु सट्टि देल तुममेदुर अदकि चिल्ळास चिल्लासकु अनली कुरतुर, इफसिगोळ अरतमिसि देवी, महान आर! 29 अदकि सप्पा नगर दा धोळ्द हंगामा मचुसेत, अदकि लॉकुर गयुस अदकि अरसितरखुस उक जो पौलुस उन संगी यात्री ईरोर जो मकदिनया टु बंदीदुर, आंदरी हुळ्द बुदुर, अदकि नाटक घर दा ओतुर. 30 याग पौलुस लॉकुर हात्ती बुळ्क होगोद चाहासदुन रा चेलागोळ आऊक होगोटीदील. 31 आसया नोर शासकगोळ दा टु भी आऊन कई संगीगोळ आऊन हात्ती बातणी कळुदुर अदकि वनिती माळदुर कि नाटक घर दा होगकु जोखमि नेगुबाळेत. 32 अल यावारा येनारा चिल्ळासोन रा यावारा येनारा, यतकी सभा दा बळा गळबळी आगोद, अदकि हापाळ सा लॉकुर रा ईद जानसोर भी ईला कि नाव यदुर साटी जमा आगेव. 33 आग आंदुर सकिनदर उक, यारी यहूदीगोळ नदिरसदुर, भीळ दा टु मुंद वाळुसदुर. सकिनदर कय देल इशारा माळकु लॉकुर मुंद खुद इन बचाव इन साटी भाषण कोळोद चाहासोन. 34 लेकीन याग आंदुर जानस कोडुर कि आव यहूदी हुन, रा सप्पा च्या सप्पा ऊंद आवाज देल कम से कम येदद तास ताका चिल्ळासतेला ईत्तुर, “इफसिगोळ अरतमिसि, महान आर.”

35 आग नगर इन लेखा जोखा ईटावाळा लॉकुरी शांत माळकु अंदुन, “हे इफसिस इन लॉकुरा, येन दुनिया दा हगि यावारा मळसा आन जो जानसालुन कि इफसिगोळ नगर इन महान देवी अरतमिसि, मंदरि इन अदकि स्वर्ग टु बळावाळा पवतिर कल्ल इन रक्षा माळावळ्त्त उर. 36 इदुरसाटी जब कि ई मातगोळ्द खंडन अच आगसकाल, रा उचति आद कि नीव शांत ईरी अदकि बनिा सोचद सम्द येनु माळबाळी. 37 यतकी नीव ई मळसागोळी तंदीर जो ना मंदरि इन लुटसावाळेर आर ना नाम देवी इन अपमान माळावाळेर उर. 38 अगर देमेतुरयुस अदकि आऊन संगी कारीगरगोळी यारदारा से शकियत आद रा कचेरी खुला आद अदकि शासक भी आन; अल होगकु आंदुर आबुर दाबुर मा आरोप हचुल. 39 लेकीन अगर नीव यातोदारा दुसरा मात इन बारा दा येनारा केळोद चाहासतीर, रा कानूनी सभा दा फैसला माळकु आदीत. 40 यतकी ईद इन दंगा अनूद कारण नाम मा दोष हचुचोद अंज्क आद, इदुरसाटी कि इदुर येनु कारण हॅलेच, अदकि नाव ई भीळ इन जमा आगोद येनु उत्तर कोळ सकालेव.” 41 ईद अनकु नगर इन लेखा जोखा कोळावाळा सभा अक सार माळदुन.

## 20

मकदिनया अदकि अखाया दा पौलुस

1 याग दंगा थामसेत रा पौलुस चेलागोळी कारसुसकु हम्मित वाळुसदुन, अदकि आंदुर से सार आगकु मकदिनया अन्द दी होटोदुन. 2 आ सप्पा प्रदेश दा टु आगकु अदकि चेलागोळी हापाळ उत्साहीत माळकु आव अखाया दा बंदुन. 3 याग मुर तगिळ ईतकु आव अल टु जहाज मा सीरया अन दी होगोन, रा यहूदी आऊक कोनली ताक दा हतकु ईरोर, इदुरसाटी आव ईद नश्चय माळदुन क् मकदिनया आगकु वापस आगोगुल. 4 बरिया अन्द पुरुरस उन पार सोपत्रुस अदकि थस्सलुनीके अन्द अरस्त्रुस अदकि सकिन्दुस, अदकि दरिबे अन्द गयुस, अदकि तीमुथयुस, अदकि आसया अन्द तुखकुस अदकि तुफमुस आसया ताका आऊन सांगुळ ईरोर. 5 आंदुर मुंद होटोदुर अदकि त्रोआस दा नाम हादी कायतेला ईत्तुर. 6 अदकि नाव अखमीरी रोटी इन हाब्व खतम आगदुर बाददा फलिपिपी टु जहाज देल होटकु अईद दिन इन बाददा त्रोआस दा बंदकु आंदुर से मुलाकात माळदेव, अदकि ऊंद हप्ता अल्या ईत्तेव.

पौलुस उन त्रोआस दा आखरी मुलाकात

7 बाक नाव शण्यार इन द्यावगा याग ऊमोर साटी आपस दा जमा आदेव, रा पौलुस आंदुर से मातचीत हेळली कुरतुन, आऊक दुसरा दशी इच होगोद ईरोद, इदुरसाटी आव आर्धा ईळलक ताका मातगोळी हेळतेला ईत्तुन. 8 या म्याकुच इन कमरा दा नाव जमा ईरेव, अदुर दा हापाळ दगिया होत्तव. 9 अदकि यूतुखुस हेसुर इन ऊंद हारोदव खळिकी मा कुरतकु भर जप्प देल डोलसोन. याग पौलुस हापाळ होत ताका मातगोळी हेळतेला ईत्तुन रा आव जप्प इन झ्वाका देल तसिरा मंजील मा टु ल्यालमा बदिदुन, अदकि याग आंदुर आऊक नेगदुर रा आव सोतोगीदुन. 10 लेकीन पौलुस ल्यालमा ईळदुन अदकि आऊन से लपटुसेदुन, अदकि कुतक्या हतकु अंदुन, “घबरूसबाळी; यतकी आव जत्तिता आन.” 11 अदकि पौलुस म्याकुच होगकु ऊंडुन अदकि ईट होत ताका आंदुर से मातगोळी हेळतेला ईत्तुन क् व्हातुर आगेत. बाक आव होटोदुन. 12 अदकि आंदुर आ हारोदव पार उक जत्तिता तंदुर अदकि हापाळ शांती सकित.

त्रोआस टु मलितुस इक होगोद

13 नाव पयले अच जहाज मा कुरतकु असुस इक ईद वचार देल मुंद होदेव क् अल टु नाव पौलुस उक सांगुळ हुडुकोडेव, यतकी आव ईद इदुरसाटी ठहरीसीदुन क् खुद अच पैदल बरोद चाहासोन. 14 याग पौलुस असुस दा नामी सकिदुन रा नाव आऊक जहाज दा कुरसकु मतिलेने नगर दा वळेदेव. 15 अल टु जहाज दा कुरतकु नाव दुसरा दशी खयुस नगर इन मुंद पोहचुसदेव, अदकि दुसरा दशी सामुस नगर दा बंदेव; बाक अदुर दुसरा दशी नाव मलितुस नगर दा बंदेव. 16 यतकी पौलुस इफसुस उन हात्ती टु आगकु होगोद नश्चय माळीदुन क् येल्यारा हगि आगबाळुल क् आऊक आसया दा समय हतुल; यतकी आव जल्दी दा ईरोन क् अगर आग सकुल रा आव पन्तेकुस्त हाब्व दशी यरूशलेम दा ईरूल.

पौलुस उन इफसिस उन स्याणागोळी आखरी भाषण

17 पौलुस मलितुस नगर टु इफसिस नगर दा बातणी कळुदुन, अदकि मंडली अनूद स्याणागोळी कार्सुसदुन. 18 याग आंदुर आऊन हातूती बंदुर, रा आव अंदुन: नीव जान्सतीर का पयला अच दशी टु याग ना आसयािा दा पहुचुसदीन, ना हर समय नीम सांगुळ याता प्रकार देल ईत्तीन. 19 मतलब बळा नमरता देल, अदकि वरूल वरूलकु, अदकि आ परीक्षागोळ दा जो यहूदीगोळ्द साजीश इन कारण नान मा बंदकु बतित्त, ना प्रभु उन स्यावा माळतेला अच ईत्तीन; 20 अदकि जो जो मातगोळ नीम फायदा नव ईरव, आंदरी हेळली अदकि लॉकुर्द मुंद अदकि मानोन मान्नी कलसोर से यागलु ह्दि आगीदील, 21 उलटा यहूदीगोळ अदकि गैरयहूदीगोळ्द मुंद गवाही कोळ्त्त ईत्तुन का परमेश्वर उन दी मन तरिगुसोद अदकि नाम प्रभु यीशु मसीह मा वशिवास माळ पायजे. 22 ईंग नोळी, ना पवतिर आत्मा अन आग्या अन अनुसार यरूशलेम इक होगतीन, अदकि जान्सालीन का अल नान मा येन येन बतिसीत; 23 ना रा बस ईट चाहासतीन का हर ऊंद नगर दा पवतिर आत्मा नानी चेतावनी कोळतद का बंदीगृह अदकि मुशकलि घळीगोळ नान हादी कायताव. 24 \*लेकीन ना तान जीव इक येनु समसालीन, सर्फि ईट चाहासतीन का प्रभु यीशु उन कोळ्द क्याल्सा अक पुरा माळाईन, जो क्याल्सा आव नानी कोटान, अदकि अद क्याल्सा ईद का परमेश्वर उन अनुग्रह अनूद खुशखबरी इन घोषणा माळाईन.

25 ना परमेश्वर उन राज्य अन प्रचार नीम सप्पा मुंदुर दा माळ्त्त ओयाळदनि, अदकि ना जान्सतीन का नीम दा टु नानी यावारा भी यागलु नोळ सकतीदलि. 26 इदुरसाटी ना ईद इन दशी पुरा रीर्त्त अदकि सफाई देल नीम से अनतीन, का नीम नाश इन जमिंदार ना आल्लच ना नरिदोष आईन. 27 यतकी ना परमेश्वर उन पुरा योजना जो नीम साटी आव, पुरा रीर्त्त देल हेळोर साटी ह्दि आगीदील. 28 तान अदकि तान लॉकुर्द पुरा गुट इन देखभाल माळावाळेरे बन्सी यतकी पवतिर आत्मा आंदुर दा टु नीमी आंदुर्द चिता माळावाळा माळयान, का नीव परमेश्वर उन मंडली अनूद रखवाली माळी, यारी आव तान खुन देल कोंडीदुन. 29 ना जान्सतीन का नान होगदुर बाद्दा भयंकर लांडग्यागोळ नीम लॉकुर न्याड्या होक्केव अदकि अव ई भोला भाला लॉकुर गुट इक बळितीदील. 30 ह्दिगि समय बंदीत का नीमूद अच न्याड्या दा टु भी ह्दिगि-ह्दिगि लॉकुर येददार जो चेलागोळी तान हींद जेडुली उलटा सधिा मातगोळी हेळयार. 31 इदुरसाटी सावधान ईरी, अदकि याद ईटेतीर का ना मुर वर्ष ताका ईळ्ल हागुल वरूल वरूलकु हर ऊंद मळसा अक कलसीन.

32 अदकि ईंग ना नीमी परमेश्वर उक, अदकि आऊन अनुग्रह अनूद बातणी इन कय दा सोप्स बुळतीन; जो नीमी पवतिर माळ सकतान अदकि सप्पा लॉकुर दा सप्पा आशीष कोळ सकतान. 33 ना यारदारा बेळली, व्हान्ना या कपळा अन लालच माळीदील. 34 नीव खुद अच जान्सतीर का ईवा कयगोळ नान अदकि नान संगीगोळ्द जरवत पुरा माळदव. 35 ना नीमी सप्पा येनारा माळकु तोरसदीन का ईद रीर्त्त देल मेहनत माळतेला नरिबलगोळी संभालसोद अदकि

प्रभु यीशु उन वचन याद ईटोद जरूरी आद, जो आव खुद अच अंददिन: ताकोमोर से कोळोद वळ्लीद आद.

36 ईद अनकु पौलुस आंदुर सांगुळ ट्वांगरा टेक्सदुन प्रार्थना माळदुन. 37 आग आंदुर सप्पा मुंदुर हापाळ वर्लदुर अदकि पौलुस उन कुतक्या हुडुकु आऊन चुम्मा ताकोमली कुरतुर अदकि सार माळदुर. 38 आंदुर खास माळकु ई मात देल शोक दा ईरोर जो आव अंददिन कनिव नान मार्रा बाक नोळतीदलि. आग आंदुर आऊक जहाज ताका पोहचुसदुर.

## 21

पौलुस उन यरूशलेम इक होगोद

1 याग नाव आंदुर से अलग आगकु जहाज खोल्सदेव, रा सरका हादी देल कोस नगर दा बंदेव, अदकि दुसरा दशी रूदुस दा अदकि अल टु पतरा दा होदेव.

2 अल ऊंद जहाज फनीकी अक होगतेला सक्ति, अदकि नाव अदुर मा येरकु अदुर मा कुरतोदेव. 3 याग साइपरस काळसत, रा नाव अदरी डाक्या कय दी बट्टेव, अदकि सीरया अक नळुकु सूर दा ईळदेव; यतकी अल जहाज इन माल ईळसोद ईरोद. 4 अल नामी थ्वाळासा वशिवासीगोळ सकिदुर अदकि नाव अल येळ दनि ताका ईत्तेव. आंदुर आत्मा अन्द सामर्थ्य अन द्वारा पौलुस से अंदुर कियरूशलेम होगबाळेत. 5 बाक अल रूकसोद नाम समय पुरा आगेत, रा नाव आंदुर से वदि ताकोमकु अल टु सार आगेदेव; अदकि सप्पा मुंदुर आर्तेर अदकि चकिर समेत नामी नगर इन व्हार्या ताका पोहचुसदुर; अदकि नाव कनारा मा ट्वांगरा टेक्सकु प्रार्थना माळदेव, 6 आग आबुर दाबुर से वदि आगकु, नाव रा जहाज मा येरदेव अदकि आंदुर तान तान मान्नी वापस होटोदुर.

7 आग नाव सूर टु जलयात्रा पुरा माळकु पतुलमियसि दा पोहचुसदेव, अदकि वशिवासी वारट्टरी नमस्कार माळकु आंदुर सांगुळ ऊंद दनि ईत्तेव. 8 दुसरा दशी नाव अल टु नळुकु कैसरया दा बंदेव, अदकि फलिपिपुस खुशखबरी प्रचारक उन मान्या जो नविळुसद वशिष येळ सेवकगोळ दा टु ऊंद ईरोन; होगकु आऊन मान्या ईत्तेव. 9 आऊन नाक कुवारा पोरगोळ ईरोर, जो परमेश्वर उन दी टु बरावाळा बातणी कोळतोगोर. 10 याग नाव अल हापाळ दनि ईत कोडेव, रा अगबुस हेसुर इन ऊंद भवषियवक्ता यहूदया टु बंदुन. 11 आव नाम हात्ती बंदकु पौलुस उन पट्टा ताकोडुन, अदकि तान कय काल कटकु अंदुन, “पवतिर आत्मा ईद अनतद कयाता मंळसा अन्द ईद पट्टा हुन, आऊक यरूशलेम दा यहूदी ईदा रीतदिल कट्यार, अदकि गैरयहूदीगोळ कय दा सोपस्यार.”

12 याग नाव ई मातगोळ केळदेव, रा नाव अदकि अलेर लाँकुर आऊन से वनिती माळदुर कियरूशलेम इक होगबाळुल. 13 लेकीन पौलुस उत्तर कोट्टुन, “नीव येन माळतीर, हगि वर्ल वर्लकु नान मन मूरतीर? ना रा प्रभु यीशु उन हेसुर इन साटी यरूशलेम दा सर्फि कटकु आगोर साटी अच ईला उलटा सायोर साटी भी तयार आईन.”

14 याग आव मान्सीदील रा नाव ईद अनकु चुप आगोदेव, “प्रभु उन इच्छा पुरा आगुल.”

15 अल काईक दनि ईत्तुर बाददा नाव तयारी माळदेव अदकि यरूशलेम इक होटोदेव. 16 कैसरिया टु भी थ्वाळासा चेलागोळ नाम सांगुळ आगोदुर, अदकि नामी मनासोन हेसुर इन साइप्रस इन ऊंद हाळव चेला अन्द मान्या तंदुर, का नाव आऊन मान्या इत्तेव.

पौलुस उन याकूब उन से मुलाकात

17 याग नाव यरूशलेम दा पोहचुसदेव, रा वशिवासी वार्दुर बळा खुशी इन सांगुळ नाम स्वागत माळदुर. 18 दुसरा दशी पौलुस नामी हुळकु याकूब उन हात्ती होदुन, यल सप्पा स्याणा लॉकुर जमा ईरोर. 19 आग पौलुस आंदरी नमस्कार माळकु, जो जो क्यालसा परमेश्वर आऊन सेवकाई इन द्वारा गैरयहूदीगोळ दा माळीदुन, ऊंद ऊंद माळकु सप्पा हेळदुन. 20 आंदुर ईद केळकु परमेश्वर उन महमा माळदुर, बाक आऊन से अंदुर, “हे वार्ट पौलुस, नी नोळत्या कांयहूदीगोळ दा टुकई हजार लॉकुर वशिवास माळदुर; अदकि सप्पा व्यवस्था अन साटी धुन हचकु आर. 21 आंदरी नीन बारा दा कल्सकु आग्याद का नी गैरयहूदीगोळ दा ईरावाळेरे यहूदीगोळी मूसा अन व्यवस्था अक बटि बुळोद कल्सत्या, अदकि अनत्या, का ना तान चकिोर्द खतना माळसुसी अदकि ना रीतगोळ मा नळी. 22 रा बाक येन माळ पायजे? लॉकुर जरूर केळ्यार का नी बंद्या. 23 इदुरसाटी जो नाव नीन से अनतेव, अद माळ. नाम ईल नाक मंळसा आर यार मन्नत बेळ्यार. 24 आंदरी हुळकु आंदुर सांगुळ तान तान इक शुद्ध माळ; अदकि आंदुर साटी खर्चा माळ का आंदुर मुंडन आगुल. आग सप्पा जान्स कोंडार का जो मातगोळ आंदरी नीन बारा दा हेळकु आग्याद, अऊर्दा येनु सच्चाई हैलेच लेकीन नी खुद भी मूसा अन व्यवस्था अक मान्सकु अदुर अनुसार नळुत्या. 25 प्लेकीन आ गैरयहूदीगोळद बारा दा यार वशिवास माळ्यार, नाव ईद नरिणय माळकु आंदरी चटिठी लखिसकु कळुदेव का आंदरी येनारा ईत्ता भोजन ईला तनि पायजे जो मूर्तीगोळ मा बली येरसकु आग्याद, अदकि खून देल अदकि कुतक्या वत्त पशु उन मास देल, अदकि व्यभचार देल ऊळदकु ईरूल.”

26 ई प्रकार पौलुस आ मंळसागोळी तान सांगुळ हुळदुन, अदकि दुसरा दशी आंदुर सांगुळ शुद्धीकरण इन रीत इन अनुसार तान तान इक शुद्ध माळदुन अदकि मंदरि दा होदुन यल आव घोषणा माळदुन, का शुद्धीकरण इन दनि याग पुरा आदव अदकि नाम दा टु हर ऊंद मंळसा अन साटी चढावा याग येरसकु आदीत.

मंदरि दा पौलुस उक हुडुकु आगोद

27 याग अव येळ दनि पुरा आगदुर मा ईरव, रा आसिया अन यहूदीगोळ पौलुस उक मंदरि दा नोळकु सप्पा भीळ इक भळकुस बुदुर, अदकि पौलुस उक हुडुकोडुर, 28 आंदुर चळिलासकु अनली कुरतुर, “हे इस्त्राएलगोळा, सहायता माळी; ईव आवा मंळसा हुन, जो इस्त्राएली लॉकुरद, अदकि मूसा अन

व्यवस्था अन, अदकि ई मंदरि इन वरिध दा हर जागा सप्पा लॉकुरी कल्सतान, ईल ताका कर् गैरयहूदीगोळी भी मंदरि दा तनकु आव ई पवतिर जागा अक अपवतिर माळयान.” 29 \*आंदुर हगि इदुरसाटी अंदुर, यतकी आंदुर इदुर से पयले इफसिसवासी त्रुफमिस उक आऊन सांगुळ नगर दा नोळीदुर, अदकि समसीदुर कर् पौलुस आऊक मंदरि दा हुळकु बंदान.

30 आग सप्पा नगर भळकुसेत, अदकि लॉकुर ओळकु जमा आदुर अदकि पौलुस उक हुळकु मंदरि इन वहार्या जेडुकु तंदुर, अदकि तुरन्त दरवाजा बंद माळकु आदव. 31 याग भीळ इन लॉकुर आऊक कोंद बुळोद चाहासोर, रा रोमी तुकळी इन सेनानायक उक खबर सक्ति कर् पुरा यरूशलेम दा खलबली मचुसेग्याद. 32 आग आव तुरन्त सैनकिगोळी अदकि सूबेदारगोळी हुळकु आंदुर हात्ती ल्यालमा ओळकु बंदुन; अदकि आंदुर पलटन इन सूबेदार उक अदकि सैनकिगोळी नोळकु पौलुस उक बडोद बटि बुदुर. 33 आग रोमी सेनानायक पौलुस उन हात्ती बंदुन अदकि आऊक बंदी माळ कोंडुन; अदकि आव आऊक येदद शंकलीगोळ देल कटोद आग्या कोटकु केळदुन, “ईव याव हुन अदकि ईव येन माळयान?” 34 लेकीन भीळ दा टु यावारा येनारा रा यावारा येनारा चलिळासतेला ईत्तुर. याग आव दंगा इन कारण नश्चित रूप देल सच्चाई जान्स सकर्दिल, रा आऊक कलिा दा ओयोद आग्या कोट्टुन. 35 याग आव सीळी मा पोहचुसदुन, रा हगि आत कर् भीळ इन दबाव इन कारण सैनकिगोळी आऊक नेगुकु ओयोद बतित्त, 36 यतकी लॉकुरद भीळ ईद चलिळासतेला आऊन हदि बदिकु ईरोद, “आऊक कोंद बुळी.”

पौलुस उन खुद इक ऊळसोद

37 याग सैनकि पौलुस उक कलिा दा ओयोर मा ईरोर, रा आव रोमी सेनानायक से अंदुन, “येन नानी आग्या आद कर् ना नीन से येनारा अनाईन?”

आग सेनानायक आव अंदुन, “येन नी ग्रीक भाषा माताळत्या? 38 येन नी आव मसित्ती मंळसा रा आल्लच, याव थ्वाळासा समय पयले वदिरोह सूरु माळसुसदिन, अदकि जो ईल रेगसितान दा नाक हजार कटारबन्द आतंकवादीगोळ्द अगुवाई माळोन?”

39 आग पौलुस अंदुन, “ना रा तरसुस इन यहूदी मंळसा हुईन! कलिकिया अन्द प्रसदिध नगर इन नवासी हुईन. ना नीन से वनिती माळतीन कर् नानी लॉकुर से मातगोळी हेळगोळ.”

40 याग आव आग्या कोट्टुन, रा पौलुस सीळी मा नदिरकु लॉकुरी कय देल इशारा माळदुन. याग आंदुर चुप आगेदुर रा आव इब्रानी भाषा दा माताळली कुरतुन:

## 22

1 “हे वारटुरा अदकि आप्प उन घाई सज्जनगोळा, नान बचाव दा जो नानी माताळोद आद अदरी केळी, जो ना ईग नीम मुंद प्रस्तुत माळतीन.” 2 आंदुर ईद केळकु कर् आव नाम से इब्रानी भाषा दा माताळतान, रा आंदुर मात्त यक्कुल चुप आगेदुर. आग आव अंदुन:



3 \* “ना रा ऊंद यहूदी मळसा हुईन, कलिकिया अन तरसुस दा पैदा आदीन; लेकीन ईदा यरूशलेम नगर दा गमलीएल इन कालगोळ्द हात्ती कुर्तकु पुर्वजगोळ्द नयिमगोळी कठनि नरिदेशगोळी प्राप्त माळदीन, अदकि परमेश्वर उन साटी हगि धुन हचकु ईरीन, ह्यांग नीव सप्पा ईद हचकु आईर. 4 \* ना मळसा अदकि आर्तेर येदुदु मुंदरी कैदी माळ माळकु बंदीगूह दा हाकदीन, ई हादी मा नळावाळेर इक ईल ताका सतुसदीन की आंदरी कोन्सुस भी बुटीन. 5 ना सही माताळतीन ई मात इन साटी महायाजक अदकि सप्पा स्याणागोळ गवाह आर, ना दमशिक दा यहूदी वार्दुरद हेसुर देल ईदुर से चटिठी भी ताकोडीदनि, की जो लॉकुर ई हादी मा नळुतार आंदरी बंदी माळकु यरूशलेम दा तराईन की आंदरी ना दण्ड कोळसुस सकाईन.

पौलुस तान मन परविरतन इन बारा दा हेळतान

6 “याग ना यात्रा माळतेला दमशिक इन हात्ती पहचुसदीन, रा हगि आत की लगभग मदणी इक अचानक ऊंद तेज उजुळ आकाश टु नान नाकु दी चमकुस्त. 7 अदकि ना जागा मा बदिदीन अदकि ईद आवाज केळदीन, ‘हे शाऊल, हे शाऊल, नी नानी येती सतुसत्या?’ 8 ना उत्तर कोटीन, ‘हे प्रभु, नी याव ह्यु?’ आव नान से अंदुन, ‘ना यीशु नासरी हुईन, यारी नी सतुसत्या.’ 9 नान संगीगोळ ज्योती रा नोळदुर, लेकीन जो नान से माताळोन आऊन आवाज केळीदील. 10 आग ना अंदीन, ‘हे प्रभु, ना येन माळाईन?’ प्रभु नान से अंदुन, ‘यदकु दमशिक दा होग, अदकि जो येनारा नीन माळोर साटी ठहूरसकु आग्याद अल नीन से सप्पा हेळकु आगेदीत.’ 11 आ तेज ऊजुळ इन कारण ना कुद्द आगेगदीन, रा नान संगीगोळ नान कय हुडुकु दमशिक दा तंदुर.

12 “आग हनन्याह हेसुर इन व्यवस्था अन अनुसार नळावाळा ऊंद भक्त मळसा, जो अल ईरावाळेर सप्पा यहूदीगोळ दा सुनाम ईरोन, नान हात्ती बंदुन, 13 अदकि नदिरकु नान से अंदुन, ‘हे वार्ट शाऊल, बाक नोळली हत.’ अदा घळी नान कण्णगोळ खुलसेदव अदकि ना आऊक नोळदीन. 14 आग आव अंदुन, ‘नाम आप्प दादागोळ परमेश्वर नीनी इदुरसाटी ठहूरसेव की नी आऊन इच्छा अक जानस्या, अदकि आ न्यायी सेवक उक नोळ्या अदकि आऊन बाय देल मातगोळी केळ्या. 15 यतकी नी आऊन दी टु सप्पा मळसागोळ्द मुंद आ मातगोळ्द गवाह आद्या जो नी नोळ्या अदकि केळ्या. 16 ईग येती देर माळत्या? येळ, बपतस्मा ताकोम, अदकि आऊन हेसुर ताकोमकु तान पापगोळी तोळ्द बुळ.’

पौलुस उन गैरयहूदीगोळ दा प्रचार इन बुलावा

17 “याग ना बाक यरूशलेम दा बंदकु मंदिर दा प्रार्थना माळीन, रा ऊंद दर्शन नोळदीन, 18 अदकि यदुर दा ना प्रभु उक नोळदीन की आव नान से अनतान, ‘जल्दी माळकु यरूशलेम टु राटनेरी होटबुळ; यतकी आ लॉकुर नान बारा दा नीन गवाही मानसतीदील.’ 19 ना अंदीन, ‘हे प्रभु, अद रा नीव जान्सतीर की ना नीन मा वशिवास माळावाळेरी बंदीगूह दा हाक तोगीन अदकि जागा जागा

सभागृह दा बळसुस तोगीन. 20 \*याग नीन गवाह स्तफिनुस उक कोन्सुसकु आत आग ना भी अल नदिरकु ईरीन अदकि ई मात दा सयमत ईरीन, अदकि आऊन कोन्नावाळेर्द कपळागोळ रखवाली माळ तोगीन.' 21 अदकि प्रभु नान से अंदुन, 'होटोग: यतकी ना नीनी गैरयहूदीगोळ हात्ती दुर दुर कळाईन.' ”

22 आंदुर ईद मात ताका पौलुस उन केळतेला ईत्तुर, आग ऊँचा आवाज दा चलिळासदुर, “हगि मळसा अन अनूत माळी, आऊन ई संसार दा जतिता ईरोद उचति हैलेच!” 23 याग आंदुर चलिळास तोगोर अदकि कपळा भीळतोगोर अदकि हवा दा धुळा हारस तोगोर; 24 रा रोमी सेनानायक अंदुन, “इऊक कलिा दा ओयी, अदकि क्वाळा बळकु जाँच माळी, कना जान्साईन कयिहूदी लाँकुर याता कारण आऊन वरिध दा हगि चलिळासेत्तार.” 25 याग आंदुर आऊक बडोर साटी कटदुर रा पौलुस आ सूबेदार से अंदुन जो हात्ती नदिरकु ईरोन, “येन ईद उचति आद कनीव ऊंद रोमी मळसा अक, अदकि आव भी बनिा दोषी ठहूरूद, क्वाळा बडी?”

26 सूबेदार ईद केळकु सेनानायक उन हात्ती होगकु अंदुन, “नी ईद येन माळतया? ईव रा रोमी मळसा हुन.”

27 आग रोमी सेनानायक आऊन हात्ती बंदकु अंदुन, “नानी हेळ, येन नी रोमी मळसा हुय?”

आव अंदुन, “हव.”

28 ईद केळकु सेनानायक अंदुन, “नानी रोमी नागरीक आगोद पद हापाळ पैसया कोटकु सकियाद.”

पौलुस अंदुन, ना रा जनम टु रोमी मळसा हुईन.

29 आग जो लाँकुर आऊक जाँच माळावाळेर् ईरोर, आंदुर तुरनूत आऊन हात्ती टु हटसेदुर; अदकि रोमी सेनानायक भी ईद जान्सकु कर् ईव रोमी हुन अदकि ना ईऊक कट्टीन, अंजेदुन.

महासभा अन मुंद पौलुस

30 दुसरा दशी रोमी सेनानायक ठीक ठीक जानसोद इच्छा देल कर् यहूदी आऊन मा येती दोष हचतार, आऊन बंधन खोल्स बुट्टुन; अदकि प्रधान याजकगोळ अदकि पुरा महासभा अक जमा आगोद आग्या कोट्टुन, अदकि पौलुस उक ल्यालमा ओतकु आंदुर मुंद नदिरूस बुटुन.

## 23

1 पौलुस महासभा दी टकटकी हचकु नोळदुन अदकि अंदुन, “हे इस्त्राएल इन वारटुरा, ना ईद ताका परमेश्वर उन साटी बलिकुल वळ्लीद वविक देल जीवन बत्तिसीन.” 2 इदुर मा हनन्याह महायाजक आंदरी जो आऊन हाती नदिरकु ईरोर, आऊन बाय मा कयाबरा बडोद आग्या कोट्टुन. 3 \*आग पौलुस आऊन से अंदुन, “हे चुना हचद भीती, परमेश्वर नीनी बळदान. नी व्यवस्था अन अनुसार नान न्याय माळली कुरत्या, अदकि नी खुद व्यवस्था अन वरिद्ध नानी बडोद आग्या कोळत्या?”

4 जो पौलुस उन हात्ती नदिरकु ईरोर आंदुर अंदुर, “येन नी परमेश्वर उन महायाजक उक बुरा भला अनत्या?”

5 पौलुस अंदुन, “हे नान इस्त्राएल इन वार्दुरा, ना ईला जानसीन कि ईव महायाजक हुन; यतकी शास्त्र दा लखिसकु आद: ‘तान लॉकुरद अधिकारी इक बुरा माताळबाळेत.’”

6 \*आग पौलुस ईद जानसकु कि ऊंद दल सद्कीगोळ अदकि दुसरा फरीसीगोळद हुन, सभा दा कारूकु अंदुन, “हे इस्त्राएल इन वार्दुरा, ना फरीसी अदकि फरीसीगोळद वंश इन हुईन, सोत्तुर आंदुर आशा अदकि पुनरूत्थान इन बारा दा नान मुकदमा आगेत्याद.”

7 याग आव ईद मात अंदुन रा फरीसीगोळ अदकि सद्कीगोळ दा झगळा आगली कुरत; अदकि सभा दा फूट बदिोत. 8 \*यतकी सद्की रा ईद अनतार, कनिा सोत्तुर दा टु जतिता आगोद आद, ना स्वरगदूत अदकि ना आत्मा आद; लेकीन फरीसी ईव सपपा अक मानसतार. 9 आग बळा हल्ला मचुस्त अदकि येनारा नयिम इन गुरुगोळ जो फरीसीगोळ दल इन ईरोर, यदकु नदिरदुर अदकि ईद अनकु झगळुस्ली कुरतुर, “नाव ई मळसा दा येनु बुराई नोळालेव, अदकि अगर यातोदारा आत्मा या स्वरगदूत आऊन से माताळ्यान रा बाक येन?”

10 याग हापाळ झगळा आत, रा पलटन इन सरदार ईद अंजक देल कि आंदुर पौलुस उन तुकळा तुकळा माळबाळुल, पलटन इक आग्या कोट्टुन कि ईळुकु आऊक आंदुर न्याड्या दा टु जबरदस्ती तेगुल, अदकि गढ दा ओयुल.

11 अदा ईळ्लकी प्रभु आऊन हात्ती नदिरकु अंदुन, “हे पौलुस, हमिमत ईट; यतकी ह्यांग नी यरूशलेम दा नान गवाही कोट्ट, हांग अच नीनी रोम दा भी गवाही कोळोद बदिदीत.”

पौलुस उन हत्या अन साजीश

12 दुसरा दशी थ्वाळासा यहूदीगोळ मलिसकु साजीश रचदुर अदकि करिया तदिर कियगासताका नाव पौलुस उक कोंद बुळालेव, आगासताका नाव येनारा तनिदेव या कुळदेव. 13 यार आपस दा ईद साजीश रचुसीदुर, आंदुर चालीस मुंदुर से यक्कुल ईरोर. 14 आंदुर प्रधान याजकगोळ अदकि स्याणागोळ हात्ती होगकु अंदुर, “नाव ईद ठान्स कोंडेव कियगासताका नाव पौलुस उक कोंद बुळालेव, आगासताका येनु तनितीदील अदकि कुडुतीदील. 15 इदुरसाटी ईग महासभा समेत पलटन इन सरदार उक समझुसी कि आऊक नीम हात्ती त्रूल, मान्सी कि नीव आऊन बारा दा यक्कुल अच वळलीसा जाँच माळोद चाहासतीर; अदकि नाव आऊन पोहचुसोर से पयले अच आऊक कोन्नोर साटी तयार ईत्तेव.”

16 पौलुस उन आकतीग इन पार केळदुन कि आंदुर आऊन घात दा आर, रा गढ दा होगकु पौलुस उक बातणी कोट्टुन. 17 पौलुस सूबेदारगोळ दा टु ऊंद मळसा अक तान हात्ती कारूकु अंदुन, “ईव आऊन से येनारा अनोद चाहासतान.” 18 इदुरसाटी आव आऊक पलटन इन सरदार उन हात्ती ओतकु अंदुन, “बंदी

\* 23:6 २३:६ प्रेरतिगोळ २६:५; फलिपिपिगोळ ३:५

\* 23:8 २३:८ मत्ती २२:२३; मरकुस १२:१८;

पौलुस नानी कारूकु वनिती माळदुन की ईव जवान पलटन इन सरदार से येनारा अनोद चाहासतान; ईऊक आऊन हाती ओय.”

19 पलटन इन सरदार आऊन कय हुडुकु अदकि अलग ओतकु केळदुन, “नी नान से येन अनोद चाहासत्या?”

20 आव अंदुन, “यहूदीगोळ साजीश रचुस्यार की नीन से वनिती माळुल की नाळ पौलुस उक महासभा दा तरूल, आंदुर हगि दखावा माळ्यार की अदकि ठीक देल आऊंद जाँच माळोद चाहास्तार. 21 लेकीन आंदुरद मान्सबाळेत, यतकी आंदुर दा टु चालीस से म्याकुच मंळसा आऊन घात दा आर, यार ठान्स कोंडार की यागासताका आंदुर पौलुस उक कोंद बुळालुर, आगासताका ना तदियार अदकि ना कुळदार. अदकि ईग आंदुर तयार आर अदकि नीन फैसला अन हादी कायेत्यार.”

22 आग पलटन इन सरदार जवान उक ईद आग्या कोटकु सार माळदुन, “यारदु से अनबाळेत की नी नान ईक ई मातगोळ हेळ्या.”

पौलुस उक फेलक्स शासक उन हात्ती कळोद

23 आग आव येढ्ढ सूबेदारगोळी तान हात्ती कारूकु अंदुन, “कैसरिया होगोर साटी ईळ्ळकी ऊंम्बत मुरा ताका येढ्ढ सौ सैनिक, सत्तर घोळसवार, अदकि येढ्ढ सौ भालावाळेर इक तयार ईटी.” 24 अदकि पौलुस उन सवारी साटी घ्वाळागोळी तयार ईटी, की आऊक फेलक्स शासक उन हात्ती वळ्लीसा पोहचुस बुळुल. 25 आव ई प्रकार इन चट्टी भी लखिसदुन:

26 “महामहमि फेलक्स शासक उक क्लौदियुस लूसय्यास उन नमस्कार. 27 ई मंळसा अक यहूदीगोळ हुडुकु कोंद बुळोद चाहासदुर, लेकीन याग ना जान्सदीन की रोमी हुन, रा पलटन हुळकु बळिसकु तंदीन. 28 ना जान्सोद चाहासीन की आंदुर आऊन मा याता कारण दोष हचतार, इदुरसाटी आऊक आंदुरद सभा दा वोतीन. 29 आग ना जान्स कोंडीन की आंदुर तान व्यवस्था अन ववादगोळ बारा दा आऊन मा दोष हचतार, लेकीन कोंद बुळोद या शंकलीगोळ देल कटकु आगोद योग्य आऊन दा येनु दोष हैलेच. 30 याग नानी हेळकु आत की आंदुर ई मंळसा अन घात दा हतकु आर रा ना तुरन्त आऊक नीन हात्ती कळु बुटीन; अदकि आऊन मा दोष हचावाळेर इक भी आग्या कोट्टीन की आंदुरद हचद दोष आव नीन मुंद ईटुल.”

31 इदुरसाटी ह्यांग सैनिकगोळी आग्या कोटकु आगीत, हांग अच आंदुर पौलुस उक हुळकु ईळ्ळकी इन ईळ्ळकी अनंतपितरसि उन हात्ती तंदुर. 32 दुसरा दशी घ्वाळा अन सवारगोळी पौलुस उन सांगुळ मुंद होगोर साटी पैदल नळावाळेर सपिाहीगोळ बटि बुटुर अदकि आंदुर वापस कलिा दा होट बंदुर. 33 आंदुर कैसरिया पोहचुसकु शासक उक चट्टी कोट्टुर; अदकि पौलुस उक भी आऊन मुंद नदिरूसदुर. 34 आव चट्टी वाचुसकु केळदुन, ईव याता द्याश इन हुन? अदकि याग जान्स कोंडुन की कलिकिया अन हुन, 35 रा आव अंदुन, “याग नान दोष हचावाळेर बंदार, आग ना नीन केळाईन.” अदकि आव आग्या कोट्टुन की आऊक हेरोदेस शासक उन कलिा दा सुरक्षा दा ईटकु आगुल.

## 24

पौलुस उन खलाप कारवाई

1 अईद दनि इन बाद्दा हनन्याह महायाजक कई स्याणागोळ अदकि तरितुल्लुस हेसुर इन वकील उक सांगुळ हूळकु बंदुन. आंदुर शासक फेलकिस उन मुंद पौलुस मा आरोप हचदुर. 2 याग पौलुस उक कारूकु आत रा तरितुल्लुस आऊन मा दोष हचकु अनली कुरतुन:

“हे महामहमि फेलकिस, नीन अगुवाई दा नाव हापाळ समय टु धोळ्द शांती इन सांगुळ ईरेतेव, अदकि नीन दुर दृष्टी देल द्याश दा हापाळ वळ्लेव सुधार आग्याव. 3 फेलकिस शासक उक नाव हर जागा अदकि हर प्रकार देल इदुर्द स्वागत माळतेव अदकि नाव नीम प्रती हापाळ आभारी आयेव. 4 ना नीमद् हापाळ यक्कुल समय ताकोमोद चाहासालीन, रा ना नीन से वनिती माळतीन किकृपया नीव थ्वाळासा दा नाम्द केळकोम. 5 यतकी नाव ई मंळसा अक उपद्रवी अदकि दुनिया दा सप्पा यहूदीगोळ दा फूट हाकावाळा, अदकि नासरीगोळी समुह दा स्याणा मान्सतेव. 6 आव मंदरिगोळी अपवतिर माळोद चाहासदुन, लेकीन नाव आऊक हुडुकोडेव. 7 लेकीन पलटन इन सरदार लूसयिास आऊक जबरदस्ती नाम कय दा टु कसु कौडुन, 8 ई सप्पा मातगोळी यदुर्द बारा दा नाव आऊन दोष हचतेव, नी खुद अच आऊक जाँच माळकु जान्स कौड्या.” 9 यहूदीगोळ भी इदुर दा शामिल आगकु हमिमत देल सांगुळ कोटकु अंदुर, क ई मातगोळ सप्पा सही आव.

फेलकिस उन मुंद पौलुस उन बचाव

10 याग शासक पौलुस उक माताळोद इशारा माळदुन, रा आव उत्तर कोट्टुन:

“ना ईद जान्सकु क ई नी हापाळ साल टु ई जाती इन न्याय माळेत्या, ईद जान्सकु ना खुशी देल तान बचाव साटी थ्वाळासा मातगोळी माताळोद चाहासतीन. 11 नी खुद जान्स सकत्या क यागी टु ना यरूशलेम दा आराधना माळली बंदीन, नानी हननेळ दनि से यक्कुल आगीदील. 12 यहूदीगोळ नानी ना रा यहूदी सभागृह दा अदकि ना रा नगर दा लॉकुर भीळ दा दंगा माळ्त नोळदुर. 13 अदकि ना रा आंदुर आ मातगोळी, यार्द बारा दा नान मा दोष हचतार, नीन मुंद सच प्रमाणित माळ सकतार. 14 लेकीन ना नीन मुंद ईद मान्स कोमतीन क याता हादी इक आंदुर ख्वाटा अनतार, अदुर्दा रीर्ता मा ना तान आप्प दादागोळ परमेश्वर उन आराधना माळतीन. लेकीन ना ईद भी वश्वास माळतीन जो मातगोळ मूसा अन व्यवस्था अदकि भवषियवक्ता अन कतिाव दा लखिसकु आद. 15 अदकि परमेश्वर उन मा हांगा आशा ईटतीन ह्यांग आंदुर खुद भी ईटतार, क वळ्लेर अदकि बेकार येद्दु लॉकुर्द भी पुनरूथान आदीत. 16 इदुर से ना खुद भी कोशशि माळतीन क परमेश्वर उन, अदकि मंळसागोळ दी नान वविक हमेशा नरिदोष ईरूल.

17 \* “हापाळ वर्ष इन बाद्दा ना तान गरीब लॉकुरी पैस्या कोळली, अदकि बलदान येर्सली बंददीन. 18 याग आंदुर नानी हासलि माळदुर आग ना

शुद्धीकरण इन रीती इक पुरा माळीन अदकि ना नान हात्ती यातोदारा भीळ ईरोद अदकि ना यातोदारा अव्यवस्था फैलुसदिन. 19 लेकीन अल आसया कृषेत्र अन थ्वाळासा यहूदी भी ईरोर. आंदरी जरूरी ईरोद, क्क अगार नान वरिंध दा आंदुर हात्ती येनारा मात आद रा ईल नीन मुंद बंदकु नान मा दोष हचायदुर. 20 या ईद खुद अच हेळुल क्क याग ना महासभा अन मुंद नदिरकु ईरीन, रा आंदुर नान दा यातोद अपराध नोळदुर? 21 \*सवाय ईदुरद क्क याग आंदुर न्याड्या दा ईरीन आग ना धोळ दण दा अंददिन 'सोत्तुर दा टु जत्तिता आगोद बारा दा नान वशिवास इन कारण नान न्याय माळकु आगेत्याद.' "

22 फेलक्स, जो ई हादी इन बारा दा ठीक ठीक जानसोन, आंदरी ईद अनकु टाल्स बुटुन, "याग पलटन इन सरदार लूसयास बंदान, रा नीम मात इन नरिणय माळाईन." 23 अदकि सूबेदार उक आग्या कोट्टुन क्क पौलुस उक येनारा छुट कोटक रखावली माळेत, अदकि आऊन संगीगोळ दा टु यारीकु भी आऊन स्यावा माळोर से रोक्सवाळेत.

फेलक्स अदकि द्रुसल्लिला अन मुंद पौलुस

24 थ्वाळासा दनिगोळ बाददा फेलक्स तान हगिस द्रुसल्लिला अक, जो यहूदीनी ईरोर, सांगुळ हुळकु बंदुन अदकि पौलुस उक कारसुस्कु आ वशिवास इन बारा दा जो मसीह यीशु मा आद, आऊन से कैळदुन. 25 याग आव वळलेव मातगोळ, अदकि संयम, अदकि बरावाळा न्याय इन दनि इन चर्चा माळोन, रा फेलक्स अंजकु उत्तर कोट्टुन, "ईग नी होग; मवका नोळकु ना नीनी मात्त काराईन." 26 आऊक पौलुस टु येनारा पैस्या सीकोव भी आशा ईरोद, इदुरसाटी घळी घळी कारूकु आऊन से मातगोळ हेळतोगोन.

27 लेकीन याग येदढ वर्ष बीतसेदव रा पुरकयिस फेस्तुस, फेलक्स इन जागा मा व्हासा शासक बनसकु बंदुन; अदकि फेलक्स यहूदीगोळी खुश माळोद इच्छा देल पौलुस उक बंदी इच बटिकु होदुन.

## 25

पौलुस उन रोमी साम्राज्य अक अपलि

1 फेस्तुस आ द्याश दा पोहचुसोद मुर दनि बाददा कैसरया टु यरूशलेम इक होदुन. 2 आग प्रधान याजकगोळ अदकि यहूदीगोळ्द प्रमुख लॉकुर आऊन मुंद पौलुस उन मा आरोप हचदुर; अदकि आऊन से वनिती माळदुर. 3 क्क आव पौलुस उक यरूशलेम दा कारसुल क्क आंदुर आऊक हादी मा अच कोंदबुळुल. 4 फेस्तुस उत्तर कोट्टुन, "पौलुस कैसरया अनूद कैद दा आन, अदकि ना खुद राटनेरी अल होगार्न." 5 बाक अंदुन, "नीम दा जो अधकार ईटतार आंदुर नान सांगुळ कैसरया नळुल, अदकि अगार ई मंळसा येनारा अनुचति क्क्याल्सा माळ्यान रा आऊन मा दोष हचुल."

6 आंदुर न्याड्या येनारा येदठ हत्त दनि ईतकु फेस्तुस कैसरया होटोदुन; अदकि दुसरा दशी न्याय आसन मा कुर्तकु पौलुस उक तरोद आग्या कोट्टुन. 7 याग पौलुस बंदुन रा जो यहूदी यरूशलेम टु बंदीदुर, आंदुर आसपास नदिरकु

आऊन मा हापाळ सा गंभीर आरोप हचदुर, यदरी आंदुर साबति ईला माळसकोर. 8 लेकीन पौलुस खुद इन बचाव दा उत्तर कोट्टुन, “ना रा ना यहूदीगोळ्द व्यवस्था अन अदकि ना मंदरि इन, अदकि ना रोमन शासक कैसर उन वरिद्ध येनारा पाप माळीन.”

9 आग फेस्तुस यहूदीगोळी खुश माळोद इच्छा देल पौलुस से अंदुन, “येन नी चाहासत्या कियरूशलेम इक होदया; अदकि अल नान मुंद नीन ईद मुकदमा तय माळकु आगुल?”

10 पौलुस अंदुन, “ना कैसर इन न्याय आसन इन मुंद नदिरकु आईन; नान मुकदमा अनद ईल्या फैसला आग पायजे. ह्यांग नी वळ्ळीद तरीका देल जानसत्या, यहूदीगोळ्द ना येनु अपराध माळीदील. 11 अगर ना अपराधी आईन अदकि कोंद बुळोद लायक येनारा क्याल्सा माळीन, रा सायोर से मार्रा तरिगुसालीन लेकीन याता मातगोळ्द ईदुर नान मा दोष हचतार, अगर अऊर दा टु यातोदारा भी मात सही आगीदील, रा नानी याऊ आंदुर कय दा कोळ सकालुन. हगि ना कैसर उन से वनिती माळतीन.”

12 आग फेस्तुस सलाहकारगोळ से सलाह मसवरा माळकु उत्तर कोट्टुन, “नी कैसर उन से वनिती माळ्या, इदुरसाटी नीनी कैसर उन हात्ती इच ओतकु आदीत.”

राजा अग्रपिपा अदकि बरनकि अन मुंद पौलुस

13 येनारा दनि बतिसदुर बाददा अग्रपिपा राजा अदकि बरिनीके कैसरयाि दा बंदकु फेस्तुस से भेट माळदुर. 14 आंदुर हापाळ दनि अल ईत्तुर बाददा फेस्तुस पौलुस उन बारा दा राजा अक हेळदुन: “ऊंद मंळसा आन, यारी फेलकिस बंदीगृह दा बटिकु होटोग्यान. 15 याग ना यरूशलेम होगीदीन, रा प्रधान याजक अदकि यहूदीगोळ्द स्याणागोळ आऊन मा आरोप हचदुर अदकि चाहासदुर काना आऊक दोषी साबति माळाईन. 16 लेकीन ना आंदरी उत्तर कोटीन किय रोमीगोळ्द ईद रीतिहैलेच कियारारा मंळसा अक दण्ड इन साटी यारदारा कय दा कोट्ट बुळुल, यागासताका आरोपी इक तान दोष हचावाळेर मुंद नदिरकु दोष इन उत्तर कोळोद मवका सकाल. 17 इदुरसाटी याग आंदुर नान सांगुळ ईल बंदुर, रा ना येनु देर माळीदील, लेकीन दुसरा अच दशी न्याय आसन मा कुरतकु पौलुस उक तरोद आग्या कोटीन. 18 याग आऊन दोष हचावाळेर नदिरदुर, रा आंदुर हगि अनुचति मातगोळ्द दोष हचीदलि, ह्यांग ना समसीन. 19 लेकीन यहूदी रीति इन अनुसार अदकि यीशु हेसुर इनव यावारा मंळसा अन बारा दा, जो सोतोगदिन अदकि पौलुस आऊक जीवति हेळतोगोन, वविाद माळतोगोर. 20 ना उलझन दा ईरीन किय ई मातगोळ्द पता ह्यांग हचाईन? इदुरसाटी ना आऊन से केळदीन, येन नी यरूशलेम होदया किय अल ई मातगोळ्द फैसला आगुल?” 21 लेकीन याग पौलुस वनिती माळदुन किय आऊंद मुकदमा अन फैसला कैसर उन अल आगुल, रा ना आग्या कोटीन किय यागासताका आऊक कैसर उन हात्ती कळालीन, आऊक कैद दा ईटकु आगुल.”

22 आग अग्रपिपा फेस्तुस से अंदुन, “ना भी आ मंळसा अन केळोद चाहासतीन.” आव अंदुन, “नी नाळ केळ कोंड्या.”

23 इदुरसाटी दुसरा दशी याग अग्रपिपा अदकि बरिनीके बळा धूमधाम देल बंदुर अदकि पलटन इन सरदारगोळ अदकि नगर इन प्रमुख लॉकुरद सांगुळ दरबार दा पोहचुसदुर. आग फेस्तुस आग्या कोट्टुन कि आंदुर पौलुस उक त्रूल. 24 फेस्तुस अंदुन, “हे राजा अग्रपिपा, अदकि हे सप्पा मंळसागोळा जो ईल नाम सांगुळ आईर, नीव ई मंळसा अक नोळतीर, यारद बारा दा सप्पा यहूदीगोळ यरूशलेम दा अदकि ईल भी चलिळास चळिलासकु नान से वनिती माळदुर कि ईऊंद जतिता ईरोद उचति हैलेच. 25 लेकीन ना जान्स कोंडीन कि आव हगि येनु माळीदील कि कोंदकु आगुल; अदकि जब कि आव खुद अच कैसर उन से नान न्याय आगुल हगि वनिती माळदुन, रा ना आऊक रोम दाकळोद नरिणय माळदीन. 26 लेकीन ना आऊन बचाव इन बारा दा यातोदु नशिचति मात नोळीदील कि कैसर उन हात्ती लखिसकु कळाईन. इदुरसाटी ना आऊक नीम मुंद अदकि खास माळकु हे राजा अग्रपिपा, नीन मुंद तंदीन कि जाँचसदुर बाददा नानी येनारा रा आऊन बारा दा लखिसली सकुल. 27 यतकि बंदी इक कळोद अदकि जो दोष आऊन मा हचकु आग्याव, अवरी स्पष्ट रीतिदेल ईला हेळोद, नानी बेकार जान्सकु बळितद.”

## 26

पौलुस उन अग्रपिपा से खुद इन बचाव इन मातगोळ

1 अग्रपिपा पौलुस से अंदुन, “नीनी तान बारा दा माताळोद आग्या आद.” आग पौलुस कय वाळुसकु उत्तर कोळली कुरतुन:

2 “हे राजा अग्रपिपा, यास मातगोळद यहूदी नान मा दोष हचतार, ईद नीन मुंद आंदुरद उत्तर कोळोर दा ना तान इक धन्य समसतीन, 3 खास माळकु इदुरसाटी कि नी यहूदीगोळद सप्पा रीति रवाजगोळी अदकि झगळागोळी जान्सत्या. इदुरसाटी ना वनिती माळतीन, धीरज देल नांद केळ.”

4 “नान चाल चलन सूरवात टु तान लॉकुर न्याइया अदकि यरूशलेम दा ह्यांग ईरोद, अद सप्पा यहूदी जान्सतार. 5 आंदुर नानी हापाळ समय टु अरूतार अदकि अगर आंदुर चाहासतदार रा ई मात इन गवाही कोळ सकतार कि ना तान रीति इन सब से कट्टर फरीसी समुह अन ऊंद सदस्य अन रूप दा जीवन जीऊसीन. 6 अदकि ईग आ वादा दा आशा अन कारण जो परमेश्वर नाम आप्प दादागोळ से माळीदुन, नान मा मुकदमा नळेत्याद. 7 अदा वादा अन पुरा आगोद आशा हचकु, नाम हन्नेळ गोत्र तान पुरा मन देल ईळ्लक-हागुल परमेश्वर उन स्यावा माळतेला बंदार. हे राजा, ईदा आशा अन बारा दा यहूदी नान मा दोष हचतार. 8 याग कि परमेश्वर सोत्तुरी जतिता माळ्यान, रा नीम मान्या ईद मात येती वशिवास इन योग्य समसालुर?” 9 “ना भी खुद वचिर माळ तोगीन कि यीशु नासरी इन हेसुर इन वरिध दा ना हापाळ येनारा माळाईन. 10 अदकि ना यरूशलेम दा हगि अच माळदीन; अदकि प्रधान याजकगोळ से अधिकार ताकोमकु हापाळ सा पवतिर लॉकुरी बंदीगूह दा हाकदीन, अदकि याग आंदुर कोंदकु आगतोगोर रा ना भी आंदुरद वरिध दा



तान सम्मती कोळतोगीन. 11 हर यहूदी सभागृह दा ना आंदरी हापाळ अनली सजा कोळसुसकु यीशु उन माकळोद वशिवास इक नकार माळली हेळ तोगीन, आंदुर प्रती नान सट्टि यक्कुल ईरोद का आंदरी सतुसोर साटी ईल ताका का ना वदिशी नगरगोळ दा भी होदीन.

पौलुस उन मन परविरतन इन वर्णन  
(प्रेरतिगोळ ९:१-१९; २२:६-१६)

12 “ईदा उद्देश इक हुडुकु ना प्रधान याजकगोळ से अधिकार अदकि आग्या-चट्टी ताकोमकु दमशिक इक होगीन; 13 रा हे राजा, हादी दा मदणी इन समय ना आकाश टु सुर्य अन तेज से भी वाळुसकु ऊंद ज्योतति, तान अदकि तान सांगुळ नळावाळेरद नाकु दी चमकुसतेला नोळदीन. 14 याग नाव सप्पा जागा मा बदिदेव, रा ना इब्रानी भाषा दा, नान से ईद अनतेला ऊंद शब्द केळदीन, ‘हे शाऊल, हे शाऊल, नी नानी येती सतुसत्या? नी हगि माळकु तान तान इक का दुख कोळेत्या ह्यांग वस्ता तान ल्यात तुतारी इन आरू मा होडेत्याद.’ 15 ना अंदीन, ‘हे प्रभु, नी याव हुय?’ प्रभु अंदुन, ‘ना यीशु हुईन, यारी नी सतुसत्या. 16 लेकीन नी येळ, तान कालगोळ मा नदिर; यतकी ना नीनी इदुरसाटी दर्शन कोटीन का नीनी आ मातगोळद भी सेवक अदकि गवाह ठहरूसार्ईन, जो नी ईद नोळ्या, अदकि अदुर साटी भी जो ना नीनी भवषिय दा हेळाईन. 17 अदकि ना नीनी नीन लाँकुर यहूदीगोळ से अदकि गैरयहूदीगोळ से बळिसार्ईन, यार हात्ती ना ईग नीनी कळाईन 18 का नी आंदुरद कण्णगोळी तेरद्या का आंदुर अंधकार देल ज्योतति दी, अदकि शैतान इन अधिकार देल परमेश्वर उन दी तरिगुल; का आंदुरद वशिवास इन द्वारा जो नान मा आद आंदुर आंदुरद पापगोळद माफ अदकि परमेश्वर उन नविळुसद लाँकुर सांगुळ पवतिर स्थान हासलि माळ्यार.’

पौलुस उन तान क्यालसागोळ बारा दा हेळोद

19 “इदुरसाटी हे राजा अग्रपिपा, ना आ स्वर्गीय दर्शन इन आग्या टालसीदील, 20 लेकीन पयले दमशिक इन, वाक यरूशलेम इन, अदकि आग यहूदिया अन सप्पा द्याश इन ईरावाळेर इक, अदकि गैरयहूदीगोळी समझुसतेला ईत्तीन, का पापगोळ से पश्चाताप माळी अदकि परमेश्वर उन दी तरिगुकु मन तरिगुसोद लायक क्याल्सा माळी. 21 ई मातगोळद कारण यहूदी नानी मंदिर दा हुडुकु कैद दा हाकदुर अदकि कोंद बुळोद कोशशि माळतोगोर. 22 लेकीन परमेश्वर उन सहायता देल ना ईद ताका बन्सकु आईन अदकि स्याणेर धोडडेर सप्पा मुंदुर मुंद ईल नदिरकु गवाही कोळतीन, अदकि आ मातगोळी बटिकु येनु अनालीन जो भवषियवक्तागोळ अदकि मूसा भी अंदुन का आगावाळा आद, 23 का मसीह अक दुख नेगोद बदिदीत, अदकि आवा सब से पयले सोत्तुर दा टु जतिता आगकु, नाम यहूदी लाँकुर दा अदकि गैरयहूदीगोळ दा मुक्ती इन ऊजुळ इन बातणी कोट्टान.”

24 याग पौलुस तान बचाव दा ई मातगोळी माताळोन, रा फेस्तुस धोळ्द शब्द देल चळिलासकु अंदुन, “हे पौलुस, नी यर्र आय. हापाळ अक्कल नीनी यर्र माळबुटाद.”

25 लेकीन पौलुस अंदुन, “हे ग्यानी फेस्तुस, ना यर्र हैलेच, लेकीन सही अदकि सम्सावाळा मातगोळी अनतीन. 26 खुद राजा अग्रपिपा भी ई मातगोळी जानसतान अदकि ना पुरा हमिमत इन सांगुळ ई मातगोळ आऊन से हेळेतीन यतकी ना पक्का जानसतीन की ईऊर दा टु यातोदु मात आंदरी पता हैलेच हगि हैलेच ना हगि इदुरसाटी अनेतीन की ईव मात यातोदारा क्वाना दा होचकोमकु आगीदील. 27 हे राजा अग्रपिपा, येन नी भवष्यवक्तागोळ्द वशिवास माळत्या? हव, ना जानसतीन की नी वशिवास माळत्या.”

28 आग अग्रपिपा पौलुस से अंदुन, “येन नी ईद वचिर माळत्या की ईट सरलता देल अदकि कम समय दा नी नानी मसीह माळ सकत्या?”

29 पौलुस उत्तर कोट्टुन, थ्वाळा समय दा अन या यक्कुल समय दा, “परमेश्वर से नान प्रार्थना आद की ना सर्कि नी हांगा आगेग ह्यांग ना आईन लेकीन सवाय ई शंकलीगोळ्द.”

30 आग राजा, शासक, बरिनीके अदकि आंदुर सांगुळ कुरावाळेर नदिरदुर; 31 अदकि ब्यार्र होगकु आपस दा अनली कुरतुर, “ईव मंळसा हगि रा येनु माळालुन, जो मृत्यु दण्ड या बंदीगृह दा हाक्कु आगोद लायक ईरूल.”

32 अग्रपिपा फेस्तुस से अंदुन, “अगर ईव मंळसा कैसर उक न्याय ईला बेळायदुन, रा बळि सकोन.”

## 27

पौलुस उन रोम दा कळुकु आगोद

1 याग ईद तय आगेत की नाव जहाज द्वारा इटली होदेव, रा आंदुर पौलुस अदकि थ्वाळासा दुसरा बंदीगोळी भी यूलयिस हेसुर ईनव औगुस्तुस उन पलटन इन ऊंद सुबेदार उन कय दा कोट्ट बुदुर. 2 याग ना आसया कषेत्र अन कनारा मा जो ऊंद बंदरगाह ईरोद अल टु होगावाळेर अद्रमुत्तयिमु हेसुर इन नगर इन ऊंद जहाज मा कुरतकु होट्टुर आग मकदिनया अन थसिसलुनीके नगर इन ऊंद अरसिर्खुस हेसुर इन मंळसा नाम सांगुळ ईरोन. 3 दुसरा दनि नाव सैदा नगर दा जहाज टु ईळदेव, अदकि यूलयिस पौलुस मा कृपा माळकु आऊक संगीगोळ अल होग गोदुन की आऊक जो वस्तुगोळ हतताव अदुरद पुरती माळ सकुल. 4 अल टु नाव समुद्र अन हादी देल होट्टेव हवा नाम वरिद्ध दशिा दा ईरोद ई कारण नाव साइप्रस टापू उन बाजु दा टु आगकु होदेव; 5 अदकि कलिकिया अदकि पंफूलया नगर इन हात्तीगोळ्द समुद्र दा टु आग्त लूसया अन्द मूरा नगर दा ईळदेव. 6 अल सेनानायक उक सकिनदरया अन्द ऊंद जहाज इटली होगतेला सकित, अदकि आव नामी अदुर मा येर्रस बुट्टुन.

7 याग नाव हापाळ दनि ताका धीरू-धीरू नळुतेला कठनिई देल कनदिस नगर इन मुंद पोहचुसदेव, रा इदुरसाटी की हवा नामी मुंद वाळुस ईला गोळोद, नाव सलमोने नगर इन मुदु टु आग्त क्रेते टापू उन आड्ड आगतेला नळदेव. 8 अदकि

अदुर कनिरा-कनिरा कठनिई देल नळ्कु सुरक्षति बंदरगाह हेसुर इन ऊंद जागा दा पोहचुसदेव, यल टु लूसिया नगर हात्ती ईरोद.

9 याग नाव हापाळ समय अल बीतुसदेव अदकि जहाज इक मुंद वाळुसोर साटी इदुरसाटी तकलीफ आगोद यतकी उपास इन दनि ईग खतम आगेगीदव. इदुरसाटी पौलुस आंदरी ईद अंदकु समजुसदुन, 10 “हे लाँकुरा, नानी हगि हतंत्याद किईद समुद्र यात्रा हापाळ खतरनाक आदीत, ना सरिफ माल मत्ता अदकि जहाज इन साटी अच उलटा नाम जीवन इन साटी भी.” 11 लेकीन सुबेदार पौलुस उन मातगोळ से यक्कुल जहाज नळसावाळा अदकि जहाज इन मालकि इन मातगोळी वाळुसकु मान्सदुन. 12 ईद बंदरगाह सोळ इन समय कडोद साटी वळ्लीद ईला ईरोद, इदुरसाटी हापाळ मुंदुरद आग सकुल रा फीनक्स पोहचुसोद कोशशि माळोद अच ठान्सदुर अदकि सोळ इन समय अल्या कडोद नशिचय माळदुर. ईद रा करेते अनूद ऊंद बंदरगाह आद जो दक्षणि-पश्चमि अदकि उत्तर पश्चमि येदुदु दशिा अन दी खुल्सतद.

### समुद्र दा तुफान

13 याग थ्वाळा-थ्वाळा दक्षणिी टु हवा बरली हत, रा ईद सम्सकु का नाम योजना पुरा माळ सककेव, लंगर नेगदेव अदकि करेते अन कनिरा टु नळुतेला जहाज इक मुंद वाळुसली हतदेव. 14 लेकीन घळी तमिरु दा जमीन दी टु ऊंद धोळ्द तुफान येळ्त, यदरी उत्तर पूर्व तुफान अंदकु आगतद. 15 याग तुफान जहाज से टकरूसत रा आ जहाज अदुर कारण मुंद ईला वाळुस सकोद, अदकि नाव कोशशि माळोद बटि बुटेव अदकि जहाज इक हवा सांगुळ यात होगोद आत होग गोट्टेव. 16 आग कौदा हेसुर इन ऊंद स्याळदतुसा टापू उन आळ दा वाहुसत-वाहुसत नाव कठनिई देल जहाज इक वश दा माळदेव. 17 बाक जहाज नळसावाळेर अदरी नेगुकु अनेक उपाय माळकु जहाज इक ल्यालमा टु कटदुर, अदकि सुरतसि इन चोरबालु मा टकिसोद अंज्क देल पाल अदकि सामान ईळसकु जहाज इक नीर दा वाहुस गोट्टुर. 18 याग नाव तुफान देल हापाळ ऊफान अदकि धक्कागोळ तनिदेव, रा दुसरा दनि आंदुर जहाज इन माल भीळली हतदुर; 19 अदकि तसिरा दनि आंदुर तान कयगोळ देल जहाज इन साज-सामान भी भीट बुटुर. 20 याग हापाळ दनिगोळ ताका ना सुर्य अदकि तारागोळ कांळ्सीदील अदकि धोळ्द तुफान नळुतेला ईत्त, रा आखरी दा तान ऊळोद सप्पा आशा नाव बटि बुटेव.

21 याग आंदुर हापाळ दनिगोळ ताका उपासा ईतोदुर, रा पौलुस आंदुर न्याड्या नदिरकु अंदुन, “हे लाँकुरा, अगर करेते टु रवाना ईला आगोद नान सलाह नीव मान्स कोमायदीर रा ई वनिाश अदकि नुकसान देल ऊळदोगायदीर. 22 लेकीन ईग ना नीम से वनिती माळतीन का तान हम्मिमत कटकु ईटी, यतकी नीम दा टु यारदु जीव इन हाना आगतीदील, पर सरिफ ईद जहाज नषट आगेदीत. 23 यतकी अंसी इन ईळ्लकी, याता परमेश्वर उन ना हुईन अदकि यारद ना आराधना माळतीन आऊन ऊंद स्वर्गदूत नान हात्ती बंदुन, 24 अदकि अंदुन हे पौलुस, अंजबाळ! नीनी कैसर उन मुंद नदिरोद जरूरी आद. नोळ, परमेश्वर सप्पा मुंदुरी जो नीन सांगुळ यात्रा माळेत्यार, आंदुर भी जीवन नीन

सांगुळ आदः<sup>25</sup> इदुरसाटी, हे लॉकुरा, हमिमत ईटी; यतकी ना परमेश्वर उन वशिवास माळतीन, क हिंयांग आव नान से अंदान, हांग अच आदीत.<sup>26</sup> लेकीन नामी यातोदारा टापू मा होगकु टकिसोद बदिदीत.”

<sup>27</sup> याग चौदावा ईळलक वत्त, अदकि नाव भूमध्य समुद्र दा भटकूसतेला टेटाळेव, रा आर्धा ईळलक इन हात्ती जहाज नळसावाळेर अनुमान हचकु जान्सदुर क नाव यातोदारा जमीन इन हात्ती पोहचुसेतेव.<sup>28</sup> नीर इन गहराई अन अंदाज ताकोंडुर मा ऊंद सौ ईपुपत फूट इन गहराई ईरोद, अदकि थ्वाळा मुंद वाळुसकु बाक गहराई अन अंदाज ताकोंडुर रा नब्बे फूट गहराई ईरोद.<sup>29</sup> आग कल्ल इन जागागोळ देल टकूसोद अंजक देल आंदुर जहाज इन हदिळोद भाग दा नाक लंगर हाकदुर, अदकि व्हातुर आगोद प्रार्थना माळोर.<sup>30</sup> लेकीन याग जहाज नळसावाळेर जहाज मा टु ओळोद कोशशि माळोर, अदकि गली टु लंगर हाककोद बहाना देल जहाज समुद्र दा ईळस बुटुर;<sup>31</sup> लेकीन पौलुस सूबेदार अदकि सैनिकिगोळ से अंदुन, “अगर ईदुर जहाज मा ईतीदील, रा नीव भी ऊळु सकालीर.”<sup>32</sup> आग सैनिकिगोळ जाळी कडुकु जहाज समुद्र दा होग गोट्टुर.

<sup>33</sup> याग व्हातुर आगदुर मा ईरोद, आग पौलुस ईद अनकु, सप्पा मुंदरी ऊममोर साटी वनिती माळदुन, “ईद चौदा दनि आदव क नीव हादी काईत काईत उपास ईतीर, अदकि येनु तंददील.<sup>34</sup> ना इदुरसाटी नीमी तनोर साटी वनिती माळेतीन क नीम जत्तिता ईरोरसाटी जरूरी आद; यतकी नीम दा टु यारदु ताल्ला अनद ऊंद चुट्टी भी बळिबाळुल.”<sup>35</sup> ईद अनकु आव रोट्टी हुडुकु सप्पा मुंदुर मुंद परमेश्वर उन धन्यवाद माळदुन अदकि मूरुकु तनिली कुरतुन.<sup>36</sup> आग आंदुर सप्पा मुंदुर भी हमिमत कटकु ऊमली कुरतुर.<sup>37</sup> नाव सप्पा मलिसकु जहाज मा येढ्ढ सौ छयात्तर मुंदुर ईरेव.<sup>38</sup> याग आंदुर ऊंडकु संतुष्ट आदुर, रा गोदी इक समुद्र दा भटिकु जहाज इक हल्का माळली कुरतुर.

### जहाज इन बरबादी

<sup>39</sup> याग व्हातुर आत रा आंदुर आ द्याश इक अरतीदलि, लेकीन ऊंद खाळी इन कनारा काळसत, अदकि वचिर माळदुर क अगर आग सकुल रा इदुर मा जहाज इक टेकसेव.<sup>40</sup> आग आंदुर लंगरगोळी खोलसकु समुद्र दा बटि बुटुर अदकि अदा समय जाळीगोळ्द बंधन खोलस बुटुर, अदकि जहाज इन मुंद मुंदळोद पाल येर्सकु कनारा दी होटोदुर.<sup>41</sup> लेकीन येढ्ढ समुद्र अन संगम इन जागा हुडुकु आंदुर जहाज इक टेक्सदुर, अदकि जहाज इन मुंदळोद हसिसा धक्का तनिकु नट्टोत अदकि आलगाळ सकदील; लेकीन हदिळोद लयरगोळ्द बल देल मुरली हत.

<sup>42</sup> आग सैनिकिगोळ ईद वचिर आत क बंदीगोळी कोद बुटेव, हगि आगबाळुल क यावारा तैरूसकु ओळेगुल.<sup>43</sup> लेकीन सूबेदार पौलुस उक सुरक्षति माळोद इच्छा देल आंदरी ईद वचिर देल रोकसदुन अदकि उल्टा ईद आग्या कोट्टुन, क जो तैरूस सकतार, पयले हारकु कनारा मा होट बुळुल;<sup>44</sup> अदकि बाकी यारारा पट्टीगोळ मा, अदकि यावारा जहाज इन मुर्द तुकळा

गोळ्द सहारा देल होट बुळ्दुल. ईद रीता देल सप्पा मुंदुर कनिरा मा सुरक्षति ऊळ्दकु होट्टुर.

## 28

माल्टा टापू दा पौलुस

1 याग नाव कनिरा मा सुरक्षति पोहचुसदेव, आग पता नळ्दुत कर् ईद टापू उक माल्टा अंदकु आगतद. 2 अलेर नवासीगोळ नाम मा अनोखा कृपा माळदुर; यतकी माळ बरोद कारण सोळ इन ईरोद, इदुरसाटी आंदुर बेक्की होत्ताकु नाम सप्पा मुंदुरद स्वागत माळदुर. 3 याग पौलुस वंळगेव हुळ्लीगोळ्द गट्टा सकलुसकु बेक्की मा ईटदुन, रा ऊंद हाव बेक्की इन आच देल होळ्दुत अदकि आऊन कय इक गुणसेत. 4 याग आ नवासीगोळ हाव इक आऊन कय इक गुंडस्कु नोळदुर, रा आपस दा अंदुर, “सचमुच ईव मंळसा हत्यारा आन लेकीन ईऊन कसिमत वळ्लेव आव जो समुद्र दा ऊळदोदुन, तरी भी न्याय जीवति ईर गोटीदील.” 5 आग आव हाव इक बेक्की दा झटकुस बुटुन, अदकि पौलुस उक येनु हानि भी पोहचुसीदील. 6 लेकीन आंदुर हादी कायतोगोर कर् आव बातोदान या एकाएक बदिकु सोतोदान, लेकीन याग आंदुर हापाळ होत ताका नोळ्दुत ईत्तुर अदकि नोळ्दुत आऊक असाधारण रूप दा भी येनु आगदील, रा तान वचिर बदलुस्कु अनली हतदुर, “ईव रा यावारा देवता हुन.”

7 आ जागा अन आसपास आ टापू उन प्रधान अधिकारी पुबल्युस उन जागा ईरोद. आव नामी तान मान्या ओतकु नाम स्वागत माळदुन मुर दनि संगीभाव देल पाऊनचार माळदुन. 8 पुबल्युस उन आप्प मय देल अदकि आव खुन देल रोगी बदिकु ईरोन. इदुरसाटी पौलुस आऊन हात्ती मान्या होंगकु प्रार्थना माळदुन अदकि आऊन मा कय ईटकु आऊक चंगा माळदुन. 9 याग हगि आत रा आ टापू उन बाकी बमिर बंदुर अदकि चंगा माळकु आदुर. 10 आंदुर नाम्द हर प्रकार देल आदर माळदुर, अदकि याग नाव होगली कुरतेव रा जो येनारा नाम साटी जरूरी ईरोद, जहाज मा ईट बुटुर.

माल्टा टापू टु रोम दी

11 मुर तगिळ इन बाद्दा नाव सकिन्दरया अनूद ऊंद जहाज मा येरदेव, अदकि ई जहाज ईदा टापू दा सोळ इन दनिगोळ कारण ईल्या रूक्सकु ईरोद, आ जहाज इक जुळ्वा ईश्वर अंदकु आगोद. 12 नाव सुरकुसा दा पोहचुसदेव अदकि मुर दनि ताका अल्या ईत्तेव. 13 अल टु नाव खाना आगकु रेगयुम नगर दा बंदेव; अदकि दुसरा दशी दक्षणि टु हवा नळ्दुत, अदकि नाव दुसरा दशी पुतयिली नगर दा बंदेव. 14 अल नामी वशिवासी वार्दुर सकिदुर, अदकि आंदुर कहना देल नाव आंदुर अल येळ दनि ताका ईत्तेव; अदकि ई रीता देल नाव रोम इक होटोदेव. 15 याग रोम इन वशिवासी वार्दुर इक नाम सुचना सकित रा अप्पयुस इन सात्ता अदकि मुर-सराए ताका नाम से मुलाकात माळली बंदुर, यारी नोळ्दुत पौलुस परमेश्वर उन धन्यवाद माळदुन अदकि प्रोत्साहति आदुन.

रोम दा पौलुस

16 याग नाव रोम दा पोहचुसदेव, रा पौलुस उक ऊंद सैनकि उन सांगुळ जो आऊन रखवाली माळतोगोन, आबना ईरोद आग्या सकिकेत.

17 मुर दनि इन बाददा आव यहूदीगोळ्द प्रमुख लॉकुरी कारदुन, अदकि याग आंदुर जमा आदुर रा आंदुर से अंदुन, “हे वारटुरा, ना तान लॉकुरा या आप्प दादागोळ व्यवहारगोळ्द वरिध दा येनु अच माळीदील, तरी नानी बंदी माळकु यरूशलेम टु रोमीगोळ्द कय दा कोटकु आत. 18 आंदुर नान जाँच माळदुर अदकि नानी बटि बुळोद चाहासदुर, यतकी नान दा मृत्यु उन योग्य येनु दोष ईला ईरोद. 19 लेकीन याग यहूदी ईदुरद वरिध दा माताळली कुरतुर, रा नानी कैसर से न्याय बेळोद प्रार्थना माळोद बतित: इदुरसाटी ईला की नानी तान लॉकुर मा येनारा दोष हचोद ईरोद. 20 इदुरसाटी ना नीमी कारदनि की नीम से मल्लिसाईन अदकि मातचीत हेळाईन; यतकी आ मळसा अन साटी ना ई शंकली देल जकळुसकु आईन यार्द इस्त्राएल इन लॉकुर आशा माळतोगोर.”

21 आंदुर आऊन से अंदुर, “ना नामी नीन बारा दा यहूदीगोळ से चट्टी गोळ सकिदव, अदकि ना वारटुर दा टु यावारा बंदकु नीन बारा दा येनारा हेळदुर अदकि ना बुरा अंदुर. 22 लेकीन नीन वचिर येन आद? अदा नाव नीन से केळोद चाहासतेव, यतकी नाव जानसतेव कीनी याता समुह टु बरत्या अद समुह अन वरिध सप्पा दी लॉकुर माळतार.”

23 आग आंदुर आऊन साटी ऊंद दनि ठहरूसदुर, अदकि हापाळ सा लॉकुर जमा आदुर, अदकि आव परमेश्वर उन राज्य अन गवाही कोळतेला, अदकि मूसा अन व्यवस्था अदकि भवषियवक्तागोळ्द कतिबगोळ देल यीशु उन बारा दा समझुस समझुसकु वहातर्या टु द्यावगा ताका वर्णन माळतेला ईत्तुन. 24 आग थ्वाळासा लॉकुर आ मातगोळी मान्स कोडुर, अदकि थ्वाळासा लॉकुर वशिवास माळीदील. 25 बाक आंदुर आपस दा आबुर दाबुर देल असयमत आगतेला आंदुर अल टु होग कुरतुर, आग पौलुस ईद ऊंद मात अंदुन अदकि यशायाह भवषियवक्ता अन द्वारा पवतिर आत्मा नीम आप्प दादागोळ से याट सही अंदीत, 26 यतकी आव अंदुन,

होगकु ई लॉकुर से अन,

कीनीव केळीर, लेकीन समसतदील,

अदकि नीव नोळतेला अच ईत्तीर, लेकीन नीमी काळसतदील;

27 यतकी ई लॉकुरद मन कठोर अदकि आंदुर तान कवि बंद माळ बुटार,

अदकि आंदुर कण्णगोळ बंद आगेग्याव,

हगि आगबाळुल की आंदुर यागलु कण्णगोळ देल नोळुल अदकि कविगोळ देल केळुल

अदकि मन देल समसुल अदकि नान दी तरिगुल,

अदकि ना आंदरी चंगा माळाईन.

28 अदकि पौलुस ई मात देल ईदुरद समापन माळदुन की “नीमी जान्स कोम पायजे की परमेश्वर उन ई उद्धार इन बातणी गैरयहूदीगोळ हात्ती कळुकु

आगोग्याद, आंदुर ईदरी केळ्यार.” 29 \* याग आव ईद अंदुन रा यहूदी आपस दा हापाळ झगळा माळली कुरतुर अदकि अल टु होटोदुर.

30 पौलुस पुरा येद्व वरष तान करिया अन मान्या ईत्तुन, अदकि जो आऊन हात्ती आऊन से मुलाकात माळली बरतोगोर, आ सप्पा मुंदुर्द स्वागत माळ्त ईत्तुन. 31 अदकि पुरा स्वतंत्रता अदकि हमिमत इन सांगुळ परमेश्वर उन राज्य अन्द प्रचार माळोन अदकि प्रभु यीशु मसीह अन बारा दा कल्सतेला ईत्तुन.

---

\* 28:29 २८:२९ येनारा हस्तलेख दा ईद वचन सकाल्द

## रोमियों के नाम पौलुस प्रेरति की पत्री रोमियों अन्द हेसुर पौलुस प्रेरति उन चट्ठी परचिय

रोमियों अन्द कतिब आग सकतद प्रेरति पौलुस ५४-५८ वर्षगोळ बीच दा यीशु मसीह अन्द जनम इन बाद्दा लखिसकु आगीत. पौलुस ईगासताका रोमियोंगोळ्द दवरा ईला ताकोंडीदुन, इदुरसाटी आंदुर ईद चट्ठी रोम दा ईसाईगोळी नरिदेश कोळोर साटी कळुदुर, येढ्हु यहुदी अदकि गैरयहुदी. आंदुर कुरूनथियों शयर टु चट्ठी लखिसीदुर, येल आंदुर आ समय ईरतोगोर. पौलुस लखिसदुन कसिप्पा राष्ट्र यीशु मसीह १६:२६ मा वशिवास अदकि पालन माळ सकुल.

रोमियोंगोळ्द कतिब हर जागी अदकि हर समय ईसाईगोळ साटी ऊंद खास कतिब आद यतकी पौलुस आसान रूप देल अदकि वळ्लीद तरीका देल समझुसतान कानाव यीशु मसीह अन्द उद्धार इन बारा दा हेळ सकतार. पौलुस यीशु मसीह अन्द खुशखबरी इक हाळोद नयिम देल भी जोळ्सदुन. हापाळ ग्यानी लॉकुरद तर्क आद कि कतिब दा सब से खास कविता १:१६ आद जो अनतद, “नानी खुशखबरी देल येनु शरम हैलेच, यतकी ईद सप्पा मुंदुरद उद्धार इन साटी परमेश्वर उन ताकत हुन, पयले यहुदीगोळ साटी बाक गैरयहुदीगोळ साटी जो हगि मान्सतार.” रोमियोंगोळ्द पयला भाग रोमियों १-१२ गयरा न्यायशास्त्र आद अदकि दुसरा भाग १३-१५ दा ईसाई जीवन इन साटी हापाळ व्यावहारकि नरिदेश आव.

रूप-रेखा

१. पौलुस साधारण रूप देल तान पयचान कोळतेला तान चट्ठी अन्द सुरूवात माळतान अदकि अनतान कि आव यारी लखिसेतयान १:१-१५
२. इदुर बाद्दा आव यीशु मसीह अन्द जरीया देल मंळसा जाती अन्द सृष्टि अदकि संभावति उद्धार इन बारा दा लखिसतान १:१६-११:३६
३. इदुर बाद्दा पौलुस ईसाई जीवन जीऊसोर साटी हापाळ व्यावहारकि नरिदेश कोळतान १२:१-१५:१३
४. आव रोम इन अध्याय १६ दा मंडली अन्द लॉकुरी हापाळ शुभकामना कोटक रोमियों अन्द कतिब इक खतम माळतान.

1 पौलुस उन दी टु जो यीशु मसीह अन दास आन, अदकि यारी परमेश्वर प्रेरति आगोर साटी कारस्थान, अदकि परमेश्वर उन आ खुशखबरी इन प्रचार इन साटी अलग माळकु आत. 2 यारी पयले अच संदेश कोळावाळेर्द द्वारा प्रतग्या माळकु आत, ह्यांग पवत्रिशास्त्र दा लखिसकु आग्याद. 3 अद आऊन पार उन बारा दा हुन; आव मय इन भाव देल रा दाऊद उन वंश देल पैदा आदुन. 4 अदकि पवत्रिता अन आत्मा अन भाव देल सोत्तुर दा टु जित्ता आगोद कारण सामर्थ्य अन सांगुळ परमेश्वर उन पार ठहरूसकु आदुन; आव



यीशु मसीह नाम प्रभु हुन. <sup>5</sup> आऊंदा द्वारा परमेश्वर नामी अनुग्रह कोट्टुन कि प्रेरिताई सकिल, ताकी सप्पा गैरयहूदी लॉकुर आऊन हेसुर मा वशिवास माळुल अदकि आगया अन पालन माळुल. <sup>6</sup> इदुर दा नीव भी शामलि आईर जो रोम दा ईरतीर, यारी परमेश्वर यीशु मसीह नोर आगोर साटी कारस्यान. <sup>7</sup> आ सप्पा मुंदुर हेसुर ना लखिसतीन जो रोम दा परमेश्वर उन प्रयि आर, अदकि आंदरी परमेश्वर तान लॉकुर आगोर साटी कारस्यान. नाम आपप परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

### धन्यवाद इन प्रार्थना

<sup>8</sup> पयले ना नीम सप्पा मुंदुर साटी यीशु मसीह अन द्वारा तान परमेश्वर उन धन्यवाद माळतीन, यतकी नीम वशिवास इन बारा दा पुरा दुनया दा चर्चा आगेत्याद. <sup>9</sup> परमेश्वर यार्द स्यावा ना तान आत्मा देल आऊन पार उन खुशखबरी इन बारा दा माळतीन, आवा नान गवाह आन कि ना नीमी याता प्रकार लगातार याद माळत ईरतीन, <sup>10</sup> अदकि लगातार तान प्रार्थनागोळ दा ना हमेशा अच वनिती माळतीन कि यातोदारा रीत देल ईग नीम हाती बरोद नान यात्रा परमेश्वर उन इच्छा देल सफल आगुल. <sup>11</sup> यतकी ना नीम से मलिसोद इच्छा हापाळ ईटतीन कि नीम सांगुळ आत्मकि आशीषगोळ वाट्स सकाईन यदुर देल नीमी सामर्थ्य सकिल; <sup>12</sup> मतलब ईद कियोग ना नीम बीच दा आगाईन, रा नामी आ वशिवास इन द्वारा जो नान दा अदकि नीम दा आद, आबुर दाबुर से प्रोत्साहन सकिल. <sup>13</sup> हे वारटुरा अदकि आकतींगेरा, ना घळी घळी नीम हाती बरोद चाहासदीन, कि ह्यांग नानी गैरयहूदीगोळ दा वहासा वशिवासीगोळद काय सकित, हांग अच नीम दा भी सकिल, लेकीन ईगासताका रूकावटगोळ बंदव. <sup>14</sup> ना सप्पा लॉकुरद कर्जदार आईन यूनानीगोळद अदकि गैर यूनानीगोळद, कलतकु अदकि अशक्तिगोळद. <sup>15</sup> इदुरसाटी ना नीमी भी जो रोम नगर दा ईरतीर, खुशखबरी केळसोर साटी हापाळ उत्साहीत आईन.

### खुशखबरी इन सामर्थ्य

<sup>16</sup> यतकी ना खुशखबरी देल नाचालीन, इदुरसाटी कि अद हर ऊंद वशिवास माळावाळा अन साटी, पयले रा यहूदी बाक गैरयहूदी, यतकी ईद उद्धार तरावाळा परमेश्वर उन सामर्थ्य हुन. <sup>17</sup> यतकी खुशखबरी ईद प्रगट माळतद कि परमेश्वर मंळसागोळी तान प्रती सही ह्यांग माळतान ईद सूरवात टु आखरी ताका वशिवास इन द्वारा अच आद. ह्यांग कि शास्त्र दा लखिसकु आद, “जो मंळसा परमेश्वर उन सांगुळ न्यायी आन आव वशिवास इन द्वारा जत्तिता ईत्तान.”

### मंळसा जाती इन पाप

<sup>18</sup> परमेश्वर उन सट्टि रा आ लॉकुरद पाप अदकि बुराई मा स्वर्ग टु प्रगट आगतद, जो सत्य अक बुराई देल वोतकु ईटतार. <sup>19</sup> इदुरसाटी कि परमेश्वर उन ग्यान आंदुरद मनगोळ दा प्रगट आद, यतकी परमेश्वर आंदुर मा प्रगट माळ्यान. <sup>20</sup> यागी टु परमेश्वर दुनया अन्द रचना माळदुन आगी टु आऊन

अदृश्य विशेषतागोळ, मतलब अनन्त ताकत अदकि आऊन दैविक स्वभाव आ वस्तुगोळ दा जो परमेश्वर रच्यान पुरा रीत दिल साफ कांळसकु बळितद. इदुरसाटी आ लांकुर हात्ती येनु बहाना हैलेच. <sup>21</sup> यतकी आंदुर परमेश्वर उक अरूतार लेकीन जो आऊन सम्मान आद अद आऊक कोळालुर अदकि ना धन्यवाद माळतार. लेकीन आऊन जागा आंदुर वचार पुरा रीत दिल नरिथक आग्याव अदकि आंदुरव खाली दमाक अंधार देल तुम्मेग्याव. <sup>22</sup> आंदुर तान तान इक बुद्धमिान समसतार लेकीन मूरख आर, <sup>23</sup> अदकि अवनिशी परमेश्वर उन महिमा अक नाशवान मंळसागोळ, पक्षीगोळ, नाक कालवाळा जनावरगोळ, अदकि रेंगसावाळा कळिगोळ मूर्ति इन समानता दा आंदुर बदलुस बुदुर. <sup>24</sup> ई कारण परमेश्वर आंदरी आंदुर मन इन अभलिषागोळ अनुसार अशुध्दता अन साटी बटिट बुदुन कर् आंदुर आपस दा तान शरीर इन अनादर माळुल. <sup>25</sup> यतकी आंदुर परमेश्वर उन सच्चाई अक बदलुसकु ख्वाटा माळ बुदुर, अदकि परमेश्वर उन बदला दुनिया अन उपासना अदकि स्यावा माळदुर यदरी आव घळुस्यान, ना कर् आ माळावाळा अन्द जो हमेशा धन्य आन! आमीन. <sup>26</sup> इदुरसाटी परमेश्वर आंदरी नीच वासनागोळ कय दा सोप्स बुट्टुन; ईल ताका कर् आंदुर आर्तेर स्वाभावकि यौन संबंधगोळ बदला असवभावकि यौन संबंध ईटली कुरतुर. <sup>27</sup> हांग अच गंळसुर भी आर्तेर सांगुळ स्वाभावकि व्यवहार बटिकु आपस दा कामातुर आगकु होतली हतदुर, अदकि गंळसुर दुसरा गंळसुर सांगुळ नरिलज क्याल्सा माळकु तान गलत कर्मगोळद सजा ताकोडुर. <sup>28</sup> याग आंदुर परमेश्वर उक अरोद चाहासीदील, रा परमेश्वर भी आंदरी आंदुरद भ्रष्ट मन मा बटि बुट्टुन कर् आंदुर अनुचति क्याल्सा माळली हतुल जो ईला माळ पाहीजे होता. <sup>29</sup> इदुरसाटी आंदुर सप्पा प्रकार इन अन्याय, दुष्टता, लोभ, अदकि अनैतिकता देल तुम्मेग्यार; अदकि आंदुर जलन, हत्या, अदकि झगळा, छल कपट, अदकि बुराईगोळ देल तुम्मेदुर, अदकि चुगलीखोर आगेदुर, <sup>30</sup> अदकि आबुर दाबुर बुराई माळावाळेर, परमेश्वर उन अपमान माळावाळेर, अदकि अय्यासी माळावाळेर, घमण्डी अदकि अहंकारी, अदकि बुराई माळोर साटी अनेक हादी दुंदसावाळेर, अदकि मोय आप्पुर्द आग्या ईला मानसावाळेर बन्सतार, <sup>31</sup> आंदुर मन इन कमजोर, अदकि तान कोळद वचन मुरावाळेर, अदकि आबुर दाबुरद प्रती नरिदयी आगेग्यार. <sup>32</sup> आंदुर जान्सतार कर् परमेश्वर उन व्यवस्था येन अनतद जो लांकुर ई हादी मा नळुतार आंदुर मृत्यु दण्ड इन लायक आर, तरी भी ई लांकुर ना सरिफ आ क्याल्सागोळी माळतार उलटा हांग माळावाळेर इक साथ भी कोळतार.

## 2

परमेश्वर उन न्याय

1 इदुरसाटी हे दोष हचावाळा, नी यावारा येती आगबाळुल, नी नरित्तार आय; यतकी याता मात दा नी दुसरा मा दोष हचत्या अदा मात दा तान तान इक भी दोषी ठहूसत्या, इदुरसाटी कर्नी जो दोष हचत्या खुद अच अद

क्याल्सा माळत्या. <sup>2</sup> यतकी नाव जान्सतेव की जो लॉकुर हगि क्याल्सा माळतार, परमेश्वर आदुरद सच्चाई देल न्याय माळतान. <sup>3</sup> लेकीन हे मंळसा, नी जो हगि-हगि क्याल्सा माळावाळेर मा दोष हचत्या अदकि खुद अच अव क्याल्सा माळत्या; येन ईद समसत्या की नी परमेश्वर उन न्याय देल ऊळदोद्या? <sup>4</sup> येन नी आऊन महान दया, अदकि शहनशीलता, अदकि धीरज इक तुच्छ जान्सत्या? येन नी सही दा ईद समसाल की परमेश्वर उन दया नीनी मन फराव दी ओयतद? <sup>5</sup> लेकीन नी तान कठोरता अदकि जीददी मन इन कारण आ दनि इन साटी, जो दनि परमेश्वर उन सट्टि अदकि खरा न्याय प्रगट आदीत, नी तान साटी दण्ड तयार माळेत्या. <sup>6</sup> परमेश्वर नाम सप्पा मुंदुरी तान कर्मगोळ्द हिसाब देल प्रतफल कोट्टान: <sup>7</sup> जो लॉकुर वळ्लीद क्याल्सा दा हतकु ईरतार परमेश्वर उन दी टु सीकतद महामि, आदर, अदकि अमरता अन खोज दा आर, आंदरी परमेश्वर अनन्त जीवन कोट्टान; <sup>8</sup> लेकीन जो लॉकुर मतलबी आर अदकि जो सच्चाई इक स्वीकार माळतार. ताकी बुरा क्याल्सा माळ सकुल ईत्ता लॉकुर मा परमेश्वर तान सट्टि अदकि प्रकोप पलटुस्यान. <sup>9</sup> दुख अदकि परेशानी हर ऊंद मंळसा मा जो बुराई माळतान बंदीत, पयले यहूदी मा बाक गैरयहूदीगोळ मा; <sup>10</sup> लेकीन परमेश्वर जो वळ्लेव क्याल्सा माळतार आंदरी महामि, आदर अदकि शांती प्रदान माळ्यान, पयले यहूदीगोळ इक बाक गैरयहूदीगोळ इक. <sup>11</sup> यतकी परमेश्वर बनिा पक्षपात देल सप्पा मुंदुरद न्याय माळतान.

<sup>12</sup> गैरयहूदीगोळ हात्ती मूसा अन्द व्यवस्था हैलेच अदकि आंदुरद न्याय भी बनिा व्यवस्था देल आदीत, यहूदीगोळ हात्ती मूसा अन्द व्यवस्था आद अदकि आंदुरव माळदव पापगोळ न्याय व्यवस्था अन अनुसार अच आदीत. <sup>13</sup> यतकी परमेश्वर उन मान्या व्यवस्था अक केळावाळेर न्यायी हैलेच, लेकीन व्यवस्था मा नळावाळेर न्यायी ठहरसकु आदार. <sup>14</sup> गैरयहूदी लॉकुर यार हात्ती व्यवस्था हैलेच, लेकीन आंदुर तान तान दा व्यवस्था मा नळुतार, इदुरसाटी आंदुर तान तान दा अच व्यवस्था आर, जब की आंदुर हात्ती मूसा अन्द व्यवस्था हैलेच. <sup>15</sup> आ लॉकुरद चाल चलन तोरसतद की व्यवस्था आंदुरद दलिगोळ दा लखिसकु आग्याद. अदकि आंदुरव मन भी अनताव की ईदा सत्य हुन, अदकि ईदरी हुडुकु आंदुरव वचार आंदरी यागलु नरिदोष या यागलु अपराधी ठहरसताव; <sup>16</sup> आ दशी परमेश्वर नान प्रचार माळद खुशखबरी इन अनुसार परमेश्वर यीशु मसीह अन द्वारा मंळसागोळ गुप्त वचारगोळ्द न्याय माळ्यान.

### यहूदी अदकि व्यवस्था

<sup>17</sup> अगर नी तान तान इक यहूदी अनत्या, अदकि नीनी तान परमेश्वर मा अभिमान आद, <sup>18</sup> अदकि नीनी मालूम आद की परमेश्वर नीन से येन माळसुसोद चाहासतान अदकि सही मातगोळ इक नविळुसोद नी व्यवस्था देल कलत्या; <sup>19</sup> अदकि तान तान मा भरोसा ईटतान की ना कुदुदगोळव अगुवा, अदकि अंधकार दा बदिक् आर आंदुर ज्योर्ता, <sup>20</sup> मुखगोळ इक नरिदेश कोळावाळा, अदकि भोला मंळसा गोळोव शक्षिक आन. अदकि नी सही आय की जो नयिम

शास्त्र नीन हात्ती आद, अदुरदा पुरा सत्यता अदकि पुरा ग्यान इन समावेश आद. <sup>21</sup> इदुरसाटी येन नी जो दुसरागोळी कल्सत्या, तान तान मा येती लागु माळाल? येन नी जो काळलपन ईला माळोद शक्तिषा कोळत्या, खुद अच काळलपन येती माळत्या? <sup>22</sup> नी जो अनत्या, “व्यभचार ईला माळ पायजे,” रा खुद अच व्यभचार येती माळत्या? नी जो मूर्तीगोळ से घृणा माळत्या, येन खुद अच मंदरिगोळी येती लुटसत्या? <sup>23</sup> नी जो व्यवस्था अन बारा दा घमण्ड माळत्या, रा खुद परमेश्वर उन व्यवस्था ईला मान्सकु परमेश्वर उन अनादर माळत्या? <sup>24</sup> “यतकी नीम कारण गैरयहूदीगोळ दा परमेश्वर उन हेसुर इन अपमान माळकु आगतद,” ह्यांग शास्त्र दा लखिसकु आद.

<sup>25</sup> अगर नी व्यवस्था अन्द पालन माळ्या रा खतना देल लाभ रा आद, लेकीन अगर नीव व्यवस्था अन उल्लंघन माळत्या रा नीद खतना बनिा खतना अन्द दशा ठहूरस्त. <sup>26</sup> इदुरसाटी अगर गैरयहूदी यार्द खतना आगीदील तरी भी व्यवस्था अन्द पालन माळतान रा येन आऊन खतनारहति आगदुर मा भी खतना माळकु आत आळुकु आगतीदील? <sup>27</sup> अदकि खुद यहूदीगोळी गैरयहूदीगोळ द्वारा दोषी ठहूरस्कु आदीत जब की नीम हात्ती लखिसद व्यवस्था अदकि खतना माळकु आगीर लेकीन गैरयहूदी व्यवस्था अन पालन माळतार जब की आंदुरद शारीरकि रूप देल खतना आगीदील. <sup>28</sup> ऊंद खरा यहूदी यार्द सही दा खतना आग्याद, आव याव हुन? खरा यहूदी आव आलच जो सर्फि बाहरी रूप देल यहूदी आन, यार्द खतना सर्फि शारीरकि आद. <sup>29</sup> लेकीन खरा यहूदी आवा हुन जो बुळक टु यहूदी आन; यार्द दलि देल खतना आग्याद अदकि ईद परमेश्वर उन आत्मा अन्द क्याल्सा हुन, ना कलिखिसद व्यवस्था अन्द. ईत्ता मंळसा परमेश्वर उन दी टु प्रशंसा पाऊस्यान ना कि मंळसा अन दी टु.

### 3

<sup>1</sup> इदुरसाटी गैरयहूदीगोळ मुंद नीमद यहूदी आगोद येन फायदा? अदकि नीमद खतना अन्द येन लाभ? <sup>2</sup> सप्पा प्रकार देल हापाळ लाभ आद. पयले रा ईद कि परमेश्वर उन वचन यहूदीगोळी कोटकु आग्याव. <sup>3</sup> अगर येनारा यहूदी वशिवासघाती होट्टुर भी रा येन आत? येन आंदुर वशिवासघाती आगदुर देल परमेश्वर उन सच्चाई बेकार ठहूरसीत? <sup>4</sup> यागलु ईला! लेकीन परमेश्वर खरा आन अदकि हर ऊंद मंळसा ख्वाटा ठहूरस सकतान, ह्यांग शास्त्र दा लखिसकु आद, “याग नी खुद इन वचाव दा माताळ्या आग नी सही ठहूरस्या अदकि न्याय माळावती नीनी जीत प्राप्त आदीत.” <sup>5</sup> इदुरसाटी अगर नाम गलत क्याल्सा परमेश्वर उक सही ठहूरस बुळतद, रा नाव येन अदेव? येन ईद कि परमेश्वर जो दण्ड कोळतान गलत माळतान? ईद रा ना साधारण सवाल केळीतीन. <sup>6</sup> यागलु ईला! ईदारा परमेश्वर ह्यांग दुनिया अन न्याय माळ्यान? <sup>7</sup> अगर नान झुठ इन कारण परमेश्वर उन सच्चाई आऊन महिमा अन साटी, यक्कुल माळकु प्रगट आत रा बाक येती पापी अन घाई ना दण्ड इन साटी ठहूरस्कु आगतीन? <sup>8</sup> “नाव येती बुराई माळेव कि भलाई होळुल?” ह्यांग नाम

मा ईदा दोष हचकु भी आगतद, अदकि येनारा अनतार कि इंदुरद ईदा अनोद आद. लेकीन ईततोरी दोषी ठहरूसोद ठीक आद.

याऊ न्यायी हैलेच

9 रा बाक येन आत? येन नाव यहूदी आ गैरयहूदीगोळ से वळ्लेर आयेव? यागलु ईला; यतकी नाव यहूदीगोळ अदकि गैरयहूदीगोळ येदुदु मा ईद दोष हच कोंडेव कि आंदुर सप्पा च्या सप्पा पाप इन वश दा आर. 10 ह्यांग शास्त्र दा लखिसकु आद:

“याऊ न्यायी हैलेच, ऊंद भी हैलेच.

11 याऊ समझदार हैलेच;

याऊ परमेश्वर उक ढुंडसावाळा हैलेच.

12 सप्पा परमेश्वर उन से भटकुसेग्यार, सप्पा च्या सप्पा नकिम्मा बनसेग्यार;

याऊ भलाई माळावाळा हैलेच, ऊंद भी हैलेच.

13 आंदुरद कृतक्या खुलसद कबर हुन,

आंदुर तान लयालग्यागोळ देल छल माळ्यार,

आंदुरद टुट्टीगोळ दा हावगोळ्द जहर आद.

14 आंदुरद बाय श्राप अदकि कळवाहट देल तुमकु आद.

15 आंदुर काल खुन वाहुस्ली फुरतीला आव,

16 आंदुर हादीगोळ मा नाश अदकि क्लेश आद,

17 आंदुर शांती इन हादी अरालुर.

18 \*आंदुरद कण्णगोळ मुंद परमेश्वर उन

अंजक हैलेच.”

19 नाव जानसतेव कि व्यवस्था जो येनारा अनतद आंदुर से अच अनतद, जो व्यवस्था अन हात्ती आर; इदुरसाटी किहर ऊंद बाय बंद माळकु आगुल अदकि पुरा दुनया परमेश्वर उन न्याय इन लायक ठहरूसुल; 20 यतकी व्यवस्था अन क्याल्सागोळ देल यातोदु मंळसा परमेश्वर उन मुंद न्यायी ठहरूसतीदील, इदुरसाटी कि व्यवस्था अन द्वारा पाप इन पयचान आगतद.

वश्वास द्वारा न्यायीपन

21 लेकीन ईग व्यवस्था टु अलग परमेश्वर उन अद न्यायीपन प्रगट आग्याद, यदुरद गवाही मूसा अन व्यवस्था अदकि भवषियवक्ता कोळतार,

22 अमतलव परमेश्वर उन अद न्यायीपन जो यीशु मसीह मा वश्वास माळदुर देल सप्पा वश्वास माळावाळेर साटी आद. यतकी येनु फरक हैलेच;

23 इदुरसाटी कि सप्पा मुंदुर पाप माळ्यार अदकि परमेश्वर उन महमिा देल हापाळ दुर आर, 24 लेकीन आऊन अनुग्रह देल आ छुटकारा अन द्वारा जो मसीह यीशु दा आद, सप्पा च्या सप्पा न्यायी ठहरूसकु आगतार. 25 यीशु उक परमेश्वर आऊन रक्ता अन द्वारा ऊंद हगि प्रायश्चित बली ठहरूसदुन, जो वश्वास माळदुर देल कार्यकारी आगतद, कि जो पाप पयले माळकु आग्याव

अदकि यऊर मा परमेश्वर तान सहनशीलता अन कारण ध्यान कोटीदील. यीशु

\* 3:18 ३:१८ भजन संहिता ३६:१ ☆ 3:20 ३:२० गलातगोळ २:१६ ☆ 3:22 ३:२२ गलातगोळ २:१६

उन रक्ता अन बारा दा आव तान न्यायीपन प्रगट माळुल. <sup>26</sup> लेकीन ईदा समय आऊन न्यायीपन प्रगट आगुल कि यदुर देल आव खुद अच न्यायी ठहूसुल, अदकि जो यीशु मा वशिवास माळुल आऊन भी न्यायी ठहूसवाळा ईरूल. <sup>27</sup> रा घमण्ड येल आद? अदकि घमण्ड इक व्हारया माळकु आत? येन नाव व्यवस्था अन पालन माळतेव? ईला, लेकीन नाव वशिवास माळतेव इदुरसाटी. <sup>28</sup> इदुरसाटी नाव ईद परिणाम मा पोहचुसतेव कि मंळसा व्यवस्था अन क्याल्सागोळ से अलग आन, मंळसा परमेश्वर मा वशिवास इन द्वारा अच न्यायी ठहूसतान. <sup>29</sup> या परमेश्वर सरिफ यहूदीगोळव अच हुन? येन गैर यहूदीगोळव परमेश्वर हैलेच? नशिचति अच आव गैर यहूदीगोळव भी परमेश्वर हुन. <sup>30</sup> यतकी ऊंद अच परमेश्वर आन, जो यहूदीगोळी वशिवास देल अदकि गैरयहूदीगोळी भी वशिवास इन द्वारा न्यायी ठहूस्यान. <sup>31</sup> रा येन नाव व्यवस्था अक वशिवास इन द्वारा बेकार ठहूसतेव? यागलु ईला! लेकीन व्यवस्था अक कायम ईटतेव.

## 4

अब्राहम उन उदाहरण

<sup>1</sup> इदुरसाटी नाव येन अंदेव नाम शारीरकि आप्प अब्राहम उक येन हासलि आत? <sup>2</sup> यतकी अगर अब्राहम क्याल्सागोळ देल न्यायी ठहूसकु आगायदुन, रा आऊक घमण्ड माळोद जागा ईराईत, लेकीन परमेश्वर उन नजर दा ईला. <sup>3</sup> पवतिरशास्त्र येन अनतद? ईद कि “अब्राहम परमेश्वर मा वशिवास माळदुन, अदकि आऊन वशिवास इन कारण परमेश्वर आऊक न्यायी ठहूसदुन.” <sup>4</sup> क्याल्सा माळावाळा अनंद मजदूरी कोळोद दान आलच, लेकीन हक्क समसकु आगतद. <sup>5</sup> लेकीन जो वशिवास मा नरिभर ईरतान ना कि क्याल्सागोळ मा, अदकि परमेश्वर मा वशिवास माळतान जो परमेश्वर अभक्तहिनि उक भक्तहिनि माळतान, आऊन ईदा वशिवास देल परमेश्वर आऊक न्यायी ठहूसतान. <sup>6</sup> यारी परमेश्वर बनिा कर्मगोळ्द न्यायी ठहूसतान, आऊक दाऊद भी धन्य अनतान:

<sup>7</sup> धन्य आर आंदुर यारव अन्याय माफ आदव, अदकि यारव पाप होतुरसकु आदव.

<sup>8</sup> धन्य आन आ मंळसा यारी परमेश्वर पापी ठहूसतीदील.

<sup>9</sup> “जो धन्य आगोद मात दाऊद अनेत्यान, येन खतना माळ्द यहूदीगोळ्द साटी अच हुन या बनिा खतना माळ्द गैरयहूदीगोळ्द साटी भी हुन. अब्राहम परमेश्वर मा वशिवास माळदुन अदकि आऊन वशिवास इन कारण अच परमेश्वर आऊक न्यायी स्वीकार माळदुन.” <sup>10</sup> रा ईद याग आत? येन याग आऊन खतना आगोगीत या आव बनिा खतना अनंद ईरोन. ईला, खतना अन बाद्दा ईला उलटा खतना आगा पयले हगि आत. <sup>11</sup> अदकि आऊन खतना आगोद अद ऊंद चनिह बन्सत कि तोर्स सकुल कि परमेश्वर आऊक खतना आगा पयले अच आऊन वशिवास इन द्वारा न्यायी स्वीकार माळदुन. अदकि अब्राहम सप्पा वशिवासीगोळ्द आत्मकि आप्प बन्सदुन यतकी आंदुर बनिा

खतना नोर आर लेकीन वशिवासी आर, इदुरसाटी आंदुर भी न्यायी ठहूसकु आदार. 12 अदकि आव आंदुर भी आप्प हुन यार्द खतना आग्याद, आ लांकुर सर्फि खतना माळकु ना ईला ईरोर उलटा नाम आप्प अब्राहम उन वशिवास इन पद चनिहगोळ मा नळावाळेर ईरोर आव अब्राहम जो खतना आगोर से पयले नळदुन.

वशिवास इन द्वारा परमेश्वर उन प्रतगिया सकिोद

13 \*याग परमेश्वर अब्राहम अदकि आऊन वंशजगोळ से प्रतगिया माळदुन कि आंदुर दुनया अनूद वारीस आदार, ईद प्रतगिया अब्राहम उक व्यवस्था अन पालन माळदुर देल अच सकदील लेकीन आव वशिवास माळदुन अदकि आव परमेश्वर उन द्वारा न्यायी स्वीकार माळकु आदुन ई कारण अच सकित. 14 \*अदकि इदुरसाटी अगर नीव मानसतीर कि परमेश्वर उन कोळद प्रतगिया ईद व्यवस्था अन पालन माळावाळेर कारण सकित रा नीमूद वशिवास बेकार अदकि परमेश्वर उन कोळद प्रतगिया भी बेकार आद. 15 यतकी व्यवस्था देल परमेश्वर उन सट्टि पैदा आगतद, लेकीन यल व्यवस्था हैलेच, अल अदुरद उल्लंघन भी हैलेच. 16 \*ईदा कारण प्रतगिया वशिवास मा आधारति आद अदकि ईद प्रतगिया ई सप्पा अब्राहम उन वंशजगोळ साटी परमेश्वर उन मुफ्त उपहार हुन, ईद सर्फि व्यवस्था अन पालन माळावाळेर साटी इच ईला लेकीन आंदुर साटी भी आद जो वशिवास माळतार ह्यांग वशिवास अब्राहम माळदुन यतकी अब्राहम नाम सप्पा मुंदुरव आत्मकि आप्प हुन. 17 ह्यांग शास्त्र दा लखिसकु आद, “ना नीनी हापाळ सा द्याशगोळद आप्प ठहूसीन” अदकि ईद प्रतगिया परमेश्वर उन नजर दा वळ्लीद आद. ईव आव परमेश्वर हुन यार मा अब्राहम वशिवास माळदुन अदकि जो सोत्तुरी जित्तिता माळतान, अदकि ईव आव परमेश्वर हुन जो मातगोळ अस्तत्तिव दा हैलेच आ मातगोळी अस्तत्तिव दा तरतान. 18 ह्यांग शास्त्र दा लखिसकु आद, “नी हापाळ सा द्याशगोळद आत्मकि आप्प आदया. अदकि नीन वंशजगोळ तारागोळ घाई आदार ई मात मा आशा ईटोद येनु कारण ईला ईरोद तरी भी अब्राहम वशिवास अदकि आशा ईटदुन,” 19 यतकी आव लगभग सौ साल इनव आगेगदिन लेकीन आऊन वशिवास आऊन शरीर इन घाई कमजोर ईला आगीत ह्यांग कि आऊन शरीर लगभग सायापरी आगेगीत अदकि सच्चाई रा ईद भी आद कि सारा अन क्वाता भी चगिद उक हाळु ईला सकोद. 20 तरी भी आव तान वशिवास इक बट्टिदलि अदकि ना आव परमेश्वर उन प्रतगिया मा सक माळदुन आऊन वशिवास आऊक सामर्थ्य देल तुमूत अदकि आव परमेश्वर उन महमिा माळदुन; 21 अदकि आऊक पुरा भरोसा ईरोद कि परमेश्वर आऊक जो प्रतगिया कोटीदुन, आव अदरी पुरा माळदुर दा भी समर्थ आन. 22 ई कारण परमेश्वर अब्राहम उक आऊन वशिवास इन द्वारा न्यायी स्वीकार माळदुन. 23 अदकि ईद वचन, “वशिवास इन द्वारा न्यायी स्वीकार माळोद” सर्फि आऊन आबना अन साटी लखिसकु ईला आगति. 24 ऊलटा ईद नाम साटी भी लखिसकु आत जो नाव

न्यायी ठहूसकु आगेव अदकि जो यीशु नाम प्रभु जो सोत्तुर दा टु जतिता आदुन आऊन मा वशिवास माळतार. <sup>25</sup> यतकी आव नाम पापगोळ कारण मृत्यु उन साटी सौप्सकु आदुन अदकि नामी परमेश्वर उन सांगुळ न्यायी ठहूसोर साटी सोत्तुर दा टु जतिता आदुन.

## 5

परमेश्वर उन से मेल मलिाप

<sup>1</sup> ईग जो नाव तान वशिवास इन कारण परमेश्वर उन मुंद न्यायी ठहूसेव, रा नाम प्रभु यीशु मसीह अन कारण परमेश्वर नामी शांती कोटान. <sup>2</sup> अदकि ईग आऊंदा द्वारा वशिवास इन कारण नाव परमेश्वर उन अनुग्रह दा जीवन व्यतीत माळतेव. अदकि नाव आ आशा मा घमण्ड माळतेव यदुर द्वारा नामी परमेश्वर उन महमिा अन सांगुळ भागीदारी सकियाद. <sup>3</sup> सर्फि ईटा ईला, यतकी नाव तान आपदगोळ मा घमण्ड माळतेव यतकी नामी मालूम आद नाम आपद धीरज इक उत्पन्न माळतद. <sup>4</sup> अदकि धीरज देल वळ्लीद चरतिर बनसतद, अदकि वळ्लीद चरतिर देल आशा उत्पन्न आगतद; <sup>5</sup> अदकि ईद आशा नामी नरिश माळाल, यतकी परमेश्वर आऊन प्यार नाम मनगोळ दा हाक्यान, मतलब पवतिर आत्मा जो नाम साटी परमेश्वर उन उपहार हुन.

<sup>6</sup> यतकी याग नाव आशाहीन ईरेव, रा ठीक समय मा नाव भक्तहीनगोळ साटी मसीह तान बलदान माळदुन. <sup>7</sup> यावारा न्यायी जन इन साटी यावारा सायुल, ईद रा दुरलब आद; लेकीन आग सकतद यावारा वळ्लेव मंळसा अन साटी यावारा सायोद भी हम्मिमत माळुल. <sup>8</sup> लेकीन परमेश्वर नाम मा तान प्यार इन भलाई ई रीति देल प्रगट माळतान कि याग नाव पापी अच ईरेव आग भी मसीह नाम साटी सोत्तुन. <sup>9</sup> इदुरसाटी याग कि नाव ईग आऊन रकता अन कारण न्यायी ठहूसदेव, रा आऊन द्वारा परमेश्वर उन सटिट देल येती ऊळसकु आगतीदील? <sup>10</sup> यतकी याग नाव परमेश्वर उन दुश्मन ईरेव लेकीन परमेश्वर तान पार उन मृत्यु उन द्वारा नाम सांगुळ मेल मलिाप माळदुन, रा ईग नाव परमेश्वर उन संगी आयेव रा आ मसीह अन जीवन इन द्वारा नाम हापाळ यक्कुल उद्धार आदति. <sup>11</sup> सर्फि ईदा ईला, लेकीन नाव तान प्रभु यीशु मसीह से, यार्द द्वारा नाम परमेश्वर उन सांगुळ मेल मलिाप आत, परमेश्वर दा खुश आगतार.

आदम अदकि मसीह

<sup>12</sup> इदुरसाटी ह्यांग ऊंद मंळसा अन द्वारा पाप दुनयािा दा बत्त, अदकि पाप इन द्वारा मृत्यु बत्त, अदकि ई रीति देल मृत्यु सप्पा मंळसागोळ दा फैलुसेत, यतकी सप्पा मुंदुर पाप माळदुर. <sup>13</sup> व्यवस्था अन कोटकु आगोर से पयले ताका पाप दुनयािा दा रा ईरोद, लेकीन येल व्यवस्था हैलेच अल पाप आळ्दकु आगाल्द. <sup>14</sup> लेकीन आग भी आदम टु मूसा ताका पुरा मृत्यु आ लॉकुर मा राज्य माळत याग कि आ लॉकुर आदम घाई आग्या मुरोद पाप माळीदलि तरी भी पापी ठहूसीदील, जो आ बरावाळा अन चमत्कार हुन, आ अपराध घाई पाप माळीदलि.



15 लेकीन ह्यांग अपराध इन दशा आद, हांगा अनुग्रह अन वरदान इन हैलेच, यतकी याग ऊंद आदम उन अपराध देल हापाळ लॉकुर सोत्तुर, रा परमेश्वर उन अनुग्रह अदकि आऊन जो दान ऊंद मळसा अन, मतलब यीशु मसीह अन अनुग्रह देल हापाळ लॉकुरी कृपा सकित. 16 अदकि परमेश्वर उन भेट अदकि ऊंद मळसा अन पाप ई येदुदा फरक आद. तरी भी पाप इन कारण दोष इन न्याय बत्त, लेकीन हापाळ पुरा पापगोळ्द बाद्दा अदकि नरिदोष आगोद यदुरद नाव लायक ईला ईरेव अद भेट बत्त. 17 यतकी याग ऊंद मळसा अन अपराध इन कारण मृत्यु आ ऊंद मळसा अन द्वारा अच राज्य माळ्त्त, रा जो लॉकुरी अनुग्रह अदकि न्यायरूपी वरदान बहुतायत देल सकितद आंदुर ऊंद मळसा अन, मतलब यीशु मसीह अन द्वारा जरूरी अच अनन्त जीवन दा राज्य माळ्यार.

18 इदुरसाटी ह्यांग ऊंद अपराध सप्पा मळसागोळ साटी दण्ड इन आग्या अन कारण आत, हांग अच ऊंद न्यायीपन इन क्यालसा भी सप्पा लॉकुरी मुक्त माळतद अदकि आंदरी जीवन कोळतद. 19 यतकी ह्यांग ऊंद मळसा अन आग्या ईला मान्सदुर देल हापाळ लॉकुर पापी ठहूसदुर, हांग अच ऊंद मळसा अन आग्या मानसोद कारण सप्पा लॉकुर परमेश्वर उन मुंद न्यायी ठहूसकु आदार. 20 व्यवस्था अन पयचान इदुरसाटी आत कि अपराध वाळुसगुल, लेकीन यल पाप वाळुसत अल परमेश्वर अनुग्रह अदकि यक्कुल वाळुसत, 21 कि ह्यांग पाप मृत्यु फैलुसतेला राज्य माळ्त्त, हांग अच नाम प्रभु यीशु मसीह अन द्वारा अनुग्रह भी अनन्त जीवन इन साटी न्यायीपन इन द्वारा राज्य माळीत.

## 6

पाप इन साटी मृतकः मसीह दा जीवति

1 रा नाव ईग येन अंदेव? येन नाव लगातार पाप माळतेला ईत्तेव कि परमेश्वर उन अनुग्रह आगुल? 2 नश्चिति अच ईला! नाव याग पाप इन साटी सोतोदेव रा बाक ईदुर मुंद अदुर दा ह्यांग जीवन बतुसेव? 3 येन नीव जान्सालीर कि नाव सप्पा यार मसीह यीशु दा बपतसिमा ताकोडेव, आऊन मृत्यु उन भागीदारी दा बपतसिमा ताकोडेव. 4 इदुरसाटी आ मृत्यु उन बपतसिमा ताकोडुर देल नाव आऊन सांगुळ नळसकु आदेव, ताकी ह्यांग मसीह आप्प उन महिमा अन द्वारा सोत्तुर दा टु जत्तिता आदुन, हांग अच नाव भी व्हाशोद जीवन इन घाई चाल नळदेव.

5 यतकी अगर नाव आऊन मृत्यु उन समानता दा आऊन सांगुळ जमा आगेगेव, रा नश्चिच्य आऊन जत्तिता आगोद समानता दा भी जमा आगेदेव. 6 नाव जान्सतेव कि नाम हाळोद मनुष्यत्व आऊन सांगुळ कूस मा येरसकु आत ताकी पाप इन मय बेकार आगेगुल, अदकि नाव मुंद पाप इन दासत्व दा ईरतीदील. 7 यतकी जो सोतोदुन, आव पाप इन बंधन देल न्यायी आगेदुन. 8 इदुरसाटी अगर नाव मसीह अन सांगुळ सोतोदेव, रा नाम वशिवास ईद आद कि आऊन सांगुळ जत्तिता भी ईत्तेव. 9 यतकी ईदुर जान्सतार कि मसीह

सोत्तुर दा टु जत्तिता आगकु मात्त सायतीदील; आऊन मा मात्त मृत्यु उन प्रभुता आगतीदील. <sup>10</sup> अदकि आव सोतोदुन आऊन मा पाप इन बंधन हैलेच अदकि ईग आव परमेश्वर उन सांगुळ आऊन जीवन व्यतीत माळतान. <sup>11</sup> हगि अच नीव भी तान बारा दा ईद समसी की नीव भी पाप इन साटी सोतोगीर, लेकीन मसीह यीशु उन द्वारा परमेश्वर दा जत्तिता समसी.

<sup>12</sup> इदुरसाटी पाप नीम मरनहार शरीर दा राज्य माळबाळुल, की नीव अदुर लालसागोळ हात्ती ईरी; <sup>13</sup> तान शरीर इन अंगगोळी अर्धम इन स्यावा अन साटी पाप इन हवाला माळबाळी, उलटा सोत्तुर दा टु जत्तिता आगावाळेर घाई परमेश्वर उन हवाला माळबुळी, अदकि तान शरीर इन अंगगोळी न्यायीपन इन स्यावा अन साधन इन रूप दा परमेश्वर उन हवाला माळबुळी. <sup>14</sup> आग नीम मा पाप इन प्रभुता आगतीदील, यतकी नीव व्यवस्था अन हात्ती ईला उलटा परमेश्वर उन अनुग्रह अन हात्ती आईर.

### न्यायीपन इन दास

<sup>15</sup> रा नाव येन माळेव? येन नाव पाप माळेव यतकी नाव व्यवस्था अन हात्ती हैलेच उलटा परमेश्वर उन अनुग्रह अन हात्ती जीऊसतेव? नश्चिती अच ईला! <sup>16</sup> येन नीव जान्सालीर की यावारा ऊंद मंळसा अन आग्या मानसोर साटी नीव तान तान इक दासगोळ घाई सोप्स बुळतीर रा यार्द आग्या मानसतीर आऊंदा दास बन्सेगतीर: चाहे बाक पाप इन, यदुर्द परणाम मृत्यु आद, चाहे बाक आग्या मानसावाळेर्द, यार्द अनंत न्यायीपन आद? <sup>17</sup> लेकीन परमेश्वर उन धन्यवाद आगुल की नीव जो पाप इन दास ईरीर ईग मन देल आ सच्चुचुई इक ग्रहण माळदीर अदकि उपदेश मानसावाळेर आगेदीर, यार्द साचा दा ढलस्कु आगेदीर, <sup>18</sup> अदकि नीव पाप देल बटिकु न्याय इन दास आगेदीर. <sup>19</sup> ना नीम शारीरिक कमजोरी अन कारण मंळसागोळ रीतमा अनतीन. ह्यांग नीव तान अंगगोळी कुकर्म अदकि अशुध्दता अन दास माळकु सौप्सदीर, हांग अच ईग तान अंगगोळी पवतिरता अन साटी न्यायीपन इन दास माळकु सोप्स बुळी.

<sup>20</sup> याग नीव पाप इन दास ईरीर, रा न्याय इन दी टु स्वतंत्र ईरीर. <sup>21</sup> इदुरसाटी याता मातगोळ देल ईग नीव लज्जति आगतीर, अऊर से आ समय नीमी येन काय सकितोगोद? यतकी आ मातगोळ अनंत रा मृत्यु आद. <sup>22</sup> लेकीन ईग पाप देल स्वतंत्र आगकु परमेश्वर उन दास बन्सकु नीमी काय सकित यदुर देल पवतिरता हासलि आगतद, अदकि अदुर अनंत अननंत जीवन आद. <sup>23</sup> यतकी पाप इन मजदूरी रा मृत्यु आद, लेकीन नाम परमेश्वर उन अनुग्रह अन भेंट नाम प्रभु मसीह यीशु दा अननंत जीवन आद.

## 7

### मदा जीवन इन उदाहरण

<sup>1</sup> हे वार्दुरा अदकि आकतींगेरा, येन नीव जान्सालीर, ना व्यवस्था अन जानसावाळेर से अनतीन, की यागासताका मंळसा जत्तिता ईरतान, आगासताका आऊन मा व्यवस्था अन अधिकार ईरतद? <sup>2</sup> उदाहरण इन

साटी ऊंद मदावळत आरत तान मान्नावाळा अन व्यवस्था अन अनुसार आगासताका बंधन दा आर यागासताका आकनि मान्नावाळा जतिता आन लेकीन अगर आकनि मान्नावाळा सोतोगतान रा आक मदा संबंधी व्यवस्था देल मुक्त आगेगतार. <sup>3</sup> इदुरसाटी अगर गांडु उन जीते जी आक यावारा दुसरा गळस उन आगेगुल, रा व्यभचारिणी अंदकु आदार, लेकीन अगर गांडु सोतोगुल, रा आक आ व्यवस्था देल बट्टोदुर, ईल ताका क्क अगर यावारा दुसरा गळस उन आगेदुर तरी भी व्यभचारिणी ठहरूसतीदील. <sup>4</sup> हांग अच हे नान वारटुरा अदकि आकतींगेरा, नीव भी मसीह अन मय इन द्वारा व्यवस्था अन साटी सोतकु बनसेदीर, क्क आ दुसरा अन आगेगी, जो सोत्तुर दा टु जतिता आदुन: ताकी नाव परमेश्वर उन स्यावा दा उपयोगी ठहरुसुल. <sup>5</sup> यतकी याग नाव शारीरकि स्वभाव इन हात्ती ईरेव, रा पापगोळ अभलिषागोळ जो व्यवस्था अन द्वारा ईरोद, मृत्यु अन काय पैदा माळोर साटी नाम अंगगोळ दा क्क्याल्सा माळोद. <sup>6</sup> लेकीन यारद बंधन दा नाव ईरेव आऊन साटी सोतकु, ईग व्यवस्था देल हगि बटोदेव, क्क शास्त्र लेख इन हाळोद रीतमा ईला, उलटा आत्मा अन व्हाशोद रीतमा स्यावा माळतेव.

व्यवस्था अदकि पाप

<sup>7</sup> रा नाव येन अदेव? येन व्यवस्था पाप आद? यागलु ईला! उलटा बनिा व्यवस्था अन ना पाप इक अरालीन: व्यवस्था अगर ईला अनाईत, क्किलालच माळबाळ रा ना लालच इन बारा दा ईला जान्स सकायदनि. <sup>8</sup> लेकीन पाप मौका नोळकु आग्या अन द्वारा नान दा सप्पा प्रकार इन लालच पैदा माळत, यतकी बनिा व्यवस्था अन पाप मुरदा आद. <sup>9</sup> ना रा व्यवस्था अन बनिा पयले जतिता ईरीन, लेकीन याग आग्या बत्त, रा पाप जतिता आगेत, अदकि ना सोतोदीन. <sup>10</sup> अदकि अदा आग्या जो जीवन तरोरसाटी ईरोद, नान साटी मृत्यु उन कारण ठहरूसत. <sup>11</sup> यतकी पाप मवका नोळकु आग्या अन द्वारा नानी बहकुसत, अदकि अदुरदा द्वारा नानी कौद भी बुळत.

<sup>12</sup>\* इदुरसाटी व्यवस्था पवतिर आद, अदकि आग्या भी सही अदकि वळलीद आद. <sup>13</sup> रा येन अद जो वळलीद ईरोद, नान साटी मृत्यु ठहरूसत? यागलु ईला! लेकीन पाप आ वळलीद वस्तु उन द्वारा नान साटी मृत्यु उक पैदा माळावाळा आत क्क अदुर पाप आगेद प्रगट आगुल, अदकि आग्या अन द्वारा पाप हापाळ अच पापमय ठहरुसुल.

बुळक इन लळाई

<sup>14</sup> नाव जान्सतेव क्क व्यवस्था रा आत्मकि आद, लेकीन ना शारीरकि अदकि पाप इन कय देल मारकु आईन. <sup>15</sup> \*जो ना माळतीन अदरी अरालीन; यतकी जो ना चाहासतीन अद माळालीन, लेकीन यदुर देल नानी घृणा बरतद अदा माळतीन. <sup>16</sup> अगर जो ना चाहासालीन अदा माळतीन, रा ना मान्स कोमतीन क्क व्यवस्था भला आद. <sup>17</sup> रा हगि दशा दा अदुरद माळावाळा ना आल्लच, उलटा पाप हुन जो नान दा कुरतकु आद. <sup>18</sup> यतकी ना जान्सतीन क्क नान दा मतलब नान मय दा यातोदु वळलीद वस्तु वास माळाल्द. इच्छा रा नान

\* 7:12 ७:१२ हाळोद नयिम दा ईद वचन सकाल्द    \* 7:15 ७:१५ गलातगोळ ५:१७

दा आद, लेकीन वळ्लीद क्याल्सा नान से आग सकालव. 19 यतकी यातोद वळ्लीद क्याल्सा अन ना इच्छा माळतीन, अद रा माळालीन, लेकीन यातोद बुराई अन इच्छा माळालीन, अदा माळतीन. 20 इदुरसाटी अगर ना अदा माळतीन यदुर्द इच्छा माळालीन, रा अदुर्द माळावाळा ना ईतीदील, लेकीन पाप जो नान दा कुर्तकु आद.

21 ई प्रकार ना ईद अनुभव ताकोमतीन की याग भलाई माळोद इच्छा माळतीन, रा बुराई नान से आगतद. 22 यतकी ना अंतर आत्मा देल रा परमेश्वर उन नयिम देल हापाळ खुश ईरतीन. 23 लेकीन नानी तान शरीर दा दुसरा प्रकार इन व्यवस्था कांळसकु बळितद, जो नान दमाक इन नयिम देल लळाई माळतद अदकि नानी पाप इन नयिम इन बंधन दा हाकतद जो नान शरीर दा आद. 24 ना हयांग दुखी मंळसा आईन! नानी ई मृत्यु उन मय देल याव बळिस्यान? 25 जो नानी पापगोळ देल छुटकारा कोळतान आ प्रभु यीशु मसीह अन द्वारा आ परमेश्वर उन धन्यवाद माळतीन. ईत्ता प्रकार बुद्धी देल परमेश्वर उन नयिम इन पालन माळतीन.

## 8

पवतिर आत्मा अन द्वारा जीवन

1 इदुरसाटी ईग जो मसीह यीशु दा जीवन व्यतीत माळतार, आंदुर मा दण्ड इन आग्या हैलेच. 2 यतकी जीवन इन आत्मा अन व्यवस्था मसीह यीशु दा नानी पाप इन अदकि मृत्यु अन व्यवस्था देल स्वतंत्र माळबुटाद. 3 यतकी जो क्याल्सा व्यवस्था शरीर इन कारण दुर्बल आगकु माळ सकदील, अदरी परमेश्वर माळदुन, मतलब तांद अच पार उक पापमय शरीर इन समानता दा अदकि पाप बली आगोर साटी कळुकु, शरीर दा पाप मा दण्ड इन आग्या कोट्टुन. 4 इदुरसाटी की व्यवस्था अन आवश्यकतागोळ नाम दा शरीर इन अनुसार ईला उलटा आत्मा अन अनुसार नळुतार, पुरा माळकु आगुल. 5 यतकी शारीरिक मंळसागोळ शरीर इन मातगोळ मा मन हचतार; लेकीन जो आत्मा अन मातगोळ मा मन हचतार. 6 शरीर मा मन हचोद रा मृत्यु हुन, लेकीन आत्मा मा मन हचोद जीवन अदकि शांती हुन; 7 यतकी शरीर मा मन हचोद रा परमेश्वर उन से दुश्मनी ईतोद हुन, यतकी ना रा परमेश्वर उन व्यवस्था अन हात्ती आद अदकि ना आग सकतद; 8 अदकि जो शरीर इन हात्ती आर, आंदुर परमेश्वर उक खुश माळ सकालुर.

9 लेकीन याग की परमेश्वर उन आत्मा नीम दा वास माळतद, रा नीव शारीरिक दशा दा ईला लेकीन आत्मकि दशा दा आईर. अगर यारदारा दा मसीह अन आत्मा हैलेच रा आंदुर आऊन लॉकुर आल्लच. 10 अगर मसीह नीम दा आन, रा शरीर पाप इन कारण सोतकु आद; लेकीन आत्मा न्यायीपन इन कारण जत्तिता आद. 11 \*अगर आऊंदा आत्मा याव यीशु उक सोत्तुर दा टु जत्तिता माळदुन, नीम दा वास माळेत्याद; रा याव मसीह अक सोत्तुर दा टु जत्तिता माळदुन आव नीम सोतकु शरीरगोळी भी तान आत्मा अन द्वारा जो नीम दा वास माळेत्याद, जत्तिता माळ्यान.

12 इदुरसाटी हे वार्दुरा अदकि आकतींगेरा, नाम मा भौतिक शरीर इन करजा रा आद लेकीन ईदुरद ईद मतलब हैलेच की नाव ईदुर अनुसार जीत्ता ईत्तेव, 13 यतकी नीव मय इन अनुसार दनि कळदीर रा सोत्तीर, अगर आत्मा देल मय इन कयालसागोळी कोदीर रा जित्ता ईत्तीर. 14 इदुरसाटी कियस लॉकुर परमेश्वर उन आत्मा अन अनुसार नळुतार, आंदुर अच परमेश्वर उन चकिोर उर. 15 ✠यतकी नीमी दासगोळ्द आत्मा सकदील कि मात्त अंजबाळुल, लेकीन परमेश्वर उन सन्तान इन आत्मा सकियाद, यदुर देल नाव हे अब्बा, हे आप्पा अनकु कारूतेव. 16 परमेश्वर उन आत्मा खुद अच नाम आत्मा अन सांगुळ गवाही कोळतद, की नाव परमेश्वर उन सन्तान हुयेव; 17 अदकि अगर सन्तान आर रा वारीस भी आर, उलटा परमेश्वर उन वारीस अदकि मसीह अन सांगुळ वारीस आयेव, कियिग नाव आऊन सांगुळ दुख नेगदेव रा आऊन सांगुळ महिमा भी सकिल.

भवषिय दा प्रगट आगावाळा महिमा

18 यतकी ना समझुसतीन की ई समय इन दुख अदकि क्लेश आ महिमा अन मुंद, जो नाम मा प्रगट आगावाळा आद, येनु अच हैलेच. 19 यतकी दुनिया हापाळ आशा तुम्द नजर देल परमेश्वर उन पारगोळ प्रगट आगोद हादी कायेत्याद. 20 यतकी दुनिया तान इच्छा देल ईला लेकीन हात्ती माळावाळा अन दी टु, व्यर्थया अन हात्ती ई आशा देल माळकु आग्याद 21 की दुनिया भी खुद अच वनिश इन दासत्व देल छुटकारा ताकोमकु, परमेश्वर उन चकिोर्द महिमा अन स्वतंत्रता प्राप्त माळीत. 22 यतकी नाव जान्सतेव की सप्पा दुनिया ईगासताका मलिसकु कन्नासतेला अदकि दुखगोळ दा बदिक् तळपुसतद; ह्यांग की चगिद पैदा आगा समय मा तळपुसतान. 23 ✠अदकि सरिफ आवा ईला लेकीन नाव भी यार हाती आत्मा अन पयला काय आद, खुद अच तांदुर दा कन्नासतेव; अदकि लेपालक आगोद, मतलब तान मय इन छुटकारा अन हादी कायतेव. 24 ई आशा अन द्वारा नाम उद्धार आग्याद; लेकीन याता वस्तु अन आशा माळकु आगतद, याग अद नोळदुर दा बंदीत रा बाक आशा येल ईत्त? यतकी याता वस्तु अक यावारा नोळत्यान अदुर आशा येन माळ्या? 25 लेकीन याता वस्तु अक नाव नोळ सकालेव, अगर अदुरद आशा ईटतेव, रा धीरज देल अदुरद हादी भी कायतेव.

26 ईदा रीति देल आत्मा भी नाम कमजोरी दा सहायता माळतद: यतकी नाव जानसालेव की प्रार्थना याता रीति देल माळ पायजे, लेकीन आत्मा खुद अच हगि आहट तुम तुमकु, जो बयान देल व्हार्या आद, नाम साटी वनिती माळतद; 27 अदकि परमेश्वर जान्सतान की नाम मनगोळ दा येन आद, की परमेश्वर आत्मा अन मनसा येन आद? यतकी आव पवतिर लॉकुर साटी परमेश्वर उन इच्छा अन अनुसार वनिती माळतान.

28 नाव जान्सतेव की जो लॉकुर परमेश्वर से प्यार ईटतार, आंदुर साटी सप्पा मातगोळ मलिसकु वळ्लीद इका पैदा माळतान; मतलब आंदुरदा साटी जो

✠ 8:15 द:१५ गलातगोळ ४:५-७

✠ 8:15 द:१५ मरकुस १४:३६; गलातगोळ ४:६

✠ 8:23

आऊन इच्छा अन अनुसार कार्सकु आग्यार. <sup>29</sup> यतकी यारी आव पयले टु जान्स कौंडान आंदरी पयले टु अच ठहरूस्यान की आऊन पार उन स्वरूप दा आगुल, ताकी आव हापाळ वारटुर दा पयला ठहरूसुल. <sup>30</sup> बाक यारी आव पयले टु ठहरूसदुन, आंदरी कार्सदुन भी; अदकि यारी कार्सदुन, आंदरी न्यायी भी ठहरूसदुन अदकि आंदरी महिमा भी कोट्टुन.

परमेश्वर उन प्यार

<sup>31</sup> इदुरसाटी नाव ई मातगोळ बारा दा येन अंदेव? अगर परमेश्वर नाम दी आन, रा नाम खलिाप याव आग सकतान? <sup>32</sup> याव तान नजि पार उक भी ईटीदील, लेकीन आऊक नाम सप्पा मुंदुर साटी कोट्ट बुदुन, आव आऊन सांगुळ नामी अदकि सप्पा येनारा मुफ्त दा येती कोळतीदील? <sup>33</sup> परमेश्वर उन नविळुसद लॉकुर मा दोष याव हच्यान? परमेश्वर अच आन जो आंदरी न्यायी ठहरूसावाळा आन. <sup>34</sup> बाक याव आन जो दण्ड इन आग्या कोट्टान? यीशु मसीह अच आन जो सोतोदुन लेकीन मुर्दागोळ दा टु जतिता भी आदुन, अदकि परमेश्वर उन ऊमा कय इन दी आन, अदकि नाम साटी समझौता भी माळतान. <sup>35</sup> याव नामी मसीह अन प्यार देल अलग माळ्यान? येन क्लेश, या कठनि समय, या सताव, या अकाल, या गरीबी, या जोखिमि, या मृत्यु? <sup>36</sup> ह्यांग शास्त्र दा लखिसकु आद,

नीन साटी नाव हागुल तीम घात माळकु आगतेव;  
नाव वध आगावाळा म्यांडागोळ घाई आळुकु आगेव.

<sup>37</sup> लेकीन ई सप्पा मातगोळ दा नाव आऊन द्वारा याव नाम से प्यार माळ्यान, पुरा तरीका देल वजिय प्राप्त माळतेव. <sup>38</sup> यतकी ना नश्चय जान्सतीन की याऊ नामी आऊन प्यार देल अलग माळ सकालुन ना मृत्यु, ना जीवन, ना स्वरुगदूत, ना दुष्ट शासन, ना वर्तमान, ना भवषिय, ना सामर्थ्य, ना ऊंचाई, <sup>39</sup> ना धरती इन गहराई, अदकि ना धरती इन ऊंचाई अदकि ना संसार इन यातोदु नरिमति वस्तु नामी परमेश्वर उन प्यार देल जो नाम प्रभु मसीह यीशु दा आद, अलग माळ सककीत.

## 9

परमेश्वर अदकि आऊन नविळुसदोर लॉकुर

<sup>1</sup> ना मसीह दा सही अनतीन, ना ख्वाटा माताळालीन अदकि नान मन भी पवतिर आत्मा दा गवाही कोळतद <sup>2</sup> की नानी बळा दुख आद, अदकि नान मन हमेशा दुखी ईरतद, <sup>3</sup> यतकी ना ईल ताका चाहासीन कितान वारटुर साटी जो मय इन भाव देल नान कुटुम्बी आर, खुद अच परमेश्वर देल श्रापति अदकि मसीह से अलग आगेगतद. <sup>4</sup> आंदुर इस्त्राएली उर, अदकि परमेश्वर उन पार उन अधिकार अदकि महिमा अदकि वादागोळ अदकि व्यवस्था अन उपहार अदकि परमेश्वर उन उपासना अदकि प्रतग्यागोळ आंदुरवा हुव. <sup>5</sup> पुर्वज भी आंदुरा उर, अदकि मसीह भी मय इन भाव देल आंदुर दा टु आदुन. परमेश्वर जो सप्पा मुंदुर म्याकुच राज्य माळतान आव हमेशा हमेशा धन्य ईरूल. आमीन.

6 लेकीन ईद ईला कऱि परमेश्वर उन वचन टलसेत, इदुरसाटी कऱि जो इस्त्राएल इन वंश आर, आंदुर सप्पा इस्त्राएली आल्लच; 7 अदकि ना अब्राहम उन वंश आगोद कारण सप्पा आऊन औलाद ठहूसदुर, लेकीन शास्त्र दा लखिसकु आद, “इसहाक टु अच नीन वंश कहलुसयान.” 8 मतलब मय इन औलाद परमेश्वर उन औलाद आल्लच, लेकीन प्रतगिया अन औलाद वंश आळुकु आगतद. 9 यतकी प्रतगिया अन वचन ईद हुन: “ना उचति समय इन अनुसार बराईन, अदकि सारा अक पार आदान.” 10 अदकि सरिफ ईदा ईला, लेकीन याग रबिका भी ऊंद देल मतलब नाम आप्प इसहाक देल येदुद पारगोळ आदुर, 11 लेकीन आकनि ऊंद चगिद उक नविळुसोद ईद पुरा तरीका देल परमेश्वर उन खुद इन उपदेश इन परणाम ईरोद, परमेश्वर आकनि से अंदुन, धोड्डेव स्याणव उन स्यावा माळयान. 12 ई मातगोळ परमेश्वर आंदुर जनम इन पयले अदकि आंदुर येनारा बुरा भला माळ से पयले अंदुन रा परमेश्वर उन पसंद आऊन कारदुर मा नरिभर आद, ना अदुर मा कऱि आंदुर येन माळदुर. 13 ह्यांग शास्त्र दा लखिसकु आद, “ना याकूब से प्यार माळदीन, लेकीन एसाव उक अपरयि जान्सदीन.”\*

14 इदुरसाटी नाव येन अंदेव? येन परमेश्वर उन हाती अन्याय आद? यागलु ईला. 15 यतकी आव मूसा से अनतान, “ना याता मंळसा मा दया माळोद चाहासाईन आऊन मा अच दया माळाईन, अदकि याता मंळसा मा कृपा माळोद चाहासाईन, आऊन मा का कृपा माळाईन.”

16 इदुरसाटी ईद ना रा चाहासावाळा अन, ना मयनत माळावाळा अन लेकीन दया माळावाळा परमेश्वर मा नरिभर आद. 17 यतकी शास्त्र दा फरौन से अंदकु आत, “ना नीनी इदुरदा साटी नदिरूसीन कऱि नीन दा तान सामर्थ्य तोरसाईन, अदकि नान हेसुर इन प्रचार पुरा पृथ्वी मा आगुल\*.” 18 इदुरसाटी आव यार मा चाहासतान आऊन मा दया माळतान, अदकि यारी चाहासतान आऊक कटोर माळ बुळतान.

परमेश्वर उन सटिट अदकि आऊन दया

19 इदुरसाटी नीम दा टु यावारा नानी ईद अंदान, “रा बाक परमेश्वर नामी दोषी येती ठहूसतान? याव परमेश्वर उन इच्छा अन सामना माळ सकतान?” 20 हे मंळसा, नी याव हुय जो परमेश्वर उन वरिध दा माताळत्या? ऊंद घळुसुद वस्तु तान घळुसावाळा से केळ सकतद, “नी नानी हगि येती माळ्या?” 21 येन कुंभार उक मुण्ण मा अधकारि हैलेच कऱि ऊंद अच ल्वांदा दा टु ऊंद बरतन आदर इन साटी अदकि दुसरा अक अनादर इन साटी माळयान? 22 परमेश्वर तान सटिट तोरसली अदकि तान सामर्थ्य प्रगट माळोद इच्छा देल सटिट इन बरतनगोळद, जो वनिाश इन साटी तयार माळकु आगीदव, बळा धीरज देल सहन माळदुन; 23 अदकि दया अन बरतनगोळ मा, यवरी आव महमिा अन साटी पयले टु तयार माळदुन, तान महमिा अन धन इक प्रगट माळोद इच्छा माळदुन? 24 मतलब नाम मा यारी आव ना सरिफ यहूदीगोळ दा टु, उलटा गैरयहूदीगोळ दा टु भी कारदुन. 25 ह्यांग आव होशे अन कतिाब दा भी अनतान,

“जो नान लॉकुर ईला ईरोर, आंदरी ना तान लॉकुर अनाईन; अदकि याता लॉकुर मा प्यार ईला ईरोद, आंदरी प्रयि अनाईन. <sup>26</sup> अदकि हगि आदीत कि याता जागा दा आंदुर से ईद अनकु आगीत कि नीव नान लॉकुर आल्लच, अदा जागा आंदुर जतिता परमेश्वर उन औलाद अंदकु आदार.”

<sup>27</sup> अदकि यशायाह इस्त्राएल इन बारा दा कारूकु अनतान, “चाहे इस्त्राएल इन औलादगोळ गनिती समुद्र अन धुळा अन बराबर ईरूल, तरी भी आंदुर दा टु थ्वाळासा अच ऊळसकु आदार. <sup>28</sup> यतकी प्रभु तान वचन पृथ्वी मा पुरा माळकु, राटनेरी अदरी सदिध माळयान.”

<sup>29</sup> ह्यांग यशायाह पयले भी अंददिन,  
“अगर सेनागोळ प्रभु नाम साटी येनारा वंश बळिलुन,  
रा नाव सदोम उन घाई आगोगायदेव, अदकि गमोरा अन सदृश  
ठहूरसायदेव.”

इस्त्राएल इन अवश्वास

<sup>30</sup> इदुरसाटी नाव येन अंदेव? ईद कि गैरयहूदीगोळ जो न्यायीपन इन खोज ईला माळतोगोर, न्यायीपन हाशील माळदुर मतलब आ न्यायीपन इक वश्वास देल हाशील माळ्यार; <sup>31</sup> लेकीन इस्त्राएली, जो न्यायीपन इन व्यवस्था अन खोज माळतोगोर आ व्यवस्था ताका पोहचुसीदील. <sup>32</sup> यदुर साटी? इदुरसाटी कि आंदुर वश्वास देल ईला, लेकीन कर्मगोळ देल अदुर खोज माळतोगोर. आंदुर आ ठोकर इन कल्ल मा ठोकर तदुर, <sup>33</sup> ह्यांग पवत्रिशास्त्र दा लखिसकु आद, “नोळी, ना सयियोन दा ऊंद चट्टान ईटतीन, अदकि जो परमेश्वर उन वचन मा वश्वास माळयान आव लज्जति आगतीदील\*.”

## 10

<sup>1</sup> हे वार्दुरा अदकि आकतीगेरा, नान मन इन अभलिषा अदकि आंदुर साटी परमेश्वर से नान प्रार्थना आद कि आंदरी उद्धार सकिकुल. <sup>2</sup> यतकी ना ई मात देल गवाही कोळतीन आंदुर परमेश्वर दा मगन ईरतार, लेकीन आंदुर भक्तिखरा ग्यान मा आधारति हैलेच. <sup>3</sup> यतकी आंदुर परमेश्वर उन न्यायीपन देल अनजान आगकु, अदकि तान न्यायीपन स्थापति माळोद कोशशि माळकु, परमेश्वर उन न्यायीपन इन हात्ती आगीदील. <sup>4</sup> मसीह व्यवस्था अन अन्त माळदुन कि हर ऊंद जो वश्वास माळतान परमेश्वर उन साटी न्यायी आगुल.

उद्धार सप्पा मुंदुर साटी

<sup>5</sup> यतकी मूसा ईद लखिस्यान कि जो मंळसा आ न्यायीपन मा जो व्यवस्था देल आद, नळुतान, आव अदुर देला जतिता ईततान. <sup>6</sup> लेकीन जो न्यायीपन वश्वास देल आद, अदुर बारा दा शास्त्र ईद अनतद, “नी तान मन दा ईद अनबाळेत कि, मसीह अक ईळसकु तरोरसाटी स्वर्ग मा याव येर्यान?” मतलब मसीह अक ल्यालमा तरोरसाटी, <sup>7</sup> या “मसीह अक सोत्तुर दा टु जतिता माळकु म्याकुच तरोरसाटी अधोलोक दा याव ईळदान?” मतलब मसीह अक

\* 9:33 १:३३ यशायाह २८:१६



सोत्तुर बाद्दा मयाकुच ओयोर साटी. 8 लेकीन अद येन अनतद? ईद कि “वचन नीन हाती आद, नीन बाय दा अदकि नीन मन दा आद,” ईद अदा वशिवास इन वचन हुन, जो नाव प्रचार माळतेव, 9 कि अगर नी तान बाय देल यीशु उक प्रभु जान्सकु अंगीकार माळ्या, अदकि तान मन देल वशिवास माळ्या कि परमेश्वर आऊक सोत्तुर दा टु जतिता माळदुन, रा नीन जरूर उद्धार आदति. 10 यतकी वशिवास माळदुर देल नाव परमेश्वर उन सांगुळ सही संबंध दा बरतेव अदकि बाय देल कबुल माळदुर देल नामी मुक्ती सकितद. 11 यतकी पवत्रिशास्त्र ईद अनतद, “जो यावारा आऊन मा वशिवास माळतान आव लज्जति आगतीदील.” 12 यहूदीगोळ अदकि गैरयहूदीगोळ दा येनु फरक हैलेच, इदुरसाटी कि आव परमेश्वर सप्पा मुंदुर प्रभु हुन अदकि आव सप्पा मुंदुरी बहूतायत देल आशषित माळतान जो आऊक कारूतार. 13 यतकी शास्त्र दा लखिसकु आद, “जो यावारा प्रभु उक मदत साटी कारूतान, आव ऊळसकु आदान.”

14 लेकीन यार मा आंदुर वशिवास माळीदील, आंदुर आऊक ह्यांग मदत साटी कारदान? अदकि यार संदेश केळीदील आऊन मा ह्यांग वशिवास माळ्यार? अदकि प्रचारक बनिा ह्यांग केळ्यार? 15 अदकि अगर संदेश केळसावाळेर कळुकु आगतीदील, रा ह्यांग प्रचार माळ्यार? ह्यांग शास्त्र दा लखिसकु आद, “आंदुर काल येन सुहावना आव, जो खुशखबरी हुडुकु बरतार!” 16 लेकीन सप्पा मुंदुर आ खुशखबरी मा कवि हचीदलि: यशायाह अनतान, “हे प्रभु, याव नाम समाचार मा वशिवास माळ्यान?” 17 इदुरसाटी वशिवास संदेश इन केळदुर देल अदकि संदेश मसीह अन वचन देल आगतद.

18 लेकीन ना अनतीन, येन आंदुर केळीदील? केळोद रा जरूरी आद; यतकी शास्त्र दा लखिसकु आद,

“आंदुर स्वर सप्पा पृथ्वी मा,

अदकि आंदुर वचन दुनयिा अन आखरी ताका पोहचुसेग्याव.”

19 ना मात्त अनतीन, येन इस्त्राएली ईला जानसोर? पयले रा मूसा अनतान,

“ना आंदुर द्वारा जो लॉकुर ईला, नीम मन दा जलन उपजुसाईन;

ना ऊंद मूळ लॉकुर द्वारा नीमी सटिट तोरसाईन.”

20 बाक यशायाह हापाळ हमिमत इन सांगुळ अनतान,

“जो नानी ईला ढुंढसोर, आंदरी ना सकिकेदीन;

अदकि जो नानी केळतोगोर भी ईला, आंदुर मा ना प्रगट आगेदीन.”

21 लेकीन इस्त्राएल इन बारा दा आव ईद अनतान,

“ना पुरा दनि तान कय ऊंद आग्या ईला मानसावाळेर अदकि झगळा माळावाळेर लॉकुर दी पसरूस्कु ईत्तीन.”

## 11

इस्त्राएल मा परमेश्वर उन दया

\* 10:15 १०:१५ यशायाह ५२:७

\* 10:16 १०:१६ यशायाह ५३:१

\* 10:19 १०:१९

व्यवस्थावविरण ३२:२१

\* 10:20 १०:२० यशायाह ६५:१

\* 10:21 १०:२१ यशायाह ६५:२

1 <sup>✠</sup>इदुरसाटी ना अनतीन, येन परमेश्वर तान लॉकुरी त्याग्स बुटुन? यागलु ईला! ना भी रा इस्त्राएली हुईन; अब्राहम उन वंश अदकि बनि्यामीन उन गोत्र दा टु आईन. 2 परमेश्वर तान लॉकुरी त्यागसीदील, यारी आव पयले टु अच नविळुसदुन. येन नीव जान्सालीर कशिशास्त्र एलयियाह अन बारा दा येन अनतद, याग आव इस्त्राएल इन वरिध दा परमेश्वर से वनिती माळतान? 3 “हे प्रभु, आंदुर नीन भवषियवक्तागोळ्द घात माळदुर, अदकि नीन वेदीगोळी केळ्द बुटार; अदकि ना अच आबना ऊळदीन, अदकि आंदुर नानी भी कोन्नोर साटी खोज माळेत्तार.” 4 लेकीन परमेश्वर से आऊक येन उत्तर सकित? “ना तान साटी येळ हजार गंळसुरी ईटकु बटिन, यार खवाटा बाअल भगवान उन उपासना माळीदलि.” 5 ठीक ईदा रीतदिल ई समय भी, अनुग्रह देल नविळुसद थ्वाळासा लॉकुर मक्कि आर. 6 अगर ईद अनुग्रह देल आग्याद, रा बाक कर्मगोळ देल ईला; ईदारा अनुग्रह बाक अनुग्रह ईतीदील.

7 इदुरसाटी परणाम येन आत? ईद कि इस्त्राएल यारद खोज दा ईरोर, अद आंदरी सकदील; लेकीन नविळुसद लॉकुरी सकित, अदकि बाकी लॉकुर कठोर माळकु आदुर. 8 ह्यांग शास्त्र दा लखिसकु आद,

“परमेश्वर आंदुर मन अदकि दलिगोळी चेतना शुन्य माळ बुटान, अदकि हगि कण्णगोळी कोट्टुन जो नोळबाळुल अदकि हगि कवि जो केळबाळुल.”

9 अदकि दाऊद अनतान,

“आंदुर भोजन आंदुर साटी जाल अदकि फासा,

ताकी आंदुर बळिल अदकि आंदरी दण्ड सकिल.

10 आंदुर कण्णगोळ मा अंधार छासेगुल ताकी नोळ ईला सकुल,  
अदकि नी हमेशा आंदुर बेन इक बांग्सकु ईट.”

11 इदुरसाटी ना अनतीन येन आंदुर इदुरसाटी ठोकर तदिर कि बदिगुल? यागलु ईला! लेकीन आंदुर बळिोद कारण गैरयहूदीगोळी उद्धार सकित, कि आंदरी जलन आगुल. 12 इदुरसाटी अगर आंदुरद बळिोद दुनया अन साटी धन अदकि आंदुर घटी गैरयहूदीगोळ साटी सम्पत्ति इन कारण आत, रा आंदुरद भरपुरी देल येन आगतीदील.

गैरयहूदीगोळ्द उद्धार

13 ईग ना नीव गैरयहूदीगोळ से ई मातगोळी अनतीन. यागासताका ना विशेष रूप देल गैरयहूदीगोळ साटी प्रेरति आईन, रा ना तान स्यावा अन प्रती बळाई माळतीन, 14 ताकी यातोदारा रीतदिल ना तान कुटुम्बगोळ दा जलन पैदा माळसुसकु आंदुर दा टु थ्वाळासा लॉकुरद उद्धार माळसुसाईन. 15 यतकी अगर परमेश्वर उन द्वारा आंदुर नकार माळकु आगोद इदुर देल परमेश्वर उन सांगुळ मेल मलिाप आगतद रा बाक आंदुर अपनुसदुर देल येन सोत्तुर दा टु जतिता आगोद आगतीदील? 16 याग भेंट इन पयला लोई पवतिर ठहरूस्त, रा पुरा कालसद हीट भी पवतिर आद; अदकि याग मारर इन जळ पवतिर ठहरूस्त, रा खांदीगोळ भी हगि अच आव.

17 लेकीन अगर थ्वाळासा खांदीगोळ मूरूकु आदव, अदकि नी आळी दाकळोद जैतून आगकु अऊर्दा हचकु आद, अदकि जैतून इन जळ इन चकिनाई इन भागी आग्या, 18 रा खांदीगोळ मा घमण्ड माळबाळेत; अदकि अगर नी घमण्ड माळ्या रा जान्स कोम कि नी जळ इक ईला लेकीन जळ नीनी संभाल्सतद. 19 बाक नी अंद्या, “खांदीगोळ इदुरसाटी मूरूकु आदव कि ना अल हचकु आगाईन.” 20 ठीक आद, अव रा अवशिवास इन कारण मूरूकु आदव, लेकीन नी रा वशिवास देल बनसकु ईरत्या इदुरसाटी अभिमानी आगबाळ, लेकीन अंजक मान्स, 21 यतकी परमेश्वर स्वाभावकि खांदीगोळी बर्टीदलि रा नीनी भी बळितीदील. 22 इदुरसाटी परमेश्वर उन कृपा अदकि कठोरता अक नोळ! जो बदिदुर आंदुर मा कठोरता, लेकीन नीन मा कृपा, अगर नी आऊन दा बनसकु ईत्या, रा ठीक आद ईदारा नी भी कळकु आदया. 23 अगर यहूदी भी अवशिवास दा ईतीदील, रा हचकु मार्र से जोळ्सकु आदार; यतकी परमेश्वर समर्थ आन अदकि आंदरी मात्त जोळ्सकतान. 24 यतकी अगर गैरयहूदी आ जैतून देल, जो स्वभाव देल आळी दाकळोद आद, कळकु आत अदकि स्वभाव इन वरिद्ध वळ्लीद जैतून दा जोळ्सकु आत, रा ईव जो यहूदी खांदीगोळ आव, तांद अच जैतून दा येती हचकु आगतीदील.

पुरा इस्त्राएल इन उद्धार

25 हे वारटुरा अदकि आकतींगेरा, ईदारा हगि आगबाळुल कि नीव तान तान इक बुद्धमिान सम्स कोमी; इदुरसाटी ना चाहासालीन कि नीव ई भेद देल अनजान ईरी कि यागासताका गैरयहूदीगोळ पुरा रीर्ता देल प्रवेश माळ कोमालुर, आगासताका इस्त्राएल इन ऊंद भाग हगि अच कठोर ईत्तीत. 26 अदकि ई रीर्ता देल सप्पा इस्त्राएल इक उद्धार सकिकीत. हयांग शास्त्र दा लखिसकु आद, “बळिसावाळा सयियोन टु बंदान, अदकि अभक्ती इक याकूब उन वंशगोळ से दुर माळ्यान;” 27 अदकि आंदुर सांगुळ नान ईदा वादा आग आदति, याग ना आंदुर पापगोळी दुर माळ बुळाईन.” 28 यतकी आंदुर खुशखबरी इक अस्वीकार माळदुर अदकि गैरयहूदीगोळ हेसुर इन कारण यहूदी परमेश्वर उन दुश्मन आगेदुर, लेकीन नविळुसकु आगदुर देल आंदुर आंदुरद आप्प दादागोळद कारण परमेश्वर उन प्रयि आर. 29 यतकी परमेश्वर तान वरदानगोळ देल यागलु बदलुसालुन अदकि आशीषगोळ अटल आव. 30 यतकी हयांग नीव गैरयहूदीगोळ पयले परमेश्वर उन आग्या मान्सीदील, लेकीन हांगा ईग यहूदीगोळद आग्या ईला मान्सदुर देल नीम मा दया आत; 31 नीम मा जो दया आत अदुर कारण यहूदी ईग परमेश्वर उन आग्या मान्सालुर, इदुरसाटी कि ईग नीम घाई दया आंदुर मा भी आगुल. 32 यतकी परमेश्वर सप्पा मुंदरी आग्या उल्लंघन माळदुर कारण बंदी माळकु ईटदुन, ताकी आव सप्पा मुंदुर मा दया माळुल.

परमेश्वर उन स्तुर्ता

33 आहा! परमेश्वर उन धन अदकि दमाक अदकि ग्यान येन महान आद! आऊन फैसलागोळी याव स्पष्ट माळ सकतान अदकि आऊन हादीगोळी याव सम्स सकतान!

34 ह्यांग शास्त्र दा लखिसकु आद, “प्रभु उन मन इक याव जान्स सकतान? अदकि आऊक याव सलाह कोळ सकतान? 35 येन यावारा परमेश्वर उक येनारा कोटान यदरी आव मात्त आऊक वापस कोळुल?”

36 यतकी आऊंदा दी टु, अदकि आऊंदा द्वारा, अदकि आऊंदा साटी सब कुछ माळकु आग्याद. आऊन महमा हमेशा हमेशा आगतेला ईरूल: आमीन.

## 12

परमेश्वर उन स्यावा अन जीवन

1 इदुरसाटी हे वारटुरा अदकि आकतीगेरा, ना नीम से परमेश्वर उन दया याद तोरसकु वनिती माळतीन की तान शरीर इक जतिता, अदकि पवतिर, अदकि परमेश्वर उक संतोष कोळावाळा बलदान माळकु येरसी. अगर नीमद खरा उपासना आद. 2 ई दुनिया अन घाई आगवाळी; लेकीन नीम मन इन वहाशोद आगदुर देल नीम चाल चलन भी बदलुसतेला ईरूल, यदुर देल नीव परमेश्वर उन भला, अदकि भावती, अदकि सद्धि इच्छा अनुभव देल मालूम माळतेला ईत्तीर.

3 यतकी ना आ अनुग्रह अन कारण जो नानी सक्याद, नीम दा टु हर ऊंद मंळसा से अनतीन की ह्यांग सम्स पायजे अदुर देल यक्कुल यावारा भी तान तान इक सम्सबाळुल; लेकीन ह्यांग परमेश्वर हर ऊंद मंळसा अक वशिवास परणाम इन अनुसार वाट्स बुटान, हांग अच सुबुधर्दा इन सांगुळ तान इक समसुल. 4 यतकी ह्यांग नाम शरीर दा हापाळ सा अंग आव, अदकि सप्पा अंगगोळद ऊंदा घाई क्याल्सा हैलेच; 5 हांग अच नाव जो हापाळ अंग ईतकु भी मसीह दा आबुर दाबुर अंग आयेव. 6 म्याग की आ अनुग्रह अन अनुसार जो नामी कोटक आग्याद, नामी संदेश हेळोद वरदान सक्याद, रा यारी भवषियवाणी इन दान सक्याद, आव वशिवास इन परणाम इन अनुसार भवषियवाणी माळुल; 7 अगर स्यावा माळोद दान सकीदाद, रा स्यावा दा हतकु ईरूल; अगर यावारा कल्सावाळा आन, रा कल्सदुर दा हतकु ईरूल; 8 जो प्रोत्साहन कोळवाळा आन, आव प्रोत्साहन कोळुल; दान कोळावाळा उदारता देल कोळुल; अदकि जो अगुवाई माळावाळा आन, आव लगन इन सांगुळ अगुवाई माळुल; अदकि यारी दया तोरसोद दान आद, माळुल, आव खुशी देल दान माळुल.

9 नीम प्यार नषिकपट ईरूल; बुराई देल घृणा माळी; अदकि भलाई दा हतकु ईरी. 10 भाईचारा अन भाव देल आबुर दाबुर से प्यार ईटी; परस्पर आदर माळदुर दा आबुर दाबुर से वाळुसकु नळी. 11 कोशशि माळदुर दा आलसी ईरबाळुल; आत्मकि उत्सुक दा तुमकु ईरी; प्रभु उन स्यावा माळतेला ईरी. 12 आशा दा खुश ईरी; क्लेश दा स्थरि ईरी; हर समय प्रार्थना दा हतकु ईरी. 13 पवतिर

लॉकुरी जो येनारा जरूरी आद, अदुर दा आंदुरद मदत माळी; पाहुनचार माळदुर दा हतकु ईरी.

14 \*तान सतुसावाळेरी आशीष कोळी; आशीष अच कोळी श्राप कोळबाळी. 15 आनन्द माळावाळेर सांगुळ आनन्द माळी, अदकि वर्ला वाळेर सांगुळ वर्ली. 16 आपस दा ऊंद घाई मन ईटी; अभमिनी आगबाळी, लेकीन गरीबगोळ सांगुळ संगत ईटी; तान नजर दा तान तान इक बुदधमिन सम्सबाळी. 17 बुराई इन बदला यारदु से बुराई माळबाळी; जो मातगोळ सप्पा लॉकुर नजर दा भला आव, अवरी माळोद कोशशि माळी. 18 येल ताका आग सकुल, नीव सप्पा मंळसागोळ सांगुळ शांती देल ईरी. 19 हे प्रयिगोळा, बदला ताकोम बाळेतीर, लेकीन परमेश्वर उन सटिट इक मौका कोळी, यतकी शास्त्र दा लखिसकु आद, “बदला ताकोमोद नान क्याल्सा आद, प्रभु अनतान ना अच बदला ताकोमाईन.” 20 लेकीन “अगर नीन दुश्मन उपासा आन रा आऊक तनिली कोळ, अगर नीरअळक देल आन रा आऊक नीर कुळस; यतकी हगि माळदुर देल आव खुद अच नीन से शर्मदा आदान.” 21 बुराई देल हारूसबाळी, लेकीन भलाई देल बुराई इक जीतुस कोमी.

## 13

राज्य अन अधिकारीगोळ प्रती कर्तव्य

1 हर ऊंद मंळसा शासकीय अधिकारीगोळ हातुती ईरूल, यतकी यातोदु अधिकार हगि हैलेच जो परमेश्वर उन दी टु ईला ईतीदाद; अदकि जो अधिकार आद, अद परमेश्वर उन दी टु ठहरूसकु आव. 2 इदुरसाटी जो यावारा अधिकार इन वरिध माळतान, आव परमेश्वर उन वधी इन वरिध माळतान, अदकि वरिध माळावाळेरी दण्ड सकिकीत. 3 यतकी शासक वळ्लीद क्याल्सा नीर हैलेच, लेकीन बेकार क्याल्सा अन साटी अंजक इन कारण आर; इदुरसाटी अगर नी शासक से नडिर ईरोद चाहासत्या, रा वळ्लीद क्याल्सा माळ, अदकि आऊन दी टु नीन बळाई आदति; 4 यतकी आव नीन भलाई इन साटी परमेश्वर उन सेवक आन. लेकीन अगर नी बुराई माळ्या, रा अंज, यतकी आव तलवार बेकार हुळकु हैलेच; अदकि परमेश्वर उन सेवक हुन कर् आऊन सटिट इन अनुसार बेकार क्याल्सा माळावाळा अक दण्ड कोळुल. 5 इदुरसाटी नीव अधिकारीगोळद आग्या मानसी, सर्फ परमेश्वर उन दण्ड इन कारण ईला, लेकीन नाम मन इन कारण देल. 6 \*इदुरसाटी कर भी कोळी यतकी शासन माळावाळेर परमेश्वर उन सेवक उर अदकि हमेशा ईदा क्याल्सा दा हतकु ईरतार. 7 इदुरसाटी हर ऊंद मंळसा अन हक्क चुक्ता माळी; यारी कर पायजे, आऊक कर कोळी; यारी महसूल पायजे, आऊक महसूल कोळी; यारी मान पायजे, आऊक मान कोळी; यारद आदर माळ पायजे, आऊन आदर माळी.

आबुर दाबुर प्रती प्यार

8 आपस इन प्यार इक बटिकु अदकि यातोदु मात दा यारदु कर्जदार आगबाळी; यतकी जो दुसरा से प्यार ईटतान, आवा व्यवस्था अन पालन

माळ्यान. 9 यतकी ईद की “व्यभचार माळबाळेतीर, कोन्न बाळेतीर, चोरी माळबाळेतीर, लालच माळबाळेतीर,” अदकि इवरी बटिकु अदकि यातोद भी आग्या ईतीदाद रा सप्पा अन सारांश ई आग्या दा सकितद, “तान मान्ना हात्तीवाळेर से तान घाई प्यार ईट.” 10 प्यार तान संगी इन यागलु बुरा माळाल्द, इदुरसाटी प्यार माळोद ईद व्यवस्था अन पालन माळोद हुन.

11 समय इक अरूकु हगि अच माळी, इदुरसाटी की ईंग नीम साटी जप्प दा टु येळोद समय होट बंदाद; यतकी याता समय नाव वशिवास माळीदेव, आ समय इन वचार देल ईंग नाम उद्धार हात्ती आव. 12 ईळ्लक हापाळ आगेग्याद, अदकि व्हातुर आगदुर मा आद; इदुरसाटी नाव अंधकार इन क्याल्सागोळी त्यागसकु ज्योतइन हथयार कट कोंडेव. 13 ह्यांग हागुल इक शोभा कोळतद, हांग अच नाव सीधा चाल ईट्टेव, ना किकामवासना अदकि पयिक्कळपन दा, ना व्यभचार अदकि लुचपन दा, अदकि ना झगळा अदकि डाह दा. 14 लेकीन प्रभु यीशु मसीह अन हथयार हुडु कोमी, अदकि तान मानव स्वभाव इन शरीर इन अभलिषागोळी पुरा माळदुर दा हतकु ईरबाळी.

## 14

### आवुर दावुरद न्याय माळबाळी

1 जो वशिवास दा नरिबल आन, आऊक तान संगती दा ताकोमकोमी, लेकीन आऊन व्यक्तगित वचारगोळ मा झगळा माळोर साटी ईला. 2 ऊंद मळसा अक वशिवास आद की सप्पा येनारा तनिोद उचति आद, लेकीन जो वशिवास दा नरिबल आन आव साग पात अच तनितान. 3 तनिवाळा जो तनिलुन आऊक तुच्छ जान्स बाळुल, अदकि जो तनिलुन आव तनिवाळा मा दोष हचबाळुल; यतकी परमेश्वर आऊक ग्रहण माळ्यान. 4 नी याव हुय जो दुसरा अन सेवक मा दोष हचत्या? आऊन स्थरि ईरोद या बदिगोद आऊन स्वामी से अच संबंध ईटतद; बल्की आव स्थरि अच माळकु आदान, यतकी प्रभु आऊक स्थरि ईट सकतान.

5 यावारा रा ऊंद दनि इक दुसरा दनि से यक्कुल महत्वपुर्ण मान्सतान, अदकि यावारा सप्पा दनिगोळी ऊंदा घाई मान्सतान. हर ऊंद तांद अच मन दा नश्चय माळ कोमुल. 6 जो यातोदारा दनि इक महत्वपुर्ण मान्सतान, रा आव प्रभु उक महत्वपुर्ण मान्सतान. अदकि जो सब कुच्छ तनितान, आव प्रभु उन साटी तनितान, यतकी आव आंदुर भोजन इन द्वारा परमेश्वर उन धन्यवाद माळतान, अदकि जो मास बटिकु साग पात तनितान, आव प्रभु उन साटी तनिलुन अदकि परमेश्वर उन धन्यवाद माळतान. 7 यतकी नाम दा टु यावारा तान साटी जत्तिता आन, अदकि ना यावारा तान साटी सायतान. 8 अगर नाव जत्तिता आयेव, रा प्रभु उन साटी जत्तिता आयेव; अदकि अगर सायतेव, रा प्रभु उन साटी सायतेव; इदुरसाटी नाव जत्तिता ईत्तेव या सोत्तेव, नाव प्रभु नोर अच हुयेव. 9 यतकी मसीह इदुरदा साटी सोत्तुन अदकि जत्तिता भी आग्यान की आव सोत्तुरी अदकि जत्तिता आग्यार येदुदु मुंदुर प्रभु आगुल.

10 \*नी तान वार्ट उन मा येती दोष हचत्या? या नी बाक येती तान वार्ट उक तुच्छ जान्सत्या? नाव सप्पा च्या सप्पा मुंदुर परमेश्वर उन न्याय सहिसन इन मुंद नदिरेव. 11 यतकी शास्त्र दा लखिसकु आद, “प्रभु अनतान, नान जीवन इन करिया कहर ऊंद ट्वांगरा नान मुंद टकिसीत, अदकि हर ऊंद ल्यालग्या ईद कबुल माळीत कनि ना परमेश्वर हुईन.”

12 इदुरसाटी नाम दा टु हर ऊंद मंळसा परमेश्वर उक तान तान लेखा जोखा कोट्टान.

तान वार्ट उन कमजोर आगोद कारण बनसबाळी

13 इदुरसाटी मुंद टु नाव आबुर दाबुर मा दोष हचतदिल, लेकीन नीव ईद टान्स कोमी कनि यावारा तान वार्ट उन मुंद ठोकर तनिकु पाप दा बळोद कारण बनसबाळुल. 14 प्रभु यीशु दा ऊंद आगदुर नाता देल ना नश्चिति जान्सतीन यातोदारा वस्तु तांदुर देल अशुध्द हैलेच, लेकीन जो अदरी अशुध्द सम्सतान आऊन साटी अशुध्द आद. 15 अगर नीन वार्ट या आकतींग नीन भोजन इन कारण दुखी आगतार, रा बाक नी प्यार इन रीतदिल नळाल; यदुर साटी मसीह सोत्तुन, आऊक नी तान भोजन इन द्वारा नाश माळबाळ. 16 यारी नीव भला मान्सतीर आऊक यारीकु बुरा माताळगोळ बाळेतीर. 17 यतकी परमेश्वर उन राज्य तनिोद कुडोद ईला, लेकीन न्यायीपन, शांती अदकि आनन्द जो पवतिर आत्मा कोळतद. 18 जो यावारा ई रीतदिल मसीह अन स्यावा माळतान, आव परमेश्वर उक भाऊस्तान अदकि मंळसागोळ दा ग्रहण माळा लायक ठहूसतान. 19 इदुरसाटी नाव आ मातगोळ दा हतकु ईत्तेव यऊर देल मेल मलिाप अदकि आबुर दाबुरी आत्मकि उन्नती दा मदत सकितद. 20 भोजन इन साटी जो परमेश्वर माळ्यान अदरी नष्ट माळबाळी. सप्पा येनारा शुद्ध रा आद, लेकीन आ खाना देल यारीकारा ठोकर हततद रा अद बेकार आद. 21 भला रा ईद आद कनि ना रा मास तनि अदकि ना रा सारा कुडू, अदकि ना रा हगि येनारा माळेत यदुर देल नीन वशिवासी वार्ट या आकतींग ठोकर तन्तिल. 22 नीन जो वशिवास ईरूल, अदरी परमेश्वर उन मुंद तांद अच मन दा ईट. धन्य आन आव जो आ मात दा, यदरी आव ठीक सम्सतान, तान तान इक दोषी ठहूसालुन. 23 लेकीन जो लॉकुर संदेह माळकु तनितार आंदरी परमेश्वर दोषी ठहूसतान, यतकी आंदुर कार्य वशिवास इन आधार मा हैलेच; अदकि जो येनारा वशिवास इन आधार मा हैलेच, अद पाप हुन.

## 15

दुसरा अक संतुष्ट माळी

1 इदुरसाटी नाव बलवानगोळी पायजे कनि नरिबलगोळ्द नरिबलतागोळी सहन माळेव, ना कनि तान तान इक संतुष्ट माळेव. 2 नाम दा टु हर ऊंद तान मान्ना अन आंदुरद भलाई इन साटी खुश माळेव ताकी आंदुरद वशिवास दा उन्नती आगुल. 3 यतकी मसीह तान तान इक खुश माळीदिल, लेकीन ह्यांग शास्त्र दा लखिसकु आद: “नीन अपमान माळावाळेर्द अपमान नान मा बंदकु

बदिद।” 4 यास मातगोळ पयले टु लखिसकु आग्याव, अव नाम्द अच शक्विषा अन साटी लखिसकु आग्याव क्नि नाव धीरज अदकि शास्त्र अन प्रोत्साहन द्वाारा आशा ईटुल. 5 धीरज अदकि शांती अन दाता परमेश्वर नीमी ईद वरदान कोळुल क्नि मसीह यीशु अन अनुसार आपस दा ऊंद मन ईरी. 6 ताकी नीव ऊंद मन अदकि ऊंद स्वर दा नाम प्रभु यीशु मसीह अन आप्प परमेश्वर उन स्तुति माळी.

7 इदुरसाटी, ह्यांग मसीह परमेश्वर उन मह्मिा अन साटी नीमी ग्रहण माळ्यान, हांग अच नीव भी आबुर दाबुर इक ग्रहण माळी. 8 इदुरसाटी ना अनतीन क्नि जो वादागोळ आप्प दादागोळी कोटकु आगीदव अवरी मजबूत माळोर साटी मसीह, परमेश्वर उन सच्चाई इन प्रणाम कोळोर साटी, यहूदी लॉकुर्द सेवक बनसदुन; 9 अदकि गैरयहूदीगोळ भी दया अन कारण परमेश्वर उन स्तुतिमाळुल; ह्यांग शास्त्र दा लखिसकु आद, “इदुरसाटी पुरा राष्ट्र दा नीन धन्यवाद माळाईन, अदकि नीन हेसुर इन भजन हाळाईन.”

10 बाक अंदान,

“हे गैरयहूदीगोळ,

परमेश्वर उन नविळुसद लॉकुर सांगुळ आनन्द माळी.”

11 अदकि बाक,

“हे गैरयहूदीगोळ सप्पा लॉकुर, प्रभु उन स्तुतिमाळी;

अदकि हे राष्ट्र अन लॉकुरा, आऊक समसी.”

12 अदकि बाक यशायाह अनतान,

“यशै अन ऊंद वंशज प्रगट आदीत,

अदकि आव गैरयहूदीगोळ मा शासन माळ्यान,

अदकि आ लॉकुर आऊन मा आशा ईट्यार.”

13 परमेश्वर जो आशा अन दाता आन नीमी वशिवास माळदुर दा सप्पा प्रकार इन आनन्द अदकि शांती देल परपिरुण माळुल, क्नि पवतिर आत्मा अन सामर्थ्य देल नीम आशा वाळुसतेला होगुल.

साहस देल लखिसोद कारण

14 हे नान वारटुरा अदकि आकतींगेरा, ना खुद नीम बारा दा सही दा जान्सतीन क्नि नीव भी खुद अच भलाई देल तुमकु अदकि ईश्वरीय ग्यान देल भरपुर आईर, अदकि आबुर दाबुर इक कल्स सकी. 15 तरी भी ना येल्यारा-येल्यारा याद दलिसोर साटी नीमी जो हापाळ हम्मत माळकु चट्टी लखिसदीन. ईद आ अनुग्रह अन कारण आत जो परमेश्वर नानी कोट्टान, 16 क्नि ना गैरयहूदीगोळ साटी मसीह यीशु उन सेवक आगकु परमेश्वर उन खुशखबरी इन स्यावा याजक उन घाई माळाईन, यदुर देल गैरयहूदीगोळ मान्सी चळुस्कु आगोद, पवतिर आत्मा देल पवतिर बनसकु ग्रहण माळकु आगुल. 17 इदुरसाटी आ मातगोळ बारा दा जो परमेश्वर उन से संबंघ ईटताव, ना मसीह यीशु दा बळाई माळ सकतीन. 18 यतकी आ मातगोळी बटिकु नानी अदकि यातोदु मात इन बारा दा अनोद हम्मत हैलेच, जो मसीह गैरयहूदीगोळ हात्ती ता अन साटी वचन, अदकि कर्म, 19 अदकि चमत्कारगोळ, अदकि अदभुत क्वालसागोळ



सामर्थ्य देल, अदकि पवतिर आत्मा अन सामर्थ्य देल नांद अच द्वारा माळकु आदव; ईल ताका काना यरूशलेम टु ताकोमकु नाकु दी इल्लुरकिम ताका मसीह अन खुशखबरी इन पुरा पुरा प्रचार माळदीन. <sup>20</sup> लेकीन नान मन इन उमंग आद काने येल येल मसीह अन हेसुर ताकोमकु आगीदील, अदा खुशखबरी केळसाईन ताकी हगि आगबाळुल काने दुसरा अन पायवा मा मान्ना माळाईन. <sup>21</sup> लेकीन हयांग शास्त्र दा लखिसकु आद हांग अच आगुल, “यारी आऊन खुशखबरी पोहचुसीदील, आंदुर अच नोळ्यार अदकि यार केळीदील आंदुर अच समस्यार.”

रोम यात्रा अन पौलुस उन योजना

<sup>22</sup> इदुरदा साटी ना नीम हाती बरोर से घळी घळी थाम्सकु ईत्तीन. <sup>23</sup> लेकीन ईंग ई द्याशगोळ दा नान क्याल्सा अन साटी अदकि जागा ईतीदील, अदकि हापाळ साल टु नानी नीम हाती बरोद लालच आद. <sup>24</sup> इदुरसाटी याग ना स्पेन इक होगार्इन रा नीम हाती टु आगतेला होगार्इन, यतकी नानी आशा आद काने यात्रा दा नीम से मुलाकात आदीत, अदकि याग नीम से सीकाईन रा नीव नानी येनारा दुर मुंद पोहचुस बुळेतीर. <sup>25</sup> लेकीन ईंगल्या रा ना परमेश्वर उन लॉकुरद स्यावा माळोर साटी यरूशलेम इक होगतीन. <sup>26</sup> यतकी मकदिनया अदकि अखाया अन लॉकुरी ईद वळ्लीद हत्त काने यरूशलेम इन पवतिर लॉकुर दा नरिधनगोळ साटी येनारा चंदा माळुल. <sup>27</sup> आंदरी वळ्लीद रा हत्त, लेकीन आंदुर आंदुरद करजदार भी आर, यतकी अगर गैरयहूदीगोळ आंदुरद आत्मकि मातगोळ दा भागी आदुर, रा आंदरी भी उचित आद काने शारीरिक मातगोळ दा आंदुरद स्यावा माळुल. <sup>28</sup> इदुरसाटी ना ईद क्याल्सा पुरा माळकु अदकि आंदरी ईद भेट कोटकु नीम हाती टु आगतेला स्पेन इक होगार्इन. <sup>29</sup> अदकि ना जानसतीन काने याग ना नीम हाती बराईन, रा मसीह अन पुरा आरशवादिगोळ सांगुळ बराईन.

<sup>30</sup> हे वारटुरा अदकि आकतींगेरा, नाम प्रभु यीशु मसीह अन अदकि पवतिर आत्मा अन प्यार इन याद दलिस्कु ना नीम से वनिती माळतीन, काने नान साटी परमेश्वर से प्रार्थना माळदुर दा नान सांगुळ हतकु ईरी <sup>31</sup> काने यहूदिया अन अवशिवासी लॉकुर से ऊळदकु ईराइन, अदकि नान अद स्यावा जो यरूशलेम इन साटी आद, परमेश्वर उन लॉकुरी पंसद बरूल; <sup>32</sup> अदकि ना परमेश्वर उन इच्छा देल नीम हाती आनन्द इन सांगुळ बंदकु नीम सांगुळ आराम माळाईन. <sup>33</sup> शांती अन परमेश्वर नीम सप्पा मुंदुर सांगुळ ईरूल. आमीन.

## 16

व्यक्तगित अभिवादन

1 ना नीम से फीबे अन साटी जो नाम आकतींग अदकि कखरिया अन मंडली नोर सेवका आर, वनिती माळतीन <sup>2</sup> काने नीम, हयांग काने परमेश्वर उन लॉकुरी पायजे, आकी प्रभु दा ग्रहण माळी; अदकि यातोदारा मात दा आकी नाम

जरवत आद, आकनि मदत माळी, यतकी आक भी हापाळ मुंदुर्द बल्की नान भी मदत माळावळ्त् ईतार.

3 \*प्रसिका अदकि अक्वलिा अक जो मसीह यीशु दा नान सहकर्मी आर, नमस्कार. 4 आंदुर नान जीव इन साटी तांद अच जीवन जोखमि दा हाक बुटीदुर; अदकि सरिफ ना अच ईला, बल्की गैरयहूदीगोळ्द सप्पा मंडलीगोळ भी आंदुर्द धन्यवाद माळतद. 5 आ मंडली अक भी नमस्कार जो आंदुर मान्या आद. नान प्रयि इपैनतिस उक, जो मसीह अन साटी आसयािा प्रांत इन पयला फल आद, नमस्कार. 6 मरयिम इक, याक नीम साटी हापाळ मयनत माळदुर, नमस्कार. 7 अन्दुरनीकुस अदकि यूनयािस उक जो नान घरजनी नोर आर, अदकि नान सांगुळ कैद आगीदुर अदकि प्रेरतिगोळ दा हेसुर वाळेर आर, अदकि नान से पयले मसीह आगीदुर, नमस्कार. 8 अम्पलयाितुस उक, जो प्रभु दा नान प्रयि संगी आन, नमस्कार. 9 उरवानुस उक, जो मसीह दा नाम सहकर्मी आन, अदकि नान प्रयि इस्तखुस उक नमस्कार. 10 अपुल्लोस उक जो मसीह दा सही होट्टुन, नमस्कार. अरसितुबुलुस उन घराना इक नमस्कार. 11 नान रशितेदार हेरोदयिन यहूदी संगी इक नमस्कार. नरकसिसुस उन घराना इन जो लॉकुर प्रभु दा आर, आंदरी नमस्कार. 12 त्रूफेना अदकि त्रूफोसा अक जो प्रभु दा मेहनत माळतार, नमस्कार. प्रयि परिससि उक, याव प्रभु दा हापाळ मेहनत माळदुन नमस्कार. 13 \*रूफुस उक जो प्रभु दा नविळुस्कु आन अदकि आऊन मोय इक, जो नान भी मोय उर, येहूदु मुंदरी नमस्कार. 14 असुंकरतिस, फलिगोन, हरिमेस, पत्रुबास, हरिमास अदकि आंदुर सांगुळ इन वार्दुर अदकि आकतींगेरी नमस्कार. 15 फलिलुगुस, यूलयािा, नेर्युस अदकि आकनि आकतींग, अदकि उलुम्पास अदकि आंदुर सांगुळ इन सप्पा परमेश्वर उन लॉकुरी नमस्कार. 16 आपस दा पवतिर चुम्बन देल नमस्कार माळी. नीमी मसीह अन सप्पा मंडलीगोळ दी टु नमस्कार.

### आखरी नरिदेश

17 ईग हे वार्दुरा अदकि आकतींगेरा, ना नीम से वनिती माळतीन, क्कि जो लॉकुर आ शक्किषा अन वपिरीत, जो नीमी सकियाद, फूट हाक्कोद अदकि ठोकर तनिसोद कारण बनसतार, आंदरी अर्त कोमी अदकि आंदुर से दुर ईरी. 18 यतकी हगि लॉकुर नाम प्रभु मसीह नोर आल्लच, लेकीन तान व्हाट्टा अन स्यावा माळतार; अदकि चकिना चुपळा मातगोळ देल सीधा साधा मन इन लॉकुरी बयकुस बुळतार. 19 नीम आग्या मानसोद चर्चा सप्पा लॉकुर दा फैलुसेत, इदुरसाटी ना नीम बारा दा आनन्द माळतीन, लेकीन ना ईद चाहासतीन क्कि नीव भलाई इन साटी बुद्धमिान लेकीन बुराई इन साटी भोला बनसकु ईरी. 20 शांती इन परमेश्वर शैतान उक नीम कालगोळ देल राटनेरी मेटसुस बुट्टान.

नाम प्रभु यीशु मसीह अन अनुग्रह नीम मा आगतेला ईरूल. 21 \*नान सहकर्मी तीमुथयिस उन, अदकि नान घराना इन लूकयिस, यासोन अदकि सोसपितुरस ई नान यहूदी संगीगोळ्द नीमी नमस्कार. 22 ना चट्टी

\* 16:3 १६:३ प्रेरतिगोळ १८:२

\* 16:13 १६:१३ मरकुस १५:२१

\* 16:21 १६:२१ प्रेरतिगोळ

लखिसावाळा तरितयिस उन, प्रभु दा नीमी नमस्कार. <sup>23</sup> (२४) \*गयुस जो नान अदकि मंडली अन पाहुनचार माळावाळा आन, आऊन नीमी नमस्कार. इरास्तुस जो नगर इन भंडारी आन, अदकि वार्ट क्वारतुस उन नीमी नमस्कार. <sup>24</sup>

### परमेश्वर उन स्तुर्ता

<sup>25</sup> आ परमेश्वर उन मह्मि आगुल नीम वश्वास ईग जो नीमी नान खुशखबरी मतलब यीशु मसीह अन संदेश इन प्रचार इन अनुसार स्थरि माळ सकतद, परमेश्वर उन ई रहस्य पुरण सत्य युगयुग टु होचकु ईरोद, <sup>26</sup> लेकीन ईग प्रगट आगकु सनातन परमेश्वर उन आग्या देल भवषियवक्तागोळ्द कतिबगोळ द्वारा सप्पा जातीगोळी हेळकु आग्याद कि आंदुर वश्वास देल आग्या मानसावाळेर आगेगुल, <sup>27</sup> आवा सर्फ ऊंद बुद्धमिान परमेश्वर उन यीशु मसीह अन द्वारा हमेशा हमेशा मह्मि आगतेला ईरूल. आमीन.

## कुरन्थियों के नाम पौलुस प्रेरति की पहली पत्री कुरन्थिगोळ्द हेसुर पौलुस प्रेरति उन पयला चट्ठी परचिय

प्रेरति पौलुस पयला कुरन्थि ईद चट्ठी यीशु उन जनम इन ५५ साल इन बाददा लखिसदुन. १:१ पौलुस कुरन्थीवासीगोळी येद्व चट्ठी लखिसयान पौलुस उन ईद इच्छा ईरोद की आव मकदिनया होगईन अल होगा समय अदकि वापस बरा समय कुरन्थिवासीगोळ से मुलाकात माळाईन मकदिनया अक होगा से पयले पौलुस ईद चट्ठी लखिसदुन आग आव इफसियों दा ईरतोगोन. १६:५-९

पौलुस उक कुरन्थिगोळ मंडली दा जो फूट, व्यभचार, अनैतकिता घाई अलग अलग समस्यागोळ नळव अऊरुद अहवाल आऊक सकीत ई अहवाल इक प्रतिसाद कोळोर साटी पौलुस ईद चट्ठी लखिसदुन. कुरन्थि नगर व्यभचार घाई अनैतकिता दा प्रसदिध ईरोद. इदुरसाटी ईद स्वाभाविक अच ईरोद की हगि समस्यागोळ मंडली दा भी प्रवेश माळयाव. पयला कुरन्थिगोळ्द ईद चट्ठी दा प्यार इन बारा दा जो सुप्रसदिध अध्याय आद, अदुरुद भी समावेश आद. १३

रूप-रेखा:

१. पौलुस उन दी टु कुरन्थीवासीगोळी नमस्कार १:१-९
२. कुरन्थिगोळ्द मंडली दा आगावाळा दलबन्दी इन बारा दा पौलुस उन उत्तर १:१०-४:२१
३. लैगकि अदकि अनैतकिता अन अळचन अदकि आवुर दाबुर न्यायालयीन झगळा ५-६
४. मदा अन समस्या अदकि मुरतपुजक चढावा, सामुहकि आराधना, आत्मकि दान अदकि पुनरूत्थान ७-१५
५. व्यावहारकि अदकि व्यक्तगित मुद्दागोळ बारा दा पौलुस उन सलाह १६

1 पौलुस उन दी टु जो परमेश्वर उन इच्छा देल यीशु मसीह अन्द प्रेरति आगोर साटी कारूकु आत अदकि वार्ट सोस्थनिस दी टु,

2 \*परमेश्वर उन आ मंडली अन्द हेसुर जो कुरन्थिस दा आद, मतलब आंदुर हेसुर जो मसीह यीशु दा पवतिर माळकु आग्यार, अदकि पवतिर आगोर साटी कारूकु आग्यार; अदकि आ सप्पा मुंदुर हेसुर भी जो हर जागा दा आंदुर अदकि नाम प्रभु यीशु मसीह अन्द हेसुर देल प्रार्थना माळतार.

3 नाम आप्प परमेश्वर अदकि प्रभु यीशु मसीह अन्द दी टु नीमी अनुग्रह अदकि शांती सकितेला ईरूल.

यीशु मा वशिवास ईटावाळेर मा आशीषगोळ

4 ना नीमद् बारा दा तान परमेश्वर उन धन्यवाद हमेशा माळतीन, इदुरसाटी कि परमेश्वर उन ईद अनुग्रह नीम मा यीशु मसीह दा आत. 5 कि नीव यीशु मसीह दा ऊंद आगदुर कारण नीव हर मात दा, मतलब सप्पा वचन अदकि सप्पा ग्यान दा धनी माळकु आदीर. 6 यीशु मसीह अन्द बारा दा बातणी नीम दा पक्का होळुल. 7 इदुरसाटी कि यातोदारा वरदान दा नीमी कमी ना आगुल, ह्यांग नीव नाम प्रभु यीशु मसीह अन्द बरोद हादी नोळतेला ईरतीर. 8 आव नीमी आखरी ताका पक्का भी माळयान कि नीव नाम्द प्रभु यीशु मसीह अन्द वापस बरोद दनि दा नरिदोष ठहूसी. 9 परमेश्वर वशिवास इन लायक आन, याव नीमी तान पार नाम्द प्रभु यीशु मसीह इन संगत दा कारस्यान.

वशिवासीगोळ्द मंडली दा दरार

10 हे वारटुरा, ना नीम से नाम प्रभु यीशु मसीह अन्द हेसुर देल वनिती माळतीन कि नीव सप्पा मुंदुर ऊंद अच मात अनी, अदकि नीम दा फूट बळिबाळुल, लेकीन ऊंद अच मन अदकि ऊंद अच मत आगकु मलिसकु ईरी. 11 हे नान वारटुरा अदकि आकतींगेरा, खलोए अन्द घराना अन्द लांकुर नानी नीमद् बारा दा हेळदुर कि नीम दा झगळा आगेत्याव. 12 अनांद अनोद मतलब ईद आद कि नीम दा टु यावारा रा तान तान इक “पौलुस उन,” यावारा “अपुल्लोस उन,” यावारा “कैफा अन,” रा यावारा “मसीह अन्द” अनुयायी अनतार. 13 येन मसीह अन्द वाटा हसिसा आगेत? येन पौलुस नीम साटी कूस मा येरसुसकु आदुन? या नीमी पौलुस उन हेसुर मा बपतसिमा सक्ति?

14 अना परमेश्वर उन धन्यवाद माळतीन कि क्रसिपुस अदकि गयुस उक बटिकु ना नीम दा टु याऊकु भी बपतसिमा कोटीदील, 15 इदुरसाटी हगि आगबाळुल कि यावारा अनुल कि नीमी नान हेसुर मा बपतसिमा सक्ति. 16 अदकि हा, ना स्तफिनास इन घराना अक भी बपतसिमा कोट्टीन; इंदरी बटिकु ना जानसालीन कि ना अदकि यारीक बपतसिमा कोट्टीन. 17 यतकी मसीह नानी बपतसिमा कोळली ईला, लेकीन खुशखबरी केळसली कळुदुन, अदकि ईद भी मंळसा अन्द ग्यान इन आवाजगोळ्द अनुसार ईला, हगि आगबाळुल कि यीशु मसीह अन्द कूस बेकार ठहूसुल.

मसीह परमेश्वर उन ग्यान अदकि सामर्थ्य हुन

18 यतकी कूस इन कात्ता नाश आगावाळेर साटी मूर्खता आद, लेकीन नाव उद्धार ताकोमावाळेर साटी परमेश्वर उन सामर्थ्य आद. 19 यतकी शास्त्र दा लखिसकु आद,

“ना ग्यानवंतगोळ ग्यान इक नाश माळाईन,

अदकि समझदार गोळ्द समझ इक सब से बेकार माळ बुळाईन.”

20 येल आन ग्यानवान? येल आन नयिम इन गुरु? येल आन ई दुनया अन ववाद माळावाळा? येन परमेश्वर ई दुनया अन ग्यान इक मूर्खता ठहूसीदील?

21 यतकी याग परमेश्वर उन ग्यान इन अनुसार ईद दुनया तान ग्यान देल परमेश्वर उक जान्स सकदिल, रा परमेश्वर उक ईद वळ्लीद हत की ई प्रचार इन “मूर्खता” अन्द द्वारा वशिवास माळावाळेर इक उदधार कोळुल. 22 यहूदी रा चमत्कार इन चमत्कार चाहासतार, अदकि ग्रीक ग्यान इन खोज दा आर, 23 लेकीन नाव रा आ कूस मा येर्सकु आग्यान आ मसीह अन्द प्रचार माळतेव, जो यहूदीगोळ्द साटी ठोकर इन कारण अदकि गैरयहूदीगोळ साटी मूर्खता आद; 24 लेकीन जो कारूकु आग्यार, येन यहूदी येन गैरयहूदी, आंदुर हात्ती मसीह परमेश्वर उन सामर्थ्य अदकि परमेश्वर उन ग्यान आद. 25 यतकी परमेश्वर उन मूर्खता मंळसागोळ्द ग्यान देल ग्यानवान आद, अदकि परमेश्वर उन कमजोरी मंळसागोळ्द ताकत देल हापाळ बलवान आद.

26 हे वारटुरा अदकि आकतीगेरा, तान कारूकु आगोद मा रा सोची काना मय इन अनुसार हापाळ ग्यानवान, अदकि ना हापाळ सामर्थी, अदकि ना हापाळ वळ्लीद घराना टु कारूकु आग्यार. 27 लेकीन परमेश्वर दुनया अन मूर्खगोळी नीवळुसदुन की ग्यानवंतगोळी शर्मदा माळुल, अदकि परमेश्वर दुनया अन कमजोर मंळसागोळी नविळुसदुन की बलवानगोळी शर्मदा माळुल; 28 अदकि परमेश्वर दुनया अन नीचगोळी अदकि तुच्छगोळी इक भी जो खुद ईला अन्द बराबर समस्तार आंदरी भी नीवळुसदुन, ताकी महत्वपूरण मातगोळ आंदरी व्यर्थ ठहूसुल. 29 परमेश्वर हगि माळदुन ताकी यातोदु प्राणी आऊन मुंद घमण्ड माळबाळुल. 30 लेकीन परमेश्वर नामी यीशु मसीह दा ऊंद माळदुन, जो परमेश्वर उन दी टु नाम साटी ग्यान ठहूसुत. आऊन द्वारा नाव परमेश्वर उन मुंद न्यायी ठहूसुल, अदकि पवत्रि अदकि स्वतंत्र माळकु आदेव; 31 ताकी ह्यांग शास्त्र दा लखिसकु आद, हांग अच आगुल, “जो घमण्ड माळ्यान आव प्रभु दा घमण्ड माळुल.”

## 2

कूस मा येर्सकु आग्यान मसीह अन्द बारा दा बातणी

1 हे वारटुरा अदकि आकतीगेरा, याग ना परमेश्वर उन रहस्यमय सच्चाई अदकि भेद केळसतेला नीम्द हात्ती बंदीन, रा आवाजगोळ या ग्यान इन उत्तमता अन्द सांगुळ बंददिल. 2 यतकी ना ईद ठान्स कोडीदनि की नीम्द न्याइया यीशु मसीह बल्की कूस मा येर्सकु आदुन मसीह अदकि आऊन मृत्यु इक बटिकु यातोदु अदकि मात इक जान्सतीदिल. 3 \*ना कमजोरी अदकि अंजक इन सांगुळ, अदकि हापाळ नळगत-नळगत नीम हात्ती बंदीन; 4 अदकि नान वचन, अदकि नान प्रचार दा ग्यान इक लभावना मातगोळ ईला, बल्की आत्मा अदकि सामर्थ्य इन प्रमाण ईरोद, 5 इदुरसाटी की नीम्द वशिवास मंळसागोळ्द ग्यान मा ईला, लेकीन परमेश्वर उन सामर्थ्य मा नरिभर ईरूल.

परमेश्वर उन ग्यान

6 तरी भी जानकार लॉकर दा नाव ग्यान केळसतेव; लेकीन ई दुनया अन अदकि ई दुनया अन नाश आगावाळेर शासकगोळ्द ग्यान ईला; 7 लेकीन नाव

परमेश्वर उन अद होचकु ग्यान, भेद इन रहस्य अनन्द वरणन माळतेव मतलब आ होचकु ग्यान इक यारी परमेश्वर दुनिया माळोद पयले टु ना नाम्द महिमा अनन्द साटी ठहूरस्यान, 8 यारी ई दुनिया अन शासकगोळ दा टु यारू जान्सीदलि, यतकी अगर आंदुर जान्सायदुर रा महिमा माळावाळा प्रभु उक कूरस मा ईला येरसायदुर. 9 लेकीन ह्यांग लखिसकु आद,

“जो मात कण्णगोळ नोळीदील अदकि कविगोळ केळीदील,

अदकि जो मातगोळ मळसा अनन्द मगज दा तुमीदलि,

आंदुर अच उर जो परमेश्वर तान प्यार ईटावाळेर साटी तयार माळ्यान.”

10 लेकीन परमेश्वर आंदरी तान आत्मा अनन्द द्वारा नाम मा प्रगट माळदुन, यतकी आत्मा सप्पा मातगोळ, उलटा परमेश्वर उन रहस्यमय मातगोळ भी जाँच तान. 11 मळसागोळ दा टु याव यावारा मळसा अनन्द मातगोळी जान्सतान, सरिफ मळसा अन आत्मा जो आऊंदा आद? हांग अच परमेश्वर उन मातगोळ भी याऊ जान सकालुन, सरिफ परमेश्वर उन आत्मा अच जान सकतद. 12 लेकीन नामी दुनिया अन आत्मा ईला, लेकीन अद आत्मा सकियाद जो परमेश्वर उन दी टु आद कनिाव आ मातगोळी जान्सेव जो परमेश्वर नामी कोटान.

13 यारी नाव मळसागोळ्द ग्यान इन कल्सद मातगोळ दा ईला, लेकीन परमेश्वर उन आत्मा अनन्द कल्सद मातगोळ मा, यारी परमेश्वर उन आत्मा आद आंदरी आत्मकि मातगोळ केळ्सतेव. 14 जो मळसा परमेश्वर उन आत्मा अनन्द मातगोळी ग्रहण माळालुन, यतकी अव आऊन नजर दा मूर्खता नव मातगोळ आव, अदकि ना आव आंदरी जान्स सकतान यतकी आंदुर जाँच आत्मा अनन्द रीति देल आगतद. 15 यारी परमेश्वर उन आत्मा आद आव मळसा सप्पा येनारा जाँच तान, लेकीन आव खुद यारदु से जाँच कु आगालुन. 16 ह्यांग पवतिरशास्त्र दा लखिसकु आद,

“याव जान्स सकतान प्रभु उन मन इक?

याव आऊक सलाह कोळ सकतान?”

लेकीन नाम दा मसीह अनन्द मन आद.

### 3

परमेश्वर उन सेवक

1 हे वारदुरा अदकि आकतीगेरा, ना नीम से ई रीति देल मातगोळ माळ सकदील ह्यांग कि आत्मकि लॉकुर से, लेकीन ह्यांग कि दुनिया अन लॉकुर से, अदकि आंदुर से जो मसीह दा चकिर आर. 2 \*ना नीमी हाल कुळसदीन, अनाज तनिसदील; यतकी नीव अदरी पचुस ईला सकीर; सही दा नीव ईगास ताका अदरी पचुस सकालीर, 3 यतकी नीव ईगास ताका दुनिया अन लॉकुर घाई आईर. यागासताका नीम दा मतभेद अदकि झगळा आद, रा येन नीव ई दुनिया नोर आल्लच? अदकि येन मळसा अनन्द रीति मा नळालीर? 4 \*यतकी याग पयला अनतान, “ना पौलुस उन हुईन,” अदकि दुसरा अनतान, “ना अपुल्लोस उन हुईन,” रा येन नीव दुनिया अन मळसागोळ्द घाई जीऊस सकालीर?

5 येन हुन अपुल्लोस? अदकि येन हुन पौलुस? सरिफु सेवक, याऊन द्वारा नीव वशिवास माळदीर, ह्यांग हर ऊंद मंळसा अक प्रभु सौप्सदुन हांग आंदुर क्याल्सा माळ पायजे. 6 \*ना हचदीन, अपुल्लोस सच्चिसदुन, लेकीन परमेश्वर वाळुसदुन. 7 इदुरसाटी ना हचावाळा येनारा आन अदकि अदरी सचावाळा, लेकीन परमेश्वर अच सप्पा येनारा आन जो वाळुसावाळा आन. 8 हचावाळा अदकि सचावाळा येदुदु ऊंद सारखा आर; लेकीन हर ऊंद मंळसा अक तान अच मेहनत इन अनुसार आऊक परमेश्वर आऊन क्याल्सा अन्द अनुसार आऊक मजदूरी कोट्टान. 9 यतकी नाव परमेश्वर उन सहकर्मी आयेव; नीव परमेश्वर उन केई

अदकि परमेश्वर उन रचना हुईर. 10 परमेश्वर उन आ अनुग्रह अन्द अनुसार जो नानी कोटकु आग्याद, ना बुद्धमिान राजमसित्री इन घाई पायवा हाकदनि, अदकि दुसरा अदुर मा रद्दा मंळसतान. लेकीन हर ऊंद मंळसा सावधान ईरूल कि आव आऊन मा ह्यांग रद्दा ईटतान. 11 यतकी आ पायवा अक बटिकु जो बदिकु आद, अदकि अद यीशु मसीह हुन, याऊ दुसरा पायवा हाक सकालुन. 12 अगर यावारा मंळसा ई पायवा मा व्हान्ना, बेळ्ली, बारर कल्ल, हुळ्ली या काडडा देल रद्दा मंळस्यान, 13 रा हर ऊंद मंळसा अन्द क्याल्सा प्रगट आगेदीत; यतकी न्याय इन अद दनि आऊक हेळीत, इदुरसाटी कि बेक्की इन सांगुळ प्रगट आदान अदकि अद बेक्की हर ऊंद मंळसा अन्द क्याल्सा परखुसीत कि ह्यांग आद. 14 याऊन क्याल्सा आ नीव मा माळकु स्थरि ईत्तीत, रा आऊक मजदूरी सकिकीत. 15 अगर यावारा मंळसा अन्द क्याल्सा होतेदति, रा आव घाटा नेगदान; लेकीन आव खुद ऊळदोदान लेकीन व्हत्तेला-व्हत्तेला.

16 \*येन नीव जान्सालीर कि नीव परमेश्वर उन मंदरि हुईर, अदकि परमेश्वर उन आत्मा नीम दा वास माळतद? 17 अगर यावारा मंळसा परमेश्वर उन मंदरि इक नाश माळ्यान रा परमेश्वर आऊक नाश माळ्यान; यतकी परमेश्वर उन मंदरि पवतिर आद, अदकि अद नीव हुईर.

18 याऊ तान तान इक ध्वाका कोळबाळुल. अगर नीम दा टु यावारा ई दुनया दा तान तान इक ग्यानी सम्सतान, रा आव मूरख बनसुल कि ग्यानी आगेगुल. 19 यतकी ई दुनया अन ग्यान परमेश्वर उन हात्ती मूरखता आद, ह्यांग शास्त्र दा लखिसकु आद, “आव ग्यानीगोळी आंदुरद चतुराई दा फसुस कोमतान,” 20 शास्त्र दा हगि लखिसकु आद कि, “प्रभु ग्यानीगोळ्द वचिरगोळी इक जान्सतान कि अव व्यर्थ आव.” 21 इदुरसाटी मंळसागोळ बारा दा यारू घमण्ड माळबाळी, यतकी सप्पा येनारा नीम दा हुन: 22 येन पौलुस, येन अपुल्लोस, येन कैफा, येन दुनया, येन जीवन, येन सायोद, येन वर्तमान, येन भवषिय, सप्पा येनारा नीम्दा हुन: 23 नीव मसीह नव हुईर, अदकि मसीह परमेश्वर उन हुन.

## 4



## मसीह अनन्द प्रेरति

1 मंळसा नामी मसीह अन सेवक अदकि परमेश्वर उन मातगोळ्द मुनीम समसुल. 2 बाक ईल भंडारी दा ईद मात जरूरी आद का भंडारी देखरेख माळावाळा मुनीम वशिवासलायक ईरूल. 3 लेकीन नांद नजर दा ईद हापाळ स्यांळ्द मात आद का नीव या मंळसागोळ्द यावारा न्यायालय नानी न्याय दलिसुल, बल्की ना खुद तान तान इक न्याय दलिस सकालीन. 4 यतकी नांद मन नान न्याय माळाल्द, लेकीन इदुर देल ना नरिदोष ठहरूसालीन, यतकी नांद जाँच माळावाळा प्रभु आन. 5 इदुरसाटी यागासताका प्रभु बरालुन, समय टु पयला यातोदु मात इन न्याय माळबाळी: आवा अंधकार इन होचकु मातगोळ ज्योती दा तोरस्यान, अदकि मनगोळ अभपिरायगोळी इक प्रगट माळ्यान, आग परमेश्वर उन दी टु हर ऊंद मंळसा अनन्द प्रशंसा आदीत.

6 हे वारटुरा अदकि आकतींगेरा, ना ई मातगोळ दा नीम साटी तान अदकि अपुल्लोस उन मातगोळ उदाहरण इन रीतीमा माळीन, इदुरसाटी कानीव नाम द्वावा ईद कली का जो शास्त्र दा लखिसकु आद अदुर से मुंद आगवाळेतीर, अदकि ऊंद मंळसा अनन्द वरिध दा अदकि दुसरा मंळसा अनन्द वरिध दा गर्व माळबाळेतीर. 7 नीन दा अदकि दुसरा मंळसा दा याव भेद माळतान? अदकि नीन हातती येन आद जो नीनी परमेश्वर देल सकिकीदील? अदकि याग का नीनी परमेश्वर देल सकियाद, रा हगि घमण्ड येती माळत्या का मान्सी नानी सकिकीदील?

8 नीव रा संतुष्ट आगीदीर, नीव धनी आगीदीर, नीव नाम बनि राज्य माळदीर; लेकीन भला आगाईत का नीव राज्य माळायदीर का नाव भी नीम सांगुळ राज्य माळायदेव. 9 नान समझ दा परमेश्वर नाव प्रेरतिगोळी सब मुंदुरद बाद्दा आ लॉकुर घाई ठहरूस्यान, यार्द सायोद आग्या आगेग्याद; यतकी नाव दुनिया अदकि स्वर्गदूतगोळ अदकि मंळसागोळ साटी ऊंद तमाशा ठहरूसकु आयेव. 10 नाव मसीह अन साटी मूर्ख आयेव, लेकीन नीव मसीह दा बुद्धिमान आईर! नाव कमजोर आयेव, लेकीन नीव बलवान आईर! नीमी आदर सकितद, लेकीन नाम्द अपमान आगतद! 11 नाव ई घळी ताका हस्तकु नीरअळक अदकि हरकु कपळा हाकतेव, नाम सांगुळ बुरा तरीका देल व्यवहार माळतार अदकि नाव मारा मारा टेटतेव; 12 अदकि तान अच कयगोळ देल क्याल्सा माळकु मेहनत माळतेव. लॉकुर नामी बुरा अनतार, नाव आशीष कोळतेव; आंदुर सतुस्तार, नाव सहन माळतेव. 13 आंदुर बदनाम माळतार, नाव वनिती माळतेव. नाव ईद ताका दुनिया अन मईल अदकि सप्पा वस्तुगोळ्द खात कचरा अन घाई ठहरूसकु आयेव.

14 ना नीमी शर्मदा माळोर साटी ईव मातगोळ लखिसालीन, लेकीन नानव प्रयि चकिर घाई समसकु नीमी चेतावनी कोळतीन. 15 यतकी अगर मसीह दा नीमी कल्सावाळेर हत्त हजार भी ईरायदुर, तरी भी नीमव गुरुगोळ हापाळ सा हैलेच; इदुरसाटी का मसीह यीशु दा खुशखबरी इन द्वावा ना नीमव आप्प आदीन. 16 इदुरसाटी ना नीम से वनिती माळतीन का नीव नान अनुकरण

माळी. 17 ईदा कारण ना तीमुथयिस उक, जो प्रभु दा नानव प्रयि पार अदकि विश्वासयोग्य सेवक आन, नीम हात्ती कळुदीन. आव नीमी मसीह दा नान आचरण इन याद माळ्यान, ह्यांग का ना हर जागा दा, हर ऊंद मंडली अक उपदेश कोळतीन.

18 येनारा लॉकुर घमण्ड देल हगि बातोग्यार, मान्सी ईग ना नीम हात्ती बरातीदील. 19 लेकीन प्रभु चाहास्यान रा ना नीम हात्ती राटनेरी इच बराईन, अदकि आ बातकुगोळ्द मातगोळ इक ईला, लेकीन आंदुर सामर्थ्य इक जान्स कोमाईन. 20 यतकी परमेश्वर उन राज्य मातगोळ दा ईला लेकीन सामर्थ्य दा आद. 21 नीव येन चाहासतीर? येन ना कोल हुळकु नीम हात्ती बराईन, या प्यार अदकि नम्रता अन सांगुळ?

## 5

मंडली दा अनैतकित्ता

1 ईद सही दा केळ सकियाद का नीम बीच दा व्यभचार आगतद, अदकि हगि व्यभचार जो गैरयहूदीगोळ दा भी आगाल्द, मतलब ऊंद मळसा तान आप्प उन हगिस उक ईटतान. 2 पर नीव घमण्ड देल बातोगीर, अदकि नीव इदुर बदला दुख माळालीर, यदुर देल का हगि कयाल्सा माळावाळा नीम बीच दा टु तेगुकु आगायदुन. 3-4 ना रा मय देल दुर ईरीन, लेकीन आत्मा देल नीम सांगुळ आगकु मान्सी उपस्थिती इन दशा दा हगि कयाल्सा माळावाळेर्द बारा दा ईद आग्या कोटबुट्टीन का याग नीव अदकि नांद आत्मा, नामव प्रभु यीशु उन सामर्थ्य इन सांगुळ जमा आगुल, रा हगि मळसा नामव प्रभु यीशु उन हेसुर देल 5 रा हगि मळसा मय इन वनाश इन साटी भूत इक सौप्सकु आगुल, का आऊन आत्मा अक प्रभु यीशु उन दनि दा उद्धार सकिकुल.

6 \*नीमद घमण्ड माळोद वळ्लीद ईलच; येन नीव जानसालीर का थवाळासा खमीर पुरा कालस्कु हीट इक खमीर माळ बुळतद? 7 हाळोद खमीर तेगुकु तान तान इक शुद्ध माळी का व्हाशोद कालस्कु हीट आगेगी; मतलब नीव अखमीरी हीट आगेगी ह्यांग नीव सही दा आईर. यतकी नाम्द भी फसह, जो मसीह आन, आऊन बलदान आग्याद. 8 इदुरसाटी बरी, नाव हाब्ब दा खुशी मानसाता, ईदारा हाळोद खमीर टु अदकि ना बुराई अदकि दुष्टता अन खमीर टु, लेकीन सीधाई अदकि सच्चाई इन अखमीरी रोट्टी देल.

9 ना तान चट्टी दा नीमी लखिसीन का व्यभचारीगोळ्द संगती माळबाळेत. 10 ईद ईला का नीव ई दुनिया अन व्यभचारीगोळ, या लोभ माळावाळेर, या अंधार माळावाळेर, या मूर्ति इन पुजा माळावाळेर्द संगती माळबाळी; यतकी ईद दशा दा टु होटबुळोद अच बळ्ळीत. 11 पर नान कहना ईद आद का अगर यावारा वार्ट अंदकु, व्यभचारी, या लोभ माळावाळा, या मूर्ति इन पुजा माळावाळा, या बोयावाळा, या सारा कुडावाळा, या अंधार माळावाळा हुन, रा आऊन संगती माळबाळेत; उलटा हगि मळसा अन्द सांगुळ ऊम भी बाळेतैर.

12 यतकी नानी व्हार्यावाळेरुद न्याय माळदुर देल येन क्यालसा? येन नीमी आंदुरद न्याय माळोद ईलच जो मंडली दा आर? 13 लेकीन व्हार्यावाळेरुद न्याय परमेश्वर माळतान. इदुरसाटी आ कुकर्मी अक तान बीच दा टु तेगु बुळी.

## 6

मसीहगोळ दा मुकदमेबाजी

1 याग नीम न्याड्या आपस दा झगळा आगतद रा येन नीम दा टु हगि यावारा आन जो पवत्रि लॉकुर हात्ती होगोद बदला अवशिवासीगोळ देल न्याय माळसुसोद दुससाहस माळतान? 2 येन नीव जान्सालीर की वशिवासी पवत्रि लॉकुर दुनया अन न्याय माळ्यार? इदुरसाटी याग नीमी दुनया अन न्याय माळोद आद, रा येन नीव स्याळ्द से स्याळ्द झगळागोळ्द भी नरिणय माळोद लायक ईलच? 3 येन नीव जान्सालीर की नाव सवर्गदूतगोळ न्याय माळेव? रा येन सांसारकि मातगोळ्द नरिणय माळतीदील? 4 अगर नीमी सांसारकि मातगोळ्द नरिणय माळोद ईतीदाद, रा येन आंदरी अक अच कुरसेतीर यार्द मंडली दा येनु भी संबंघ ईलच? 5 ना नीमी शर्मदा माळोर साटी ईद अनतीन. येन खराखुरा नीम दा ऊंद भी बुद्धमिान सकालुन, जो तान वार्दुर नरिणय माळ सकुल? 6 नीम दा वार्दुर वार्दुर दा मुकदमा आगतद, अदकि अद भी अवशिवासीगोळ मुंद.

7 लेकीन सही दा नीम दा हापाळ दोष रा ईद आद की आपस दा मुकदमा माळतीर. अन्याय येती सहन माळालीर? तान हानि येती सहन माळालीर? 8 लेकीन नीव रा खुद अच अन्याय माळतीर अदकि हानि पहुचुसतीर, अदकि अद भी वार्दुरी का. 9 येन नीव जान्सालीर की अन्यायी लॉकुर परमेश्वर उन राज्य अन्द वारीस आगसकालुर? ध्वाका तनिवाळी; ना यौन संबंघ, ना मूर्त्ति इन पुजा माळावाळा, ना परस्त्रीगामी, ना गंळसगामी, 10 ना काळ्ल, ना लोभी, ना सारा कुडावाळा, ना बोयावाळा, अदकि ठगुसावाळेर परमेश्वर उन राज्य अन्द वारीस आदार. 11 अदकि नीम दा टु यास हगि अच ईरोर, लेकीन नीव प्रभु यीशु मसीह अन्द हेसुर देल अदकि नाम परमेश्वर उन आत्मा देल तोळुकु आदव अदकि पवत्रि आदुर अदकि न्यायी ठहूरसदुर.

मय परमेश्वर उन महिमा अन्द साटी

12 सपपा वस्तुगोळ नान साटी उचति रा आद, लेकीन सपपा वस्तुगोळ लाभ इन आलच; सपपा वस्तुगोळ नान साटी उचति आद, लेकीन ना यार्दु मात इन हात्ती आगालीन. 13 आमली काण्णा व्हाट्टा अन्द साटी, अदकि व्हाट्टा आमली काण्णा अन्द साटी आद, लेकीन परमेश्वर इदरी अदकि अदरी येदु उक नाश माळयान. लेकीन शरीर व्यभचार इन साटी ईला, बल्की प्रभु उन साटी हुन, अदकि प्रभु शरीर इन देखभाल माळोर साटी आन. 14 परमेश्वर तान सामर्थ्य देल प्रभु उक जित्ता माळदुन, अदकि नामी भी जित्ता माळयान.

15 येन नीव जान्सालीर कि नीमूद मय मसीह अनूद मय इन अंग हुन? रा येन ना मसीह अनूद मय इन अंग हुळकु आंदरी वेश्या अनूद अंग माळाईन? यागलु ईला. 16 येन नीव जान्सालीर कि जो यावारा वेश्या से संगती माळतान, आव आकनि सांगुळ ऊंद तन आगेगतान? यतकी शास्त्र दा लखिसकु आद: "आंदुर येदुहु मुंदुर ऊंद तन आदार." 17 अदकि जो प्रभु उन संगती दा जोळसकु आग्यार, आव आऊन सांगुळ ऊंद आत्मा बनसेगुल.

18 व्यभचार देल ऊळदकु ईरी. यास अन्य पाप मळसा माळतान अव मय इन व्हार्या आद, लेकीन व्यभचार माळावाळा तान अच मय इन वरिदूध पाप माळतान. 19 येन नीव जान्सालीर कि नीमूद मय पवतिर आत्मा अनूद मंदरि आद, जो नीम दा कुरतकु आद अदकि नीमी परमेश्वर उन दी टु सकियाद; अदकि नीव तानव आलच? 20 यतकी परमेश्वर नीमी दाम कोटकु कोंडुन, इदुरसाटी तान मय इन द्वारा परमेश्वर उन महिमा माळी.

## 7

मदा से संबंघति प्रश्न

1 आ मातगोळ बारा दा जो नीव लखिसीर,

ईद वळ्लीद आद कि गंळस आरत इक मुठबाळुल. 2 लेकीन व्यभचार इन अंजक देल हर ऊंद गंळस उन हगिस, अदकि हर ऊंद आरत इन गांडड ईरूल. 3 गांडड तान हगिस उन हक्क पुरा माळुल; अदकि हांग अच हगिस भी तान गांडड उन हक्क पुरा माळुल. 4 हगिस उक तान मय मा अधिकार हैलेच लेकीन आकनि गांडड उन अधिकार आद; हांग अच गांडड उक भी तान मय मा अधिकार हैलेच, लेकीन हगिस उन आद. 5 नीव आबुर दाबुरी ई अधिकार देल वंचति माळबाळी, लेकीन सरिफ आपसी सहमती देल थ्वाळासा समय ताका अलग ईरी कि प्रार्थना अनूद साटी मवका सकिकुल, अदकि बाक ऊंद सांगुळ आगेगी, ईदारा हगि आगबाळुल कि नीमूद असंयम इन कारण भूत नीमूद परीक्षा ताकोमुल.

6 लेकीन ना इजाजत इन रूप दा ईद अनतीन, आदेश इन रूप दा ईला. 7 ना ईद चाहासतीन कि ह्यांग ना आईन, हांग अच सप्पा मळसा ईरूल; लेकीन हर ऊंद मळसा अक परमेश्वर उन दी टु वशिष वशिष वरदान सकियाव; यारीकारा यातोदारा प्रकार इन, अदकि यारीकारा यातोदारा अलग प्रकार इन.

8 ईग ना कुवारा अदकि रांड्यागीतेर बारा दा अनतीन कि आंदुर साटी हगि अच ईरोद वळ्लीद आद, ह्यांग ना आईन. 9 लेकीन अगर आंदुर संयम ईट सकालुर, रा मदा माळुल; यतकी मन दा गलत बचार माळदुर देल मदा माळोद भला आद.

10 यारूद मदा आगेग्याद, आंदरी ना ईला, बल्की प्रभु आग्या कोळतान कि हगिस तान गांडडुन से अलग आगबाळुल. 11 अदकि अगर अलग भी आदार, रा दुसरा मदा माळबाळुल हांगा ईरूल; या तान गांडड उन से बाक मेल माळ कोमुल, अदकि ना गांडड तान हगिस उक बळिबाळुल.

12 दुसरा से प्रभु ईला लेकीन ना अच अनतीन, अगर यावारा वार्ट उन हगिस् वशिवास ईला ईटतीदार अदकि आऊन सांगुळ ईततुर देल खुश ईतीदार, रा आव आक इक बळिबाळुल. 13 या आर्त इन गांडड अवशिवासी ईतीदान, अदकि आकनि सांगुळ ईततुर देल खुश ईरूल; रा आक तान गांडड उक बळिबाळुल. 14 यतकी हगि गांडड जो अवशिवासी ईतीदान, आव हगिस् उन कारण पवतिर ठहूसतान; अदकि हगि हगिस् जो वशिवास ईला ईटतीदार, गांडड उन कारण पवतिर ठहूसतार; ईदारा नीमव चकिोर-चळिगेर अशुध्द ईरायदुर, लेकीन ईग रा पवतिर आर. 15 लेकीन जो गंळस अवशिवास ईतीदान, अगर आव अलग आदान रा अलग आगगोळी, हगि दशा दा याऊ वार्ट या आकतींग बंधन दा ईला. परमेश्वर नामी मेल मलिाप माळोर साटी कारस्यान. 16 यतकी हे आर्त, नी येन जानसत्या कनि तान गांडड उन उद्धार माळसुस कौड्या? अदकि हे गंळसा, नी येन जानसत्या कनि तान हगिस् उन उद्धार माळसुस कौड्या?

परमेश्वर ह्यांग कारूतान अदुर अनुसार नळी

17 ह्यांग प्रभु हर ऊंद मंळसा अक जीवन कोट्टुन, अदकि ह्यांग परमेश्वर हर ऊंद मंळसा अक कारदुन, हांग अच आव नळुल. ना सप्पा मंडलीगोळ दा हगि अच कलसतीन. 18 येन यावारा खतना अन्द दशा दा कारूकु आग्यान, अदकि परमेश्वर ह्यांग यारी कारस्यान, आव खतनारहति बन्सबाळुल. जो खतनारहति दशा दा कारूकु आग्यान? आव खतना माळबाळुल? 19 ना खतना येनु आद अदकि ना खतनारहति, लेकीन परमेश्वर उन आग्यागोळ अनुसार नळोद सप्पा येनारा आद. 20 हर ऊंद मंळसा या दशा दा परमेश्वर कारदान, आव अदा दशा दा ईरूल. 21 अगर नी दास उन दशा दा कारूकु आगीद्या रा चन्तिता माळबाळ; लेकीन अगर नी आजाद आगोद चाहासत्या, रा हगि अच क्याल्सा माळ. 22 यतकी जो दास उन दशा दा प्रभु दा कारूकु आग्यान, आव प्रभु उन स्वतंत्र माळकु जन हुन. हांग अच जो स्वतंत्रता अन्द दशा दा कारूकु आग्यान, आव मसीह अन्द दास हुन. 23 नीमी परमेश्वर दाम कोटकु कौडुन; मंळसागोळ्द दास बन्सबाळी. 24 हे वार्टुरा अदकि आकतीगेरा, जो यावारा या दशा दा कारूकु आग्यान, आव परमेश्वर उन मुंद ईरूल.

बनिा मदावळ्त अदकि रांड्यागीतेर

25 कुवारा पोरगोळ बारा दा प्रभु उन यातोदु आग्या नानी सक्कीदील, लेकीन वशिवासयोग्य आगोर साटी ह्यांग दया प्रभु नान मा माळदुन, ना अदुरदा अनुसार सम्मर्त कोळतीन.

26 नांद समझ दा ईद वळ्लीद आद कि ईद नाळ क्लेश इन कारण, मंळसा ह्यांग आन हांग अच ईरूल. 27 अगर नीन हगिस् आर, रा आकनि से अलग आगोद प्रयास माळबाळ; अदकि अगर नीन हगिस् ईलच, रा हगिस् उन खोज माळबाळ. 28 लेकीन अगर नी मदा भी माळ्या रा पाप माळाल. अदकि अगर कुवारा पोर मदा माळुल, रा आक पाप माळालुर. तरी भी मदा माळतार आंदरी ई जीवन दा शारीरिक दुख आदीत, अदकि ना नीमी ऊळसोद चाहासतीन.

29 हे वार्टुरा अदकि आकतीगेरा, ना ईद अनतीन कि समय कम माळकु आग्याद, इदुरसाटी ईग टु यार हगिस् आर आंदुर हगि ईरी मान्सी कि आंदुरद

हगिस् ईलच; 30 अदकि वर्ला वाळेर हगि ईरूल मान्सी वर्लालुर, अदकि खुशी माळावाळेर हगि ईरूल मान्सी खुशी माळालुर. अदकि जो पैसूया कोटक कुमावाळेर आर आंदुर हगि ईरूल मान्सी आंदुर हात्ती येनु हईच ईलच. 31 अदकि ई दुनया अन सांगुळ व्यवहार माळावाळेर हगि ईरूल, मान्सी कि आंदुर आ व्यवहार होचकु हैलेच; यतकी ई दुनया अन रीति अदकि व्यवहार खतम आगोगताव.

32 लेकीन ना ईद चाहासतीन कि नीमी चिता आगबाळुल. बनि मदावाळा गंळस प्रभु उन मातगोळ्द चिता दा इरतान कि प्रभु उक ह्यांग खुश ईटुल. 33 लेकीन मदावाळा मंळसा दुनया अन मातगोळ्द चनिता दा इरतान कि तान हगिस् उक याता रीतिदेल खुश ईटुल. 34 मदावळ्त अदकि बनि मदावळ्त पोर दा भी भेद आद: बनि मदावळ्त पोर प्रभु उन चनिता दा ईरतार कि आक मय अदकि आत्मा येद्धु दा पवतिर ईरूल, लेकीन मदावळ्त दुनया अन चनिता दा ईरतार कि तान गांडड उक खुश ईटुल.

35 ना ईद मात नीमदा लाभ साटी अनतीन, ना कि नीम मा बंधन हचोर साटी, बल्की इदुरसाटी कि ह्यांग शोभा कोळतद हांग अच माळ पायजे, कि नीव ऊंद मगज आगकु प्रभु उन स्यावा दा हतकु ईरी.

36 या सगाई माळ्त ज्वाळा मदा ईला माळोद नरिणय ताकोडाद, लेकीन अगर आ मंळसा अक हततद, कि आऊन व्यवहार आ कुवारा पोर इन प्रती वळ्लीद हैलेच, अदकि आऊन भावनागोळ हापाळ मजबूत आव अदकि आऊक हततद, कि आंदरी मदा माळकोम पायजे, रा आंदरी जरूर मदा माळ पायजे ह्यांग आव चाहासतान, ईदुर दा येनु पाप हैलेच. 37 लेकीन याव ईद मामला अक तान दमाक दा तय माळदुन, जो यातोदारा भी मजबुरी अन हात्ती हैलेच, लेकीन तान इच्छा मा काबु ईटतान, अदकि याव कुवारा पोर इन से मदा ईला माळोद तान मन माळ कोडान, आव मंळसा भी वळ्लीद माळतान. 38 जो मदा माळतान, आव वळ्लीद माळतान, अदकि जो मदा माळालुन, आव मात्त अदकि भी वळ्लीद माळतान.

39 यागासताका यातारा आरुत इन गांडड जतिता इरतान, आगासताका आ आरुत आऊन बंधन दा ईरतार; लेकीन अगर आकनि गांडड सोतोदान रा यारी चाहस्यार आऊन से मदा माळ सकतार, लेकीन प्रभु दा वशिवासी ईर पायजे. 40 लेकीन अगर आक बनि मदा माळदुर देल ईरूल, रा नान वचार दा अदकि भी धन्य आर; अदकि ना समसतीन कि परमेश्वर उन आत्मा नान दा भी आद.

## 8

मूरतगिोळी येर्सकु आगोद आमली काण्णा

1 ईग मूरतगिोळ्द मुंद बली माळ्द भोजन वस्तुगोळ्द बारा दा नाव जान्सतेव कि नाव सप्पा मुंदरी ग्यान आद.

ग्यान घमण्ड पैदा माळतद, लेकीन प्यार देल उन्नती आगतद. 2 अगर यावारा समसुल कि ना येनारा जान्सतीन, रा ह्यांग जान्सोद पायजे हांग ईग ताका जान्सालुन. 3 लेकीन अगर यावारा परमेश्वर से प्यार ईटतान, रा परमेश्वर आऊक अरूतान.

4 इदुरसाटी मूर्तीगोळ्द मुंद बली माळ्द वस्तुगोळ्द तनिोद बारा दा नाव जानसतेव कर्मूर्त्ति इन दुनिया दा येनु अस्तत्तिव ईलच, अदकि आऊक बटिकु याऊ परमेश्वर ईलच. 5 इदुरसाटी आकाश दा अदकि पृथ्वी मा हापाळ सा “द्याव” कहलुसतार. ह्यांग कर्म हापाळ सा द्याव अदकि हापाळ सा “प्रभु” आर. 6 तौभी नाम साटी रा ऊंद अच परमेश्वर आनः मतलब आप्प याऊन दी टु सप्पा वस्तुगोळ माळकु आग्याव, अदकि नाव आऊन साटी आयेव. अदकि आव ऊंद अच प्रभु आन, मतलब यीशु मसीह याऊन द्वारा सप्पा वस्तुगोळ माळकु आव, अदकि नाव भी आऊन द्वारा माळकु आगेव.

7 लेकीन सप्पा मळसागोळी ईद ग्यान ईलच, लेकीन येनारा लॉकुर ईग ताका मूर्त्ति इन संपर्क दा ईत्तुर कारण ईग ताका बली कोळ्द वस्तु अक हगि तनितार मान्सी खराखुरा मूर्त्ति इन मुंद बली माळकु आग्याद, अदकि आऊन वविक नर्बिल आगोद कारण अशुध्द आगेगतान. 8 ऊमोद नामी परमेश्वर उन हात्ती पद्दुचुसाल्द. अगर नाव तनितीदील रा नाम्द येनु हानि ईलच, अदकि अगर तनिदेव रा येनु लाभ ईलच.

9 लेकीन सावधान! हगि आगबाळुल कर्म नीम्द ईद आजादी ईदारा नर्बिलगोळ साटी ठोकर इन कारण आगेगुल. 10 अगर यावारा मळसा नीन घाई ग्यानी इक मूर्त्ति इन मंदरि दा ऊमतेला नोळयान अदकि आव नर्बिल जन आगुल रा येन इदुर देल आऊन वविक इक मूर्त्ति इन मुंद बली माळ्द वस्तु तनिोद हम्मिमत आगतीदील. 11 ई रीत्ति देल अपमान ग्यान इन कारण आव नर्बिल वार्ट यार्द साटी मसीह सोत्तुन, नाश आगेदान. 12 ई प्रकार वार्टगोळ वरिद्ध अपराध माळदुर देल अदकि आदुर्द नर्बिल मन इक दुख पोहचुसदुर देल, नीव मसीह अन्द वरिद्ध अपराध माळतीर. 13 ई कारण अगर ऊमोद नान वार्ट उक ठोकर तनिसीत, रा ना यागलु यातारा रीत्ति देल मॉदरा तनितीदील, ना आगुल कर्मिना तान वार्ट उन साटी ठोकर इन कारण बनसाईन.

## 9

प्रेरतिगोळ्द अधिकार अदकि कर्तव्य

1 येन ना आजाद हैलेच? येन ना भी प्रेरति आल्लच? येन ना यीशु उक जो नामव प्रभु हुन, नोळीदील? येन नीव प्रभु दा नांद मेहनत इन प्रतफिल आल्लच. 2 अगर ना दुसरा अन्द साटी प्रेरति आल्लच, तरी भी नीम साटी रा हुईन; यतकी ना परमेश्वर उन क्याल्सा माळदीन, नीम प्रभु दा एकता अच नान प्रेरति आगोद प्रमाण आद.

3 जो नानी जाँच तार, आंदुर साटी ईदा नांद उत्तर आद. 4 येन नामी कमाई माळकु तनिोद कुडोद अधिकार ईलच? 5 येन नामी ईद अधिकार ईलच, कर्म यातारा मसीह आकतींग इन सांगुळ मदा माळकु आक इक हुळकु टेटेव, ह्यांग दुसरा प्रेरति अदकि प्रभु उन वार्ट अदकि कैफा माळतार? 6 या सरिफ नानी अदकि बरनबास उक अच कमाई माळकु तनिोद अधिकार ईलच. 7 हगि याव आन जो तांद अच खर्च मा सेना दा स्यावा माळतान? याव आन जो अंगुर इन केई हचकु अदुर्द काय तनिलुन? हगि याव आन जो म्यांडागोळ्द रखवाली माळकु अऊर्द हाल कुडालुन?

8 येन ना ईव मातगोळ मंळसागोळ्द अच रीर्ता मा अनतीन? यतकी व्यवस्था अन्द कतिाब दा ईदा मात लखिसकु आद. 9 \*येन व्यवस्था ईद अनाल्द? यतकी मूसा अन्द व्यवस्था दा लखिसकु आद, “दावन दा नळुतेला वस्ता अन्द बाय कट बाळेतीर.” येन परमेश्वर वस्तागोळ्द अच चनिता माळतान? 10 या वशिष माळकु नाम साटी अनतान. हा नाम साटी अच लखिसकु आग्याद, यतकी उचति आद की नांगर नळसावाळा आशा देल केई नळसुल, अदकि दावन कोळावाळा फसल सक्कोद आशा देल दावनी माळुल. 11 \*याग नाव नीम्द साटी आत्मकि मातगोळ बोऊसदेव, अदकि अगर नाव आ शारीरकि वस्तुगोळ्द फसल कडुतेव, रा येन अद धोळ्द मात आद. 12 अगर नीम मा दुसरा लॉकुर अधिकार जतुसतार, रा येन नाम्द नीम मा यक्कुल अधिकार हैलेच?

तरी भी नाव ई अधिकार इन इस्तेमाल माळीदलि, लेकीन नाव सब येनारा सहन माळतेव की नाम्द द्वारा मसीह अन खुशखबरी दा अळचन बरवाळुल. 13 येन नीव जान्सालीर की जो मंदरि दा स्यावा माळतार, आंदुर मंदरि दा टु तनितार; अदकि जो वेदी इन स्यावा माळतार, आंदुर वेद इन भेट इन सहभागी आगतार? 14 \*ईदा रीर्ता देल प्रभु भी ठहूरसदुन की जो लॉकुर खुशखबरी केळसतार, आंदुर जीवकि खुशखबरी देल आगुल.

15 लेकीन ना इदुर दा टु यातोदारा भी मात इक क्याल्सा दा तंददील, अदकि ना ईव मातगोळ इदुरसाटी लखिसीदलि की नांद साटी हगि माळुल, यतकी इदुर देल रा नांद सायोद अच भला आद की यावारा नांद घमण्ड इक बेकार ठहूरसुल. 16 अगर ना खुशखबरी केळसाईन, रा नांद साटी येनु घमण्ड इन मात आलच; यतकी ईद रा नांद साटी जरूरी आद. अगर ना खुशखबरी ईला केळसाईन, रा नान मा हाय! 17 यतकी अगर तान इच्छा देल ईद माळतीन रा मजदूरी नानी सकितद, अदकि अगर तान इच्छा देल माळालीन तरी भी परमेश्वर नानी ईद सौप्सदुन अदकि ईदा नांद कर्तव्य हुन. 18 रा नांद मजदूरी येन हुन? ईद की याग ना खुशखबरी प्रचार माळाईन रा अदरी फुकट दा माळाईन, अदकि खुशखबरी दा जो नान अधिकार आद अदरी पुरा रीर्ता देल उपयोग दा ईला तराईन.

19 यतकी ना मंळसागोळ से आजाद आईन तरी भी ना तान तान इक सप्पा मुंदुरद दास माळ कौडीन की हापाळ लॉकुरी परमेश्वर उन राज्य दा तर सकुल. 20 ना यहूदीगोळ साटी यहूदी आदीन की यहूदीगोळी परमेश्वर उन राज्य दा तर सकुल. जो लॉकुर मूसा अन्द व्यवस्था अन्द हात्ती आर आंदुर साटी ना व्यवस्था अन्द हात्ती ईला आगदुर मा भी व्यवस्था अन्द हात्ती आदीन की आंदरी जो व्यवस्था अन्द हात्ती आर, आंदरी भी परमेश्वर उन राज्य दा तर सकुल. 21 जो व्यवस्थारहति आर आंदुर साटी ना यीशु मसीह जो परमेश्वर उन व्यवस्था देल रहति आईन, व्यवस्थारहति-सा आगेदीन की जो व्यवस्थारहति आर आंदरी भी परमेश्वर उन राज्य दा तर सकुल. 22 ना नरिबलगोळ साटी नरिबल सा आगेदीन की नरिबलगोळी जक्सकु तराईन. ना सब मंळसागोळ



साटी सब येनारा बन्सदीन की यातोद ना यातोद रीति देल यावारा ऊंद मळसा अन्द उद्धार माळसुसाईन.

23 ना ईद सब येनारा खुशखबरी इन साटी माळतीन की दुसरा अन्द सांगुळ अदुरद भागी आगोसाईन. 24 येन नीव जानसालीर की दिवळ दा रा सप्पा अच वोळतार, लेकीन ईनाम ऊंदा मळसा वोयतान? नीव भी ई प्रकार देल वोळी की नीव जीत्स सकी. 25 आळोद प्रतयोगिता दा भाग ताकोमावाळा हर ऊंद खलिाळी सप्पा प्रकार इन संयम ईटतान. आव रा नाश आगोद हार इन प्राप्ती इन साटी ईद सप्पा येनारा माळतार, लेकीन नाव रा आ मुकुट साटी माळतेव जो मुरझुसाल. 26 इदुरसाटी ना रा ईदा रीति देल हूतीन, लेकीन लक्ष्यहीन ईलच; ना भी ईदा रीति देल बुक्की देल आळतीन, लेकीन अदुर घाई ईला जो हवा पीटसतेला आळतान. 27 लेकीन ना तान मय इक बडुतीन कुटतीन अदकि वश दा तरतीन, यागल्यारा हगि ना आगवाळुल की दुसरा अक प्रचार माळकु ना खुद अच यातोदारा रीति देल नकिम्मा ठहूसईन.

## 10

इस्त्राएल इन इतिहास देल चेतावनी

1 हे वारटुरा अदकि आकतींगेरा, ना चाहसालीन की नीव ई मात देल अनजान ईरी की नाम सप्पा आप्पुर मुतीगोळ बादल इन लयालमा ईरोर, अदकि सप्पा च्या सप्पा समुद्र अन्द न्याड्या टु आप्पाटी होटोदुर; 2 अदकि सप्पा मुंदुर बादल दा अदकि समुद्र दा, मूसा अन्द बपतसिमा ताकोडुर; 3 अदकि सप्पा मुंदुर ऊंद अच आत्मकि भोजन माळदुर; 4 अदकि सप्पा मुंदुर ऊंद अच आत्मकि नीर कुळदुर, यतकी आंदुर आ आत्मकि चट्टान देल कुडोर जो आंदुर सांगुळ-सांगुळ नळोद, अदकि अद चट्टान मसीह ईरोन. 5 लेकीन परमेश्वर आंदुर दा टु हापाळ सा मळसागोळ देल खुश आगीदील, इदुरसाटी आंदुर आळी दा सोतकु ढेर आगेदुर.

6 ई मातगोळ नाम साटी उदाहरण ठहूसदव, की ह्यांग आंदुर लालच माळदुर, हांग नाव बेकार वस्तुगोळ्द लालच माळतीदील; 7 अदकि मूर्ति इन पुजा माळावाळेर आगवाळी जसा की आंदुर दा टु यास मुंदुर आगेगीदुर, ह्यांग शास्त्र दा लखिसकु आद, “लॉकुर तनिली-कुडुली कुरतुर, अदकि बाददा आबुर दाबुर सांगुळ कुकर्म माळली कुरतुर.” 8 अदकि नाव व्यभिचार माळालेव, ह्यांग आंदुर दा टु यास मुंदुर माळदुर; अदकि ऊंद दनि दा तेवीस हजार मळसागोळ सोतोदुर. 9 नामी प्रभु यीशु मसीह अक परीक्षा दा हाक्कोद हैलेच, ह्यांग आंदुर दा टु यास मुंदुर माळदुर, जसा की आंदुर दा टु थवाळासा मुंदुर हगि माळीदुर अदकि आंदुर हावगोळ द्वारा नाश माळकु आदुर. 10 अदकि नीव कुळकुळस बाळेतीर, या रीति देल आंदुर दा टु यास कुळकुळसदुर अदकि स्वर्गदूत उनै द्वारा नाश माळकु आदुर.

11 लेकीन ई सप्पा मातगोळ, जो आंदुर मा घळुसदव, उदाहरण इन रीति मा ईरव; अदकि आंदुर नाम चेतावनी इन साटी जो दुनया अन आखरी समय दा ईरतार लखिसकु आगीदव.

12 इदुरसाटी जो सम्सतान, “ना स्थरि आईन,” आव सावधान ईरूल कि येल्यारा बळिबाळुल. 13 नीव यातोदारा हगि परीक्षा दा बळिबाळी, जो मंळसागोळ्द सहन इन व्हार्या आद. परमेश्वर खरा आन अदकि आव नीमी सामर्थ्य देल व्हार्या परीक्षा दा बळिगोळालुन, बल्की परीक्षा अन्द सांगुळ ऊळसोद उपाय भी माळयान कि नीव अदरी सहन माळ सकीर.

14 ई कारण, हे प्रयि नान वारट्टुरा अदकि आकतीगेरा, मूर्तपूजा देल ऊळुकु ईरी. 15 ना नीमी बुद्धमिान जान्सकु नीम से अनतीन: जो ना अनतीन, अदरी नीव परखुसी. 16 जो प्याला प्रभु भोज दा उपयोग माळतार यदुर दा टु नाव कुडुतेव प्रभु उन धन्यवाद माळतेव; अद रोटी यदरी नाव मूरुतेव, येन अद मसीह अन्द मय इन सहभागी ईलच? 17 इदुरसाटी कि ऊंद अच रोटी आद रा नाव भी जो हापाळ आयेव, ऊंद शरीर आयेव: यतकी नाव सब अदा ऊंद रोटी दा भागीदार आगतेव.

18 जो इस्त्राएली आर, आंदरी नोळी: येन बलदान इन तनिवाळेर परमेश्वर उन वेदी इन सहभागी ईलच? 19 नांद अनोद मतलब येन आद? येन ईद कि मूर्तीगोळ्द मुंद बली येरसद वस्तु येनारा दुसरा आद, या मूर्ति येनारा दुसरा आद? 20 ईला, पर ना ईद अनतीन कि प्रभु उक ईला जानसावाळेर लॉकुर जो बलदान माळतार; आंदुर परमेश्वर उन साटी ईला लेकीन दुष्टआत्मागोळ साटी बलदान माळतार अदकि ना चाहसालीन कि नीव दुष्टआत्मागोळ्द सहभागी आगी. 21 नीव प्रभु उन प्याला अदकि दुष्टआत्मागोळ्द प्याला येदुदा दा टु कुडू सकालीर. नीव प्रभु उन मेज अदकि दुष्टआत्मागोळ्द मेज येदुदा मुंदुर सहभागी आग सकालीर. 22 येन नाव प्रभु उक सट्टि तरसुसोद चाहसतेव? येन नाव आऊन से ताकतवर आयेव?

23 येनारा लॉकुर अनतार, सप्पा वस्तुगोळ्द उपयोग माळोद नान साटी उचति आद, लेकीन सप्पा फायदा अन्द ईलच: लेकीन दुसरा लॉकुर अनतार, “सप्पा वस्तुगोळ नांद साटी सही रा आव.” लेकीन सप्पा वस्तुगोळ देल उन्नती ईलच. 24 याऊ तान हति इन चन्तिता माळबाळुल लेकीन दुसरा अन्द हति इन चन्तिता माळुल.

25 जो माँदरा कसाई सात्ता दा मारतान, अदरी तनी, अदकि वविक इन कारण येनु केळबाळी? कि नीमद मन नीमी मन इन मन दा अच तनिबाळुल. 26 यतकी पवतिरशास्त्र अनतद, पृथ्वी अदकि जो येनारा अदुर दा आद सप्पा प्रभु उन हुन.

27 अगर अवशिवासीगोळ दा टु यावारा नीमी बावस्या कोळुल, अदकि नीव होगोद चाहासीर, रा जो येनारा नीमद मुंद ईटकु आगुल अदा तनी; अदकि मन इन कारण येनु केळबाळी. 28 लेकीन अगर यावारा नीम से अनुल, “ईद रा मूर्ति इक बली माळ्द वस्तु हुन,” रा आवा हेळावाळा अन्द कारण अदकि मन इन कारण तनिबाळी. 29 नान मतलब नीन मन से हैलेच लेकीन आ दुसरा मंळसा अन्द मन देल आद.

“भला नांद,” आजादी आ दुसरा अन्द मन देल येती परखुसकु आदीत. 30 अगर ना परमेश्वर उक धन्यवाद माळकु सहभागी आगतीन, रा यार मा ना धन्यवाद माळतीन आऊन कारण नान बदनामी येती आगतद?

31 इदुरसाटी नीव चाहे तनी, चाहे कुडी, चाहे जो येनारा माळी, सप्पा येनारा परमेश्वर उन महमा अन्द साटी माळी. 32 नीव ना यहूदीगोळ, ना गैरयहूदीगोळ, अदकि ना परमेश्वर उन मंडली अन्द साटी ठोकर इन कारण बनसी. 33 ह्यांग ना भी सप्पा मातगोळ दा सप्पा मुंदुरी खुश ईटतीन, अदकि तान ईला लेकीन हापाळ मुंदुरद फायदा दुंदूसतीन कि आंदरी उद्धार सकिल.

## 11

1 ह्यांग ना मसीह अन्द अनुकरण माळतीन, हांग अच नीव भी नांद अनुकरण माळी.

आराधना दा ताल्ला होचचोद

2 हे वारटुरा अदकि आकतीगेरा, ना नीम्द बळाई माळतीन कि सप्पा मातगोळ दा नीव नानी याद माळतीर; अदकि जो शकिषागोळ इक ना नीमी सौपसदीन, अदुरद पालन माळतीर. 3 लेकीन ना चाहासतीन कनीव ईद जान्स कोमी कि हर ऊद गंळस उन ताल्ला मसीह हुन, अदकि आर्त इन ताल्ला गंळस हुन, अदकि मसीह अन्द ताल्ला परमेश्वर हुन. 4 जो गंळस ताल्ला होचकु प्रार्थना या परमेश्वर उन दी टु बातणी कोळतान, आव तान ताल्ला अन्द अपमान माळतान. 5 लेकीन जो आर्त ताल्ला तेरूकु प्रार्थना या परमेश्वर उन दी टु बातणी कोळतार, आक तान ताल्ला अन्द अपमान माळतार, यतकी आक हांगि आर्त इन घाई आर आकनि ताल्ला मुंडन माळकु आग्याद. 6 अगर आर्त ओढनी देल शेरग्या हाकालुर रा चुट्टी भी कळद बुळुल; अगर आर्त इन साटी चुट्टी कळसुसोद या मुंडन माळसुसोद शरम इन मात आद, रा ओढनी देल शेरग्या हाकुल. 7 हा, गंळस उक तान ताल्ला होचचोद बराबर ईलच, यतकी आव परमेश्वर उन स्वरूप अदकि महमा हुन; लेकीन आर्त रा गंळस उन महमा हूळ. 8 यतकी गंळस आर्तेर देल आगीदील, लेकीन आर्त गंळस देल आग्यार; 9 अदकि गंळस आर्त इन साटी माळकु आगीदील, लेकीन आर्त गंळस उन साटी माळकु आग्यार. 10 ई कारण अदकि स्वरगदूतगोळद कारण आर्त इक जरूरी आद कि अधिकार इन चनिह समसकु तान ताल्ला मा ईटुल. 11 तरी भी, प्रभु दा एकता अन्द कारण, आर्त बनि गंळस उन अलग ईलच अदकि गंळस उन बनि आर्त अलग ईलच. 12 यतकी ह्यांग आर्त गंळस देल आर, हांग अच गंळस आर्त इन द्वारा जनम ताकोमतान; लेकीन सप्पा वस्तुगोळ परमेश्वर उन द्वारा बंदाद.

13 नीव खुद अच बचारि माळी, येन आर्त इक बनि शेरग्या देल परमेश्वर से प्रार्थना माळोद शोभा कोळतद? 14 येन स्वाभाविकि रीति देल भी नीव जान्सालीर कि अगर गंळस ऊदद चुट्टी ईटुल, रा आऊन साटी अपमान आद. 15 लेकीन अगर आर्त ऊदद चुट्टी ईरूल रा आक इक शोभा कोळतद यतकी चुट्टी आक इक शेरग्या हाक्कोर साटी कोटकु आग्याव. 16 लेकीन अगर

यावारा झगळा माळोद चाहस्यान, रा ईद जान्स कोमुल काना नाम्द अदकि ना परमेश्वर उन मंडलीगोळ्द हगि रीति आद.

प्रभु भोज इन बारा दा

(मत्ती २६:२६-२९; मरकुस १४:२२-२५; लूका २२:१४-२०)

17 याग नीव परमेश्वर उन आराधना माळोर साटी जमा आगतीर. रा ईद आग्या कोळतेला ना नीम्द ईज्जत माळालीन, इदुरसाटी कानि नीम जमा आगदुर देल भलाई आगाल्द, लेकीन नुसक्यान आगतद. 18 यतकी पयला रा ना ईद केळतीन, कानि याग नीव मंडली दा जमा आगतीर रा नीम दा फूट बळितद, अदकि ना ईदुर मा थ्वाळा-थ्वाळा वशिवास भी माळतीन. 19 यतकी गुटबन्दी भी नीम दा जरूरी ईतीदाद, इदुरसाटी कानि जो लॉकुर नीम दा सही आर आंदुर प्रगट आगेगुल. 20 इदुरसाटी नीव जो ऊंद जागा दा जमा आगतीर रा ईदुर मतलब प्रभु-भोज तनोर साटी आल्लच, 21 यतकी तनोद समय ऊंद मळसा दुसरा मळसा से पयला तान भोज तनि कोमतान, ई प्रकार यावारा रा हस्तकु ईरतान अदकि यावारा मस्त आगेगतान. 22 येन तनोद-कुडोद साटी नीम्द मान्ना हल्लेच? या परमेश्वर उन मंडली अक तुच्छ जान्सतीर, अदकि यार्द हात्ती हल्लेच आंदरी शर्मदि माळतीर? ना नीम से येन अनाईन? येन ई मात दा नीम्द प्रशंसा माळाईन? ईला, ना प्रशंसा माळालीन.

23 यतकी ईद शिक्षा नानी जो प्रभु दी टु सक्ति, अदकि ना नीम दी भी पहुचुस बुटीन कानि प्रभु यीशु या ईळ्लक आव हुळसुस्कु आगीदुन, रोटी ताकोडुन, 24 अदकि परमेश्वर उन धन्यवाद माळकु अदरी मुरदुन अदकि अंदुन, “ईद नान शरीर हुन, जो नीम साटी कोटकु आग्याद: नांद याद साटी ईदा माळतेला ईरी.” 25 ईदा रीति देल आव कटोरा भी हुळदुन अदकि अंदुन, “ईद कटोरा नांद खुन दा व्हाशोद वादा हुन: जब यागल्यारा कुडी, रा नांद याद साटी ईदा माळतेला ईरी.”

26 यतकी जब यागलु नीव ईद रोटी तीनतीर अदकि ई कटोरा दा टु कुडुतीर, रा प्रभु उन मृत्यु इक यागासताका आव बरालुन, प्रचार माळतेला ईरी. 27 इदुरसाटी जो यावारा अनुचति रीति देल प्रभु उन रोटी तनिल या आऊन कटोरा दा टु कुडुल, आव प्रभु उन मय अदकि खुन उन पापी ठहरस्यान. 28 इदुरसाटी मळसा तान तान इक जाँच कोमुल अदकि ईदा रीति देल ई रोटी दा टु तनिल, अदकि ई कटोरा दा टु कुडुल. 29 यतकी जो तनोद-कुडोद समय प्रभु उन मय इक अरालुन, आव ई तनोद अदकि कुडोर देल तान म्याकुच दण्ड तरतान. 30 ईदा कारण नीम दा हापाळ सा नर्बल अदकि रोगी आर, अदकि हापाळ सा सोतोग्यार. 31 अगर नाव तान तान इक जाँचायदेव रा दण्ड ईला सकाईत. 32 लेकीन प्रभु नामी दण्ड कोटकु नाम्द न्याय माळतान, इदुरसाटी कानि नाव दुनिया अन सांगुळ दोषी ईला ठहरसुल.

33 इदुरसाटी, हे नांद वार्दुरा अदकि आकतींगेरा, याग नीव प्रभु भोज तनोर साटी जमा आगतीर रा आबुर दाबुर साटी थाम्सी. 34 अगर यावारा हस्तकु ईरूल रा तान मान्या तनिल, यदुर देल नीम्द जमा आगोद दण्ड इन कारण आगबाळुल. मकिदव मातगोळी ना बंदकु वळ्लीद माळाईन.

## 12

## आत्मकि वरदान

1 हे वार्दुरा अदकि आकतींगेरा, ना चाहसालीन कि नीव पवतिर आत्मा अनूद वरदानगोळ बारा दा अनजान ईरी. 2 नीव जान्सतीर कि याग नीव खरा परमेश्वर उक अरालीर, हापाळ मुक्का मूरतीगोळद पुजा माळकु अदकि अवरी मान्सोर अदकि अऊर हदि नळोर. 3 इदुरसाटी ना नीमी चेटावनी कोळतीन कि जो यावारा परमेश्वर उन आत्मा अनूद अगुवाई देल माताळतान, आव अनालुन कि यीशु स्रापति आन; अदकि ना यावारा पवतिर आत्मा अन बनि अन सकतान कि यीशु प्रभु आन.

4 वरदान रा हापाळ प्रकार इन आव, लेकीन पवतिर आत्मा ऊंद अच आद; 5 अदकि स्यावा भी हापाळ प्रकार इन आव, लेकीन प्रभु ऊंद अच आन; 6 अदकि प्रभावशाली क्याल्सा हापाळ प्रकार इनव आव, लेकीन परमेश्वर ऊंद अच आन, जो सब दा हर प्रकार इन प्रभाव पैदा माळतान. 7 लेकीन सप्पा मुंदरी लाभ पहुचुसोर साटी हर ऊंद इक परमेश्वर उन पवतिर आत्मा अन प्रगट आगोद. 8 यतकी ऊंद अक आत्मा अनूद द्वारा बुद्धी इन मातगोळ कोटकु आगतव, अदकि दुसरा अक अदा आत्मा अनूद अनुसार ग्यान इन मातगोळ. 9 यावारा अक अदा आत्मा देल विश्वास, अदकि यावारा अक अदा ऊंद आत्मा देल चंगा माळोद वरदान कोटकु आगतद. 10 बाक यावारा अक सामर्थ्य अनूद क्याल्सा माळोद शक्ति, अदकि यावारा अक परमेश्वर उन वचन कोळोद दान कोटटुन, अदकि यावारा अक परमेश्वर उन आत्मा अनूद दान इक परखुशोर साटी, अदकि यावारा अक अनेक प्रकार इन भाषा माताळोर साटी, अदकि यारीकारा अग्यात भाषागोळद अर्थ हेळोर साटी. 11 लेकीन ईव सप्पा प्रभावशाली क्याल्सा अदा ऊंद अच परमेश्वर उन पवतिर आत्मा माळसुसतद, अदकि यारी जो चाहासतान अद वाट्स कोमतान.

## मय ऊंद: अंग हापाळ

12 यतकी या प्रकार शरीर रा ऊंद आद अदकि अदुरव अंग हापाळ सा आव, अदकि आ ऊंद शरीर इन सप्पा अंग हापाळ आगदुर मा भी सप्पा मलिसकु ऊंद अच शरीर आद, अदा प्रकार मसीह अनूद मय भी आद. 13 यतकी नाव सप्पा मुंदुर येन यहूदी आगुल येन गैरयहूदी, येन दास आगुल येन स्वतंत्र, ऊंद अच आत्मा अनूद द्वारा ऊंद शरीर आगोर साटी बपतसिमा ताकोडेव, अदकि नाव सप्पा मुंदरी ऊंद अच परमेश्वर उन आत्मा कोटकु आग्याद.

14 इदुरसाटी कि शरीर दा ऊंद अच अंग ईला लेकीन हापाळ सा आव. 15 अगर काल अनुल, “ना कय आलच, इदुरसाटी शरीर इन आलच,” रा येन अद ई कारण शरीर इन आलच? 16 अदकि अगर कवि अनुल, “ना कण्ण आलच, इदुरसाटी शरीर इन आलच,” रा येन अद ई कारण शरीर इन आलच? 17 अगर पुरा शरीर कण्ण अच आगाईत रा केळोद यल टु आगाईत? अगर पुरा शरीर कवि अच आगाईत, रा सूँघसोद यल टु आगाईत? 18 लेकीन परमेश्वर अंगगोळी तान इच्छा अनूद अनुसार ऊंद ऊंद माळकु मय दा ईट्यान. 19 अगर आंदुर सप्पा

ऊंद अच अंग ईरायदुर, रा मय यल ईराईत? <sup>20</sup> लेकीन ईंग अंग रा हापाळ सा आव, लेकीन मय ऊंद अच आद.

<sup>21</sup> कण्ण कय देल अन सकाल्द, “नानी नीद जरवत हैलेच,” अदकि ना ताल्ला कालगोळ देल अन सकतद, “नानी नीम्द जरवत हैलेच.” <sup>22</sup> लेकीन मय इन आ अंग जो दुसरागोळ देल नरिबल हतताव, हापाळ अच जरवत आद; <sup>23</sup> अदकि मय इन या अंगगोळी इक यदरी तोरसोर देल नामी शरम बरतद हगि अंगगोळी नाव वळ्ळीद तरीका देल मुचतेव. अदरी नाव आदर इन योग्य समसालेव आंदरी अक अच नाव यक्कुल आदर कोळतेव; अदकि नामव जंग अंग अदकि भी हापाळ सुंदर आगोताव. <sup>24</sup> तरी भी नाम्द सुंदर अंगगोळी इक इदुर जरवत हैलेच. लेकीन परमेश्वर मय इक हगि माळ कौडुन की या अंग इक आदर इन कमी ईरोद अदरी का अदकि भी हापाळ आदर सकितद. <sup>25</sup> ताकी मय दा फूट बळि बाळुल, लेकीन अंग इन अवयव आवुर दावुर बराबर चन्तिता माळुल. <sup>26</sup> इदुरसाटी अगर ऊंद अंग इन हसिसा अक दुख सकितद, रा सब अंगगोळ हसिसा अक अदुर सांगुळ दुख सकिताव; अदकि अगर ऊंद अंग इनव हसिसा अन बळाई आगतद, रा अदुर सांगुळ सब अंग आनन्द माळताव.

<sup>27</sup> ई प्रकार नीव सब मलिसकु मसीह इन मय हुईर, अदकि अलग अलग आऊनव अंग हुईर; <sup>28</sup> \*अदकि परमेश्वर मंडली दा अलग अलग मळसागोळ्द नविळ माळदुन: पयला प्रेरति, दुसरा भवषियवक्ता, तसिरा गुरु, बाक सामर्थ्य इन क्याल्सा माळावाळेर, बाक चंगा माळावाळेर, अदकि उपकार माळावाळेर, अदकि व्यवस्था अन वरदान माळावाळेर, अदकि अग्यात प्रकार इन भाषा माताळावाळेर. <sup>29</sup> येन सब प्रेरति आर? येन सब भवषियवक्ता आर? येन सब शक्ति कोळावाळा गुरु हुन? येन सब सामर्थ्य अन्द क्याल्सा माळावाळेर आर? <sup>30</sup> येन सप्पा मुंदरी चंगा माळोद वरदान सकियाद? येन सप्पा मुंदुर अग्यात प्रकार इन भाषा माताळतार? येन सप्पा मुंदुर अग्यात भाषा अन्द अनुवाद माळ सकतार? <sup>31</sup> नीव धोळ से धोळ वरदानगोळ्द लालसा ईटतीर. लेकीन ना नीमी अदकि भी सब से वळ्ळीद हादी हैळतीन.

## 13

प्यार-सब से वळ्ळीद हादी

<sup>1</sup> अगर ना मळसागोळ अदकि स्वर्गदूतगोळ्द भाषागोळ माताळाईन अदकि प्यार ईटालीन, रा ना ठनठनासकु पीतल इन धोळ घंटी अदकि झनझनासकु झाँझ हुईन. <sup>2</sup> \*अदकि अगर ना परमेश्वर उन दी टु बरावाळा बातणी इन प्रचार माळ सकाईन, अदकि सब भेदगोळ अदकि सब प्रकार इन ग्यान इक समसाईन, अदकि नानी ईल ताका पुरा वशिवास आगेदीत की ना पहाळगोळी सरकुस बुळाईन, लेकीन प्यार ईटालीन, रा ना येनु अच हैलेच. <sup>3</sup> अगर ना तान पुरा धन संपत्ती कंगालगोळी तनिस् बुळाईन, या तान मय होताकोर साटी कोट बुळाईन, अदकि प्यार ईटालीन, रा नानी येनु अच लाभ हैलेच.

4 प्यार धीरजवन्त आद, अदकि कृपालु आद; प्यार जलन माळाल्द; प्यार तान बळाई माळाल्द, अदकि बायाल्द, 5 अद अनरीतनि नळाल्द, अद तान भलाई चाहसाल्द, चळिसाल्द, प्यार दुसरा अन्द बुरा मातगोळ लेखा ईटाल्द. 6 अन्याय देल खुश आगाल्द, लेकीन सच्चार्ई देल खुश आगतद. 7 आव सप्पा मातगोळ सहन माळतान, सप्पा मातगोळ मा वशिवास माळतान, सप्पा मातगोळ्द आशा ईटतान, सप्पा मातगोळ दा धीरज ईटतान.

8 प्यार यागलु खतम आगाल्द; परमेश्वर उन दी टु बरावाळा बातणी खतम आगेदव; अग्यात भाषागोळ दा सकिकावाळा दान आगुल रा होगतेला ईत्तव; ग्यान आगुल, रा मटिसेदाव. 9 यतकी नाम्द ग्यान अधूरा आद, अदकि परमेश्वर उन दी टु बरावाळा बातणी अधूरा आद; 10 लेकीन याग परमेश्वर सप्पा पुरा माळ्यान, रा अधूरा पन मटिसेदति.

11 याग ना चगिद् ईरीन, रा ना चगिदुरगोळ घाई माताळीन, चगिदुरगोळ घाई मन ईरोद, चगिदुर घाई समझ ईरोद; लेकीन याग समझदार आगेदीन रा स्यानपनी नव मातगोळ बटि बुटीन. 12 ईंग नामी आरसा दा धुँधला सा कांळसतद, लेकीन आ समय आमने सामने नोळेव; ई समय नांद ग्यान अधूरा आद, लेकीन आ समय हगि पुरा रीर्ति देल अराईन, ह्यांग नानी परमेश्वर अरतुन.

13 पर ईंग वशिवास, आशा, प्यार ईव मुर नाम सांगुळ आव, पर इऊर दा सब से धोळ्द प्यार आद.

## 14

पवतिर आत्मा अन्द वरदान इन बारा दा यक्कुल शकिषागोळ

1 प्यार इन अनुकरण माळोर साटी कोशशि माळी, अदकि आत्मकि वरदानगोळ्द भी धुन दा ईरी, खास माळकु परमेश्वर उन दी टु बरावाळा बातणी इन दान माळी. 2 यतकी जो अग्यात भाषा दा मातगोळ माळतान आव मंळसागोळ से ईला लेकीन परमेश्वर से मातगोळ माळतान; इदुरसाटी कि आऊन मातगोळी याऊ समसालुन, यतकी आव भेद इन मातगोळ पवतिर आत्मा अन्द सामर्थ्य दा आगकु माताळतान. 3 लेकीन जो परमेश्वर उन बातणी वाळस्तान, आव मंळसागोळ से उन्नती अदकि उपदेश अदकि दलिासा अन्द मातगोळ माताळतान. 4 जो अग्यात भाषा दा मातगोळ माळतान, आव तांद अच उन्नती माळतान; लेकीन जो भवषियवाणी माळतान, आव मंडली अन्द उन्नती माळतान.

5 ना चाहासतीन किनीव सप्पा मुंदुर अग्यात भाषागोळ दा मातगोळ माळी लेकीन इदुर से यक्कुल ईद चाहासतीन कि परमेश्वर उन दी टु बरावाळा बातणी इन मातगोळ माळी: यतकी अगर अग्यात भाषा माताळावाळा मंडली अन्द उन्नती इन साटी अनुवाद माळबाळुल रा परमेश्वर उन दी टु बरावाळा बातणी अग्यात भाषा टु वाळुसकु आद. 6 इदुरसाटी हे वार्दुरा अदकि आकतींगेरा, अगर ना नीम हात्ती बंदकु अग्यात भाषागोळ दा मातगोळ माळाईन, रा नान से नीनी येन लाभ आदीत. अदकि ऊजुळ या ग्यान या परमेश्वर उन दी टु

बरावाळा बातणी या उपदेश इन मातगोळ माळाईन, रा नीमी यक्कुल फायदा आदीत,

7 ईदा प्रकार अगर नरिजीव वस्तुगोळ भी यदुर देल आवाज होळतद, जसा कोळ्ळ या बीन, अगर अऊर्द स्वरगोळ दा भेद ईरतीदील रा जो कोळ्ळ ऊयकु या बनि मुरसकु आगतद, आ हाळ इक हयांग अरूकु आदीत? 8 अदकि अगर तुरही इन आवाज साफ ईरतीदील, रा याव लळाई इन साटी तयारी माळ्यान? 9 हगि अच नीव भी अगर ल्यालग्या देल साफ मातगोळ अनतीदलि, रा जो येनारा अंदकु आगतद अद हयांग समसकु आदीत? नीव रा हवा देल मातगोळ हेळावाळेर ठहूसीर. 10 दुनिया दा यासारा अच प्रकार इन भाषागोळ येती ईला इतदाव, लेकीन अऊर दा टु यातोदारा भी बनि मतलब इन ईला ईतीदाद. 11 इदुरसाटी अगर ना यातोदारा भाषा अन्द मतलब समसालीन, रा माताळावाळा अन्द नजर दा ना परदेशी ठहूसीर अदकि माताळावाळा नान नजर दा परदेशी ठहूस्यान. 12 इदुरसाटी नीव भी याग आत्मकि वरदानगोळ्द धुन दा आईर, रा हगि कोशशि माळी कि या वरदानगोळ देल मंडली अन्द उन्नती आगतद. आ वरदानगोळ्द कोशशि माळी.

13 ई कारण जो अग्यात भाषा माताळुल, आव दान सकिकोद साटी प्रार्थना माळुल कि अदुर्द अनुवाद भी माळ सकुल. 14 इदुरसाटी अगर ना अग्यात भाषा दा प्रार्थना माळाईन, रा नान आत्मा प्रार्थना माळतद लेकीन नान दमाक क्याल्सा कोळाल. 15 इदुरसाटी येन माळ पायजे? ना आत्मा देल भी प्रार्थना माळाईन, अदकि दमाक देल भी प्रार्थना माळाईन; ना आत्मा देल भी हाळाईन, अदकि दमाक देल भी हाळाईन. 16 ईलारा अगर नी आत्मा देल अच धन्यवाद माळ्या, रा बाक लॉकुर नीन धन्यवाद मा आमीन अनकु सहमत हयांग आदार? यतकी आव रा अरालुन कि नी येन अनत्या? 17 नी रा सही देल धन्यवाद माळत्या, लेकीन दुसरा अन्द उन्नती आगाल.

18 ना तान परमेश्वर उन धन्यवाद माळतीन, कि ना नीम सप्पा मुंदुर से यक्कुल अग्यात भाषागोळ दा माताळतीन. 19 लेकीन मंडली दा अग्यात भाषा दा हत्त हजार मातगोळ माताळदुर देल नानी ईद वळलीद समसतद, कि दुसरा मंळसागोळी कलसोर साटी दमाक देल अईद अच मातगोळ अनाईन.

20 हे वारटुरा अदकि आकतींगेरा, नीव समझदारी दा चकिोर घाई आगवाळी: बुराई दा रा चकिोर घाई अनजान ईरी, लेकीन समझदारी दा स्याणा मंळसा घाई आगी. 21 व्यवस्था दा लखिसकु आद कि प्रभु अनतान,

“ना अपरचिति भाषा माताळावाळेर्द द्वारा,

अदकि पराया बाय देल माताळावाळेर लॉकुर द्वारा

ई लॉकुर से मातगोळ माळाईन

तरी भी आंदुर नांद केळतीदलि.”

22 इदुरसाटी अग्यात भाषागोळ माताळोद वरदान वशिवासीगोळ साटी ईला, लेकीन अवशिवासीगोळ साटी चमत्कार इन चमत्कार हुन; लेकीन परमेश्वर उन दी टु बरावाळा बातणी अवशिवासीगोळ साटी ईला, लेकीन वशिवासीगोळ साटी चमत्कार इन चमत्कार हुन.



23 इदुरसाटी अगर मंडली ऊंद जागा दा जमा आगुल, अदकि सप्पा च्या सप्पा मुंदुर अग्यात भाषागोळ माताळुल, अदकि व्हार्यावाळेरे या अवशिवासी लॉकुर बुळक होट बरूल रा येन आंदुर नीमी पागल अनतीदलि? 24 लेकीन अगर सप्पा मुंदुर परमेश्वर उन दी टु सकिवाळा बातणी कोळली हत्यार, अदकि यावारा अवशिवासी या व्हार्यावाळा मळसा बुळक होट बरूल, रा सप्पा मुंदुर आऊक दोषी ठहरूस बुट्टार अदकि जाँच कोंडार की आव पापी आन; अदकि आव जान्स कोंडान की आऊक पश्चाताप इन जरवत आद. 25 अदकि आऊन मन इन भेद प्रगट आगेदव, अदकि आग आव बाय इन भार देल बदिक् परमेश्वर उक दण्डवत माळ्यान, अदकि कबुल माळ कोंडान की खराखुरा परमेश्वर नाम न्याड्या आन.

मंडली दा आराधना अन्द अनुशासन

26 इदुरसाटी हे वारदुरा अदकि आकतींगेरा, येन माळ पायजे? याग नीव जमा आगतीर, रा हर ऊंद मळसा अन्द मन दा हाळ या उपदेश या अग्यात भाषा या प्रकाशक या अग्यात भाषा अन्द अर्थ हेळोद ईरतद. सप्पा येनारा मंडली अन्द उन्नती इन साटी आग पायजे. 27 अगर अग्यात भाषा दा मातगोळ माळोद आद रा येद्व या हापाळ मुंदुर ईरूल रा मुर मुंदुर पारी-पारी देल माताळुल, अदकि ऊंद मळसा अनुवाद माळुल. 28 लेकीन अगर अनुवाद माळावाळा हैलेच, रा अग्यात भाषा माताळावाळा मंडली दा सुंगा ईरूल, अदकि तान मन देल परमेश्वर से मातगोळ माळुल. 29 परमेश्वर उन दी टु बरावाळा बातणी इक माताळावाळेरे दा टु येद्व या मुर मुंदुर माताळुल, अदकि बाकी लॉकुर आंदुर वचन इक परखुसुल. 30 लेकीन जो कुरतकु आन अगर आऊन मा, येनारा मय उन दी टु बातणी प्रगट आत. रा आव पयला मळसा सुंगा आगेगुल. 31 यतकी नीव सप्पा मुंदुर ऊंद ऊंद माळकु परमेश्वर उन दी टु सकिवाळा बातणी इक कल्स सकतार, ताकी सप्पा मुंदुर कलुल अदकि सप्पा मुंदुरी शांती सकिल. 32 यतकी परमेश्वर उन दी टु बातणी कोळावाळा अन्द आत्मा बातणी कोळावाळा अन्द वश दा आद. 33 यतकी परमेश्वर अव्यवस्था अन्द ईला, लेकीन शांती इन परमेश्वर हुन.

ह्यांग पवतिर लॉकुरद सप्पा मंडलीगोळ दा हगि अच आगतद. 34 आर्तेर मंडली अन्द सभा दा सुंगा ईरूल, यतकी आंदरी मातगोळ माळोद आग्या हैलेच, लेकीन आंदुर हात्ती ईरोद आग्या आद, ह्यांग व्यवस्था दा लखिसकु आद. 35 अगर आंदुर येनारा कलोद चाहसतार, रा मान्या तान तान मान्नावाळा से केळुल, यतकी आर्त इन मंडली अन्द सभा दा मातगोळ माळोद नाचक इन मात आद.

36 येन परमेश्वर उन वचन नीम दा टु होटाद? या सरिफ नीम ताका अच पोहचुस्यद? 37 अगर यावारा मळसा तान तान इक परमेश्वर उन दी टु बरावाळा बातणी कोळावाळा समसुल या आऊन हात्ती पवतिर आत्मा अन्द वरदान आद, रा ईद अरत कोमूल की जो मातगोळ ना नीमी लखिसतीन, अव प्रभु उन आग्यागोळ हु. 38 लेकीन अगर यावारा ईद स्वीकार माळालुर, रा आंदरी भी स्वीकार माळकु आगतीदील.

39 इदुरसाटी हे वारटुरा अदकि आकतीगेरा, परमेश्वर उन दी टु बरावाळा बातणी इन धुन दा ईरी अदकि अग्यात भाषा माताळदुर देल मना माळबाळी; 40 पर सप्पा मातगोळ क्रम देल अदकि व्यवस्थति रूप देल माळकु आगुल.

## 15

यीशु उन सोत्तुर दा टु जत्तिता आगोद

1 हे वारटुरा अदकि आकतीगेरा, ईग ना नीमी याद दलिसोद चाहसतीन अदा खुशखबरी केळसतीन जो पयला केळस बुटीन, यारी नीव अंगीकार भी माळदीर अदकि यदुर दा नीव स्थरि भी आईर. 2 अदुरदा द्वारा नीमद उद्धार भी आगतद, अगर आ खुशखबरी इक जो ना नीमी केळसीदनि ध्यान दा ईटतीर; ईदारा नीम वशिवास माळोद बेकार आत.

3 ईदा कारण ना सब से पयले नीमी अदा मात पद्दुसदीन, जो नान हात्ती पद्दुसीत ईद पयला महत्वपुर्ण हुन क्ति पवत्रिशास्त्र अन वचन इन अनुसार यीशु मसीह नाम पापगोळ साटी सोतोदुन, 4 \*अदकि नळसकु आदुन, अदकि पवत्रिशास्त्र अन अनुसार तसिरा दशी जत्तिता भी आदुन, 5 \*आव कैफा अक अदकि हननेळ प्रेरतिगोळी कांळसदुन. 6 बाक आव अईद सौ से यक्कुल वशिवासी वारटुरी सांगुळल्या कांळसदुन, यारदा टु हापाळ सा ईगासताका जत्तिता आर पर येनारा मळसा सोतोग्यार. 7 बाक आव याकूब उक कांळसदुन आग सप्पा प्रेरतिगोळी कांळसदुन.

8 \*सप्पा मुंदुर बाद्दा नानी भी कांळसदुन, जो मान्सी समय इन पयला पैदा आगीदान. 9 \*यतकी ना प्रेरतिगोळ दा सब से स्याणेव आईन, बल्की प्रेरति अनोद योग्य भी हलैच, यतकी ना परमेश्वर उन मंडली इक सतुसीदीन. 10 लेकीन ना जो येनारा भी आईन, परमेश्वर उन अनुग्रह देल आईन. आऊन अनुग्रह जो नान मा आत, अद बेकार आगीदील; लेकीन ना आ सप्पा मुंदुर से वाळुसकु मेहनत भी माळदीन: तरी भी ईद नान दी टु आगीदील लेकीन परमेश्वर उन अनुग्रह देल जो नान मा ईरोद. 11 इदुरसाटी चाहे बाक ना आगुल, चाहे बाक आंदुर आगुल, नाव सब ईदा प्रचार माळतेव, अदकि इदुर मा नीव भी वशिवास माळदीर.

नाम जत्तिता आगोद

12 इदुरसाटी याग भी यीशु मसीह अन्द ईद प्रचार माळकु आगतद क्ति आव सोत्तुर दा टु जत्तिता आग्यान, रा नीम दा टु यास मुंदुर ह्यांग अनतार क्ति सोत्तकु मळसा जत्तिता आग अच सकालुन? 13 अगर सोत्तुर मळसा अन्द जत्तिता आगोद अच ईलच, रा मसीह भी जत्तिता आगीदील; 14 अदकि अगर मसीह जत्तिता आगीदील, रा नाम्द प्रचार माळोद भी बेकार आद, अदकि नीमद वशिवास भी बेकार आद. 15 इदुर से भी वाळुसकु नाव परमेश्वर उन ख्वाटा गवाह ठहूसेव; यतकी नाव परमेश्वर उन बारा दा ईद गवाही कोट्टेव क्ति आव मसीह इक जत्तिता माळदुन, लेकीन सोतकु मळसा सही दा जत्तिता माळ

\* 15:4 १५:४ मत्ती १२:४०; प्रेरतिगोळ २:२४-३२ \* 15:5 १५:५ लूका २४:३४; मत्ती २८:१६,१७; मरकुस १६:१४; लूका २४:३६; यूहन्ना २०:१९ \* 15:8 १५:८ प्रेरतिगोळ ९:३-६ \* 15:9 १५:९ प्रेरतिगोळ ८:३

सकालुर रा आव मसीह अक भी जत्तिता माळीदील. 16 अदकि अगर मुरदा जत्तिता आगालव, रा मसीह भी जत्तिता आगीदील; 17 अदकि अगर मसीह जत्तिता आगीदील, रा नीमद वशिवास बेकार आद, अदकि नीव ईग ताका तान पापगोळ्द भागीदार आईर. 18 बल्की जो मसीह मा वशिवास माळतार आंदुर भी सोतोग्यार. 19 अगर नाव सरिफ ईदा जीवन दा मसीह देल आशा ईटतेव रा नाव सब मंळसागोळ देल यक्कुल अभागा आयेव.

20 लेकीन सही दा मसीह सोत्तुर दा टु जत्तिता आग्यान, अदकि जो सोतोग्यार आंदुर भी जत्तिता आदार ईद पयला प्रमाण हुन. 21 यतकी याग ऊंद मंळसा अन्द द्वारा मृत्यु बत्त, रा ऊंद मंळसा अन्द अच द्वारा सोत्तुर मंळसा अन्द पुनरूत्थान भी बत्त. 22 अदकि ह्यांग आदम सब मा मृत्यु तंदुन, हांग अच मसीह भी वशिवास ईटावाळेर इक जत्तिता माळ्यान, 23 लेकीन हर ऊंद तान तान पारी देल: पयला मसीह जत्तिता आदुन, बाक मसीह अन्द वापस बंदुर देल आऊन मा वशिवास माळावाळेर लॉकुर जत्तिता आदार. 24 इदुर बाददा अन्त आदीत. आ समय सब प्रधान माळावाळा दुष्टआत्मा अदकि पुरा अधिकार. अदकि सामर्थ्य अन्द मसीह अन द्वारा अन्त माळकु आदीत अदकि राज्य अक परमेश्वर आप्प उन कय दा सौप्स कौडान. 25 यतकी यागासताका आव तान दुश्मनी ईटावाळेरी तान काल इन ल्यालमा तरतीदील, आगासताका मसीह अन्द राज्य माळोद जरूरी आद. 26 सब से आखरी दुश्मनी माळावाळा जो नाश माळकु आदान, अद मृत्यु हुन. 27 यतकी पवतिर शास्त्र अनतद, “परमेश्वर सप्पा येनारा आऊन काल इन ल्यालमा माळ कौडुन,” लेकीन याग आव अनतान क सप्पा येनारा मसीह अन्द हात्ती माळकु आग्याद रा प्रत्यक्ष आद क यार आऊन हात्ती माळ कौडुन, परमेश्वर खुद अलग ईत्तुन. 28 अदकि याग सप्पा हात्ती आगेदार, रा पारा खुद अच परमेश्वर उन हात्ती आगेदान, याव सप्पा येनारा आऊन हात्ती माळ कौडुन, यदुर देल क परमेश्वर सब वस्तुगोळ मा पुरा तरीका देल राज्य माळ्यान.

29 ईदारा जो लॉकुर सोतकु मंळसा अन्द साटी बपतस्मा ताकोमतार आंदुर येन माळ्यार? अगर सोतकु मंळसा जत्तिता आगालुर रा बाक येती आंदुर साटी बपतस्मा ताकोमतार? 30 अदकि नाव भी येती हर घळी जोखमि दा बदिक् ईरतार? 31 हे वारटुरा अदकि आकतीगेरा, नानी आ घमण्ड इन करिया जो नाम्द मसीह यीशु दा ना नीमद बारा दा माळतीन क ना हर दिन सायतीन. 32 अगर ना मंळसा अन्द रीतमा इफसिस दा आळी अन पशुगोळ घाई लळाई आळदीन रा नानी येन लाभ आत? अगर मुरदा जत्तिता माळकु आगालव, “रा बरी, तनी-कुडी, यतकी नाळ रा सायोद अच आद.”

33 ध्वाका तनिबाळी, “बुरा संगत वळ्लीद चरतिर अक बगिळुस बुळतद.” 34 सही वचिार माळोद सूरु माळी अदकि पाप इक बटि बुळी; यतकी येनारा हगि आर जो परमेश्वर उक जान्सालुर, ना नीमी शर्मदा माळोर साटी ईद अनतीन.

35 ईग यावारा ईद अंदान, “मुर्दा या रीत देल जतिता आगताव, अदकि ह्यांग मय इन सांगुळ बरताव?” 36 हे नरिबुद्धी! जो येनारा नी बोऊसत्या, यागासताका आव सायालुन जतिता माळकु आगालुन. 37 अदकि जो नी बोऊसत्या, ईद अद मारूर आलच जो वाळुसावाळा आद, लेकीन सरिफ दाना हुन, चाहे गोदी इन चाहे यातोदु अदकि अनाज इन. 38 लेकीन परमेश्वर तान इच्छा अनूद अनुसार आऊक मय कोळतान, अदकि हर ऊंद बीजा अक अदुर्द वशिष मय.

39 सब मय ऊंद घाई ईलचः मंळसागोळ्द मय अलग आद, पशुगोळ्द मय अलग आद; पक्षीगोळ्द मय अलग आद; मेनगोळ्द मय अलग आद.

40 स्वरगीय मय आद अदकि अलग पार्थवि मय भी आद लेकीन स्वरगीय मयगोळ्द तेज अलग आद, अदकि पार्थवि इन अलग. 41 सुर्य अनूद तेज अलग आद, चंद्रमा अनूद तेज अलग आद, अदकि तारागनगोळ्द तेज अलग आद, यतकी ऊंद तारा से दुसरा तारा अनूद तेज दा फरक आद.

42 मुर्दागोळ्द जतिता आगोद भी हगि अच आद. मय नाशवान दशा दा बोऊसकु आगतद अदकि अवनिशी रूप दा जतिता आगतद. 43 अद अपमान इन सांगुळ बोऊसकु आगतद, अदकि तेज इन सांगुळ जतिता आगतद; नरिबलता अनूद सांगुळ नळसकु आगतद. अदकि सामर्थ्य इन सांगुळ जतिता आगतद. 44 स्वाभाविक मय नळसकु आगतद, अदकि आत्मिक मय जतिता आगतदः जब कर्त्त स्वाभाविक मय आद, रा आत्मिक मय भी आद. 45 हगि अच शास्त्र दा लखिसकु आद, कर्त्त “पयला मंळसा मतलब आदम जतिता प्राणी आदुन” अदकि आखरी आदम, जीवनदायक आत्मा आदुन. 46 लेकीन पयला आत्मिक मय ईला ईरोद पर स्वाभाविक ईरोद, इदुर बाद्दा आत्मिक आत. 47 पयला मंळसा आदम पृथ्वी टु मतलब मुण्ण इन ईरोन; दुसरा स्वरगीय आन. 48 ह्यांग आव मुण्ण इनव ईरोन, हांग अच आंदुर भी आर जो मुण्ण इनोर आर; अदकि ह्यांग आव स्वरगीय आन, हांग अच आंदुर भी आर जो स्वरगीय आर. 49 अदकि ह्यांग नाव आऊन मय धारण माळदेव जो मुण्ण इन ईरोद हांग अच आ स्वरगीय अनूद मय भी धारण माळेव.

50 हे वार्दुरा अदकि आकतीगेरा, ना ईद अनतीन कर्त्त मास अदकि खुन परमेश्वर उन राज्य दा प्रवेश माळ सकालव, अदकि ना नाशवान अवनिशी इन प्रवेश आग सकतद.

51 नोळी, ना नीम से भेद इन मात अनतीनः नाव सप्पा मुंदुर सायालेव, लेकीन सब बदलुसेव, 52 अदकि ईद कषण भर दा, पतनी होडुतेला अच आखरी तुरही ऊएतेला अच ईतीदान. यतकी तुरही ऊयकु आदीत अदकि मुर्दा अवनिशी दशा दा नेगुकु आदाव, अदकि नाव बदलुसेदव. 53 यतकी जरूरी आद कर्त्त ईद नाशवान मय अवनिश इक हाक्क कोमुल, अदकि ईद मरनहार मय अमरता अक हाक्क कोमुल. 54 याग अद वचन जो शास्त्र दा लखिसकु आद पुरा आगेदीतः अदकि याग ईद नाशवान अवनिश इक हाक्क कौडीत, अदकि ईद मरनहार अमरता अक हाक्क कौडीत, मृत्यु इन अनूत आत अदकि वजिय प्राप्त आत.

55 हे मृत्यु, अपमान जय यल ईत्त?

हे मृत्यु, अपमान डंक यल ईत्त?

56 मृत्यु इन डंक पाप आद, अदकि पाप इन बल मूसा अन्द नयिम शास्त्र टु बरतद. 57 लेकीन परमेश्वर उन धन्यवाद आगुल, जो नाम्द प्रभु यीशु मसीह अन्द द्वारा नामी जयवन्त माळतान.

58 इदुरसाटी हे नान प्रयि वार्दुरा अदकि आकतींगेरा, मजबूत अदकि अटल ईरी, अदकि प्रभु उन कयाल्सा दा सदा वाळुसतेला होगी, यतकी ईद जान्सतीर कि नीम्द मेहनत प्रभु दा बेकार हैलेच.

## 16

वशिवासीगोळ साटी दान

1 \*ईंग आ चन्दा अन्द बारा दा जो परमेश्वर उन पवतिर यहूदा लॉकुर साटी माळकु आगोद, ह्यांग आग्या ना गलातिया अन्द मंडलीगोळ इक कोट्टीन, हांग अच नीव भी माळी. 2 हपता अन्द पयला दनि नीम दा टु हर ऊंद तान आमदनी अन्द अनुसार येनारा तान हात्ती ईटकु ईरूल कनिन बंदुर मा चन्दा माळोद बळिबाळुल. 3 अदकि याग ना बराईन, रा यारी नीव चाहासीर आंदरी ना चट्टी गोळ कोटकु कळु बुळाईन कि नीम्द दान यरूशलेम पहुचुस बुळुल. 4 अगर नांद भी होगोद उचति आत, रा आंदुर नांद सांगुळ होदार.

पौलुस उन यात्रा अन्द कार्यक्रम

5 \*ना मकदिनया आगकु नीम्द हात्ती बराईन, यतकी नानी मकदिनया आगकु होगोद अच आद. 6 लेकीन संभव आद किना नीम्द सांगुळ ठहरूसईन अदकि सोळी इन मौसम दा भी नीम्द सांगुळ ईल कढाईन, आग या दशा दी नांद होगोद आगुल आ दशा दी नीव नानी पहुचुस बुळेतीर. 7 यतकी ना ईंग हादी दा नीम से भेट माळोद चाहसालीन; लेकीन नानी आशा आद कि अगर प्रभु चाहसयान रा येनारा समय ताका नीम्द सांगुळ ईराइन.

8 \*लेकीन ना पनितेकुस्त इन हाब्ब ताका इफसिस दा ईराइन, 9 नान साटी अल ऊंद धोळ अदकि उपयोगी दरवाजा तेरकु आद, अदकि वरिधी हापाळ सा आर.

10 \*अगर तीमुथयिस होट बंदान, रा नोळेतीर कि आऊक नीम्द अल सम्मान सकिल; यतकी आव नान घाई प्रभु उन कयाल्सा माळतान. 11 इदुरसाटी याऊ आऊक बेकार सम्सबाळी, लेकीन अदरी खुशी देल ईपाटी पोहचुस बुळी किनान हात्ती होट बरूल; यतकी ना आऊंद हादी नोळेतीन कि आव वार्दुर सांगुळ बरूल.

12 वार्ट अपुल्लोस से ना हापाळ वनिती माळदीन कि नीम्द हात्ती वार्टगोळ सांगुळ होगता; लेकीन आव ई समय होगोद येनु भी इच्छा माळीदलि, लेकीन याग मवका सकिकीत आग होट बंदान.

आखरी आदेश अदकि अभवादन

13 जागसतेला ईरी, वशिवास दा स्थरि ईरी, हमिमत ईटी, अदकि बलवन्त आगी. 14 जो येनारा माळतीर प्यार देल माळी.

15 \*हे वार्दुरा, नीव स्तफिनास उन घराना अक जान्सतीर कि आंदुर अखाया अन्द पयला वशिवासी उर, अदकि परमेश्वर उन पवत्रि लॉकुरद स्यावा अन्द साटी तयार ईरतार. 16 इदुरसाटी ना नीम से वनिती माळतीन कि हगि माळावाळेरद हात्ती ईरी, अदकि हर ऊंद मंळसा अन्द जो ई क्याल्सा दा मेहनती अदकि सहकर्मी आन.

17 ना स्तफिनास अदकि फूरतूनातुस अदकि अखईकुस उन बंदुर देल खुश आईन, यतकी आंदुर नीम्द घट इक पुरा माळदुर. 18 आंदुर नानी अदकि नीम्द आत्मागोळ इक चैन कोट्टुर, इदुरसाटी हगि माळावाळेर इक मान्सी.

19 \*आसया इन मंडलीगोळ्द दी टु नीमी नमस्कार; अक्वला अदकि प्रस्का अन्द अदकि आंदुरद मान्ना अन्द मंडली अन्द भी नीमी प्रभु दा हापाळ हापाळ नमस्कार! 20 सप्पा वशिवासी वार्दुरद नीमी नमस्कार.

पवत्रि चुम्मा आवुर दाबुर इक कुतक्या अक हचकु आपस दा नमस्कार माळी.

21 ना पौलुस उन तान कय देल लखिसकु ईरोद नमस्कार.

22 अगर यावारा प्रभु से प्यार ईला ईटुल रा आऊन मा हाय.

हे नाम प्रभु, बर!

23 प्रभु यीशु उन अनुग्रह नीम मा आगतेला ईरूल.

24 नांद प्यार मसीह यीशु दा नीव सप्पा मुंदुर सांगुळ ईरूल. आमीन.

## कुरन्थियों के नाम पौलुस प्रेरति की दूसरी पत्री कुरन्थिगोळ्द हेसुर पौलुस प्रेरति उन दुसरा चट्ठी परचिय

दुसरा कुरन्थि ईद चट्ठी प्रेरति पौलुस यीशु मसीह अन्द जनम इन ५५-५६ साल इन बाददा लखिसदुन १:१ ईद आ येदद चट्ठी गोळ दा टु दुसरा चट्ठी हुन जो पौलुस कुरन्थिवासीगोळ साटी लखिसदुन. हापाळ पंडीत वधिवान हगि समस्तार कि ई चट्ठी इन पयले कुरन्थिगोळी ऊंद धोळ्द कळक चट्ठी लखिसीदुन इदुर बारा दा आव २:३-४ ई वचन दा उल्लेख माळतान लेकीन ई चट्ठी इन प्रतकि नाम हात्ती हैलेच. ईद दुसरा कुरन्थि इन चट्ठी पौलुस संभव अच मकदिनया नगर दा टु लखिसीदान. २:१३

दुसरा कुरन्थि ई चट्ठी इन वशिषता ईद आद कि चट्ठी दा वैकृतिक अदकि भावनात्मक मातगोळ्द चर्चा माळकु आग्याद ई चट्ठी दा पौलुस जो वळलीद अहवाल आव कुरन्थिगोळ बारा दा तीतुस से हासलि माळदुन अदुर बारा दा खुशी जाहीर माळतान. ई चट्ठी दा वस्तितार देल शकिषा कोळोद बारा दा वहाशोद नयिम इन दृष्टीकोन देल कांळसतद. ईद शकिषा ई वभाग दा सकितद याता वभाग दा पौलुस आ चंदा अन्द बारा दा मात हेळतान जो चंदा यरूशलेम इन वशिवासीगोळ्द सहायता साटी ताकोमकु आगीत ८-९ मंडली दा थ्वाळासा लॉकुर पौलुस उन खलिाप ईरोर लेकीन थ्वाळासा मुंदुर अल बरावाळेर ख्वाटा प्रेरति ई वरिध इन फायदा नेगुकु पौलुस उक वोतकु खुद उन्नती माळोद चाहासोर. आंदुर पौलुस उन अधकार माळदुर मा प्रश्न नरिमाण माळदुर इदुरसाटी ई चट्ठी इन आखरी भाग दा यीशु मसीह अन्द प्रेरति आगदुर नाता देल जो अधकार आऊक सकियाद आ अधकार मा पौलुस जोर कोळतान.

रूप-रेखा:

१. पौलुस उन मंडलीगोळी नमस्कार १:१-७
२. पौलुस उन तान यात्रा अन्द बारा दा बदलाव अदकि जो अहवाल कुरन्थिगोळ बारा दा हासलि आगीत अदुर बारा दा चर्चा अदकि हदिळा कळक चट्ठी यदुर बारा दा आंदुर प्रश्न नरिमाण माळीदुर अऊर बारा दा हेळोद १:८-७:१६
३. यरूशलेम दा ईरावाळेर वशिवासीगोळ साटी चंदा माळदुर बारा दा सुचना ८:१-९:१५
४. आखरी दा पौलुस उन तान प्रेरतिपन इन बचाव माळोद अदकि तान बरावाळा मुलाकात इन बारा दा चेतावनी कोळोद १०:१-१३:१०

1 \*पौलुस उन दी टु जो परमेश्वर उन इच्छा देल मसीह यीशु उन प्रेरति हुन, अदकि वार्ट तीमुथयिस उन दी टु परमेश्वर उन आ मंडली इन हेसुर,

जो कुरनिर्थास दा आद, अदकि सप्पा अखाया नगर इन सप्पा पवतिर लॉकुर हेसुर:

2 नाम आप्प परमेश्वर अदकि प्रभु यीशु मसीह अन्द दी टु नीमी अनुग्रह अदकि शांती सकितेला ईरूल.

परमेश्वर उन धन्यवाद माळोद

3 नामव प्रभु यीशु मसीह अन्द परमेश्वर अदकि आप्प उन धन्यवाद आगुल, जो दया अन्द आप्प अदकि सप्पा प्रकार इन शांती इन परमेश्वर हुन 4 आव नामव सप्पा क्लेशगोळ दा दलिासा कोळतान; ताकी नाव आ दलिासा अन्द कारण जो परमेश्वर नामी कोळतान, आंदरी भी दलिासा कोळ सकुल जो यातारा प्रकार इन क्लेश दा इतीदार. 5 यतकी ह्यांग मसीह अन्द दुखगोळ दा नाव यक्कुल सहभागी आगतेव, हांग अच नाव शांती दा भी मसीह अन्द द्वारा यक्कुल सहभागी आगतेव. 6 अगर नामी क्लेश सकितद, रा ईद नीम्द शांती अदकि उद्धार इन साटी हुन; अदकि अगर शांती सकितद, रा ईद नीम्द शांती इन साटी हुन; यदुर प्रभाव देल नीव धीरज इन सांगुळ आ क्लेशगोळ इक सहन माळ कोमतीर, यवरी नाव भी सहन माळतेव. 7 नाम्द आशा नीम्द बारा दा मजबूत आद; यतकी नाव अरूतेव क् नीव ह्यांग नाम दुखगोळ दा, हांग अच शांती दा भी सहभागी आईर.

8 हे वारटुरा अदकि आकतींगेरा, नाव चाहसालेव क् नीव नाम आ क्लेश देल अनजान ईरी जो आसया प्रदेश दा नाम मा बतित्त; नाव ईत्ता भारी बोझ देल वत्तेगीदेव, जो नाम सामर्थ्य अन व्हार्या ईरोद, ईल ताका क् नाव जीवन देल भी कय तोळकु कुरतीदेव. 9 अदकि नाव तान मन दा समसेगीदेव क् नाम मा मृत्यु उन आग्या आगेग्याद. ताकी नाव तान भरोसा ईटतीदलि बल्की आ परमेश्वर उन जो सोत्तुर इक जित्ता माळतान. 10 आवा नामी मृत्यु उन हगि धोळ्द संकट देल ऊळ्सदुन, अदकि ऊळस्यान; अदकि आऊन मा नामी ईद आशा आद क् आव मुंद भी ऊळ्सतेला ईत्तान. 11 नीव भी ऊंद आगकु प्रार्थना अन्द द्वारा नाम सहायता माळीर क् जो वरदान नामी हापाळ मुंदुर द्वारा सकित, अदुर कारण हापाळ लॉकुर नाम दी टु धन्यवाद माळुल.

पौलुस उन यात्रा-योजना दा परिवर्तन

12 यतकी नाव तान अंतर मन इन ई गवाही मा घमण्ड माळतेव, क् दुनया दा अदकि वशिष माळकु नीम न्याड्या, नाम चरतिर परमेश्वर उन योग्य हगि पवतिरता अदकि सच्चाई सहति ईरोद, जो शारीरकि ग्यान देल ईला लेकीन परमेश्वर उन अनुग्रह अन्द सांगुळ ईरोद. 13 नाव अदा लखिसतेव जो नीव वाचुस या सम्स सकतीर. लेकीन बाक भी नीव नामी थ्वाळासा सम्सतीर. 14 अदकि नानी आशा आद क् या दनि प्रभु यीशु मसीह नीम हात्ती बंदान आ दनि नीव घमण्ड इन दनिगोळ दा अदकि अन्त ताका भी मान्सतेला ईत्तीर.

15 ईदा भरोसा देल ना चाहासीन क् पयले नीम हात्ती बराईन क् नीमी दुगना खुशी सकिल; 16 ना सोचदनि क् नीम हात्ती टु आगकु मकदिनया नगर इक होगतेला, नीम से सीकाईन, अदकि बाक मकदिनया नगर टु नीम हात्ती



बराहोती; मात्त सीकाईन; अदकि नीव नानी यहूदीगोळ दी थ्वाळासा दुर ताका सार माळी. <sup>17</sup> इदुरसाटी ना जो ईद इच्छा माळीदिन रा येन ना अनुचति ईरीन? या जो माळोद चाहासतीन येन मय इन अनुसार माळोद चाहासतीन की ना मात दा “हव, हव” भी माळाईन अदकि थ्वाळासा समय दा “ईला ईला” भी माळाईन? <sup>18</sup> परमेश्वर खरा गवाह आन की नाम आ बातणी दा जो नीम से अंदुन “हव” अदकि “ईला” येदुदु शब्द सकालव. <sup>19</sup> यतकी परमेश्वर उन पार यीशु मसीह यार्द नाम द्वारा मतलब नान अदकि सलिवानुस अदकि तीमुथयुस उन द्वारा नीम नयाडया दा प्रचार आत, अदुर दा “हव” अदकि “ईला” येदुदु ईला ईरव, इदुरसाटी परमेश्वर नामव हव हुन. <sup>20</sup> यतकी परमेश्वर उन यास भी वादा आव, अव सप्पा अदुर दा “हव” इन सांगुळ आव. इदुरसाटी आऊन द्वारा “आमीन” भी आत की नाम द्वारा परमेश्वर उन महामि आगुल. <sup>21</sup> अदकि जो नामी नीम सांगुळ मसीह दा ऊंद माळकु मजबूत माळतान, अदकि याव नामी अभषिक माळ्यान आवा परमेश्वर हुन, <sup>22</sup> नाव आऊन नव हुयेव याव नाम मा आऊन आगोद छाप हच्यान अदकि बयाना दा आत्मा अक नाम मनगोळ दा कोटान. जो भवषिय दा सकोद आद.

<sup>23</sup> ना परमेश्वर उक गवाह माळकु अनतीन की ना ईगासताका कुरनिथुस दा इदुरसाटी बंददील, की ना ईला चाहासीन की नीमी बोयाईन. <sup>24</sup> ईद ईला की नाव वशिवास इन बारा दा नीम मा प्रभुता जतुसोद चाहासतेव; लेकीन नीम खुशी दा सहायक आयेव यतकी नीव वशिवास देल अच संची ईरतीर.

## 2

<sup>1</sup> ना तान मन दा ईदा ठान्स कोंडीदिन की बाक मात्त नीम हात्ती नीमी उदास माळली बरतीदील. <sup>2</sup> यतकी ना अगर नीमी उदास माळाईन, रा नानी खुशी कोळावाळा याव ईत्तान, सर्फि आवा यारी ना उदास माळदीन? <sup>3</sup> अदकि ना ईदा मात नीमी इदुरसाटी लखिसदीन की यागल्यारा हगि आगवाळुल की नान बंदुर मा, यार देल नानी खुशी सीक पायजे नानी आंदुर से उदासी सकिल; यतकी नानी नीम सप्पा मुंदुर मा ई मात इन भरोसा आद की जो नान खुशी आद, अदा खुशी नीम सप्पा मुंदुर भी आद. <sup>4</sup> धोळ क्लेश अदकि मन इन दुख देल ना हापाळ सा नीर कण्णगोळ दा टु वाहुसकु नीमी लखिसीदीन, अद इदुरसाटी ईला की नीव उदास आगी लेकीन इदुरसाटी की नीव नान आ धोळ प्यार इक अर्त कोमी, जो नानी नीम से आद.

गलती माळावाळेर इक माफ

<sup>5</sup> अगर यावारा नीमी दुख कोटान, रा नानी का ईला बलकी ना आऊन सांगुळ यक्कुल दुख इन व्यवहार माळालीन थ्वाळा-थ्वाळा नीम सप्पा मुंदरी भी उदास माळ्यान. <sup>6</sup> ईत्ता मंळसा अन्द साटी ईद दण्ड जो वार्दुर दा टु हापाळ मुंदुर कोटार, हापाळ आद. <sup>7</sup> इदुरसाटी ईदुर से वळलीद ईद आद की आऊन अपराध माफ माळी अदकि आऊक दलिासा कोळी, ईदारा हगि आगवाळुल आ मंळसा हापाळ उदासी दा मुळकेगुल. <sup>8</sup> ई कारण ना नीम से वनिती माळतीन की आऊक तान प्यार इन एहसास तोरसी. <sup>9</sup> यतकी ना इदुरसाटी भी लखिसीदीन

का नीमी वळ्ळीद देल परकुस कोमाईन का नीव नान सप्पा मातगोळ मानसोर साटी तयार आईर का ईला. <sup>10</sup> अगर नीव यारीकारा माफ माळतीर रा आऊक ना भी माफ माळतीन, यतकी ना भी जो येनारा माफ माळीन, अगर हगि माळीन, रा नीम कारण मसीह अन्द जागा दा ईतकु माफ माळीन <sup>11</sup> का नाम मा शैतान उन दावपेच नळ्ळु बाळ्ळुल, यतकी नाव आऊन युक्तगिोळ देल अनजान हैलेच.

त्रोआस दा पौलुस उन व्याकुलता

<sup>12</sup> \*याग ना मसीह अन्द खुशखबरी केळसली त्रोआस नगर दा बंदीन, अदकि प्रभु नान क्यालसा अक पुरा माळोर साटी ऊंद दरवाजा तेरद बुट्टुन, <sup>13</sup> रा नान मन इक चैन सककीदील, यतकी ना तान वार्ट तीतुस उक अल नोळीदील; इदुरसाटी आंदुर से वदिता ताकोमकु ना मकदिनया नगर इक होटोदनि.

मसीह दा वजिय-हाब्ब

<sup>14</sup> लेकीन परमेश्वर उन धन्यवाद आगुल जो मसीह दा हमेशा नामी जय इन हाब्ब दा हुळकु व्याळतान, अदकि मसीह अन्द ग्यान इन वास नाम द्वारा सप्पा जागा दा फैलुसतान. <sup>15</sup> यतकी नाव परमेश्वर उन हात्ती उद्धार ताकोमावाळेर अदकि नाश आगावाळेर येदुदु मुंदुर साटी मसीह अन्द वास हुयेव. <sup>16</sup> थ्वाळासा लॉकुर साटी रा सोत्तुर घाई मृत्यु उन वास, अदकि हापाळ सा लॉकुर साटी जीवन इन घाई जीवन इन वास. ई मातगोळ्द लायक याव आन? <sup>17</sup> यतकी नाव आ हापाळ मुंदुर घाई हैलेच जो तान फायदा साटी परमेश्वर उन वचन इस्तेमाल माळतार; परमेश्वर नामी कळ्यान. मन इन सच्चार्ई देल अदकि परमेश्वर उन सेवक आगोद नाता देल नाव परमेश्वर उक उपस्थिति जान्सकु मसीह दा माताळतेव.

### 3

व्हाशोद वाचा अन्द सेवक

<sup>1</sup> येन नाव मात्त तान बळाई माळली हत्तेव? या मात्त नामी दुसरा लॉकुर घाई सफारीश इन चट्टी गोळ नीम हात्ती तरोद या नीम से ताकोमोद आद? <sup>2</sup> नाम चट्टी नीवा हुईर, जो नाम दलिगोळ मा लखिसकु आद अदकि अदरी सप्पा मंळसा अरूतार अदकि वाचुसतार. <sup>3</sup> ईद प्रगट आद का नाम नीम न्याड्या दा सेवकाई इन कारण देल नीव मसीह अन्द चट्टी हुईर. अदकि जो स्याही देल ईला लेकीन जतिता परमेश्वर उन आत्मा देल, कल्ल इन पाटीगोळ मा ईला, लेकीन दलि इन मास रूपी पाटीगोळ मा जो मसीह लखिस्यान.

<sup>4</sup> नामी मसीह अन्द द्वारा परमेश्वर मा भरोसा आद अदा कारण नाव हगि अनतेव. <sup>5</sup> नाव ई लायक हैलेच का तान दी टु यातारा क्यालसा माळ सककेव, लेकीन नाम लायकीयत परमेश्वर उन दी टु आद, <sup>6</sup> परमेश्वर नामी व्हाशोद वाचा अन्द सेवक आगोद लायक भी माळदुन, जो लखिसद व्यवस्था अन्द नयिम देल ईला पर आत्मा अन्द नयिम देल आद; यतकी नयिम कौतद, लेकीन आत्मा जतिता माळतद.

7 मूसा अनन्द व्यवस्था यऊर अक्षर कल्लगोळ मा अगुळकु आगीदव, ईल ताका चमकदार आदव की मूसा अनन्द मार्रा मा ऊजुळ इन कारण जो गोर्त भी आगतोगोद, इस्त्राएली लाँकुर आऊन मार्रा मा दृष्टी माळ ईला सकोर. 8 ईद गौरव मुरजुसेत रा पवतिर आत्मा अनन्द स्यावा अदकि यक्कुल चमकदार येती आगतीदील? 9 याग मृत्यु दण्ड कोळोद क्याल्सा चमकदार आद, रा उद्धार कोळोद क्याल्सा याट चमकदार ईत्तीत? 10 अदकि जो चमकदार ईरोद, अद भी आ तेज इन कारण जो अदुर से यक्कुल चमकदार ईरोद, हाळोद तेज पचेत्याद अदकि व्हाशोद तेज यक्कुल चमकदार आगेत्याद. 11 यतकी याग जो गोर्त आग्त होगोद अद चमकदार ईरोद, रा अद जो संची ईत्तीत मात्त यक्कुल चमकदार येती ईरतीदील?

12 इदुरसाटी हगि आशा ईटकु नाव हम्मिमत इन सांगुळ माताळतेव, 13 अदकि मूसा अनन्द घाई ईला, याव तान बाय मा पळदा माळ बुटीदुन ताकी इस्त्राएली लाँकुर आ गोर्त आगावाळा तेज इन अन्त इक नोळ सकबाळुल. 14 लेकीन आंदुर मतमिन्द आगेदुर, यतकी ईगासताका हाळोद नयिम वाचुसाहोती आंदुर दलिगोळ मा अदा पळदा बदिक्कु ईरतोगोद, याग यावारा मंळसा मसीह दा होट बरतान आग अद पळदा येदोगतद. 15 ईगासताका यागल्यारा भी मूसा अनन्द कतिव वाचुसकु आगतद, रा आंदुरद दलिगोळ मा पळदा बदिक्कु ईरतद. 16 लेकीन याग भी आंदुरद दलि प्रभु उन दी तरिगति, आग अद पळदा येदोदीत. 17 प्रभु रा आत्मा हुन: अदकि येल्यारा भी प्रभु उन आत्मा आद अल आजादी आद. 18 लेकीन याग नाव सप्पा मुंदुरद खुला चेहरा देल प्रभु उन तेज इत्ता प्रकार प्रगट आगतद, ह्यांग आरसा दा, रा प्रभु उन द्वारा जो आत्मा आद, नाव अदा तेजस्वी रूप दा अंश अंश माळकु बदलुस्त होगतेव.

## 4

मुण्ण इन गळग्यागोळ दा धन

1 इदुरसाटी याग नाम मा हगि दया आत की नामी ईद स्यावा सक्ति, रा नाव हम्मिमत बळालेव. 2 लेकीन नाव शरम इन होचकु क्याल्सागोळद त्याग माळ बुटेव, अदकि ना चतुराई देल नळुतेव, अदकि ना परमेश्वर उन वचन दा मलावट माळतेव; लेकीन सच्चाई इक प्रगट माळकु, परमेश्वर उन मुंद हर ऊंद मंळसा अनन्द अंतर मन दा तान भलाई कुरसतेव. 3 लेकीन ईद खुशखबरी जो नाव केळसतेव इदुर मा पळदा बदिक्कु आद, रा ईद नाश आगावाळेर दा साटी बदिक्कु आद. 4 अदकि आ अवशिवासीगोळद साटी, यार्द बुद्धी ई दुनिया अन मय कुढ्ढ माळ बुटान, ताकी मसीह जो परमेश्वर उन प्रतरूप हुन, आऊन चमकदार खुशखबरी इन उजुळ आंदुर नोळ सकबाळुल. 5 यतकी नाव तान तान इक ईला, लेकीन मसीह यीशु उक प्रचार माळतेव की आव प्रभु हुन; अदकि तान बारा दा ईद अनतेव की नाव खुद यीशु मसीह नव सेवक हुयेव. 6 इदुरसाटी की परमेश्वर अच हुन, याव अंदुन, “अंधार दा टु ज्योर्ता चमकुसुल,” अदकि अदा नाम दलिगोळ दा चमकुसुत की परमेश्वर उन महिमा अनन्द पयचान इन ज्योर्ता यीशु मसीह अनन्द मार्रा मा टु प्रकाशमान आगुल.

7 लेकीन नाव जो मुण्ण इन गळग्यागोळ घाई आयेव यदुर दा अद आत्मकि धन ईटकु आद की ईद तोरसोर साटी की ईद असीम सामर्थ्य नाम दी टु ईला, बल्की परमेश्वर उन दी टु अच हुन. 8 नाव नाकु दी टु क्लेश रा भोग्सतेव, लेकीन मुसीबत दा बळालेव; नीर उपाय रा आयेव, पर नराश आगालेव; 9 सतुस्कु रा आगतेव, पर त्यागस्कु आगालेव; केडुकु रा आगतेव; लेकीन नाश आगालेव. 10 नाव यीशु उन मृत्यु उक तान मय मा हर समय हुडुकु वयाळतेव की यीशु उन जीवन भी नाम मय दा प्रगट आगुल. 11 यतकी नाव जतिता जी हमेशा यीशु उन कारण मृत्यु उन कय दा सोपस्कु आगतेव की यीशु उन जीवन भी नाम मरनहार मय दा प्रगट आगुल. 12 ई प्रकार सायोद कार्य नाम मा प्रभाव हाकतद अदकि जीवन नीम मा.

13 इदुरसाटी की नाम दा अदा वशिवास इन आत्मा आद, यदुर बारा दा शास्त्र दा लखिसकु आद, “ना वशिवास माळदीन, इदुरसाटी ना माताळदनि.” इदुरसाटी नाव भी वशिवास माळतेव, इदुरसाटी माताळतेव. 14 यतकी नाव जान्सतेव की याव प्रभु यीशु मसीह अक जतिता माळदुन, आवा नामी भी मसीह दा भागी जान्सकु जतिता माळयान, अदकि नीमी तान मुंद उपस्थति माळयान. 15 यतकी सप्पा वस्तुगोळ नीम साटी हुव, ताकी अनुग्रह हापाळ मुंदुर द्वारा यक्कुल आगकु परमेश्वर उन महिमा साटी धन्यवाद कोळोद यक्कुल वाळुसति.

वशिवास देल जनिदगी माळोद

16 इदुरसाटी नाव हमिमत बळालेव; यतकी नाम मय इन नाश आगूत ईरतद, तरी भी नाम बुळ्क इन मळसातत्व दनि रोज व्हाशोद आगूत होगतद. 17 यतकी नाम घळी तमिर्द स्यांळदतुसा क्लेश नाम साटी हापाळ महत्वपुर्ण अदकि अनन्त महिमा उत्पन्न माळूत होगतद; 18 अदकि नाव रा नोळ्द वस्तुगोळी ईला लेकीन अनदेखा वस्तुगोळी नोळूत ईरतेव; यतकी नोळ्द वस्तुगोळ थ्वाळासा अच दनि साटी आव, लेकीन अनदेखा वस्तुगोळ अनन्त काल ताका बन्सकु ईरताव.

## 5

1 यतकी नाव जान्सतेव की याग नाम पृथ्वी माकळोद इयारा घाई मान्ना केडुकु आदीत, रा नामी परमेश्वर उन दी टु स्वर्ग मा ऊंद हगि भवन सक्कीत जो मान्ना कय देल माळकु ईरतीदील, लेकीन अनन्तकालीन आद. 2 ईदुर दा रा नाव यक्कुल श्वास ताकोमकु माताळतेव अदकि हापाळ लालसा ईटतेव की तान स्वर्गीय मान्ना अक हाक्क कोडेव 3 की ईदुर हाकदुर देल नाव दंगदंगा सीक बाळुल. 4 अदकि नाव ई इयारा दा ईरतेला बोझ देल वोतकु श्वास ताकोमतेला माताळूत ईरतेव, यतकी नाव ईळसोद ईला बल्की हाक्कोद चाहासतेव, ताकी अद जो मरनहार आद जीवन दा मुळकेगुल. 5 याव नामी ईदा मात इन साटी तयार माळयान आव परमेश्वर हुन, याव नामी बयाना दा आत्मा भी कोटान.

6 इदुरसाटी नाव हमेशा हमिमत कटकु ईरतेव अदकि ईद जान्सतेव की यागासताका नाव मय दा ईरतेव, आगासताका प्रभु से ब्यार आयेव. 7 यतकी

नाव रूप इक नोळकु ईला, लेकीन वशिवास देल नळुतेव. 8 इदुरसाटी नाव हमिमत कटकु ईरतेव, अदकि मय टु ब्यारर आगकु प्रभु उन सांगुळ ईरोद मातुत यक्कुल वळ्लीद समसतेव. 9 ईदुर कारण नाम मन इन उमंग ईद आद कि चाहे सांगुळ ईततेव चाहे ब्यारर ईततेव, लेकीन नाव आऊक भाऊसत ईततेव. 10 प्यतकी जरूरी आद कि नाव सप्पा मुंदुरद हाल मसीह अनूद न्याय आसन इन मुंद तेरदोगुल, कि हर ऊंद मंळसा तान तान वळ्लीद बुरा क्यालसागोळ्द बदला जो आव मय इन द्वारा माळ्यान सकिल.

परमेश्वर से मेल-मलिाप

11 इदुरसाटी प्रभु उन अंजक मानसकु नाव लॉकुरी समझुसतेव; लेकीन परमेश्वर मा नाम हाल प्रगट आद, अदकि नान आशा ईद आद कि नीम वविक मा भी प्रगट आगीदाद. 12 नाव तरी भी तान बळाई नीम मुंद माळालेव, बल्की नाव तान बारा दा नीमी घमण्ड माळोद मवका कोळतेव कि नीव आंदरी उत्तर कोळ सकी, जो मन मा ईला बल्की दखावटी मातगोळ मा घमण्ड माळतार. 13 अगर नाव बेसुध आयेव रा परमेश्वर उन साटी, अदकि अगर चैतन्य आयेव रा नीम साटी आयेव. 14 यतकी मसीह अन प्यार नामी मजबुर माळ बुळतद; इदुरसाटी कि नाव ईद समसतेव कि याग ऊंद सप्पा मुंदुर साटी सोततुन रा सप्पा सोततुर. 15 अदकि आव ई नमित्त सप्पा मुंदुर साटी सोततुन कि जो जतिता आर, आंदुर मुंद इक तान साटी जतिता ईरबाळुल लेकीन आऊन साटी जो आंदुर साटी सोततुन अदकि बाक जतिता आदुन.

16 इदुरसाटी ईंग टु नाव यारीकु मय इन अनुसार समसतीदील. यतकी नाव मसीह अक भी मय इन अनुसार जान्सीदेव, तरी भी ईंग टु आऊक हगि जान्सीदील. 17 इदुरसाटी अगर यावारा मसीह दा आन रा आव व्हाशोद दुनिया आन: हाळोद मातगोळ बतिसेग्याव; नोळी, सप्पा मातगोळ व्हाशेव आगेग्याव. 18 ईव सप्पा मातगोळ परमेश्वर उन दी टु आव, याव मसीह अन द्वारा तान सांगुळ नाम मेल-मलिाप माळ कोंडुन, अदकि मेल-मलिाप इन स्यावा नामी सौप्सदुन. 19 मतलव परमेश्वर मसीह अन द्वारा तान सांगुळ दुनिया अन मेल-मलिाप माळ कोंडुन, अदकि आंदुरद अपराधगोळ्द दोष आंदुर मा हचीदलि, अदकि आव मेल-मलिाप इन वचन नामी सौप्सदुन.

20 इदुरसाटी, नाव मसीह अन राजस्वर्गदूत हुयेव; मान्सी परमेश्वर नाम द्वारा वनिती माळेत्यान. नाव मसीह अन दी टु नविदन माळतेव कि परमेश्वर उन सांगुळ मेल-मलिाप माळकोमी. 21 जो पाप देल अग्यात ईरोन, आऊक अच आव नाम साटी पाप ठहूसदुन कि नाव आऊन दा आगकु परमेश्वर उन मुंद नेक मंळसा बनसेगुल.

## 6

1 नाव जो परमेश्वर उन सहकरमी आयेव ईद भी हेळतेव कि आऊन अनुग्रह जो नीम मा आत, अदरी वाया होगोळबाळी. 2 यतकी आव रा अनतान, "तान खुश आगोद समय दा ना नीन केळ कोडीन, अदकि उद्धार इन दनि ना नीन सहायता माळदीन."

नोळी, ईग अद खुश  
इन समय आद;

नोळी, ईग अद उद्धार इन दनि आद.

3 नाव यातोदु मात दा ठोकर तनिोद यातोद भी मवका कोळालेव ताकी नाम स्यावा मा यातोद भी दोष बरबाळुल. 4 लेकीन हर मात देल परमेश्वर उन सेवकगोळ्द घाई तान लायकत इक प्रगट माळतेव, बळा धीरज देल, क्लेशगोळ देल, दरदिरगोळ देल, संकटगोळ देल, 5 \*क्वाळा तनिोद देल, कैद आगदुर देल, दंगा देल, मयनत देल, च्याता ईरोद देल, उपास माळदुर देल, 6 पवतिरता देल, आ ग्यान देल, धीरज देल, परमेश्वर उन प्यार अदकि कृपा देल, पवतिर आत्मा देल, 7 सही प्यार देल, सचचाई इन वचन देल, परमेश्वर उन सामर्थ्य देल, न्यायीपन इन हथयारगोळ देल जो उजवा डाक्या कयगोळ दा आव, 8 आदर अदकि नरिादर देल, बेकार कीर्त्ति अदकि वळलीद कीर्त्ति देल. अगर भरमुसावाळेर घाई मालूम आगतेव तरी भी सही आयेव; 9 अनजानगोळ्द घाई आयेव, तरी भी प्रसदिध आयेव; सोत्तुर घाई आयेव अदकि नोळी जतिता आयेव; बळसकोमावाळेर घाई आयेव पर जीव देल कोनसुसकु आगालेव; 10 शोक माळावाळेर घाई आयेव, पर हमेशा खुश ईरतेव; कंगालगोळ्द घाई आयेव, पर हापाळ मुंदुर इक धनवान माळ बुळतेव; हगि आयेव जसा नाम हात्ती येनु हैलेच तरी भी सब येनारा ईटतेव.

11 हे कुरनिथिगोळा, नाव तान मन तेरूकु नीम से मातगोळ हेळेव, नाम मन नीम दी तेरूकु आव 12 नीम साटी नाम मन दा यातोदु संकोच हैलेच, लेकीन नीमद अच मनगोळ दा संकोच आद. 13 लेकीन तान चकोर जान्सकु नीम से अनतीन का नीव भी अदुर बदला दा तान मन तेर्द बुळी.

देवभक्ती ईला ईटावाळेर से सावधान

14 अवशिवासीगोळ्द सांगुळ संबंध माळकु जुआळी दा जुत्सबाळी, यतकी न्यायीपन अदकि अन्याय इन येन मेल-जोल आद? या उजुळ अदकि अंधार इन येन संगती? 15 अदकि मसीह अन्द शैतान उन सांगुळ येन लगाव? या वशिवासी इन सांगुळ अवशिवासी इन येन नाता? 16 \*अदकि मूर्तीगोळ्द सांगुळ परमेश्वर उन मंदरि इन येन संबंध? यतकी नाव रा जतिता परमेश्वर उन मंदरि हुयेव; ह्यांग परमेश्वर अंदान,

“ना आंदुर दा ईराइन

अदकि आंदुर दा नळुतोगाईन;

अदकि ना आंदुर परमेश्वर आगाईन,

अदकि आंदुर नान लॉकुर आदार.”

17 इदुरसाटी प्रभु अनतान,

“आंदुर न्याइया दा टु होळी

अदकि ब्यार ईरी;

अदकि अशुध्द वस्तु उक मुट बाळी,

रा ना नीमी ग्रहण माळाईन;

18 अदकि ना नीम आप्प आगाईन,  
अदकि नीव नान पार अदकि पोर आदीर.  
ईद सर्वशक्तमिान प्रभु परमेश्वर उन वचन हुन.”

## 7

1 इदुरसाटी हे प्रयिगोळा, याग कि ई वादागोळ नामी सकियाव, रा बरी, नाव तान तान इक मय अदकि आत्मा अन्द सप्पा मलनिता देल शुद्ध माळेव, अदकि परमेश्वर उन अंजक ईटतेला पवतिरता अक सद्धि माळेव.

पौलुस उन खुशी

2 नामी तान दलि दा जागा कोळी. नाव ना रा यारदु सांगुळ अन्याय माळेव, ना यारीकारा बगिळुसेव अदकि ना यारीकारा टगुसेव. 3 ना नीनी दोषी ठहरूसोर साटी ईद अनालीन. यतकी ना पयले अच अन बुटीन कनि नाम दलि दा हगि कूर्तोग्या कि नाव नीन सांगुळ सायोर अदकि ऊळोर साटी तयार आयेव. 4 ना नीम से हापाळ हम्मिमत इन सांगुळ माताळेतनि, नानी नीम मा बळा घमण्ड आद; ना शांती देल तुम्मेगीन. तान सप्पा क्लेश दा ना खुशी देल हापाळ तुमकु ईरतीन.

5 यतकी याग नाव मकदिनया नगर दा बंदेव, आग भी नाम मय इक चैन सकीदील, लेकीन नामी नाकु दी टु क्लेश सकितोगोद; व्हार्या लळाईगोळ ईरव, बुळक भयंकर मातगोळ ईरव. 6 फरि भी दनि गरीब मंळसागोळी शांती कोळावाळा परमेश्वर तीतुस उन बंदुर देल नामी शांती कोट्टुन; 7 अदकि ना सरिफ आऊन बंदुर देल लेकीन आऊन आ शांती देल भी, जो आऊक नीम दी टु सकीत. आव नीम लालसा, नीम दुख अदकि नान साटी नीम धुन इन बातणी नामी केळसदुन, यदुर देल नानी मातत खुशी आत.

8 यतकी कदाचित ना तान चट्टी देल नीनी दुखी माळदीन, लेकीन अदुर देल पछतासालनि ह्यांग कि पयले पछतासनि, यतकी ना नोळतीन कि आ चट्टी देल नीनी दुख रा आत लेकीन अद घळी तमिुरद साटी ईरोद. 9 ईग ना खुश आईन पर इदुरसाटी ईला कि नीनी दुख पोहचुस्त, उलटा इदुरसाटी कि नी आ दुख इन कारण मन तरिगुसद, यतकी नीन दुख परमेश्वर उन इच्छा अन्द अनुसार ईरोद कि नाम दी टु नीनी यातोदु मात दा हानि पोहचुस बाळुल. 10 यतकी परमेश्वर-भक्ता इन दुख हगि पश्चाताप पैदा माळतान यदुरद परणाम उद्धार आद अदकि बाक अदुर देल पछतासोद बळाल. लेकीन दुनया अक दुख मृत्यु पैदा माळतद. 11 इदुरसाटी नोळी ईदा मात देल कि नीमी परमेश्वर उन दी टु बरोद दुख आत नीम दा याट उत्साह अदकि खुद इक उळसोद इच्छा अदकि हतास, अदकि अंजक, अदकि लालसा, अदकि आस्था अदकि न्याय कोळोद वचिर पैदा आत? नीव हर प्रकार देल ईद सद्धि माळकु तोरसदीर कि नीव ई मात दा नरिदोष आईर.

12 बाक ना जो नीम हात्ती लखिसीदनि, अद ना रा आऊन कारण लखिसदीन याव अन्याय माळदुन अदकि ना आऊन कारण यार मा अन्याय माळकु आत, लेकीन इदुरसाटी कि नीम उत्साह जो नाम साटी आद, अद परमेश्वर उन

मुंद नीम मा प्रगट आगेगुल. <sup>13</sup> इदुरसाटी नामी दलिासा सकित. नाम ई दलिासा अन्द सांगुळ तीतुस उन खुशी इन कारण मातूत यक्कुल खुशी आत यतकी आऊन जीव नीम सप्पा मुंदुर कारण खुश आगेत. <sup>14</sup> यतकी अगर ना आऊन मुंद नीम बारा दा येनारा घमण्ड तोरसदीन, रा लज्जति आगीदील, लेकीन हयांग नाव नीम से सप्पा मातगोळ सही-सही अन बुटदिव, हांग अच नाम घमण्ड तोरसोद तीतुस उन मुंद भी सही होळत. <sup>15</sup> याग आऊक नीम सप्पा मुंदुर आग्याकारी आगोद याद आगतद कर्हि हयांग नीव अंज्क अदकि नळ्गतेला आऊन से मुलाकात माळदीर; रा आऊन प्यार नीम दी मातूत यक्कुल वाळुसेगतद. <sup>16</sup> ना खुश आईन यतकी ना हर मात दा नीम मा पुरा भरोसा माळ सकतीन.

## 8

उदारता पुरवक दान कोळोद

<sup>1</sup> ईग हे वारटुरा अदकि आकतीगेरा, नाव नीमी परमेश्वर उन अनुग्रह जो मकदिनया नगर इन मंडलीगोळ मा आत नाव चाहासतेव कर्हि नीमी मालूम नळुल. <sup>2</sup> कर्हि क्लेश इन धोळ्द परीक्षा दा आंदुर्द धोळ्द खुशी अदकि भारी कंगालपन दा आंदुर उदारता हापाळ वाळुसेत. <sup>3</sup> आंदुर बारा दा नान ईद गवाही आद कर्हि आंदुर तान सामर्थ्य तुमकु उलटा सामर्थ्य से भी व्हारया, मन देल कोटार. <sup>4</sup> अदकि ई दान दा अदकि यहूदीगोळ्द परमेश्वर उन पवतिर लॉकुर्द स्यावा दा सहभागी आगोद अनुग्रह अन्द बारा दा, नाम से घळी-घळी हापाळ वनिती माळदुर, <sup>5</sup> अदकि हयांग नाव आशा माळीदेव, हांग अच ईला उलटा आंदुर प्रभु उक बाक परमेश्वर उन इच्छा देल नामी भी तान तान इक कोट बुट्टुर. <sup>6</sup> इदुरसाटी नाव तीतुस से वनिती माळीदेव कर्हि हयांग आव पयले सूरवात माळीदुन, हांग अच नीम न्याड्या दा ई दान कोळोद कृपा अन्द क्याल्सा अक लगातार पुरा माळुल. <sup>7</sup> इदुरसाटी हयांग नीव सप्पा मात दा मतलब वशिवास, वचन, ग्यान अदकि सप्पा प्रकार इन कोशशि दा, अदकि आ प्यार दा जो नाम से ईटतीर, वाळुस्त होगतीर, हांग अच ई दान इन कृपा अन्द क्याल्सा दा भी वाळुस्त होगी.

<sup>8</sup> ना आग्या अन्द रीतर्मा रा ईला, लेकीन दुसरा लॉकुर्द तोरसद उत्साह देल नीम प्यार इन सच्चार्ई इक परखुसोर साटी अनतीन. <sup>9</sup> नीव नाम प्रभु यीशु मसीह अन अनुग्रह अरूतीर कर्हि आव धनी ईतकु भी नीम साटी कंगाल आगेदुन, ताकी आऊन कंगाल आगदुर देल नीव धनी आगेगी.

<sup>10</sup> ई मात दा नान सला ईदा आद: ईद नीम साटी वळ्लीद आद, जो ऊंद साल टु ना रा सर्फि क्याल्सा अक माळदुर दा अच, लेकीन ई मात इन चाहासदुर दा भी पयला आगदुर, <sup>11</sup> इदुरसाटी ईग ईद क्याल्सा पुरा माळी कर्हि हयांग इच्छा माळदुर दा नीव तयार ईरीर, हांग अच तान तान पूंजी इन अनुसार पुरा भी माळी. <sup>12</sup> यतकी अगर मन देल कोळोद तयारी आद रा अदुर अनुसार परमेश्वर आ दान इक ग्रहण भी माळ्यान जो आऊन हात्ती आद, ना कर्हि आऊन अनुसार जो आऊन हात्ती हैलेच.



13 हगि ईला कदिदुसरा अक चैन अदकि नीमी क्लेश सकिल, 14 लेकीन बराबरी इन वचिार देल ई समय नीम बळती आंदुर घटी दा क्याल्सा बरूल, ताकी आंदुर बळती भी नीम घटी दा क्याल्सा बरूल कबराबरी आगेगुल. 15 हयांग शास्त्र दा लखिसकु आद, “याव हापाळ जेळदुन आऊन ज्यादा होटीदलि, अदकि याव थ्वाळासा जेळदुन आऊन गोर्त भी होटीदलि.”

तीतुस अदकि आऊन सहकर्मी

16 परमेश्वर उन धन्यवाद आगुल, याव नीम साटी अदा उत्साह तीतुस उन दलि दा हाक्क बुटान! 17 कि आव नाम समजुसोद मान्स कौडुन उलटा हापाळ उत्साही आगकु आव तान इच्छा देल नीम हात्ती होग्याद. 18 नाव आऊन सांगुळ आ वार्ट उक भी कळेव यार्द हेसुर खुशखबरी इन बारा दा सप्पा मंडली दा फेलुसकु आद; 19 अदकि ईट अच ईला, लेकीन आव मंडली द्वारा नयिकुत भी आदुन कि ई दान इन क्याल्सा अन्द साटी नाम सांगुळ होगुल. नाव ईद स्यावा इदुरसाटी माळतेव कि प्रभु उन महमा अदकि नाम मन इन तयारी प्रगट आगेगुल.

20 नाव ई मात दा सावधान ईरतेव कि ई उदारता अन्द क्याल्सा अन्द बारा दा यार स्यावा नाव माळतेव, यावारा नाम मा दोष हच सकबाळुल. 21 यतकी जो मातगोळ सरिफ प्रभु उन हात्ती इच ईला, लेकीन मळसागोळ्द हात्ती भी भला आव नाव अऊर्द चनिता माळतेव.

22 नाव आऊन सांगुळ तान वार्ट उक भी कळेव, यारी नाव घळी-घळी परखुसकु हापाळ सा मातगोळ दा उत्साही आगतेला नोळेव; लेकीन ईग नीम मा आऊक हापाळ भरोसा आद, ई कारण आव मात्त यक्कुल उत्साही आन. 23 अगर यावारा तीतुस उन बारा दा केळुल, रा आव नान संगी अदकि नीम साटी नान सहकर्मी हुन; अदकि अगर नाम वार्दुरद बारा दा केळुल, रा आंदुर मंडलीगोळ्द कळुकु अदकि मसीह अन्द महमा उर. 24 इदुरसाटी तान प्यार अदकि नाम अद घमण्ड जो नीम बारा दा आद मंडलीगोळ्द मुंद सदिध माळकु आंदरी तोरसी.

## 9

संगी-मसीहगोळ्द साटी सहायता

1 ईग आ स्यावा अन्द बारा दा जो पवतिर लॉकुरद साटी माळकु आगतद, नानी नीमी लखिसोद जरूरी हैलेच. 2 यतकी ना नीम मन इन तयारी इक अरूतीन, यदुर कारण ना नीम बारा दा मकदिनयिा नगर इन ईरावाळेर्द मुंद घमण्ड तोर्सतनि कि अखाया नगर इन लॉकुर ऊंद साल टु तयार आग्यार, अदकि नीम उत्साह मात्त हापाळ मुंदुर इक भी तयार माळ्याद. 3 लेकीन ना वार्दुर इक इदुरसाटी कळीन कि नाव जो घमण्ड नीम बारा दा तोर्सदेव, अद ई मात दा व्यर्थ ईरबाळुल; लेकीन हयांग ना अंदीन हांग अच नीव तयार ईरी, 4 हगि आगबाळुल कि अगर यावारा मकदिनयिा नोर ईरावाळेर नान सांगुळ बरूल अदकि नीमी तयार ईला नोळुल, रा आग सकतद कि ई भरोसा अन्द कारण नाव ईद अनालेव कि नीव लज्जति आदेव. 5 इदुरसाटी ना वार्दुर से ईद वनिती

माळोद जरूरी सम्सदीन की आंदुर पयले टु नीम हात्ती होगुल, अदकि नीम उदारता अन्द काय यदुर बारा दा पयले टु वचन कोटकु आगीत, तयार माळकु ईटुल की ई दबाव देल ईला लेकीन उदारता अन्द काय इन घाई तयार आगुल.

6 लेकीन मात ईद आद: जो थ्वाळासा बोऊसतान, आव थ्वाळा अच कळदान; अदकि जो हापाळ बोऊसतान, आव हापाळ कळदान. 7 हर ऊंद मंळसा ह्यांग मन दा टानस्यान हांग अच दान माळुल; ना कुळकुळस तेला अदकि ना दबाव देल, यतकी परमेश्वर खुशी देल जो कोळतान आऊन से अच प्यार ईटतान. 8 परमेश्वर सप्पा प्रकार इन अनुग्रह नीमी हापाळ तरीका देल कोळ सकतान यदुर देल हर मात दा अदकि हर समय, सप्पा येनारा, जो नीमी जरूरी आद, नीम हात्ती ईरूल; अदकि हर ऊंद वळ्लीद क्याल्सा अन्द साटी नीम हात्ती हापाळ येनारा ईरूल. 9 ह्यांग शास्त्र दा लखिसकु आद, "आव सळग्यान माळदुन, आव कंगालगोळी दान कोट्टुन, आऊन न्याय हमेशा बन्सकु ईत्तीत."

10 इदुरसाटी जो बोऊसावाळा अक बीजा अदकि ऊमोर साटी रोटी कोळतान, आव नीमी बीजा कोट्टान, अदकि आऊक फलवन्त माळयान; अदकि नीम न्याय इन कायगोळी वाळुस्यान. 11 नीव हर मात दा सप्पा प्रकार इन उदारता अन्द साटी जो नाम द्वारा परमेश्वर उन धन्यवाद माळसुसतद, धनवान माळकु आदीर. 12 यतकी ई स्यावा अक पुरा माळदुर देल ना सरिफ पवतिर लॉकुरद जरवतगोळ पुरा आगताव, लेकीन लॉकुर दी टु परमेश्वर उन भी हापाळ धन्यवाद आगतद. 13 यतकी ई स्यावा अक प्रमाण स्वीकार माळकु आंदुर परमेश्वर उन महिमा प्रगट माळतार की नीव मसीह अन्द खुशखबरी इक मान्सकु आऊन हात्ती ईरतीर, अदकि आंदुरद अदकि सप्पा मुदुरद सहायता माळदुर दा उदारता प्रगट माळतेला ईरतीर. 14 अदकि आंदुर नीम साटी प्रार्थना माळतार; अदकि इदुरसाटी की नीम मा परमेश्वर उन हापाळ अच अनुग्रह आद, नीम लालसा माळतेला ईरतार. 15 परमेश्वर उन, आऊन आ दान इन साटी जो वर्णन टु व्हार्या आद, धन्यवाद आगुल.

## 10

पौलुस उन अधकार

1 ना आवा पौलुस हुईन जो नीम मुंद गरीब आईन लेकीन बेन हृदि नीम दी साहस माळतीन, नीमी मसीह अन्द नमरता अदकि कोमलता अन्द कारण समझुसतीन. 2 ना ईद वनिती माळतीन की नीम मुंद नानी नरिभय आगकु साहस माळोद बळिबाळुल, ह्यांग ना थ्वाळासा लॉकुर मा जो नामी मय इन अनुसार नळावाळेर सम्सतार, आंदरी साहस तोरसोद वचिार माळतीन. 3 यतकी नाव मय इन अनुसार नळुतेव अदकि वयाळतेव, तरी भी नाव मय इन अनुसार लळाई माळालेव. 4 यतकी नाम लळाई इन हथयिार शारीरकि ईला, लेकीन कलिलागोळ्द नाश माळोर साटी परमेश्वर उन सामर्थ्य देल परपिर्ण आद. 5 इदुरसाटी नाव कल्पनागोळ्द अदकि हर ऊंद धोळ्द मात इन, जो परमेश्वर उन पयचान इन वरिध दा येळतद, खंडन माळतेव; अदकि हर ऊंद भावना अक कैद माळकु मसीह अन्द आग्याकारी माळ बुळतेव, 6 अदकि तयार ईरतेव की

याग नीम आग्या पालन पुरा आगेगुल, रा हर ऊंद प्रकार इन आग्या अन्द उल्लंघन माळावाळेर इक दण्डति माळेव.

7 नीव अवा मातगोळी नोळी, जो कण्णगोळ्द मुंद आव. अगर यारीकारा तान मा ईद भरोसा आद कनिा मसीह नव हुईन, रा आव ईद भी जान्स कोमुल कि ह्यांग आव मसीह नव हुन हांग अच नाव भी हुयेव. 8 यतकी अगर ना आ अधिकार इन बारा दा मातत यक्कुल घमण्ड तोरसाईन, जो प्रभु नीम बीगळुसोर साटी ईला लेकीन सुधूसोद साटी नामी कोटान, रा ना लज्जति ईला आगाईन. 9 ईद ना इदुरसाटी अनतीन कि चिट्ठी गोळ्द द्वारा नीमी अंजक्या तोरसावाळा ठहरूसतीदील. 10 यतकी आंदुर अनतार, “आऊन चिट्ठी गोळ रा गंभीर अदकि प्रभावशाली आव; लेकीन याग आव मुंद इरतान, रा आव मय देल कमजोर अदकि माताळदुर दा हल्का अरूकु आगतान.” 11 जो हगि अनतान, आव ईद ऊमसुल कि ह्यांग बेन हदि चिट्ठी गोळ दा नामव वचन आव, हांग अच नीम मुंद नामव क्याल्सा भी ईत्ताव.

12 यतकी नामी ईद साहस हैलेच कि नाव तान तान इक आंदुर दा टु येनारा सांगुळ आळुल या आंदुर से खुद इक मीलुसुल, जो तान प्रशंसा खुद माळतार, अदकि तान तान इक आपस दा आळ्दकु तौलुसुक् आवुर दाबुर से मलान माळतार, आ लॉकुर खुद मूरख ठहरूसतार. 13 नाव रा सीमा टु व्हार्या घमण्ड यागलु भी माळतीदील, लेकीन अदा सीमा ताका जो परमेश्वर नाम साटी ठहरूस्यान, अदकि अदुरदा नीव भी होट बंदीर, अदकि आऊंदा अनुसार घमण्ड भी माळ्यार. 14 यतकी नाव तान मर्यादा अन्द व्हार्या होगालेव, जसा कि नीम ताका पोहचुसोद दशा दा ईला ईराईत, उलटा मसीह अन्द खुशखबरी केळसतेला नीम ताका पोहचुसेग्याव. 15 नाव मर्यादा टु व्हार्या दुसरा अन मेहनत मा घमण्ड माळालेव; लेकीन नामी आशा आद कि याग-याग नीम वशिवास वाढुसतेला होदीत आग-आग नाव तान मर्यादा अन्द अनुसार नीम कारण मातत वाढुसत होदेव, 16 ताकी नाव नीम मर्यादा से मुंद वाढुसुक् खुशखबरी केळसेव, अदकि ईद ईला कि नाव दुसरा अन मर्यादा अन्द बुळ्क माळदव क्याल्सा मा घमण्ड माळेव.

17 ह्यांग शास्त्र अनतद, घमण्ड माळोद आद, आव प्रभु मा घमण्ड माळुल. 18 यतकी जो तान बळाई माळतान आव ईला, लेकीन यार्द बळाई प्रभु माळतान, आवा ग्रहण माळकु आगतान.

## 11

पौलुस अदकि ख्वाटा प्रेरति

1 अगर नीव नान थ्वाळासा मूरखता सहन माळ कोमायदीर रा येन ईद भला आगाईत; हव, नान सहन भी माळी. 2 ना नीम बारा दा ईरूष्या ईटतीन ह्यांग परमेश्वर ईटतान, नीव ऊंद पवतिर कुवारा पोर इन घाई आईर, यारी ना सर्फि ऊंद मंळसा अक, खुद मसीह अन्द सांगुळ मदा माळोद वादा माळीदिन. 3 लेकीन ना अंजतीन कि ह्यांग हाव तान चतुराई देल हवा अक बयकुसत, हांग अच नीम सीधा साधा मन अदकि पवतिरता देल जो मसीह अन्द सांगुळ ईर पायजे, येत्यारा भ्रष्ट माळकु आगबाळुल. 4 अगर यावारा नीम हात्ती

बंदकु यावारा दुसरा यीशु उन प्रचार माळुल, यार्द प्रचार नाव माळीदील; या यातारा दुसरा आत्मा नीमी सकिल, जो पयले ईला सकीदाद; या मात्त यावारा खुशखबरी केळसुल यदरी नीव पयले मान्सीदील, रा नीव अदरी स्वीकार माळ कोमतीर.

5 ना रा समसतीन काना यातारा मात दा धोळ से धोळ प्रेरतिगोळ से गोर्त हैलेच. 6 अगर ना माताळदुर दा अनाळी आईन, तरी भी ग्यान दा गोर्त हैलेच. नाव इदरी हर मात दा सप्पा प्रकार देल नीम साटी प्रगट माळेव.

7 येन ईदुर दा ना येनारा पाप माळीन काना नीमी परमेश्वर उन खुशखबरी ह्यांगारा-मुंगारा केळसदीन; अदकि तान तान इक नम्र माळदीन काना नीव म्याकूच आगेगी? 8 ना दुसरा मंडलीगोळी लुटसदीन, मतलब ना आंदुर से मजदूरी ताकोंडीन ताकी नीम स्यावा माळाईन. 9 अदकि याग ना नीम सांगुळ ईरीन अदकि नानी गोर्त आत, रा ना यारदु मा बोझ हाककीदलि, यतकी वार्दुर मकदिनया नगर टु बंदकु नान जो गोर्त ईरोद अदरी पुरा माळदुर; अदकि ना हर मात दा तान तान इक नीम मा बोझ आगदुर देल रोकसदीन, अदकि रोकसकु ईटाईन. 10 अगर मसीह अनद सच्चाई नान दा आद रा अखाया द्याश दा याऊ नानी ई घमण्ड देल रोकसतदिलि. 11 येती? येन इदुरसाटी काना नीम से प्यार ईटालीन? परमेश्वर ईद अरूतान काना प्यार ईटतीन.

12 लेकीन जो ना माळतीन, अदा माळत ईराइन काना जो धोळ प्रेरति मवका दुंदसतार ना आ धोळ सीक गोळालीन, ताकी याता मात दा आंदुर घमण्ड माळतार, अदुरदा आंदुर नाम्द अच घाई ठहरसुल. 13 यतकी ईत्ता लॉकुर खवाटा प्रेरति, अदकि छल कपट देल क्यालसा माळावाळेर, अदकि मसीह अनद प्रेरतिगोळ्द रूप ताकोमावाळेर उर. 14 ईद येनु अचम्भा अनद मात आल्लच यतकी शैतान खुद भी ज्योतरिमय स्वरगदूत उन रूप धारण माळतान. 15 इदुरसाटी अगर आऊन सेवक भी न्याय इन सेवकगोळ्द घाई रूप ताकोमुल, रा येनु धोळ्द मात हैलेच, लेकीन आंदुर न्याय आंदुर कर्मगोळ्द अनुसार आदीत.

प्रेरति उन रूप दा पौलुस उन दुख भोगसोद

16 ना मात्त अनतीन, याऊ नानी मूर्ख समसबाळुल; ईलारा मूर्ख अच समसकु नान सहन माळी, ताकी थ्वाळासा ना भी घमण्ड माळ सकाईन. 17 ई आत्मवश्वास इन घमण्ड दा जो येनारा ना अनतीन, अद प्रभु उन आग्या अनद अनुसार ईला पर मान्सी मूर्खता देल अच अनतीन. 18 याग काना हापाळ सा लॉकुर मय इन अनुसार घमण्ड माळतार, रा ना भी घमण्ड माळाईन. 19 नीव रा समझदार ईतकु खुशी देल मूर्ख लॉकुरद सहन माळ कोमतीर. 20 यतकी याग यावारा नीमी दास माळ कोमतान, या फायदा नेगुतान, या फसुस कोमतान, या तान तान इक धोड्डेव माळतान, या नीम बाय मा क्याबरा बडुतान, रा नीव सहन माळ कोमतीर. 21 नान अनोद अनादर इन अच बारा दा आद, मान्सी नाव इदुरसाटी नरिबल घाई ईरेव.

लेकीन याग यावारा यातोदारा मात दा हम्मिमत माळतान-ना मूरखता देल अनतीन-रा ना भी हम्मिमत माळतीन. 22 येन आंदुर अच इब्रानी उर? ना भी हुईन. येन आंदुर अच इस्त्राएली उर? ना भी हुईन. येन आंदुर अच अब्राहम उन वंश उर? ना भी हुईन. 23 \*येन आंदुर अच मसीह अनन्द सेवक उर ना यर्र इन घाई अनतीन ना आंदुर से यक्कुल आईन. यक्कुल मयनत माळदुर दा; घळी घळी कैद आगदुर दा; क्वाळागोळ तदुर दा; घळी घळी मृत्यु उन जोखीमगोळ दा. 24 अईद घन ना यहूदीगोळ्द कय देल उंच्यालीस क्वाळागोळ तनिदिन. 25 \*मुर घन ना बळ्सकोडडीन; ऊंद घन नान मा कल्लगोळ देल पथराव माळकु आत; मुर घन जहाज, यऊर मा ना येरीदिन, मुरदोदव; ऊंद ईळ्लक ऊंद हागुल ना समुदर दा कळदिन. 26 \*ना घळी घळी यात्रागोळ दा; गांगागोळ जोखीमगोळ दा; डाकूगोळ जोखीमगोळ दा; तान जातीवाळेर देल जोखीमगोळ दा; गैरयहूदीगोळ देल जोखीमगोळ दा; नगरगोळ जोखीमगोळ दा; आळी इन जोखीमगोळ दा; समुदर अनन्द जोखीमगोळ दा; ख्वाटा वार्दुर्द न्याड्या जोखीमगोळ दा ईत्तीन. 27 मयनत अदकि कष्ट दा; घळी घळी च्याता ईरदुर दा; हसु-नीरअळक दा; घळी घळी उपास माळदुर दा; सोळ इन दिन दा; बनि फळक्या अनन्द ईरदुर दा; 28 अदकि दुसरा मातगोळी बटिकु यऊर वर्णन ना माळालीन; सप्पा मंडलीगोळ्द चनिता हर दिन नानी वत्त बुळतद. 29 यार नरिबलता देल ना नरिबल आगालीन? यार्द ठोकर तदुर देल नान जीव नोयाल?

30 अगर घमण्ड माळोद जरूरी आद, रा ना तान नरिबलता अनन्द मातगोळ मा घमण्ड माळाईन. 31 प्रभु यीशु उन परमेश्वर अदकि आप्प जो हमेशा धन्य आन, अरूतान क्वा ना ख्वाटा माताळालीन. 32 \*दमशिक नगर दा अरतिस राजा दी टु जो शासक ईरोन, आव नानी हुळसुसोर साटी दमशिकगोळ्द नगर मा पयरा कुरसकु ईटीदुन. 33 लेकीन नानी जाळी इन माळ्द फुट्टी दा कुरसकु ऊंद दवियर इन खळिकी टु ईळ्सकु आत, ईत्ता प्रकार देल ना आऊन कय दा टु ऊळ्दकु होटोदिन.

## 12

### पौलुस उन दविय दर्शन

1 यतकी घमण्ड माळोद नान साटी ठीक हैलेच तरी भी माळोद बळितद; इदुरसाटी ना प्रभु उन कोळ्द दर्शनगोळ अदकि प्रकाशगोळ्द चर्चा माळाईन. 2 ना मसीह दा ऊंद मंळसा अक अरूतीन; जो चौदा वर्ष आग्याव क्वा मालूम ईला शरीर सहति, मालूम ईला शरीर रहति, परमेश्वर अरूतान; हगि मंळसा तसिरा स्वर्ग ताका नेगुकु आदुन. 3 ना हगि मंळसा अक अरूतीन क्वा मालूम ईला शरीर सहति, या मालूम ईला शरीर रहति परमेश्वर अच अरूतान 4 क्वा स्वर्गलोक मा नेगुकु आदुन, अदकि हगि मातगोळ केळदुन जो माताळकु आगालव; अदकि आ मातगोळी बाय मा तरोद बराबर हैलेच. 5 हगि मंळसा मा रा ना घमण्ड माळाईन, लेकीन तान मा तान नरिबलतागोळी बटिकु, तान

\* 11:23 ११:२३ पुरेतिगोळ १६:२३ \* 11:25 ११:२५ पुरेतिगोळ १६:२२; पुरेतिगोळ १४:१९

\* 11:26 ११:२६ पुरेतिगोळ ९:२३; पुरेतिगोळ १४:५ \* 11:32 ११:३२ पुरेतिगोळ ९:२३-२५

बारा दा घमण्ड माळतीदील. <sup>6</sup>यतकी अगर ना घमण्ड माळोद चाहसाईन भी रा मूरख आगतीदील, यतकी ना सही माताळाईन; तरी भी रूक्सेगतनि, हगि आगबाळुल कि हयांग नानी यावारा नोळतान या नान से केळतान, नानी अदुर देल यक्कुल समसुल.

<sup>7</sup> इदुरसाटी कि ना परमेश्वर उन प्रकाशन इन यक्कुलता अन कारण तुममेगाईन, नान मय दा ऊंद मुळल नळसकु आत, मतलब शैतान उन ऊंद स्वर्गदूत नानी बुक्की बडुल अदकि घमण्ड माळदुर देल नानी रोक्सकु ईटुल. <sup>8</sup>ईदुर बारा दा ना प्रभु से मुर घन वनिती माळीन कि ईद नान से दुर आगेगुल. <sup>9</sup>अदकि आव नान से अंदुन, “नान अनुग्रह नीन साटी हापाळ आद; यतकी नान सामर्थ्य नरिबलता दा सदिध आगतद.” इदुरसाटी ना हापाळ खुशी देल तान नरिबलतागोळ मा घमण्ड माळाईन कि मसीह अन्द सामर्थ्य नान मा सावली माळतेला ईरूल. <sup>10</sup>ई कारण ना मसीह अन्द साटी नरिबलतागोळ दा, अपमान गोळ दा, अदकि गरीबी दा, अदकि उपद्रवगोळ दा, अदकि संकटगोळ दा खुश आईन; यतकी याग ना नरिबल ईरतीन आग अच सामर्थी आगतीन.

कुरनिर्थागोळ्द साटी पौलुस उन चनिता

<sup>11</sup> ना मूरख रा बनसदीन, लेकीन नीव अच नानी ईद माळोर साटी मजबुर माळदीर. नीव रा नान प्रशंसा माळायदीर, यतकी अगर ना येनु हैलेच, तरी भी आ धोड्डेर से धोड्डेर प्रेरतिगोळ से यातोदारा मात दा गोरत हैलेच. <sup>12</sup> सही प्रेरतिगोळ्द लक्षण भी नीम न्याड्या सप्पा प्रकार इन धीरज सांगुळ चमत्कारगोळ, अदकि अदभुत क्याल्सागोळ, अदकि सामर्थ्य अन्द क्याल्सागोळ देल तोरसकु आदव. <sup>13</sup> नीव याता मात दा दुसरा मंडलीगोळ देल गोरत ईरीर, सर्फि इदुर दा किना नीम मा तान भार हाक्कीदलि. नान ईद अन्याय माफ माळी.

<sup>14</sup> ना तसिरा घन नीम हात्ती बरली तयार आईन, अदकि ना नीम मा यातोदारा भार हाकतदलि, यतकी ना नीम धन दौलत ईला उलटा नीमी का चाहासतीन. यतकी चकिोरगोळी मोय-आप्प उन साटी धन दौलत जमा माळोद बळिल, पर मोय-आप्प उक चकिोरगोळ साटी धन जमा माळोद बळितद. <sup>15</sup> ना नीम आत्मागोळ साटी हापाळ खुशी देल खर्च माळाईन, उलटा खुद भी खर्च आगेगाईन. येन याट यक्कुल ना नीम से प्यार ईटतीन, आट अच गोरत नीव नान से प्यार ईटटीर?

<sup>16</sup>हगि आग सकतद किना नीम मा भार हाकीदलि, लेकीन चतुराई देल नीमी धवाका कोटकु फसुस कौडीन! <sup>17</sup>भला, यारी ना नीम हात्ती कळुदीन, येन आंदुर दा टुयारदारा द्वारा ना छल कपट माळकु नीम से येनारा ताकोम कौडीन? <sup>18</sup>ना तीतुस उक वनिती माळदीन अदकि आऊन सांगुळ ऊंद वार्ट उक कळुदीन, रा तीतुस छल कपट माळकु नीम से येनारा ताकोडुन का? नाव ऊंद अच आत्मा देल सारखा अच हादी देल नळददील का?

<sup>19</sup> नीव ईगासताका समसतदीर कि नाव नीम मुंद खुद इन बचाव माळतेव. नाव रा परमेश्वर उक उपस्थिति जान्सकु मसीह दा माताळतेव, अदकि हे प्रयिगोळा, सप्पा मातगोळ नीम उन्नती साटी अच अनतेव. <sup>20</sup> नानी अज्क

आद, ईदारा हगि आगबाळुल कि ना बंदकु ह्यांग चाहासतीन, हांग नीमी नोळतीदलि; अदकि नानी भी ह्यांग नीव चाहासालीर हांग अच नोळीर; अदकि नीम दा झगळा, जलन, सट्टिट, वरिध, ईर्ष्या, चुगली, अभमान अदकि चेगळ आगुल; 21 अदकि ईलारा हगि आगबाळुल कि नान परमेश्वर नान मात्त नीम मान्या बंदुर मा नान मा दबाव हाकुल अदकि नानी हापाळ मुंदुर साटी मात्त शोक माळोद बळुल, यार पयले पाप माळीदुर अदकि खराब क्याल्सा अदकि व्यभचार अदकि वासना देल, जो आंदुर माळदुर, मन तरिगुसदील.

## 13

आखरी चेतावनी

1 ईग तसिरा बार ना नीम हात्ती बरतीन: हर ऊंद मुकदमा सदिध माळोर साटी येदूद या मुर गवाहगोळूद जरवत ईरतद. 2 ह्यांग ना दुसरा बार नीम सांगुळ ईरीन, हांगा ईग दुर ईरतेला आ लॉकुर से यार पयले पाप माळ्यार, अदकि अन्य सप्पा लॉकुर से ईग पयले से अन बुळतीन कि अगुर ना मात बराईन रा बळितीदील, 3 यतकी नीव रा इदुरद सबुत चाहासतीर कि मसीह नान दा माताळतान, जो नीम साटी कमजोर ईला लेकीन नीम दा सामर्थी आद. 4 आव कमजोर इन कारण कूस मा येरसकु रा आदुन, तरी भी परमेश्वर उन सामर्थ्य देल जतिता आन. नाव भी अदुरदा कमजोर आयेव, लेकीन परमेश्वर देल जो नीम साटी आन, आऊन सांगुळ ऊळदेव.

5 तान तान इक जाच वशिवास दा आईर का ईला. तान तान इक जाच. येन नीव तान बारा दा ईद जान्सालीर कि यीशु मसीह नीम दा आन? ईलारा नीव जाच दा नकिम्मा होटीर. 6 लेकीन नान आशा आद कि नीव जान्स कौडीर कि नाव नकिम्मा हैलेच. 7 नाव तान परमेश्वर से ईद प्रार्थना माळतेव कि नीव येनु बुराई माळबाळी, इदुरसाटी ईला कि नाव सही काळसीगेव, लेकीन इदुरसाटी कि नीव भलाई माळी, बाक नाव नकिम्मा अच ठहूरसेगुल. 8 यतकी नाव सच्चाई इन वरिध दा येनु माळ सकालेव, लेकीन सच्चाई इन साटी इच माळ सकतेव. 9 याग नाव कमजोर आयेव अदकि नीव ताकतवर आईर, रा नाव खुश आगतेव, अदकि ईद प्रार्थना भी माळतेव कि नीव सदिध आगेगी. 10 ईदुर कारण ना नीम बेन हीद ई मातगोळी लखिसतीन, कि उपस्थिति आगकु नानी आ अधिकार इन अनुसार यदरी प्रभु वीगळुसोर साटी ईला लेकीन नीम भलाई इन साटी कोटान, कटनाई देल येनु माळोद बळिबाळुल.

आखरी अभवादन

11 इदुरसाटी हे वार्दुरा अदकि आकतींगेरा, खुश ईरी; सदिध आगतेला होगी; हमिमत ईटी; ऊंदा मन ईटी; मेल मलिाप देल ईरी. अदकि प्यार अदकि शांती इन दाता परमेश्वर नीम सांगुळ ईत्तान.

12 परमेश्वर उन शुद्ध प्यार दा आबुर दाबुरी पवतिर चुम्मा देल नमस्कार माळी.

13 सप्पा मसीह परमेश्वर उन लॉकुर नीमी प्यार अदकि नमस्कार अनतार.

14 प्रभु यीशु मसीह अन अनुग्रह अदकि परमेश्वर उन प्यार अदकि पवतिर आत्मा अन सहभागीता नीम सप्पा मुंदुर सांगुळ आगतेला ईरूल.

## गलातियों के नाम पौलुस प्रेरति की पत्री गलातगिळ हेसुर पौलुस प्रेरति उन चट्ठी परचिय

गलातिया अन्द ईद चट्ठी प्रेरति पौलुस लखिसदुन १:१ ईद अद चट्ठी हुन जो पौलुस गलातिया अन्द मंडली इक मसीह अन जनम इन बाद्दा ४८-५७ साल इन बीच दा लखिसदुन, गलातिया आ लॉकुर उर जो गलातिया हेसुर इन रोमी प्रांत दा ईरतोगोर. ग्यानी लॉकुरी ईद चट्ठी सही रूप देल मालूम हैलेच, याग आव ईद चट्ठी लखिसदुन आग आव यल ईरोन. मान्सकु आगतद कर् आव इफसिगिळ कुरनिथनिगर दा ईतकु ईद कतिाब लखिसीदान.

आ यहूदी अदकि गैरयहूदी मसीह लॉकुरद हेसुर जो गलातिया दाकळोर मंडली इन सभासद ईरोर आंदुर हेसुर देल ईद चट्ठी लखिसदुन. मसीहगोळी यहूदी नयिमगोळ्द वशिष रूप देल खतना अन पालन माळ पायजे ईद अनावाळेर खवाटा शक्किषकगोळ्द सामना माळोर साटी पौलुस वशिष रूप देल ईद चट्ठी लखिसदुन. ईद मसीहगोळ दा हगि समुह ईरोद यदरी जूळाइजर अंदकु आगोद इंदुर मानसतोगोर कर् गैरयहूदी मसीहगोळ्द खतना माळोद जरूरी आद, आंदुर पौलुस उन प्रेरतिपन इन अधिकार मा प्रश्न चनिह हाकदुर. पौलुस आंदुरद थ्वाळासा जीवन कात्ता अन थ्वाळासा भाग हेळकु तान प्रेरतिपन इन पुष्ठी माळदुन. १:११-२:१४ ईद स्पष्ट माळतेला कर् मुक्ती सरिफ यीशु मसीह मा वशिवास माळदुर देल अच सकितद, आव खुशखबरी इन पुष्ठी माळदुन. २:१६ मुक्ती परमेश्वर उन प्यार इन फल हुन अद लॉकुरद कर्मकांड इन फल आल्लच.

रूप-रेखा

१. गलातिया अन मंडली इक नमस्कार अंदकु पौलुस ईद चट्ठी इन सूरवात माळतान. १:१-५
२. तान शक्किषा कोळोद अधिकार इन पुष्ठी माळोर साटी पौलुस तान जीवन इन थ्वाळासा पार्श्वभुमी स्पष्ट माळतान आव ईद हेळोर साटी कर् आव नयिम शास्त्र अन अनुसार ईरोद ईद जीवन इन कोशशि माळदुन, लेकीन आव येनु सफलता हासलि माळीदलि. १:६-२:२१
३. इदुर बाद्दा नयिम अदकि कृपा नामी मुक्ती कोळोर साटी येन भुमिका नभिसताव ईद आव स्पष्ट माळतान. ३-४
४. वळ्लीद मसीह जीवन इन साटी आव थ्वाळासा साधारण सुचना कोळतान. ५:१-६:१०
५. पौलुस आखरी दा आखरी वनिती माळतान कर् परमेश्वर उन द्वारा व्हाशोद मंळसा बनसोद ईद खतना घाई व्हार्यागोळ्द रीतिदेल हापाळ महत्तवपुरण आद इदरी याद ईटी अदकि नमस्कार माळकु आव ई चट्ठी इक खतमे माळतान. ६:११-१८

1 पौलुस उन दी टु यारी प्रेरति नविळ्स्कु आत जो ना मंळसागोळ दी



टु अदकि ना मंळसा अन द्वारा, उलटा यीशु मसीह अदकि परमेश्वर आप्प उन द्वारा, याव आऊक सोत्तुर दा टु जित्ता माळदुन, प्रेरति हुन <sup>2</sup> अदकि सप्पा वशिवासी वारटुर दी टु जो नान सांगुळ आर, गलातया अन मंडलीगोळी शुभकामनागोळ कळदुर दा शामलि आर:

<sup>3</sup> नाम परमेश्वर आप्प अदकि प्रभु यीशु मसीह अन दी टु नीमी अनुग्रह अदकि शांती कोळतेला ईरूल. <sup>4</sup> प्रभु यीशु मसीह तान तान इक नाम पापगोळ साटी कोट बुट्टुन, ताकी नाम परमेश्वर अदकि आप्प उन इच्छा अन अनुसार नामी ई वर्तमान बुरा युग देल बळिसुसुल. <sup>5</sup> परमेश्वर उन स्तुति अदकि महिमा हमेशा आगतेला ईरूल. आमीन.

यातोदु दुसरा खुशखबरी हैलेच

<sup>6</sup> नानी आश्चर्य आगतद कियाव नीमी मसीह अन अनुग्रह देल कार्सदुन आऊन से नीव ईट जल्दी तरिगकु दुसरा अच प्रकार इन खुशखबरी इन दी झुकसली हतदीर. <sup>7</sup> लेकीन अद दुसरा खुशखबरी इच हैलेच: लेकीन मात ईद आद कियास हगि आर जो नीमी उलझन दा हाक्क बुळतार, अदकि मसीह अन खुशखबरी इक बगिळुसोद चाहासतार. <sup>8</sup> लेकीन अगर नाव, या स्वर्ग टु यावारा स्वर्गदूत भी खुशखबरी इक बटिकु जो नाव नीमी प्रचार माळकु केळसेव, यावारा अलग खुशखबरी नीमी प्रचार माळकु केळसुल, जो आ खुशखबरी टु अलग आद, रा आंदुर शापति आदार. <sup>9</sup> हयांग नाव पयले अंद कोडेव, हांग अच ना ईग मात्त अनतीन क आ खुशखबरी इक बटिकु यदरी नीव ग्रहण माळीर, अगर यावारा मात्त खुशखबरी केळसतान, रा शापति आगुल.

<sup>10</sup> ईग ना येन मंळसागोळी मानसतीन या परमेश्वर उक? येन ना मंळसागोळी समझुसोद चाहासतीन? अगर ना ईगासताका मंळसागोळी इच समझुसतेला ईरायदीन रा मसीह अन दास ईला आगायदीन.

पौलुस हयांग प्रेरति बन्सदुन

<sup>11</sup> हे वारटुरा अदकि आकतीगेरा, ना नीमी हेळ बुळतीन क जो खुशखबरी ना केळसदीन, अद मंळसागोळ्द आलुलच. <sup>12</sup> यतकी अद नानी मंळसा अन दी टु पोहचुसीदील, अदकि ना नानी केळसकु आत, लेकीन यीशु मसीह अन प्रकाशन देल सकित. <sup>13</sup> यहुदी मत दा जो पयले नांद चाल चलन ईरोद अदुर्द बारा दा नीव केळ कोडीर क ना परमेश्वर उन मंडली इक हापाळ अच सतुसीन अदकि नाश माळ तोगीन. <sup>14</sup> तान हापाळ सा जातीवाळेरे से जो नान अवस्था अन ईरोर, यहुदी मत दा यक्कुल वाळुसतेला होगतोगोद अदकि तान आप्प दादागोळ परंपरागोळ साटी हापाळ अच उत्साही ईरीन. <sup>15</sup> लेकीन परमेश्वर उन, याव नान मोय इन गर्भ टु अच नानी ठहूसदुन अदकि तान अनुग्रह देल कार्स बुट्टुन, <sup>16</sup> याग इच्छा आत क नान दा तान पार उक प्रगट माळुल क ना गैरयहुदीगोळ दा आऊन खुशखबरी केळसाईन, रा ना मास अदकि रक्ता देल सलाह ताकोडीन, <sup>17</sup> अदकि ना यरूशलेम इक आंदुर हाती होदीन जो नान से

\* 1:13 १:३ प्रेरतिगोळ ८:३; २२:४,५; २६:९-११

\* 1:14 १:१४ प्रेरतिगोळ २२:३

\* 1:15

१:१५ प्रेरतिगोळ ९:३-६; २२:६-१०; २६:१३-१८

पयले प्रेरति ईरोर, लेकीन अरब इक ओळ्ळेदीन अदकि बाक अल टु दमशिक इक वापस बंदीन.

18 \*बाक मुर वर्ष इन बाददा ना कैफा टु मुलाकात माळोर साटी यरूशलेम होदीन, अदकि आऊन हाती पंदरा दिन ताका ईत्तीन. 19 लेकीन प्रभु उन वार्ट याकूब उक बटिकु अदकि प्रेरतिगोळ दा टु यारूकु नोळीदील. 20 जो मातगोळ ना नीमी लखिसतीन, नोळी, परमेश्वर उक उपस्थति जान्सकु अनतीन कि अव खवाटा हैलेच. 21 इदुर बाददा ना सीरिया अदकि कलिकिया अन ऊरगोळ दा बंदीन. 22 लेकीन यहूदिया अन मंडलीगोळ जो मसीह दा ईरोर, नान बाय यागलु ईला नोळीदुर; 23 लेकीन ईदा केळतोगोर कि जो नामी पयले सतुस तोगोन, आव ईग अदा वशिवास इन खुशखबरी केळसतान यारी पयले नाश माळतोगोन. 24 अदकि आंदुर नान बारा दा परमेश्वर उन महिमा माळतोगोर.

## 2

अन्य प्रेरतिगोळ द्वारा पौलुस उक मान्यता

1 \*चौदा वर्ष इन बाददा ना बरनबास उन सांगुळ मातुत यरूशलेम इक होदीन, अदकि तीतुस उक भी सांगुळ ओतीन. 2 नान होगोद ईश्वरीय प्रकाशन इन अनुसार आत; अदकि जो खुशखबरी ना गैरयहूदीगोळ दा प्रचार माळतीन, अदरी ना आंदरी हेळ बुटीन, लेकीन आबना दा आंदरी जो धोड्डेर सम्सकु आगोर, ताकी हगि आगबाळुल कि नान ई समय इन या पछिला दवळ धूप बेकार ठहरसुल. 3 लेकीन तीतुस उक भी जो नान सांगुळ ईरोन अदकि गैरयहूदी आन, खतना माळसुसोर साटी मजबुर माळकु आगीदील. 4 ईद आ खवाटा वार्टुर कारण आत जो चोरी देल बंदीदुर, कि आ स्वतंत्रता अन जो मसीह यीशु दा नामी सकियाद, भेद ताकोमकु नाम मा नयंत्रण हासलि माळुल. 5 ऊंद घळीतीम आंदुर हातुती आगोद नाव मानसीदील, इदुरसाटी कि खुशखबरी इन उपज नीम दा बन्सकु ईरूल. 6 बाक जो लॉकुर येनारा सम्सकु आगोर आंदुर चाहे ह्यांग भी ईतीदार नानी इदुर से येनु लेना-देना हैलेच; परमेश्वर यारदु पक्षपात माळालुन आंदुर से जो येनारा सम्सकु आगोर, नानी येनु भी प्राप्त आगीदील. 7 लेकीन इदुर वपिरीत याग आंदुर वशिवास इक नोळदुर कि ह्यांग यहूदी लॉकुर साटी खुशखबरी इन क्याल्सा पतरस उक कोटकु आत, हांग अच गैरयहूदीगोळ साटी नानी खुशखबरी केळसोद कोटकु आत. 8 यतकी याव पतरस से खतना माळद लॉकुर दा प्रेरति ई इन क्याल्सा बळा प्रभाव सहति माळसुसदुन, आवा नान से भी गैरयहूदीगोळ दा प्रभावशाली क्याल्सा माळसुसदुन, 9 अदकि याग आंदुर आ अनुग्रह अक जो नानी सकिकीत जान्स कोंडुर, रा याकूब, अदकि कैफा, अदकि यहून्ना जो मंडली इन खंबा सम्सकु आगोर, नानी अदकि बरनबास उक संगती इन ऊमा कय कोट्टुर कि नाव गैरयहूदीगोळ हातुती होदेव अदकि आंदुर खतना माळद लॉकुर हातुती; 10 सरिफ ईद अंदुर कि नाव कंगालगोळद सुधी ताकोडेव, अदकि ईदा क्याल्सा अक माळोद ना खुद भी कोशशि माळीन.

पौलुस द्वारा पतरस उन वरिध

11 लेकीन याग कैफा अन्ताकिया दा बंदुन, रा ना आऊन बाय मा आऊन सामना माळदीन, यतकी आव दोषी ठहूसीदुन. 12 इदुरसाटी क्कियाकूब उन दी टु येनारा लॉकुर बरोर से पयले आव गैरयहूदीगोळ सांगुळ तनितोगोन, लेकीन याग आंदुर बंदुर रा खतना माळ्द लॉकुर अंज्क इन कारण आव ह्दि सरकुसेदुन अदकि कनारा माळली कुरतुन. 13 आऊन सांगुळ जमा यहूदीगोळ भी कपट माळदुर, ईल ताका क्कियनबास भी आंदुर कपट दा बदिदुन. 14 लेकीन याग ना नोळदीन क्किया आंदुर खुशखबरी इन सच्चाई मा सीधा चाल नळालुर, रा ना सप्पा मुंदुर मुंद कैफा से अंदीन, “याग नी यहूदी आगकु गैरयहूदीगोळ घाई नळुतया अदकि यहूदीगोळ घाई ईलारा नी गैरयहूदीगोळी यहूदीगोळ घाई नळुली येती अनत्या?”

वश्वास द्वारा न्यायी ठहूसोद

15 नाव रा जनम टु यहूदी हुयेव, अदकि पापी गैरयहूदीगोळ दा टु हैलेच. 16 अदरी ईद जानसकु क्कियंसा व्यवस्था अन क्क्याल्सागोळ देल ईला, लेकीन सरिफ यीशु मसीह मा वश्वास माळोद द्वारा न्यायी ठहूसतान, नाव खुद भी मसीह यीशु मा वश्वास माळदेव क्कियं नाव व्यवस्था अन क्क्याल्सागोळ देल ईला, लेकीन मसीह मा वश्वास माळदुर देल न्यायी ठहूसदेव; इदुरसाटी क्किया व्यवस्था अन क्क्याल्सागोळ देल यातोदु प्राणी न्यायी ठहूसतीदील. 17 नाव जो मसीह दा न्यायी ठहूसोद चाहासतेव, अगर खुद अच पापी होट्टेव रा येन मसीह पाप इन सेवक आन? यागलु ईला! 18 यतकी जो येनारा ना केळ्द बुटीन अगर अदरी मात्त माळतीन, रा तान तान इक अपराधी ठहूसतीन. 19 ना रा व्यवस्था अन द्वारा व्यवस्था अन साटी सोतोदीन क्कियं परमेश्वर मसीह अन्द साटी जत्तिता ईराइन. 20 ना मसीह अन सांगुळ कूस मा येरसकु आगीन, ईग ना जत्तिता ईतीदील, लेकीन मसीह नान दा जत्तिता आन; अदकि ना मय दा ईग जो जत्तिता आईन रा सरिफ आ वश्वास देल जत्तिता आईन जो परमेश्वर उन पार उन मा आद, याव नान से प्यार माळदुन अदकि नान साटी तान तान इक कोट बुट्टुन. 21 ना परमेश्वर उन अनुग्रह अक बेकार ठहूसालीन; यतकी अगर व्यवस्था अन द्वारा न्यायीपन आगाईत, रा मसीह अन सायोद बेकार आगाईत.

### 3

व्यवस्था या वश्वास

1 हे नरिबुद्धी गलातगिळा, याव नीमी मोहीत माळ कौडान? नीम रा मान्सी कण्णगोळ मुंद यीशु मसीह कूस मा येरसकु आदुन! 2 ना नीम से सरिफ ईद जानसोद चाहासतीन क्कियं नीमी आत्मा, येन व्यवस्था अन क्क्याल्सागोळ देल या वश्वास इन समाचार देल सकित? 3 येन नीव हगि नरिबुद्धी आईन क्किया आत्मा अन रीतमा सुरूवात माळकु ईग मय इन रीतमा अनत माळीर? 4 येन नीव ईट दुख बेकार अच नेगदीर? लेकीन यागलु बेकार हैलेच. 5 जो नीमी आत्मा दान माळतान अदकि नीम दा सामर्थ्य नव क्क्याल्सा माळतान,

आव येन व्यवस्था अन क्याल्सागोळ देल या खुशखबरी मा वशिवास देल हगि माळतान?

6 \*॥“अब्राहम रा परमेश्वर मा वशिवास माळदुन अदकि ईद आऊन साटी न्यायीपन आळुकु आत.” 7 ॥इदुरसाटी ईद जान्स कोमी की जो वशिवास माळावाळेर आर, आंदुर अच अब्राहम उन औलाद उर. 8 अदकि पवत्रिशास्त्र पयले टु अच ईद जान्सकु की परमेश्वर गैरयहूदीगोळी वशिवास देल न्यायी ठहरूस्यान, पयले टु अच अब्राहम उक ईद खुशखबरी केळस बुट्टुन की “नीन दा सप्पा जातीगोळी आशीष सकिकीत.” 9 इदुरसाटी जो वशिवास माळावाळेर आर, आंदरी अब्राहम उन सांगुळ आशीष सकिकीत.

10 इदुरसाटी यास लॉकुर व्यवस्था अन क्याल्सागोळ मा भरोसा ईटतार, आंदुर सप्पा श्राप इन हातती आर, यतकी शास्त्र दा लखिसकु आद, “जो यावारा व्यवस्था अन कतिब दा लखिसकु सप्पा मातगोळ माळदुर दा स्थरि ईरालुन, आव श्रापति आन.” 11 लेकीन ईद मात प्रगट आद की व्यवस्था अन द्वारा परमेश्वर उन ईल याऊ न्यायी ठहरूसालुन, यतकी न्यायी जन वशिवास देल जतिता ईत्तान. 12 लेकीन व्यवस्था अन वशिवास देल येनु संबध हैलेच; यतकी “जो अवरी मानस्यान, आव अऊर कारण जतिता ईत्तान.” 13 मसीह जो नाम साटी श्रापति बन्सदुन, नामी कोंडकु व्यवस्था अन श्राप देल बळिसुसदुन, यतकी शास्त्र दा लखिसकु आद, “जो यावारा क्रूस मा लटकूसकु आगतान आव श्रापति आन.” 14 ईद इदुरसाटी आत की अब्राहम उन आशीष मसीह यीशु दा गैरयहूदीगोळ ताका पोहचुसुल, अदकि नाव वशिवास इन द्वारा आ आत्मा अक प्राप्त माळेव यदुरद वादा आग्याद.

व्यवस्था अदकि वाचा

15 हे वारट्टुरा अदकि आकतींगेरा, ना मळसा अन रीति मा अनतीन; मळसा अन वाचा जो पक्का आगोगतद, रा ना यावारा अदरी टालसतान अदकि ना अदुरदा येनारा वाळुस्तान. 16 इदुरसाटी वादागोळ अब्राहम उक अदकि आऊन वंश इक कोटकु आग्याव. आव ईद अनालुन, “वंशगोळी,” ह्यांग हापाळ मुंदुर बारा दा अंदुन; लेकीन ह्यांग ऊंद इन बारा दा की “नीन वंश इक” अदकि आव मसीह हुन. 17 लेकीन ना ईद अनतीन: जो वाचा परमेश्वर पयले टु पक्का माळीदुन, अदरी व्यवस्था नाक सौ तीस वर्ष इन बाददा बंदकु टालस सकाल्द की वादा बेकार ठहरूसुल. 18 ॥यतकी अगर मीरास व्यवस्था देल सकियाद रा बाक वादा देल ईला, लेकीन परमेश्वर अब्राहम उक वादा अन द्वारा कोट बुटान.

19 आग बाक व्यवस्था येती कोटकु आत? अद रा अपराधगोळ कारण बाददा कोटकु आत की आ वंश इन बरासताका ईरूल, यारी वादा कोटकु आगीत; अदकि आव स्वर्गदूतगोळ द्वारा ऊंद मध्यस्थ अन कय दा ठहरूसकु आत. 20 मध्यस्थ रा ऊंद इन आगाल्द, लेकीन परमेश्वर ऊंद अच आन.

व्यवस्था अन उद्देश

21 रा येन व्यवस्था परमेश्वर उन वादागोळ वरिध दा आद? यागलु ईला! यतकी अगर हगि व्यवस्था कोटकु आगाईत जो जीवन कोळ सकाईत, रा

खराखुरा न्यायीपन व्यवस्था देल ईराईत. 22 लेकीन पवत्रिशास्त्र सप्पा मुंदरी पाप इन हात्ती माळ बुळ्त, ताकी अद वादा यदुर्द आधार यीशु मसीह मा वशिवास माळोद आद, वशिवास माळावाळेर साटी पुरा आगोगुल.

23 लेकीन वशिवास इन बरोर से पयले व्यवस्था अन हात्ती ता दा नाम रखवाली आगतोगोद, अदकि आ वशिवास इन बरासताका जो प्रगट आगावाळा ईरोद, नाव अदुर्दा बंधन दा ईततेव. 24 इदुरसाटी व्यवस्था मसीह ताका पोहचुसोर साटी नाम गुरु आग्याद कि नाव वशिवास देल न्यायी ठहरुसेव. 25 लेकीन याग वशिवास होट्ट बत्त, रा ईग नाव गुरु उन हात्ती ईतीदील. 26 यतकी नीव सप्पा आ वशिवास इन द्वारा जो मसीह यीशु मा आद, परमेश्वर उन औलाद हुईर. 27 अदकि नीम दा टु यास मुंदुर मसीह दा बपतस्मा ताकोडार आंदुर मसीह अक हाक्क कोडार. 28 ईग ना यावारा यहूदी ईततुन अदकि ना यावारा गैरयहूदी, ना यावारा दास ना यावारा स्वतंत्र, ना यावारा नर ना नारी, यतकी नीव सप्पा यीशु मसीह दा ऊंद आईर. 29 \*अदकि अगर नीव मसीह अन आईर रा अब्राहम उन वंश अदकि वादा अन अनुसार वारीस भी हुईर.

## 4

1 ना ईद अनतीन कि वारीस यागासताका चगिद आन, बल्की सप्पा वस्तुगोळ्द स्वामी आन, तरी आऊन दा अदकि दास दा यातोदु भेद हैलेच. 2 लेकीन आप्प उन ठहरूसद समय ताका संरक्षकगोळ अदकि मुनीमगोळ वश दा ईरतान. 3 हांग अच नाव भी, याग चकिोर ईरव, रा दुनया अन पयले टु शकिषा अन वश दा आगकु दास बनसकु ईरव. 4 लेकीन याग समय पुरा आत, रा परमेश्वर तान पार उक कळुदुन जो आर्त देल पैदा आदुन, अदकि व्यवस्था अन हात्ती पैदा आदुन, 5 \*ताकी व्यवस्था अन हात्ती गोळी कोडकु बळिस कोमुल, अदकि नामी पार आगोद हक्क सकिल. 6 अदकि नीव जो पार हुईर, इदुरसाटी परमेश्वर तान पार उन आत्मा अक, जो “हे अब्बा, हे आप्प” अनकु कारूतान, नाम दलिगोळ दा कळ्यान. 7 इदुरसाटी नी ईग दास हैलेच, लेकीन पार हुय; अदकि याग पार आद, रा परमेश्वर उन द्वारा वारीस भी आद.

गलतीगोळ बारा दा पौलुस उन चन्ता

8 पयले रा नीव परमेश्वर उक ईला जान्सकु आंदुर दास ईरोर जो स्वभाव देल परमेश्वर हैलेच, 9 लेकीन ईग जो नीव परमेश्वर उक अर्त कोडार बल्की परमेश्वर नीमी अरतुन, रा आ नरिबल अदकि नकिम्मा पयले टु शकिषा अन मातगोळ दी येती तरिगीतीर, यार्द नीव दुबारा दास आगोद चाहासतीर? 10 नीव दनिगोळ अदकि तगिळगोळ अदकि नयित समयगोळ अदकि वर्षगोळी मान्सतीर. 11 ना नीम बारा दा अंजतीन, येल्यारा हगि आगबाळुल कि जो मेहनत ना नीम साटी माळदीन अद बेकार ठहरूसुल.

12 हे वार्दुरा अदकि आकतीगेरा, ना नीम से वनिती माळतीन, नीव नान घाई आगेगी; यतकी ना भी नीम घाई आगेगीन; नीव नांद येनु बगिळुसीदील.

13 लेकीन नीव जान्सतीर की पयले पयले ना मय इन नरिबलता अन कारण नीमी खुशखबरी केळसदीन. 14 अदकि नीव नान शारीरकि दशा अक जो नीम परीक्षा अन कारण ईरोद, तुच्छ जान्सीदील; ना अदुर देल घृणा माळदीन; अदकि परमेश्वर उन स्वर्गदूत बल्की खुद यीशु मसीह अन घाई नानी ग्रहण माळदुन. 15 रा अद नीम खुशी मानसोद येल होत? ना नीम गवाह हुईन की अगर आग सकाईत रा नीव तान कण्णगोळी भी तेगुकु नानी कोट्ट बुळायदीर. 16 रा येन नीम से सही माताळोद कारण ना नीम दुश्मन बनसेगीन? 17 आंदुर नीमी संगी माळोद रा चाहासतार, लेकीन भला उद्देश देल ईला; बल्की नीमी ब्यार माळोद चाहासतार की नीव आंदरी का संगी माळकोमी. 18 लेकीन ईद भी वळ्लीद आद की भला मात दा हर समय संगी माळोद कोशशि माळकु आगुल, ना सरिफ अदा समय याग ना नीम सांगुळ ईरतीन. 19 हे नान चकिरा, यागासताका नीम दा मसीह अन रूप बनसेगाल्द, आगासताका ना नीम साटी बाक चगिद हाळाहोती जो दुख आगतद अद दुख नेगुतीन. 20 इच्छा रा ईद आगतद की ईग नीम हाती बंदकु दुसरा अच प्रकार देल माताळाईन, यतकी नीम बारा दा ना उलझन दा आईन.

पुरा अदकि हाजरि अन उदाहरण

21 नीव जो व्यवस्था अन हात्ती आगोद चाहासतीर, नानी हेळी, येन नीव व्यवस्था अन केळालीर? 22 शास्त्र दा ईद लखिसकु आद की अब्राहम उन येदद पारगोळ आदुर; ऊंद दासी देल अदकि ऊंद स्वतंत्र आर्त देल. 23 लेकीन जो दासी देल आदुन, आव शारीरकि रीति देल पैदा आदुन; अदकि जो स्वतंत्र आर्त देल आदुन, आव वादा अन अनुसार पैदा आदुन. 24 ई मातगोळ दा उदाहरण आद: ई आर्तेर मान्सी येदद वाचागोळ आर, ऊंद रा सीनै पहाळ इन यदुर देल दास अच पैदा आगतार; अदकि आक हाजरि हुळ. 25 अदकि हाजरि मान्सी अरब इन सीनै पहाळ हुळ, अदकि आधुनकि यरूशलेम आकनि बराबर आद, यतकी आक तान चकिर समेत दासत्व दा आर. 26 लेकीन म्याकुच इन यरूशलेम स्वतंत्र आद, अदकि अद नाम मोय हुन. 27 यतकी शास्त्र दा लखिसकु आद,

“हे वांझला, नी जो पैदा माळाल खुशी माळ;

नी यारी दुख नेगाल, कुतक्या खोल्सकु जय जयकार माळ;

यतकी त्याग्सद मंळसा अनूद औलाद सुहागीन इन औलाद देल भी यक्कुल आद.”

28 हे वार्दुरा अदकि आकतींगेरा, नाव इसहाक इन घाई वादा अन औलाद हुयेव. 29 अदकि ह्यांग आ समय मय इन अनुसार पैदा आगद आत्मा अन अनुसार पैदा आगद उक सतुसोद, हांग अच ईग भी आगतद. 30 लेकीन पवत्रिशास्त्र येन अनतद? “दासी अदकि आकनि पार उक तेगु बुळ, यतकी दासी अन पार स्वतंत्र आर्त इन पार उन सांगुळ उत्तराधिकारी आगतीदील.” 31 इदुरसाटी हे वार्दुरा अदकि आकतींगेरा, नाव दासी नोर ईला लेकीन स्वतंत्र आर्त इनोर औलाद हुयेव.

## 5

स्वतंत्रता अक सुरक्षति ईटी

1 मसीह स्वतंत्रता अन साटी नामी स्वतंत्र माळ्यान; इदुरसाटी इदुरदा अच स्थरि ईरी, अदकि दासत्व अन जुआ दा मात्त बळिबाळी. 2 नोळी, ना पौलुस नीम से अनतीन की अगर खतना माळसुसीर, रा मसीह देल नीमी येनु लाभ आगतीदील. 3 तरी भी ना हर ऊंद खतना माळसुसावाळा अक वनिती माळतीन की आऊक सप्पा व्यवस्था मानसोद बदिदीत. 4 नीव जो व्यवस्था अन द्वारा न्यायी ठहरूसोद चाहासतीर, मसीह देल अलग अदकि अनुग्रह देल बदिगीर. 5 यतकी आत्मा अन कारण नाव वश्वास देल, आशा माळद न्यायीपन इन हादी कायतेव. 6 मसीह यीशु दा ना खतना अदकि ना खतनारहति येनारा क्याल्सा अन आद, लेकीन सर्फि वश्वास, जो प्यार इन द्वारा प्रभाव हाकत्या. 7 नीव रा भला भातीहीरी. ईग याव नीमी रोकस बुटुन की सचचाई इन भरोसा माळबाळी. 8 हगि सीख नीम कारावाळा अन दी टु हैलेंच. 9 थ्वाळासा खमीर सप्पा काल्सद हीट इक खमीर माळ बुळतद. 10 ना प्रभु मा नीम बारा दा भरोसा ईटतीन की नीम यातोदारा दुसरा वचिर ईरतीदील; लेकीन जो नीमी घबरूस बुळतान, आव यावारा येती आगबाळुल फ़ैसला आदीत. 11 लेकीन हे वारटुरा अदकि आकतींगेरा, अगर ना ईगासताका खतना अन प्रचार माळतीन, रा येती ईगासताका सतुसकु आगतीन? बाक रा क्रूस इन टोकर होगतेला ईत्त. 12 भला आगाईत की जो नीमी डावाडोल माळतार, आंदुर तान मय अच कोद बुळायदुर.

13 हे वारटुरा अदकि आकतींगेरा, नीव स्वतंत्र आगोर साटी कार्सकु आगीर; लेकीन हगि आगबाळुल की ईद स्वतंत्रता शारीरिक क्याल्सागोळ साटी मवका बनसुल, बल्की प्यार देल आबुर दाबुर दास बनसी. 14 यतकी सप्पा व्यवस्था ई ऊंद अच मात दा पुरा आगेगतद, “नी तान हातळोर से तान घाई प्यार ईट.” 15 लेकीन अगर नीव आबुर दाबुर इक हल्ल देल कचतीर अदकि हरकु तनितीर, रा सावधान ईरी की आबुर दाबुर सत्यानाश ना माळबुळी.

पवत्रि आत्मा द्वारा संचालन

16 लेकीन ना अनतीन, आत्मा अन अनुसार नळदीर रा नीव मय इन लालसा यातोदारा रीत देल पुरा माळतीदील. 17 यतकी मय आत्मा अन वरिध दा अदकि आत्मा मय इन वरिध दा लालसा माळतद, अदकि ईव आबुर दाबुर वरिधी आव, इदुरसाटी की जो नीव माळोद चाहासतीर अद माळ सकबाळी. 18 अदकि अगर नीव आत्मा अन नळसदुर देल नळुतीर रा व्यवस्था अन हात्ती ईतीदील. 19 मय इन क्याल्सा रा प्रगट आव, मतलब व्यभचार, खराब क्याल्सा, लुचपन, 20 मूर्तपूजा, जादु टोना, दुश्मनी, झगळा, जलन, सटिट, वरिध, फूट, स्वार्थीपन, 21 जलन, मतवालापन, अवैध संबंध, अदकि ईऊर घाई मात्त दुसरा क्याल्सा आव, ईऊर बारा दा ना नीम से पयले टु अच अंद बुळतीन हयांग पयले अंद भी कौडीन, की ईत्ता क्याल्सा माळावाळेर परमेश्वर उन राज्य अन वारीस आगतीदील. 22 लेकीन आत्मा अन काय, प्यार, खुशी,

शांती, धीरज, कृपा, भलाई, विश्वास, <sup>23</sup> नम्रता, अदकि संयम आद; हगि-हगि क्याल्सागोळ वरिध दा यातोदारा भी व्यवस्था ह्हेलेच. <sup>24</sup> अदकि जो मसीह यीशु नोर आर, आंदुर मय इक आऊन लालसागोळ अदकि अभलिषागोळ समेत कूरस मा येर्स बुटार.

<sup>25</sup> अगर नाव आत्मा अन द्वारा जतिता आयेव, रा आत्मा अन अनुसार नळदेव भी. <sup>26</sup> नाव घमण्डी आगकु ना आबुर दाबुर इक छेळसेव, अदकि ना आबुर दाबुर से जलनखोरी माळेव.

## 6

आबुर दाबुर सहायता माळी

<sup>1</sup> हे वार्टुरा अदकि आकतीगेरा, अगर यावारा मंळसा यातोदारा अपराध दा हुळकु भी आगतान रा नीव जो आत्मकि आईर, नम्रता अन सांगुळ ईत्ता मंळसा अक संभाळसी, अदकि तांद भी सावधानी ईटी कि नीव भी परीक्षा दा बळिबाळी. <sup>2</sup> नीव आबुर दाबुर बोझ नेगी, अदकि ईत्ता प्रकार मसीह अन व्यवस्था अक पुरा माळी. <sup>3</sup> यतकी अगर यावारा येनु ईला ईत्तुर मा भी तान तान इक येनारा समस्तान, रा तान तान इक ध्वाका कोळतान. <sup>4</sup> लेकीन हर ऊंद तांद अच क्याल्सा अक जाच कोमुल, अदकि आग दुसरा अन बारा दा ईला लेकीन तांद अच बारा दा आऊक घमण्ड माळोद मवका सक्कीत. <sup>5</sup> यतकी हर ऊंद मंळसा तांद अच बोझ नेगदान.

<sup>6</sup> यारी वचन इन शक्षिा सकितद, आव सप्पा वळ्लेव वस्तुगोळ दा कलसावाळा अक भागी माळुल.

<sup>7</sup> ध्वाका तनिबाळी; परमेश्वर मज्याक दा हार्सकु आगालुन, यतकी मंळसा जो फसल हच्यान आव अदा कळदान. <sup>8</sup> यतकी जो तान मय इन साटी हचतान, आव मय इन द्वारा वनिश इन कटनी कळदान; अदकि जो आत्मा अन साटी हचतान, आव आत्मा अन द्वारा अनन्त जीवन इन कटनी कळदान. <sup>9</sup> नीव भला क्याल्सा माळदुर दा साहस बळिबाळी, यतकी अगर नाव ढलिा ईरतीदील रा ठीक समय मा कटनी कळदेव. <sup>10</sup> इदुरसाटी येल ताका समय सक्कीत नाव सप्पा घराना अन सांगुळ वळ्लीद माळेव, वशिष माळकु वशिवासी वार्टुर सांगुळ.

आखरी चेतावनी अदकि अभविदन

<sup>11</sup> नोळी, ना ह्यांग धोळ धोळ अक्षरगोळ दा नीमी तान कय देल लखिसीन. <sup>12</sup> जो लॉकुर शारीरकि दखावा चाहासतार आंदुर अच नीमद खतना माळसुसोर साटी दबाव हाकतार, सर्फि इदुरसाटी कि आंदुर मसीह अन कूरस इन कारण सतुस्कु आगबाळुल. <sup>13</sup> यतकी खतना माळसुसावाळेर खुद रा व्यवस्था मा नळालुर, लेकीन नीम खतना इदुरसाटी माळसुसोद चाहासतार कनिम शारीरकि दशा मा घमण्ड माळुल. <sup>14</sup> लेकीन हगि आगबाळुल कि ना दुसरा यातोदारा मात मा घमण्ड माळाईन, सर्फि नाम प्रभु यीशु मसीह अन कूरस इन, यार्द द्वारा दुनयिा नान नजर दा अदकि ना दुनयिा अन नजर दा कूरस मा येर्सकु आगीन. <sup>15</sup> यतकी ना खतना अदकि ना खतनारहति येनारा आद, लेकीन



व्हाशोद दुनयिा. 16 यास ई नयिम मा नळदार आंदुर मा, अदकि परमेश्वर उन इस्त्राएल मा शांती अदकि दया आगतेला ईरूल.

17 मुंद नानी याऊ दुख कोळबाळुल, यतकी ना यीशु अन दागगोळी तान मय दा हुळकु टेटाळतीन. 18 हे वार्टुरा अदकि आकतींगेरा, नाम प्रभु यीशु मसीह अन अनुग्रह नीम आत्मा अन सांगुळ ईरूल. आमीन.

## इफसियों के नाम पौलुस प्रेरति की पत्री इफसिगिोळ हेसुर पौलुस प्रेरति उन चट्ठी परचिय

मसीह अन जनम इन साठ वर्ष पयले इफसिगिोळ चट्ठी अदकि कुलुस्सगिोळ चट्ठी लगभग सांगुळ लखिसकु आगीत.

प्रेरति पौलुस ईद सुचति माळतान की आवा चट्ठी इन लेखक हुन १:१ कुलुस्सगिोळ चट्ठी इन घाई ईद चट्ठी दा व्यक्तत्वि शुभेच्छा नोळकु आगाल. तरी भी ज्यादा तर वधिवानगोळ ईद मानसतार की पौलुस अच ईद चट्ठी लखिसीदान. ईदा कारण प्रांत इन अलग अलग मंडली दा ईद चट्ठी तरिगुसकु वाचुसकु आगुल हगि पौलुस उन ईरादा आग सकतद, याग आव ईद चट्ठी लखिसदुन आग पौलुस ईद हेळतान की आव कैद दा ईरोन, ३:१; ४:१ अदकि ६:२० याग तकिकुस इफसिगिोळ मंडली इक सकिली इफसियों होगोन आग पौलुस ईद चट्ठी आऊन कय दा कळुदुन ६:२१-२२

इफसियों ऊंद हापाळ धोळद शयर ईरोद, आ समय एशिया माइनर प्रांत इन अद राजधानी ईरोद. शयर दा अर्तमसि हेसुर ईनव ग्रीक द्याव उन ऊंद धोळद मंदरि ईरोद यदुर कारण देल इफसियों अक हापाळ प्रसदिधी सकित, प्रेरतिगोळ ११:२३-३१ ईद इफसिगिोळ मंडली सुरूवात वळलीद आत लेकीन बाददा कमजोर भी कांळसत प्रकाशतिवाक्य २:१-७ परमेश्वर तान लाँकुरी नविळुसकु यीशु मसीह अन द्वारा ह्यांग आंदुरव पापगोळ से छुटकारा कोट्टुन ईद मात पौलुस उन चट्ठी इन पयला भाग स्पष्ट माळतद, आव मंडली इन तुलना आ शरीर इन सांगुळ माळतान की यार्द मसतक मसीह अच हुन अदकि आव अद क्वाना अनद कल्ल आ इमारत देल यार्द क्वाना अनद कल्ल मसीह हुन कतिाब इन दुसरा भाग दा मसीह जीवन ह्यांग जीऊस पायजे ईदुर बारा दा हेळतान.

रूप रेखा

१. पौलुस खुद इन परचिय कोटकु इफसियों अक शुभेच्छा कोळतान. अध्याय १:१-२
२. बाददा आ मंडली इन मसीह अन सांगुळ ह्यांग रशिता ईर पायजे १:३-३:२१
३. बाददा पौलुस मसीह जीवन ह्यांग जीऊस पायजे ईदुर बारा दा हेळतान ४:१-६:२०
४. पौलुस आखरी शब्द दा चट्ठी लखिसकु खतम माळतान ६:२१-२४

1 \*नान पौलुस उन दी टु जो परमेश्वर उन इच्छा देल यीशु मसीह अन प्रेरति आन,

आ पवतिर अदकि मसीह यीशु दा वशिवासी लाँकुरद हेसुर जो इफसिस दा आद:

2 नाम्द आप्प परमेश्वर अदकि प्रभु यीशु मसीह अन्द दी टु नीमी अनुग्रह अदकि शांती सकितेला ईरूल.

मसीह दा आत्मकि आशीषगोळ

3 नाम्द प्रभु यीशु मसीह अन्द परमेश्वर अदकि आप्प उन धन्यवाद आगुल कि आव नामी मसीह दा स्वर्गीय जागागोळ दा सब प्रकार इन आत्मकि आशीष कोट्टुन. 4 ह्यांग आव नामी दुनिया अन उत्पत्ती टु पयला अदुर्दा नीवळुस कौडान

का नाव आऊन हात्ती प्यार दा पवतिर अदकि नरिदोष आगुल. 5 अदकि तान इच्छा अन्द भला अभिप्राय इन अनुसार नामी तान साटी पयला टु ठहूसदुन कि यीशु मसीह अन्द द्वारा नाव आऊन गोद पार आगुल, 6 कि आऊन आ अनुग्रह अन्द महिमा अन्द स्तुति आगुल, यारी आव नामी आ प्रयि दा सेत-मेत कोट्टुन. 7 \*नामी अदुर्दा आऊन रक्ता अन द्वारा छुटकारा, मतलब अपराधगोळद माफी, आऊन आ अनुग्रह अन्द धन इन अनुसार सकियाद, 8 यारी आव पुरा ग्यान अदकि समझ सहति

नाम मा बहुतायत देल माळदुन. 9 यतकी आव तान इच्छा अन्द भेद आ भला अभिप्राय इन अनुसार नामी हेळदुन, यारी आव खुद तान दा ठान्स कौडीदुन 10 कि समयगोळद पुरा आगोद हगि प्रबन्ध आगुल कि जो येनारा स्वरग दा आद अदकि जो येनारा पृथ्वी मा आद, सप्पा येनारा अद मसीह दा जमा माळुल.

11 अदुर्दा यदुर्दा नाव भी आऊन मनसा देल जो तान इच्छा अन्द मत इन अनुसार सप्पा येनारा माळतान, पयला टु ठहूसकु आगकु मीरास बनसुल 12 कि नाव, यार पयला टु मसीह मा आशा ईटीदेव, आऊन महिमा अन्द स्तुति इन कारण आगुल.

13 अदकि अदुर्दा नीम मा भी, याग नीव सच्चाई इन वचन केळदीर जो नीम्द उद्धार इन खुशखबरी आद अदकि यदुर मा नीव वशिवास माळदीर, वादा माळकु आत पवतिर आत्मा अन्द छाप हत्त. 14 परमेश्वर उन साटी पैस्या देल कौडकु आग्यार आंदुर्द छुटकारा अन्द साटी नाम्द मीरास इन बयाना हुन, कि आऊन महिमा अन्द स्तुति आगुल.

पौलुस उन प्रार्थना

15 ई कारण, ना भी आ वशिवास इन बातणी केळकु जो नीम लॉकुर दा प्रभु यीशु मा आन अदकि सप्पा पवतिर लॉकुर मा प्यार प्रगट आद, 16 नीम साटी धन्यवाद माळोद बळालीन, अदकि तान प्रार्थनागोळ दा नीमी याद माळतेला ईरतीन 17 कि नाम्द प्रभु यीशु मसीह अन्द परमेश्वर जो महिमा अन्द आप्प हुन, नीमी तान पहचान दा ग्यान अदकि प्रकाश इन आत्मा कोळुल, 18 अदकि नीम्द मन इन कण्णगोळ ज्योतिर्मय आगुल कि नीव जान्स कोमी कि आऊन बुलाहट इन आशा येन आद, अदकि पवतिर लॉकुर दा आऊन मीरास इन महिमा अन्द धन ह्यांग आद, 19 अदकि आऊन सामर्थ्य नाम दा जो वशिवास माळतार, याट महान आद, आऊन शक्ति इन प्रभाव इन

आ कार्य अनूद अनुसार <sup>20</sup> जो आव मसीह दा माळदुन की आऊक सोत्तुर दा टु जत्तिता माळकु स्वरगीय जागागोळ दा तान ऊम्मा कय दी कुरसदुन <sup>21</sup> ताकी सब प्रकार इन प्रधानता, अदकि अधिकार, अदकि सामर्थ्य, अदकि प्रभुता अनूद, अदकि हर ऊंद हेसुर इन म्याकुच, जो ना सरिफ ई दुनया दा पर बरावाळा दुनया दा भी ताकोमकु आदीन, कुरसदुन; <sup>22</sup> \*अदकि सप्पा येनारा आऊन कालगोळ लयालमा माळ बुट्टुन; अदकि आऊक सब वस्तुगोळ मा श्रेष्ट ठहरूसकु मंडली इक कोट बुट्टुन, <sup>23</sup> ईद आऊन मय हुन, अदकि आऊन परपूरणता आद जो सब दा सब येनारा पुरा माळतान.

## 2

### मृत्यु टु जीवन दी

<sup>1</sup> \*आव नीमी भी जत्तिता माळदुन, जो तान अपराधगोळ अदकि पापगोळ्द कारण सोतकु ईरोर <sup>2</sup> यदुर मा नीव पयला ई दुनया अन रीर्तामा, अदकि आकाश इन अधिकार इन शासक मतलब आ आत्मा अनूद अनुसार नळीर, जो ईग भी आग्या ईला मानसावाळेरुद कार्य माळतान. <sup>3</sup> ईदुर दा नाव भी सप्पा अच मुंदुर पयला तान मय इन लालसागोळ दा दिन बतुसेव, अदकि मय अदकि मन इन इच्छागोळी पुरा माळेव, अदकि अन्य लॉकुर घाई स्वभाव देल सट्टि इन औलाद ईरेव.

<sup>4</sup> लेकीन परमेश्वर जो दया अनूद धनी आन, तान आ धोळ प्यार इन कारण यार देल आव नाम से प्यार माळदुन, <sup>5</sup> याग नाव अपराधगोळ्द कारण सोतकु ईरेव रा नामी मसीह अनूद सांगुळ जत्तिता माळदुन अनुग्रह देल अच नीमूद उद्धार आत, <sup>6</sup> अदकि मसीह यीशु दा आऊन सांगुळ नेगदुन, अदकि स्वरगीय जागा दा आऊन सांगुळ कुरसदुन <sup>7</sup> की आव तान आ कृपा देल जो मसीह यीशु दा नाम मा आद, बरावाळा समय इन दुनया दा तान अनुग्रह अनूद असीम धन तोरसदुन. <sup>8</sup> यतकी वशिवास इन भेट इन द्वारा अनुग्रह देल अच नीमूद उद्धार आत, अदकि ईद नीमूद दी टु ईला, बलकी परमेश्वर उन दान हुन, <sup>9</sup> अदकि ना कर्मगोळ्द कारण, हगि आगबाळुल की यावारा घमण्ड माळुल. <sup>10</sup> यतकी आव नामी माळयान, अदकि मसीह यीशु दा आ वळलीद कयालसागोळ्द साटी माळकु आगीर यारी परमेश्वर पयला टु नामी माळोर साटी तयार माळदुन.

### मसीह दा ऊंद

<sup>11</sup> ई कारण याद माळी कनिव जो शारीरिक रीर्तदिल गैरयहूदी आईर अदकि जो लॉकुर मय दा कय इन माळकु खतना देल खतनावाळेर कहलुस्तार, आंदुर नीम इक खतनारहति अनतार, <sup>12</sup> नीव लॉकुर आ समय मसीह टु अलग, अदकि इस्त्राएल इन प्रजा अनूद पद देल अलग माळकु आदीर, अदकि वादा अनूद वाचागोळ्द भागी ईला ईरोर, अदकि आशाहीन अदकि दुनया दा मय रहति ईरोर. <sup>13</sup> लेकीन ईग मसीह यीशु दा नीव जो पयला दुर ईरीर, मसीह अनूद रक्ता अन द्वारा हात्ती आगोगीर. <sup>14</sup> यतकी आवा नाम्द मेल हुन जो येदु मुंदरी ऊंद माळ कौडुन अदकि अलग माळावाळा दविर इक जो बीच दा ईरोद कौडु बुट्टुन,

15 \*अदकि तान मय दा दुश्मनी मतलब अद व्यवस्था यदुर्द आग्यागोळ वधीगोळ्द रीतमा ईरव, मटिकुस बुट्टुन कियेढ्दु देल तान दा ऊंद व्हाशोद मंळसा पैदा माळकु मेल माळसुस बुळुल, 16 \*अदकि कूस मा दुश्मनी इक नाश माळकु इदुर द्वारा येढ्दु मुंदरी ऊंद मय माळकु परमेश्वर देल भेंट माळसुसयान. 17 आव बंदकु नीमी जो दुर ईरीर अदकि आंदरी जो हात्ती ईरोर, येढ्दु मुंदरी मेल मलिाप इन खुशखबरी केळ्दसदुन. 18 यतकी आऊन द्वारा नाव येढ्दु मुंदुरद ऊंद आत्मा दा आप्प उन हात्ती प्रवेश आगतद.

19 इदुरसाटी नीव ईग परदेशी अदकि मुसाफिर ईतीदील, लेकीन पवतिर लाँकुरद संगी स्वदेशी अदकि परमेश्वर उन घराना दोर आगेदीर. 20 अदकि प्रेरतिगोळ अदकि भवषियवक्तागोळ्द पायवा मा, यार्द क्वाना अन्द कलल मसीह यीशु खुद अच आन, माळकु आगीर. 21 यदुर्दा पुरा रचना ऊंद सांगुळ मलिसकु प्रभु दा ऊंद पवतिर मंदरि बन्सतेला होगतद, 22 यदुर्दा नीव भी आत्मा अन्द द्वारा परमेश्वर उन नवास स्थान आगोर साटी ऊंद सांगुळ माळकु आगतीर.

### 3

गैरयहूदीगोळ दा पौलुस उन स्यावा

1 ईदा कारण ना पौलुस जो नीव गैरयहूदीगोळ्द साटी मसीह यीशु दा बंदीन. 2 अगर नीव परमेश्वर उन आ अनुग्रह अन्द प्रबन्ध इन समाचार केळीदीर, जो नीम्द साटी नानी कोटकु आग्याद, 3 मतलब ईद कि अद भेद नान मा प्रकाशन इन द्वारा प्रगट आत, ह्यांग ना पयला अच थ्वाळासा दा लखिसदीन, 4 \*यारी नीव वाचुसकु जान्स सकतीर किना मसीह अन्द अद भेद यल ताका समसतीन. 5 जो अन्य समयगोळ दा मंळसागोळ्द औलादगोळ इक हगि ईला हेळकु आगीत, ह्यांग कि आत्मा अन्द द्वारा ईग आऊन पवतिर प्रेरतिगोळ अदकि भवषियवक्तागोळ मा प्रगट माळकु आग्याद. 6 मतलब ईद कि मसीह यीशु दा खुशखबरी इन द्वारा गैरयहूदी लाँकुर मीरास दा हसिसेदार, अदकि ऊंद अच मय इन अदकि वादा अन्द भागी आर.

7 ना परमेश्वर उन अनुग्रह अन्द आ दान इन अनुसार, जो आऊन सामर्थ्य अन्द प्रभाव इन अनुसार नानी कोटकु आग्याद, आ खुशखबरी इन सेवक बन्सदीन, 8 नान मा जो सप्पा पवतिर लाँकुर दा टु स्याणेव दा टु भी स्याणेव आईन, ईद अनुग्रह आत कि ना गैरयहूदीगोळ इक मसीह अन्द अगम्य धन इन खुशखबरी केळ्साईन, 9 अदकि सब मा ईद मात प्रकाशति माळुल कि आ भेद इन प्रबन्ध येन आद, जो सप्पा मुंदुर सृजनहार परमेश्वर दा सूरवात टु गुप्त ईरोद. 10 ताकी ईग मंडली इन द्वारा, परमेश्वर उन अलग अलग प्रकार इन ग्यान आ प्रधानगोळी अदकि अधिकारीगोळ मा जो स्वरगीय जागा दा आर, प्रगट माळकु आगुल. 11 आ अनन्त मंळसा अन्द अनुसार जो आव नाम प्रभु मसीह यीशु दा माळीदुन. 12 यदुर दा नामी आऊन मा विश्वास माळदुर देल साहस अदकि भरोसा अन्द सांगुळ परमेश्वर उन हात्ती बरोद अधिकार आद.

\* 2:15 २:१५ कुलुससिगिोळ २:१६

\* 2:16 २:१६ कुलुससिगिोळ १:२०

\* 3:4 ३:४ कुलुससिगिोळ

13 इदुरसाटी ना वनिती माळतीन की जो क्लेश नीम साटी नानी आगेत्याद, अदुर कारण साहस बळिबाळी, यतकी अदुर दा नीमद महमा आद.

मसीह अनन्द प्यार

14 ना ईदा कारण आ पृथ्वी मा आप्प उन मुंद ट्वांगरा टेक्सतीन, 15 यदुर देल स्वर्ग अदकि पृथ्वी मा, हर ऊंद घराना अनन्द हेसुर ईटकु आगतद, 16 की आव तान महमा अनन्द धन इन अनुसार नीमी ईद दान कोळुल की नीव आऊन आत्मा देल तान बुळ्क इन मळसातत्व दा सामर्थ्य हासलि माळकु बलवन्त आगतेला होगी; 17 अदकि वशिवास इन द्वारा मसीह नीमद दलि दा कूरुल की नीव प्यार दा जळ हुळकु अदकि पायवा हाक्कु, 18 सप्पा पवतिर लॉकुरद सांगुळ भला-भाति समसोद शक्ति सकिल की आऊन चौळाई, अदकि लंबाई, अदकि ऊंचाई, अदकि गहराई याट आद, 19 अदकि मसीह अनन्द आ प्यार इक जान्स सकी जो ग्यान देल अनजान आर की नीव परमेश्वर उन पुरा भरपुरी ताका परपिरण आगेगी.

20 ईग जो हगि सामर्थी आन की नाम्द वनिती अदकि समझ देल मात्त यक्कुल कयालसा माळ सकतान, आ सामर्थ्य अनन्द अनुसार जो नाम दा कार्य माळतान, 21 मंडली दा अदकि मसीह यीशु दा आऊन महमा पीढी टु पीढी ताका हमेशा हमेशा आगतेला ईरूल. आमीन.

## 4

मसीह अन मय दा एकता

1 इदुरसाटी ना जो प्रभु दा बंदीन नीम से वनिती माळतीन की या बुलाहट देल नीव कारूकु आगीदीर, अदुर लायक व्यवहार माळी, 2 अमत्लब पुरा दीनता अदकि नमरता सहति, अदकि धीरज हुळकु प्यार देल आवुर दाबुर्द सहन माळी; 3 अदकि मेल इन बंधन दा आत्मा अनन्द एकता ईटोद यत्न माळी. 4 ऊंद अच मय आद अदकि ऊंद अच आत्मा; हयांग नीमी जो कारूकु आगीदीर तान कारूकु आगोर देल ऊंद अच आशा आद. 5 ऊंद अच प्रभु आन, ऊंद अच वशिवास ऊंद अच बपतसिमा, 6 अदकि सब मुंदुरव ऊंद अच परमेश्वर अदकि आप्प आन, जो सप्पा मुंदुर म्याकुच अदकि सप्पा मुंदुर बीच दा अदकि सब मुंदुर दा आन.

7 लेकीन नाम दा टु हर ऊंद मळसा अक मसीह अनन्द दान इन परमाण इन अनुसार अनुग्रह सकियाद. 8 इदुरसाटी आव अनतान:

“आव ऊंचाई मा येरदुन

अदकि बंदीगोळ इक कटकु ओतुन,

अदकि मळसागोळ इक दान कोट्टुन.”

9 आऊन येरदुर देल, अदकि येन सकितद सर्फि ईद की अद पृथ्वी इन लयालमा जागागोळ्द दा ईळसी भी दुन. 10 अदकि जो ईळदुन ईव आवा हुन जो पुरा आकाश टु म्याकुच येरे भी दुन की सब येनारा परपिरण माळुल. 11 आव थ्वाळासा लॉकुरी प्रेरति नयिक्त माळकु, अदकि थ्वाळासा लॉकुरी भवषियवक्ता नयिक्त माळकु, अदकि थ्वाळासा लॉकुरी खुशखबरी केळावाळेर

नयिक्त माळकु, अदकि थ्वाळासा लॉकुरी रखवाला अदकि उपदेशक नयिक्त माळकु कोट बुट्टुन, <sup>12</sup> यदुर देल पवतिर लॉकुर सदिध आगोगुल अदकि स्यावा अनद क्याल्सा माळकु आगुल अदकि मसीह अनद मय इक उन्नती सक्कुल, <sup>13</sup> यागासताका की नाव सब इन सब वशिवास अदकि परमेश्वर उन पार उन पहचान दा ऊंद आगबाळुल, अदकि ऊंद सदिध मंळसा आगबाळुल अदकि मसीह अनद पुरा डील-डौल ताका ना वाळुसुल. <sup>14</sup> ताकी नाव मुंदु टु चकिोर ईरतीदील जो मंळसागोळ्द ठग-वदिया अदकि चतुराई देल, आंदुर भ्रम इन युक्तगिोळ्द अदकि उपदेश इन हर ऊंद ध्वाका देल उच्छलसकु अदकि ईल अल तरिगुसकु आगताव. <sup>15</sup> बल्की प्यार दा सच्चाई देल माताळतेला सब मातगोळ दा अदुरदा जो ताल्ला आद, मतलब मसीह दा वाळुसतेला होगुल, <sup>16</sup> प्यदुर देल पुरा मय, हर ऊंद जोळ इन सहायता देल ऊंद सांगुळ मलिसकु अदकि ऊंद सामर्थ्य सांगुळ गठुसकु, आ प्रभाव उन अनुसार जो हर ऊंद अंग इन ठीक-ठीक कार्य माळोर द्वारा आऊन दा आगतद, तान तान इक वाळुसतद की आव प्यार दा उन्नती माळतेला होगुल.

मसीह दा व्हाशोद जीवन

<sup>17</sup> इदुरसाटी ना ईद अनतीन अदकि प्रभु दा आग्रह माळतीन की ह्यांग गैरयहूदी लॉकुर तान मन इन अनर्थ रीति मा नळुतार, नीव ईंगी टु बाक हगि व्यवहार माळबाळेतीर. <sup>18</sup> यतकी आंदुर बुद्धी भ्रष्ट आगोग्याद, अदकि आ अग्यानता अनद कारण जो आंदुर दा आद अदकि आंदुर मन इन कठोरता अनद कारण आंदुर परमेश्वर उन जीवन टु अलग माळकु आदुर; <sup>19</sup> अदकि आंदुर सुन्न आगकु लुचपन दा हतेदुर की सब प्रकार इन खराब क्याल्सा लालसा देल माळुल.

<sup>20</sup> पर नीव मसीह अनद हगि शिक्षा ताकोंडीदील. <sup>21</sup> बल्की नीव खराखुरा आऊंदा केळदीर अदकि, ह्यांग यीशु दा सच्चाई आद, अदुर दा कल्सकु भी आग्यार <sup>22</sup> की नीव पछिला चाल चलन इक हाळोद मंळसातत्व अक जो भ्रमुसावळ्त अभलिषागोळ्द अनुसार भ्रष्ट आगोगतद, ईळु बुळी <sup>23</sup> अदकि तान मन इन आत्मकि स्वभाव दा व्हाशोद बन्सतेला होगी, <sup>24</sup> अदकि व्हाशोद मंळसातत्व अक हाक्क कोमी जो परमेश्वर उन अनुरूप सच्चाई इन न्यायीपन अदकि पवतिरता दा सजुसकु आग्याद.

<sup>25</sup> ई कारण ख्वाटा माताळोद बटिकु हर ऊंद मंळसा तान मान्ना हातळोर से सही माताळुल, यतकी नाव आपस दा आबुर दाबुर अंग हुयेव. <sup>26</sup> सटिट रा माळी, पर पाप माळबाळी; सुर्य मुळका ताका नीमद गुस्सा ईरबाळुल, <sup>27</sup> अदकि ना शैतान उक मवका कोळी. <sup>28</sup> काळताना माळावाळा बाक काळताना माळबाळुल, बल्की वळ्लीद क्याल्सा माळोर साटी तान कयगोळ देल मेहनत माळुल, इदुरसाटी कियारी प्रयोजन आद आऊक कोळली आऊन हात्ती येनारा ईरूल. <sup>29</sup> यातोदु सही मात नीमद बाय देल होळबाळुल, पर जरवत इन अनुसार अदा होळुल जो उन्नती इन साटी वळ्लीद ईरूल, ताकी आऊन से केळावाळेर मा अनुग्रह ईरूल. <sup>30</sup> परमेश्वर उन पवतिर आत्मा

☆ 4:16 ४:१६ कुलुससगिळ २:१९  
कुलुससगिळ ३:१०

☆ 4:22 ४:२२ कुलुससगिळ ३:९

☆ 4:24 ४:२४

अक दुख माळबाळी, यदुर देल नीम मा छुटकारा अनन्द दनि इन साटी छाप कोटकु आग्याद. 31 सब प्रकार इन कळवाहट, अदकि प्रकोप अदकि सट्टि, अदकि कलह, अदकि अपमान, सप्पा बैरभाव समेत नीम से दुर माळकु आगुल. 32 \*आबुर दाबुर मा कृपा माळी अदकि मेहरबान आगी, अदकि ह्यांग परमेश्वर मसीह दा नीम्द अपराध माफ माळदुन, हांग अच नीव भी आबुर दाबुरद अपराध माफ माळी.

## 5

### ऊजुळ दा ईरोद

1 इदुरसाटी प्रयि चकिोरगोळ घाई परमेश्वर उन अनुकरण माळी, 2 अदकि प्यार दा नळी ह्यांग मसीह भी नीम से प्यार माळदुन, अदकि नाम साटी तान तान इक सुखदायक सुगन्ध इन साटी परमेश्वर उन मुंद भेंट माळकु बलदान माळ बुट्टुर.

3 ह्यांग पवतिर लॉकुरद लायक आद. हांग नीम दा व्यभचारि अदकि यातोदु प्रकार इन अशुध्द क्याल्सा या लोभ इन मात भी आगवाळुल; 4 अदकि ना नरिलज्जता, ना मूढता अनन्द मातचीत माळदेव, ना मज्याक माळदेव; यतकी ईव मातगोळ शोभा कोळालव, बल्की धन्यवाद अच केळकु आगुल. 5 यतकी नीव ईद जानसतीर की यावारा व्यभचारी, या अशुध्द जन, या लोभी मंळसा अनन्द, जो मूर्त इन पुजा माळावाळा अन बराबर आन, मसीह अदकि परमेश्वर उन राज्य दा मीरास ईल्लच.

6 यावारा नीमी व्यर्थ मातगोळ देल ध्वाका कोळबाळुल, यतकी ईवा क्याल्सागोळ्द कारण परमेश्वर उन सट्टि आग्या ईला मान्सावाळेर मा भळकुसतद. 7 इदुरसाटी नीव आंदुर सहभागी ईरबाळी. 8 यतकी नीव रा पयला अंधकार ईरीर लेकीन ईग प्रभु दा ज्योर्ति आईर, इदुरसाटी ज्योर्ति इन औलाद इन घाई नळी 9 यतकी ज्योर्ति इन फल सब प्रकार इन भलाई, अदकि न्यायीपन, अदकि सच्चाई आद, 10 अदकि ईद परखुसी की प्रभु उक येन भाऊसतद. 11 अंधकार इन नष्फल क्याल्सागोळ दा सहभागी ईरबाळी, बल्की अदुर मा उलाहना कोळी. 12 यतकी आंदुर गुप्त क्याल्सागोळ्द चर्चा भी शरम इन मात आद. 13 पर यास क्याल्सागोळ मा उलाहना कोटकु आगतद अव सप्पा ज्योर्ति टु प्रगट आगतद, यतकी जो सप्पा येनारा अक प्रगट माळतद अद ज्योर्ति हुन. 14 ई कारण आव अनतान,

“हे मगावाळा,

जाग्स अदकि मुर्दागोळ दा टु जित्ता येळ;

रा मसीह अनन्द ज्योर्ति नीन मा चमकुसीत.”

15 इदुरसाटी ध्यान देल नोळी, की ह्यांग चाल नळुतीर: नरिबुद्धीगोळ्द घाई ईला पर बुद्धमिानगोळ्द घाई नळी. 16 \*मवका अक बारर सम्सी, यतकी दनि बुरा आव. 17 ई कारण नरिबुद्धी ईरबाळी, पर ध्यान देल सम्सी की प्रभु उन इच्छा येन आद.



18 अंगुर इन राससा टु मतवाला बन्सबाळी, यतकी इदुर देल लुचपन आगतद, पर आत्मा देल परपुर्ण आगतेला होगी, 19 अदकि आपस दा भजन अदकि स्तुतिहाळ अदकि आत्मकि हाळगोळ हाळतोगी, अदकि तान तान मन दा प्रभु उन मुंद हाळतेला अदकि कीर्तन माळतेला ईरी. 20 अदकि हमेशा सब मातगोळद साटी नाम्द प्रभु यीशु मसीह अन्द हेसुर देल परमेश्वर आप्प उन धन्यवाद माळतेला ईरी.

गांड्ड अदकि हगिस्

21 मसीह अन्द अंज्क देल आबुर दाबुर्द हात्ती ईरी.

22 हे हगिसुरा, तान तान गांड्ड उन हगि हात्ती ईरी जसा प्रभु उन. 23 यतकी गांड्ड हगिस् उन ताल्ला हुन ह्यांग कि मसीह मंडली इन ताल्ला आन अदकि खुद अच मय इन उद्धारकर्ता आन. 24 पर ह्यांग मंडली मसीह अन्द हात्ती आद, हांग अच हगिसुर भी हर मात दा तान तान गांड्ड उन हात्ती ईरूल.

25 हे गांड्डुरा, तान तान हगिसुर से प्यार ईटी ह्यांग मसीह भी मंडली से प्यार माळकु तान तान इक अदुर साटी कोट बुट्टुन 26 कि आऊक वचन इन द्वारा नीर इन मयतोळदुर देल शुद्ध माळकु पवतिर माळी, 27 अदकि आऊक ऊंद हगि तेजस्वी मंडली माळकु तान हात्ती नदिरसुल, यदुर दा ना कलंक, ना झुर्री, ना यातोदारा अदकि हगि वस्तु ईरूल बल्की पवतिर अदकि नर्दोष ईरूल. 28 ईदा प्रकार उचति आद कि गांड्ड तान तान हगिसुर से तान मय इन घाई प्यार ईटली पायजे. जो तान हगिस् उन से प्यार ईटतान, आव तान तान से प्यार ईटतान. 29 यतकी याऊ यागलु तान मय देल दुश्मनी ईटीदलि बल्की अदुरद पालन-पोषण माळतान, जसा मसीह भी मंडली इन सांगुळ माळतान. 30 इदुरसाटी कानाव आऊन मय इन अंग हुयेव. 31 “ई कारण मळसा तान मोय-आप्प उक बटिकु तान हगिस् उन सांगुळ ईत्तान, अदकि आंदुर येदुदु ऊंद तन आदार.” 32 ईद भेद रा धोळ आद, पर ना ईल मसीह अदकि मंडली इन बारा दा अनतीन. 33 पर नीम दा टु हर ऊंद तान हगिस् उन से तान घाई प्यार ईटुल, अदकि हगिस् भी तान गांड्ड उन आदर माळुल.

## 6

मोय-आप्प अदकि चकिोर

1 हे चकिोरगोळा, प्रभु दा तान मोय-आप्प उन आग्याकारी बन्सी, यतकी ईद उचति आद. 2 “तान मोय अदकि आप्प उन आदर माळ ईद पयला आग्या हुन यदुर सांगुळ वादा भी आद. 3 कि अपमान भला आगुल, अदकि नी पृथ्वी मा हापाळ दनि ताका जतिता ईर.” 4 हे चकिोरवाळेरा, तान चकिोर इक गुस्सा तरगोळबाळी लेकीन प्रभु उन शिक्षा अदकि चेतावनी कोळतेला आंदुरद पालन-पोषण माळी.

स्वामी अदकि दास

✱ 5:19 ५:१९ कुलुस्सगोळ ३:१६,१७

✱ 5:22 ५:२२ कुलुस्सगोळ ३:१८; १ पतरस ३:१

✱ 5:25

५:२५ कुलुस्सगोळ ३:१९; १ पतरस ३:७

✱ 6:1 ६:१ कुलुस्सगोळ ३:२०

✱ 6:4 ६:४ कुलुस्सगोळ ३:२१

5 \*हे दासगोळा, जो लॉकुर ई दुनिया दा नीम स्वामी आर, तान मन इंद सही देल अंजक अदकि नळगतेला, ह्यांग मसीह अनूद हांगा आंदुरद भी आग्या मान्सी. 6 मंळसागोळी खुश माळावाळेर घाई तोरसोर साटी स्यावा माळवाळी, लेकीन मसीह अनूद दासगोळ घाई अंतर आत्मा देल परमेश्वर उन इच्छा मा नळी, 7 अदकि आ स्यावा अक मंळसागोळद ईला लेकीन प्रभु उन स्यावा जान्सकु खरा मन देल माळी. 8 यतकी नीव जान्सतीर कांहर मंळसा ह्यांगारा वळ्लीद क्याल्सा माळ्यान, या रा दास ईरूल या रा स्वतंत्र, प्रभु से हांगा हासलि माळ्यान. 9 \*हे स्वामीगोळा, नीव भी धमकीगोळ कोळव बटिकु आंदुर सांगुळ हांग अच व्यवहार माळी; यतकी नीव जान्सतीर कांआंदुर अदकि नीम येदहु मुंदुरव स्वामी स्वर्ग दा आन, अदकि आव यारदु पक्षपात माळालुन.

आत्मकि लळाई इन औजार

10 इदुरसाटी प्रभु दा अदकि आऊन शक्ती इन प्रभाव दा ताकतवर वनसी. 11 परमेश्वर उन सप्पा हथयार हाक्क बुळी कां नीव शैतान उन युक्तगिळ मुंद नदिरकु ईर सकीर. 12 यतकी नाम्द ईद मल्लयुद्ध रक्ता अदकि मास देल ईला लेकीन प्रधानगोळ देल, अदकि अधिकारीगोळ देल, अदकि ई दुनिया अन अंधकार इन शासकगोळ देल अदकि आ दुष्टता अनूद आत्मकि सेनागोळ देल आद जो आकाश दा आव. 13 इदुरसाटी परमेश्वर उन पुरा हथयार कट कोमी कां नीव बुरा दनि दा सामना माळ सकी, अदकि सप्पा येनारा पुरा माळकु संची ईर सकी.

14 इदुरसाटी सच्चाई देल तान नेळु कसुसकु, अदकि न्यायीपन इन कवच हाक्कु, 15 अदकि कालगोळ दा मेल इन खुशखबरी इन तयारी इन जुता हाक्कु; 16 अदकि ई सब मुंदुर सांगुळ वशिवास इन ढाल हुडुकु स्थरि ईरी यदुर देल नीव आ दुष्ट इन सब होततेला तीरगोळ इक नुनाक सकी. 17 अदकि उद्धार इन टोप, अदकि आत्मा अनूद तलवार, जो परमेश्वर उन वचन हुन, ग्रहण माळकोमी. 18 हर समय अदकि हर प्रकार देल आत्मा दा प्रार्थना, अदकि वनिती माळतेला ईरी, अदकि इदुरसाटी जागसतेला ईरी कां सब पवतिर लॉकुरद साटी लगातार वनिती माळतेला ईरी, 19 अदकि नान साटी भी कां नानी माताळोद समय हगि प्रबल वचन कोटकु आगुल कां ना साहस इन सांगुळ खुशखबरी इन भेद खोलसोद कार्य माळ सकाईन, 20 ई खुशखबरी इन खातरि ना शंकली देल जकळुसकु राजस्वर्गदूत हुईन; हालाकां ईग ना जयल दा आईन. प्रार्थना माळी कां ना खुशखबरी इन बारा दा माताळली साहसी आग सकतीन ईद जरूरी आद जसा कां ना आईन.

आखरी अभिवादन

21 \*नुखकुस, जो प्रयि वार्ट अदकि प्रभु दा वशिवासयोग्य सेवक आन, नीमी सब मातगोळ हेळ्यान कां नीव भी नान दशा जान्सी कां ना ह्यांग ईरतीन. 22 आऊक ना नीमद हातती इदुरसाटी कळुदीन कां नीव नाम्द दशा अक जान्सी, अदकि आव नीमद मनगोळ इक शांती कोळुल.

\* 6:5 ६:५ कुलुससगिळ ३:२२-२५

\* 6:9 ६:९ कुलुससगिळ ४:१; कुलुससगिळ ३:२५

\* 6:21

६:२१ प्रेरतिगोळ २०:४; २ तीमथयुस ४:१२

\* 6:21 ६:२१ कुलुससगिळ ४:१५

23 परमेश्वर आप्प अदकि प्रभु यीशु मसीह अन्द दी टु वार्टुरी शांती अदकि वशिवास सहति प्यार सकिल. 24 जो नाम्द प्रभु यीशु मसीह टु खरा प्यार ईटतार, आ सब मा अनुग्रह आगतेला ईरूल.

## फलपिपी के नाम पौलुस प्रेरति की चट्टी फलपिपगिोळ हेसुर पौलुस प्रेरति उन चट्टी परचिय

पौलुस फलपिपी दा वशिवासीगोळ इक यीशु उन जनम इन लगभग ६१ वर्ष इन बाददा चट्टी लखिसदुन. आव बंदीगृह दा १:१३ ईरतेला लखिसदुन, शायद रोम दा. ईद चट्टी फलपिपी नगर दा स्थति मंडली इक लखिसकु आगीत. नाव फलपिपी इन बारा दा अधनियिमगोळद कतिाव देल थवाळासा कलु सकेतेव. फलपिपी मकदिनया प्रांत इन ऊंद राजधानी ईरोद. ईद पयला मंडली ईरोद यदरी मकदिनया दा स्थापति माळकु आगीत. पौलुस अदकि सलास ऊंद सांगुळ मंडली इन सुरूवात माळदुर अदकि ईल ताका कि ऊंद ईळलक इन साटी बंदीगृह दा हाक्कु आत, याग आंदुर अल ईरोर प्रेरतिगोळ १६ ईद चट्टी इक लखिसोर दा पौलुस उन कई उद्देश ईर सकताव. आंदुर ईद मवका अन उपयोग मंडली इक आंदुर द्वारा कळुकु आग्याव उपहार इन साटी धन्यवाद कोळोर साटी माळदुर याग आंदुर केळदुर कि आव बंदीगृह दा आन ४:१०-१९ आंदुर बंदीगृह दा आंदुरद स्थति मा आंदरी अध्ययन भी माळदुर अदकि मंडली इक तीमुथयिस अदकि एपाफ्रदितिस उन सफारीश माळदुर २:१९-३० ताकी आंदुर आंदुरद स्वागत माळुल अदकि आंदुरद नेतृत्व अनन्द सम्मान माळुल.

रूप रेखा

१. फलपिप फलपिपी दा मंडली इक नमस्कार माळकु चट्टी सुरू माळतान. १:१-२
२. मुंद आव तान स्थति इन बारा दा थवाळासा जानकारी साझा माळतान अदकि थवाळासा चतिागोळ जो आऊन हातती आव १:३-२:३०
३. बाक आव ईसाई जीवन जीऊसोर साटी हापाळ व्यावहारकि नरिदेश कोळतान ३:१-४:९
४. पौलुस फलपिपीया अनन्द मंडली इक आंदुरद उपहार इन साटी धन्यवाद कोटक अदकि आंदुरद अभवादन कळुकु चट्टी खतम माळतान ४:१०-२३

1 \*मसीह यीशु उन दास पौलुस अदकि तीमुथयिस उन दी टु, सप्पा पवतिर लॉकर हेसुर जो यीशु मसीह दा आगकु फलपिपी दा, अध्यक्षगोळ अदकि सेवकगोळ सांगुळ ईरतार.

2 नामव आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

पौलुस उन प्रार्थना अदकि धन्यवाद

3 ना याग याग नीमी याद माळतीन, आग आग तान परमेश्वर उन धन्यवाद माळतीन; 4 अदकि याग यागलु नीम सप्पा अन साटी वनिती माळतीन, रा हमेशा खुशी इन सांगुळ वनिती माळतीन. 5 इदुरसाटी कि नीव पयला दनि टु

हुडुकु ईंद ताका खुशखबरी बगरूसदुर दा नान सहभागी ईतीर. 6 नानी ई मात इन भरोसा आद कयाव नीम दा वळ्ळीद क्याल्सा सुरू माळ्यान, आवा अदरी यीशु मसीह अनंद दनि ताका पुरा माळ्यान. 7 उचति आद कनि नीम सप्पा मुंदुर साटी हगि अच वचिार माळाईन, यतकी नीव नान मन दा बंदकु बसुसेगीर, अदकि ना शंकलीगोळ देल कैद दा अदकि खुशखबरी इन साटी उत्तर अदकि प्रमाण कोळदुर दा नीव सप्पा मुंदुर नान सांगुळ अनुग्रह दा सहभागी आगी. 8 इदुर दा परमेश्वर नान गवाह आन कनि मसीह यीशु उन घाई प्यार माळकु नीम सप्पा मुंदुर लालसा माळतीन. 9 ना तरी भी ईंद प्रार्थना माळतीन कनि नीम प्यार ग्यान अदकि हर प्रकार इन वविक सांगुळ अदकि यक्कुल वाळुस्त होगुन, 10 ईल ताका कनि नीव वळ्ळीद से वळ्ळीद मातगोळद जाच माळी, अदकि मसीह अनंद दनि ताका खरा बनसकु ईरी, अदकि टोकर तनिवाळी; 11 अदकि आ न्यायीपन इन काय देल जो यीशु मसीह अनंद द्वारा आगताव, यक्कुल आग्त होगी यदुर देल परमेश्वर उन महिमा अदकि स्तुति आग्त ईरूल.

पौलुस उन कैद टु खुशखबरी इन उननती

12 हे वारटुरा, ना चाहासतीन कनि नीव ईंद जान्स कोमी कनि नान मा जो घळुसयाद, अदुर देल खुशखबरी वाळुसतेला होग्याद. 13 ईल ताका कनि कैसर उन राजभवन इन सप्पा पलटन अदकि मगिद सप्पा लॉकुर मा ईंद प्रगट आगोग्याद कनि ना मसीह अनंद साटी शंकलीगोळ देल कैद दा आईन; 14 अदकि प्रभु दा जो वारटुर आर, आंदुर दा टु यक्कुल मुंदुर नान शंकलीगोळ देल कैद आगदुर कारण, भरोसा माळकु परमेश्वर उन वचन बेधळक केळसोद मात्त यक्कुल हम्मत माळतार.

15 थ्वाळासा रा जलन अदकि झगळा अनंद कारण मसीह अनंद प्रचार माळतार अदकि थ्वाळासा भला इच्छा देल. 16 हापाळ पुरा रा ईंद जान्सकु कनि ना खुशखबरी इन साटी उत्तर कोळली ठहरूसकु आगीन, प्यार देल प्रचार माळतार. 17 अदकि हापाळ मुंदुर रा सरका ईला लेकीन मतलब देल मसीह अनंद कात्ता केळसतार, ईंद वचिार माळकु कनि ना शंकलीगोळ देल कैद दा आईन नान साटी क्लेश पैदा माळुल. 18 रा येन आत? सरिफ ईंद कनि हर प्रकार देल, या बहाना देल या सच्चाई देल, मसीह अनंद कात्ता केळसकु आगतद, अदकि ना ईदुर देल खुश आईन अदकि खुश भी ईराइन. 19 यतकी ना जानसतीन कनि नीम वनिती इन द्वारा, अदकि यीशु मसीह अनंद आत्मा अनंद दान इन द्वारा, इदुरद प्रतफल नान उद्धार आदीत. 20 ना रा ईदा हापाळ लालसा अदकि आशा ईटतीन कनि ना यातोदु मात दा लज्जति आगतीदील, लेकीन ह्यांग नान प्रबल हम्मत इन कारण मसीह अनंद बळाई नान मय इन द्वारा हमेशा आग्त ईताद, हांग अच ईंग भी आगुल, चाहे ना जतिता ईराइन या सोतोगाईन. 21 यतकी नान साटी जतिता ईरोद मसीह हुन, अदकि सोतोगोद फायदा हुन. 22 लेकीन अगर मय दा जतिता ईरोद अच नान क्याल्सा साटी फायदा मंद आद रा ना जान्सालीन कनि यदुरद चुनाव माळाईन. 23 यतकी ना येदुदु चीज इन नयाड्या अधर दा हलिगुसकु आईन; जीव रा चाहासतद कनि होगकु मसीह अनंद हात्ती

ईराइन, यतकी ईद रा हापाळ वळ्ळीद आद, <sup>24</sup>लेकीन मय दा ईरोद नीम कारण मात्त यक्कुल जरूरी आद. <sup>25</sup>इदुरसाटी कनिनी इदुरद भरोसा आद इदुरसाटी ना जानसतीन कनिना जतिता ईराइन, उलटा नीम सप्पा मुंदुर सांगुळ ईराइन यदुर देल नीव वशिवास दा मजबूत आग्त होगी अदकि अदुर दा खुश ईरी; <sup>26</sup>अदकि जो घमण्ड नीव नान बारा दा माळतीर, अद नांद मात्त नीम हात्ती बंदुर देल मसीह यीशु दा यक्कुल वाळुसेगुल.

<sup>27</sup>सरिफ ईट माळी की नीम चाल-चलन मसीह अन्द खुशखबरी इन लायक ईरूल की चाहे रा ना बंदकु नीमी नोळाईन, चाहे रा बर भी तदिलि, नीम बारा दा नानी ईदा केळ सकिल की नीव ऊंद अच अंतरात्मा दा जतिता आईर, अदकि ऊंद मन आगकु खुशखबरी इन वशिवास इन साटी मयनत माळत ईरतीर. <sup>28</sup>अदकि यातोदारा मात दा वरिध माळावाळेर से अंजक तुमालीर. ईद आंदुर साटी वनिश इन सपष्ट चमत्कार हुन, लेकीन नीम साटी उद्धार इन अदकि ईद परमेश्वर उन दी टु आद. <sup>29</sup>यतकी मसीह अन्द कारण नीम मा ईद अनुग्रह आत कनिना सरिफ आऊन साटी भरोसा कोळी लेकीन आऊन साटी दुख भी नगी; <sup>30</sup>अदकि नीमी हांग अच मयनत माळोद आद, ह्यांग नीव नानी माळतेला नोळीर, अदकि ईग भी केळतीर कनिना हांग अच माळतीन.

## 2

मसीह अन्द दीनता अदकि महानता

<sup>1</sup>इदुरसाटी अगर मसीह दा थ्वाळासा शांती, अदकि प्यार देल हम्मत, अदकि आत्मा अन्द प्रोत्साहन, अदकि थ्वाळासा करूणा अदकि संगती आद, <sup>2</sup>रा नान ईद खुशी पुरा माळी की ऊंद मन आगकु ईरी, अदकि ऊंद अच प्यार, ऊंद अच चित्त, अदकि ऊंद अच मनसा ईटी. <sup>3</sup>मतलब देल या ख्वाटा बळाई साटी येनु माळबाळी, लेकीन दीनता देल आवुर दावुर इक तान से वळलेर समसी. <sup>4</sup>हर ऊंद तान हति इन ईला, उलटा दुसरा अन्द हति इन भी चनिता माळुल. <sup>5</sup>ह्यांग मसीह यीशु उन वचार ईरव हांग अच नीम भी वचार ईरूल;

<sup>6</sup>याव परमेश्वर उन स्वरूप दा ईतकु भी

परमेश्वर उन तुल्य आगली तान वश दा ईटोद वस्तु समसीदील.

<sup>7</sup>उलटा तान तान इक हगि शुन्य माळ बुट्टुन,

अदकि दास उन रूप धारण माळदुन,

अदकि मंळसा अन्द समानता दा आगेदुन.

<sup>8</sup>अदकि मंळसा अन्द रूप दा प्रगट आगकु तान तान इक दीन माळदुन,

अदकि ईल ताका आग्याकारी ईत्तुन कि मृत्यु, हव, क्रूस इन मृत्यु भी सहन माळदुन.

<sup>9</sup>ई कारण परमेश्वर आऊक हापाळ महान भी माळदुन,

अदकि आऊक अद हेसुर कोट्टुन जो सप्पा हेसुरगोळ से श्रेष्ट आद,

<sup>10</sup>की जो स्वरूप दा अदकि पृथ्वी मा अदकि पृथ्वी इन ल्यालमा आद,

अव सप्पा यीशु उन हेसुर मा ट्वांगरा टेकसुल;

11 अदकि परमेश्वर आप्प उन महमा साटी हर ऊंद ल्यालग्या अंगीकार माळ कोमुल

कां यीशु मसीह अच प्रभु हुन.

दुनिया दा ज्योतइन घाई चमकुसी

12 इदुरसाटी हे नान प्रयिगोळा, ह्यांग नीव हमेशा टु आग्या मान्सतेला बंदीर, हांग अच ईग भी ना सरिफ नान सांगुळ ईरा होती लेकीन जरूर माळकु ईग नान दुर ईत्तुर मा भी अंजक अदकि नळगतेला तान तान उद्धार इन क्याल्सा पुरा माळत होगी; 13 यतकी परमेश्वर अच हुन याव तान खुद इन इच्छा अन्द कारण नीम मन दा इच्छा अदकि क्याल्सा, येदुद्द मातगोळ्द माळोद प्रभाव हाक्यान.

14 सप्पा क्याल्सा बनि बळवळ अदकि बनि बाय कय मुरसद माळतोगी, 15 कां नीव नरिदोष अदकि भोला आगकु वाकळा अदकि जदिदी लॉकुर न्याड्या परमेश्वर उन नषिकलंक औलाद बन्सकु ईरी, यार न्याड्या दा नीव जीवन इन वचन हुडुकु दुनिया दा होतकु दगियागोळ घाई कांळ्स्तीर, 16 कां मसीह अन्द दशी नान हात्ती कारण ईरूल कां ना नान जतिता इरोद अदकि ना नांद घमण्ड माळोद बेकार आत. 17 अगर नानी नीम वशिवास रूपी बलदान अदकि स्यावा अन्द सांगुळ तान रक्ता भी वाहुसोद बळुल, तरी भी ना खुश आईन अदकि नीम सप्पा मुंदुर सांगुळ खुशी माळतीन. 18 हांग अच नीव भी खुश ईरी अदकि नान सांगुळ खुशी माळी.

तीमुथयिस अदकि इपफुरदीतुस

19 नानी प्रभु यीशु दा आशा आद कां ना तीमुथयिस उक नीम हात्ती तुरन्त कळाईन, ताकी नीम दशा केळकु नानी खुशी सकिल. 20 यतकी नान हात्ती हगि स्वभाव इनव याऊ हैलेच जो शुद्ध मन देल नीम चनिता माळुल. 21 यतकी सप्पा मुंदुर तान स्वार्थ इन खोज दा ईरतार, ना कां यीशु मसीह अन्द. 22 लेकीन आऊक रा नीव परकुसदीर अदकि जान्स भी कौडीर कां ह्यांग पार आप्प उन सांगुळ माळतान, हांग अच आव खुशखबरी इक फैलुसदुर दा नान सांगुळ स्यावा माळदुन. 23 इदुरसाटी नानी आशा आद कां ह्यांग नानी समझ दा बंदीत कां नान येन दशा आदीन, हांग अच ना आऊक तुरन्त कळु बुळाईन. 24 अदकि नानी प्रभु दा भरोसा आद कां ना खुद भी राटनेरी बराईन.

25 लेकीन ना इपफुरदीतुस उक जो नान वार्ट अदकि सहकर्मी अदकि संगी योद्धा अदकि नीम स्वर्गदूत, अदकि जरूरी मातगोळ दा नान स्यावा टहल माळावाळा हुन, नीम हात्ती कळोद जरूरी समसदीन. 26 यतकी आऊन लालसा नीम सप्पा मुंदुर दा हतकु ईरोद, ई कारण आव व्याकुल ईरतोगोन यतकी नीव आऊन बमिारी इन बारा दा केळीदीर. 27 नशिचय आव बमिार रा आगेगदिन ईल ताका कां सायोर मा ईरोन, लेकीन परमेश्वर आऊन मा दया माळदुन, अदकि सरिफ आऊन मा अच ईला लेकीन नान मा भी कां नानी शोक मा शोक सकिवाळुल. 28 इदुरसाटी ना आऊक कळोद मात्त यक्कुल कोशशि माळदीन कां नीव आऊक मात्त नोळकु खुश आगेगी अदकि नान भी दुख गोर्त आगेगुल. 29 इदुरसाटी नीव प्रभु दा आऊन से हापाळ खुशी इन सांगुळ

मुलाकात माळेतरी, अदकि ईततोरद आदर माळतोगेतीर. <sup>30</sup>यतकी आव मसीह अन्द क्याल्सा साटी तान जीव इक जोखमि दा हाक्कु मृत्यु उन हात्ती होत बंदीदुन ताकी जो कमी नीम दी टु नान स्यावा दा आत अदरी पुरा माळुल.

### 3

#### सही न्यायीपन

<sup>1</sup>इदुरसाटी हे नान वारटुरा, प्रभु दा खुश ईरी. अव अच मातगोळ नीमी घळी घळी लखिसली नानी रा येनु तकलीफ आगाल, अदकि ईदुर दा नीम कुशलता आद, <sup>2</sup>नायगोळ से सावधान ईरी, आ बेकार क्याल्सा माळावाळेर से सावधान ईरी, आ काट कूट माळावाळेर से सावधान ईरी. <sup>3</sup>यतकी खतनावाळेर रा नाव अच हुयेव जो परमेश्वर उन आत्मा अन्द अगुवाई देल उपासना माळतेव, अदकि मसीह यीशु मा घमण्ड माळतेव, अदकि मय मा भरोसा ईटालेव. <sup>4</sup>लेकीन ना रा मय मा भी भरोसा ईट सकतीन. अगर यारारा दुसरा अक मय मा भरोसा ईटोद वचार आगुल, रा ना आऊन से यक्कुल ईट सकतीन. <sup>5</sup>\*आठवा दशी नान खतना आत, इसत्राएल इन वंश अदकि बनियामीन इन गोत्र नव हुईन; इब्रानगोळव इब्रानी हुईन; व्यवस्था अन्द बारा दा अगर अंदीर रा फरीसी हुईन. <sup>6</sup>\*उत्साह अन्द बारा दा अगर अंदीर रा मंडली इन सतुसावाळा; अदकि व्यवस्था अन्द न्यायीपन इन बारा दा अगर अंदीर रा नरिदोष ईरीन. <sup>7</sup>लेकीन जो जो मातगोळ नान फायदा नव ईरव, अवरीका ना मसीह अन्द कारण नुकसान सम्स कोंडीन. <sup>8</sup>उलटा ना तान प्रभु यीशु मसीह अन्द पयचान इन उत्तमता अन्द कारण सप्पा मातगोळी नुकसान सम्सतीन. यदुर कारण ना सप्पा वस्तुगोळद नुकसान नेगदीन, अदकि अवरी काळी कचरा सम्सतीन, यदुर से ना मसीह अक हासलि माळाईन <sup>9</sup>अदकि अदुर दा ना सक्कि आगुल; ना की तान अद न्यायीपन इन सांगुळ, जो व्यवस्था देल आद, उलटा आ न्यायीपन इन सांगुळ जो मसीह मा वशिवास माळदुर कारण आद अदकि परमेश्वर दी टु वशिवास माळदुर मा सक्तद; <sup>10</sup>ताकी ना अदरी अदकि अदुरद मृत्युंजय इन सामर्थ्य अक, अदकि अदुर सांगुळ दुखगोळ दा सहभागी आगोद मर्म इक जानसाईन, अदकि आऊन मृत्यु उन समानता अक हासलि माळाईन. <sup>11</sup>काना यातोदारा भी रीत देल सोत्तुर दा टु जतिता आगोद पद ताका पोहचुसाईन.

#### नशिना दी ओळोद

<sup>12</sup>ईद मतलब हैलेच की ना ईग हासलि माळ कोंडीन, या सदिध आगेगनि; लेकीन आ पदार्थ अक हुडोर साटी ओळत होगतीन, यदुर साटी मसीह यीशु नानी हुळददिन. <sup>13</sup>हे वारटुरा, नान ईद भावना हैलेच की ना हासलि माळ कोंडीन; लेकीन सरिफ ऊंद क्याल्सा माळतीन की जो मातगोळ हदि ईतोग्याव अवरी मारूकु, मुंदळव मातगोळ दी वाळुसतेला, <sup>14</sup>नशिना दी ओळत होगतीन, ताकी अद ईनाम हासलि माळाईन यदुर साटी परमेश्वर नानी मसीह यीशु दा म्याकुच कारदान. <sup>15</sup>नाम दा टु यास सदिध आर, ईदा वचार ईटुल, अदकि अगर यातोदारा मात दा नीम दुसरा अच वचार ईरूल रा परमेश्वर अदरी भी नीम मा



प्रगट माळ बुट्टान. 16 इदुरसाटी यल ताका नाव पोहचुसेव, अदुरदा अनुसार नळदेव. 17 \*हे वारट्टुरा, नीव सप्पा मुंदुर मलिसकु नान घाई व्यवहार माळी, अदकि आंदरी पयचान दा ईटी जो ई रीर्ता मा नळुतार यदुर उदाहरण नीव नाम दा नोळतीर; 18 यतकी हापाळ सा हगि व्यवहार माळतार, यार्द चर्चा ना नीम से घळी घळी माळीन, अदकि ईग भी वरल वरलकु अनतीन की आंदुर तान चाल-चलन देल मसीह अन्द क्रूस देल दुश्मनी माळावाळेर उर. 19 आंदुर अन्त वनिश आद, आंदुर मय व्हाट्टा हुन, आंदुर तान शरम इन मातगोळ मा वचार माळतार अदकि पृथ्वी इन वस्तुगोळ मा महमा हचकु ईरतार. 20 लेकीन नाम स्वदेश स्वर्ग मा आद; अदकि नाव ऊंद उद्धारकर्ता प्रभु यीशु मसीह अन्द अल टु बरोद हादी कायतेव. 21 आव तान शक्ति इन आ प्रभाव इन अनुसार यदुर द्वारा आव सप्पा वस्तुगोळी तान वश दा माळ सकतान, नाम दीन-हीन मय इन रूप बदलसकु, तान महमा अन्द मय इन अनुकूल माळ बुट्टान.

## 4

### नरिदेश

1 इदुरसाटी हे नान प्रयि वारट्टुरा, यदुर दा नान जीव हतकु ईरतद, जो नान खुशी अदकि मुकुट हुईर, हे प्रयि वारट्टुरा, प्रभु दा हगि हादी कायतेला स्थिर ईरी.

2 ना यूओदयिा अक भी वनिती माळतीन अदकि सुन्तुखे अक भी, की आंदुर प्रभु दा ऊंद वचार आगकु ईरूल. 3 हे खरा सहकर्मी, ना नीन से भी वनिती माळतीन की नी आ आर्तेर मदत माळ, यतकी आंदुर नान सांगुळ खुशखबरी प्रचार माळदुर दा, क्लेमेंस अदकि नान दुसरा सहकर्मीगोळ सांगुळ मयनत माळदुर, यार्द हेसुर जीवन इन कतिब दा लखिसकु आव. 4 प्रभु दा हमेशा खुश ईरी; ना मात्त अनतीन, खुश ईरी. 5 नीम कोमलता सप्पा मळसागोळ मा प्रगट आगुल. प्रभु हात्ती आन. 6 यातोदु मात इन चनिता माळबाळी; लेकीन हर ऊंद मात दा नीम नविदन, प्रार्थना अदकि वनिती इन द्वारा धन्यवाद इन सांगुळ परमेश्वर उन मुंद उपस्थिति माळकु आगुल. 7 आग परमेश्वर उन शांती, जो सप्पा मुंदुर समझ इन व्हार्या आद, नीम मन अदकि नीम वचारगोळी मसीह यीशु दा सुरक्षति ईट्टीत. 8 इदुरसाटी हे वारट्टुरा, जो जो मातगोळ सच्चाई आव, अदकि जो जो मातगोळ आदरणीय आव, अदकि जो जो मातगोळ उचति आव, अदकि जो जो मातगोळ पवतिर आव, अदकि जो जो मातगोळ सुहावनी आव, अदकि जो जो मातगोळ मनभावनी आव, मतलब जो भी सदगुण अदकि प्रशंसा अन्द मातगोळ आव अऊर मा ध्यान हचतोगी. 9 जो मातगोळ नीव नान हात्ती टु कलतीर, अदकि ग्रहण माळदीर, अदकि केळदीर, अदकि नांदुरदा नोळदीर, अऊरदा पालन माळतोगी, आग परमेश्वर जो शांती नव सोता आन नीम सांगुळ ईत्तान.

### दान इन साटी धन्यवाद

10 ना प्रभु दा हापाळ खुश आईन की ईग ईस दनिगोळ बाददा नीम चनिता नान बारा दा मात्त जागृत आग्याद; नश्चय नीमी सूरवात दा भी इदुरद वचार

ईरोद, लेकीन नीमी मवका सकिदील. 11 ईद ईला कनि तान कमी इन कारण ईद अनतीन यतकी ना ईद कलतीन कयाता दशा दा आईन; अदा दशा दा संतुष्ट ईराइन. 12 ना दीन आगोद भी जान्सतीन अदकि वाळुसोद भी जान्सतीन; हर ऊंद मात अदकि सप्पा दशागोळ दा ना संतुष्ट आगोद, उपास ईरोद, अदकि वाळुसोद-घटुसोद कलतीन. 13 जो नानी सामर्थ्य कोळतद अदुर दा ना सप्पा येनारा माळ सकतीन.

14 तरी भी नीव वळ्ळीद माळदीर कनि नान क्लेश दा नान सहभागी आदीर. 15 हे फलिपिपिगोळा, नीव खुद भी जान्सतीर कनि खुशखबरी प्रचार इन सूरुवात दा, याग ना मकदिनया टु वदि आदीन, आग नीमी बटिकु मातूत यातोदु मंडली लेन देन इन बारा दा नान सहायता माळीदलि. 16 ईदा प्रकार याग ना थसिसलुनीके दा ईरीन, आग भी नीव नान कमी पुरा माळोर साटी ऊंद घन येन उलटा येदुद घन येनारा कळीदरि. 17 ईद ईला कनि दान बेळोद चाहासतीन लेकीन ना हगि काय चाहासतीन जो नीम फायदा साटी वाळुस्त होगुल. 18 नान हात्ती सप्पा येनारा आद, उलटा हापाळ पुरा भी आद; जो वस्तुगोळ नीव इपफुरुदीतुस उन कय देल कळीदरि अवरी प्राप्त माळकु ना संतुष्ट आगेगनि, अद रा सुखदायक सुगन्ध, ग्रहण माळा लायक बलदान आद, जो परमेश्वर उक वळ्ळीद हततद. 19 नान परमेश्वर भी तान आ धन इन अनुसार जो महिमा सांगुळ मसीह यीशु दा आद, नीम हर ऊंद कमी इक पुरा माळीत. 20 नाम परमेश्वर अदकि आप्प उन महिमा हमेशा हमेशा आगतेला ईरूल. आमीन.

### आखरी नमस्कार

21 हर ऊंद पवतिर जन उक, जो यीशु मसीह दा आन नमस्कार अनी. जो वार्त नान सांगुळ आन, नीमी नमस्कार अनतार. 22 सप्पा पवतिर लॉकुर, वशिष माळकु जो कैसर उन घराना नोर उर, नीमी नमस्कार अनतार.

23 नाम प्रभु यीशु मसीह अन्द अनुग्रह नीम आत्मा अन्द सांगुळ ईरूल.

## कुलुस्सयियों के नाम पौलुस प्रेरति की पत्री कुलुस्सगिळ हेसुर पौलुस प्रेरति उन चट्ठी परचिय

कुलुस्सयियों अन्द चट्ठी प्रेरति पौलुस उन १:१ द्वारा मंडली इक लखिसकु आगीत. आव ईद चट्ठी आग लखिसदुन याग आव जयल दा ईरोन, शायद रोम दा, मसीह अन जनम इन लगभग ६० साल बाददा. कुलुस्सयियों, इफसियों अदकि फलिमोन ईद चट्ठी पौलुस जयल दा ईतकु लखिसीदुन इदुरसाटी ईदरी जयल चट्ठी अंदकु आगतद.

आव ईद चट्ठी कोलोसे शयर दा मंडली इक लखिसीदुन. पौलुस कुलुस्से दा मंडली चालु माळलका ईरोन, यतकी आंदुर २:१ दा उल्लेख माळ्यार, लेकीन इदुरसाटी येनारा जमिमेदारी महसूल माळीदुर. ईद संभव आद कि एपाफ्रास मंडली इन स्थापना माळीदुर यतकी आंदुर कोलोसे टु ईरोर. पौलुस कोलोसे अन्द मंडली दा येनारा गलत शक्षिगोळ देल संबंघति ईरोन. आंदुर ईदुर बारा दा चट्ठी लखिसुसोर दा हापाळ खर्च माळदुर, आग सकतद कि यहूदी ईसाईगोळद ऊंद समुह ईतीदाद, जो हाळोद नयिम देल यहूदी कानूनगोळद पालन माळोर साटी दुसरा ईसाई वारटुरगोळी मजबुर माळोद कोशशि माळोर, वशिष रूप देल खतना. पौलुस वशिष रूप देल लखिसतान कि मसीह अक परमेश्वर १:१५-२० उन द्वारा स्वीकार माळकु आगोद अलावा मसीह अन्द अलावा येनु ईला या यावारा दुसरा अन्द जरवत आद अदकि मानव तर्क मा आधारति शक्षिगोळ बेकार आव २:८

रूप-रेखा

१. पौलुस कोलोसे दा मंडली इक नमस्कार माळकु चट्ठी सुरू माळतान. १:१-२
२. बाक आव मसीह अन्द महानता अन्द बारा दा लखिसतान वशिष रूप देल कोलोसे १:३-३:४ दा ख्वाटा शक्षि अन जवाब दा.
३. पौलुस हापाळ चट्ठी गोळ दा, आव चट्ठी गोळद उत्तरार्ध इक व्यक्त माळतान, जो वळ्लीद ईसाई जीवन जीऊसोर साटी थ्वाळासा वशिष्ट नरिदेश कोळतद ३:५-४:६
४. पौलुस अन्य मंडलीगोळ ४:७-१८ दा जोर देल वाचुस्द चट्ठी इन साटी शुभकामनागोळ अदकि नरिदेश कोळतान.

1 पौलुस अदकि आऊन वारट तीमुथयिस उन दी टु, जो परमेश्वर उन इच्छा देल मसीह यीशु उन प्रेरति आन,

2 कुलुस्से दा ईरावाळेर परमेश्वर उन आ पवतिर विश्वासयोग्य वारटुर इक जो मसीह दा ऊंद आर:

नाम आप्प परमेश्वर उन दी टु नीमी अनुग्रह अदकि शांती सकितेला ईरूल.

धन्यवाद इन प्रार्थना

3 नाव नीम साटी हमेशा प्रार्थना माळतेव आग नाव तान प्रभु यीशु मसीह अन्द आप्प परमेश्वर उन धन्यवाद माळतेव. 4 यतकी नाव मसीह यीशु दा नीम वशिवास अदकि सप्पा परमेश्वर उन पवतिर लॉकुर प्रती नीम प्यार इन बारा दा केळेव; 5 याग सही बातणी, खुशखबरी, पयला घन नीम हातती बत्त, रा नीव ई आशा अन्द बारा दा केळदीर कि ईद प्रदान माळतद. इदुरसाटी नीम वशिवास अदकि प्यार आ वस्तु मा आधारति आद, यदुर नीव उममीद माळतीर, जो नीम साटी स्वर्ग दा सुरक्षति ईटकु आद. 6 खुशखबरी आशरिवाद तरेत्याद अदकि सप्पा दुनिया दा फैलुसेत्याद, ठीक हांग अच ह्यांग नीम न्याड्या दा आ दशिी टु आद या दशिी टु नीव पयला घन परमेश्वर उन कृपा अन बारा दा केळीदीर अदकि अदुर देल ईद पता नळुत कि ईद सही दा आद. 7 परमेश्वर उन अनुग्रह अक नीव नाम प्रयि सहकर्मी सेवक इपफ्रास उन से कलतीर, जो नाम दी टु मसीह नव वशिवासयोग्य कर्मचारी आन. 8 आवा नामी आ प्यार इन बारा दा हेळ्यान जो आत्मा नीमी कोटाद.

9 ई कारण यागी टु नाव नीम बारा दा केळेव आगी टु नाव नीम साटी हमेशा प्रार्थना माळेव, परमेश्वर उन से नाव प्रार्थना माळतेव कि अद पुरा बुद्धी अदकि समझ जो आऊन आत्मा कोळतद आऊन सांगुळ अदुरद इच्छा अन्द ग्यान देल नीमी तुम बुळुल. 10 ताकी नीमद चाल चलन प्रभु उन लायक ईरूल, अदकि आव सब प्रकार देल प्रसनन ईरूल, अदकि नीम जीवन दा टु वळ्लेव क्याल्सा होळुल, अदकि नीव परमेश्वर उन ग्यान दा वाळुसतेला होगी. 11 आऊन महामिमय शक्त दिल जो सामर्थ्य प्राप्त आगतद अदुर दा शक्तशाली आगूत ईरी, ताकी नीव धीरज इन सांगुळ सप्पा येनारा सहन माळा लायक बनसी. 12 अदकि खुशी इन सांगुळ आप्प उक धन्यवाद माळी, याव नीमी ई लायक माळदुन कि परमेश्वर उन आ लॉकुर सांगुळ जो आव आंदुर साटी पयले टु ना सुरक्षति माळ्द प्रकाश इन राज्य दा नीव पवतिर लॉकुर सांगुळ उत्तराधिकार प्राप्त माळदुर दा सहभागी बनसी. 13 आवा नामी अंधकार इन वश टु बचाव माळकु तान प्रयि पार उन राज्य दा प्रवेश माळसुसदुन, 14 अदकि आऊन द्वारा नाव स्वतंत्र माळकु आदेव, मतलब नामी नाम पापगोळ्द माफ सकित.

मसीह नव क्याल्सा अदकि व्यक्तित्व

15 मसीह अदृश्य परमेश्वर उन समानता दा दृश्य रूप हुन अदकि आव सप्पा नरिमितीगोळ दा पयला पार हुन. 16 परमेश्वर तान द्वारा स्वर्ग अदकि पृथ्वी मा सुरूवात टु सप्पा येनारा माळदुन, आध्यात्मिक शक्तगिळ, प्रभुगोळ, शासकगोळ अदकि अधिकारीगोळ सहति नोळ्द या बनिनोळ्द वस्तुगोळ, परमेश्वर आऊन द्वारा पुरा ब्रम्हाण्ड इन नरिमाण माळदुन. 17 सप्पा वस्तुगोळ से पयले मसीह अन्द अस्तित्व ईरोद अदकि आऊन दा सप्पा वस्तुगोळ तान सही जागा मा स्थिर ईरताव. 18 आव तान मय इन स्याणा हुन, मतलब मंडली इन ताल्ला हुन; आवा सुरूवात हुन, अदकि सोत्तुर दा टु जतिता

✧ 1:7 १:७ कुलुससगिळ ४:१२; फलिमोन १:२३

✧ 1:14 १:१४ इफसिगिळ १:७

✧ 1:18 १:१८

इफसिगिळ १:२२,२३

आगावाळा पयला जनम ताकोमावाळा पार हुन, ताकी सप्या वस्तुगोळ दा पयला स्थान हासलि माळ सकुल. 19 यतकी परमेश्वर उन खुद इन ईद फैसला ईरोद का आऊन दा परमेश्वर उन सप्या परपुर्णता वास माळुल. 20 \*पार उन माध्यम देल परमेश्वर पुरा दुनिया अक तान ताना वापस तरोद फैसला माळदुन परमेश्वर कूरस मा तान पार उन रक्ता अन माध्यम देल शांती माळदुन अदकि इदुरसाटी पृथ्वी अदकि स्वर्ग दा सप्या वस्तुगोळी वापस तंदुन.

21 ऊंद समय ईरोद याग नीव परमेश्वर उन से हापाळ दुर ईरीर अदकि तान वचारगोळ अदकि बेकार करमगोळ कारण परमेश्वर उन दुश्मन ईरीर; 22 लेकीन ईग, आव तान पार उन शारीरिक मय इन मृत्यु उन द्वारा नीमी तान संगी माळ कौडान, ताकी नीमी तान हातती पवतिर अदकि शुद्ध, अदकि नरिदोष माळकु उपस्थति माळुल. 23 अगर नीव वश्वास इन पायवा मा मजबूत बनसकु ईततीर अदकि आ खुशखबरी इन आशा अक यदरी नीव केळीर बळिबाळी, यदुर्द प्रचार आकाश इन ल्यालमा अन्द पुरा दुनिया दा माळकु आत, अदकि यदुर्द ना, पौलुस, सेवक बन्सदीन.

पौलुस उन मंडली दा स्यावा कार्य

24 ईग ना आ दुखगोळद कारण खुशी माळतीन, जो नीमद साटी नेगेतीन अदकि मसीह अन्द क्लेशगोळद कमी आऊन मय इन साटी, मतलब मंडली इन साटी, तान मय दा पुरा माळतीन; 25 अदकि नानी परमेश्वर उन द्वारा मंडली इन सेवक माळकु आत अदकि याव नानी नीम भलाई इन क्याल्सा अन्द साटी कोट्टुन, अदकि ई क्याल्सा पुरा तरीका देल आऊन बातणीगोळद घोषणा माळतद. 26 ईद बातणी रहस्य पुर्ण सच्चाई आद जो सूरवात काल टु सप्या मंळसागोळ से गुप्त ईटसुसकु आग्याद, लेकीन ईग आऊन पवतिर लाँकुर मा प्रगट माळकु आग्याद. 27 परमेश्वर उन ईद योजना ईरोद का तान लाँकुर मा ईद रहस्य प्रगट माळुल का ईद रहस्य याट महिमामय कमिती आ जो तान लाँकुर साटी आद. अदकि अद रहस्य ईद हुन का मसीह नीम दा आन, मतलब नीव परमेश्वर उन महिमा अन्द सहभागी आग सकतीर. 28 इदुरसाटी नाव मसीह अन्द प्रचार सप्या मुंदुरी माळतेव. अदकि जो बुद्धी नामी प्राप्त आग्याद आ सप्या बुद्धी इन इस्तेमाल माळतेला नाव सप्या मुंदुरी नरिदेश अदकि शिक्षा प्रदान माळतेव ताकी नाव आंदरी मसीह दा ऊंद व्यक्तगित परपुर्ण मंळसा माळकु परमेश्वर उन मुंद उपस्थति माळ सक्केव. 29 अदकि इदरी पुरा माळोर साटी मसीह अन्द महान सामर्थ्य जो नानी सकितेला ईरतद अदकि नान दा कार्य माळतद, अदुर्द इस्तेमाल माळतेला ना कठनि मयनत अदकि संघर्ष माळतीन.

## 2

1 ना चाहासतीन नीमी ई मात इन पता नळ्दोगुल का ना नीम साटी, लौदीकिया दा ईरावाळेर लाँकुर साटी अदकि आ सप्या मुंदुर साटी जो व्यक्तगित रूप देल नानी यागलु सकिदील, ना याट कठनि मयनत माळतीन. 2 ताकी आंदुर मनगोळी प्रोत्साहित सकिल अदकि परस्पर प्यार दा एकजुट

आगोगुल, अदकि अद पुरा वशिवास इन धन जो खरा समझ देल प्रापूत आगतद आंदरी सकिकेगुल. ई प्रकार देल आंदरी परमेश्वर उन भेद पता नळदोदति, जो मसीह खुश आन. <sup>3</sup> याऊन दा परमेश्वर उन बुद्धी इन भंडार अदकि ग्यान होचकु आद.

<sup>4</sup> ईद ना इदुरसाटी अनतीन कियारारा मंळसा नीमी ख्वाटा वाद वविाद देल ध्वाका कोळबाळुल. वाक चाहे आंदुर याटारा भी वळलेर येती हतबाळुल. <sup>5</sup> ना मय इन भाव देल नीम से दुर आईन, तरी भी आत्मिक भाव देल नीमद हात्ती आईन, अदकि नीमद व्यवस्थति जीवन इक अदकि नीमद वशिवास इन, जो मसीह दा आर, मजबूती नोळकु प्रसन्न आगतीन.

मसीह दा जीवन इन परपूरणता

<sup>6</sup> इदुरसाटी ह्यांग नीव मसीह यीशु उक प्रभु मानसकु ग्रहण माळ कोंडीर, हांगा आऊन दा बन्सकु ईरी. <sup>7</sup> अदकि अदुरदा जळ हुळकु अदकि वाळुसतेला ईरी; अदकि ह्यांग नीव कल्सकु आगीर हांग अच वशिवास दा मजबूत आगतेला होगी, अदकि यक्कुल से यक्कुल धन्यवाद माळतेला ईरी.

<sup>8</sup> सावधान ईरी कियारारा नीमी आ मंळसा अन्द बुद्धी इन व्यर्थ ध्वाका देल गुलाम माळसुस बुळुल, जो मंळसागोळ्द परंपरागोळ देल प्रापूत आगतेला बंदाद अदकि ब्रम्हाण्ड इक शासन माळावाळा आत्मागोळ्द देन हुन, ना किय मसीह अन्द. <sup>9</sup> यतकी आऊन दा ईश्वरत्व स्वभाव हमेशा मसीह अन्द मय दा वास माळतद. <sup>10</sup> अदकि नीमी आऊन एकता दा पुरा जीवन कोटकु आग्याद. आव सुरूवात टु सप्पा आध्यात्मिक शासकगोळ अदकि अधिकार इन स्याणा हुन.

<sup>11</sup> मसीह अन्द सांगुळ दा नीमद खतना माळकु आग्याद, ना किय आ खतना अन्द सांगुळ जो मंळसागोळ कय देल माळकु आग्याद, लेकीन मसीह अन्द द्वारा माळ्द खतना अन्द सांगुळ, नीम पापगोळ्द सामर्थ्य देल मुक्त माळकु आगताव. <sup>12</sup> \*यांग नीव बपतस्मा ताकोंडीदरि रा नीमी मसीह अन्द सांगुळ दफनुसकु आगीत अदकि बपतस्मा दा नीम परमेश्वर उन सक्रिय शक्ति दा वशिवास इन माध्यम देल मसीह अन्द सांगुळ भी नेगुकु आगीत, आऊन सांगुळ जतिता भी आदुर. <sup>13</sup> \*ऊंद समय नीव भी आत्मिकता दा सोतकु ईरीर यतकी नीव पापी, अदकि गैरयहूदी बनिा व्यवस्था नोर ईरोर. लेकीन ईंग परमेश्वर नीमी मसीह अन्द सांगुळ जीवन दा तंदान. परमेश्वर नाम सप्पा अपराधगोळ इक माफ माळयान. <sup>14</sup> \*परमेश्वर नाम बेकार कयालसागोळ्द लेखा जोखा अक नाम न्याड्या दा टु हटुस बुट्टुन यदुर दा आ वधिगोळ्द उल्लेख माळकु आगीत जो नाम प्रतिकुल अदकि नाम वरिद्ध ईरोद आव अदरी क्रूस मा खल्लिागोळ देल टोक्सकु मट्टिस बुटान. <sup>15</sup> अदकि मसीह क्रूस इन द्वारा आध्यात्मिक शासकगोळ्द सुरूवात टु सामर्थ्य अक अदकि अधिकारीगोळी शासन हीन माळ बुट्टुन अदकि तान वजिय अभयान दा बंदी माळकु लॉकुर मुंद आंदुर तमाशा माळदुन.

<sup>16</sup> \*इदुरसाटी यारारा भी मंळसा नीम तनीद-कुडोद या हाब्ब या व्हाशोद

\* 2:12 २:१२ रोमयिं ६:४ \* 2:13 २:१३ इफसिगिळ २:१-५ \* 2:14 २:१४ इफसिगिळ २:१५

\* 2:16 २:१६ रोमयिं १४:१-६

चांद इन हाबब, या वशिराम इन दनि इन बारा दा नीमद याऊ नयाय माळबाळुल. 17 यतकी ईव सब बरावाळा मातगोळ्द छाया हुव, लेकीन वास्तवकिता अच मसीह हुन. 18 यातोवारा भी मंळसा अनूद दवारा तान अपमान माळसुसोद इजाजत कोळवाळी जो वशिश दर्शन इन कारण श्रेश्ट आगोद दावा माळतद अदकि जो ख्वाटा वनिमरता अदकि स्वर्गदूतगोळ्द पुजा मा जोर कोळतद. बनि यातोदारा कारण इन ईत्ता मंळसा तान मानवीय सोच देल व्यर्थ बायतान. 19 \*अदकि मसीह अक हुळकु ईटोद बंद माळ बुटार, आव मसीह जो मय इन ताल्ला हुन. मसीह अनूद हात्ती ता दा सप्पा मय आद जो जोळगोळ अदकि नशगोळ से ऊंदा सांगुळ जोळ्सकु आव, अदकि परमेश्वर जसा वाळुसोद चाहासतान हांग वाळुस्त हांगतद.

मसीह अनूद सांगुळ सायोद अदकि ऊळोद

20 यतकी नीव मसीह अनूद सांगुळ सोतोगीर अदकि ब्रमहाण्ड इन शासन माळावाळा आत्मागोळ से मुक्त माळकु आगीर. रा बाक येती आंदुर घाई जो दुनया नोर आर जीवन जीऊसतीर? नीव ईत्ता वधीगोळ वश दा येती ईरतीर. 21 कि “इदरी मुठबाळेतीर, अदरी नेकबाळेतीर, अदकि अदरी कय हचबाळेतीर?” 22 ईव सप्पा वस्तुगोळ क्याल्सा दा तरास ताका नष्ट आगेदव यतकी ईव मंळसागोळ नयिम अदकि आग्यागोळ अदकि शक्षिगोळद अनुसार आव. 23 नश्चिति अच ईत्ता प्रकार इन सप्पा नयिम स्वर्गदूतगोळ्द जबरदस्ती देल पुजा अदकि ख्वाटा वनिमरता, अदकि मय इन गंभीर उपचारगोळ ग्यान मा आधारति आद लेकीन शारीरिक लालसागोळी रोक्सदुर दा ईऊर देल येनु उच फायदा आगाल्द.

### 3

1 याग नीव मसीह अनूद सांगुळ जतिता माळकु आगीर, इदुरसाटी तान दलि इक स्वर्गीय मातगोळ मा हची, यल मसीह तान ऊम्मा कय दी वरिजमान आन अदकि परमेश्वर उन ऊम्मा कय दी कुरतकु आन. 2 पृथ्वी माकळव वस्तुगोळ ईला लेकीन स्वर्गीय वस्तुगोळ मा ध्यान हची, 3 यतकी नीव रा सोतोगीर अदकि नीमद जीवन मसीह अनूद सांगुळ परमेश्वर दा होचकु आद. 4 नीम खरा जीवन मसीह हुन याग मसीह प्रगट आदान, आग नीव भी आऊन सांगुळ महिमा सहति प्रगट माळकु आदीर.

हाळोद अदकि व्हाशोद जीवन

5 इदुरसाटी पृथ्वी माकळव तान आ संसारकि इच्छागोळी कोंद बुळी जो नीम दा कार्य माळतद, मतलब व्यभचार, अशुध्दता, दुष्कामना, बेकार लालसा अदकि लोभ इक जो मूर्तपूजा अनूद बराबर आद. 6 यतकी ईवा मातगोळ कारण जो आऊन आग्या मान्सालुर आंदुर मा परमेश्वर उन सट्टि प्रगट आगली होगेत्याद. 7 अदकि ऊंद समय ईरोद याग नीव भी ईत्तव इच्छागोळ अनुसार तान जीवन जीऊसतोगीर, अदकि नीम जीवन आऊंदा प्रभुत्व दा का ईरोद.

8 लेकीन ईंग नीव भी ईव सप्पा मातगोळी, मतलब सट्टि, उत्तेजना, बैरभाव, अपमान अदकि बाय देल बोयोद ईव सप्पा मातगोळ बटि बुळी. 9 \*आबुर दाबुर से ख्वाटा माताळवाळी, यतकी नीव हाळोद स्वभाव इक आऊन आदतगोळ सांगुळ ईळ्स कोंडीर. 10 \*अदकि व्हाशोद व्यक्तत्व अक धारण माळ कोंडीर, जो तान सृजनहार इन स्वरूप दा पुरा ग्यान प्राप्त माळोर साटी लगातार व्हाशोद बनसतेला ईरतद. 11 अदकि ईदुर परणाम ईद आद कि अल यहूदी अदकि गैरयहूदी दा येनु फरक ईराल, अदकि ना रा यातोदारा खतना माळ्द अदकि खतनारहति दा, अदकि ना यातोदारा सभ्य अदकि ना असभ्य दा, ना दास अदकि ना स्वतंत्र मळसा दा, लेकीन मसीह अच सब येनारा हुन अदकि सप्पा वशिवासीगोळ दा मसीह अन्द वास आद.

12 \*अदकि नीव परमेश्वर उन लॉकुर हुईर आव नीम से प्यार माळतान अदकि आव तान पवत्रि आगोर साटी नीम चुनाव माळ्यान. रा बाक सहानुभुती, दया, नम्रता, कोमलता अदकि धीरज इक धारण माळी. 13 \*अदकि अगर यारीकारा यारदारा मा दोष हचोद यातारा कारण ईरूल, रा आबुर दाबुर सहन माळी अदकि आबुर दाबुरद अपराध माफ माळी; ह्यांग प्रभु नीमद अपराध माफ माळदुन, हांग अच नीव भी माळी. 14 अदकि ई सप्पा मातगोळ अलावा प्यार इक धारण माळी, प्यार अच सप्पा मुंदुरी आपस दा कटक ईटतद अदकि परपिर्ण माळतद. 15 नीम साटी होगावाळा नरिणयगोळ मा अद शांती इन जो मसीह देल प्राप्त आगतद मार्गदर्शन ईरूल, इदुरसाटी परमेश्वर नीमी ऊंदा सांगुळ आ शांती दा ऊंद मय आगोर साटी कारस्यान. अदकि हमेशा धन्यवाद माळत ईरी. 16 \*तान सप्पा संपन्नता अन्द सांगुळ मसीह अन्द बातणी नीम दलिगोळ दा वास माळुल. अदकि तान सप्पा बुद्धी देल आबुर दाबुर इक शक्ति अदकि नरिदेश कोळत ईरी. भजनगोळ स्तुति अदकि आत्मकि हाळगोळी हाळतेला तान दलिगोळ दा परमेश्वर उक धन्यवाद कोळत ईरी. 17 जो येनारा भी नीव माळी या अनी अद सप्पा प्रभु यीशु उन हेसुर मा आग पायजे, अदकि आऊन दवारा परमेश्वर आप्प उन धन्यवाद माळी.

व्हाशोद जीवन इन पारिवारिक नयिम

18 \*हे हगिसुरा, तान तान गांड्दुरद हात्ती ईरी, ह्यांग मसीह अन्द अनुयायीगोळी शोभा कोळतद.

19 \*हे गांड्दुरा, तान तान हगिसुर से प्यार ईटी, अदकि आंदुर से कठोर व्यवहार माळवाळी.

20 \*हे चकिरा, सप्पा मातगोळ दा तान तान मोय-आप्प उन आग्या अन्द पालन माळी, यतकी मसीह अनुयायी इन ईत्ता व्यवहार देल परमेश्वर प्रसन्न आगतान.

21 \*हे मोय आप्पुरा, तान चकिर इक तंग माळवाळी, हगि आगवाळुल कि आंदुरद साहस मुरदोगुल.

\* 3:9 ३:१ इफसिगिळ ४:२२ \* 3:10 ३:१० इफसिगिळ ४:२४ \* 3:12 ३:१२ इफसिगिळ ४:२ \* 3:13 ३:१३ इफसिगिळ ४:३२ \* 3:16 ३:१६ इफसिगिळ ५:१९,२० \* 3:18 ३:१८ इफसिगिळ ५:२२; १ पतरस ३:१ \* 3:19 ३:१९ इफसिगिळ ५:२५; १ पतरस ३:७ \* 3:20 ३:२० इफसिगिळ ६:१ \* 3:21 ३:२१ इफसिगिळ ६:४



22 \*हे सेवकगोळा, जो मय इन अनुसार नीम्द स्वामी आन, सप्पा मातगोळ दा आंदुरद आग्या अनन्द पालन माळी, सर्फि लॉकुरी खुश माळोर साटी अदा समय ईला याग आंदुर नोळतेला आर, बल्की खरा मन देल आंदुरद मानसी यतकी नीव प्रभु उन आदर माळतीर. 23 जो येनारा क्याल्सा नीव माळतीर, तान पुरा मन देल माळी, ईद समसकु कि मंळसागोळद साटी ईला लेकीन प्रभु उन साटी माळतेव; 24 याद ईटी कि प्रभु ईदुर प्रतफिल नीमी कोट्टान जो आव तान लॉकुर साटी ईट्यान, यतकी मसीह खरा स्वामी हुन यार्द नीव स्यावा माळतीर. 25 \*जो अपराध माळतान आव तान अपराध इंद फल ताकोंडान, यतकी परमेश्वर यारदारा सांगुळ पक्षपात माळालुन.

## 4

1 \*हे स्वामीगोळा, नीव तान तान सेवकगोळी आंदुर क्याल्सागोळ अनुसार जो सही बदला आद आंदरी कोळी. याद ईटी कि स्वर्ग दा नीमव भी यावारा स्वामी आन.

थ्वाळासा व्यावहारकि नरिदेश

2 प्रार्थना दा लगातार हतकु ईरी, अदकि परमेश्वर उक धन्यवाद कोळतेला अदुर दा जागृत ईरी; 3 अदकि इदुर सांगुळ सांगुळ अच नाम साटी भी प्रार्थना माळतेला ईरी, कि परमेश्वर नाम साटी मसीह अनन्द आ भेद इन बातणी प्रचार माळोर साटी वळलीद मवका प्रदान माळुल, यतकी इदुर दा कारण ना कैद दा आईन. 4 प्रार्थना माळी कि ना इदरी हगि स्पष्टता अनन्द सांगुळ हेळ सकाईन हयांग नानी हेळोद जरूरी आद.

5 \*समय इन पुरा पुरा इस्तेमाल माळी अदकि अवशिवासीगोळ सांगुळ बुद्धमिनी देल व्यवहार माळी. 6 नीम मातगोळ पुरा अनुग्रह देल तुमकु अदकि लॉकुरी पसंद बरा लायक ईरूल ताकी नीव जान्स कोमी कि हर मंळसा अक हयांग उत्तर कोळोद जरूरी आद.

आखरी अभवादन

7 \*नाम प्रयि वार्ट अदकि विश्वासयोग्य सेवक, तुखकुस, जो प्रभु दा नान सहकर्मी आन, नान सप्पा समाचार नीमी हेळ बुट्टान. 8 आऊक ना इदुरसाटी नीम्द हात्ती कळुदीन कि नीमी नाम्द दशा मालूम आगेगुल अदकि आव नीम्द दलिगोळ इक प्रोत्साहित माळुल. 9 \*आऊन सांगुळ ना उनेसमिस उक भी कळुदीन जो विश्वासलायक अदकि प्रयि वार्ट अदकि नीम दा टु ना ऊंद हुन; ईदुर नीमी ईलेव सप्पा मातगोळ हेळ बुट्टार.

10 \*अरस्त्रिखुस, जो नान सांगुळ बंदीगृह दा सांगुळ ईतान, अदकि बरनबास उन वार्ट मरकुस उन नीमी नमस्कार, मरकुस उन बारा दा नीमी नरिदेश सकिकेग्याद अच अगर आव नीम हात्ती बंदान रा आऊन स्वागत माळकु आऊक ग्रहण माळतीर. 11 यूसुतुस अंदकु आगावाळा यीशु उन भी नीमी

\* 3:22 ३:२२ इफसिगिळ ६:५-८ \* 3:25 ३:२५ इफसिगिळ ६:९ \* 4:1 ४:१ इफसिगिळ ६:९  
 \* 4:5 ४:५ इफसिगिळ ५:१६ \* 4:7 ४:७ प्रेरतिगोळ २०:४; २ तीमुथयिस ४:१२ \* 4:7 ४:७ इफसिगिळ ६:२१,२२ \* 4:9 ४:९ फलिमोन १:१०-१२ \* 4:10 ४:१० प्रेरतिगोळ १९:२९; २७:२; फलिमोन १:२४; प्रेरतिगोळ १२:१२,२५; १३:१३; १५:३७-३९

नमस्कार सकिल. सर्फ ई मुरा मुंदुरा यहूदी वशिवासी परमेश्वर उन राज्य अन्द साटी नान सांगुळ क्याल्सा माळेत्यार, अदकि ईंदुरद नानी हापाळ सहायता सक्याद.

12 \*इपफ्रास, जो नीम दा टु ऊंद आन अदकि मसीह यीशु उन दास आन, नीमी नमस्कार अनतान अदकि सदा नीम साटी प्रार्थनागोळ दा प्रयत्न माळतान, ताकी नीव सदिध आगकु पुरा वशिवास इन सांगुळ परमेश्वर उन इच्छा मा स्थरि ईरी. 13 ना व्यक्तगित रीतदिल आऊन गवाह आईन क् आव नीम साटी अदकि लौदीकिया अदकि हयिरापुलसिवाळेरद साटी कठनि मेहनत माळतेला ईरतान. 14 \*नाम प्रयि वैद्य लूका अदकि देमास नीमी नमस्कार कळतार.

15 लौदीकिया अन्द वशिवासी वार्दुर, अदकि आकतींग नुमफास अदकि आकनि मानना अन्द मंडली इक नाम दी टु नमस्कार अनेत. 16 याग ईद चट्ठी नीम अल वाचुसकु आदीत रा हगि माळतीर क् लौदीकिया अन्द मंडली दा भी वाचुसकु आगुल, अदकि अदा समय अद चट्ठी जो लौदीकिया नोर वशिवासी नीमी कळ्यार अदरी नीव भी वाचुसेतीर. 17 \*अदकि अरखपिपुस से अनेतीर क् “जो सयावा प्रभु दा आऊक सौप्सकु आग्याद आव अदरी नश्चय इन सांगुळ पुरा मोळुल.

18 “ना पौलुस खुद तान कय देल नीमी नमस्कार लखिसेतीन. याद ईटी क् ना शंकलीगोळ देल कटकु बंदीगृह दा आईन,”

परमेश्वर उन अनुग्रह नीम सांगुळ बन्सकु ईरूल.

\* 4:12 ४:१२ कुलुस्सगिळ १:७; फलिमोन १:२३

\* 4:14 ४:१४ २ तीमुथयिस ४:११; फलिमोन

१:२४; २ तीमुथयिस ४:१०; फलिमोन १:२४

\* 4:17 ४:१७ फलिमोन १:२

## थस्सिलुनीकियों के नाम पौलुस प्रेरति की पहली पत्री थस्सिलुनीकगोळ हेसुर पौलुस प्रेरति उन पयला चट्ठी परचिय

थस्सिलुनीकगोळ्द पयला चट्ठी पौलुस १:१ लखिसीदुन पयले पवतिरशास्त्र अन भाग बन्सत अदकि मसीह अन जनम इन ५१ साल इन बाददा लखिसकु आगीत, याग पौलुस चट्ठी लखिसदुन आग आव कुरनिथानगर दा ईरोन थस्सिलुनीकगोळ्द मंडली यारी आव चट्ठी लखिसदुन दुसरा मशिनरी यात्रा अन न्याड्या दा स्थापति माळकु आगीत प्रेरतिगोळ १७:१-१० प्रेरतिगोळ क्याल्सागोळ्द कतिबगोळ दा हगि हेळकु आग्याद कि ईद मंडली यहूदीगोळ्द अदकि ग्रीकगोळ्द बन्सकु ईरोद.

ई मंडली इन स्थापना माळदुर बाददा पौलुस थस्सिलुनीकियों दा यक्कुल दनि ताका रूकसीदलि. इदुरसाटी आव ई चट्ठी इक प्रोत्साहन कोळेर साटी लखिसदुन, ई चट्ठी दा हापाळ वषियगोळ्द चर्चा माळकु आग्याद, जसा कि मसीहगोळ ह्यांग ईरली पायजे. पौलुस मसीह अन दुसरा आगमन इन ताका लखिसतान सायद इदुरसाटी कि थस्सिलुनीकगोळ्द मंडलीगोळ दा ईरावाळेर वशिवासीगोळी केळसदुर दा हापाळ उत्साह ईरोद, पौलुस ई बारा दा चट्ठी इन द्वारा यीशु उन दुसरा आगमन इक लखिसकु हगि जीवन व्यतीत माळली प्रोत्साहति माळतान यदुर देल परमेश्वर संतुष्ट आन ५:६-८

रूप-रेखा:

१. मंडली इक नमस्कार अदकि परमेश्वर उन धन्यवाद १
२. पौलुस तान कार्य अन बारा दा अदकि तीमुथयिस जो समाचार इन साटी ईरोन आऊन बारा दा चर्चा माळदुन २-३
३. यीशु उन दुसरा आगमन इन तयारी माळेर साटी मसीह दा ह्यांग जीवन व्यतीत माळ पायजे ४:१-५:१५
४. पौलुस उन मंडली इक नमस्कार अदकि सप्पा मुंदुर आऊन चट्ठी वाचुस पायजे ईदुर बारा दा सुचना ५:१६-२८

1 \*पौलुस अदकि सलिवानुस अदकि तीमुथयिस उन दी टु थस्सिलुनीकेगोळ मंडली नव हेसुर जो परमेश्वर आप्प अदकि प्रभु यीशु मसीह अन लॉकुर आर अनुग्रह अदकि शांती नीमी सकितेला ईरूल.

थस्सिलुनीकगोळ्द जीवन अदकि वशिवास

2 नाव तान प्रार्थनागोळ दा नीमी हमेशा याद माळतेव अदकि हमेशा नीम सप्पा अन बारा दा परमेश्वर उन धन्यवाद माळतेव. 3 अदकि तान परमेश्वर अदकि आप्प उन मुंद नीमव वशिवास इन क्याल्सा अदकि प्यार

इन मेहनत अदकि नाम प्रभु यीशु मसीह दा धीरज देल हुळकु आशा अक लगातार याद माळतेव. 4 नामोर वार्दुरा अदकि आकतींगेरा, नाव जान्सतेव की परमेश्वर नीम से प्यार माळतान आव नीमी नीवळुस्यान. 5 यतकी नाव नीम हात्ती नाम्द खुशखबरी सरिफ शब्दगोळ देल अच ईला लेकीन सामर्थ्य देल, अदकि पवतिर आत्मा अन्द पुरा सच्चाई इन नशिचिता देल तंदान; ह्यांग नीव जान्सतीर की नाव नीम सांगुळ ईरेव, रा नाव ह्यांग ईत्तेव ईद नीम भलाई इन साटी ईरोद. 6 \*नीव धोळ्द क्लेशगोळ बावजुद. पवतिर आत्मा देल सकिद खुशी इन सांगुळ, वचन इक ग्रहण माळदुर अदकि नाम्द अदकि प्रभु उन अनुकरण माळली हतदुर. 7 इदुरसाटी हगि माळदुर देल मकदिनया अदकि अखाया द्याश इन सप्पा वशिवासीगोळ साटी नीव आदर्श बनसेदरि. 8 यतकी नीम हात्ती टु प्रभु उन वचन सरिफ मकदिनया अदकि अखाया दा अच केळसकु आत हगि अच ईला, लेकीन नीम वशिवास इन जो परमेश्वर मा आद, हर जागा दा अदुर चर्चा फैलुसेत की ईदुर बारा दा नामी येनु अनोद जरवत अच हैलेच. 9 यतकी आ लॉकुर नाम बारा दा हेळतार की नीम्द हात्ती नाम्द स्वागत ह्यांग आत; अदकि नीव ह्यांग मूर्तीगोळ देल परमेश्वर उन दी तरिगदरि ताकी जतिता अदकि खरा परमेश्वर उन स्यावा माळी, 10 अदकि आऊन पार उन स्वरग मा टु बरोद हादी कायतेला ईरी यारी आव सोत्तुर दा टु जतिता माळ्यान, अर्थात यीशु उन, जो नामी परमेश्वर उन बरोद आद प्रकोप देल उळस्तान.

## 2

थसिसलुनीकियों दा पौलुस उन कार्य

1 हे वार्दुरा अदकि आकतींगेरा, नीव खुद अच जान्सतीर की नाम नीम हात्ती बरोद बेकार आगीदील 2 \*लेकीन नीव खुद अच जान्सतीर नीम हात्ती बरोद से पयले फलिपिपी दा दुख नेगुली अदकि अपमान सहन माळदुर मा भी नाम परमेश्वर नामी ईत्ता साहस कोट्टुन, की नाव परमेश्वर उन खुशखबरी भारी वरिधगोळ ईरतेला भी नीमी केळसेव. 3 यतकी नाम्द उपदेश गलतीगोळ से हैलेच अदकि अशुध्द वचार देल, अदकि चालाकी इन सांगुळ हैलेच; 4 लेकीन ह्यांग परमेश्वर नामी योग्य ठहरूसकु खुशखबरी सौप्सदुन, नाव हांग अच हेळतेव, अदकि इदुर दा मंळसागोळी इक ईला, लेकीन परमेश्वर उक, जो नाम मन इन उद्देशगोळी जाच तान, प्रसनन माळतेव. 5 यतकी नीव जान्सतीर, नाव ना रा यागलु चापलुसी माळेव अदकि ना पैस्या अन लालच इन साटी येनारा बहाना माळेव परमेश्वर नाम गवाह आन 6 अदकि नाव ना मंळसागोळ देल, ना दुसरा से, अदकि ना खुद देल प्रशंसा चाहसदेव. 7 यीशु मसीह अन प्रेरति आगा नाता देल नाम नीम मा बोझ हाक सकेव. लेकीन याता प्रकार मोय तान चकिरेद पालन पोषण माळतार हांग अच नाव भी नीम न्याड्या दा ईतकु धोळ्द कोमलता तोरसदेव; 8 अदकि हांग अच नाव नीमी हापाळ प्यार माळतेला, नाव खुशी इन सांगुळ परमेश्वर उन खुशखबरी दा नाम जीवन इन

\* 1:6 १:६ प्रेरतिगोळ १७:५-९

\* 2:2 २:२ प्रेरतिगोळ १६:१९-२४; प्रेरतिगोळ १७:१-९

द्वारा पुरा तरीका देल सामर्थ्य देल नीमद मदत माळली तयार ईरेव, इदुरसाटी क नीव नाम प्रयि आगेगीदीर.

9 यतकी, हे वारटुरा अदकि आकतीगेरा, नश्चिति अच नीव नाम मेहनत अदकि कष्ट इक याद ईटतीर; नाव इदुरसाटी ईळलक हागुल कयाल्सा धंदा माळतेला नीम दा परमेश्वर उन खुशखबरी प्रचार माळदेव क नीम दा टु यारदु मा भार आगबाळुल. 10 नीव ई मात इन गवाह हुईर, अदकि हांग अच परमेश्वर भी आन, क नीव नीम वशिवासीगोळ सांगुळ पवतिरता, लायकत अदकि नरिदोषता अन व्यवहार माळेव. 11 नीव जानसतीर क नीव नीम सांगुळ हांग अच व्यवहार माळतेव ह्यांग आप्प तान चकिरगोळ सांगुळ व्यवहार माळतान. 12 क नीव नीमी प्रोत्साहति माळदेव दलिासा कोट्टेव नाव नीमी वनिती माळतेला ईततेव क तान जीवन हगि बतिसी क परमेश्वर खुश आगुल, याव नीमी तान महमा अदकि राज्य दा सहभागी आगेर साटी कारदान. 13 इदुरसाटी नाव भी परमेश्वर उन धन्यवाद लगातार माळतेव क याग नाम द्वारा परमेश्वर उन खुशखबरी इन वचन नीम हात्ती पोहचुस्त, रा नीव अदरी मंळसागोळ्द ईला लेकीन परमेश्वर उन वचन समसकु ग्रहण माळदीर; अदकि सही दा ईद हगि अच आद; अदकि अद नीम वशिवासीगोळ दा जो वशिवास ईटतीर, प्रभावशाली आद. 14 इदुरसाटी हे वारटुरा अदकि आकतीगेरा, नीम सांगुळ भी अदा मात आगतद ह्यांग मसीह यीशु दा परमेश्वर उन आ मंडलीगोळ्द यहूदया दा आद, यतकी नीव तान लॉकुर से हांग अच छल सहन माळतीर, ह्यांग आंदुर भी यहूदीगोळ द्वारा सहन माळीदुर, 15 अयार प्रभु यीशु उक अदकि भवषियवक्तागोळी भी कोंद कोंडुर अदकि नाम सांगुळ छल माळदुर, अदकि परमेश्वर आंदुर से प्रसन्न हैलेच, अदकि आंदुर सप्पा मंळसागोळ्द वरिध माळतार, 16 अदकि आंदुर गैरयहूदीगोळी आंदुर उद्धार इन साटी परमेश्वर उन खुशखबरी हेळोर साटी नामी रोकसतार क हमेशा तान पाप इन घळा तुमतेला ईरूल; लेकीन आंदुर मा परमेश्वर उन भयानक प्रकोप होट बंदाद.

पौलुस उन दुबारा थसिलनीकगोळी सकिोद अभलिाषा

17 हे वारटुरा अदकि आकतीगेरा, याग नाव थ्वाळासा समय इन साटी, मन दा ईला लेकीन मय देल, नीम से अलग आगेगीदेव, रा नाव हापाळ कोशशिगोळ सांगुळ नीमी नोळोर साटी हापाळ कोशशि माळदेव. 18 इदुरसाटी नाव ऊंद धन ईला लेकीन घळी-घळी नीम हात्ती बरोद चाहसदेव, लेकीन शैतान नामी रोकसकु ईटदुन. 19 भला नाम आशा या आनन्द या बळाई इन मुकुट येन आद? येन नाम प्रभु यीशु उन मुंद आऊन बरोद समय नीम अच ईरतीदील? 20 नाम बळाई अदकि खुशी नीव अच हुईर.

### 3

तीमुथयिस उन मुलाकात

1 इदुरसाटी याग नाम से अदकि ईतकु आगीदील, रा नाव ईद ठहरूसदेव

क 1 एथेंस नगर दा आबना ईतोगुल, 2 अदकि नाव तीमुथयुस उक, जो मसीह अन खुशखबरी दा नामव वार्ट अदकि परमेश्वर उन भी सेवक आन, इदुरसाटी कळयान क 1 आव नीमी संची माळुल अदकि नीम वशिवास इन बारा दा नीमी समझुसुल.

3 क 1 नीम दा टु यावारा भी इव क्लेशगोळ कारण डगमगुस बाळुल. यतकी नीव खुद अच जान्सतीर क 1 ईद सताप नाम साटी परमेश्वर उन इच्छा अन भाग हुन. 4 यतकी पयला अच, याग नाव नीम सांगुळ ईर तोगेव रा नीम से अन तोगेव क 1 नामी क्लेश नेगव बदिदव, अदकि हगि अच आग्याद, ह्यांग क 1 नीव जान्सतीर भी. 5 ईद कारण याग नान से अदकि ईतकु आगीदील, रा नीमद वशिवास इन बारा दा जानसोर साटी कळुदीन, क 1 यागलु हगि आगबाळुल क 1 परीक्षा माळावाळेर शैतान नीम परीक्षा माळीदार, अदकि नाम मेहनत बेकार आगीदाद.

6 \*लेकीन ईगल्या तीमुथयुस, जो नीम हात्ती टु नाम हात्ती बंदान, नीमद वळलीद वशिवास अदकि प्यार इन बातणी केळसदुन अदकि ईद मात इक भी केळसदुन क 1 नीव हमेशा प्यार इन सांगुळ नामी याद माळतीर, अदकि ह्यांग नाव नीमी नोळेर साटी लालच ईटतेव हांगा नीव भी ईटतीर. 7 इदुरसाटी हे वार्टुरा अदकि आकतींगेरा, तान सप्पा दुख अदकि क्लेश दा नीम वशिवास इन कारण नामी नीम बारा दा प्रोत्साहन सकित. 8 यतकी ईग अगर नीव प्रभु दा संची ईरी रा नाव जतिता आयेव. 9 यतकी नाव नीम साटी परमेश्वर उन धन्यवाद माळ सकतेव. जो खुशी नामी परमेश्वर उन उपस्थिती दा सकितद, इदुरसाटी परमेश्वर उन धन्यवाद माळतेव. 10 नाव ईळलक हागुल हापाळ अच प्रार्थना माळतेला ईरतेव क 1 नीमी मुंद नोळेव, अदकि नीम वशिवास इन कमी पुरा माळेव.

11 ईग नामव परमेश्वर अदकि आप्प खुद अच अदकि नाम प्रभु यीशु, नीम हात्ती बरोर साटी नाम हादी तेरूल; 12 अदकि प्रभु हगि माळुल क 1 ह्यांग नाव नीम से प्यार ईटतेव, हांग अच नीम प्यार भी आपस दा अदकि सप्पा मंळसागोळ सांगुळ वाळुसुल, अदकि उन्नती माळतेला होगुल, 13 ताकी आव नीम मनगोळी हगि संची माळुल क 1 याग नामव प्रभु यीशु तान सप्पा पवतिर लॉकुर सांगुळ बरूल, रा खुद नाम परमेश्वर आप्प उन उपस्थिती नर्दोष ठहरसुल.

## 4

जीवन जो परमेश्वर उक खुश माळुल

1 इदुरसाटी हे वार्टुरा अदकि आकतींगेरा, नाव नीम से वनिती माळतेव अदकि नीमी प्रभु यीशु मसीह दा समझुसतेव क 1 ह्यांग नीव नाम से योग्य चाल नळोद अदकि परमेश्वर उक खुश माळोद कलतीर, अदकि ह्यांग नीव नळुतीर भी, हांग अच अदकि भी वाळुसतेला होगी. 2 यतकी नीव जान्सतीर क 1 नाव प्रभु यीशु उन अधिकार देल नीमी याता-याता शक्शागोळ कोटेव. 3 परमेश्वर उन इच्छा ईद आद क 1 नीव पवतिर बनसी: अर्थात व्यभिचार देल

उळ्दकु ईरी, 4 अदकि नीम दा टु हर ऊंद मंळसा अक ईद जान्स पायजे कितान-तान हगिस् उन सांगुळ पवत्रिता अदकि आदर इन सांगुळ व्यवहार माळोद आद ईद नीमी कलु पायजे, 5 अदकि ईद क्याल्सा अभलिषा देल ईला, अदकि ना आ गैरयहूदीगोळ घाई जो परमेश्वर उक जान्सालुर, 6 काईद मात दा याऊ तान सहकर्मी वार्ट उक ठगुसबाळुल, अदकि आऊन फायदा नेगुबाळी, यतकी प्रभु ईव सप्पा मातगोळ बदला ताकोमावाळा आन; ह्यांग का नाव पयले अच नीम से अंदेव अदकि चतिस देव भी. 7 यतकी परमेश्वर नामी अशुध्द दा ईरोरसाटी ईला, लेकीन पवत्रि आगोर साटी कारदान. 8 ईद कारण जो ईद शकिषा अक नकारसतान, आव मंळसा अक ईला लेकीन परमेश्वर उक नकारसतान, जो तान पवत्रि आत्मा नीमी कोळतान.

9 लेकीन भाईचारा अन प्यार इन बारा दा ईद जरूरी हैलेच कनिा नीम हातती येनारा लखिसाईन, यतकी आपस दा प्यार ईटोद नीव खुद अच परमेश्वर देल कलतीर; 10 अदकि पुरा मकदिनया नोर सप्पा वार्टुर आकतींगेर सांगुळ हगि प्यार माळतीर. लेकीन हे वार्टुरा अदकि आकतींगेरा, नाव नीमी समझुसतेव का यककुल अच वाळुस्तेला होगी, 11 अदकि ह्यांग नाव नीमी आग्या कोटेव, हांग अच शांती देल जीवन जीऊसोद अदकि तान-तान क्याल्सा माळली अदकि तान-तान कय देल कमसोद कोशशि माळी; 12 ताकी व्हार्यावाळेरे से आदर प्राप्त् माळी, अदकि नीमी यातोदु वस्तु उन कमी आगवाळुल.

प्रभु उन दुबारा बरोद

13 हे वार्टुरा अदकि आकतींगेरा, नाव चाहसालेव का नीव आंदुर बारा दा जो सोतकु आर, अग्यानी ईरी; हगि आगवाळुल का नीव दुसरा अन घाई शोक माळी यारी आशा हैलेच. 14 यतकी अगर नाव वशिवास माळतेव का यीशु सोत्तुन अदकि जतिता भी आदुन, रा हांग अच परमेश्वर आंदरी भी जो यीशु मा वशिवास माळतेला सोत्तुर, यीशु उन सांगुळ जतिता माळयान. 15 अयतकी जो प्रभु नामी कलसयान नाव प्रभु उन वचन इन अनुसार नीम से ईद अनतेव का नाव जो जतिता आयेव अदकि प्रभु उन बरासताका ताका उळ्दकु ईत्तेव, सोत्तुर देल मुंद वाळुसतीदलि. 16 यतकी प्रभु खुद अच स्वर्ग टु ईळदान; आ समय ललकार, अदकि प्रधान स्वर्गदूत उन शब्द केळ बंदीत, अदकि परमेश्वर उन तुरही उदकु आदीत; अदकि जो मसीह दा वशिवास माळतेला सोतार, आंदुर पयले जतिता माळकु आदार. 17 आग नाव जो जतिता अदकि उळ्दकु ईत्तेव आंदुर सांगुळ बादलगोळ मा नेगुकु आदेव का हवा दा प्रभु उन सांगुळ सकुल; अदकि ईद रीत दिेल नाव हमेशा प्रभु उन सांगुळ ईत्तेव. 18 ईद प्रकार इव मातगोळ देल आबुर दाबुरी प्रोत्साहति माळतोगी.

## 5

प्रभु उन बरोद साटी तयार ईरी

1 लेकीन हे वार्टुरा अदकि आकतींगेरा, समय अदकि कालगोळ बारा दा नीमी येनु लखिसोद जरवत हैलेच. 2 अयतकी नीव खुद अच जान्सतीर का ह्यांग

ईळलक इक काळल बरतान, हांग अच प्रभु उन दनि बरोद आद. <sup>3</sup> याग लॉकुर अनतेला ईत्तार, “कुशल आद, अदकि येनु अंज्क हैलेच,” रा आंदुर मा अचानक वनाश बंदीत, याता प्रकार व्हाट्या दी आरत इक दुख; अदकि आंदुर यातोदु रीतदिल ऊळुतीदील. <sup>4</sup> लेकीन हे वार्दुरा अदकि आकतींगेरा, नीव रा अंधकार दा हैलेच की अद दनि नीम मा काळल उन घाई बंदकु बळिल. <sup>5</sup> यतकी नीव सब ज्योती अदकि हागुल इन चकिरे हुईर; नाव ना ईळलक इन आयेव, ना अंधकार इन आयेव. <sup>6</sup> इदुरसाटी नाव दुसरा अन घाई मगिकु ईरतीदील, लेकीन जागसतेला अदकि सावधान ईत्तेव. <sup>7</sup> यतकी जो मींगतार आंदुर ईळलकी इच मींगतार, अदकि जो मतवाला ईरतार आंदुर ईळलकी इच मतवाला ईरतार. <sup>8</sup> लेकीन नाव जो हागुल इनोर हुयेव, वशिवास अदकि प्यार इन कवच हाक्कु अदकि उद्धार इन आशा अन टोप हाक्कु सावधान ईत्तेव. <sup>9</sup> यतकी परमेश्वर नामी सट्टिट इन साटी ईला, लेकीन इदुरसाटी ठहरूस्यान कनि नाव तान प्रभु यीशु मसीह अन द्वारा उद्धार प्राप्त माळेव. <sup>10</sup> यीशु नाम साटी ईद कारण सोत्तुन कनि नाव जतिता ईरूल या सोतकु ईरूल, याग आव बंदान आग सप्पा मीलुसकु आऊंदा सांगुळ जीऊसेव. <sup>11</sup> ईद कारण आबुर दाबुरी दलिासा कोळी अदकि आबुर दाबुर इन मदत इन कारण बनसी, ह्यांग कनि नीव माळतीर भी.

### आखरी शक्ति

<sup>12</sup> हे वार्दुरा अदकि आकतींगेरा, नाव नीम से वनिती माळतेव की जो नीम दा मेहनत माळतार, अदकि नीम मसीह जीवन दा नीमोर अगुवे आर, अदकि नीमी शक्ति कोळतार, आंदुरद सम्मान माळी. <sup>13</sup> अदकि आंदुर क्याल्सा अन कारण प्यार इन सांगुळ आंदरी हापाळ अच आदर इन योग्य समसी. आपस दा मेल मलाप देल ईरी. <sup>14</sup> हे वार्दुरा अदकि आकतींगेरा, नाव नीमी समझुसतेव की जो ठीक चाल नळालुर आंदरी समझुसी, कायरगोळी हम्मत कोळी, नरिबलगोळी सभाळसी, सप्पा दी सहनशीलता तोरसी. <sup>15</sup> सावधान. याऊ यारदु से बुराई इन बदला बुराई माळबाळुल; लेकीन हमेशा वळ्लीद माळदुर मा तत्पर ईरी, आपस दा अदकि सप्पा मुंदुर से भी भलाई माळी. <sup>16</sup> हमेशा खुश ईरी. <sup>17</sup> हमेशा प्रार्थना दा हतकु ईरी. <sup>18</sup> हर मात दा धन्यवाद माळी; यतकी नीम मसीह यीशु दा परमेश्वर उन ईदा इच्छा आद. <sup>19</sup> आत्मा अक नुनाक बाळी. <sup>20</sup> परमेश्वर उन दी टु बरावाळा बातणी इन धक्कार माळबाळी. <sup>21</sup> सप्पा मातगोळी परखुसी; जो वळ्लेव आव अवरी हुळकु ईटी. <sup>22</sup> सप्पा प्रकार इन बुराई देल उळ्दकु ईरी.

<sup>23</sup> शांती नव परमेश्वर खुद अच नीमी पुरा रीतदिल पवतिर माळुल; अदकि नीमद आत्मा अदकि जीव अदकि शरीर नाम प्रभु यीशु मसीह अन बरोद ताका पुरा-पुरा अदकि नरिदोष सुरक्षित ईरूल. <sup>24</sup> नीमव कारावाळा वशिवासलायक आन, अदकि आव हगि अच माळ्यान.

<sup>25</sup> हे वार्दुरा अदकि आकतींगेरा, नाम साटी प्रार्थना माळी.

<sup>26</sup> सप्पा वशिवासी वार्दुरी परमेश्वर उन पवतिर प्यार दा नमस्कार.



27 ना नीमी प्रभु उन अधिकार देल नीमी वनिती माळतीन कि ईद चट्ठी सप्पा वशिवासी वार्दुरी वाचुसकु केळसकु आगुल.

28 नाम प्रभु यीशु मसीह अन्द अनुग्रह नीम मा आगतेला ईरूल.

## थसिसलुनीकियों के नाम पौलुस प्रेरति की दूसरी पत्री थसिसलुनीकगिोळ हेसुर पौलुस प्रेरति उन दुसरा चटिठी परचिय

ईद थसिसलुनीकगिोळ्द लखिसद पौलुस उन दुसरा चटिठी १:१ पयला चटिठी लखिसदुर बाददा ईद चटिठी लगभग मसीह अन्द जनम इन ५१ साल इन बाददा लखिसदुन. याग आव ईद चटिठी लखिसदुन आग आव कुरनिर्था नगर दा ईरोन ईद चटिठी जो थसिसलुनीकगिोळ्द मंडली इक लखिसकु आगीत, ईद पौलुस तान दुसरा मशिनरी यात्रा अन न्याड्या दा स्थापति माळदुन प्रेरतिगोळ १७:१-१० ईद मंडली यहूदी अदकि गैरयहूदीगोळ्द बन्सकु ईरोद.

ई मंडली इन लॉकुर आखरी समय इन बारा दा अदकि प्रभु अन दुसरा आगमन ईद बारा दा इन बारा दा जानसोर साटी हापाळ उत्सुक ईरोर, इदुरसाटी पौलुस तांद येढ्हु चटिठी दा ई मातगोळ्द जकिर माळतोगोन. ईद दुसरा थसिसलुनीकगिोळ्द चटिठी हुन आर्धा से यक्कुल हसिसा आखरी समय इन बारा दा आद जो आलसी आर आंदुर बारा दा भी जकिर माळतान. अदकि ईद अनतान कांहर ऊंद मळसा तान जीवन नर्वाह माळोर साटी क्याल्सा माळुल ३:६-१०  
रूप-रेखा

१. पौलुस खुद इन अदकि तान संगीगोळ्द परचिय कोळतान १:१-२
२. पौलुस परमेश्वर उन थसिसलुनीकगिोळ्द मंडली इक धन्यवाद माळतान, अदकि आंदुर साटी प्रार्थना माळतान १:३-१२
३. आखरी समय इन बारा दा चर्चा २
४. आलस इन वरिध दा अदकि मयनत इन जरवत इन बारा दा पौलुस उन शकिषा ३:१-१५
५. पौलुस उन मंडली इक दुबारा नमस्कार ३:१६-१८

1 \*पौलुस अदकि सलिवानुस अदकि तीमुथयिस इन सांगुळ नाम आप्प परमेश्वर अदकि प्रभु यीशु मसीह अन लॉकुरी चटिठी लखिसतीन, थसिसलुनीकेगोळ मंडली दा आद: 2 नाम आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

न्याय इन दनि

3 हे वार्दुरा अदकि आकतींगेरा, नीम बारा दा नामी हर समय परमेश्वर उन धन्यवाद माळ पायजे, अदकि ईद उचिति भी आद, इदुरसाटी कां नीम वशिवास हापाळ वाळुसीग्याद, अदकि नीम सप्पा मुंदुर्द प्यार आपस दा हापाळ अच वाळुसतेला होगेत्याद. 4 ईल ताका कानाव खुद परमेश्वर उन मंडली दा नीम

बारा दा घमण्ड माळतेव कि यास उपद्व अदकि क्लेश नीव सहन माळतीर, आ सब दा नीम धीरज अदकि वशिवास प्रगट आगतद.

5 ईद परमेश्वर उन खरा न्याय इन स्पष्ट प्रमाण हुन कि नीव परमेश्वर उन राज्य अन योग्य ठहूसी, यदुर साटी नीव दुख भी नेगुतीर. 6 यतकी परमेश्वर उन हात्ती ईद न्याय आद कि जो नीमी क्लेश कोळतार, आंदरी बदला दा क्लेश कोळुल 7 अदकि नीमी, जो क्लेश पाऊसतीर, नाम सांगुळ चैन कोळुल; आ समय याग कि प्रभु यीशु तान सामर्थी स्वर्गदूतगोळ सांगुळ, धक्कुसतेला बेक्की दा स्वर्ग टु प्रगट आदान, 8 अदकि जो परमेश्वर उक अरालुर अदकि नाम प्रभु यीशु उन खुशखबरी इक मानसालुर आंदुर से बदला ताकोंडान. 9 आंदुर प्रभु उन मुंदु टु अदकि आऊन ताकत इन तेज देल दुर आगकु अनन्त वनिश इन दण्ड ताकोंडार. 10 ईद आ दशी आदीत, याग आव तान पवतिर लाँकुर दा महिमा ताकोमोर अदकि सब वशिवास माळावाळेर दा आश्चर्य अन कारण आगोर साटी बंदान; ईदुर दा नीव भी सहभागी आईर यतकी नीव नाम गवाही मा वशिवास माळदीर. 11 इदुरसाटी नाव हमेशा नीम साटी प्रार्थना भी माळतेव कि नाम परमेश्वर नीमी आ जीवन इन योग्य समसुल, अदकि भलाई इन हर ऊंद इच्छा अदकि वशिवास इन हर ऊंद क्यालसा अक सामर्थ्य सहति पुरा माळुल, 12 ताकी नाम परमेश्वर अदकि प्रभु यीशु मसीह इन अनुग्रह अन अनुसार नाम प्रभु यीशु उन हेसुर इक महिमा सकुल, अदकि नीमी भी.

## 2

### दुष्ट मंळसा

1 हे वार्दुरा अदकि आकतीगेरा, ईग नाव तान प्रभु यीशु मसीह अन बरोद, अदकि आऊन हात्ती तान जमा आगोद बारा दा नीम से वनिती माळतेव. 2 कि परमेश्वर उन दी टु बरावाळा बातणी, या वचन, या चट्टी इन द्वारा, जो कि नाम चट्टी इन द्वारा नीमी ईतीदाद, ईद समसकु कि प्रभु उन दनि होट बंदाद, नीम मन अचानक असंची आगवाळुल अदकि नीव दुखी आगवाळी. 3 यातारा रीतदेल यारदारा ध्वाका दा बरवाळेतीर, यतकी प्रभु उन दनि आगासताका बरतीदेल यागासताका परमेश्वर उन खलिप आखरी वदिरोह सूर आगतीदेल, अदकि आव पाप इन मंळसा मतलब दुष्ट मंळसा प्रगट आगतीदेल जो नरक दा नष्ट माळकु आदान. 4 आव दुष्ट मंळसा वरिध माळतान, अदकि हर ऊंद से जो ईश्वर उन या पुजा अन वस्तुगोळद वरिध माळतान, तान तान इक अदुर से धोळद ठहूसतान, ईल ताका कि आव परमेश्वर उन मंदिर दा कुरतकु तान तान इक ईश्वर कहलुस्तान. 5 येन नीमी याद हैलेच कि याग ना नीम सांगुळ ईरीन, रा नीम से ईव मातगोळ अनतोगनि? 6 नीव आ मात इक जानसतीर, जो आऊक ईग प्रगट आगली रोकसेत्याद. अदकि आव दुष्ट मंळसा सही समय मा बंदान. 7 यतकी होचद दुष्ट शक्तगोळ ईग भी क्यालसा माळत होगताव, लेकीन ईगल्या ऊंद रोकसावाळा आन, अदकि यागासताका अद दुर आगेगाल आव रोकसकु ईततान. 8 आग आव दुष्ट मंळसा प्रगट आदान, लेकीन याग प्रभु यीशु मसीह बंदान अदकि आ दुष्ट मंळसा अक तान बाय इन फुक देल कोंद

बुट्टान, अदकि तान आगमन इन तेज देल भसम माळ्यान. <sup>9</sup> \*आ दुष्ट मंळसा अन बरोद शैतान उन सामर्थ्य देल आदीत सब प्रकार इन ख्वाटा सामर्थ्य, अदकि चमत्कार, अदकि अदभुत क्यालसागोळ सांगुळ आदीत, <sup>10</sup> अदकि नाश आगावाळेर साटी सप्पा प्रकार इन दुष्टता देल फसुस्यान. यतकी आ लॉकुरद नाश आदीत यार आ सत्य से प्यार ईटीदलि. <sup>11</sup> ईदा कारण परमेश्वर आंदुरदा ऊंद जो भटकसतद आ सामर्थ्य अक कळ्यान की आंदुर ख्वाटा अन वशिवास माळुल, <sup>12</sup> ताकी यास लॉकुर सत्य अन वशिवास माळालुर, उलटा अन्याय देल प्रसनन आगतार, आंदरी सप्पा मुंदुरी दण्ड सकिल.

मजबूत बनसकु ईरी

<sup>13</sup> हे वारटुरा अदकि आकतींगेरा, अदकि प्रभु उन प्रयि लॉकुरा, आगली होना की नाव नीम बारा दा हमेशा परमेश्वर उन धन्यवाद माळतेला ईत्तेव, यतकी परमेश्वर पयले टु नीमी नीवळुस्यान की पवतिर आत्मा अन सामर्थ्य अन्द द्वारा पवतिर आगकु, अदकि सत्य अन वशिवास माळकु उद्धार ताकोमी, <sup>14</sup> यदुर साटी नाव जो खुशखबरी नीमी केळसदेव, की नीव नाम प्रभु यीशु मसीह अन महिमा दा सहभागी आगी. <sup>15</sup> इदुरसाटी हे वारटुरा अदकि आकतींगेरा, संची ईरी; अदकि जो जो मातगोळ नीव उपदेश या चट्ठी इन द्वारा नीमी कोटेव, अवरी हुळकु ईटी.

<sup>16</sup> नाम प्रभु यीशु मसीह खुद अच, अदकि नाम आप्प परमेश्वर, याव नाम से प्यार ईटदुन अदकि अनुग्रह देल प्रोत्साहन शांती अदकि वळ्लीद आशा नामी कोटान, <sup>17</sup> नीम मनगोळ दा प्रोत्साहन कोळुल अदकि नीमी हर ऊंद वळ्लीद क्याल्सा अदकि वचन दा मजबूत माळुल.

### 3

नाम साटी प्रार्थना

<sup>1</sup> अन्त दा, हे वारटुरा अदकि आकतींगेरा, नाम साटी प्रार्थना माळतोगी की प्रभु उन वचन हगि राटनेरी फैलुसुल अदकि महिमा आगुल, हयांग नीम दा आत, <sup>2</sup> अदकि नाव तेळा अदकि दुष्ट मंळसागोळ देल उळ्दकु ईरूल यतकी हर मंळसा वचन मा वशिवास माळालुन.

<sup>3</sup> प्रभु वशिवासयोग्य आन; आव नीमी मजबूती देल संची माळ्यान अदकि आ शैतान उन से सुरक्षति ईट्यान. <sup>4</sup> नामी प्रभु नीम बारा दा भरोसा कोळतान की जो-जो आग्या नाव नीमी कोळतेव, अवरी नीव मान्सतरि, अदकि मान्सतेला भी ईत्तीर. <sup>5</sup> परमेश्वर उन प्यार अदकि मसीह दा हम्मिमत ईला बळिोद अदकि प्रभु नीम मन इन अगुवाई माळुल.

कार्य माळोद उत्तरदायतिव

<sup>6</sup> हे वारटुरा अदकि आकतींगेरा, नाव नीमी तान प्रभु यीशु मसीह अन हेसुर देल आग्या कोळतेव की नीव हर ऊंद ईत्ता वशिवासी से ब्यारर ईरी जो अनुचति चाल नळुतान अदकि जो शकिषा आव नाम से ताकोडान अदुर अनुसार माळालुन. <sup>7</sup> यतकी नीव खुद अच जान्सतीर की याता रीत देल नाम

घाई चाल नळु पायजे, यतकी नाव नीम न्याड्या दा ईरेव आग आलसी ईला ईरेव, 8 अदकि यारदु रोट्टी फुकट दा तंददील; लेकीन मयनत अदकि कष्ट देल ईळ्लक हागुल क्याल्सा धंदा माळतोगेव की नीम दा टु यारदु मा भार बरबाळुल. 9 हगि ईला की नामी नीम से मदत बेळोद अधकार हैलेच, लेकीन इदुरसाटी की तान तान इक नीम साटी आदर्श ठहरूसदेव की नीव नाम घाई चाल नळी. 10 यतकी याग नाव नीम मान्या ईरेव, आग भी ईद आग्या नीमी कोळ तोगेव की “अगर यावारा क्याल्सा ईला माळोद चाहसतदिन रा ऊम भी बाळुल. 11 नाव केळतेव की थ्वाळासा लॉकुर नीम न्याड्या दा आलसी आर अदकि येनु क्याल्सा धंदा माळालुर, लेकीन दुसरा अन क्याल्सा दा कय हाकतोगतार. 12 ईत्ता मंळसागोळी नाव प्रभु यीशु मसीह दा आग्या कोळतेव अदकि समझुसतेव की वळ्लीद रीत देल क्याल्सा माळकु तांद अच रोट्टी तनिल.

13 “नीव, हे वारदुरा अदकि आकतीगेरा, भलाई माळदुर दा हम्मित बळिबाळी. 14 अगर यावारा नाम ई चट्टी इन मात इक मान्सालुन रा आऊन मा नजर ईटी, अदकि आऊन संगत माळबाळी, यदुर देल आव लज्जति आगुल. 15 तरी भी आऊक दुश्मन सम्सबाळी, लेकीन सप्पा मुंदुरी वशिवासी जान्सकु समझुसी.”

### आखरी शब्द

16 ईग प्रभु जो शांती नव सोता हुन खुद अच नीमी हमेशा अदकि हर प्रकार देल शांती कोळुल. प्रभु नीम सप्पा मुंदुर सांगुळ हमेशा ईरूल.

17 ना, पौलुस, तान कय देल नमस्कार लखिसतीन. हर चट्टी इक ना हगि खतम माळतीन; ना ईदा प्रकार देल लखिसतीन अदकि हर ऊंद चट्टी दा ना हगिा हस्ताक्षर माळतीन. 18 नाम प्रभु यीशु मसीह अनंद अनुग्रह नीम सब मा आगतला ईरूल.

## तीमुथयिस के नाम पौलुस प्रेरति की पहली पत्री तीमुथयिस उन हेसुर पौलुस प्रेरति उन पयला चट्ठी परचिय

पयला तीमुथयिस उन कतिब प्रेरति पौलुस तान चेला तीमुथयिस उक लखिसद ऊंद चट्ठी हुन. तीमुथयिस उन कतिब शायद मसीह अन जनम इन बाददा ६२ से ६४ साल इन बाददा लखिसकु आगीत. ईद पौलुस उन जीवन इन अन्त इन हात्ती आत. पौलुस उन तीमुथयिस उन सांगुळ ऊंद करीबी रशिता ईरोद अदकि आव आऊक हापाळ घन पार उन रूप दा संदर्भति माळदुन फलिपिपगोळ २:२२१ तीमुथयिस १:२; १:१८

ईद पौलुस उन नाक चट्ठी गोळ दा टु ऊंद चट्ठी हुन यदरी मंडली इन बजाय यातारा मंडसा अक संबोधति माळकु आगतद. दुसरा मुर चट्ठी दुसरा तीमुथयिस, तीतुस, अदकि फलिपिपी. पयला तीमुथयिस दा मंडली इन आराधना २:१-१५ मंडली नोर अधकारीगोळ साटी लायकत ३:१-१३ अदकि ख्वाटा गुरुगोळ खलिाप चेतावनीगोळ १:३-११; ४:१-५; ६:२-५ ईद तोरसतद कि पौलुस तीमुथयिस उक मंडली इन न्याइया उपदेशक बनसोद प्रशिक्षण कोळोन. पयला तीमुथयिस दा हापाळ सदिधांतगोळ आव जो नाम मंडली इन मंत्रालय इन प्रबंधन माळोर दा सहायता माळ सकतेव.

रूप-रेखा

१. पौलुस तीमुथयिस उन अभिवादन से सूरवात माळतान. १:१-२
२. आग आव तीमुथयिस उक ख्वाटा गुरुगोळ खलिाप चेतावनी कोळतान. १:३-११
३. पौलुस यीशु मसीह अन साटी याट आभारी आन, ईद हेळतान. १:१२-१९
४. ईदुर बाददा आव तीमुथयिस उक आराधना अदकि मंडली इन अगुवा अन बारा दा नरिदेश कोळतान. २-३
५. पौलुस तीमुथयिस उक थ्वाळासा आखरी नरिदेश कोटकु तान चट्ठी पुरा माळतान. ४-६

1 नामव उद्धारकर्ता परमेश्वर अदकि नाम्द आशा अन आधार मसीह यीशु उन आग्या देल मसीह यीशु उन प्रेरति पौलुस उन दी टु,

2 तीमुथयिस उन हेसुर जो वशिवास दा नानव खरा पार आन.

आपू परमेश्वर, अदकि नामव प्रभु यीशु मसीह अन दी टु नीनी अनुग्रह, अदकि दया अदकि शांती सकितेला ईरूल.

ख्वाटा गुरुगोळ वरिद्ध चेतावनी

3 ह्यांग ना मकदिनया अक होगतेला नीनी समझुसीदीन, कि इफसिस दा ईतकु थ्वाळासा लांकुरी आग्या कोळुल कि ख्वाटा सदिधांतगोळ शिक्षा

कोळबाळुल, <sup>4</sup> आंदरी अन पुरातन काल्पनकि कात्तागोळ अदकि अनन्त वंशावलीगोळ मा मन हचबाळी, यदुर देल वविाद आगताव, इव परमेश्वर उन कार्य ईला, जो वशिवास इन द्वारा आव आन. <sup>5</sup> आग्या अन उद्देश ईद आद कि शुद्ध मन अदकि वळ्लीद वविक, प्यार अदकि कपट रहति वशिवास इन द्वारा बरतद. <sup>6</sup> इवरी बटिकु थ्वाळासा लॉकुर बेकार मातगोळ दी भटकुसेग्यार. <sup>7</sup> अदकि आंदुर व्यवस्था अन गुरु रा आगोद चाहसतार, लेकीन जो मातगोळ अनतार अदकि यवरी मजबूती देल माताळतार, आंदरी सम्सालेव भी.

<sup>8</sup> लेकीन नाव जान्सतेव कि अगर यावारा व्यवस्था अक उचति रीति देल क्यालसा दा तंदान रा अद भला आद. <sup>9</sup> नाव ईद भी जान्सतेव कि व्यवस्था लॉकुर साटी ईला लेकीन व्यवस्था अक ईला मानसावाळेर, वदिरोह, परमेश्वर उन अनादर माळावाळेर, पापीगोळ, अपवतिर अदकि न्यायी मंळसागोळ, मोय आप्प उन घात माळावाळेर, हत्या माळावाळेर, <sup>10</sup> व्यभचारीगोळ, गंळ्स गामगोळ, गुलाम उक मारावाळेर, ख्वाटा माताळावाळेर, अदकि ख्वाटा गवाही तीनावाळेर, अदकि इंदुरद अतरिकित खरा सदिधांतगोळ शकिषा अन वरीधीगोळ साटी ठहूसकु आग्याद. <sup>11</sup> ईद खुशखबरी महमिमय परमेश्वर यार हातती सप्पा आशीषगोळ आव अदकि आऊन द्वारा नानी सौप्सकु आग्याद.

### पौलुस मा प्रभु उन अनुग्रह

<sup>12</sup> ना तान प्रभु यीशु मसीह अनूद याव नानी सामर्थ्य कोटान, धन्यवाद माळतीन कि आव नानी वशिवासलायक सम्सकु तान स्यावा अनूद साटी ठहूसदुन. <sup>13</sup> \*ना रा पयले अपमान माळावाळा, अदकि सतुसावाळा, अदकि हिसा माळावाळा ईरीन; तरी भी नान मा दया आत, यतकि ना अवशिवास इन दशा दा बनिा सोच समझुसकु ई क्यालसागोळ माळीदीन. <sup>14</sup> अदकि नाम प्रभु उन अनुग्रह आ वशिवास अदकि प्यार इन सांगुळ जो मसीह यीशु दा आद, हापाळ इदुर देल आत. <sup>15</sup> ईद मात खरा अदकि हर प्रकार देल मानसोद लायक आद कि मसीह यीशु पापीगोळ उद्धार माळेर साटी दुनिया दा बंदुन, यारदा सब से बेकार पापी ना आईन. <sup>16</sup> लेकीन नान मा इदुरसाटी दया आत कि ना सब से बेकार पापी नान दा यीशु मसीह तान पुरा सहनशीलता तोरसुल, कि जो लॉकुर आऊन मा अनन्त जीवन साटी वशिवास माळ्यार आंदुर साटी ना ऊंद आदर्श बनसाईन. <sup>17</sup> ईग अनन्त राजा मतलब अवनिाशी, अदृश्य, ऊंद मात्र परमेश्वर उन आदर अदकि महमा हमेशा हमेशा आगतेला ईरूल. आमीन.

<sup>18</sup> हे नान पारा तीमुथयिस, आ भवषियवाणीगोळ अनुसार जो पयले नीन बारा दा माळकु आगीदव, ना ईद आग्या कोळतीन किनी अऊरद अनुसार वळ्लीद लळाई माळतेला ईर, <sup>19</sup> अदकि वशिवास अदकि आ वळ्लीद वविक इक हुडुकु ईट, यदुरद इनकार माळदुर कारण यास मुंदुरद वशिवास रूपी जहाज मुळकेत. <sup>20</sup> आंदुर दा टु उच हुमनियुस अदकि सकिन्दर हुन, यारी ना शैतान उक कोट्ट बुटीन कि आंदुर परमेश्वर उन अपमान माळोद कलु बाळुल.

## 2

## आराधना अन नरिदेश

1 ईग ना सब से पयले ईद आग्रह माळतीन की वनिती, प्रार्थना, नविदन, अदकि धन्यवाद सप्पा मळसागोळ साटी माळकु आगुल. 2 राजागोळ अदकि सप्पा धोळ अधकारीगोळ्द नमित्तित इदुरसाटी की नाव शांती अदकि चैन इन सांगुळ परमेश्वर उक आदर कोळतेला अदकि पवतिरता देल जीवन वीतुसेव 3 ईद नाम उद्धारकर्ता परमेश्वर उक वळलीसा हततद अदकि प्रसन्न भी माळतद, 4 जो ईद चाहासतान की सप्पा मळसागोळ ऊळसकु आगुल, अदकि आंदुर सच्चाई इन ग्यान इक जान्स कोमुल. 5 यतकी परमेश्वर ऊंद अच आन, अदकि परमेश्वर अदकि मळसागोळ न्याडया दा भी ऊंद अच मध्यस्थ भी आन, मतलब मसीह यीशु जो मळसा हुन. 6 यीशु नाम सप्पा मुंदरी छुटकारा कोळोर साटी तान बलदान कोटकु आजादी कोडुन, अदकि आऊन गवाही सही समय मा कोटकु आत. 7 \*ना सही अनतीन, ख्वाटा माताळालीन, की ना ईदा उद्देश देल प्रचारक अदकि प्रेरति अदकि गैरयहूदीगोळ साटी खरा वश्वास इन उपदेशक ठहूसकु आदीन.

8 इदुरसाटी मंडली दा आराधना हाळाहोती ना चाहसतीन की हर जागा मळसा, बनिा सटिट अदकि वविाद इन पवतिर कयगोळी नेगुकु प्रार्थना माळतोगुल. 9 \*हांग अच आर्तेर भी नम्रता अदकि खुदः नयित्रण इन सांगुळ साधासुधा कपळागोळ देल तान तान इक सवारसुल; ना की चुट्टी सवारसकु अदकि ना व्हान्ना अदकि मोती अदकि कमिती कपळा देल, 10 लेकीन भला क्याल्सा देल, यतकी परमेश्वर उन भक्ति माळावळतेर आर्तेरी भी ईदा वळलीद आद. 11 आर्त इक शांतता देल अदकि पुरा हात्ती ता देल कलु पायजे. 12 ना आर्तेरी ईजाजत कोळालीन की आर्त ना शक्ति कोळुल अदकि ना मळसा मा अधिकार जतुसुल, लेकीन सुंगा मुंगा ईरूल. 13 यतकी आदम पयले, आऊन बाददा हवा माळकु आदुर; 14 अदकि आदम ईला जो बहकुसकु आगीदुन, लेकीन आ आर्त हुळ जो बहकुसकु आगदुरि अदकि पापी ठहूसदुर. 15 \* तरी भी आर्त इक चकीर पैदा माळोर द्वारा उद्धार सकिकीत, अगर आक संयम सांगुळ वश्वास, प्यार, अदकि पवतिरता दा संची ईरूल.

## 3

## मंडली नोर अध्यक्ष

1 ईद मात सही आद अगर यावारा तान मन दा सोचतान की स्याण्णा आगोद चाहासतान, आव भला क्याल्सा अन इच्छा माळतान. 2 \* ईद जरूरी आद की स्याण्णा नरिदोष, अदकि ऊंदा हगिस उन गंळ्स, शालीन, आत्मसंयमी, आदरणीय, अतथी-सत्कार माळावाळा, अदकि कलसोर दा नपिणु ईरूल. 3 कुडावाळा या बडाबडी माळावाळा ईला ईरूल; बल्की मुलायम ईरूल, अदकि ना झगळेले, अदकि ना धन इन लालची ईरूल. 4 तान मान्ना अन

\* 2:7 २:७ २ तीमुथयिस १:११ \* 2:9 २:९ १ पतरस ३:३  
उद्धार ताकोडारः या चकीरी हाळाहोती सुरक्षति ईटकु आदार.  
३:२ सरिफ ऊंदा हगिस ईरूल; या ऊंदा धन मदा आगुल.

\* 2:15 २:१५ चकीरी पैदा माळकु  
\* 3:2 ३:२ तीतुस १:६-९ \* 3:2



वळ्लीद व्यवस्था माळुल, अदकि तान चकिोर चळिगेर अनुशासन दा ईटकू आंदुर से आदर ताकोमावाळा ईरूल. 5 अगर यावारा तान मान्ना अन्द अच व्यवस्था माळोद ईला जानसतीदान, रा परमेश्वर उन मंडली इन रखवाली ह्यांग माळ्यान? 6 बाक ईद की आव वशिवास दा परीपक्व ईरूल, ईदारा हगि आगवाळुल की अभिमान माळकू शैतान उन घाई दण्ड पाऊसुल. 7 अदकि मंडली इन व्हाऱ्या दा भी आऊन हेसुर आगुल, हगि आगवाळुल की अपमानीत आगकू शैतान उन फासा दा फसुसेगुल.

मंडली नोर सेवक

8 हांग अच मंडली अन्द सेवकगोळी भी गंभीर आग पायजे, येढ्ढ रंगवाळे, कुडावाळे अदकि नीच कमाई इन लोभ माळावाळे ईला ईरूल; 9 लेकीन वशिवास इन भेद इन शुद्ध वविक इक गहराई देल हुडुकु ईटुल. 10 अदकि आंदुर पयले परख आगुल, आग अगर नरिदोष होट्टुर रा बाक मंडली इन सेवक उन कयाल्सा माळुल. 11 ईदा प्रकार देल आंदुर हगिसुर भी आदर ताकोमा लायक आर्तेर ईरूल; अदकि अपमान इन मातगोळी माळावळतेर ईला ईरूल, लेकीन शालीन अदकि सप्पा मातगोळ दा वशिवास इन लायक ईरूल. 12 मंडली इन सेवक ऊंदा हगिसु उन गळ्स ईरूल अदकि चकिोर चणिंग अदकि तान मान्ना अन्द वळ्लीद व्यवस्था माळोद जानसुल. 13 यतकी जो मंडली इन सेवक वळ्लीद कयाल्सा माळतार, आंदुर तान साटी वळ्लीद पद अदकि मसीह यीशु दा जो आंदुरद वशिवास आद, अदुरदा महान साहस हासलि माळतार.

महान राज

14 ना नीन हात्ती राटनेरी बरोद आशा ईटदुर मा भी ई चटिठी नीनी इदुरसाटी लखिसतीन, 15 की अगर नान बंदुर दा समय आगुल, रा नी जान्स कोम की परमेश्वर उन घराना दा जो जतिता परमेश्वर उन मंडली आद अदकि जो सचचाई इन खंबा अदकि पायवा आद, लॉकुर आपस दा ह्यांग बर्ताव माळ पायजे. 16 ईदुर दा संदेह हैलेच की भक्ती इन भेद गंभीर आद, मतलब अद जो मय दा प्रगट आत,

आत्मा दा न्यायी ठहरूस्त,

स्वर्गदूतगोळ इक काळसदुन,

गैरयहूदीगोळ दा आऊन प्रचार आत,

दुनिया दा आऊन मा वशिवास माळकू आत,

अदकि महिमा दा म्याकुच नेगुकु आदुन.

## 4

तीमुथयिस उक नरिदेश

1 पवतिर आत्मा स्पष्टता देल अनतद की बरावाळा समयगोळ दा हापाळ सप्पा लॉकुर तान वशिवास इक त्यागस बुट्टार अदकि भटकुसावाळा आत्मागोळ अदकि शैतान उन द्वारा कल्सद मातगोळ हींद आगेदार. 2 ईद आ ख्वाटा पाखंडी मळसागोळ्द कारण आदीन, यार्द वविक मान्सी होततेला लोवा देल दाग्सकु आग्याद, 3 जो मदा माळोर से रोकस्यार, अदकि ऊमोद

येनारा वस्तुगोळ देल अलग ईरोद आग्या कोट्टार, यवरी परमेश्वर इदुरसाटी घळुस्यान की वशिवासी अदकि सच्चाई इक अरावाळेर अवरी धन्यवाद इन सांगुळ तनिल. 4 यतकी परमेश्वर उन माळ्द हर ऊंद वस्तु वळ्लीद आद, अदकि यातोदु वस्तु अस्वीकार माळोद लायक हैलेच; लेकीन ईद की धन्यवाद इन सांगुळ तनिकु आगुल, 5 यतकी परमेश्वर उन वचन अदकि प्रार्थना अन दवारा शुद्ध आगोगतद.

यीशु मसीह ऊंद वळ्लेव सेवक

6 अगर नी वारट्टर इक ई मातगोळ्द याद कोळतेला ईत्या, अदकि वशिवास इन सच्चाई अदकि आ वळ्लीद शिक्षा अन मातगोळ से, जो नी मानसतेला बंदया; रा मसीह यीशु उन वळ्लेव सेवक ठहूरुसया. 7 परमेश्वर रहति कात्ता-कात्तागोळ देल जो सरिफ हाळामुंडगोळ दवारा केळ्सकु अशुध्द कात्तागोळ आव येनु संबंघ ईटबाळ, लेकीन भक्ती इन साधना माळ. 8 यतकी मय इन साधना देल फायदा गोरत आगतद, लेकीन भक्ती सप्पा मातगोळ साटी लाभदायक आद, यतकी ई समय इन जीवन अदकि बरावाळा जीवन इन भी वादा इदुरदा साटी आद. 9 हगि ऊंद वशिवास ईटा लायक कहावत आद, जो पुरा रीतदिल स्वीकार माळा लायक आद. 10 यतकी नाव मयनत अदकि कोशशि इदुरसाटी माळतेव की नाम आशा आ जित्ता परमेश्वर मा आद, जो सप्पा मंळसागोळ्द अदकि खास माळकु वशिवासीगोळव उद्धारकर्ता आन.

11 इव मातगोळ्द आग्या कोळ अदकि कल्सतेला ईर. 12 याऊ नीन जवानी इक तुच्छ सम्सबाळुल; लेकीन वचन, माताळदुर दा, चाल-चलन, अदकि प्यार, अदकि वशिवास, अदकि पवतिरता दा वशिवासीगोळ साटी आदर्श बनसेग. 13 यागासताका ना बरालीन, आगासताका लॉकुर न्याड्या प्रभु उन वचन वाचुसदुर दा अदकि उपदेश कोळदुर दा अदकि कल्सदुर दा तान इक मग्न ईट. 14 आ वरदान इन प्रती जो नीन दा आद, अदकि भवषियवाणी इन दवारा स्याणागोळ्द कय दा ईटा होती नीनी सीकीत, अदरी अनदेखा माळबाळ. 15 ई मातगोळ्द वचार माळ्त ईर अदकि ईऊर दा तान ध्यान हचकु ईट, ताकी नीन उन्नती सप्पा मुंदुर मा प्रगट आगुल. 16 तान जीवन इन दी अदकि तान शिक्षागोळ सावधानी ईट. ई मातगोळ मा संची ईर, यतकी अगर हगि माळतेला ईत्या रा नी तान अदकि तान केळावाळेर साटी भी उद्धार इन कारण आदया.

## 5

वशिवासीगोळ प्रती जमिंदारीगोळ

1 यातारा बाट्ट उक कठोरता देल दनकुस बाळेत, लेकीन आऊक आप्प सम्सकु समझुसबुळ, अदकि हारोदोर मंळसागोळी वारट्ट सम्सकु; 2 हाळामुंड आरतेर इक मोय सम्सकु; अदकि हारोदोर आरतेर इक आकतींग सम्सकु पुरा पवतिरता देल समझुसबुळ.

3 आ रांड्यागोळ्द ध्यान ईट, जो सही दा जरवतमंद आर. 4 अगर यातारा रांड्या अन चकिोर या नातु-नतरागोळ ईतीदार, रा आंदुर तान मोय-आप्प अदकि आज्ञा-आजी इन पालन पोषण इन बदला चुकुसली अदकि तान परवार

इन चिन्ता माळोर द्वारा तान न्यायी मातगोळी जीवन कार्य दा तरोद पयले कलु पायजे, यतकी ईद परमेश्वर उक पंसद आद. <sup>5</sup> जो रांड्या सही दा जरवतमंद आर, अदकि आकनि यारू हूलेच, अदकि आक तान पुरा आशा परमेश्वर मा ईट्यार, अदकि ईळलक हागुल वनिती अदकि प्रार्थना माळतेला परमेश्वर से मदत वेळतार; <sup>6</sup> लेकीन जो रांड्या भोग वलास दा जीऊसतार, आक जतिता हूलेच लेकीन जतिता दा का सोतोग्यार. <sup>7</sup> इव मातगोळ्द भी लॉकुरी नरिदेश कोळतोग ताकी आंदुर नरिदोष ईरूल. <sup>8</sup> लेकीन अगर यावारा तान रशितेदारगोळ दी, वशिष तान परवार इन सदस्यगोळ्द मदत माळालुन, रा आव वशिवास देल तरिगोग्यान अदकि अवशिवासी देल भी हापाळ बुरा बनसेग्यान.

<sup>9</sup> आ रांड्यागोळ्द वशिष सुची दा जो आर्थिक सहायता ताकोमेत्यार आका रांड्या अन हेसुर लखिसकु आगुल जो साठ वर्ष से कमीनोर ईला ईतीदार, अदकि तान गळस उन वशिवासलायक ईतीदार, <sup>10</sup> अदकि भला क्याल्सा दा सुनाम ईतीदार, याक चकिर्द पालन-पोषण माळीदार; पाऊनागोळ्द स्यावा माळीदार, पवतिर लॉकुरद काल तोळददार, दुखीगोळ्द सहायता माळीदार, अदकि हर ऊंद भला क्याल्सा दा मन हचीदार.

<sup>11</sup> लेकीन हारोदोर रांड्यागतिर ईद सुची सम्मलीत माळबाळी यतकी मसीह अन प्रती आंदुरद समरपन मा याग आंदुरद बारा दा वासना पुरा इच्छागोळ हावी आगताव रा आंदुर मात मदा माळोद चाहसतार, <sup>12</sup> अदकि दोषी ठहरूसतार, यतकी आंदुर तान पयला वचन इक मुर्द बुट्टुर. <sup>13</sup> ईदुर अलावा आंदुर बेकार आगतार अदकि मानोन-मान्नी वयाळकु आलसी आगोद कलुतार, अदकि सरिफ आलसी ईला लेकीन ईतत आतत माळतार अदकि बनिा मतलब इन अनुचति मातगोळ माताळतार. <sup>14</sup> इदुरसाटी ना ईद चाहासतीन की हारोदोर रांड्यागतिर मदा माळुल, अदकि चकिोर हाळुल अदकि मान्न मकान संभाळसुल, अदकि यातारा वरिध इक बदनाम माळोद मवका कोळबाळुल. <sup>15</sup> यतकी हापाळ रा बयकुस्कु शैतान उन हदि आगेग्यार. <sup>16</sup> अगर यातारा वशिवासीगीत इन मान्या रांड्यागोळ आर, रा आका आंदुरद सहायता माळुल की मंडली मा बोझ ईला आगुल, ताकी आंदुर आंदुरद सहायता माळ सकुल जो रांड्यागोळ खराखुरा जरवतमंद आर.

<sup>17</sup> जो हाळाबाट्टुर मंडली इन वळ्दीद स्यावा माळतार, खास माळकु आंदुर जो वचन केळसोर अदकि कलसदुर दा मयनत माळतार, आंदुर येढ्ढ गुणा आदर इन लायक सम्सकु आगुल. <sup>18</sup> यतकी शास्त्र अनतद, “जो वस्ता दावन इन आद अदुर बाय कट बाळतीर,” यतकी “मजदूर तान मजदूरी इन हकदार आन.” <sup>19</sup> यातारा दोष यातारा मंडली इन हाळाबाट्टुर मा हचकु आगुल रा येढ्ढ या मुर गवाहगोळ्द बनिा अदरी केळबाळ. <sup>20</sup> पाप माळावाळर इक सप्पा मुंदुर मुंद दनकुस, ताकी दुसरा लॉकुर भी अंजुल.

<sup>21</sup> परमेश्वर, अदकि मसीह यीशु अदकि नविळुसद स्वरगदूतगोळ इक उपस्थति जान्सकु ना नीनी चेतावनी कोळतीन की ई नरिदेशगोळी बनिा मतभेद इन अदकि यावारा ऊंद इन पक्षपात ताकोमकु यातोदु क्याल्सा माळबाळ.

22 मंडली इन स्यावा अनन्द नयिकृती इन साटी बनिा सोच सम्सकु यारदारा मा तान कय राटनेरी ईट बाळेत, अदकि दुसरा अन पापगोळ दा भागी आगबाळेत; तान-तान इक पवतिर माळकु ईटेत.

23 सरिफ नीर इक अच कुडावाळा ईरबाळ, लेकीन तान व्हाट्टा अन्द घळी-घळी बमिर आगोद कारण थ्वाळा-थ्वाळा अंगुर इन रास्सा भी क्याल्सा दा तरतोग.

24 थ्वाळासा मंळसागोळव पाप स्पष्ट रूप देल प्रगट आगोगताव, अदकि न्याय इन साटी प्रस्तुत माळकु आगोगताव, लेकीन दुसरा मंळसागोळव पाप बाददा प्रगट आगताव. 25 ईदा प्रकार भला क्याल्सा भी स्पष्ट रूप देल प्रगट आगोगताव; लेकीन जो भला क्याल्सा प्रगट आगालव अव भी होचकु ईर सकालव.

## 6

1 यास दासगोळ जुआळी इन ल्यालमा आर, आंदुर तान-तान स्वामी इक धोळद आदर इन लायक जानसुल, ताकी परमेश्वर उन हेसुर अदकि शिक्षा अन्दे अपमान आगबाळुल.

ख्वाटा शिक्षा अदकि धन इन लोभ

2 यार स्वामी वशिवासी आर आंदरी आंदुर कम आदर कोळबाळुल यतकी आंदुर वार्दुर उर, बल्की आंदुरद मातत यक्कुल स्यावा माळी, यतकी यारी स्यावा अन लाभ सीकतद आंदुर वशिवासी अदकि आंदुर प्रयि आर. ई मातगोळ शिक्षा कोळी अदकि हांग अच माळोर साटी प्रोत्साहित माळतेला ईरी. 3 अगर यावारा दुसरा अच प्रकार इन शिक्षा कोळतान अदकि सही मातगोळी, मतलब नाम प्रभु यीशु मसीह अन्द नरिदेशगोळ इक अदकि आ शिक्षा इक मानसालुन, जो देवी शिक्षा अन अनुसार आद, 4 रा आव अभिमानी आगोदुन, अदकि येनु जानसालुन; बल्की आऊक ववाद अदकि शब्दगोळ मा तर्क हचोद बमिरी आद, यदुर देल ह्यावा, अदकि झगळा, अदकि अपमान नव मातगोळ, अदकि बेकार-बेकार संक्या, 5 अदकि आ मंळसागोळ दा फालतु लळाई-झगळा पैदा आगताव यारद दमिाक भ्रष्ट आगोग्याद, अदकि आंदुर सच्चार्ई इन हादी देल अलग आगोग्यार, जो सम्सतार कर् भक्ति कमाई ईद जरया हुन.

6 लेकीन सन्तोष इन सांगुळ भक्ति माळोद धोळद कमाई आद. 7 यतकी नाव रा ना दुनिया दा येनारा हुडुकु बंदेव अदकि ना येनारा वय सकतेव. 8 अगर नाम हातती तनिली अदकि हाकली आद, रा ईऊरदा का सन्तोष ईर पायजे. 9 लेकीन जो धनी आगोद चाहासतार, आंदुर ईत्ता परीक्षा अदकि फासा अदकि हापाळ सा मूर्खतापुरण अदकि हानकारक लालसागोळ दा फसुसतार, जो मंळसागोळी बगिळुस बुळतद अदकि वनिाश इन खाई दा ढकलुस बुळतद. 10 यतकी पैस्या अन्द लोभ हर प्रकार इन बुराईगोळद जळ हुन, यदरी हासलि माळोद कोशशि माळतेला हापाळ मुंदुर वशिवास देल भटकुसकु तान-तान इक कई प्रकार इन दुखगोळ देल छल्ली माळ कोडार.

तीमुथयिस उन व्यक्तगित नरिदेश

11 लेकीन हे परमेश्वर उन वशिवासी जन, नी ई मातगोळ हात्ती टु ओळ, अदकि न्याय, भक्ती, विश्वास, प्यार, धीरज अदकि नम्रता अनूद हदि हत. 12 विश्वास इन वळ्लीद कुस्ती आळ; अदकि तान साटी आ अनन्त जीवन इक हासलि माळकोम, यदुर साटी नी कारूकु आग्या अदकि हापाळ सा गवाहगोळ मुंद वळ्लीद अंगीकार माळीद. 13 \*ना नीनी ईद आग्या परमेश्वर उन मुंद जो सप्पा मुंदुरी जीवन कोळतान, अदकि मसीह यीशु उक गवाह माळकु याव पुन्तयिस पलातुस उन मुंद वळ्लीद गवाही कोट्टुन. कोळतीन, 14 की नी नाम प्रभु यीशु मसीह अनूद प्रगट आगासताका ई आग्या अक नषिकलंक अदकि नरिदोष ईट, 15 परमेश्वर जो परमधन्य अदकि ऊंद मात्र शासक अदकि राजागोळ राजा अदकि प्रभुगोळ प्रभु हुन, आऊन द्वारा यारी आव ठीक समय मा प्रगट माळ्यान. 16 अदकि अमरता सरिफ आऊंदा हुन, अदकि आव ज्योती दा ईरतान, येल ताका याऊ पोहचुस सकालुन, अदकि ना आऊक यावारा मळसा नोळ्यान अदकि ना नोळ सकतान. आऊन प्रतषिठा अदकि सामर्थ्य हमेशा हमेशा ईत्तीत. आमीन.

17 ई दुनिया अन धनवानगोळी आग्या कोळ की आंदुर अभिमानी आगवाळुल अदकि चंचल धन मा आशा ईट बाळुल, लेकीन परमेश्वर मा जो नाम सुख इन साटी सप्पा येनारा बहुतायत देल कोळतान. 18 आंदरी आग्या कोळ की आंदुर भलाई माळुल, अदकि भला क्याल्सागोळ दा धनी आगुल. अदकि उदारता देल सहायता कोळदुर दा तयार ईरूल, 19 अदकि मुंदळोद साटी ऊंद वळ्लीद पायवा हाक्कु ईटुल की खरा जीवन इक वश दा माळ कोमुल.

20 हे तीमथयिस, ई धरोवर इन रखवाली माळ; अदकि यदरी येनारा लॉकुर गलती देल ग्यान अनतार, अदुरद बेकार मातगोळ अदकि वरिध इन मातगोळ देल अलग ईर. 21 यास मुंदुर ई ग्यान इक मान्सकु विश्वास देल भटकुसेग्यार. नीम मा अनुग्रह आगूत ईरूल.

## तीमुथयिस के नाम पौलुस प्रेरति की दूसरी पत्री तीमुथयिस उन हेसुर पौलुस प्रेरति उन दुसरा चट्ठी परचिय

दुसरा तीमुथयिस उन कतिाब प्रेरति पौलुस उन दुसरा चेला तीमुथयिस उन साटी दुसरा चट्ठी हुन. दुसरा तीमुथयिस पौलुस उन जीवन इन आखरी दा लखिसकु आगीत. ई समय रोम दा आऊक कैद माळकु आगीत १:१६ पौलुस तीमुथयिस उन सांगुळ घनषिठ संबंध ईटदुन अदकि आऊक पार उन रूप दा संदर्भति माळदुन. फलिपिपगिोळ २:२२,१ तीमुथयिस १:२; १:१८

ईद पौलुस उन नाक चट्ठी दा टु ऊंद हुन याऊक मंडली इन बजाय यातारा मळसा अक संबोधति माळकु आगतद. अन्य हगि मुर चट्ठी गोळ आव हयांग का पयला तीमुथयिस, तीतुस अदकि फलिपिपी. आ समय इन दौरान येद्व तीमुथयिस लखिसकु आगीदव, रोमन साम्राज्य देल मसीहगोळी सतुस्कु आगोद. शायद ईदा कारण ईरोद का पौलुस जयल दा ईरोन अदकि तीमुथयिस उक कठनाई इंद सामना माळोद नरिदेश कोळोन. पयला तीमुथयिस दा, पौलुस तीमुथयिस उक ख्वाटा गुरुगोळ बारा दा हापाळ चेतावनीगोळ कोट्टुन १ तीमुथयिस १:१६-१८ आव तीमुथयिस उक भी हेळतान का मुंद कठनि समय ईत्तव ३:१

रूप-रेखा

१. पौलुस तीमुथयिस उक बधाई कोळतान अदकि बाक आऊक प्रोत्साहति माळतान १:१-१८
२. आग आव तीमुथयिस उक मुंद वाळुसोर साटी चुनौती कोळतान २:१-१३
३. ईदुर बाददा आव आंदरी थ्वाळासा साधारण नरिदेश कोळतान २:१४-२६
४. बाक आव भवषिय अन घटनागोळ अदकि जवाब कोळोद सही तरीका अन बारा दा चेतावनी कोळतान ३:१; ४:८
५. पौलुस तीमुथयिस उन साटी येनारा व्यक्तगित टपिपणगिोळ सांगुळ चट्ठी खतम माळतान ४:९-२२

1 पौलुस इन दी टु जो परमेश्वर उन इच्छा देल मसीह यीशु उन प्रेरति आन, अदकि यारी यीशु मसीह दा ऊंद आगोर साटी वादा अन प्रचार माळोर साटी कळयान,

2 \*प्रयि पार तीमुथयिस उन हेसुर:

परमेश्वर आप्प अदकि नामव प्रभु मसीह यीशु उन दी टु नीनी अनुग्रह अदकि दया अदकि शांती सकितेला ईरूल.

धन्यवाद अदकि प्रोत्साहन

3 याता परमेश्वर उन स्यावा ना तान आप्प दादागोळ रीति मा शुद्ध वविक देल माळतीन, आऊन धन्यवाद आगुल अदकि ईळ्लक हागुल याग

ना प्रार्थनागोळ दा नीमी हमेशा याद माळतीन, अदकि आऊक धन्यवाद माळतीन. 4 अदकि नीन कण्ण दाकळव नीर इन याद माळ माळकु दलि देल नीनी भेट माळोद लालच ईटतीन क्कि खुशी देल तुमेगाईन. 5 \*ना नींद आ खरा वशिवास इक याद माळतीन, जो पयले नीन आजी लोईस अदकि नीन मोय यूनीके दा ईरोद, अदकि नानी पुरा यकीन आद क्कि अदा वशिवास नीन दा भी आद. 6 ईदा कारण ना नीनी याद कोळतीन क्कि नी आ वरदान इक जत्तिता ईट जो नीन म्याकुच नांद कय ईटदुर द्वारा परमेश्वर नीनी कोटान. 7 यतकी परमेश्वर नामी अंज्क इन ईला लेकीन सामर्थ्य अदकि प्यार अदकि संयम इन आत्मा कोटान.

8 इदुरसाटी नामव प्रभु उन गवाही देल, अदकि नान देल जो मसीह अन कैदी आईन, लज्जति आगवाळ, लेकीन आ सामर्थ्य जो परमेश्वर नीनी कोटान अदुर अनुसार खुशखबरी साटी नान सांगुळ दुख नेगु 9 याव नामी ऊळस्यान अदकि पवतिर जीवन जीऊसोर साटी नामी कारदुन, अदकि ईद नाम क्क्याल्सा अन अनुसार ईला लेकीन आऊन उद्देश अदकि अनुग्रह अन अनुसार आद. आव ईद अनुग्रह नाम मा माळ्यान मतलब प्रभु यीशु मसीह अन द्वारा काल इन सूरवात देल नाम मा आग्याद, 10 लेकीन ईग नाम उद्धार माळावाळा मसीह यीशु उन प्रगट आगोद द्वारा प्रगटीत आत, याव मृत्यु उन सामर्थ्य अन नाश माळदुन अदकि जीवन इक खुशखबरी इन द्वारा प्रगट माळदुन.

11 \*यार साटी परमेश्वर नानी प्रेरति, अदकि शक्किषा कोळावाळा नयिकुत माळदुन, ताकी ना खुशखबरी इन प्रचार माळाईन. 12 ई कारण ना ई दुखगोळी भी नेगुतीन, लेकीन नाचालीन, यतकी ना आऊक यार मा ना वशिवास माळदीन, अरूतीन; अदकि नानी वशिवास आद क्कि आव नांद धरोवर इंद आ दनि ताका रखवाली माळ सकतान. 13 जो सही मातगोळ नी नान बाय देल केळ्या अवरी आ वशिवास अदकि प्यार इन सांगुळ, जो मसीह यीशु दा आद, तान आदर्श माळकु ईट, 14 अदकि पवतिर आत्मा अन द्वारा जो नाम दा समुक्कु आद, ई वळ्लीद मातगोळ रखवाली माळ.

15 नी जानसत्या क्कि आसयािा नगर वाळेर सप्पा मुंदुर नान से तरिगेग्यार, यारदा फूगलिस अदकि हरिमुगनिस आर. 16 उनेसफुरूस उन घराना मा प्रभु दया माळुल, यतकी आव हापाळ अनली नानी सुख पोहचुस्यान, अदकि आव नान शंकलीगोळ दा ईततुर देल नाचीदलि. 17 लेकीन याग आव रोम दा बंदुन, रा यागासताका ना सकिदील आगासताका आव नानी हुंदूसतेला ईततुन, अदकि नान से मुलाकात माळदुन 18 प्रभु माळुल क्कि आ दशी आऊन मा प्रभु उन दया आगुल अदकि जो जो स्यावा आव इफसिस दा माळ्यान अवरी भी नी वळ्लीद देल जानसत्या.

## 2

मसीह यीशु उन स्वामीभक्त सैनिक

1 इदुरसाटी हे नान पारा, नी आ अनुग्रह देल जो मसीह यीशु दा आद, बलवन्त आगेग, 2 अदकि जो शक्किषागोळ नी हापाळ सा गवाहगोळ मुंद नान से

केळ्या, अवरी वशिवासी मंळसागोळी सौप्स बुळ; जो दुसरा अक भी कलसोद लायक ईरूल.

3 मसीह यीशु उन वळ्लीद योद्धा अन घाई नान सांगुळ दुख नेगु. 4 याग यावारा योद्धा लळाई मा होगतान, रा इदुरसाटी क्वा आऊक जो भरती माळ्यार आंदरी खुश माळुल, आव तान तान इक दुनिया अन क्याल्सागोळ दा फसुसालुन. 5 बाक अखाळा दा लळुसावाळा अगर नयिम इन अनुसार लळुसालुन रा ईनाम सीक सकाल. 6 जो मयनती कसान मयनत माळतान, रा काय इन अंश पयले आऊक सीक पायजे. 7 जो ना अनतीन ई सप्पा मातगोळ मा ध्यान कोळ, अदकि प्रभु नीनी सप्पा मातगोळ्द समझ कोळुल.

8 यीशु मसीह अक याद ईट, जो दाऊद उन वंश देल आग्यान अदकि सोत्तुर दा टु जतिता आदुन, अदकि ईद नान खुशखबरी इन अनुसार आद. 9 यार साटी ना कुकर्मी इन घाई दुख नेगुतीन, ईल ताका क्वा बंधन भी आईन; लेकीन परमेश्वर उन वचन कैद हैलेच. 10 ई कारण ना नविळुसुद लॉकुर साटी सप्पा येनारा सहन माळतीन, क्वा आंदरी भी आ उद्धार जो मसीह यीशु दा आद अनन्त महमा अनूद सांगुळ सकुल. 11 ईद मात खरा आद,

क्वा अगर नाव आऊन सांगुळ सोतोगेव,

रा आऊन सांगुळ जतिता भी आदेव;

12 \*अगर नाव धीरज देल सहन माळ्त ईत्तेव,

रा आऊन सांगुळ राज्य भी माळेव;

अगर नाव आऊन इनकार माळेव,

रा आव भी नाम इनकार माळ्यान;

13 अगर नाव अवशिवासी भी आयेव,

तरी भी आव वशिवासयोग्य बनसकु ईरतान,

यतकी आव खुद तान इनकार माळ सकालुन.

वळ्लीद कारीगर

14 ई मातगोळ्द याद आंदरी तोरुस अदकि प्रभु उन मुंद वशिवास देल हेळ क्वा शब्दगोळ मा तर्क-वतिर्क माळतोग बाळुल, यऊर देल येनु फायदा आगाल उलटा केळावाळेर्द नाश आगगतद. 15 तान तान इक परमेश्वर उन ग्रहण माळा लायक अदकि हगि क्याल्सा माळावाळा ठहूरसोद कोशशि माळ, जो नाचक ईला पायजे, अदकि जो सच्चाई इन वचन इक बराबर रीतदिल क्याल्सा दा तरतोगुल. 16 लेकीन बेकार मातगोळ देल ऊळ्दकु ईर, यतकी हगि लॉकुर मात्त यक्कुल अभक्ती दा वाळुस्त ईत्तार, 17 अदकि आंदुर वचन हुळ्तकु दुख घाई फैलुस्त होदति. हुमनियुस अदकि फलितुस आंदुर दा टु आर, 18 जो ईद अंदकु क्वा पुनरूत्थान आगग्याद सच्चाई इन हादी टु काळदोग्यार, अदकि यास मुंदुरद वशिवास इक नाश माळ बुळतार. 19 तरी भी परमेश्वर उन पक्का पायवा बनसकु ईरतद, अदकि आऊन मा ईद छाप हतकु आद: “प्रभु तान लॉकुरी अरूतान,” अदकि “जो यावारा प्रभु उन हेसुर ताकोमतान, आव अन्याय देल ऊळ्दकु ईरूल.”



20 धोळ मान्या सरिफ व्हान्ना-बेळ्ली इंद अच ईला, लेकीन हुळ्ली अदकि मुण्ण इन भी गळग्या ईरताव; यातारा-यातारा आदर, अदकि यातारा-यातारा अनादर इन साटी. 21 अगर यावारा तान तान इक ईऊर देल शुद्ध माळ्यान, रा अद आदर इन गळग्या मातत पवतिर ठहरसीत; अदकि स्वामी इन क्याल्सी बंदीत, अदकि सप्पा वळ्लीद क्याल्सा साटी तयार आदीत. 22 हारोदपन इन मोहमाया देल ओळ, अदकि जो शुद्ध मन देल प्रभु उन हेसुर ताकोमतार आंदुर सांगुळ न्याय, अदकि वशिवास, अदकि प्यार, अदकि मेल मलाप इन हदि हत. 23 लेकीन मूर्खपन अदकि अवदिया अन्द विवादगोळ देल अलग ईर, यतकी नी जान्सत्या कि ईऊर देल झगळा नरिमाण आगताव. 24 प्रभु उन दास उक झगळेले ईला ईर पायजे, लेकीन आव सप्पा मुंदुर सांगुळ मुलायम अदकि शकिषा दा नपिण अदकि सहन माळावाळा ईरूल. 25 आव वरिध माळावाळे इक नम्रता देल समझुसुल, येन मालूम परमेश्वर आंदरी मन तरिगुसोद मन कोळुल कि आंदुर भी सच्चाई इक अरूल, 26 अदकि आंदुर सचेत आगकु शैतान उन फासा दा टु बट्टोगुल. याव आंदरी आंदुर इच्छा पुरा माळोर साटी बंदी माळदुन.

### 3

आखरी दनि

1 लेकीन ईद याद ईट कि आखरी दनिगोळ दा कठनि समय बंदव. 2 यतकी मळसा मतलबी, धन इन लालची, घमण्ड माळावाळे, अभिमानी, अपमान माळावाळे, मोय-आपपुर्द आग्या कडावाळे, एहसान मारावाळे, अपवतिर, 3 प्यार ईला माळावाळे, माफ ईला माळावाळे, अपमान माळावाळे, असंयमी, कठोर, भलाई इन दुश्मन, 4 वशिवासघात माळावाळे, लापरवाह, घमण्ड माळावाळे, अदकि परमेश्वर उन ईला उलटा सुखवलास इक चाहासावाळे ईततार. 5 आंदुर भक्ती इन भेष रा माळ्यार, लेकीन अदुरद ताकत इक मानसतदिलि; हगि लॉकुर से दुर ईरेत. 6 ईदुर दा टु अच आ लॉकुर आर जो मान्नागोळ दा वत्त काल देल होक्कोमतार, अदकि आ दुरबल आर्तेर इक वश दा माळ कोमतार जो पापगोळ देल वोटकु अदकि सप्पा प्रकार इंद अभलाषागोळद वश दा आर, 7 अदकि ईत्ता आर्तेर हमेशा कलुतेला रा ईरतार लेकीन सच्चाई इक जान्स सकालुर. 8 ह्यांग यन्नेस अदकि यम्ब्रेस मूसा अन्द वरिध माळीदुर, हांग अच ईदुर भी सच्चाई इन वरिध माळतार; ईदुर हगि मळसा आर, यारद दमािक भ्रष्ट आगेग्याद अदकि ईदुर वशिवास दा असफल आर. 9 लेकीन ई लॉकुर ईदुर से मुंद वाळुस सकालुर, यतकी सप्पा लॉकुर नोळ्यार कि आंदुर याट मूर्ख आर. हांग अच ह्यांग यन्नेस अदकि यम्ब्रेस उन सांगुळ आत.

तीमुथयिस उक वशिष नरिदेश

10 लेकीन नी नान शकिषा, नान जीवन इन आचरण, उद्देश वशिवास, धीरज, प्यार, सहनशीलता ई सप्पा मातगोळी वळ्लीद रीति देल जान्सत्या; 11 नानाद सताव अदकि नानव दुख, अदकि अन्ताकिया अदकि इकुनयिम अदकि

लुस्त्रा दा जो भयंकर यातनागोळ नानी कोटकु आगीदव अदकि यदरी ना सहन माळदीन, ईद नी जान्सत्या, तरी भी प्रभु नानी ईव सप्पा दुखगोळ से बीळसदुन. 12 लेकीन यास मसीह यीशु दा भक्ती इन सांगुळ जनिदगी बतिसोद चाहासतार आंदुर सप्पा मुंदुर सतुस्कु आदार; 13 लेकीन दुष्ट अदकि बयकुसावाळेर ध्वाका कोळतेला अदकि ध्वाका तनितेला, बगिळुस्त होटोदार. 14 लेकीन नी आ सच्चाई इन मातगोळ मा जो नी कलत्या अदकि वशिवास माळ्या, ईद जान्सकु मजबूत बन्सकु ईर कनी अवरी याता लॉकुर से कलत्या, 15 अदकि स्याणपन टु पवतिरशास्त्र अपमान अर्तकु आद, जो नीनी यीशु मसीह मा वशिवास माळदुर देल उद्धार हासलि माळोर साटी हुश्यार माळ सकतद. 16 सम्पूर्ण पवतिरशास्त्र परमेश्वर उन प्रेरणा देल रचुसकु आग्याद अदकि उपदेश, अदकि समजुसोद, अदकि सुधारन माळोद, अदकि न्यायीपन इन शक्शा साटी फायदेमंद आद, 17 ताकी परमेश्वर उन जन सदिध आगुल, अदकि हर ऊंद वळ्लीद क्याल्सा साटी तयार आगेगुल.

#### 4

1 ना परमेश्वर अदकि मसीह यीशु उन मुंद जो जतिता अदकि सोतकु मळसागोळ्द न्याय माळ्यान, अदकि राजा आगकु शासन माळोर साटी बंदान, आंदरी गवाह मान्सकु ना वनिती माळतीन, 2 का नी वचन इन प्रचार माळ, समय बेसमय तयार ईर, सप्पा प्रकार इन सहनशीलता अदकि शक्शा अन्द सांगुळ नरिदेश कोळ, दनकुस अदकि समजुस. 3 यतकी हगि समय बंदीत याग लॉकुर सच्चाई इन शक्शा केळतीदलि, लेकीन आंदुर खुद इक समाधान सीकुल ईत्ता मातगोळ केळोर साटी तान अभलिषागोळ्द अनुसार तान साटी हापाळ सा शक्शा कोळावाळेर जमा माळ कोंडार, 4 अदकि तान कवि सच्चाई इन हादी दी टु तरिगुसकु काल्पनकि कात्तागोळ मा हच्यार. 5 लेकीन नी सप्पा मातगोळ दा नयितरण ईट, दुख नेगु, खुशखबरी प्रचार इन क्याल्सा माळ, अदकि तान स्यावा अक पुरा माळ.

6 यतकी ईग नांद अर्पण इन घळी होट बंदाद, अदकि नान ईद जीवन इक त्यागसोद समय होट बंदाद. 7 ना वळ्लीद कुस्ती आळ कोंडीन, ना तान दवळ पुरा माळ कोंडीन, ना वशिवास इन रखवाली माळीन. 8 भवषिय दा नान साटी वजियी ईनाम इन मुकुट ईटकु आद, यदरी प्रभु, जो आसान हादी देल नळसावाळा हुन, नानी आ दशी कोट्टान, अदकि नानी इच ईला उलटा आ सप्पा मुंदुर इक भी जो आऊन प्रगट आगोद प्रयि जान्सतार

व्यक्तगित वचन

9 नान हात्ती राटनेरी बरोद कोशशि माळ. 10 यतकी देमास ई दुनिया अक प्रयि जान्सकु नानी बटि बुटान अदकि थसिसलुनीके अक होटोग्यान. क्रसकैस गलातिया अक अदकि तीतुस दलमतिया अक होटोग्यान. 11 सरिफ लूका नान सांगुळ आन. मरकुस उक हुडुकु होटबर; यतकी स्यावा अन्द साटी आव हापाळ

✧ 4:10 ४:१० कुलुससगिोळ ४:१४; फलिमोन १:२४; २ कुरनिथि ८:२३; गलातगिोळ २:३; तीतुस १:४ ✧ 4:11 ४:११ कुलुससगिोळ ४:१४; फलिमोन १:२४; प्रेरतिगोळ १२:१२,२५; १३:१३; १५:३७-३९; कुलुससगिोळ ४:१०; फलिमोन १:२४

उपयोगी आन. 12 \*तुखकिस उक ना इफसिस कळीन. 13 \*याग नी बंद्या रा झागा अक यदरी ना त्रोआस दा करपुस उन मान्या बटिकु बंददीन तरेत; अदकि नानव कतिबगोळ वशेष माळकु तोगुल इन चट्टी गोळी हुडुत बरेत.

14 \*धातु उन क्याल्सा माळावाळा सकिन्दर नानी हापाळ नुकसान पोहचुस्यान; प्रभु आऊक आऊन क्याल्सागोळ अनुसार बदला कोट्टान. 15 नी भी आऊन से सावधान ईर, यतकी आव नाम उपदेशगोळ्द हापाळ अच वरिध माळ्यान.

16 नान पयले पक्ष इन समय याऊ भी नान साथ कोटीदील, उलटा सप्पा मुंदुर नानी बटि बुटीदुर. 17 लेकीन प्रभु नान सांगुळ नीदुरकु ईत्तुन अदकि नानी सामर्थ्य कोट्टुन, ताकी नान द्वारा पुरा पुरा प्रचार आगुल अदकि सप्पा गैरयहूदी लांकुर केळ कोमुल. ना हुल्ल इन बाय देल बळिसकु आगीन. 18 अदकि प्रभु नानी हर ऊंद बुरा क्याल्सा देल बळिस्यान, अदकि तान स्वर्गीय राज्य दा उद्धार माळकु पोहचुस्यान. आऊन महमा हमेशा हमेशा आगतेला ईरूल. आमीन.

आखरी अभिवादन

19 \*प्रसिका अदकि अक्वला अक अदकि उनेसफिरूस इन घराना अक नमस्कार. 20 \*इरास्तुस कुरनिथुस दा ईतोदुन, अदकि त्रुफमिस उक ना मलितुस दा बमिर आगा कारण बटिन. 21 सोळीन दनि से पयले बरोद कोशशि माळ. यूबूलुस, अदकि पूदेस, अदकि लीनुस अदकि क्लौदिया, अदकि सप्पा वशिवासी वार्दुर्द नीनी नमस्कार.

22 प्रभु नीन आत्मा अन सांगुळ ईरूल.

नीम मा अनुग्रह आगतेला ईरूल.

\* 4:12 ४:१२ प्रेरतिगोळ २०:४; इफसिगोळ ६:२१,२२; कुलुससगोळ ४:७,८ \* 4:13 ४:१३ प्रेरतिगोळ २०:६ \* 4:14 ४:१४ १ तीमूथयिस १:२०; रोमियों २:६ \* 4:19 ४:१९ प्रेरतिगोळ १८:२; २ तीमूथयिस १:१६,१७ \* 4:20 ४:२० प्रेरतिगोळ १९:२२; रोमियों १६:२३; प्रेरतिगोळ २०:४; २१:२९

## तीतुस के नाम पौलुस प्रेरति की पत्री तीतुस उन हेसुर पौलुस प्रेरति उन चट्ठी परचिय

तीतुस उन ईद कतिब पौलुस उन नाक चट्ठी गोळ दा टु ऊंद आद यदरी मंडली इन बजाय यातारा मळसा अक संबोधति माळकु आगतद. दुसरा मुर चट्ठी गोळ १ तीमुथयुस, २ तीमुथयुस अदकि फलिमोन ईव हुव. पौलुस तीतुस उक लखिसोन, लेकीन आव ईद भी लखिसदुन कि ई चट्ठी सार्वजनकि रूप देल धोळद रीति देल वाचुसकु आगतद. नाव ईऊक अरू सकतेव यतकी आव ऊंद प्रेरति उन रूप दा तान लायकत हेळतान, जो कि पौलुस पयले टु अच जानसोन. पौलुस शायद मसीह अन जनम इन बाददा ६३ से ६५ साल इन न्याड्या दा ई चट्ठी लखिसीदुन.

पौलुस तीतुस उक करेते मा जो मंडलीगोळ आव अऊर नेतृत्व माळोद नरिदेश कोटीदुन. पौलुस उपदेशकगोळ इक मंडली इन उपदेशगोळद चयन शकिषा मा नरिदेश कोळोर साटी ई चट्ठी इक लखिसीदुन. आव तीमुथयुस उक तान चट्ठी गोळ दा सारखा नरिदेश कोटान. आंदुर चट्ठी दा वर्णन माळकु आग्याद कि हयांग मंडली अन उपदेशकगोळी उच्च मानक इन साटी माळकु आग पायजे. मंडलीगोळ अदकि मंडली इन उपदेशकगोळी ईद नेतृत्व दा आ लॉकुर साटी जरूरी मानकगोळ मा सावधानी पुर्वक ध्यान कोळ पायजे.  
रूप-रेखा

१. पौलुस यात्रीगोळ इक नयिकृत माळोर साटी तीतुस उक नरिदेश कोळतान १:१-१६
२. आव लॉकुरी भी ईश्वरीय जीवन जीऊसोर साटी प्रशकिषति माळोद नरिदेश कोळतान २:१-३:११
३. अन्त दा, पौलुस तान थ्वाळासा योजनागोळ इक साजा माळकु अदकि बधाई बातणी कळुकु चट्ठी खतम माळतान ३:१२-१५

1 पौलुस उन दी टु जो परमेश्वर उन दास अदकि यीशु मसीह अन्द प्रेरति हुन.

नाम मंडली इन खरा ग्यान इन अगुवाई माळोर साटी कळकु आग्याद अदकि सच्चार्ड इन पयचान जो भक्ति इन अनुसार आद, 2 आ अनन्त जीवन इन आशा मा यदुर्द वादा परमेश्वर, जो ख्वाटा माताळालुन सनातन देल माळयान, 3 लेकीन सही समय मा तान वचन इक आ प्रचार इन द्वारा प्रगट माळदुन, जो नाम उद्धारकर्ता परमेश्वर उन आग्या अन अनुसार नानी सौप्सकु आग्याद.

4 \*तीतुस उन हेसुर, जो वशिवास इन सहभागीता अन्द वचार देल नान खरा पार हुन:

परमेश्वर आप्प अदकि नाम उद्धारकर्ता मसीह यीशु उन दी टु नीनी अनुग्रह अदकि शांती सकितेला ईरूल.

\* 1:4 १:४ २ कुरनिथि ८:२३; गलातगोळ २:३; २ तीमुथयुस ४:१०

करते दा तीतुस उन कार्य

5 ना इदुरसाटी नीनी करते दा बटिकु बंददीन की नी मगिद मातगोळ्द सुधारन माळया, अदकि नान आग्या अन अनुसार नगर नगर स्याणागोळी नयिकुत माळया. 6 \*जो नरिदोष अदकि ऊंदा हगिस् उन गंळ्स् ईरूल, यारोर चकिार वशिवासी ईरूल, अदकि अनुशासन इन हनिता अन्द दोष आंदुर मा हचकु ईला आग सकुल तथा आंदुर नरिक्श भी ईरबाळुल. 7 यतकी मंडली इन अध्यक्ष उक परमेश्वर उन कार्य अन नरीक्षक आगा कारण आव नरिदोष ईर पायजे; आऊक ना हटीला, ना सट्टि, या कुडावाळा, या झगळेले, या पैस्या अन लालची ईला ईर पायजे, 8 लेकीन पाऊनागोळ्द आदर माळावाळा, भलाई इक चाहसावाळा, संयमवाळा, न्याय माळावाळा, पवतिर अदकि सभ्यताशील ईरूल; 9 आऊक आ वशिवास माळा योग्य अदकि सदिधांतगोळ मा सयमत आगावाळा बातणी इक मजबूती देल हुडुकु ईर पायजे ई प्रकार आव लाँकुरी सही शक्षिा कोटकु आंदरी प्रोत्साहति माळुल अदकि ईदुर दा सांगुळ जो ईदुर वरिधी आर आंदुरद खंडन माळ सकुल.

10 यतकी हापाळ सा लाँकुर नरिक्श, व्यर्थ माताळावाळेर अदकि धवाका कोळावाळेर आर; यक्कुल माळकु यहूदी दा टु बंदार. 11 ईद जरूरी आद की ईदुर बाय बंद माळ पायजे. यतकी ई लाँकुर नीच कमाई साटी अनुचति मातगोळी कल्सकु मान्ना अन्द मान्ना बगिळुस बुळतार. 12 आंदुर दा टु ऊंदा करते नोर अच भवषियवक्ता, तान लाँकुर बारा दा खुद अंदान, “करते अन नवासी हमेशा ख्वाटा माताळतार आंदुर आळी दाकळोद जनावर आर अदकि आलसी व्हाट्टा तुमावाळेर आर.” 13 ईद गवाही सत्य आद, इदुरसाटी आंदरी कळकता देल चेतावनी कोळतोग की आंदुर वशिवास दा पक्का आगेगुल, 14 अदकि यहूदीगोळ्द कहानी कात्तागोळ अदकि आ मंळसागोळ्द आग्यागोळ मा मन हचबाळुल, जो सच्चाई इन हादी देल काळदोगतार. 15 शुद्ध लाँकुर साटी सप्पा वस्तुगोळ शुद्ध आव, लेकीन अशुद्ध अदकि अवशिवासीगोळ साटी येनु भी शुद्ध हैलेच, उलटा आंदुरद बुद्धी अदकि वविक येढ्हु अशुद्ध आव. 16 आंदुर अनतार की नाव परमेश्वर उक अरूतेव, लेकीन तान क्याल्सा देल आऊन इनकार माळतार; यतकी आंदुर बेकार अदकि आग्या ईला मानसावाळेर उर, अदकि यातोदु वळ्लीद क्याल्सा अन लायक हैलेच.

## 2

आचरण इन साटी सही शक्षिा

1 लेकीन नी ईत्ता मातगोळ अनतोग जो सही सदिधांतगोळ लायक आव. 2 मतलब हाळाबाट मंळसा शालीन, सचेत अदकि खुद नयित्तरति ईरूल, अदकि वशिवास दा मजबूत, प्यार अदकि धैर्य पुर्ण सहनशील ईरूल. 3 हांगा हाळामुंड आर्तेरद चाल-चलन पवतिर लाँकुर घाई ईरूल; आंदुर नदिक आगबाळुल तथा अंगुर शयद या याल्ला अन्द लत आंदरी ईरबाळुल लेकीन वळ्लीद मातगोळ कल्सावळतेर ईरूल. 4 ताकी आंदुर हारोदोर आर्तेर इक चेतावनी कोळ्त् ईरूल की तान गांडुर से अदकि चकिोर से प्यार ईटुल; 5 अदकि खुद नयित्तरति, पवतिर,

अदकि मान्ना अनन्द वळ्लीद व्यवस्था माळावळ्त, अदकि तान गांड् उन हात्ती ईरावळ्त ईरूल, ताकी यावारा भी परमेश्वर उन दी टु बरावाळा वचन इन अपमान ईला माळुल.

6 हगि अच हारोदोर मंळसागोळी भी समझुसतोग क्खुद नयिंत्रति आगुल. 7 सप्पा मातगोळ दा तान तान इक वळ्लीद आचरण इन नमुना माळ. नीन शक्किषा दा सफाई, गंभीरता, 8 अदकि हगि सच्चई सकिल क्का यावारा अदुर्द आलोचना माळ सकबाळुल, ताकी नीन वरिधी लज्जति आगुल यतकी आंदुर हात्ती नीन वरिध दा अनली येनु ईरतीदील.

9 दासगोळी समजुस क्का तान-तान स्वामी इन सांगुळ ईरूल, अदकि सप्पा मातगोळ दा आंदरी खुश ईटुल, अदकि तरिगकु जवाब कोळबाळुल; 10 काळलपनी अदकि चालाकी माळबाळुल, लेकीन हर प्रकार देल पुरा वशिवासी होळुल क्का आंदुर सप्पा मातगोळ दा नाम उद्धारकर्ता परमेश्वर उन बारा दा शक्किषा अन शोभा वाळुसुल.

11 यतकी परमेश्वर उन अद अनुग्रह प्रगट आद, जो सप्पा मंळसागोळ्द उद्धार इन कारण आद, 12 अदकि अद अनुग्रह नामी कल्सतद क्का नाव अभक्त्ति इन जीवन अदकि सांसारकि अभलिषागोळी त्यागस बुटेव अदकि खुद नयिंत्रति, अदकि पवतिर अदकि भक्त्तमिय जीवन ईद दुनिया दा माळेव. 13 अदकि धन्य आर आ आशा अनन्द मतलब तान महान परमेश्वर अदकि उद्धारकर्ता यीशु मसीह अनन्द महिमा अनन्द प्रगट आगोद हादी काईत ईरूल. 14 ष्याव तान तान इक नाम साटी कोट बुट्टुन क्का नामी सप्पा प्रकार इन अन्याय देल बीळसुस बुळुल, अदकि नामी आऊंदा पवतिर लाँकुर माळुल अदकि वळ्लेव-वळ्लेव क्क्याल्सागोळ दा ईरूल.

15 तान पुरा अधिकार इन सांगुळ ई मातगोळ कल्स, ह्यांग नी तान वरिधीगोळी दनकुसत्या अदकि प्रोत्साहति माळत्या. ताकी याऊ नीनी तुच्छ सम्सबाळुल.

### 3

मसीह चाल-चलन

1 लाँकुरी याद तोर्स क्का शासक अदकि अधिकारीगोळ हात्ती ईरूल, अदकि आंदुरद आग्या मानसुल, अदकि हर ऊंद वळ्लीद क्क्याल्सा साटी तयार ईरूल, 2 आंदरी हेळ क्का यारदु बारा दा बुरा अनबाळुल, लेकीन शांती प्रयि अदकि संगीभाव देल ईरूल, अदकि सप्पा मुंदुर सांगुळ हमेशा शालीन व्यवहार ईटुल. 3 यतकी नाव भी पयले नरिबुद्धी, अदकि आग्या ईला मानसावाळेर, अदकि गलत ईरेव. अदकि अलग अलग प्रकार इन अभलिषागोळ अदकि सुखवलिास इन गुलामी दा ईरेव, अदकि दुश्मनी भाव, अदकि जलनखोरी माळदुर दा जीवन व्यतीत माळतोगेव, अदकि बेकार ईरेव, अदकि आबुर दाबुर से दुश्मनी ईटतोगेव. 4 लेकीन याग नाम उद्धारकर्ता परमेश्वर उन करूणा अदकि प्यार प्रगट आत, 5 रा आव नाम उद्धार माळदुन; अदकि ईद वळ्लेव कर्मगोळ वजह देल ईला, जो नाव खुद माळेव, लेकीन आऊन दया देल नामी उळसदुन

पवत्रि आत्मा अन द्वारा, जो नामी व्हाशोद जनम कोळतान अदकि शुद्ध माळकु व्हाशोद जीवन कोळतान. <sup>6</sup> परमेश्वर नाम मा पवत्रि आत्मा अक उद्धारकर्ता यीशु मसीह अन द्वारा भरपुरी देल कोटान. <sup>7</sup> इदुरसाटी परमेश्वर नामी तान अनुग्रह अन द्वारा आऊन सांगुळ न्यायी ठहरूस्यान ताकी यार्द आशा नाव माळेव आ अनन्त जीवन इन उत्तराधिकारी इक हासलि माळ सककेव.

<sup>8</sup> ईद सही अनकु आग्याद, अदकि ना चाहासतीन कि नी ई मातगोळ्द बारा दा हमिमत देल माताळ इदुरसाटी कि यार परमेश्वर मा वशिवास माळ्यार, आंदुर वळ्लीद-वळ्लीद कयाल्सागोळ दा हतकु ईरोद ध्यान ईटुल. ई मातगोळ वळ्लेव अदकि मंळसागोळ्द फायदा नव आव. <sup>9</sup> लेकीन मूर्खपन इंद वविादगोळ अदकि वंशावलीगोळ, अदकि वरिध अदकि झगळागोळ देल जो व्यवस्था अनूद बारा दा आद, रा ऊळ्दकु ईर; यतकी अव नष्फल अदकि व्यर्थ आव. <sup>10</sup> यावारा फूट हाकावाळा मंळसा अक कम से कम येढ्ढ घन चेतावनी कोळ, अदकि बाक आऊन सांगुळ ज्यादा येनु माळबाळ. <sup>11</sup> यतकी नीव जान्सतीर कि ईत्ता लॉकुर भ्रष्ट आगोग्यार अदकि आंदुर पाप आंदुरद गलत आगोद प्रमाण कोळताव.

व्यक्तगित नरिदेश अदकि अभविादन

<sup>12</sup> \*याग ना नीन हातती अरतमिास या तुखकिस उक कळाईन रा नान हातती नकिपुलसि नगर दा बरोद कोशशि माळेत, यतकी ना अल्या सोळ कडोद तय माळीन. <sup>13</sup> \*जेनास व्यवस्थापक अदकि अपुल्लोस उक कोशशि माळकु मुंद पोहचुस बुळ, अदकि नोळ कि आंदरी यातोदु चजि इन कमी आगबाळुल. <sup>14</sup> नाम लॉकुर भी वळ्लेव कयाल्सा माळोर साटी समय तेगोद कलु पायज ताकी जो जरूरी आद अदुरद पुरती आग सकुल ताकी आंदुर बेकार इन जीवन जीऊस बाळुल.

<sup>15</sup> नान सप्पा साथीगोळ्द नीनी नमस्कार. जो वशिवास इन कारण नाम से प्यार ईटतार, आंदरी नमस्कार.

नीम सप्पा मुंदुर मा परमेश्वर उन अनुग्रह आगूत ईरूल.

\* 3:12 ३:१२ प्रेरतिगोळ २०:४; इफसिगिोळ ६:२१,२२; कुलुससगिोळ ४:७,८; २ तीमुथयिस ४:१२

\* 3:13 ३:१३ प्रेरतिगोळ १८:२४; १ कुरिन्थि १६:१२

## फलिमोन के नाम पौलुस प्रेरति की पत्नी फलिमोन उन हेसुर पौलुस प्रेरति उन चट्ठी परचिय

फलिमोन उन स्यांळद कतिाब प्रेरति पौलुस द्वारा लखिसकु आगीत. १:१ पौलुस जयल दा ईरोन, जब कि आव लखिसीदुन, यदुर मतलब आद कि आव शायद रोम टु ईऊक लखिसोन. अगर आव रोम दा ईरोन रा ईद मसीह अन जनम इन ६१ साल इन बाददा लखिसीदान, जो अदा समय हुन याग आव कुलुससयिों लखिसोन.

आव ईद चट्ठी इक फलिमोन हेसुर इनव मंळसा अक लखिसीदुन. फलिमोन मंडली इन सदस्य अदकि मालकि भी ईरोन. पौलुस आऊन से केळदुन कि आव तान दास ओनेसमिस उक दंडति माळतीदील जो फलिमोन टु ओळेगीदुन. रोमन कानून द्वारा फलिमोन अदकि ओनेसमिस उक मृत्यु साटी ईटोद अधिकार ईरोद. पौलुस फलिमोन उक ऊंद मसीह वार्ट उन रूप दा ओनेसमिस उक स्वीकार माळोर साटी प्रोत्साहति माळोर साटी प्रेरति तर्कगोळ्द इस्तेमाल माळतान अदकि ईद भी सलाह कोळतान कि ओनेसमिस उक पौलुस १:१३-१४ उन सांगुळ स्यावा माळोद इजाजत कोटकु आदीत.

रूप-रेखा

१. पौलुस फलिमोन उक नमस्कार कोळतान १:१-३
२. आग पौलुस ओनेसमिस उन दी टु केळतान कि फलिमोन आऊक ऊंद मसीह वार्ट उन रूप दा स्वीकार माळ्यान १:४-२१
३. पौलुस यात्रा माळली अदकि बधाई कळोद तान ईरादा अन घोषणा माळकु चट्ठी खतम माळतान १:२२-२५

1 पौलुस उन दी टु जो मसीह यीशु उन कैदी आन, अदकि वार्ट तीमुथयिस उन दी टु नाम प्रयि सहकरमी फलिमोन, 2 \*अदकि आकतींग अफफया, अदकि नाम संगी योद्धा अरखपिपुस अदकि फलिमोन उन मान्ना अन्द मंडली नव हेसुर:

3 नाम आप्प परमेश्वर अदकि प्रभु यीशु मसीह अन्द दी टु अनुग्रह अदकि शांती नीमी सकित ईरूल.

फलिमोन उन प्यार अदकि वशिवास

4 वार्ट फलिमोन, ना हमेशा परमेश्वर उन धन्यवाद माळतीन, अदकि तान प्रार्थनागोळ दा भी नीनी याद माळतीन, 5 यतकी ना नीन आ प्यार अदकि वशिवास इन चर्चा केळतीन, जो सप्पा परमेश्वर उन पवतिर लाकुर सांगुळ अदकि प्रभु यीशु मा आद. 6 ना प्रार्थना माळतीन कि खुद वशिवास दा नीन सहभागी आगोद, नीम सप्पा भलाई इन पयचान दा, मसीह अन्द साटी प्रभावशाली ईरूल. 7 यतकी हे वार्ट, नानी नीन प्यार देल हापाळ खुशी अदकि

\* 1:2 १:२ कुलुससगिोळ ४:१७



शांती सकियाद, इदुरसाटी कनिनीन द्वारा परमेश्वर उन पवत्रि लॉकुरद मन वळ्लेव आगेग्याव.

उनेसमिस उन साटी नविदन

8 इदुरसाटी अगर नानी मसीह दा हापाळ साहस आद कजो मात ठीक आद, अदुर आग्या नीनी कोळाईन. 9 तरी भी ना बाट्ट पौलुस उक जो ईग मसीह यीशु उन साटी कैदी आईन, ईद मातत वळ्लीद जान्सकु आत कजि प्यार देल वनिती माळाईन. 10 \*ना तान चगिद उनेसमिस उन साटी, जो नान देल नान बंधन दा पैदा आग्यान, नीन से वनिती माळतीन. 11 आव रा पयले नीन येनु क्याल्सा नव ईला ईरोन, लेकीन ईग नीन अदकि नान येदुदु मुंदुरद हापाळ क्याल्सा नव आन.

12 आऊका मतलब जो नान दलि इन तुकळा हुन, ना नीन हात्ती वापस माळ बुटीन. 13 आऊक ना तान हात्ती इच ईटोद चाहासीन कजि आव नीन दी टु ई बंधन दा जो खुशखबरी इन कारण आन, नान स्यावा माळुल. 14 लेकीन ना नीन इच्छा अन्द बगेर येनु भी माळोद चाहासीदलि, कजि नीन ईद कृपा दबाव देल ईला लेकीन इच्छा देल आगुल

15 यतकी शायद आव नीन से थवाळासा दनि साटी ईदा कारण अलग आदुन कजि हमेशा नीन हात्ती ईरूल. 16 लेकीन ईगी टु दास उन घाई ईला उलटा दास से भी वळ्लेव प्रयि वार्ट उन घाई, मतलब ना रा आऊन से प्यार माळतीन, लेकीन नीव आऊक मळसा अन नाता देल अदकि प्रभु उन नाता देल नान से यक्कुल प्यार माळी.

17 इदुरसाटी अगर नी नानी तान सहभागी समस्त्या, रा आऊक ईत्ता प्रकार देल ग्रहण माळ ह्यांग नानी माळत्या. 18 अगर आव नीन येनारा नुकसान माळ्यान, या आऊन मा नांद येनारा कर्ज बरतद, रा नान हेसुर मा लखिस कोम. 19 ना पौलुस तान कय देल लखिसतीन कजि ना खुद तुम कोळाईन; अदकि ईद अनोद येनु जरवत हैलेच कजि नान कर्जा जो नीन मा आद आव नी अच हुय. 20 हे वार्ट, ईद खुशी नानी प्रभु दा नीन दी टु सकियाद. मसीह दा नान जीव इक हरिवा-गार माळ बुळ.

21 ना नीन आग्याकारी आगोद भरोसा ईटकु नीनी लखिसतीन, अदकि ईद जान्सतीन कजि जो येनारा ना अनतीन, नी नान से यक्कुल माळ्या. 22 अदकि ईद भी कजि नान साटी ठहरूसोद जागा तयार ईट. नानी आशा आद कजि नीम प्रार्थनागोळ द्वारा ना नीमी कोटकु आगेगाईन.

आखरी अभिवादन

23 \*इपफ्रास, जो मसीह यीशु दा नान सांगुळ कैदी आन, 24 \*अदकि मरकुस अदकि अरसितरखुस अदकि देमास अदकि लूका जो नान सहकर्मी आर, ईदुरद नीनी नमस्कार.

25 नाम प्रभु यीशु मसीह अन्द अनुग्रह नीम आत्मा मा आगतेला ईरूल. आमीन.

\* 1:10 १:१० कुलुससगिोळ ४:९      \* 1:23 १:२३ कुलुससगिोळ १:७; ४:२२      \* 1:24 १:२४ परेरतिगोळ १२:२२,२५; १३:१३; १५:३७-३९; कुलुससगिोळ ४:१०; परेरतिगोळ १९:२९; २७:२; कुलुससगिोळ ४:१०; कुलुससगिोळ ४:१४; २ तीमथयुस ४:१०; कुलुससगिोळ ४:१४; २ तीमथयुस ४:११

## इब्रानियो के नाम पत्री इब्रानगिोळ हेसुर चट्ठी परचिय

यीशु हाळोद नयिम इन हापाळ सा भवषियवाणीगोळी पुरा हयांग माळतान ईदा तोरसावाळा “इब्रानियो अनूद चट्ठी” ईद ऊंद धरिज कोळावाळा कतिाब हुन. ऊंद उपदेश देल इदुर रचना माळकु आग्याद. सप्पा भवषियवाणी अदकि स्याणा याजकगोळ्द जमिमेदारीगोळी यीशु हयांग पुरा माळदुन ईद सरलता देल तोरसावाळा ६० से यक्कुल हाळोद नयिम इन संदरभ ई कतिाब दा आव. ईदा कारण देल ई कतिाब इक यहूदी मसीह लॉकुर साटी दलिासा कोळावाळा मान्सकु आग्याद. इदुर मुंद याजकगोळी यग्य माळोद जरवत हैलेच ईद व्यवस्था यीशु हयांग पुरा माळदुन ईद ई कतिाब दा स्पष्ट माळकु आग्याद. सप्पा पापगोळ साटी ऊंदा घन अदकि हमेशा हमेशा अनूद यग्य हगि यीशु आदुन. ई कतिाब देल नामी हगि समझ दा बरतद क्ति, यीशु मसीह, नामी परमेश्वर मा वशिवास माळोर साटी तयार माळतान. १२:२ ईदा रीति देल ई युग इन नाव मसीह वशिवासीगोळ साटी ई कतिाब दा धोळ्द दलिासा आद. नामी अदुर मा नरिभर ईर पायजे.

इब्रानियो अनूद चट्ठी याव लखिसदुन ईद नामी मालूम हैलेच तरी भी थ्वाळासा वधिवान लॉकुर मान्ना आद क्ति, ईद प्रेरति पौलुस, लूका या बरनबास ई परमेश्वर उन सेवकगोळ लखिसीदार. हांगा ईद कतिाब याग लखिसकु आग्याद ईद भी नामी मालूम हैलेच. तरी भी हापाळ सा वधिवान लॉकुर हगि मान्सतार क्ति, ईद मसीह अनूद जनम इन बाद्दा ७० वर्ष इन पयले लखिसकु आगीदाद. इदुर कारण हगि क्ति, याग यरूशलेम नगर ७० इन साल दा नाश माळकु आत तरी भी ई कतिाब दा यरूशलेम इन वर्णन ईत्ता प्रकार देल माळकु आग्याद, जसा क्ति अद नाश माळकु अच ईला आगीत. ईद कतिाब हापाळ सा मंडलीगोळ दा होगकु वाचुसकु आगीदाद. अद रोम नगर दा लखिसकु आगीत. १३:२४

रूप रेखा

१. लखिसावाळा हगि तोरसतान क्ति, यीशु ईव परमेश्वर उन सप्पा भवषियवक्ता अदकि स्वर्गदूत इंदुर से भी महान आन १:१-४:१३
२. इदुर बाद्दा आव ईद तोरसतान क्ति, जो याजकगोळ यरूशलेम इन मंदिर दा स्यावा माळतार आंदुर से भी यीशु महान आन ४:१४-७:२८
३. मूसा अक कोटकु आगीद आ आग्यागोळ द्वारा जो हाळोद व्यवस्था परमेश्वर तान लॉकुर से माळदुन अदुर से भी यीशु उन स्यावा महान आद ८:१-१०:३१
४. यीशु हर मात दा श्रेष्ठ आन ईद स्पष्ट माळदुर बाद्दा लेखक हापाळ सा दनिचर्या अनूद व्यवहारगोळ बारा दा सुचना कोळतान १०:३२-१३:१७
५. आखरी दा थ्वाळासा बोध अदकि शुभेच्छा कोटकु लेखक ई चट्ठी इक खतम माळतान १३:१८-२५

परमेश्वर उन वचन, पार उन द्वारा

1 पयला अनन्द युग दा परमेश्वर आप्प दादागोळ से थ्वाळा-थ्वाळा माळकु अदकि अलग-अलग देल भवषियवक्तागोळ द्वारा मातगोळ हेळदुन, 2 ई आखरी दनिगोळ दा आव नाम से पार उन द्वारा मातगोळी हेळदुन, यारी आव सप्पा वस्तुगोळद वारीस ठहरूसदुन अदकि आऊदा द्वारा परमेश्वर सप्पा दुनया अनन्द रचना माळयान. 3 आव परमेश्वर उन महमा अनन्द ऊजुळ अदकि आऊन स्वरूप इन छाप हुन, अदकि सप्पा वस्तुगोळी तान सामर्थ्य अनन्द वचन देल संभाळसतान. आव मंळसा जाती इन पापगोळी माफ माळकु स्वर्ग दा होगकु महामहमि परमेश्वर उन ऊमा कय दी होगकु कुरतुन;

परमेश्वर-पार उन महानता

4 ई प्रकार पार स्वर्गदूतगोळ से महान माळकु आदुन, अदा प्रकार हयांग परमेश्वर आऊक स्वर्गदूतगोळ से वळलीद हेसुर कोट्टुन. 5 यतकी परमेश्वर यातोदु भी स्वर्गदूतगोळ से हगि अंददिल, “नी नान पार हुय, ईद ना नीन आप्प बनसीन.” अदकि ना यातोदु स्वर्गदूत से परमेश्वर ईद अंदुन, “ना नीन आप्प बनसाईन, अदकि नी नान पार बनस्या.”

6 अदकि याग परमेश्वर तान पयला पैदा आगद पार उक दुनया दा कळुतान, रा आव अनतान, “परमेश्वर उन सप्पा स्वर्गदूत आऊद उपासना माळुल.” 7 लेकीन स्वर्गदूतगोळद बारा दा परमेश्वर ईद अनतान, “आव तान दूतगोळी पवन, अदकि तान सेवकगोळी भळकुसद बेक्की माळतान.” 8 लेकीन परमेश्वर पार उन बारा दा अनतान, “हे परमेश्वर, नीन सहासन हमेशा हमेशा ईततीत: अदकि नीन शासन नीन लॉकुर मा न्याय इन सांगुळ आगतद. 9 नी सच्चाई से प्यार अदकि अन्याय से दुश्मनी ईट्टद; ईद कारण परमेश्वर, नीन परमेश्वर, आनन्द इन याणणा देल अभषिक माळदुर द्वारा नीन संगीगोळ से वाळुसकु नविळुसदुन.” 10 वचन ईद भी अनतद, “हे प्रभु, सूरवात दा नी पृथ्वी इन पायवा हाकद, अदकि स्वर्ग नीन कय ईद कारीगरी हुन. 11 अव रा नाश आगेदव, लेकीन नी हांगा ईत्या; अदकि अव सप्पा फळक्यागोळ घाई कंदुसेदाव, 12 अदकि नी अवरी चादर इन घाई गुंडस्या, अदकि अव फळक्यागोळ घाई बदलुसेदव: पर नी हांग अच बनसकु ईत्या अदकि नीन जीवन इन अनत् आगतीदिल.” 13 अदकि स्वर्गदूतगोळ दा टु परमेश्वर यार से याग अंदुन, “नी नान ऊम्मा कय दी कुर, यागासताका कनि नीन दुश्मनगोळी नीन कालगोळद ल्यालमा अनन्द पाळ्सी माळ कोमालीन?” 14 येन स्वर्गदूत अव आल्लच, जो आत्मागोळ परमेश्वर उन स्यावा अदकि आऊन द्वारा उद्धार ताकोमावाळेर इक मदत माळेर साटी कळुकु आग्याव.

## 2

महान उद्धार

1 ई कारण पायजे कजो सत्य मातगोळी नाव केळेव, अदकि यक्कुल अच सावधानी देल अऊर मा मन हची, हगि आगबाळुल कनि वाहुसकु अऊर से दुर होटोगुल. 2 यतकी जो बातणी स्वर्गदूतगोळ द्वारा नाम पुर्वजगोळी

कोटकु आत अद खरा ठहरूसत, यार आंदुरद उल्लंघन माळदुर आंदरी दण्ड प्राप्त आत यदुर आंदुर लायक ईरोर. <sup>3</sup> अगर नाव ईद महान उद्धार मा ध्यान कोटीदील रा नाव हयांग उळु सकतेव? यदुर चर्चा पयले पहल प्रभु उन द्वारा आत, अदकि यार केळदुर आंदुर नामी ईद साबति माळदुर का अद उद्धार खरा आद. <sup>4</sup> अदकि सांगुळ अच परमेश्वर भी तान इच्छा अन्द अनुसार चमत्कारगोळ, अदकि अदभुत क्याल्सागोळ, अदकि अलग प्रकार इन सामर्थ्य इन क्याल्सागोळ, अदकि पवतिर आत्मा अन्द वरदानगोळी वाट्सदुर द्वारा इदुरद गवाही कोळतेला ईत्तुन.

उद्धार इन मार्गदर्शन

<sup>5</sup> परमेश्वर आ बरावाळा दुनिया अक यदुर चर्चा नाव माळतेव, स्वरगदूतगोळ हात्ती माळीदलि. <sup>6</sup> \*बल्की यावारा शास्त्र दा ईद गवाही कोटान,

“मंळसा येन हुन का नी आऊक याद माळत्या?

या मंळसा येन हुन का नी आऊद चिता माळत्या?

<sup>7</sup> नी आऊक स्वरगदूतगोळ से थ्वाळासा अच गोर्त माळद;

नी आऊन मा महिमा अदकि आदर इन मुकुट ईटद,

<sup>8</sup> अदकि आऊक तान कयगोळ्द क्याल्सागोळ मा अधिकार कोट्ट नी सप्पा आऊन कालगोळ ल्यालमा माळ्द.”

इदुरसाटी याग आव सप्पा येनारा आऊन हात्ती माळ कोडुन, रा आव येनु भी बर्तीदलि जो आऊन हात्ती ईला ईरोद. लेकीन ईग नाव सप्पा येनारा वस्तु आऊन हात्ती नोळालेव. <sup>9</sup> लेकीन नाव यीशु उक जो स्वरगदूतगोळ से थ्वाळासा कम माळकु आगीदुन, मृत्यु उन दुख नेगदुर कारण महिमा अदकि आदर इन मुकुट हाक्कु नोळतेव, ताकी परमेश्वर उन अनुग्रह देल आव हर ऊंद मंळसा अन्द साटी सायुल.

<sup>10</sup> ईद परमेश्वर उन साटी वळ्ळीद हत्त याव सप्पा मातगोळी माळदुन अदकि संभाळ्सकु ईटदुन, यीशु उक भी यातनागोळ द्वारा परपिर्ण माळ पायजे ताकी हापाळ सा चकिोर आऊन महिमा दा भागी आगुल. यतकी यीशु अच आव ऊंद हुन जो आंदरी उद्धार इन दी ओयतान. <sup>11</sup> यतकी लॉकुरी आंदुर पापगोळ से पवतिर माळतान अदकि आंदुर येदुदु पवतिर माळकु आग्यार, सप्पा मुंदुरव आप्प ऊंद अच आन, इदुरसाटी यीशु आंदरी तान वार्दुर अनोर से नाचालुन. <sup>12</sup> \*आव परमेश्वर से अनतान, “ना तान वार्दुर अदकि आकतीगेर न्याड्या दा नीद हेसुर इन प्रचार माळाईन; सभा अन्द न्याड्या दा ना नीद प्रशंसा माळाईन.” <sup>13</sup> अदकि आव ईद भी अनतान, “ना तान भरोसा परमेश्वर मा ईटाईन. अदकि अनतान, ना ईल परमेश्वर उन कोळ्द चकिोर सांगुळ आईन,”

<sup>14</sup> इदुरसाटी याग का पारगोळ मास अदकि रक्ता अन्द भागी आर, रा यीशु खुद भी आंदुर घाई आंदुर सहभागी आगेदुन, ताकी मृत्यु उन द्वारा शैतान उक नाश माळ सकुल मतलब यार हाती मृत्यु उन शक्ति आद; <sup>15</sup> ईदा रीतिदेल आ

मळसागोळी मुक्त माळकोमी यार्द जीवन मृत्यु उन अंज्क इन मारा गुलामी या दासत्व दा ईरोर. 16 यतकी ईद स्पष्ट आद की आव रा स्वर्गदूतगोळ इक ईला बल्की अब्राहम उन वंश इन सहायता माळतान. 17 ई कारण आऊक चाहसोद ईरोद, की सप्पा मातगोळ दा तान वार्दुरगोळ घाई बनसुल; यदुर देल आव आ मातगोळ दा जो परमेश्वर देल संबंध ईटतद, ऊंद दयालु अदकि विश्वासलायक महायाजक बनसुल ताकी लॉकुरद पापगोळ साटी प्रायश्चति माळुल. 18 यतकी याग आव परीक्षा अन्द दशा दा दुख नेगदुन, रा आव आंदुरद भी मदत माळ सकतान यार्द परीक्षा आगतद.

### 3

यीशु मूसा से महान आन

1 इदुरसाटी हे मसीह वार्दुरा अदकि आकतींगेरा, नीव जो परमेश्वर उन द्वारा कारूकु आगरि नीव तान ध्यान यीशु मा हचकु ईटी यारी परमेश्वर प्रमुख याजक माळोर साटी कळुकु आगीदुन, आ अदुर मा नाव तान कबुली कोळतेव. 2 आव याव आऊक नविळुस्थान आ परमेश्वर उन प्रती विश्वासलायक ईरोन, ठीक हांगा ह्यांग मूसा तान क्याल्सा अन प्रती परमेश्वर उन घराना दा विश्वासलायक ईरोन. 3 ह्यांग भवन इन नरिमाण माळावाळा अक खुद भवन से यक्कुल आदर सकितद, हांग अच यीशु मूसा से यक्कुल आदर इन पात्र मान्सकु आदुन. 4 यतकी हर ऊंद मान्ना अन्द यावारा ना यावारा माळावाळा ईरतान, लेकीन परमेश्वर रा सप्पा वस्तु उन माळावाळा हुन. 5 मूसा रा परमेश्वर उन मान्या सेवक घाई विश्वासलायक ईरोन, अदकि आव अव मातगोळी अंदुन जो भवषिय दा परमेश्वर उन द्वारा अंदकु आगोव ईरव. 6 लेकीन मसीह पार आगा नाता देल परमेश्वर उन मान्या विश्वासलायक आन. अदकि आऊन मान्ना नाव हुयेव, अगर नाव नाम साहस अदकि यदुर मा नाव घमण्ड माळतेव आ आशा मा मजबूती देल स्थरि ईरूल.

परमेश्वर उन लॉकुरी आराम

- 7 इदुरसाटी ह्यांग पवत्रि आत्मा अनतद,  
“अगर ईद परमेश्वर उन आवाज केळी,  
8 रा तान मन इक कठोर माळबाळेतीर,  
ह्यांग की नमोर पुरवजगोळ याग आंदुरद मरूस्थल दा परीक्षा आगोद  
परमेश्वर उन खलिप बगावत माळीदुर.  
9 परमेश्वर अनतान की अल आंदुर नांद परीक्षा माळदुर अदकि परखुसदुर,  
अदकि नान क्याल्सागोळी नोळदुर  
यवरी ना चालीस साल टु माळतेला बरेतीन.”  
10 ईद कारण ना आ समय इन लॉकुर से सटिट दा ईततीन,  
अदकि अंदीन, “इंदुर मन हमेशा टु अच अप्रामाणकि आव  
अदकि नान आग्या अक टुकूरसतार.”  
11 ✨इदुरसाटी ना सटिट दा बंदकु करिया तदीन,

“इदुरसाटी येल ना आंदरी आराम कोळाईन  
आ जागा दा आंदुर यागलु होग सकतीदलि.”

12 हे वार्दुरा अदकि आकतींगेरा, सावधान ईरी क्नी नीम दा ईत्ता बेकार अदकि अवशिवासी मन आगबाळुल, जो नीमी जत्तिता परमेश्वर से दुर ओयुल. 13 लेकीन ईदुर बदला यागासताका ईद “ईद इन दनि” अनकु आगतद, नीव हर दशी आबुर दाबुर इक धीरज कोळतेला ईरी, ताकी नीम दा टु यावारा भी पाप दा भरमुसकु ईला आगुल, अदकि ना कठोर आगेगुल. 14 अगर नाव आखरी ताका मजबूती इन सांगुळ तान सूरवात इन आत्मवशिवास इक हुडुकु ईरतेव रा नाव मसीह अन भागीदार बनसेगतेव. 15 ह्यांग शास्त्र अनतद, “अगर ईद नीव परमेश्वर उन आवाज केळीर, रा तान मन इक कठोर माळबाळेतीर, ह्यांग क्नी बगावत इन दनिगोळ दा नीम पुर्वजगोळ माळीदुर.”

16 भला आंदुर या लॉकुर ईरोर यार परमेश्वर उन आवाज केळदुर अदकि आऊन खलिाप बगावत माळदुर? येन आंदुर आ लॉकुर ईला ईरोर, यारी मूसा मसि्त्र दा टु उळ्सकु तेगदीदुन? 17 अदकि परमेश्वर चालीस वर्ष ताका याता लॉकुर से सटिट दा ईत्तुन? येन आंदुर से अच ईला यार पाप माळदुर, अदकि आंदुर लाश मरूसथल दा बदिकु ईत्तव? 18 अदकि परमेश्वर याता लॉकुर साटी करिया तदिन क्नी नीव नान आराम इन जागा दा प्रवेश माळ सकतीदलि? येन आंदुर ई लॉकुर आललच यार आऊन आग्या मान्सीदील? 19 इदुरसाटी नाव नोळतेव क्नी आंदुर अवशिवास इन कारण अच आ जागा दा प्रवेश माळ सकदील.

## 4

1 इदुरसाटी याग क्नी परमेश्वर उन आराम इन जागा दा प्रवेश माळोद प्रतगिया ईगासताका ताका आद, रा नामी ध्यान ईट पायजे हगि आगबाळुल क्नी नीम दा टु यावारा जन आऊन से वंचति ईतोगुल. 2 यतकी नाव खुशखबरी केळदेव ह्यांग आंदुर केळीदुर, लेकीन जो बातणी आंदुर केळीदुर आंदुर साटी येनु कमित ईला ईरोद, यतकी याग आंदुर अदरी केळदुर रा ईदरी वशिवास इन सांगुळ स्वीकार माळीदलि. 3 नाव जो वशिवासी आयेव, आ आराम इक यदुरद परमेश्वर प्रतगिया माळीदुन अदरी नाव प्राप्त माळतेव. ह्यांग क्नी परमेश्वर अंदान, “ना सटिट दा ईदुर मा करिया तनिकु अंददिन आंदुर यागलु नान आराम इन जागा दा शामलि आग सकतीदलि.” आव ईद अंददिन, याग क्नी दुनया अन्द रचना माळदुर बाददा आऊन क्वालसा पुरा आगेगीत. 4 यतकी सातवा दनि इन बारा दा येलयारा तरी शास्त्र दा आद, “अदकि बाक सातवा दशी तान सप्पा क्वालसागोळ माळकु परमेश्वर आराम माळदुन.” 5 अदकि ई संदर्भ दा आव मात्त अनतान, “आंदुर नान आराम इन जागा दा यागलु प्रवेश माळ सकतीदलि.” 6 यार पयले खुशखबरी केळदुर आंदुर आ आराम इक प्राप्त माळ सकदील यतकी आंदुर वशिवास ईला माळीदुर. लेकीन दुसरा अन साटी आराम इन दरवाजा ईगलु तेरकु आव. 7 \*इदुरसाटी परमेश्वर बाक ऊंद वशिष दनि नश्चिति माळदुन अदकि अदरी अनकु आत “ईद इन दनि.”

\* 3:15 ३:१५ भजन संहिता १:५:१७-८

\* 4:7 ४:७ भजन संहिता १:५:१७-८

थ्वाळासा साल इन बाददा दाऊद उन द्वारा परमेश्वर आ दनि इन बारा दा शास्त्रगोळ दा हेळीदुन यदुर्द उल्लेख शास्त्र पयले टु अच माळतद, “अगर ईद नीव परमेश्वर उन आवाज केळीर, ह्यांग पयले अंदकु आग्याद, रा तान मन इक कठोर माळबाळी.”

8 अगर यहोशू आंदरी आ आराम इन जागा दा ओयायदुन यदुर्द परमेश्वर प्रतगिया माळीदुन, रा परमेश्वर बाददा यातोदु दुसरा दनि इन बारा दा ईला अनायदुन. 9 रा जो भी आगुल, ह्यांग परमेश्वर सातवा दनि दा आराम माळतान हांग अच परमेश्वर उन लॉकुर साटी अल ऊंद आराम मक्कि आद. 10 यतकी जो यावारा भी परमेश्वर उन प्रतगिया माळद आराम दा प्रवेश माळतार, आंदरी तान कर्म इन अनुसार अदुर दा आराम सकिकीत हांग अच ह्यांग परमेश्वर उक तान क्याल्सागोळ से आराम सकियाद. 11 इदुरसाटी बरी ईंग नाव भी आ आराम इक हासलि माळोर साटी पुरा रीत दिेल कोशशि माळाता, ताकी हगि आगबाळुल का नाम न्याड्या दा टु यावारा भी अदरी हासलि माळदुर दा असफल आगबाळुल ह्यांग आंदुर तान वशिवास इन कमी इन द्वारा आगीदुर.

12 यतकी परमेश्वर उन वचन जतिता, क्रियाशील, अदकि हर ऊंद दोधारी तलवार से भी हापाळ तेज आद; अदकि हर जीव आत्मा अक, अदकि जोळ-जोळ इक ब्यार माळकु आर-पार गड्डा माळतद अदकि मन इन इच्छागोळ अदकि वचारगोळद न्याय माळतद. 13 अदकि दुनिया अनंद यातोदारा भी वस्तु परमेश्वर उन नजर देल होचकोमकु हैलेच, आऊन कण्णगोळ मुंद यारी नामी लेखा जोखा कोळोद आद हर वस्तु बीना यातोदु आवरण इन तेरकु आद अदकि येनु अच ओझल हैलेच.

### यीशु महान महायाजक

14 इदुरसाटी याग नामव ईतता धोड्डेव महायाजक आन, जो स्वर्ग दा टु आगकु होग्यान, मतलब परमेश्वर उन पार यीशु, रा बरी, तान वशिवास इक जो नाव प्राप्त माळेव मजबूती देल हुडुकु ईततेव. 15 यतकी नामव जो महायाजक आन आव हगि हैलेच का जो नाम कमजोरीगोळ सांगुळ सहानुभुती ईट सक्यान, आऊक हर प्रकार देल हांगा परखुसकु आत ह्यांग नामी लेकीन आव हमेशा पाप रहति ईततुन. 16 रा बाक बरी, नाव आत्मवशिवास इन सांगुळ अनुग्रह ताकोमोर साटी परमेश्वर उन सहासन दी वाळुसेव ताकी जरवत बीळदुर मा नाम सहायता अन साटी नाव दया अदकि अनुग्रह अक हासलि माळ सककेव.

## 5

1 हर ऊंद महायाजक मळसागोळ दा टु अच नविळुस्कु आगतान, अदकि लॉकुरद प्रतनिधीत्व माळोर साटी परमेश्वर इन स्यावा साटी नयिकुती माळकु आगतद ताकी आव पापगोळ साटी भेंट अदकि बलदान येरसुल. 2 यतकी खुद भी हापाळ रीत दिेल कमजोरी इन हातती आन इदुरसाटी आव अग्यानीगोळ अदकि भुला भटका लॉकुर सांगुळ कोमलता देल व्यवहार माळ सकतान. 3 इदुरसाटी आऊक पायजे का ह्यांग लॉकुर साटी हांग अच तान साटी भी पाप-बली येरसुल. 4 ईद मुख्य याजक आदर इन पद याऊ तान तान

इक नविळ्स्कु ताकोमालुन, याग कंहारून उन घाई परमेश्वर उन दी टु ठहूसकु आगालुन.

5 हांग अच मसीह भी महायाजक आगोद आदर तांदुर देल ग्रहण माळीदील, बल्की परमेश्वर आऊन से अंदुन “नी नान पार हुय, अदकि ईद ना नीन आप्प बनसीन.” 6 ईदा प्रकार आव दुसरा जागा दा भी अनतान, “नी मलकिसिदिक इन रीति मा हमेशा साटी याजक आय.”

7 \*यीशु तान शरीर दा ईरोद दनिगोळ दा धोळ्द शब्द दा वरल-वरलकु अदकि कण्ण इन नीर वाहुसकु आऊन से जो आऊक मृत्यु देल ऊळ्स सकोन, प्रार्थना अदकि वनिती माळदुन, भक्ती अदकि नम्रता अन कारण परमेश्वर आऊन केळदुन. 8 लेकीन अगर आव परमेश्वर उन ईरोन तरी भी दुखगोळ झेल्सतेला आव आग्या अन पालन माळोद कलतुन. 9 अदकि सदिध बन्सदुर मा, तान सप्पा आग्या मानसावाळेर साटी अनन्त काल इन उदधार इन सत्रोत बनसेदुन, 10 अदकि आ परमेश्वर उन दी टु मलकिसिदिक इन रीति मा महायाजक बनस्कु आदुन.

वशिवास देल भटकूसकु होगोद वरिध दा चेतावनी

11 इदुर बारा दा नामी हापाळ सा मातगोळ माताळोव आव, लेकीन यऊर्द वर्णन माळोद कठनि आद, यतकी नीव सम्सदुर दा हापाळ धीरा आईर. 12 \*वास्तव दा ई समय ताका रा नीमी शक्ति आगोद हुन, तरी भी ईद जरूरी आगोद्याद कयिवारा नीमी परमेश्वर उन वचनगोळ्द शक्ति सुरूवात टु मात्त कलसुल. नीव रा हगि आगेदीर कयि नीमी ठोस भोजन इन बदला ईग भी हाल अच पायजे. 13 यतकी जो हाल कुडुतान आव चगिद अच आन अदकि आऊक सही गलत इन येनु अनुभव ईराल. 14 लेकीन ठोस भोजन स्याणागोळ साटी आद, आव याव तान अनुभव देल वळ्लीद अदकि बुरा अन्द ग्यान माळोद कलतोग्यान.

## 6

1 इदुरसाटी बरी मसीह अन सुरूवात इन सत्र शक्ति अक सुरूवात इन मातगोळी बटिकु नाव सदिधता दी मुंद वाळ्स्तेला होगता, मृत्यु उन अगुवाई माळेर द्वारा प्रायश्चति इन पायवा मात हाकबाळुल, अदकि परमेश्वर मा वशिवास माळोद, 2 बपतस्मा अन्द शक्ति अदकि म्याकुच कयगोळी ईटोद, अदकि सोत्तुर दा टु जित्ति आगोद, अदकि अनन्त न्याय ताका. 3 अगर परमेश्वर चाहास्यान रा नाव ईदा माळेव.

4 जो लॉकुर तान वशिवास इक त्याग्स बुळतार आंदरी मात पश्चाताप माळेर साटी ह्यांग तनकु आग सकतद, आंदुर ऊंद घन परमेश्वर उन प्रकाश दा ईरोर, आंदुर स्वर्ग इन उपहार नेकदुर अदकि पवतिर आत्मा अन्द तान हसिसा हासलि माळदुर, 5 अदकि परमेश्वर उन वळ्लीद वचन इन अदकि बरावाळा दुनिया अन सामर्थ्य अन अदकि आंदुर परमेश्वर उन वचन याट वळ्लीद आद ईदुरद अनुभव माळ्यार. 6 अगर आंदुर आंदुरद वशिवास देल भटकुसेदार रा आंदरी मन तरिगुसोर साटी मात्त वापस तरोद असंभव आद; यतकी आंदुर

\* 5:7 ५:७ मत्ती २६:३६-४६; मरकुस १४:३२-४२; लुका २२:३९-४६

\* 5:12 ५:१२ १ कुरनिथि ३:२



परमेश्वर उन पार उक मात्त कूरस मा येरसतार, तथा आऊक सार्वजनिक रूप देल अपमान इन वषिय बनसतार.

7 आ धरती जो हमेशा बळिवाळा बरसात इन नीर इक सोक्स बुळतद, जो जोतसावाळेर अदकि बोऊसावाळेर साटी उपयोगी फसल प्रदान माळतद, अद मुण्ण परमेश्वर से आशीष ताकोमतद. 8 लेकीन आ धरती मुळल अदकि घासपुस पैदा माळतद, रा अद बेकार इन आद अदकि अद परमेश्वर उन दी टु श्रापति आगदुर मा आद अदकि अदुरद अन्त होताक्कु आगोद हुन.

9 हे परयि संगीगोळा, नाव भला ईत्ता प्रकार इन मातगोळ चाहसतेव लेकीन नीम बारा दा नामी ईदुर से भी वळ्लीद मातगोळ्द आत्मवश्वास आद अव मातगोळ जो नीम वश्वास से जुळसकु आव. 10 नीव परमेश्वर उन लाँकुरद लगातार मदत माळतेला जो प्यार तोरसीर, अदरी अदकि नीम दुसरा क्यालसागोळी परमेश्वर यागलु मारूतीदलि, आव अन्यायी हैलेच. 11 नाव चाहसतेव की नीम दा टु हर ऊद आखरी ताका हगि अच मेहनत माळतेला ईरूल, ताकी नीव नश्चय अदरी हासलि माळ सकीर यदुरद नीव आशा माळतेला ईतीर. 12 नाव चाहसालेव का नीव आलसी आगोगी, बलकी आंदुरद अनुकरण माळी जो वश्वास अदकि धीरज इन सांगुळ आ वस्तुगोळी हासलि माळेत्यार यऊरद परमेश्वर प्रतगिया माळयान.

परमेश्वर उन अटल प्रतगिया

13 परमेश्वर अब्राहम से प्रतगिया हाळाहोती याग करिया तीनोर साटी यारीकु तान से धोडडेव नोळीदील, रा तांद अच करिया तदिन, 14 अदकि अंदुन “ना सही दा नीनी हापाळ आशीष कोळाईन, अदकि नीनी अनेक वंशज कोळाईन.” 15 अदकि ईत्ता रीति देल अब्राहम धीरज हुडुकु परमेश्वर उन माळ्द प्रतगियागोळी हासलि माळदुन. 16 मंळसा रा तान से यातारा धोडडेव मंळसा अन करिया तीनतार, अदकि अद करिया सप्पा तर्क वरितकगोळ्द अन्त माळकु जो येनारा अंदकु आगतद, अदरी पक्का माळ बुळतद. 17 परमेश्वर उन माळ्द प्रतगिया अक हासलि माळावाळेर इक परमेश्वर सपष्ट माळकोमोद चाहासतान का आव तान उद्देश इक यागलु बदलुसालुन इदुरसाटी आव तान प्रतगिया अन सांगुळ तान करिया अक जोळ्स बुट्टुन. 18 ईल येढ्ढ मातगोळ आव आऊन प्रतगिया अदकि आऊन करिया जो यागलु बदलुस सकालव, अदकि यऊर बारा दा परमेश्वर यागलु ख्वाटा माताळ सकालुन. इदुरसाटी नाव जो परमेश्वर उन हात्ती सुरक्षा ताकोमोर साटी बंदेव, अदकि जो आशा आव नामी कोटान अदरी हुडुकु हापाळ उत्साहीत आयेव. 19 अद आशा नाम जीव इन साटी ईत्ता लंगर आद जो स्थरि अदकि मजबूत आद, अदकि परदा अन बुळ्क इन पवतिर जागा ताका पहुचुसतद, 20 यल यीशु नाम दी टु नाम से पयले प्रवेश माळदुन, अदकि मलकिसिदिक इन परंपरा दा हमेशा हमेशा साटी प्रमुख याजक बनसेदुन.

1 ईव मलकिसिदिक शालेम इन राजा ईरोन, अदकि परमप्रधान परमेश्वर उन याजक ईरोन. याग अब्राहम नाक राजागोळी युद्ध दा पराजीत माळकु वापस आगोन आग मलकिसिदिक अब्राहम उक सकिदुन अदकि आऊक आशीष कोट्टुन. 2 अदकि अब्राहम आ सप्पा दा टु जो आव युद्ध दा जीकसीदुन अदुरद दसवा हसिसा कोट्टुन. मलकिसिदिक उन हेसुर इन पयला मतलब आद न्यायीपन इन राजा, अदकि अदुरद ईद भी मतलब आद, “शालेम उन राजा” मतलब “शांती इन राजा.” 3 यार आप्प, मोय, अदकि पुर्वजगोळ्द यातोदु इतहास सकाल, आऊन जनम या मृत्यु उन भी यातोदु उल्लेख हैलेच; लेकीन परमेश्वर उन पार उन घाई इच हमेशा अन साटी याजक बन्सकु ईरतान.

4 थवाळासा वचिर माळी की आव याट महान ईरोन यारी कुलपती अब्राहम युद्ध दा हासलि माळ्द माल इन दसवा हसिसा कोट्टुन. 5 अदकि लेवी इन वंशज दा टु जो याजक इन पद हासलि माळतार, आंदरी व्यवस्था अन अनुसार आग्या सकियाद की इस्राएल इन लॉकुर से मतलब तान खुद इन लॉकुर से, दसवा हसिसा ताकोम बाक आंदुर अब्राहम उन वंशजगोळ्द भी वंशज येती आगबाळुल. 6 लेकीन मलकिसिदिक, जो लेवी वंशज दाकळव भी ईला ईरोन, अब्राहम से दसवा हसिसा ताकोडुन, अदकि आ अब्राहम उक आशीषगोळ कोट्टुन यार हात्ती परमेश्वर उन परतगियागोळ ईरव. 7 इदुरदा येनु शक हैलेच की जो आश्रिवाद कोळतान आव आश्रिवाद ताकोमावाळा से धोड्डेव ईरायदुन. 8 यल ताका लेवीगोळ सवाल आद आंदुर दा दसवा हसिसा आ मळसागोळ द्वारा संघरूसकु आगतद जो मळसागोळ सायतार लेकीन मलकिसिदिक उन यल ताका सवाल आद दसवा हसिसा आऊन द्वारा संघरूसकु आगाईत जो शास्त्र अन अनुसार ईग भी जित्ता आन. 9 रा नाव ईद भी अन सक्तेव किलेवी भी, जो दसवा हसिसा ताकोमतान, अब्राहम उन द्वारा दसवा हसिसा कोट्टुन. 10 यतकी याता समय मलकिसिदिक अब्राहम से भेट माळीदुन, आग रा लेवी इन जनम भी ईला आगति आव रा तान पुर्वजगोळ्द शरीर दा ईरोन.

11 अगर लेवी याजकता अन परंपरा अन द्वारा संपुर्णता हासलि माळकु आग सकोद रा यावारा दुसरा याजक उन बरोद अच येन जरवत ईरोद? यतकी ईदुर दा आधार मा लॉकुरी व्यवस्था भी कोटकु आगति, ऊंद हगि याजक उन येन जरवत ईरोद जो मलकिसिदिक उन परंपरा नव ईरूल ना की हारून उन परंपरा नव. 12 यतकी याग याजक उन पद बदलुसेगतद, रा व्यवस्था अन भी बदलुसोद जरूरी आद. 13 यतकी नाम प्रभु उन बारा दा ईव मातगोळ अनकु आगताव की आव दुसरा गोत्र इनव हुन, यार गोत्र दा टु याऊ याजक उन रूप दा वेदी इन स्यावा माळीदलि, 14 रा प्रगट आद की नाम प्रभु यहूदा अन गोत्र दा टु पैदा आग्यान, अदकि ई गोत्र अन बारा दा मूसा याजक पद इन येनु चर्चा माळीदलि.

मलकिसिदिक उन घाई दुसरा याजक

15 नाम दावा मातत् स्पष्टता देल प्रगट आगेगतद, याग मलकिसिदिक उन घाई दुसरा याजक पैदा आगतान, 16 जो शारीरिक आग्यागोळ अन नयिमगोळ

अनुसार ईला, लेकीन अवनिाशी जीवन इन सामर्थ्य अन अनुसार याजक बनस्यान. 17 यतकी शास्त्र अनतद, “नी मलकिसिदिक उन रीति मा युगानुयुग याजक आय.” 18 पयला नयिम इदुरसाटी रदद माळकु आत, यतकी अद कमजोर अदकि व्यर्थ ईरोद. 19 इदुरसाटी क्म मूसा अन्द व्यवस्था यारीकु पुरा सदिध माळ सकदील. अदकि ईग आऊन जागा मा ऊंद हगि वळ्लीद आशा ईटकु आग्याद यदुर द्वारा नाव परमेश्वर उन हात्ती होग सकतेव.

20 मसीह अन नयिकृती परमेश्वर उन करिया अन्द द्वारा आत लेकीन दुसरा अक बना करिया अन्द अच याजक माळकु आगीत.

21 \*लेकीन यीशु आग ऊंद करिया देल याजक बन्सीदुन, याग परमेश्वर आऊन से अंददिन, “परभु करिया तदिान अदकि आव तान मन यागलु बदलुसतदील, “नी हमेशा साटी याजक बन्सकु ईत्या.”

22 ई करिया अन कारण यीशु मात्त ऊंद वळ्लीद वाचा अन्द हमी बनसेदुन.

23 ईग नोळी, हगि हापाळ सा याजक ईरतोगोर लेकीन आंदरी मृत्यु आंदुर पदगोळ मा कायम ईर गोटीदील, 24 लेकीन यीशु अमर आन, अदकि आऊन याजक इन क्याल्सा हमेशा हमेशा साटी बन्सकु ईरोदाद. 25 इदुरसाटी जो आऊन द्वारा परमेश्वर उन हात्ती बरतार, आव आंदुर पुरा रीति दिल उद्धार माळदुर दा समर्थ आन यतकी आव परमेश्वर से आंदुर साटी वनिती माळली हमेशा जतिता आन.

26 हगिा महायाजक नाम जरवतगोळी पुरा माळ सकतान. आव पवतिर आन, आव नरिदोष आन अदकि आऊन दा यातोदु पाप हैलेच, आव पापीगोळ से भी ब्यारर माळकु आग्यान, अदकि स्वर्ग से भी आऊक म्याकुच नेगुकु आग्याद.

27 आ दुसरा महायाजकगोळ घाई आऊक जरूरी हैलेच कि हर रोज पयले तान पापगोळी अदकि बाक लाँकुर पापगोळ साटी बलदिान येरसुल; यतकी आव तान तान इक बलदिान येरसकु अदरी ऊंद अच घन दा पुरा माळ कोंडुन. 28 मूसा अन्द व्यवस्था मळसागोळी जो पुरा हैलेच आंदरी महायाजक नयिकृत माळतद, लेकीन परमेश्वर उन प्रतगिया आऊन करिया अन सांगुळ बन्सकु आग्याद ईद प्रतगिया व्यवस्था अन्द बाददा बंदाद अदकि ई प्रतगिया प्रमुख याजक उन रूप दा पार उक नयिकृत माळ्याद जो हमेशा हमेशा साटी आद अदकि परपिर्ण बन्सकु ईरतद.

## 8

यीशु नाम महायाजक

1 ईग जो मातगोळ नाव अनतेव आंदुर दा टु अदुरदा सब से धोळ्द मात ईद आद कनिाम ईत्ता महायाजक आन, जो स्वर्ग मा महा महिमा अन्द सहिसन इन ऊमा कय दी होगकु कुरतान, 2 अदकि पवतिर जागा दा मतलब खरा तम्बू दा यदरी परमेश्वर स्थापति माळ्यान ना किमळसा, आ जागा दा आव महायाजक क्याल्सा माळतान. 3 यतकी हर ऊंद महायाजक भेट अदकि बलदिान येरसोर साटी ठहरूसकु आगतान, ईद कारण जरूरी आद कि ई याजक उन हात्ती भी

\* 7:21 ७:२१ भजन संहिता ११०:४

येनारा येरसली ईरूल. 4 अगर आव पृथ्वी मा ईरायदुन रा यागलु याजक ईला आगायदुन, यतकी अल पयले टु अच हगि याजक आर जो यहूदी व्यवस्था अन्द अनुसार भेंट येरसतार. 5 जो याजकपन इन क्यालसा आंदुर माळतार, अद स्वरग दा जो आद अदुरद ऊंद सावली अदकि प्रतीकृती आद. ईद हांगा प्रकार आद याग मूसा पवतिर तम्बू उन नरिमाण माळावाळा अच ईरोन आग परमेश्वर आऊन से अंददिन, “ध्यान दा ईरूल की नी हर चीज बराबर अदा प्रतरूप इन अनुसार माळ जो नीनी पहाळी मा तोरसकु आगीत.” 6 लेकीन आ याजकगोळ से वाळुसकु स्यावा यीशु उक सक्ति यतकी आव मात्त वळ्लीद-वळ्लीद वाचा अन मध्यस्थ ठहरसदुन, जो मात्त वळ्लीद प्रतगियागोळ आसरा देल कटक आग्याद.

7 यतकी अगर अद पयला वाचा नरिदोष ईराईत, रा दुसरा वाचा साटी येनु जखत ईला ईराईत. 8 लेकीन परमेश्वर उक आ लॉकुर दा दोष सक्ति अदकि आव अनतान, “प्रभु अनतान, नोळी, अव दनि बरताव की ना इस्त्राएल इन लॉकुर सांगुळ, अदकि यहूदा अन्द लॉकुर सांगुळ व्हाशोद वाचा कटाईन. 9 ईद आ वाचा अन घाई ईरतीदील, जो ना आंदुर आप्प-दादागोळ सांगुळ आ समय कटक आगीत, याग ना आंदुरद कय हुळकु आंदरी मसित्र द्याश टु तेगुकु तंदीन; यतकी आंदुर नान वाचा मा वशिवासयोग्य ईतीदील यदरी ना आंदुर सांगुळ कटीदनि, अदकि इदुरसाटी ना आंदुर मा ध्यान हचीदलि. 10 बाक प्रभु अनतान, की जो वाचा ना आ दनिगोळ बाददा इस्त्राएल इन घराना अन सांगुळ कटाईन, अद ईद हुन की ना तान व्यवस्था अक आंदुर मनगोळ दा हाकाईन, अदकि अदरी आंदुर दलिगोळ मा लखिसाईन, अदकि ना आंदुरव परमेश्वर ठहरसाईन अदकि आंदुर नान लॉकुर ठहरस्यार. 11 अदकि यावारा भी तान संगीगोळी अदकि मानना हात्तीवाळेर वारटुर इक ईद शकिषा कोळतीदील, की नी प्रभु उक अरू, यतकी स्याण हाती टु धोडडेर ताका सप्पा नानी अरूत कोंडार. 12 ना आंदुर पापगोळी माफ माळाईन अदकि यागलु आंदुर पाप याद ईटतदलि.” 13 ई वाचा अक व्हाशोद अंदकु आव पयला वाचा अक हाळोद माळ बुट्टुन अदकि जो हाळोद अदकि जीरण आगोतद अद रा बाक राटनेरी गायब आगेदीत.

## 9

पृथ्वी अदकि स्वरग इन आराधना

1 ईग नोळी आ पयला वाचा दा भी उपासना माळोद नयिम ईरव, अदकि ऊंद उपासना अन्द जागा ईरोद जो मंळसा अन द्वारा माळकु आगीत. 2 ऊंद तम्बू माळकु ईरोद, यदुरद पयला कमरा दा दगिया ईटोद जागा, अदकि मेज अदकि परमेश्वर उक भेंट माळव रोटीगोळ ईरव; अदकि आ जागा अक पवतिर जागा अंदकु आगतोगोद. 3 दुसरा परदा अन हदि मात्त ऊंद कमरा ईरोद, यदरी परम पवतिर जागा अंदकु आगतोगोद. 4 ईऊर दा सुगन्धति धूपदानी इन साटी व्हानना अन वेदी, अदकि व्हानना देल मळुसद वाचा अन्द संदुक ईरोद ई संदुक दा व्हानना अन्द माळद मनना अन्द ऊंद जार इरोद, अदकि हारून उन आ छळी ईरोद यदुर मा अंकुर वेळदीदव अदकि येढढ कल्ल यदुर मा आग्यागोळ लखिसकु ईरव. 5 संदुक इन म्याकुच परमेश्वर उन उपस्थिती इन प्रतकि मतलव

करूब बन्सकु ईरव जो तान पक्कागोळी फैलुसकु माफ अन जागा मा सावली माळतोगव. लेकीन ई समय नाव ईव मातगोळ्द वसितार देल चर्चा माळ सकालेव.

6 सपपा येनारा संची आगदुर बाद्दा याजक पयला कमरा दा हर रोज प्रवेश माळकु तान स्यावा अन्द कार्य पुरा माळोर साटी होगतोगोर. 7 लेकीन परदा अन बुळ्क इन दुसरा कमरा दा सर्फि प्रधान याजक अच साल दा ऊंद अनली प्रवेश माळतोगोन, आव बनि आ रक्ता अन यागलु प्रवेश ईला माळतोगोन यदरी आव तान द्वारा अदकि तान लॉकुर द्वारा अनजाना दा माळ्द पापगोळ साटी परमेश्वर उक भेंट येर्सतोगोन. 8 ईदुर द्वारा पवतिर आत्मा स्पष्ट रीती देल ईद कलसतद कयागासताका ताका पयला तम्बू नदुरकु आद आगासताका ताका परम पवतिर जागा अन्द हादी ईगासताका तेरकु ईला ईरोद. 9 ईद ऊंद तम्बू हुन जो वर्तमान समय इन साटी ऊंद उदाहरण आद; मतलब यदुरदा उन ईत्ता भेंट अदकि बलदान येर्सदुर बाद्दा भी आराधना माळावाळेर मन सदिध आग सकालेव. 10 ईद रा सर्फि तनिद कुडोद अदकि अलग-अलग प्रकार इन सुध्दकिरणगोळ्द वधीगोळ हुव. अद तम्बू यदुर दा आव स्यावा माळतान अद यककुल वळ्लीद परपिण तम्बू हुन अद मळसागोळ्द कय इन माळ्द तम्बू आल्लच अदकि अद ई संसार इन नरि्मति इन भाग आल्लच.

11 लेकीन जो मातगोळ पयले टु अच ईल आव हागि वळ्लीद वस्तुगोळ्द याग मसीह पयले टु प्रधान याजक बन्सकु बंदान. रा आव मात्त यककुल धोळ्द अदकि सदिध तम्बू टु आगकु, जो मळसा अन कय ईद बन्सकु ईला मतलब ई सृष्टी इन ईला, 12 अदकि व्हातगोळ अदकि वस्तागोळ रक्ता अन द्वारा ईला लेकीन तांद अच रक्ता अन द्वारा, मसीह ऊंद अच घन तम्बू दा टु आगतेला महापवतिर जागा दा प्रवेश माळदुन अदकि नाम साटी पापगोळ देल अनन्त छुटकारा प्राप्त माळदुन. 13 यतकी याग व्हातगोळ अदकि वस्तागोळ्द रक्ता अदकि होद्द पाङ्गोळ्द राकळ इक वधी इन अनुसार अशुध्द लॉकुर मा छळिकुसदुर देल आंदुर शुध्द आगगतार अदकि वधी इन अनुसार आंदुर अशुध्दता व्हार्यागोळ्द रीती देल होटोगतद. 14 याग ईद सही आद रा मसीह अन रक्ता याट प्रभावशाली ईतीदाद, आव अनन्त आत्मा अन द्वारा तान तान इक ऊंद संपुर्ण बली इन रूप दा परमेश्वर उक समर्पति माळ बुट्टुन. रा आऊन रक्ता नाम चेतना अक आ कर्मगोळ देल कोळसुसति जो मृत्यु दी ओयतार कानाव जित्ता परमेश्वर उन स्यावा माळ सक्केव.

15 ईदा कारण मसीह ऊंद व्हाशोद वाचा अन्द मध्यस्थ आदुन, ताकी यारी परमेश्वर उन द्वारा कारूकु आग्याद आंदुर परमेश्वर उन प्रतग्या माळ्द अनन्त आशषिगोळ्द वारीस आग सकुल. ईग नोळी पयला वाचा अन हात्ती ता दा माळ्द पापगोळ से मुक्त माळोर साटी फरिती इन रूप दा आव तान जीव कोट बुटान. 16 यल ताका वसीयत नामा अन सवाल आद रा अदुर साटी याव आऊक माळ्यान आऊन मृत्यु उक प्रमाणति माळोद जरूरी आद. 17 यतकी यातोदारा भी वसीयत नामा सर्फि आगा प्रभावति आगतद याग अदुरद लखिसावाळा अन मृत्यु आगगतद, यागासताका अदुरद लखिसावाळा जित्ता ईरतान रा अदुरद यागलु प्रभावति बळिल. 18 इदुरसाटी पयला वाचा

भी रक्ता अनूद इस्तेमाल द्वारा प्रभावति आत. <sup>19</sup>पयले मूसा याग व्यवस्था अन वधान इन सप्पा आदेशगोळी सप्पा लॉकुरी घोषणा माळ कोंडान रा आव नीर इन सांगुळ व्हातगोळ अदकि पाडडगोळ्द रक्ता अक क्याचांद इन अदकि हसिसप इन डगालगोळ देल व्यवस्था अन कतिब अदकि सप्पा लॉकुर मा छळिकुस बुटीदुन. <sup>20</sup>अदकि आव अंददिन, “ईद आ वाचा अन रक्ता हुन, यदरी पालसोद आग्या परमेश्वर नीमी कोटान.” <sup>21</sup>अदकि ईदा रीति देल आव तम्बू अदकि उपासना माळोद सप्पा वस्तुगोळ मा रक्ता छळिकुसदुन. <sup>22</sup>वास्तव दा व्यवस्था अन अनुसार लगभग रक्ता द्वारा अच सप्पा वस्तुगोळ शुद्ध आगताव, अदकि बनिा रक्ता वाहुसद पापगोळी माफ हैलेच.

मसीह अन बलदान द्वारा पाप-माफ

<sup>23</sup>रा बाक ईद जरूरी आद की अव वस्तुगोळ जो स्वर्ग इन प्रतकृती आव अवरी जनावरगोळ्द बलदानगोळ से शुद्ध माळकु आगुल लेकीन स्वर्ग टु वस्तुगोळ रा ईऊर से भी वळ्दीद बलदानगोळ देल शुद्ध माळकु आगोद अपेक्षा माळतद. <sup>24</sup>यतकी मसीह मंळसागोळ्द कय इन माळद पवतिर जागा दा, जो खरा पवतिर जागा अन नमुना आद, प्रवेश माळीदलि लेकीन स्वर्ग दा अच प्रवेश माळदुन, ताकी नाम दी टु परमेश्वर उन मुंद प्रगट आगुल. <sup>25</sup>ईद ईला की आव तान तान इक घळी-घळी बली येरसुल, ह्यांग की महायाजक हर साल पशुगोळ रक्ता हुडुकु पवतिर जागा दा प्रवेश माळतान, <sup>26</sup>ईलारा दुनया अन उत्पत्ति टु हुडुकु मसीह अक घळी-घळी दुख नेगोद बळिईत; लेकीन ईग युग इन अन्त दा आव ऊंद अच घन सप्पा मुंदुर साटी प्रगट आग्यान, ताकी तांद अच बलदान इन द्वारा पाप इक दुर माळ बुळुल. <sup>27</sup>अदकि ह्यांग मंळसागोळ साटी ऊंद घन सायोद अदकि अदुर बाददा परमेश्वर उन द्वारा न्याय इन आगोद तय आद, <sup>28</sup>हांग अच मसीह भी हापाळ मंळसागोळ्द पापगोळी नेगोर साटी ऊंद घन बलदान आदुन; अदकि जो लॉकुर आऊन हादी कायतार आंदुर उद्धार इन साटी ईग आव दुसरा घन प्रगट आदान रा पापगोळी दुर माळोर साटी ईला बल्की जो आऊन हादी कायेतार आंदरी उद्धार कोळोर साटी.

## 10

<sup>1</sup>व्यवस्था रा बरावाळा वळ्दीद मातगोळ्द सर्फ सावली हुन, लेकीन अद आ वास्तवकि मातगोळ्द सप्पा अदकि वास्तवकि मातगोळ्द दाखला ईला. इदुरसाटी अवा बलगोळ द्वारा यवरी लगातार हर साल अनन्त रूप देल येरसकु आगतद, आराधना अन साटी हात्ती बरावाळेर इक हमेशा साटी सम्पूर्ण सद्धि माळकु आगसकाल. <sup>2</sup>अगर हगि आग सकाईत रा येन अऊरद येरसकु आगोद बंद ईला आगेगाईत? यतकी बाक रा उपासना माळावाळेर ऊंदा घन दा हमेशा साटी पवतिर आगेगायदुर अदकि तान पापगोळ साटी बाक यागलु तान इक दोषी ईला समसायदुर. <sup>3</sup>लेकीन हर साल येरसद बलगोळ मंळसागोळी आंदुर पाप याद तोरसतद. <sup>4</sup>यतकी वस्तागोळ अदकि व्हातगोळ्द रक्ता पापगोळी दुर माळुल, ईद संभव हैलेच.

5 इदुरसाठी याग मसीह दुनयिा दा बंदीदुन रा आव अंददिनु, “नीनी याऊ बलदिान अदकि भेंट चाहासीदलि, लेकीन नी नान साटी ऊंद शरीर तयार माळद.”

6 अग्न-बलगिळद अदकि पाप-बलगिळ देल नी खुश आगीदील.

7 आग बाक ना अंददिन, अदकि हयांग व्यवस्था अन कताब दा भी लखिसकु आद, “ना ईल आईन, हे परमेश्वर, नीन इच्छा पुरा माळोर साटी बंदीन.”

8 आव पयले अंददिनु, “बलगिळ अदकि भेंट, अग्न-बलगिळद अदकि पापबलीगोळ नी चाहसाल अदकि ना रा नी अऊर से खुश आगीद.” तरी भी व्यवस्था ईद चाहासतद की अव येरसकु आगुल. 9 बाक आव अंददिनु, ना ईल आईन, नान नीन इच्छा पुरा माळोर साटी बंदीन, रा आव दुसरा व्यवस्था अक स्थापति माळोर साटी पयला रद्द माळ बुळतान. 10 परमेश्वर उन इच्छा देल नाव यीशु मसीह अन शरीर इन पयला अच घन बलदिान येरसकु आगदुर द्वारा पवतिर माळकु आदेव.

11 हर ऊंद याजक हर रोज नीदुरकु तान न्याय इन कर्तव्यगोळी पुरा माळतान, अदकि ऊंद अच प्रकार इन बलदिान इक जो पापगोळी यागलु दुर माळ सकालव घळी-घळी येरसतान. 12 लेकीन मसीह रा याजक उन रूप दा पापगोळ साटी, हमेशा साटी ऊंदा बलदिान येरसकु परमेश्वर उन ऊम्मा कय दी होगकु कुरतुन, 13 अदकि अदा समय टु तान वरिधीगोळी परमेश्वर उन द्वारा कालगोळद पांळसी माळकु आगोद हादी कायेत्यान. 14 यतकी आव ऊंद अच चढावा अन द्वारा आंदरी जो पवतिर माळकु आगतार, हमेशा साटी पुरा सदिध माळ कोंडान.

15 अदकि पवतिर आत्मा भी नामी ईदा गवाही कोळतद; यतकी अद पयले अनतद.

16 “प्रभु अनतान कीजो वाचा ना आ दनिगोळ वाददा आंदुर से कटाईन अद ईद हुन कीना तान नयिमगोळी आंदुर दलिगोळ मा मंळसाईन अदकि ना आंदुर मनगोळ मा लखिसाईन.”

17 बाक आव ईद अनतान, “ना आंदुर पापगोळी अदकि आंदुर अन्याय इन क्याल्सागोळी बाक यागलु याद माळतीदील.” 18 अगर ईदुरद पापगोळद माफ आगेग्याद, रा यातोदु बली इन येनु जरवत अच हैलेच.

बरी नाव परमेश्वर उन हात्ती होगता

19 इदुरसाठी हे वारटुरा अदकि आकतींगेरा, यतकी यीशु उन रक्ता अन द्वारा आ परम पवतिर जागा दा प्रवेश माळोद नडिर आत्मवश्वास आद, 20 यारी आव परदा अन द्वारा, मतलब आऊन खुद इन शरीर इन द्वारा ऊंद व्हाशोद अदकि जित्ता हादी इन माध्यम नाम साटी तेर्द बुटान. 21 अदकि नाम हात्ती हगि महान याजक आन, जो परमेश्वर उन मान्ना अन अधिकारी आन, 22 रा बरी, नाव खरा मन अदकि पुरा वश्वास इन सांगुळ, अदकि नामी मन इन दोष इन भावनागोळी शुद्ध माळोर साटी अदकि दलि मा रक्ता छळिकुसकु, अदकि शरीर इक शुद्ध नीर देल तोळकु परमेश्वर उन हात्ती होदेव. 23 बरी नाव तान आशा अन अंगीकार इक मजबूती देल हुडुकु ईत्तेव, यतकी याव प्रतगिया माळयान, आव वश्वासयोग्य आन; 24 अदकि बरी

नाव ध्यान ईटाता कनिाव प्यार अदकि वळ्लीद क्याल्सागोळ्द प्रती आबुर दाबुर इक ह्यांग मदत माळ सकतेव, <sup>25</sup> अदकि ऊंद सांगुळ सभागोळ दा बरोद तान ई आदतगोळी बळिबाळी, ह्यांग कनिावाळासा लॉकुरी अल ईला बरोद आदत बदिग्याद, लेकीन आबुर दाबुरी मात्त यक्कुल प्रोत्साहित माळतेला ईरी; ह्यांग कनिीव नोळेतीर प्रभु उन दनि हात्ती बरेत्याद.

<sup>26</sup> यतकी सत्य अन पयचान हासलि माळदुर बाद्दा अगर नाव जान बुझुस्कु पाप माळतेला ईत्तेव, रा पापगोळ साटी बाक यातोदु दुसरा बलदान मक्कि ह्यैलेच. <sup>27</sup> उलटा बाक रा बरावाळा न्याय अदकि भीषण बेक्की इन अंजुक इन सांगुळ हादी कायोद अच सरिफ मक्कि ईरतद जो परमेश्वर उन वरिधीगोळी भसम माळ कौडीत. <sup>28</sup> जो यावारा मूसा अन व्यवस्था अन पालन माळालुन, आऊन मा बनिा दया माळद येद्व या मुर मुंदुर गवाहगोळ्द गवाही मान्सकु कौदकु आगतद, <sup>29</sup> रा वचिर माळकोमी कनिाव याट मात्त भारी दण्ड इन लायक ठहूरस्यान, याव परमेश्वर उन पार उक काल देल मेटदुन अदकि वाचा अन रक्ता अक, यदुर द्वाारा आव पवतिर ठहूरस्कु आगीदुन, अपवतिर जान्सदुन, अदकि अनुग्रह अन आत्मा अन अपमान माळदुन. <sup>30</sup> यतकी नाव आऊक अरूतेव, याव अंददिन, “बदला ताकोमोद नान क्याल्सा आद, ना अच बदला ताकोमाईन.” अदकि बाक आव ईद भी अनतान, कनिा “प्रभु तान लॉकुरद न्याय माळ्यान.” <sup>31</sup> जतिता परमेश्वर उन कय दा बळोद भयानक मात आद.

<sup>32</sup> लेकीन आ हदिळोव दनिगोळी याद माळी, यदुर दा नीव परमेश्वर उन ऊजुळ हासलि माळकु, अदकि अदुर बाद्दा याग नीव मयनतगोळ्द सामना माळतेला कठोर संघर्ष दा मजबूती इन सांगुळ बन्सकु ईत्तीर. <sup>33</sup> आग यागल्यारा रा सप्पा लॉकुर मुंद नीमी अपमानीत अदकि सतुसकु आत अदकि यागल्यारा यार सांगुळ हगि बर्ताव माळकु आगतोगोद, नीव आंदुर साथ कोट्टीर. <sup>34</sup> यतकी नीव कैदीगोळ दुख दा भी सहभागी आदीर, अदकि तान संपत्ती भी खुशी देल लुटुस गोट्टीर; ईद जानसकु कनिा नीम हात्ती ऊंद मात्त वळ्लीद अदकि हमेशा ठहूरसावाळा संपत्ती आद. जो हमेशा साटी बन्सकु ईरतद. <sup>35</sup> इदुरसाटी तान नडिर आत्मवश्वास बळिबाळी यतकी अदुरद प्रतफिल धोळ्द आद. <sup>36</sup> यतकी नीमी धीरज ताकोमोद जरूरी आद, ताकी परमेश्वर उन इच्छा अक पुरा माळ सकीर अदकि जो प्रतगिया माळकु आग्याद अदरी हासलि माळीर. <sup>37</sup> “यतकी ह्यांग शास्त्र अनतद, हापाळ जल्दी जो बरावाळा आन आव बंदान आव बलिकुल समय हचतदील. <sup>38</sup> नान सच्चार्ई देल नळावाळेर लॉकुर वश्वास देल जतिता ईत्तार; अदकि अगर आंदुर दा टु यावारा हदि हटस्यान रा ना आऊन से खुश ईरतीदील.”

<sup>39</sup> लेकीन नाव आंदुर दा टु ह्यैलेच जो हदि हटसतार अदकि नाश आगेगतार उलटा आंदुर दा टु आयेव जो वश्वास माळतार अदकि ऊळ्सकु आगतार.

## 11

### वश्वास

<sup>1</sup> वश्वास इन मतलब आद यार्द आशा हचकु ईटतेव आऊन साटी नश्चिति आगोद, अदकि यातोदारा वस्तु उक नाव चाहे नोळालेव अदुर अस्ततिव अन



बारा दा नश्चिति आगोद अच वश्वास हुन. <sup>2</sup> ईदा कारण स्याणा लॉकुर काल इन लॉकुरी आंदुर वश्वास इन द्वारा परमेश्वर उन सहमती हासलि आगति.

<sup>3</sup> \*वश्वास देल अच नाव जान्स कोमतेव की पुरा दुनया अनूद रचना परमेश्वर उन शब्द अन द्वारा आग्याद. इदुरसाटी जो माळ्द मातगोळ दृश्य आव, अव दृश्य देल अच बनसीदील.

<sup>4</sup> वश्वास इन द्वारा अच हाबील परमेश्वर उक कैन से वळ्तीद बलदान येरसीदुन, अदकि आऊन वश्वास इन द्वारा अच सच्चाई देल नळावाळा मंळसा आगोद सहमती परमेश्वर से हासलि माळदुन; यतकी परमेश्वर खुद अच आऊन दानगोळी सहमती कोट्टुन. ईदुर मतलब हाबलि वश्वास इन कारण अच ईद भी माताळतान, याग की आव सोतोग्यान.

<sup>5</sup> वश्वास देल अच हनोक नेगुकु आदुन की मृत्यु उक नोळवाळुल, अदकि आऊक याऊ दुंदूस सकदील यतकी परमेश्वर आऊक म्याकुच नेगु कोंडीदुन, शास्त्र अनतद की हनोक उन म्याकुच नेगा से पयले आव परमेश्वर उक प्रसन्न माळीदुन. <sup>6</sup> अदकि वश्वास बनि परमेश्वर उक खुश माळोद असंभव आद; यतकी जो परमेश्वर उन हात्ती बरतान आऊक वश्वास माळ पाहीजे यतकी परमेश्वर उन अस्तित्व आद अदकि आंदरी प्रतफल कोळतान जो आऊक दुंदूसतार.

<sup>7</sup> वश्वास इन कारण देल अच नूह अक याग परमेश्वर उन द्वारा अव भवष्य अन मातगोळद बारा दा चेतावनी कोटकु आगति जो आव नोळीदुन भी ईला, रा आव पवतिर अंजुक पुर्वक तान परवार इक ऊळसोर साटी ऊंद इवांगा अन निर्माण माळीदुन. परिणाम स्वरूप आऊन वश्वास इन द्वारा अच आव दुनया अक दोषी ठहरूसदुन; अदकि वश्वास इन द्वारा परमेश्वर से बरावाळा न्यायीपन इक हासलि माळदुन.

<sup>8</sup> वश्वास देल अच अब्राहम उक याग परमेश्वर कारदुन रा आग्या मान्सकु ईत्ता जागा दा होटोदुन यदुरद परमेश्वर प्रतगिया माळीदुन; अदकि आव ईला जानसोन की आव यल होगेत्यान, तरी भी तान दयाश बटि बुट्टुन. <sup>9</sup> वश्वास इन कारण अच प्रतगिया माळ्द धरती मा आव ऊंद अनजाना परदेशी घाई तान मान्ना माळकु नवासि माळदुन. आव तम्बूगोळ दा हांगा ईत्तुन हयांग इसहाक अदकि याकूब ईतदुर जो आऊन सांगुळ परमेश्वर उन अदा प्रतगिया अन उत्तराधिकारी ईरोर. <sup>10</sup> अब्राहम आ नगर इन हादी कायोन, यदरी परमेश्वर आकार कोटकु माळदुन अदकि हमेशा मजबूत ईरावाळा पायवा हाकदुन.

<sup>11</sup> वश्वास इन कारण अच अब्राहम जो हापाळ बाट्ट आगेगदिन अदकि सारा जो खुद वांझला ईरोर, लेकीन आक परमेश्वर मा वश्वास माळदुर की आव आकनि प्रतगिया पुरा माळतान अदकि अब्राहम आप्प बन्सेदुन. <sup>12</sup> ईद कारण अब्राहम देल अच, जो सोत्तुर घाई ईरोन, आकाश ईनव तारागोळ अदकि समुद्र अन धुळा घाई अनगनित वंशज पैदा आदुर.

<sup>13</sup> वश्वास इक तान मन दा हुडुकु ई सप्पा लॉकुर सोतोदुर; याता वस्तुगोळ्द परमेश्वर प्रतगिया माळीदुन आंदुर ई वस्तुगोळ हासलि माळीदलि, आंदुर बस अवरी दुर टु ना नोळदुर अदकि अऊर्द स्वागत माळदुर

अदकि आंदुर ईद खुला हसिाब देल मान्स कोंडुर की आंदुर ई धरती मा परदेशी अदकि अनजाना आर. 14 आ लॉकुर जो ईत्ता मातगोळ अनतार, आंदुर ईद तोरसतार की आंदुर ऊंद ईत्ता द्याश इन खोज दा आर जो आंदुरद खुद इन आद. 15 जो द्याश आंदुर बटार अदुर बारा दा आ लॉकुर वचिार माळतेला ईरालुर, अगर वचिार माळतेला ईरायदुर रा आंदरी मात्त वापस बरोद मौका ईराइत. 16 लेकीन आंदुर ऊंद वळ्लीद मतलब स्वरगीय द्याश इन अभलिाषी आर; इदुरसाटी परमेश्वर आंदुर परमेश्वर कहलुसली सरमुसालुन, यतकी आव आंदुर साटी ऊंद नगर तयार माळयान.

17 वशिवास इन कारण अच अब्राहम, याग परमेश्वर आऊन परीक्षा ताकोमोन, तान पार इसहाक उक बलदान इन रूप दा भेंट कोट्टुन; अब्राहम आव ईरोन यार से परमेश्वर प्रतगिया माळीदुन तरी भी आव तान ऊंद टैसा पार उक बली येरसोर साटी तयार ईरोन. 18 रा इदुरसाटी परमेश्वर आऊन से अंददिन, “इसहाक उन द्वारा अच नीन वंश वाळुसति.” 19 अब्राहम वचिार माळीदुन परमेश्वर इसहाक उक सोत्तुर दा टु भी जित्ता माळ सकतान, अदकि हांग नोळकु आगुल रा ऊंद प्रकार देल अब्राहम इसहाक उक मृत्यु दा टु मात्त वापस नोळदुन.

20 वशिवास देल अच इसहाक याकूब अदकि एसाव उक आंदुर भवषिय अन बारा दा आशीष कोट्टुन.

21 वशिवास देल अच याकूब साया होती यूसुफ उन येदुदु पारगोळ दा टु ऊंद ऊंद पार उक आशीष कोट्टुन, अदकि तान कोल इन सहारा ताकोमकु परमेश्वर उन आराधना माळदुन.

22 वशिवास देल अच यूसुफ, याग आव सायदुर मा ईरोन, रा इस्त्राएलगोळी मसित्तर टु होटकु होगोद बारा दा माताळीदुन, अदकि तान अस्थीगोळ सांगुळ येन माळ पाहीजे अदुर नरिदेश हेळीदुन.

23 वशिवास देल अच मूसा अन मोय आप्प आऊक पैदा आगदुर बाद्दा मुर तगिुळ ताका होचकोमकु ईटदुर; यतकी आंदुर नोळदुर, की चगिद सुंदर आद, अदकि आंदुर राजा अन्द आग्या मुरदुर देल अंजीदलि.

24 वशिवास देल अच मूसा धोडडेव आगकु फरौन उन पोर इन पार अंदकु आगली इनकार आदुन. 25 इदुरसाटी की आऊक पाप दा थ्वाळासा दनि इन सुख भोगसदुर देल परमेश्वर उन लॉकुर सांगुळ दुख भोगसोद यक्कुल वळ्लीद हत्त. 26 अदकि मसीह अन कारण ननिदीत आगली मसित्तर अन भंडार देल धोळ्द धन समसदुन: यतकी आऊन कण्ण भवषिय अन प्रतफिल हासलि माळदुर दी हतकु ईरव.

27 वशिवास देल अच राजा अन सटिट देल बनिा अंजकु मूसा मसित्तर अक बटि बुट्टुन, यतकी मान्सी की आऊक अदृश्य परमेश्वर कांळसोन. 28 वशिवास देल अच आव फसह अन हाब्बा अदकि कवाळ मा रक्ता छळिकुसोद पालन माळदुन, की मृत्यु उन दूत इस्त्राएलीगोळ्द पैदा आग्द पयला औलादगोळी कोंद सकवाळुल.

29 वशिवास देल अच इस्त्राएली लॉकुर क्याचांद समुद्र अन आप्पाटी हगि ईळदुर, हयांग कि वंळगीद जागा मा टु; अदकि याग मसित्रीगोळ हांग अच माळोद चाहासदुर, रा सप्पा नीर दा मुळकेदुर.

30 वशिवास देल अच यरीहो अन दविर, याग येळ दनि ताका अदुर्द परकिरमा इस्त्राएलीगोळ माळदुर रा अद बदिोत. 31 वशिवास देल अच राहाब वेश्या आग्या ईला मान्सावाळेर सांगुळ कोन्सुसकु आगीदील; यतकी आक इस्त्राएली गुप्तचरगोळ संगीपना पुर्ण स्वागत माळीदुर.

32 ईग ना मात्त येन अनाईन? यतकी समय ईतीदील, कि गदिन, बाराक अदकि शमिशोन, यफिताह, दाऊद शमूएल अदकि भवषियवक्तागोळद वर्णन माळाईन. 33 इंदुर वशिवास इन द्वारा अच राज्य जीक्स कोंडुर; जो सही अवा क्यालसा माळदुर; अदकि परमेश्वर प्रतगियागोळ कोट्टुन अवरी हासलि माळदुर, आंदुर हुल्लीगोळव बाय बंद माळ बुट्टुर. 34 बेक्की इन लपटागोळी शांत माळदुर; तलवार इन धार देल उळ्दकु होट्टुर, नर्बलता दा ताकतवर आदुर; लळाई दा वीर होट्टुर; परदेशीगोळ फौजगोळ मा वजिय हासलि माळदुर.

35 वशिवास इन द्वारा आर्तेर तान सोतकु रशितेदारगोळी मात्त जतिता नोळदुर; यास रा सतुसतेला कोन्सुसकु आदुर; अदकि छुटकारा चाहासीदलि; इदुरसाटी आंदुर कि वळ्ळीद जीवन इन पुनरूत्थान हासलि माळ सकुल. 36 हापाळ मुंदुर मज्याक हारसकु आत; अदकि क्वाळागोळ्द सामना माळकु आत याग कि थ्वाळासा मुंदुरी संकलीगोळ देल कटकु बंदीगृह दा हाक्कु आत. 37 आंदुर मा पथराव माळकु आदव, आंदरी आरी देल सळिकु येढ्ढ भाग माळकु आदव, आंदरी तलवार देल मौत इन घाट ईळ्दकु आत. आंदुर गरीब ईरोर आंदरी यातनागोळ कोटकु आदव अदकि आंदुर सांगुळ बुरा व्यवहार माळकु आत. मर्री म्यांडागोळ तौगुल हाक्कु ईतत आतत भटकुसतेला ईत्तुर. 38 अदकि मरूस्थल, पहाळीगोळ, गुफागोळ दा अदकि धरती इन फुटगोळ दा वयाळदुर, ई दुनिया आंदुर लायक ईला ईरोद.

39 वशिवास देल अच आंदुर्द वळ्ळीद लेखा जोखा ईटकु आत, तरी भी परमेश्वर उन प्रतगिया माळ्द मातगोळ आंदरी सकदील. 40 यतकी परमेश्वर नाम साटी पयले टु ऊंद वळ्ळीद योजना ठहूरसीदुन, आऊन उद्देश ईद ईरोद कि आंदरी भी नाम सांगुळ अच संपुर्ण सिद्धि माळकु आगुल.

## 12

### परमेश्वर नाम आप्प

1 यल ताका नाव गवाहगोळ्द हगि धोळ्द बादल देल घेरस्कु आयेव, रा बाक बरी, हर ऊंद बादा हाकावाळा वस्तु उक अदकि आ पाप इक जो आसानी देल नामी ऊलझुस बुळतद अदरी भीट बुटेव, अदकि बरी, अद दवळ जो नामी ओळोद आद अदरी धरिज इन सांगुळ ओळेव, 2 अदकि नाम वशिवास इन कर्ता अदकि सिद्धि माळावाळा यीशु उन दी तान कण्णगोळी हचकु ईत्तेव. याव तान मुंद उपस्थिति खुशी इन साटी कूस इन यातनागोळ झेल्सदुन, अदुर शरम

इन येनु चन्ता माळीदलि अदकि परमेश्वर उन सहिसन इन ऊमा कय दी वरिजमान आगेदुन.

3 इदुरसाटी आऊन मा ध्यान माळी, याव तान वरिध दा पापीगोळ्द ईट वरिध सहन माळदुन की नीव नरिश आगकु साहस बटि बुळतदिलि. 4 नीव लॉकुरी पाप इन वरिध दा संघर्ष माळतेला ईट सहन माळोद बदिदिलि की नीम रक्ता वाहुसदिद; 5 येन नीव आ प्रोत्साहन इन शब्दगोळी, यारी परमेश्वर तान चकिर सम्सकु नीम से अंदुन, येन नीव मारतोगीर? “हे नान पारा, याग परमेश्वर नीनी सुधूस्यान आग ध्यान हच, अदकि याग आव नीन ताळना माळ्यान रा हताश आगबाळ. 6 यतकी प्रभु यार से प्यार माळतान, आऊक सुधूसतान भी, अदकि यारी पार माळ कोमतान, आऊक दण्ड भी कोळतान.”

7 नीव दुख इक ताळना सम्सकु सहन माळकोमी; परमेश्वर नीमी पार जान्सकु नीम सांगुळ वर्ताव माळतान. हगि याता पार हुन जो आप्प उन द्वारा सजा भोगसालुन? 8 अगर अद ताळना यदुर भागी सप्पा आगतार, नीमद आगीदील रा नीव आऊन चकिर आल्लच, लेकीन नीव घटिया मंळसा आईर. 9 बाक याग की नाम शारीरकि आप्प भी नाम ताळना माळतोगोर अदकि नाव आंदुरद आदर माळदेव, रा येन नाव आत्मकि आप्प उन यक्कुल हात्ती आगकु जीवन ईला बीतुसेव. 10 नाम शारीरकि आप्पगोळ थवाळासा समय इन साटी ह्यांग आंदुर वळ्ळीद सम्सदुर नामी ताळना माळदुर, लेकीन परमेश्वर नाम भलाई इन साटी ताळना माळतान यदुर देल नाव आऊन पवतिरता अन सहभागी आग सक्केव. 11 वर्तमान दा हर ऊंद प्रकार इन ताळना आनन्द इन ईला, लेकीन अद दुखद हततद; तरी भी जो अदरी सहन माळ-माळकु पक्का आगेग्यार, बाद्दा आंदरी न्यायीपन इन जीवन अदकि शांती इन प्रतफिल हासलि आगतद.

उपदेश अदकि चेतावनी

12 इदुरसाटी थक्स कयगोळी नेगी अदकि नरिबल ट्वांगारागोळी मजबूत माळी, 13 अदकि तान कालगोळ साटी सीधा हादी माळी कलिंगळा भटकुस बाळुल लेकीन भला चंगा आगेगुल.

14 सप्पा मुंदुर सांगुळ शांती इन सांगुळ ईरली अदकि पवतिर जीवन जीऊसोर साटी हर प्रकार देल प्रयत्नशील ईरी, यतकी इदुर बनि यावारा भी प्रभु उक नोळ सकतीदलि. 15 तान तान इन सावधानी माळी, ताकी यावारा परमेश्वर उन अनुग्रह देल हींद होगबाळुल. अदकि यावारा भी केय खांदी घाई वाळुस बाळुल, यतकी आदुर जहर देल यातोदारा झगळा उत्पन्न आग ईला पाहीजे. 16 यावारा भी अनैतिक अदकि अन्यायी या एसाव उन घाई आगबाळुल याव ऊंद घन इन भोजन इन बदला तान धोळ पार आगेद अधकिार मार बुट्टुन. 17 अदुर बाद्दा नीव जान्सतीर की याग आव तान आप्प उन से आशीष ताकोमोद चाहासदुन रा अयोग्य आळुकु आदुन, अदकि वर्ल-वर्लकु आव आशीष ताकोमोद कोशशि माळदुन तरी भी आऊक आऊन पाप इन मन तरिगुसोद मौका सकिदील.

18 नीव बेक्की देल होद्द आ सनाय पहाळी इन हात्ती बंदीदलि, यदरी महसुस माळकु आग सकोद अदकि ना रा अंधार अदकि ना रा उदासीनता अदकि बवंडर इन हात्ती बंदीर ह्यांग इस्त्राएली लॉकुर बंदीदुर. 19 अदकि तुरही इन आवाज, अदकि माताळावाळेर्द ईत्ता शब्द अन हात्ती बंदीदलि, यार केळावाळेर वनिती माळदुर कि ईग नाम से मात्त मातगोळ माळकु आगबाळुल. 20 यतकी आंदुर आ आग्या अक सहन माळ सकदील: “अगर यातोदारा प्राणी भी पहाळ इक मुट्टीत रा अदुर मा कल्लगोळ भटिकु आगुल.” 21 अदकि अद नजारा हगि भयानक ईरोद कि मूसा अंदुन, “ना हापाळ अंजक्या देल अदकि नळ्गेतीन.”

22 लेकीन नीव सयियोन इन पहाळी, जत्तिता परमेश्वर उन नगर, अदकि स्वरगीय यरूशलेम अदकि हजार स्वरगदूतगोळ आनन्द पुरण सभा दा होट बंदीर. 23 नीव परमेश्वर से पयले पैदा आगद यार हेसुर स्वरग दा लखिसकु आव आंदुर सभा दा पोहचुसेगीर. नीव आ परमेश्वर उन हात्ती बंदीर जो सप्पा लॉकुर न्याय माळतान कि न्यायी लॉकुरद आत्मागोळ सदिध आगुल. 24 अदकि ऊंद वहाशोद वाचा अन मध्यस्थ यीशु अदकि छळिकाव इन आ रक्ता अन हात्ती होट बंदीर, जो हाबील उन रक्ता अन अपेक्षा वळ्लीद वस्तुगोळ्द प्रतगिया माळतान.

25 सावधान ईरी, अदकि आ अनावाळा से बाय तरिगुसबाळी, यतकी आ लॉकुर याग पृथ्वी माकळव चेतावनी कोळावाळा से नकार माळकु ऊळु सकदील, रा नाव स्वरग मा टु चेतावनी कोळावाळा से बाय वाकळा माळकु ह्यांग ऊळु सककेव? 26 आ समय रा आऊन शब्द पृथ्वी इक आलगाळस कोम्त, लेकीन ईग आव ईद प्रतगिया माळ्यान, “ऊंद घन बाक ना सरिफ पृथ्वी इक बल्की आकाश इक भी आलगाळसकु ईट बुळाईन.” 27 ईव शब्द “ऊंद घन मात्त” आ हर वस्तु दी प्रगट माळतद कि जो मातगोळ नरिमति माळकु आग्याव अव आलगाळसकु आदव अदकि अस्थरि ईत्ताव कि जो मातगोळ आलगाळसकु आगालव अव स्थरि ईरूल.

28 इदुरसाटी बाक याग नामी हगि राज्य सकित्याद यदरी आलगाळसकु आगाल रा बरी धन्यवादी बनसाती अदकि आदर मलिसकु अंजक इन सांगुळ परमेश्वर उन उपासना माळेव कि परमेश्वर अदुर देल प्रसन्न आगुल; 29 यतकी नाम परमेश्वर भसम माळावाळा बेक्की हुन.

## 13

परमेश्वर उक ह्यांग प्रसन्न माळेव

1 आबुर दाबुर दा वशिवासी वार्टुरद प्यार बन्सकु ईरूल. 2 अनजाना लॉकुरद तान मान्या सत्कार माळोद मारूबाळी, यतकी हगि माळतेला अच थवाळासा लॉकुर अनजाना दा स्वरगदूतगोळ्द स्वागत माळदुर. 3 कैदीगोळ्द इत्ता सुधी ताकोमी, कि मान्सी आंदुर सांगुळ नीव भी कैद आईर; अदकि यार सांगुळ बुरा बर्ताव माळकु आगतद, आंदुरद ईत्ता प्रकार सुधी ताकोमी, मान्सी नीव भी पळ्ळीत आगेतीर.

4 मदा सब दा आदर इन मात सम्सकु आगुल, अदकि गांड-हगिस आबुर दाबुर सांगुळ वशिवासयोग्य ईरूल, यतकी परमेश्वर अनैतिक अदकि व्यभचारीगोळ्द न्याय माळ्यान.

5\*नीम स्वभाव धन से प्यार माळोद ईरबाळुल, अदकि जो नीम हात्ती आद, अदुर दा संतुष्ट ईरी यतकी परमेश्वर अंदान ना नीनी यागलु बळितीदील, अदकि यागलु मारूतीदलि. 6 इदुरसाटी नाव बेधळक आगकु अनतेव, कि प्रभु, नान सहायक आन; ना अंजालीन; मंळसा नान येन माळ सकतान.

7 जो नीमोर अगुवागोळ ईरोर, अदकि यार नीमी परमेश्वर उन वचन केळस्यार, आंदरी याद ईटी; अदकि ध्यान देल आंदुरद चाल चलन इन अनूत नोळकु आंदुरद वशिवास इन अनुकरण माळी. 8 यीशु मसीह नीन अदकि ईद अदकि युगानुयुग ऊंदा घाई आन. 9 हर प्रकार इन अपरचिति शक्तिषागोळ देल भरमुसकु आगबाळी. नाम मन इन साटी ईद वळ्लीद आद कि आंदुर अनुग्रह अन द्वारा मजबूत बनसुल ना कतिनिोद कुडोद संबंघ दा नयिमगोळी मान्सदुर देल, यदुर देल आंदुर यागलु भला आगीदील यार अवरी मान्सदुर.

10 नाम्द ऊंद हगि वेदी आद यदुर मा टु तनिोद अधिकार आ याजकगोळी हैलेच, जो तम्बू दा स्यावा माळतार. 11 यतकी याता पशुगोळ रक्ता महायाजक पाप-बली इन साटी महापवतिर जागा दा ओयतान, अदकि आ जनावरगोळ शरीर आ तम्बूगोळ्द छावनी इन व्हार्या होताक्कु आगताव. 12 ईदा कारण, यीशु भी नगर इन व्हार्या सोतुतुन ताकी लॉकुर पापगोळ देल आऊन रक्ता अन द्वारा शुद्ध आग सकुल. 13 रा वाक बरी, आऊन हात्ती छावनी इन व्हार्या होगाता, अदकि आऊन अपमान दा सहभागी आगाता. 14 यतकी ईल पृथ्वी मा नाम येनु स्थाई नगर हैलेच, बल्की नाव ऊंद बरावाळा नगर इन हादी कायेतेव. 15 नळी नाव यीशु उन द्वारा परमेश्वर उक सतुतरूपी बलदान अर्पण माळाता जो आ टुटगोळ्द काय हुन यार आऊन हेसुर इक अरतार. 16 भलाई माळोद अदकि आबुर दाबुर सहायता माळोद मारूबाळी, यतकी परमेश्वर हगिा बलदानगोळ देल खुश आगतान.

17 तान अगुवागोळ्द आग्या मान्सी अदकि आंदुर आदेशगोळ मा नळी. आंदुर नीम मा बनिा आराम माळ्द हगि सावधानी ईटतार ह्यांग मान्सी आंदरी तान क्याल्सागोळ्द लेखा जोखा परमेश्वर उक कोळोद आद; अगर नीव आंदुर आग्या मान्सीर रा आनन्द इन सांगुळ तान क्याल्सा माळ्यार, अगर मान्सतीदील रा आंदुर दुख इन सांगुळ तान क्याल्सा माळ्यार अदकि अद नीम साटी मदतगार साबति आगतीदील.

18 नाम साटी प्रार्थना माळतेला ईरी, यतकी नामी भरोसा आद कि नाम वविक शुद्ध आद: अदकि नाव सप्पा मातगोळ दा वळ्लीद चाल नळोद चाहसतेव. 19 ना नीम से आग्रह माळतीन कि नीव प्रार्थना माळतोगी ताकी राटनेरी ना नीम हाती बर सकाईन.

आखरी प्रार्थना

20 याव म्यांडागोळ घाई आ महान चरवाहा नाम प्रभु यीशु उन रक्ता अन द्वारा आ सनातन वाचा मा मोहर हचकु सोत्तुर दा टु जतिता माळदुन आव शांती इन दाता परमेश्वर, 21 नीमी सप्पा वळ्ळीद साधनगोळ देल संपन्न माळुल, यदुर देल नीव आऊन इच्छा पुरा माळ सकीर, अदकि यीशु मसीह अन द्वारा आव नाम बुळ्क आ सप्पा मातगोळी सक्रयि माळुल जो आऊक वळ्ळीद हततद. मसीह अन महामिा युगानुयुग आगतेला ईरूल. आमीन.

### आखरी शब्द

22 हे वार्टुरा अदकि आकतींगेरा, ना नीम से आग्रह माळतीन कि ईद प्रोत्साहन इन संदेश इक धीरज इन सांगुळ केळी, यतकी ई चट्टी जो ना नीमी लखिंसीन यक्कुल धोळ्द हैलेच. 23 ना चाहासतीन कि नीमी ईद पता नळुल नाम वार्ट तीमुथयिस कैद दा टु बटिकु आग्यान. अदकि अगर आव राटनेरी बंदुन रा ना आऊन सांगुळ नीम से मुलाकात माळली बराईन.

24 तान सप्पा अगुवागोळी अदकि सप्पा परमेश्वर उन लॉकुरी नमस्कार अनेतीर. इटलीवाळेर वशिवासी लॉकुर नीमी नमस्कार अनतार.

25 नीम सप्पा मुंदुर मा परमेश्वर उन अनुग्रह आगतेला ईरूल. आमीन.

## याकूब की पत्री याकूब उन चट्ठी परचिय

याकूब उन साटी परचिय याकूब उन कतिाब याकूब हेसुर इनव यातारा मळसा दवारा लखिसकु आगीत. ईव संभव यीशु उन वारट याकूब ईरोन, जो सुरूवाती मंडली दा ऊंद अधकारी ईरोन अदकि यरूशलेम नगर इन हसिसा ईरोन प्रेरतिगोळ १५:१३ प्रेरति पौलुस आऊक गलातगोळ २:१ दा मंडली इन खंवा भी अंदुन. वधिवानगोळ मानसोद भी आद कि याकूब उन कतिाब मसीह अन जनम इन ५० साल इन बाददा लखिसकु आगीत. यतकी याकूब यरूशलेम दा मंडली इन अधकारी ईरोन, इदुरसाटी आव अल ईरतेला शायद कतिाब लखिसीदुन.

याकूब तान कतिाब इक “राज्यगोळ न्याड्या बखिरूस्द व्हार्या जनजातीगोळ” इक संबोधति माळदुन १:१ याकूब दा सप्पा च्या सप्पा मसीहगोळ मा लागु आगताव लेकीन “व्हार्या जनजाती” शब्दगोळ उपयोग ईद संभव आगतद कि याकूब सीधा यहूदी मसीहगोळी लखिसोन. यतकी ईद कतिाब पाठकगोळ ऊंद व्यापक समुह ताका पोहचुसोर साटी माळीदुन. ईद हापाळ वषियगोळी संबोधति माळत. याकूब विश्वास अदकि कार्यगोळ न्याड्या संबंधगोळ मा ध्यान केंद्रति माळतान. खरा आराम कारवाई दा तोरसकु आदीत २:१७. आव धनवान लॉकुरी २:१-४ पक्षपात तोरसोर खलिाप भी चेतावनी कोळतान अदकि नामी हेळतान कनिाव येन अनतेव ३:१-१२ रूप-रेखा

१. याकूब तान पाठकगोळी धन्यवाद कोळतान. १:१
२. ईदुर बाददा आव मसीहगोळी सहन माळोर साटी प्रोत्साहति माळतान याग आंदुर बमिर आगताव. १:२-२७
३. बाक आव अनतान कि विश्वासगोळ माध्यम देल विश्वास इन साटी ह्यांग जरूरी आद. २:१-२६
४. अदुर बाददा आव अनतान कि यास शक्तशाली शब्द आग सकताव. ३:१-१२
५. आग याकूब हेळतान कि ह्यांग परमेश्वर उन ग्यान दुनिया अन ग्यान से अलग आद. ३:१३-४:१०
६. ईदुर बाददा आव तान पाठकगोळी घमण्डी आगा खलिाप चेतावनी कोळतान. ४:११-५:६
७. याकूब थ्वाळासा साधारण नरिदेश कोटकु तान कतिाब खतम माळतान. ५:१७-२०

1\*परमेश्वर उन अदकि प्रभु यीशु मसीह नव दास याकूब उन दी टु आ हन्नेळ गोत्रगोळी जो ततिर-बतिर आगकु ईरतार नमस्कार पोहचुसुल.

\* 1:1 १:१ मत्ती १३:५५; मरकुस ६:३; प्रेरतिगोळ १५:१३; गलातगोळ १:११



### वश्वास अदकि बुद्धमिानी

2 हे नान वार्दुरा अदकि आकतीगेरा, याग नीव अलग प्रकार इन परीक्षागोळ दा बळी, रा इदरी पुरा खुशी इन मात समसी, 3 ईद जानसकु की नीम वश्वास इन परख आगदुर देल धीरज पैदा आगतद. 4 लेकीन धीरज इक तान सप्पा क्वालसा माळगोळी की नीव पुरा अदकि सद्धि आगेगी, अदकि नीम दा यातोदु मात इन कमी ईरबाळुल.

5 लेकीन नीम दा टु यारीकारा दमिक इन कमी ईरूल रा परमेश्वर से बेळुल, जो सप्पा मुंदुरी बनिा दोष हचकु अनुग्रहपूर्वक कोळतान, अदकि आऊक कोटकु आदीत. 6 लेकीन वश्वास देल बेळुल, अदकि येनु सक माळबाळुल, यतकी सक माळावाळा समुद्र अन्द लयर इन घाई आन जो हवा देल वाहुसतद अदकि हारतद. 7 हगि मंळसा ईद सम्सबाळुल की नानी प्रभु उन हाती टु येनारा सकिकीत, 8 आ मंळसा येदद चतितवाळा हुन अदकि तान सप्पा मातगोळ दा संची हैलेच.

### गरीबी अदकि अमीरी

9 गरीब वार्दुरा याग परमेश्वर नीमी धोळद पद कोळतान रा खुशी माळी, 10 अदकि अमीर तान नीच दशा मा; यतकी आव काड्डा अन्द फूल इन घाई ओळेदान. 11 यतकी सुर्य अन होळतेला अच हापाळ बसिल बळितद अदकि काड्डा अक वंळगास बुळतद, अदकि अदुरद फूल झळसेगतद अदकि अदुर शोभा नाश आगेगतद. ईदा प्रकार अमीर भी तान हादी मा नळुत-नळुत नाश आगेदान.

### परख अदकि लालच

12 धन्य आन आ मंळसा जो परीक्षा दा स्थरि ईरतान, यतकी आव सही होटकु जीवन इंद अद मुकुट हासलि माळ्यान यदुरद वादा प्रभु तान प्यार माळावाळेर से माळ्यान. 13 याग यारदारा परीक्षा आगुल, रा आव ईद अनबाळुल की नान परीक्षा परमेश्वर उन दी टु आगतद; यतकी ना रा बेकार मातगोळ से परमेश्वर उन परीक्षा आग सकतद, अदकि ना आव यारदारा परीक्षा खुद माळतान. 14 लेकीन हर ऊंद मंळसा तांद अच बेकार अभलिाषागोळ देल जेडुकु अदकि फसुसकु परीक्षा दा बळितान. 15 बाक बेकार अभलिाषा व्हाट्टा दी ईतकु खुद इन नर्माण माळतद अदकि पाप याग पुरा रीतदिल वाळुसेगतद रा मृत्यु उक तयार माळतद.

16 हे नान प्रयि वार्दुरा अदकि आकतीगेरा, ध्वाका तनिबाळी. 17 यतकी हर ऊंद वळ्ळीद दान अदकि हर ऊंद परपूरण उपहार स्वर्ग टु अच आद, अदकि अद आ परमेश्वर उन द्वारा ज्योती याव स्वर्गीय प्रकाश इक माळ्यान ल्यालमा तनकु आगताव, आव हमेशा बदलुसत सावली घाई बदलुसालुन. 18 आव तांद अच इच्छा देल नामी सच्चाई अन्द वचन इन द्वारा तयार माळदुन, की नाव आऊन दुनिया दा जो वस्तुगोळ आव अऊर दा टु ऊंद प्रकार इन पयला काय आदेव.

### केळोद अदकि माळोद

19 हे नान प्रयि वारटुरा अदकि आकतींगेरा, ईद मात नीव जानस कोमी: हर ऊंद मंळसा केळोर साटी तत्पर अदकि माताळदुर दा धीर अदकि सट्टिट दा धीरा ईरूल, 20 यतकी मंळसा अन्द सट्टिट परमेश्वर उन न्यायी उद्देश इक प्राप्त माळ सकाल्द. 21 इदुरसाटी सप्पा मईलपन अदकि दुशमनी भाव इन बळती इक दुर माळकु, आ वचन इक नम्रता देल ग्रहण माळकोमी जो मन दा बोऊस्कु आत अदकि जो नीम उद्धार माळ सकतद. 22 सरिफ केळावाळे अच ईला जो तान तान इक ध्वाका कोळतार, लेकीन वचन मा नळावाळे बनसी. 23 यतकी जो यावारा वचन इन केळावाळा ईरूल अदकि अदुर मा नळावाळा ईला आगुल, रा आव आ मंळसा अन्द घाई आन जो तान स्वाभावकि मार्रा आरसा दा नोळतान. 24 आव तान तान इक नोळकु होटोगतान अदकि तुरन्त मारतोगतान काना ह्यांग ईरीन. 25 लेकीन जो मंळसा स्वतंत्रता अन्द सदिध व्यवस्था मा ध्यान माळतान, आऊक परमेश्वर आऊन क्याल्सा दा इदुरसाटी आशीष कोट्टान किकेळकु मारालुन लेकीन हांग अच क्याल्सा माळतान. 26 येन नीम दा टु यावारा तान तान इक न्यायी समस्तान? अगर नीव तान ल्यालग्या अक वश दा माळ सकालीर रा नीव तान तान इक ध्वाका कोळतीर अदकि नीम न्यायीपन बेकार आद. 27 नाम परमेश्वर अदकि आप्प उन हात्ती शुद्ध अदकि नर्मल भक्ती ईद आद कानाथगोळ अदकि रांड्यागोळ्द क्लेश दा आऊन सुधी ताकोमुल, अदकि तान तान इक दुनया से नषिकलंक ईटुल.

## 2

पक्षपात इन खलिाप चेतावनी

1 हे नान वारटुरा अदकि आकतींगेरा, नाम महमियुक्त प्रभु यीशु मसीह मा नीम विश्वास पक्षपात इन सांगुळ आगबाळुल. 2 समसी अगर ऊंद धनवान मंळसा व्हानना अन्द छल्ला अदकि सुंदर फळक्या हाक्कु नीम सभा दा बरूल, अदकि ऊंद गरीब मंळसा भी रेदुसदव फळक्या हाक्कु बरूल, 3 अदकि नीव आ सुंदर फळक्यावाळा अन्द चेहरा नोळकु अंदीर, “नी अल वळलीद जागा दा कुर,” अदकि आ गरीब मंळसा से अंदीर, “नी ईल नदिरकु ईर,” या “नान कालगोळ हात्ती कुर.” 4 रा येन नीव आपस दा भेद-भाव माळीदलि अदकि बेकार उद्देश देल न्याय माळावाळे ठहरूसीदील? 5 हे नान प्रयि वारटुरा अदकि आकतींगेरा, केळी. येन परमेश्वर ई दुनया अन्द गरीबगोळ्द चुनाव माळीदलि काना विश्वास दा धनी अदकि आ राज्य अन्द अधिकारी आगुल, यदुर्द वादा आव आंदुर से माळ्यान जो आऊन से प्यार ईटतार? 6 लेकीन नीव गरीब उन अपमान माळदीर. अदकि आंदुर यार उर जो नीम मा अत्याचार माळतार अदकि नीमी कचेरीगोळ दा जेडु जेडुकु ओयतार?

7 येन आंदुर ईदुर आल्लच जो मसीह अन वळलीद हेसुर ईद अपमान माळतार? जो नीमी कोटकु आग्याद. 8 तरी भी अगर नीव पवतिरशास्त्र अन्द ई वचन इन अनुसार काना “नी तान मानना हातळोर वाळे से तान घाई प्यार ईट” खराखुरा आ राज व्यवस्था अक पुरा माळतीर, रा वळलीद अच माळतीर. 9 लेकीन अगर नीव लांकुर्द बाहरी पहराव नोळकु व्यवहार माळतीर, रा नीव पापी आईर, अदकि व्यवस्था नीमी नयिम मुरावाळा ठहरूसतद. 10 यतकी

जो यावारा सप्पा व्यवस्था अन्द पालन माळतान लेकीन ऊंद अच मात दा चुकसेगुल रा आव सप्पा मातगोळ दा दोषी ठहरूसकु आग्यान. 11 याव ईद अंदुन, “नी व्यभचारि माळबाळेत,” आवा ईद भी अंददिन, “नी हत्या माळबाळेत,” इदुरसाटी अगर नी व्यभचारि रा माळीदलि लेकीन हत्या माळद तरी भी नी व्यवस्था अन्द उल्लंघन माळावाळा ठहरूसद. 12 नीव आ लॉकुर घाई वचन माताळी अदकि क्याल्सा भी माळी, यार्द न्याय आ व्यवस्था अन्द अनुसार आदीत जो नामी स्वतंत्र माळतद. 13 इदुरसाटी जो दयालु हैलेच आऊन साटी परमेश्वर उन न्याय भी बनिा दया अन्द अच आदीत लेकीन दया न्याय मा वजियी आद.

### वश्वास अदकि कर्म

14 हे नान वार्दुरा अदकि आकतीगेरा, अगर यावारा अनुल कनिानी वश्वास आद लेकीन आव कर्म माळालुन, रा इदुर से येन फायदा? येन ईतता वश्वास यागल्यारा आऊन उद्धार माळ सकतद? 15 अगर यावारा वार्दुरा या आकतींग इन हाती जंग कपळा ईरूल अदकि आंदरी हर रोज भोजन ईद कमी ईरूल, 16 अदकि नीम दा टु यावारा आंदुर से अनुल, “शांती देल होगी, नीमी पर्याप्त कपळा सकिल अदकि नीव वळलीद खाना तीनकु संतुष्ट ईरी,”

लेकीन जो वस्तुगोळ मय इन साटी जरूरी आव अव आंदरी ईला कोळुल रा येन फायदा? 17 हांग अच, अगर वश्वास भी कर्म सहति हैलेच रा तान स्वभाव दा सोतकु आद.

18 अगर यावारा अनतान, “नीनी वश्वास आद अदकि कर्म ना माळतीन.” नी तान वश्वास नानी कर्म इन बनिा रा तोरस; अदकि ना तान वश्वास तान कर्मगोळद द्वारा तोरसाईन. 19 येन नीनी वश्वास आद कि ऊंद अच परमेश्वर आन? नी वळलीद माळत्या. दुष्टआत्मा भी वश्वास ईटताव, अदकि नळगताव. 20 लेकीन हे नकिम्मा मंळसा, येन नी ईद भी अरू सकाल कि कर्म इन बनिा वश्वास व्यर्थ आद? 21 याग नाम पुर्वज अब्राहम तान पार इसहाक उक वेदी मा यरसदुन, रा येन आव कर्मगोळ देल न्यायी ईला ठहरूसीदुन? 22 इदुरसाटी नी नोळ कोंड कि वश्वास आऊन क्याल्सागोळ सांगुळ मलिसकु प्रभाव हाक्याद, अदकि कर्मगोळ देल वश्वास सदिध आत, 23 \*अदकि पवत्रिशास्त्र अन्द ईद वचन पुरा आत: “अब्राहम परमेश्वर उन वश्वास माळदुन, अदकि ईद आऊन साटी न्यायी आळुकु आदुन,” अदकि आऊक परमेश्वर उन संगी अंदकु आत. 24 ई प्रकार नीव नोळ कोंडीर कि मंळसा सरिफ वश्वास देल अच ईला, उलटा कर्मगोळ देल भी न्यायी ठहरूसकु आगतान. 25 हांगा राहाब वेश्या भी, याग आक स्वरगदूतगोळी तान मान्या ईळसदुर अदकि दुसरा हादी देल वदिा माळदुर, रा येन आक कर्मगोळ देल न्यायी ठहरूसदुर? 26 हांगा ह्यांग मय आत्मा अन्द बनिा सोतकु आद, हांग अच वश्वास भी कर्म इन बनिा सोतकु आद.

\* 2:23 २:२३ उत्पत्ति १५:६

## 3

ल्यालग्या अक वश दा माळोद

1 हे नान वार्दुरा अदकि आकतीगेरा, नीम दा टु हापाळ सा लॉकुर शक्तिषा कोळावाळेर बनसबाळुल, यतकी जानसतीर की नाव शक्तिषा कोळावार्ळेद यककुल गंभीरता देल न्याय माळकु आदीत. 2 इदुरसाटी की नाव सप्पा मुंदुर हापाळ घन चुकसेगतेव; लेकीन अगर यावारा माताळदुर दा यातोदारा भी गलती माळतीदील रा आव ऊंद सदिध मंळसा आन अदकि सप्पा मय मा भी नयिंतरण ईट सकतान. 3 याग नाव तान आग्या मानसुसोर साटी घ्वाळा अन्द बाय दा लगाम हचतेव, रा नाव अदरी बाक यल चाहे अल तरिगुस सकतेव. 4 जहाज भी, हगि धोड्डेव ईरताव अदकि प्रचंड हवा देल नळसकु आगताव, तरी भी ऊंद स्यांळदतुसा सा पतवार इन द्वारा माँझी इन इच्छा अन्द अनुसार तरिगुसकु आगताव. 5 हांग अच ल्यालग्या भी ऊंद स्यांळदतुसा सा हसिसा आद अदकि अद धोळद-धोळद डींग होडुतद. जरासा सोची, थ्वाळासा बेक्की देल याट धोळद आळी दा बेक्की हत्तेगतद. 6 ल्यालग्या भी ऊंद बेक्की हुन; ल्यालग्या नाम मय इन हसिसा दा अन्याय इन दुनिया हुन, अदकि सप्पा मय मा कलंक हचतद, अदकि जीवन-गर्ता मा बेक्की हच बुळतद, अदकि नरक कुण्ड इन बेक्की देल होतत ईरतद. 7 यतकी सप्पा प्रकार इन आळी, पशु, पक्षी, अदकि रेंगसावाळा जन्तु, अदकि नीर इन जीव जन्तु रा मंळसा जाती इन वश दा आग सकताव अदकि आगोग्याव भी, 8 लेकीन ल्यालग्या अक मंळसागोळ दा टु याऊ वश दा माळ सकालुन; अद ऊंद हगि बला आद जो यागलु अच रूकसाल, अद जीव नाशक जयर देल तुमकु आद. 9 इदुर देल अच नाव प्रभु अदकि आप्प उन स्तुती माळतेव, अदकि इदुर देल अच मंळसागोळी जो परमेश्वर उन स्वरूप दा पैदा आग्यार शराप कोळतेव. 10 ऊंद अच बाय देल धन्यवाद अदकि शराप येढ्हु होळताव. हे नान वार्दुरा अदकि आकतीगेरा, हगि ईला आग पायजे. 11 येन नीर इन सोता अन्द ऊंद अच बाय देल सय अदकि डवला नीर येढ्हु होळताव? 12 हे नान वार्दुरा, येन अंजीर इन मार्र मा जैतून, या अंगुर इन केई मा अंजीर हत सकताव? हांग अच डवला नीर इन सोता टु सय नीर होळ सकाल.

स्वर्गीय बुद्धी

13 नीम दा बुद्धिमान अदकि समझदार याव आन? जो हगि आन आव तान क्यालसागोळी वळ्लीद चाल चलन देल आ नम्रता सहति प्रगट माळुल जो ग्यान देल पैदा आगतद. 14 लेकीन नीव तान-तान मन दा जलन, कळवाहत अदकि स्वार्थीपन ईटतीर, रा बुद्धी मा घमण्ड माळकु सच्चाई इन वरिध दा पाप माळबाळी. 15 ईद ग्यान अद आल्लच जो स्वर्ग टु ईळुतद, उलटा सांसारकि, अदकि शारीरकि, अदकि शैतानी आद. 16 यतकी यल जलन अदकि स्वार्थीपन ईरतद, अल अव्यवस्थापन अदकि सप्पा प्रकार इन बेकार मातगोळ आगताव. 17 लेकीन जो ग्यान स्वर्ग टु बरतद अद पयले रा पवतिर ईरतद बाक मलिनसार, मुलायम अदकि शांतीमय अदकि दया अदकि वळ्लीद काय देल लटालोम अदकि पक्षपात अदकि कपट रहति ईरतद. 18 शांती

प्रस्थापति माळावाळेर लॉकुरी अच न्यायी जीवन इन काय प्राप्त आदीत अगर अदरी शांतीपूर्ण वातावरण दा बोऊस्कू आग्याद.

## 4

दुनिया से संगीपना

1 नीम दा लळाई झगळागोळ यल टु होटबंदव? येन ईद नीम इच्छागोळ देल आगाल्द जो नीम मय दा लळाई-झगळा माळताव? 2 नीव चाहासतीर, लेकीन नीमी सकाल; इदुरसाटी नीव हत्या माळतीर. नीव पुरा रीर्ता देल इच्छा ईटतीर, अदकि येनु हासलि माळ सकालीर; इदुरसाटी नीव लळाई अदकि झगळा माळतीर. जो नीव चाहासतीर नीमी सकाल यतकी नीव परमेश्वर से बेळालीर. 3 नीव बेळतीर लेकीन नीमी सकाल, इदुरसाटी कर्बेकार इच्छा माळकु बेळतीर, कर्तान भोग-वलिास दा हारूस बुळी. 4 हे वश्वासहीन लॉकुरा, येन नीव जानसालीर कर् दुनिया से संगीपना माळोद परमेश्वर से दुश्मनी माळोद हुन? जो यावारा दुनिया अन्द संगी आगोद चाहासतान, आव तान तान इक परमेश्वर उन दुश्मन माळतान. 5 येन नीव ईद समसतीर कर् पवत्रिशास्त्र बेकार अनतद, “याता आत्मा अक आव नाम बुळक घळुस्यान, येन अद हगि लालसा माळतद यदुर्द प्रतफिल इरूष्या आगुल?” 6 आव रा मात्त यक्कुल अनुग्रह कोळतान; ई कारण ईद शास्त्र दा लखिसकु आद, “परमेश्वर अभिमानीगोळ्द वरिध माळतान लेकीन गरीबगोळ मा अनुग्रह माळतान.” 7 इदुरसाटी परमेश्वर उन हात्ती आगोगी; अदकि शैतान उन सामना माळी, रा अद नीम्द हात्ती टु ओळकु होदति. 8 परमेश्वर उन हात्ती बरी रा आव भी नीम्द हात्ती बंदान. हे पापीगोळा, तान कय तोळ कोमी; अदकि हे पाखंडी लॉकुरा, तान मन इक शुद्ध माळी. 9 दुखी आगी, अदकि शोक माळी, अदकि वर्ली. नीम्द नेग्गोद शोक दा, अदकि नीम्द खुशी उदासी दा बदलुसुल. 10 प्रभु उन मुंद नम्र बन्सी रा आव नीमी म्याकुच नेगदान.

मसीह वारट्टर मा दोष हचोद

11 हे वारट्टरा अदकि आकर्तीगेरा, आबुर दाबुर अपमान माळबाळी. जो तान मसीह वारट्ट उन अपमान माळतान या मसीह वारट्टुन मा दोष हचतान, आव व्यवस्था अन्द अपमान माळतान अदकि व्यवस्था मा दोष हचतान; अदकि अगर नी व्यवस्था मा दोष हचत्या, रा नी व्यवस्था मा नळावाळा ईला पर अदुर मा न्याय माळावाळा ठहरुसुद. 12 व्यवस्था कोळावाळा अदकि न्याय माळावाळा रा ऊंद अच परमेश्वर आन, आव आबना अच ऊळस सकतान या नाश माळ सकतान. नीव याव आगतीर तान मान्ना हातळोर न्याय माळावाळेर?

घमण्ड इन वरिद्ध चेटावनी

13 केळी, नीव जो ईद अनतीर, “ईद या नाळ नाव यातोदारा अदकि नगर दा होगकु अल ऊंद वर्ष बत्तुसेव, अदकि व्यापार माळकु पैस्या कमसेव.” 14 अदकि ईद जानसालेव कर्नाळ येन आदीत. केळ रा कोमी, नीम्द जीवन आद अच येन? नीव रा भाप इन घाई आईर, जो घळीतीम काळसतद बाक गायब

आगोगतद. 15 इदुर उलटा नीमी ईद अनली पायजे, “अगर प्रभु चाहासयान रा नाव जतिता ईत्तेव, अदकि ईद क्याल्सा या अद क्याल्सा भी माळैव.” 16 लेकीन ईग नीव तान डींग होडुतीर अदकि घमण्ड माळतीर; हगि सप्पा घमण्ड बेकार आगतद.

17 इदुरसाटी जो यावारा भलाई माळोद जान्सतान लेकीन माळालुन, आव पाप इन दोषी आन.

## 5

धनवानगोळी चेंतावनी

1 हे अमीरगोळा, केळ रा कोमी, नीव तान बरावाळा वपित्तीगोळ मा वर्ली अदकि ऊँचा स्वर देल वलाप माळी. 2 नीम धन हुळतोग्याद अदकि नीम फळक्यागोळी उदई हत्तेग्याद. 3 नीम वहान्ना-बेळली दा जंग हत्तेग्याद; अदकि अद जंग नीम मा गवाही कोट्टीत, अदकि बेक्की घाई नीम मास तदि बुट्टीत. नीव आखरी दुनिया दा धन जमा माळीर. 4 नोळी, याता क्याल्सावाळेर नीम केई दा मजदूरी माळदुर, आंदुरद अद मजदूरी जो नीव ध्वाका कोटकु ईट बुट्टीर कटिरेत्याद, अदकि कडावाळेर्द आकरोश सर्वशक्तमिन प्रभु उन कवि ताका ओळैग्याद. 5 नीव पृथ्वी मा भोग-वलास दा हतकु ईत्तीर अदकि हापाळ सुख भोग्सदरि; नीव ई वध इन दनि इन साटी तान मन ईद पालन-पोषण माळकु खुद इक मोटा-तरोताजा माळदीर. 6 नीव न्यायी मंळसा अक दोषी ठहरूसकु कोंद बुट्टीर, आव नीम सामना ईला माळायदुन.

धीरज अदकि प्रार्थना

7 इदुरसाटी हे वारटुरा अदकि आकतीगेरा, प्रभु उन आगमन ताका धीरज ईटी. नोळी, कसान पृथ्वी इन कमिती फसल इन आशा ईटतेला पयला अदकि आखरी माळ बळिास ताका धीरज ईटतान. 8 नीव भी धीरज ईटी; अदकि तान आशा अक माळकु ईटी, यतकी प्रभु उन आगमन हात्ती होट बंदाद. 9 हे वारटुरा अदकि आकतीगेरा, आवुर दाबुर प्रती सकायत माळबाळी ताकी परमेश्वर नीम न्याय माळबाळुल; नोळी, न्यायाधीश प्रगट आगदुर मा आन. 10 हे वारटुरा अदकि आकतीगेरा, याता भवषियवक्तागोळ प्रभु उन हेसुर देल मात माळदुर, आंदरी दुख नेगोद समय आंदुर धैर्य अक ऊंद आदर्श समसी. 11 नोळी, नाव आ भवषियवक्तागोळी यार धीरज ईटदुर धन्य अनतेव. नीव अय्यूब उन धीरज इन बारा दा रा केळदीर अच, अदकि प्रभु उन दी टु जो अदुरद प्रतफिल आत अदरी भी अर्त कोंडीर, यदुर देल प्रभु उन यक्कुल करूणा अदकि दया प्रगट आगतद.

12 लेकीन हे नान वारटुरा अदकि आकतीगेरा, सब से धोळ मात ईद आद क्किरिया ईला तनिोद, ना आकाश इन, ना धरती इन, ना यातोवारा दुसरा चजि इन; लेकीन नीम मातकात हव इन हव, अदकि ईला अन्द ईला ईरूल, क्कि परमेश्वर उन न्याय नीम मा बरबाळुल.

13 अगर नीम दा यावारा वपित्ती दा बदान? रा आंदरी प्रार्थना माळ पायजे. येन नीम दा यावारा खुश आन? रा आंदरी स्तुति अन्द भजन हाळ पायजे. 14 \*येन नीम दा यावारा रोगी आन? रा आंदरी पायजे कि मंडली इन स्याणा गवाहगोळी कारूल, कि आंदुर आंदुर साटी प्रार्थना माळुल अदकि आंदुर मा प्रभु उन हेसुर देल जैतून इन याण्णा हचुल. 15 अदकि विश्वास इन प्रार्थना अन्द द्वारा रोगी ऊळस्यान अदकि प्रभु आऊक मात्त स्वस्थ मय प्रदान माळ्यान; अदकि अगर आव पाप भी माळीदान, रा अव भी माफ आगेदव. 16 इदुरसाटी नीव आपस दा आबुर दाबुर मुंद तान-तान पापगोळी मान्स कोमी, अदकि आबुर दाबुर साटी प्रार्थना माळी, यदुर देल चंगा आगेगी: न्यायी जन इन प्रार्थना प्रभावशाली अदकि परिणाम कारक आगतद. 17 \* एलयियाह भी रा नाम घाई दुख-सुख भोगसावाळा मंळसा ईरोन; अदकि आव गळिगळिास्कु प्रार्थना माळदुन कि माळ बरबाळुल; अदकि साढे मुर वर्ष ताका पृथ्वी मा माळ बंददिल. 18 बाक आव प्रार्थना माळदुन, रा आकाश टु माळ बत्त, अदकि पृथ्वी फलवन्त आत्त. 19 हे नान वार्दुरा, अगर नीम दा टु यावारा सत्य अन हादी टु भटकुस्यान अदकि यावारा आऊक हादी मा तरूल, 20 \*रा आव ईद जान्स कोमुल कि जो यावारा यातोदारा भटकुस्त पापी इक हादी मा तदान, आव ऊंद जीव इक सोत्तुर देल ऊळस्यान अदकि अनेक पापगोळ मा परदा हाक्यान.

## पतरस की पहली पत्री पतरस उन पयला चट्ठी परचिय

१ पतरस उन चट्ठी प्रेरति पतरस उन द्वारा लखिसकु आगीत. पतरस ईद अंदकु तान चट्ठी इन सुरूवात माळदुन की आव याव ईरोन अदकि यार साटी आव लखिसोन. आव आ सप्पा इसाईगोळी चट्ठी संबोधति माळदुन यारी आव “अजनबीगोळ” १:१; १:१७२:११ अंदुन. अदकि आव तान पाठकगोळी ईत्ता प्रकार देल हापाळ अनली संदर्भति माळदुन यतकी आंदुर ब्यार्र-ब्यार्र द्याशगोळ दा बगरूसेगीदुर. यतकी ईद चट्ठी थ्वाळासा तरीका देल इफसीगोळी पौलुस उन चट्ठी घाई काळसतद, हापाळ लॉकुर मानसतार की मसीह अन जनम इन ६५ साल इन बाददा इफसीगोळी पयला पतरस लखिसकु आगीत. पतरस रोम नगर टु ईद चट्ठी लखिसीदुन यदरी बेबीलोन अनतार ५:१३.

पतरस अनतान की ई चट्ठी इक “नीमी प्रोत्साहति माळली अदकि ईद प्रमाणति माळोद उद्देश देल लखिसीन की ईद परमेश्वर उन खरा कृपा हुन” ५:१२. १ पतरस २:११-३:७, इफसिगोळ ५:१८-६:१ अदकि कुलुससगोळ ३:१८-४:६ अन्द न्याड्या दा हापाळ समानता आव. ई मूर कतिबगोळ दा पारवारिक रशितागोळ अदकि अधिकारगोळद पालन माळोद बारा दा नरिदेश सकितद. अद दुखी लॉकुरी दुखी आगदुर मा मजबूती देल प्रोत्साहति माळतद यतकी अन्त हात्ती आद. ४:१

रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२
२. बाक आव छुटकारा साटी परमेश्वर उन धन्यवाद माळतान की आंदुर सप्पा मुंदुर साझा माळतार अदकि ईदुर मतलब आंदुर जीवन इन साटी येन आद १:३-२:१०
३. आव वशिवासीगोळी नरिदेश कोळतान की हयांग दुनिया दा वळ्लीद रीर्ता देल ईरोद आद अदकि गांड् अदकि हगिस अदकि दास अदकि गुरु उन न्याड्या दा अलग रशितागोळी संबोधति माळोद हुन. २:११-४:११
४. पतरस दुखी लॉकुरी मजबूती देल प्रोत्साहति माळतान अदकि तान चट्ठी बंद माळतान. ४:१२-५:११
५. आग आव तान चट्ठी लखिसोद बंद माळतान. ५:१२-१४

1 पतरस उन दी टु जो यीशु मसीह अन प्रेरति आन,

आ नविळुस्कु आदुर परमेश्वर उन लॉकुरद हेसुर जो ततिर बतिर आगकु पुन्तुस, गलातिया, कप्पदूकिया, आसिया अदकि बतूनिया दा ईरतार,

2 नीव परमेश्वर आप्प उन पूर्व उद्देश इन अनुसार नविळुस्कु आगीर अदकि आऊन आत्मा अन्द क्यालसा द्वारा पवतिर लॉकुर ठहूरुस्कु आगीर, इदुरसाटी



का यीशु मसीह अन आग्या मानसुल अदकि आऊन रक्ता अन द्वारा शुद्ध आगेगुल. नीमी अनुग्रह अदकि शांती बहुतायत देल सकितेला ईरूल.

### ऊंद जतिता आशा

3 नाम प्रभु यीशु मसीह अन परमेश्वर अदकि आप्प उन धन्यवाद आगुल, याव यीशु मसीह अन सोत्तुर दा टु जतिता आगोर द्वारा, तान हापाळ प्यार देल नामी जतिता आशा कोळोर साटी व्हाशोद जनम कोट्टुन, 4 मतलब ऊंद अवनिाशी, अदकि नर्मिल, अदकि अजर वरिसत इन साटी जो नीम साटी स्वरग दा ईटकु आद; 5 जो वशिवास इन द्वारा सुरक्षति आर, परमेश्वर उन सामर्थ्य अन द्वारा आ उद्धार इन साटी जो आखरी समय दा प्रगट आगोर साटी तयार आद.

6 ई कारण नीव हापाळ खुश ईरी, लेकीन येनारा थ्वाळासा समय इन साटी अलग अलग परीक्षागोळ दा बदिदु दुख नेगोद बदिदीत; 7 अदकि ईद इदुरसाटी आद का नीमद वशिवास परखुसकु आगुल, शुद्ध होळी अदकि सथरि ईरी, जो नाशवान व्हानना आद यदरी बेक्की दा परखुसकु आगतद अदुर देल भी हापाळ यककुल बारर आद, आ दनि याग यीशु मसीह प्रगट आदान आग नीमी प्रशंसा अदकि महिमा अदकि आदर प्राप्त आदीत. 8 नीव आऊन से प्यार माळतीर जब का नीव आऊक नोळीदील, अदकि नीव आऊन मा वशिवास माळतीर जब का नीव आऊक ईगल्या नोळीदील. रा नीव हापाळ महिमामय खुशी देल खुश आईर जो शब्दगोळ देल बयान माळकु आगसकाल; 9 नीमद आत्मागोळ उद्धार ईद जो नीमद वशिवास इन उद्देश नीव अदुरदा प्राप्त माळतीर.

10 ईदा उद्धार इन बारा दा आ भवषियवक्तागोळ ध्यान देल खोजबीन अदकि जाँच पळताल माळदुर, यार आ अनुग्रह अन बारा दा जो नीम मा आगली ईरोद, भवषियवाणी माळीदुर. 11 आ भवषियवक्तागोळ मसीह मा बरावाळा दुखगोळद समय अदकि अद महिमा जो ई दुखगोळद बाददा प्रगट आदव इदुरद खोज मसीह अनद आत्मा अन द्वारा माळदुन जो आंदुर दा ईरोद. 12 परमेश्वर आ भवषियवक्तागोळ मा प्रगट माळदुन का आंदुर तान ईला बलकी नीमद स्यावा अन साटी ईव मातगोळ अनतोगोर, यार्द जानकारी ईग नीमी आंदुरद द्वारा सकित यार पवतिर आत्मा अन द्वारा, जो स्वरग टु कळुकु आग्याद, नीमी खुशखबरी केळसदुन; अदकि ई मातगोळ इक स्वरगदूत भी ध्यान देल नोळोद लालसा ईटतार.

### पवतिर जीवन जगुसोद बुलाहट

13 ई कारण तान तान नेळु कटकु सावधान ईरी, खुद नयित्तरति ईरी, याग यीशु मसीह प्रगट आदान आग जो आशीष नीमी सकोद आद, अदुर मा तान आशा पुरा रीतदिल हचकु ईटी. 14 आग्या मानसावाळेर चकिोरगोळ घाई, आ समय इन बेकार इच्छागोळद अनुसार तान तान इक ढालसबाळी जो नीम दा पयले ईरोद, याग नीव अग्यानी ईरीर. 15 लेकीन ह्यांग नीम कारावाळा पवतिर आन, हांग अच नीव भी तान सप्पा चाल चलन दा पवतिर बन्सी. 16 यतकी शास्त्र दा लखिसकु आद, “पवतिर बन्सी, यतकी ना पवतिर आईन.”

17 अदकि याग की नीव “हे आप्प” अनकु आऊन से प्रार्थना माळतीर, जो बनिा पक्षपात हर ऊंद उन क्याल्सा अन आचरण इन अनुसार न्याय माळतान, इदुरसाटी तान परदेशी आगोद समय अंजक देल बतिसी. 18 यतकी नीव जान्सतीर की नीमद नकिम्मा चाल चलन तरीका जो आप्प दादागोळ हाती टु नळुतेला बरेत्याद, अदुर देल नीमद छुटकारा व्हान्ना बेळली मतलब नाशवान चजिगोळ द्वारा आगीदिल; 19 बलकी कमिती मसीह अनद अर्पण इन द्वारा जो ऊंद नरिदोष अदकि कलंक रहति म्यांडा अन पाड्डा अन रक्ता अन घाई ईरोन. 20 दुनयिा अन नरिमाण इन पयले परमेश्वर उन द्वारा मसीह अक चुनुस्कु आगीत, लेकीन नीम साटी ईव आखरी दनिगोळ दा आऊक प्रगत माळकु आत. 21 आ मसीह अन द्वारा नीव आ परमेश्वर मा वशिवास माळतीर, यारी परमेश्वर आऊक सोत्तुर दा टु जतिता माळदुन अदकि महामि कोट्टुन ताकी नीमद वशिवास अदकि आशा परमेश्वर मा पक्का आगुल.

22 ईग याग नीव सचचाई इन पालन माळतेला खरा भाईचारा अन प्यार इक प्रदर्शति माळोर साटी तान आत्मागोळ इक शुद्ध माळ कोंडीर, रा पुरा मन इन सांगुळ आबुर दाबुर से प्यार माळी. 23 यतकी नीमी नाशवान ईला लेकीन अवनिाशी बीजा देल, परमेश्वर उन जतिता अदकि हमेशा ठह्रूसावाळा वचन इन द्वारा व्हाशोद जनम सकियाद. 24 यतकी पवतिरशास्त्र दा लखिसकु आद:

“हर ऊंद मळसा प्राणी काड्डा अन घाई आन,

अदकि आऊंद सप्पा शोभा आळी दाकळोद फूला अन घाई आव.

अदकि काड्डा वळ्गोगतद, अदकि फूला झळसेगताव,

25 लेकीन प्रभु उन वचन हमेशा हमेशा संची ईरतद.”

अदकि ईदा खुशखबरी इन वचन आद जो नीमी घोषति माळकु आगीत.

## 2

जतिता कल्ल अदकि पवतिर प्रजा

1 इदुरसाटी सप्पा प्रकार इन बुराईगोळ अदकि पाखंड अदकि पुरा खवाटा मातगोळ या होत्तोद या अपमानीत माळोर भाषा देल तान तान इक ऊळस्कु ईटी. 2 व्हासा पैदा आगा चकिोर इन घाई हमेशा नरिमल आत्मकि हाल इन लालच ईटी, इदुरसाटी इदरी कुडोद द्वारा नीमद वकिस अदकि उद्धार आगुल. 3 जसा की पवतिरशास्त्र दा लखिसकु आद, “नीव तान तान इन साटी जान्स कोंडीर की प्रभु याट भला आन.”

4 प्रभु उन हात्ती बरी, अद सजीव कल्ल जो लॉकुर द्वारा बेकार सम्सकु नकारस्कु आगीदुन लेकीन आव परमेश्वर साटी कमिती आन जो परमेश्वर उन द्वारा नविळुस्कु आगीदुन. 5 नीव भी खुद जतिता कल्लगोळ घाई ऊंद आध्यात्मकि मंदिर इन रूप दा माळकु आगोतीर, ताकी ऊंद हगि पवतिर याजक मंडल इन रूप दा स्यावा माळ सकी यदुरद कर्तव्य हगि आत्मकि बलदान समर्पति माळोद आद जो यीशु मसीह अन द्वारा परमेश्वर उक ग्रहण लायक आगुल. 6 ईद कारण पवतिरशास्त्र दा भी लखिसकु आद:

“ना ऊंद कमिती कल्ल नविळुस्कु

यारी ना सयियोन इन क्वाना अनूद कल्ल माळकु ईटेतीन:

अदकि जो यावारा आऊन मा वशिवास माळ्यान, आव यातोदारा रीत  
देल नरिश आगतीदेल.”

7 नीव वशिवासीगोळ साटी ईद कल्ल हापाळ कमिती आद; लेकीन जो  
वशिवास माळालुर आंदुर साटी

“अद कल्ल यारी राजमसित्रीगोळ बेकार सम्सकु इनकार माळीदुर,  
अदा कल्ल सपपा मुंदुर साटी महत्वपुर्ण क्वाना अन कल्ल बनसेत,”

8 अदकि शास्त्र दा ईद भी लखिसकु आद,

“ईद अद कल्ल हुन जो अपराधी लॉकुरी ठेस पहुचुसोद कारण बनसीत,  
ईद चट्टान लॉकुरी ठोकर हचकु केळदति.” आंदुर ठोकर तदिर यतकी  
आंदुर परमेश्वर उन वचन मा वशिवास माळालुर

अदकि ईदा आंदुर साटी परमेश्वर उन इच्छा ईरोद.

9 \*लेकीन नीव ऊंद नविळुसकु वंश, राज-पदधारी याजकगोळ्द समाज,  
पवतिर जाती, अदकि परमेश्वर उन खुद इन लॉकुर आईर, इदुरसाटी क्कियाव  
नीमी अंधकार दा टु तान अदभुत ज्योर्ता दा कार्सदुन, आऊन महान कार्य  
अनूद घोषणा माळी. 10 ऊंद समय दा नीव परमेश्वर उन लॉकुर ईला ईरीर,  
लेकीन ईग नीव आऊन लॉकुर हुईर; ऊंद समय ईरोद याग नीम मा परमेश्वर  
उन दया ईला आगीत, लेकीन ईग नीम मा आऊन दया आग्याद.

परमेश्वर उन दास

11 हे प्रयि संगीगोळा, ना नीम से, जो ई दुनिया दा अजनबीगोळ रूप  
दा आईर, नविदन माळतीन क्किया शारीरकि इच्छागोळ देल दुर ईरी जो  
नीमूद आत्मा से लळुसतेला ईरतद. 12 दुसरा जातीगोळ न्याड्या तान चाल  
चलन हगि वळ्ळीद माळकु ईटी क्किया आंदुर अपराधीगोळ्द रूप दा नीमूद  
आलोचना माळ्यार लेकीन नीमूद वळ्ळीद कर्मगोळ्द परिणाम स्वरूप आऊन  
बरव दनि आंदुर परमेश्वर उक महिमा प्रदान माळुल.

13 प्रभु उन साटी तान तान इक हर मानव अधिकार इन हात्ती ईरी: राजा अन  
हात्ती इदुरसाटी क्किया सब मा शासन माळतान, 14 अदकि शासकगोळ्द,  
यतकी आंदुर बुरा लॉकुरी दण्ड कोळोद अदकि वळ्ळेव लॉकुर्द प्रशंसा अन  
साटी आऊन दवारा कळुकु आग्यार. 15 यतकी परमेश्वर उन नीम से ईद  
इच्छा आद क्किया नीव तान भलाई इन क्यालसागोळ देल मूरख लॉकुर्द अग्यान  
देल तुमकु मातगोळ इक सुंगा माळबुळी. 16 स्वतंत्र मळसा अन घाई जीवन  
बीतुसी, लेकीन तान स्वतंत्रता अनूद इस्तेमाल बुरा मातगोळ इक होचोर  
साटी माळबाळी; लेकीन परमेश्वर उन सेवकगोळ्द घाई जतिता ईरी. 17 सपपा  
मुंदुर्द आदर माळी, तान दुसरा वशिवासी वारटुर से प्यार ईटी, परमेश्वर उन  
आदर इन सांगुळ अंज्क मान्सी, राजा अन सम्मान माळी.

मसीह अनूद तकलीफ इन उदाहरण

18 हे सेवकगोळा, तान तान इक तान स्वामीगोळ्द हात्ती ईटी, अदकि  
आंदरी पुरा रीर्ता देल आदर कोळी, ना सर्फि आंदरी जो वळ्लेर आर अदकि

दुसरा अन भलाई माळतार बल्की आंदरी भी जो कठोर आर. 19 यतकी अगर यावारा परमेश्वर उन वचिार माळकु अन्याय देल दुख नेगुतेला क्लेश सहन माळतान रा ईद वळलीद आद. 20 यतकी अगर नीव अपराध माळकु बुक्की तदीर अदकि धीरज हुळदीर, रा ईदुर दा येन बळाई इन मात आद? लेकीन अगर भलाई इन क्याल्सा माळकु दुख नेगुतीर अदकि धीरज हुडुतीर, रा ईद परमेश्वर उक भाऊसतद. 21 लेकीन नीमी परमेश्वर इदुरसाटी कारदुन, यतकी मसीह नीम साटी दुख नेगदुन अदकि हगि माळकु नाम्द साटी ऊंद उदाहरण बट्टुन ताकी नीव भी आऊन पद-चमत्कारगोळ मा नळु सकीर. 22 आव येनु पापगोळ माळीदलि अदकि यावारा यागल्यारा भी आऊन बाय देल ख्वाटा मातगोळ केळीदील. 23 याग आव अपमानीत आदुन आग आव याऊकु अपमानीत माळकु प्रती उत्तर माळीदील, याग आव दुख झेलसदुन आग आव यारूकु धमकी कोटीदील, बल्की आ खरा न्याय माळावाळा न्यायी परमेश्वर दा तान आशा अक ईटदुन. 24 मसीह खुद अच नामव पापगोळ तान मय मा ताकोमकु कूस मा येरेदुन, ताकी नाव तान पापगोळ्द प्रती नाम मृत्यु आगोगुल अदकि न्यायीपन इन साटी जीवन बत्तिसेव: ईद आऊन आ बलदान इन कारण अच आत यऊर देल नीव चंगा माळकु आगीर. 25 यतकी नीव पयले भटकुसकु म्यांडा अन घाई ईरीर, लेकीन ईग तान जीवगोळ रखवाला अदकि अध्यक्ष अन हात्ती बंदीर.

### 3

गांड्ड अदकि हगिस

1 ईदा रीतलि देल हे हगिसुरा, नीव भी तान गांड्ड उन हात्ती ईरी, ताकी याव परमेश्वर उन वचन मा वशिवास माळालुर रा तान चाल चलन देल अच नीव आऊक वशिवास देल जीत सकतीर. इदुरसाटी नीमी आऊन से मातचीत माळोद भी जरवत हैलेच. 2 यतकी आंदुर नोळ्यार नीम्द चाल चलन ह्यांग पवतिर अदकि भक्तपिर्ण आद. 3 तान तान इक सुंदर माळोर साटी व्हार्या अन साझ श्रृंगार इन इस्तेमाल माळबाळी, जसा कलि चुट्टी गुथसोर साटी, या बाक व्हानना अन बांगळागोळ, या वळ्लेव-वळ्लेव कपळा हाक्कोर साटी, 4 बल्की नीमी सुंदर नीम्द भतिरी व्यक्तत्व माळतद, मुलायम मन अदकि शांत आत्मा अन्द अवनिशी सुंदरता देल युक्त आगी, परमेश्वर उन नजर दा जो कमिती आईर. 5 पूर्वकाल दा भक्ती माळावाळेर आर्तेर भी, जो परमेश्वर मा पवतिर आशा ईटतोगोर, तान तान इक ईदा रीतलि देल सवारसतोगोर अदकि तान तान गांड्ड उन हात्ती ईरतोगोर. 6 जसा सारा तान गांड्ड अब्राहम उन आग्या मानूसोर अदकि आऊक तान स्वामी अनतोगोर. ईदा प्रकार नीव भी अगर भलाई माळीर अदकि यातोदारा प्रकार इन अंज्क देल अंजतीदील, रा प्रभु पोरगोळ ठहरूसीर.

7 ह्यांग अच हे गांड्ड उरा, नीव तान हगिसुर सांगुळ समझदारी देल ईरी, अदकि आंदरी कमजोर आर्त जान्सकु आंदुरद आदर माळी, परमेश्वर उन

✧ 3:1 ३:१ इफिसिगोळ ५:२२; क्लुससगिोळ ३:१८  
इफिसिगोळ ५:२५; क्लुससगिोळ ३:१९

✧ 3:3 ३:३ १ तीमुथयिस २:९ ✧ 3:7 ३:७

जीवन इन वरदान दा आंदरी तान सह उत्तराधिकारी मान्सी, ताकी नीम्द प्रार्थनागोळ दा बाधा बळिबाळुल.

भलाई माळोद कारण कष्ट

8 अन्त दा नीव सप्पा मुंदरी समान वचार, सहानुभुती, तान वार्दुरगोळ से प्यार माळावाळा, दयालु अदकि नम्र आगली पायजे. 9 बुराई इन बदला बुराई माळबाळी अदकि श्राप इन बदला श्राप कोळबाळी; बलकी प्रत्युत्तर दा आशीष अच कोळी, यतकी आशीष अच आद जो परमेश्वर नीमी कोळोद वचन कोटीदुन याग नीमी कार्सीदुन. 10 जसा शास्त्र दा लखिसकु आद,

“अगर आव जीवन इन प्यार ताकोमोद चाहासतान,

अदकि वळ्लेव दनि नोळोद चाहासतान,

आव तान ल्यालग्या अक बुरा मातगोळ देल, अदकि तान टुट्टीगोळ इक ख्वाटा माताळदुर देल

रोक्सकु ईटी इदुरदा अच भलाई आद.

11 आव बुराई इन सांगुळ बळुल, अदकि भलाई इच माळुल;

आव पुरा मन देल शांती इन साटी प्रयास माळुल.

12 यतकी प्रभु उन कण्णगोळ न्याय मा हतकु ईरताव,

अदकि आऊन कवि आंदुरद वनिती दा हतकु ईरताव;

लेकीन प्रभु बुराई माळावाळेरद वमिख ईरतान.”

13 अगर नीव भलाई माळोर साटी तयार ईत्तीर रा नीम्द बुराई माळावाळा बाक याव आन? 14 \*अगर नीव सच्चाई इन कारण दुख भी नेगदीर, रा धन्य आईर; लेकीन लॉकुरद अंजुसदुर देल अंजबाळी, अदकि घबरूसबाळी, 15 लेकीन तान मन दा मसीह अन साटी सम्मान ईटी, आऊक प्रभु जान्सकु आदर कोळी. अदकि अगर यावारा नीम इक नीम्द शुद्ध आशा अन बारा दा जो नीम दा आद समझुस्ली अनुल; रा आऊक उत्तर कोळोर साटी हमेशा तयार ईरी. 16 लेकीन ईद वनिमरता अदकि भलाई इन सांगुळ अच माळी. अदकि तान वविक इक भी शुद्ध ईटी, ताकी यीशु मसीह दा नीम्द वळ्लीद चाल चलन देल नीम सम्मान आगुल अदकि नदि माळावाळेर लॉकुर नीम्द अपमान माळाहोती लज्जति आगुल. 17 यतकी अगर परमेश्वर उन ईदा इच्छा आद कनि नीव भलाई माळोद कारण दुख नेगी, रा बुराई माळोद बदला दुख नेगोद वळ्लीद आद. 18 इदुरसाटी मसीह भी पुरा पापगोळ न्याय माळोर साटी ऊंद अच घन सोत्तुन, मतलब आव जो नरिदोष ईरोन नाव पापीगोळ साटी सोतोदुन कनिामी परमेश्वर उन हाती ओयुल. मय इन भाव देल रा आव कोंदकु आदुन, लेकीन आत्मा अन भाव देल जतिता माळकु आदुन. 19 अदकि आऊन आत्मा अन्द स्थिती दा अच आव होगकु आ कैदी आत्मागोळ इक प्रचार माळदुन, 20 ईव अव आत्मागोळ हुव जो आ समय परमेश्वर उन आग्यागोळ मा वशिवास ईला माळतोगोर याग नूह अन्द इवांगा माळकु आगोद अदकि परमेश्वर धीरज इन सांगुळ हादी कायोन आग आ इवांगा दा थ्वाळासा मतलब सरिफ येठठ मळसागोळ अच नीर दा टु ऊळदीदुर. 21 ईद नीर आ बपतस्मा अन्द घाई आद यदुर देल

नीमूद भलाई आगतद इदुर दा मय इन मईल तोळोद ईला बलकी ऊंद शुद्ध वविक इन साटी परमेश्वर से वनिती आद ईग रा बपतसिमा नीमी यीशु मसीह अनूद पुनरूत्थान इन द्वारा ऊळसूतद. <sup>22</sup> आव स्वर्ग मा होगकु परमेश्वर उन ऊमा कय दी कुरतोदुन; अदकि स्वर्गदूत अदकि स्वर्गीय अधिकारी अदकि सामर्थ्य आऊन हात्ती माळकु आदुर.

## 4

### परविरतति जीवन

1 इदुरसाटी याग की मसीह मय दा आगकु दुख नेगदुन रा नीव भी अदा मनसा अक हथियार इन घाई धारण माळी, यतकी याव मय दा दुख नेगदुन आव पापगोळ देल बटिोदुन, <sup>2</sup> ईग टु मुंद नीमूद वाचुसूत समय पृथ्वी इन जीवन मानवीय इच्छागोळद अनुसार ईला बलकी परमेश्वर उन इच्छा अन अनुसार जीवन व्यतीत माळुल. <sup>3</sup> यतकी मूर्त्ति पुजा माळावाळेरद इच्छा अनूद अनुसार क्याल्सा माळोद, अदकि असभ्यता, वासना, पयिक्कळपन अवैध संबंध, रंगरेली, अदकि बेकार मूर्त्तपूजा दा यल ताका नाव पयले समय गऊसदेव, अदा हापाळ आत. <sup>4</sup> इदुर देल आंदुर अचम्भा माळतार की नीव हगि बोयोद जंगलीपन अदकि लापरवाह अनूद जीवन जगुसोर दा आंदुर साथ कोळालीर, अदकि इदुरसाटी आंदुर नीमूद अपमान माळतार; <sup>5</sup> लेकीन जो सोतकु आर अदकि जतितागोळद न्याय माळोर साटी तयार आन आ परमेश्वर उक नामी तान व्यवहार इन लेखा जोखा कोळोद बदिदीत. <sup>6</sup> इदुरसाटी आ वशिवासीगोळ इक जो सोतोग्यार खुशखबरी इन उपदेश कोटकु आगीत की शारीरक रूप देल चाहे आंदुरद न्याय मानवीय स्थल मा आगुल लेकीन आत्मकि रूप देल आंदुर परमेश्वर उन अनुसार जतिता ईरूल.

### परमेश्वर उन वळ्लेर भंडारी

7 सप्पा मातगोळद अनूत तुरनुत आगावाळा आद; इदुरसाटी संयमी आगकु प्रार्थना माळोर साटी सचेत ईरी. <sup>8</sup> सब से धोळ मात ईद आद की आबुर दाबुर से प्यार ईटी, यतकी प्यार अनेक पापगोळ इक मुच्च बुळतद. <sup>9</sup> बनिा कुळकुळसकु आबुर दाबुर अतथी-सत्कार माळी. <sup>10</sup> यारी जो वरदान सकियाद, आव अदरी परमेश्वर उन अलग-अलग प्रकार इन अनुग्रह अन भला भंडारीगोळ घाई आबुर दाबुर स्यावा दा हची. <sup>11</sup> जो यावारा प्रचार माळुल, आव परमेश्वर उन वचन इन प्रचार माळुल; जो यावारा स्यावा माळुल, रा आ शक्ती इन सांगुळ माळुल जो परमेश्वर कोळतान; इदुरसाटी ई सप्पा मातगोळ दा यीशु मसीह अन द्वारा, परमेश्वर उन स्तुति आगुल. महमिा अदकि साम्राज्य हमेशा हमेशा आऊन आद. आमीन.

### मसीह आगोद नाता देल दुख नेगोद

12 हे प्रयि संगीगोळा, याग नीमूद अग्नि परीक्षा आगतद आग हगि असामान्य मातगोळ आगतेला नोळकु नीव आश्चर्य चकति आगवाळी. <sup>13</sup> लेकीन ह्यांग-ह्यांग मसीह अन दुख दा सहभागी आगतीर, खुश ईरी, यदुर देल याग आऊन महमिा प्रगट आदीत आ घन भी नीव पुरा रीति देल आननुदति

आगोगी. 14 बाक अगर मसीह अन हेसुर इन साटी नीव अपमानीत आगतीर रा नीव धन्य माळी, यतकी आव महिमामय परमेश्वर उन आत्मा नीम मा आगतद. 15 नीम दा टु यावारा मंळसा हत्यारा या काळल या कुकुरमी आगदुर मा, या पराया क्याल्सा दा कय हाका कारण दुख ईला सकिल. 16 लेकीन ई मात साटी परमेश्वर उन धन्यवाद माळी, यतकी नीव मसीह हेसुर ग्रहण माळदीर.

17 यतकी न्याय माळोद समय इन सूरवात आगोग्याद का पयले परमेश्वर उन लॉकुरद न्याय माळकु आगुल; अदकि याग का न्याय इन सूरवात नाम देल अच आदीत रा आंदुरद येन अनंत आदीत जो परमेश्वर उन खुशखबरी मा वशिवास माळालुर? 18 हगि शास्त्र दा लखिसकु आद,

“अगर वळलेव न्याय माळावाळा मंळसा अक अच कठनाई देल उद्धार सकिकीत,

रा भक्तहीन बयमान अदकि पापी इन येन आदीत?”

19 इदुरसाटी जो परमेश्वर उन इच्छा अन अनुसार दुख नेगुतार, आंदुर भलाई माळतेला तान-तान जीव वशिवासलायक सृजनहार इन कय दा सौप्स बुळुल.

## 5

स्याणागोळी अदकि नवयुवकगोळी बातणी

1 नीम दा जो स्याणा आन, ना आंदुर घाई स्याणा अदकि मसीह अन दुखगोळद गवाह अदकि प्रगट आगावाळा महमा दा सहभागी आगकु आंदरी ईद समझुसतीन. 2 \*क परमेश्वर उन आ झुण्ड इन, जो नीमद न्याड्या दा आद रखवाली माळी; अदकि दबाव देल ईला लेकीन परमेश्वर उन इच्छा अन अनुसार खुशी देल, अदकि कमाई इन लालच साटी ईला लेकीन मन हचकु. 3 जो लॉकुर नीमद देखरेख इन साटी सौप्सकु आग्यार, नीव आंदुर मा अधिकार जतुसबाळी, बल्की झुण्ड इन साटी ऊंद आदर्श बनसी. 4 याग प्रधान रखवाला प्रगट आदान, रा नीमी महमा अन मुकुट कोटकु आदीत यदुरद चमक यागलु खतम आगाल.

5 ईदा प्रकार हे नवयुवकगोळा, नीव भी तान स्याणागोळद हात्ती ईरी, अदकि नीव सप्पा च्या सप्पा आबुर दाबुर स्यावा माळोर साटी वनिमरता धारण माळी, यतकी शास्त्र दा लखिसकु आद, “परमेश्वर अभिमानीगोळद वरिध माळतान, लेकीन नमूर लॉकुर मा अनुग्रह माळतान.”

6 \*इदुरसाटी परमेश्वर उन बलवन्त कय इन ल्यालमा दीनता देल ईरी, यदुर देल आव नीमी उचित समय मा वाळुसुल. 7 तान सप्पा चन्तिता आऊन मा हाक बुळी, यतकी आऊक नीमद ध्यान आद.

8 सचेत आगी, अदकि जागसतेला ईरी; यतकी नीमद दुश्मन शैतान गरजुसतेला हुल्ल इन घाई ईल अल ओयाळतेला ई ताक दा ईरतान कायारीक हरकु तनुल. 9 वशिवास दा मजबूत आगकु, अदकि ईद जान्सकु आऊन सामना माळी का नीम वारदुर जो दुनयिा दा आर हगि अच दुख झेलसेत्यार. 10 ईग परमेश्वर जो सप्पा अनुग्रह अन दाता आन, याव नीमी मसीह दा तान अनन्त महमा अन साटी कारदुन, नीमद थ्वाळासा समय ताका दुख नेगदुर बाद्दा खुद

अच नीमी सदिध अदकि संची अदकि बलवन्त माळ्यान. <sup>11</sup> आऊंदा साम्राज्य हमेशा हमेशा ईरूल. आमीन.

आखरी अभविदन

<sup>12</sup> \*ना नीमी ऊंद संक्षपित चट्टी सलिवानुस उन सहयोग देल लखिसदीन, यारी ना वशिवासलायक मसीह वार्ट मानसतीन. ना नीमी प्रोत्साहित माळोद चाहसतीन अदकि नांद गवाही कोळतीन जो परमेश्वर उन सही अनुग्रह हुन, ईदुर दा संची ईरी.

<sup>13</sup> \*जो बेबीलोन दा नीम्द घाई नविळुस्द मंडली इन लॉकुर, आंदुर नीमी नमस्कार अनतार अदकि मसीह दा नान पार मरकुस उन भी नीमी नमस्कार. <sup>14</sup> मसीह दा प्यार पुर्ण भाव देल आबुर दाबुर इक कुतक्या हुडुकु नमस्कार माळी.

नीमी सप्पा मुंदरी, जो मसीह दा आईर, शांती सकितेला ईरूल.

\* 5:12 ५:१२ प्रेरतिगोळ १५:२२,४०  
कुलुससगिळ ४:१०; फलिमोन १:२४

\* 5:13 ५:१३ प्रेरतिगोळ १२:१२,२५; १३:१३; १५:३७-३९;



## पतरस की दूसरी पत्री पतरस उन दुसरा चिट्ठी परचिय

२ पतरस उन चिट्ठी दा अंदकु आग्याद कि ईद प्रेरति पतरस उन द्वारा लखिसकु आगीत, लेकीन ईदीनोर हापाळ वधिवानगोळी हताल कि ईद सही आद. ईद संभव आद कि यावारा दुसरा ई चिट्ठी इक पतरस उन दी टु लखिसीदान. लेखक अनतान कि आव यीशु उन जीवन अदकि विशेष रूप दा रूपान्तरण १:१७-१८ इन साटी ऊंद प्रत्यक्षदर्शी ईरोन, अगर पतरस चिट्ठी लखिसीदुन रा संभव आद कि आव रोम नगर दा ६५ टु ६९ साल इन बाददा अदकि मसीह अन्द जनम इन बाददा लखिसीदान. पतरस १ पतरस इन चिट्ठी इन बाददा लेखन इन तारीख ईटकु तान दुसरा चिट्ठी ३:१ भी लखिसदुन. आव सप्पा इसाईगोळी चिट्ठी संबोधति माळदुन.

पतरस ई चिट्ठी इक वळ्लीद जीवन जीऊसोर साटी प्रोत्साहति माळली अदकि ख्वाटा गुरुगोळद २ पालन ईला माळोर साटी चेतावनी कोळोर साटी लखिसीदुन. आव आंदरी आ लॉकुरी अनदेखा माळोर साटी प्रोत्साहति माळदुन जो अनेत्यार कि यीशु वापस बरली हापाळ लंबा समय ताकोमेत्यान. ईदुर उलटा आव आंदरी इंगति माळदुन कि परमेश्वर धीरा हैलेच बलकी सप्पा मुंदुरी ऊळसोद चाहासतान २ पतरस ३:८-९ ईद वळ्लीद जीवन जीऊसोद ऊंद कारण आद ३:१४.

रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२
२. आव आंदरी वळ्लीद जीवन जीऊसोद याद तोरसतान यतकी परमेश्वर नामी सक्षम माळयान. १:३-२१
३. आव ख्वाटा गुरुगोळद खलिाप चेतावनी कोळतान अदकि अनतान कि आखरी दा ख्वाटा गुरुगोळ सांगुळ येन आदीत. २:१-२२
४. पतरस यीशु उन बरोर साटी तयार आगोर साटी वळ्लीद जीवन जीऊसोद साटी वशिवासीगोळी प्रोत्साहति माळतान. ३:१-१७

1 शमौन पतरस उन दी टु, जो यीशु मसीह अन्द दास अदकि प्रेरति आर, आ लॉकुर हेसुर यार नामव परमेश्वर अदकि उद्धारकर्ता यीशु मसीह अन्द न्याय इन द्वारा नाम घाई कमिती वशिवास प्राप्त माळ्यार.

2 परमेश्वर उन अदकि नाम प्रभु यीशु उन पयचान इन द्वारा अनुग्रह अदकि शांती नीम दा बहुतायत देल वाळुस्त होगुल.

ईश्वरीय बुलाहट अदकि चुनाव

3 यतकी परमेश्वर उन ईश्वरीय सामर्थ्य सप्पा येनारा जो भक्तमिय जीवन हततद, नामी अदुरदा पयचान इन द्वारा कोटान, याव नामी तान अच महिमा अदकि सदगुण इन अनुसार कारदान. 4 यऊर द्वारा आव नामी कमिती

अदकि हापाळ अच धोळद वादा कोटुनः कि इऊर द्वारा नीव आ भ्रष्टता देल बीळस्कु, जो दुनिया दा बेकार अभलाषागोळ देल आगतद, ईश्वरीय स्वभाव इन सहभागी आगेगी. 5 ईदा कारण सप्पा प्रकार इन कोशशि माळकु तान वशिवास दा भक्तभाव इक जोळसी; अदकि भक्तभाव दा ग्यान इक, 6 अदकि तान ग्यान दा आत्मसंयम इक जोळस, अदकि आत्मसंयम दा धीरज इक जोळसी, अदकि धीरज दा परमेश्वर उन भक्ती इक, 7 अदकि नीमद परमेश्वर उन भक्ती दा मसीह भाईचारा अक; अदकि मसीह भाईचारा दा प्यार इक जोळसी. 8 यतकी ईव पुरा गुणगोळद जरवत आद, अदकि अगर ईव मातगोळ नीम दा बहुतायत देल आव रा ईद नीमी नाम्द प्रभु यीशु मसीह अन ग्यान दा क्रियाशील अदकि प्रभावशाली माळ्याव. 9 लेकीन अगर नीम दा ईव मातगोळ ईलच, रा नीम इक दुर दृष्टी ईला नीव कुढ्ढ आईर तथा मारतोगीर कि नीमद पयला अन पाप तोळकु आगेग्याव.

10 ईदा कारण हे वार्दुरा, तान कारूकु आगोद, अदकि नविळुसद आगोद इक सदिध माळोर साटी वळ्लीद रीत देल कोशशि माळतोगी, यतकी अगर हगि माळीर रा यागलु ठोकर तनितीदील; 11 बल्की ई रीत देल नीव नाम्द प्रभु अदकि उद्धारकर्ता यीशु मसीह अन्द अनन्त राज्य दा धोळद आदर इन सांगुळ प्रवेश माळ सकीर.

12 इदुरसाटी अगर नीव ईव मातगोळी जान्सतीर, अदकि जो सच्चाई इन वचन नीमी सकियाद अदुर दा बन्सकु ईरतीर, तरी ना नीमी ईव मातगोळद याद तोरसोर साटी हमेशा तयार ईराइन. 13 ना ईद तान साटी सही सम्सतीन कि यागासताका ना ईद मय दा जित्ता आईन, आगासताका ना नीमी याद तोरसतेला ईराइन. 14 यतकी ना जान्सतीन कि ना तान नाशवन्त मय बळिवाळा आईन, हयांग कि नामव प्रभु यीशु मसीह नानी ईद हेळीदुन. 15 इदुरसाटी ना तान दी टु पुरा कोशशि माळाईन कि नान सोत्तुर बाद्दा भी नीव लाँकर ईव सप्पा मातगोळ इक हमेशा याद माळ सकीर.

मसीह अन महिमा अन कण्णगोळ नोळ्द गवाह

16 यतकी याग नाव नीमी तान प्रभु यीशु मसीह अन सामर्थ्य इन अदकि आगमन इन समाचार कोटीदेव, रा अद चतुराई देल नटकु कात्तागोळद अनुकरण ईला ईरोद बल्की नाव खुद अच आऊन महानता अक नोळीदेव. 17 यतकी याग आऊक परमेश्वर आप्प से आदर अदकि प्रशंसा सकित अदकि आ प्रतापमय महिमा दा टु ईद वाणी बत्त, “ईव नान प्रयि पार हुन, यार देल ना खुश आईन.” 18 याग नाव आऊन सांगुळ पवतिर पहाळी मा ईरेव अदकि आकाश टु ईद वाणी बर्त केळदेव.

19 नाम हात्ती जो भवषियवक्तागोळ वचन आद, अद ई घटना देल मजबूत ठहूरसत. नीव ईद वळ्लीद माळतीर जो ईद सम्सकु आऊन मा ध्यान माळतीर कि आव ऊद दगिया हुन, जो अंधार जागा दा आ समय ताका उजुळ कोळतेला ईरतद यागासताका कि व्हातुर आगाल अदकि व्हातुर इन तारा नीमद मन दा चमकुसाल्द. 20 सब से धोळ मात ईद आद कि नीमी ईद जान्स कोम पायजे

का शास्त्र अन यातोदारा भी भवषियवाणी यातोदु भवषियवक्ता अन नीजी वचारगोळ्द आधार मा कोळ्द स्पष्टीकरण आल्लच. 21 यतकी यातोदारा भी भवषियवाणी मंळसा अन इच्छा देल यागलु आगीदील, लेकीन भक्त जन प्रभावति आगकु पवत्रि आत्मा अन द्वारा परमेश्वर उन दी टु माताळतोगोर.

## 2

### ख्वाटा गुरु

1 ह्यांग पूर्वकाल दा लॉकुरद न्याड्या दा ख्वाटा भवषियवक्ता प्रगट आगीदुर, अदा प्रकार नीमद न्याड्या दा भी ख्वाटा गुरु प्रगट आदार. आंदुर भटकुसावाळा सचचाई सदिधांतगोळ इक तंदार, अदकि आ स्वामी इन इनकार माळ्यार याव आंदरी कोंड कोंडान, अदकि हगि माळकु आंदुर तान जल्दी वनाश इक नमिंतरण कोट्टार. 2 तरी भी हापाळ पुरा लॉकुर आंदुरद अनैतिकि हादीगोळ मा नळदार; यतकी जो आंदुर माळतार, आदुर वजह देल दुसरा मुंदुर अपमान सचचाई अन्द बदला माळ्यार. 3 आंदुर लोभ दा बंदकु ख्वाटा मातगोळी माळ्यार अदकि नीम से अनुचति लाभ नेगदार. दण्ड इन आग्या रा आंदुर मा पयले टु अच आगेग्याद, अदकि आंदुरद वनाश इन नरिणय आगेग्याद.

4 यतकी याग परमेश्वर आ स्वर्गदूतगोळ इक यार पाप माळदुर आंदरी बटिदलि, लेकीन नरक दा कळुकु अंधार दा हाकुक बुट्टुर ताकी न्याय इन दनि ताका शंकलीगोळ दा दुख सहन माळुल; 5 अदकि स्याणा लॉकुर युग इन दुनया अक भी बटिदलि बल्की भक्तहिंन दुनया मा महा जल प्रलय कळुदुन, लेकीन न्याय इन प्रचार माळावाळा नूह अदकि येळ मंळसागोळी ऊळस बुट्टुन; 6 अदकि सदोम अदकि गमोरा अन नगरगोळ इक दोषी ठहूरसुकु दण्ड कोट्टुन अदकि आंदरी बेक्की देल भसम माळदुन ताकी आंदुर बरावाळेर भक्तहिंन लॉकुरद शक्ति अन साटी उदाहरण बनसुल, 7 अदकि न्यायी लूत इक जो अन्यायीगोळ्द अनैतिकि चाल चलन देल हापाळ दुखी ईरोन छुटकारा कोट्टुन. 8 यतकी आव न्यायी आंदुर बीच दा ईरतेला अदकि आंदुर अन्याय इन क्यालसागोळ इक नोळ नोळकु अदकि केळ केळकु, हर दनि दुख देल तळपुस तोगोन. 9 रा प्रभु भक्तगोळ इक परीक्षा दा टु तेगोद अदकि अन्यायीगोळ इक न्याय इन दनि ताका दण्ड इन दशा दा ईटोद भी जानस्तान, 10 विशेष माळकु आंदरी जो कलंकीत अभलिषागोळ हदि मय इन अनुसार नळुतार अदकि प्रभु अक तुच्छ जानस्तार.

आंदुर ढीठ, अदकि जिदी आर, अदकि धोळ पदवाळेर इक भला बुरा माताळली अंजालुर, 11 तरी भी स्वर्गदूतगोळ जो न्याय अदकि सामर्थ्य दा ख्वाटा गुरुगोळ देल धोड्डेर आर, प्रभु उन मुंद आंदरी बुरा भला अनकु दोष हचालुर. 12 लेकीन ई लॉकुर नरिबुद्धी पशुगोळ्द अच तुल्य आर, जो हुळकु आगोर साटी अदकि नाश आगोर साटी पैदा आग्यार; अदकि या मातगोळ इक जानसालुर अच अदुर बारा दा दुसरा अक भला बुरा अनतार, आंदुर आळी दाकळोद पशुगोळ्द घाई नाश माळकु आदार. 13 दुसरा अन बुरा माळोद बदला आंदुर दा बुरा आदीत. आंदरी ईळ्लक हागुल भोग वलास माळोद भला

हततद. हगि लॉकुर कलंकीत अदकि दोषी आर; याग आंदुर नीम सांगुळ तनितार अदकि कुडुतार, रा आंदुर ध्वाका धळी देल भोज माळकु भोग वलास माळतार. 14 आंदुर कण्णगोळ दा व्यभचार कुरतकु आद, अदकि आंदुर पाप माळदुर बनि रूक्स सकालुर. आंदुर कमजोर लॉकुरी जाल दा फसुस कोमतार. आंदुर मन इक लोभ माळोद अभ्यास आगोग्याद; परमेश्वर उन शराप आंदुर मा आद. 15 आंदुर सीदा हादी अक बटिकु भटकसेग्यार, अदकि बओर उन पार बलाम उन हादी मा आगोग्यार, याव अन्याय इन मजदूरी इक प्रयि जान्सदुर; 16 अदकि आऊक आऊन पाप इन बारा दा फटकार सकित्, ईल ताका कर् अबोल गधा मंळसा अन बोली देल आ भवषियवक्ता अक आऊन बावलापन देल रोक्सत.

17 ई लॉकुर वंळगीद भायगोळ, अदकि आंधी इन हारसुद बादल उर; परमेश्वर आंदुर साटी अनन्त खोल अंधकार ठहरस्यान. 18 आंदुर बेकार घमण्ड इन मातगोळी माळ माळकु अनैतिक क्याल्सागोळ द्वारा, आ लॉकुरी शारीरिक अभलिषागोळ दा फसुस बुळतार जो भटकसकु दा टु होळोद सुरूवात ईगल्या अच माळेत्यार. 19 आंदुर आंदरी स्वतंत्र माळोद प्रतगिया रा माळतार, लेकीन खुद अच भ्रष्टता अन दास आर; यतकी जो मंळसा यार देल हारसेग्यान, आव आऊन दास बनसेगतान. 20 याग आंदुर प्रभु अदकि उद्धारकर्ता यीशु मसीह अन पयचान इन द्वारा दुनया अन नाना प्रकार इन कलंक देल उळ्दकु होट्टुर, अदकि मातुत आंदुर दा फसुसकु हारसेदूर, रा आंदुर पछिला दशा पयले टु भी बेकार आगोग्याद. 21 यतकी न्याय इन हादी इन ईला जानसोद अच आऊन साटी इदुर से भला आगाईत कर् अदरी जान्सकु, आ पवतिर आग्या देल बदलुसेगायदुर जो आंदरी कोटकु आगीत. 22 आंदुर मा ईद कहावत सही कुरतद, कर् नाय तान माळस इन दी अदकि मय कय तोळ्द हंदी केसुर दा गळबळ्या होडोर साटी मातुत ओळगतद.

### 3

प्रभु उन मातुत बरोद वाचा

1 हे प्रयि संगीगोळा, ईग ना नीमी ईद दुसरा चट्टी लखिसतीन, अदकि येद्धु दा याद कोळसुसकु नीमद शुद्ध मन इक जागृत माळोद वचार माळतीन, 2 कर् नीव आ मातगोळ इक जो पवतिर भवषियवक्ता पयले टु अंदार, अदकि प्रभु अदकि उद्धारकर्ता अन आ आग्या अक याद माळी जो नीमद प्रेरतिगोळ उन द्वारा कोटकु आगीत. 3 \*सब से पयले ईद जान्स कोमी कर् आखरी दनिगोळ दा नीमद मज्याक हारसावाळेर बंदार जो तान अच अभलिषागोळद अनुसार नळदार 4 अदकि केळ्यार, “आव बरोद प्रतगिया माळीदुन, येन आव माळीदलि? आव येल आन? नाम पुर्वज रा पयला टु अच सोतोग्यार लेकीन यागी टु दुनया बनस्याद सप्पा मातगोळ हांग अच नळुतेला बरेत्याव.” 5 आंदुर रा जान बुझुसकु ईद मारतोदुर कर् परमेश्वर उन कोळ्द आग्या देल आकाश अदकि पृथ्वी माळकु आग्याद अदकि पृथ्वी नीर दा टु बनसत अदकि नीर दा संची आद, 6 इदुरदा कारण आ दुनया अन दुनया नीर दा मुळककु नाश आगेत. 7 लेकीन ईद आकाश अदकि पृथ्वी ईद अस्तत्त्व दा आद, आऊंदा

आदेश इन द्वारा बेक्की देल नाश आगोर साटी सुरक्षति आद; इंदरी आ दनि इन साटी ईटकु आगेत्याद याग अन्यायी लॉकुरद न्याय आदीन अदकि आंदुर नाश माळकु आदार.

८ हे प्रयि संगीगोळा, ईद ऊंद मात इक मारूबाळी कि प्रभु उन नजर दा ऊंद दनि अदकि ऊंद हजार साल दा येनु फरक हैलेच; आऊन साटी ईव येदुदु बराबर आव. ९ प्रभु तान प्रतगिया अन बारा दा समय माळालुन, हयांग समय थ्वाळासा लॉकुर समस्तार; लेकीन नीमद बारा दा संयम हुडुतान, अदकि चाहासालुन कि यावारा नाश आगुल, बल्की ईद कि सप्पा मुंदरी मन फरिाव इन मवका सकिल.

१० \*लेकीन प्रभु उन दनि काळल उन घाई होत बंदीत, आ दशिी आकाश हापाळ गर्जना अन सांगुळ अदृश्य आगेदीत, अदकि आकाश इन पुरा चजिगोळ होतकु नाश आगेदव अदकि पृथ्वी अदकि अदुर दाकळव सप्पा मातगोळ गायब आगेदव. ११ जब कि ईव सप्पा वस्तुगोळ ई रीतदिेल नाश आगावाळा आव, रा नीमी याता प्रकार इन लॉकुर आग पायजे? नीमद जीवन पवतिर अदकि परमेश्वर उन दी समरपति आगली पायजे, १२ अदकि परमेश्वर उन आ दशिी इन हादी याता रीतदिेल काय पायजे अदकि आऊन जल्दी बरोद साटी हयांग कोशशि माळ पायजे, यदुर कारण आकाश बेक्की देल नाश माळकु आदीत, अदकि आकाश इन पुरा वस्तुगोळ गरमी देल पघिलुसेव. १३ \*लेकीन आऊन वादा अन अनुसार नाव ऊंद व्हाशोद आकाश अदकि व्हाशोद पृथ्वी इन आस नोळतेव यदुर दा न्याय वास माळीत.

१४ इदुरसाटी, हे प्रयि संगीगोळा, हयांग नीव आ दनि इन हादी कायेतीर, रा तान दी टु पुरा कोशशि माळी कि नीव शांती देल परमेश्वर उन नजर दा आलोचना रहति अदकि नषिकलंक ठहरूसी, १५ नामद प्रभु उन धीरज इक जो आव नामी कोटान उद्धार इन संधी समसी, हयांग नाम प्रयि संगी पौलुस भी आ ग्यान देल जो परमेश्वर वार्ट उक कोटीदुन अदुरद इस्तेमाल माळकु लखिसदुन. १६ हांग अच आव तान सप्पा चट्टी गोळ दा भी ईव मातगोळ इक लखिसदुन, यारदा येनारा मातगोळ हगि आव यवरी समसोद कठनि आद, अदकि अनपद अदकि चंचल लॉकुर अदुर अर्थगोळी इक भी शास्त्र अन अन्य मातगोळ घाई जेडुकु तांद अच नाश इन कारण माळतार.

१७ इदुरसाटी हे प्रयि संगीगोळा, नीव लॉकुर पयला टु उच ईव मातगोळी जान्सकु सावधान ईरी, ताकी न्यायवरिद्ध लॉकुरद गलतीगोळद द्वारा तान स्थरिता अक येल्यारा कय देल काळुकोमी. १८ लेकीन नामव प्रभु अदकि उद्धारकर्ता यीशु मसीह अन अनुग्रह अदकि ग्यान दा वाळुसतेला होगी. आऊन दा प्रशंसा सही मायना दा आगुल, अदकि हमेशा आगतेला ईरूल. आमीन.

\* 3:10 ३:१० मत्ती २४:४३; लूका १२:३९; १ थसिसलुनीकी ५:२; प्रकाशतिवाक्य १६:१५  
३:१३ प्रकाशतिवाक्य २१:१

\* 3:13

## यूहन्ना की पहली पत्री यूहन्ना अन्द पयला चट्ठी परचिय

१ यूहन्ना अन्द चट्ठी प्रेरति यूहन्ना अन्द द्वारा मसीह अन्द जनम इन ५० से १०० साल इन नयाइया दा लखिसकु आगीत. यूहन्ना खुद इक लेखक इन रूप दा जानसालुन. लेकीन पयला अध्याय तोरसतद की आव यीशु उन जीवन अदकि पुनरूत्थान इन साटी ऊंद प्रत्यक्षदर्शी आन १:१-३ पयला यूहन्ना दा लेखन शैली यूहन्ना अन्द अनुसार खुशखबरी दा सकिद लेखन शैली घाई कांळसतद. हगि मान्सकु आगतद की १ यूहन्ना अन्द चट्ठी इन अनुसार खुशखबरी लखिसीदुन अदकि इफसिस दा ईरतेला मुर चट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चट्ठी इक सपपा इसाई लॉकुरी लखिसीदुन याग मंडली इक "ग्यानवादी" हेसुर इनोर लॉकुर इन समुह देल परेशानी आगोद. ई लॉकुर मान्स तोगोर की यीशु पुरा तरीका देल परमेश्वर ईरोन लेकीन आव सही दा पृथ्वी मा मास अदकि रक्ता अन मय इन सांगुळ मळसा ईला ईरोन. ईदा कारण यूहन्ना यीशु उन जीवन इन प्रती प्रत्यक्षदर्शी आगोद बारा दा लखिसदुन अदकि अंदुन की आऊन कयगोळ यीशु उक मुटदव १:१-३. ई चट्ठी इक लखिसदुर दा यूहन्ना अन्द उद्देश आंदुर खुशी इक पुरा माळोद ईरोद १ यूहन्ना १:४, वशिवासीगोळी पाप माळदुर देल रोकसोर साटी १ यूहन्ना २:१, ख्वाटा शक्ति देल वशिवासीगोळद रक्षा माळोर साटी १ यूहन्ना २:२६ अदकि वशिवासीगोळी आश्वस्त माळोद की आंदुर ऊळसकु आग्यार. ५:१३  
रूप-रेखा

१. यूहन्ना तान चट्ठी प्रस्तुत माळदुन अदकि इदरी लखिसोद ऊंद उद्देश कोट्टुन. १:१-४
२. बाक आव समझुसतान की परमेश्वर हयांग ऊजुळ आन अदकि नामी जीवन स्वरूप ईरली पायजे. १:५-३:१०
३. इदुर बाददा आव नामी आबुर दाबुर से प्यार माळोद आदेश इन याद तोरसतान. ३:११-५:१२
४. आव तान चट्ठी खतम माळतान. ५:१३-२१

### जीवन इन बातणी

1 \*आ जीवन इन वचन इन बारा दा जो पयले टु ईरोद. यदरी नाव केळेव, अदकि यदरी तान कण्णगोळ देल नोळदेव, उलटा यदरी नाव ध्यान देल नोळदेव अदकि कयगोळ देल मुटदेव. 2 \*ईद जीवन प्रगट आत्त, अदकि नाव आऊक नोळदेव, अदकि आऊन गवाही कोळतेव, अदकि नीमी आ अनन्त जीवन इन समाचार कोळतेव जो आप्प उन सांगुळ ईरोन अदकि नाम मा

प्रगट आदुन. <sup>3</sup>जो येनारा नाव नोळेव अदकि केळेव अदुरद समाचार नीमी भी कोळतेव, इदुरसाटी की नीव भी नाम सांगुळ सहभागी आगी; अदकि नाम्द ईद सहभागीता आप्प उन सांगुळ अदकि आऊन पार यीशु मसीह अन सांगुळ आद. <sup>4</sup>अदकि ई मातगोळ नाव इदुरसाटी लखिसतेव की नाम्द खुशी पुरा आगेगुल.

### प्रकाश दा नळोद

<sup>5</sup>जो समाचार नाव आऊन से केळेव अदकि नीमी केळ्सतेव, अद ईद हुन की परमेश्वर प्रकाश हुन अदकि आऊन दा येनु उच अंधकार हैलेच. <sup>6</sup>अगर नाव अंदेव की आऊन सांगुळ नाम्द सहभागीता आद अदकि मात्त पाप दा नळदेव, रा नाव ख्वाटा आयेव अदकि सच्चाई मा नळालेव; <sup>7</sup>लेकीन अगर ह्यांग आव प्रकाश दा आन, हांग अच नाव भी प्रकाश दा नळदेव, रा आबुर दाबुर से सहभागीता ईटतेव, अदकि आऊन पार यीशु उन रक्ता नामी सप्पा पापगोळ देल शुद्ध माळतद.

<sup>8</sup>अगर नाव अंदेव की नाम दा येनु भी पाप ईल्लच, रा तान तान इक ध्वाका कोळतेव, अदकि नाम दा सच्चाई ईल्लच. <sup>9</sup>अगर नाव तान पापगोळी मान्स कोंडेव, रा परमेश्वर नामव पापगोळ इक माफ माळोद अदकि नामी सप्पा पापगोळ देल शुद्ध माळदुर दा वशिवासलायक अदकि न्यायी आन. <sup>10</sup>अगर नाव अंदेव की नाव येनु पाप माळीदलि, रा परमेश्वर उक ख्वाटा ठहरूसतेव, अदकि आऊन वचन नाम दा हैलेच.

## 2

### मसीह नामव सहायक

<sup>1</sup>हे नान चकिरगोळा, ना ईव मातगोळ नीमी इदुरसाटी लखिसतीन की नीव पाप माळबाळी; अदकि अगर यावारा पाप माळतान, रा आप्प उन हात्ती नामव ऊंद सहायक आन, मतलब न्यायी यीशु मसीह; <sup>2</sup>अदकि आवा नामव पापगोळ इक माफ माळतान, अदकि उलटा नाम्द अच ईला बल्की पुरा दुनयिा अन पापगोळ्द भी.

<sup>3</sup>अगर नाव परमेश्वर उन आग्यागोळ इक मान्सतेव, रा इदुर देल नाव जान्स कोंडेव की नाव आऊक जान्सेगेव. <sup>4</sup>जो यावारा ईद अनतान, “की नाव आऊक जान्स कोंडीन,” लेकीन आऊन आग्यागोळ इक मान्सालुन, रा आव ख्वाटा आन अदकि आऊन दा सच्चाई ईल्लच; <sup>5</sup>पर जो यावारा आऊन आग्यागोळ मा नळुतान, आऊन दा खराखुरा परमेश्वर उन प्यार सदिध आग्याद. इदुर देल नाव जान्सतेव की नाव परमेश्वर उन संगती दा ऊंद आयेव: <sup>6</sup>जो यावारा ईद अनतान की ना आऊन दा बन्सकु ईरतीन, आऊक पायजे की खुद भी हांग अच नळुल ह्यांग आव नळुतोगोन.

### व्हाशोद आग्या

<sup>7</sup>हे प्रयि, ना नीमी यातोदु व्हाशोद आग्यागोळ लखिसालीन, पर अदा हाळोद आग्या जो पयले टु नीमी सकियाद; ईद हाळोद आग्या अद वचन हुन यदरी नीव केळीर. <sup>8</sup>तरी भी ना नीमी व्हाशोद आग्यागोळ लखिसतीन, अदकि

ईद अदुर दा अदकि नीम दा सही ठहूसतद; यतकी अंधकार खतम आगेगतद अदकि सच्चाई इन प्रकाश ईग चमकुस्ली हत्याद.

9 जो यावारा ईद अनतान कना प्रकाश दा आईन अदकि आव तान मसीह वार्ट से दुश्मनी ईटतान, आव ईगासताका अंधकार दा अच आन. 10 जो यावारा तान मसीह वार्ट से प्यार ईटतान आव प्रकाश दा ईरतान, अदकि आव यारदु ठोकर इन कारण बन्स सकालुन. 11 पर जो यावारा तान मसीह वार्ट से दुश्मनी ईटतान आव अंधकार दा आन अदकि अंधकार दा नळुतान, अदकि जानसालुन कयाता जागा दा होगेत्यान, यतकी अंधकार आऊन कण्णगोळी कुढढ माळबुटाद.

12 हे चकिरगोळा, ना नीमी इदुरसाटी लखिसतीन क आऊन हेसुर देल नीम पाप माफ आग्याव. 13 हे आप्पगोळा, ना नीमी इदुरसाटी लखिसतीन क जो पयले टु आद नीव अदरी अरूतीर. हे हारोदोरा, ना नीमी इदुरसाटी लखिसतीन क नीव आ दुष्ट मा जय हासलि माळीर. हे पारगोळा, ना नीमी इदुरसाटी लखिसदीन क नीव आप्प उक जान्स कौडीर.

14 हे चकिरगोळा, ना नीमी इदुरसाटी लखिसतीन क जो पयले टु आद नीव अदरी जान्स कौडीर. हे हारोदोरा, ना नीमी इदुरसाटी लखिसतीन क नीव ताकतवर आईर, अदकि परमेश्वर उन वचन नीम दा बन्सकु ईरतद, अदकि नीव आ दुष्ट मा जय हासलि माळीर.

15 नीव ना रा दुनयिया से अदकि ना दुनयिया अन्द वस्तुगोळ से प्यार ईटी. अगर यावारा दुनयिया से प्यार ईटतान, रा आऊन दा आप्प उन प्यार हैलेच. 16 यतकी जो येनारा संपत्ती दुनयिया दा आद, मतलब मय इन अभलिाषा अदकि कण्णगोळद इच्छा अदकि जीव इन घमण्ड, अद आप्प उन दी टु ईला लेकीन दुनयिया दी टु उच आद. 17 पुरा दुनयिया अदकि अदुरद अभलिाषागोळ येढ्ढु मट्टुसेगताव, लेकीन जो परमेश्वर उन इच्छा मा नळुतान आव हमेशा बन्सकु ईततान.

### मसीह-वरीधी

18 हे पारगोळा, ईद आखरी समय आद; अदकि ह्यांग नीव केळीर क मसीह अन्द वरीधी बरावाळा आन, अदुर अनुसार ईग भी हापाळ सा मसीह-वरीधी यदकु नदिर्यार; इदुरसाटी नाव जान्सतेव क ईद आखरी समय हुन. 19 आंदुर होटार भी रा नाम दा टु उच, लेकीन नाम दा टु ईला ईरोर; यतकी अगर आंदुर नाम दा टु ईरायदुर रा नाम सांगुळु ईरायदुर; लेकीन होटकु इदुरसाटी होदुर क ईद प्रगट आगुल क आंदुर सप्पा मुंदुर नाम दा टु आल्लच.

20 लेकीन नीमद रा आ पवतिर आत्मा देल अभषिक आग्याद, अदकि नीव सप्पा येनारा जान्सतीर. 21 ना नीमी इदुरसाटी लखिसदिलि क नीव सच्चाई इक जानसालीर, लेकीन इदुरसाटी क आऊक जान्सतीर, अदकि इदुरसाटी क यातोदु भी ख्वाटा वस्तु, सच्चाई दी टु हैलेच.

22 ख्वाटा याव आन? सरिफ आव जो यीशु उन मसीह ईरोद से इनकार माळतान; अदकि मसीह अन्द वरीधी आवा हुन, जो आप्प उन अदकि पार



उन इनकार माळतान. 23 जो यावारा पार उन इनकार माळतान आऊन हात्ती आप्प भी हैलेच: जो पार उक मान्स कोमतान, आऊन हात्ती आप्प भी आन.

24 जो येनारा नीव पयले टु केळीर, अदा नीम दा बन्सकु ईरूल; जो नीव सूरु टु केळीर, अगर अद नीम दा बन्सकु ईरूल रा नीव भी पार दा अदकि आप्प उन दा बन्सकु ईत्तीर. 25 अदकि यदुरद आव नाम से वादा माळदुन अद अनन्त जीवन हुन.

26 ना ई मातगोळ नीमी आ लॉकुर बारा दा लखिसतीन, जो नीमी बैकुसतार; 27 लेकीन नीमद अद अभषिक जो आऊन दी टु माळकु आत्त, नीम दा बन्सकु ईरतद, अदकि नीमी इदुरद जरवत ईला कयावारा नीमी कलसुल, उलटा ह्यांग अद अभषिक जो आऊन दी टु माळकु आत नीमी सप्पा मातगोळ कलसतद, अदकि ईद सही आद अदकि ख्वाटा हैलेच; अदकि ह्यांग आव नीमी कलस्यान हांग अच नीव अदुरदा बन्सकु ईरतीर.

28 इदुरसाटी हे चकिोरा, अदुरदा बन्सकु ईरी कयाग आव प्रगट आदान रा नाम दा हम्मिमत ईरूल, अदकि नाव आऊन बंदुर मा आऊन मुंद नाचकतदिलि. 29 अगर नीव जान्सतीर, कया आव न्यायी आन, रा ईद भी जान्सतीर कया जो यावारा न्याय इन कयाल्सा माळतान आव आऊन से पैदा आग्यान.

### 3

परमेश्वर उन चकिोर

1 \*नोळी, आप्प नाम से ह्यांग प्यार माळकु कारदुन कया नाव परमेश्वर उन औलाद अंदकु आदेव; अदकि नाव आयेव भी. ईद कारण दुनया नामी अराल, यतकी आव आंदरी भी अरतीदलि. 2 हे प्रयि संगीगोळा, ईग नाव परमेश्वर उन औलाद आयेव, अदकि ईंगासताका ईद प्रगट आगीदील कया नाव अदकि येन आदेव! ईट जान्सतेव कयाग प्रगट आदीत रा नाव आऊन घाई आदेव, यतकी आऊक हांग अच नोळेव ह्यांग आव आन. 3 अदकि जो यावारा मसीह मा ईद आशा ईटतान, आव तान तान इक हांगा शुद्ध माळतान ह्यांग मसीह शुद्ध आन

4 जो यावारा पाप माळतान, आव व्यवस्था अन्द वरिध माळतान; अदकि पाप रा व्यवस्था अन्द वरिध हुन. 5 \*नीव जान्सतीर कया आव इदुरसाटी प्रगट आदुन कया पापगोळी तेगद बुळुल; अदकि आऊन स्वभाव दा पाप हैलेच. 6 जो यावारा आऊन एकता दा बन्सकु ईरतान, आव पाप माळालुन: जो यावारा पाप माळतान, आव ना रा आऊक नोळ्यान अदकि ना आऊक जानस्यान.

7 हे चकिोरा, यारदारा बैकावा दा बरबाळेतीर. जो न्याय इन कयाल्सा माळतान, आव अच आऊन घाई आन. 8 जो यावारा पाप माळतान आव शैतान दी टु आन, यतकी शैतान पयले टु उच पाप माळत बंदान. परमेश्वर उन पार इदुरसाटी प्रगट आदुन कया शैतान उन कयाल्सागोळ्द नाश माळकु छुटकारा कोळुल.

9 जो यावारा परमेश्वर उन से पैदा आग्यान आव पाप माळालुन; यतकी आऊन स्वभाव दा बन्सकु ईरतान, अदकि आव पाप माळ अच सकालुन यतकी

आव परमेश्वर देल पैदा आग्यान. 10 इदुर देल अच परमेश्वर उन औलाद अदकि शैतान उन औलाद अरूकु आगतद; जो यावारा न्याय इन क्याल्सा माळालुन आव परमेश्वर देल पैदा आगीदील, अदकि ना आव जो तान मसीह वार्ट से प्यार ईटालुन.

आबुर दाबुर से प्यार ईटी

11 यतकी जो समाचार नीव पयले टु केळीर, अद ईद आग्या हुन की नाव आबुर दाबुर से प्यार ईट्टेव; 12 अदकि कैन उन घाई बन्सबाळी जो आ दुष्टगोळ दा टु ईरोन, अदकि याव तान मसीह वार्ट उक कोंद बुट्टुन. अदकि आऊक याता कारण देल कोंद बुट्टुन? ई कारण की ईऊन क्याल्सा बुरा ईरव, अदकि आऊन क्याल्सा न्याय इनव ईरव.

13 हे मसीह वार्ट अदकि आकतींगेरा, अगर दुनया नीम से दुश्मनी माळतद रा अचम्भा माळबाळी. 14 नाव जान्सतेव की नाव मृत्यु टु पार आगकु जीवन दा प्रवेश माळेव; यतकी नाव मसीह वार्टुर से प्यार ईटतेव. जो प्यार ईटालुन आव मृत्यु उन दशा दा ईरतान. 15 जो यावारा तान मसीह वार्ट से दुश्मनी ईटतान, आव हत्यारा हुन; अदकि नीव जान्सतीर की यावारा हत्यारा दा अनन्त जीवन ईराल्द. 16 नाव प्यार ईदुर देल अच जान्सदेव की आव नाम साटी तान जीव कोट बुट्टुन; अदकि नामी भी खुद मसीह वार्ट अदकि आकतींगेरा साटी जीव कोळ पायजे. 17 लेकीन जो यारदारा हात्ती दुनया अन्द संपत्ती ईरूल अदकि आव तान मसीह वार्ट उक कंगाल नोळकु आऊन जरवत मा तरस तनिोद चाहासालुन, रा आऊन दा परमेश्वर उन प्यार ह्यांग बन्सकु ईर सकतद? 18 हे चकिोरा, नाव वचन अदकि ल्यालग्या देल अच ईला, लेकीन क्याल्सा अदकि सच्चाई अन्द द्वारा भी प्यार ईट्टेव.

परमेश्वर उन हात्ती हमिमत

19 इदुर देल अच नाव जान्सेव की नाव सच्चाई नव हुयेव; अदकि याता मात दा नाम मन नामी दोष कोट्टीत, अदुर बारा दा नाव परमेश्वर उन मुंद आत्मवशिवास देल ईत्तेव; 20 यतकी परमेश्वर नाम मन देल हापाळ धोड्डेव आन, अदकि सप्पा येनारा जान्सतान. 21 हे प्रयि संगीगोळा, अगर नाम मन नामी दोष कोळाल, रा नामी परमेश्वर उन मुंद हमिमत ईरतद; 22 नाव आऊन से जो येनारा बेळतेव, अद नामी आऊन हात्ती टु सकितद, यतकी नाव आऊन आग्यागोळ इक मान्सतेव अदकि जो आऊक वळलीद हततद अदा माळतेव. 23 आऊन आग्या ईद आद की नाव आऊन पार यीशु मसीह अन्द हेसुर मा वशिवास माळेव, अदकि ह्यांग आव नामी आग्या कोटान आऊंदा अनुसार आबुर दाबुर दा प्यार ईट्टेव. 24 जो परमेश्वर उन आग्यागोळ इक मान्सतान, आव परमेश्वर दा अदकि परमेश्वर आंदुर दा बन्सकु ईरतान: अदकि इदुर देल अच, मतलव आ आत्मा देल जो परमेश्वर नामी कोटान, नाव जान्सतेव की परमेश्वर नाम दा बन्सकु ईरतान.

## 4

## आत्मागोळ्द परख माळी

1 हे प्रयि संगीगोळा, हर ऊंद आत्मा अनूद वशिवास माळबाळी, उलटा आत्मागोळ्द परख माळी की अव परमेश्वर दी टु हुव का आल्लच; यतकी हापाळ सा ख्वाटा भवषियवक्तागोळ दुनया दा होटकु नदिरकु आर. 2 परमेश्वर उन आत्मा नीव ईदा रीर्ता देल जान्स सकतीर: जो आत्मा मान्स कोमतद की यीशु मसीह मय दा टु आगकु बंदान आव परमेश्वर उन दी टु हुन, 3 अदकि जो आत्मा यीशु मसीह इक मानसाल, अद परमेश्वर उन दी टु आल्लच; अदकि अदा रा मसीह अन वरीधी इन आत्मा हुन, यदुर्द चर्चा नीव केळ कोंडीर की आव बरावाळा आन, अदकि ईंग भी दुनया दा आन. 4 हे चकिरा, नीव परमेश्वर नोर हुईर, अदकि नीव आ आत्मागोळ मा जय हासलि माळीर; यतकी जो नीम दा आद अद आऊन से जो दुनया दा आन, महान आन. 5 आंदुर दुनया नोर आर, ई कारण आंदुर दुनया अन मातगोळ माताळतार, अदकि दुनया आंदुरद केळतद. 6 नाव परमेश्वर उन हुयेव. जो परमेश्वर उक जान्सतान, आव नाम्द केळतान; जो परमेश्वर उक जान्सालुन आव नाम्द केळालुन. ई प्रकार नाव सच्चाई इन आत्मा अदकि भरम इंद आत्मा अक अर्त कोमतेव.

## परमेश्वर प्यार हुन

7 हे प्रयि, नाव आबुर दाबुर दा प्यार ईट्टेव, यतकी प्यार परमेश्वर से आद, जो यावारा प्यार माळतान, आव परमेश्वर से पैदा आग्यान अदकि परमेश्वर उक जान्सतान. 8 जो प्यार ईटालुन आव परमेश्वर उक जान्सालुन, यतकी परमेश्वर प्यार हुन. 9 जो प्यार परमेश्वर नाम से ईटतान, अद ईदुर देल प्रगट आग्याद की परमेश्वर तान ऊंद ठैसा पार उक दुनया दा कळ्यान की नाव आऊन द्वारा जीवन प्राप्त माळेव. 10 प्यार इदुर दा हैलेच की नाव परमेश्वर से प्यार माळदेव, लेकीन इदुर दा आद की आव नाम से प्यार माळदुन अदकि नाम पापगोळ्द माफ अन साटी तान पार उक कळुदुन.

11 हे प्रयि, याग परमेश्वर नाम से हगि प्यार माळदुन, रा नामी भी आबुर दाबुर दा प्यार ईट पायजे. 12 परमेश्वर उक याऊ यागलु नोळीदील; अगर नाव आबुर दाबुर दा प्यार ईट्टेव, रा परमेश्वर नाम दा बन्सकु ईरतान अदकि आऊन प्यार नाम दा सद्धि आग्याद.

13 इदुर देल अच नाव जान्सतेव की नाव आऊन दा बन्सकु ईरतेव, अदकि आव नाम दा; यतकी आव तान आत्मा नामी कोटान. 14 नाव नोळ भी कोण्डेव अदकि गवाही कोळतेव की आप्प पार उक दुनया दा उद्धारकर्ता माळकु कळ्यान. 15 जो यावारा ईद मान्स कोमतान की यीशु परमेश्वर उन पार हुन, परमेश्वर आऊन दा बन्सकु ईरतान, अदकि आव परमेश्वर दा

16 जो प्यार परमेश्वर नाम से ईटतान, अदरी नाव जान्स कोडेव अदकि नामी आऊन वशिवास आद. परमेश्वर प्यार हुन, अदकि जो प्यार दा बन्सकु ईरतान आव परमेश्वर दा बन्सकु ईरतान, अदकि परमेश्वर आऊन दा बन्सकु

ईरतान. 17 इदुर देल अच प्यार नाम दा सदिध आग्याद कनिामी न्याय इन दशिी हम्मिमत ईरूल; यतकी ह्यांग मसीह आन हांग अच दुनया दा नाव भी आयेव. 18 प्यार दा अंजुक ईराल, उलटा सदिध प्यार अंजुक इक दुर माळ बुळतद; यतकी अंजुक इन संबंघ दण्ड देल ईरतद, अदकि जो अंजुक ईटतान आव प्यार दा सदिध आगीदील.

19 नाव इदुरसाटी प्यार माळतेव, की पयले आव नाम से प्यार माळदुन. 20 अगर यावारा अंदान, “ना परमेश्वर से प्यार ईटतीन,” अदकि तान मसीह वार्ट से दुश्मनी ईटुल रा आव ख्वाटा आन; यतकी जो तान वार्ट से यारी आव नोळ्यान प्यार ईटालुन, रा आव परमेश्वर से भी यारी आव नोळीदील प्यार माळालुन. 21 आऊन से नामी ईद आग्या सकियाद, की जो यावारा परमेश्वर से प्यार ईटतान आव तान मसीह वार्ट से भी प्यार ईटुल.

## 5

दुनया मा जय हासलि माळोद

1 यार्द ईद वशिवास आद की यीशु अच मसीह हुन, आव परमेश्वर से पैदा आग्यान; अदकि जो यावारा पैदा माळावाळा से प्यार ईटतान, आव आऊन से भी प्यार ईटतान जो आऊन से पैदा आग्यान. 2 याग नाव परमेश्वर से प्यार ईटतेव अदकि आऊन आग्यागोळ इक मानसतेव, रा इदुर देल अच नाव जानसतेव की नाव परमेश्वर उन औलादगोळ से प्यार ईटतेव. 3 यतकी परमेश्वर से प्यार ईटोद ईद हुन की नाव आऊन आग्या अक मानसेव; अदकि आऊन आग्यागोळ कठनि हैलेच. 4 यतकी जो येनारा परमेश्वर देल पैदा आग्याद, अद दुनया मा जय हासलि माळतद; अदकि अद वजिय यदुर देल दुनया मा जय हासलि आगतद अदा नाम वशिवास हुन. 5 दुनया मा जय हासलि माळावाळा याव हुन? सरिफ आव यार्द ईद वशिवास आद की यीशु, परमेश्वर उन पार हुन.

यीशु मसीह अनूद बारा दा गवाही

6 ईवा हुन आव जो नीर अदकि खुन अन द्वारा बंदीदुन, मतलब यीशु मसीह: आव सरिफ नीर इन द्वारा ईला लेकीन नीर अदकि रक्ता येदुदु चजि इन द्वारा बंदीदुन ईद गवाही सच्चाई हुन. 7 अदकि जो गवाही कोळतद, अद आत्मा हुन; यतकी आत्मा सच्चाई आद. 8 गवाही कोळावाळा मुर आव, आत्मा, अदकि नीर, अदकि रक्ता; अदकि मूर ऊंदा मात मा सयमत आव. 9 याग नाव मंळसागोळ्द गवाही मान्स कोमतेव, रा परमेश्वर उन गवाही रा अऊर से वाळुसकु आद; अदकि परमेश्वर उन गवाही ईद आद की जो आव तान पार उन बारा दा कोटान. 10 जो परमेश्वर उन पार मा वशिवास माळतान आव तान मन दा अच गवाही ईटतान. याव परमेश्वर मा वशिवास माळीदलि आव आऊक ख्वाटा ठहरूसदुन, यतकी आव आ गवाही मा वशिवास माळीदलि जो परमेश्वर तान पार उन बारा दा कोटान. 11 अदकि अद गवाही ईद हुन की परमेश्वर नामी अनन्त जीवन कोटान, अदकि ईद जीवन आऊन पार उन दा आद. 12 यार

हात्ती पार आन, आऊन हात्ती जीवन आद, अदकि यार हात्ती परमेश्वर उन पार हैलेच, आऊन हात्ती जीवन भी हैलेच.

### अनन्त जीवन

13 ना नीमी, जो परमेश्वर उन पार उन हेसुर मा वश्वास माळतीर, इदुरसाटी लखिसतीन कि नीव अर्त कोमी कि अनन्त जीवन नीमद आद. 14 अदकि नामी आऊन मुंद जो हम्मित सकितद, अद ईद हुन; कि अगर नाव आऊन इच्छा अन्द अनुसार येनारा बेळतेव, रा आव नाम केळतान. 15 याग नाव जो येनारा आऊन से बेळतेव आव नाम केळतान, रा ईद भी जान्सतेव कि जो येनारा नाव आऊन से बेळदेव, आव कोळतान.

16 अगर यावारा तान मसीह वार्ट उक हगि पाप माळतेला नोळुल यदुर्द अंजाम मृत्यु आगाल, रा वनिती माळकु बेळुल, अदकि परमेश्वर आऊक आंदुर साटी, यार हगि पाप माळ्यार यदुर्द अंजाम मृत्यु आगाल, जीवन कोटान. पाप हगि भी आगतद यदुर्द अंजाम मृत्यु आगतद; इदुर बारा दा ना वनिती माळोर साटी हेळालीन. 17 सप्पा प्रकार इन अन्याय रा पाप हुन, लेकीन हगि पाप भी आद यदुर्द अंजाम मृत्यु आल्लच.

18 नाव जान्सतेव, कि जो यावारा परमेश्वर उन से पैदा आग्यान, आव पाप माळालुन; लेकीन जो परमेश्वर से पैदा आग्यान, आऊक आव ऊळसकु ईटतान, अदकि आ दुष्ट आऊक मुट सकाल.

19 नाव जान्सतेव कि नाव परमेश्वर से आयेव, अदकि सप्पा दुनिया आ दुष्ट उन वश दा बदिक् आद.

20 नाव ईद भी जान्सतेव कि परमेश्वर उन पार होट बंदान अदकि आव नामी समझ कोटान कि नाव आ सही परमेश्वर उक अरतेव; अदकि नाव अदुर दा जो सच्चाई आद, मतलब आऊन पार यीशु मसीह दा ईरतेव. खरा परमेश्वर अदकि अनन्त जीवन ईदा हुन.

21 हे चकिोरा, तान तान इक मूर्तीगोळ देल ऊळसकु ईटी.

## यूहन्ना की दूसरी पत्री यूहन्ना अन्द दुसरा चट्ठी परचिय

२ यूहन्ना अन्द चट्ठी यूहन्ना अन्द द्वारा मसीह अन्द जनम इन ५० से १०० साल इन न्याइया दा लखिसकु आगीत. यूहन्ना खुद इक लेखक इन रूप दा अरालुन, बल्की आव खुद इक स्याणा अनतान. यूहन्ना अन्द अनुसार खुशखबरी दा सकिद सामग्री इन तुलना दा २ यूहन्ना अन्द सामग्री हात्ती टु सकितद. ईद वशिष रूप देल स्पष्ट आद कियता प्रकार देल आव आबुर दाबुर से प्यार माळोर साटी यीशु उन आदेश मा जोर कोळतान अदकि याता प्रकार देल आव तान आदेशगोळ पालन माळोर सांगुळ यीशु से प्यार माळतान १:५-६, यूहन्ना १५:१-१०. हगि मानसकु आगतद कि १ यूहन्ना अन्द चट्ठी इन अनुसार खुशखबरी लखिसीदुन अदकि इफसिस दा ईरतेला मुर चट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चट्ठी इक नविळुसुद आर्तेर अदकि आकनि चकिोर इक संबोधति माळ्यान. आव शायद ऊंद मंडली इन जकिर माळोन. ई चट्ठी इक लखिसदुर दा यूहन्ना अन्द उद्देश मंडली इक प्रोत्साहति माळोद ईरोद अदकि आ ख्वाटा गुरुगोळी चेतावनी कोळोद ईरोद.

रूप-रेखा

१. यूहन्ना ईद अंदकु चट्ठी प्रस्तुत माळतान कि ईद यार्द साटी हुन अदकि इदरी प्राप्तकर्तागोळ्द अभविदन इन द्वारा याव आन. १:१-३
२. बाक आव मंडली इक प्रोत्साहति माळतान अदकि आंदरी धोळ्द आदेश इन याद तोरसतान. १:४-६
३. ईदुर बाददा, आव आंदरी ख्वाटा गुरुगोळ्द चेतावनी कोळतान. १:७-११
४. यूहन्ना मंडली दा वशिवासीगोळ से बधाई बातणी कोटकु तान चट्ठी पुरा माळतान यल आव ईरतान. १:१२-१३

1 नानी स्याणा दी टु आ नविळुसुद आर्तेर अदकि आंदुरद चकिोरगोळव हेसुर, यार से ना खरा प्यार ईटतीन, अदकि सरिफ ना अच ईला उलटा आंदुर सप्पा मुंदुर भी प्यार ईटतार जो सच्चाई इक अरूतार; 2 अद सच्चाई जो नाम दा स्थरि ईरतद, अदकि हमेशा नाम सांगुळ अटल ईत्तीत;

3 परमेश्वर आप्प, अदकि आप्प उन पार यीशु मसीह दी टु अनुग्रह अदकि दया अदकि शांती, सच्चाई अदकि प्यार इन सांगुळ नाम सांगुळ ईत्ताव.

सच्चाई अदकि प्यार

4 ना हापाळ खुश आदीन कि ना नीन थ्वाळासा चकिोर इक आ आग्या अन्द अनुसार, जो नामी आप्प उन दी टु सकीत, सच्चाई मा नळुतेला सकित. 5 ईग हे आर्त, ना नीनी ईग यातोदु व्हाशोद आग्या ईला, लेकीन अदा जो पयले टु

नाम हात्ती आद, लखिसतीन; अदकि नीन से वनिती माळतीन कनिाव आबुर दाबुर से प्यार ईट्टेव. 6 अदकि प्यार ईद हुन कनिाव आऊन आग्या अन्द अनुसार नळदेव; ईद अदा आग्या हुन जो नीव पयले टु केळीर, अदकि नीमी इदुर मा नळुली भी पायजे.

7 यतकी हापाळ सा हगि बैकुसावाळेर दुनयिा दा होटकु बंदार, जो ईद मान्तालुर कनिीशु मसीह मय दा टु होटकु बंदान; बैकुसावाळा अदकि मसीह-वरीध माळावाळा ईवा हुन. 8 तान बारा दा सावधान ईरी, कनिजो मयनत नाव माळेव अद नीम से काळुबाळुल, उलटा अदुर सप्पा प्रतफिल नीव ताकोमी.

9 जो यावारा मसीह अन्द शक्तिा देल मुंद वाळुसेगतान अदकि अदुर दा बन्सकु ईरालुन, आऊन हात्ती परमेश्वर हैलेच; जो यावारा आऊन शक्तिा दा स्थरि ईरतान, आऊन हात्ती आप्प भी आन अदकि पार भी. 10 अगर यावारा नीम हात्ती बरतान अदकि ईदा शक्तिा कोळालुन, आऊक ना रा मान्या बरगोळी अदकि ना नमस्कार माळी. 11 यतकी जो यावारा ईत्ता मंळसा अक नमस्कार माळतान, आव आऊन बुरा क्याल्सागोळ दा सहभागी आगतान.

आखरी अभविादन

12 नानी हापाळ सा मातगोळ नीमी लखिसव आव, लेकीन कागद अदकि स्याही देल लखिसोद चाहासालीन, लेकीन आशा आद कनिा नीम हात्ती बराईन अदकि आमने-सामने मातकात हेळाईन, यदुर देल नीम खुशी पुरा आगुल.

13 नीन नविळुस्द आकतींग इन चकिोर नीनी नमस्कार अनतार.

## यूहन्ना की तसिरी पत्री यूहन्ना अन्द तसिरा चट्ठी परचिय

३ यूहन्ना अन्द चट्ठी यूहन्ना अन्द द्वारा मसीह अन्द जनम इन ५० से १०० साल इन न्याड्या दा लखिसकु आगीत. यूहन्ना खुद इक लेखक इन रूप दा अरालुन, बल्की ईदुर बजाय खुद इक स्याणा १:१ अनतान. आव २ यूहन्ना १:१ दा भी अदा अनतान. हगि मानसकु आगतद कियूहन्ना ३ यूहन्ना अन्द चट्ठी इन अनुसार खुशखबरी लखिसीदुन अदकि इफसिस दा ईरतेला मुर चट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चट्ठी इक गोयास हेसुर इनव ऊंद आस्तकि उक लखिसीदुन. आव गोयास उक ऊंद संगी इन रूप दा संबोधति माळतान अदकि आऊक आ क्षेत्र अन्द माध्यम देल जो यात्रा माळेत्यार आ इसाई वार्दुर साटी पाऊना नयोजति आगोद नरिदेश कोळतान.

रूप-रेखा

१. यूहन्ना तान चट्ठी प्रस्तुत माळतान. १:१
२. अदुर बाददा आव गोयास उक प्रोत्साहिति माळतान अदकि वार्दुर इक पाऊना तोरसोर साटी नरिदेश कोळतान. १:२-८
३. ईदुर बाददा, आव दुसरा येढढ मंळसागोळ, दयितुरफिस अदकि दमितुरयिस उन मात माळतान. १:९-१२
४. आखरी दा आव तान चट्ठी खतम माळतान. १:१३-१४

1 \*नान स्याणा अन दी टु प्रयि गयुस उन हेसुर, यार से ना सही प्यार ईटतीन.

2 हे प्रयि, नान ईद प्रार्थना आद किय्यांग नी आत्मकि उन्नती माळेत्या, हांग अच नी सप्पा मातगोळ दा उन्नती माळ अदकि भला चंगा ईर. 3 यतकी याग वार्दुर बंदकु नीन आ सच्चाई इन गवाही कोट्टुर, यदुर मा खराखुरा नळुत्या, रा ना हापाळ खुश आदीन. 4 नानी इदुर से यक्कुल मातत यातोदु खुशी इन जरवत हैलेच यदरी ना केळाईन, कनिन चकिोर सच्चाई मा नळुतार.

गयुस उन प्रशंसा

5 हे प्रयि, जो येनारा नी आ वार्दुर सांगुळ माळेत्या, जो परदेशी आद, अदरी सच्चाई देल माळेत्या. 6 आंदुर मंडली इन मुंद नीन प्यार इन गवाही कोटार. अगर नी आंदरी आ प्रकार देल वदिा माळ्या यात्ता प्रकार देल परमेश्वर उन लॉकुर साटी उचति आद रा वळलीद माळया. 7 यतकी आंदुर आ हेसुर साटी होटार, अदकि दुसरा जाती नोर लॉकुर से येनु ताकोमालुर. 8 इदुरसाटी नाव मसीह लॉकुरी हगि लॉकुरद स्वागत माळ पायजे, यदुर देल नाव भी सच्चाई अन्द पक्ष दा आंदुर सहकर्मी आदेव.

\* 1:1 १:१ प्रेरतिगोळ १९:२९; रोमियों १६:२३; १ कुरनिथि १:१४



दयित्त्रफिस अदकि दमित्त्रयिस

9ना मंडली इक येनारा लखिसीदनि, लेकीन दयित्त्रफिस जो आंदुर दा धोड्डेव आगोद चाहासतान, नामी ग्रहण माळालुन. 10 इदुरसाटी याग ना बराईन रा आऊन कयाल्सागोळ्द जो आव माळेत्यान, सुधी तोरसाईन, की आव नाम बारा दा बेकार-बेकार मातगोळ माताळतान; अदकि इदुर मा भी संतोष ईला आगकु खुद अच वार्दुर इक ग्रहण माळालुन, अदकि आंदरी जो ग्रहण माळोद चाहासतार मना माळतान अदकि मंडली दा टु तेग्द बुळतान.

11 हे प्रयि, बुराई इन ईला लेकीन भलाई इन अनुयायी आगी. जो भलाई माळतान, आव परमेश्वर उन दी टु हुन; लेकीन जो बुराई माळतान, आव परमेश्वर उक नोळीदील.

12 देमेत्त्रयिस उन बारा दा सपूपा मुंदुर, उलटा सच्चाई भी खुद अच गवाही कोळ्त; अदकि नाव भी गवाही कोळतेव, अदकि नी जान्सत्या की नाम गवाही सही आद.

आखरी अभवादन

13 नानी नीनी हापाळ येनारा लखिसोद रा ईरोद, लेकीन स्याही अदकि कलम देल लखिसोद चाहासालीन. 14 लेकीन नानी आशा आद की नीन से राटनेरी मुलाकात माळाईन, आग नाव आमने-सामने मातकात हेळाता.

15 नीनी शांती सक्ति ईरूल.

ईलेर संगी नीनी नमस्कार माळतार. अलेर संगीगोळ हेसुर ताकोम ताकोमकु नमस्कार माळ कोमेत.

## यहूदा की पत्नी यहूदा अनन्द चट्ठी परचिय

यहूदा हेसुर इन चट्ठी इन हेसुर इदुर लेखक उन हेसुर मा ईटकु आग्याद. यहूदा खुद इक याकूब, यीशु उन वार्ट उन रूप दा अरूतान. इदुरसाटी आव भी यीशु उन वार्टुर दा टु ऊंद मान्सकु आगतान १. नाव जान्सालेव कि ई चट्ठी ऊंद वशिष्ट मंडली इन साटी ईरोद अदकि हाळोद नयिम इन संदर्भगोळ कारण, यहूदा अनन्द मुल पाठकगोळ्द संभावना यहूदीगोळ से आगीत. हालाकि, आव तान चट्ठी इक संबोधति माळतान “आ सप्पा मुंदुर इक यारी कारूकु आग्याद, यारी आप्प उन से प्यार आद अदकि यीशु मसीह अनन्द साटी ईटकु आद” १. ईद चट्ठी शायद मसीह अनन्द जनम इन ६० साल इन बाद्दा लखिसकु आगीत.

सप्पा इसाईगोळी चट्ठी लखिसोद आंदुर उद्देश आंदरी ख्वाटा गुरुगोळ यहूदा १:४ द्वारा भटकुसोद खलिाप चेतावनी कोळोद हुन. आव हाळोद नयिम इन घटनागोळ अदकि खातागोळी आंदुर तर्कगोळी ताकत कोळोर साटी संदर्भति माळतान. ईद चट्ठी दुसरा पतरस उन चट्ठी इन सांगुळ ख्वाटा गुरुगोळ यहूदा १:४, २ पतरस २:१ सांगुळ-सांगुळ स्वरगदूतगोळ अदकि सदोम अदकि अमोरा अनन्द संदर्भगोळ्द खलिाप चेतावनी सहति हापाळ वचिर मुंद तरतद.

रूप-रेखा

१. यहूदा पयले तान पाठकगोळी संबोधति माळतान. १:१-२
२. ईदुर बाद्दा, आव लेखन इन साटी तान कारण कोळतान जो आंदरी ख्वाटा गुरुगोळ्द खलिाप चेतावनी कोळोद हुन. १:३-४
३. अदुर बाद्दा आव हाळोद नयिम दा लांकुर अदकि घटनागोळ्द उदाहरण कोळतान. १:५-१६
४. बाक आव आंदरी हेळतान कि आंदुर प्रतक्रिया चेतावनी इन साटी येन ईर पायजे. १:१७-२३
५. आखरी दा आव आ चट्ठी इक परमेश्वर उन स्तुति माळकु खतम माळ बुळतान. १:२४-२५

1 यहूदा अन दी टु जो यीशु मसीह अन दास अदकि याकूब उन वार्ट हुन, जो कार्सकु आग्यार आंदुर हेसुर जो परमेश्वर आप्प दा प्रयि अदकि यीशु मसीह अन साटी सुरक्षति आन.

2 दया अदकि शांती अदकि प्यार नीमी हापाळ सा प्राप्त आगतेला ईरूल.

ख्वाटा गुरु

3 हे प्रयि संगीगोळा, याग ना नीमी आ उद्धार इन बारा दा लखिसदुर दा हापाळ मेहनत देल कोशशि माळीन यदुर दा नाव सप्पा सहभागी आवेव, रा

ना नीमी ईद समझुसोद जरूरी समसदीन की नीमी प्रोत्साहति माळाईन आ वशिवास इन साटी पुरा कोशशि माळी जो पवतिर लॉकुरी ऊंद अच घन सौप्सकु आगीत. <sup>4</sup> यतकी यास ईत्ता मंळसा चुपचाप नाम दा बंदकु सकिदुर, यारद ई दण्ड इन वर्णन हाळोद समय दा पयले टु अच भवषियवाणी माळकु आगीत: हगि लॉकुर परमेश्वर उन बनिा, अदकि हगि लॉकुर परमेश्वर उन अनुग्रह अक लुचपन दा बदलुस बुळतार, अदकि नाम ऊंद मातर स्वामी अदकि प्रभु यीशु मसीह अन इनकार माळतार.

<sup>5</sup> लेकीन नीव सप्पा मात ऊंद घन जान्स कोंडीर, तरी ना नीमी ई मात इन सुधी कोळोद चाहासतीन की प्रभु ऊंद कुल इक मसित्तर द्याश टु बीळसदुर बाददा वशिवास ईला तरावाळेर इक नाश माळ बुट्टुन. <sup>6</sup> बाक जो स्वर्गदूतगोळ तान धोळ्द पद इक संची ईटीदील उलटा तान नजि नवास इक बटि बुट्टुर, आव आंदरी भी आ भीषण दनि इन न्याय इन साटी अंधकार दा, जो सदा काल इन साटी आद बंधनगोळ दा ईटकु आद. <sup>7</sup> याता रीति देल सदोम अदकि गमोरा अदकि आंदुर आसपास इन नगर, जो स्वर्गदूतगोळ घाई व्यभिचारी आगेगीदुर अदकि पराया मय इन हदि हत्तेगीदुर बेक्की इन अनन्त दण्ड दा बदिक्कु उदाहरण ठहरूस्यार.

<sup>8</sup> अदा रीति देल ई स्वप्नदर्शी भी तान तान मय इक अशुध्द माळतार, अदकि परमेश्वर उक तुच्छ जान्सतार, अदकि दविय स्वर्गदूतगोळ इक बुरा भला अनतार. <sup>9</sup> लेकीन प्रधान स्वर्गदूत मीकाईल, याग शैतान से मूसा अन लाश इन बारा दा वाद ववाद माळदुन, रा आऊक बुरा भला अनकु दोष हचोद साहस माळीदील लेकीन ईद अंदुन, “प्रभु नीद न्याय माळुल.” <sup>10</sup> लेकीन ई लॉकुर याता मातगोळी जान्सालुर आंदरी बुरा भला अनतार, अदकि याता मातगोळी अचेतन पशुगोळ घाई स्वभाव देल अच जान्सतार, आंदुर दा तान तान इक नाश माळतार. <sup>11</sup> आंदुर मा हाय! यतकी आंदुर कैन इन चाल नळदुर, अदकि पैस्या अन लोभ इन साटी बल्लाम इन घाई भ्रष्ट आगेग्यार, अदकि कोरह अन घाई वरिध माळकु नाश आगेग्यार. <sup>12</sup> ईद नीम प्यार भोज दा आ होचकु चट्टानगोळ घाई आद जो घातक आद. जो सरिफ तान स्वार्थ इंद अच चतिा माळतार. अदकि बनिा नीर इन बादल इन घाई आर, आंदुर पतझळ इन ईत्ता मारर उर यदुर मा काय ईराल्द आंदुर येढ्ढ घन सोतकु आर अदकि आंदरी जळ देल कीतकु आगेग्याद. <sup>13</sup> इंदुर समुद्र अन प्रचंड लयर उर, जो तान शरम इन फेस भळितार; इंदुर डावाडोल तारा उर, यार साटी परमेश्वर सनातन काल ताका घोर अंधकार ईट्यान.

<sup>14</sup> हनोक भी जो आदम टु सातवा पीढी दा ईरोन, इंदुर बारा दा ईद भवषियवाणी माळदुन, “नोळी, प्रभु तान हजारो पवतिर स्वर्गदूतगोळ सांगुळ बंदान.” <sup>15</sup> की सप्पा मुंदुर न्याय माळुल, अदकि सप्पा भक्तहीनगोळी आंदुर अभक्ति इन सप्पा क्याल्सागोळ बारा दा जो आंदुर भक्तहीन आगेकु माळ्यार, अदकि आ सप्पा कठोर मातगोळ बारा दा जो भक्तहीन पापीगोळ आऊन वरिध दा अंदार, दोषी ठहरूसुल.

16 इंदुर रा असंतुष्ट, कुळकुळुसावाळेर, अदकि तान बेकार लालसागोळ्द अनुसार नळावाळेर उर, अदकि तान बाय देल घमण्ड इन मातगोळ माताळतार, अदकि आंदुर लाभ इन साटी बाय नोळकु बळाई माळतार.

चेतावनी अदकि उपदेश

17 लेकीन हे प्रयिगोळा, नीव आ मातगोळी याद ईटी जो नाम प्रभु यीशु मसीह अन प्रेरति पयले अच अन कौडार. 18 इंदुरसाटी आंदुर नीम से अनतोगोर, “आखरी दनिगोळ दा हगि मज्याक माळावाळेर ईततार जो तान भक्तहीन लालसा अन अनुसार नळदार.” 19 इंदुर आंदुर उर जो फूट हाकतार; इंदुर जो शारीरिक इच्छागोळ्द नमित्रण दा आर, यारदा परमेश्वर उन आत्मा हैलेच. 20 लेकीन हे प्रयि संगीगोळा, नीव तान अर्ता पवत्रि वशिवास दा उन्नती माळतेला अदकि पवत्रि आत्मा दा प्रार्थना माळतेला, 21 तान तान इक परमेश्वर उन प्यार दा माळकु ईटी; अदकि अनन्त जीवन इन साटी नाम प्रभु यीशु मसीह अन दया अन हादी कायतेला ईरी.

22 आंदुर मा जो शंका दा आर दया माळी; 23 अदकि हापाळ मुंदरी बेक्की दा टु झपटुसकु तेगी; अदकि हापाळ मुंदुर मा अंजक इन सांगुळ दया माळी, लेकीन आंदुर कपळागोळ से भी सट्टि माळी जो मय इन द्वारा कलंकीत आगेग्याद.

आर्शवाद

24 ईग जो नीमी आऊन प्रती बळिदुर देल ऊळ्स सकतान, अदकि तान महमा अन भरपुरी इन मुंद नरिदोष नदिरूस सकतान, 25 आ ऊंद मात्र परमेश्वर नामव उद्धारकर्ता अन महमा अदकि गौरव अदकि पराक्रम अदकि अधिकार, नामव प्रभु यीशु मसीह अन द्वारा ह्यांग अनन्त काल टु आद, ईग भी आगुल अदकि हमेशा हमेशा ईरूल. आमीन.

## प्रकाशतिवाक्य यूहन्ना के द्वारा प्रकाशतिवाक्य यूहन्ना अनन्द द्वारा परचिय

प्रकाशतिवाक्य अन ई कतिब वहाशोद नयिम इन आखरी कतिब हुन अदकि अद आखरी दा लखिसकु आग्याद प्रेरति यूहन्ना यीशु उन जनम इन बाद्दा इसवी सन १५ इन हात्तीपास लखिसकु आग्याद. १:१ अदकि आवा यूहन्ना रचित खुशखबरी अदकि यूहन्ना अनन्द कतिब १, २, ३ लखिस्यान. ईवा यूहन्ना अक लॉकुर यार मा यीशु उन प्यार ईरोद हगि माताळकु अरू तोगोर यूहन्ना १३:२३ यीशु मसीह अन खुशखबरी इन पातमा हेसुर इन टापू मा याग सजा कडोन आग आव ईद कतिब लखिस्यान. प्रकाशतिवाक्य १:९

ईद कतिब लखिसोद हींद यूहन्ना अनन्द ईद उद्देश ईरोद की नानोर वाचुसावाळेर इक यीशु उन सांगुळ वशिवास दा ईरोरसाटी हम्मिमत कोळोद अदकि यीशु उन मातत वापस बरोद हात्ती ईरोद इदुरसाटी आऊंदा आशा नरिमाण माळी. १:३२२:७ आव सप्पा वशिवासीगोळ इक ईद चटिठी लखिसदुन वशिष माळकु येळ मंडली इक लखिसदुन यऊर्द उल्लेख अध्याय २३ दा सीकतद, यूहन्ना खुद इन लखावट इक परमेश्वर उन दी टु बंदाद बातणी, भवषियवाणी हगि हेळतद. अदकि जो मातगोळ इक आव खुद नोळदुन आ मातगोळद वर्णन अद अलंकारी शब्द देल मीलुसतद ईद जो कतिब आद ईद हाळोद नयिम इन भागगोळ देल मीलता जुलता आद. वशिष माळकु जकर्याह ६:१-८ आयातगोळ से अदुर्द समानता आद हांग अच येळ तुतारी अदकि येळ कटोरा ईव परमेश्वर मसित्तर दा तंदुन आ दुखगोळ घाई आव. नरिगमन ७:९ प्रकाशतिवाक्य आखरी दनिगोळद वर्णन माळतद. आखरी दा यीशु वजियी ह्यांग आदान अदकि आऊन मा वशिवास ईटावाळेर आऊन सांगुळ अनन्त काल ताका ह्यांग जीवीत ईत्तार हगि आव हेळतान ईद कतिब इन द्वारा नीमी शक्ति सकिल अदकि यीशु उन दुबारा बरोर साटी नीमी आशा सकिल. रूप-रेखा

१. यूहन्ना सूरवात दा खुद इन पयचान माळकु आऊक भवषियवाणी ह्यांग हासलि आत ईद हेळकु सूरवात माळतान प्रकाशतिवाक्य १:१-२०
२. यीशु उन दी टु येळ मंडली इक मुंद सकिद बातणी यूहन्ना कोळतान. प्रकाशतिवाक्य १:१-३:२२
३. बाक आव येळ सकिकागोळद बारा दा हेळतान प्रकाशतिवाक्य ४:१-८:५ अदकि येळ तुतारीगोळद वर्णन माळतान. ८:६-११:१९
४. ईदुर बाद्दा यूहन्ना ऊंद स्याण पार येळ ताल्लावाळा हाव सांगुळ ह्यांग लळाई माळतान ईद हेळतान. १२:१-१४:२०
५. ईदुर बाद्दा यूहन्ना सटिट इन कटोरा अन बारा दा लखिसतान १५:१-१६:१८

६. ईदुर बाददा परमेश्वर आऊन आकाश दाकळोर दुश्मनगोळ मा ह्यांग वजिय हासलि माळतान ईद हेळतान. प्रकाशतिवाक्य १७:१-२०:१५
७. जो व्हाशोद स्वर्ग अदकि व्हाशोद पृथ्वी आखरी दा बंदीत अदुरद वर्णन माळतान. प्रकाशतिवाक्य २१:१-२२:२१

1 यीशु मसीह अनूद प्रकाशतिवाक्य, जो आऊक परमेश्वर इदुरसाटी कोटान कतिान दासगोळी आ मातगोळ, यऊरुद राटनेरी आगोद जरूरी आद, तोरसुल; अदकि आव तान स्वर्गदूतगोळ इक कळुकु आऊन द्वारा तान दास यूहन्ना अक हेळदुन, 2 यूहन्ना परमेश्वर उन वचन अदकि यीशु मसीह अनूद गवाही, मतलब जो येनारा आव नोळीदुन अदुरद गवाही कोट्टुन. 3 धन्य आन आव जो ई भवषियवाणी इन वचन इक वाचुसतान, अदकि आंदुर जो केळतार अदकि इदुर दा लखिसद मातगोळी मानसतार; यतकी समय हात्ती आद.

येळु मंडलीगोळ्द अभिवादन

- 4 \*यूहन्ना अनूद दी टु आसिया अनूद येळ मंडलीगोळ्द हेसुर:

आऊन दी टु जो आन अदकि जो ईरोन अदकि जो बरावाळा आन; अदकि आ येळ आत्मागोळ दी टु जो आऊन सहिसन इन मुंद आन, 5 अदकि यीशु मसीह दी टु जो वशिवासयोग्य गवाह अदकि सोत्तुर दा टु जीत्ता आगावाळेर दा पयला अदकि पृथ्वी इन राजागोळव न्यायाधीश हुन, नीमी अनुग्रह अदकि शांती सकितेला ईरूल.

आव नाम से प्यार ईटतान, अदकि आव तान रक्ता अन द्वारा नामी पापगोळ देल बळिसुस्यान, 6 \*अदकि नामी ऊंद राज्य अदकि तान आप्प परमेश्वर उन साटी याजक भी माळ बुट्टुन; आऊंदा महिमा अदकि पराक्रम हमेशा ईरूल. आमीन.

7 \*नोळी, आव बादलगोळ सांगुळ बरावाळा आन, अदकि हर ऊंद कण्ण आऊक नोळीत, उलटा यार आऊक छेद केळदीदुर आंदुर भी आऊक नोळ्यार, अदकि पृथ्वी इन सप्पा जाती आऊन कारण याददा बळदार. हव. आमीन.

8 \*प्रभु परमेश्वर, जो आन अदकि जो ईरोन अदकि जो बरावाळा आन, जो सर्वशक्तमान आन, ईद अनतान, “ना अच पयला अदकि आखरी हुईन.”

यूहन्ना अक मसीह अनूद दर्शन

9 ना यूहन्ना, जो नीम वार्ट अदकि यीशु उन क्लेश अदकि राज्य अदकि धीरज दा नीम सहभागी आईन, परमेश्वर उन वचन अदकि यीशु उन गवाही इन कारण पतमुस हेसुर इन टापू दा ईरीन. 10 ना प्रभु उन दनि आत्मा दा होटबंदीन, अदकि तान हदि तुरही घाई धोळ्द शब्द ईद अनतेला केळदीन, 11 “जो येनारा नी नोळत्या अदरी कतिाब दा लखिसकु येळु मंडलीगोळ्द हात्ती कळुबुळ, मतलब इफसिस, स्मुरना, परिगमुन, थुआतीरा, सरदीस, फलिदलिफिया, अदकि लौदीकिया अक.”

\* 1:4 १:४ प्रकाशतिवाक्य ४:५ \* 1:6 १:६ प्रकाशतिवाक्य ५:१० \* 1:7 १:७ मत्ती २४:३०; मरकुस १३:२६; लुका २१:२७; १ थसिसलुनीकी ४:१७; यूहन्ना १९:३४,३७; मत्ती २४:३० \* 1:8 १:८ प्रकाशतिवाक्य २२:१३

12 आग ना आऊक, जो नान से माताळोन, नोळोर साटी तान मार्रा तरिगुसदीन; अदकि हदि तरिगुकु ना व्हान्ना अनन्द येळ दगिया ईटोद जागा ऊंद जागा नोळदीन, 13 अदकि आ दगिया ईटोद जागा अनन्द न्याड्या दा मळसा अन पार उन घाई ऊंद आरी इक नोळदीन, जो काल ताका फळक्या हाक्कु, अदकि याद्दा मा व्हान्ना अनन्द पट्टा कटकु ईरोन. 14 आऊन ताल्ला अदकि चुट्टी बळिव ऊन बल्की पाला अन घाई चमकदार ईरव, अदकि आऊन कण्णगोळ बेक्की इन ज्वाला अनन्द घाई ईरव. 15 आऊन कालगोळ वळ्लीद पीतळा अन घाई ईरव जसा हगि हतव कभिट्टी दा सेक्सकु आग्याव, अदकि आऊन शब्द हापाळ नीर इन आवाज इन घाई ईरोद. 16 आव तान ऊम्मा कय दा येळ तारा हुळकु ईरोन, अदकि आऊन बाय देल तेज येद्व धार इन तलवार होळतोगोद. आऊन मार्रा हगि प्रज्वलति ईरोद, ह्यांग सुर्य भर बसिल इन समय चमकुसतद. 17 \*याग ना आऊक नोळदीन रा आऊन कालगोळ मा मुर्दा घाई बदिदीन. आव नान मा तान ऊम्मा कय ईटकु अंदुन, “अंजबाळ; ना पयला अदकि आखरी अदकि जीवता हुईन; 18 ना सोतोगीदीन, अदकि ईग नोळ ना हमेशा हमेशा जतिता आईन; अदकि मृत्यु अदकि अधोलोक इन चाबीगोळ नान दा हात्ती आव. 19 इदुरसाटी जो मातगोळ नी नोळ्या अदकि जो मातगोळ आगेत्याव अदकि जो मातगोळ ईदुर बाददा आगव आव, अव सप्पा मातगोळी लखिस कोम. 20 मतलब आ येळ तारागोळद भेद नी अवरी नान ऊम्मा कय दा नोळीद, अदकि आ येळ व्हान्ना अनन्द दगिया ईटोद जागा अनन्द भेद: अव येळ तारा येळु मंडलीगोळव स्वर्गदूत हुव, अदकि अव येळ दगिया ईटव जागा येळ मंडलीगोळ हुव.

## 2

इफसिस उक बातणी

1 “इफसिस उन मंडली इन स्वर्गदूत उक ईद लखिस:

“जो येळु तारा तान ऊम्मा कय दा हुळकु आन, अदकि व्हान्ना अनन्द येळु दगिया ईटोद जागा अनन्द न्याड्या दा टेटतद, अद ईद अनतद क<sup>2</sup> ना नीन क्याल्सा, नीन मयनत, अदकि नीन धीरज इक जानसतीन; अदकि ईद भी क<sup>1</sup> नी बेकार लाँकुरी नोळ सकाल, अदकि जो तान तान इक प्रेरति अनतार, अदकि आल्लच, आंदरी नी परखुस्कु ख्वाटा माळद. 3 नी धीरज हुडुत्या, अदकि नान हेसुर इन साटी दुख नेगुत नेगुत थक्सीदील. 4 लेकीन नानी नीन खलिाप ईद अनोद आद क<sup>1</sup> नी तान पयला अनन्द घाई प्यार बटिवुट्या. 5 इदुरसाटी याद माळ क<sup>1</sup> नी यल टु बद्या, अदकि मन तरिगुस अदकि पयला अनन्द घाई क्याल्सा माळ. अगर नी मन तरिगुसतदिलि, रा ना नीन हात्ती बंदकु नीन दगिया ईटोद जागा अक अदुर जागा दा टु सरकुस बुळाईन. 6 लेकीन हव, नीन दा ईद मात रा आद क<sup>1</sup> नी नीकुलइयोगोळद क्याल्सागोळ देल घृणा माळत्या, आंदुर देल ना भी नफरत माळतीन.

7 \* “यार कवि ईतीदाव आव केळ कोमुल कि आत्मा मंडलीगोळ से येन अनतद. जो वजिय हासलि माळतान, ना आऊक आ जीवन इन मारर दा टु जो परमेश्वर उन स्वर्गलोक दा आद, काय तनिली कोळाईन.”

स्मरुना अक बातणी

8 \* “स्मरुना अन्द मंडली इन स्वर्गदूत उक ईद लखिस:

“जो पयला अदकि आखरी आन, जो सोतोगीदुन अदकि ईग जतिता आगोग्यान, आव ईद अनतान कि<sup>9</sup> ना नीन क्लेश अदकि गरीबी इक जान्सतीन लेकीन नी धनी आय, अदकि जो लॉकुर तान तान इक यहूदी अनतार अदकि आल्लच, लेकीन शैतान उन सभा उर, आंदुर अपमान इक भी जान्सतीन. <sup>10</sup> जो दुख नीनी झेलसोद बदिदीत, अऊर देल अंजबाळ. यतकी नोळी, शैतान नीम दा टु काईक मुंदुरी जेलखाना दा हाकावाळा आन ताकी नीम परख आग सकुल; अदकि नीमी हत्त दनि ताका क्लेश नेगोद बदिदीत. जीव कोळासताका वशिवासी ईर, रा ना नीनी जीवन इन मुकुट कोळाईन.

11 \* “यार कवि ईतीदाव आव केळ कोमुल कि आत्मा मंडलीगोळ से येन अनतद. जो वजिय हासलि माळतान, आऊक दुसरा मृत्यु देल नुकसान आगतीदील.”

परिगमुन उक बातणी

12 “परिगमुन उन मंडली इन स्वर्गदूत उक ईद लखिस:

“यार हात्ती येदूढ धार इंद अदकि तेज तलवार आद, आव ईद अनतान कि<sup>13</sup> ना ईद जान्सतीन कि नी अल ईरत्या यल शैतान उन सहिसन आद; नी नान हेसुर मा स्थरि ईरत्या, अदकि नान मा वशिवास माळदुर देल आ दनिगोळ दा भी हदि हटसीदलि यदुर दा नान वशिवासयोग्य गवाह अन्तपिस, नीम न्याड्या आ जागा मा घात माळकु आदुन यल शैतान ईरतद. <sup>14</sup> लेकीन नानी नीन खलिाप येनारा मातगोळ माताळोव आव, यतकी नीन अल काईक मुंदुर हगि आर, जो बल्लाम इन शकिषा अक मान्सतार, याव बालाक उक इस्त्राएलीगोळ्द मुंद ठोकर इन कारण ईटोद कलसदुन कि आंदुर मूर्तीगोळ मा येरसद चीजगोळ तनिल अदकि व्यभचार माळुल. <sup>15</sup> हांगा नीन अल काईक हगि आर, जो नीकुलइयो अन्द शकिषा अक मान्सतार. <sup>16</sup> इदुरसाटी मन तरिगुस, ईलारा ना नीन हात्ती राटनेरी बंदकु तान बाय इन तलवार देल आंदुर सांगुळ लळाई माळाईन.

17 \* “यार कवि ईतीदाव आव केळ कोमुल कि आत्मा मंडलीगोळ से येन अनतद. जो वजिय हासलि माळतान, आऊक ना गुप्त मन्ना दा टु कोळाईन, अदकि आऊक ऊंद बळीद कल्ल भी कोळाईन; अदकि आ कल्ल मा ऊंद हेसुर लखिसकु ईत्तीत, अदरी हासलि माळावाळेरद अलावा अदकि याऊ अदरी अरूतीदील.”

थुआतीरा अक बातणी

18 “थुआतीरा अन्द मंडली इन स्वर्गदूत उक ईद लखिस:

\* 2:7 २:७ प्रकाशतिवाक्य २२:२ \* 2:8 २:८ प्रकाशतिवाक्य १:१७; २२:१३ \* 2:11 २:११  
प्रकाशतिवाक्य २०:१४; २१:८ \* 2:17 २:१७ यूहन्ना ६:४८-५०



“परमेश्वर उन पार यारव कण्णगोळ बेक्की इन ज्वाला घाई, अदकि यारव कालगोळ वळ्लीद पीतळा अनूद घाई आव, आव ईद अनतान क्कि 19 ना नीन क्यालसागोळ, नीन प्यार अदकि वशिवास अदकि स्यावा अदकि धीरज, इक जान्सतीन अदकि ईद भी क्कि नीनव हदिळोव क्याल्सा पयले से वळ्लेव आव. 20 लेकीन नानी नीन खलिाप ईद अनोद आद क्कि नी आ आरुत इजेबेल इक ईरगोळत्या जो तान तान इक भवषियवक्ता अनतार, अदकि नान दासगोळी व्यभचारि माळली अदकि मूर्तीगोळ मा येरुसद चीजगोळी तनिोद कल्सकु भरमुसतार. 21 ना आककि मन तरिगुसोर साटी मवका कोट्टीन, लेकीन आक तान व्यभचारि देल मन तरिगुसोद चाहासालुर. 22 नोळ, ना आककि व्हरस मा हाकतीन यल आक रोगशैय्या मा ईरोर; अदकि जो आकनि सांगुळ व्यभचारि माळतार अगर आंदुर भी आकनि घाई क्यालसागोळ देल मन तरिगुसतदिलि रा ना आंदरी धोळ्द क्लेश दा हाकाईन. 23 ना आकनि चकिोर इक कांद बुळाईन; आग सप्पा मंडली जान्स कोडीत क्कि दलि अदकि मन इक अरावाळा ना अच हुईन, अदकि ना नीम दा टु हर ऊंद मंळसा अक आऊन क्याल्सा अनूद अनुसार बदला कोळाईन. 24 लेकीन नीव थुआतीरा अनूद बाकी लॉकुर से, यास ई शक्किषा अक मानसालुर अदकि आ मातगोळी यवरी शैतान उन गयरा मातगोळ अनतार जान्सालीर, ईद अनतीन क्कि ना नीम मा मातुत ओझा हाकतदिलि. 25 लेकीन हव, जो नीम हात्ती आद अदरी नान बरासताका ताका रोक्सकु ईटी.

26 “जो वजिय हासलि माळुल अदकि नान क्यालसागोळ्द अनुसार आखरी ताका माळुत ईरूल, ना आऊक गैर यहूदी लॉकुर मा अधिकार कोळाईन, 27 अदकि आव लौवा अनूद छळी हुडुकु आंदुर मा राज्य माळ्यान, याता प्रकार गळग्या माळावाळा नव मुण्ण इन बरतन चकनाचुर आगोगताव: नानी भी हगिा अधिकार तान आप्प उन हात्ती टु सकियाद; 28 अदकि ना आऊक व्हातुर इंद तारा कोळाईन. 29 यार कवि ईतीदाव आव केळ कोमुल क्कि आत्मा मंडलीगोळ से येन अनतद.”

### 3

सरदीस उक बातणी

1 सरदीस उन मंडली इन स्वरुगदूत उक ईद लखिस:

“यार हात्ती परमेश्वर उन येळ आत्मागोळ अदकि येळ तारा आव, आव ईद अनतान क्कि ना नीन क्यालसागोळी जान्सतीन: नीनी जतिता रा अंदकु आगतद, लेकीन आय नी सोतकु 2 जागृत आग, अदकि आ चीजगोळी जो मक्किग्याव अदकि अऊर नाश आगली आद, अवरी मजबूत माळ; यतकि ना नीन यातोदु क्याल्सा अक तान परमेश्वर उन हात्ती पुरा आगुत नोळीदील. 3 \*इदुरसाटी याद माळ क्कि नी ह्यांग शक्किषा प्रापुत माळीद अदकि केळीद, अदकि अदुर दा बनसकु ईर अदकि मन तरिगुस. अगर नी जागृत ईरतीदील रा नी यागलु जान्स सकतीदलि क्कि ना याता समय नीन मा बंदकु बळ्ळीईन. 4 लेकीन हव, सरदीस दा नीन अल काईक हगि लॉकुर आर यार तान तान

फळक्यागोळ अशुध्द माळीदलि, आंदुर बळिवेव फळक्या हाक्कु नान सांगुळ टेट्यार, यतकी आंदुर ईदुर लायक आर.”

5 \*जो वजिय हासलि माळ्यान आऊक हगिा बळिवेव फळक्या हाकसुसकु आदीत, अदकि ना आऊन हेसुर जीवन इन कतिाव दा टु यातोदु रीर्ता देल कडुतदलि; लेकीन आऊन हेसुर तान आप्प अदकि आऊन स्वरगदूतगोळ मुंद मानस कोमाईन. 6 यार कवि ईतीदाव आव केळ कोमुल क्कि आत्मा मंडलीगोळ से येन अनतद.

फलदलिफयिा अक बातणी

7 “फलदलिफयिा अन्द मंडली इन स्वरगदूत उक ईद लखिस:

“जो पवतिर अदकि सही आन, अदकि जो दाऊद उन चाबी ईटतान, यार्द तेरदुर बाददा याऊ बंद माळ सकालुन अदकि बंद माळदुर बाददा याऊ तेरू सकालुन, आव अनतान क्कि<sup>8</sup> ना नीन क्याल्सागोळी जान्सतीन; नोळ, ना नीन मुंद ऊंद दरवाजा तेरूकु ईटीन, यदरी याऊ बंद माळ सकालुन; नीन सामर्थ्य थ्वाळासा रा आद, तरी भी नी नान वचन इन पालन माळ्द अदकि नान हेसुर इन इनकार माळीदलि. 9 नोळ, ना शैतान उन आ सभावाळेर इक नीन वश दा माळ बुळाईन जो यहूदी बन्सकु कुरतोग्यार, लेकीन आल्लच उलटा ख्वाटा माताळतार-नोळ, ना हगिा माळाईन क्कि आंदुर बंदकु नीनी प्रणाम माळ्यार, अदकि ईद जान्स कोंडार क्कि ना नीन से प्यार ईटीन. 10 नी नांद धीरज इन वचन इक हुळद्या, इदुरसाटी ना भी नीनी परीक्षा अन्द आ समय ऊळ्सकु ईटाईन जो पृथ्वी मा ईरावाळेरद परख माळोर साटी दुनयिा मा बरावाळा आद. 11 ना राटनेरी इच बरावाळा आईन; जो येनारा नीन हात्ती आद अदरी हुडुक्कु ईर क्कि याऊ नीन मुकुट कसुबाळुल. 12 \*जो वजिय हासलि माळ्यान आऊक ना तान परमेश्वर उन मंदिर दा ऊंद खंबा माळाईन, अदकि आव बाक यागलु व्हार्या होळतीदलि; अदकि ना तान परमेश्वर उन हेसुर अदकि तान परमेश्वर उन नगर मतलब व्हाशोद यूरुशलेम इन हेसुर, जो नान परमेश्वर उन हात्ती टु स्वरग मा टु ईळोद आद, अदकि तान व्हाशोद हेसुर अदुर मा लखिसाईन. 13 यार कवि ईतीदाव आव केळ कोमुल क्कि आत्मा मंडलीगोळ से येन अनतद.

लौदीकयिा अक बातणी

14 “लौदीकयिा अन्द मंडली इन स्वरगदूत उक ईद लखिस:

“जो आमीन अदकि विश्वासयोग्य अदकि खरा गवाह आन, अदकि परमेश्वर उन दुनयिा अन मुल कारण हुन, आव अनतान क्कि<sup>15</sup> ना नीन क्याल्सागोळी जान्सतीन क्कि नी रा ना टंडा आय अदकि ना बसिक्यांड: वळ्लीद आगाईत क्कि नी टंडा या बसिक्यांड ईराईद. 16 इदुरसाटी क्कि नी क्वामा-क्वामा आय, अदकि ना टंडा आय ना बसिक्यांड, अनकु ना नीनी तान बाय दा टु तेगदुर मा आईन. 17 नी अनत्या क्कि ना धनी आईन अदकि धनवान आगेगनि अदकि नानी यातोदु चीज इन कमी हैलेच; अदकि ईद जान्साल क्कि नी अभागा अदकि तुच्छ अदकि भखिारी अदकि कुढ्ढ अदकि ऊगळा आय. 18 इदुरसाटी ना नीनी सम्मती कोळतीन क्कि बैक्की देल शुद्ध माळ्द व्हानना नान से कोम क्कि नी धनी आगेग,

अदकि बळिवे फळक्या कोंड कोम का हाक्कु नीनी तान ऊगळापन इंद शरम हतबाळुल, अदकि तान कण्णगोळी हचोर साटी सुरमा कोंडकु रगळुस का नी नोळली हत्तेग. 19 \*ना यार यार से प्यार माळतीन, आ सप्पा मुंदुरी उलाहना अदकि शक्शा कोळतीन; इदुरसाटी आस्था ईट अदकि मन तरिगुस. 20 नोळ, ना दरवाजा मा नदिरकु टोक्सतनि; अगर यावारा नान शब्द केळकु दरवाजा तेरदान, रा ना आऊन हात्ती बुळ्क बंदकु आऊन सांगुळ ऊमाईन अदकि आव नान सांगुळ.

21 “जो वजिय हासलि माळ्यान ना आऊक तान सांगुळ तान सहिसन मा कुरसाईन, ह्यांग ना भी वजिय हासलि माळकु तान आप्प उन सांगुळ आऊन सहिसन मा कुरतोदनि. 22 यार कवि ईतीदाव आव केळ कोमुल का आत्मा मंडलीगोळ से येन अनतद.”

## 4

### स्वर्ग दा आराधना

1 ई मातगोळ बाददा जो ना दृष्टी माळदीन रा येन नोळतीन का स्वर्ग दा ऊंद दरवाजा तेरकु आद, अदकि यारी ना पयले तुरही इन घाई शब्द देल तान सांगुळ माताळत केळीदीन, आवा अनतान, “ईल म्याकुच होटबर; अदकि ना आ मातगोळ नीनी तोरसाईन, यऊर्द ई मातगोळ बाददा पुरा आगोद जरूरी आद.” 2 तुरन्त ना आत्मा दा होटबंदीन; अदकि येन नोळतीन का ऊंद सहिसन स्वर्ग दा ईटकु आद, अदकि आ सहिसन मा यावारा कुरतकु आन. 3 जो अदुर मा कुरतकु आन आव यशब अदकि माणकिय घाई काळ्सदुर दा बरतान, अदकि आ सहिसन इन नाकु दी मरकत घाई ऊंद मेघधनुष काळ्सतद. 4 आ सहिसन इन नाकु दी ईप्पतनाक सहिसन आव; अदकि ई सहिसनगोळ मा ईप्पतनाक स्याणा लॉकुर बळी फळक्या हाक्कु कुरतकु आर, अदकि आंदुर ताल्लागोळ मा व्हान्ना नव मुकुट आव. 5 \*आ सहिसन दा टु बजिली अदकि गर्जन गुमरान होळतद अदकि सहिसन इन मुंद बेक्की इन येळ दगिया होतेत्याव, अव परमेश्वर उन येळ आत्मागोळ हुव, 6 अदकि आ सहिसन इन मुंद मान्सी जसा बलिलौर घाई काँच इन समुद्र आद.

सहिसन इन न्याड्या दा अदकि सहिसन इन नाकु दी नाक प्राणी आव, यऊर्द हदि मुंद कण्ण अच कण्ण आव. 7 पयला प्राणी हुल्ल इन घाई आद, अदकि दुसरा प्राणी गोसी इन पाड्डा घाई आद, तसिरा प्राणी इन बाय मळसा अन्द घाई आद, अदकि चौथा प्राणी ऊळुसतेला गीधाळ इन घाई आद. 8 नाकु प्राणीगोळव आर: पक्का आव, अदकि नाकु दी अदकि बुळ्क कण्ण अच कण्ण आव; अदकि अव ईळ्लक हागुल बनि आराम ताकोम्त ईद अनतेला ईरताव, “पवतिर, पवतिर, पवतिर प्रभु परमेश्वर, सर्वशक्तमान,

जो ईरोन अदकि जो आन अदकि जो बरावाळा आन.”

9 याग अव प्राणी आऊन जो सहिसन मा कुरतकु आन, अदकि जो हमेशा हमेशा जत्तिता आन, महिमा अदकि आदर अदकि धन्यवाद माळ्याव; 10 आग ईप्पतनाक इन ईप्पतनाक स्याणा लॉकुर सहिसन मा कुरावाळेर मुंद बदिोदार;

अदकि अदुरद पुजा माळतार, जो हमेशा हमेशा जीवति आर प्रणाम माळ्यार.  
अदकि आंदुर तान-तान मुकुट सहिसन इन मुंद ईद अनतेला हाक्क बुट्टार,  
11 “हे नाम प्रभु अदकि परमेश्वर, नी अच महमा

अदकि आदर अदकि सामर्थ्य अन्द लायक आय;  
यतकी नी अच सप्पा चीजगोळी नरिमाण माळ्या  
अदकि अव अपमान अच इच्छा देल ईरव अदकि अस्तत्व दा बंदव.”

## 5

मोहरबन्द कतिाब अदकि म्यांडा अन्द पाड्डा

1 जो सहिसन मा कुर्तकु ईरोन, ना आऊन ऊम्मा कय दा ऊंद कतिाब  
नोळदीन जो बुळ्क अदकि व्हार्या टु लखिसकु ईरोद, अदकि अद येळ मोहर  
हचकु बंद माळकु आगीत. 2 बाक ना ऊंद ताकतवर स्वरगदूत उक नोळदीन  
जो धोळ शब्द देल ईद प्रचार माळतोगोन, “ई कतिाब इक तेरोद अदकि अदुरद  
मोहर मुरोद लायक याव आन?” 3 लेकीन ना स्वरग दा, ना पृथ्वी मा, ना पृथ्वी  
इन ल्यालमा यावारा आ कतिाब इक तेरोद या अदुर मा दृष्टी हाक्कोद लायक  
होट्टुन. 4 आग ना हुदक्या कोट कोटकु वल्ली हतदीन, यतकी आ कतिाब  
इक तेरोद या अदुर मा दृष्टी हाक्कोद लायक याऊ सकिदील. 5 ईदुर मा आ  
स्याणागोळ दा टु ऊंद नान से अंदुन, “वरलबाळ; नोळ, यहूदा अन्द गोत्र नव  
अद हुल्ल जो दाऊद उन मुल आद, आ कतिाब इक तेरोद अदकि अदुरद येळ  
मोहरगोळ मुरोद साटी जयवन्त आग्याद.”

6 आग ना आ सहिसन अदकि नाकु प्राणीगोळ अदकि आ स्याणागोळ्द  
न्याड्या दा, मतलब ऊंद बली कोळ्द म्यांडा अन्द पाड्डा नीदुरकु नोळदीन.  
अदुर येळ गॉट्टा अदकि येळ कण्णगोळ ईरव; ईव परमेश्वर उन येळ  
आत्मागोळ हुव, जो सप्पा धरती मा कळुकु आग्याव. 7 आव बंदकु आऊन  
ऊम्मा कय देल जो सहिसन मा कुर्तकु ईरोन, आ कतिाब हुळ्द कौडुन. 8 याग  
आव कतिाब हुळ्द कौडुन, रा अव नाकु प्राणी अदकि ईपपतनाक इन ईपपतनाक  
स्याणा लॉकुर आ म्यांडा अन्द पाड्डा अन्द मुंद बदिदुर. आंदुर दा टु हर ऊंद  
जन उन कय दा वीणा अदकि ऊदबत्ती, जो पवतिर लॉकुरद प्रार्थनागोळ हुव,  
देल तुमकु व्हानना नव कटोरा ईरव. 9 आंदुर ईद व्हाशोद हाळ हाळली कुरतुर,  
“नी ई कतिाब इक हुडोद, अदकि ईदुरद मोहरगोळ

तेरोद लायक आय;  
यतकी नी बली आगकु तान रक्ता देल  
हर ऊंद कुल अदकि भाषा अदकि लॉकुर अदकि  
जाती दा टु

परमेश्वर उन साटी लॉकुरी कौड्या, 10 \*अदकि आंदरी नाम परमेश्वर उन  
साटी ऊंद  
राज्य अदकि याजक माळ्द;  
अदकि आंदुर धरती मा राज्य माळतार.”

11 याग ना नोळदीन, रा आ सहासन अदकि आ प्राणीगोळ अदकि आ स्याणागोळ नाकु दी हापाळ सा स्वरगदूतगोळ्द शब्द केळदीन, यार गनिती लाखों अदकि करोळो अन्द ईरोद, 12 अदकि आंदुर धोळ शब्द देल अनतोगोर, “बली कोळ्द म्यांडा अन्द पाड्डा अच

सामर्थ्य अदकि धन अदकि ग्यान अदकि ताकत अदकि आदर अदकि महिमा अदकि धन्यवाद इन लायक आद!”

13 बाक ना स्वरग दा अदकि धरती मा अदकि धरती इन ल्यालमा अदकि समुद्र अन्द सप्पा माळ्द वस्तुगोळी,

अदकि सप्पा येनारा जो अऊर दा आव, ईद अनतेला केळदीन,

“जो सहासन मा कुरतकु आन आऊन अदकि म्यांडा अन्द पाड्डा अन्द धन्यवाद

अदकि आदर अदकि महिमा अदकि राज्य हमेशा ईरूल!”

14 अदकि नाकु प्राणीगोळ आमीन अंदव, अदकि स्याणागोळ बांगकु दण्डवत माळदुर.

## 6

येळ मोहरगोळ्द तेरूकु आगोद

1 बाक ना नोळदीन की म्यांडा अन्द पाड्डा आ येळ मोहरगोळ दा टु ऊंद मोहर इक तेरूत; अदकि आ नाकु प्राणीगोळ दा टु ऊंद प्राणी ईद गर्जन घाई शब्द केळदीन, “बर!” 2 ना दृष्टी माळदीन, अदकि नोळी, ऊंद बळी घ्वाळा आद, अदकि अदुर सवारी माळावाळा बाण हुडुकु आन; अदकि आऊक ऊंद मुकुट कोटकु आत, अदकि आव जय जयकार माळ्द होट्टुन की मात्त यक्कुल जय हासलि माळुल.

3 याग अद दुसरा मोहर तेरूत, रा ना दुसरा प्राणी इक ईद अनतेला केळदीन, “बर!” 4 बाक मात्त ऊंद घ्वाळा होळ्द जो क्याचांद रंग इन ईरोद; अदुर सवारी माळावाळा अक ईद अधिकार कोटकु आत की धरती मा टु मेल मलिाप नेग्द बुळ, ताकी लॉकुर आवुर दाबुर इक कोनुल; अदकि आऊक ऊंद धोळ्द तलवार कोटकु आत.

5 याग अद तसिरा मोहर तेरूत, रा ना तसिरा प्राणी इक ईद अनतेला केळदीन, “बर!” ना दृष्टी माळदीन, अदकि नोळी, ऊंद करीद घ्वाळा आद, अदकि अदुर सवारी माळावाळा अन्द कय दा ऊंद तराजू आद; 6 अदकि ना आ नाकु प्राणीगोळ न्याड्या दा टु ऊंद शब्द ईद अनतेला केळदीन, “दीनार इन सेर तीम गोदी, अदकि दीनार इन मुर सेर जऊस, लेकीन याण्णा अदकि अंगुर इन रास्सा अन्द नुकसान माळबाळेतीर.”

7 याग अद चौथा मोहर तेरूत, रा ना चौथा प्राणी इन शब्द ईद अनतेला केळदीन, “बर!” 8 ना दृष्टी माळदीन, अदकि नोळी, ऊंद पविळा रंग घाई घ्वाळा आद; अदकि अदुर मा सवारी माळावाळा अन्द हेसुर मृत्यु आद, अदकि अधोलोक आऊन हृदि हृदि आद; अदकि आंदरी धरती इन ऊंद चौथाई भाग मा ईद अधिकार कोटकु आत की तलवार, अदकि अकाल, अदकि मरी, अदकि धरती इन आळी दाकळव पशुगोळ द्वारा लॉकुरी कोंदबुळुल.

9 याग अद पाचवा मोहर तेरूत, रा ना वेदी इन ल्यालमा आंदुर जीवगोळी नोळदीन जो परमेश्वर उन वचन इन कारण अदकि आ गवाही इन कारण जो आंदुर कोटीदुर बली येर्सकु आगीदव. 10 आंदुर धोळ शब्द दा कारूकु अंदुर, “हे स्वामी, हे पवतिर अदकि सत्य; नी यागासताका न्याय माळ्या? अदकि धरती मा ईरावाळेर से नाम रक्ता अन बदला यागासताका ताकौड्या?” 11 आंदुर दा टु हर ऊंद जन उक बळी फळक्या कोटकु आत, अदकि आंदुर से अंदकु आत कि मात्त घळी तमि आराम माळी, यागासताका कि नीम संगी दास अदकि वारटुर जो नीम घाई बली येर्सकु आगावाळेर आर आंदुर भी गनिती पुरा आगोगाल.

12 \*याग अद सहावा मोहर तेरूत, रा ना नोळदीन कि ऊंद धोळ्द भूकम्प आत, अदकि सुर्य धुसा घाई करीद अदकि पुरा बेळदगि रक्ता अन घाई आगेत. 13 आकाश इन तारागोळ धरती मा हगि बदिदव जसा धोळ्द आंधी देल आळगाळकु अंजीर इन मार्र मा टु कच्चा काय झळसताव. 14 \*आकाश हगि सरकुसेत जसा चट्टी गुंळसदुर देल सरकुसेगतद; अदकि हर ऊंद पहाळी, अदकि टापू तान तान जागा मा टु सरकुसेदव. 15 आग धरती इन राजा, अदकि प्रधान, अदकि सरदार, अदकि धनवान अदकि सामर्थी लॉकुर, अदकि हर ऊंद दास अदकि हर ऊंद स्वतंत्र पहाळीगोळ्द गुफागोळ दा अदकि चट्टानगोळ दा होगकु होचकौडव, 16 \*अदकि पहाळीगोळ अदकि चट्टानगोळ देल अनली हतदव, “नाम मा बळी; अदकि नामी आऊन बाय देल जो सहिसन मा कुरतकु आन, अदकि म्यांडा अन्द पाड्डा अन्द प्रकोप देल होचसकोम बुळी. 17 यतकी आंदुर प्रकोप इन भयानक दनि होट बंदाव, ईंग याव ऊंजेर सकतान?”

## 7

इस्त्राएल इन 1,44000 लॉकुर

1 इदुर बाददा ना पृथ्वी इन नाकु क्वाना मा नाक स्वर्गदूत नीदुरकु नोळदीन. आंदुर पृथ्वी इन नाकु हवा अक रोकसकु ईरोर ताकी पृथ्वी या समुद्र या यातोदु मार्र मा हवा नळु बाळुल. 2 बाक ना मात्त ऊंद स्वर्गदूत उक जतिता परमेश्वर उन मोहर हुडुकु पूरव टु म्याकुच बरत नोळदीन; आव आ नाकु स्वर्गदूतगोळ देल यवरी पृथ्वी अदकि समुद्र अन्द नुकसान माळोद अधिकार कोटकु आगीत, धोळ शब्द देल कारूकु अंदुन, 3 “यागासताका नाव तान परमेश्वर उन दासगोळ हयाणा मा मोहर हच कोमालेव, आगासताका पृथ्वी अदकि समुद्र अदकि मार्रगोळी नुकसान पोहचुस बाळेतीर.” 4 यार मा मोहर कोटकु आत ना आंदुर गनिती केळदीन, मतलव इस्त्राएल इन औलादगोळ्द सप्पा गोत्र दा टु ऊंद लाख चौवालीस हजार मा मोहर कोटकु आत: 5 यहूदा अन्द गोत्र दा टु हन्नेळ हजार मा मोहर कोटकु आत; रूबेने अन्द गोत्र दा टु हन्नेळ हजार मा, गाद इन गोत्र दा टु हन्नेळ हजार मा. 6 आशेर इन गोत्र दा टु हन्नेळ हजार मा, नप्ताली इन गोत्र दा टु हन्नेळ हजार मा, मनशशहि अन्द गोत्र दा टु हन्नेळ हजार मा, 7 शमौन उन गोत्र दा टु हन्नेळ हजार मा, लेवी इन गोत्र दा टु हन्नेळ हजार मा, इसाकार इन गोत्र दा टु हन्नेळ हजार मा, 8 जबूलून उन गोत्र दा

\* 6:12 ६:१२ प्रकाशतिवाक्य ११:१३; १६:१८; मत्ती २४:२९; मरकुस १३:२४,२५; लूका २१:२५

\* 6:14 ६:१४ प्रकाशतिवाक्य १६:२० \* 6:16 ६:१६ लूका २३:३०

टु हननेळ हजार मा, यूसुफ उन गोत्र दा टु हननेळ हजार मा, अदकि बनि्यामीन उन गोत्र दा टु हननेळ हजार मा मोहर कोटक आत.

### ऊंद धोळद भीळ

9 इदुर बाददा ना नजर तरिगुसदनि, अदकि नोळी, हर ऊंद जाती अदकि कुल अदकि लाँकुर अदकि भाषा दा टु ऊंद हगि धोळद भीळ, यदरी याऊ आळु ईला सकोन, बळी फळक्या हाककु अदकि तान कयगोळ दा खजुर इन डगालगोळ हुडुकु सहिसन इन मुंद अदकि म्यांडा अनूद पाड्डा अनूद मुंद नदिरकु आद, 10 अदकि धोळद शब्द देल कारूकु अनतद, “उद्धार इन साटी नाम परमेश्वर उन, जो सहिसन मा कुरतकु आन, अदकि म्यांडा अनूद पाड्डा अनूद जय-जयकार आगुल!” 11 अदकि सप्पा स्वर्गदूत आ सहिसन अदकि स्याणागोळ अदकि नाकु प्राणीगोळ नाकु दी नदिरकु आर; बाक आंदुर सहिसन इन मुंद बाय इन भार देल बदिदुर अदकि परमेश्वर उक दण्डवत माळकु अंदुर, 12 “आमीन! नाम परमेश्वर उन सतुर्ता अदकि महमा अदकि ग्यान अदकि धन्यवाद अदकि आदर अदकि सामर्थ्य अदकि ताकत हमेशा हमेशा बनसकु ईरूल. आमीन!”

13 इदुर मा स्याणागोळ दा टु ऊंद नान से अंदुन, “ई बळी फळक्यागोळ हाककु यार उर? अदकि यल टु बंदार?”

14 \*ना आंदुर से अंदीन, “हे स्वामी, नी अच जानसत्या.”

आव नान से अंदुन, “ईदुर आंदुर उर, जो आ महाक्लेश दा टु होटक बंदार; इंदुर तान-तान फळक्या म्यांडा अनूद पाड्डा अनूद रक्ता दा तोळकु बळिव माळ्यार. 15 ईदा कारण आंदुर परमेश्वर उन सहिसन इन मुंद आर, अदकि आऊन मंदरि दा ईळ्लक-हागुल आऊन स्यावा माळतार, अदकि जो सहिसन मा कुरतकु आन, आव आंदुर म्याकुच तान तम्बू तानस्यान. 16 आंदुर बाक उपासा अदकि नीरअळ्क देल ईरतीदील; अदकि ना आंदुर मा यागल्यारा बसिल बदिदीत. 17 यतकी म्यांडा अनूद पाड्डा जो सहिसन इन न्याड्या दा आद आंदुर जागनी माळीत, अदकि आंदरी जीवन रूपी नीर इन डोबन इन हातूती ओतीत; अदकि परमेश्वर आंदुर कण्णगोळी बाक यागलु वर्लगोळतदिलि.

## 8

सातवा मोहर अदकि व्हानना अनूद ऊदबत्ती दान

1 “याग आव सातवा मोहर तेरदुन, रा स्वर्ग दा आरधा घंटा ताका सन्नाटा आगेत. 2 आग ना आ येळु स्वर्गदूतगोळ इक नोळदीन जो परमेश्वर उन मुंद नदिरकु ईरतार, अदकि आंदरी येळु तुरहीगोळ कोटक आत.”

3 बाक मातूत ऊंद स्वर्गदूत व्हाननोद ऊदबत्ती दान हुडुकु बंदुन, अदकि वेदी इन हातूती नदिरदुन; अदकि आऊक हापाळ ऊदबत्ती कोटक आत का सप्पा पवतिर लाँकुरद प्रार्थनागोळ सांगुळ व्हानना अनूद आ वेदी मा, जो सहिसन इन मुंद आद येरसुल. 4 आ ऊदबत्ती इन धुंगा पवतिर लाँकुरद प्रार्थना सहति स्वर्गदूत उन कय दा टु परमेश्वर उन मुंद पोहचुसेत. 5 \*आग स्वर्गदूत ऊदबत्ती दान हुडुकु अदुर दा वेदी इन बेक्की तुमदुन अदकि धरती मा हाक

बुट्टुन; अदकि गर्जन अदकि शब्द अदकि बजिलीगोळ अदकि भूकम्प आगली कुरतव.

### येळ तुरहीगोळ

6 आग आ येळु स्वर्गदूत यार हात्ती येळ तुरहीगोळ ईरव अवरी ऊरूली तयार आदुर.

7 पयला स्वर्गदूत तुरही ऊरूदुन, अदकि रक्ता देल मल्लिसकु क्यांडागोळ अदकि बेक्की तयार आत, अदकि धरती मा हाक्कु आत; अदकि धरती इन ऊंद तहिाई भाग होत्तेत, अदकि मार्रगोळ्द ऊंद तहिाई भाग होत्तेत, अदकि सप्पा हविरा काड्डा भी होत्तेत.

8 दुसरा स्वर्गदूत तुरही ऊरदुन, रा बेक्की घाई होत्ततेला ऊंद धोळ्द पहाळी समुद्र दा हाक्कु आत; अदकि समुद्र अनूद ऊंद तहिाई भाग रक्ता आगेत, 9 अदकि समुद्र अनूद ऊंद तहिाई जीव सोतोदव, अदकि ऊंद तहिाई जहाज नाश आगेदव.

10 तसिरा स्वर्गदूत तुरही ऊरदुन, अदकि ऊंद धोळ तारा जो मशाल घाई होत्तोगोद स्वर्ग दा टु मूरूत, अदकि गांगागोळ्द ऊंद तहिाई मा अदकि नीर इन डोबनगोळ मा बंदकु बत्तित. 11 आ तारा अनूद हेसुर नागदौना आद; अदकि ऊंद तहिाई नीर नागदौना घाई केय आगेत, अदकि हापाळ सा मंळसागोळ आ नीर इन केय आगदुर देल सोतोदुर.

12 चौथा स्वर्गदूत तुरही ऊरदुन, अदकि सुर्य अनूद ऊंद तहिाई भाग, अदकि बेळदगिया अनूद ऊंद तहिाई अदकि तारागोळ्द ऊंद तहिाई भाग मा आपत्तर्ता बत्त, ईल ताका की अऊरूद ऊंद तहिाई भाग अंधार आगेत अदकि दनि इन ऊंद तहिाई भाग दा ऊजुळ ईतीदील, अदकि हांगा ईळ्लक दा भी.

13 याग ना मात्त नोळदीन, रा आकाश इन न्याड्या दा गीधाळ इक ऊळुसतेला अदकि धोळ शब्द दा ईद अनतेला केळदीन, “आ मुर स्वर्गदूतगोळ्द तुरही इन शब्दगोळ कारण, यार्द ऊरोद ईगल्या मक्कि आद, धरती नीर ईरावाळर मा हाय, हाय, हाय!”

## 9

1 याग पाचवा स्वर्गदूत तुरही ऊरदुन, रा ना स्वर्ग टु पृथ्वी मा ऊंद तारा बळितेला नोळदीन, अदकि अदरी अथाह अधोलोक इंद चाबी कोटक आत. 2 अद अथाह अधोलोक इक तेरूत, अदकि कुंड दा टु धोळ्द भट्टी घाई धुंगा येळ्त, अदकि कुंड इन धुंगा देल सुर्य अदकि वायु अंधारकाय आगेदव. 3 आ धुंगा दा टु पृथ्वी मा हत्तीफाफा होट्टव, अदकि अवरी पृथ्वी इन चेळगोळ घाई शक्ती कोटक आत. 4 अऊर से अंदकु आत की ना पृथ्वी इन काड्डा अक, ना यातोदारा हरयाली इक, ना यातोदारा मार्र इक नुकसान पोहचुसेत, सर्फि आ मंळसागोळी नुकसान पोहचुसेत यार हयाणा मा परमेश्वर उन मोहर हॅलेच. 5 अवरी लॉकुरी कोंद बुळोद रा ईला लेकीन अईद तगिळ ताका पीळा कोळोद अधिकार कोटक आत: अदकि आंदुर पीळा हगि ईरोद हयांग चेळ उन डंक होळदुर देल मंळसा अक आगतद. 6 आ दनिगोळ दा मंळसागोळ मृत्यु उक



ढुंढसयार अदकि आंदरी मृत्यु सकितीदील; अदकि सायोद लालसा माळ्यार, अदकि मृत्यु आंदुर से दुर ओळीत.

7 आ हत्तीफाफागोळ्द आकार लळाई इन साटी तयार माळ्द घ्वाळागोळ घाई ईरव, अदकि अऊर ताल्लागोळ मा व्हान्ना अन्द मुकुट ईरव; अदकि अऊर मार्रगोळ मंळसागोळ घाई ईरव. 8 अऊर चुटगोळ आर्तेर चुटगोळ घाई अदकि हल्ल हल्ल इन हल्लगोळ घाई ईरव. 9 अव लोवा घाई झलिम हाक्कु ईरव; अदकि अऊर पक्किगोळ्द शब्द हगि ईरोद जसा रथ अदकि हापाळ सा घ्वाळागोळ्द जो लळाई दा ओळताव. 10 अऊर्द पुसटी चेळगोळ घाई ईरव अदकि अऊर दा डंक ईरव, अदकि अवरी अईद तगिळ ताका मंळसागोळी दुख पोहचुसोद जो शक्ती सकीत, अद अऊर्द पुसटीगोळ दा ईरोद. 11 अथाह अधोलोक इन स्वर्गदूत अऊर मा राजा ईरोन; आऊन हेसुर इब्रानी दा अबददोन, अदकि यूनानी दा अपुल्लयोन आद.

12 पयला वपित्ती नष्ट आगेत, नोळी, ईग इदुर बाद्दा येढ्ढ परेशानीगोळ मात्त बरव आव.

13 याग सहावा स्वर्गदूत तुरही ऊरूदुन रा व्हान्ना अन्द वेदी जो परमेश्वर उन मुंद आद अदुर गाँटागोळ दा टु ना हगि शब्द केळदीन, 14 मतलब यावारा सहावा स्वर्गदूत से, यार हात्ती तुरही ईरोद, अनेत्यान, “आ नाकु स्वर्गदूतगोळ इक जो धोळ गांगा फुरात इन हात्ती कटकु आर, खोल्स बुळ.” 15 आ नाकु स्वर्गदूत खोल्सकु आदुर जो आ समय, अदकि दनि, अदकि तगिळ, अदकि साल इन साटी मंळसागोळ्द ऊंद तहिाई भाग इक कोंद बुळली तयार माळकु आगदुर. 16 अऊर्द फौज इन सवारगोळ्द गनिती ईपूपत करोळ ईरोद; ना अऊर्द गनिती केळदीन. 17 नानी ई दर्शन दा घ्वाळागोळ अदकि अऊर्द हगि सवार कांळ्सदुर यार झलिमगोळ बेक्की, अदकि धूम्रकान्त, अदकि गन्धक घाई ईरोद, अदकि आ घ्वाळागोळ्द ताल्ला हल्ल इन ताल्ला घाई ईरव; अदकि अऊर बाय दा टु बेक्की, धुंगा अदकि गन्धक होळतोगोद. 18 ई मूर महामारीगोळ्द मतलब बेक्की अदकि धुंगा अदकि गन्धक देल, जो अऊर बाय दा टु होळतोगोद मंळसागोळ्द ऊंद तहिाई कोंदकु आत. 19 यतकी आ घ्वाळागोळ्द सामर्थ्य अऊर बाय अदकि पुसटीगोळ दा ईरोद; इदुरसाटी का अऊर पुसटीगोळ हावगोळ घाई ईरव, अदकि आ पुसटीगोळ्द ताल्ला भी ईरव अदकि ईऊर देला अव दुख पोहचुसतोगव.

20 मगिद मंळसागोळ जो आ मरी देल सायली ईरोर, तान कयगोळ्द क्याल्सा देल, मन तरिगुसदुर, का दुष्टआत्मागोळ्द, अदकि व्हान्ना अदकि बेळ्ली अदकि पीतळा अदकि कल्ल अदकि हुळ्ली इन मूर्तीगोळ्द पुजा माळबाळुल जो ना नोळ सकताव, ना केळ सकताव, ना नळु सकताव; 21 अदकि जो रक्ता, अदकि जादू टोना, अदकि व्यभचार, अदकि काळ्लपनी आंदुर माळीदुर, अदुर देल मन तरिगुसदिलि.

## 10

स्वर्गदूत अदकि स्याळ्द कतिाव

1 बाक ना मात्त ऊंद ताकतवर स्वरगदूत उक आकाश होचत स्वरग टु ईळुत नोळदीन. आऊन ताल्ला मा मेघधनुष ईरोद. आऊन बाय सुर्य अन्द घाई अदकि आऊन कालगोळ बेक्की इन खंबा घाई ईरव. 2 आऊन कय दा ऊंद स्यांळदतुसा कतिब तेरूकु ईरोद. आव तान ऊम्मा काल समुद्र मा अदकि डाक्या काल पृथ्वी मा ईटदुन, 3 अदकि हगि धोळ्द शब्द देल चलिळासदुन, ह्यांग हुल्ल गरजुसतद; अदकि याग आव चलिळासदुन रा गर्जन इन सांगुळ शब्द केळ बंदव. 4 याग येळु गर्जन इनव शब्द केळकु आगेदव, रा ना लखिसदुर मा ईरीन, लेकीन ना स्वरग टु ईद शब्द केळदीन, “जो मातगोळ गर्जन इन आ येळ शब्दगोळ से केळ्या अवरी गुप्त ईट, अदकि लखिसबाळ.”

5 याता स्वरगदूत उक ना समुद्र अदकि पृथ्वी मा नदिरत नोळीदनि, आव तान ऊम्मा कय स्वरग दी नेगदुन, 6 अदकि जो हमेशा हमेशा जतिता आन, अदकि याव स्वरग इक अदकि जो येनारा अदुर दा आद, अदकि पृथ्वी इक अदकि जो येनारा अदुर दा आद, अदकि समुद्र अक अदकि जो येनारा अदुर दा आद सजुस्कु, अऊरदा करिया तनिकु अंदुन, “ईग रा मात्त समय आगतीदील. 7 बल्की सातवा स्वरगदूत उन तुरही ऊरदुर मा जो आगव आव शब्द इन दनिगोळ दा परमेश्वर उन गुप्त मनोरथ आ खुशखबरी इन अनुसार जो आव तान दास भवषियवक्तागोळी कोट्टुन, पुरा आदीत.”

8 याता शब्द अक ना स्वरग टु माताळ्त्त केळीदीन, अद मात्त नान सांगुळ मात हेळली कुरत, “होग, जो स्वरगदूत समुद्र अदकि पृथ्वी मा नदिरकु आन, आऊन कय दाकळोद अद कतिब हुडु कोम जो तेरकु आद.”

9 ना स्वरगदूत उन हात्ती होगकु अंदीन, “ईद स्यांळद कतिब नानी कोळ.” आव नान से अंदुन, “हुडु, इदरी तनि कोम; ईद नीन व्हाट्टा केय रा माळीत, लेकीन नीन बाय दा सयद घाई सय हत्तीत.”

10 अतः ना अद स्यांळद कतिब आ स्वरगदूत उन कय दा टु हुडुकु तदि बुटीन. अद नान बाय दा सयद घाई सय रा हत, लेकीन याग ना अदरी नुंग बुट्टीन, रा नान व्हाट्टा केयजोर आगेत. 11 आग नान से ईद अंदकु आत, “नीनी हापाळ सा लाँकुर, अदकि जातीगोळ, अदकि भाषागोळ अदकि राजागोळ्द बारा दा मात्त भवषियवाणी माळोद बदिदीत.”

## 11

### येद्व गवाह

1 बाक नानी आळोर साटी ऊंद सरकंडा कोटकु आत, अदकि यारारा अंदुर, “येळ, परमेश्वर उन मंदरि अदकि वेदी, अदकि अदुर दा उपासना माळावाळेर इक आळ्द कोम. 2 लेकीन मंदरि इन व्हार्या अन्द आंगुळ बटि बुळ; अदरी आळुबाळ यतकी अद गैरयहूदी इक कोटकु आग्याद, अदकि आंदुर पवतिर नगर इक ब्यालीस दनि ताका काल दशी मेट्ट्यार. 3 ना तान येद्व गवाहगोळी ईद अधिकार कोळाईन कि टाट होदुकु ऊंद हजार येद्व सौ साठ दनि ताका भवषियवाणी माळुल.

4 “ईव अवा जैतुन इन येढ्ढ मार्र अदकि येढ्ढ दगिया ईटव जागा हुव, जो पृथ्वी इन प्रभु उन मुंद नदिरकु ईतार. 5 अगर यावारा आंदरी नुकसान पोहचुसोद चाहासतान, रा आंदुर बाय दा टु बेककी होटकु आंदुर दुश्मनगोळी भसम माळतद; अदकि अगर यावारा आंदरी नुकसान पोहचुसोद चाहास्यान, रा जरूर ईत्ता रीति देल कोनुसुसकु आदान. 6 आंदरी अधकार आद कि आकाश इक बंद माळुल, कि आंदुरद भवषियवाणी इन दनिगोळ दा सयद बरसुसबाळुल; अदकि आंदरी सप्पा नीरनळी मा अधकार आद कि अदरी रक्ता माळुल, अदकि याग याग चाहास्यार आग आग पृथ्वी मा हर प्रकार इंद वपित्ती तरूल.”

7 \*याग आंदुरद गवाही कोटकु आगेदीत, रा अद पशु जो अथाह अधोलोक दा टु होट्टीत, आंदुर से लळाई माळकु अवरी जीतुसति अदकि आंदरी कोंद बुट्टीत. 8 आंदुर लाश आ धोळ्द नगर इन चौक दा बदिक् ईत्ताव, यदरी आत्मकि रूप देल सदोम अदकि मसित्तर अंदकु आगतद, यल आंदुर प्रभु भी क्रूस मा येरसकु आगदिन. 9 सप्पा लॉकुर अदकि कुलगोळ अदकि भाषागोळ अदकि जातीगोळ्द लॉकुर आंदुर मुरदागोळी इक साढे मुर दनि ताका नोळतेला ईत्तार, अदकि आंदुर मुरदागोळ इक कबर दा ईट कोळतीदील. 10 धरती मा ईरावाळेर आंदुर सोत्तुर देल खुश अदकि मग्न आदार, अदकि आबुर दाबुर हात्ती भेंट कळ्यार, यतकी ई दनिगोळ दा भवषियवक्तागोळ धरती मा ईरावाळेर इक सतुस्यार. 11 लेकीन साढे मुर दनि इन बाददा परमेश्वर उन दी टु जीवन इन श्वास आंदुर दा होक्त, अदकि आंदुर तान कालगोळ ताकत देल नदिरेदुर, अदकि आंदुर नोळावाळेर मा धोळ्द अंजक तुम्मेत. 12 आग आंदरी स्वर्ग टु ऊंद धोळ्द शब्द केळ बत्त, “ईल म्याकुच बरी!” ईद केळकु आंदुर बादल मा सवार आगकु तान दुश्मनगोळ नोळतेला अच स्वर्ग मा येरेदुर. 13 \*बाक आ घळी ऊंद धोळ्द भूकम्प आत, अदकि नगर इन दहावा भाग बदिक्त; अदकि आ भूकम्प देल येळ हजार मंळसागोळ सोतोदुर, अदकि बाकी नोर जो ऊळ्दकु ईरोर आंदुर अंजेदुर अदकि स्वर्ग इन परमेश्वर उन महमा माळली कुरतुर.

14 दुसरा परेशानी बतिसेत; नोळी, तसिरा परेशानी जल्दी बरावाळा आद.

सातवा दूत उन द्वारा तुरही ऊरकु आत

15 याग सातवा स्वर्गदूत तुरही ऊरदुन, रा स्वर्ग दा ई बारा दा धोड्डेव-धोड्डेव शब्द आगली कुरतव: “दुनया अन राज्य नामव प्रभु उन अदकि आऊन मसीह अन्द आगेत, अदकि आव हमेशा हमेशा राज्य माळ्यान.” 16 आग चौबीसा स्याणा लॉकुर जो परमेश्वर उन मुंद तान तान सहिसन मा कुरतकु ईरोर, बाय इन भार देल बदिक् परमेश्वर उक प्रणाम माळकु 17 ईद अनली कुरतुर,

“हे सरवशक्तमान प्रभु परमेश्वर, जो आन अदकि जो ईरोर,  
नाव नीन धन्यवाद माळतेव किनी तान धोळ्द सामर्थ्य  
इक क्यालसा दा तनकु राज्य माळ्या.

18 अन्य जातीगोळ सट्टिट दा तुमकु ईरोर,  
लेकीन नीद प्रकोप बंदकु बत्तित,

अदकि अद समय बंदाद कजि जो सोत्तुर आंदुरद न्याय माळकु आगुल,  
 अदकि नीनोर दास परमेश्वर उन बातणी केळसावाळेर  
 अदकि पवतिर लॉकुरी अदकि आ स्याण धोडेर इक जो नींद हेसुर देल  
 अंजतार  
 बदलुसकु आगुल,  
 अदकि पृथ्वी इक बगिळुसा वाळेर इक नष्ट माळकु आगुल.”

19 \*आग परमेश्वर उन जो मंदिरि स्वर्ग दा आद अद तेरकु आत, अदकि आऊन मंदिरि दा आऊंदा वाचा अन्द संदुक काळसत; अदकि बजिलीगोळ अदकि शब्द अदकि गर्जन अदकि भूकम्प आदव अदकि धोड्डेव ओला बदिदव.

## 12

आर्त अदकि अजगर

1 बाक स्वर्ग दा ऊंद धोळ्द चनिह काळसत, मतलब ऊंद आर्त जो सुर्य होदकु ईरोर, अदकि वेळदगि आकनि काल दशी ईरोद, अदकि आकनि ताल्ला मा हननेळ तारागोळ्द मुकुट ईरोद. 2 आक व्हाट्या दी आदुर, अदकि कटिरोर, यतकी आक प्रसव इन दुख दा ईरोर.

3 ऊंद अदकि चनिह स्वर्ग दा काळसत; अदकि नोळी, ऊंद धोळ्द क्याचांद अजगर ईरोद, अदरी येळ ताल्ला अदकि हत्त गॉट्टा ईरव, अदकि अदुरद ताल्ला मा येळ राजमुकुट ईरव. 4 अदुर पुसटी आकाश इन तारा अन्द ऊंद तहाई इक जेडुकु पृथ्वी मा हाक कोम्त. अद अजगर येनारा ईरोर आ आर्त इन मुंद ईरोद, नदिरुत कजि याग आक चगिद हाळदार रा आ चगिद उक नुंग कोमुल. 5 आक पार हाळदुर जो लोवा अन्द छळी इक ताकोमकु सप्पा जातीगोळ मा राज्य अन्द साटी बंदीदुन, अदकि आव पार एकाएक परमेश्वर उन हात्ती अदकि आऊन सहासन इन हात्ती नेगुकु पोहचुसकु आदुन; 6 अदकि आ आर्त आ आळी दा ओळतेला होदुर यल परमेश्वर उन दी टु आकनि साटी ऊंद जागा तयार माळकु आगीत कजि अल आक ऊंद हजार येद्व सौ साठ दनि ताका सालकु आगुल.

7 \*बाक स्वर्ग दा लळाई आत, मीकाईल अदकि आऊन स्वर्गदूत अजगर इन सांगुळ लळाई माळली होट्टुर; अदकि अजगर अदकि अदुर दूत आऊन सांगुळ लळुसदव. 8 लेकीन प्रबल आगीदील, अदकि स्वर्ग दा आंदुर साटी बाक जागा ईतीदील. 9 \*आग अद धोळ्द अजगर, मतलब अदा हाळोद हाव जो इब्लीस अदकि शैतान कहलुसतद अदकि पुरा दुनिया अक भरमुसावाळा हुन, पृथ्वी मा केळसुसकु आत, अदकि अदुर दूत अदुर सांगुळ केळसुसकु आदव. 10 बाक ना स्वर्ग टु ईद धोळ्द शब्द बरतेला केळदीन,

“ईग नाम परमेश्वर उन उद्धार अदकि सामर्थ्य  
 अदकि राज्य

अदकि आऊन मसीह अन्द अधिकार प्रगट आग्याद,  
 यतकी नाम वार्दुर मा दोष हचावाळा,  
 जो ईळ्लक हागुल नाम परमेश्वर उन मुंद

\* 11:19 ११:१९ प्रकाशतिवाक्य ८:५; १६:१८; प्रकाशतिवाक्य १६:२१ \* 12:7 १२:७ यहूदा १:९

\* 12:9 १२:९ लुका १०:१८

आंदुर मा दोष हचतोगोन केळसुसकु आदुन.”

11 “आंदुर म्यांडा अनन्द पाड्डा अन कारण

अदकि तान गवाही इन वचन इन कारण  
आऊन मा जयवन्त आदुर,

अदकि आंदुर तान जीव इक प्रयि जानसीदलि,  
ईल ताका किमृत्यु भी सहन माळ कोडुर.”

12 “ई कारण हे स्वर्गगोळा अदकि अदुरदा ईरावाळेर,  
मगन ईरी; हे पृथ्वी, अदकि समुद्र, नीम मा हाय!

यतकी शैतान बळा सट्टि इन सांगुळ नीम हात्ती ईळुकु बंदुन,  
यतकी जानसत्या किथ्वाळासा अच समय अदकि बाकी आद.”

13 याग अजगर नोळ्त कि ना पृथ्वी मा केडुकु आगेदीन, रा आ आर्त इक जो पार हाळीदुर, सतुस्त. 14 लेकीन आ आर्त इक धोळ गीधाळ इन येदढ पक्का कोटकु आगीदव कि हाव उन मुंद टु ऊळुसकु आळी दा आ जागा दा होटोगुल, यल अद ऊंद समय अदकि समयगोळ, अदकि आर्धा समय ताका पालसकु आगुल. 15 अदकि हाव आ आर्त इन हदि तान बाय देल गांगा अनन्द घाई नीर वाहुस्त कि आकी ई गांगा देल वाहुस बुळुल. 16 लेकीन पृथ्वी आ आर्त इन सहायता माळ्त, अदकि तान बाय खोलसकु आ गांगा अक जो अजगर तान बाय देल वाहुसीदुन कळुत. 17 आग अजगर आर्त मा गुस्सा आत्त, अदकि आकनि बाकी नव चकिोर देल, जो परमेश्वर उन आग्यागोळ इक मानसोर अदकि यीशु उन गवाही कोळदुर मा सथरि आर, लळाई माळली होत्त. 18 अदकि अद समुद्र अनन्द धुळा मा होगकु नीदुरकु ईत्त.

## 13

येदढ पशु

1 \*आग ना ऊंद पशु उक समुद्र दा टु होळ्त नोळदीन, यदुरद हत्त गॉट्टा अदकि येळ ताल्ला ईरव. अदुर गॉट्टागोळ मा हत्त राजमुकुट अदकि अदुर ताल्लागोळ मा परमेश्वर उन ननिदा नव हेसुर लखिसकु ईरव. 2 जो पशु ना नोळदीन अद चिता अनन्द घाई ईरोद; अदकि अदुर कालगोळ भालू घाई, अदकि बाय हुल्ली इन घाई ईरोद. अद अजगर तान सामर्थ्य अदकि तान सहिसन अदकि धोळ्द अधिकार अदरी कोट बुळ्त. 3 ना अऊर्द ताल्लागोळ दा टु ऊंद मा हगि भयंकर घाव हतकु नोळदीन कि हगि हतुल कि अद सायदुर मा आद, बाक अदुरद प्राणघातक घाव वळ्दीद आगेत, अदकि सप्पा धरती इन लॉकुर आ पशु उन हदि-हदि अचम्भा माळतेला नळदुर. 4 लॉकुर अजगर इन पुजा माळदुर, यतकी अद पशु उक तान अधिकार कोट बुटीत, अदकि ईद अनकु पशु उन पुजा माळदुर, “ई पशु उन घाई याव आन? याव ईदुर से लळाई माळ सकतान?”

5 बळा बोल माताळली अदकि अपमान माळोर साटी अदरी ऊंद बाय कोटकु आग्याद, अदकि अदरी ब्यालीस तगिळ ताका क्याल्सा माळोद अधिकार कोटकु आग्याद. 6 आव परमेश्वर उन अपमान माळोर साटी बाय तेरदुन कि

आऊन हेसुर अदकि आऊन तम्बू मतलब स्वर्ग इन ईरावाळेर इन अपमान माळुल. <sup>7</sup> आऊक ईद भी अधिकार कोटकु आग्याद कि पवतिर लॉकुर सांगुळ लळाई माळुल अदकि आंदुर मा जय सकिल, अदकि आऊक हर ऊंद कुल अदकि लॉकुर अदकि भाषा अदकि जाती मा अधिकार कोटकु आग्याद. <sup>8</sup> धरती मा ईरावाळेर आंदुर सप्पा, यार हेसुर आ म्यांडा अन्द पाड्डा अन्द जीवन इन कतिब दा लखिसकु आगीदील जो दुनिया अन उत्पत्ती इन समय टु घात आग्याद, आ पशु उन पुजा माळ्यार.

<sup>9</sup> यार कवि आव आव केळुल. <sup>10</sup> यारी कैद दा बळिद आद, आव कैद दा बदिदान; जो तलवार देल कौदान, जरूरी आद कि आव तलवार देल कौदकु आदान. पवतिर लॉकुरद धीरज अदकि विश्वास ईदुर दा आद.

<sup>11</sup> बाक ना ऊंद अदकि पशु उक पृथ्वी दा टु होळतेला नोळदनि, अदुरद म्यांडा अन्द पाड्डा अन्द घाई येढढ गोट्टा ईरव, अदकि अद अजगर इन घाई माताळोद. <sup>12</sup> अद आ पयला पशु उन पुरा अधिकार अदुर मुंद क्याल्सा दा तरोद; अदकि पृथ्वी अदकि अदुरद ईरावाळेर देल आ पयला पशु उन, यदुरद जीव घातक घाव वळ्ळीद आगगीत, पुजा माळसुसोद. <sup>13</sup> अद धोळ-धोळ चनिह तोरसोन, ईल ताका कि मंळसागोळ्द मुंद स्वर्ग टु पृथ्वी मा बेक्की बरसुस बुळोन. <sup>14</sup> आ चनिहगोळ्द कारण, यारी आ पशु उन मुंद तोरसोद अधिकार अदरी कोटकु आगीत, अद पृथ्वी इन ईरावाळेर इक भरसुसोद अदकि पृथ्वी इन ईरावाळेर देल अनोद कि या पशु उक तलवार हतीत अद जतिता आग्याद, अदुरद मूर्त्ति माळी. <sup>15</sup> अदरी आ पशु उन मूर्त्ति दा जीव हाक्कोद अधिकार कोटकु आग्याद कि पशु उन मूर्त्ति माताळली हतुल, अदकि यास लॉकुर आ पशु उन मूर्त्ति इन पुजा माळतीदील, आंदरी कोन्सुस बुळुल. <sup>16</sup> आव स्यांळ्द-धोळ, धनी-कंगाल, स्वतंत्र-दास सप्पा मुंदुर ऊम्मा कय दी या आंदुर मस्तक मा ऊंद ऊंद छाप माळ बुट्टुन, <sup>17</sup> कि अदरी बटिकु याऊन मा छाप मतलब आ पशु उन हेसुर या अदुर हेसुर इन अंक ईरूल, दुसरा यावारा लेन-देन माळ ईला सकुल.

<sup>18</sup> ग्यान ईदुर दा आद: यारी बुद्धी आद आव ई पशु उन अंक जोळस कोमुल, यतकी अद मंळसा अन्द अंक हुन, अदकि अदुर अंक आर सौ छैसठ आद.

## 14

मेमना अदकि अदुर लॉकुर

<sup>1</sup> \*बाक ना नजर माळदीन, अदकि नोळी, आ म्यांडा अन्द पाड्डा सयियोन पहाळ मा नीदुरकु आद, अदकि अदुर सांगुळ ऊंद लाख चौवालीस हजार मुंदुर आर, यार ह्याणा मा आऊन अदकि आऊन आप्प उन हेसुर लखिसकु आद. <sup>2</sup> अदकि स्वर्ग टु नानी ऊंद हगि शब्द केळ बत्त जो नीर इन हापाळ धारागोळ अदकि बळा गरजन इन शब्द ईरोद, अदकि जो शब्द ना केळदीन अद हगि ईरोद मान्सी वीणा मुरसावाळेर वीणा मुरसेत्यार. <sup>3</sup> आंदुर सहिसन इन मुंद अदकि नाकु प्राणीगोळ अदकि स्याणागोळ्द मुंद ऊंद व्हाशोद हाळ हाळेर. आ ऊंद लाख चौवालीस हजार लॉकुरी बटिकु, जो पृथ्वी मा टु कोंडकु आगीदुर, यार

आ हाळ इक कलु ईला सकोर. 4 इंदुर आंदुर उर जो आर्तेर सांगुळ अशुध्द आगीदील, पर कुवारा आर; इंदुर आंदुरा उर कि येल्यारा म्यांडा अन्द पाड्डा होगतद, अऊर आऊन हदि आगोगतार; इंदुर रा परमेश्वर उन नमित्तित पयला फल आगोर साटी मंळसागोळ दा टु कोंडकु आग्यार. 5 आंदुर बाय दा टु यागलु ख्वाटा मात होटीदलि, आंदुर नर्दोष आर.

### मुर स्वरगदूत

6 बाक ना ऊंद अदकि स्वरगदूत उक आकाश इन न्याड्या दा उळुसतेला नोळदीन, यार हात्ती पृथ्वी माकळोर ईरावाळेरद हर ऊंद जाती, अदकि कुल, अदकि भाषा, अदकि लॉकुरी केळसोर साटी अनन्त खुशखबरी ईरव. 7 स्वरगदूत धोळ शब्द देल अंदुन, “परमेश्वर से अंजी, अदकि आऊन महमा माळी, यतकी आऊन न्याय माळोद समय होट बंदाद; अदकि आऊन भजन माळी, याव स्वरग अदकि पृथ्वी अदकि समुद्र अदकि नीर इन झरना माळ्यान.”

8 बाक इदुर बाददा ऊंद मात्त, दुसरा, स्वरगदूत ईद अनतेला बंदुन, “बत्तित, आ धोळ बेबीलोन बत्तित, यार तान व्यभचार इन कोपमय सारा पुरा जातीगोळी इक कुळसयाद.”

9 बाक इंदुर बाददा ऊंद मात्त, तीसरा, स्वरगदूत धोळ शब्द देल ईद अनतेला बंदुन, “जो यावारा आ पशु अदकि अदुरद मूर्त्ता इन पुजा माळुल, अदकि तान हयाणा या तान कय मा अदुरद छाप ताकोमुल 10 अद परमेश्वर उन प्रकोप इन नरी सारा, जो आऊन सट्टिट इन कटोरा दा हाककु आग्याद, कुळदान अदकि पवतिर स्वरगदूतगोळ्द मुंद अदकि म्यांडा अन्द पाड्डा अन्द मुंद बेक्की अदकि गन्धक इन पीळा दा बदिदान. 11 आदुरद पीळा अन्द धुंगा हमेशा हमेशा येळतेला ईत्तीत, अदकि जो आ पशु अदकि अदुरद मूर्त्ता इन पुजा माळतार, अदकि जो अदुर हेसुर इन छाप ताकोमतार, आंदरी ईळ्लक हागुल चैन सकितीदील.”

12 पवतिर लॉकुरद धीरज इदुर दा आद, जो परमेश्वर उन आग्यागोळ इक मानसतार अदकि यीशु मा वशिवास ईटतार.

13 बाक ना स्वरग टु ईद शब्द केळदीन, “कलिखिस: जो मुर्दा प्रभु दा सायतान, आंदुर ईग टु धन्य आर.”

आत्मा अनतद, “हव, यतकी आंदुर तान पुरा मेहनत देल आराम ताकोडार, अदकि आंदुर कार्य आंदुर सांगुळ ईत्ताव.”

### कटाई

14 ना दृष्टी माळदीन, अदकि नोळी, नान मुंद ऊंद बळिद ढग आद, अदकि आ ढग मा मंळसा अन पार उन घाई यावारा कुरतकु आन, आऊन ताल्ला मा वहान्ना अन्द मुकुट अदकि कय दा पन्यार कुळगुल आद. 15 बाक ऊंद अदकि स्वरगदूत मंदरि दा टु होटकु आऊन से, जो ढग मा कुरतकु ईरोन, धोळ शब्द देल काहूकु अंदुन, “तान कुळगुल हचकु कटाई माळ, यतकी कटाई इन समय होट बंदान, इदुरसाटी कि पृथ्वी इन केई इन फसल हण्ण आगोग्याद.” 16 इदुरसाटी

जो ढग मा कुर्तकु ईरोन आव पृथ्वी मा तान कुळगुल हचदुन, अदकि पृथ्वी इन केई इन कटाई माळदुन.

17 बाक ऊंद अदकि स्वरगदूत आ मंदरि दा टु होट्टुन जो स्वरग दा आन, अदकि आऊन हात्ती भी पन्यार कुळगुल ईरोद.

18 बाक ऊंद अदकि स्वरगदूत, यारी बेक्की मा अधकारि ईरोद, वेदी दा टु होट्टुन, अदकि यार हात्ती पन्यार कुळगुल ईरोद आऊन से धोळ शब्द देल अंदुन, “तान पन्यार कुळगुल हचकु पृथ्वी इन अंगुर इन केई इन काय इन गुच्छा कडुकोम, यतकी अद अंगुर इन काय हण्ण आगोग्याद.” 19 आग आ स्वरगदूत पृथ्वी मा तान कुळगुल हचदुन अदकि पृथ्वी इन अंगुर इन गुच्छा अन्द काय कडुकु तान परमेश्वर उन प्रकोप इन धोळ रसकुण्ड दा हाक्क बुट्टुन; 20 \*अदकि नगर इन व्हार्या आ रसकुण्ड दा अंगुर मेटकु आदव, अदकि रसकुण्ड दा टु ईट रक्ता होळ्त कि घ्वाळा अन्द लगामगोळ ताका पहुचुस्त, अदकि मुर सौ कलिमीटर ताका वाहुसेत.

## 15

आखरी परेशानीगोळ सांगुळ स्वरगदूत

1 बाक ना स्वरग दा ऊंद अदकि धोळ अदकि अदभुत चनिह नोळदीन, मतलब येळ स्वरगदूत यार हात्ती येळु आखरी परेशानीगोळ ईरव, यतकी अदुर खतम आगदुर मा परमेश्वर उन प्रकोप इन अन्त आद.

2 आग ना बेक्की दा मलिसकु काँच इन घाई ऊंद समुद्र नोळदीन; अदकि जो लाँकुर आ पशु मा अदकि अदुरद मूर्त्ति मा अदकि अदुर हेसुर इन अंक मा जयवन्त आगीदुर, आंदरी आ काँच इन समुद्र अन्द हात्ती परमेश्वर उन वीणागोळ इक हुळकु नीदुरकु नोळदुर. 3 आंदुर परमेश्वर उन दास मूसा अन्द हाळ, अदकि मयांडा अन्द पाडडा अन्द हाळ, हाळ हाळकु अनतोगोर,

“हे सर्वशक्तमिान प्रभु परमेश्वर,

नीन कार्य महान अदकि अदभुत आव;

हे युगयुग इन राजा,

नीन चाल वळ्लीद अदकि खरा आद.”

4 “हे प्रभु, याव नीन से अंजतीदील

अदकि नीन हेसुर इन महामिा माळतीदील?

यतकी सरिफ नी आबना अच पवतिर आय.

पुरा द्याश इन लाँकुर बंदकु

नीन मुंद दण्डवत माळ्यार,

यतकी नीन न्याय इन क्याल्सा प्रगट आगोग्याव.”

5 इदुर बाददा ना नोळदीन कि स्वरग दा गवाही इन तम्बू उन मंदरि खोलसकु आग्याद; 6 अदकि आंदुर येळु स्वरगदूत यार हात्ती येळु परेशानीगोळ ईरव, मलमल इन शुद्ध अदकि चमकदार कपळा हाक्कु अदकि याद्दा मा व्हांनना अन्द पट्टागोळ कटकु मंदरि टु होट्टुर. 7 आग आ नाकु प्राणीगोळ दा टु



ऊंद आ येळ स्वर्गदूतगोळी परमेश्वर, जो हमेशा हमेशा जतिता आन, आऊन प्रकोप देल तुमकु व्हान्ना अनूद येळ कटोरा कोट्टुर; <sup>8</sup> अदकि परमेश्वर उन महिमा अदकि आऊन सामर्थ्य अन कारण मंदिर धुंगा देल तुममेत, अदकि यागासताका आ येळु स्वर्गदूतगोळद येळु परेशानीगोळ खतम आगीदील आगासताका याऊ मंदिर दा होग सकदील.

## 16

परमेश्वर उन प्रकोप इन येळ कटोरा

<sup>1</sup> बाक ना मंदिर दा यारीकारा ऊंचा शब्द देल आ येळु स्वर्गदूतगोळ देल ईद अनतेला केळदनि, “होगी, परमेश्वर उन प्रकोप इन येळु कटोरागोळ इक पृथ्वी मा पलटुस बुळी.”

<sup>2</sup> इदुरसाटी पयले स्वर्गदूत होगकु तान कटोरा पृथ्वी मा पलटुस बुट्टुन. आग आ मंळसागोळद, यार मा पशु उन छाप ईरव अदकि जो अदुर्द मूर्ति इन पुजा माळोर, ऊंद प्रकार इन बुरा अदकि दुखदाई फ्वाळा होळ्त.

<sup>3</sup> दुसरा स्वर्गदूत तान कटोरा समुद्र मा उलटुस बुट्टुन, अदकि आव सोतकु मंळसा अनूद रक्ता घाई बनसेदुन, अदकि समुद्र दाकळव हर ऊंद जीवधारी सोतोदव.

<sup>4</sup> तीसरा स्वर्गदूत तान कटोरा गांगागोळ अदकि नीर इन झरनागोळ मा पलटुस बुट्टुन, अदकि आंदुर रक्ता बनसदुर. <sup>5</sup> आग ना नीर इन स्वर्गदूत उक ईद अनतेला केळदीन, “हे पवतिर, जो आद अदकि जो ईरोद, नी न्यायी आय अदकि नी ईद न्याय माळ्द. <sup>6</sup> यतकी आंदुर पवतिर लॉकुर अदकि भवषियवक्तागोळद रक्ता वाहुसीदुर, अदकि नी आंदरी रक्ता कुळसद; यतकी आंदुर ईदा योग्य आर.” <sup>7</sup> बाक ना वेदी टु ईद शब्द केळदीन, “हव, हे सर्वशक्तमिन प्रभु परमेश्वर, नीन नरिणय वळ्लीद अदकि खरा आद.”

<sup>8</sup> चौथा स्वर्गदूत तान कटोरा सुर्य मा उलटुस बुट्टुन, अदकि आऊक मंळसागोळ इक बेक्की देल झुलसुसोद अधिकार कोटकु आत. <sup>9</sup> मंळसा हापाळ बसिल देल झुलसुसदुर, अदकि परमेश्वर उन हेसुर इन यारी ई परेशानीगोळ मा अधिकार आद, अपमान माळदुन लेकीन आऊन महिमा माळोर साटी मन तरिगुसदील. आऊन महानता अनूद प्रशंसा माळतार.

<sup>10</sup> पाचवा स्वर्गदूत तान कटोरा आ पशु उन सहिसन मा पलटुस बुट्टुन, अदकि आऊन राज्य मा अंधार छासेत. लॉकुर दुख इन मारा तान तान ल्यालग्या कचली हतदुर, <sup>11</sup> अदकि तान पीळागोळ अदकि फ्वाळागोळद कारण स्वर्ग इन परमेश्वर उन अपमान माळदुर; लेकीन तान तान क्याल्सागोळ देल मन तरिगुसदील.

<sup>12</sup> सहावा स्वर्गदूत तान कटोरा महागांगा फुरात मा पलटुस बुट्टुन, अदकि अदुरद नीर वंळगेत काँ पूरव दशा अनूद राजागोळद साटी हादी तयार आगेगुल. <sup>13</sup> बाक ना आ अजगर इन बाय देल, अदकि आ पशु उन बाय देल अदकि आ ख्वाटा भवषियवक्ता अनूद बाय देल मुर अशुध्द आत्मागोळ इक भ्याबकागोळद रूप दा होळतेला नोळदनि. <sup>14</sup> ईव चनिह तोरसावाळेर दुष्टआत्मागोळ हुव, जो पुरा दुनिया अन राजागोळद हात्ती होटकु इदुरसाटी

होगताव कि आंदरी सर्वशक्तमिान परमेश्वर उन आ धोळ दनि इन लळाई इन साटी जमा माळुल.

15 \*नोळ, ना काळल उन घाई बरतीन; धन्य आव आन जो जागसतेला ईरतान, अदकि तान कपळागोळ्द सावधानी माळतान कि ऊगळा वयाळबाळुल, अदकि लॉकुर आऊन ऊगळापन नोळबाळुल.”

16 अदकि आंदुर आंदरी आ जागा दा जमा माळदुर जो इब्रानी दा हर-मगदिन कहलुसतद.

17 सातवा स्वरगदूत तान कटोरा हवा मा उलटुसदुन, अदकि मंदरि इन सहासन टु ईद धोळ शब्द आत, “आगोग्याद!” 18 \*बाक बजिलीगोळ चमकुसदव, अदकि शब्द अदकि गर्जन आत, अदकि ऊंद हगि धोळ भूकम्प बत्त कि यागी टु मंळसा अन्द उत्पत्ती पृथ्वी मा आत, आगी टु हगि धोळ भूकम्प यागलु बंददिल. 19 इदुर देल आ धोळ नगर इन मुर तुकळा आगोदव, अदकि गैर यहूदीगोळव नगर बदिदव; अदकि धोळ बेबीलोन इन याद परमेश्वर उन अल आत कि आव तान सटिट इन जलजलाहट इन सारा आऊक कुळसुल. 20 \*अदकि हर ऊंद टापू तान जागा टु टलुसेत, अदकि पहाळगोळ्द पता हतीदिल. 21 \*आकाश टु मंळसागोळ मा मन-मन तुमकु धोळ गारगोटी बदिदव, अदकि इदुरसाटी कि ईद वपित्ती हापाळ अच भारी ईरोद, लॉकुर गारगोटी इन वपित्ती इन कारण परमेश्वर उन अपमान माळदुर.

## 17

### धोळ वेश्या

1 या येळ स्वरगदूतगोळ्द हात्ती अव येळ कटोरा ईरव, आंदुर दा टु ऊंद बंदकु नान से ईद अंदुन, “ईल बर, ना नीनी आ धोळ वेश्या अन्द दण्ड तोरसाईन, जो हापाळ सा नीर मा कुरतकु आर, 2 यार सांगुळ पृथ्वी इन राजागोळ व्यभचार माळदुर; अदकि पृथ्वी इन ईरावाळेर आऊन व्यभचार इन सारा देल मतवाला आगोगीदुर.”

3 \*आग आव नानी आत्मा दा आळी दी ओतुन, अदकि ना क्याचांद पशु मा, जो अपमान इन हेसुरगोळ देल तुमकु ईरोद अदकि यार येळ ताल्ला अदकि हत्त गॉट्टा ईरव, ऊंद आरत इक कुरतकु नोळदनि. 4 ई आरत जाभळा रंग इन अदकि क्याचांद रंग इन कपळा हाक्कु ईरोर, अदकि व्हानना अदकि कमिती मणगिोळ अदकि मोतगिोळ देल सजुसकु ईरोर, अदकि आकनि कय दा ऊंद व्हानना अन्द कटोरा ईरोद जो बेकार वस्तुगोळ देल अदकि आकनि व्यभचार इन अशुध्द वस्तुगोळ देल तुमकु ईरोद. 5 आकनि हयाणा मा ई हेसुर लखिसकु ईरोद, “भेद-धोळ बेबीलोन पृथ्वी इन वेश्यागोळ अदकि बेकार वस्तुगोळ्द मोय.” 6 ना आ आरत इक पवतिर लॉकुरद रक्ता अदकि यीशु उन गवाहगोळ्द रक्ता कुळदुर देल मतवाला नोळदीन;

\* 16:15 १६:१५ मत्ती २४:४३,४४; लुका १२:३९,४०; प्रकाशतिवाक्य ३:३  
प्रकाशतिवाक्य ८:५; ११:१३,१९ \* 16:20 १६:२० प्रकाशतिवाक्य ६:१४  
प्रकाशतिवाक्य ११:१९ \* 17:3 १७:३ प्रकाशतिवाक्य १३:१

\* 16:18 १६:१८

\* 16:21 १६:२१

आकी नोळकु ना चकति आगेदीन. 7 आग आ स्वर्गदूत नान से अंदुन, “नी येती चकति आद? ना ई आर्त अदकि आ पशु उक, यदुर मा आक सवार आर अदकि यार येळ ताल्ला अदकि हत्त गॉट्टा आव, नीनी भेद हेळतीन.

8 \*जो पशु नी नोळया, अद पयला रा ईरोद पर ईग ईल्लच, अदकि अथाह अधोलोक दा टु होटकु वनाश दा बदिदीत; अदकि पृथ्वी इन ईरावाळेर यार हेसुर दुनिया अन उत्पत्त इन समय टु जीवन इन कतिाब दा लखिसकु आगीदील, ई पशु उन ईद दशा नोळकु कर् पयला ईरोद अदकि ईग ईल्लच अदकि बाक होट बंदीत, अचम्भा माळ्यार. 9 आ बुद्धी इन साटी यारदा ग्यान आद, ईदा मवका आद: अव येळु ताल्ला येळ पहाळ हुव यार मा आ आर्त कुर्तकु आर. आंदुर येळ राजा भी उर. 10 अव येळ राजा भी हुव, अईद रा आगेग्याव, अदकि ऊंद ईग आन, अदकि ऊंद ईग ताका बरली आन, अदकि याग बंदान रा येनारा समय ताका अदुरद ईरोद भी जरूरी आद. 11 जो पशु पयला ईरोन, अदकि ईग ईल्लच, आव खुद आठवा हुन अदकि आ येळु दा टु पैदा आदुन, अदकि वनाश दा बदिदान. 12 जो हत्त गॉट्टा नी नोळ्द अव हत्त राजा हुव यारी ईग ताका राज्य सक्कीदील, पर आ पशु उन सांगुळ घळी तीमोर साटी राजागोळ घाई अधिकार सक्कीत. 13 ईव सप्पा ऊंद मन आदार, अदकि अव तान तान सामर्थ्य अदकि अधिकार आ पशु उक कोट्टार. 14 अव मेमनागोळ देल लळाई माळ्याव, अदकि म्यांडा अनूद पाड्डा अऊर मा जय पाऊस्याव, यतकी आव प्रभुगोळ प्रभु अदकि राजागोळ राजा हुव, अदकि जो कारूकु आग्याव अदकि नविळुस्कु आग्याव अदकि विश्वासी आव अव आऊन सांगुळ आव; आंदुर भी जय पाऊस्याव.”

15 बाक आव नान से अंदुन, “जो नीर नी नोळ्द, यदुर मा वेश्या कुर्तकु आर, आंदुर रा लॉकुर अदकि भीळ अदकि जातीगोळ अदकि भाषागोळ हुव. 16 जो हत्त गॉट्टा नी नोळ्द, अव अदकि पशु आ वेश्या देल दुश्मनी ईट्याव, अदकि आकी लाचार अदकि नंगा माळ बुट्टाव, अदकि आकनि मास तीन बुट्टाव, अदकि आकी बेक्की दा होताक बुट्टाव. 17 यतकी परमेश्वर आंदुर मन दा ईद हाक्यान कर् आंदुर आऊन मनसा पुरा माळुल, अदकि यागासताका परमेश्वर उन वचन पुरा आगाल्द आगासताका ऊंद मन आगकु तान तान राज्य पशु उक कोटबुळी. 18 आ आर्त, यारी नी नोळ्द, अद धोळ नगर हुन जो पृथ्वी इन राजागोळ मा राज्य माळतद.”

## 18

बेबीलोन इन पतन

1 इदुर बाद्दा ना ऊंद स्वर्गदूत उक स्वर्ग टु ईळुतेला नोळदीन, यारी धोळ अधिकार प्राप्त ईरोद; अदकि पृथ्वी आऊन तेज देल चमकुसकु येळत. 2 \*आव धोळ शब्द देल कारूकु अंदुन, “बदिदोत, धोळ बेबीलोन बदिदोत! अद दुष्टआत्मागोळ्द नवास, अदकि हर ऊंद अशुध्द आत्मा अनूद हड्डा, अदकि हर ऊंद अशुध्द अदकि बेकार पक्षी इन हड्डा आगेत. 3 यतकी आऊन

व्यभचार इन भयानक सारा अन्द कारण सब जातीगोळ बदिव, अदकि पृथ्वी इन राजागोळ आऊन सांगुळ व्यभचार माळदुर, अदकि पृथ्वी इन व्यापारी आऊन सुख-विलास इन बहुतायत इन कारण धनवान आदुर.”

4 बाक ना स्वर्ग टु ऊंद अदकि शब्द केळदीन, “हे नान लॉकुरा, आऊन दा टु होटबुळी कर्ी नीव आऊन पापगोळ दा भागी आगबाळी, अदकि आऊन वत्तितगोळ दा टु याऊ नीम मा बरबाळुल. 5 यतकी आऊन पापगोळद ढेर स्वर्ग ताका पहुचुसेत, अदकि आऊन अपराध परमेश्वर उक याद होट बंदाव. 6 ह्यांग आव नीमी कोट्टुन हांग अच आऊक कोळी, अदकि आऊन क्याल्सागोळद अनुसार आऊक येढढ गुणा ज्यादा कोळी; या कटोरा दा आव तुमकु कोटीदुन अदुर दा आऊन साटी येढढ गुणा तुमकु कोळी.” 7 याट आव तान बळाई माळदुन अदकि सुखविलास माळदुन, आट आऊक दुख अदकि शोक कोळी; यतकी अद तान मन दा अनतद, “ना रानी आगकु कुरतीन, रांड्यागीत ईला; अदकि शोक दा यागलु बळितीदील.” 8 ई कारण ऊंद अच दनि दा आकी मा परेशानीगोळ होट बंदाव, मतलब सायोद, अदकि शोक, अदकि अकाल, अदकि आक बेक्की दा भसम माळकु आदार, यतकी आकनि न्यायी प्रभु परमेश्वर शक्तमिान आन.

9 “पृथ्वी इन राजा यार आऊन सांगुळ व्यभचार अदकि सुख-विलास माळदुन, याग आऊन होत्तोद धुंगा नोळ्यार, रा आऊन साटी वर्लेयार अदकि याद्दा पीटस्यार.” 10 आऊन पीळा अन्द अंजुक इन मारा आंदुर बळा दुर नीदुरकु अंदार, “हे धोळ नगर, बेबीलोन! हे मजबूत नगर, हाय! हाय! घळीतीम दा अच नीनी दण्ड सकिग्याद.”

11 “पृथ्वी इन व्यापारी आऊन साटी वर्लेयार अदकि कलपुस्यार, यतकी ईग याऊ आंदुर माल कोम सकालुन; 12 मतलब व्हानना, बेळ्ली, रत्न, मोती, अदकि मलमल, अदकि जांभळा, रेशमी, अदकि क्याचांद रंग इन कपळा, अदकि हर प्रकार इन सुगनधति हुळ्ली अदकि हत्ती इन हल्ल इन हर प्रकार इन वस्तुगोळ, अदकि कमिती काठ अदकि पीतळा अदकि लोवा अदकि संगमरमर इन सब प्रकार इन वस्तुगोळ, 13 अदकि ब्याळा चाकरा, मसाला, धूप, अत्तर, लुबान, सारा, जैतुन इन याण्णा, मैदा, गोदी, गोसी-वस्ता, म्यांडा-आळगोळ, घ्वाळा रथ, अदकि दास, अदकि मंळसागोळद जीव. 14 ईग नीन मन भाऊसावाळा काय नीन हात्ती टु होगतेला ईत्तव, अदकि स्वादष्टि अदकि भळकीला वस्तुगोळ नीन से दुर आगोग्याव, अदकि अव बाक यागलु सकितीदील.” 15 ई वस्तुगोळ व्यापारी जो आऊन द्वारा धनवान आगीदुर, आऊन पीळा अन्द अंजुक इन मारा दुर नीदुरकु ईत्तार, अदकि वर्लतेला अदकि कलपुस्तेला अंदार, 16 “हाय! हाय! ईद धोळ नगर जो मलमल, अदकि जांभळा रंग इन अदकि क्याचांद रंग इन कपळा हाककु ईरोन, अदकि व्हानना अदकि रत्नगोळ अदकि मोतगिोळ देल सजुस्कु ईरोन; 17 घळीतीम दा अच आऊन हगि भारी धन नाश आगेत.” हर ऊंद मांझी अदकि यातरी अदकि मल्लाह, अदकि याट समुद्र टु कमुसतार, सब दुर नीदुरदुर, 18 अदकि आऊन होत्तोद धुंगा नोळकु कारूकु अंदार, “यातोद नगर ई धोळ नगर इन घाई आद?” 19 अदकि

तान तान ताललागोळ मा धुळा हाक्यार, अदकि वरलतेला अदकि कलपुस्तेला चलिंलास चळिलासकु अंदार, “हाय! हाय! ईद धोळ नगर यदुरद सम्पत्तर्ति इन द्वाारा समुद्र अन्द सब जहाजवाळेर धनी आगोगीदुर, घळीतीम दा अच ऊजळुसेत.”

20 हे स्वर्ग, अदकि हे पवतिर लॉकुरा, अदकि प्रेरतिगोळा, भवषियवक्तागोळ, आऊन मा आनन्द माळी, यतकी परमेश्वर न्याय माळकु आऊन से नीम्द बदला ताकोडुन!

21 बाक ऊंद बलवान स्वर्गदूत बळा चक्की इन पट्टा अन्द घाई ऊंद कल्ल नेगदुन, अदकि ईद अनकु समुद्र दा भीट बुट्टुन, धोळ नगर बेबीलोन हगि अच धोळ ताकत देल केडुकु आदीत, अदकि बाक यागलु अदुर पता हततदील. 22 वीणा मुरसावाळेर, अदकि गायकगोळा, अदकि कोळ्ल मुरसावाळेरा, अदकि तुरही ऊयावाळेरद शब्द बाक यागलु नीन दा केळ बरतीदील; अदकि यावारा उद्धम उन यावारा कारीगर भी बाक यागलु नीन दा मल्लिसतीदील; अदकि जाता अन्द नळोद आवाज बाक यागलु नीन दा केळ बरतीदील; 23 अदकि दगिया अन्द ऊजळ बाक यागलु नीन दा चमकुसतीदील, अदकि मंळगार अदकि मंळगीत इन शब्द बाक यागलु नीन दा केळ बरतीदील; यतकी नीन व्यापारी पृथ्वी इन प्रधान ईरोर, अदकि नीन टोना देल सब जातीगोळ भरमुसकु आगीदव.

24 भवषियवक्तागोळ अदकि पवतिर लॉकुर, अदकि पृथ्वी मा सब घात माळकु आदुर आंदुरद रक्ता आऊन दा सक्याद.

## 19

1 इदुर बाद्दा ना स्वर्ग दा मान्सी धोळ भीळ इक ऊँचा शब्द देल ईद अन्तेला केळदीन, “हल्लल्लिय्याह! उद्धार अदकि महमा अदकि सामर्थ्य नाम्द परमेश्वर उन अच हुन. 2 यतकी आऊन नरिण्य खरा अदकि ठीक आव. आव आ धोळ वेश्या अन्द, जो तान व्यभचार देल पृथ्वी इक भ्रष्ट माळेर, न्याय माळदुन अदकि आकनि से तान दासगोळ्द रक्ता अन बदला ताकोडुन.” 3 बाक दुसरा बार आंदुर अंदुर, “हल्लल्लिय्याह! आऊन होत्तोद धुंगा हमेशा हमेशा येळतेला ईत्तीत.” 4 आग चोवीस स्याणागोळ अदकि नाक प्राणीगोळ बदिक् परमेश्वर उक प्रणाम माळदुर, जो सहिसन मा कुर्तकु ईरोन, अदकि अंदुन, “आमीन! हल्लल्लिय्याह!”

मेमना अन्द मदा

5 आग सहिसन दा टु ऊंद शब्द होळत, “हे नामव परमेश्वर देल सब अंजावाळेर दासगोळा, येन स्याणेव, येन धोड्डेव; नीव सब आऊन स्तुर्ति माळी.” 6 बाक ना धोळ भीळ इन घाई अदकि हापाळ नीर इन घाई शब्द, अदकि गर्जन इन घाई धोळ शब्द केळदीन: “हल्लल्लिय्याह! यतकी प्रभु नाम्द परमेश्वर सर्वशक्तमानि राज्य माळतान. 7 बरी, नाव आनन्दति अदकि मग्न आगाता, अदकि आऊन स्तुर्ति माळाता, यतकी म्यांडा अन्द पाड्डा अन्द मदा होट बंदाद, अदकि आऊन मंळगीत तान तान इक तयार माळ कोडुर. 8 आऊक शुद्ध अदकि चमकदार महीन मलमल हाक्कोद अधिकार कोटकु

आग्याद.” यतकी आ साफ मलमल इन मतलब पवतिर लॉकुरद न्याय इन क्योलसा आद.

9\*आग स्वर्गदूत नान से अंदुन, “ईद लखिस किधन्य आंदुर आर, जो म्यांडा अनूद पाड्डा अनूद मदा अनूद भोज दा कारूकु आग्यार.” बाक आव नान से अंदुन, “ई वचन परमेश्वर उन सत्य वचन हुन.”

10 आग ना आऊक प्रणाम माळोर साटी आऊन कालगोळ मा बदिदीन. आव नान से अंदुन, “नोळ, हगि माळबाळ, ना अपमान अदकि नीन वारदुरगोळद संगी दास हुईन जो यीशु उन गवाही कोळदुर मा स्थरि आन. परमेश्वर उक अच प्रणाम माळ.” यतकी यीशु उन गवाही भवषियवाणी इन आत्मा हुन.

बळ्ळीद घ्वाळा मा कुरावाळा

11 बाक ना स्वर्ग इक तेरूकु नोळदीन, अदकि नोळतीन कि ऊंद बळ्ळीद घ्वाळा आद; अदकि अदुर मा ऊंद सवार आन, जो वशिवासयोग्य अदकि सत्य कहलुस्तान; अदकि आव न्याय इन सांगुळ न्याय अदकि लळाई माळतान.

12 आऊन कण्णगोळ बेक्की इन ज्वाला आव, अदकि आऊन ताल्ला मा हापाळ सा राजमुकुट आव. आऊन मा ऊंद हेसुर लखिसकु आद, यारी आऊक बटिकु अदकि याऊ जान्सालुन. 13 आव रक्ता सपिसकु कपळा हाक्कु आन, अदकि आऊन हेसुर परमेश्वर उन वचन हुन. 14 स्वर्ग इन सेना बळ्ळीद घ्वाळागोळ मा सवार अदकि बळ्ळीद अदकि शुद्ध मलमल कपळा हाक्कु आऊन हदि हदि आर.

15\*जाती जाती इक बडोर साटी आऊन बाय देल ऊंद तेज धार इन तलवार होळतद. आव लोवा अनूद छळी हळकु आंदुर मा राज्य माळ्यान, अदकि सर्वशक्तमान परमेश्वर उन भयानक प्रकोप इन जलजलाहट इन सारा अनूद कुंड दा अंगुर मेट्यान. 16 आऊन कपळा अदकि जांघ मा ईद हेसुर लखिसकु आद: “राजागोळ राजा अदकि प्रभुगोळ प्रभु.”

17 बाक ना ऊंद स्वर्गदूत उक सुर्य मा नीदुरकु नोळदीन. आव धोळ शब्द देल कारूकु आकाश इन न्याड्या दा टु ऊळसावाळेर सब पक्षीगोळ देल अंदुन, “बरी, परमेश्वर उन धोळ भोज इन साटी जमा आगोगी, 18 यदुर देल नीव राजागोळद मास, अदकि सरदारगोळद मास, अदकि शक्तमान गंळसगोळद मास, अदकि घ्वाळागोळद अदकि अऊर मा सवार आगतार आंदुर मास, अदकि येन स्वतंत्र येन दास, येन स्याणेव येन धोड्डेव, सब लॉकुरद मास तनी.”

19 बाक ना आ पशु, अदकि पृथ्वी इन राजागोळ इक अदकि आंदुरद सेनागोळ इक आ घ्वाळा अनूद सवार अदकि आऊन सेना से लळाई माळोर साटी जमा नोळदीन. 20\*अद पशु, अदकि अदुर सांगुळ आव ख्वाटा भवषियवक्ता हळकु आदुन याव आऊन मुंद हगि चनिह तोरसीदुन यदुर द्वारा आव आंदरी भरमुसदुन यदुर मा आ पशु उन छाप ईरोद अदकि जो अदुर मूर्ति इन पुजा माळतोगोर. ईव येदुदु जतिता जीव आ बेक्की इन झील दा, जो गन्धक देल होततद, हाक्कु आदुर. 21 बाकी नोर लॉकुर आ घ्वाळा अनूद सवार इन तलवार देल, जो अदुर बाय देल होळतोगोद, कोदकु आदुर; अदकि सब पक्षी आंदुर मास देल संतुष्ट आगोदुर.

\* 19:9 १९:९ मत्ती २२:२३

\* 19:15 १९:१५ प्रकाशतिवाक्य १४:२०

\* 19:20 १९:२०

## 20

## हजार वर्ष इन राज्य

1 बाक ना ऊंद स्वर्गदूत उक स्वर्ग टु ईळुतेला नोळदीन, याऊन कय दा अथाह-अधोलोक इन कुंजी अदकि ऊंद धोळ शंकली ईरोद. 2 आव आ अजगर, मतलब हाळोद हाव इक, जो इबलीस अदकि शैतान आन, हुडुकु हजार वर्ष इन साटी कट बुट्टुन, 3 अदकि अदरी अथाह-अधोलोक दा हाक्कु बंद माळ बुट्टुन अदकि अदुर मा मोहर हच बुट्टुन की अद हजार वर्ष इन पुरा आगासताका गैर यहूदी लॉकुरी बाक भरमुस बाळुल. इदुर बाददा जरूरी आद की अद घळी तीम साटी बाक खोलसकु आगुल.

4 बाक ना सहिसन नोळदीन, अदकि अऊर मा लॉकुर कुरतुर, अदकि आंदरी न्याय माळोद अधिकार कोटकु आत. ना आंदुर आत्मागोळ इक भी नोळदीन, यार ताल्ला यीशु उन गवाही कोळोद अदकि परमेश्वर उन वचन इन कारण कडुकु आगीदव, अदकि यार ना आ पशु उन, अदकि ना अदुर मूर्त्त इन पुजा माळीदुर, अदकि ना अदुर छाप तान ह्याणा अदकि कयगोळ मा ताकोंडीदुर. आंदुर जत्तिता आगकु मसीह अनूद सांगुळ हजार वर्ष ताका राज्य माळतेला ईरूल. 5 यागासताका ईव हजार वर्ष पुरा आगीदील आगासताका बाकी नोर सोतकु मंळसा जत्तिता आगीदील. ईद रा पयला पुनरूत्थान हुन. 6 धन्य अदकि पवत्रि आव आन, जो ई पयला पुनरूत्थान इन भागी आर. हगिर मा दुसरा मृत्यु उन यातोदु अधिकार हैलेच, पर आंदुर परमेश्वर अदकि मसीह अनूद याजक आदार अदकि आऊन सांगुळ हजार साल ताका राज्य माळ्यार.

## शैतान उन वनाश

7 याग हजार साल पुरा आगेदव रा शैतान कैद टु बळिसुसकु आगेदान. 8 अद आ जातीगोळी जो धरती इन नाकु दी ईत्तीत, मतलब गोग अदकि मागोग इक यऊरूद गनिती समुद्र अनूद गागरा अनूद बराबर ईत्तीत, भरमुसकु लळाई इन साटी जमा माळली होट्टीत. 9 अव सप्पा धरती मा फैलुसकु पवत्रि लॉकुरद छावनी अदकि प्रिय नगर इक घेरस बुट्टाव; अदकि बेक्की स्वर्ग टु ईळुकु आंदरी भसम माळीत. 10 आंदुरद भरमुसावाळा शैतान बेक्की अदकि गन्धक इन आ झील दा, यदुर दा आ पशु अदकि ख्वाटा भवषियवक्ता भी ईत्तान, हाकसुसकु आदार; अदकि आंदुर ईळ्लक हागुल हमेशा हमेशा दुख दा तळपुळस्त ईत्तार.

## आखरी न्याय

11 बाक ना ऊंद धोळ बळीद सहिसन अदकि आऊक, जो अदुर मा कुर्तकु आन, नोळदीन; आऊन मुंद टु पृथ्वी अदकि आकाश ओळेदव, अदकि आंदुर साटी जागा सकिदील. 12 बाक ना स्याणेर धोड्डेर सब सोतकु मंळसागोळ इक सहिसन इन मुंद नीदुरकु नोळदीन, अदकि कतिबगोळ खोलसकु आदव; अदकि बाक ऊंद मात्त कतिब खोलसकु आत, मतलब जीवन इन कतिब; अदकि ह्यांग आ कतिबगोळ दा लखिसकु ईरोद, हांग अच आंदुर क्याल्सागोळ्द अनुसार सोतकु मंळसागोळ्द न्याय माळकु आत. 13 समुद्र आ सोतकु मंळसागोळ इक जो अदुर दा ईरव कोट बुळ्त्त, अदकि मृत्यु अदकि अधोलोक

आ सोतकु मंळसागोळ इक जो अदुर दा ईरव कोट बुळ्त; अदकि आंदुर दा टु हर ऊंद मंळसा अक आंदुर क्याल्सागोळ अनूद अनुसार आंदुर न्याय माळकु आत. 14 मृत्यु अदकि अधोलोक बेक्की इन झील दा हाक्कु आदव. ईद बेक्की इन झील दुसरा मृत्यु हुन; 15 अदकि यारदारा हेसुर जीवन इन कतिाब दा लखिसकु सकितीदील, आव बेक्की इन झील दा हाक्कु आदुन.

## 21

व्हाशोद आकाश अदकि व्हाशोद पृथ्वी

1 \*बाक ना व्हाशोद आकाश अदकि व्हाशोद पृथ्वी इक नोळदीन, यतकी पयला आकाश अदकि पयला पृथ्वी होगतेला ईरोद, अदकि समुद्र भी ईतीदील. 2 \*बाक ना पवतिर नगर व्हाशोद यरूशलेम इक स्वर्ग टु परमेश्वर उन हात्ती टु ईळुतेला नोळदीन. अद आ मंळगीत इन घाई ईरोद जो तान गांड् उन साटी सगार माळकु आर. 3 बाक ना सहिसन दा टु यावारा अक धोळ शब्द देल ईद अनतेला केळदीन, “नोळ, परमेश्वर उन ड्यारा मंळसागोळ्द न्याड्या दा आद. आव आंदुर सांगुळ ड्यारा माळ्यान, अदकि आंदुर आऊन लॉकुर आदार, अदकि परमेश्वर खुद आंदुर सांगुळ ईत्तान अदकि आंदुर परमेश्वर आदान. 4 आव आंदुर कण्णगोळ देल सप्पा नीर सट्टि कोंडान; अदकि इदुर बाद्दा मृत्यु ईला ईत्तीत, अदकि न शोक, न वलिाप, न पीळा ईत्तीत; पयला मातगोळ होगतेला ईत्तव.”

5 जो सहिसन मा कुर्तकु ईरोन, आव अंदुन, “नोळ, ना सब येनारा व्हाशोद माळकु कोळतीन.” बाक आव अंदुन, “लखिस कोम, यतकी ईव वचन वशिवास इन योग्य अदकि सत्य आव.” 6 बाक आव नान से अंदुन, “ईव मातगोळ पुरा आगेग्याव. ना अल्फा अदकि ओमेगा, पयला अदकि आखरी हुईन. ना प्यासा अक जीवन इन नीर इन झरना दा टु फुकट दा कुडोद अधिकार कोळाईन. 7 जो वजिय आदान आवा ई वस्तुगोळ्द वारीस आदान, अदकि ना आऊन परमेश्वर आगाईन अदकि आव नान पार आदान. 8 लेकीन डरपोकगोळा, अदकि अवशिवासीगोळा, अदकि नीच हरकत माळावाळेरा, अदकि हत्या माळावाळेरा अदकि व्यभचिरीगोळा, अदकि जादू टोना माळावाळेरा, अदकि मूर्ति इन पुजा माळावाळेरा, अदकि सब ख्वाटा मातगोळ्द भाग आ झील दा सकिकीत जो बेक्की अदकि गन्धक देल होततेला ईरतद: ईद दुसरा मृत्यु हुन.”

व्हाशोद यरूशलेम

9 बाक आ येळ स्वर्गदूतगोळ हात्ती येळ आखरी परेशानी देल तुमकु येळ कटोरागोळ ईरव, आंदुर दा टु ऊंद नान हात्ती बंदुन, अदकि नान सांगुळ मातगोळ माळकु अंदुन, “ईल बर, ना नीनी मंळगीत मतलब म्यांडा अनूद पाड्डा अनूद हगिस तोरसाईन.” 10 आग आव नानी आत्मा दा ऊंद धोळ अदकि ऊंचा पहाळ मा ओतुन, अदकि पवतिर नगर यरूशलेम इक स्वर्ग टु परमेश्वर उन हात्ती टु ईळुतेला तोरसदुन. 11 परमेश्वर उन महिमा आंदुरदा ईरोद, अदकि आऊन ज्योति हापाळ अच कमिती कल्ल, मतलब बल्लौर इन



घाई यशब उन घाई स्वच्छ ईरोद. 12 आऊन दविर शयरपनाह धोळ ऊँचा ईरोद, अदकि आऊन हन्नेळ फाटक अदकि फाटकगोळ मा हन्नेळ स्वरगदूत ईरोर; अदकि आ फाटकगोळ मा इस्त्राएलीगोळ्द हन्नेळ गोत्रगोळ्द हेसुर लखिसकु ईरव. 13 पूर्व दशिा अन दी मुर फाटक, उत्तर दशिा अन दी मुर फाटक, दक्षणि दशिा अन दी मुर फाटक, अदकि पश्चिमि दशिा अन दी मुर फाटक ईरव. 14 नगर इन दविर इन शयरपनाह अन्द हन्नेळ नीवगोळ ईरव, अदकि अदुर मा म्यांडा अन्द पाड्डा अन्द हन्नेळ प्रेरतिगोळ्द हन्नेळ हेसुर लखिसकु ईरव. 15 जो नान सांगुळ मातगोळ माळोन आऊन हात्ती नगर अदकि आऊन फाटकगोळ अदकि आऊन शयरपनाह अक आळोर साटी ऊंद व्हान्ना अन्द गज ईरोद. 16 अद नगर वर्गाकार बसुस्कु ईरोद अदकि अदुर्द लंबाई, चौळाई इन बराबर ईरोद; अदकि आव आ गज देल नगर इक आळदुन, रा साढे येळ सौ कोस इन होळ्दत: अदुर्द लंबाई अदकि चौळाई अदकि ऊँचाई बराबर ईरोद. 17 आव आऊन शयरपनाह अक मंळसा अन्द मतलब स्वरगदूत उन नाप देल आळदुन, रा ऊंद सौ चौवालीस कय होळ्दत. 18 आऊन शयरपनाह यशब इन बन्सकु ईरोद, अदकि नगर हगि शुद्ध व्हानना अन्द ईरोद जो स्वच्छ काँच इन घाई ईरूल. 19 आ नगर इन नीवगोळ हर प्रकार इन कमिती कल्लगोळ देल सवारसकु ईरोद; पयला पायवा यशब देल, दुसरा नीलमणी देल, तीसरा लालळी देल, चौथा मरकत देल, 20 पाचवा गोमेदक देल, सहावा माणकिय देल, सातवा पीतमणी देल, आठवा पेरोज देल, नववा पुखराज देल, दसवा लहसनगि देल, गयारवा धूम्रकान्त देल, अदकि बारवा चन्द्रकाँत मणी देल बन्सकु ईरोद. 21 हन्नेळु फाटक हन्नेळ मोतीगोळ्द ईरव; ऊंद ऊंद फाटक ऊंद ऊंद मोती इन माळकु ईरोद. नगर इन सळक स्वच्छ काँच इन घाई शुद्ध व्हान्ना अन्द ईरोद.

22 ना अदुर्दा यातोदु मंदरि नोळीदील, यतकी सर्वशक्तमिान प्रभु परमेश्वर अदकि म्यांडा अन्द पाड्डा अदुर्द मंदरि आद. 23 आ नगर दा सुर्य अदकि चंद्रमा अन्द ऊजुळ इन जरवत हैलेच, यतकी परमेश्वर उन तेज देल अदुर्दा ऊजुळ आगेत्याद, अदकि म्यांडा अन्द पाड्डा आऊन दगिया हुन. 24 जाती-जाती इन लॉकुर आऊन ज्योती दा नळुकु वयाळ्यार, अदकि पृथ्वी इन राजा तान तान तेज इन सामाईन अदुर दा तंदार. 25 आऊन फाटक हागुल इक यागलु बंद आगतीदील, अदकि ईळलक अल आगतीदील. 26 लॉकुर जाती जाती इन तेज अदकि वैभव इन सामाईन अदुर दा तंदार. 27 लेकीन अदुर्दा यातोदु अपवतिर वस्तु या बेकार कयाल्सा माळावाळा, या ख्वाटा मात्तगोळ गढुसावाळा यातोदु रीत देल प्रवेश माळ सकालुन, पर सर्फि आ लॉकुर यार हेसुर म्यांडा अन्द पाड्डा अन्द जीवन इन कतिाव दा लखिसकु आव.

## 22

1 बाक आव नानी बल्लौर इन घाई झलकुसतेला, जीवन इन नीर इन गांगा तोरसदुन, जो परमेश्वर अदकि म्यांडा अन्द पाड्डा अन्द सहिसन टु होटकु 2 आ नगर इन सळक इन न्याड्या वाहुसोद. गांगा अन ईप्पाटी अदकि आप्पाटी जीवन इन मारर ईरोद; अदुर्दा हन्नेळ प्रकार इन काय हत्तव,

अदकि अदरी हर तगिळ काय हत्तव; अदकि आ मार्र इन याल्लागोळ देल गैर यहूदी लॉकुर चंगा आगतोगोर.

3 बाक श्राप आगतीदील, अदकि परमेश्वर अदकि म्यांडा अनूद पाडडा अनूद सहिसन आ नगर दा ईत्तीत अदकि आऊन दास आऊन स्यावा माळ्यार.

4 आंदुर आऊन बाय नोळ्यार, अदकि आऊन हेसुर आंदुर हयाणागोळ मा लखिसकु ईत्तीत. 5 बाक ईळलक आगतीदील, अदकि आंदरी दगिया अदकि सुर्य अनूद ऊजूळ इन जरवत बळितीदील, यतकी प्रभु परमेश्वर आंदरी ऊजूळ कोट्टान, अदकि आंदुर हमेशा हमेशा राज्य माळ्यार.

यीशु उन दुबारा बरोद

6 बाक आव नान से अंदुन, “ईव मातगोळ वशिवास इन योग्य अदकि सही आव. प्रभु, जो भवषियवक्तागोळ आत्मागोळ्द परमेश्वर हुन, तान स्वरगदूत उक इदुरसाटी कळुदुन कर्ता तान दासगोळी अव मातगोळ, यदुर राटनेरी पुरा आगोद जरूरी आद, तोरस्यार.”

7 “नोळ, ना राटनेरी बरावाळा आईन! धन्य आन आव, जो ई कतिाव इन भवषियवाणी इन मातगोळ मान्सतान.”

8 ना आवा यूहनना हुईन, जो ईव मातगोळ केळीन अदकि नोळतोगीन. याग ना केळदीन अदकि नोळदीन, रा जो स्वरगदूत नानी ईव मातगोळ तोरसतोगोन, ना आऊन कालगोळ मा प्रणाम माळोर साटी बदिदीन. 9 लेकीन आव नान से अंदुन, “नोळ, हगि माळबाळ; यतकी ना नीन, अदकि नीन वार्ड भवषियवक्तागोळ, अदकि ई कतिाव इन मातगोळ इक मान्सावाळेर्द संगी दास हुईन. परमेश्वर उक अच प्रणाम माळ.” 10 बाक आव नान से अंदुन, ई कतिाव इन भवषियवाणी इन मातगोळी बंद माळबाळ; यतकी समय हात्ती आद. 11 जो अन्याय माळतान, आव अन्याय अच माळतेला ईरूल; अदकि जो मलनि आन, आव मलनि बन्सकु ईरूल; अदकि जो न्यायी आन, आव न्यायी बन्सकु ईरूल; अदकि जो पवत्तिर आन; आव पवत्तिर बन्सकु ईरूल.

12 “नोळ, ना राटनेरी बरावाळा आईन; अदकि हर ऊंद मंळसा अनूद कयालसा अनूद अनुसार मोहबदला कोळोर साटी प्रतफिल नान हात्ती आद. 13 अना अल्फा अदकि ओमेगा, पयला अदकि आखरी, पयले टु अदकि अन्त हुईन.

14 “धन्य आंदुर आर, जो तान कपळा ओगु कोमतार, यतकी आंदरी जीवन इन मार्र इन हात्ती बरोद अधिकार सक्कीत, अदकि आंदुर फाटकगोळ देल आगकु नगर दा प्रवेश माळ्यार. 15 लेकीन नायगोळ, अदकि टोना माळावाळेरे, अदकि व्यभचारी, अदकि खुनीगोळ अदकि मूर्त्ति इन पुजा माळावाळा, अदकि हर ऊंद ख्वाटपन इक चाहसावाळा अदकि घळुसावाळा व्हारया ईत्तान.

16 “नानी यीशु तान स्वरगदूत उक इदुरसाटी कळुदुन कर्ता नीम मुंद मंडलीगोळ्द बारा दा ई मातगोळ्द गवाही कोळुल. ना दाऊद उन मुल अदकि वंश, अदकि व्हातुर इन चमकुसतेला तारा हुईन.”

17 आत्मा अदकि मंळगीत येढ्ढु अंतर, “बर!”

अदकि केळावाळा भी अंदान, “बर!”

जो नीरळ्कु ईतीदान आव बरूल, अदकि जो यावारा चाहासतान आव जीवन इन नीर फुकट दा ताकोमुल.

समापन

18 ना हर ऊंद मंळसा अक, जो ई कतिब इन भवषियवाणी इन मातगोळ केळतान, गवाही कोळतीन: अगर यावारा मंळसा ई मातगोळ दा येनारा वाळुस्यान रा परमेश्वर आ परेशानीगोळ इक, जो ई कतिब दा लखिसकु आव, आऊन मा वाळुस्यान. 19 अगर यावारा ई भवषियवाणी इन कतिब इन मातगोळ दा टु येनारा तेगु कौडान, रा परमेश्वर आ जीवन इन मारूर अदकि पवतिर नगर दा टु, यदुर्द वर्णन ई कतिब दा आद, अदुर भाग तेगु कौडान.

20 जो ईव मातगोळद गवाही कोळतान आव ईद अनतान, “हव, ना जल्दी बरावाळा आईन.” आमीन.

हे प्रभु यीशु बर!

21 प्रभु यीशु उन अनुग्रह पवतिर लॉकुरद सांगुळ ईरूल. आमीन.